



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am



r

ՀՐԱՉԻԿ ՍԻՄՈՆՅԱՆ

ԱԶԱՏԱԳՐԱԿԱՆ ՊԱՅՔԱՐԻ

ՈՒՂԻՆԵՐՈՒՄ

Չորս գրքով

Գիրք

II

«Հայագիտակ»
ԵՐԵՎԱՆ 2003

ՀՏԴ 941 (479.25)
ԳՄԴ 63 3 (22)
Ս 504

Գ Լ Ո Ւ Խ Ո Ռ Ի Թ Ե Ր Ո Ր Դ

**ԹՈՒՐԹ-ՀԱՅԿԱԿԱՆ ԸՆԴՀԱՐՈՒՄՆԵՐԻ ԱՎԱՐՏԸ
ԵՎ ՀԵՏԵՎԱՆՔՆԵՐԸ**

Թեև ռուսական մեծ Հեղափոխությունն աստիճանաբար գնում էր դեպի անկում, բայց ազատագրական շարժումը երկրում 1906թ. ամռան սկզբից կարճատև վերելք ապրեց:

Չնայած դաժան ռեպրեսիաներին, գործադուլային ալիքն ընդգրկեց արդյունաբերական մի շարք խոշոր կենտրոններ: Հուլիսյան ընդգրկեցին բանակը: Ինչ վերաբերում է գյուղացիությանը, նա թոթափում էր իր միամիտ հավատը ցարի նկատմամբ և դառնում էր երկիրը դեպի նոր ուղի մղող, դեպի պետական ու հասարակական կյանքի նոր ձևեր տանող ամենակարևոր գործոններից և գլխավոր շարժիչ ուժերից մեկը: Նրա պարզած դրոշի վրա գրված էր՝ «Հող և ազատություն»:

1906թ. ամռանը ագրարային շարժումը լայնորեն ծավալվեց նաև Կովկասում: Առաջվա պես այն համառու և կազմակերպված էր Թիֆլիսի և Բուժայիսի շրջաններում: Այդ տեղերում գյուղացիները հերոսական կռիվ էին մղում որոշակի առաջադրելով «Ամբողջ Հողն ու ամբողջ ազատությունը» լոզունգը:

Ինչ վերաբերում է Երևանի, Բաքվի, Գանձակի նահանգներին, ապա դրանցում գյուղացիությունը առաջվա պես լիովին դուրս էր մնացել Հեղափոխական Հակացարական պայքարից՝ կառավարության թափած ջանքերով: Այդ նահանգներում հրապարակը բռնել էին ոչ թե Հեղափոխական, այլ ազգային-հեղափոխական (Հայերի կողմից) և ազգային-պահպանողական (թուրքերի կողմից) ուժերը:

Բոլշևիկյան «Կայծը» գրում էր, որ թուրք և Հայ գյուղացիությունը փոխանակ համերաշխությամբ կռվելու հողի ու ազատության համար, զբաղված են կոտորածներով: Դա սուսկալի է: «Դա մի ընդհանուր չարիք, ընդհանուր դժբախտություն է թե՛ իր ծագումով և թե՛ հետևանքներով: Հայ-թուրքական կոտորածը մի էջ է այն մեծ ողբերգության մեջ, որ ներկայումս ապրում է Ռուսաստանը»¹:

Թերթը նշում էր, որ Հայ գյուղացիությունը, որ իրենից ներկայացնում է հզոր ուժ, կարող է կովկասյան կռվի մեջ վճռական դեր ունենալ: «Կայծը»

¹ «Կայծ», N 24, 7 հունիսի 1906թ.:

Սրմոնյան Հ.
ԱԶԱՏԱԳՐԱԿԱՆ ՊԱԹՔԱՐԻ ՈՒՂԻՆԵՐՈՒՄ
Եր.: «Հայագիտակ», 2003
764 էջ:

Ս 504

Աշխատության մեջ համակողմանիորեն քննության են առնված առաջին համաշխարհային պատերազմին նախորդած տարիներին Հայաստանում տեղի ունեցած կարևոր իրադարձությունները: Երկրորդ գիրքը ընդգրկում է 1906թ. օգոստոս - 1907թ. հուլիս ժամանակահատվածը:

Ս. 0503020913 2003
786(01) -2003

ԳՄԴ 63.3 (22)

1513 99930-870-9-2
©«Հայագիտակ»

Հայ բոլշևիկների անունից դիմում էր հայկական գաղափարների մտավորականության գիտակից մասին.

«Արթնացրե՛ք զանգավածներին, կազմակերպեցե՛ք նրանց առանց ազգի ու կրոնի խտրության, համախմբեցե՛ք նրանց հեղափոխական բանակի շուրջը՝ կռվելու համար Ռուսաստանի գյուղացիության ընդհանուր լողունգի տակ: Որքան մեծ լինի [հեղափոխության] ուժը, այնքան մոտ կլինի հաղթությունը, այնքան շուտ կլինի վախճանն ամեն մի սադրանքի ու կոտորածի ...»¹:

Հեղափոխության պիքների բարձրացմանը զուգընթաց, ոճրագործ բռնակալությունը նորից ամեն տեղ շարժում էր իր մութ ուժերը, ամեն տեղ, ուր հրնար ունեւր, զինվորական կոշիկի տակ էր առնում իշխանությունների դեմ ուղղված փոքր ընդվզումն իսկ, միմյանց դեմ հանում հպատակ ազգերը՝ նպատակ ունենալով եղբայրասպան արյան մեջ խեղդել արյունաքամ և ուժասպառ ժողովրդի բողոքի ձայնը:

1906թ. աման սկզբից թուրք-հայկական հարաբերությունները Կովկասում նորից սրվեցին: Շուշիից, Երևանից, Ղարսից, Սուրմալուից հուսահատ աղաղակներ էին լսվում վերահաս վտանգի մասին:

«Դրոշակը» գրում էր.

«Որպիսի՜ դժոխք է ստեղծվել մեր դժբախտ երկրում, ինչե՛ր չտեսավ խեղճ ժողովուրդը վերջին տարիներին, և դեռ, ո՞վ գիտե, ինչ սարսափներ են պահված նրա համար սրանից հետո: Միայն Հայ ժողովուրդը չէ, իհարկե, որ նահատակվում է այդ սարսափներից: Ինքը՝ թուրք մասսան ... նույնքան տուժում ու տանջվում է, որքան և Հայ ժողովուրդը»²:

Արդեն թուրքերը ամեն առիթով նույն բանն էին կրկնում. «Շեյթանի՞ տունը Աստված քանդի. բոլորը նրա արածն է»: Բայց այդ դժգոհությունից ու անեծքից նրանք այն կողմ չէին անցնում:

Ընդհարումները թեժանում էին շատ ծանր ու վտանգավոր ժամանակ. քոչվորները ցրված էին զանազան սարերում, իսկ երկրագործ ժողովուրդը պարտավոր էր աշխատել իր դաշտերում՝ քաղ անել, հունձ անել, խրձերը կալերը տեղափոխել: Ո՛չ մեկը և ո՛չ մյուսը չէին կարող մեկուսանալ, քաշվել իրենց վրաններն ու տնրը: Նրանք պետք է աշխատեին, բայց երկուսի վրա էլ մահացու վտանգ էր կախված. մեկի վրա՝ լեռներում, մյուսի վրա՝ դաշտերում:

Առավել անտանելի էր Հայ գյուղացիների վիճակը: Անցած տարվա աշնանացանը կատարվել էր կիսատ-պոատ, իսկ 1906-ի գարնանը վարելահողերի մեծ մասը մնացել էին առանց հերկելու. պատճառներն էին՝ սերմացուի պակասը կամ բացակայությունը և դաշտում աշխատելու վախը: Հազարավոր բերաններ դեռ ամուսնը հաց էին խնդրում, իսկ ի՞նչ էր լինելու ձմռանը:

Ի՞նչ անեին գյուղացիները: Նրանց մի մասը տանը չունենալով ապրուստի և աշխատանքի միջոցներ՝ դուրս էր եկել գյուղից և պանդխտության մեկնել քաղաքներ: Մյուս մասը նույնպես ուզում էր գնալ, բայց անկարող էր Հայրենի գյուղի անապահովության պատճառով:

Գյուղական համայնքներն արգելում էին, որ երիտասարդները հեռանան, քանզի գյուղերը ենթակա էին նոր հարձակումների վտանգի, իսկ առանց ինքնապաշտպանական ուժերի աղետն անխուսափելի էր:

Բայց ինչպե՞ս մնան, ինչպե՞ս տուն ու ընտանիք պահեն, ինչո՞վ վճարեն տուրքերը – այս հարցերը տանջահար էին անում գյուղացիությանը, բայց նա պատասխան չէր գտնում:

Ակնհայտ էր, որ ինչպես երիտասարդությանը գյուղերում պահելու հարցը, այնպես էլ գյուղական զանգավածներին հետաքրքրող ուրիշ շատ հարցեր հնարավոր կլինեին լուծել, եթե երկու ժողովուրդները կարողանային դուրս գալ կործանիչ կռվից:

ՀԱՇՏՈՒԹՅԱՆ ՓՈՐՁԵՐ

Հայկական կողմը վաղուց էր պատրաստ կռիվը դադարեցնելուն: Հայ քաղաքական ուժերը հարևանին խաղաղության ձեռք մեկնելու առիթը բաց չէին թողնում: 1906թ. սկզբներից թուրքերի կողմից նույնպես գնալով ավելի ու ավելի հաճախ էին լսվում հաշտության ձայներ¹: «Ուշացած, բայց ցանկալի քայլեր» վերնագրով առաջնորդող հոդվածում «Արշալոյս» թերթը գրում էր.

«Երբեմն Բաքվից, երբեմն Շուշուց, Երևանից և բոլոր այն տեղերից, ուր բռնկված է թուրք-հայկական շարժումը, ուր երկու կատաղի, անհաշտ թշնամիների նման միմյանց դեմ բանակած են Հայ և թուրք հարևանները – այդ տեղերից գալիս են միմեծարիչ տեղեկություններ:

Մտերմական ժողովներ են գումարվում խառը, երկու ազգերի կողմից էլ կազմվում են գրական, թատերական երեկույթներ, ուր ներկա են լինում թե՛ Հայեր և թե՛ թուրքեր, տեղի են ունենում համատեղ խորհրդակցություններ, մի խոսքով՝ պարզ և ակնհայտ հաշտության տրամադրություններ են արտահայտվում կյանքում առանց համբույրների, առանց թատերական արտաքին շուքի»²:

Ովքեր էին այդ մերձեցման հեղինակները: Դրանք մեծ մասամբ ժողովրդի միջից դուրս եկած գիտակից տարրերն էին, որոնց համար չկային ոչ անմիտ թշնամություն, ոչ արյուն, ոչ հաղթություններ – այլ կային ժողովուրդների շահեր, երկրի խաղաղ կուլտուրական զարգացում, մոտալուստ ապագայի հուսալի հեռանկար, ապագա, որ այնպես ոտնատակ էր տրվել:

¹ «Կայծ», N 28, 16 Հունիսի 1906թ.:

² Նույն տեղում, N 24, 7 Հունիսի 1906թ.:

Շեյթան ասելով նկատի ունեին ցարին, կառավարությանը:

¹ «Մտաբխ», N 10, 14 Հուլիսի 1907թ.:

² «Արշալոյս», N 30, 9 փետրվարի 1906թ.:

Թեև մերձեցման տենդենցը դեռևս թույլ էր, համարյա աննշմարելի, բայց այն խորանալու բացահայտ միտում ուներ: Դա, ի վերջո, հանգեցրեց այն բանին, որ արդեն 1906թ. կեսերին շատ տեղերում համերաշխության գաղափարը որդեգրել էին ոչ քիչ թվով թուրքեր:

Հայկական մամուլը հարևաններին փորձում էր հասկացնել, որ կառավարության «հաշտեցման» մեթոդները, զինվորական պատժիչ արշավախմբերի միջոցով իրականացվող «խաղաղարար» գործողությունները պետք է չեն հայերին և ո՛չ էլ թուրքերին:

Ռուսական մամուլի պահպանողական օրգանները, հատկապես փոխարքայության «Кавказ» թերթը, 1906-ի առաջին կեսին բազմիցս գրեցին, թե Կովկասում արդեն խաղաղություն է տիրում՝ շնորհիվ զինվորական արշավախմբերի: Այդ կեղծիքը մերկացնում էին Հայկական թերթերը: «Ալիքը» գրում էր, որ պատժիչ արշավախմբերն իրենց գազանություններով սպանություններով և ուժբալոճումներով ավելի ու ավելի վատթարացրին վիճակը: Ձինվորական ո՞ր արշավախումբն է «խաղաղություն» հաստատել, - հարց էր տալիս «Ալիքը»: «Վիվերին»¹ արշավախումբը, Ֆրեյլիխի՞նը, որոնք քարուքանդ արեցին և պղծեցին Վարանդան, Լեհցկո՞ւ, որի ձեռքից արյուն-արցունք լացեց Ղազախը...»: «Անհրաժեշտ է, վերջապես, որ հայ և թուրք աշխատավոր մասսաները համերաշխության ձեռք մեկնեն իրար անմիջապես, առանց միջնորդների»²:

Հենց այդ «միջնորդներն» են, որ ամեն անգամ խափանում են երկու ժողովուրդների հնարավոր հաշտությունը: «Եթե կան բարեկամներ, - չշտում էր թերթը, - այդ մենք ենք՝ Ռուսաստանում ապրող բոլոր աշխատավորներս: Մեր փրկությունն ամենից առաջ ներկա կարգերի ոչնչացման մեջ է: Իսկ այդպիսի ոչնչացման միակ հզորագույն գրավականը բոլոր ժողովուրդների՝ սրանց թվում հայերի և թուրքերի համերաշխ գործակցությունն է»³:

Հենց առանց միջնորդների համերաշխության մի օրինակ տվեցին Լոռվա Հայ և թուրք գյուղացիները 1906թ. հուլիսի վերջերին:

«Ալիք» թերթում այդ առթիվ լույս տեսած հոդվածի հեղինակը պատմում էր, որ զանազան գյուղերից հավաքված պատվիրակների մի խումբ, բաղկացած 60 ձիավորներից, Թիֆլիսից կրկին հայրենի Լոռի եկած Հովհաննես Թումանյանի և Մ.-ի՝ ղեկավարությամբ դուրս գալով Դսեղ գյուղից, մեկնեց Ղազախի և Լոռվա սահմանների վրա տարածվող սարերը՝ հանդիպելու այնտեղ իջևանած ղազախցի թուրք քոչվոր գյուղացիներին:

Լորուտ գյուղից վաղ առավոտյան ձիավորների խումբը ուղղություն վերցրեց դեպի Չաթինդաղ սարը: Առջևից գնում էր նրանցից մեկը՝ բարձր բռնած

սպիտակ դրոշակը՝ ի նշան համերաշխության և խաղաղության: Ընդառաջ եկան մի քանի թուրք ձիավորներ, որոնք, բարի գալուստ մաղթելով, հայ պատգամավորներին հրավիրեցին իրենց վրանները: Չանցած կես ժամ, ընդարձակ տափարակի վրա հավաքվեցին 200-ից ավելի քոչվորներ: Հայ գյուղացիները սրանց հայտնեցին իրենց առաքելության մասին, ապա նրանց բացատրեցին, թե որքան կարևոր է երկու դարավոր հարևան ժողովուրդների խաղաղ գոյակցությունը և որքան կործանիչ է նրանց կոփվել: Նրանք մատնացույց էին անում արյունահեղության բուն դրդիչներին: Թուրք գյուղացիները լսում էին լարված ուշադրությամբ և հավանություն տալիս հայ հարևանների մտքերին: Չէ՞ որ բոլորի աչքի առաջ էր ավերակ, հրդեհի մատնված երկիրը՝ հազարավոր զոհերով, տնտեսական կյանքի քայքայումով:

Հայ գյուղացիների ձիավոր պատվիրակությունն, այնուհետև, այցելեց Խանբուլաղ, Տոլբաթլի, Սարիբուլաղ սարերի թուրք քոչվորներին, որոնք մեծ մասով հասարակ աշխատավոր գյուղացիներ էին՝ Ղազախից, Սալահուլից, Ղայմախլուից: Կային նաև բեկեր ու աղալարներ, որոնք իրենց հետև էին պահում եկած հայերից, բայց նրանց մեջ կային և շիտակ, ազնիվ մարդիկ, որոնք հենց սկզբից ամբողջ հոգով դեմ էին եղել հայերի հետ ընդհարումներին:

Նրանցից մեկը՝ Իսմայիլ աղան, որն ուներ բազմաթիվ Հայ բարեկամներ, ասում էր. «Մեր ժողովրդի դժբախտությունն այն է, որ տգետ է ու խավար, չի տարբերում իր բարեկամին թշնամուց և հենց այդ պատճառով շատ հեշտությամբ ենթարկվում է սադրանքների»¹:

Լսելով հայերի գալու մասին՝ չրջակա և նույնիսկ հեռավոր օբաներից քոչվորները՝ որը ոտքով, որը ձիով, շտապում էին նրանց մոտ:

Սարիբուլաղում մի հասարակ թուրք գյուղացի Հայ պատվիրակներին խոստովանում էր. «Այո՛, կառավարությունը հրդեհ գցեց մեր երկիրը: Մենք՝ թուրքերս և հայերդ, դարեր շարունակ ապրել ենք մի ընդհանուր հայրենիքում, միևնույն հողի գավակներ ենք, մեր շահերն ընդհանուր են, ուստի առիթ չունենք միմյանց արյունը թափելու: Հիմա մենք հասկացել ենք, որ համերաշխ պիտի ապրենք»²:

Նրան ձայնակցելով՝ մի ուրիշ քոչվոր հայերին պատմում էր, որ անցյալ՝ 1905թ. ամռանը Գանձակից Սարիբուլաղի քոչվորների մոտ էր եկել մի կրթված թուրք երիտասարդ և, զրույցներ վարելով, ասում էր, թե հայերը Կովկասում թագավորություն ստեղծելու և թուրքերին ստրկացնելու որևէ ծրագիր չունեն, որ հայ հեղափոխականները միայն ձգտում են Կովկասի բոլոր ժողովուրդների համար ձեռք բերել ազատություն և այդ նպատակով կոփում են բուրժուաների, բեկերի, աղալարների դեմ անխտիր՝ լինեն նրանք թուրք թե հայ: Եկած Հայ պատվիրակներից մեկի այն հարցին, թե «դուք ինչպես էիք

¹ «Ալիք», N 81, 5 օգոստոսի 1906թ.:

² Նույն տեղում, N 75, 29 հուլիսի 1906թ.:

³ Նույն տեղում, N 81, 5 օգոստոսի 1906թ.:

⁴ Չհաղղվեց պարզել ով լինելը, անուն-ազգանունը:

¹ «Ալիք», N 75, 29 հուլիսի 1906թ.:

² Նույն տեղում:

ընդունում այդ երիտասարդի խոսքերը», թուրք գյուղացին պատասխանել էր. «Մենք չհասկացանք նրան, համարեցինք խոտվարար և, բռնելով, հանձնեցինք պրիստավին: Հիմա մենք դառնագին ողբում ենք մեր այդ հանցանքի համար: Մենք անմեղ մարգարեի քարկոծողներ եղանք»¹:

Տաթևի վանքի վանահայր Մելիք Թանգյանը վկայել է 1906թ. ամռանը Ջանգեզուրի թուրքերի կողմից հաշտության մի շարք փորձերի մասին:

«... Թուրքական խմբեր էին, որ գալիս էին Տաթևի վանքը, - պատմել է նա: - Հաշտություն էին խնդրում, իմ միջնորդությանն էին դիմում, անիծում էին իրենց խաներին, որոնք կոտորածների պատճառ էին եղած, անիծում էին, որ զուր տեղը կուվեցրին երկու հարևան ժողովուրդներին»²:

Թուրքերի ներկայացուցիչներից մեկի հետ իր հանդիպումը վանահայրը ավելի մանրամասն է ներկայացրել: «Մի օր, - ասել է նա, - թուրքերի մեծերից նշանավոր Իլդիրիմ բեկ Սուլթանովը, ըստ սովորականի, եկավ մոտս, և սկսեցինք խոսել մեր շրջանի կացության ու կատարված իրադարձությունաց մասին: Իլդիրիմ բեկը սահուն հայերենով խոստովանեց հետևյալը, որ հիշատակում եմ բառացի.

«Տունը քանդվի դաշնակցության, էդ ի՞նչ սարսափելի կազմակերպություն է, որին ենթարկվեցին բոլոր հայերը: Ախր հայը մարդու լսող չի, միմյանց հակառակ են, բայց արի տես, թե ինչպես իսկույն հնազանդվեցին, ինչպես դաշնակցությունը կարողացավ գեներ բերել: Ես տեսա, որ մեր թուրքերի և քրդերի բանը բուրդ է, շատ վատ է, [ուստի] ես էլ սկսեցի նրանց կազմակերպել: Դաշնակցական կոմիտեի նման թուրք-քրդական մի կոմիտե կազմեցի՝ 7 հոգուց բաղկացած: Մինչև անգամ 1000 ուրբի էլ փող հավաքեցինք գեներ գնելու համար, բայց, դժբախտաբար, մեր կոմիտեի անդամները փողերը կերան, գեներ չբերին, այժմ եկել և ինձնից են ուզում փողերը ...»³:

Հաշտության առանձին նշաններ էին երևում նույնիսկ այն վայրերում, ուր նախորդ ողջ ժամանակաշրջանում հարևանների թշնամությունը ունեցել էր ամենաձայրահեղ դրսևորումներ:

Այդ տեսակետից բնորոշ էին Նախիջևանի արյունարբու խաների, բեկերի, աղալարների ու մոլլաների միջավայրում նկատվող փոփոխությունները: Այստեղ հայերը աննկարագրելի հանդգնությամբ ավերներ էին սփռում չորս կողմը, և այդ էր պատճառը, գրել է Վահան Փափազյանը, որ «թաթար խաները և մոլլաները սարսափած՝ արդեն փորձեր կը կատարեին հաշտություն միջնորդելու: «Մենք մեղավոր չենք, մեր տգետ ժողովուրդը խաբուհեցավ շեյթանեն, հին դրացիներ ենք, դադրեցնենք եղբայրասպան և աննպատակ այս սպանողը», - այսպես սկսան խոսիլ, երբ հարուածը կերան: Անոնց մեջն են անկեղծ էր

կալուածատեր Փանահ խանը, հին անուանի գերդաստանեն, որ ընտանեկան լավ հարաբերություններ կը պահեր միշտ Երևանի հայ հայտնի ընտանիքներու հետ: Հաշտութեան բանակցություններուն նախաձեռնողը ան էր միշտ»⁴:

Շուշիից Թիֆլիս ուղարկած մի թղթակցության մեջ ցույց էր տրված թուրքերի արարքներում նկատվող փոփոխությունները: «Մեր անխելք հարևանները, - ասված էր այնտեղ, - կամաց-կամաց խելքի են գալիս: Նրանք վերջ ի վերջո կարծես ուզում են իմանալ իրենց չարն ու բարին»⁵: Թղթակցության մեջ բերված էին կոնկրետ օրինակներ. «Այսօր հայոց ու թուրքաց բազարները մի անսովոր կենդանություն էին ներկայացնում: Թոփխանան լցվել է ձեր ու ջահել թուրքերով: Ամիսների ընթացքում խորթացած «ալը-վերիչը» սկսվեց - տանձ, խնձոր և այլ մրգեղեններ անցան թուրքական մասերը, իսկ նավթ ու շաքար՝ հայկականը: Ուրախության արտասուքները սրբելով՝ հարևան թշնամիներն արագ-արագ անցնում էին մի խանութից մյուսը, մի թաղից մյուսը, ողջունում էին միմյանց, հարցնում իրար քեֆից-հայից: Բաղաքի ամեն անկյունում ձեր ու ջահել քաղցր գրուցում էին իրենց տարեկիցների հետ, ամեն մեկն առանց երկյուղի իր հանցանքն էր խոստովանում»⁶:

Թուրքերից մեկը բարձրաձայն իր մտքերը հետևյալ կերպ էր արտահայտել. «Վերջապես ճանաչեցինք մեր իսկական դուշմանին. մեր աչքով տեսանք, թե ով էր մեր այս շեն քաղաքը ավերակ ու մոխիր դարձնողը: Այլա՛հը վկա, կարմրում ենք, երբ մտաբերում ենք մեր ասածներն ու արածները. առանց պատճառները խորը քննելու մեծ ու փոքր, բեկ ու ռահաթ միաբերան գոռում էինք, թե «մեր աշխարհում կատարվող բոլոր զուլումների ու արյան պատճառները հայերն են՝ իրենց խմբերով ու կոմիտեներով հանդերձ»: Հիմա մենք խելքի ենք եկել, բավական է այլևս: Հայե՛ր, դուք էլ խելքի եկեք: Բավական է, տնաքանդ եղանք ուս չինուֆիկների և գեներալների գրպանները լցնելով: Իսկ մեր շահօգուտն ի՞նչ եղավ. միայն այն, որ իրարու միս կերանք, քանդեցինք, քանդվեցինք ու վերջն այս օրին մովլաթ եղանք: Իսկ մեզ կուվացնողները հեռվում նստած ծիծաղում են»⁴:

Հայկական մամուլը սրտանց ողջունում էր թուրքերի մի, թեկուզ փոքր, մասի մոտ նկատվող հոգեփոխության առաջին նշանները՝ «ժամանակ» թերթի թղթակիցը շեշտված ուրախությամբ նշում էր, որ, վերջապես, «կոտորածների երկու զոհերը այսօր Ջանգեզուրում և Ղարաբաղում բնազդորեն մոտենում են, փոխադարձաբար հասկանում իրար և, անշուշտ, նաև՝ կարեկցում»⁶:

¹ Վահան Փափազյան, իմ յուշերը, հատ. առաջին, էջ 432:

² «Ալիք», N 80, 4 օգոստոսի 1906թ.:

³ Նույն տեղում:

⁴ Այսինքն՝ այս օրին հասանք:

⁵ «Ալիք», N 80, 4 օգոստոսի 1906թ.:

⁶ Տե՛ս «Նոր խոսք», N 11, 13 սեպտեմբերի 1906թ.:

⁶ «ժամանակ», N 6, 10 հունվարի 1907թ.:

¹ «Ալիք», N 75, 29 հուլիսի 1906թ.:

² Միջայել Վարանդեան, Մուրատ (Սեբաստացի Ռազմիկին կեանքն ու գործը), «Հայրենիք» տպարան, Գոթերն, 1931, էջ 115-116:

³ Նույն տեղում:

Հայկական ուրիշ թերթեր նույնպես անդրադառնում էին Հաշտության տարտամ ու անհամարձակ փորձերին և Հարևան թուրքերին կոչ էին անում ավելի համարձակ գնալ Հաշտության ճանապարհով:

Թշնամի կողմերի առաջին բարի շփումներն Արիանդայի այն թելն էր, որը խաղաղության կարող էր հասցնել երկու ժողովուրդներին: Բայց թուրքերի մի մասի մոտ Հանդես եկած Հաշտության ցանկությունը, ցավոք, չդարձավ լայնածավալ շարժում: Հայերի խաղաղության ձգտումները, թուրքերին բազմիցս արած Հաշտության կոչերը նրանց ղեկավարությունը մեկնաբանում էր որպես հակառակորդի ուժասպառություն, կռիվը շարունակելու նրա անկարողության ակնհայտ արտահայտություն:

Թեև 1905թ. ամառվանից սկսված ընդհարումների ժամանակ թուրքերը մեծ մասամբ տանուլ էին տալիս, բայց նրանց ղեկավարությունն իր սրտում շարունակում էր փայփայել հայերին, ի վերջո, հաղթելու իղձը: Հենց այդ ղեկավարությունն էր, որ որոշեց մի անգամ ևս սանձազերծել լայնածավալ կռիվ ամբողջ Անդրկովկասով մեկ:

Բայց այդպիսի ծրագրի իրագործումն այլևս անհնարին էր մի շարք պատճառներով. 1) Հայ մարտիկների թիվը այլևս չէր գիջում գինված թուրքերի թվին, 2) Հայերն ունեին այնքան զենք, որով կարելի էր հետ մղել հակառակորդի ամենազանգվածային հարձակումները, 3) Թշնամու զինյալների բարոյականին մեծապես գերազանցում էր Հայ մարտիկների բարոյական ոգին, 4) Կռիվների ընթացքում Հայ քաղաքական գործիչները և հրամանատարական կազմը Հ.Յ. դաշնակցության ղեկավարությամբ Հանդես էին բերում ավելի բարձր կազմակերպվածություն և հնարամտություն, սառնասրտություն ու բանիմացություն, քան հակառակորդի ղեկավար կազմը, 5) Չնայած ցարիզմը՝ թուրք ջարդարարների հովանավորը, հակահարձակման էր անցել հեղափոխության դեմ, բայց նա դեռ թույլ էր լիակատար հաղթանակ տանելու համար, հետևապես՝ ի վիճակի չէր լայնամասշտաբ աջակցություն ցույց տալ թուրք ջարդարարներին:

Թեև այս պատճառները և ուրիշ Հանգամանքներ ևս 1906-ի ամռանն անհնարին դարձրին Հայերի դեմ թուրքերի նախատեսած ծավալուն գործողությունները, բայց վերջիններս, այնուամենայնիվ, հաջողվեց կրկին արիերգարդային կատաղի կռիվներ սանձազերծել Երևանի և Գանձակի նահանգներում:

ԸՆԴՀԱՐՈՒՄՆԵՐԻ ԵԶՐԱՓԱԿԻՉ ՓՈՒԼԸ

1905թ. ամռան սկզբներից թուրք-հայկական ընդհարումները թևակոխեցին եզրափակիչ փուլ:

Պետական դուժայի փակման լուրն Անդրկովկաս հասնելուն պես՝ այստեղ սկսեցին պտտվել ամենահամառ շուկներ թուրք-հայկական նոր ընդհարումների անխուսափելիության մասին: Գալիք վտանգի դեմ բոլորը՝ թուրք թե հայ, տարերային մղումով սկսեցին ռազմական պատրաստություններ տեսնել:

ՎԵՐՋԻՆ ԸՆԴՀԱՐՈՒՄԸ ԵՐԵՎԱՆ ԲԱՆԱԲՈՒՄ: ԴԵՊՔԵՐԸ ՍՈՒՐՄԱՆՈՒԻ ԳԱՎԱՌՈՒՄ

Ամռան սկզբին առաջին ընդհարումը տեղի ունեցավ Երևան քաղաքում: Այս անգամ էլ նախահարձակը թուրքերը եղան:

1906թ. մայիսի 27-ին Երևանի շուկայում առաջացած մի վիճաբանությունից հետո թուրքերը, Հանելով սառը զենքերը, անխոս ու անաղմուկ անցնում են Հայերի մոտով և դաշունահարում: Կարճատև այդ սպանդի ժամանակ սպանվում է 13 և վիրավորվում 7 հայ: Ուշքի գալով՝ Հայերը սկսում են պաշտպանվել առորձանակներով, որի ընթացքում սպանվում է 7 և վիրավորվում 4 թուրք: Ընդհարման ժամանակ սպանվում են նաև մեկ մոլոկան և մեկ հրեա¹:

Այդ ղեպքից մի քանի օր անց՝ Հունիսի 8-ին, Երևանում տեղի է ունենում կարճատև, ընդամենը մեկ ժամ տևած, ուժգին հրացանածգություն, որի հետևանքով սպանվում է 10 մարդ, որից 5-ը՝ թուրք, 3-ը՝ հայ, մեկ քուրդ և մեկ հրեա: Վիրավորվում է 19 հոգի՝ 13 թուրք և 6 հայ²:

1906թ. Հունիսի 9-ին, առավոտյան ժամը 11-ին, քաղաքում նորից վերսկսվեց ընդհարումը³, դարձյալ սովորական տեղից՝ Մեյդանից: Ինչպես միշտ, այս անգամ էլ նախահարձակները թուրքերը եղան: Դեռ վաղ առավոտից շարժում էր նկատվում թուրքերի մեջ նրանց ջանքեզարները, մտրակներ ձեռքներին, չըրում էին խանութների շարքերը և ամբարտապան կերպով դուրս կանչում թուրքերին՝ հրամայելով առևտուր չանել Հայերի հետ:

Կռիվն սկսվեց երկու կողմից ուժգին հրացանածգությամբ, որը տևեց մեկ ժամի չափ: Այդ օրը զոհերի թիվը, բարբախտաբար, քիչ եղավ: Հայերից սպանվեց 5, թուրքերից՝ 7 հոգի⁴:

Հաջորդ օրը՝ Հունիսի 10-ի լուսաբացին, նորից սկսվեց ուժգին հրացանածգություն՝ Կոնդի Հայերի և թուրքերի միջև, որը թույլ արձագանքներ ունեցավ Շհար և Դամբուլաղ թաղերում:

¹ Ա-ԳՕ, Հայ-թուրքական ընդհարումը Կովկասում (1905-1906թ.), էջ 62:
² Նույն տեղում: Երևանի 1906թ. մայիսի 27-ի ընդհարման մասին տե՛ս նաև «Մշակ», N 114, 28 մայիսի, N 115, 30 մայիսի 1906թ.:
³ Տե՛ս «Մշակ», N 126, 11 Հունիսի, N 127, 12 Հունիսի, N 131, 17 Հունիսի 1906թ.:
⁴ «Դրոշակ», N 7(173), Հուլիս, 1906, էջ 104:

Այս անգամ իշխանութունները կտրուկ միջոցների դիմեցին: Ստրաժնիկներն սպանեցին երկու թուրք հրացանաձիգների և ձերբակալեցին մի քանիսին՝ խելով նրանցից հրացանները:

Հաջորդ օրերին առանձին դեպքեր տեղի չունեցան, լուռ էր թե՛ քաղաքում և թե՛ շրջակայքում: Շուկայում մեռելային լուսթյուն էր: Հայերը մի քանի ժամով հատ-հատ բացում էին խանութները և կրկին կողպում, իսկ թուրքերն իրենց խանութներն ու կրպակները չէին բացում:

Քաղաքում տագնապ էր ու անորոշություն: Հրացանները լուռ էին: Հուլիսի 10-ի ընդհարումը վերջինն էր երևանում:

1906թ. հունիսի 19-ին տեղի ունեցավ երևանի նահանգային հաշտարար հանձնաժողովի նիստը, որին մասնակցում էին հանձնաժողովի անդամներ՝ նահանգապետի ներկայացուցիչ Կովալևը, Գրիգոր Տեր-Խաչատրյանը, Ալաքպեր Իսմայիլովը, Էլու Հարությունովը, Ռուստամ խան Մամեդբեկովը, Միր Աբաս Միր Բաբաևը, Հասանբեկ Աղաևը, Խ. Կասումբեկովը, Կ. Մ. Ալիևը¹:

Հանձնաժողովի նիստը հաստատեց մշակված այն պայմանները, որոնց հիման վրա պետք է հաստատվեին կայուն խաղաղ հարաբերություններ երևան քաղաքի թուրք և հայ համայնքների միջև: Ընդունվեց 16 կետից բաղկացած հանձնարարական – որոշում, որի կետերից էին՝ զենք կրողը պետք է ունենա իշխանութունների թույլտվությունը, մնաս կրած քաղաքացին փոխհատուցում է ստանում նրա հաշվին, ով պատճառել է մնասը, հայ և մուսուլման քաղաքապահները (ГОРОДОВОЙ) կես տարով փոխարինվում են չեզոք ազգությունների ներկայացուցիչներով՝ նրանց աշխատավարձը բարձրացնելով ամսական մինչև 25 ռուբլի, զենք գտնելու նպատակով դադարեցվում են խուզարկությունները փողոցներում և հասարակական վայրերում. քաղաքի կենտրոնում ժամանակավորապես փակվում են բոլոր թեյարանները, խանութները, տրակտիրները, գինետները, հաստատվում են զինվորական պոստեր համապատասխան տեղերում (նշվում էր 17 պոստ), քաղաքը բաժանվում է ոչ մեծ շրջանների՝ բնակչության կողմից ընտրված մարմիններով, որոնց կարևոր խնդիրներից պետք է լինեն խաղաղության պրոպագանդը և միջնորդության իրականացումը բնակչության և իշխանութունների միջև և այլն²:

Մտտավորապես այդ օրերին ծանր վիճակ էր ստեղծվել Սուրմալուի գավառի հայկական մի քանի գյուղերում: Այդ գավառն ընկած էր երևանի նահանգի հարավարևմտյան մասում: Այն հյուսիսային և արևելյան կողմերից հարում էր Էջմիածնի և երևանի գավառներին, իսկ արևմտյան և հարավային կողմերից ամբողջ գծի երկարությամբ սահմանակից էր Թուրքիային:

Սուրմալուի բնակչության ընդհանուր թիվը 89 հազար էր, որից 27 հազարը (30%-ը) հայեր էին, մնացած 62 հազարը՝ թուրքեր և քրդեր: Գավառի 229 գյուղերից հայաբնակ էին 23-ը, իսկ մի քանի թուրքաբնակ գյուղերում բնակվում էին նաև հայեր: Ձուտ հայաբնակ գյուղերից էին Կողբը, Խալֆալուն, Գյուլլուջան, Խոյսաբարը, Իգդիրը, Բյուրը, Փանիկը, Էվջիլարը, Ալիջանը, Դաշբուրունը և այլն¹:

Սուրմալուի գավառում մթնոլորտը շիկացել էր դեռ 1905թ. գարնանը՝ Նախիջևանի և երևանի մայիսյան դեպքերից հետո: Բայց ամբողջ մեկ տարի այդ մթնոլորտը ծնունդ չտվեց մասսայական ընդհարման, չնայած տեղի էին ունենում առանձին սպանություններ և կողոպուտներ: Դրա պատճառն այն էր, որ, ինչպես արդեն ասվել է, ռուսական իշխանութունները պարզ տեսնում էին, թե տաճկական կողմը ինչպես է առիթներ փնտրում գավառում ապակայունացնելու վիճակը՝ այնտեղ ուղարկելով թուրք ու քուրդ հրոսակներ, և թե տեղի քրդերն ու թուրքերը ինչպես են գրկաբաց ընդունում իրենց հավատակիցներին: Հայ բնակիչների և ռուս վարչակազմի շահերն այստեղ համընկան, և երկուսն էլ միջոցներ ձեռնարկեցին փակելու համար հրոսակների ճանապարհը: Պատահական չէ, որ այս գավառում վարչակազմն ինչ-որ տեղ նույնիսկ փայտավայր էր հայերին:

1906թ. հունիսի 2-ին Բյուր գյուղի մի քանի հայեր Հախմահմուդ գյուղի մոտ ենթարկվում են թուրքերի հարձակմանը և տալիս 3 զոհ: Դրան ի պատասխան, Բյուր և Ջաբրլու գյուղերի մոտերքում հունիսի 3-ին հայերը հարձակվում են թուրքերի վրա և սպանում 10 հոգու: Այդ դեպքին հաջորդում է Յաջի գյուղում խմբված ավելի քան 100 զինված թուրքերի և քրդերի հարձակումը Ալիլամար հայ գյուղի վրա: Լուրն Իգդիր հասնելուն պես, հունիսի 4-ին ուղարկվում է կազակների մի շոկատ, որը հրաման էր ստացել կրակ բացել նախահարձակների վրա՝ լինեն դրանք թուրքեր, քրդեր թե հայեր: Տեղ հասնելով՝ կազակները ակնատես են լինում, թե թուրքերն ու քրդերը ինչպես են անխնա հրացանային կրակի տակ առել հայերին: Հնչում են կազակների համազարկերը, և անշնչացած գետին ընկնում 7 հրոսակ, իսկ 14-ը վիրավորվում են²:

Թեև այդ դեպքից հետո շարունակվեցին երկուստեք անհատական սպանությունները, բայց մասսայական ընդհարումներ այնպես էլ գավառում չեղան, քանի որ երկու կողմին զսպում էր կազակների սարսափը:

Խաղաղ էր Թիֆլիսի նահանգը, եթե չհաշվենք Բորչալուի գավառը, որի հայկական գյուղերում անհանգիստ էին: Բորչալուում նորից գործի էր անցել գավառի «տերը»՝ տեղի ազնվականության (բեկեր, աղալարներ) պարագլուխ Հուսեին բեկ Եղիգարովը: Նրան անվանում էին «չար ոգի»: Թուրքերը բազ-

¹ ՀՀ ԼՔԿՓԿԳԱ, ֆ. 1022, ց. 2, գ. 270, թ. 10:

² Նույն տեղում, թ.թ. 5-9:

¹ Ա.ԴՕ, Հայ-թուրքական ընդհարումը Կովկասում (1905-1906թ.), էջ 137-138:

² Նույն տեղում, էջ 139: Իգդիրի դեպքերի մասին տե՛ս նաև «Մշակ», N 123, 8 հունիսի, N 124, 9 հունիսի 1906թ.:

միցս դիմել էին փոխարքայութեան գլխավորներին՝ նրան գավառից հեռացնելու խնդրանքով, բայց նրանց բոլոր դիմումները մնացել էին անհետևանք: Եվ ահա նա մարդիկ էր ուղարկել քոչատեղերը և քոչվորներին պատվիրել սովորականից շուտ իջնել սարերից ու պատրաստվել Հայերի հետ սպասվող նոր կոտորածներին¹:

Բարեբախտաբար Հուսեին Եղիզարովի նկատմամբ ատելություն մը չէր թուրքերն ունենդիր չեղան նրա պահանջներին ու կոչերին և չգնացին հարևան Հայկական գյուղերի վրա:

ՇՈՒՇԻՆ ԴԱՐՑՑՅԱԼ ՀԱՂԹԱԿԱՆ

Հայ-թուրքական ընդհարումների եզրափակիչ էտապի ամենակատաղի կոտորածները տեղի ունեցան 1906թ. հուլիսի 12-22-ը Շուշիում:

Թեև 1905թ. օգոստոսին Շուշիի թուրքերը ծանր պարտություն էին կրել իրենց իսկ սանձազերծած ընդհարման ընթացքում, բայց նրանց ուղեղից դուրս չէր գալիս քաղաքը գրավելու միտքը:

Եվ որպեսզի նոր ծագելիք կույի մեղքը բարդեն Հայերի վրա, Շուշիի թուրք ղեկավարությունը մեկը մյուսի հետևից հեռագրեր էր ուղարկում փոխարքային, Պետերբուրգ՝ կառավարությունը և բարձրաստիճան ուրիշ պաշտոնյաների՝ աղմուկ բարձրացնելով, թե քաղաքի Հայերը պատրաստվում են թուրքերի դեմ մեծ կռվի:

Շուշիի և ողջ Ղարաբաղի Հայության դեմ իրենց վճռական գործողությունների իրականացումը թուրքերի ղեկավարները հարմարեցրել էին 1906թ. քոչի հետ:

Հարյուր հազարավոր անասունների հետ հարթավայրերից զովասուն ու խոտառատ սարերը բարձրացող բոլոր քոչվորները, մեծից փոքրը, գինավառ էին և այդ պատճառով՝ սովորականից ավելի հանդուգն ու լկտի:

Քոչն անցնում էր քաղաքի միջով՝ դեպի յայլաղները: Հայկական մասով ապահով անցնելու համար թե՛ քաղաքում և թե՛ դրսում նշանակվել էին պահապաններ, որոնք խիստ հսկում էին և միաժամանակ Հայերին արգելում մոտենալ քոչվորներին, որևէ բան գնել նրանցից, որպեսզի որևէ աննշան դիպված առիթ չլինի զանազան անախորժությունների: Այլ խոսքով, Հայերն ամեն հրնար ու միջոց գործադրում էին անմիտ ընդհարումներից խուսափելու համար:

Մինչ նախիրներն ու հոտերը բարձրանում էին սարերը, հազարավոր գինված թուրքեր, ըստ իրենց ղեկավարների մշակած ծրագրի, կտրեցին Շուշի տանող բոլոր ճանապարհները, դիրքեր բռնեցին քաղաքի վրա իշխող բար-

ձունքներում և բոլոր կողմերից օղակի մեջ առան քաղաքը՝ այն մեկուսացնելով չրջապատի հայկական գյուղերից:

Միաժամանակ քաղաքի թուրքերը բոլորս էին հայտարարել Հայերի դեմ և նրանց ապրանք չէին վաճառում²:

Մայիսի 19-ին Շուշիից Թիֆլիս ուղարկած հեռագրերից մեկում ասված էր. «... Դրուժյունը լարված է: Չնայած դրան, քոչը գնում է, թեև՝ անվստահ. հայերը չեն դիպչում: Դեպի Եվլախ գնալն ուսկի բան է: Շատ մարդ սիրտ չի անում տնից դուրս գալ: Պրովոկացիան ուժգնորեն առաջ է գնում: Քաղաքն անտեր է: Ոստիկանությունը մարդասպաններին թողած՝ հեղափոխականներ է որոնում»³:

Իսկ հեղափոխական ղեկավար գործիչներ, իսկապես որ, քաղաքում քիչ չէին: Գարնան կեսերին այդտեղ էր եկել Ռոստոմը և Վարդանի հետ ձեռնարկել Հայության պաշտպանության կազմակերպման հետ առնչվող մի շարք խնդիրների լուծումը: Ռոստոմին հատկապես մտահոգել էր Հայերի կրակային հզորության մեծացման հարցը: Դա էր պատճառը, որ նա ամենից առաջ ձեռնարկեց Հայ պաշտպանների գինանոցը ինքնաշեն ուղմբերով համալրելը՝ օգտվելով այն բանից, որ այդ ժամանակ քաղաքում էին գտնվում ուժային գործի հմուտ վարպետներ:

1906թ. հունվարին Թավրիզից Կովկաս էր անցել 24-ամյա Կոստյա (Կոստի) Համբարձումյանը և ամռան սկզբին մեկնել ծննդավայր Շուշի, ուր Հայրենակիցները հեհհե պատրաստություններ էին տեսնում դիմագրավելու թուրքերի նոր հարձակմանը: Ռմբաշինության մեջ հմտացած լինելով Թավրիզում Շուշի գալուց հետո նա Վարդանին առաջարկում է օգտագործել իր ձեռք բերած գիտելիքները: Այստեղ էր Ամերիկա գնացած և ուժաշինության արհեստին վարժված խարբերողի գինագործ Կարոն⁴: Վերջապես, ի բարեբախտություն Հայերի, քաղաքում էր ուղմբեր պատրաստող Հայտնի վարպետ Բուլղարացի Պետոն, որը մի խուլ թաղի արհեստանոցում ոչ միայն ուղմբեր էր պատրաստում, այլև երիտասարդներին սովորեցնում էր իր արհեստը⁴:

Այդ ուժազործ վարպետները, հատկապես Կարոն ու Պետոն, անգնահատելի ծառայություն մատուցեցին շուշեցի Հայ մարտիկներին՝ պատրաստելով հարյուրավոր ուղմբեր:

Ինչ վերաբերում է Ռոստոմին, ապա Շուշիում եղած ժամանակ նա ամբողջովին զբաղված էր սեփական նախագծերով Հրթիրներ պատրաստելու և իր ձեռքով փորձարկումներ կատարելու գործով: Նրա անմիջական օգնականն էր Կոստի Համբարձումյանը:

¹ «Մշակ», N 126, 11 հունիսի 1906թ.:

² ՀՀ ԳԿՊԱ, ֆ. 113, ց. 3, գ. 95, թ. 9:

³ «Հայրենիք», N 9-10 (438), 1962, էջ 43:

⁴ Նույն տեղում, N 11, նոյեմբեր, 1958, էջ 82-83:

¹ «Ալիք», N 82, 6 օգոստոսի 1906թ.:

Եղիշե Իշխանյանը, որը ականատես և մասնակից է եղել Ռոստոմի պատրաստած Հրթիռների փորձարկումներին, այդ մասին Հետևյալ տեղեկությունն է թողել մեզ. «Հրթիռները գլխավորապես հրդեհ առաջացնելու համար էին: Հրթիռն ուներ մոտ 40-45 սանտիմետր երկարություն և 8-10 սանտիմետր տրամագիծ. պատրաստված էր հաստ թիթեղից, զմբեթաձև էր, սուր ծայրով, որին վեղար անուն էին տվել: Հրթիռի ծայրին մոտ տեղավորում էին պայթուցիկ և վառող նյութերը: Հորիզոնական դրուժյամբ հենակետի վրա գետեղելուց ու հետևի մասում գտնվող պատրույզը վառելուց հետո հրթիռը ուժգին Փշոցով սուրում էր մոտ 1000 քայլ տարածություն դեպի նշանակետը, և երբ պատրույզի կրակը հասնում էր պայթուցիկ մասին, այդ մասը պայթում էր ուռմբի պես, և եթե հրդեհ էլ չէր առաջացնում, ապա շատ մեծ տպավորություն էր թողնում: Իսկ երբ հաջողվում էր հրդեհ առաջ բերել, սարսափի ազդեցություն էր թողնում թուրքերի վրա»¹:

Հրթիռի փորձարկումները Ռոստոմը և այդ գործում նրա օգնական Կոստին կատարում էին ոչ միայն Շուշիում, այլև մերձակա Վարանդայի Սարգաս-չեն գյուղում, որ Ռոստոմի կնոջ՝ Լիզայի ծննդավայրն էր: Պայթեցումները կատարվում էին վերջինիս եղբոր՝ Իլիկո Մելիք-Շահնազարյանի տան ընդարձակ բակում²:

Ավելի քան երկու ամիս Շուշիում մնալուց հետո Ռոստոմը Գանձակի գծով, որ այդ ժամանակ հաղորդակցության միակ քիչ թե շատ ապահով ճանապարհն էր հայ ուղևորների համար, անցնում է Թիֆլիս, կենտրոնատեղին Հ.Յ. դաշնակցության արևելյան բյուրոյի, որի անդամներից էր նաև ինքը:

Այդ ամենը չէր կարող աննկատ մնալ: Իշխանությունները շարունակ բնակիչներից պահանջում էին իրենց հանձնել հեղափոխականներին՝ «Բոլոր չարիքների պատճառներին»: Եվ դա ազդեցություն էր գործում ժողովրդի վրա: Իշխանությունները հենց դրան էլ ձգտում էին՝ նպատակ ունենալով պառակտում գցել ժողովրդի և հեղափոխականների միջև ու ամբոխին բերել այն համոզման, որ եթե մարդիկ երես դարձնեն հեղափոխականներից, ապա կառավարությունն անմիջապես խաղաղություն կչնորհի բոլորին:

Հայ գործիչները չէին կարողանում ազատ գործել՝ վախենալով ձերբակալումից, և այդ հանգամանքը մեծ վնաս էր հասցնում նախատեսված ձեռնարկներին: Գործիչները, փախստական դրուժյան մեջ, չէին կարողանում կատարել իրենց առջև կանգնած խնդիրներն ամբողջ ծավալով:

¹ «Հայրենիք», N 9-10 (438), 1962, էջ 43:

² Նույն տեղում, էջ 43-44:

* Ռոստոմի մեկնումով վերջանում է նաև նրա օգնականի՝ Կոստայի «հրթիռային» գործունեությունը: Հ.Յ.Դ. Ապառաժի (Ղարաբաղի) կենտրոնական կոմիտեն նրան ուղարկում է Ղափանի շրջան՝ որպես կուսակցական գործիչ: Ընտրված լինելով այդ կ. կոմիտեի անդամ՝ դաշնակցության ապագա խոշոր գործիչը Սամուել Ժածկանունով շրջում է Զանգեզուրի շրջանից շրջան՝ Գեմվազ, Ղափան, Սիսիան, բուն Զանգեզուր՝ ամենուր թողնելով բարի հիշատակ:

Խժդժություններ կատարելով՝ թուրքերը կարծում էին, թե արդեն վճարված է Շուշիյա հայերի ճակատագիրը: Դրանից ուղևորվելով նրանք ձեռնարկեցին մշակած ծրագրի հաջորդական գործադրությունը՝ սկսելով գանգվածային հարձակումներ Շուշիից կտրված հայկական բնակավայրերի վրա, թալանի և ավերի ենթարկեցին դրանք, պաշարեցին Խալֆայուն, Շուշիքենդը, Ղարաղըլ-լաղը և այլ գյուղեր: Դրանցից փախած հայերի մեծ մասը ապաստան գտավ Շուշի քաղաքում ծանրացնելով պարենային տագնապը: Իրենց հերթին հայերը դիմում էին փոխադարձ գործողությունների: Միայն հունիսի առաջին շաբաթվա ընթացքում Շուշիի շրջանի տարբեր վայրերում սպանվել էր 12 թուրք: Դա առիթ էր տվել մոտակա քոչվորներին, որոնք ցրված էին լեռներում ու բռնած էին բոլոր ճանապարհները, հավաքել իրենց վրանները և գնալ քիչ ավելի հեռու ու ավելի համախմբվել: Դրա շնորհիվ լեռների որոշ մասն ազատվեց զինված քոչվոր թուրքերից:

Շուշիի շրջանում տեղի ունեցած դեպքերը հեղափոխական խմբերին ստիպեցին դուռս գալ սպասողական վիճակից, քանի որ այդպես էին պահանջում տեղական հանգամանքները: Հայերը ցանկություն չունեին դիմել անհատական սպանությունների, բայց, տարաբախտաբար, ստիպված էին նույնությամբ պատասխանել թուրքերի գործողություններին:

Ղարաբաղյան հայկական ուժերի հրամանատար Վարդանը հայ մարտիկներին մշտապես պատվիրում էր լինել զուսպ, հակառակ կողմի համար չստեղծել կռվի պատրվակներ:

Հայկական կողմի այդ կեցվածքը սխալ ըմբռնվեց թուրքերի կողմից. ընդհարումից խուսափելու հայերի ճիգերը նրանք դիտեցին որպես թուլություն նշան և դիմեցին նոր ամբարտապան գործողությունների:

Թուրքերի լկտի գործողությունները Վարդանին ստիպեցին հրաժարվել որդեգրած մարդասիրական կեցվածքից և փոխել հակառակորդի հետ վարվելու գործելաձևը:

Հ.Յ. դաշնակցության արևելյան բյուրոյին ուղարկած 1906թ. հունիսի 9-ի թվակիր նամակում Վարդանը ասպատակիչ թուրք քոչվորների մասին գրում էր. «Այս սրիկաների համար մեծահոգությունը նշանակություն չունի ... լրբանում են և քաջալերվում ..., ենթադրելով, որ հայերը չափազանց վախենում են ... »¹:

Եվ հայերը սկսեցին հարվածին պատասխանել հարվածով՝ հետևելով «ակն ընդ ական» պատգամին:

Հուլիսի 12-ի առավոտյան թուրքերը սպանեցին Սահակ Միրզայան անունով մի շուշիցի զինվորի, երբ նա քնած էր: Սպանության տեղը գնացին դատախազը, նրա օգնականը, քննիչը, ոստիկաններ: Այնտեղ հավաքվեց նաև հայերի մի բազմություն: Երբ պաշտոնյաները վերջացրին իրենց գործը և

¹ Միքայել Վարանդեան, Հ.Յ. Դաշնակցութեան պատմութիւն, Հատ. Բ, էջ 77:

Հեռացան, Հանկարծ թուրքերի քաղաքամասից որոտացին Հրացաններ, և գրնդակներ տեղացին խմբված Հայերի վրա: Բազմությունը վայրկենապես ցրվեց՝ իր Հետ տանելով Սահակի դիակը: Հայ մարտիկները մտան դիրքերը և թուրքերին պատասխանեցին փոթորկալի Հրացանային կրակով:

Եվ այսպես, տասն ամսվա Հարաբերական խաղաղությունից Հետո Շուշի քաղաքում երկրորդ անգամ բռնկվեց անողոք ու արյունալի կռիվ:

Կռվի նախօրյակին թուրքերը մի շարք առավելություններ ունեին, որոնցից Հատկապես կարևոր էին երկուսը. 1. Նրանք նախապես զբաղեցրել էին քաղաքն օդակող Համարյա բոլոր բարձունքները, իսկ քաղաքի ներսում կարևոր դիրքերը, որոնք Հինգն էին՝ Նանին Աղջկա, Գեովհար աղայի, աղա Իրգի, Դիքտանկուրուի և Հաջի Վալիևի տները: Դրանցից Նանին Աղջկա դիրքը կրակի տակ էր պահում Ղուճլուղի թաղը, Գեովհար աղայի դիրքը՝ Հին Հանգրատարանի թաղը, իսկ մյուս երեք դիրքերը՝ Հայոց քաղաքամասի կենտրոնը: Հատկապես անառիկ էր աղա Իրգի դիրքը, որն ամիսների ընթացքում վերածվել էր կատարյալ ամրոցի, 2. Հասցրել էին առատորեն Համալրել զենքի ու զինամթերքի պաշարները, որի շնորհիվ զենքի տակ ունեին 1000-ից ավելի մարդ՝ Հայերի 700 զինյալի դիմաց:

Չնայած թուրքերի այդ առավելություններին, Հայերը կարողացան Հենց սկզբից իրենց ձեռքը վերցնել կռվի նախաձեռնությունը¹:

Քաղաքում տեղակայված զորքի մի մասը, Չերնյավսկու ղեկավարությամբ, բանակել էր թուրքական քաղաքամասում, մյուսը՝ Գոլոչչապովի Հրամանի տակ՝ Հայկականում:

Հուլիսի 12-ի առավոտվանից, մինչև ցերեկվա ժամը 3-ի կողմերը ռուս զորքը բռնել էր Հայերի կողմը: Պատճառն այն էր, որ Հայերի դեմ ուղղված թուրքերի կրակից պատահաբար զոհվել էր երկու ռուս զինվոր: Գոլոչչապովի Հրամանով թնդանոթային կրակի տակ առնվեցին թուրքական դիրքերը:

Բայց դա երկար չտևեց: Հայերը բուռն Հարձակման անցան թուրքական քաղաքամասի վրա՝ նախապես արձակելով Ռոստոմի պատրաստած հրթիռներից, որոնք իրենց դրոշյունով ու պատճառած հրդեհներով սարսափ տարածեցին թուրքերի մեջ: Հարձակումը Հատկապես ուժգին էր Ղուճլուղի թաղից: Ընդամենը երկու ժամում Հայերը թուրքական թաղերում գրավեցին բազմաթիվ ամրացված կետեր, ինչպես նաև աղա Իրգի անառիկ դիրքը, որ թուրքերն իրենց ձեռքով հրդեհել էին և Հեռացել:

Այս արագ Հաջողությունը իրարանցում առաջ բերեց քաղաքի վարչական և զինվորական իշխանությունների մոտ: Այլևս Հայերին աջակցելու մասին խոսք լինել չէր կարող:

Հայերի Հարձակումը կանգնեցնելու և թուրքերին օգնելու նպատակով գեներալ Գոլոչչապովը վրացի սպա Մաչավարիանիի ղեկավարությամբ զորք

ուղարկեց վերջիններին քաղաքամաս: Մի քանի ուժգին Համագարկերով գործածար Հայ մարտիկներին ստիպեց թողնել թուրքերից գրաված դիրքերը և վերադառնալ քաղաքի իրենց մասը: Մաչավարիանին այնուհետև Հրաման տվեց կրակ տեղալ Հայերի դիրքերի վրա: Նրա անխոհեմ Հրամանը թանկ նստեց գործամասի և Հենց իր վրա: Հայ մարտիկները ստիպված պատասխանեցին կրակով, որի Հետևանքով սպանվեց ևս երկու ռուս զինվոր: Դա Հրամանատարի նկատմամբ զայրույթ առաջացրեց զինվորների մեջ, որոնք առանց Հրամանի թողեցին դիրքերը և քաշվեցին, իսկ սպան խոհեմություն ունեցավ անհետանալու:

Այսպիսով, Հայերի դեմ ուղարկած զորքը չկատարեց այն խնդիրը, որ նրա առջև դրել էր գեներալ Գոլոչչապովը:

Օգտվելով ռուսական զորամասի խուճապից՝ Հայ մարտիկները նորից առաջ շարժվեցին և մտան քաղաքի թուրքական մասը, ապա ներխուժեցին ու խորացան թաղերի խորքերը: Դանակը Հասել էր ոսկրին. թշնամուն դաս տալու Համար Հայ զինյալները չէին խնայում իրենց: Նրանց Հետ էին արևմտահայ Հայդուկներ՝ մեցի Ավոն, Միսաքը, Հարութը, որոնք ամենավտանգավոր տեղերում էին և իրենց Հմուտ գործողություններով ու ոգեշունչ կոչերով մարտիկներին մղում էին նորանոր սխրագործությունների:

Այս պայմաններում Գոլոչչապովը Հայերի Համար անհասկանալի Հրաման արձակեց, և թնդանոթները կրակի տակ առան թուրքերի քաղաքամասը:

Հուլիսի 12-ի ժամը 5-ին Հայ մարտիկները շրջապատեցին պարսկահպատակ աղա Իրգի և Ֆատալի Միրգի կողք կողքի գտնվող տները: Այդ երկու դիրքերում ամրացած թուրքերը Հույս էին ունեցել այդտեղից ներխուժել և հրդեհել Հայկական թաղերը, բայց կատարվեց հակառակը: Ժամը 6-ից սկսած՝ հրդեհը լափում էր աղա Իրգի դիրքը: Այդ տունն այրելուց Հետո Հայ հրդեհաձիգների խմբերն սկսեցին կրակի տակ թուրքերից գրաված բոլոր տները:

Բանն այն է, որ Հայերը մեկ տարում թուրքերից ստվորել էին շատ բան՝ թալան, վրիժառություն, իսկ հիմա էլ՝ հրդեհաձգություն: Այլ խոսքով, նրանք թշնամու դեմ կռվում էին նրա իսկ մեթոդներով:

Թուրքերի օրինակով Հայերը ստեղծել էին հրդեհաձիգների մի քանի խմբեր, որոնք ունեին նավթի ամաններ և այլ պարագաներ: Խմբերի խընդիրն էր՝ թուրքական թաղերում հրդեհել որքան Հնարավոր է շատ տներ ու խանութներ:

Հայկական քաղաքամասում ստեղծվել էին նաև հրդեհաչեղների խմբեր, որոնք ամրացված էին թաղերի որոշակի Հատվածների, և որոնց նպատակն էր արագ Հանգցնել ծագած հրդեհները: Խմբերն իրենց ձեռքի տակ ունեին երկու հրդեհաչեղ պոմպային մեքենաներ, ջրով և ավազով լի տակառներ, դուլյեր, քանդելու գործիքներ՝ բահեր, քյունգներ, լոմեր և այլն:

Հայկական քաղաքամասում գերազանց էին կազմակերպված սանիտարական, տնտեսական, տեղեկություններ հաղորդելու և մյուս ծառայությունները:

¹ Տե՛ս «Ալիք», N 77, 1 օգոստոսի 1906թ.:

Ամեն թաղում կային սանիտարական խմբեր՝ իրենց պատգարակներով և առաջին օգնություն ղեկավարում: Ստեղծված էին վիրակապական կետեր, ուր մշտապես հերթապահում էին վիրակապներ և վիրակապուհներ:

Մեծ ուշադրություն էր դարձված մարտիկների սննդի կարգավորմանը: Ամեն թաղում ժողովրդի կողմից ընտրված էին տնտեսավարներ, որոնք զինվորների ու կամավորների համար կազմակերպել էին թաղային ճաշարաններ: Տնտեսավարի տրամադրություն տակ գտնվողները հիմնականում կանայք ու ծերունիներ էին, որոնք ժամանակին կոմիտեներին հասցնում էին տաք կերակուր, ջուր, թեյ և այլն: Կոմիտեների հանգստյան համար ձեռնարկված էին միջոցներ, և հոգնածները հերթով դադար էին առնում: Փամփուշտ բաժանելու համար կարգված էին հատուկ մարդիկ:

Անխափան գործում էր սուրհանդակային կապը: Սուրհանդակները կենտրոնից կարգադրություններ էին տանում շրջանները՝ շուտափույթ տեղեկություններ հաղորդելով կուլի ընթացքի մասին և այնտեղից կարևոր տեղեկություններ բերելով քաղաք:

Մի խոսքով, Հայերի մոտ կարգապահությունը կատարյալ էր, մանավանդ առաջին օրը, երբ դեռ գավառից օժանդակ ուժեր չէին եկել:

Հուլիսի 12-ի լույս 13-ի գիշերը հրացանաձգությունը շարունակվեց նույն ուժգնությամբ: Մինչև լուսաբաց Հայերի կողմից կոլում էր 115 զինվոր և մոտ 200 թաղային կամավոր²:

Հուլիսի 13-ի վաղ առավոտյան հրացանաձգությունը թուլացավ և ցերեկը համարյա դադարեց:

Այդ օրը, կեսօրն անց, գավառից Շուշիի հայերին օգնության եկավ 120 մարդ: Համալրում ստանալուց հետո, երեկոյան ժամը 8-ին, նրանք նոր հարձակում ձեռնարկեցին, որի նպատակն էր ճեղքել թուրքերի երկրորդ պաշտպանական գիծը և հասնել Շեյթան-բազար: Հայերի գիշերային հարձակման թափը կատարյալ հուսահատության էր մատնել թուրքերին, որոնք մի քանի հատվածներում օրհասական ճիգերով ու քաջությունը մի կերպ կարողացան կանգնեցնել հարձակվողների առաջխաղացումը:

Թուրքերի դրությունը հատկապես ծանրացավ կեսօրի մոտերքը, երբ Հայկական քաղաքամասից սկսեցին գործել թնդանոթները, որոնցից 5-ը շուշեցի զինագործ վարպետներից մեկի ձեռքի գործն էր՝ 3-ը երկու դյույմանոց, 2-ը՝ երեք: Բացի այդ, Հայկական քաղաքամասում կար ավելի խոշոր դյույմի երկու թնդանոթ³:

Ամբողջ գիշեր կրակում էին նաև ուս զինվորները, որոնց մի մասը Դերբենտյան զնդի սպա Չերնյավսկու ղեկավարությամբ գտնվում էր թուրքական

մասում և օգնում էր թուրքերին, իսկ մյուս մասը, գալով Հայկական քաղաքամաս, զնդակներ էր արձակում թուրքերի վրա:

Ի վերջո չկարողանալով դիմանալ Հայերի գրոհներին՝ թուրքերը լքեցին Շեյթան - բազարը, և մեծ թվով ընտանիքներ խուճապով խուժեցին բանտի պարիսպներից ներս: Հատկանշական է, որ այդ իրարանցման մեջ թուրքերը սկսել էին սոսկալի կողպուտի ենթարկել իրենց իսկ Հավատակիցների խանութներն ու տները:

Հուլիսի 13-ին թուրքական քաղաքամասում վառվում էին երեք թաղ, հարյուրից ավելի տուն, այդ թվում՝ Ջաֆար բեկ և Ռասուլ բեկ Վեգիրովների հոյակապ տները և ուրիշ մեծ տներ: Ագուլեցոց եկեղեցուց ներքև այրվում էին Մամանլուի թաղը՝ մինչև Շեյթան - բազար, Թագա մահլու թաղը:

Հուլիսի 14-ի լույսը բացվեց, և հրացանաձգությունը դադարեց: Երկու օրվա կուլի ընթացքում թուրքերը մեծ կորուստներ էին կրել: Հայ երիտասարդների մարտական ոգին չափազանց բարձր էր, իսկ նրանց հանդուգությունը սահման չէր ճանաչում: Հրամանատարները նրանց հորդորում էին տեղիք չտալ չպատճառաբանված, ավելորդ զոհերի, բայց կարողացած քարոզներն արդյունք չէին տալիս:

Կուլի սկզբից Հայ զինվորներն ու կամավորները կրակել էին մոտ 80.000 փամփուշտ:

Հուլիսի 14-ի առավոտյան թուրք երևելիներից մեկը՝ բժիշկ Մեհմանդարովը, մի աղերսագրով դիմում է գնն. Գոլոչչապովին և խնդրում միջնորդել Հայերի հետ հաշտություն կնքելու համար:

Թեև Հայերը քաջ գիտակցում էին, որ թուրքերն այդ քայլին դիմում են ժամանակ չափելու և դրսից օգնություն ստանալու հույսով, սակայն ընդառաջ գնացին և իրենց հերթին նրանց ներկայացրին 8 կետից բաղկացած պահանջներ, որոնց ընդունելու դեպքում միայն հնարավոր էին համարում կնքել հաշտության պայմանագիր: Այդ կետերից հատկապես կարևորվում էին՝ 1. Քանդել երկու դիրքեր՝ Դիքտանկուրուի և Գեովհար աղայի, 2. Վերացնել բոլկոտը, 3. Արգելել նոր խմբերի մուտքը քաղաք, 4. Վարձատրել Սահակ Միրզայանի ընտանիքին, որը եղել է սադրանքի առաջին զոհը, 5. Գանձակի նահանգից աքսորել բոլոր սադրիչներին:

Թուրքերը հայտնեցին, որ, բացի առաջինից, իրենք ընդունում են բոլոր պայմանները, բայց ձգձգում էին գրավոր պատասխանը: Հայերը պատրաստվեցին նոր հարձակման: Գեն. Գոլոչչապովը, տեղեկանալով այդ մասին, նրանց ներկայացրեց վերջնագիր՝ առաջ չգնալ, հակառակ դեպքում զորքը գործի կդնի իր տրամադրության տակ եղած բոլոր թնդանոթները և տակնուվրա կանի Հայկական թաղերը:

Հուլիսի 14-ին և 15-ին փաստորեն զինադադար էր: Հայ մարտական խմբերի ղեկավարությունը քաղաքացիների միջոցով բանակցում էր հակառակ

¹ «Գրողակ», N 8(174), օգոստոս, 1906, էջ 135-136:

² Նույն տեղում, էջ 136:

³ Նույն տեղում:

կողմի հետ: Մյուս կողմից մարտիկները, օգտվելով դադարից, հանգստանում էին. կարգի բերում գնեքերը:

Տեսնելով, որ թուրքերը տրամադիր չեն անկեղծորեն բանակցելու և հաշտության ձեռք մեկնելու, ինչպես նաև հաշի չառնելով հայկական քաղաքամասը թնդանոթներով տակնուվրա անելու մասին գն. Գոլոշչակովի սպառնալիքները, հայկական հրամատարությունը որոշեց Հուլիսի 15-ի լույս 16-ի գիշերը նոր հարձակում սկսել և ինչ գնով էլ լինի ոչնչացնել ահարկու Դիբտանկուրուի դիրքը:

Գիշերվա ժամը 1-ին հայերի զինված խմբերից մեկն աննկատ մտնեց և Դիբտանկուրուի տանը, և մեծ դժվարությամբ անցք փորելով պատի տակ, այնտեղ տեղադրում է պայթուցիկ արկղ: Տան ներսում գտնվող թուրքերը, նկատելով այդ, հրացաններով հրահրում են արկղը և հեռացնում անցքից: Մարտիկներին հաջողվում է նորից արկղը խցկել պատի մեջ և վառել պատրույզը: Դինամիտը պայթելով հուժկու դրոշմում մեծ անցք է բացում պատի վրա, որով մարտիկները խուժում են ներս: Չդիմանալով հայերի բուռն գրոհին՝ կենդանի մնացած թուրքերը փախուստի են դիմում: Հայ հրդեհաձիգները, մարտիկների հետքերով մտնելով տուն, այն հրդեհի են մատնում: Հակառակորդը այս դիրքում տվել էր 40 սպանված¹:

Դիբտանկուրուի դիրքի անկումից հետո թուրքերը նորից հայերին դիմեցին հաշտության խնդրանքով: Հուլիսի 17-20-ը քաղաքում հանգիստ էր, և տարվում էին հաշտության բանակցություններ: Այդ ընթացքում Խալֆալուի վրայով քաղաք թափանցեցին շուրջ 300 զինված քրդեր և համալրեցին թուրքերի շարքերը: Վերջիններիս նաև լուր էր հասել, թե հայերի զինամթերքն արդեն հատել է: Այս երկու հանգամանքը բարձրացրել էր նրանց տրամագրությունը, և նրանք որոշեցին նոր հարձակում կատարել ու վերագրավել աղա Իրզի և Դիբտանկուրուի դիրքերը, մանավանդ որ ստացել էին սպա Չերնյավսկու հավաստիացումը, որ ինքն իր գործառնով օգնության է գալու:

Սպա Չերնյավսկին Հուլիսի 20-ին Գոլոշչակովին խնդրեց թուլյատրել հայ մարտիկներին հեռացնել աղա Իրզի այրված տնից և հանձնել թուրք կովոդներին: Գեներալը թույլ տվեց, գտնելով, որ այդ ամուր դիրքը թուրքերին շատ է հարկավոր ինքնապաշտպանության համար:

Հուլիսի 21-ին, երեկոյան ժամը 7-ին, երբ պայմանավորվածության համաձայն աղա Իրզի դիմացի հայկական դիրքերից եկած անգնն մարդիկ խաղաղությամբ սկսել էին բանակցել թուրքերի հետ, հանկարծ մի ազդանշանով կրակ բաց արին, որի արդյունքում սպանվեց մեկ հայ զինվոր, վիրավորվեցին երկուսը, ինչպես նաև մի քանի անգնն քաղաքացիներ: Հայերն անմիջապես դիրք բռնեցին. սկսվեց հրացանաձգություն, որը շարունակվեց ամբողջ գիշեր:

Հետ մղելով թուրքերի կատաղի գրոհը՝ հայերը, յառաջանալով, գտան

կարասների մեջ լցված մի քանի փութ նավթ, որը նախատեսված էր հայերի տները հրդեհելու համար:

Հուլիսի 22-ի առավոտյան հրացանաձգությունը բոլորովին դադարեց, որովհետև թուրքերը նորից էին հայերին դիմել հաշտության խնդրանքով:

Այդ վերջին օրվա կովի ժամանակ հայերն ունեցան 24 սպանված և 102 վիրավոր: Սպանված թուրքերի թիվն անցնում էր 190-ից²:

Շուշիի թուրքերի ջախջախիչ պարտության մասին³ լուրն անմիջապես տարածվեց ամենուր:

Վյադիկավկազում բնակվող շուշեցի թուրքերը փոխարքային ուղարկել էին իրենց և իրենց ցեղակիցների համար խիստ բնորոշ հետևյալ հեռագիրը.

«Շուշիից՝ մուսուլմանների փիճակի մասին ստացած լուրերը մեզ անպատմելի վիշտ պատճառեցին: Երևում է, որ գեներալ Գոլոշչակովը իր կազակները հայ խմբերին միացնելով, մեր մայրերին, քույրերին, հայրերին ու եղբայրներին թնդանոթի ու հրացանի է բռնել: Փոխարքա՛, սրանից քիչ ժամանակ առաջ, երբ հեղափոխության հեղեղը Ռուսիային իր հոսանքի՛ առաջն էր գցել, եթե մեր՝ մուսուլմանների հավատարմությունը ու շյող անկեղծությունը չլիներ, հիմա Կովկասը ընդհարումների ու հեղափոխության կրակով հրդեհվել էր: Բայց մենք մեր այդ հավատարմության ու անկեղծության մեջ հաստատ մնալով, պահպանեցինք Կովկասը: Ափսո՛ս, ափսո՛ս: Այժմ այդ նույն գործերը, նույն կառավարությունը իրենց այդչափ հավատարմությունն ցույց տվող նույն մուսուլմանների դեմ ուղղեցին իրենց թնդանոթները: Արդյոք մեզ համար կլինի՞՞ սրանից դառն ու արհամարհական մի վարձատրություն»⁴:

Ինչպես տեսնում ենք, այս էլ որբորդ անգամ, թուրքերը խոստովանում էին, որ գահի նկատմամբ իրենց հավատարմությամբ զսպել են հեղափոխական շարժումը Կովկասում: Այս նամակը կրկին հաստատում էր, որ անարդար և անմիտ էին Հ.Յ. դաշնակցության դեմ սանձադեմոված հարձակումները, այդ թվում սոցիալ-դեմոկրատների կողմից, թե թուրք-հայկական կոնֆլիկտի մեղքի հիմնական բաժինն ընկնում է այդ կուսակցության վրա:

Մանր պարտություն կրելով Շուշի քաղաքում թուրքերը Հուլիսի վերջին և օգոստոսի կեսերին հարձակումներ կատարեցին Ղարաբաղի հայկական գյուղերի վրա:

Օգոստոսի սկզբներին թուրքերը չրջապատեցին Ասկերանի Խանաբաղ, Խրամորդ և Քարազուլի գյուղերը, բայց հայերը կարողացան նրանց հետ շարժվել և մեծ կորուստներ պատճառել: Այդ գյուղերի զինված խմբերից սպանվել էր 12 հոգի, որոնց թվում ինքնապաշտպանության եռանդուն ղեկավարներից

¹ Ա-ԴՕ, Հայ-թուրքական ընդհարումը Կովկասում (1905-1906թ.), էջ 166:

² «Դրոշակ», N 8(174), օգոստոս, 1906, էջ 115:

³ Շուշիի թուրքերի կրած պարտությունների մասին տե՛ս «Մշակ», N 152, 15 Հուլիսի, N 162, 29 Հուլիսի 1906թ.:

⁴ «Դրոշակ», N 8(174), օգոստոս, 1906, էջ 115, «Ալիք», N 74, 28 Հուլիսի 1906թ.:

¹ Տե՛ս «Դրոշակ», N 8(174), օգոստոս, 1906, էջ 115:

Արտեմ Տեր-Մարտիրոսյանը:

Հետ մղելով թուրքերի հարձակումները՝ Ասկերանի հայ գյուղերի գինված խմբերը, շարունակելով հարձակումը, մտան հակառակորդի մի շարք գյուղեր և հրդեհեցին մոտ 200 տուն: Թուրքերն օգնութուն խնդրեցին Աղղամից և Ղարաբաղի թուրքական գյուղերից: Ստանալով օգնութուն՝ Ղաջարի թուրքերը, թվով 300 մարդ, հարձակվեցին Շիկեր հայ գյուղի վրա, բայց մեծ կորուստներով հետ մղվեցին: Հարձակման ենթարկվեց նաև Սոս գյուղը, և հետևանքը նույնը եղավ: Իրենց հերթին Նախիջևանի գյուղի վրա հարձակում գործեցին Աղղամի թուրքերը, բայց հայերը նրանց քշեցին մինչև Աղղամի մոտ գտնվող Շեյի թուրքական գյուղը:

Այսպիսով, Շուշիի 1906թ. հուլիսյան կատարյալ պատերազմը և Ասկերանի գյուղերում սանձագերծված կոփմները վերջացան հայերի լիակատար հաղթանակով: Ժողովուրդն այդ հաղթանակը տարավ իր օրինակելի կարգապահության, կովի նկատմամբ սառնասիրտ վերաբերմունքի, գինվորների ու կամավորների տոկունության և անձնագոհության շնորհիվ:

**ԹՈՒՐԳ - ՀԱԹԿԱԿԱՆ ԸՆԴՀԱՐՈՒՄՆԵՐԻ ՎԵՐՋԻՆ ԿՈՒՎԸ
ՋԱՆԳԵՁՈՒՐՈՒՄ**

1905-1906 թթ. թուրք-հայկական պատերազմի վերջին ակորդը 1906-ի ամռանը Ջանգեզուրում տեղի ունեցած ընդհարումներն էին:

1906թ. հունիսի կեսերից Ջանգեզուրի հայութունը մահվան ու կյանքի նոր մաքառման պատրաստության մեջ էր: Հուլիսի սկզբներից կոփմներն այս շրջանում սուր կերպարանք ստացան: Թուրք բեկերը, որոնք ստանձնել էին ավազակախմբերի ղեկավար դերը, սկսեցին ասպատակել հայկական գյուղերը: Տգետ խուժանը, գլխավոր չարիքը մոռացած, իր ցասումն ու թուլյնը թափում էր այնտեղ, ուր միայն գոհեր կային, բայց ոչ՝ հանցավորները:

Միսիանում թուրքերը հարձակվում էին Ախլաթյան, Ալլիու, Տուրոս, Թազաբենդ հայ գյուղերի վրա, բայց, միշտ հակահարված ստանալով և կորուստներ կրելով, փախուստի էին դիմում: Նրանք կարողացան հաջողություն ունենալ միայն 60 տուն ունեցող Ղալաջուղում:

Հուլիսի 5-ին, միացած Հաջիսամյուհից եկած և քոչվոր թուրքերի մեծ բազմության հետ, Միսիանի մի շարք գյուղերի գինված թուրքերը բոլոր կողմերից պաշարեցին Ղալաջուղը: Գյուղի փոքրաթիվ երիտասարդները, մեծ կորուստների գնով, երկու օր շարունակ հերոսաբար դիմադրում էին տասնապատիկ ավելի գինված ամբոխին: Հայերը տվեցին 22 զոհ, թեև թուրքերինը

ավելին էր՝ 30¹:

Հուլիսի 8-ին թուրքերն ավելի մեծ ուժերով հարձակվեցին Ղալաջուղի վրա: Գավառապետը և տեղի ուսուսական գործադար հրամանատարը դիտորդի դերում էին: Սաստիկ և հուսահատ դիմադրությունից հետո հայերը նպատակահարմար գտան թողնել գյուղը և, իրենց հետ վերցնելով ինչ հնարավոր էր, ապաստանեցին մոտիկ Անգեղակոթում: Այստեղ, իրենց կարգի բերելուց հետո, ղալաջուղցիները միանալով տեղի ջոկատին հարձակվեցին և ավերեցին Փուլ, Արիբլու, Շուքիար և Մալիբլար թուրքաբնակ գյուղերը: Այդ օրերին Միսիանում տեղի ունեցան մեկ-երկու դեպք նույնպես, բայց այդտեղ եկած պատժիչ գունդն ակտիվ գործողություններով խաղաղեցրեց շրջանը²:

Բուն Ջանգեզուրի (Գորիսի շրջան) հյուսիսարևելյան հատվածում ընկած Խնածախ ու Խոզնավար գյուղերը մշտական հարձակումների էին ենթարկվում Հաջիսամյուհի ավազակախմբերի կողմից, որոնց ընդհանուր ղեկավարն էր մալիբլուցի հայտնի ավազակ Նադին: Նրա գոհերն էին դարձել բազմաթիվ հայեր. Ջարսուի ձորում սպանել և թալանել էր գորիսեցի Ղուկաս բեկին և տեղացի երկու քրեհետարների, հարձակվելով Շուշիից եկող քարավանի վրա, սպանել էր քարաչենցի երկու մարդու, թալանել գորիսեցիներ Ս.Միրումյանի և Գ. Մինասյանի մանուֆակտուրային ապրանքը: Նադին մասնակցել էր Միսիանում տեղի ունեցած համարյա բոլոր կոփմներին: Որտեղ թալան, այնտեղ նա կամ իր մարդիկ:

Շուշիի հուլիսյան կոփմներին մասնակցելուց հետո Նադին վերադառնում է Հաջիսամյուհի և կազմակերպում հարձակում Գորիսի շրջանի Խնածախ գյուղի վրա:

Խնածախի դիրքերի պաշտպանները լուր առնելով այդ մասին՝ կազմ ու պատրաստ սպասում են թուրքերի մոտենալուն: Վերջապես գալիս է Նադին՝ 100 ձիավորի զուլս անցած: Հարձակում սկսելով՝ թուրքերն ընկնում են փոթորկալի կրակի տակ, ապա՝ ծուղակի մեջ: Կոփվր տևում է շուրջ 8 ժամ: Հընչակյան և դաշնակցական տղերքը, ի վերջո, փախուստի են մատնում ավազակախմբին, որը կովի դաշտում թողնում է 7 սպանված, որոնց թվում էր նաև Նադին: Երջապատման մեջ ընկնելով՝ նա անձնատուր չէր եղել, կովել էր այնքան, մինչև որ հայ զինյալներից մեկի՝ Գրիգորի գնդակը վերջ էր տվել նրա կյանքին³: Հուլիսի 22-ին Ջանգեզուրի գավառապետը Գորիսից հեռագրում էր Շուշի՝ գեներալ Գոլոշչակովին. «Բոլոր քոչատեղիները բռնված են գինված թուրքերի խմբերով, որոնք օգնություն են սպասում Արաբսի կողմից»⁴:

Չնայած դրան, թուրքերն, ի վերջո, դադարեցրին հարձակումները Գորիսի

¹ «Մշակ», N 165, 2 օգոստոսի 1906թ.:
² Միսիանում 1906-ի հուլիս-օգոստոսի տեղի ունեցած արյունահեղ կոփմների մասին տե՛ս «Մշակ», N 171, 9 օգոստոսի 1906թ.:
³ «Մշակ», N165, 2 օգոստոսի 1906թ.:
⁴ «Գրոշակ», N 8(174), օգոստոս, 1906, էջ 124:

չըջանի գյուղերի վրա, քանի որ Համոզվեցին, որ անկարող են անպատիժ ասպատակել:

Բացառություն կազմեցին Տանձավեր և Աղվանիք գյուղերի թուրքերը՝ հռչակավոր Սուլթանությունների ղեկավարությամբ: Այս բեկերը, որ Հայտնի էին իրենց արյունածարավ ավազակություններով, մեծաթիվ խուժանի գլուխն անցած՝ կատարում էին մեկը մյուսից լիտի ու Հանդուզն «քաջագործություններ»: Անպատիժ մնալուց քաջալերված՝ «հերոսներն» իրենց Հանցագործությունները Հասցրել էին աններելի ծայրահեղության:

Օգոստոսի 1-ին Սուլթանությունների ավազակախմբերը Հարձակում գործեցին Տաթևի վրա, բայց, գյուղացիների կողմից Հանդիպելով ուժգին դիմադրության, փախուստի դիմեցին՝ թողնելով մի քանի դիակ:

Օգոստոսի 7-ին այդ խմբերը նորից Հարձակում գործեցին, այս անգամ Տանձատափ գյուղի բնիկների վրա, այրեցին ու ավերեցին ամառանոցը:

Այլևս անհնարին էր Համբերել: Հարկավոր էր դաս տալ ասպատակիչ թըշնամուն, քանդել Սուլթանությունների ավազակաբունը, վերջ տալ անպատիժ գողություններին ու սպանություններին:

Քանի որ Գորիսի Հայկական զինված ուժերը զբաղված էին չըջանի արևելյան տարածքների պաշտպանությամբ և Հնարավորություն չունեին մեկնել Տաթևի ենթաշրջան, այնտեղի վանքի վանահայր Ներսես Մելիք-Թանգյանը դիմում է Սիսիանը պաշտպանող Սեբաստացի Մուրատին և խնդրում օգնություն: Մուրատն անմիջապես արձագանքում է և հիմնականում արևմտահայ Հայդուկներից բաղկացած 50 հոգանոց խմբով ժամանում Տաթևի վանք: Հաջորդ օրը նրա ձեռավոր զինվորների թիվը Հասնում է 200-ի¹:

Օգոստոսի 8-ի առավոտյան Սեբաստացի Մուրադը, Տաթևի վանքից դուրս գալով, իր խմբով մոտենում է Տանձավեր և Աղվանիք գյուղերին, ուր բնակվում էին Սուլթանությունները, և ուր կենտրոնացած էին նրանց գլխավոր ուժերը:

Մուրատն իր խումբը բաժանում է տասնյակների: Ավոն իր տասնյակով գրավում է գյուղի աջ կողմի բարձր դիրքը: Մի ուրիշ տասնյակ, Սմբատի ղեկավարությամբ, անցնում է գյուղի ձախ կողմը: Քեռին երկու տասնյակ զինվորներով չըջում էր մոտակա բարձունքների վրա, որպեսզի դրսից թուրքերն օգնության չգան: Մուրադը, իր հետ վերցնելով Դոռոյի, Մլըրտչի, Կնյագի, Կայծակ Առաքելի և Արսենի տասնյակները, մտավ գյուղ: Նա զինվորներին պատվիրել էր ձեռք չտալ կանանց, երեխաներին, ծերերին, փորձ չանել որևէ բան վերցնել որևէ տնից: Այս նախազգուշացումից հետո Հնչում է պատերազմական փողը: Տասնյակներն իրենց խմբերով անմիջապես մտնում են գյուղ: Երկու գյուղում էլ հրդեհը սկսում է լափել տները: Իսկ դիմադրության փորձ անող ասպատակիչներն ընկնում էին մարտիկների գնդակներից:

¹ Միքայել Վարանդեան, Մուրատ, էջ 114:

Հատկանշական է, որ ավազակապետեր բեկերը, որոնք տեղականորեն ահ ու սարսափի մեջ էին պահում չըջակա Հայկական բնակավայրերը, այդ նույն «քաջերը», չկարողացան անգամ փոքր-ինչ դիմադրել և անամոթաբար փախան՝ թողնելով տուն, տեղ, զենք ու ընտանիք: Արշավանքը վերջացավ, քանդվեց ավազակաբունը: Հայ զինյալները ոչ մի զոհ չտվեցին, նույնիսկ չվիրավորվեց որևէ մեկը¹, թուրքերից սպանվել էր 15 մարդ:

Մեկ ժամ չանցած՝ խմբերը հեռացան այրվող երկու գյուղերից՝ իրենց հետ տանելով վերցրած զենքերն ու փամփուշտները:

Կռիվը նոր էր դադարել, երբ օգնության հավար եկավ Ղափանից: Մուրատը, առանց Հանգիստ տալու իր խմբին, ուղղություն վերցրեց դեպի Հանքեր:

1906թ. հունիսի վերջերից Ղափանի թուրքերը Հայերի դեմ նոր կռիվ լուրջ պատրաստություններ էին տեսնում: Ինչպես միշտ, գործի գլուխ էին պորտաբույժ ու ճրիակեր բեկերը: Նրանց թվում էին տանձավերցի Հայտնի ավազակապետեր Աբդուլալի, Շիրալ և Համիդ Սուլթանությունները, Հանքերից Հարավ ընկած տարածքների տեր արյունարբու Հասան Աբդուլ-օղլին, Իլդիրիմ բեկը, նրա որդի Շամիր բեկը և Խանյար բեկը՝ Բարդյու: շատի կողմից, Մամադ Հասան բեկը՝ Խոջահանից, Աբդուլ Մամատ և Թիմուր բեկ Ջիվանչիրները՝ Ջանգելանից, Աղալար բեկը՝ Ղարազյոզ գյուղից, փիրջավանցի Նազար բեկ Սուլթանովը, նյուվաղցի Բահրամ բեկ Մելիք Աբասովը, ալիդարացիներ Մաշադի Հասան Ղուլի բեկը և Բեգլար Միրզա-օղլին²: Սրանց աշխատանքները Համակարգում էին Ղափանի փոստատան կառավարիչ Հաջիբեկ Մելիք-Շաֆիկը, որը տիրություն էր անում Վերին Ղափանում³:

Նշված անձանցից մի քանիսը աշխատում էին պղնձահանքերում: Օգտվելով չըջանում ստեղծված խառնակ վիճակից՝ սրանց հրահանգով կռաթաղցի թուրքերը հուլիսի կեսերից սկսեցին ճանապարհներին Հանդիպած Հայերին որսալ և անհետացնել:

Ռուս իշխանությունների առջև Հայերին մեղադրելու նպատակով գավառի թուրքերը զանազան սադրանքներ էին ստեղծում: Ամենատարածված սադրանքներից մեկն այն էր, որ իրենց իսկ ձեռքով կատարած հավատակիցների սպանությունները Հնարավորության դեպքում փորձում էին բարդել Հայերի վրա:

Այսպես, Ջեյվալի չըջակայքում թուրքերը հուլիսի 18-ին սպանել էին երկու բեկերի և դիակները բերել ու գցել Հայերի սահմանը: Նրանք կատարում էին նաև մարդու մտքով չանցնող սադրանքներ: Մեղրու չըջանում Ալիդարա թուրք գյուղի բնակիչները լսելով, որ գավառապետը գալիս է, գերեզմանից Հանել էին նոր մեռած թուրքի դիակ, տարել ու գցել էին հարևան Հայ գյուղի

¹ «Դրոշակ», N 9(175), սեպտեմբեր, 1906, էջ 137:

² Մատենադարան, Աշոտ Հովհաննիսյանի արխիվ, թղթ. 244¹, վավ. 205, թ.26:

³ Նույն տեղում, թ. 25:

տարածքը: Նյուվադի մի թուրք գյուղացի հողային վեճի ժամանակ սպանել էր իր համագյուղացուն: Գալով գյուղ՝ հավար էր տվել, թե շիվանիձորցիները սպանել են իր հողի հարևանին, իսկ ինքը հազիվ կարողացել է փախչելով ազատվել: Նյուվադիի թուրքերը զինված դուրս են գալիս և պատրաստվում հարձակում գործել Շիվանիձորի վրա, բայց ականատես վիանները պարզում են եղելութունը և կանխում վերահաս կռիվը:

Հուլիսի վերջերից և օգոստոսի սկզբներից արյունալի դեպքեր տեղի ունեցան Ղափանի պղնձահանքերի շրջանում, որտեղ աշխատում էր շուրջ 1500 բանվոր՝ հայեր և թուրքեր:

Հանքերի շրջանում բնկած էին 6 հայ և բազմաթիվ թուրքարնակ գյուղեր: Աստիճանաբար սարերից դեպի ձմեռանոցներն իջնող քոչվորները, ինչպես միշտ, իրենց ոչխարների հոտերով ու նախիրներով ոտնատակ էին տալիս հայերի արտերն ու այգիները, առիթ դառնում կռիվների:

Հուլիսի 31-ի գիշերը Պեխ (Բեխ) գյուղի յայլաղում թուրքերը սպանում են խորանցի անասնապահ Ավագին, իսկ հաջորդ օրը քոչվորները Բարաբաթում գյուղի հողերով անցնելու ժամանակ, քշում են նրա նախիրը և փորձում արագ հեռանալ: Սակայն բարձրացրած հավարի վրա գյուղացիները կտրում են հափը շտակիչների ճանապարհը: Սկսվում է ընդհարում, որի ժամանակ սպանվում են Հանքերի շրջանի Ղարաչիման գյուղից երկու թուրք, որոնցից մեկը գյուղի հրոսակախմբի պարագլուխներից՝ Ջավադ բեկի տղան էր:

Ղափանի երիտասարդները տեղի դաշնակցության ղեկավարներից պահանջում են ձեռնարկել պատասխան պատժիչ գործողություններ: Կազմակերպությունը ստեղծում է մի զինված խումբ, որի մեջ մտնում են չիկահողի Պապինը, ագարակցի Տիգրանը, դարաբաղցի Յապոնը: Խմբի առջև խնդիր դրվեց՝ զինված թուրքի հանդիպելիս զինաթափ անել:

Բարաբաթում գյուղի այգիներում խումբը հանդիպում է դարաչիմանցի բեկեր Սափրիարին, Ջեմալին, Ասադուլլահին և Իսկանդարին: Սափրիար բեկի մոտ լինում է երկու հարվածանի որսորդական հրացան: Հայ մարտիկները նրանից պահանջում են հանձնել հրացանը, բայց բեկը մերժում է՝ զենքի դեմաց պահանջելով 200 ռուբլի: Մարտիկները փորձում են հրացանը խլել ուժով, բայց Սափրիարը գնդակ է արձակում, վիրավորում Պապինին և փախչում: Տիգրանը և Յապոնը կրակ են բացում և սպանում երեք հոգու, իսկ Իսկանդարը փախչում է դեպի Ղարաչիման՝ թուրքերին հայտնելու կատարվածի մասին: Ծանապարհին նա հանդիպում է հայտնի ավազակ Ալլահուլի Ջավադ բեկին, հենց նրան, որի որդին, ինչպես ասվեց, մի շաբաթ առաջ սպանվել էր Բարաբաթում գյուղի նախիրը հափը շտակելիս: Որդու վրեժը առնելու համար, իր շուրջը համախմբելով զինված մի մեծ բազմութուն, նա օգոստոսի 2-ին հարձակվում է «Սյունիք» գործարանի վրա: Գործարանը Ղափանի պղնձահանքերի շրջանի ամենամեծ ձեռնարկությունն էր: 150 հազար ռուբլի բալանային արժեքով այդ ձեռնարկությունը պատկանում էր

Մելիք-Ազարյանին: Այստեղ աշխատում էր մի քանի հարյուր հոգի:

Գործարանի մոտ Ալլահուլին առաջինը հանդիպում է ձեռնարկության վետերան-մեխանիկ, վերին ագուլեցի Մինաս Խոջամիրյանցին և սպառնազին հարցնում, թե որտեղ է Սափրիարը: Տեղեկություն չունենալով Բարաբաթում գյուղում պատահած դեպքի մասին, Մինասն ասում է, որ ինքը ոչնչից տեղյակ չէ և, շուտ գալով, քայլերն ուղղում դեպի գործարան: Բեկը, կրակելով թիկունքին, սպանում է նրան և իր խմբով փախուստ տալիս¹:

Մինասի սպանությունից մի ժամ չանցած, գործարանը շրջապատվում է հարյուրավոր թուրքերով՝ եկած մոտիկ ու հեռու գյուղերից՝ Խալալից, Ղարա-գյոլից, Խնջավարից, Բայդաղից, Վերին ու Ներքին Գյալավուլից, Գյուղակուլից, Աղբենդից, Բայդաղից, Թեջատինից, Մուրատխալլուլից, Վերին և Ներքին Ղարաչիմանից, Սիզնաղից, Սեյիդլարից, Տարագուլից, Ալադիինից և այլ գյուղերից:

Ձեռնարկության վրա հարձակման պահին այնտեղ էր գտնվում գործարանի կառավարիչ Ֆեովաճյանը՝ ընդամենը 7 աշխատողի հետ: Շենքի ներսում գտնվողները հրացանային կրակով առավոտյան ժամը 8-ից մինչև երեկոյան ժամը 9-ը անհավասար կռիվ են մղում և հերոսական դիմադրությամբ 13 ժամ արգելք լինում թուրքերի ներխուժմանը գործարան: Հրացանաձգության ժամանակ պաշարվածներից սպանվում է երկու հոգի՝ Չափնի գյուղացի Սամսոն Ոսկանյանը և խորանցի Թադևոս Աբրահամյանը, իսկ թուրքերը տալիս են մոտ 40 զոհ, որոնց մեծ մասը Ղաթար գյուղի բնակիչներ էին:

Փամփուշտները սպառած լինելով և չկարողանալով այլևս դիմադրել՝ գործարանում պաշարված հինգ հոգին կարողանում են փախչել Բարաբաթում և ազատվել:

Մտնելով գործարան՝ թուրքերը կողոպտում են ինչ հնարավոր է, որից հետո քարուքանդ անում ու հրդեհում բոլոր շինությունները²:

«Սյունիք» գործարանի ոչնչացումը սարսափի մատնեց հանքերի բանվորությանը, որի մեծ մասը փախավ գյուղերը, իսկ մնացածները հրաժարվեցին դուրս գալ աշխատանքի:

Սադրանքներն ու սպանությունները հայերն անպատասխան չթողեցին: Միայն արդար պատիժն էր սանձահարում թուրքերի գրգռված ախորժակը:

Հաջորդ օրերին Հանքերի շրջանի հայ և թուրք գյուղերի միջև բռնկվեցին կատաղի կռիվներ, որոնցից ավելի շատ տուժեցին թուրքերը: Օգոստոսի 3-ին գործարանի հայ բանվորները հարձակվում են Հանքերի շուկայի վրա և թալանում թուրքերի խանութները, որոնց տերերը փախել էին մոտակա գյուղերը: Նույն օրը նրանք գրոհում են Քարխանա թուրք գյուղի վրա և շատերին սրի քաշում: Կռվում սպանվում է Բաղաբուրջ գյուղացի Խաչատուր Առաքելյանը: Օգոստոսի 4-ին հայերը գրոհում և հիմնահատակ ավերում են Խնջավարը (30

¹ Մատենադարան, Աշոտ Հովհաննիսյանի արխիվ, թղթ. 244¹, վավ. 205, թ. 87:

² Նույն տեղում, թ. 88:

տուն), Էյմազլուն (40 տուն), Դաշնավը (10 տուն)¹:

. Որպես պատասխան, Իսկանդարբեգլու, Խոջահան և Ջեբրահիլի գավառի Խալլըղ, Շոթանանու, Մափրազլու, Քերիմբեկլու գյուղերի թուրքերը, Ազիլ Բեհրուդ, Աստուկ բեկ Սուլթանովների գլխավորությամբ, օգոստոսի 5-ի վաղ առավոտյան հարձակում են գործում Ղափանի արևելյան կողմում գտնվող Ղարաբաբա Հայ գյուղի վրա: Ուժերն անհավասար էին, և Հայերը, դիմադրելով 14 ժամ, երեկոյան ժամը 8-ին, թողնելով գյուղը, անցնում են Ազարակ: Կոստան թուրքերից սպանվել էր 70 հոգի, Հայերից զոհվել էին Թադևոս, Միխայիլ, Բեգլար, Հարություն, Ջհանգիր և Բալա Մելիք-Քարամյանները, Աբրահամ Հայրապետյանը, Անուշկա Աթաբեկյանը, օրհորդ Սաթենիկ Հաթամբեկյանը²:

Շրջակա գյուղերից օգնություն ստանալով՝ օգոստոսի 6-ին Հայերը շարժվեցին Քարխանա, Ջիբլու, Խալալ, Գեչի-Շաբադին, Չուլլու գյուղերի վրա: Իբրև պատասխան, օգոստոսի 7-ի լուսաբացին թուրքերը մեծ ուժերով խուժեցին Տանձաթափա՝ հարուստ Հայ գյուղը: Ուժերն անհավասար էին, և ժողովուրդը, տալով 5 զոհ, գյուղից հեռացավ Ազարակ՝ թուրքերին ձգելով իր ողջ ունեցվածքը: Նույն օրը քաղ ազարակցիք հարձակվում են Վերին Իմազլու (80 տուն), Ներքին Իմազլու (40 տուն), Սարալու (60 տուն), Խաչտափ (40 տուն), Ղոյտարա (30 տուն) գյուղերի վրա և հիմնահատակ ավերում: Այդ կոփներում Հայերից սպանվեց միայն մեկ հոգի՝ ազարակցի Հովհաննես Աղախանյանը, իսկ թուրքերը տվեցին մի քանի տասնյակ զոհ³:

Օգոստոսի 7-ի երեկոյան Արաքսի ափի հոսանքն ի վար գտնվող Բարթազ, Օրդաբլու, Ջանգեյան, Փիրջիվան, Մինջիվան գյուղերի թուրքերը Թեմուր բեկ, Աբդու Սամատ բեկ Ջիվանչիրների, Փարաջ բեկ Մինջիվանսկու, Աբասկուլի բեկ Սուլթանովի առաջնորդությամբ հարձակվում են Ներքին Հանդ, Սրաշեն, Շիկահող գյուղերի վրա: Թշնամին լավ գինված էր, քանի որ անընդհատ զենք էր բերում Պարսկաստանից: Հայերի ուժգին դիմադրությունը հաղթահարելով՝ թուրքերին հաջողվում է մոտենալ Հանդին և ամրանալ գյուղի վրա իշխող բարձունքում: Սակայն գիշերը Հայերին իր խմբով օգնության է հասնում արևմտահայ Հայդուկ Կորյունը և ուժգին գրոհով թուրքերին հանում գիրքերից, որոնք, զոհեր տալով, փախչում են եկած ուղղությամբ: Հայերից նահատակվում է Հանդեցի Մելքունը, վիրավորվում են մի քանի հոգի:

Թշնամուն քշելուց հետո անվեհեր Կորյունն իր խմբով հարձակվում է Քոլլու Ղչաղ (30 տուն), Սանալու (30 տուն), Մթնածոր (15 տուն), Ջուման (20 տուն) գյուղերի վրա և ավերում: Սպանվում են մեծ թվով թուրքեր⁴:

Նույնիսկ այդ ջախջախիչ պարտություններից հետո թուրք բեկերը չեն հանգստանում և ավերիչ նոր կռվի են պատրաստվում Ղափանի հայության դեմ: Դա էր վկայում այն նամակը, որ Ջանգեյանի Հայտնի Իբրահիմ և Ռուստամ բեկերին ուղարկել էր Թիմուր բեկ Մինջիվանսկին: Նամակը, որ ընկել էր Հայերի ձեռքը, հետևյալ բովանդակությունն ուներ.

« Միրելի Իբրահիմ բեկ և Ռուստամ բեկ

Քանի որ Հայերը, հարձակվելով Գյոդակլուի և նրա հարևան փոքր գյուղերի վրա, քանդել ու հիմնահատակ ավերել են, խնդրում եմ նամակս ստանալուն պես՝ ձեր և մեր ղյաղներից հավաքել բոլոր տղամարդկանց՝ իրենց ձեռքով, իսկ ով ձի չունի՝ ոտքով: Ոչ մի տղամարդ չպիտի խուսափի վճռական կռվից: Կոփվր պիտի լինի համատեղ՝ ձերը և մերը: Պետք է գնալ մինչև վերջ: Թուրքս ստանալուն պես՝ պատասխանը սուրհանդակի միջոցով ուղարկեք մեզ՝ Աղալար բեկի անունով: Մենք մեր մարդկանցով պատրաստ ենք:

Թիմուր Ջիվանչիր Աբդուլսամատ Փարաջ Մինջիվանսկի»¹:

Պարզ էր, որ նոր, էլ ավելի մեծ վտանգ էր կախվելու Ղափանի վրա: Բայց թուրքերի ծրագիրը խափանվեց:

Աղվանիք և Տանձավեր գյուղերի տերեր Սուլթանովների ավազակաբունը հիմնահատակ ավերելուց հետո, Սեբաստացի Մուրադը, առանց հանգիստ առնելու, իր 200 հոգանոց խմբից վերցնում է 20 արևմտահայ գինվորների և Կայծակ Առաքելի հետ շտապում է Ղափան՝ թուրք հորդաներին ջախջախիչ հարվածներ տալու և չրջանի հայ գյուղերի համար ստեղծված վտանգը վերացնելու նպատակով:

Ներսես վրդ. Մելիք-Թանգյանը վկայել է, որ Մուրատի երևալը և Հայդուկների ներկայանալը Ղափան «այնքան անակնկալ կերպով կատարվեց, որ ժողովուրդը մի րոպե երազ էր կարծում»²:

Ժամանելով Ղափան՝ Մուրադը պարզեց, որ տվյալ պահին Ղափանի համար գլխավոր վտանգ է ներկայացնում շուրջ 80 տուն ունեցող թուրքաբնակ Ղաթար գյուղը, որն ընկած էր «Ղաթար» պղնձահանքի վերևում՝ Սայադ-դաչ լեռան թեք լանջին, իսկ առջևում խոր ձոր էր՝ Հանքային բազմաթիվ փորվածքներով³:

Ղաթարի թուրք բնակչությունը Հանքերի ամբողջ չրջանում Հայտնի էր իր ասպատակություններով: Հուլիսի վերջերին ղաթարցի ավազակախումբը հարձակվել էր Բեխ գյուղի վրա, հետո այնտեղից շուտ գալով, կտրատել «Սյունիք» գործարան տանող հեռախոսաթելերը՝ այն դրսի աշխարհից մեկուսացնելու գիտավորությունը: Այդ գործողությունը «Սյունիքի» վրա հարձակվելու ծրագրի մի մասն էր:

¹ Մատենադարան, Աշոտ Հովհաննիսյանի արխիվ, Թղթ. 244¹, վավ. 205, Թ. 88:

² Նույն տեղում, Թ. Թ. 89-90:

³ Նույն տեղում, Թ. 90:

⁴ Նույն տեղում, Թ. Թ. 92-93:

¹ Մատենադարան, Աշոտ Հովհաննիսյանի արխիվ, Թղթ. 244¹, վավ. 205, Թ. 93:

² Միքայել Վարանդեան, Մուրատ, էջ 114:

³ Ղափանի պղնձահանքերի չրջանը Հայտնի էր նաև այդ գյուղի անունով՝ «Ղաթար»:

⁴ «Հայրենիք», N 2 (394), դեկտեմբեր, 1958, էջ 73:

Ղաթարի ավազակախմբին միացել էին թարաքամա ձիավորներ, որոնց մշտական պարապմունքը նույնպես ավազակութունն էր: Սրանք եկել և ժամանակավորապես տեղավորվել էին Ղաթարում նրանց համար պատրաստած մոտ 80 վրաններում: Միացյալ ուժերով ղաթարցիներն ու թարաքամա թուրքերը ասպատակում էին ալ ու ձախ, աղետներ բերում հայկական գյուղերի գլխին:

Թուրքերի հարձակման հաջորդ թիրախ էր դարձել հարևան Կավարտ գյուղը: Նրանք որոշում էին ընդունել մեծաթիվ ուժերով պաշարել գյուղը և այդ նպատակով օգնության էին կանչել շրջակա Փարիջան, Փուրուզլու, Մեհրալլու, Սալրաշ, Աղբենդ, Սուրալու թուրք գյուղերից բավական թիվով մարդկանց: Դրանից բացի, Ղաթար էին եկել հանքերում բանող պարսկահպատակ բանվորներ և քոչվորների նորանոր ձիավոր խմբեր¹:

Իմանալով իրենց վրա ղաթարցիների առաջիկա հարձակման մասին՝ կավարտցիները պատրաստվեցին դիմադրության: Հաշվարկելով իրենց հնարավորութունները՝ նրանք, սակայն, եկան այն համոզման, որ միայնակ անկարող են պաշտպանվել, ուստի դիմեցին հարևան հայկական գյուղերի օգնությանը:

Մուրադը շտապում է Կավարտ՝ նպատակ ունենալով կտրել թշնամու ճանապարհը և գյուղն ազատել ավերումից: Կավարտ են գալիս նաև հարևան հայկական գյուղերից, և ստեղծվում է մի ամուր բռունցք: Նա վճռում է չսպասել թուրքերի հարձակմանը, այլ նախահարձակ լինել և քանդել ավազակների բույնը: Իր խմբին միացնելով կավարտցիներից մի քանիսին՝ նա շարժվում է Ղաթարի վրա:

Կռիվն սկսվելուց մեկ օր առաջ՝ օգոստոսի 11-ին, «ոռու հայրենասերների»՝ հանքերում գտնվող խմբի անդամներից մի սաղրիչ՝ Կուլիկ ազգանունով, գնում է Ղաթար՝ թուրքերին օգնության: Ավելին, վերջիններս նրան ընդունում են իբրև իրենց ղեկավար: Կուլիկը կազմում է կռվի պլանը, նրա ցուցումով գիշերը գյուղի շուրջը դիրքեր են փորվում:

Օգոստոսի 12-ի առավոտյան, դեռ լույսը չբացված, մոտենալով Ղաթարին, Մուրատի խումբը բոլոր կողմերից պաշարում է գյուղը:

Թուրքերի ղեկավարներն ամբողջ գիշեր ժողովի էին նստել, քննել Կավարտի վրա հարձակման ծրագիրը և նշանակել գրոհի պահը՝ օգոստոսի 12-ի ցերեկվա ժամը 10-ը:

Բայց թշնամու մտադրութունը կանխվեց: Շուրջ 30 հոգի հաշվվող մարտիկների փոքրաթիվ խումբը Մուրադը բաժանեց երեք մասի: Մի մասը, որի կազմի մեջ էին Սմբատը, Վահանը և տեղացի մի քանի ուրիշ մարտիկներ,

գրավեց գյուղի դիմացի ամուր դիրքը: Մի ուրիշ տեղում ամուր դիրք բռնեցին Ստեփանն ու Ալեքսանը՝ տեղացի մարտիկների հետ: Մուրադը մնացած 16 զինյալների հետ պիտի ներխուժեր գյուղ:

Թվում էր, թե Մուրատի՝ իր էությամբ խելահեղ ծրագիրը անիրագործելի է: Չէ՞ որ երեք տասնյակ մարտիկների դիմաց մի քանի հարյուր զինված թուրքեր էին:

Հրամանատարը քաջ գիտակցում էր, թե ինչ աներևակայելի գործ է ձեռնարկում, և թե ինչպիսի վտանգի տակ է դնում մարտիկների կյանքը: Ուստի նա որոշեց իմանալ, թե արդյո՞ք 16 հոգու մեջ կան այնպիսիները, որոնք, գիտակցելով ահռելի վտանգը, կուզեին հրաժարվել մարտի մեջ մտնելուց: Մուրատի հարցին բոլորը միակամ պատասխանեցին, որ իրենք քաջ գիտակցում են վտանգի մեծությունը, բայց նաև գիտակցում են իրենց պարտքը հարազատ ժողովրդի հանդեպ, գիտակցում են կատարվելիք գործի կարևորությունը: Նրանք պահանջեցին ընդհանուր առաջ խուժել Ղաթար և թուրքերից վրեժխնդիր լինել՝ կատարած անլուր չարագործությունների համար:

Դրանից հետո Մուրադը իր ընկեր-մարտիկներին հիշեցրեց նրանց ասպետական պարտքը՝ ձեռք չտալ թուլյերին, կանանց, երեխաներին, ծերերին:

Հրամանատարի նշանով դիրքերից սկսվեց հրացանային ուժգին կրակ, ապա հաջորդ ակնթարթին Մուրատն իր խմբով խուժեց գյուղ: Սկսվեց սուսկալի կռիվ, որը տևեց մի ամբողջ օր:

Մեկուկես տարի տևած թուրք-հայկական պատերազմի ամբողջ ժամանակաշրջանում Ղաթարի կռիվը հայերի կողմից մղած ամենահերոսական կռիվներից մեկն էր, եթե ոչ՝ ամենահերոսականը:

Երկու կողմից գնդակների ճարճատյունը, կանանց և երեխաների սրտակեղեք, աղեկուտը ճիչն ու ողբը, արյունոտուտ ավազակապետների «Ճա՛ Ալի» գոռում-գոչումները, հայ հերոս մարտիկների հանդուգն, արիասիրտ, անվեհեր հարվածները իսկական պատերազմական դաշտ էին ստեղծել: Թուրքերի տներից կարկտի պես տեղում էր գնդակների տարափ, բայց դա չէր կանգնեցնում Մուրատի մարտիկներին, որոնք սլանում էին դեպի գյուղի ներքևի խիտ բնակեցված մասը: Թուրքերը սարսափի մեջ էին: Ընդգրկելով նրանց շարքերը՝ Մուրատը սուրում էր առաջ: Նրա հետ էին Ավոն, Մլրտիչը, Կայծակ Առաքելը, Դրոն՝ իր սղոններով:

¹ Տե՛ս «Դրոշակ», N 1 (179), հունվար, 1907, էջ 5-8:

² Գրականության մեջ Կուլիկը սխալմամբ ներկայացված է որպես Բաբվից ուղարկված կազանցի թաթար, մասնագիտությամբ՝ անասնաբույժ:

³ Ներսես վրդ Մելիք-Թանգյանը վկայում է, որ Մուրադը թուրքերից «ոչ մեկին չէր դիպչում, չէր փնտսում մինչև որ առիթ չտային իրենք՝ թուրքերը: Մուրադը և իր օգնականները ո՛չ մի տեղ հարձակողական կռիվ չեն սկսել, - մեր կռիվները եղան միշտ պաշտպանողական: Հարձակողականի ձեռնարկում էին այն ժամանակ միայն, երբ վտանգը մեծ էր լինում: Մուրադը կռիվների ժամանակ քնա՛վ չէր թուլատրում, որ յուր մարտիկները թուրք կին կամ երեխա սպանեին: Նա մեծահոգի էր թշնամու անմեղ կանանց և երեխաների հանդեպ» (Միջայել Վարանդեան, Մուրատ, էջ 118):

Թուրքերի ղեկավարները սկզբում Հայերի անակնկալ հարձակումից չվարել և կորցրել էին գլուխները: Որոշ ժամանակ անց ուշքի գալով՝ նրանք իրենց ենթականերով կենտրոնացան բարձր տներում և, ուժեղ դիրքեր գրավելով, սկսեցին նեղել Հայ մարտիկներին:

Մարտում առաջինը զոհվեց տեղացի քաջ զինվոր շիկահողցի Պապինը: Թշնամու զնդակը խոցել էր նրա սիրտը, և Հերոսը չէր հասցրել նույնիսկ ընկերներին մի խուփ ասել:

Մահաբեր գնդակը հասավ նաև Անդրանիկի ու Հրայրի հանդուգն ու Հերոս նախկին զինվորներից Կալոյին: Չունկնդրելով ընկերների թախանձագին խնդրանքին՝ նա, դիրքից դուրս թռչելով, հասակով մեկ վազեց առաջ, որպեսզի միայնակ մխրճվի թուրքերի դիրքը: Մեռնելիս Կալոն հասցրեց հագիվ չչնջալ և արևմտահայ ընկերներին խնդրել չմոռանալ իրեն ու անտեր չթողնել իր ընտանիքին, երկու երեխաներին:

Կովի տաք ժամանակ վիրավորվեցին Կայծակ Առաքելը, Քուրդ Խնչոն (իգդիրցի), Եղիշեն՝ երեքն էլ արևմտահայ ազատագրական պայքարի նշանավոր մարտիկներ: Տեսնելով իրենց ընկերոջ՝ Կալոյի մահը, նրանք նույնպես դուրս եկան դիրքերից և, մոռանալով իրենց անձը, ալ ու ձախ կրակ էին տեղում թուրքերի վրա: Թե քաջության ինչպիսի հրաշքներ էին գործում նրանք, բավական է բերել Կայծակ Առաքելի օրինակը. թշնամու գնդակը մտել էր նրա որովայնի մեջ, ծորում էր Հերոսի արյունը, բայց նա դրանից Հետո էլ հինգ ժամ անդադար չարունակում էր կովել:

Կուրվը զնալով թուրքերի համար դառնում էր օրհասական: Նրանք կովում էին քաջությամբ, բայց տալիս էին մեծ կորուստներ:

Կեսօրին, երբ Մուրադը պտտում էր յուրայինների դիրքերը և խրախուսում կովող ընկերներին, վազելով նրա մոտ եկան մի քանի պարսկահպատակ թուրքեր, որոնց ընտանիքները մնացել էին գյուղում: Նրանք Հայ հրամանատարին խնդրեցին իրենց կանանց ու երեխաներին դուրս բերել գյուղից: Մուրադը մարտիկներին կարգադրեց դադարեցնել կովիլը: Ավելին, նա մարտիկներից առանձնացրեց երկու հոգու, որոնք, մի տեղ հավաքելով տեղացի և դրսից եկած կանանց, երեխաներին, ծերերին, ինչպես նաև պարսկահպատակ մշակներին, նրանց ուղեկցեցին մոտակա ապահով Ծահարջիկ թուրքական գյուղը: Կանանց, ծերերի ու երեխաների մի մասը, որ փակվել էր մզկիթում, առայժմ ապահով զգալով, չմիացավ գյուղից դուրս եկողներին: Մուրադը մարտիկներին խստիվ պատվրեց մոտ չգնալ մզկիթին:

Երբ Հայ զինվորներն իրենց պարտքը կատարելուց Հետո վերադառնում են Ծահարջիկից, Աբդուլ Սամատ բեկ և Թեմուր բեկ Ջիվանշիրների կարգադրությամբ նրանց մարդիկ խուժում են այնտեղ, թալանում պարսկահպատակ ողորմելի աղքատներին և սպանում նրանցից մի քանիսին՝ դաթարցիների կրուփին չմասնակցելու համար: Այդ քստմնելի դեպքը առաջ բերեց խիստ թշնամություն պարսկաստանցի և Սյունիքի թուրքերի միջև:

Քանի դեռ կուրվը չէր վերսկսվել, Մուրադը թուրք տղամարդկանց առաջարկեց Հանձնել զենքերը և անձնատուր լինել: Խոստանալով խնայել նրանց կյանքը: Խորհրդակցելու և պատասխանելու համար թուրք կովողներին նա տվեց չորս ժամ ժամանակ: Ի վերջո թուրքերը մերժեցին: Մուրատն իր առաջարկը կրկնեց երկու անգամ ևս և երկու անգամն էլ մերժում ստացավ: Թուրքերը հույսը դրել էին իրենց դիրքերի անմատչելիության և ուժերի գերակշռության վրա: Մեծ զոհեր տալուց Հետո էլ թուրք կովողներից դեռ մնացել էր ավելի քան 120 հոգի: Սկզբում սրանց մեծ մասը հակված էր Հանձնելու զենքերը, բայց այդ բանին արգելք եղավ Կուրվը՝ թուրքերին կոչ անելով կրուփել մինչև վերջին փամփուշտը:

Դիրքից դիրք իրար խրախուսելով թուրքերը Հանկարծ կրակ բացեցին Հայ մարտիկների վրա: Առաջին պահին իրենց անզուգուցության պատճառով զոհ գնաց մոտակայքում գտնվող վեց Հայ գյուղացի:

Մուրադը մարտիկներին հրաման արձակեց՝ ուղևերով ու դինամիտով պայթեցնել թուրքերի դիրքերը: Մարտիկներն ընդհուպ մոտեցան մեծ տներին: Պայթեցնելով դիրքերը՝ Հայ զինյալները երեկոյան դեմ անվախ ներս խուժեցին ամեն կողմ: Հերոսաբար կովում էին բոլորը, բայց իրենց քաջությամբ աչքի ընկան հատկապես Գևորգը, Վահանը և Օսկանը:

Կարճ ժամանակում թշնամու բոլոր դիրքերն ավերակ դարձան: Հուսահատ թուրքերը զնդակների տարափի տակ սկսեցին փախչել տարբեր ուղղություններով: Հայ մարտիկները գրավեցին ամբողջ գյուղը, որը վառվում էր հրդեհի բուցերի մեջ: Միակ շինությունը, որ չէր մատնվել կրակի՝ մզկիթն էր: Մուրադը խիստ պատվիրել էր չայրել:

Այս կատաղի կովի ժամանակ զինվորները երբեք չմոռացան թուլյերի մասին հրամանատարի պատվերը, ամեն կերպ աշխատեցին չմասնակցել կանանց ու երեխաներին: Կովից Հետո Հայ մարտիկները կրակների միջից ազատեցին դեռ գյուղում մնացած շուրջ 50 կնոջ ու երեխայի, որոնց գիշերը պահելուց Հետո օգոստոսի 13-ի առավոտյան ուղարկեցին մոտակա թուրքական գյուղը:

Մուրատի ռազմագիտական ձիրքի և մի բուռ արևմտահայ Հայդուկների ու տեղացի քաջերի ոգևորիչ անձնավիրության շնորհիվ էր, որ Հաղողվեց Հաղթել Ղաթարի բազմաքանակ թուրքերին և գրավել գյուղը:

Կուրվը դադարեց երեկոյան ժամը 8-ին: Թուրքերն այդ օրը տվել էին 300-ից ավելի սպանված¹: Նրանց մեջ էր Կուրվը:

Հայերից սպանվել էր 11 հոգի: Բացի տաճկահայ զինվոր Կալոյից և շիկահողցի քաջ Պապինից, զոհվել էին՝ բարաբաթումցի Նիկոլայ Տեր-Մաթևոսյանը, բաղաբուրջի Մանգանոս Իսրայելյանը, առաջածորցի Մանգանոսը և Անդրի Թումանյանները, գյուղականցի Պետրոս Պետրոսյանը, կավարտցի Մարգար

¹ «Հայրենիք», N 2(394), դեկտեմբեր, 1958, էջ 73:

Մերտյանը, նորաշենցի թումանյանցը, չափնեցի Բախչի Փիրյանը և մի ուրիշը, որի անունն ու ազգանունը չհաջողվեց պարզել:

Տասն և Հինգ ժամ գրեթե անընդհատ կուվելուց Հետո, սոված ու հոգնած մարտիկներն իջան դիրքերից: Ղաթարի հաղթական կռիվը դեռ հանգստություն չբերեց Ղափանի շրջանին:

Դեռ չէր վերջացել Ղաթարի կռիվը, երբ թուրքերը բոլոր կողմերից շրջապատեցին Քաջարանը: Հայերը երեք օր համառ դիմադրություն ցույց տվեցին և թշնամուկ արգելք եղան խուժելու գյուղ: Կուլի երրորդ օրը Մեղրիի և Հանքերի կողմից օգնություն եկան երկու տասնյակ երիտասարդներ և, թիկունքից հանկարծակի հարձակում գործելով թուրքերի վրա՝ նրանց փախուստի մասնեցին մեծ կորուստներով:

Այնուհետև օգնության եկած երիտասարդների Հետ Քաջարանի հայերը համատեղ ուժերով ներխուժեցին Օխչի, Աթկըզ, Ալըլյու, Փիրզավուղան, Շարաղին, Առջագուր և Բողաղը թուրք գյուղերը և ավերեցին:

Օխչի ձորի ընդհարումների ընթացքում թուրքերը տվեցին 100-ից ավելի զոհ: Ձոհեր ունեցան նաև հայերը՝ 10 հոգի:

Նույն օրերին ոչ մեծ ընդհարումներ տեղի ունեցան Հանքերի շրջանից դեպի Հարավ, Բասուտ գետի հովտում ընկած Հայկական 6 գյուղերի՝ Շիշկերտի, Կիմանցի, Մավի, Հանդի, Շիկահողի և Սրաշենի շուրջը: Հայերը միշտ հաղթական էին¹:

Օգոստոսի 14-ին մեծ թվով թուրքեր հարձակում գործեցին Ղափան-Բարգյուշատի հովտում գտնվող 35 տնից բաղկացած Ուջանիս գյուղի վրա: Թեև հայերը համառորեն դիմադրում էին, բայց ուժերը խիստ անհավասար էին: Ուջանիսցիները պատրաստվում էին թողնել գյուղը, երբ հարևան Ագարակ գյուղից օգնության հասած ուժերը, միանալով տեղի պաշտպաններին, հակահարձակման անցան և թուրքերին հալածելով՝ դուրս քշեցին գյուղի դաշտերի սահմաններից:

Հաքարուի, Բարգյուշատի և Ղարաբաղի կողմերից եկած խուժանը տեղացի թուրքերի Հետ օգոստոսի լույս 15-ի գիշերը նորից հարձակվում է Ուջանիս գյուղի վրա և գրավում նրա բոլոր կողմերում գտնվող դիրքերը: Այդ ժամանակ գյուղում էր գտնվում 7 հոգանոց մարտիկների խումբը՝ դաշնակցական Հայրիկի գլխավորությամբ: Սրանց միանում են գյուղացիները և համատեղ հակահարձակման անցնում երկու հազարի հասնող թշնամու վրա և նրան, մեծ կորուստներ պատճառելով, Հետ մղում: Հայերը տալիս են 2 սպանված և 9 վիրավոր:

Ընդհարումներ տեղի ունեցան նաև Հանքերի շրջանից արևմուտք՝ Օխչի գետի վերին հոսանքում, ուր բազմաթիվ թուրք գյուղերի հարևանությամբ

գտնվում էր Հինգ Հայ գյուղ՝ Քաջարանը, Հանդը, Քրդիկենցը, Մագրան և Փուրխուտը:

Օգոստոսի 22-ին Ուջանիսի վրա տեղի է ունենում թուրքերի երրորդ հարձակումը: Հաքարուի, Բարգյուշատի և Ղարաբաղի կողմերից նրանք ստացել էին նոր համալրում. բացի այդ՝ մոտ 1500 ծիափոր, Ռահիմ և Ալի խաների առաջնորդությամբ, Պարսկաստանից խուժել էին Ղափան և միացել Ուջանիսի վրա հարձակման նախապատրաստվող թուրքերին: Սկսվում է կռիվը, և թըշնամին սկզբում նեղում է գյուղի պաշտպաններին: Բայց ամենակրիտիկական ընդհանրություն, արևը ծագելիս, օգնության է հասնում Սեբաստացի Մուրադը՝ իր խմբով: Դաժան կուլին չդիմանալով՝ թուրքերն սկսում են լեղապատառ փախչել: Հայերը տալիս են 5 զոհ և 13 վիրավոր: Ասում էին, թե եկած թուրքերի կեսը չէր վերադարձել: Ջանգեզուրի նոր նշանակված փոխգավառապետ Միտիկիչի վկայությամբ՝ Ուջանիսի կուվում թուրքերի միայն սպանվածների թիվն անցել էր 600-ից¹:

Անդրկովկասում թուրք-հայկական ընդհարումների սկիզբը Բաբվի 1905-ի փետրվարյան կոտորածն էր, ուր հանկարծակիի եկած հայերը հազիվ կարողացան պաշտպանվել: Ընդհարումները վերջացան Ուջանիսի կուվով, որտեղ հայերը պաշտպանության մասին մտածել անգամ չէին ուզում և Հերոսական խոյանքով փակեցին Անդրկովկասի պատմության արյունալի էջը:

Միսիանից Մուրատի Տաթև գալուց և այնտեղից Ղափան գնալուց Հետո անցել էր ընդամենը մեկ ամիս, բայց Սյունիքի և Արցախի պատկերն ամբողջովին փոխվել էր: Գյուղերի միջև սկսվեց հաղորդակցություն, ճանապարհները բացվեցին, ազատ երթևեկ էր կատարվում դեպի Շուշի, Եվլախ, Բաքու, Թիֆլիս և այլ վայրեր: Ջանգեզուրցիները երախտապարտ էր արևմտահայ գինյուրներին: Մեղր-թանգյանը հետևյալ բնորոշ փաստն է հաղորդել. «Հիշում եմ, երբ ինքնապաշտպանության մի խումբ՝ 100 գինյուր մարտիկ, գնում էր հարևան գյուղին օգնության՝ բազմահազար թուրք ամբոխին քշելու համար. Հայ կանայք թափվում էին փողոցները և, հուզված ձայնով, արցունքը աչքերին, կանչում էին. «Ձեր կյանքին մեռնեմ, որտեղից եկաք, մի երկու ամիս առաջ գալիք՝ ինչ կլինեք...»²:

Թեև Ջանգեզուրի ինքնապաշտպանության ընդհանուր ղեկավարը դաշնակցությունն էր՝ իր անձնավոր գործիչներով, հերոսական խմբապետերով և մարտիկ-հայրուկներով, բայց գավառի հնչակյան մարտիկները նույնպես հերոսական բազմաթիվ գործերի հեղինակներ դարձան: Ինքը՝ դաշնակցական Միքայել Վարանդյանը, հաճույքով էր արձանագրում այդ իրողությունը: «Հնչակյաններն էլ, - գրել է նա, - որոնք թեև քիչ էին, բայց, այնուամենայնիվ, իրենց բարոյական և զինական մասնակցությունը ցույց տվին և միացան

¹ «Երոշակ», N 9(175), սեպտեմբեր, 1906, էջ 138:

¹ «Երոշակ», N 2(180), փետրվար, 1907, էջ 26:

² Միքայել Վարանդյան, Մուրատ, էջ 114-115:

Հ.Յ. դաշնակցության՝ պաշտպանելու համար Ղարաբաղ-Ջանգեղուրի հայության կյանքը, պատիվն ու գույքը: Այս միացյալ, եղբայրական կուռ ջանքերի շնորհիվ էր, որ վերահաս բնաջնջումից ազատվեցին Սյունիքը, Շուշին, Նախիջևանը, Մեղրին և այն բոլոր վայրերը, որոնց մեջ ծնունդ էին առել հայթուրքական արյունալի ընդհարումները»¹:

ԴԱՌԸ ՊՏՈՒՂՆԵՐ

1906թ. օգոստոսի 22-ին դադարեցին թուրք-հայկական ընդհարումները: Դադարեցին, բայց իրենց հետևից թողեցին արյուն ու արցունք, ավեր ու աղքատություն: Ժողովրդի առջև կանգնել էր անհուն վիշտը՝ իր բոլոր սքեմներով:

Երբ անցավ մղձավանջը, երբ լարված կրքերը հանդարտվեցին, այնժամ «մարտնչող երկու կողմերն էլ զգացին, թե որքա՞ն սխալներ են գործել, որքա՞ն անմեղ զոհերի պատճառ են դարձել»², - գրում էր դաշնակցության «Նարիսի» թերթը:

Երկիրը ողողվել էր հայի և թուրքի արյունով, և մարդկային կորուստներն անդարմանելի էին:

Թե՛ թուրքերը և թե՛ հայերը հողին էին հանձնել հազարավոր կյանքեր: Զարդերը չէին խնայել կին ու տղամարդ, ծեր ու երեխա: Երկուսն էլ իրենց մտերմներին կորցրած սգավորներ էին, երկուսն էլ՝ դժբախտ:

Հայոց ժողովրդական դիմադրությունը շատ հերոսական էջեր գրեց, բայց նա իր շարքերից տվեց նորանոր նահատակներ, որոնք կսկիծով լցրին հայության սիրտը: Ժողովրդի պաշտպանության զոհասեղան բարձրացան թանկագին կյանքեր՝ սգի մեջ թողնելով իրենց հարազատներին ու ազգակիցներին, նաև՝ մշտնջենական երախտագիտության զգացում թողնելով իրենց հայրենակիցների՝ երկուուղած հարգանքով լեցուն սրտերում:

Ձոհերը զնացին, իսկ ապրողներին մնաց տեսնել անօրինակ ավերումների, կողոպուտների, հրդեհումների, մարդկային պատվի, խղճի ու գաղափարների դեմ բարբարոսական արարքների հետևանքները և ողբալ դառնագին: Լնորտակվել էին բյուրավոր մարդկանց հույսերն ու իղձերը, ապրելու փափազը՝ այն կարճատև շրջանում, որ կոչվում էր կյանք:

Մահմեդականները, որոնք սկզբում իրենց հաղթող էին համարում, հետո համոզվեցին, որ ազգերի թշնամությունից օգուտ չունի ոչ ոք, և մեկի դժբախտությունն ու սնանկությունը դառնում է աղետ նաև մյուսների համար:

Ահուելի էին գործված ավերները արդյունաբերության մեջ:

Վիթխարի մնաս էր կրել Բաքվի նավթարդյունաբերությունը: Աղետն այստեղ այնպիսի ընդարձակ ծավալ էր ստացել, որ մնասը դարձել էր ընդհանուր և իր ծանրությունն էր դրել քաղաքի բոլոր ազգությունների, ազգաբնակչության բոլոր խավերի վրա:

Անհաշիվ էին հատկապես հայ նավթարդյունաբերողների և մյուս մեծահարուստների կորուստները: Հայ հարուստներից շատերը հեռացան քաղաքից և հաստատվեցին ուրիշ վայրերում՝ Պետերբուրգում, Մոսկվայում, Պյատիգորսկում և այլուր:

Ինչ վերաբերում է թուրք խոշոր կապիտալիստներին, ապա նրանք նույնպես կոտորածներից ու ավերներից ոչինչ չհաճեցին: Միայն դուրս եկան նրանց այն հաշիվները, թե, քաղաքի և նավթային շրջանների հայերին շարժելով, կամրապնդեն իրենց տնտեսական դիրքերը:

Դա տեղի չունեցավ: Ավելին, իրենց գործողություններով նրանք ըստ էության փութացրին հեղափոխական շարժումը, որը, վերջին հաշիվով, իրենց մահն էր:

Մեծ մնաս կրեց թուրք միջին և մանր բուրժուազիան, որը տնտեսապես մեծ չափով կախված էր հայ բուրժուազիայից:

Բաքվի թուրքերի մի նշանավոր մասը տնտեսներ էին: Կոտորածներից առաջ այդ տներում բնակվում էին մեծ թվով հայեր, որոնք փետրվարյան դեպքերից սկսած՝ կամ բոլորովին հեռացան քաղաքից և կամ տեղափոխվեցին քաղաքի մյուս, ավելի ապահով մասերը: Հայերի օրինակին մասամբ հետևեցին և մյուս քրիստոնյաները: Թուրքերի տները դատարկվեցին, քանի որ դրանք վարձել ցանկացողների թիվը խիստ նվազեց: Բնակարանների վարձերի կտրուկ էժանացումը մեծապես խփեց տնտեսների եկամուտներին:

Մինչև կոտորածները թուրքերի ձեռքին էր առևտրի մի քանի ճյուղերի գերակշիռ մասը, օրինակ՝ մթերքի, կանաչեղենի և մրգի վաճառքը, մսի հայթայթումը, շրջիկ մանր առևտուրը: Եվ, անկասկած, հայերը, իբրև սպառողներ, մեծ օգուտ էին տալիս թուրք առևտրական դասակարգին: Բայց կոտորածներից հետո, երբ հայերի երթևեկությունը դժվարացավ քաղաքի այն մասերում, ուր գտնվում էին թուրքերը, համապատասխանաբար դժվարացավ նաև նրանց առևտուրը հայերի հետ:

Անկասկած, թուրքերի համար ստեղծված նոր պայմանները բնավ մխիթարական չէին. նրանց համար ամենևին օգտակար չեղավ ոչ Բաքվի հայկական մասի ավերումը և ոչ էլ ընդհանրապես քաղաքի հայկական տարրի հետ թշնամանալը:

Մեծ ավերածությունների ենթարկվեց Անդրկովկասի ուրիշ վայրերի արդյունաբերությունը և հանքագործությունը: Հանքերն ու գործարանները կանգ էին առել Ղափանում: Դրա գլխավոր պատճառները հիմնականում երկուսն էին. 1. Ճանապարհների անապահովության պատճառով կանոնավոր չէին ստացվում պայթուցիկ նյութեր և այլ անհրաժեշտ ապրանքներ, մյուս

¹ Միջայել Վարանդեան, Մուրատ, էջ 115:
² «Նարիսի» (Թիֆլիս), N 10, 14 հուլիսի 1907թ.:

կողմից, Ղափանում արդյունահանված պղինձը Հնարավոր չէր ուղարկել Եվ-
լախ՝ գնացքներին բեռնելու համար, 2. Փոստ-Հեռագրական աշխատողների
պարբերաբար տեղի ունեցող գործադուլների պատճառով ժամանակին փող
չէր ստացվում Հանքերը և գործարանները աշխատեցնելու համար:

Նույնը վերաբերում էր Գետաբեկի և այլ վայրերի Հանքարդյունաբե-
րությանը:

Արդյունաբերական վայրերում կատարված աննախադեպ ավերմունքների
գլխավոր հետևանքը գործազրկությունն էր:

Տասնյակ հազարավոր Հայ բանվորներ, հատկապես Բաքվի նավթահան-
քերում, զրկվել էին աշխատանքից: Ամեն մի աշխատանք ունեցող բանվորի
կողքին պատասպարվում էր մի քանի անգործ: Յուրաքանչյուր Հանրակացա-
րանում կուտակված էր 50-100 գործազուրկ բանվոր, որոնք մի կերպ քարշ
էին տալիս իրենց գոյությունը: Շատերն էլ, որոնք զրկված էին և՛ աշխատան-
քից, և՛ Հանրակացարանից, մտում էին բակերում ու փողոցներում բաց երկըն-
քի տակ: Օրերով, շաբաթներով ու ամիսներով սրանք աշխատանք էին խընդ-
րում, բայց չարունակ լսում էին նույն պատասխանը՝ «գործ չկա»:

Իրենց թշվառ գոյությունը Բաքվում քարշ տվող Հայ բանվորների մեծ
զանգվածներ, ինչպես արդեն քանիցս նշվել է, հեռացել էին իրենց գյուղերը՝
ապրուստի միջոցներ գտնելու հույսով:

Օրինակ, Բաքվում գտնվող զանգեզուրցի բանվորները մտածում էին Հայ-
րենի վայրեր վերադառնալով աշխատանք գտնել Ղափանի պղնձահանքերում:
Բայց այնտեղ էլ աշխատանքի ձևերն այնքան պրիմիտիվ էին, չահագործումն՝
այնքան դժգոհ, միաժամանակ աշխատավարձն այնքան չնչին, որ թափած
քրտինքը համարյա մտում էր անարդյունք: Պղնձի արդյունահանումը գտնը-
վում էր նահապետական վիճակում, չկար գործարանային օրենք, աշխատան-
քի անվտանգության հսկողություն, հիվանդանոց, դեղատուն: Տաժանակիր
աշխատանքի դիմաց բանվորների օրավարձը կազմում էր 30-40 կոպեկ:

Ղարաբաղում կային մետաքսեղենի ձեռնարկություններ, որտեղ բանում
էին կանայք և օրական ստանում 5-35 կոպեկ, բայց ընդհարումների պատճա-
ռով աշխատանքի այդ ասպարեզը նույնպես խիստ կրճատվել էր:

Նախքան ընդհարումները նույն Ղարաբաղում, Ձանգեզուրում և այլ վայ-
րերում աշխատանքի աղբյուր էին քրեհատարությունը և սայլապանությունը,
բայց ընդհարումներից հետո Հայերը դրանցից էլ էին զրկվել, իսկ թուրքերը
մենաշնորհ էին դարձրել Աղդամի ճանապարհը:

Ջնայած դրան, քաղաքներից փախած Հայ բանվորության մեծ զանգված-
ներ վերադառնում էին Հարազատ վայրեր՝ մի կերպ գոյատևելու:

Կոտորածները մեծապես քայքայեցին նաև Բաքվի թուրք բանվորությունը,
որը տուժեց ոչ պակաս, քան Հայ բանվորները: Նա զրկվեց աշխատանքից ու
ապրուստի միջոցներից և Հայ բանվորների նման ստիպված էր վերադառնալ
գյուղ՝ գրգանում ունենալով միայն գրոշներ:

Անբուժելի հարված ստացավ գյուղացիությունը՝ Հայ թե թուրք:

Ամբողջովին ավերվել էր ավելի քան 250 գյուղ, որից շուրջ 120-ը Հայաբը-
նակ, 130-ը՝ թուրքաբնակ: Գյուղերում տուժած ընտանիքների թիվը կազմում
էր շուրջ 15 հազար, որից 7560-ը Հայ և 7120-ը թուրք ընտանիք¹:

1907թ. փետրվարի 10-ին Թիֆլիսում, կովկասյան գյուղատնտեսա-
կան ընկերության դահլիճում Սիմոն Ջավարյանը կարդացել էր դասախոսու-
թյուն՝ նվիրված 1906թ. հոկտեմբերին Ղարաբաղ և Ձանգեզուր կատարած իր
ճանապարհորդությունից ստացած տպավորություններին: Նա եղել էր Ջի-
վանչիբի, Շուշիի, Ձանգեզուրի և Գանձակի գավառներում, ամենուրեք տեսել
ծանր պատկեր:

Ս. Ջավարյանը նշում էր, որ առանց այն էլ վերջին տարիներին գյուղացին
հազիվ էր ծայրը ծայրին հասցնում, իսկ ընդհարումները նրան անդունդի դու-
ռը հասցրին: Մեծ չափերի էր հասնում հողի պակասը, գյուղացին միջին թվով
ունենր 3/4 դեսյատին վարելահող, որը ստացել էր դեռ 20 տարի առաջ, իսկ այ-
ժրմ բոլորովին չէր բավականացնում հողալու. ընտանիքի նվազագույն կարիք-
ները: Դրա պատճառով դեռ մինչև ընդհարումները Հայ գյուղացին ստիպված
էր ապրուստի ուրիշ աղբյուրներ գտնել: Օրինակ՝ անհրաժեշտ պարենի 1/4-
1/2 մասը Ձանգեզուրի գյուղացիությունը բերում էր թուրքաբնակ տափա-
րակներից: Բայց ընդհարումները նրան լիովին զրկել էին այդ աղբյուրից:

1905թ. երաշտի պատճառով շատ տեղերում դաշտերից նույնիսկ սերմացու
չէր ստացվել: Եթե դրան ավելացնենք այն, որ ընդհարումների պատճառով
թուրք-Հայկական սահմաններում ցանքսեր չէին արվում, ապա պատկերը
լիովին պարզ կլինի: Ղարաբաղում և Ձանգեզուրում թե՛ Հայերի և թե՛ թուր-
քերի մոտ ցանքսերը կրճատվել էին 1/3-ով, իսկ առանձին տեղերում 40-60%-
ով: Շատ գավառներում Հայ գյուղացիները ոչ միայն վար ու ցանքս չէին կա-
տարում, այլև ցանածը չէին կարողանում հավաքել: Թուրքերը շատ Հայ գյու-
ղերից տարել էին քաշող ուժը, քշել անասունների նախիրներն ու ոչխարների
հոտերը: Բայց մնացածն էլ Հայերը պահել չէին կարողանում:

Կուրիները դադարելուց հետո էլ ալան-թայանի երկյուղից գյուղացին
ստիպված էր ոչխարի հոտը և բոլոր մյուս անասունները պահել գյուղում:
Գյուղերի դատարկ մարազները, անհարմար քարանձավները վերածվել էին
փարախների՝ հոտը տեղավորելու համար: Անասնակեր չլինելու պատճառով
գյուղացիները ստիպված ձյունապատ դաշտերն էին քշում ոչխարները և երե-
կոյան քաղցած հետ բերում:

1906թ. վերջերից վրա Հասավ մի ուրիշ դժբախտություն՝ անասունների
մասսայական անկում, մի բան, որ լրացրեց արհավիրքների պակասը:

Անդրադառնալով թուրք-Հայկական ընդհարումների գործած ավերներին՝

¹ Ա.Գ.Օ. Հայ-թուրքական ընդհարումը Կովկասում (1905-1906թ.), էջ 402:

² «Մշակ», N 38, 20 փետրվարի 1907թ.:

«Մշակի» խմբագիր Ալեքսանդր Քալանթարը գրում էր.

«Դժբախտ ենք երկուսս էլ՝ թե մենք Հայերս և թե մեր դրացի թուրքերը: Տուժողը վերջի վերջո մենք երկու դրացիներս ենք:

Թուրքե՞րն արդյոք կավերեն մեր գյուղերը, թե՞ մենք կավերենք նրանցը, կառավարությունը կը ուժեղանան Հայերի, թե՞ թուրքերի գյուղերը՝ Հետևանքը նույնն է. ավեր, ավեր և ավեր մեր երկրի գանազան մասերում:

Ձոհվում են մարդիկ, կորչում են հարստություններ, քայքայվում են տընտեսություններ և ամառի անապատ է առաջանում այնտեղ, ուր մի ժամանակ ետում էր կյանքը, և մարդիկ փոքրի շատե ուղիներ էին հարթում իրենց ապագա բարօրության համար: Մարած հոգիները, կորած միլիոնները և քայքայված տնտեսությունները զոհաբերություններ չեն մի որևէ բարձր գաղափարի համար, որ մենք Հաշտվենք դրա հետ: Դրանք կորուստներ են, բացարձակ կորուստներ»¹:

Այդ ամենի Հետևանքով գլուխ բարձրացրեց սովը, որը հատկապես մոլեգնում էր այն գավառներում, որտեղ ընդհարումները սաստիկ էին եղել: Սույն ավելի աղետալի էր, դրա դեմ կռվելը՝ ավելի դժվար, քան հարձակումների դեմն առնելը: Թուրք բեկերն իրենց ղեկավարած հարձակումների պատճառած աղետների պակասը լրացնում էին Հայերին Հաց չվաճառելու բոլորտով, իսկ իշխանությունները դրանց ավելացնում էին բազում դժվարություններ ու հալածանքներ:

«Հացի գները գիշատիչ, սատանայի նման կանգնած են չքավոր դասակարգի գլխին, որը չ'գիտե, թե ինչ կերպ պահպանե իր գլուխը»², - գրում էր «Մշակը»:

Սովը համատարած էր Նախիջևան գավառում: Սյուզուլու գյուղացի Ալեքսան Սարգսյանը կաթողիկոսին գրում էր. «Նախիջևանում գերի բռնված մի թուրք կնոջ կամեցել են սպանել, բայց Կարապետ Հայր սուրբը, թույլ չտալով, ասել է, թե կնոջը կարելի է Հայացնել, եթե Հայերից մեկը ամուսնանա նրա հետ: Ես համաձայնություն տվեցի և, ընդհարումները վերջանալուց հետո, թուրք կնոջս տարա Ալեքսանդրապոլ, որտեղ նրան մկրտեցին: Բայց հիմա երկուսով կանգնած ենք սովի դռանը: Աղաչում եմ օգնության հասեք ձեր ծառային»³:

«Ժամանակ» թերթը ընթերցողներին էր ներկայացնում Ձանգեզուրում և Ղարաբաղում սովի գործած ավերների պատկերը.

«Ո՞ւմ սիրտը չէ կտրատվում այն զարհուրելի աղետների դիմաց, որոնց ենթակա է Ձանգեզուրի և Ղարաբաղի Հայ և թուրք բնակչությունը: Սովը և նրա անբաժան ուղեկից հիվանդությունները ճարակում են երկու ժողովուրդ-

ների մեջ՝ ձգտելով կարծես լրացնել երեկվա սուկայի մենամարտի արհավիրքները: Օգնության ճիգերը կաթիլներ են ծով թշվառության մեջ, և ձեզ ճնշում է սեփական անզորության գիտակցությունը»¹:

Ձանգեզուրի ամենամեծ Գորիսի շրջանի Խնձորեակ գյուղի սովահար բնակչության անունից համագյուղացի Տիգրան Սազանդարյանը օտարության մեջ գտնվող խնձորեակցիներին «Մշակի» էջերում օգնության կոչ էր անում.

«Սովի ճիւղաններում խեղդվող եղբայրներին օգնություն հասցրեք: Ես ձեզ եմ դիմում պարկը ձեռքին Հայ մուրացող որբերի ու այրիների կողմից. ձեզ եմ դիմում արցունքն աչքերին լճացած որբի անունից. ձեզ եմ դիմում մերկ ու չիփյաղ գեղջկուհու կողմից... Ազնիվ մարդը դեպի իր եղբայրն ունեցած սերը նրա թշվառության ժամանակ պիտի ցույց տա: Սոված եղբորն օգնել, Հաց հասցնել է պետք: Շտապեցե՛ք, օտարաբնակ եղբայրներ»²:

Ձանգեզուրից ստացված նամակների տեսության մեջ «Մշակը» գրում էր.

«Ձանգեզուրի գավառի բոլոր անկյուններից հասնում են հուզիչ լուրեր՝ կապույտ հագ, ծաղիկ և թուրքերի բորբոքում հիվանդությունների մասին: Բրձավոր տիֆը բնակչությունից զոհեր է խլում շարունակ: Ավելի ցավալի ու վշտալի է քայքայված գյուղերի դրությունը, ուր յուրաքանչյուր խրճիթում մի քանի ընտանիք: Հայկական Մոդես և թուրքական Շամբ գյուղերում քաղցից մեռնելու բազմաթիվ դեպքեր են եղել: Անբերրիության և տնտեսական քայքայման պատճառով մեծ նեղություններ և զրկանքներ են կրում նաև կործանումից զերծ մնացած գյուղերը: Հայկական Կավարս գյուղի 64 նաև կործանումից զերծ մնացած գյուղերը: Հայկական Կավարս գյուղի 64 ծխից վերջին 18 օրվա ընթացքում մեռել է 37 երեխա, Ագարակ գյուղի 75 տնից մեռել է 15, իսկ Սևաքարի 80 տնից՝ 40 հոգի: Քաղցի պատճառով տասնյակ գյուղերում պառկած են բազմաթիվ հիվանդներ»³:

Ի՞նչ միջոցներով էր գյուղացին մաքառում սովի դեմ: Փող ձեռք բերելու համար նա վաճառում էր իր անասունները. դա էր նրա դրամազուլսը, ուրիշ աղբյուր չուներ:

Բայց այդ աղբյուրն էլ արդեն սպառված էր: 1905-1906թթ. ընթացքում գյուղացին անասունների վաճառքից ստացած գումարները հիմնականում ծախսել էր ինքնապաշտպանության գործի վրա՝ գենք էր ձեռք բերել և գինվել: Ինքնապաշտպանության համար յուրաքանչյուր ծուխ երկու տարվա ընթացքում միջին հաշվով ծախսել էր 50-70 ուրբի, մի քանի գյուղերում նույնիսկ 90-100 ուրբի, իսկ թուրքերը ծախսել էին ավելի շատ: Ընդհանուր առմամբ Ղարաբաղի և Ձանգեզուրի 200 000 Հայ և թուրք բնակչությունը ինքնապաշտպանության ու գինման գործի համար ծախսել էր 1 500 000 - 1800 000 ուրբի, և այդ բոլորը գոյացել էր անասունների վաճառքից:

¹ «Մշակ», N 68, 29 մարտի 1906թ.:

² Նույն տեղում, N 273, 14 դեկտեմբերի 1906թ.:

³ Մատենադարան, կաթողիկոսական դիվան, թղթ. 237^բ, վավ. 84:

¹ «Ժամանակ» (Թիֆլիս), N 6, 10 հունվարի 1907թ.:

² «Մշակ», N 66, 28 մարտի 1907թ.:

³ Նույն տեղում, N 284, 28 դեկտեմբերի 1906թ.:

Պողոսը ձգտում էր օր առաջ լինել Հայրենի եզերքում: «Հորի՞ մնամ Հոտի, – ասում էր նա. – ընծի էրկիր պիտի ճամբեք ... էրթամ մըր ական Դուրան, մըր սարերուն Հովին տակ պակկիմ երեսս շաղաթաթախ կանանջխտտերուն քսիմ, մըր գուլալ ջոհվար ջըրերու մեջ լուացուիմ, զիմ ոչխարներու աչքերը պագնեմ ... չըմ կինա մնացի՞ր ին ոչխար, զիմ «ղավալը» փչիմ ու փառք տամ Աստծոյ...»¹:

Արիության և անձնագոհության անկրկնելի ապացույցներ տալուց Հետո երեկվա ռազմադաշտերից Հեռացան նաև արևմտահայ Հայդուկներ Կոտոյի Հաջին և Առյուծ Ավագը՝ Դարալագյազից, Սմբատ Բորոյանը՝ Ղամարուփից, Ուսուկ Գրիգորը՝ Աղբաբայի չրջանից, Մուռ Դավոն՝ Կողբի չրջանից, Լորթոն, Ասլանը, Մուղսի Մուրադը՝ Նախիջևանից: Անվերջ շարան խմբապետերի ու զինվորների ...

Իրենց ամրացված չրջաններից ղեկավար տարրի և անձնագոհ մարտիկների Հեռանալով վերանում էր նրանց Հմայքը և զսպող ուժը: Օգտվելով դրանից՝ գլուխ էր բարձրացնում Հասարակության տականքը՝ գողերն ու ավագանիները, որոնք իրենց շարքերը համալրում էին տարբեր ազգերից ու դասակարգերից՝ լինելիս դրանք թուրք, հայ թե այլազգի, աղքատ թե հարուստ:

Օր չէր լինում, որ Կովկասի զանազան ծայրերից՝ քաղաքներից ու գյուղերից, տեղեկություններ չգային ուրիշի գույքին տիրելու նպատակով թալանի, ավազակության մասին, որոնք, սոսկալի չափերի հասնելով, հյուժում էին Հասարակական կյանքը:

Մեծ չափերով ծաղկող ավազակությունները և նման այլ Հանցանքները տիրապետող կյանքի աննորմալ պայմանների Հետևանք էին, սոցիալական երևույթներ էին, որոնք առաջացել էին ժողովրդական կյանքի անբնական զարգացումից՝ ժամանակաշրջանի քաղաքական, Հասարակական ու տնտեսական խեղումներից: Ազգաբնակչությունը մի քանի տարիների ընթացքում այնքան էր քայքայվել, գործազրկությունն այն աստիճան խոշոր չափեր էր ընդունել, որ մի ժամանակ խաղաղ աշխատանքով ապրող մարդիկ այժմ հարկադրված էին դիմել բռնի միջոցների՝ քարշ տալու համար իրենց գոյությունը:

Գողերի ու ավազակների հիմնական զանգվածը հավաքագրվում էր նախկին մարտիկներից, որոնք, երկար ժամանակ ակամայից կտրված լինելով աշխատանքից, խորթացել էին դրանից, բայց ունենալով զենք, շարունակում էին այն գործածել՝ այս անգամ նաև սեփական ժողովրդին կողոպտելու համար: Նրանք արդեն դարձել էին ծանր բեռ բնակչության վրա, որն առանց այն էլ գտնվում էր անասելի նեղությունների մեջ: Շատ տեղերում ժողովրդի երեկվա պաշտպանն արդեն հանդես էր գալիս բռնացողի և կեղեքողի դերում: Երեկ նրա բաղձանքը բարբարոսի ձեռքից արյունակից եղբայրներին ու քույրերին փրկելն էր, այսօր նրա հոգում խոսում էր Հափշտակության կիրքը:

1906թ. սեպտեմբերին Անդրանիկը «Ռազմիկ» թերթում տպագրեց «Բոլոր Հայ յեղափոխական զինուորներուն» ուղղած մի կոչ, ուր մասնավորապես արտահայտում էր իր խոր ցավը զինվորների շարքերում տեղ գտած Հանցանքի համառոտ երևույթների առթիվ: Անդրանիկը գրում էր.

«Ցավով կ'իմանամ, որ տեղ-տեղ Հայ զինուորը իր կոչումին բարձրութեան վրայ չի գտնուիր. այսպեսով պատճառ կը դառնաք, դու՛ք զինվորներ, որ թերթերուն մեջ ձեզ մեղադրեն, բան մը որ շատ անգամ կը ստանայ կուսակցական կերպարանք, քանի որ ձեզ առիթ բռնելով կը յարձակին կազմակերպութեան (դաշնակցութեան: – Հ.Ս.) վրայ: Զգուշացեք, յիշեցեք որ այդպեսով դուք կը նսեմացնեք մեր Հերոսներու յիշատակը, Ֆետայի մաքուր անունը, և ձեր կազմակերպությունը կ'իյնայ ժողովուրդին աչքին: Մանավանդ յիշեցե՛ք, որ դուք ժողովուրդին պաշտպանութեան համար է, որ զենք վերցուցած եք, և նոյն այդ ժողովուրդին բարօրութեան համար է, որ մեր ընկերներեն Հարյուրներով Հերոսաբար ընկան»¹:

Հիրավի, ընդհարումների ժամանակ ինքնապաշտպանության կազմակերպման գործը համարյա ամբողջովին ծանրացած էր դաշնակցության վրա, ուստի զինված խմբերի մեջ ընդգրկված ամեն անհատ, եթե նույնիսկ որևէ առնչություն չունեն որևէ կազմակերպության Հետ, իրեն համարում էր դաշնակցական: Այդպիսիներից ոմանք տեղն ընկած ժամանակ դաշնակցության անունով գործում էին զանազան անիրավություններ, աղաղակող Հանցանքներ՝ դրանով իսկ արատավորում կազմակերպության անունը:

Ավազակությունն ու թալանը շարունակելով ծաղկել՝ մի սոսկալի չարիք էին դարձել մանավանդ գյուղացիության համար, չխտսելով այն մասին, որ կովկասյան ոստիկանությունը թե՛ անցյալում և թե՛ այդ ժամանակ իր մասն էր ունեցել այդ ավազակություններում: Եվ ահա, այժմ տեղական ադմինիստրացիան կորցրել էր գլուխը՝ խոստովանելով, որ այլևս անգոր է վերացնելու ավազակային և թալանի խմբերը, որոնք օրը ցերեկով ճանապարհների վրա հարձակվում էին մարդկանց վրա, գերում կամ կողոպտում:

Նույն երևույթները համաճարակի կերպարանք էին առել նաև թուրքերի մեջ, մի տարբերությամբ միայն, որ դրանք նրանց մոտ զուգորդվում էին թայֆայականության հետ՝ իր բոլոր արհավիրքից դրսևորումներով: Տարբեր խրմբեր, որպես թշնամի բանակներ, իրար դեմ կանգնած, իսկական պատերազմ էին մղում: Թուրքական աշխարհում, համարյա ամեն տեղ, ջրի երես էին բարձրացել Հասարակության տականքները, որոնք, շահագործելով տիրող տագնապը, պղտոր ջրում առատ ձուկ էին որսում:

Լոնդոնի “Fortnightly Review” հանդեսի 1906թ. փետրվարյան համարում տպագրած իր Հոդվածում Հայտնի Հրապարակախոս Լուիջի Վիլլարին նկատել էր. «Կան ամբողջ թուրքական գյուղեր, որոնք ուրիշ պարապմունք չունեն,

¹ Կոմս, Խոնարհ Հերոսներ, գիրք Դ, Պեյրութ, 1950, էջ 67-68:

¹ «Ռազմիկ» (Ֆիլիպ), N 93, 20 սեպտեմբերի 1906թ.:

բացի թալանից, իսկ իրենք՝ խաները, խիստ նմանվում են միջնադարյան ավագակ բարոններին»¹:

Թիֆլիսում լույս տեսնող «Անկախ մամուլ» լրագիրը թուրքական «Իր-չաղ» թերթից թարգմանաբար տպագրել էր շարքային թուրք մարդկանցից մեկի Հետևյալ խոսքերը.

«Մեր ժողովուրդն ի՞նչ դրուժյան մեջ է: Մենք բոլորս թշնամի ենք դարձել միմյանց... Մեր ընտանիքներին ու զավակներին մշտական վտանգներից փրկելու համար երեւի շուտով ստիպված կլինենք թողնել գործ ու աշխատանք և, մի-մի հրացան առած՝ Հսկի նրանց վրա: Ժողովու՛րդ, չի կարելի այսպես ապրել: ... Մեր մեծածնծներն իրենց տներում հանգիստ նստած միայն մտածում են իրենց միլիոնների մասին, իսկ մեր մյուս առաջնորդներն էլ զբաղված են մարդասպանութեամբ ու չարագործութիւններով: Ո՛վ պետք է մեզ օգնութեան հասնի, ո՛վ պետք է մտածի մեր մասին: Ո՛չ ոք: Մնում է, որ մենք մեր գլխի ճարն ինքներս տեսնենք»²:

Հայ և թուրք ավագակային հորդանքները սովորաբար գործում էին յուրաքանչյուրն իր ցեղային միջավայրում: Զատովել էին Հայ և թուրք ժողովուրդները, անջրպետ էր բացվել նրանց միջև, և Հենց դրանից էլ օգտվում էին ավագակախմբերը՝ իրենց «արհեստը» գործածելով տեղում: Քիչ էր պատահում, որ թուրք ավագակախումբը ավարառութեան նպատակով գնար Հայ գյուղի վրա, և Հայ ավագակախումբը՝ թուրքի: Հայը Հայի դեմ, թուրքը թուրքի դեմ, - այս էր սովյալ պահին ավագակային շայկաների նշանախոսքը: Պատահում էր նաև այսպես. եթե թուրք-հայկական ընդհարումների ժամանակ թուրքը թալանում էր Հային, Հայը՝ թուրքին, ապա այժմ թուրք ավագակախ Հայ ավագակախ Հետ նույն ավագակախմբում թալանում էր թուրքին, իսկ Հայը թուրք ավագակախ Հետ՝ Հային:

Հատկապես պարարտ հող էր ստեղծված թուրք ավագակախների (ղաչաղների) համար, որոնց հարյուրավոր խմբերը վստում էին ինչպես թուրքաբնակ, այնպես էլ Հայաբնակ գավառներում: Թուրքերի մոտ կային ավագակախմբեր, որոնցից յուրաքանչյուրում հաշվվում էր մի քանի հարյուր մարդ: Ղաչաղները միշտ զինված էին, և նրանք ավելի շուտ կյանքը կտային, քան իրենց զենքը: Վարելով փախստական կյանք՝ նրանք արագ մի տեղից մյուսն էին անցնում խիստ դժվարացնելով իրենց բռնելը:

Հայտնի դաչաղ Նաբուց Հետո մեծ հուշակ էր ձեռք բերել զաչաղապետ Դալի-Ալին, որի ավագակախմբում տարբեր ժամանակներում հաշվվում էր 200-ից մինչև 500 մարդ՝ թուրք, քուրդ, Հայ:

Դալի-Ալին Գանձակի նահանգում անուն էր հանել նախքան թուրք-Հայ

ընդհարումները: Նրան ձեռք գցելու համար իշխանութիւնների բազմիցս ձեռնարկած Հետապնդումները գուր էին անցնում: Բախտի բերումով նա ավագակախներից միակն էր, որ չուրջ 10 տարի հանդգնորեն, առանց ձեռքակալվելու, շարունակում էր ասպատակութիւնները: Նա դարձել էր թուրք ավանդապաշտ ժողովրդի հերոսն ու պաշտամունքի առարկան: Թուրքերը, նույնիսկ Հայերը, մի առանձին ակնածանքով ու փառաբանութեամբ էին արտասանում նրա անունը, թեև այդ անվան Հետ չաղախմբում էին արյուն, սուգ, արտասուք:

Թուրք-Հայկական ընդհարումների ժամանակ Դալի-Ալին անցավ խուժանի գլուխը, բայց ոչնչով չարտահայտվեց նրա քաջութիւնը: Ուրիշ թուրք ասպատակիչների արածներն էլ ժողովուրդը վերագրում էր նրան:

Երբ վերջացան ընդհարումները, Դալի-Ալին քաջվեց մի անկյուն և սկսեց միառժամանակ հանգիստ ապրել՝ որոճալով իր նախկին «քաջագործութիւնների» փշրանքները: Իշխանութիւնների առաջ թուրք երեւելիների միջնորդութեամբ ներում ստանալուց Հետո նա քաջվում է Հայերնի գյուղ և նորից զենքի սպառնալիքներով շուտով դառնում չրջանի կատարյալ տերն ու տնօրենը: Անընդհատ ստանում էր անթիվ նվիրաբերութիւններ: «Ազգային հերոսը» շարունակում էր մնալ թուրք հասարակութեան ու շարժումների կենտրոնում, նրա հպարտութեան առարկան: Ի վերջո, Դալի-Ալին խանդի հողի վրա իր ցեղակիցներից մեկի կողմից վրեժխնդրութեան զոհ է դառնում՝ թողնելով մեծ հարստութիւն և մոտ 40 կին:

Կային թալանչիների տասնյակ ուրիշ, ավելի փոքր խմբեր: Օրինակ՝ Զավադի և Շուշիի գավառներում ասպատակութիւններ էր անում Զավադի գավառի Աշղլու գյուղացի Քելբալայ Քազումը՝ իր որդու՝ Երաստանի և երկու ընկերների՝ Քելբալայ Վալիի և Աղաբեկ Աբդուլլա բեկ օղլու Հետ: Տարբեր ժամանակներում այդ ավագակախմբի մեջ ընդգրկվում էին նաև ուրիշներ: Խումբը գոյատևեց ավելի քան հինգ տարի, հասցրեց սպանել երկու տասնյակից ավելի մարդ, այդ թվում Շուշիի գավառապետ Ռոդիոն Լակոտաշին, և 1910թ. ապրիլին ոչնչացվեց ոստիկանութեան Հետ ընդհարման ժամանակ³:

Պակաս բազմաքանակ չէին Հայ ավագակախմբերը, որոնք ժողովրդի համար նույնքան վտանգավոր էին, որքան արտաքին ոստիք:

Ղարաբաղի Հայ բնակչության չրջանում իսկական չարիք էին դարձել և սարսափ ձգել ոճրագործ Զուճուղը, Հայտնի ավագակախապետեր Հաթամ բեկ և Շամիր բեկ եղբայրները, իր գազանութիւններով հուշակ հանած Զալալ բեկը: Կատարած մարդասպանութիւնների ու թալանների համար Զուճուղը Շուշիում սպանվեց դաշնակցական տեռորիստի կողմից:

Զալալ, Շամիր և Հաթամ բեկերը Արցախի Նախիջևանիկ գյուղից էին, Փիրումյան նշանավոր տոհմից: Տոհմն իր ժողովրդին տվել էր հիշարժան անուններ: Բայց, Փիրումյաններից սերվել էին նաև ոչ քիչ թվով ոճրագործներ,

¹ Մեջբերված է Միք. Հովհաննիսյանի «Կովկասեան Վանդան, թուրք-հայկական ընդհարումները, նրանց պատճառները» գրքից, Թիֆլիս, 1907, էջ 70:

² «Անկախ մամուլ», N 11, 13 դեկտեմբերի 1907թ.:

³ «Սուրհանդակ» (Թիֆլիս), N 97, 28 ապրիլի 1910թ.:

որոնք իրենց Հանցանքների Համար երբեք պատասխանատվություն չէին կրում, քանզի տոհմը բազում կապեր ուներ կառավարական շրջաններում, և այդ պատճառով Հանցագործները միշտ մնում էին անպատիժ:

Մի անբարո ճիվաղ էր Ջալալ բեկը՝ գող և մարդասպան, որի ավագակալությունների գոհերն ավելի շատ Հայեր էին, քան թուրքեր, ուստի նրանից ավելի շատ սարսափում էին առաջինները: Ջալալի ավագակալությունների ու մարդասպանությունների Համբավը տարածվել էր Ղարաբաղից Հեռու՝ սարսուռ պատճառներով ամենուր:

Բայց ավելի մեծ ոճրագործներ էին Հաթամ բեկը՝ թալանի անհազ ծարավով մի անգութ մարդ, և նրա հրեշտակա եղբայրը՝ Շամիրը: Երկուսն էլ արտակարգ քաջության և հնարքների տեր էին՝ ձիավարժ ու զինավարժ: Բայց այդ Հատկությունները նրանք երբեք չծառայեցրին իրենց ժողովրդին, ընդհակառակը՝ ուղղեցին նրա դեմ:

Հաթամը Հաստատվել էր Վարանդայի կենտրոնում Քյաթուկ գյուղում, և դժբախտություն էր դարձել շրջանի աշխատավոր գյուղացիության Համար: Նրա ավագակալների մեջ և՛ Հայեր էին, և՛ թուրքեր, որոնք Հավասար նվիրվածությամբ ծառայում էին իրենց ոճրածին պետին: Բայց գնալով եղբայրները ավելի ու ավելի էին Հակվում դեպի թուրքերը:

Ի վերջո, Հայ-թուրքական կոիմների վերջին շրջանում նրանք միացան թուրքերին և նրանց Հետ կոպում էին Հայ մարտական խմբերի դեմ: Բանն այնտեղ էր Հասել, որ եղբայրների ավագակալները սկսել էին լրջորեն վտանգել Հայերի ինքնապաշտպանության գործին՝ Հատկապես Վարանդայում:

Վարդանը և Ն.Յ. դաշնակցության Ապառաժի կոմիտեն մեկից ավելի անգամ Հորդորեցին դավաճան եղբայրներին՝ Հետ կանգնել ազգության ճանապարհից, դադարեցնել կոիմի իրենց ժողովրդի դեմ և վերադառնալ խաղաղ, մարդավայել կյանքի: Բայց նրանք խուլ մնացին արված նախազգուշացումներին և շարունակեցին իրենց սև գործը: Կազմակերպությանն այլ բան չէր մնում, քան տեղորի ենթարկել նախ Հաթամին՝, ապա և եղբորը՝ Շամիրին՝:

Ազգութացությունը դաժան Հատուցում ստացավ: Եղբայրների ավագակալները ցրվեցին:

* Հաթամ բեկին, որպես ազգության դավաճանի, գնդակահարել էին դաշնակցական ահաբեկիչներ Այեքան Սաղիրյանը և Գրիգոր Միրզաբեկյանը: Դաշնակցական գործիչ Արամայիսը (Միսակ Տեր-Պանիկյան) «Փշրանքներ» վերտառությամբ անտիպ Հուշերում չբաժանելով Հաթամին «ազգութաց դավաճան» տված գնահատականը, գրել է. «Միսալ էր նրան թուրքերին օգնող մեկը Համարել: Հաթամը գող էր և չէր խնայում ո՛չ Հային, ո՛չ թուրքին, բայց նա երբեք թուրքին չի օգնել Հայերի դեմ: Իմ կարծիքով՝ այդտեղ մեծ դեր են խաղացել անձնական Հաշիվները» (տե՛ս ՀՀ ՊԿՊԱ, ֆ. 150, ց. 1, գ. 25, թ. 81):

** Շամիր բեկի մասին Արամայիսը գրել է. «Նրան կախեցին ծառից՝ Քյաթուկի մոտ գտնվող անտառում, որովհետև ազգութացը ոչ միայն իր երկու քույրերին կնուխյան էր տվել թուրքերին, այլև ընդհարումների ժամանակ անցել էր Աղղամ, միացել թուրքերին և կրավել Հայերի դեմ» (նույն տեղում):

Փիրուսյանների տոհմի մյուս բեկերը ապրում էին իրենց գյուղում՝ Նախիջևանիկում, ապրում էին սովորական կյանքով և «բեկ» տիտղոսից բացի, ուրիշ ոչինչ չուներին՝:

Ղարաբաղից Հայ ավագակալներից էր մեծ Համբավ ձեռք բերած Ավետարանաց գյուղի ծնունդ, Մեյիք-Շահնազարյանների Հայտնի տոհմից Ասլան Մեյիք-Շահնազարյանը: Ընդամենը 26-27 տարեկան ավագակալ անխիղճ էր ու կատաղի, փառասեր ու խորամանկ, բայց Հատկապես՝ քաջ: Ընդհարումների ժամանակ շատ է պատահել, որ ամենավտանգավոր պահերին Ասլանը կարողացել է անձնական խիզախությամբ փրկել դրությունը: Ընդհարումներից Հետո նա իր խմբով մեծ «քաջություն» սկսեց Հայերի ունեցվածքի թալանը: Ավագակալները մեծ տուգանքներ էր դնում ոչ միայն առանձին ընտանիքների, այլև ամբողջ գյուղական Համայնքների վրա:

Ասլանի Հափշտակությունները և Հարստահարումները այնպիսի ծավալներ էին ընդունել, որ այլևս անհնար էր Հանդուրժել նրա արարքները: Ն.Յ.Պ. Ապառաժի կ. կոմիտեն որոշեց նրան ահաբեկել: Իմանալով այդ մասին՝ Ասլանը չբացավ Ղարաբաղից: Միայն շատ տարիներ անց Հայտնի դարձավ, որ նա անցել էր Միջին Ասիա, որտեղ ավագակալին մեծ գործողություն կատարելու Համար ձեռքակալվել էր և գնդակահարվել՝:

Թուրքերից բաղկացած իր խմբով Ջանգեզուրում, Հատկապես Ղափանի կողմերում, ասպատակություններ էր անում Հայ գյուղացի, անվանափոխ Հայտնի ավագակալ Իսմայիլ Աբաշ օղլին: Նա քշում էր Հայերի նախիրն ու Հոտը, կրակի մատնում խոտի դեզը, առևանգում գեղեցիկ աղջիկների: Ավագակալ, որ ճանապարհներին սպանել էր բազմաթիվ Հայերի, ի վերջո, ինքն էլ սպանվում է 1907-ի Հունվարին, խանլղեցի Աբբաս տանուտերի ձեռքով, այն պահին, երբ քշում էր վերջինիս տավարը²:

Ավագակալները ոչ միայն Հարկեր էին դնում գյուղացիների վրա, այլև պատվերով ու բարձր վճարով կատարում էին անհատական սպանություններ՝ Հազուրդ տալով այս կամ այն պատվիրատուի վրեժխնդրությունը կամ բավարարելով մրցակցին վերացնելու նրա ցանկությունը:

Այսպես, Շուշիի գավառի Ազոխ գյուղի Հարուստներից Առաքել Պետրոսյանը, արյան վրեժ առնելու Համար, Հարևան Տոզ գյուղից Սամսոն Խաչատրյանին պատվիրել էր սպանել Թաղավարը գյուղացի Մարտիրոս Ավագյանին, որը

* Արամայիսը այդ բեկերի մասին գրել է. «Գոնե իմ օրոք ես չեմ տեսել, որ գյուղացիներից մեկն ու մեկը նրանց որևէ տուրք տար կամ նրանց Համար ձրի աշխատանք կատարեի. ընդհակառակը, գիտեմ, որ Բաշիր բեկին գյուղացիները վարձով բանեցնում էին իրենց արտերում, Հունձի ժամանակ: Գյուղում իմ տեսած քյոթր Փիրուսյան բեկերը նույն չարքաջ կյանքն էին վարում. ինչպես մյուս գյուղացիները, բավականանալով «բեկ» կոչումով, որ որոշ արտոնություններ էր տալիս իրենց» (ՀՀ ՊԿՊԱ, ֆ. 150, ց. 1, գ. 25, թ. 81):

¹ ՀՀ ՊԿՊԱ, ֆ. 115, ց. 1, գ. 25, թ. 68-69:

² «Դրոշակ», N 2 (180), փետրվար, 1907, էջ 26:

և իրականացվել էր 1905թ. Հուլիսի 18-ին¹: Զանգեզուրի գավառում, Գորիս քաղաքից Շինուհայր գնալիս, Շաքարլու քոլում (անտառում) սպանվել էր այդ գյուղի տանուտեր Հայրապետ Շիրինյանը: Պատվիրատուն, որը նույն գյուղացի էր, նպատակ էր ունեցել զբաղեցնել տանուտերի պաշտոնը²:

Ավագակները միայն գավառներում չէին: Անդրկովկասի մեծ քաղաքներում վիճակն ավելի տագնապալից էր: Թիֆլիսում, օրինակ, նրանք «որս էին անում» փոխարքայի պալատից ընդամենը մի քանի քայլի վրա: Կողոպուտվում էին ոչ միայն քաղաքացիներ, այլև ոստիկաններ ու զինվորներ, պետական ծառայողներ, քաղաքում Հայտնված օտարերկրացի Հյուրեր: Վերջիններս Կովկասից Հեռանում էին Հիասթափված, առանց այն էլ տեղի բնակչության մասին եվրոպական քաղքենու մոտ ստեղծված աննպաստ պատկերացմանը Հավելում բացասական նոր գծեր:

Եվեյցարիայում բնակություն Հաստատած մի Հայուհի՝ Սաթենիկը, որը 1905թ. Հոկտեմբերին եկել էր Թիֆլիս և այդտեղ ականատես եղել նոյեմբերյան կռիվներին, Լոզանում գտնվող իր ընկերոջը՝ Սիամանթոյին ուղարկած նամակում գրում էր.

«Սաստիկ դժգոհ եմ իմ Կովկաս գալու Համար. ամեն մի Հիմար բան ինձ վրա սոսկալի ազդում է: Կովկասը թողնելուց Հետո ես երբեքից Հազիվ թե վերադառնամ այստեղ. այնքան զզված եմ այստեղից: ... Ո՛վ գիտե, թե էլի ինչեր պիտի պատահեն այստեղ. խառնակություններ, կոտորածներ, արյուն է, որ պիտի հոսի: Ո՛վ գիտի ո՞ղջ պիտի մնամ արդյոք, որ Եվրոպա գամ, թե ես էլ պիտի ընկնեմ կողակի կամ թուրքի կամ ավագակի սրեն. սարսափում եմ մահից»³:

Ավագակախմբերի բազմացումը և դրանց ոճրագործությունների ծավալների մեծացումը խորապես մտահոգում էր Հայկական Հասարակության բոլոր խավերին: Տարբեր քաղաքական Հայացքների տեր մարդիկ, գաղափարական գանազան ուղղության մամուլի օրգաններ Համերալիս էին երևույթին տրված գնահատականում, դրա դեմ պայքարի Համար առաջադրում էին նույնատիպ մեթոդներ:

«Ավագակության Համաճարակը» վերնագրով Հոդվածում դաշնակցության «Երկիր» թերթը գրում էր. «Կռիվն ավագակության դեմ Հանդիսանում է ներկայիս ամենաստիպողական ու Հրատապ պահանջը»⁴: Թերթը նշում էր, որ «պրոֆեսիոնալ ավագակները գլուխ են բարձրացրել գրեթե ամեն տեղ», մեծ չարիք են դարձել Անդրկովկասի բոլոր նահանգներում և իրենց «սխրագործություններով» Հուսահատության դուռը Հասցրել ազգաբնակչությանը⁵:

¹ ՀՀ ԳԿԱ. ֆ. 115, ց. 1, գ. 23, թ. 16:

² «Մշակ», N17, 25 Հունվարի 1907թ.:

³ Գ.Ա.Թ., Սիամանթոյի Փոնդ, N193, թ. 5,6:

⁴ «Երկիր» (Թիֆլիս), N 32, 7 նոյեմբերի 1906թ.:

⁵ նույն տեղում:

Իսկ ո՞րն էր ելքը:

Դաշնակցության «Ալիք» թերթը այդ Հարցին այսպես էր պատասխանում.

«Մնում է, որ Հասարակական ակտիվ ուժերը Հանդես գան և իրենց ձեռքը վերցնեն Հասարակական ապահովության և անդորրության գործը: Եվ մենք Համոզված ենք, որ այս դեպքում Հասարակական ակտիվ ուժերը ավելի ընդունակ և ձեռնՀաս կլինեն՝ լուծելու այն բարդ խնդիրները և վերացնելու այն չարիքներն ու ախտերը, որոնք Հյուժում են ժողովրդին, խանգարում նրա ապահով գոյությունը»¹:

Դիմելով նախկին Հայ մարտիկներին, որոնք Հիմա բռնել էին ոճրագործության ուղին, «Մշակի» խմբագիր Ալեքսանդր Բալանթարը «Դեպի աշխատանք» վերնագրով Հոդվածում նրանց կոչ էր անում վերադառնալ ստեղծագործ կյանքի և սեփական քրտինքով վաստակել Հանապազօրյա Հացը:

«Զեր ինքնապաշտպանությունը, - գրում էր նա, - և ձեր դիմադրությունը ինքնըստինքյան չնորՀակալության և երախտագիտության էին արժանի ժողովրդի կողմից: Եվ ժողովուրդը Հերոսացրեց ձեզ, երգեց իր երգերում, օրհնեց իր աղոթքների մեջ և օժանդակեց իր միջոցներով»:

Սակայն, վերջացնելով ձեր ժամանակավոր, Հերոսական գործը՝ դուք պետք է նորից վերադառնայիք աշխատանքի կյանքին, բայց, ցավոք, այդ բանը դուք չարիք: Այդ սխալը պետք է շտապ ուղղել: Նորից պետք է դառնալ արդյունագործ տարր: Ամեն մի ուշացած օր աղետաբեր է թե՛ ժողովրդի և թե՛ այն գործի Համար, որին դուք Հարած եք:

Վերադարձեք դեպի ձեր գուժանները: Վերադարձեք դեպի ձեր արհեստը և աշխատանքը:

Շտապեցե՛ք օր առաջ:

Դա է փրկարար ճանապարհը»²:

Բայց նման կոչերն ընդՀանուր առմամբ անարդյունք էին մնում: Դեպի ստեղծագործ աշխատանքի էին վերադառնում քչերը, իսկ նրանք, ովքեր այլևս մտածել անգամ չէին ուզում աշխատելու մասին, շարունակում էին իրենց ասպատակությունները:

ԱՀա թե ինչու դաշնակցությունը Հակվում էր դեպի ավագակախմբերը ոչնչացնելու տեսակետին:

1906թ. նոյեմբերի 21-ին Հ.Յ.Դ. Թիֆլիսի կենտրոնական կոմիտեն մի կռիվ դիմեց Թիֆլիսի նահանգի գյուղացիությանը:

Ենչտեղով, որ «ժողովուրդը Հեծկտում է տանջանքներից», կ. կոմիտեն ողջունում էր, որ Համբերության բաժակը լցված ժողովուրդը տեղ-տեղ խիստ պատիժ է տալիս ոճրագործությունների Հեղինակներին:

Սակայն ավագակներին տված մասնակի պատիժները չեն կարող դրու-

¹ «Ալիք» (Թիֆլիս), N 49, 27 Հունիսի 1906թ.:

² «Մշակ», N 265, 7 դեկտեմբերի 1906թ.:

թյունը փոխել: Չարիքի դեմ կռիվը պետք է լինի կազմակերպված, ընդհանուր և որոշակի ծրագրով: «Տանջվողները պետք է ձեռք մեկնեն իրար և ուժգին հարված տան թշնամուն: Եթե ներկայումս կարելի չէ գլխավոր ոճրագործին՝ կառավարութանը տապալել, կարելի է վերջ տալ ժողովրդի մեջ գոյություն ունեցող գիշատիչ տարրերի արարքներին: Դրա համար հարկավոր է ոչ թե վհատվել ու ողբալ, այլ կազմակերպվել ու կատաղի կռիվ հայտարարել չարագործներին»:

Հ.Յ.Դ. կ. կոմիտեն վստահ էր, որ աշխատավոր գյուղացիութունը, որը միշտ խորշել է ավազակներից ու գողերից, որը կարողացել է պատվով դուրս գալ այն գեհնից, որի անունն է Հայ-թուրքական կոտորած, այդ նույն գյուղացիութունը կարող է իր միջից արմատախիլ անել և այդ չարիքը: Դա էր պահանջում գյուղացու բարեկեցութունը և այն սուրբ գործը, որի համար նա այնքան արյուն էր թափել:

Հ.Յ. դաշնակցութունը հայտարարում էր, որ ինքը, միշտ լինելով աշխատող և դառը քրտինք թափող ժողովրդի պաշտպան, «չի կարող այս դեպքում էլ մնալ անտարբեր. նա ցույց կտա իր աջակցութունն այդ ժողովրդին: Թող լավ իմանան, ուրեմն, այդ գիշատիչ տարրերը, որ նրանց «քաջագործութունների» վերջը հասել է և թող օր առաջ ձեռք վերցնեն իրենց ոճրագործութուններից: Աշխատավոր ժողովրդի արյան գնով մաքրվող ասպարեզը դրանց համար չէ»¹:

1906-1907թթ. հայ մարտիկների գնդակներից ընկան տասնյակ ոճրագործներ: Խստագույն պատիժները սթափեցնող ազդեցութուն ունեցան, և ավազակախմբերի շարքերը գնալով մեծապես նստացան:

Ավերածութունների, սովի, ավազակախմբերի, պատժիչ արշավախմբերի ու դաժան էկզեկուցիաների երկրում այլևս չէին ուզում ապրել շատերը: Մի կողմից, զրպանում առանց կոպեկի հայ բանվորները Բաքվից հազարներով վերադարձել էին հայրենի գյուղերը, մյուս կողմից, այդ գյուղերի բնակիչները տասնյակ հազարներով փախչում էին արդյունաբերական կենտրոններ՝ հիմնականում Անդրկովկասից դուրս: Երևանի, Թիֆլիսի նահանգներից, Ղարաի շրջանից արտագաղթողները գնում էին Հյուսիսային Կովկաս, Սև ծովի Ղրիմի ափերը, Ռուսաստանի կենտրոնական նահանգները: Հին Նախիջևանից, Գանձակի նահանգի հայկական գավառներից ու շրջաններից, Սիսիանից, բուն Զանգեզուրից, Ղափանից, Վարանդայից, Խաչենից, Ղազախից հեռացողները գնում էին բախտ որոնելու Անդրկասպյան երկրներում և հիմնավորվում էին Կրասնովոդսկ, Աշխաբադ, Տաշքենդ, Մերվ քաղաքներում: Երկու տարում (1906-1907) Զանգեզուրից և Ղարաբաղից հեռացել էր ավելի քան 100 000 մարդ: Միայն Վարանդայից 1906թ. առաջին ամիսներին գաղթել էր 10 000

հոգի¹: 1905-1906թթ. Հին Նախիջևանի գավառից Անդրկասպյան երկիր էր մեկնել և հիմնավորվել 3 500 հայ²:

Հայ մարդկանց հարազատ հողից պոկում էր խաբուսիկ պատրանքը, թե հեռու տեղերում ինքն ապահով կլինի: Բայց նա գնում էր դեպի անհայտութուն: Դա փախուստ էր նոր վտանգներից, դա սեփական անձը փրկելու միջոց էր լուկ, դա լքում էր գոյության կռվի ասպարեզը, ուր իր հայրենակիցները, անյուր տառապանքներ կրելով, շարունակում էին մշտամնաց կառչած մնալ հայրենի բնաշխարհին:

Անդրկովկասի հայկական գավառներից կատարվող գանգվածային գաղթը վտանգի տակ էր դնում այնտեղ մնացածների գոյությունը և ընդհանրապես մեծ սպառնալիք էր Ռուսահայաստանի համար:

«Ալիքը» ցավով նշում էր, որ փոխանակ թե տալու համազուգահեճիներին, գաղթողները փոքրագույնամբ լքում են հայրենի բնակավայրերը և, դրանով իսկ, ազատ ասպարեզ են տալիս ավարառու ուժակներին: Շեշտելով, որ հենց դա են ուզում հայ ժողովրդի թշնամիները, թերթը շարունակում էր.

«Քանի դեռ ուշ չէ, պետք է շուտափույթ միջոցներ ձեռք առնել ավերիչ գաղթը կանգնեցնելու համար:

... Այսօր ոճիր է հայ մարդու համար թողնել իր տունն ու օջախը և ապաստանել հեռու քաղաքներ: Դա նշանակում է խաղալ հետադիմության մարդասպան խաղը, անդրկովկասյան հայության համար դա նշանակում է բնաջրնջում, մա՛հ»³: Թերթը գյուղերից փախած տղամարդկանց կոչ էր անում վերադառնալ հայրենի եզերք. «Զգաստացե՛ք, պանդուխտներ: Մտածեցեք, թե ինչ անբուժելի պատուհաս եք բերում ձեր գանգվածային փախուստով: Եղե՛նք անարգել տարածում է իր թևերը մեր կիսակործան երկրի վրա. ձեր անբախտ հայրենի ու մայրերը, ձեր կանայք ու երեխաները աղիողորմ օգնություն են կանչում, վերադարձե՛ք, լցրեք անձնվերների շարքերը և դիմադրեցեք արհավիրքին, միշտ ղեկավարվելով ինքնապաշտպանության վսեմ պատգամով»⁴:

Նույնքան տագնապով լի էր Ղարաբաղի թեմի առաջնորդ Աշոտ եպիսկոպոսի՝ հայրենի օջախները լքած և քաղաքներում ապաստան գտած հայրենակիցներին ուղղված դիմումը, որով նրանց կոչ էր անում վերադառնալ ծննդավայրերը: «Միայն ու մահաբեր է ձեր բռնած ճանապարհը, - ասված էր դիմումի մեջ: - Դուք կանգնել եք կորսության եզերքի վրա, իսկ թշնամին շարունակում է իր դավադրութունները: ... Լավ իմացեք, որ վախկոտները, լալկանները և փախչողները պետք է տուժեն, անե՛ծք է նրանց համար պսակված օրհնության փոխարեն, և անարգանքն ու նախատիքն է նրանց բաժինը: Քանի դեռ ուշ չէ, ետ դարձեք կորստաբեր ճանապարհից, շարունակեցեք ապ-

¹ «Ալիք», N 41, 15 հունիսի 1906թ.:

² «Կովկասի լրաբեր» (Թիֆլիս), N 226, 11 հոկտեմբերի 1913թ.:

³ «Ալիք» (Թիֆլիս), N 41, 15 հունիսի 1906թ.:

⁴ Նույն տեղում:

¹ «Դրոշակ», N 12(178), դեկտեմբեր, 1906, էջ 182:

րել ձեռք երկրում լի հույսերով, մաքառելով ու կուլելով ձեռք ժողովրդին վտանգ սպառնացող թշնամու դեմ»¹:

Իհարկե, այդ և նման կոչերը ազդեցություն էին թողնում հատկապես գյուղական երիտասարդության վրա: Երիտասարդների մեծ մասը, այնուամենայնիվ, գերադասում էր, թեև կոչվում էր, իհարկե, մնալ հայրենի գյուղերում և ավագակախմբերից պաշտպանել հարազատներին ու համագյուղացիներին:

Ազգամիջյան կռիվները մեծապես վատթարացրին կովկասյան թուրք և հայ ժողովուրդների փոխհարաբերությունները, նաև թունավորեցին երկրամասի կյանքը: Բայց հետևանքները դրանով չսահմանափակվեցին:

Թուրք-հայկական շարժերը այս կամ այն չափով երկու ժողովուրդների ազգամիջյան հարաբերությունների մեջ ներգրավեցին նաև Անդրկովկասում ապրող մյուս ժողովուրդներին: Բուլղարիայի «Կայծ» գրում էր. «Կոտորածը մի սոսկալի դժբախտություն է մեր երկրի նաև այն ազգերի համար, որոնք, ըստ երևույթի, ոչ մի կապ չունեն այդ կոտորածի հետ»²:

Թուրք-հայկական ընդհարումներից, իրենցից անկախ, տուժեցին նաև վրացիները: Ահավոր չարիք լինելով երկու ժողովուրդների համար՝ այդ ընդհարումները միաժամանակ նշանակալի վնասներ հասցրին Վրաստանին: «Մենք վստահ ասում ենք, - գրում էր «Կայծը», - որ եթե չլինե՞ր հայ-թաթարական դժբախտ կոտորածը, Վրաստանը երբեք չէր ենթարկվի այն կատաղի ու անխնա ավերումին, որին նա ենթարկվեց 1905թ. դեկտեմբերյան ապստամբությունից հետո: Ավելին՝ Կովկասը երբեք այնքան խղճուկ դեր չէր կատարի դեկտեմբերյան ապստամբության ժամանակ, երբեք այնքան խայտառակ պարտություն չէր կրի, եթե չլինե՞ր այդ դժբախտ կոտորածը»³:

Մյուս կողմից, պետք է նշել, որ թուրք-հայկական ընդհարումները մեծապես նպաստեցին Կովկասում վրաց բուրժուազիայի և ազնվականության մեծապետական նկրտումների ուժեղացմանը: «Կարելի է ասել, - գրել է Ա. Գյուլյանդանյանը, որ այդ ընդհարումների հետևանքով սկիզբ առավ վրացիների գերազդեցությունը կովկասյան ժողովուրդների քաղաքական կյանքի վրա և որ շարունակվում է մինչև օրս»⁴:

Այդ երկու արյունալի տարիներին էր, որ վերջնականապես ձևավորվեցին Անդրկովկասի երեք ժողովուրդների քաղաքական ձգտումները:

Ջարդերի դադարեցման մասին Ա. Գյուլյանդանյանը շարունակում էր իր խորհրդածությունները.

«Հայերը, վրացիները և թաթարները, կամենան թե ոչ, լինեն անկախ պետություններ թե տերիտորիալ կապերով միմյանց հետ կապված, ստիպված են

¹ «Ալիք» (Թիֆլիս), N 50, 28 հունիսի 1906թ.:

² «Կայծ», N 24, 7 հունիսի 1906թ.:

³ Նույն տեղում:

⁴ Ա. Գյուլյանդանյան, Հայ-թաթարական ընդհարումները, Հատ. առաջին, Բաղուի առաջին ընդհարումները, էջ 9:

միասին ապրել և հաճախ միասին վարել միանման քաղաքական գործունեություն, իսկ դա Հնարավոր է միայն այն ժամանակ, երբ կովկասյան ժողովուրդների քաղաքական կյանքի վարիչները պետական հասունություն ու իմաստություն կունենան և անկեղծորեն կցանկանան չլրկնել նախկին սխալները, որոնք այնքան աղետաբեր եղան անխտիր կերպով բոլորի համար»¹:

Թուրք-հայկական ընդհարումների ժամանակ խորացավ այն անվստահությունը, որ կար սոցիալ-դեմոկրատներին և Հ.Յ. դաշնակցության միջև:

Սոցիալ-դեմոկրատները դաշնակցության կուլելու ձևերն ու մեթոդները համարում էին թթու ազգայնականության դրսևորումներ, գտնելով, որ նրա գործողությունների միակ կանոնավոր եղանակը կլինե՞ր հայ ու թուրք աշխատավոր մասսաների միջև համերաշխության հաստատումը՝ բուրժուազիայի և կառավարության դեմ կուլելու համար: «Սկզբում ընդհանուր ուժերով քանդե՞ք Բաստիլիան, որից հետո ընդհանուր ուժերով կկործանենք թուրքական Վանդեան», - ասում էին նրանք:

Դաշնակցականները սոցիալ-դեմոկրատներին առարկելով ասում էին, որ գործերի դրուժյունն իրենց ստիպում է ամենից առաջ մտածել հայ ժողովրդի ինքնապաշտպանության մասին:

Խորացած անվստահությունն ու տարածայնությունները լրագրական բանակուլի վերածվելով՝ ավելի սրեցին երկու կողմերի փոխհարաբերությունները:

Վերջապես, թուրք-հայկական ընդհարումների տված ամենամեծ վնասներից մեկն այն եղավ, որ հայերը և կովկասյան թուրքերը դուրս մնացին ուսական ողջ կայսրությանը փրկող ազատագրական կուլից: Հրահրելով ազգամիջյան կոտորածներ ու ջարդեր՝ ցարիզմը կարողացավ իր դեմ ուղղված համառուսաստանյան ժողովրդական շարժումից մեկուսացնել հայ և թուրք աշխատավոր զանգվածներին և դրանով իսկ մեծ հարված հասցնել հեղափոխության գործին Կովկասում:

Այդ հարցին անդրադառնալով «Դրոշակը» գրում էր. «Բայց «Դաշնակցության» գլխավոր կուլիլը, ցավոք, կովկասյան թաթարների դեմ էր հեղափոխության օրերին: Այստեղ նա թափեց անբավ եռանդ, այդտեղ նա տվեց անգնահատելի գոհներ, որոնք արժանի էին ավելի բարձր, ավելի վսեմ մի գործի: Բախտի չարաշու՛ք տնօրինություն: Չլինե՞ր թուրք զանգվածների այդ հակահեղափոխական եղբայրադավ ըմբոստացումը՝ մենք ուրիշ կերպ կը ծառայեինք Կովկասի ազատագրության գործին, և փոքրիկ Գուրիան մենակ չէր պարզի գինված ապստամբության դրոշը...»²:

¹ Ա. Գյուլյանդանյան, Հայ-թաթարական ընդհարումները, Հատ. առաջին, Բաղուի առաջին ընդհարումները, էջ 9:

² «Դրոշակ», N 1(167), հունվար, 1906, էջ 3: Ժամանակին այն տեսակետն է արտահայտվել, որ եթե կովկասահայությունը ներքաշված չլինե՞ր թուրք-հայկական 1905-1906թթ. ընդհարումների մեջ, այլ լայնորեն մասնակցեր համառուսաստանյան հեղափոխական շարժմանը, ապա Կովկասում նրա դիրքերն ու դրուժյունը միանգամայն ուրիշ կլինեին՝

Արդյո՞ք թուրք-Հայկական 1905-1906թթ. կոտորածների խորշակը այլևս չի շահելու կովկասյան երկնակամարում, ո՞րն է ազգային առճակատումները Անդրկովկասում վերջ տալու և երկրամասի ժողովուրդների միջև կայուն խաղաղություն հաստատելու ուղին, – այս հարցերը հուզում էին մարդկանց մշտֆերը և պատասխանի էին սպասում:

Հայ պահպանողականների տեսակետն այն էր, որ թուրք-Հայ թշնամանքը կարող է մեղմվել միայն ռուսական կառավարության խստությունների, կարգի պահպանների կողմից իրենց պարտականություններն անթերի կատարելու դեպքում, այլապես թուրք-Հայ նոր կոտորածներն ու ջարդերը անխուսափելի են գալիքում:

Հայ լիբերալները (Հայ կաղետներ, մշակականներ) գտնում էին, որ թուրք-Հայ նոր ջարդերին ու կոտորածներին վերջ տալու հիմնական պայմաններից մեկը թուրք ժողովրդի մշակութային հետամնացության հաղթահարումն է, առանց որի միշտ մնալու է Հայերի հետ թուրքերի ընդհարման վտանգը: Նրանց համար սիոփիչ էր, որ Ադրբեջանի թուրքերի շրջանում գնալով ավելի ու ավելի հաճախ են լսվում զգաստ ձայներ, կոտորածները դատապարտող ելույթներ: Այդ տեսակետից 1906թ. կեսերից առանձնանում էր Բաբվի «Հայաթ» թերթը:

Հայ ազգային-հեղափոխական կուսակցությունների (Հնչակ, դաշնակցություն) համոզմունքն այն էր, որ երկու ժողովուրդներին հնարավորին չափ պետք է բաժանել իրարից, այսինքն՝ պետք է կատարվի համապատասխան սահմանաբաժանում, դրանից բխող իրավունքներով հանդերձ: Հայերն ու կովկասյան թուրքերը պետք է ունենան որոշակի տարածքներ և ինքնավար ապրելու իրավունք:

«Հետևապես, – գրում է Ռուբեն Խան-Ազատը, – չափավորելով մեր սպասելիքները, գիտակից լինենք մեր ապագա անելիքներին ու չմտածենք, թե մեր ազատագրության գործն արդեն վերջացած է: Նա դեռ նոր է սկսվում»¹:

Ինչ վերաբերում է հեղափոխական սոցիալ-դեմոկրատներին (բոլշևիկ և մենշևիկ), ս.դ. բանվորական Հայ կազմակերպությունը և սոցիալիստ-հեղափոխականներին, ապա սրանք բոլորը գտնում էին, որ Անդրկովկասում երբեք չի հաջողվի Հաշտություն հաստատել, քանի դեռ տապալված չէ ցարիզմը:

Բոլշևիկյան «Կայծը» նշում էր. «Միմյանց կոտորելով երբեք չի կարելի

վերջ տալ կոտորածներին: Քանի դեռ գոյություն ունի բռնակալությունը, ժողովուրդների անմեղ արյունը կհոսի ծովի պես՝ դժբախտացնելով ու ամայացնելով երկիրը: Եղբայրասպան կոտորածները կվերջանան միայն այն օրը, երբ կհաղթանակի Ռուսաստանի մեծ հեղափոխությունը»²: Ուստի երկու ժողովուրդները պետք է հասկանան կոտորածի ամբողջ կործանարար լինելը և միացնեն իրենց ուժերը արյունարբու միապետության տապալման համար:

Բայց այս ընդհանուր տեսակետի կողքին թուրք-Հայկական հակասությունների և հնարավոր նոր ընդհարումների մասին այդ կազմակերպություններից յուրաքանչյուրը նաև ուներ իր ուրույն, մյուսներից տարբերվող, մոտեցումները:

Այսպես, բոլշևիկները շեշտը դնում էին Հայ և թուրք ծայրահեղ նացիոնալիզմի դեմ պայքարի անհրաժեշտության վրա: Միաժամանակ գտնում էին, որ նացիոնալիզմի գաղափարախոսությունն անհնարին է կասեցնել առանց տապալելու ոչ միայն ցարիզմը, այլև բուրժուազիային: Ցանկություն ունենալ, որ Անդրկովկասում վերջ գտնեն կոփիները, միաժամանակ կողմնակից լինել ազգայնության գաղափարին, ասում էին բոլշևիկները, նշանակում է փորձել կրակը հաշտեցնել նավթի հետ: Ցանկանալ, որ վրացի ազնվականն ու մահմեդական հողատերը կամ կապիտալիստը հաշտվեն Հայ բուրժուայի հետ, նշանակում է անհեթեթ հույսեր փայփայել: Եթե անգամ երբեկից հաշտություն կայանա այս պայքարող ուժերի միջև, այն կլինի ոչ ավելին, քան կարճատև զինադադար»³:

Այստեղից հետևում էր, որ նրանք, ովքեր անկեղծորեն ցանկանում էին Հաշտություն, ովքեր ուզում էին ստեղծված դժոխքի փոխարեն տեսնել մարդկային կացություն, պետք է հրաժարվեին բուրժուազիայի հետ հույս կապելու բոլոր երազներից: Անհրաժեշտ է երկրի ազգաբնակչության մեջ գտնել այն տարրը, որին օտար էր ազգայնական կոփիլը, որը եթե նույնիսկ մասնակցում էր այդ կոփին, ապա միայն այն պատճառով, որ դեռ չէր կարողացել ըմբռնել յուր միջավայրի ճիշտն ու սխալը, դեռ չէր կարողացել իրեն անջատել անցյալի կաշկանդից ազդեցությունից:

«Հայ և թուրք աշխատավոր զանգվածների շահերը նույնն են, և կոտորածն իր ամբողջ զարհուրելի ծանրությամբ ընկած է հավասարապես երկու կողմերի վրա»³, – գրում էր «Կայծը»: Ուստի հենց աշխատավորներն են ի վիճակի Հաշտություն հաստատելու: Պրոլետարները եղբայրներ են ոչ թե կեղծ Հայտարարություններով, այլ ամենօրյա այն պայքարի մեջ, որ նրանք մղում են ամեն ազգի պատկանող բուրժուազիայի դեմ:

Կոտորածների հիմնական պատճառը համարելով ծայրահեղ նացիոնալիզմը՝

¹ «Կայծ», N 24, 7 հունիսի 1906թ.:

² Նույն տեղում:

³ Նույն տեղում:

ամուր և ապահով: Բայց քանի որ այդպես չի եղել, ուստի, ըստ այդ տեսակետը կրողների, կովկասահայության հետագա անհաղթությունները բացատրվում են Հենց դրանով, այն է՝ Հայ ազգայնական կուսակցություններին հաջողվել էր թուրք-Հայկական ընդհարումների մեջ ներքայն Հայության մեծ զանգվածների, իսկ Հայ բոլշևիկները չէին կարողացել դրան արգելք հանդիսանալ, մեկը մյուսի հետևից գիջել էին իրենց դիրքերը և մեծապես թուլացել: Դրա հետևանքով 1917-1921թթ. նրանք չնչին ազդեցություն ունեին Ռուսաստանի կառավարության վրա, իսկ կովկասում մեծապես գիջում էին վրացիներին ու թուրքերին: Այսպես կարծողները նույնիսկ Բրեստի ճակատագրական դեպքերը ինչ-որ չափով կապում էին թուրք-Հայկական կոփիների հետ:

¹ «Մշակ», N 95, 5 մայիսի 1906թ.:

բուլղարները, այդ թվում նաև Հայ բուլղարները, մերժում էին պանիսլամիզմի դերը թուրք-հայկական ընդհարումների մեջ, գտնելով, որ դա նացիոնալիստների կողմից արհեստականորեն բարձրացրած Հարց է՝ իրենց գործունեությունը քողարկելու համար:

Ի տարբերություն բուլղարների՝ ս.դ. բանվորական Հայ կազմակերպությունը («սպեցիֆիկներ») ոչ միայն չէր մերժում պանիսլամիզմի դերը թուրք-հայկական ընդհարումների մեջ, այլև գտնում էր, որ այն խաղացել է դիվային դեր սկզբից մինչև վերջ:

«Սոցիալիստ» թերթը գրում էր. «Եթե թաթար ժողովրդից հեռու չմղենք Համիսլամիզմը, ապա կմանվենք ծիծաղաշարժ այն քրմերին, որոնք, բարձրանալով Վեզուվի գագաթը, նստել էին նրա բերանի մոտ, աղոթում էին, որպեսզի իրենց աստվածը վերջ տա հրաբխի ժայթքումներին»¹:

Թուրք-հայկական նոր ընդհարումները բացառելու հնարավորությունների մասին ս.դ. բանվորական Հայ կազմակերպության մյուս բոլոր տեսակետները լիովին համընկնում էին բուլղարների տեսակետների հետ:

Ինչպես բուլղարները, «սպեցիֆիկները» նույնպես շեշտում էին, որ իր վիճակով Հայ պրոլետարիատը, ինչպես ռուս, այնպես էլ մյուս բոլոր ազգերի պրոլետարիատի պես դեմ է կապիտալիստական կարգերի գոյությունը, նրա համար ամենևին քաղցր չէ իր ազգության պատկանող հարստահարիչների ճշտուն ու շահագործումը, ինչպես այլազգի բուրժուազիայինը: Ովքեր անկեղծորեն ցանկանում են երկու ժողովուրդների հաշտություն, պետք է հեռանան բուրժուազիայից և կանգնեն պրոլետարիատի կողքին: Հեղափոխական ուժերը պետք է կարողանան մերձեցում ստեղծել բովանդակ Անդրկովկասում: «Սոցիալիստ» գրում էր.

«Հեղափոխական ուժեր կան մեր մեջ, վրացիների մեջ, նույնիսկ մահմեդականների մեջ: Դրանց մի մասը դեռ չի կտրվել բուրժուազիայից, բայց անպայման կհեռանա նրանից: Միայն հեղափոխական սոցիալ-դեմոկրատիան, միայն կազմակերպված պրոլետարիատը կարող են մերձեցում ստեղծել»: Թերթը կոչ էր անում.

«Ջարկեցե՛ք, ուրեմն, մուրճերը, ընկերներ՛ր, փշրեցե՛ք պրոլետարիատի գիտակցությունը կաշկանդող շղթաները, նրան ցույց տվեք այսօրվա ազգայնական կոիֆների պատճառները: Բոլորը պետք է իմանան, թե ինչպես են բանվորները իրենց կյանքը մաշում նկուղների ու գետնափոր կացարանների խավարում, ինչպես են քրտինք թափում հանուն կապիտալիստների գրպանների ուռճացման: Գնացե՛ք և ճշմարտություն բացեք նրանց աչքերը: Եթե լուսավորվեն խավարի մեջ տապակվող շահագործվող աշխատավոր բազմությունների մտքերը, ապա նրանք հո՞ծ խմբերով կկանգնեն բուրժուազայնական անջատումների դեմ: Այնժամ բուրժուաների կողմից տարածված ատելություն և

թշնամանքի թանձր խավարի միջով նրանք իրենց ձեռքերը կմեկնեն միմյանց և կգոչեն. «Կորչի՛ ազգայնական պայքարը, կեցցե՛ պրոլետարիատի միջազգային համերաշխությունը»: Սոցիալիստներն կազմակերպված պրոլետարական զանգվածները կլինեն այն ուժերը, որոնք ոչ թե կխնդրեն հաշտություն, այլ կստիպեն, որ հաշտություն լինի և այն լինի ընդմիջում»¹:

Ինչ վերաբերում է սոցիալիստ-հեղափոխականներին, ապա ինչպես բազմաթիվ ուրիշ Հարցերում, այս Հարցում նույնպես նրանք համերաշխ էին շ.թ. դաշնակցության տեսակետներին, միաժամանակ քննադատում էին բուլղարներին այն բանի համար, որ սրանք մերժում էին պանիսլամիզմի խաղացած ոճ-րագործ դերը թուրք-հայկական ընդհարումների մեջ, ինչպես նաև կոտորածների մեղքը շատ դեպքերում հավասարապես բաժանում էին թուրքերի և Հայերի միջև:

Որքան էլ տարօրինակ է, թուրք-հայկական ընդհարումները, իրենց մարդկային և նյութական ահավոր կորուստներով, ունեցան նաև դրական հետևանքներ: Անդրադառնալով 18 ամիս տևած կոիֆների ընթացքում առաջացած դրական երևույթներին, դաշնակցական նշանավոր գործիչ Մալխասը (տրապիզոնցի Արտաշես Հովսեփյան) գրել է.

«... Կասկածից դուրս է, որ այդ կոիֆները... զարմանալի կերպով ուղղեցին հայու կորացած մեղքը և ուժգին թափով մը նպաստեցին ազգային գիտակցության արթնացման Կովկասի մեջ»²:

Կովկասահայության ազգային գիտակցության արթնացման վկայություններից էին.

1. Հայերի նկատմամբ իշխանությունների բացահայտ անբարյացակամության և կովկասյան թուրքերի ատելության պայմաններում Հայ ժողովուրդը ստիպված էր դեմ կանգնել անակնկալ փտանգին՝ ապավինելով միայն ինքն իր ուժերին³: Ինքնավստահության զարմանալի կորուստով նա կուրծք տվեց թշնամուն:

2. Ընդհարումները համերաշխության ոգի արթնացրին և միասնական կամք կոիֆեցին հայության մեջ: Ծրված գրեթե ամբողջ Կովկասում, առանց ներքին անմիջական կապի, ամբողջ հայությունը կոիֆների ընթացքում անխտիր մի միասնական ճակատ կազմեց: Իր երկարատև պատմության ընթացքում ժողովուրդը շատ քիչ անգամ էր ի հայտ բերել այդպիսի միասնականություն: «Բաթումեն մինչև Բաքու, Ջաքաթայանն մինչև Երևան, - Տշել է Մալխասը, - հայությունը սերտ միություն մը կազմեց, բարոյական մեծ ուժ մը, որ ներքին ազգային շաղխտով մը կապեց այդ ցրուած հատուածները: Այդ հատուածները՝ մեկուսացած իրարմե՝ հազիվ թե արժեք մը ունենային, բայց

¹ «Սոցիալիստ», N 9, 9 (22) օգոստոսի 1905թ.:

² «Հայրենիք», N 8 (92), հունիս, 1930, էջ 84:

³ Տե՛ս Ա. Ամուրեան, Հայ դատ: Հայ ժողովրդի ազատագրական ճիգերը, էջ 73:

¹ «Սոցիալիստ», N 9, 9 (22) օգոստոսի 1905թ.:

ձեռք-ձեռքի տուած՝ դարձան անխորտակելի ուժ մը, որին դեմ ի զուր, գրոհ տուին թաթարական ուժերը, ավելի բազմաթիվ, ավելի պատրաստուած, ավելի ընդունակ զենքի գործածութեան»¹:

3. Մինչև թուրք-հայկական ընդհարումները՝ տնտեսական հողի վրա հայը վեր էր կանգնած իր դրացիներից՝ վրացիներից և թուրքերից, բայց որպես ինքնուրույն ազգային տարր նրանց հետ համահավասար հողի վրա էր, նրանց գիղում էր հատկապես ռազմավարութեամբ: Եթե եկեղեցական կալվածքների գրավման ժամանակից կիսով չափ ուսուցացած հայութիւնը ազգային զարթոնքի փայլուն օրինակ տվեց, ապա թուրք-հայկական կոնֆլիկտը լրացուցիչ միջոց դարձան նոր ավիշ ներարկելու ազգային գիտակցութեանը, այն արժեքավորելու գործնականորեն: Այդ երկու ազգակիցները մեծապես հեղաշրջեցին կովկասահայ կյանքը, վերագնահատեցին հայի դերը Կովկասում: Ձեռք բերած բարոյական այդ նոր արժեքով փրկվեց հայի պատիվը: Մալխասի խոսքերով ասած՝ «Բարձրացավ կովկասահայի առնական ոգին և դիմադրական կարողութիւնը»²: Թուրքութիւնը պատկառանքով լցվեց դեպի երեկվա չարչի համարված հայ հարևանը: Նրա երկու գլխավոր հարևանները՝ թուրքերը ու վրացիները, ստիպված էին այլևս լրջորեն հաշի նստել նրա հետ: «Հայերը, - գրում էր Բոստոնի «Հայրենիք» թերթը, - ցոյց տուին օտարներուն, թե՛ իբր ճարպիկ վաճառական ու վաշխառու ճանցված ժողովուրդը գերազանցապես քաղաքակրթիչ տարր մըն է, տարիներու ստրկական բեռին տակ իր մարտական ուժն ալ պահած»³: Դա արժեքավորեց հային, ամբացրեց նրա դիրքը Կովկասում, «չեչտեց անոր գոյութեան անվիճելիութիւնը և արժեքը այդ երկրի մեջ և վճռականութիւնը ապրելու, եթե նոյնիսկ չ'ուզեն, որ ինքը ապրի»⁴: Այդ էր պատճառը, որ հայ ժողովրդի կյանքով օտարներն ավելի մեծ հետաքրքրութիւն սկսեցին հանդես բերել: Դառն իրողութիւն է, շեչտում էր «Հայրենիք» թերթը, որ «քաղաքակրթութիւնը շղթայված կը մնայ տակալին թնդանոթի անխնայութեան և «լուսավորված» ազգերը ամենեն ավելի ռազմերզեն կ'ախորժին»⁵: «Հայը ճանաչուեցավ իր դրկիցներեն ոչ միայն [որպես] մաճկալի ու արչինի ժողովուրդ, այլ և զենքի»⁶: Եթե ապրում ես դաշույնավորների մեջ, տարրական խոհանոցութիւնը պահանջում է ինքզ ի կողքիդ դաշույն ունենալ կապած:

«Անգամ մը նախիջևանցի պարսիկ քելպելայի մը հետ կառքով կ'անցնեինք հայկական գյուղի մը մեջեն, - վերհիշել է Մալխասը: - Գյուղի երեխաները, փայտե հրացաններով զինուած, պատերազմ կը խաղային: Բելպելան,

մորուքը շփելով, մտահոգ դեմքով մը ինձ դարձավ. «Աշխարհքը կարծես ծուր է»: «Այո՛, ըսի, աշխարհքը շտկուեր է»»⁷:

4. Աննախորհրդաց սերուն գործակցութիւն առաջ եկավ տաճկահայ և կովկասահայ հատվածների միջև: «Մինչև հայ-թաթարական կոնֆլիկտը, - նկատել է Մալխասը, - կովկասահայը տաճկահայուն վրա կը նայեր, որպես սահմանի մյուս կողմը գտնուող իր խեղճ ազգակիցներու վրայ, որոնց հարկ էր օգնել և որոնց համար պետք էր գործել, նուիրել ու գոհարել: Անոնք, տաճկահայերը, Հայաստանի բնիկ ժողովուրդն էին, անգոր ու ստրկացած, որոնց պետք էր ուսուցանել, պետք էր առաջնորդել, կորով ներշնչել, օրինակ՝ տղամարդու նման ըմբոստանալու, ծառանալու բռնակալութեան դէմ: Տեսակ մը բարոյական ինամակալութիւն, որու հիմքը կը կազմէր այն հանգամանքը, որ յեղափոխական շարժումները ստեղծուած էին տաճկահայու ազատագրման համար, իսկ կովկասահայերը, որպէս առաջնորդ, կամ երկրի գործիչ, ու զինուոր, կ'երթային հոն, Երկիր, իրենց բաժին մասնակցութիւնը ունենալու, իրենց պարտքը կատարելու համար հանդէպ իրենց եղբայրակիցներուն:

Հայ-թաթարական կոնֆլիկտը եկան այս ոչ ցանկալի ըմբոստողութիւնը հիմնովին փոխելու: Այլեւս միայն մէկ կողմը էր որ կուտար միշտ, այլ եւ պարագայի համեմատ կուտար ու կը ստանար, առաջ բերելով հատուածներու բարոյական արժեքի հաւասարեցում»⁸:

Թուրք-հայկական ընդհարումների դադարեցումը և երկու կողմերի միջև հաշտութեան կայացումը, ինչպես ցույց տվեց կյանքը, ժամանակավոր էր: Թեև հրդեհի բոցերը հանգել էին, բայց դեռ միտում էր դառը ծուխը, և մոխրի տակ անթեղված կրակը վաղ թե ուշ նորից էր բոցավառվելու:

Դեռ երկար պիտի գլորվեր մարդկային առաջադիմութեան անխիղ:

ԹՈՒՐԿ - ՀԱՅԿԱԿԱՆ ԸՆԴՀԱՐՈՒՄՆԵՐԻ ՊԱՏՃԱՌՆԵՐՆ ՈՒ ՀԵՏՏՆՎԱՆՔՆԵՐԸ ՀԱՍԱՐԱԿԱԿԱՆ ՄՏՔԻ ԳՆԱՀԱՏՄԱՍԻ

Սույն աշխատութեան նախորդ գլուխներում տարբեր առիթներով ցույց է տրված, թե ինչպես 1905թ. առաջին կեսին Կովկասի, Ռուսաստանի և Եվրոպայի հասարակական միտքը քննում ու լուսաբանում էր Բաքվի փետրվարյան կոտորածների պատճառները, կանխատեսում հնարավոր հետևանքները: Հետագայում նույնպես, մինչև թուրք-հայկական ընդհարումների ավարտը և դրանից հետո, հասարակայնութեան ուշադրութիւնն ու հետաքրքրութիւնը շարունակում էր գամված մնալ 1905թ. փետրվար - 1906թ. օգոստոս ժամանակաշրջանում կովկասյան արյունալի դեպքերին: Տարբեր երկրների մամուլի

¹ «Հայրենիք», N 8 (92), հունիս, 1930, էջ 84:

² Մալխաս, Ապրումներ, հատ. Ա, էջ 431:

³ «Հայրենիք» թերթ (Բոստոն), N 7 (449), 15 փետրվարի 1908թ.:

⁴ Մալխաս, Ապրումներ, հատ. Ա, էջ 431:

⁵ «Հայրենիք» թերթ (Բոստոն), N 7 (449), 15 փետրվարի 1908թ.:

⁶ Մալխաս, Ապրումներ, հատ. Ա, էջ 431:

⁷ Մալխաս, Ապրումներ, հատ. Ա, էջ 432:

⁸ «Հայրենիք», N 8 (92), հունիս, 1930, էջ 85:

օրգաններ, քաղաքական ու Հասարակական գործիչներ բացահայտում և քննում էին պատերազմի պատճառները, վերլուծում արդյունքները, ենթադրություններ անում գալիքին թողած ժառանգության մասին:

Ռուսաստանի և ուրիշ երկրների վերլուծաբանները տարբեր կերպ էին մեկնարանում Կովկասում ընդհարումների պատճառները: Դրանք, որպես կանոն, քննության էին առնվում ոչ թե ամբողջության մեջ, այլ՝ առանձին-առանձին, այսինքն՝ պատճառը Համարելով կամ մեկը, կամ մյուսը: Պատճառների թվում առանձնացվում էին Հայերի և թուրքերի տնտեսական ու սոցիալական առանձնահատկությունները, մահմեդականների և քրիստոնյաների կրոնական անհանդուրժողականությունը, Հայերի և թուրքերի ցեղային առանձնահատկությունները, երկու ազգերի քաղաքական Հայացքների տարբերությունները, Հայերի ազգայնամոլությունը և այլն: Իրականում թուրք-Հայկական դրաման տնտեսական, քաղաքական, մշակութային, կրոնական պատճառների մի Հյուսվածք էր:

Վերլուծաբանների մեծ մասը թե՛ Ռուսաստանում և թե՛ Եվրոպայում թուրք-Հայկական կոտորածների գլխավոր պատճառը Համարում էր տնտեսականը:

“Московские Ведомости” թերթը նշում էր, թե ողբերգության Հիմնական պատճառը պետք է փնտրել այն բանում, որ Հայը տնտեսապես բարեկեցիկ է, իսկ թուրքը՝ զրկված ու թշվառ¹: Նույն միտքը Պետերբուրգի “Новости” թերթը արտահայտում էր 1905թ. N 55-ում:

Ըստ որում, նման գնահատականի Հարցում Համարյա միակարծիք էին ցարական բռնակալության պաշտպան մամուլը, վրաց և թուրք ազնվականության տեսակետներն արտահայտող մամուլի օրգանները, նաև Հայ պահպանողականների և լիբերալների մի մասը:

Թուրք-Հայկական ընդհարումների պատճառը զուտ տնտեսական էին Համարում նաև կովկասաբնակ մի շարք ռուս և այլազգի Հրապարակախոսներ: Բաբվի փետրվարյան կոտորածից Հետո իրենց Հրապարակումներում նրանք փաստում էին, որ թուրքերի գործողությունները ծնունդ են նրանց Հարուստահարված վիճակի, Հետևանք՝ քաղաքային թուրք բնակչության մոտ սկսված պրոլետարացման: Այդ Հրապարակախոսները կովկասյան իրականության վրա արհեստականորեն պատվաստում էին արևմտյան և ռուսաստանյան կյանքի իրողությունները՝ չխորանալով երկրամասում ապրող ժողովուրդների պատմական զարգացման առանձնահատկությունների մեջ: Եթե այդ իրողություններն արտահայտող Փորձականների Համաձայն Արևմտյան Եվրոպայում և Ռուսաստանում կատարվող կողոպուտների ու սպանությունների պատճառը ապրուստի միջոցներից զրկված լինելն է, այսինքն՝ մարդկանց պրոլետարացման պրոցեսը, այստեղից եզրակացություն, որ նույն մոտեցումով պիտի բացատրել նաև Կովկասում տեղի ունեցող կոտորածներն ու թալանը:

Տնտեսական պատճառի վրա ամենից շատ ծանրանում էին Հատկապես Եվրոպացիները:

Եվրոպական մամուլը Բաբվի փետրվարյան անմիտ ողբերգությանն ուրիշ բացատրություն չունեի, բացի տնտեսական Հակամարտությունը մատնացույց անելուց: Ըստ որում, այս դեպքում էլ Հայերը ներկայանում էին որպես շահի ու կեղեքման տենչանքով բռնված, էությունը վախճառու և առևտրական մի տարր, Հետևապես՝ տնտեսապես ինքնաբավ ժողովուրդ, իսկ թուրքերը՝ ճնշված, աղքատ ու տառապյալ:

Ի տարբերություն Եվրոպական պաշտոնական պահպանողական մամուլի ծուռ ու չիլ մեկնաբանությունների՝ ազատական և սոցիալիստական մամուլը, որն ընդհանուր առմամբ ճիշտ էր ներկայացնում Անդրկովկասում ծավալված դեպքերը, անողոքաբար մերկացնում էր կոտորածների մեջ ցարական կառավարության դերը, բայց կոտորածների պատճառներին անդրադառնալիս՝ նույնպես ծանրանում էր տնտեսական Ֆակտորի վրա:

Նույնիսկ Ժորեսի «Յուժանիտեն», տպագրելով «Իրոչակի» խմբագրության՝ քաղաքակիրթ մարդկությանն ուղղած կոչը և Համերաշխվելով կոչի Հիմնական Հարցադրումներին, Հարկ էր Համարել խմբագրության կողմից ավելացնել, որ «մեր Հայ ընկերները, այնուամենայնիվ, չպետք է ուրանան, որ թուրքերը դժգոհ լինելու պատճառներ ունեն, քանի որ Հայերը [նավթաբեր] Հողի առաջին գրավողներն են (Les Premiers occupants), որ նրանց (թուրքերին) զրկել են»: Մեղմ ու քաղաքավարի այս ձևակերպման մեջ Հայը կրկին ներկայացվում էր որպես թուրքերի Հողերին տեր դարձած շահագործող տարր:

Հիմնական պատճառ Համարելով տնտեսականը՝ Եվրոպական սոցիալիստական միտքը կովկասյան իրադարձությունների մասին դատում էր նմանություններ, զուգահեռների մեթոդի կիրառմամբ:

Սոցիալիստական զաղափարախոսության Համաձայն, ազգամիջյան ընդհարումները առաջանում են տնտեսական Հողի վրա Հատկապես բազմազգ երկրներում: Որպես դասական օրինակ, սոցիալիստները Հաճախակի մատնացույց էին անում Ավստրո-Հունգարիան, որտեղ երկարատև թշնամական Հարաբերությունների մեջ էին ավստրիական գերմանացիները և մաջարները:

Ցարական Ռուսաստանում և Եվրոպական երկրներում սանձազերծված Հակասեմիտիզմը նույնպես, սոցիալիստների մեծ մասի կարծիքով, Հետևանք էր տնտեսական մրցակցության, որի արդյունքում Հրեական կապիտալը միշտ Հաղթող էր դուրս գալիս՝ իր Հետ բերելով ատելություն Հրեա ժողովրդի նկատմամբ:

Բավարարվելով միայն նմանությունների կիրառմամբ, պնդելով, որ մարդը նույն էակն է երկրագնդի բոլոր մասերում՝ նույն բնազդներով ու ախտոժակով, սոցիալիստներից շատերը փորձում էին կովկասյան կյանքն իր առանձնահատկություններով խցկել կանոնակարգված բանաձևերի մեջ:

Նման մոտեցումն ի վերջո Հանգեցնում էր այն եզրակացության, որ, իբր,

¹ “Московские Ведомости”. 21 апреля 1905г.

ցարիզմի և իսլամական վիժվածքների Հարուցած արյունալի ջարդերի մեջ Հավասարապես Հանցավոր են (կամ Հանցավոր չեն) և՛ Հայը, և՛ թուրքը, բայց եթե երևույթը, այնուամենայնիվ, քննության առնվի խորությամբ, ապա պարզ կդառնա, որ պատասխանատվության Հիմնական բեռը ընկնում է «տնտեսապես ունևոր» Հայության ուսերին: Տնտեսական տեսությունների անտեղի ու երբեմն անհեթեթ կիրառումներով անգիտակցաբար վարագուրվում է ոճիրը, մի կողմ է թողնվում ոճրագործների Հոգեբանությունը, նրանց բարբարոսական բնավորության դրսևորումները, որոնք արդյունք են սովյալ ժողովրդի պատմական զարգացման առանձնահատկությունների:

ԻՀարկե, եթե ջարդերի պատճառների խորհրդածություններն ու մեկնաբանությունները մնային միայն տեսության շրջանակներում, ապա նույնիսկ ամենադոգմատիկ մոտեցումները, որքան էլ դրանք հեռու լինեին իրականությունից, իրենցից վտանգ չէին ներկայացնի, բայց քանի որ կոտորածների պատճառների մասին նման կարծիքներն անմիջապես լայն արձագանք էին գտնում, ուստի դրանք գործնական կյանքում խաղում էին խիստ բացասական դեր: Դոգմատիկ մոտեցումներով խնդիրը քննող հրապարակախոսներն ըստ էության արդարացնում էին կոտորածների կազմակերպիչ ցարական իշխանություններին և Համսլամականներին, փոքրացնում նրանց Հանցավորության չափը:

Ակնհայտ է, որ Կովկասում թուրք-Հայկական ընդհարումները չէր կարելի բացատրել միայն տնտեսագիտական տեսություններով ու մոտեցումներով, թեև, մյուս կողմից, սխալ կլինեի լիովին անտեսել տնտեսական Ֆակտորի դերը: Անժխտելի է, որ վերջինս կարևոր տեղ ուներ խնդրո առարկա պատճառների թվում:

Անդրկովկասյան թուրքերի իշխող տարրերը՝ խաները, բեկերը, աղալարները, որոնք ուսական տիրապետության տակ էլ պահպանել էին վաղեմի առանձնաշնորհումներն ու ավատապետական իրավունքները, շարունակում էին իրենց ձեռքում պահել երկրամասի Հիմնական Հողատարածքները: Նրանք տեղ էին նախիջևանի, էջմիածնի, Սուրմալուի, Գանձակի, Շամախու, Չանգեզուրի գավառների ինչպես թուրքաբնակ, այնպես էլ Հայաբնակ Հարյուրավոր գյուղերի՝ լայնածավալ ու արգավանդ Հողերով: Խաներն ու բեկերը դաժանորեն շահագործում, Հարստահարում էին ինչպես թուրք, այնպես էլ Հայ գյուղացիներին: Հայ չինականը նույնքան Հողագուրկ էր ու չքավոր, նաև՝ ավելի Հալածված, քան իր Հարևան մուսուլման գյուղացին:

Անդրադառնալով այդ Հանգամանքին՝ «Դրոշակը» գրում էր.

«Թուրք մասսայի Հակահայկական զգացումներն ու գործողությունները չեն կարող թխել Հայի տնտեսական ճնշումներից այն պարզ պատճառով, որ նա, թուրք մասսան, չէր կարող իրականության մեջ տեսնել այդ ճնշումները: Իր ծայրահեղ տգիտության ու կուրուլթյան մեջ անգամ նա տեսնում է, որ գավառներում լայնատարած և լավագույն Հողերը պատկանում են իր կրոնակից

աղաներին, որոնք իշխում են ֆեոդալական իշխանությամբ՝ ճնշելով և՛ Հայ, և՛ թուրք Հողագործին: Այո՛, անտարակույս, թուրք ամենահետին գեղղուկն անգամ պարզ տեսնում է, որ Հայ աշխատավորը նույնքան «սեփականատեր» է, նույնքան «Հողատեր», որքան ինքը»¹:

Գտնելով, որ այդ բանը նորից ապացուցելու կարիք չկա, քանզի արդեն Հազար ու մեկ անգամ դա Հաստատել են բազում ձեռնհաս անհատականություններ, «Դրոշակը», այնուամենայնիվ, ավելորդ չի Համարում վկայակոչել «Петербургскѣ Ведомостѣ» թերթի 1905թ. N 272-ում լույս տեսած Հայտնի կովկասագետ, պրոֆեսոր Նիկողայոս Մառի Հոդվածը, ուր գիտնականը շեշտում էր, որ Հայ գյուղացիությունն ավելի մեծ չափերով է աղքատ, քան նույնիսկ Գուրիայի (Վրաստան) ծայրահեղ աղքատ ժողովուրդը: Նույն վիճակի մեջ էր նաև մուսուլման աշխատավոր ժողովուրդը, շեշտում էր Մառը, որը «մինչև օրս հեծելով հեծում է Համակրոն ֆեոդալների ծայրահեղ ճնշման տակ»:

Հիշատակելով Մառի այդ Հոդվածը՝ «Դրոշակը» գրում էր. «Խոշոր կավածատիրությունն իբրև դասակարգ (Grossgrundbesitzum) գոյություն ունի ոչ թե Հայերի, այլ թուրքերի մեջ և, հետևապես, ագրարային աշխարհում ժողովրդական զանգվածների վրա ճնշում կարող է լինել ոչ թե Հայ, այլ թուրք տարրի կողմից»²:

Ինչ վերաբերում է արդյունաբերությանը, ապա այստեղ նույնպես թուրքերն ունեին որոշակի դիրքեր:

Ապշերոնյան թերակղզում նավթի Հսկայական պաշարների Հայտնագործումից հետո, 19-րդ դարի 80-ական թվականներից սկսած, խոլական հեքով այստեղ գործունեություն ծավալեց ուսական և միջազգային ֆինանսական կապիտալը: Բաքվի նավթարդյունաբերությունն այնպիսի Հզոր զարգացում ապրեց, որ մեկ-երկու տասնամյակի ընթացքում գրավեց եվրոպական շուկաները:

Միաժամանակ Անդրկովկասի տարբեր գավառներից, Ռուսաստանից ու Պարսկաստանից դեպի Ապշերոն ձգվեցին տասնյակ Հազարավոր թշվառներ՝ մի կտոր Հայ վաստակելու Համար:

Ի վիճակի չլինելով սեփական ուժերով գործ սկսել՝ թուրքերը եվրոպացի, ուսև, Հայ, հրեա և ուրիշ ազգերի գրամատերերին վաճառում էին իրենց պատկանող նավթաբեր Հողերը (տափերը): Անցած քառորդ դարում Բաքվում և նրա շրջակայքում կենտրոնացել էր մեծ թվով Հայություն՝ դրամատերեր ու աշխատավորներ: Հայերից ձևավորվել էր նավթարդյունաբերողների մի պատկառելի խավ, որը արագաբայլ առաջադիմությամբ իր ձեռքն էր առել նավթաշխարհի տնտեսական կարևոր լծակների զգալի բաժինը: Հայկական կապիտալը թափանցում էր ավելի ու ավելի ստվար թվով արդյունաբերական,

¹ «Դրոշակ», N 13(166). դեկտեմբեր, 1905, էջ 199:
² Նույն տեղում:

առևտրական, բանկային ու այլ Հաստատություններ: Հայերը գրավել էին նաև կարևոր պաշտոններ. գլխավորապես նրանց ձեռքում էին այնպիսի խոշոր հիմնարկություններ, ինչպիսին էին՝ նավթարդյունաբերողների խորհուրդը, տելս-նիկական ընկերությունը, բորսային մարմինները և այլն: Դրան գումարվում էին կրթության և ընդհանրապես լուսավորության բնագավառում Հայերի ձեռք բերած տպավորիչ նվաճումները: Թուրքական վաղեմի տիրապետության կենտրոններից մեկում «եկվոր» Հայը մեկը մյուսի հետևից բացում էր դպրոցներ, բարեգործական ու այլ Հասարակական հիմնարկներ, հիմնում էր մամուլ, ստեղծում մտավոր մթնոլորտ, գրավում էր ազատ պրոֆեսիաների՝ ինժեներների, բժիշկների, փաստաբանների ընդարձակ ասպարեզը: Մի խոսքով, Հայը Հանդիսանում էր առաջադիմության մի խթան, անդուլ, բեղմնավոր գործարարության ներկայացուցիչ:

Հայկական կապիտալն ամուր դիրքեր էր գրավել Բաքվում և շրջանում, բայց այդքանը միայն: Միամտորեն թե չարակամությունը տարածվում էր այն առասպելը, թե Բաքվի Համարյա ամբողջ արդյունաբերությունը կենտրոնացած է Հայերի ձեռքում, և որ նավթաշխարհի բուրժուազիայի մեծ մասը բաղկացած է Հայ գրամատերերից: Իրականում Բաքվի շրջանում կար Հայկական ընդամենը երկու խոշոր նավթային ընկերություն՝ Մանթաշյանը և Կասպիականը, որոնց կողքին գոյություն ունեին ավելի խոշոր ֆիրմաներ՝ Նոբելի և Ռոտշիլդի ընկերությունները: Նավթային աշխարհում Հայերի ձեռքին գտնվող արդյունաբերությունը, ներառյալ նավթի Հանույթը, կազմում էր ընդհանուր արդյունաբերության Հազիվ մեկ երրորդը¹:

Ինչ վերաբերվում է թուրքերին, ապա Բաքվի բուրժուազիայի մեջ նրանց թիվը Հայերից պակաս չէր, եթե ոչ՝ ավելին: Հայ կապիտալին պատկանող նըշված երկու խոշոր ընկերության դիմաց թուրք կապիտալն ուներ նույնքան խոշոր երկու ընկերություն: Բաքվում և շրջանում թուրք տարրի ձեռքում էին գտնվում վաճառականությունը և Համարյա ամբողջ մանր առևտուրը, վարձով տրվող տների մեծ մասը: Նրանց ոչ ոք չէր արգելում ստվար ներկայացուցչություն ունենալու նաև առևտրական և բանկային Հաստատություններում, բորսային մարմիններում, նավթարդյունաբերողների խորհրդում կամ տեխնիկական ընկերությունում: Բայց բանն այն էր, որ թուրք տարրը դժվարությամբ էր դուրս գալիս իր կյանքի ավանդական կերպից: Եթե ակտիվ, շարժուն ու նախաձեռնող Հայկական կապիտալը Համարձակորեն նետվում էր նորանոր ձեռնարկների մեջ, ապա թուրքերի կապիտալի շարժը և շրջապտույտը անՀամեմատ դանդաղ էր ընթանում՝ հիմնականում նրանց կրթական ու կուլտուրական մակարդակի խիստ ցածր լինելու պատճառով:

Թուրք կրեստները, որոնք արևելյան անշարժության կնիքն էին կրում, իրենց ամրակուռ սնդուկների մեջ ամբարած պահում էին նաև Հայոց աշխա-

տանքով ստեղծած դրամական ահուեղի Հարստություններ, որոնց Համեմատ չնչին էր Հայերի դրամագույնը: Այդ Հարստությունների մեծ մասը շարունակում էր մնալ որպես գանձ՝ մրափելով անշարժ ու անհեռանկար, կամ բռնված սոսկ վաշխառուական գործառնություններիով՝ Հանդիսանալով էպպես սպեկուլյատիվ մի ուժ՝ Հակառակ նորագույն կապիտալիզմի տնտեսագիտական օրենքների:

Այսպիսով, թուրք խոշոր բուրժուազիան, որ Հանգամանքների հաջող դասավորությամբ Հին օրերում կարողացել էր ձեռք գցել որոշ կապիտալ, իբրև ոչ քաղաքակիրթ, Հետամնաց տարր, չէր կարող մրցակցել ավելի ձեռներեց, ավելի եվրոպականացած Հայ բուրժուազիայի հետ և, բնական է, որ, ճնշվելով տեղի էր տալիս նրա առաջ:

Ասիական բնազդներով դաստիարակված թուրք բուրժուազիայի Համար անտանելի էր, երբ Բաքվում, որ նա իր «սեփական քաղաքն» էր Համարում, տեր ու տնօրինություն էին անում օտարները: Չէ՞ որ այնտեղ նրա ցեղակիցները թվով գերազանց էին, նաև դա այն տեղն էր, որտեղ ինքը կերպավորվել էր իբրև բուրժուազիա: Եկվոր Հայը, թուրք բուրժուազիայի պատկերացմամբ, իր ձեռքից խլել էր ասպարեզը, տիրացել նավթային արդյունաբերության շուրջ 30 տոկոսին, իրեն բաժին թողել միայն 5 տոկոսը:

Այդ ամենն առաջ էր բերում իրենց նավթառատ Հողերն օտար «գլավուրներին» վաճառած բնիկ թուրք վերնախավերի դժգոհությունն ու վրդովմունքը, որոնք Հատկապես ուղղվում էին Հայ կապիտալիստների դեմ: Անկարող լինելով դիմանալու վերջիններիս հետ խաղաղ մրցակցությանը՝ ուշացումով նավթի հոտն առած և արդեն նրա արժեքն իմացող թուրք վերնախավն սկսեց ատամ կրճատացնել նրանց վրա, ովքեր ձեռներեցությունը ու ճարակությունը տեր էին դարձել Ապշերոնի Հարստությունների զգալի մասին: Վրեժխնդրության քենը թուրք կապիտալիստի միջից ելք էր որոնում: Այդ է պատճառը, որ իշխանությունների ոճրագործ ագիտացիան անմիջապես պարարտ Հող գտավ թուրք կապիտալիստների շրջանում: Սրանք մտածում էին իրենց Հաշիվները մաքրել Բաքվի Հայ տարրի հետ և դա անել ցարական կառավարության օգնությամբ: Իշխանությունների հովանին օդ ու ջրի պես անհրաժեշտ էր նրանց, քանզի ազատ պայմաններում, տնտեսական եռուն կուլում նրանք անկարող էին մրցակցել: Թուրք բուրժուազիայի ատամների կրճատող կարելի էր նկատել այդ բուրժուազիայի ոտքերը լվացող և ջուրը թանաք դարձնող «հրապարակախոսների» Հողվածներում:

Ինչպես ամենուրեք բազմազգ երկրների, այնպես էլ Բաքվի, Բաթումի, Թիֆլիսի պայմաններում տնտեսական Հողի վրա ջրի երես էին ելնում այն բոլոր Հակասությունները, որոնք Հետևանք էին կապիտալիստական արտադրահարաբերությունների զարգացման: Այդ Հակասությունների թվում, կապված Անդրկովկասում թուրք-Հայկական բախումների հետ, հարկ է առանձնացնել երկուսը.

¹ Տե՛ս «Братская помощь», էջ 258:

ա) Բուրժուական դասակարգի տարբեր ազգային խմբավորումների ներսում եղած Հակասութունները, բ) Ամբողջությամբ վերցրած բուրժուական դասակարգի և բազմազգ բանվորության միջև գոյություն ունեցող Հակասութունները:

Բուրժուական դասակարգի ներսում Հակասութունները Հատկապես անզիջում բնույթ էին կրում տարբեր ազգային խմբավորումների առկայության պայմաններում:

Ցարական իշխանությունների ամենօրյա տենդագին գործունեության պայմաններում Անդրկովկասի բուրժուական դասակարգի մեջ 19-րդ դարի վերջին արդեն ձևավորված էին տարբեր ազգերի դրամատիկորեն անտապանիստական Համախմբումներ: Արդյո՞ք Հնարավոր էր մեղմել տարբեր շահեր ունեցող բուրժուական այլազան ազգադուռ Համախմբումների միջև գոյություն ունեցող կատաղի Հակասությունները և միաժամանակ Հետաձգել ազգերի բախումը: Հարցը բացասական պատասխան ուներ. տարբեր ազգերի կապիտալիստական Համախմբումների շահերը երբեք չէին կարող մերձենալ այն Հասարակական-տնտեսական կարգերի պայմաններում, որ կար ցարական Ռուսաստանում: Հենց այդ կարգերի խրախուսանքով ու Հովանավորությամբ էին տեղի ունենում միջՀամախմբային կատաղի բախումները:

Բնականորեն առաջանում է մի ուրիշ Հարց ևս. եթե ցարական ռեժիմի փոխարեն Ռուսաստանում լիներ դեմոկրատական Հանրապետություն, արդյո՞ք Հնարավոր կլիներ Անդրկովկասում արմատախիլ անել միջՀամախմբային կատաղի մրցակցությունը, Հետևապես նաև՝ կանխել ազգամիջյան ընդհարումների Հնարավորությունները:

Այս Հարցը նույնպես բացասական պատասխան ուներ: Անշուշտ, դեմոկրատական Հանրապետության մեջ միջՀամախմբային Հակասությունները չէին ընդունի այն այլանդակ ձևերը, ինչ ցարական ռեժիմի պայմաններում, բայց նրանում նույնպես անհնարին կլիներ ոչնչացնել նշված Հակասությունները: Դեմոկրատական Հանրապետության պայմաններում իրենց գոյությունը շարունակելու էին Հայ, վրացի, թաթար, ռուս և ուրիշ ազգերի փոխադարձաբար միմյանց ժխտող Համախմբումները՝ իրար Հակասող ձգտումներով և շահերով:

Ս.դ. բանվորական Հայ կազմակերպության ղեկավարներից Ղազար Տեր-Ղազարյանը (Լեռ) կազմակերպության «Սոցիալիստ» թերթում գրում էր.

«Եթե իրավ է, որ այսօր Հայ կապիտալի դեմ մղած կռվի Հետևանքներն ենք վայելում, և այդ կռվի նյութը մատակարարողը այդ իսկ կապիտալի գարգացումն է, եթե իրավ է, որ այդ գարգացումը դեռ չի կանգնել՝ չը նայած յուր դեմ լարած բոլոր որոգայթներին, ես չեմ Հասկանում, թե ինչու այդ կռիվը պիտի յուր վախճանը գտնե Հանրապետության ծոցում. չէ՞ որ կապիտալը, ազատվելով ներկա ռեժիմի բոլոր կապանքներից, պիտի ավելի Համարձակորեն քայլել, ավելի Համարձակորեն քայքայել Հին արդյունաբերության եղանակները: Չեմ տեսնում նույնպես, թե որ ուժը կարող կը լինի տնտեսական

գերիշխանությունը խել Հայ բուրժուազիայի ձեռքից և տալ մի ուրիշի: Բայց եթե այդպես լինի, ապա Հայ բուրժուազիան կմտնե այն դրության մեջ, որում այժմ գտնվում է մի ուրիշ ազգի թույլ և անզոր բուրժուազիան: Սրանով կը փոխվեն դերակատարները, բայց ոչ դրամը, որ կունենա նույն բովանդակությունը: Իսկ եթե ազատ քաղաքական պայմաններում Հայ ազգային բուրժուազիան պիտի ավելի ուժեղանա, որի ձեռքում այժմ արդեն ուժ կա, պարզ է, որ այն ավելի շանսեր կունենա Հաղթող Հանդիսանալու ապագայում: Ուստի ռամկավար Հանրապետությանը վերագրել իր Հետ առնչություն չունեցող Հատկություններ, նշանակում է մոռանալ, որ այդ Հանրապետությունը բուրժուական կառավարման մի կատարյալ ձև է, ուրիշ ոչինչ»¹:

Անշուշտ, դեմոկրատական Հանրապետություններում մարդիկ, դասակարգերը, ազգությունները ավելի ազատ են, բայց ավելի ազատ են նաև բուրժուական այլևայլ ազգային խմբավորումներն իրենց մրցակցային պայքարի մեջ:

Ինչ վերաբերում էր, ամբողջությամբ վերցրած, բազմազգ բուրժուական դասակարգի և բազմազգ բանվորության միջև եղած Հակասություններին՝ Անդրկովկասում թուրք-Հայկական կոտորածների ու ջարդերի ժամանակ, ապա այդ Հակասությունների վերաճումը ազգամիջյան ընդհարումների անխուսափելի էին: Իսկ ընդհարումները տեղի էին ունեցել ոչ թե ժողովուրդների կամքով, այլ նրանց կամքին Հակառակ, կապիտալի տերերի ցանկությունը: Կոտորածների պայմաններում ավելի դյուրություն էր փորձվում ու խորանում այն խրամատը, որը շահագործողներին անջատում էր բուրժուազիայից:

Թուրք, Հայ և ցանկացած ազգային բուրժուազիայի, որպես դասակարգի, շահերը տրամագծորեն Հակառակ էին ոչ միայն այլազգի, այլև իր իսկ ազգի աշխատավորների շահերին:

Բոլշևիկյան «Կայծ» թերթը գրում էր. «Ցարական կառավարությունն իր քաղաքականությունը զուգակցում է թուրքական բուրժուազիայի ու կալվածատերերի և Հայկական նավթարդյունաբերող ու առևտրական բուրժուազիայի շահերի Հետ, բայց երկու դեպքում էլ տառապողը եղել են Հայ և թյուրք աշխատավոր գանգավածները: Օգտագործելով տիրապետող դասակարգերի միջև գոյություն ունեցող թշնամությունը, ցարական կառավարությունը ուստի կանական ապարատի միջոցով ինքն է կազմակերպել ազգային կոտորածը, ընդհուպ մինչև թշնամի լազերներին գենք մատակարարելը: Սաղրանքի Հիմնական նպատակն է՝ խանգարել աշխատավորների դասակարգային Համբարախության գործին»²:

Բեկերի, աղալարների, մուլանների, թուրք արդյունաբերողների, մուսուլմանական «ինտելիգենցիայի» մշտական մտահոգությունը ոչ թե մուսուլման գյուղացիների ու բանվորների սոցիալ-տնտեսական վիճակի բարելավումն էր,

¹ «Սոցիալիստ» (Ժրնև), N 9, 9 (22) օգոստոսի 1905թ.:

² «Կայծ», N 24, 7 Հունիսի 1906թ.:

այլ ուրիշների ունեցվածքը թալանելու, հայ սերունդների վաստակին տեր դառնալու համար ամբոխի գազանային բնագործների գրգռումը:

Հարատև արյունալի դրամայի և կովկասյան ավազակությունների կազմակերպման մեջ գլխավոր դերակատարը մուսուլմանական վերնախաւին էր՝ իր համիլայական հովերով և կովկասյան նորանոր տարածքներում իր բացարձակ գերիշխանությունը տարածելու ձգտումով թիկունքում ունենալով թուրքիայի հզորությունը, Իրանի աջակցությունը և ուսական միապետության համակրանքն ու հովանավորությունը:

Իրենց հերթին հայ նավթարդյունաբերողների, խոշոր վաճառականների, հողատերերի ու վաշխառուների մշտական մտահոգությունը ոչ թե հայ բանվորների ու գյուղացիների սոցիալ-տնտեսական վիճակի բարելավումն էր, այլ իրենց շահույթների բազմապատկումը: Նավթային արդյունաբերության մեջ հայ բանվորությունը ենթակա էր նույնպիսի դաժան շահագործման, ինչպես մուսուլման բանվորները: Հայ բանվորներին որևէ առավելություն չէր տալիս այն հանգամանքը, որ նավթարդյունաբերողների թվում զգալի էին հայ կապիտալիստները, որոնց համար միևնույն էր, թե ով իրենց համար կապահովի առասպելական շահույթները՝ Հա՛յ, թե՞ մուսուլման բանվորները:

Թուրք և հայ նավթատերերի կողմից նավթարդյունաբերության մեջ աշխատող բանվորների անմարդկային շահագործմանը գումարովում էր նրանց գլխին եկած հավելյալ դժբախտությունը՝ հայ նավթատերերի նկատմամբ թուրք վերնախավի հոգում ուռճացող նախանձն ու խուլ ատելությունը աստիճանաբար վերածում էին բացահայտ թշնամության և ուղղվում հայ բանվորության ու ընդհանրապես հայության դեմ:

Ահա թե ինչու Անդրկովկասում հնարավոր չեղավ կանխել երկու ազգերի կործանարար բախումը:

Սոցիալ-տնտեսական պայմանների ու հարաբերությունների այս թուլցիկ վերլուծությունից պարզ երևում է, որ Անդրկովկասում թուրք-հայկական ընդհարումների պատճառներից հատկապես տնտեսականը զատելը և պատճառների թվում այն հիմնական համարելը տեսականորեն հիմնավորված չէր: Եվ միանգամայն ճիշտ էր նկատում «*Баквнские Известия*» լրագիրը, որը Բաքվի ջարդերի հաջորդ օրը գրում էր.

«Կասկածից դուրս է, որ Բաքվի դեպքերի աստառը չի կարելի որոնել հայերի և թուրքերի սոցիալական և տնտեսական հարաբերությունների շրջանում: Ինչպես առևտրական, նույնպես և արդյունաբերական բնագավառներում Բաքվի հայ-թուրքական ազգաբնակչության շահերը չունեն ընդհարման կետեր, ուստի սոցիալ-տնտեսական հարաբերությունների հողի վրա չէր կարող ծագել կրքերի ու արյունարբու հակումների այս սարսափեցնող բռնկումը, որ երևան եկան փետրվարի 6-9-ի ողբերգության մեջ»¹:

¹ «*Баквнские Известия*», 10 февраля 1905г.

Ռուսաստանի և Եվրոպայի հասարակական կարծիքը Անդրկովկասում թուրք-հայկական ընդհարումների տնտեսական պատճառը միակը կամ հիմնականն էր համարում առաջին շրջանում Բաքվի փետրվարյան կոտորածներից հետո մինչև Նախիջևանի արյունալի դեպքերը:

Եթե Բաքվի կոտորածները լայն արձագանք էին գտել ամբողջ Ռուսաստանում ու արտասահմանում, ապա թուրք-հայկական ընդհարումների հետագա ընթացքը այլևս նույն հետաքրքրությունը չէր առաջացնում: Եվ դա հիմնականում երկու պատճառով. 1) Կովկասահայության անօրինակ ճգնաժամին զուգահեռ էին միջազգային քաղաքականության ծանրակշիռ խնդիրներ, որոնք շղթայում էին հանրային ուշադրությունն իրենց հրատապ այժմեականությունը, 2) Ամենօրյա արհավիրքներից կարծրացել էին մարդկանց նյարդերը. ուսու-ճապոնական պատերազմ, Եվրոպական տերությունների միջև գնալով խորացող անլուծելի հակասություններ, օսմանյան բռնատիրության տակ հեծող ժողովուրդների չղաղարող հալածանքներ ու հարստահարումներ, Ռուսաստանում ծայր առած հեղափոխություն և ցարիզմի արյունալի ոճիրներ: Սրանք էին հիմնական պատճառներն այն բանի, որ կովկասյան դժոխքի մասին ամենազգայուն հրապարակումներն անգամ այլևս չէին հուզում կամ քիչ էին հուզում տարբեր ազգերի մարդկանց:

Նման պայմաններում վերլուծաբանները կովկասյան դեպքերն սկսեցին քննության առնել ավելի սառնասրտորեն, առանց զգացմունքներին չափից ավելի տուրք տալու: Դրան հաջորդեց այն, որ երկրամասում ծավալված հետագա իրադարձությունները թելադրեցին թուրք-հայկական ընդհարումների տնտեսական պատճառը մղել հետին պլան:

Թուրքական ջարդերի ալիքը տարածվել, հեղեղել էր նաև Անդրկովկասի այն գավառները, ուր չկար հայկական բուրժուազիա և հայ կապիտալիզմ, ուր տեր էր թուրք կալվածատերը, աղայական դասակարգը:

Տնտեսական պատճառների մեկնաբանները մի պահ չվարած էին, երբ Երևանյան նահանգում, հատկապես նրա Նախիջևանյան գավառում, տարածվեց անօրինակ խժդուկությունների ու ջարդերի փոթորիկը: Ածխացած դիակներ, թալանված տներ, ավերակ գյուղեր, արյուն, արտասուք, հարևանը հարևանի դեմ, երկրացին չոքած երկրացու կրծքին - ահա ողբերգական պատկերը հայ և թուրք խառը բնակչությամբ վայրերում: Բազմաթիվ բացահայտումները ցույց տվեցին համիլայականների ունեցած դերը հայ բնակչության ջարդերի մեջ, ապացուցեցին, որ թուրքիան չի հրաժարվել Անդրկովկասի թուրքաբնակ գավառները Ռուսաստանից կլլելու, հայկական տարածքները զավթելու և նրա հայ բնակչությանը վտարելու, իսկ Իրանը՝ Նախիջևանի գավառին տիրելու մտքից:

Բայց դա բոլորը չէր: Նրանք ուզում էին այն երևույթի պատասխանը գտնել, թե ինչու բեկերից ու աղայարներից կեղեքված ու հարստահարված թուրք գյուղացին հարձակվում, կողոպտում, սպանում է իրեն պես հարստա-

Հարված Հայ գյուղացուն, Հրդեհում և ոչնչացնում նրա ունեցվածքը: Նրանք տեսան ու Համոզվեցին, որ անցյալի խորհրդավոր խավարի ծոցից բարձրացել է թուրք բովանդակ բնակչությունը, որը, սկսած իր առաջնորդներից մինչև գյուղացիները, դիմել է խուժարուժ գործողությունների և սարքում է արյունոտ նախճիրներ: Հայի երեկվա Հաշտ ու մտերիմ բարեկամներն անգամ, նրա Հետ աղ ու Հաց կիտոնները, նրա ընտանեկան օջախի «քրիվաները» Հորդայական մի զարհուրելի բնազդով ու մոլեգին աշխարհավեր վրեժխնդրություններ ծառայել էին խաղաղ ու անմեղ Հարևանի վրա:

Այլ խոսքով, շատերը Համոզվեցին, որ թուրք-Հայկական ընդհարումների Հիմնական պատճառները պետք է փնտրել ոչ թե տնտեսական կամ սոցիալական, այլ ազգային-ցեղային Հոգեբանության մեջ, մուսուլմանական գաղափարախոսությունների ոլորտներում, քաղաքական մարզում:

Ցեղային, Հոգեբանական, կուլտուրական պատճառների վերլուծությանը առաջինը ձեռնարկեցին եվրոպացիները: “The Times”, “Frankfurter Zeitung” և այլ ազդեցիկ թերթեր վեր էին Հանում թափանցիկ իրողությունը, որը թելադրում էր, թե թուրքը մի տեսակ անախրոնիզմ է իր միջավայրում:

Լոնդոնի “The Times” լրագիրը 1905թ. սեպտեմբերի 25-ին ուղղակի գրում էր թուրքի «գիշատիչ բնազդները» (the Predatory instincts of the tatars) մասին, որոնք, նրա կովկասյան թղթակցի կարծիքով, «ռուսական կառավարության ոճրագործ քաղաքականության Հետ» եղել են «աղետների գլխավոր պատճառները»:

“Matin”-ի թղթակցից Գաստոն Լըրուան, որը նույնպես Հասուկ առաքելություններ գնացել էր թուրք-Հայկական պատերազմի թատերաբեմ, 1905թ. սեպտեմբերի 22-ի նամակով Հետևյալն էր գրում. «Անդունդ է բաժանում երկու ցեղերը... Հակադիր ազգակցություններ, ներհակ բնազդներ և քաղաքակրթության մի իդեալ, որին մեկը Հետապնդում է, իսկ մյուսը ետ է մղում... Թաթարները Հանձնառու են պատժելու մի ազատամիտ, Հակամիապետական ժողովրդի, որն իր իդեալով իսկ՝ ահարկու մի ուժ է բռնապետական կառավարության դեմ»¹:

Եվրոպական Հասարակայնությանը կովկասյան ընդհարումներին նվիրված մի ուշադրավ ուսումնասիրություն ներկայացրեց Վիլյարին՝ «Հուր և սուր Կովկասում» (“Fire and Sword in the Caucasus”) խորագրով: Վերլուծելով կովկասյան արյունալի անցքերը՝ Հեղինակը գրում էր. «Ռա մի մասն է այն կուլի, որ ժամանակակից քաղաքակրթությունը մղում է ասիական բարբարոսության դեմ...»²:

Գերմանացի գրող, Հայ ժողովրդի ազնիվ բարեկամ տիկին Իլզե Ֆրապանը

իր Հոդվածներից մեկում Կովկասում թուրք-Հայկական կոտորածների գլխավոր մեղավորը Համարում էր Նիկոլայ II-ին և նշավակում նրան:

Վաղ թե ուշ ցարը կանգնելու է մարդկության դատի առջև, – գրում էր տիկին Ֆրապանը: – Նա իրեն Համարում է ինքնակալ, բայց ավելի թշվառական է, քան վերջին ստրուկը, Համարում է կայսրության ժողովուրդների Հովանավոր, բայց իրականում գայլ է՝ Հուր Հոշոտող: Նա այն մարդն է, որ մարեց Հազարավոր դժբախտ Հպատակների արևը: Նա է, որ Կովկասում Հայերի ու քրիստոնյաների Համար ստեղծեց ստոր ու անարգ մի թշնամի՝ Փանատիկոս թուրքը: Որպիսի՜ դժբախտ կուլի է մղում Հայությունը բռնակալության ձեռքին ապուշ գործիք դարձած թուրքության դեմ»¹:

1905թ. վերջերին Փարիզի «Սոսիեթե Սեվանթի» Հյուրանոցի սրահում տեղի ունեցավ Հայանպաստ մեծ միտինգ: Այգրում Հայտարարվել էր, որ միտինգը կայանալու է ժան ժորեսի նախագահությանը, բայց Հիվանդության պատճառով նա չկարողացավ ներկայանալ, նախագահեց նախկին մինիստր Կամիլ Պելտան:

Միտինգում ելույթներ ունեցան Կամիլ Պելտան, Պրեսանսեն, Վիկտոր Բերարը և Պիեռ Բիյաուը:

Անդրադառնալով կովկասյան անցքերին՝ Պրեսանսեն քննադատեց Վիտտեի կառավարությանը և Ռուսաստանում տիրող անիշխանությունը, խարանեց մտավորականության և աշխատավոր դասակարգերի դեմ գործադրած վայրագ դաժանությունները: Ինչպես նրա, այնպես էլ մյուս Հոնտորների ելույթները տողորված էին Հայ ժողովրդի նկատմամբ ջերմ Համակրություններ և զգացումներով:

Միտինգի միաձայն ընդունված բանաձևում ասված էր.

«Մենք Հայտնում ենք մեր սուկումը Բաբվում, Թիֆլիսում, Երևանում... տեղի ունեցող ջարդերի առթիվ, որոնք բարբարոս կառավարությունը և Հակահեղափոխական բյուրոկրատիան փրկելու գերագույն ճիգեր են»²:

1906թ. վերջերին Փարիզում լույս տեսավ գրող ու գիտնական Լյուդվիգ դը Կոնտանսոնի “Les Armenies Caucase” («Կովկասի Հայերը») գրքույկը: Հեղինակը գրում էր.

«Այն բռնությունների մեջ, որոնք արյունոտում են Ռուսաստանը, Կովկասում տեղի ունեցող բռնություններն ամենասոսկալին են: Բացի ընդհանուր Հեղափոխությունից, այստեղ կա և մի առանձին, Հին ցավ, այն նույնը, որ 1895 թվականին առաջ բերեց Հայաստանի կոտորածները, և որով եվրոպան այն ժամանակ չկարողացավ զբաղվել: Այդ ցավը, գոնե այժմ, պետք է դարմանել, եթե չենք ուզում ապագային ավանդել նոր գազանություններ»:

Այնուհետև փորձելով բացատրել այդ ցավի իսկական պատճառները՝ Կոն-

¹ Մեջբերված է՝ Միքայել Հովհաննիսյան, Կովկասեան Վանդեան, էջ 67:

² Մեջբերված է՝ Միքայել Վարանդեան, Հ.Ց.Խաչնակցութեան պատմութիւն, Հատ. Բ, Հրատ. Բ, էջ 56:

¹ «Դրոշակ», N 6 (172), Հունիս, 1906, էջ 83-84:

² Նույն տեղում:

տանտնը ճշմարիտ ուրվագծում էր Հայկական դատի և Ռուսահայաստանի պատմությունը, անդրադառնում Հայերի նկատմամբ ռուսաց պետության բռնած դիրքին՝ Պետրոս Առաջինից սկսած, ցույց էր տալիս, թե ինչպես Դոն-դոնով-Կորասկովի՝ Կովկասում իշխանության գալու օրից սկսած՝ դեպի վատը փոխվեց ռուսական արքունիքի քաղաքականությունը, որի նպատակն էր Հայերին տկարացնել՝ մուսուլման թուրքերին նրանց Հակադրելու միջոցով, ինչպես թուրքական սուլթանը թուրքահայերին տկարացնելու նպատակով նրանց դեմ էր Հանում քրդերին»:

Անցնելով Կովկասում կոտորածների պատմությանը՝ սկսած 1905թ. փետրվարի 6-ից, դը Կոնտանտին իր աշխատությունը վերջացնում էր այն Համոզմամբ, որ Կովկասում կարող է խաղաղություն հաստատվել միայն այն դեպքում, եթե Ռուսաստանն ունենա զորեղ իշխանություն, որը կարողանա անկողմնակալ քաղաքականությամբ Հավասարակշռություն ստեղծել Հայերի և թուրքերի միջև: Ժամանակն է, նշում էր Կոնտանտինը, որ Ռուսաստանը, խրատված վերջին դեպքերից, վերադառնա, վերջապես, Հայերի նկատմամբ նախկին առողջ քաղաքականությանը, մյուս կողմից, հաստատակամություն ցույց տա և անողորմաբար պատժի բոլոր նրանց, ովքեր իրենց ձեռքերը թաթախում են Հարևանի արյան մեջ: Եվ դա պահանջում է Հենց իր՝ Ռուսաստանի շահը: Ռուսաստանը, դրանով իսկ, ցույց կտա, որ ինքը դավանում է արդարության և մարդասիրության իդեալներ, և դա, անկասկած, առաջ կբերի նրա նկատմամբ քաղաքակիրթ աշխարհի Համակրությունը:

1906թ. Կովկաս էր եկել անգլիացի Հրապարակախոս Լուիջի Վիլլարը, որը, Հավաքելով Հավաստի տեղեկություններ, Լոնդոնի «Վեստմինստեր Գազեթ» թերթի մի քանի Համարներում թուրք-Հայկական ընդհարումների մասին տպագրել էր մի Հմտալից և խիստ Հետաքրքրական ընդարձակ Հոդվածաչար, ուր ճշմարտացի նկարագրել էր իրողությունները, արդարացի Համարել կովկասահայության կռիվը, միաժամանակ բացահայտել ցարական իշխանությունների տմարդի արարքները:

Կովկասյան դեպքերը ճիշտ էին մեկնաբանում և ջարդերի Հիմնական պատասխանատուն ռուսական կառավարությանն էին Համարում գերմանական մամուլի մի շարք օրգաններ, մասնավորապես՝ “Vossische Zeitung”, “Berliner Tageblatt”, “Leipziger Tageblatt” թերթերը՝:

Ռուսական Հասարակական միտքը, Հետևելով եվրոպականին, 1905թ. երկրորդ կեսից նույնպես թեքվում էր այն տեսակետին, որ թուրք-Հայկական կոտորածների պատճառների թվում գլխավոր տեղերից մեկը պետք է Հատկացնել ցեղային-Հոգեբանական Փակտորին: Հարկավոր էր անդրկովկասյան իրադարձությունների ողջ սարսափը, որպեսզի ռուսներն իրենց աչքերը բացեին Հայկական վշտի վրա և Հասկանային այն պետական չարիքը, որ իր

մեջ կրում էր Կ.Պոլսից սնուցած կովկասյան ողբերգությունը:

Ռուսական դեմոկրատական ուղղության թերթերն իրենց թղթակիցների բերանով այլևս չէին բավականանում կրկնել ցարական իշխանությունների մեղսակցության մասին Հանրահայտ Փրագները, այլ արյունոտ պրոբլեմի վերլուծության մեջ գնում էին ավելի Հեռու՝ տնտեսական ու քաղաքական պատճառներից դուրս տեսնելով նաև մտավոր, Հոգեբանական, ցեղային-կուլտուրական պատճառներ: Ռուսական մամուլի օրգաններ “Русь”, “Новости”, “Право”, “Варжевые Ведомости” և ուրիշ թերթեր ու Հանդեսներ Հասարակայնությանը մատնացույց էին անում մինչ այդ սովորի տակ մնացած Հոգեբանական Փակտորներ, ծանրանում էին թուրք ժողովրդի առանձնահատկությունների վրա:

Թերթերը գրում էին, որ ռուս Հասարակությունը միամտաբար թուրքերի անցյալն անդարձ է Համարել, բայց Հիմա, երբ Կովկասի մի ծայրից մյուսը Հեղեղված է սարսափներով, նա զարհուրանքով տեսնում է, որ ողջ ծավալով զարթնել են նրանց անցյալի բնազդները, թևեր է առել ավարառության տենչը: «Թուրքերի Հոգեբանության Հիմքերը խարսխված են դարերի գիշերվա մեջ»¹, – գրում էր ռուս Հասարակական գործիչներից մեկը:

Թուրքերի ցեղային Հոգեբանության և նկարագրի տիպիկ արտահայտություններից մեկը նրանց միջավայրում մարդասպանությունը որպես սովորական երևույթ մամուլի կողմից դիտարկելն էր:

Հայտնի է, որ մարդկային կյանքի արժեքը շատ ավելին է գնահատվում քաղաքակրթված, քան զարգացման ցածր աստիճանների վրա գտնվող ժողովուրդների մոտ: 1905թ. տվյալներով յուրաքանչյուր մեկ միլիոն բնակչից տարեկան սպանվել է՝ Իտալիայում 96,9 մարդ, Իսպանիայում 76,7, Ավստրալիայում 24,4, Շվեյցարիայում 12,9, Դանիայում 12,4, Գերմանիայում 10,7, Իռլանդիայում 5,6, Անգլիայում 5,6, Շոտլանդիայում 5,0²:

“Тифлисский Листок” լրագրի 1906թ. N121-ում մարքսիստ Ֆիլիպովը լույս էր ընծայել «Անդրկովկասյան ազգաբնակչության ոճրականության մասին» վերնագրով ուշագրավ Հոդվածը, որտեղ Հեղինակը Համեմատական սկզբունքով ցույց էր տալիս մարդասպանության պատկերը ըստ ազգային միջավայրի: Նա գրում էր, որ քրեական ոճիրները, այդ թվում մարդասպանությունը միանգամայն տարբեր կերպ են ընկալվում երկրամասի տարբեր ազգերի կողմից: Տվյալ դեպքում քաղաքակրթական ցածր աստիճանի վրա գտնվող անդրկովկասյան թուրքը, վրեժխնդրության Հողի վրա կատարած սպանությունը ոչ միայն չի Համարում ոճրագործություն, շեշտում էր Ֆիլիպովը, այլև դիտում է որպես առաքինություն:

¹ Տե՛ս «Արշալոյս», N 15, 22 Հունվարի 1906թ.:

² “Право”, 19 декабря 1906г.

³ Տե՛ս Միքայել Հովհաննիսյան, Կովկասեան Վանդեան, էջ 82:

Տվյալները քաղելով Անդրկովկասի նահանգների ու շրջանների ամենամյա տեսուչություններից, Ֆիլիպովը ներկայացնում էր սպանվածների թիվն ըստ առանձին նահանգների: Պարզվում է, որ Բաքվի նահանգում 1904թ. սպանվել է 468 մարդ, Գանձակի նահանգում՝ 905: Այդ երկու նահանգներում թուրքերը կազմում էին բնակչության բացարձակ մեծամասնությունը (Գանձակի նահանգում մոտ 61%, Բաքվի նահանգում մոտ 60%): 1893-1902թթ. ընկած ժամանակամիջոցում յուրաքանչյուր տարի մարդասպանների ձեռքով միջին թվով զոհվել է Բաքվի նահանգում 289, Գանձակի նահանգում՝ 450 մարդ:

Ինչ վերաբերում է Երևանյան նահանգին, որտեղ բնակչության մեծամասնությունը Հայեր էին, իսկ թուրքերը կազմում էին մոտ 38%-ը, տասը տարվա ընթացքում (1893-1902) այստեղ սպանվել էր 1304 մարդ կամ միջին Հաշվով յուրաքանչյուր տարի՝ 130 մարդ:

Ձանազան ոճիրների համար այդ տարիներին Երևանի նահանգում ազատագրված կամ մահապատժի էր դատապարտվել 2801 մարդ, որից 1739-ը (կամ 63%-ը) եղել են մահմեդականներ: Հողվածագիրն ընդգծում էր, որ տեղի ունեցած բոլոր ոճիրների մեծագույն թվի հեղինակ լինելով հանդերձ, նրանք աչքի են ընկնում հատկապես սպանությունների, վերքեր հասցնելու, ավազակությունների մեջ:

Յոթ տարվա ընթացքում (1897-1904) Երևանի նահանգում դատապարտված 1165 մարդասպաններից 879 հոգին կամ 75,5% -ը մահմեդական է: Նույն ժամանակամիջոցում մարդկանց ձեռնարկում և վերքեր հասցնելու համար դատապարտվել էր 151 հոգի, որոնցից 113-ը, այսինքն՝ 74%-ը մահմեդական: Ավազակության համար դատապարտվել էր 48 մարդ, որից 39-ը կամ 81%-ը դարձյալ մահմեդական: Իսկ դրա դիմաց Երևանյան նահանգի ողջ բնակչության 3/5 մասը կազմող քրիստոնյա բնակչությանը բաժին էր ընկնում հազիվ 1/4-ը այն ոճրագործների, որոնք դատապարտվել էին մարդասպանության և 1/5-ը ավազակության համար:

Թուրք-Հայկական ընդհարումների պատճառների բացատրության ընթացքում ռուսական մեկնաբանները 1905թ. վերջերից սկսեցին ավելի ու ավելի հաճախակի անդրադառնալ Հայ ազգային կուսակցությունների դերին: Նրանցից շատերը փնտրում էին նոր բացատրություններ, որոնք ընդգրկում էին ընդարձակ ներկնապնակ՝ համակրանքի ու հակակրանքի խառնուրդով:

Վերցնենք սոցիալ-դեմոկրատների օրինակը: ՌՄԴԿ բոլշևիկյան թևի շատ ներկայացուցիչներ և մենչևիկների գերակշիռ մասը, որոնք Բաքվի փետրվարյան կոտորածների բացատրությունը սկզբնական շրջանում փնտրում էին միայն ու միայն տնտեսական պատճառների մեջ, ընդհարումների հետագա ընթացքում Հայացքներն ուղղել էին նաև ուրիշ՝ քաղաքական, պատմական, էթնիկական և նույնիսկ կուլտուր-էթնիկական բնույթի պատճառների կողմ: Գնալով նրանք ավելի ու ավելի էին հակվում այն տեսակետին, որ ցարական միապետության կողմից լայն հովանավորություն և բազմակողմանի

աջակցություն ստացող մուսուլմանական ռեակցիայի դեմ կովկասահայությունյան պայքարն ըստ էության հեղափոխական կռիվ է՝ ռուսական հեղափոխական կռիվի մի մասը:

Դրա հետ միասին, սոցիալ-դեմոկրատները շարունակում էին սուրբ տալ Հայկական ազգային հեղափոխական կազմակերպությունների ու կոմիտեների ազգայնականության ու ծայրահեղականության մասին տեսակետներին:

Պետք է նկատել, որ այդ հարցում սոցիալ-դեմոկրատների գնահատականները որոշ չափով տարբերվում էին իրարից: Խոսքն այն մասին է, որ եթե Կովկասից դուրս հրատարակվող ռուսալեզու սոցիալ-դեմոկրատական, հատկապես բոլշևիկյան թերթերն այդ մեղադրանքը ներկայացնում էին դեպքից դեպք, ապա Կովկասի սոցիալ-դեմոկրատները՝ և նրանց մամուլի օրգանները ավելի հետևողականորեն առաջադրում էին այն մեղադրանքը, թե թուրք-Հայկական ընդհարումների մեջ եթե ոչ վճռորոշ, ապա կարևոր դեր են ունեցել Հայ ազգային հեղափոխական կոմիտեներն իրենց ազգայնամոլությամբ և ծայրահեղական գործելակերպով:

Նշելով, որ Հ.Յ. դաշնակցությունն իր խիտ ցանցով պատել է Անդրկովկասի Հայաբնակ գավառները և իր հետևից տանում է հսկայական զանգվածներ, կովկասյան բոլշևիկները գտնում էին, որ մեծ աղետի գլխավոր նախաձեռնողներից մեկը հենց այդ կուսակցությունն է:

Վրաց սոցիալ-դեմոկրատները, հատկապես մենչևիկները, դաշնակցությանը մեղադրում էին այն բանում, որ նա, բարձրացնելով ազգային դրոշմը, իր շուրջն է համախմբել Հայության հիմնական զանգվածները, հատկապես գյուղացիությանը, որի պատճառով էլ հենց նրանք մասնակցություն չեն ունենում հեղափոխական շարժմանը:

Այսպես էր ասված վրաց «Սոցիալ-դեմոկրատ» թերթի մի հոդվածում, որը թարգմանաբար տպագրվել էր ռուսերեն «Социал-Демократ» շաբաթաթերթի 1905թ. Ռ8-ում, այնտեղից էլ անցել սոցիալիստ-հեղափոխականների «Революционная Россия» թերթի մեջ:

Հոդվածում նշված էր, որ վրաց սոցիալ-դեմոկրատները որոշել են «անդադար կռիվ մղել սեփական նացիոնալիզմի դեմ և ոչնչացնել նրան իր արմատում», իսկ Հայ սոցիալ-դեմոկրատների առաջնահերթ խնդիրը պետք է լինի անողոք պայքարը դաշնակցության և Հայ ազգային մյուս կուսակցությունների դեմ, որոնք ազգամիջյան ընդհարումների գրգռողներն են:

Ազգային դրոշակներ չպետք է պարզել, ազգի անուճով չպետք է խոսել ու գործել, պետք է հանդես գալ միայն դասակարգի անուճից – այս էր «Социал-Демократ» թերթի հոդվածագրի եզրակացությունը:

Անդրադառնալով այս հոդվածին՝ «Դրոշակը» շեշտում էր, որ «ազատ

* Ընթերցողին կրկին հիշեցնենք, որ այն ժամանակ բոլշևիկները և մենչևիկները Կովկասում բաժանված էին և գտնվում էին ՌՄԴԿ միասնական կազմակերպությունների մեջ:

տրամաբանութիւնն ըմբոստանում է կամայական ու բռնազբոսիկ նման Ֆոր-մուլաների դեմ»։ Այդ առողջ տրամաբանութիւնն ասում է, որ կարելի է սոցիալիստ լինել և միաժամանակ լինել ամենաշերմ պաշտպանը իր ազգի իրա-վունքների ու անկախութեան, կարելի է ամենաուղղափառ մարքսիզմ դավա-նել և որոշ դեպքերում, երբ վտանգ է սպառնում ազգին, նրա ազատ ու նորմալ զարգացմանը, հրապարակ գալ ազգային դրոշի ու նշանաբանի տակ։ Հայ դաշնակցականը նույնքան իրավունք ունի փաստաբանելու իր ազգութեան դատը, որպիսի իրավունքով մի Բեբել կամ մի Պրեսանսե պատրաստակա-մութիւն կհայտնեն գենքը ձեռքին ասպարեզ նետվելու՝ յուրաքանչյուրն իր հայրենիքը պաշտպանելու համար։ «Հայ դաշնակցականը նույնքան իրավունքով կարող է սիրել իր լեզուն, երկիրը, պատմութիւնը, որքան իրավունքով մի էնտրազիժան սոցիալիստ Ֆերրի կարող է բացականել։ ««Ես շատ եմ սիրում իմ մեծ հայրենիքը՝ Իտալիան, և ես կրում եմ զվարթ սրտով բոլոր զրկանքներն ու փոթորիկները՝ Հանուն Հայրենիքի այդ սիրուն...»։ Այդ է հրահանգում իսկական, չխեղաթյուրված սոցիալիզմը»¹։

Դաշնակցութեան վրա դնելով կտրուկ գործողութիւններով թուրք ամբո-խին գրգռելու մեղքը՝ Կովկասի բոլշևիկները գտնում էին, որ այդ կուսակցու-թիւնն իր գործունեութեան ընթացքում Հայ ժողովրդի համար որևէ դրական օրինակ չի տվել, ավելին, ժողովրդի գինման ու ինքնապաշտպանութեան ուղ-ղութեամբ գործնականում ոչինչ չի արել, որ եթե ինչ-որ բան էլ արվել է, ապա արել են ուրիշ կազմակերպութիւններ։ Բոլշևիկյան մամուլը գրում էր, որ փետրվարյան ընդհարումների ժամանակ Բաբուն պաշտպանել են բոլոր ազ-գութիւններից կազմված կամավորական խմբերը, որ դաշնակցութեան միջա-մտութիւնը միայն խանգարել է գործին, և եթե նրա գինված ջոկատների փոխարեն հնարավոր լիներ հրապարակ բերել, ասենք, 100 ուսու բանվորներից կազմված միայն մի ջոկատ, ապա գինված ուսու բանվորների երևալը փողոց-ներում կունենար ավելի գործուն քաղաքական նշանակութիւն և Հայ բնա-կիչների ապահովութեան տեսակետից ավելի շատ բան կտար, քան տվել են դաշնակցական գինված խմբերը, որոնց երևալը փողոցներում միայն գրգռել և կովի է հանել մուսուլմանների նորանոր զանգվածներ՝ պատճառ դառնալով նորանոր կոտորածների ու ավերումների։

Դաշնակցական ընդդիմախոսների այն հարցումին, թե, ի վերջո, ինչն է պատճառը, որ սոցիալ-դեմոկրատները Բաբլի կոտորածի ժամանակ, ի տես Հայ բնակչութեան խողովորումին, իրենց դրսևորեցին իբրև սոսկ սրտացավ ականատեսներ՝ փոխանակ ստեղծելու և հրապարակ բերելու գոնե մեկ գին-ված ջոկատ, սրանք պատասխանում էին, թե այդ բանն անելու համար իրենք գենք չեն ունեցել։ Բոլշևիկյան մամուլը գրում էր, որ եթե Բաբլում և այլուր ուսու բանվորները մնացել էին կրավորական դիրքում, ապա այդ բանում մեծ

¹ «Դրոշակ», N 13(166), դեկտեմբեր, 1905. էջ 198:

չափով մեղավոր են իրենք՝ դրոշակյանները, որոնք շատ միջոցներ ու շատ գենք ունեին, բայց կղզիանում էին ուսուներից, չէին օգնում ՌՄԴԿ Բաբլի կոմիտեին՝ ուսու բանվորներից գինված խմբեր կազմակերպելու գործում, իսկ այդ կոմիտեն միջոցներ չունենալով՝ ոչինչ չկարողացավ անել իր կուսակներով։

Իսկ այն հարցին, թե արդո՞ք եղել է մի դեպք, երբ սոցիալ-դեմոկրատները կոտորածներին միջամտելու ցանկութեամբ դիմած լինեն Հայ Հեղափոխական կոմիտեներին՝ գենք ստանալու խնդրանքով, նրանք պատասխանում էին, թե, սոցիալիստական համոզմունքներից ելնելով, իրենք չեն կարող Հայից ստացած գենքով սպանել շահագործվող ու խաբված թուրք աշխատավորին, ինչպես և՛ չեն կարող թուրքից ստացած գենքով կրակել Հայ բանվորի վրա։

Ինչ վերաբերում է թուրք-Հայկական ընդհարումների մեջ Հայ ազգային կուսակցութիւնների դերի գնահատմանը՝ եվրոպական սոցիալիստական մա-մուլի ու գործիչների կողմից, ապա նրանց տեսակետները շատ ավելի մոտ էին ուսուալեզու սոցիալ-դեմոկրատական մամուլի օրգաններում արտահայտված կարծիքներին, քան կովկասյան և հատկապես Հայ սոցիալ-դեմոկրատների տե-սակետներին։

Հետաքրքիր է, որ Հայ ազգային-հեղափոխական կուսակցութիւնների մա-սին ուսու սոցիալ-դեմոկրատների տեսակետները առանձին կողմերով մոտե-նում էին ուսուական հետադեմ մամուլի տեսակետներին։

Հայ կուսակցութիւնների դեմ իրենց ամբաստանութիւններով ու գրգռ-ուումներով աչքի էին ընկնում ուսուական հետադեմ մամուլի երկու առաջա-տար օրգանները՝ “Новое Время”-ն և “Московские Ведомости”-ն։ Այդ թերթերը հոգնեցնելու չափ կրկնում էին, թե Հայ Հեղափոխական կազմակեր-պութիւնները որդեգրել են արմենիզմի ուլտրաազգայնամուլական գաղափա-րախոսութիւնը, որի քարոզների նպատակն է Անդրկովկասի Հայաբնակ գա-վառներն անջատել Ռուսաստանից, ստեղծել իրենց անկախ պետութիւնը, ապա գենքի ուժով այդ պետութեանը միացնել նաև Կովկասի բուն մուսուլմա-նաբնակ Հողերը, աստիճանաբար իրենց բնակավայրերից դուրս մղել աղքատ ու խեղճ թուրք բնակչութեանը։ Ըստ որում, “Новое Время”-ն մտահոգված էր ոչ միայն Ռուսաստանի, այլև օսմանյան կայսրութեան ամբողջականութեան պահպանմամբ, գրելով, թե «Հայկական կուսակցութիւնների սադրիչ ու քայ-քայիչ գործողութիւնները, բարեբախտաբար, առաջ են բերում ոչ միայն թուրք ազգաբնակչութեան, այլև օսմանյան պետութեան հակազդեցութիւնը»։

Շանթ ու որոտ թափելով Հ.Յ. Դաշնակցութեան վրա “Московские Веду-мости” թերթը 1905թ. N 244-ում թուրք-Հայկական ընդհարումների պատ-ճառների քննութեանը նվիրած հոդվածում գրում էր, որ «թուրքերը տառա-պող կողմն են», որ Հայ նացիոնալիստները «ցեխոտել են ուզում Ռուսաստա-նի ավանդաբար հավատարիմ հպատակ երեք և կես միլիոն Կովկասի թուրք բնակչութեանը»։ Թերթի կարծիքով, Հայ ազգայնամուլ կոմիտեները, մշտապես խախտում են պետութեան անդրրուութիւնը, սպառնում կայսրութեան ամբող-

չականությունը: Հենց այդ անջատողական Հայերն են, որ ներկայումս Կովկասում իրենց իսկ սարքած արյունահեղության մեղքը ճգնում են գցել ռուսական կառավարության վրա»:

Թուրք-Հայկական հակամարտության սխալ մեկնաբանությունները, Հասկապես այն մեղադրանքը, թե Հայկական շարժումը տոգորված է մոլեռանդ նացիոնալիզմով, որոշ չըջաններում ստեղծում էին աննպաստ, նույնիսկ՝ թշնամական տրամադրություններ դեպի Հայությունը և նրա մղած պայքարը:

«Հայության երդյալ թշնամիները, – գրում էր «Դրոշակը», – չեն կարող Հանդուրժել առհասարակ Հայկական շարժում հասկացությունը և ինչպես որ Հայ կապիտալիզմի մեջ տեսնում են համայնակույ մի հրեշ, որ մի օր պիտի նվաճե բովանդակ Կովկասը, այնպես էլ Հայ շարժման մեջ նրանք կարծես ընդնշմարում են մի չարաղետ սկզբունք՝ ուղղված ոչ միայն բյուրոկրատիայի, այլև իրենց բոլորի դեմ: Ահա մի ողբալի մտավիճակ, որ պակաս դեռ չէ խաղում Հայ մարդու դժբախտությունների մեջ»¹:

Հայկական Հեղափոխությանը և Հանուր Հայությանը վարկաբեկող այդ թյուրիմացությունները ճարպկորեն կարողանում էին շահագործել թուրք բուրժուազիայի և մահաճակատի ֆանատիկոսության գաղափարախոսները: Նրանք ահագանգ էին հնչեցնում «Հայ Հարստահարիչ դրամագլխի» ոտնձգությունների դեմ, տարածում էին առասպելներ Հայկական կոմիտեների դավերի, նրանց երևակայական շահատակությունների մասին, կասկածամիտ և Հայաստաց ռուս բյուրոկրատիայի առջև մշտապես շեշտում էին «Հայկական սեպարատիզմը», Հայ Հեղափոխականի «անջատողական», «ազգայնամուլ» ձգտումները:

Այն ժամանակ, երբ Ռուսաստանի և Կովկասի ժողովուրդները, Հանձին իրենց առաջադեմ տարրերի՝ Հասարակական նոր իդեալներով տոգորված, ընդառաջ էին գնում Հեղափոխությանը, այդ նույն ժամանակ կովկասյան թուրք «ինտելիգենցիան» իր ժողովրդի գլուխ կանգնած, նրա կեղծքիչ տարրերի՝ բեկերի ու մոլլաների Հետ ձեռք ձեռքի տված, Հանդիսանում էր ռեակցիայի հզոր պատվար՝ միշտ ապավեն հոգևոր և աշխարհիկ բռնակալությանը:

Ազգամիջյան արհավիրքի և բնաջնջող պատերազմի անգամ թուրք ժողովրդի միջից առաջ չբերեց կարող, ազդեցիկ և գաղափարական անհատների գեթ մի փոքրամիակ խումբ, որը գիտակցեց արյունալի կռվի դժոխային սարսափները և ողջ անմտությունը, ուժգին բողբոջներով և եռանդուն քարոզներով աշխատեց կանգնեցնել Հարազատ ամբոխի կույր վրեժխնդրության տարերային սլացքը:

Թուրք «մտավորականներից» էր Հաջի Ջեյնալ Աբդին Թաղիկը, որը խոշոր նավթարդյունաբերող էր: Նրա միջոցներով էր հրատարակվում պանիսլամական, ազգայնական «ԿԱՍԻՅԱ» թերթը: Նա իր ցեղակիցներին տալիս էր

բարեգործական մեծաքանակ նվերներ, պահում քաղաքի միակ թուրքական օրիորդաց դպրոցը և այլն: Թուրք միլիոնատերը կոտորածների գլխավոր կազմակերպիչներից մեկն էր, որին «բաց նամակով» դիմել էր Բաքվի Հայ խոշոր առևտրականներից մեկը՝ Աղաբեկ Չուստուլյանը:

Թաղիկին առաջարկելով շանքեր գործադրել վերականգնելու Համար «երկու ազգերի Հին բարեկամությունը»՝ «Բաց նամակի» Հեղինակը գրում էր.

«Կորցրած բանը պիտի կորցրած տեղը փնտրել: ...Կովկասի խաղաղության բանալին Հենց ձեռք առաջ կորավ Բաքվում, ու այնտեղ էլ պիտի փնտրել այդ բանալին: Այդ բանալին աներևույթ և սգավոր էակի նման պտտվում է «КАСПИЯ» լրագրի խմբագրության անդամների շուրջը և վախենում է ասպարեզ գալ Հասան բեկ Մեյիբովի, Աղաևի և այլոց առաջ: Ո՞ր չար սատանան միտք հղացավ պղտորելու այն խաղաղությունը, այն համերաշխությունը, որ կար Հայի ու թուրքի միջև: Բաքվում գտնվող շատ տոհմավոր ու հարուստ թուրքեր անհոնում են այն օրը, երբ ձեռք մեջ առաջ եկան երկու ջուխտ և մի կենտ ռուսամականներ, որոնք, իրենց անբախտ ազգի դեկավար դերը ստանձնելով, հարկավոր ընդունակությունը, Հեռատեսությունը և զգուշությունը չունեցան ձեռք ազգին անսայթաք առաջ մղելու դեպի ռուսում, դեպի գիտություն ու առաջադիմություն»²:

Այնուհետև նամակագիրը նշում էր, որ Հայերը լավ գիտեն, թե Թաղիկը քանի՜-քանի՜ միլիոններ է նվիրաբերել իր ժողովրդի կրթության կազմակերպմանը, բայց արդյունքը եղել է չնչին, որովհետև «ձեռք ռուսամականները ոչ միայն չհասկացան Ձեզ, այլև չըմբռնեցին ժամանակի պահանջը: Ատելություն և գժտություն սերմանելով՝ նրանք վաղուց ու թշվառության գիրկը նետեցին երկու Հարևան ժողովուրդներին՝ կարծելով, թե դրանով բարիք են անում իրենց ազգին»³:

Ա. Չուստուլյանը նկատում էր, որ «КАСПИЯ» թերթի խմբագրությունը Թաղիկը Հանձնել է զանազան արկածախնդիրների, ինչպիսիք են՝ Չարդրի Հասան բեկ Մեյիբովը, օսմանյան ազնետ Շուալի գաղեն, մոլեռանդ Հայաստաց ու կարճատես քաղաքագետ ԱՀմեդ Աղաևը և ուրիշներ, որոնք թույն են սրակում թուրք ընթերցողի մեջ: «Տարիների ընթացքում նրանց ձեռքով ցանած չար սերմերն են, որ դառը պտուղներ տվեցին»³, – շեշտում էր նա:

Տեղեկություններ կային, որ Թաղիկը Բաքվից բազմամիակ Հեռագրեր է ուղարկել փոխարքային, Շելյու-ուլ-Իսլամին, դիմումներ է հղել Կովկասի մուսուլմաններին, որոնց չըջանում նրա Հեղինակությունը հսկայական էր: Անդրադառնալով այդ իրողությանը՝ «Բաց նամակի» Հեղինակը նշում էր, որ այդ Հեռագրերն ու դիմումները պատիվ չեն բերում իրեն՝ Թաղիկին: Պետք չէ

¹ «Դրոշակ», N 13(166). գեկտեմբեր, 1905, էջ 197:

¹ ՀՀ ՀԲԿԿԳԱ, ֆ. 1022, ց. 2, գ. 280, թ.թ. 74-75:

² Նույն տեղում, թ.թ. 75-76:

³ Նույն տեղում, թ. 80:

ապարդոյուն Հեռագրեր տալ ու դիմումներ հղել, այլ «Հարկավոր է Բաքվում քանդել այն ավազը, որի մեջ Հայրենի մեր խաղաղութեան բանալին, և ուր շահաբերակ է այն անվազը, որի մեջ Հայրենի մեր խաղաղութեան բանալին, և ուր շահաբերակ է այն անվազը, որի մեջ Հայրենի մեր խաղաղութեան բանալին»։ Մեզ՝ երկու ազգերիս, «կիրկի ոչ թե իրար կոտորելու կիրքը, այլ Համերաշխ գործավարությունը առաջադիմության ճանապարհին»¹։

Հայերը մեծապես շահագրգռված էին ընդհանրապես մուսուլմանների և Հատկապես թուրքերի կուլտուրական առաջընթացով, հուսալով, որ ժամանակի ընթացքում վերջիններս կ'փառաբանվեն, հետևապես կմարի կամ գոնե կնվազի նրանց ջարդարարական մոլուցքը։

Երբ մի քանի տարիներից ի վեր Բաքվում և Թիֆլիսում թուրք «մտավորականները» փորձեր էին անում ձեռնարկելու մի քանի կուլտուրական գործեր, այսինքն՝ երբ մահմեդականների Համար բացվել էին երկսեռ դպրոցներ, Թիֆլիսում սկսել էր Հրատարակվել «Շարքի Ռուս» թերթը, թուրքերեն տրվում էին ներկայացումներ, ստեղծվել էր բարեգործական ընկերություն և այլն, ապա Հայերը ջերմորեն արձագանքում էին թուրքերի այդ քայլերին։

«Մշակը» գրում էր. «Մենք բոլորս ողջունում ենք մեր մահմեդական Հարեվանների կուլտուրական գործունեության այդ քայլերը, ցանկանալով, որ գործը կանգ չառնի սկզբնական փորձերի վրա, այլ աճ է և ընդարձակվի, առաջ բերելով օգտակար հիմնարկությունների մի ամբողջ ցանց մահմեդական ազգաբնակչության շրջանում։ ... Մեր մահմեդական Հարեվանների առաջադիմությունը կարող է միայն ուրախացնել մեզ։ Մենք Հավատացած ենք, որ մեր երկիրը կարող է կանոնավոր և ընդարձակ զարգացում ունենալ միայն այն ժամանակ, երբ նրա մեջ ապրող բոլոր ազգերը կը սկսեն գործել փառաբանական ասպարեզում Համերաշխ, միահամուռ ուժերով»²։

Հեղափոխական փոթորիկը և թուրք-հայկական ընդհարումները ուսական Հասարակական մտքի առաջ դրեցին մի շարք ուրիշ Հարցեր ևս, որոնք Հրամայաբար պահանջում էին պատասխաններ։ Ռուսական մամուլը, Հասարակական-փառաբանական գործիչներն արտահայտում էին իրենց կարծիքը Կովկասի ապագայի, երկրամասում ուսական տիրապետության Հետագա ընթացքի մասին։

Սոցիալիստ-հեղափոխականների “Свободный Труд” թերթը իր Հողվածներից մեկում՝ անդրադառնալով այն Հարցին, թե արդյո՞ք ուսական կառավարությունը Կովկասում արել է այն ամենը, ինչ անհրաժեշտ էր անել, տալիս էր բացասական պատասխան։ Կովկասը դարձել էր ուսական, բայց այն չէր ձուլվել Հողթող երկրի Հետ։ Ռուսներն իրականացրին միայն Կովկասի ռազմական նվաճումը, բայց անգոր գտնվեցին այն պսակել բարոյական նվաճմամբ։

«Իսկ ի՞նչ պետք է անեն ուսները Կովկասը նվաճելուց Հետո, - նորից Հարց էր տալիս Հողվածագիրը, - ի՞նչ պետք է անեն նրանք, իսկապես, որպեսզի այն Հոգեբանորեն դառնար Ռուսաստանի Հարազատ գավառը։ Դրա Համար անհրաժեշտ էր կայսրության շրջանակներում Կովկասին տալ իսկական ազատություն, լավ օրենքներ, բարեխիղճ գործիչներ, բարի վարք, լուսավորություն, իսկական Հավատ։ Ցավոք, դրանցից ոչ մեկը Կովկասը չստացավ, որովհետև այդ բարիքներից ոչ մեկը Ռուսաստանը չունեց, եթե երբեմն էլ ունեց, ապա՝ կիսատպատ։ Մենք Կովկասին տվինք միայն այն, ինչ ունեինք՝ վատ օրենքներ, վատ կառավարություն, վատ պաշտոնյաներ, վատ վարք ու բարքեր։ Մենք Կովկաս եկանք ոչ թե մեր առաքինություններով, այլ մեր փտերով»³։

Թերթը ցավով նշում էր, որ մենք՝ ուսներս, Հենց առաջին օրից, փոխանակ եղբայրանալու կովկասյան ժողովուրդների Հետ, սկզբից ևեթ անվստահություն տածեցինք նրանց Հանդեպ։ Մենք գահի դեմ գրգռեցինք նույնիսկ այն ազգերին, ինչպես օրինակ՝ Հայերին, որոնք իրենք էին մեզ դիմել մտնելու մեր Հովանավորության ներքո։

Փոխանակ եղբայրանալու տեղական ժողովուրդների Հետ, ցավով նշում էր թերթը, մենք պահպանեցինք Կովկասը նվաճելու ժամանակ ունեցած թշնամությունը նրանց նկատմամբ։ Մենք ոչ միայն տիրացանք նրանց նյութական հնարավորություններին, այլև փորձեցինք լուծ դնել նրանց դարավոր բարոյական արժեքների վրա։ Հպարտ ու ազատասեր մարդկանց մենք Հողթեցինք մեր գեներալ գերագնացությանը, բայց մենք ոչինչ չարեցինք, որ նրանք Հաշտվեն իրենց պարտության Հետ և ցանկանան կամավոր ձուլվել մեզ։ Մենք Համարյա ոչինչ չարեցինք, որպեսզի խելացի կերպով շահագործենք այդ երկրի բնական Հարստությունները, չկարողացանք գոնե Հարստանալ ինքներս և այդ Հնարավորությունը թողեցինք օտար եվրոպացիներին։

Բայց, որ ամենասարսափելին է, շարունակում էր Հողվածագիրը, մեր անմիտ փառաբանականությանը խորացրինք թշնամությունը մի կողմից կովկասյան ազգերի միջև, մյուս կողմից՝ ողջ Կովկասի ազգերի և Ռուսաստանի միջև։

Ինչպես տեսնում ենք, “Свободный Труд” թերթը արձանագրում էր մի շարք անվիճելի ճշմարտություններ, դրա Հետ միասին ընկնում էր ակնհայտ չափազանցությունների մեջ՝ Կովկասի բոլոր ազգությունները դիտում որպես մի ամբողջություն, մոռանում, որ արևելահայությունը Ռուսաստանում ստացել էր տնտեսական ու կուլտուրական առաջադիմության բարենպաստ Հնարավորություններ և, իր Հերթին, ուժերը ներածին չափով, նպաստում էր ոչ միայն Կովկասի տնտեսական զարգացմանը, այլև որոշակի ներդրում ունեց կայսրության տնտեսության մեջ, նրա մշակույթը մերձեցել էր ուս մեծ ժողովրդի մշակույթին և շարունակում էր բարերար ազդակներ ստանալ Հետագա

¹ ՀՀ ՀՔԿԳԿԳԱ, ֆ. 1022, ց. 2, գ. 280, թ. 88։

² «Մշակ», N 4, 11 Հունվարի 1905թ.։

³ Հողվածի թարգմանությունը տե՛ս «Մշակ», N 24, 2 փետրվարի 1906թ.։

¹ Տե՛ս «Մշակ», N 24, 2 փետրվարի 1906թ.։

զարգացման համար:

Ինչ վերաբերում է կոտորածների մեջ կառավարության խաղացած դերին, ապա հենց սկզբից Ռուսաստանի և Եվրոպայի դեմոկրատական մամուլը մատնացույց էր անում ցարիզմի ազգահալած քաղաքականությունը: Ռուսաստանում տեղի ունեցող Հասարակական շարժման արձագանքները, բնականաբար, չէին կարող չարտահայտվել ժողովրդական զանգվածների տրամադրությունների վրա: Ուստի բավական էր մի կայծ, որպեսզի քաղաքական դաշտը բռնկվեր ու դառնար ամեն ինչ լափող հրդեհ: “**Бакинские Известия**” թերթը շեշտում էր, որ այդպիսի կայծի դեր է կատարել շովինիստական մամուլի կողմից անդրկովկասյան զանգվածների միջավայրում պատվաստված մոլորությունը: Այդ մամուլը մարդատյաց գաղափարների քարոզով ապակաշնել է մարդկանց մտքերն ու զգացմունքները, և նրանք, այդ մարդիկ, այլևս անկարող են ինքուրույն քննել ու վերլուծել իրենց չրջապատող երևույթները, հետևապես հեշտությամբ զոհ են գնում շովինիզմի բացած որոգայթներին¹:

Հայ բուլչեիկների «Կայծ» թերթը գրում էր, որ «Կովկասի գաղութային նվաճման ողջ ժամանակաշրջանում ցարիզմի ազգային քաղաքականությունը կառուցվել է «բաժանիր ու տիրիր» սկզբունքի վրա»: Այդ քաղաքականությունը դրոշ դարձրած կառավարությունը, «խաղաղով թուրքերի և հայերի ազգային հակասությունների վրա, կարողացավ աշխատավոր մասսաներին ներքաշել ազգամիջյան կռվի մեջ»²:

Ազատական մամուլի օրգաններից շատերը հակված էին այն մտքին, թե թուրք-հայկական ընդհարումների պատճառներից մեկը կառավարման մեջ տեղական իշխանությունների ոչ բանիմաց լինելն է: “**Рассвет**” թերթը գրում էր.

«Շատ մեծ տարակուսանք են առաջացնում Անդրկովկասում տեղի ունեցող դեպքերը: Հավանաբար այնտեղի ղեկավար ոլորտներում չկա առողջ մտածողություն, որը պետք է հաստիկ լինի պետական գործիչներին»³:

Մտավորապես նույնպիսի կարծիք էին հայտնում նաև ինքնակալության երդվյալ պաշտպաններից շատերը, ինչպես, օրինակ՝ Վ. Պոգոժևը իր «Կովկասյան ուրվագծեր» հայտնի աշխատության մեջ⁴:

Այդ օրերին ցարիզմի ակտիվ պաշտպանությամբ հանդես էր գալիս Լև Տոլստոյը: Անգլիական «Թայմս» թերթը տպագրել էր նրա ընդարձակ նամակը Ռուսաստանի հասարակական տրամադրությունների և դրանց նկատմամբ իր վերաբերմունքի մասին: Նամակը ջերմ արձագանք գտավ Ռուսաստանի խավարամիտ ուժերի կողմից, միաժամանակ արժանացավ ռուսական հեղափոխականների, ազատասիրական ուժերի և արտասահմանյան մամուլի խիստ քննադատությանը:

Իր նամակում մեծ գրողը դատապարտում էր Ռուսաստանում սկսված հեղափոխությունը, հետևապես օբյեկտիվորեն դատապարտում էր հեղափոխական հայությունը և պաշտպանության տակ առնում ցարիզմի պաշտպան կովկասյան թուրքերին: Դա պատահական չէր: 1890-ական թվականներին և դրանից հետո մի քանի առիթներով Լև Տոլստոյը բացասական վերաբերմունք էր արտահայտել թուրքահայոց ազատագրական շարժման նկատմամբ և ահա այժմ առիթը բաց չէր թողել նշավակելու ռուսահայոց ազատագրական շարժումը: Նա հանցավոր էր համարում այն միջոցները, որոնց դիմում էր ազատասիրական շարժումն իր նպատակին հասնելու համար: Իսկ այդ նպատակն անհիմն ու խաբուսիկ էր Տոլստոյի համար: Նա քարոզում էր, որ մարդու թշվառությունների պատճառը չպետք է փնտրել քաղաքական վերնաշենքերի կազմվածքների մեջ: Մարդը պետք է ներքնապես կատարելագործվի, որպեսզի կարողանա հասնել կատարյալ երջանկության: «Քաղաքական վերածությունը ոչինչ է. հարկավոր է բարոյական վերածություն»¹, – գրում էր նա:

Միապետության պաշտպանների դեմ հանդես էին գալիս ռուս լուսավոր դեմքերը, որոնք բացահայտում էին հայերի նկատմամբ ցարիզմի վարած դաժան քաղաքականությունը, հասարակությանը մատուցում ճշմարտությունը:

Ռուս գեորգիզ մտավորական Ալեքսանդր Վալենտինովիչ Ամֆիտեատրովը իր «Հայկական հարցը» գրքում բացահայտում էր հայերի նկատմամբ թուրքերի ատելության պատճառները, դրանցից նշելով, տնտեսական ու կրոնականը, բայց գլխավորը համարելով օրգանականը՝ ժառանգական ու ցեղայինը: Այնուհետև նա քննության էր առնում ռուսական կայսրության մեջ հայերի հետապնդումների պատճառները: Որքան էլ ցավալի է, գրում էր նա, այդ հետապնդումները տեղի են ունեցել ռուս մտավորականության լուսկյաց թողտվություն պայմաններում: Գոնե այժմ ռուս մտավորականությունը իրավունք չունի մի կողմ քաշվելու և դիտելու, թե իր երկրում մի ժողովուրդ ինչպես է անպատիժ հոշոտվում, իրավունք չունի հանդես չգալու հետադիմականության, պահպանողականների, պանսլավոնիզմի և հատկապես ռուսականացման բիրտ քաղաքականության դեմ: Այդ ուժերը իսկական պատերազմ են հայտարարել հայությանը՝ որպես հեղափոխական ուժի: Ամֆիտեատրովը առաջադիմական գործիչներին խորհուրդ էր տալիս՝ հայերի գլխին եկած հերթական արհավիրքների ժամանակ առաջվա նման չբավարարվել անկիրք պաշտպանության սառնությունը, պետք է առանց ջնջին իսկ խանդավառության հայերի նկատմամբ համակրանք արտահայտել՝ այն դիտելով որպես ընդհանուր մարդասիրական ծառայության պարտք: Հարկավոր է հայությանը պաշտպան կանգնել սրտի անկեղծ թելադրանքով, ռուսական դեմոկրատական

¹ “**Бакинские Известия**”, 10 февраля 1905г.

² «**Кайծ**», N 24, 7 հունիսի 1906թ.:

³ “**Рассвет**”, N104, 25 июня 1905г.

⁴ В.П. Погочев, Кавказские очерки, стр. 412.

¹ «**Մշակ**», N 49, 19 մարտի 1905թ.:

ավանդույթների կրողներին արժանի հանդգնութեամբ ու կրքով¹:

Այնքանոր Ամֆիտատրոպին արձագանքում էր հայ ժողովրդի անկեղծ բարեկամ Յուզի Վեսելովսկին: Ռուս ժողովրդի այդ լուսավոր գավալը նույնպես իր ժողովրդի մտավորականութեանը կոչ էր անում կանգնել տառապած հայ ժողովրդի կողքին, ամբել նրա վերքերը:

Վեսելովսկին երկար տարիներ ջանք չէր խնայել ռուս հասարակութեանը ծանոթացնելու հայ ժողովրդի, նրա կյանքի բնորոշ հանգամանքների, հատկապես հայոց գրականության հետ: Դեռևս Բաքվի ջարդերից առաջ, 1905թ. հունվարին “Новое Обозрение” թերթում նա տպագրել էր մի հետաքրքիր հոդված², ուր ցույց էր տվել, թե ինքը որքան մեծ դժվարություններ է հաղթահարել իր առջև դրած նպատակը իրագործելու համար: Սրանից 10-15 տարի առաջ հեշտ չէր այդպիսի քայլեր անելը, - գրում էր նա: Այն ժամանակ թե՛ հասարակության շրջաններում և թե՛ մամուլի խմբագրություններում հետաքրքրություն չկար դեպի հայերը: Խուսքը, իհարկե, այն շրջանների մասին չէ, որոնք լցված էին կատաղի թշնամությամբ դեպի այդ տառապյալ, բայց երբեք բախտավոր ապագայի նկատմամբ հավատը չկորցնող ժողովուրդը և առհասարակ դեպի բոլոր օտարազգիները: Նույնիսկ առաջավոր, ազատամիտ խավերում անկարելի էր որևէ հետաքրքրություն արթնացնել հայ ազգի, նրա կյանքի, նրա գրականության նկատմամբ: Նախապաշարմունք, անգիտություն և անմիտ, անհիմն, մի տեսակ մեքենական ատելություն դեպի հայությունը - ահա ինչ կարելի էր տեսնել ամեն տեղ:

«Արմենաչկա» բառը, - գրում էր Յու. Վեսելովսկին, - «ջհուղ» բառի պես թվում էր, թե պիտի ջնջված լիներ կրթված, կուլտուրական մարդկանց բառարանից... Որքան վերավորական և ցավալի էր լսել այդ բառն այն մարդկանց բերանից, որոնք անպայման գիտեին, թե ինչ են անում և ինչու են անում»³:

Մի հոդված, մի որևէ թարգմանություն տպել տալու համար պետք էր երկար ժամանակ դռներ ծեծել, խնդրել, համաձայնել ամեն տեսակ ստորացուցիչ պայմանների: Պարզ երևում էր, որ ներկայացված հոդվածը խմբագիրն ընդունում է ակամա, մի կերպ տեղի տալով, իբրև մի անհետաքրքրական բան, որ կարելի էր լույս աշխարհ հանել միայն ճարահատյալ, շաբաթներ ու ամիսներ պահելուց հետո:

Այսպես էր դրույթները տարիներ առաջ, շարունակում էր Վեսելովսկին, բայց հետզհետե, համառ աշխատանքով, ռուս գրականության մեջ կարելի եղավ մտցնել տեղեկությունների և փաստերի մի հարստություն հայ ժողովրդի, նրա պայքարի ու կյանքի մասին: Թուրքահայերի դժբախտությունները, նրանց անլուր տառապանքները եկան արյունի և արտասուքի իրականության

լեզվով ուշադրություն և գթություն հայցելու: Վերաբերմունքն սկսեց կամաց-կամաց փոխվել: Ահագին ծառայություն մատուցեց հանգուցյալ Ջանշյանի «Եղբայրական օգնություն» ժողովածուն: Ռուս հասարակությունն սկսեց հասկանալ հայերին, ճանաչել նրանց, և դրա հետևանքով այդ հասարակության առաջավոր շերտերում ստեղծվեց համակրանք: Այժմ այլևս դրույթներն այն չէ, ինչ 10-15 տարի առաջ, կրկնում էր Վեսելովսկին, և դա միթարական հանգամանք է: Բայց պե՞տք է արդյոք բավականանալ այդքանով: «Իհարկե ոչ», - գրում էր նա և ավելացնում: - Չպետք է կարծել, թե ամեն ինչ արդեն արված, վերջացած է, թե նախկին վերաբերմունքն անդառնալի կերպով անցել է ավանդությունների կարգը և նոր աշխատանքների, «ներկա հայերի» հետ ծանոթացնելու նոր փորձերի կարիք այլևս չկա...

Մի՞թե չի պատահում, որ այժմ էլ, չհաշվելով առանձին բացառիկ օրինակները, հանդիպել հին անվստահության խիստ արտահայտությունների: Մի՞թե բոլոր, նույնիսկ իրենց ազատամիտ համարող օրգաններում, հայոց գրականության վերաբերյալ հոդվածները միշտ համակրանքով և ուրախությամբ են ընդունվում: Եվ երբ բանն այսպես է, կարելի՞ է այժմ ձեռքերը ծալած նստել, անձնատուր լինել լավատես մտքերին, վճռել, թե նախկին հայատյացությունից մի հիշողություն է միայն մնացել: Պետք է շարունակել, պետք է աշխատել անչեղ եռանդով⁴:

Պրոֆեսորներ Մ. Կովալևսկու և Ի. Իվանյուկովի խմբագրությամբ, և մի շարք նշանավոր գրողների մասնակցությամբ, 1906թ. փետրվարից սկսել էր լույս տեսնել “Страна” թերթը, որի հիմնական նպատակներից մեկը լինելու էր երկրում բարեփոխումների օգտին լայն պրոպագանդը:

Թերթի առաջին համարի առաջնորդողում Մաքսիմ Կովալևսկին այսպես էր ներկայացնում իր և իր համախոհների քաղաքական նպատակները.

«Մենք դեմ ենք սահմանադիր ժողովին, որ ընկալվում էր իբրև անցյալի հետ լիակատար խզման նշանաբան: Մենք ցանկանում ենք, որ Ռուսաստանը մնա միապետություն, բայց մնա սահմանադրական միապետություն՝ ընդհանուր ընտրական իրավունքի հիման վրա: Մենք պաշտպան ենք պետական միության գաղափարին, բայց միևնույն ժամանակ՝ ազգությունների համահավասար իրավունքների գաղափարին, մենք պաշտպան ենք շրջանային լայն ինքնավարության, որ որոշ դեպքերում նույնիսկ ունենա տեղական օրենքներ հրատարակելու իրավունք: Մենք ակնկալում ենք, որ տեղական շահերի հզոր պաշտպանությունը կստանձնի երկրորդ պլանտը՝ բաղկացած քաղաքների և գեմստվոնների ներկայացուցիչներից: Մենք կարծում ենք, որ ժողովրդական ներկայացուցչությունը պետք է ամենամոտ հերթական հարց դարձնի գյուղացիների և բանվորների կյանքի բարելավումը»¹:

¹ А. В. Амфитеатров, Армянский вопрос, стр.40-58.

² Թարգմանությունը տե՛ս «Մշակ», N 8, 15 հունվարի 1905թ.:

³ Մատենադարան, Աշոտ Հովհաննիսյանի արխիվ, թղթ. 242², փաթ. 249:

⁴ “Страна”, N 1, 1 февраля 1906г.

Այսպիսի Հայացքներ ունեցող մարդը չէր կարող պաշտպան չկանգնել չարի ու անբարոյականության գոհերին:

Մաքսիմ Կովալևսկին, Հայ ժողովրդի այդ մեծ բարեկամը, որը մի քանի տարի անց, առաջին Համաշխարհային պատերազմի տարիներին և դրանից հետո էլ, մինչև մահ, Հանդես էր գալու ցեղասպանության ենթարկված Հայ ժողովրդի ջերմ պաշտպանությամբ, իր Հողվածներով անարգանքի պլունին էր գամելու երիտթուրք ոճրագործներին, այդ նույն Կովալևսկին, դեռ Բաքվի 1905թ. փետրվարյան կոտորածների օրերին, ճշտել էր իր վերաբերմունքը Անդրկովկասում թուրք-Հայկական ընդհարումների Հանդես և «СТРАНА»-յի բազմաթիվ Համարներում տպագրած իր Հողվածներով մերկացնում էր սուլթանի մի ու պանիսլամիզմի խաղաղացած դիվային դերը խաղաղ Հայ բնակչության շարժերի մեջ, մշտապես շեշտում Հայերի դիմադրություն անխուսափելի և օրինական լինելը:

Բայց այդ ամենը չէր կարող սիտիանք լինել դժբախտության մեջ Հայտնրված Հայության Համար, չէր կարող գեթ ամենափոքր չափով կազդուրիչ լինել ժողովրդի արյունահոս վերքերին, մանավանդ որ ռուսական կառավարությունը որևէ նշանակություն չէր տալիս մամուլի արձագանքներին, մտավորականների ու Հասարակական գործիչների բողոքներին: Հասարակական կարծիքի տրամադրությունները, իր Հասցեին արտահայտած ցասումը ռուս ինքնակալի Համար որևէ նշանակություն չունեին: Հայը ինքը պետք է տեր կանգնեց իր կյանքին ու պատվին: Դա կյանքի անողոք ու Հրամայական դասն էր:

ԵՐԿՈՒ ԵՇԱՆԱԿԱԼԻՑ ԵՐԵՎՈՒՅԹՆԵՐ

Դեպքերով ու իրադարձություններով Հարուստ 1906 թվականի Հայ քաղաքական կյանքում իրենց նշանակությամբ աննկատ չմնացին երկու իրողություն՝ ռուսահայկական նոր Համագումարը և Հայկական դեմոկրատական կուսակցության ստեղծումը:

Նիկոլայ II-ի 1905թ. Հոկտեմբերի 17-ի Հրովարտակով Ռուսաստանին «չնորհված» «սահմանադրության» Համաձայն, կայսրության տարբեր ազգերը իրավունք էին ստացել իրենց պահանջները ներկայացնել Պետերբուրգ՝ Հնարավորության սահմաններում դրանց այս կամ այն ձևով «լուծում տալու Համար»:

Տրված Հնարավորություններից ելնելով՝ ռուսահայերը նույնպես որոշեցին մշակել ու ներկայացնել իրենց պահանջները: Այդ նպատակով առաջացավ նոր Համագումար Հրավիրելու խնդիրը:

Նախապես ստեղծվեց Համագումարի նախապատրաստման ու Հրավիրման նախաձեռնող մարմին (կոմիտե), որը նաև պետք է ի մի բերեր և ձևակերպեր

Հայության քաղաքական պահանջները:

Ռուսահայերի նոր Համաժողովը Հրավիրվեց Թիֆլիսում և իր նիստերն անցկացրեց քաղաքային վարչության սրահում: Պատգամավորները, որոնց թիվը 50 էր, եկել էին ոչ միայն Կովկասի զանազան Հայաբնակ շրջաններից, այլև Մոսկվայից, Պետերբուրգից, Ռուսով-Նախիջևանից և Ռուսաստանի այն վայրերից, որտեղ Համախումբ ապրում էր Հոծ Հայութուն (Հյուսիսային Կովկաս, Ղրիմ և այլն):

Համագումար էին եկել Հայ քաղաքական մտքի Համարյա բոլոր Հոսանքների ներկայացուցիչները, բացի սոցիալ-դեմոկրատներից, որոնք Հայտարարել էին բոլկոտ: Բոլշևիկները ցույց էին տալիս, թե ինչպիսի մեծ խախտումներով են կատարվում պատգամավորների ընտրությունները: Համագումար էին գնում մարդիկ, որոնք ընտրված չէին: Դրանցից էին, օրինակ, Գարեգին Խաթալը կամ Արշալույս Մխիթարյանը: Առաջինը Հենց Համագումարի բացման օրը Թիֆլիսի վանքի բակում Հրավիրել էր միտինգ, ճառ արտասանել և Հայտարարել, թե ինքը Համարում է, որ այստեղ արդեն ընտրված է «Հայ ժողովրդի պատգամավոր»: Մխիթարյանն իր ծննդավայրից բերել և Համագումարի քարտուղարություն էր ներկայացրել մի Հաստատագիր այն մասին, որ ինքն ընտրվել է գյուղական Համայնքի կողմից: Համագումարը Հարգեց և՛ մեկի, և՛ մյուսի պատճառաբանությունը¹:

Անցնելով իր աշխատանքներին՝ Համագումարը մանրամասն քննարկեց Հայ ժողովրդի քաղաքական պահանջների Հարցը:

Ամենակարևոր քաղաքական Հարցը վերաբերվում էր Ռուսաստանի ապագա վարչաձևին: Երկար ու տաք վիճաբանություններից հետո պատգամավորները եզրահանգեցին, թե Ռուսաստանը պետք է ունենա «ներկայացուցչական ժողով»:

Հայերի երկրորդ պահանջը թելադրված էր նրանով, որ իրենց քաղաքական ունեյ իրավունքները խիստ սահմանափակված են: Բանն այն է, որ Հոկտեմբերի 17-ի մանիֆեստով թեև Ռուսաստանի բոլոր քաղաքացիների Համար իրավականորեն Հոչակված էր իրավունքների Հավասարությունը, բայց գործնականում այդ սկզբունքը չէր պահպանվում: Պատգամավորները բազմաթիվ օրինակներով ցույց էին տալիս, որ Կովկասում իշխանությունները, շարունակելով Հին քաղաքականությունը, առաջվա պես Հայերին չեն վերցնում պետական ծառայության: Նրանք, ովքեր ցանկանում են անցնել պաշտոնավարության, որպես կանոն, ուղարկվում են աշխատանքի կայսրության Հեռավոր նահանգները, իսկ Կովկաս պաշտոնավարելու են գալիս ռուսներ: Դա նշանակում էր, որ Կովկասում դռները փակ են այնտեղ պետական պաշտոն ունենալ ցանկացող Հայերի Համար: Նրանք կարող էին զբաղվել ազատ պրոֆեսիաներով (մասնավոր բժշկությամբ, մասնավոր դասեր տալով), կամ ծառայել ոչ պետական

¹ Տե՛ս «Հայրենիք», N 8(116), Հունիս, 1932, էջ 130:

Հիմնարկություններում:

Երրորդ պահանջը վերաբերում էր Հայ գինվորների ծառայության վայրին: Պատգամավոր Թոփչյանը նշում էր, որ այժմ էլ գորակոչված Հայ գինվորները ծառայելու են ուղարկվում Ռուսաստանի խորքերը՝ հյուսիսային և հյուսիսարևմտյան նահանգները, Պոլովոժե, Սիբիր և այլուր, ուր կլիմայական պայմաններն աննպաստ էին կովկասցիների համար: Այդ էր պատճառը, որ գորացրված Հայ գինվորներից շատերը տուն էին վերադառնում չափազանց հյուսիսում կամ թոքախտով հիվանդ:

Համագումարը քննության առավ դպրոցների վիճակը: Ահարոնյանը պահանջում էր Հայ թեմական դպրոցներում կրճատել ուսուցիչների թիվը, թուլացնել Հաստատված խիստ վերահսկողությունը ուսումնական գործընթացի վրա: Պատգամավորները իշխանությունների առջև հարց էին բարձրացնում չսահմանափակել դպրոցների ֆինանսավորումը Հայ եկեղեցու կողմից, արգելքներ չհարուցել դպրոցների նվիրատուների առջև, այլ խրախուսել նրանց:

Մյուս կարևոր հարցը վերաբերում էր գյուղատնտեսությանը: Հանդես գալով՝ Խաժակն ասում էր, որ շարունակվում է Կովկասի ուսուցման գործընթացը, որի արտահայտություններից է ուսուցիչի գնալով ավելացող թիվը հայկական գավառներում: Վիճակագրական կոնկրետ օրինակներով նա ցույց էր տալիս, որ հայկական գավառների շատ վայրերում լավագույն հողերը առաջվա պես հատկացվում են Ռուսաստանի ներքին նահանգներից գաղթած մոլոկաններին և դուխարորներին: Այդպիսին էր վիճակը Կարսի շրջանում, Ալեքսանդրապոլի գավառում, Սևանա լճի եզերքին և այլ տեղերում:

Գյուղացիական հարցը քննարկելիս համագումարը հանգամանորեն անդրադարձավ ոռոգելի ջրի հետ կապված դժվարություններին և առաջարկեց կատարելագործել ջրային օրենքը՝ այն համապատասխանեցնելով Կովկասի պայմաններին: Այլ Բայանթարը բարձրացրեց արոտավայրերի պաշտպանության հարցը և անհրաժեշտ գտավ առաջարկել կառավարությանը՝ ընդունել այնպիսի օրենքներ, որոնք բացառեն ցանքերի ու արոտավայրերի ավերումը քոչվորների կողմից:

Վերջապես, պատգամավորները պահանջեցին խնդիր հարուցել իշխանությունների առջև՝ Կովկասում բարձրագույն և միջնակարգ դպրոցներ բացելու համար:

Այսպիսով, ինչպես տեսնում ենք, սույն համագումարում կովկասահայերի պահանջները ձևակերպվել էին երեք հիմնական կետերով. ա) Հայերի իրավունքները գործնականորեն հավասարեցնել ուսուցիչ քաղաքացիների իրավունքներին, բ) բարելավել գյուղացիների տնտեսական դրությունը, գ) Հայ լուսավորության և մշակույթի զարգացման համար ստեղծել տանելի պայմաններ:

Ընդունած որոշման մեջ ոչ մի խոսք չկար ինքնավարության, առավել ևս՝ Ռուսաստանից անջատվելու մասին: Այլ. Խատիսյանը գրել է. «Այդպիսի պահանջ գոյություն չունի մտքերու մեջ անգամ: Քաղաքական գործիչներն ու կուսակցությունները իրենց ամբողջ ուշադրությունը կենտրոնացրել էին տաճկահայկական վիլայեթների վրա»¹:

Համագումարի աշխատանքներն ավարտելուց հետո կազմվեց ընդունված որոշման արձանագրությունը, որի տակ ստորագրեցին տարբեր քաղաքական ու հասարակական կազմակերպությունների ղեկավար անձինք, խոշոր արդյունաբերողներ, առևտրական ընկերությունների ներկայացուցիչներ, մշակույթի ու լուսավորության բնագավառի գործիչներ, թվով 1300 մարդ, որից հետո փաստաթուղթը ուղարկվեց Պետերբուրգ:

Համագումարը, իհարկե, որևէ կոնկրետ նշանակություն չունեցավ կովկասահայերի համար, բայց առաջին անգամ կողք կողքի բերեց տարբեր քաղաքական դավանանք ունեցող Հայ մտավորականների, դրանով իսկ ցույց տվեց, որ հնարավոր է գլուխ բերել հայերի միությունը և կարելի է միասնաբար հանդես գալ համահայկական շահերի պաշտպանությանը:

*
* * *

Մյուս նշանակալի երևույթը Հայ սահմանադիր - ռամկավար (դեմոկրատական) կուսակցության ստեղծումն էր:

Ողջ Ռուսաստանով մեկ ծավալվող ազատագրական շարժումը և նրա ազդեցությունը տակ Հայ իրականության մեջ տեղի ունեցող բուռն իրադարձությունները հրամայաբար պահանջ առաջադրեցին ստեղծել ոչ հեղափոխական ազգային-քաղաքական մի կազմակերպություն՝ լեզալ ու պառլամենտական, որը զբաղվեր և՛ համապետական, և՛ ազգային-ժողովրդական հարցերով:

Նոր կուսակցության ստեղծման գաղափարն սկսեց գործնական ուղիներ փնտրել հոկտեմբերի 17-ի մանիֆեստից հետո: Արդեն 1906թ. մայիսին ազատական Հայացքներ ունեցող մի խումբ մտավորականներ, հավաքվելով, սկսեցին մտքեր փոխանակել կուսակցության հիմնադրման ուղղությամբ

¹ Այդ նույն ժամանակ տեղի էր ունենում նաև վրացիների համագումարը, որն առաջադրել էր ավելի կտրուկ պահանջներ: Վրացիները ձգտում էին ողջ Ռուսաստանի համար ոչ թե «ներկայացուցչական ժողով» ունենալուն, այլ օրենսդիր պառլամենտ Վրաստանի համար համագումարում վրացի պատգամավորները առաջ էին քաշել ուսուցիչներու վրաց ուղղափառ եկեղեցու բաժանման և մի շարք ուրիշ արմատական պահանջներ, որոնց իրականացումը, նրանց կարծիքով, վրաց ժողովրդին կնախապատրաստեր անկախության: ¹ «Հայրենիք», N 8(116), Հունիս, 1932, էջ 131:

տարվելիք աշխատանքների շուրջ: Հաջորդ ամսից խումբը ձեռնարկեց կոնկրետ քայլեր, որոնք պսակվեցին Հաջողություններ:

Հոկտեմբերի 29-ին կայացավ նախապատրաստական ժողով, որն ընտրեց 10 Հոգուց բաղկացած Հանձնախումբ՝ Ա.վ. Արասխանյան, Համբ. Առաքելյան, Ա. Մխիթարյան, Ս. Հարությունյան, Լ. Սարգսյան, Հ. Սպենդիարյան, բժ. Կ. Ստեփանյան, Քր. Վերմիլյան, Հ. Փիրուզյան և Ալ. Քալանթար: Հանձնախումբի խնդիրն էր՝ մշակել ստեղծվելիք կուսակցության ծրագրի նախագիծը¹:

Իր մի քանի նիստում Հանձնախումբը ուրվագծեց նոր կուսակցության ընդհանուր ուղղությունը և Հավատամքը, նախանշեց նրա Հիմնական ու ղեկավար սկզբունքները, իսկ ծրագրի մանրամասն մշակումը և ընդունումը թողեց կուսակցության ապագա Համագումարին:

Ելնելով այդ մոտեցումից՝ Հանձնախումբը կազմեց մի դեկլարացիա, որով ազդարարում էր Հայ դեմոկրատական կուսակցության ստեղծման գործընթացի սկիզբը: Դեկլարացիայում ասված էր.

«Հայ ժողովուրդը, կազմելով Ռուսաստանի բազմամիլիոն ազգաբնակչության մասը և իր քաղաքական ու քաղաքացիական կյանքով կախված լինելով ընդհանուր-պետական կարգերից, ձգտելու է այն բանին, որ այդ ընդհանուր-պետական կարգերը դրվեն մարդկային ազատ զարգացմանը չխանգարող պայմանների մեջ: Այդպիսի պայմաններ կարելի է ստեղծել միմիայն Ռուսաստանում՝ դեմոկրատական սկզբունքների կատարյալ իրականացման միջոցով: Ահա թե ինչու ներկայումս Հայ ժողովուրդը նախ և առաջ պարտավոր է ամեն կերպ օժանդակել Ռուսաստանում դեմոկրատական-պառլամենտական օրինակարգ Հաստատելուն»²:

Հայկական նոր կուսակցության Հիմնադիր ժողովը տեղի ունեցավ Թիֆլիսում, 1906թ. նոյեմբերի 12-ին: Ժողովի աշխատանքներին Հայ Հասարակության զանազան խավերից մասնակցում էր 50 մարդ: Պատգամավորների քվեով ժողովի նախագահ ընտրվեց «Մշակ» թերթի տեսաբան Համբարձում Առաքելյանը:

Բանալով նիստը՝ ժողովի նախագահը պատմեց կուսակցության ստեղծման ուղղությունը տարված աշխատանքների մասին և մասնավորապես կանգ առավ Հոկտեմբերի 29-ին ստեղծված Հանձնախումբի կողմից ընդունված ու տարածված դեկլարացիայի դրույթների վրա:

Համբ. Առաքելյանի բացման խոսքից հետո սկսվեց մտքերի փոխանակում:

Լրացնելով դեկլարացիայի մասին ժողովի նախագահի խոսքը՝ Հանձնախումբի անդամ, պատգամավոր Ա.վ. Արասխանյանը ժողովականների ուշադրությունը հրավիրեց այն բանի վրա, որ դեկլարացիայում արտացոլված են նաև Հայ կյանքի դառն իրողություններից բխող՝ կովկասահայության ինքնապաշտ-

պանություն և թուրքահայության վիճակը բարվոքելու էական խնդիրները: Ելույթ ունեցողը նշեց, որ Հանձնախումբի որոշմամբ ինքը լիազորված չէ Հանգամանորեն քննության առնելու այդ երկու խիստ պատասխանատու Հարցերը և որ դրանց մասին որոշում պետք է տա միայն ստեղծվելիք կուսակցության գալիք Համագումարը՝ իրավիճակների խոր վերլուծության արդյունքում:

Իր ելույթում Քր. Վերմիլյանն ասում էր, որ նոր ծնունդ առնող դեմոկրատական կուսակցությունն իր խնդիրը պետք է համարի՝ կազմակերպել Հայ ժողովրդի շիտակ, առաջադեմ ու կենդանի ուժերը և ակտիվ աշակցություն ցույց տալ Ռուսաստանի առաջադեմ քաղաքական կուսակցություններին՝ ամբողջ պետության մեջ ազատ և արդար կարգեր մտցնելու նպատակով:

Հանդես գալով՝ Ս. Հարությունյանը կանգ առավ այն Հարցի վրա, թե նորաստեղծ կուսակցությունը Ռուսաստանի առաջադեմ քաղաքական կուսակցություններից որի՞ հետ կարող է լիակատար Համաձայնություն գալ՝ երկուստեք իրենց աշխատանքները համատեղելու համար: Եվ նա մատնացույց արեց ուսու սահմանադրական-ժողովրդավարական (կոնստիտուցիոն-դեմոկրատական) կուսակցությանը, որի ծրագիրը և գործելու մեթոդները լիովին համապատասխանում են Հայ ազատականների գաղափարներին ու նպատակներին:

Իր ելույթը նույն խնդրին նվիրեց նաև պատգամավոր Ալ. Խաչատրյանը: Նա գտնում էր, որ Հայ նորաստեղծ կուսակցությունը ուսու նշված կուսակցության հետ առայժմ պետք է հարի միայն սկզբունքային կետերով: Պատգամավորը կարևոր էր համարում Համաձայնության գալ կադետական կուսակցության ղեկավարության հետ, որպեսզի Կովկասում նա աշակցի իրենց՝ Երկրորդ պետական դոմայի ընտրություններին դուռնա ուղարկելու նաև Հայ ազատականների ներկայացուցիչներին:

Կուսակցության ապագա գործունեության իրենց պատկերացումների մասին Հանդես եկան նաև Հովհ. Ամիրխանյանը, Պ. Ղամբարյանը, Լ. Ղուլյանը, Ալ. Մելիք-Ազարյանը, Լ. Սարգսյանը և ուրիշներ:

Հիմնադիր ժողովը, ելակետ ունենալով վերոնշյալ դեկլարացիան և հիմք ընդունելով ուսու կադետական կուսակցության ծրագրի գլխավոր դրույթները՝ Կովկասի և կովկասահայության վերաբերյալ սահմանեց հետևյալ սկզբունքները.

1) Անդրկովկասում մտցնել ինքնավարություն և Համաանդրկովկասյան սեյմ՝ օժտված երկրամասի խնդիրների վերաբերյալ օրենսդրական Ֆունկցիաներով, 2) Հայկական բոլոր հիմնարկությունները վերակազմակերպել ժողովրդավարական սկզբունքներով, 3) Ունենալով ազատ կուլտուրական ինքնորոշման իրավունք՝ կուսակցությունը պետք է նպաստի այնպիսի հաստատությունների ստեղծմանը և զարգացմանը, որոնք ի վիճակի լինեն պահպանել և զարգացնել Հայ ժողովրդի լեզուն, գրականությունը, կուլտուրան, 4) Կուսակցությունը, իր գործունեությունը գլխավորապես ծավալելով Կովկասում, խընդիր պետք է ունենա առաջ մղել կովկասյան բոլոր ազգերի միջև գործակցություն և կուլտուրական միություն հաստատելու գաղափարը:

¹ Մատենադարան, Աշոտ Հովհաննիսյանի արխիվ, Թղթ. 244¹, վավ. 267:

² Նույն տեղում, վավ. 275:

Ժողովը նաև որոշում ընդունեց կազմակերպության ծրագրի վերաբերյալ, ըստ որի Հայ դեմոկրատական կուսակցության ծրագրի մշակումը թողնվում էր նրա Հետագա Համագումարին, որը տեղի կունենա անմիջապես, երբ կկազմակերպվեն կուսակցության մասնաճյուղերը տարբեր քաղաքներում և Հայաբնակ վայրերում:

Այնուհետև Հիմնադիր ժողովն ընտրեց կուսակցության ժամանակավոր կենտրոնական բյուրո, Հետևյալ կազմով՝ Ս. Հարությունյան, բժ. Կ. Ստեփանյան, Ալ. Քալանթար, Համբ. Առաքելյան, Հ. Սպենդիարյան, Քր. Վերմիշյան, Միք. Աթաբեկյան, բժ. Բ. Աղասարյան, Հ. Ղուկասյան, բժ. Գեորգբեգյան, Լ. Դանիելյան, բժ. Մ. Մովսիսյան:

Այսպիսով, 1906թ. աշնանը Հայ ազգային-քաղաքական դաշտում իր տեղը գրադեցրեց մի նոր քաղաքական կազմակերպություն: Ի տարբերություն Հայ իրականության մեջ գործող ազգային-հեղափոխական երեք կուսակցությունների (արմենական, հնչակյան, դաշնակցական)՝ այս նոր կուսակցությունը ազգային-ազատական էր և արտահայտում էր Հայկական Հասարակության ոչ հեղափոխական շերտերի տրամադրություններն ու շահերը: Հայ սահմանադրական-ժողովրդավարական (դեմոկրատական) կուսակցությունը Հայկական քաղաքական շրջաններում ընկալվում էր որպես ուսուցիչ-դեմոկրատական (կադետ) կուսակցության անդրկովկասյան մասնաճյուղ:

Գ Լ Ո Ւ Խ Ի Ն Ն Ե Ր Ո Ր Դ

ԳՈՒԹԻՆԹԱՆ ՀԱԹԱՀԱԼԱԾ ՔԱՂԱՔԱԿԱՆՈՒԹՅՈՒՆԻԾ ՀՐԱԺԱՐՎԵԼՈՒ ԱԿՆՀԱՅՏ ՄԻՏՈՒՄՆԵՐ

Թուրք-Հայկական ընդհարումներից Հետո Ռուսաստանի կառավարական բարձր շրջաններում սկսվեցին մտքերի ակտիվ խմորումներ Կովկասում վարվող ռուսական քաղաքականության արդյունավետության հարցի շուրջ: Մասնավորապես քննարկվում էր այն հարցը, թե ճիշտ է արդյոք այն քաղաքականությունը, որ կովկասյան իշխանությունները քառորդ դար շարունակ վարել են Հայության դեմ, մի քաղաքականություն, որ Կովկասի կառավարիչ Գոլիցինի իշխանության տարիներին ընդունել էր հրեշավոր կերպարանք:

Քննարկումների ու վիճաբանությունների ընթացքում ռուս բարձր պաշտոնեությունների շրջանում երևակվում էին թերևս և դեմ կարծիքներ: Ըստ որում, Հայության նկատմամբ գոլիցինյան քաղաքականությունը շարունակելու կողմնակիցները այդ շրջանում դեռ բացարձակ մեծամասնություն էին կազմում թե՛ Պետերբուրգում և թե՛ մասնավանդ Կովկասի փոխարքայության վարչակազմում:

Այս տեսակետից Հետաքրքրություն է ներկայացնում պարզել, թե ռուս բարձրաստիճան գիմվորական ու քաղաքացիական պաշտոնյաներից ովքեր էին, որ առաջինը Հանդես եկան կառավարության բացահայտ հակահայ քաղաքականությունից հրաժարվելու առաջարկներով:

Հայանպաստ քաղաքականություն որդեգրելու առաջին առաջարկները վերաբերում են 1906թ. երկրորդ կեսին, և դրանց հեղինակները երկուսն էին՝ գեներալ Շիրինկինը և ինքը՝ Կովկասի փոխարքա Վորոնցով-Դաշկովը:

ԳԵՆԵՐԱԼ-ՄԱՅՈՐ ՇԻՐԻՆԿԻՆԻ ԳԱՂՏՆԻ ԳՐՈՒԹՅՈՒՆԸ

Կովկասի 1905-1907թթ. պատմության լուսաբանմանը նվիրված վրացի, կովկասյան թուրք և Հայ հեղինակների մի շարք հետազոտություններում ընթերցողը կարող է հանդիպել Շիրինկին ազգանվանը: Ըստ որում, բոլոր այդ աշխատություններում Շիրինկինը ներկայացված է ամենաբացասական գծերով՝ որպես դաժանաբար մի մարդ: Կովկասի թուրք պատմաբանները նրան որակել են որպես թուրքերի ջարդարար, վրաց պատմաբանները՝ որպես վրացիների, Հատկապես Գուրիայի ապստամբների դահիճ: Ռուս պատմական

գրականությունը նույնպես անտարբեր չի եղել այդ գործչի Հանդեպ՝ նրան մեղադրելով ռուսական Հեղափոխական կուսակցությունների կովկասյան կազմակերպությունների և երկրամասի ռուս առաջադեմ գործիչների Հանդեպ անյուր բռնություններ գործադրելու մեջ: Բացառություն չեն կազմել ժամանակի Հայկական մամուլի շատ օրգաններ (Հատկապես 1905թ. Հոկտեմբերի 17-ի մանիֆեստից Հետո), իսկ Հետագայում նաև Հայ պատմաբաններ, որոնք Շիրինկինին միանշանակ որակել են որպես անուղղելի Հայատյայց:

Կովկասի ոստիկանապետին, օրինակ, այսպիսի գնահատական է տվել դաշնակցության նշանավոր գործիչ Խաչատուր Մալումյանը (է. Ակնունի):

«Պլեյան դպրոցի աշակերտ, որ ուղարկվեց Պետերբուրգից իբրև պոլիցիական մասի կառավարիչ և այնտեղից մեր երկիրը բերեց ցավ, արյուն, սուգ և կոտորած: Նա է, որ լիազորություն, ավելի ճիշտ՝ մասնագիտություն ունի՝ լրտեսելու և դավեր սարքելու: Նա՝ որ այս անօրինակ ոճրի Հենակետն է, թուրք ոստիկանների Հովանավորը»¹:

Բայց Շիրինկինը ոչ այս էր, ոչ այն: Նա սկզբում փոխարքա Վորոնցով-Դաշկովի երկու օգնականներից մեկն էր՝ քաղաքացիական գծով, որ այդ պաշտոնին նշանակվել էր 1905թ. մարտի սկզբներին, ապա որոշ ժամանակ անց՝ 1905թ. Հունիսի 24-ին՝ նշանակվել էր Կովկասի ոստիկանական ուժերի պետ: Գններալը ռուսական միապետությանը Հավատարիմ նվիրյալ էր, նրա անձնուրաց պաշտպանը, Կովկասում ռուսական շահերին Հետևողականորեն Հետամուտ գինվորական գործիչ, ռուսի այդ շահերի դեմ (իր ըմբռնումով) Հանդես եկող ամեն մարդ, անկախ ազգային ու կրոնական պատկանելիությունից, ենթակա էր նրա մոլեգին գայրույթին՝ իր բոլոր Հետևանքներով Հանդերձ:

Գններալ Շիրինկինը Կովկաս էր եկել Հայուլթյան նկատմամբ խիստ տրամադրվածությամբ՝ նախապես գերի լինելով պոլիցիայան պաշտոնական տեսակետին: Բայց բավական էր եղել մի քանի ամիս, որպեսզի Հայուլթյան մասին նրա պատկերացումները արժատապես փոխակերպվեին:

Արդեն 1905թ. օգոստոսին, թուրք-Հայկական ընդհարումների սաստկացման օրերին, փոխարքային գրած Հերթական զեկուլցում, Հայերի դեմ թուրքերի գործած չարիքները Շիրինկինը առաջին անգամ որակել էր որպես «արյունալի արարքներ» («кровавые деяния»): «Այդպիսի տվյալներ ունեցող ժողովուրդը», գրում էր նա, չի կարող ակնկալել մեր պաշտպանությունը: Գններալը շեշտում էր, որ կովկասյան թուրքերի լիտի արարքները թերադրված են նաև այն Հանգամանքով, որ Կովկասի փոխարքայության նահանգներում մուսուլմանական շարժման մեջ ընդգրկված աստիճանավոր ոստիկանների բացարձակ մեծամասնությունը թաթարներ են, և ցավալի է, որ դա արդյունք է երկրամասի նախկին կառավարողների թուրքամետ քաղաքականության:

Զեկուցագրի վերջում Շիրինկինը Վորոնցով-Դաշկովին առաջարկ էր ներկայացնում քննարկել մուսուլման ոստիկանների թվի կտրուկ կրճատման Հարցը՝:

Ելնելով թուրք-Հայկական ընդհարումների տրամաբանությունից՝ իր Հայացքներն ամբողջովին վերանայած Շիրինկինը դեռ այն ժամանակ Հանձին Հայության Կովկասում տեսնում էր այն միակ ուժին, որի վրա պարտավոր է Հենվել ռուսական պետությունը:

Որոշ փաստեր Հուշում են, որ փոխարքան Հավանություն էր տվել իր ոստիկանապետի - Հայուլթյան Հանդեպ ունեցած տեսակետի վերանայմանը: Դրա վկայություններից է նաև այս փաստը. 1905թ. սեպտեմբերի վերջերին Պետերբուրգում տեղի ունեցած նավթարդյունաբերողների խորհրդակցությունը գտել էր, որ, նախքան Բաքվի նավթահանքերում աշխատանքների վերսկսումը, անհրաժեշտ է այնտեղից Հեռացնել մուսուլման ոստիկաններին: Խորհրդակցության ժամանակ ստացվել էր գններալ Շիրինկինի Հեռագիրը, որով նրա մասնակիցներին տեղյակ էր պահում, որ Բաքվի նավթահանքերում սկսվել է մուսուլման ոստիկաններին ռուսներով փոխարինելու գործընթացը²:

Հայուլթյան մասին իր որդեգրած նոր տեսակետը գններալ Շիրինկինը 1906թ. ավելի Հանգամանորեն շարադրում է խիստ գաղտնի մի գրության մեջ և ուղարկում Պետերբուրգ՝ ոստիկանական դեպարտամենտի պետին, լավ իմանալով, որ այն Հայտնվելու է կառավարության ամենավերին շրջանակում:

Ըստ որում, ուղարկված գրության մասին նա տեղյակ չի պահում ինչպես փոխարքա Վորոնցով-Դաշկովին, այնպես էլ նրա երկու օգնականներին՝ Մալումային և Սուլթան Կրիմ-Գիրեյին: Դա պատահական չէ, քանզի նրանում դառը խուբեր էին Հասցեագրված նաև այս երեք բարձրաստիճան պետական գործիչներին:

Շիրինկինի գրությունը (մեքենագիր 15 էջ) վերնագրված է՝ «Հուշագիր Անդրկովկասի իրադարձությունների շուրջ»:

Իր Հուշագրում Շիրինկինն ամենից առաջ անդրադարձել է, այսպես կոչված, «Հայկական անընտղականության» Հարցին, ցույց տվել դրա Հնարովի լինելը, որի Հեղինակները «Հետապնդում են ոչ միայն Հակահայ, այլև Հակառուս նպատակներ»:

¹ Տե՛ս Ա. Կ. Ժիվելեգով, Армяне в России, Москва, 1906, էջ 44-45:

² Տե՛ս նույն տեղում, էջ 45 (տողատակ): Նշենք, որ այս գործը գններալ Շիրինկինը Հանձնարարել էր իր տեղակալ Մ. Ն. Գուրովիչին, որը 1907-ին փոխարինեց նրան:

³ Գններալ Շիրինկինի «Հուշագիր Անդրկովկասի իրադարձությունների շուրջ» գրությունը պահպանվում է Պետերբուրգի Իռուսաստանի պետական պատմության արխիվի (Российский государственный исторический архив в Санкт-Петербурге - РГИА СПб) ցարական ներքին քաղաքականության, մշակույթի և կենցաղի ենթաարխիվում (Ժանդարմական գործերի ֆոնդ, ց. 2, գ. 2, N 1-15): Նշենք, որ փաստաթղթի վերջում արխիվային աշխատողների կողմից դրված է «1905թ. սեպտեմբեր» թիվը, այնինչ պետք է լինեք «1906թ. սեպտեմբեր», քանի որ վավերագրի բովանդակության մեջ ներառված են նաև 1905թ. սեպտեմբերից մինչև 1906թ. ապրիլը Անդրկովկասում տեղի ունեցած որոշ իրադարձություններ, որոնք առնչվել էին Հայության Հետ:

¹ «Իրոչակ», N 10 (163), Հոկտեմբեր, 1906, էջ 152:

² Տե՛ս «Кавказский календарь на 1906 год», էջ 242:

Իր այդ տեսակետի օգտին գեներալը բերում է մի շարք փաստարկներ և ամենից առաջ վկայակոչում 1905թ. մարտին Թիֆլիսում տեղի ունեցած Անդրկովկասի Հայկական գավառների պատվիրակների Համագումարի ընդունած որոշումը: Նա շեշտում էր, որ ազգային ինքնավարության հարցի առնչությամբ Համագումարը դեմ է արտահայտվել այդ գաղափարին և դրա փոխարեն առաջարկել է ամբողջ Կովկասի Համար բավարարվել փոխարքային կից օրինակորհրդակցական մի մարմին ունենալով:

Հայազգի պատվիրակները նույն կերպ են վարվել Մոսկվայում հրավիրված գեմաստվոյական գործիչների Համագումարում դարձյալ ինքնավարության մասին չներկայացնելով որևէ պահանջ:

Իրենց այդ Հետևողական կեցվածքը Հայերը դրսևորեցին նաև 1905թ. նոյեմբերին Սանկտ Պետերբուրգում տեղի ունեցած Ռուսաստանի այլազգիների Համագումարում: Վկայակոչելով Թիֆլիսյան իրենց Համագումարի որոշումը՝ նրանք այստեղ էլ որևէ խոսք չսասացին Հայերի կողմից ինքնավարության պահանջի մասին: Իրա փոխարեն նրանք Հայտարարեցին, որ Անդրկովկասում բնակչության տարանջատվածությունը ազգությունների սահմանազատման հնարավորություն չի տալիս, և շատ ավելի ձեռնտու է առավել չափով ապավինել Հրավիրվելիք Պետական դոմայի անաչառությունը, քան այս կամ այն ազգային գերակշիռ Հավաքականության ինքնավար կառավարչություններին, որոնց իշխանության տակ ստիպված կլինեն Հայտնվել այլ ազգությունների Հատվածները:

Շիրինկինը Հարց էր տալիս. «Եթե երկրամասի տարացեղ տեղական վարչակազմերի կողմից հնարված ամբաստանագրերի պատճառով Հայերը միշտ Համարվել են անջատողականներ, ապա ինչո՞ւ նրանք հնարավոր չհամարեցին իրենց Համար ինքնավարություն պահանջել հենց այն ժամանակ, երբ այդ մասին կարելի էր բացելիքաց Հայտարարել և հաջողություն ակնկալել, երբ, յուրաքանչյուր ազգություն, հիմք ու հնարավորություն ունենալով, այդ թվում վրացիներն ու իրենց թուրք անվանող անդրկովկասյան թաթարները, վճռականորեն ինքնավարության պահանջ դրեցին»¹:

Պատասխանը պարզ էր. ամբողջ Անդրկովկասում հայ ազգությունն այնպես էր տարաբնակեցված մյուսների համեմատ, որ, բացառությամբ չորս գավառի, ամենուրեք թվաքանակով գիջում էր հարևաններին: Հենց դա է հիմնական պատճառը, գրում էր գեներալը, որ երկրամասում ազգային ինքնավարություն մտցնելը Հայության համար հավասարազոր է մասնատման և Հայաբնակ տարածքների նշանակալից մաս հարևանների իշխանությանը հանձնելուն, հարևաններ, որոնց անաչառությանն ապավինելու համար Հայերը ոչ մի հիմք չեն տեսնում: Ես Համոզված եմ, կրկին ու կրկին շեշտում էր Շիրինկինը, որ Կովկասում ազգություններին ինքնուրույնություն տալը կործանարար

կլինի Հայերի համար, և նրանք անխուսափելիորեն կընկնեն կովկասյան թուրքերի տիրապետության տակ, քանի որ վերջիններս ավելի բազմաքանակ են և գործում են Կ.Պոլսից եկած հրահանգներով:

Այնուհետև Կովկասի ոստիկանապետն իր հուշագրում անդրադառնում է Հայության նկատմամբ ռուս կառավարության որդեգրած անհեռատես ու գահի համար խիստ վնասակար քաղաքականությունը:

Պատմական համառոտ էքսկուրս կատարելով՝ Շիրինկինը նշում էր, որ հայ ազգի նկատմամբ ռուսական կառավարության քաղաքականության մեջ կրտուկ փոփոխությունը կատարվել է Ալեքսանդր II կայսեր մահից և Կովկասից Միխայիլ Նիկոլաևիչ մեծ իշխանի Հեռանալուց հետո:

Կառավարությունը թվում է, թե, ռուսների հետ միավորված լինելով ընդհանուր կրոնով և եկեղեցու ընդհանուր դրվածքով, վրացիներին արդեն կարելի է վերջնականապես ձուլված Համարել Ռուսաստանի մեջ, իսկ կովկասյան թուրքերը, որպես մշակութապես հետամնաց, ինքուր զանգված, քաղաքական ոչ մի ձգտում չեն դրսևորում և ապագայում նույնպես չեն դրսևորելու: Ուրեմն, միայն Հայերն են, որ ինքնակառավարվող եկեղեցիով, ծխական-եկեղեցական դպրոցներով դեպի իրենց սեւեռեցին կառավարության ուշադրությունը: Այդ յուրօրինակ Հաստատությունների մեջ Կովկասի կառավարչությունը սկսեց ինչ-որ արտառոտ բան տեսնել և ամենից առաջ տեսնել անջատողականության սաղմեր, որոնք աններդաշնակություն են հարդորում ազգությունների թվացյալ ձուլման գործընթացին: Սակայն պատմությունն ապացուցեց, թե հայ ազգի հանդեպ դա ինչպիսի խոր մոլորություն էր, որի մեջ խրվել էր Կովկասի վարչակազմը: Հենց այդ վարչակազմի կողմից Պետերբուրգ հղած հաղորդումների հիման վրա է, որ բարձրագույն կառավարությունը սկսեց դատել և մինչև այժմ էլ դատում է Հայ ազգության մասին:

Կառավարության կողմից Հայերի նկատմամբ կոշտ քաղաքականություն որդեգրելու և անարդարացված Հալածանքների մյուս պատճառն այն է, նշում էր Շիրինկինը, որ թուրքահայերի նկատմամբ մուսուլմանական կառավարության վայրենի հաշվեհարդարների առաջն առնելու նպատակով ռուսահայերը ձեռնարկում էին միջոցներ, Հայացքներն ուղղել էին սահմանից այն կողմ, իսկ դա առատ նյութ էր մատուցում հակահայկական դրսևորումներին:

Հիրավի, Պետերբուրգում մտածում էին, որ եթե Հայերը թուրքիայում կարողանան ինքնավարություն ձեռք բերել, ապա նույն բանի համար պայքար կսկսեն նաև Կովկասի Հայերը, և վերջնական արդյունքում օսմանյան կայսրությունից կանջատվի թուրքահայաստանը, իսկ Կովկասից՝ Ռուսահայաստանը: Միացյալ Հայաստանի անկախության ուրվականը կատաղության էր մղում և՛ Աբդուլ Համիդին, և՛ Նիկոլայ II-ին:

Շիրինկինը գրում էր.

«Տեղական բազմացեղ աստիճանավորները, գերազանցապես Հայերին թըշնամի ազգություններից, ոգեշնչված ատելության զգացումով ու կարիքերիս-

¹ РГИА СПб, фонд жавдармских дел, оп.2, д.2, л.2.

տական մղումներով, սկսեցին Հայածական ազգի դեմ հորինել զրպարտություն զրպարտության հետևից: Հորինվեց ու Հայերին վերագրվեց մինչև Դոնի Ռոստով ընդգրկող Մեծ Հայաստանի քարտեզը: Հորինվածքը հիմնված էր Մեծ և Փոքր Հայաստանների աշխարհագրական բաժանման վրա, որը գոյություն է ունեցել դեռևս Ստրաբոնի ժամանակներից: Սադրանքը թեև նատեստված էր անգետների համար, սակայն խոր արմատներ ձգեց»¹:

Եվ հարվածը հարվածին հետևեց: Ոչ նորմալ մտավոր կարողություններով մի մարդու՝ իշխան Գոլցցինին կառավարչապետ նշանակվելու հետ՝ Հայերի հայրածանքը հասավ իր գագաթնակետին: Իրավաբանական քողի տակ եկեղեցական-ծխական դպրոցների, բարեգործական հաստատությունների փակումը, եկեղեցու ունեցվածքի բռնագրավումը, կառավարման ու տնօրինման իրավունքից զրկելը այդ կարծեցյալ պետական մարդու ձեռքի գործն էր: «Հնուց անտի պետությունը հավատարիմ հայ ազգն իր բոլոր շերտերով ցնցված էր անիրավացի վերաբերմունքից: Նրա արդարացի վրդովմունքն ու ընդվզումը, որը տարերայնորեն արտահայտվում էր եկեղեցական ունեցվածքը բռնագրավող հանձնաժողովների դեմ, նոր նյութ տվին կասկածանքի ու հալածանքի համար:

Դրան հաջորդած, երբեմն գեների օգտագործմամբ ուղեկցվող, բռնաճնշումները մուսուլմանների մոտ նախ տարակուսանք առաջացրեցին, ապա հետևեց սոսկալի գիտակցումն այն իրողության, որ Հայերն այլևս զրկված են ռուսական պետության հովանավորությունից և պաշտպանված չեն վերջինիս ուժով»:

Անդրկովկասյան թաթարների կամ, ավելի ճիշտ, թուրքերի մուսուլմանական ընդհանուր մոլեռանդությունն ընդդեմ քրիստոնյաների, նշում էր գեներալը, ընդհանրապես, բարդանում է դեպի Հայերն ունեցած յուրահատուկ ատելությունը, մասամբ որպես մուսուլմանական երկրները քրիստոնեական պետությունների կողմից նվաճման, իսլամի ստորացման և իրենց ինքնուրույնության կորստի համար մեղավորների: Անդրկովկասի նվաճման գործում թուրքիայի դեմ Ռուսաստանի հետագա պատերազմներում Հայերի դերը մահամեղականները չեն կարողանում մոռանալ: Ծակատագրական իրադարձությունները ցանկալի պահ էին նախապատրաստել իսլամի ստորացման համար վրեժը ներկայումս Հայերից լուծելու համար: Ապա հուշագրի հեղինակը գրում է, թե եթե նկատի ունենանք, որ նրանց նման ձգտումը սրբագործված է կրոնով, և որ նրանց համար զուրանը պահպանել է նախասկզբնական թարմությունը, ապա կարելի է պատկերացնել թե, ռուս պետական այրերի կարճատևության հետևանքով, իրադարձությունների ընթացքում ինչպիսի վտանգ էր կախվում հայ ազգի գլխին:

Իր միտքը հաստատելու համար գեներալը զուրանից բերում է մի քանի հատվածներ.

«Երբ հանդիպում եք անհավատներին, ապա հատեք նրանց գլխից մինչև մարմինը, որ նրանք ընկնեն մահացու խոցված» (Ղուրան, գլ. 47, էջ 4, Մեդինսկայա):

«Անհավատ են նրանք, ովքեր ասում են, թե Մարիամի որդի Մեսսիան հենց աստվածն է» (Ղուրան, գլ. 3, էջ 114, Մեդինսկայա):

«Հավատացյալներ, անկեղծ բարեկամության մեջ մի մտեք ոչ մեկի՝ բացի ինքներդ ձեզ հետ» (Ղուրան, գլ. 45, էջ 76-77, Մեդինսկայա):

Շիրինկինը հաստատում էր, որ Անդրկովկասում մոլեռանդ կոտորածների ժամանակ զուրանի վերահիշյալ պատվիրանների և սկզբունքների վրա հիմնված թուրքերի կրոնական մոլեռանդությունը արտահայտվեց ապշեցուցիչ հետևողականությամբ: Այդ չլիված հանցագործության հրահրողը և նախաձեռնողը հանդիսացավ իր հայատյացությամբ հուշակված իշխան Նակաչիձեն, որը, գեներալի խոսքերով ասած, կաթվածահար էր արել ոստիկանությանն ու զորքին՝ նրանց վերածելով տեղի ունեցող սարսափելի զանգվածային հանցագործությունների հանդիսատեսի: Միաժամանակ այդ ոճրագործ մարդու գլխավորած վարչակազմը ամեն ինչ անում էր Հայերի ինքնապաշտպանական գործողություններում գտնելու դատապարտելի արարքներ և կոտորածների ամբողջ մեղքը բարդելու նրանց վրա: Ցավով, Բաքվում կատարված ոճրագործությունների հեղինակները ոչ մի պատիժ չստացան, և հենց այդ անպատժելիությունը ազդանշան հանդիսացավ ջարդերի հետագա ծավալման համար Անդրկովկասի բոլոր նահանգներում:

Այնուհետև Շիրինկինը անդրադառնում է Ելիզավետպոլի, Երևանի, Թիֆլիսի նահանգներում տեղի ունեցած կոտորածներին և դրանց ամբողջ մեղքը վերագրում թուրքերին ու կովկասյան փոխարքայության վարչակազմին:

Դրան հետևում են գեներալի կատարած խորհրդածությունները կոտորածների մեջ պանիսլամիզմի ունեցած չարաշուք դերակատարության մասին: Նա նշում է, որ պանիսլամական միտումներն ու քարոզչությունը ամենաբարենպաստ հող են գտել Կովկասի թուրքերի մոտ: Զանգվածների շարքերում անփոփոխ կերպով պահպանվող մուսուլմանական մոլեռանդությունը ամբողջ ուժով բորբոքվում է պանիսլամիստների և պանթուրքիստների կողմից: Վարչակազմը իշխանությունների աչքի առջև թույլ տվեց ամբողջ քրիստոնեական աշխարհի դեմ թշնամաբար տրամադրված, մոլեռանդ թաթարական ամբոխի մոբիլիզացումը, որը փաստորեն արդեն տիրապետող է երեք նահանգներում, քանի որ Հայ ազգաբնակչության օազիսները իրենցից ներկայացնում են թաթարական տիրապետման սահմաններում պաշարված բնակավայրեր:

Շիրինկինը ցավով արձանագրում է, որ, պանիսլամիստների, ավելի ճիշտ՝ պանթուրքիստների կողմից ղեկավարվող «թաթար մոլեռանդ ամբոխը, հիշյալ նահանգները թրքացնելու նպատակով, դիմում է իսլամի սկզբնական ժամանակների ձևերին՝ սրի ու կրակի է մատնում դեռևս «անհավատ» Հայերին, որոնց տեղական վարչակազմը ոչ միայն չի պաշտպանում, այլև ինքն է նրանց

¹ РГИА СПб, фонд жандармских дел, оп.2, д.2, л.3.

մատնում խառնամբուխի ձեռքը: Ղուերանի պատվիրանները կատարվում են ապշեցուցիչ ճշգրտությամբ: Ամենուր թաթարները հարձակվում են «Յա Մուհամմեդ, յա Ալլի» ճիչերով, կրոնական դրոշներով, բացեփրաց հայտարարելով, որ իրենց կողմից հայերին «սրբազան պատերազմ» է հայտարարված: Այնտեղ, ուր նրանք գերում են անպաշտպան, դիմակայելու անընդունակ բնակչությանը՝ բռնի կերպով ընդունել են տալիս իսլամը»¹:

Նշելով, որ քրդական հեծելազորը բազմիցս թուրքիայից և Պարսկաստանից թափանցել է Անդրկովկասի տարածքները և առանձին դեպքերում մասնակցել իրենց ճանապարհին ամեն ինչ ամայացնող տեղի մուսուլմանական հակահայկական շարժմանը, Շիրինկինը գտնում է, որ եթե այդ շարժումը շարունակվի (իսկ դրա համար տեղական վարչակազմը բոլոր հիմքերն ու լիակատար երաշխիքներ տալիս է), ապա ողջ քրդական հեծելազորը կհայտնվի երկրամասում, և այդ հրդեհն արդեն իսկապես դժվար կլինի հանգցնել:

Կովկասում պանիսլամական և պանթուրքական շարժման ծավալման հիմնական պատճառը համարելով երկրամասի բարձրագույն վարչակազմի վարած սեփական քաղաքականությունը, հատկապես կառավարիչ Գոլիցինի կատարած ավերները՝ Շիրինկինը շեշտում էր, որ նրա հեռանալուց հետո էլ ըստ էության ոչինչ չի փոխվել, քանի որ շարունակվում է Հայերի նկատմամբ չպատճառաբանված դաժանությունների և մուսուլմաններին սիրաշահելու ու պաշտպանելու անհեռատես քաղաքականությունը: «Նորին մեծության փոխարքա կոմս Վորոնցով-Դաշկովը փաստորեն ղեկավարվում է իր օգնական, Ղրիմի խաների հետնորդ Սուլթան Կրիմ-Գիրեյի և Հայստի թուրքամոլ, մուսուլման գեներալ Ալիխանովի կողմից»²:

Կոնկրետ փաստերով ներկայացնելով Անդրկովկասի իրադարձությունները՝ գեներալն այդ փաստերից կատարում էր տխուր եզրահանգումներ՝ Կովկասի փոխարքայության վարչակազմի գործունեության մասին.

Ա) Կովկասի բարձրագույն իշխանությունը ոչ միայն անընդունակ է գտնրվել հասկանալու ռուսական պետության համար մուսուլմանական աշխարհի սահմանագծում գտնվող հայ ազգի նշանակությունը (մոռանալով կամ չիմանալով այդ ժողովրդի խաղաղացած դերը Անդրկովկասը Ռուսաստանին միացնելու գործում և հետագա պատերազմներում), այլ անգամ ոտնատակ է տվել ռուսական իշխանության փառքն ու հեղինակությունը, որոնք նախկինում անխոցելի էին կայսրության ասիական ծայրամասի ողջ բնակչության և հատկապես մուսուլմանների պատկերացումներում:

Բ) Երկրամասի բարձրագույն վարչակազմը չսթափվեց նույնիսկ այն ժամանակ, երբ ակնհայտ դարձավ, որ բնական պայմանների բերումով միայն հայ

ազգի շահերն են համընկնում բուն ռուսականին, որ այն պահին, երբ բոլոր ազգությունները լուրջ պահանջներ էին դրել ինքնորոշման մասին, դրա համար հիմք ունենալով թե ոչ, միայն հայ ազգն էր, որ ոչ մի առանձին ազգայնական հարց առաջ չբաշխեց: Եվ զարմանալիս այն է, որ նույնիսկ դրանից հետո փոխարքայության վարչակազմը շարունակում է վարել այնպիսի տհաս քաղաքականություն, որը անխուսափելիորեն տանելու է պետության բնական և պատմական դաշնակցի ոչնչացմանը և Անդրկովկասի սահմանային երեք նահանգների լիակատար թուրքացմանը: «Երբ Կովկասում լիովին կատարվի մուսուլմանների մոբիլիզացումն ու գինումը, - գրում է Շիրինկինը, - ապա այնտեղ տեղի կունենա շարժում, որի դեմ կխամրի Դադարտանի ապստամբությունը: Վարելով զարմանալի մարտավարություն՝ մուսուլմաններն առայժմ ոչնչացնում են այն տարրը, որը, նրանց անվրեպ համոզմամբ, մշտապես պետք է գտնվի իրենց նպատակների ճանապարհին և Անդրկովկասի պաշտպանների շարքերում»:

Գ) Կովկասյան իշխանությունը ամենակրիտիկական պահերին անգամ արհամարհել է պետության Փինանսական շահերը: Վարչակազմի բացահայտ թուլությունները մուսուլմանները ոչնչացրել են բազում նավթահորեր, գինեգործական, մետաքսագործական, կաթի մշակման ձեռնարկություններ, պանրագործարաններ, հսկայական տարածքների վրա ավերել են գրեթե ամբողջ գյուղատնտեսությունը, և դա այն ժամանակ, երբ պետությունը ստիպված փոխառություններ է վերցնում արտասահմանում: Վարչակազմը ոչ միայն չի պատկերացնում պետության համար մուսուլմանական շարժման ամբողջ վտանգը, այլև իրեն հաշիվ չի տալիս այն բանում, որ լրիվ ամայացած երեք նահանգների մի քանի միլիոն բնակչությունը կորցնում է վճարունակությունը, վերածվում քաղցած պրոլետարիատի՝ երկար տարիներով բեռ դառնալով պետության վրա:

Դ) Եթե պետական իշխանությունը դրսևորվեր պատշաճ ուժով, մուսուլմանական շարժումը բոլորովին չէր ծագի: Եվ այժմ էլ դեռ կարելի է այն արագորեն ճնշել: Մինչդեռ կովկասյան բարձրագույն վարչակազմը մոլեռանդ թաթարական զանգվածների չյսլած շարժման հանդեպ որդեգրել է բոլորովին այլ մարտավարություն՝ չպատժել զանգվածային չարագործությունների հեղինակներին, որոնց ղեկավարությամբ են կատարվում հարձակումները, ամբողջ քաղաքների ու գյուղերի ավերումները, հայ կանանց, երեխաներին, ծերերին կոտորելը: Բարձրագույն վարչակազմը բավարարվում է միայն շինծու միջոցներ ձեռնարկելով և պետական գումարներն աննպատակ ծախսելով:

Ե) Այդ ամենը հետևանք է այն բանի, որ Կովկասի բարձրագույն վարչակազմը, անտեսելով պետության շահերը, լիովին գտնվում է թուրքերի ազդեցության տակ: Արատավոր քաղաքականության հիմքում ընկած ճակատա-

¹ РГИА СПб, фонд жандармских дел, оп.2, д.2, л.11.

² Նույն տեղում:

¹ РГИА СПб, фонд жандармских дел, оп.2, д.2, л.13.

գրական սխալների հետևանքով և իր իսկ որակական ցածր հատկանիշների պատճառով՝ փոխարքայություն վարչակազմն ընդունակ չէ Կովկասում վերականգնելու կարգուկանոնն ու օրենքի ուժը¹:

Հուլիսի վերջում Կովկասի ոստիկանության պետը Պետերբուրգի կառավարական շրջաններին առաջարկում է դիմել կտրուկ քայլերի: Նա գրում էր.

«Անխուսափելի աղետը կանխելու համար, որը սպառնում է ոչ միայն Կովկասի Հայ ազգաբնակչությանը, այլև կայսրության լավագույն երկրամասի ամբողջականությունը և Մերձավոր Արևելքում նրա պատմական առաքելությունը, անհրաժեշտ է անհետաձգելիորեն ձեռնարկել ամենավճարակալ միջոցներ»²:

Շիրինկինի կարծիքով, այդ միջոցների մի մասը առաջին հերթին պետք է արտահայտվեր հետևյալում.

1. Անմիջապես կարգադրել Կովկասի բարձրագույն վարչակազմին՝ անհապաղ ռազմական ուժով ճնշել զինված հարձակման ամեն մի փորձ, ուժ կողմից էլ որ այն լինի, և անմիջապես, ճնշելուց հետո, պատժել կոտորածների ու ջարդերի սագրիչներին: Անհապաղ ցրել և զինաթափել առանձին անցուղիներ ու բնակավայրեր զավթած թաթարական հրոսակախմբերին:

2. Նույն կերպ կարգադրել վարչակազմին՝ անհապաղ պաշտոնանկ անել և պատասխանատվության ենթարկել այն վարչական և ոստիկանական պաշտոնական անձանց, որոնք մերկացվել են կոտորածների ու ջարդերի թողտվության մեջ:

3. Խստագույն և անհետաձգելի պատիժ այն բեկերին, որոնք, բացեիքաց կազմակերպելով հրոսակախմբեր, հարձակումներ են կատարել և կատարում են քաղաքների ու գյուղերի խաղաղ բնակիչների վրա:

4. Պետերբուրգից գործուղված աստիճանավորների միջոցով, առանց տեղական վարչակազմի մասնակցության, խստագույն կարգադրություններով ու հրահանգներով հետաքննության և նախաքննության վարույթով պարզել Կովկասի վարչակազմի դերը երկրամաս ընդգրկած շարժման մեջ:

5. Նկատի ունենալով, որ վերոնշյալ շարժումը սպառնում է ռուսական պետականությանն ու Մերձավոր Արևելքում Ռուսաստանի քաղաքականությանը, անհրաժեշտ է դրա պատճառների ու դրոշմատեսների հրատապ և անաչառ հետաքննություն: Այդ նպատակով պետք է Կովկաս գործուղվի հատուկ հանձնաժողով, որը կազմված կլինի բացառապես ռուսական ծագում ունեցող, ազգային համակրանքներից ու հակակրանքներից զերծ, միմիայն համապետական գաղափարներով տոգորված անձանցից:

6. Խաղաղ բնակչությանը պահպանելու համար տեղական պահեստայիններից կազմակերպել գյուղական պահստորություն բացառապես ռուսական

սպաների հրամանատարությունը³:

7. Մուսուլմանական շարժմամբ բռնկված շրջաններում տեղական ծագմամբ բոլոր պաշտոնատար անձանց անմիջապես պաշտոնանկություն՝ սկսած ամենատարին ոստիկաններից, վերջացրած բարձրագույն վարչականով, փոխարինելով նրանց ռուսներով, բայց ոչ՝ կովկասյան վարչակազմից:

8. Պետության անվտանգության և երկրամասի շահերից ելնելով՝ խուսափել բարձրագույն զինվորական և վարչական պաշտոններում տեղական ծագմամբ անձանց նշանակումից⁴:

Այսպիսով, Կովկասի ոստիկանապետ գեներալ-մայոր Շիրինկինը Ռուսաստանի վերջին 20-25 տարիների պատմության մեջ ցարական բյուրոկրատիայի բարձր պաշտոնյաների թվում առաջինն էր, որ համարձակություն ունեցավ անկողմնակալ մոտեցմամբ իրերը կոչել իրենց անունով: Նա բացահայտ հանդես եկավ Կովկասում կառավարության վարած անհեռատես քաղաքականության դեմ, պաշտպանության տակ առավ հայությանը և, հատկապես, նրա մղած գոյամարտը կովկասյան թուրք-թաթարական հորդաների դեմ:

Ռուս բյուրոկրատիայի ակաճիչ հնչած Կովկասի ոստիկանապետի բողոքը տարակուսանք առաջ բերեց երկրի կառավարական բարձրագույն ոլորտներում: Կառավարությունը պատրաստ չէր կատարել Շիրինկինի արմատական առաջարկությունները: Չնայած դրան, ռուս հայրենասեր գեներալի ծառայողական հուշագիրն աննկատ չանցավ: Պետերբուրգյան պաշտոնական շրջաններում աստիճանաբար, համարյա աննկատ, կովկասահայության հանդեպ ձևավորվում էին նոր տրամադրություններ, երևում էին առաջին աղոտ նշանները, որ մոտենում է գոլիցինյան հայաստան քաղաքականությունից պաշտոնապես հրաժարվելու և հայաստան (հետևապես՝ ռուսաստան) քաղաքականություն որդեգրելու ժամանակը:

Շիրինկինյան տրամադրությունները առաջին հերթին իրենց աստիճանական դրսևորումները ստացան Կովկասի փոխարքա Վորոնցով-Դաչկովի քաղաքականության մեջ:

ԿՈՎԿԱՍԻ ՓՈԽԱՐՔԱ ՎՈՐՈՆՑՈՎ-ԴԱՇԿՈՎԻ ՀԱՇՎԵՏՎՈՒԹՅՈՒՆԸ ՆԻԿՈՒԱՅ II-ԻՆ

1907թ. փետրվարի 26-ին լրանալու էր երկու տարին, ինչ Նիկոլայ II-ի հրամանագրով վերականգնվել էր Կովկասի փոխարքայությունը և կոմս Վորոնցով-Դաչկովը նշանակվել էր փոխարքայի պաշտոնում ստանձնելով Կովկասում անդորրություն հաստատելու պարտականությունը:

¹ Նշենք, որ այդ միջոցը բազմիցս առաջարկվել էր գեներալ Շիրինկինի կողմից, բայց Սուլթան Կրիմ-Գիրեյի ջանքերով փոխարքան միշտ մերժել էր:

² РГИА СПб, фонд жандармских дел, оп.2, д.2, л.13.

¹ РГИА СПб, фонд жандармских дел, оп.2, д.2, л.13.

² Նույն տեղում:

Այդ կապակցությամբ, ընդունված կարգի համաձայն, փոխարքան պետք է զեկուցագրի ներկայացնել ցարին՝ անցած ժամանակաշրջանում իր կատարած աշխատանքների մասին:

1906թ. աշնանը Վորոնցով-Դաշկովի ստեղծած հանձնախումբը պատրաստեց զեկուցագրի ընդարձակ տեքստը: Փոխարքայի ստորագրելուց հետո այն ուղարկվեց ցարին, որը լույս տեսավ 1907թ. սկզբներին Պետերբուրգում¹:

Ձեկուցագիրը բաղկացած է 164 սուպերի էջի մեջ ամփոփված 7 գլուխներից՝ Հեղափոխական շարժում, Գյուղացիների կախվածություն վերացում, Հողօգտագործման կարգավորում, Երկրամասի ուսուսական գաղութացում, Տուրքադղում, Ժողովրդական լուսավորություն, Տեղական կառավարչության կազմակերպում:

Ձեկուցագրի ներածական մասում փոխարքան նշում էր, որ ժամանակի առանձնահատուկ հանգամանքները իրեն ստիպել են պաշտոնավարության ժամանակ ուշադրությունը հիմնականում բեռնել երկրամասում տեղի ունեցող անիշխանական դրսևորումների դեմ պայքարին և միջոցներ ձեռնարկել թեկուզ հարաբերական անդորրը պահպանելու համար: Դա է պատճառը, գրում էր նա, որ ես հնարավորություն չեմ ունեցել «ձեռնամուխ լինել Վսեմություն կողմից իմ կառավարմանը վստահված երկրամասի հետագա խաղաղ վերափոխումների իրականացմանը», բայց, միաժամանակ, «այն հուզախուով վիճակը, որում այս երկու տարիներս գտնվում էր Կովկասի երկրամասը, լավագույնս բացահայտեց կովկասյան կարգերի անկատարությունը»: Ուստի «հիմն ժամանակին է թվում զեկուցել Ձերը Մեծությանը Կովկասի երկրամասի վերափոխման ուղղությամբ առաջիկա գործունեությանն հիմունքների վերաբերյալ իմ նկատառումների մասին»²:

Հարկ չհամարելով ծանրանալ փոխարքայի զեկուցագրի ամբողջական բովանդակության վրա՝ մենք կանդորադառնանք փաստաթղթի միայն այն հատվածներին, որոնք անմիջականորեն առնչվում են կովկասահայության կյանքին:

Եթե ի մի բերելու լինենք հայության մասին զեկուցագրի տարբեր գլուխներում արտահայտված կարծիքները և կատարված առաջարկությունները, ապա դրանք կարելի է խմբավորել երեք պրոբլեմների մեջ՝ հեղափոխական շարժման մեջ կովկասահայության ներգրավման պատճառները, հայ-թաթարական ընդհարումներում հայերի «մեղքի բաժինը» և քոչի խնդիրը:

Փոխարքան գրում էր, որ իր պարտականությունները ստանձնելու ժամանակվանից ի վեր՝ Կովկասից ամեն օր լուրեր էին ստացվում ապահովության և անդորրի խախտումների, խռովությունների, թալանի ու կողոպուտի և ընդհանրապես ամեն կարգի բռնությունների մասին: Ընդհանուր դժգոհության և

անկարգությունների կապակցությամբ, երկրամասի առավել խոշոր կենտրոններում համարյա անընդհատ տարբեր ահաբեկչական գործողություններ էին կատարվում գինված հարձակումների, ուժբահարման և այլ ձևերով, որ ուղեկցվում էին վարչական և ոստիկանական պաշտոնեությունների սպանություններով կամ վիրավորումներով:

Իսկ այս պայմաններում ի՞նչ դիրք էր բռնել Կովկասի կառավարչապետությունը:

«Ինչու՞միտ ու ինքնուրույն գործունեության անընդունակ տեղական վարչակազմը, - նշում էր Վորոնցով-Դաշկովը, - որ երկար տարիներ ի վեր ընտելացել էր պետերի հրամանների գուտ արտաքուստ, անծպտուն կատարմանը և նրանց ցանկությունների ընդառաջմանն այն իմաստով, որ իրավիճակը ներկայացվում էր նրանց համար ցանկալի տեքստով՝ խնամքով սքողում էին այն ամենը, ինչ կարող էր խաթարել ընդհանուր անդորրության կեղծ պատկերը:

Տեղական վարչակազմն, ահա, ի վիճակի չեղավ վերլուծել կատարվածի պատճառները, քանզի, կտրված լինելով տեղական շահերից, չարյաց արմատը տեսնում էր յուր ձախավեր ձեռնարկումներին ընդդիմանալու մեջ՝ խտացելով առճակատման գույները և, գլուխ չհանելով իրական կյանքի երևույթները ծնող հանգամանքներից, դրանք բացատրում էր սոսկ այն իմաստով, ինչպես նախկինում նման երևույթները վերադասի կողմից մեկնաբանվել են պաշտոնական գրագրություններում»¹:

Փոխարքան ցարին տեղեկացնում էր, որ այդ իրավիճակում Կովկաս գալու սկզբնական շրջանում ինքը ընդհարվել է հսկայական դժվարությունների հետ, բայց ձեռնարկել է հարկ եղած միջոցներ՝ վերականգնելու կարգը, միաժամանակ ջանք չի խնայել ուսումնասիրելու «անկարգությունները ծնող պատճառները»: Նա շեշտում էր, որ անցած երկու տարում իր գործունեության ընթացքում անշեղորեն հենվել է օրենքի վրա՝ ամեն կերպ դիմադարձելով հանրային անվտանգությանը և պետական կարգին սպառնացող երևույթներին, միաժամանակ վերացնելով հասարակության և պետության համար վտանգ ներկայացնող գործողությունների հանդեպ ավելորդ բռնաճնշումները:

Այդ ընդհանուր դատողություններից հետո Վորոնցով-Դաշկովն անցնում է կովկասահայության հետ առնչվող խնդիրներին:

«Իմ Կովկաս ժամանելուց գրեթե անմիջապես հետո, - գրում էր նա, - ես ստացա Ձերը Մեծության Բարձրագույն բարեհաճ թույլտվությունը Հայ Գրի-գորյանական եկեղեցուն վերադարձնելու իր ունեցվածքը և թույլատրելու Հայ հոգևորականությանը բացելու դպրոցները: Ձեր կողմից հայերին արված այդ շնորհը, Տեր իմ, ինչպես հաստատեցին հետագա հանգամանքները, ունեցավ վերին աստիճանի կարևոր քաղաքական նշանակություն»²:

¹ «Всеподданнейшая записка по управлению Кавказским краем генерал-адютанта графа Воронцова-Дашкова», Государственная типография, С.-Петербург, 1907.

² Նույն տեղում, էջ 5:

¹ «Всеподданнейшая записка...», стр.9.

² Նույն տեղում:

Հայոց եկեղեցու կարգ ու սարքին, ազգի ներսում նրա ունեցած ազդեցութեանը ընդամենը երկու տարում հանգամանորեն տեղեկացված փոխարքան կայսրին հաղորդում էր, որ հայ ժողովուրդը, որը չի ճանաչում հոգևորակա-կայսրին հաղորդում էր, որ հայ ժողովուրդը, որը չի ճանաչում հոգևորակա-նութեանը որպես դաս և հոգևոր անձանց ընտրում է իր իսկ միջավայրից, նույնիսկ կրոնա-գուտ պատմական նշանակություն ունեցող պատճառներով, նույնիսկ կրոնա-կան հայացքներից անկախ, սերտորեն կապված է իր հոգևորականության շահերի հետ: Ուստի եկեղեցական ունեցվածքի բռնագրավումը և հանձնումը պետական տնօրինության՝ վերավորել է ժողովրդի բարոյական զգացմունքը և նրան, գրեթե ազգովին, առանց դասերի և դիրքերի խտրության, նետել հեղա-փոխական շարժման մեջ:

Հայ հեղափոխական «դաշնակցություն» խմբակցությունը, որ ժամանա-կին կազմավորվել էր թուրքահայտակ հայերին թուրքիայի իշխանությունից ազատագրելու համար և Ռուսաստանում իրեն զրսևորել էր լուի փողի հանգա-նակությունը, զենքի գնամար և թուրքիա ուղարկելու համար կազմավորական-ների կազմավորմամբ, եկեղեցական ունեցվածքների բռնագրավումից հետո իր ազատագրական գաղափարների պրոպագանդան համար բարեբեր հող գտավ նաև Ռուսահայերի շրջանում: Բոլոր հայերի ընդգրկմամբ ինքնուրույն Հայաս-տանի ստեղծման գաղափարը, որ նախկինում գուցե միայն ծագել էր առան-ձին անձանց մտքում, անմիջապես զգալի տարածում ստացավ Կովկասում: Ըստ վարչակազմի տվյալների, չկար հայ բնակչությանը ոչ մի բնակավայր, որտեղ չգործեր «դաշնակցության» տեղական հատուկ կոմիտեն, իսկ հայերի համակրական վերաբերմունքը ամեն մի տեղաբնակից գործողության նկատմամբ բոլորի համար այնքան ակնհայտ էր, որ անգամ հուզումները Բուխարայի նահանգում, ուր ընդհանրապես հայեր չկան, վերագրվեց հայերի նյութած դավերին, էլ չխոսելով վրացիների մասնակցությունը քաղաքական սպանությունների առանձին դեպքերի մասին...

Հայերի հեղափոխական լինելու մասին կեղծ նախադրույթի ազդեցու-թյամբ, որ հետևանք էր նրանց հոգևորականությունից եկեղեցական ունեց-վածքի բռնագրավման, հայ զանգվածների մոտ իրոք հեղափոխական տրա-մադրություն էր ստեղծել: Սակայն տեղական վարչախումբը չէր ուզում տես-նել չարիքի հիմնական պատճառը և միայն պատժիչ գործողություններ էր իրականացնում ձերբակալելով և երկրամասից արտաքսելով այն բոլոր հայե-րին, որոնք բացահայտ դժգոհություն և անհամաձայնություն էին հայտնում ունեցվածքի բռնագրավման առթիվ և, այդպիսով, ավելի ու ավելի էին համա-լրում դժգոհ տարրերի շարքերը:

Իրեն հատուկ նրբանկատությամբ փոխարքան Նիկոլայ II-ին գովեստի խոսքեր էր ուղղում «իմաստուն քայլի»՝ հայ եկեղեցու կալվածքները հար-քունիս գրավելու մասին 1903թ. հունիսի 12-ի իր իսկ հրատարակած հրամա-նագիրը հետ վերցնելու համար: Նա գրում էր. «Հայերի մասնակցությունը ահաբեկչական գործողություններին անմիջապես նկատելիորեն պակասեց,

«դաշնակցության» ազդեցությունը, թեկուզև ոչ միանգամից, բայց, այնու-ամենայնիվ, անընդհատ սկսեց նվազել, և Դուք, Ձերը Մեծություն, հայ ժողո-վրդի զանգվածում այժմ ունեք ռուսական կայսրության շահերին ծառայելու պատրաստ հպատակներ, ինչպես առաջներում Ասիական թուրքիայով ռուս գործերի առաջնադասման ժամանակ ծառայում էին այսօրվա անդրկովկաս-յան հայերի նախնիները»¹:

Փոխարքան նկատում էր, որ պետական գանձարանի օգտին հայ եկեղեցու գույքի ու կապիտալի բռնագրավմանը մասնակցություն ունեցած անձանց դեմ կատարված ահաբեկչական գործողությունները հայ ժողովրդի դեմ գր-գուցին ամբողջ կովկասյան պաշտոնեությունը: Հայերի նկատմամբ վարչա-խմբի գործողությունները Վորոնցով-Դաշկովը բնութագրում է կտրուկ ձև-կերպով՝ «թշնամական ու կողմնակալ»²:

Այնուհետև փոխարքան անցնում է հայ-թաթարական կոտորածների հար-ցին: Նա գտնում էր, որ ինքը հակված է կարծելու, թե դրանում նույնպես իր մեղքի մեծ բաժինն ունի Կովկասի նախկին վարչախումբը՝ իշխան Գոլիցինի գլխավորությամբ:

«Ինքնին հասկանալի է, - ցարին գրում էր Վորոնցով-Դաշկովը, - որ վար-չախմբի այդ տրամադրությունները չէին կարող աննկատ մնալ Կովկասի այն ժողովուրդների ներկայացուցիչներից, որոնք երբեք հատուկ համակրանք չեն տածել հայերի հանդեպ, որպես տնտեսապես գերազանցող մի ազգի, որը մշտապես, առօրյա դրացիության մանրուքներում իսկ, զգալ է տվել իր գերա-զանցությունը, հատկապես տեղական մուսուլմանների հանդեպ, որոնք չէին կարող այդ դեպքում չհիշել իրենց նախնիների ունեցած պատմական թշնա-մանքը հայ բնակչության նկատմամբ»³:

Միայն հայերի դեմ այդ թշնամական տրամադրությունները հաշվի առնե-լով է փոխարքան հնարավոր համարում բացատրել 1905թ. փետրվարին Բա-բու քաղաքում տեղի ունեցածը և ողջ Կովկասը ճարակած պատերազմը:

Ընդհանրապես փոխարքան կոտորածների հիմնական մեղավորը համա-րում էր կովկասյան թուրքերին (Բաբու, Նախիջևան, Երևան, Ելիզավետպոլ), բայց միաժամանակ նշում էր, որ մի շարք տեղերում (Շուշի, Թիֆլիս և այլուր) առաջինը հայերն են սկսել կռիվը: «Ըստ գործի էության, հարկավ, կարևոր էլ չէ, թե ով է եղել բախումներն հրահրողը, - գրում էր Վորոնցով-Դաշկովը: - Կարևոր է այն, որ թույլ է տրվել դյուրբավառ նյութի կուտակում պատրաստ առաջին իսկ կայծից բռնկվելու: Դժվար էր պայքարել ինձանից առաջ բռնկ-ված ընդգետնյա հրդեհի դեմ և կանխել հսկայական տարածքում դրա անսպա-սելի արտափոխումը»⁴:

¹ «Вспомоданияейшая записка...», стр.10.

² Նույն տեղում:

³ Նույն տեղում:

⁴ Նույն տեղում, էջ 11-12:

Եթե կովկասյան թուրքերի պարագայում փոխարքան շեշտադրում էր նրանց Հետամնացությունը և կրոնական մոլեռանդությունը, ապա Հայերի դեպքում ընդգծում էր նրանց մի մասի կուրորեն ու անվերապահ ենթարկվելը դաշնակցություն կուսակցության հրահանգներին ու հրամաններին: Նրա դաշնակցություն կուսակցության հրահանգներին մեկը Հայ-թաթարական կարծիքով, այդ կուսակցությունն էր պատճառներից մեկը Հայ-թաթարական թշնամանքի խորացման, նրա ղեկավարությունը գործող, հիմնականում թուրքահայերից կազմված զինված խմբերը հարձակումներ էին կատարում թաթարական բնակավայրերի վրա և անմեղ զոհերի պատճառ դառնում:

Ցանկությունն իրականություն տեղ դնելով՝ փոխարքան ցարին գրում էր, թե դաշնակցությունն արդեն ինքն իրեն հեղինակազրկել է Հայ ազգի աչքում, և Հայերի գանգվածներն արդեն երես են թեքել նրանից՝ դատապարտելով նրա պայքարի եղանակները: Թեև Հիմա էլ այդ կուսակցությունը փորձում է իր հետևից տանել ժողովրդին, նշում էր Վորոնցով-Պաշկովը, բայց քանի որ «Հայկական ժողովրդական գանգվածը բացառապես վարակված է ինքնավարության ձգտումներով և կառավարությունից ոչ մի այլ բան չի ցանկանում, քան լուրջ այն բարեհաճ վերաբերմունքը, որից նա օգտվում էր նախկին փոխարքանների օրք և որի շնորհիվ նա Կովկասի մյուս ազգությունների համեմատ տնտեսապես ամրապնդվեց», ուստի նա խուսափում է իրեն լիովին հանձնել դաշնակցության կամքին¹:

Ի լրումն դաշնակցության մասին արտահայտած կարծիքի, փոխարքան Նիկողայ II-ին տեղեկացնում էր, որ այդ կուսակցության պայքարի տակտիկան ըստ էության թելադրվում է Արևմտյան Եվրոպայում ապրող Հայ քաղաքական գործիչների մի խմբի կողմից, որը թուրքական լծից Հայերի ազատագրության նպատակով ամեն ինչ անում է գրավելու Եվրոպայի ուշադրությունը և առաջացնելու միջազգային միջնորդություն: Բայց այդ տակտիկան, վնաս պատճառելուց բացի, թուրքահայերին ոչինչ չտվեց: Եվրոպայի կողմից միջազգային միջնորդություն առաջ բերելու դաշնակցության փորձերը թուրքերն ընկալեցին որպես իրենց կայսրության ներքին գործերին միջամտելու ձգտում, որի հետևանքը եղան վերջին շուրջ 15 տարիների ընթացքում Հայերի սոսկալի ջարդերը Թուրքիայում:

Վորոնցով-Պաշկովը որոշ անհանգստություն էր Հայտնում, որ Կովկասում դաշնակցության նշանակության անկման հետ բացառված էր առավել արմատական գաղափարներով համակված սոցիալիստական Հնչակ կուսակցության ազդեցության ուժեղացումը Հայերի միջավայրում, կուսակցություն, որին փոխարքան բնորոշում է՝ «սոցիալ-դեմոկրատական, բայց ազգայնականության անորսալի երանգով, որը թույլ չի տալիս միավորվել այլ ազգությունների սոցիալ-դեմոկրատների հետ»: Բանի որ մինչ այժմ Հնչակի ազդեցությունը, այնուամենայնիվ, ուժեղ չի եղել Հայերի չրջանում, գրում էր Պաշկովը,

ուստի համոզված եմ, որ «Կովկասի վարչակազմի առաջիկա պայքարը նրա դեմ առավել հեշտ կլինի, քան նախկինում ամենազոր դաշնակցության դեմ»:

Իր այդ հաստատ համոզումը փոխարքան փորձում էր ամրապնդել մի շարք փաստաթղթերով և ամենից առաջ նրանով, որ, իբր, Հայ ազգը ամբողջությամբ առած, ունակ է ընկալելու սոցիալիստական գաղափարները:

« Բանն այն է, - գրում էր նա, - որ սոցիալիստական գաղափարներով Հայերի մի մասի տարվածությունը սերտ կապի մեջ է համառուսական հեղափոխական շարժման հետ, իսկ դա նշանակալի չափով բացատրվում է այդ Հայերի՝ ոչ միայն ուսանելից հետ չմտալու, այլև հնարավորինս նրանց գերազանցելու ձգտումով: Կենտրոնական Ռուսաստանում Հանդարտության հաստատումով վերջ կգտնի այդ փոքրաթիվ Հայերի հեղափոխականությունը, որը հիմա չի սպառնում ընդգրկել Հայության գանգվածներին, քանի որ իր բնույթով Հայն աշխատասեր է, ձգտում է կապիտալի կուսակման, գնահատում է սեփականությունը և բացարձակապես հակված է սոցիալիստական գաղափարների ընկալմանը²:

Չնայած մեծ աղետներին և անհամար այլ դժվարություններին, գրում էր փոխարքան, այնուամենայնիվ, 1906թ. ամռանը Հայ-թաթարական կոփվները դադարեցին: «Պետք է հավատալ, որ երկու ժողովուրդներն էլ նշանակալի չափով հոգնել են փոխադարձ անմիտ թշնամանքից, հասկացել են այն դերի կործանարար լինելը, որ խաղացել են իրենց ղեկավարները՝ հետապնդելով անձնական շահեր»³:

Սակայն Վորոնցով-Պաշկովը համոզված էր, թե հաստատված խաղաղությունը կայուն է լինելու: «Ցավոք, չի կարելի նաև վճռականապես վստահ լինել, ի դեպս բոլոր կովկասյան ազգություններին հատուկ արյան վրեժի առկայության, որ ապագայում չեն կրկնվի Հայ-թաթարական թշնամանքի բռնկումները»: Չնայած դրան, նա ցարին հավաստիացնում էր, որ նոր «բախումների առանձին փորձերն անհապաղ կկասեցվեն իր վարչակազմի կողմից»⁴:

Անդրկովկասի Հայության հետ սերտորեն առնչվող երրորդ կարևոր հարցը, որ տեղ էր գտել Վորոնցով-Պաշկովի հաշվետվության մեջ, ինչպես նշեցինք, վերաբերում էր քոչի խնդրին:

Այդ հարցը կարծես մի անլուծելի թնջուկ էր, որը միշտ լարված վիճակում էր պահում նստակցաց հողագործ Հայերի և քոչվոր թուրք անասնապահների փոխհարաբերությունները:

Փոխարքան կայսրին հաղորդում էր, որ մեկ տարի առաջ Թիֆլիսում կայացած Հայ-թուրքական համաժողովը հանգամանորեն քննության է ենթարկել քոչի հարցը, բայց այնպես էլ «մինչ այժմ որևէ լուծում չի գտնվել»: Նա

¹ «Всеподданнейшая записка...», стр.16.

² Նույն տեղում, էջ 16-17:

³ Նույն տեղում, էջ 12:

⁴ Նույն տեղում, էջ 13:

¹ «Всеподданнейшая записка...», стр.12-13.

Հարցի դրական լուծումը տեսնում էր թուրքաբանակ տափաստանների ոռոգման և քոչվոր անասնապահներին իրենց հիմնական բնակություն վայրերում ամրապնդելու մեջ:

«Ինքնին Հասկանալի է, - գրում էր նա, - որ նախատեսված ծրագրի իրականացման Համար մեծ աշխատանք կպահանջվի՝ անասնապահների կենցաղը կազմակերպելու, և մեծ ծախսեր՝ տափաստանների ոռոգման Համար, սակայն ակնհայտ է, որ վաղ թե ուշ ստիպված կլինենք դիմել այդ միջոցին, քանի որ ներկայիս քոչվորությունը իրենից ներկայացնում է Հովվական դարաշրջանի վերապրում՝ կուլտուրական երկրում անհանդուրժելի, իսկ ընդարձակ տափաստանները չպետք է իզուր կորչեն պետության Համար: Որքան էլ բարդ թվան առաջարկվող միջոցառումները, դրանք, սակայն, հրամայական անհրաժեշտություն են երկրամասի ապագա կուլտուրական առաջընթացի Համար: Դա է պատճառը, որ ես վճռեցի **Ձերդ Մեծություն** բարձրագույն ուշադրությունը հրավիրել այդ կարևոր խնդրի վրա, ... նկատի առնելով դրանց բնակեցումը կուլտուրական տարրերով...»¹:

Ավարտելով Կովկասում երկու տարվա ընթացքում տեղի ունեցած գլխավոր իրադարձությունների վերլուծությունը՝ Վորոնցով-Դաշկովը եզրահանգում էր, որ փոխարքայության վարչակարգը ծայրահեղորեն անկատար է, բայց արդեն ձեռնարկված են արմատական միջոցներ՝ իր նախաձեռնած խաղաղ վերափոխումները Հաջողությամբ իրականացնելու Համար: Այդ գործում, գրում էր նա, խիստ կարևորություն է ստանում երկրամասի ազգերի նկատմամբ ճիշտ, անկողմնակալ քաղաքականության մշակումն ու իրականացումը: Իսկ դա ամենից առաջ ձեռնտու էր Հայ բնակչությանը, որը բոլորից շատ էր տուժել գոյիցինյան վարչակազմի Հայաստան խելացնոր գործելակերպից:

Վորոնցով-Դաշկովը չէր քննադատում ամբողջ քառորդ դար շարունակվող պետերուրգյան բուրժուարտիայի Հայահայած քաղաքականությունը, ինչպես դա գարմանայի Համարձակությամբ կատարում էր իր ոստիկանապետը՝ գեներալ Շիրինկինը: Կովկասում ստեղծված խառնակ վիճակը փոխարքան հիմնականում բացատրում էր Գոյիցինի իշխանության «վերջին երկու տարիներին» թույլ տված «անհանդուրժելի սխալներով»: Ըստ որում, Գոյիցինի մասին կազմած կարծիքը նա բարձրաձայն արտահայտում էր ոչ միայն իր չրջապատում, այլև օտարների ներկայությամբ: Այդ տեսակետից բնութագրական է 1906-ին Կովկաս եկած և իրեն տեսակցություն խնդրած անգլիացի հրապարակախոս Լուիջի Վիլարիի Հետ ունեցած զրույցի ընթացքում նրա արտահայտած «Celle de'sastreuse politique de Galitzine ...»՝ բառերը²: Սակայն, ընդհանուր առմամբ Վորոնցով-Դաշկովի կողմից իրավիճակների քննադատությունը հար

Համահունչ էր Նիկոլայ II-ին սենատոր Կուզմինսկու ներկայացրած զեկուցագրում տեղ գտած աչառու բնորոշումներին, միայն այն էական տարբերություններ, որ Հայերի մասին փոխարքան միապետին ներկայացրել էր Համեմատաբար զուսպ կարծիքներ, որոնք անկողմնակալության տպավորություն էին թողնում նրանց վրա, ովքեր ծանոթանում էին զեկուցագրի բովանդակությամբ:

Հայերի նկատմամբ Կովկասի փոխարքայի բարյացակամ քաղաքականությունը կոնկրետ արտահայտություն էր ունենում Հայ Հայտնի մտավորականների, քաղաքական, Հասարակական ու կրոնական գործիչների, արդյունաբերողների և խոշոր առևտրականների (Ա. Մանթաշյան, Ա. Էնֆիաշյան, Մ. Արամյան, Գ. Աղեյխանյան, Ն. Կրասիլնիկով, Ն. Բոգարյան և ուրիշներ) Հետ ունեցած շփումներում, իսկ ոմանց Հետ (Բ. Վերմիշյան, Ա. Ուստիսյան և ուրիշներ) անձնական սերտ Հարաբերություններ ուներ: Փոխարքան խորին հարգանք էր տածում ամենայն Հայոց կաթողիկոս Մկրտիչ Ուրիմյանի Հանդեպ:

1907թ. սկզբներին կոմս Վորոնցով-Դաշկովը և կոմսուհին այցելեցին Էջմիածին և հաղորդակցվեցին դարավոր հնություններին: Այցելության ժամանակ վեհափառ Հայրապետը տեր և տիկին Վորոնցով-Դաշկովներին նվիրեց ս.Հակոբ Մծբնայ Հայրապետի մասունքներից մի կտոր՝ ամփոփված ձեռակերտ խաչի մեջ: Այնուհետև, «որպեսզի այդ մասունքները երջանկություն բերեն փոխարքայի ընտանիքին», կաթողիկոսը նրանց շնորհեց օրհնության կոնդակ: Թիֆլիս վերադառնալուց անմիջապես Հետո փոխարքան իր նստավայրից հետևյալ շնորհակալական նամակն ուղարկեց Էջմիածին, կաթողիկոսին.

«**Ձերդ Սրբութիւն**, իմ և կնոջս անունից մատուցանում եմ մեր ի սրտէ շնորհակալութիւնը մեզ և մեր ընտանիքին ուղարկուած օրհնութեան Համար: **Ս. Էջմիածին այցելելը** մեզ մեծ բաւականութիւն պատճառեց և ես բախտաւոր եմ, որ շուտով կկարողանամ Նորին Կայսերական Մեծութեան զեկուցանել **Ձեզ** Հաւատացած Հօտի **Ձեր Սրբութեան** կողմից վկայուած Հաւատարիմ Հպատակութեան մասին: **Ս. Յակոբայ Մծբնայ Հայրապետի** նշխարների մասը կպահենք և յույս ունիմ, որ այս օրհնութիւնը իմ ամբողջ ընտանիքիս բախտաւորութիւն կբերէ և մեզ կարողութիւն կտայ մեր պարտքը կատարելու **Ս.Գրքի** պատուէրների Համաձայն: Կոնդակի Համար կրկին շնորհակալութիւն յայտնելով՝ յանձնում եմ ինձ և ընտանիքիս **Ձեր** սուրբ աղօթքին:

Ձեր խոնարհ ծառայ
ՎՈՐՈՆՑՈՎ-ԴԱՇԿՈՎ »¹:

Հետագա տարիներին, նույնիսկ ստոլիպինյան դաժան ռեակցիայի ժամանակ, Դաշկովը և նրա վարչակազմը, թեև դանդաղ, բայց աստիճանաբար կոնկրետ գործողություններով փոխում էին Հայերի նկատմամբ վերաբերմունքը դեպի լավը:

¹ «Всенодданнейшая записка...», стр. 66.

² «Գոյիցինյան աղետալի քաղաքականությունը...»:

³ Տե՛ս Միքայել Հովհաննիսյան, Կովկասեան Վանդեան, էջ 72:

¹ «Արարատ», N 2, փետրվար, 1907թ.:

Սակայն, Հարկ է ընդգծել, որ Հայության Հանդեպ նոր քաղաքականություն ունեցողները էֆան չնստեց Կովկասի փոխարքայի վրա: Դեռ 1906թ. սկզբներին Պետերբուրգի սալոններում նրա անվան շուրջ տարածվել էին բամբասանքներ, որոնք, ի վերջո, Հանգրվանեցին պետական ամենաբարձր մարմիններում և մամուլի ծայրահեղ Հետադեմ օրգանների էջերում: Գլխավոր մեծիկներում էր՝ Վորոնցով-Դաշկովը ավերում է Կովկասում իշխան Գոլիցինի ղադրանքն էր՝ «օրինակելի կարգ ու կանոնը» և դրանով իսկ նպաստում Հեղափոխական ուժերի, ամեն տեսակ անիշխանականների անարգել քայքայիչ գործունեությունը: Փոխարքայի դեմ սկսված պայքարին գաղափարապես տոն էին տալիս ինքը՝ Գոլիցինը, Կոկովցը և սինոդի նախկին օբեր-պրոկուրոր Պրեդոնսկը՝ երեքն էլ Ռոմանովների գահի կատաղի պաշտպաններ և մոլի Հայաստացիներ:

Սակայն, Պետերբուրգի իշխանական բարձրագույն շրջաններում փոխարքայի՝ գնալով աճող Հակառակորդների թիվը 1907-ի մարտ-ապրիլին պակասեց երկուսով:

1907թ. մարտի 10(23) -ին Պետերբուրգում վախճանվեց ռուս բյուրոկրատիայի չար ոգին՝ Պրեդոնսկը:

Պրեդոնսկի մահով ճորտատիրական-միապետական ուժերը կորցնում էր իր ամենամեծ ու Հաստատուն սյունը, իր ամենախելոք ղեկավարին: Իր Համոզմունքներով այդ մարդը շատ ավելի միապետական էր, քան էին իրենք՝ միապետները: Կես դարուց ի վեր նա թունավորում էր ողջ ռուսական կյանքը: Էությունը լինելով ճորտատիրական-բռնապետական ուժերի մարմնացում, Պրեդոնսկը ժողովրդական ազատագրական շարժումների ամենադաժան Հակառակորդներից էր, եթե ոչ ամենադաժանը: Վերջին երկու ցարերի օրոք նա եղել էր կայսրության մեջ տեղի ունեցած բոլոր Հետադեմ շարժումների, պոզոմների ու Հալածանքների թելադրիչը և խնկարկուն: Շատ ու շատ անգամ նա գահը փրկել էր անխուսափելի թվացող կործանումից, քանզի ամենահմուտ նավավարի նման միշտ Հնար էր գտնում ուժերի ճեղքված նավը ազատել ժողովրդական այլևս փոթորիկներից:

Պրեդոնսկի մահվանից շատ չանցած, 1907թ. ապրիլին, վախճանվեց ռուս բյուրոկրատական վերնախավի առավել ունեղիտ ներկայացուցիչներից իշխան Գոլիցինը, այն մարդը, որ ամբողջ մի տասնամյակ պատուհաս էր դարձել Հայ ժողովրդի գլխին՝ ողբով ու կսկիծով լցնելով Կովկասի Հայաբնակ գավառները, թույնով ապականել երկրամասի ներքին կյանքը: Նրա սաղայելական զեկուլցները, որոնցում Հայությունը միշտ ներկայացվել էր որպես գահի վտանգավոր թշնամի, պատճառ էին դարձել Հայ եկեղեցական կալվածքների ավազակային Հափշտակության, իսկ ցանած չար սերմերից փարթամորեն աճել էին դառը պտուղներ, որոնցից առավել սոսկալին Կովկասում թուրք-Հայկական արյունոտ դրաման էր՝ իր ավերիչ Հետևանքներով:

Հազարավոր դժբախտացած ընտանիքների նզովքն ու անեծքն էին Հետևում

Գոլիցինին՝ քանի նա կենդանի էր: Նրա մահվան ավետիքը Կովկասում առաջ չբերեց փոքր-ինչ ափսոսանք:

Սակայն Պրեդոնսկի և Գոլիցինի մահվանից Հետո չթուլացան Վորոնցով-Դաշկովի Հակառակորդների սաղրանքները: Աշխատության Հետագա էջերում կտեսնենք, թե Գոլիցինյան քաղաքականությունից Հրաժարվելու փորձերի Համար Վորոնցով-Դաշկովն ինչպիսի դաժան Հարձակումների էր ենթարկվում երրորդ պետական դոմայի շովինիստական խմբակցությունների, կառավարության ծայրահեղ Հետադեմ անդամների և սևՀարյուրակային ռուս «պատրիոտների» կողմից:

Սակայն սկսած Հայածանքներով փոխարքայի Հակառակորդներն անզոր եղան նրան պաշտոնազուրկ անել: Վորոնցով-Դաշկովի չափավոր ու Հավասարակշռված գործողությունները մեծապես նպաստում էին Կովկասի քաղաքական կայունությանը, իսկ բախտորոշ ժամանակներում դա օղի ու ջրի պես անհրաժեշտ էր ցարական գահին: Բացի այդ, արքունիքում և կառավարության մեջ գնալով ավելանում էր նրանց թիվը, ովքեր արդեն Համոզվել էին, որ բազմազգ Կովկասում ազգամիջյան թշնամանքի ու կոռուպցիայի բորբոքումը զանգվածներին Հեղափոխական պայքարից Հեռու պահելու արդյունավետ միջոց չէ, և որ թուրք-Հայկական զինված առճակատման միջոցով Հայ տարրի թուլացումը ոչ միայն չի բխում ռուսական պետության շահերից, այլև Հակառակ է նրա Հեռահար նպատակներին:

Գ Լ Ո Ւ Խ Տ Ա Ս Ն Ե Ր Ո Ր Դ

**ԳԱՂԱՓԱՐԱԿԱՆ ԱԼԵԲԱԽՈՒՄԵՆԵՐ ԵՎ ԿԱԶՄԱԿԵՐՊԱԿԱՆ
ԽԱՌՆԱՇՓՈՒԹՅՈՒՆՆԵՐ ՀԱՅ ԱԶԳԱՅԻՆ
ԿՈՒՍԱԿՑՈՒԹՅՈՒՆՆԵՐԻՑ ԵՆԵՐՍ**

Մարդիկ Հեղափոխական են դառնում ամենատարբեր դրդումներով ու պատճառներով, բայց իրենց նշանակությամբ այդ պատճառներից զատվում են երկուսը՝ Հարազատ ժողովրդին օտարի լծից փրկելու անհազ ձգտումը և ազգի ներսում շահագործող դասակարգերի Հարստահարումից Հասարակության ունեզուրկ խավերին ազատելու փափագը՝ գոյություն ունեցող անարդարացի կարգերը վերացնելու միջոցով:

Հայ իրականության մեջ այդ երկու խնդիրների կատարմանը լծված էին զանազան գաղափարներ դավանող Հեղափոխականներ՝ ընդգրկված քաղաքական տարբեր կուսակցությունների և Հոսանքների մեջ:

1905-1907 թվականներին Հայ ազգային բոլոր կուսակցությունները ներքին խոր տարածայնություններ, որոնք Հանգեցրին անհաշտ առճակատումների, իսկ առանձին դեպքերում սպառնալիքի տակ դրեցին կուսակցությունների բուն իսկ գոյությունը:

Առաջացած տարածայնությունների ու բախումների պատճառները Հիմնականում երկուսն էին՝ 1. Ռուսական մեծ Հեղափոխության նկատմամբ Հայ Հասարակական շերտերի տարբեր վերաբերմունքը, որն առաջ էր բերել մտքերի ու գաղափարների բուռն ալեկոծումներ, 2. Կուսակցությունների շարքերում ավանդական գաղափարներ կրողների և նոր Հայացքներ դավանողների միջև սկիզբ առած սուր բախումները:

ԱՐՄԵՆԱԿԱՆՈՒԹՅԱՆ ՎԱՅՐԸՆԹԱՑԸ

Հայ ազատագրական շարժման արյունոտ երկունքից ծնունդ առած Հեղափոխական կազմակերպություններից ժամանակագրական կարգով առաջինը եղավ արմենական կուսակցությունը, որը միակ Հայ մարտական ու ազգային կուսակցությունն էր, որ Հղացված ու կազմված էր Հայաստանի Հարազատ Հողում: Արմենական շարժումը թուրքական բռնակալության դեմ սկիզբ

առած Հայ ժողովրդի պայքարում Վան-Վասպուրականի Հայության անկուտրում կամքի փայլուն դրսևորումն էր:

Ռուսական մեծ Հեղափոխությունն իր պտույտի մեջ առավ ոչ միայն թուրքահայոց ազատագրության նպատակով Հրապարակ իջած ծննդով արևելահայ ազգային-Հեղափոխական քաղաքական կազմակերպություններին, այլև բուն Արևմտահայաստանում ստեղծված արմենական կուսակցությունը:

Ինչ բերեց արմենականների շարքերին ռուսական Հեղափոխությունը:

Մլրտիչ Փորթուգալյանը և նրա մի խումբ Համախոհներն էին կանգնած 1875թ. Վանում արմենական կուսակցության ստեղծման ակունքներում:

Ավելի քան մեկ տասնամյակ կուսակցությունը վերընթացի մեջ էր: Կազմակերպության շարքերում էր կամ արմենական գաղափարների ազդեցության տակ էր գտնվում քաղաքի մտավորական երիտասարդությունը:

1895-1896թթ. Հայկական կոտորածների ժամանակ տեղի ունեցավ նաև Վանի մեծ դեպքը, երբ 1896-ի Հունիսին թուրքական կանոնավոր բանակի և քրդական անկանոն հեծելազորի դավադիր Հարձակմանը և խժողթյուններին Բարթոլդիմեսու Առաքյալի վանքի մոտերքում զոհ գնաց Վանի ծաղիկ երիտասարդությունը:

1896 թվականը չրջադարձային եղավ արմենականության Համար: Ղեկավարների մեծ մասից գրկված կազմակերպությունը այդ ժամանակվանից սկըսած՝ աստիճանաբար կորցրեց իր ուժն ու դիրքերը: Գնալով նոսրացող շարքեր և հեռանկարի անորոշություն - այսպիսին էր կուսակցության վիճակը 20-րդ դարի նախաշեմին:

Այդ բախտորոշ ժամանակում Մլրտիչ Ավետիսյանին փոխարինողը եղավ Եղիշե Քոնտակճյանը, որը, դառնալով արմենականների ղեկավար, մեծ ջանքեր էր գործադրում վերակազմակերպելու կուսակցությունը: Նրա հետ կազմակերպական եռանդուն աշխատանքի էին լծվել 1897-ին բանտերից ազատված Արմենակ Եկարյանը, Գրիգոր Պեոզիկյանը (Շիկահեր), Ղևոնդ Խանջյանը, Եղիշե Կոնդակչյանը, Միքայել Նաթանյանը և ուրիշներ:

Վանի դեպքերից հետո արմենականների մոտ էլ ավելի խորացավ այն գաղափարը, որ Հայությունն իր հույսը միայն պիտի կապի իր Հավաքական ուժի հետ: Ղեկավարներից ոմանք թերևս ինչ-որ չափով բացառություն էին Համարում Ռուսաստանը՝ հույսեր կապելով նրա հետ: Ժողովներից մեկում հանդես գալով գեկուցումով՝ Ղևոնդ Խանջյանն՝ ասում էր.

«Հայկական ջարդերը Հաստատեցին, թե եվրոպական պետություններու Հակամարտությունները չեն թողաուրեր, որ մենք անոնց աջակցութեան վրայ

Վան քաղաքի մեծ ու նահապետական տներից մեկը թուրք պաշտոնեություն հետ լայն ծանոթություններ ունեցող Աճեմ-Ուաչոյան աղա Սարգիսն էր: Դպրոցների տնօրեն և ուսուցիչ Ղևոնդ Խանջյանը 1897թ. ամռանացել էր Սարգիս աղայի աղջիկներից մեկի հետ, և այս ամուսնությունից ծնվել էր Աղասի Խանջյանը՝ Խորհրդային Հայաստանի կոմունիստական կուսակցության կենտկոմի ապագա առաջին քարտուղարը:

յոյս դնելով՝ արկածախնդրություններ ընենք: Ինչ ալ ըլլայ, այսօր Ռուսիոյ քաղաքականությունը Կովկասի Հայութեան Հանդեպ, եթե մենք յոյս մը պետք է ունենանք օտար պետութեան մը վրայ, այդ յոյսը մեզի դրացի Ռուսիոյ վրայ դնելու ենք»¹:

1896-ին ստացած Հարվածից Հետո արմենական կազմակերպությունը չորս-հինգ տարի անց միայն, այսինքն՝ 20-րդ դարակազմին, կարողացավ ինչ-որ չափով վերակառուցել իր կազմակերպական մեքենան, որը, սակայն, ի վիճակի չէր այլևս գործել նախկին արդյունավետություններով:

Մտավոր ու երիտասարդ ուժերի կորստից Հետո Հնարավոր չեղավ պատրաստել նրանց փոխարինող սերունդ: Թեև դեպքից դեպք տեղի էին ունենում խմբերի և խմբապետերի ժողովներ, բայց դրանք այլևս չունեին նախկին նշանակությունը: Ինչ վերաբերում է զինական մարզանքներին, ապա դրանք դադարեցվել էին: Ժողովրդին զինելու աշխատանքները այլևս կանգ էին առել, քանի որ ընկած էր մարդկանց մարտական տրամադրությունը և, չկային նյութական միջոցներ: Կացությունը ճնշիչ էր հատկապես գյուղերում. հազարավոր գյուղացիներ, որոնք ջարդերից խուսափելով անցել էին Պարսկաստան, Կովկաս և այլուր, այժմ վերադարձել էին, բայց չէին կարողանում վերականգնել իրենց կողոպտված ու ավերված օջախները:

Ձենքի ու զինավարժության խնդիրը մի կողմ թողած՝ կազմակերպությունը այժմ գործում էր միայն երկու ոլորտներում՝ տնտեսական և կրթական: Հատկապես դպրոցական գործում որոշ հաջողություններ եղան. վերականգնվում էր ավերված դպրոցների ու եկեղեցիների մի մասը, վերակազմավորվում էին ուսուցչական խմբերը:

Դաշնակցության Վանի կազմակերպությունը, որը ստեղծել էր Պետոն, նրա նահատակվելուց Հետո շուրջ վեց տարի չէր գործում: 1902թ. Հ.Յ.Դ. ղեկավարությունը Վան ուղարկեց իր Հավատավոր գաղափարական գործիչներից մեկին՝ Վարդգեսին (կարիքից Հովհաննես Սերենկուլյան), որին վիճակվեց գլուխ բերել կազմակերպության վերականգնումը: Նրա գործունեության հաջողության պատճառներից մեկը արմենական կազմակերպության Հետ սերտ հարաբերություններ հաստատելն էր: Վարդգեսը գտնում էր, որ գալիք մարտերի համար ժողովրդին պետք է նախապատրաստել լրջորեն, համբերատարությամբ ու զգուշությամբ, չպետք է ուժերը վատնել ցուցական գործողությունների վրա, որ հարկ է վերաքննել անցյալը, նախկինում գործած սխալները վերահանել և ճախողանքներից դասեր առնել: Հայկական Հասարակության երևույթներին նման մտեցումը համընկնում էր արմենականների հեղափոխական գործունեության եղանակին, և դա էր պատճառը, որ Վարդգեսի գաղափարները և գործելակերպը ընդունելի եղան արմենականների համար: Աստիճանաբար

վերջիններին մոտ տրամադրություն առաջացավ սերտ համագործակցություն հաստատել տեղի դաշնակցական կազմակերպության հետ: Ավելին, նրանք չէին բացառում երկու կազմակերպությունների միաձուլման հնարավորությունը², որը, նրանց կարծիքով, ուղի կհարթեր ընդհանրապես դաշնակցության ու արմենական կազմակերպության միավորման և ազգային հեղափոխական մեկ կուսակցություն ստեղծելու համար:

Բայց դա երկար չտևեց. 1904թ. սկզբին, իր թաքստոց-քնակարանում գրտնրվելու պահին, Վարդգեսը շրջապատվեց թուրք ոստիկանների կողմից և հրաձգության ժամանակ վիրավորվեց, ձերբակալվեց ու նետվեց բանտ:

Վարդգեսի ձերբակալումը խոչընդոտեց երկու ազգային կուսակցությունների հնարավոր միավորման տենդենցի զարգացումը: Ավելին, դրանից Հետո տարբեր պատճառներով Վան-Վասպուրականում գնալով լարվեցին արմենականների ու դաշնակցականների փոխհարաբերությունները: Բանը հասավ արյունահեղ դեպքերի, որի պատճառներից մեկն այն էր, որ արմենական կազմակերպությունը իր դիրքերը շատ արագ զիջում էր դաշնակցությանը, որը Վանում և ողջ Վասպուրականում դառնում էր հիմնական քաղաքական ուժը: Ընդհանրացնելով դաշնակցական կազմակերպության կողմից Վան-Վասպուրականում 1904-1906թթ. տարած աշխատանքները՝ Վահան Փափազյանը գրել է. «1906-ին արդեն, մեր կազմակերպությունը դրուած էր հաստատուն յենարաններու վրայ: Մեզ հետ ունէինք գաւառի անարատ շինական տարրը, տեղական հին գործիչներու եւ մարտիկներու փորձառու եւ մոլեռանդ փաղանգը, նուիրուած երիտասարդութիւն եւ մտաւորական եւ հանրային գործունէութեան հասուն եւ պարկեշտ զանգուած մը»³:

Նույնը հաստատում էր Արմենակ Եկարյանը. «Դաշնակցությունը իր մարդերով և ազդեցութեամբ՝ տիրապետած էր նաև ամբողջ Վասպուրականին: Մյուս կուսակցությունները շատ տկար էին: Դա դաշնակցութեան զորավոր շրջանն էր. ան իրմեն դուրս ուրիշ իշխանություն և հեղինակություն չէր ճանաչում: Ուստի և շատ անգամ կ'ունենայինք ընդհարումներ դաշնակցական տղերոց հետ»³:

Բանի որ հնչակյաններն այնպես էլ չկարողացան Վանում արմատներ ձգել, ուստի արմենականների գլխավոր ընդդիմախոսները մնում էին դաշնակցականները: Երկուսի միջև չէր հաջողվում հաշտության եզրեր գտնել՝ միմյանցից տարբեր գործելակերպ որդեգրած լինելու պատճառով: Արմենական կազմակերպության անդամների ճնշող մասը մտավորականներ էին, իսկ Հ.Յ.Դ. տեղի կազմակերպության մեջ մտավորականներին մատնեցի վրա կարելի էր հաշվել: Դաշնակցության շարքերում հիմնականում խոնարհ աշխատ

¹ Արտուկ Դարբինեան, Հայ ազատագրական շարժման օրերին (Յուլի 1890-ին 1940), Փարիզ. 1947. էջ 110:

² Տե՛ս Արտուկ Դարբինեան, Հայ ազատագրական շարժման օրերին, էջ 132:

³ Վահան Փափազյան, Իմ յուշերը, հատ. առաջին, էջ 246:

³ «Յուլի Արմենակ Եկարեանի», Գահիրե, 1947, էջ 135-136:

տավորներ էին:

1905թ. առաջին կեսին Վանում տեղի ունեցան արմենականների և դաշնակցականների մի շարք միջկուսակցական ժողովներ, որոնց օրակարգում դրված Հարցերը վերաբերում էին երկու կուսակցությունների ծրագրերին և պրակտիկ գործելակերպին:

Ժողովներն ընթանում էին բուռն փիճաբանությունների մթնոլորտում, ուր երկու կողմերը պարզում էին Հարազատ ժողովրդի Համար ստեղծված դժխեմ կացությունից դուրս գալու իրենց պատկերացումները: Արմենականները քննադատում էին դաշնակցությանը, վճռականորեն մերժում նրա պայքարի մեթոդները, նրան մեղադրում արկածախնդրության և այն բանի մեջ, որ վճիռներ կայացնելիս Հաշվի չի նստում Հասարակական երևույթների Հետ: Լինելով Հեղափոխականներ՝ նրանք, սակայն, գտնում էին, որ ստեղծված իրավիճակում շեշտը չպետք է դնել բռնի գործողությունների վրա, այլ Հարկ է գործել խաղաղ միջոցներով՝ դպրոցներով, լուսավորությամբ, մշակույթով:

Դաշնակցականները, առարկելով, ասում էին, որ իրենք սկզբունքորեն դեմ չեն խաղաղ աշխատանքներին, բայց, ցավոք, դրանց Համար չկան բարենպաստ պայմաններ, չկա կյանքի, գույքի, պատվի իրական ապահովություն, որ ամենուրեք տեղի են ունենում դաժան բռնություններ, այլան-թալան: Նախ պետք է Հասնել բռնությունների և սպանությունների՝ եթե ոչ վերացմանը, ապա գոնե՝ մեղմացմանը, որից Հետո միայն ձեռնամուխ լինել լուսավորական-մշակութային լայն աշխատանքների: Բռնություններին պետք է Հակադրել բռնությունը, կազմակերպել և զինել զանգվածներին: Հենց դա է ելքը, - ասում էին նրանք:

Բազմաթիվ Հանդիպումներից սպասված դրական արդյունքը չնչին էր. կողմերից յուրաքանչյուրը շարունակում էր ամուր կանգնած մնալ իր տեսակետի վրա: Կոմսը, Արամը, Սարգիսը և Վանի դաշնակցական մյուս ղեկավարները արմենականների Հակադաշնակցական պայքարը Համարում էին բնական՝ որպես տեղի Հայ Հասարակության մտածելակերպից բխող իրողություն: Զընդունելով նրանց կողմից դաշնակցության Հախուռն քննադատությունը՝ Արամը միաժամանակ գտնում էր, որ արմենականների գոյությունը ոչ միայն մնասակար չէ դաշնակցության Համար, այլև օգտավետ է այն իմաստով, որ նրանց քննադատության մեջ կան ճշմարիտ Հարցադրումներ, առողջ մտքեր, որոնք չպետք է մերժել ու մի կողմ նետել, այլ պետք է Հաշվի առնել և Հնարավորին չափ շտկել սեփական թերությունները:

Արամի կարծիքով, պետք էչր արհեստականորեն սրել Հարաբերությունները արմենականների Հետ Հատկապես այն պատճառով, որ նրանք, դաշնակցությանը մեղադրելով արկածախնդրության մեջ, մերժելով նրա կողմից կազմակերպվող ցույցերն ու զինված խմբերի կազմակերպումը, քննադատելով դրսից պրոպագանդիստներ և գործիչներ ներմուծելը, միաժամանակ իրենք ձեռք էին զարկում այդ բոլորին՝ և՛ զինված խմբեր էին պահում, և՛ պրոպա-

գանդիստներ ու գործիչներ էին բերում դրսից, և՛ ցույցեր էին անում: Ավելին, երբ վիճակը բարդանում էր, արմենականները դաշնակցության տրամադրության տակ էին դնում իրենց միջոցները, Հնարավորությունները, նույնիսկ՝ զինված խմբերը:

Ինչպես տեսնում ենք, երկուսի գոյությունը փոխադարձաբար ձեռնտու էր և՛ մեկին, և՛ մյուսին: Արշալույս Աստվածատրյանը գրում է, որ երբ դաշնակցությունն իր գործունեությունը սահմանափակում էր կամ ժամանակավորապես դադարեցնում, արմենականները Հոգեվարք էին ապրում, իսկ երբ դաշնակցությունը վերսկսում էր գործել, նրանք նորից Հարություն էին առնում¹:

Իր Հերթին Արամը, անդրադառնալով այդ երևույթին, գրում էր, որ այդպիսով «նրանց կեանք տուճող մեր գոյությունն ու գործունեությունն էր, իսկ մեր թուլությունը՝ նրանց մահը: Ուրեմն, արմենականների շահը պահանջում էր, որ Վանում միշտ ուժեղ և կազմակերպուած դաշնակցություն լիներ: Իսկ մեր շահը պահանջում էր, որ չափավոր և կասկածելի տարրերը մեզ մոտ չգալին, և կյանքի ու Հասարակական գործունեության մեջ որոշ չափով Հավասարակշռություն մտներ»²:

Հեղափոխական պայքարի գործին խոչընդոտում էին ոչ միայն Հայ քաղաքական կազմակերպությունների միջև եղած Հակասությունները, այլև այն տարածաշրջանները, որոնք գոյություն ունեին այդ կուսակցությունների ներսում:

Այսպես, Վանի արմենականների շարքերում 1905-1906 թթ. տեղի ունեցան մի շարք ընդվզումներ: Դաշնակցական գաղափարների ազդեցության տակ արմենականներից շատերը սկսել էին խիստ քննադատաբար տրամադրվել իրենց կուսակցության ղեկավարության գործելակերպի նկատմամբ և Հակվել դեպի դաշնակցությունը:

Դեպի դաշնակցություն էին գալիս Հատկապես արմենական շարքայինները:

Վահան Փափազյանը նկարագրել է Վանում 15-20 Հոգուց բաղկացած արմենական մի խմբի անցումը դաշնակցության կողմը:

Խմբի անդամների խնդրանքով Վահանը, որպես դաշնակցության Վան-Վասպուրականի լիազոր-ղեկավար, Հանդիպում էր ունեցել բոլոր նրանց Հետ, ովքեր եղել էին Համեստ արհեստավորներ: Նրա Հիշողության մեջ մնացել են խմբի անդամներից մի քանիսի անունները՝ նալբանդ Նշան, ռես Մելիքի Նշան, դասաբ Արշակ, Մինաս Նազուկի Խաչիկ, Արարքցյան Միհրան, ջրբաշ Պատուր, Քաջ Հովհաննես, Լորթո, Կանգուարցի Գեարտ, Ղազանչի Մելո, նալբանդ Վահան:

«Մեր մեջ «ինտելիգենտ» վարժապետ չկա. պիթոննս՝ ասնաֆ, կոշտ ձեռքե-

¹ Տե՛ս «Արամը», էջ 33:

² «Արամը», էջ 33:

Բոլորս:

րով մարդիկ ենք», - այսպես է իր խոսքը սկսել խմբի ղեկավար, արմենական Հին մարտիկ նալբանդ Նշանը, որը Պնի Վահանի, Լորթոյի և Գեարդյի Հետ մասնակից էր եղել 95-96-ի ղեկավարին և կարողացել էր ազատվել Բարթոլոմեոս վանքի մոտ տեղի ունեցած սպանողից: «Կը խոսեք դանդաղ՝ խոսքերը կը լռելով. երբեմն միայն հայեացքը իր ընկերներու վրայն կ'անցնեք», - վերհիշել է Վահանը և ընթերցողին փոխանցել նալբանդ Նշանի ասածը մոտավոր ճշտությամբ.

«Մենք խազար գոռով այրբ-բէնից կանանք ջոկէ, համա մեր ջահելութիւնը ժողովրդի սիրուն տուինք... Կոռւանք, արիւն թափինք, նպատակի մը խամար: Գիտես որ մենք պիթունս խին արմենական ենք: Մեզի համար Խայաստանի ազատութիւնը ու մեր ժողովրդի կեանքն ի թանգ. էն վախտը արմենականութիւնը գործ կը կատարէր, մեզի կուտիլ սորվըցուց, ազգի խամար գոհուել սորվըցուց: Համա հիմաք էն չի. խին արմենականութիւնը չմնաց. խին մարդիկ հրմէն վարժապետ ու վաճառական դարձան. ի՞նչ ասեմ ... «մասնաւոր մարդու» պէս կ'պարեն: Գործ չկայ ինոնց մէջ: Մենք պիթունս գործ, գէնք ու ժողովուրդ սիրող մարդ ենք, աշխատիլ կ'ուզենք ազգի խամար...: Հիմի, լսեր ենք ու կը տեսնենք, որ դաշնակցութիւն կայ, գործ կ'անի, գէնք ունի, մարդ ունի. կ'ուզենք մենք էլ աշխատինք: Համա մենք քեռու-քեռուրնա պեանի մէջ մտնող մարդ չենք, կը խասկնա՞ս. կ'ուզենք մեզի խասկցնես ձեր ծրագիր, ձեր ճամբախ, ձեր նպատակ, ձեր կանոնագիր... Թէ խելքերնիս կտրա՞ւ, աղէ՛կ, կուկեանք, կը գրուինք դաշնակցական, թէ չէ՞ այլու աջ, մենք ձեախ...»¹:

Հետևում է Փափազյանի պատասխանը. «Ի՞նչ կ'ուզեք հասկանալ, - Հանդարտ ըսի ես: - Վերջին տարիները մեր դէմ եղած հայաձանքը գիտէք. դաւաճանները կերան Վազգէնի եւ Վարդգէսի գլուխները: Կարճ այս միջոցին մէջ ինչ որ կրցանք ըրինք՝ ժողովրդի ինկած ոգին բարձրացնելու, կորով եւ հաւատ ներշնչելու համար: Մեզի համար թանգ են երիտասարդութիւնը եւ յեղափոխութեան մէջ թրծուած խոնարհ աշխատաւորութիւնը: Կրնաք հաւատալ, որ մենք վճռականօրէն ձեռնարկած ենք զինուորական եւ յեղափոխական կազմակերպութեան: Գործին փորձառու եւ, մանաւանդ, հաւատաւոր ու պարկեշտ տարրեր կը փնտրենք: Գործ չա՛տ կայ. մեր դուռը բաց է ձեր առջեւ, եթէ աշխատիլ ուզէք...»²:

Ապա խմբի անդամներին Հետաքրքրում է՝ բավարար քանակի միջոցներ ու գնեք ունի՞ր դաշնակցութիւնը. եթէ ժողովուրդը դարձյալ ապստամբի, նա աշակցութիւն կստանա՞ր դրսի որևէ երկրից և այլն:

Խոսք է վերցնում նաև Պնի Վահանը: Տեղեկացնելով, որ «Մենք 15-20 հոգի ենք, բայց մեր ետևեն քանի մը տասնեակ լավ տղաներ ունինք», այնուհետև ուզում է իմանալ, որ «եթէ բոլորս ձեզի գանք, ի՞նչ գործ կրնանք ունե-

նալ ...»: Լինում է Փափազյանի պատասխանը.

« - Ի հարկէ, կ'ուենեաք, մի՛ վախնաք. ոչ միայն անգործ չէք մնար, այլ ամբողջովին, թերեւս, հարկադրուած լինիք նուիրուի գործին...: Եւ, անշուշտ, երբ ձեր աշխատանքի արդիւնքը երեւայ, կ'երեւաք նաև դուք ... կը պատրաստուիք որոշ գործերու ղեկավարութեան համար: Ինչ որ իմ անկեղծ եւ ջերմ ցանկութիւնն է, կ'ուզեմ ներսէն ուժեր պատրաստել:

- Աղեկ, - եզրափակեց Նշանը, - ժամանակ տուր մեր մեջ խորհուրդ անենք: Բեզի շուղապ կուտանք Արմենակի Հետ»³:

Հանդիպումը զուր չանցավ: «Քանի մը օրեն, - պատմում է Փափազյանը, - Արմենակը լուր բերավ, որ համաձայնութեան եկած են: Դաշնակցութիւնը կարելու խուճը մը վաստկեցաւ, եւ ես շատ ուրախ էի: Հետագային այդ խուճը, որ «Սարէն - Ձորէն» անունը առաւ, ամենակարեւոր վտանգաւոր գործերու լծուեցաւ եւ անվերապահ նուիրուածութեամբ կատարեց իր պարտականութիւնը»²:

Արմենականութիւնից ղեպի դաշնակցութիւնը գալու հոսքը գնալով ուժեղանում էր, արմենական կազմակերպութիւնը հալվում էր: «Գալառները մեր ձեռքին էին, - գրել է Ռուբենը, - մեզմեզ գատ ուրիշ կուսակցութիւն չկար հոն»³:

Խիստ մտահոգ, որ իրենց կազմակերպութեան մեջ չնչին է մտավորականների թիվը, Հ.Յ.Դ. Ծամի (Վանի) ղեկավարները փորձեցին այդ բացը լրացնել տեղում արմենական մտավորականների հաշվին՝ նրանցից առավել համարձակներին փորձելով բերել դաշնակցութեան շարքերը: Փորձը հաջողութիւն ունեցավ:

1904-1906թթ. Վանում դաշնակցութեան մեջ մտան մեծ թիվով արմենական մտավորականներ՝ Արամ Սաֆրաստյանը, Արմենակ Փոխարյանը, Հարութիւն Հյուսայանը, Հարութիւն Տեր-Թովմասյանը և այլք:

Սակայն մտավորականների մի մեծ հատված ղեռ գտնվում էր դաշնակցութեան շարքերից դուրս: Դրանց մեջ զգալի թիվ էին կազմում էջմիածնի ճեմարանի չրջանավարտ կամ դեռ սովորող երիտասարդները, որոնց բացարձակ մեծամասնութիւնը թեև գտնվում էր դաշնակցութեան գաղափարական ազդեցութեան տակ, բայց չարուենակում էր մնալ սպասողական վիճակում: Ծամի և Լեոնապարի պատասխանատու ընկերները մեծ շահագրգռութիւն էին հանդես բերում ճեմարանականներին Հ.Յ.Դ. շարքերը բերելու համար: Ավելին, Լեոնապարի Իշխանը՝ վերջնագրի ձևով Ծամի կ.կոմիտեի առաջ դրել էր բոլոր ճեմարանականներին կուսակցութեան մեջ ընդունելու պահանջը՝ նույնիսկ առաջարկելով նրանցից ոմանց ընտրել կ.կոմիտեի կազմում:

Շատ չանցած՝ արմենական ճեմարանավարտների բացարձակ մեծամասնութիւնն արդեն գտնվում էր դաշնակցութեան շարքերում: Նրանց թիվում էին

¹ Վահան Փափազեան, Իմ յուշերը, հատ. առաջին, էջ 246:
² Նույն տեղում, էջ 247:

¹ Վահան Փափազեան, Իմ յուշերը, հատ. առաջին, էջ 248:
² Նույն տեղում:
³ Ռուբեն, Հայ յեղափոխականի մը յուշերը, հատ. Բ, էջ 168:

Համազասպ Բաղեջյանը և Ղևոնդ Մելոյանը, որոնք դարձան Հ.Յ.Դ. Շամի կ.կոմիտեի անդամներ, Հայկակ Կոստյանը, Արամ Շալլյանը, Արսեն Հացա-գործյանը, Միհրան Թերլեմեզյանը, Գևորգ Ծիտեճյանը, Կարապետ Բարսեղյա-նը, Միրտիչ Ծիտեճյանը, Վահրամ Տեր-Պողոսյանը, Հակոբ Տեր-Հակոբյանը, փաստաբան Նշան Գալաճյանը, Արամ Կազոյանը, Տիգրան Թերլեմեզյանը, Իգ-նատիոս Հյուսյանը, Վարդան Պալղոշյանը՝ և ուրիշներ¹։ Համարյա բոլոր թվարկվածները վաճառականներ էին, որոնք դարձան վստահելի ու հավատա-րիմ, գործունյա և անձնուրաց ուժեր Հ.Յ.Դ. կազմակերպության համար։

Դաշնակցության հեղափոխական պրոպագանդայի ազդեցության տակ էին ընկնում նաև արմենականներին ենթակա դպրոցները՝ ուսուցիչներն ու աշա-կերտները։

Տարիներ անց վերհիշելով իր աշակերտական կյանքից մի դրվագ՝ վանեցի Հմայակ Մանուկյանը գրել է.

«Հայկազեան կենդրոնական վարժարանի բարձրագույն դասարանի աշա-կերտ էի. դասընկերներուս հետ բռնկած էինք ըմբոստութեան սրբազան կրա-կով տիրող բոլոր կարգերուն դեմ՝ պետական-բռնապետական, ընկերային-տնտեսական, ընտանեկան-դպրոցական – բոլորը անխտիր մեր ցատումին առարկայ էին։ Ու յեղափոխական գրականութեան և պրոպագանդի ազդեցու-թեան տակ առաջին ըմբոստութեան դրոշմ պարզեցինք դպրոցական կարգու-սարքին դեմ, յայտարարեցինք դասադուլ և դպրոցական կեանքը կանգնե-ցուցինք մեկ շարժումով։ Ձուր անցան բոլոր ջանքերը մեզ հնազանդութեան բերելու և միայն յեղափոխական Արամի միջամտութիւնը կրցավ վերջ դնել դասադուլին։

Արամ լուր տուավ մեզ, թե ցանկութիւն ունի տեսնուելու ըմբոստներուս հետ։ Գիշեր մը հավաքուած մեր դասընկերներեն Բրուտեան Աբրահամենց² տունը՝ սրտատրոփ Արամին կը սպասեինք, երբ ներս մտավ ան երկու թիկնեղ զինուորներու հետ։ Հրճուանքի անհուն սարսուռ մը զգացի, որովհետև առաջին անգամ էր, որ կը տեսնեի Հայ յեղափոխականը՝ սպառազինուած Հայ-դուկներու հետ։ Արամը ոգեշունչ և գեղեցիկ ճառով մը փառաբանեց մեր ըմբոստութիւնը, գնահատեց ընդվզումի այն կրակը սրբազան, որմե ծնած են

¹ Համազասպը կրտսեր եղբայրն էր նշանավոր արմենական գործիչ Գարեգին Բաղեջյանի։ Եղբոր գաղափարական ազդեցութեան տակ, նա դարձել էր արմենական, բայց, անցնելով դաշնակցութեան մեջ, գործեց առանց ուժերը խնայելու։ Աշխատութեան հետագա շարա-դրանքում դեռ անդրադարձ կլինի նրա գործունեութեանը, որպես Հ.Յ.Դ.Շամի կ. կոմիտեի անդամի, ինչպես նաև ցույց կտրվի, թե ինչպես ընտրվելով դաշնակցութեան 4-րդ Համա-գումարի (Վիեննա) պատգամավոր, չկարողացավ մասնակցել նրա աշխատանքին և թո-քախտից մեռավ Շվեյցարիայում։

² 1908թ. Դավոյի դավաճանութեան օրերին Պաղոշյանը, չդիմանալով ծեծի ու տանջանքի, մատնեց իր կուսակիցներից շատերին։

¹ Վահան Փափազեան, Իմ յուշերը, հատ. առաջին, էջ 249-254։

² Ա. Բրուտյանը հետագայում դարձավ Վասպուրականի հնչակյանների ղեկավարը և սպան-վեց Վանի ապրիլյան 1915թ. կոփների ժամանակ, թուրքական բանտում։

բոլոր յեղափոխականները, և որմե կը ծագին բոլոր արշալոյսները։ Ղարաբաղի անպաճույճ բարբառով այն օրը Արամը մկրտեց մեր մեջ Հայ յեղափոխութիւնը. անկե վերջ անիկա, Սարգսի հետ, եղավ վարպետ և ուսուցիչ Վասպուրա-կանի նոր սերունդին»¹։

Արմենական կազմակերպութիւնից հոսքը դեպի դաշնակցութեան շարքե-րը, որոշ չափով նաև դեպի Հնչակյան կուսակցութիւն, ավելի արագ էր կա-տարվում Վան-Վասպուրականից դուրս՝ Տրապիզոնում, Կ. Պոլսում, Բուլղա-րիայում, Ամերիկայում, Կովկասում և հատկապես Պարսկաստանում։

Հ.Յ.Դ. Վրեժստանի (Ատրպատականի) կ. կոմիտեն 1904-1906 թվականնե-րի իր գործունեութեան մասին կուսակցութեան բարձրագույն մարմնին ուղար-կած տեղեկագրում նաև անդրադարձել էր արմենականների Պարսկաստանի մասնաճյուղի վիճակին։ Փաստաթղթում նշված էր, որ այդ մասնաճյուղը փաստորեն վերացել է։ «Արմենականները այժմ գրեթե ոչ մի տեղ չկան. Մի-նարեթում եղածները լուծվեցին և մտան մեր շարքերը։ Եղած անհատներն էլ առանձին կազմակերպութիւն չեն ներկայացնում։ Շատ պարզ է՝ նրանց հետ պաշտոնական ոչ մի հարաբերութիւն չէինք կարող ունենալ»²։

Ռուսական մեծ հեղափոխութեան հետ միաժամանակ տեղի ունեցավ արմե-նական կազմակերպութեան գործունեութեան նոր աշխուժացում։ Դրա պատ-ճառը ոչ միայն հեղափոխութիւնն էր, այլև այն, որ «արմենականութիւնը, չնայած իր տուած անդամանելի կորուստներուն, պահած էր իր փառավոր անցեալին հմայքը»³։

Հեղափոխութեան գաղափարները թափանցեցին Ռուսահայաստանում գործող արմենական փոքրաթիվ խմբերից ներս, որոնց թիվը 1905թ. չէր անց-նում մեկ տասնյակից և որոնցում ընդգրկված էին գերազանցապես Կովկասում ապաստանած Վան-Վասպուրականցիներ։ Դրանցից ամենամեծերը Ալեքսան-դրապոլի և Երևանի խմբերն էին՝ յուրաքանչյուրում 10-12 մարդ։

Արմենականութիւնը, որի ազատագրական պայքարը խարսխված էր թուրքահայութեան հնարավորութիւնների և ուժի վրա⁴, այժմ, երբ ռուսական հեղափոխութեան օրերին թվում էր, թե ազգային անխուսափելիորեն տեղի է տալիս միջազգայնականութեանը, երբ աշխատավոր դասակարգերի շահերը կարծես առաջնային էին դառնում ազգային շահերի համեմատ, և հարստա-հարված աշխատավոր զանգվածներն իրենց ազգային ազատագրութիւնը սկսում էին պայմանավորել սոցիալիստական գաղափարների հաղթանակով – այսպիսի հոգեփոխութեան պայմաններում չէին կարող չայլելով Ռուսահա-յաստանում գործող արմենականների մտքերը։ Գաղափարական տարընթա-

¹ «Արամը», էջ 453։

² Սայմաստի գավառ։

³ «Նյութեր ...», հատ. Դ, էջ 234։

⁴ «Յուշեր Արմենակ Եկարեանի», էջ 135։

⁵ Տե՛ս Արտակ Դարբինեան, Հայ ազատագրական շարժման օրերն, էջ 126։

ցուցվումը դարձավ անխուսափելի, և նրանք կամա թե ակամա սկսեցին կասկածի տակ դնել միայն Հայության ուժի վրա հենվելու իրենց կուսակցության մարտավարության ճշմարտացիությունը:

Հ.Յ.Դ. Վանի կազմակերպության ղեկավար Վ. Փափազյանը մեզ է փոխանցել հետևյալ բովանդակության գրույցը արմենական կուսակցության շարքային մի անդամի հետ: Վերջինս Հարցրել է. «... Խնչ միջոցներ ունիք, ինչ կը մտածէք անել. եվրոպայէն յոյսեր ունէ՞ք, որ նեղ վախտ տիւշմընի բերան չմնանք. Կովկասի կամ եւրոպայի մէջ ունէ՞ք կազմակերպութիւն, որ ձեզ օգնի, գէնք, դրամ, մարդ ուղարկի»: «Երկրեն դուրս դաշնակցութիւնը շատ գործող և տարածուած կազմակերպութիւն է, – պատասխանել է Փափազյանը, – մենք անոնց կողմէ է, որ կուգանք, անոնց նիւթական եւ բարոյական օժանդակութեամբ է, որ գործի լծուած ենք: Մեր անմիջական ծրագիրն է՝ քարոզչութիւն, կազմակերպութիւն, խիստ կարգապահութիւն եւ ժողովրդի գինում: Իսկ թէ այդ բոլորը ինչի պիտի յանգի, դեռ անորոշ է ...: Եւրոպայի վրայ մենք ո՛չ վստահութիւն եւ ո՛չ ալ հաւատ ունինք ... Արդէն ատոր համար «անորոշ» է ըսի մեր նպատակը, որովհետեւ պէտք է սպասել քաղաքական նպատատւոր շրջանի մը եւ հիմնովին պատրաստուիլ ոեւէ շարժում ընելէ առաջ»: Արմենականը շարունակել է. «Նեղքս չի կտրի, որ խայտութիւնը մենակ կարողանայ էսա զօռպա թիւրք կառավարութեան դէմ թուփ-թուրնքի, խազարաւոր ասքըրի դէմ կայնի. անխեղութիւն է: Էն վախտ յաջողութիւն կ'ունենք, երբ յաջողիք խասկըցնել, որ թիւրք ժողովուրդն էլ, քիւրտն էլ, ասորին էլ, եղիտին էլ, մեզ հետ յեղափոխութիւն անեն, թէ չէ՝ քեանի մը թուանքով ու ֆէտայիտով պեան դուրս չի կեայ ...»: «Մենք ալ այդ կարծիքին ենք եւ այդ ուղղութեամբ է, որ կ'աշխատինք»¹, – վստահեցրել էր Փափազյանը:

1906թ. Ուրմիայից Վան հրապարակեց և արմենականների ղեկավարությունը ստանձնեց չափավոր կրթությունը, բայց շատ պարկեշտ ու եռանդուն գործիչ Երվանդ Քեոսյանը (Սեպուհ) : Կարճ ժամանակում նա կարողացավ ի մի բերել ցաքուցրիվ անհատներին ու քայքայված խմբերը, վերակառուցել շարքերը, Հնարավորության սահմաններում ամրացնել կուսակցությունը, կազմակերպել ժողովրդի ինքնապաշտպանությունը թուրք-քրդական վայրագությունների դեմ: Կարելի է ասել, որ գոյության վերջին երեք տարիներին կազմակերպության շարքերի վերակազմավորման ու ամրապնդման գործում Սեպուհը խաղաց բախտորոշ դեր, այնպես, ինչպես Մկրտիչ Ավետիսյանը՝ կուսակցության ստեղծման գործում:

Ռուսական հեղափոխության սրընթաց զարգացումը, նրա առաջ քաշած լուգունգները, ապստամբների հերոսական խոյանքները մեծ տպավորություն էին թողել Սեպուհի վրա: Հեղափոխության ազդեցության տակ նա վերաբերունում է ազաւազրական շարժման մասին իր որոշ պատկերացումները և իր նոր

տրամադրությունները մարմնավորում մի փաստաթղթի մեջ, որն արմենականների պատգամավորական ժողովում քննարկելուց և հավանության արժանանալուց հետո կուսակցության ղեկավարության անունից կցվում է կազմակերպության ծրագրին՝ որպես հավելված:

Հավելվածում շեշտվում էր այն գաղափարը, որ Հայ ժողովրդի ազատագրությունը Հնարավոր է գինված ապստամբության միջոցով: Միաժամանակ այդ դրույթը լրացվում էր այն տեսակետով, որ նախքան ապստամբություն բարձրացնելը՝ Հայության քաղաքական ղեկավարները պարտավոր են լրջորեն հաշվի առնել իրենց ուժերն ու Հնարավորությունները, չչտապել և իրադարձություններից առաջ չընկնել: Ազատագրական բախտորոշ կովին պետք է ընդառաջ գնալ այնպես բազմակողմանիորեն նախապատրաստված, ինչպես գնում են Ռուսաստանի հեղափոխական ուժերը:

Եթե թուրքահայության ուժերն անբավարար են ապստամբություն բարձրացնելու և հաղթելու համար, այդ պայմաններում նա պետք է ձգտի իր ուժերին գումարել օսմանյան հակահամիդյան ընդդիմադիր ուժերին՝ առանց ազգային ու կրոնական խտրության: Այլ խոսքով՝ արևմտահայության ազատագրության հարցի լուծումը հավելվածը կապում էր համասոսմանյան կամ համաթուրքական հեղափոխության հետ: Այնտեղ ասված էր.

«Եթե դրացի ժողովուրդները՝ թուրքերը, քրդերը և այլ ազգեր, այն աստիճան անկեղծ գիտակցութեան հասած և յեղափոխուած լինին, որ Հայ յեղափոխութեան գործակցիլ, այս ապացոյց է ինքնին թե Հայերին հավասար իրավատեր են ճանաչում իբրև երկրին գալակ և որու համար գործնական երաշխիքներ պետք է տուած լինին անշուշտ: Այն ժամանակ անշատ հայկական հարցը իրականութեան մեջ լուծուած կը համարուի, և թրքահայ ժողովուրդը ուրախութեամբ կ'աջակցի ընդհանուր ազատագրական գործին՝ ռամկավարական սկզբունքների հետանկարով»¹:

Փաստաթուղթը հաստատում էր, որ ռուսական հեղափոխության գաղափարները խորթ չեն արմենականներին, որ նրանք շատ բան ունեն վերցնելու այդ հեղափոխությունից: Փաստաթղթի հեղինակը նույնիսկ գիտակցել էր, որ իր բնույթով դեմոկրատական ռուսական հեղափոխությունը կարող է վերածել ավելի արմատական սոցիալիստական հեղափոխության: Ավելին, Սեպուհի ձեռքով հավելվածում գրված է. «Ընկերային, սոցիալիստական հեղափոխությունը մեր իրականության հետ կապ ունեցող հեռավոր գաղափար է, որին պետք է ձգտենք ապագային, երբ որ քաղաքական կարգերի և տնտեսական պայմանների շնորհիվ առաջ կուգա մեր մեջ նոր հասարակություն՝ նման եվրոպական հասարակութեան, այսինքն՝ երբ սկսի աշխատանքի և կապիտալի պայքարը մեր մեջ»²:

¹ Վահան Փափազյան, Իմ յուշերը, հատ. առաջին, էջ 247-248:

¹ Արտակ Դարբինեան, Հայ ազատագրական շարժման օրերն, էջ 172-173:

² Նույն տեղում, էջ 171:

Հավելենք, որ Սեպուհը և նրա կազմակերպությունը Հ.Յ. դաշնակցությանը չէին ընդունում իբրև սոցիալիստական կուսակցություն: Նրանք Ռուսաստանում սոցիալիստական էին ճանաչում Համառուսաստանյան Հեղափոխության մեջ ղեկավար դեր ունեցող սոցիալ-դեմոկրատական բանվորական կուսակցությանը¹:

Թեև Սեպուհը և նրա Համախոհները տարված են ռուսական Հեղափոխության գաղափարներով, բայց Երկրի արմենականների շարքերը պատրաստ չէին դրանք ընդունելու: Հեղափոխության պարտությունը էլ ավելի խորացրեց շարքերում եղած անվստահությունը, նաև առաջ բերեց ճեղքվածք ղեկավարության ներսում: Կարելի է ենթադրել, որ կուսակցության մեջ առաջ էր եկել հակադրություն մի կողմից ղեկավարության և շարքերի միջև, մյուս կողմից՝ Հենց ղեկավար կազմում: Միաժամանակ չէր դադարում արմենականների վերջին խմբերի ձուլումը դաշնակցության մեջ: «Արմենականությունը ... գրեթե կամուրջի ծննդավայրին մեջ, - գրում էր Ռուբենը: - Հատուկ կենտանահատներ միայն կը մնան, որոնք իբրև ավանդություն և յիշատակ կը պահեն այդ կուսակցութեան անունը»²:

Այս պայմաններում արմենական ղեկավար գործիչներ Գրիգոր Պետրոսյանը (Շիկահեր) և Գարեգին Բաղեջյանը բանակցությունների մեջ մտան Մ. Փորթուզապյանի հետ՝ նպատակ ունենալով վերջինիս Համոզել, որպեսզի նա ստանձնի արմենական կուսակցության ղեկավարությունը և «Արմենիան» դարձնի կուսակցության պաշտոնաթերթը: Այդ նպատակով Գ. Պետրոսյանը նույնիսկ մեկնեց Մարսել և անձամբ Հանդիպեց Փորթուզապյանին, որը, սակայն, կտրականապես մերժեց ընդունել բերված առաջարկները:

Գ. Պետրոսյանը Մարսելից ձեռնունայն մեկնեց Բուլղարիա, որտեղ կային վանեցի արմենականներից կազմված մի քանի խմբեր: Նրան Հաղովում է խմբեր միավորել այնտեղ գործող «Հեղափոխական միություն» Հետ և ստեղծել մի նոր կազմակերպություն՝ «Գաղափարակցական միությունը»: Շուտով Եգիպտոսի վերակազմյալ Հնչակյանների «Ազգ»-յան Հատվածը «Ջերմ փափագ է Հայտնում միավորվելու «Գաղափարակցական միություն» Հետ»³: «Միություն» մեջ մտան նաև ուրիշ արմենական և վերակազմյալ Հնչակյան Հատվածներ:

Այդ գործընթացը սկիզբ դրեց 15-ամյա պատմություն ունեցող արմենական կուսակցության ինքնալուծարմանը: Սեպուհի մահից Հետո՝ (1908թ.)

¹ Արտակ Գարրինեան. Հայ ազատագրական շարժման օրերեն. էջ 173 (տողատակ):
² Ռուբեն, Հայ յեղափոխականի մը յիշատակները, Հատ.Գ, էջ 168:
³ Մ. Ավետեան, Հայ ազատագրական ազգային հիմնամեծայ (1870-1920), Հուշամատեն և գրք. Անդրանիկ, Փարիզ, 1954, էջ 59:
Սեպուհի սպանությունը այսպես է ներկայացրել Վ. Փափազյանը. «... Դավոյի դավաճանութեան յալորդ օրերուն (1908թ.) ես Սեպուհի պահուած տունին կից տունի մը մեջ էի երեք զինուորներով և բոլորովին լուր չունեի, թե Սեպուհը քովի տունն էր: Յանկարծ, փողոցին և այգիին պաշարուցանք: Մատնուած էինք, կը կարծեի: Անմիջապես Հարթ

արմենական կազմակերպությունները էլ ավելի թուլացան: Դրա հետևանքով տեղի ունեցավ արմենականների հետագա մերձեցում վերակազմյալ Հնչակյաններին, որն, ի վերջո, Հանգեց նրանց կազմակերպական միավորմանը⁴:

ԳԱՂԱՓԱՐԱԿԱՆ ՏԱՐԸՆԹԱՑՈՒԹՅՈՒՆՆԵՐ ՀԵՉԱԿՑԱՆ ԿՈՒՍԱԿՑՈՒԹՅԱՆ ՇԱՐՔԵՐՈՒՄ՝ ՌՈՒՍԱԿԱՆ ՀԵՂԱՓՈՒՈՒԹՅԱՆԸ ՆԱԽՈՐԴԱԾ ՇՐՋԱՆՈՒՄ ԵՎ ԸՆԹԱՑՈՒՄ

Հայության մեջ ծագած քաղաքական երկրորդ Հոսանքը եղավ Հնչակյանությունը:

Հայ իրականության մեջ քաղաքական ոչ մի կազմակերպություն իր շարքերի միասնության պահպանման Համար ստիպված չի եղել այնքան ջանք ու եռանդ գործադրել, ինչպես մեր առաջին ազգային-հեղափոխական կուսակցությունը՝ Հնչակը: Ձևավորման առաջին իսկ ամիսներին այս կազմակերպության մեջ սկիզբ առած ներկուսակցական տարաձայնությունները գնալով խորացան, և կազմակերպության տարբեր թևերի միջև սկիզբ դրվեց Հարատև ներքին կոփմաների: Պայքարը տևեց տասնամյակներ՝ կուսակցության անդամներից խլելով հսկայական միջոցներ ու ժամանակ, նյարդեր ու զոհեր:

Մենք այստեղ չենք անդրադառնա Հնչակյան կուսակցության ստեղծման և դրան Հաջորդած 15 տարիների պատմությանը, կազմակերպության գաղափարախոսության առանձնահատկություններին, ազգայինի և սոցիալիստականի Համատեղման նրա կուտակած փորձին և այլն: Միայն նշենք, որ իր հիմնադրումից (1887թ.) մինչև Զեյթունի Հերոսամարտը (1896թ.) Հնչակյան կուսակցությունը փաստորեն Հայ իրականության ամենաազդեցիկ քաղաքական ուժն էր: Այդ ինը տարիները ցույց տվեցին, որ Հնչակը կռվի դաշտ է իջել Հարազատ ժողովրդի արյան կանչով և նրա ազատագրության Համար պատրաստ է Հետագա անդուլ մաքառումների:

Սակայն 1896թ. սկզբներին կազմակերպության ներսում տեղի ունեցավ առաջին ամենախոշոր ճգնաժամը: Կուսակցության շարքերում առաջացավ արձեղձի մի շարժում, որն ուղղված էր, այսպես կոչված, «Ռուսահայ» Հնչակյան կենտրոնի», այսինքն՝ Ավետիս ու Մարո Նազարբեկյան ամուսինների և նրանց կողմնակիցների դեմ:

տանիքներու վրայն ցատկելով Հեռացանք: Վերջը լսեցինք Հրացաններու պայթյուններ. արդեն ուշ էր ... Գիշերը միայն իմացանք, թե Սեպուհն է եղած դրացի տունին մեջ բոլորովին մեռակը...: Կարծելով թե տունը կը պաշարուի, խեղճ տղան դուրս կը նետուի տունեն իր սարճանակով ճամբայ քանալու յոյսով, բայց ոստիկաններու գնդակներին կը սպաննուի: Այսպես վերջացավ այդ առաջուր երիտասարդի կեանքը...» (Վահան Փափազեան. Իմ յուշերը, Հատ. առաջին, էջ 240-241):
Երկու կազմակերպությունների միավորման գործընթացին կանդրադառնանք աշխատության հետագա էջերում:

Կովկասի Հնչակյան ղեկավարները երկրամասի իրենց կազմակերպությունների խնդիրն էին համարում հետապնդելով թուրքահայ դատը, միաժամանակ ընդգրկվել Ռուսաստանում թափ առնող դասակարգային կռիվ մեջ, կանգնել երկրում ուժեր հավաքող ուսական պրոլետարիատի կողքին, որն անգիջում պայքար էր սկսել ոչ միայն ցարիզմի, այլև կապիտալիզմի դեմ:

Հնչակյան ղեկավարության այդ ուղղակիությունը անընդունելի համարեցին թուրքահայ այն հնչակ գործիչները, որոնք հետապնդում էին զուտ ազգային-հեղափոխական նպատակներ: Նրանք շեշտում էին, որ կուսակցությունը ստեղծվել է արևմտահայության ազգային ազատագրական պայքարը կազմակերպելու, այլ ոչ թե Կովկասում դասակարգային կռիվ մղելու կամ թուրքահայաստան սոցիալիզմ մտցնելու համար: Ելնելով դրանից՝ առաջարկում էին Հնչակի ծրագրից հանել սոցիալիզմի մասին դրույթը և ամբողջ ուժերը կենտրոնացնել ազգային ազատագրության պայքարի կազմակերպման վրա:

Կողմերը համատեղ գործելն անհնարին գտան, և, ի վերջո, ձևավորվեց նոր՝ վերակազմյալ Հնչակյան կուսակցությունը, որն անգիջում պայքար սկսեց հին Հնչակի դեմ:

Հետագա տարիներին երկուստեք մի շարք փորձեր եղան Հնչակյան երկու կուսակցությունները միավորելու, բայց դրանք միշտ վերջանում էին անհաջողությամբ: Գնալով վերակազմյալները ավելի ու ավելի էին հեռանում հին Հընչակից՝ գերազանցապես այն պատճառով, որ վերջինս զնալով ավելի ու ավելի էր հակվում դեպի ուսական սոցիալ-դեմոկրատիան¹:

ՌՈՒՍԱՀԱՅ ՀՆՋԱԿԱՆՆԵՐԸ ՌՈՒՍԱՍՏԱՆԵՍԱՆ ՍՈՑԻԱԼ-ԴԵՄՈԿՐԱՏԻԱՍԻ ԳԱՂԱՓԱՐԱԿԱՆ ԱԶԴԵՑՈՒԹՅԱՆ ՈՂՈՐՏՈՒՄ

Ռուսաստանյան սոցիալ-դեմոկրատիային հակվելու ուսանող Հնչակյանության տրամադրություններն իրենց ակնհայտ արտահայտությունը գտան «Վերածնություն» շաբաթաթերթում, որը 1903թ. հունիսի 14(27)-ից սկսեց լույս տեսնել Ռուչչուկում (Բուլղարիա)՝ Ա. Նազարբեկյանի ջանքերով և Բուլղարիայի Հնչակյան մասնաճյուղերի միջոցներով:

Կինելով Հնչակյան պարբերական՝ «Վերածնությունը», սակայն, իր բովանդակությամբ մեծապես տարբերվում էր «Հնչակից»։ Նոր թերթի ուղղությունը կենտրոնում Ռուսաստանի շարժումներն էին: Նրա առաջին իսկ համարների հոդվածներն ու նյութերը ցույց էին տալիս, որ հին Հնչակը հակված է այդ շարժումներին մասնակցելը դիտել որպես հարազատ գործ: Թերթի խմբագիրը Հուսայիսա եզրակացության էր հանգել թուրքահայ շարժումների նկատմամբ: Նրան զբաղեցնում էր այն միտքը, թե «ինչպե՞ս անել, որ

չափազանց զգուշավոր կերպով Հնչակյան կուսակցության գործունեության ասպարեզը շուտ գա դեպի Կովկաս և Ռուսաստան»²:

Թերթն այն միտքն էր արծարծում, թե ցարական բռնապետության տապալումը մեծապես նպաստելու է մյուս արյունալի բռնապետության՝ արդու-համիդյան ռեժիմի թուլացմանը: Ավելի առաջ գնալով՝ «Վերածնությունը» զարգացնում էր այն տեսակետը, թե հայերը միայնակ ի վիճակի չեն իրենց պայքարով ազատվել թուրքական բռնակալությունից, ուստի ամեն ինչ պետք է անեն ընդհանուր ճակատ կազմելու կայսրության մյուս ճնշված ազգերի հեղափոխական ուժերի, նաև՝ թուրք ժողովրդի առաջադեմ, հակասուլթանական տարրերի հետ:

«Վերածնությունը» հաճախ էր անդրադառնում Հայ ժողովրդի պատմական ճակատագրին, խստորեն քննադատում թուրքիայի նկատմամբ մեծ տերությունների թողտուխության քաղաքականությունը, դատապարտում էր եվրոպական դիվանագիտության կործանարար դերը Հայկական Հարցում, ցույց էր տալիս, որ, առաջ քաշելով թուրքահայաստանում բարենորոգումներ մտցնելու պահանջը, եվրոպան, դրանով իսկ, հետապնդում է միայն իր եսամոլ, չահադիտական նպատակները:

«Վերածնություն» էջերում պարբերաբար լուսաբանվում էին նաև միջազգային բանվորական շարժման հարցեր, քննարկվում էին այդ շարժման հետ Հնչակյան կուսակցության կապերի ամրապնդման հնարավոր եղանակներ և այլն: Թերթը կուսակցության շարքերում առաջացնում էր եվրոպական երկրների սոցիալիստական կուսակցությունների հետ հնարավոր մերձեցման տրամադրություններ:

«Վերածնությունը» ակտիվորեն թղթակցում էին ուսանող Հնչակյան գործիչներից մի քանիսը: Զանազան կեղծ անուններով թերթին հոդվածներ էր ուղարկում Ռուբեն Խանազատը: Ակտիվ թղթակցում էր Սարգիս Կայանը, որը Լայպցիգի առևտրական ինստիտուտն ավարտելուց հետո տեղափոխվել էր Բեռլին և սովորում էր տեղի համալսարանի փիլիսոփայության ֆակուլտետում: Այստեղից նա աշխատակցում էր «Հնչակին», բայց «Վերածնությունը» հրատարակվելուց հետո սերտորեն կապվեց դրա հետ, քանզի այն ավելի մոտ էր իր հոգուն, թերթի նյութերի զգալի մասը նվիրված էր գիտական սոցիալիզմի տեսության պրոպագանդանը³:

«Վերածնություն» առաջին 10-12 համարներում լույս տեսած նյութերի վերլուծությունը ցույց է տալիս, որ դրանց որոշ մասը չէր կարող հավանել սոցիալ-դեմոկրատիայի չափանիշներին, իսկ առանձին հոդվածներում արտահայտված մտքերը շուտով կրկնելու էին նորաստեղծ սոցիալ-դեմոկրատական

¹ Տե՛ս «Հնչակյանների հարումը Ռուսաստանի հեղափոխությանը և սոցիալիզմին», վավերագրեր, «Նորք» հանդես, գիրք երկրորդ, 1922, էջ 313-314:

² «Հայրենիք», N 4(76), փետրվար, 1929, էջ 102:

³ Տե՛ս Հ.Ն. Կարապետյան, Մեծ պայքարի մարդիկ, գիրք առաջին, Հայպետհրատ, Երևան, 1963, էջ 20-21:

բանվորական Հայ կազմակերպության գաղափարախոսները:

Այսպես, թերթի N 4-ում Ս. Կայանը գրում էր, որ «Վերածնությունը» «ըստ երևույթին խոստանում է զբաղվել զանազան երկրներում ցրված բոլոր Հայ (ընդգծումը մերն է: - Հ.Ս.) բանվորների՝ ազատագրության սաղմերը բուսացնող, սոցիալիզմի անբիծ նպատակները իրականացնող մեր եղբայրակից այդ սեփականազուրկ դասակարգի շահերով, քանի որ «Վերածնությունը» նպատակ է դնում բարձրացնել նրանց միացման դրոշակը ...»¹:

Ակնհայտ է, որ թերթը Հանդես էր գալիս ոչ թե ընդհանրապես բանվորության, այլ «բոլոր Հայ բանվորների» անունից:

1903թ. օգոստոսին Հնչակյան կուսակցության նազարբեկյանական կենտրոնն ընդունեց կազմակերպության շարքերին ուղղված «Նոր գործունեության մասին» փաստաթուղթը, որով Հստակ ազդարարվում էր ռուսական սոցիալ-դեմոկրատների Հետ միասնաբար գործելու կոլկասաՀայ Հնչակյանների պատրաստակամության մասին: Փաստաթուղթ-կոչում ասված էր, որ «ներկայումս Ռուսաստանում տիրող կարգերն անտանելի են և անհամապատասխան այդ տեղ ապրող բոլոր ազգերի առաջադիմության պահանջներին», որ նման պայմաններում «անկարելի է Կովկասի Հայերին պահել անշարժության և Հնազանդության մեջ»: Իսկ դա թելադրում է կանգնել կոլկասահայության գլուխ և նրա պայքարը միավորել Ռուսաստանի աշխատավորների պայքարին:

«... Այլևս անկարելի է կասեցնել սկսված շարժումը, որը օրըստօրե պիտի ստանա ավելի արագաբայլ ընթացք»: «...Մնում է, որ այդ շարժումը առաջ տարվի որոշ ծրագրով և ուղղությամբ, որ նա Համառուսական շարժման մի մասը կազմե՝ Համաձայն Ռուսաստանի սոցիալ-դեմոկրատ կուսակցության վերջին կոնգրեսի՝ մեջ ընդունած ծրագրի պահանջներին: Հնչակյան կուսակցության թե՛ մոտակա և թե՛ Հեռավոր նպատակին Հասնելու տեսակետից ռուսահայ Հեղափոխությունը կազմում է այն Հիմքը, որի վրա պիտի կառուցվի ամբողջ շենքը»²:

Այսպիսով, արևմտահայության ազատագրական շարժումը գլխավորելու նպատակով ստեղծված Հնչակյան կուսակցությունը, Համենայն դեպս՝ կովկասահայերից բաղկացած նրա Հատվածը, իր Հույսն այժմ կապում էր ռուսական Հեղափոխության Հետ:

ՌՄԴԿ ղեկավար մարմինների Հետ անմիջական կապեր Հաստատելու ուղիներ որոնելով՝ կուսակցության այդ Հատվածը միաժամանակ շարունակում էր աշխույժ շփումները եվրոպական սոցիալիստական շարժման Հետ:

1903թ. սեպտեմբերի 11 -ին Դրեզդենում իր աշխատանքներն սկսած գերմանական սոցիալ-դեմոկրատական կուսակցության Համագումարին ներկա

գտնվելու Համար Հրավիրված էր նաև Հնչակյան կուսակցությունը: Նույն ամսին տեղի ունեցող Հնչակի չորրորդ պատգամավորական ժողովը շնորհակալական խոսք ուղղեց գերմանական սոցիալիստների Համագումարին, որին ներկա գտնվելու Համար Բեռլինից ուղարկեց Սարգիս Կայանին¹:

1904թ. օգոստոսին Ամստերդամում պետք է բացվեր Երկրորդ ինտերնացիոնալի Հերթական կոնգրեսը, որին մասնակցելու Համար նախապես Հրավեր էր ստացել նաև Հնչակյան կուսակցությունը: Տարբեր պատճառներով կուսակցության ղեկավարությունն ի վիճակի չի լինում իր ներկայացուցչին ուղարկել կոնգրես, ուստի Նազարբեկյանը Գ. Վ. Պլեխանովին խնդրում է կոնգրեսում լինել նաև Հնչակյան կուսակցության ներկայացուցիչը: Պլեխանովը տալիս է իր Համաձայնությունը²:

Կոնգրեսն իր աշխատանքներն սկսում է օգոստոսի 15-ին: Նախօրյակին Հնչակի կենտրոնը Հղել էր Հետևյալ նամակը.

«Սիրելի ընկերներ.

Հայ ս.-դ. Հնչակեան յեղափոխական կուսակցութեան կողմն կու գանք շնորհավորելու միջազգային ս.-դ. քոնկրեսը և կը ցանկանք կատարեալ յաջողութիւն:

Շատ կը ցավինք, որ անկարող ենք մեր յատուկ պատգամավորով մասնակցիլ քոնկրեսին, ինչպես նաև (ներկայիս գումարուող) Ռուսաստանի մեջ գործող ս.-դ. կուսակցութեան:

Ռուսաստանի ս.-դ. բանվորական կուսակցութեան պատգամավորներու Հետ կատարելապես Համաձայն ենք:

Մեր պատգամավորն է ընկ. Պլեխանով:

Կեցցե՛ միջազգային ս.- դեմոկրատիան:

Հնչակեան Հայ սոց. յեղ. կուս.

կենդրոնական վարչութիւնն»²:

«Վերածնությունը» ողջունում էր եվրոպական առանձին երկրների սոցիալիստական կուսակցությունների և II ինտերնացիոնալի ղեկավարության կողմից Հնչակյան կուսակցության նկատմամբ ցուցաբերած ուշադրությունը և Համոզմունք էր Հայտնում, որ գնալով ամրապնդվելու են երկուստեք կապերը:

¹ Տե՛ս «Թիսնամեակ (1887-1937) սոցիալ-դեմոկրատ Հնչակեան կուսակցութեան», Փրովիտենս, 1938, էջ 227:

² Նշենք, որ Հ. Յ. դաշնակցությունը նույնպես դիմել էր Գ. Վ. Պլեխանովին՝ խնդրելով լինել իր ներկայացուցիչը սոցիալիստների Ամստերդամի կոնգրեսում: Նախքան Համաձայնություն տալը Պլեխանովը դիմում է Ա. Նազարբեկյանին և նրանից տեղեկություններ է ուզում դաշնակցության մասին: Վերջինս բացատրում է, որ այդ կուսակցությունը գոտ ազգային կազմակերպություն է և միանգամայն Հեռու սոցիալիզմից: «Իմ բացատրությունից Հետո, - ասել է Նազարբեկյանը. - Պլեխանովը ժխտողական պատասխան էր տվել, որից Հետո դաշնակցականները սոցիալիստ-Հեղափոխական Լազարևի և ուրիշներին էին դիմել և Հաջողել էին իրենց ներկայացուցիչն ունենալ» («Հայրենիք» ամսագիր, N5 (77), մարտ, 1929, էջ 110):

² «Պատմութիւն Ս.- Դ. Հնչակեան կուսակցութեան», Հատ. Ա, էջ 290:

¹ «Վերածնություն», N 4, 18 Հուլիսի 1903թ.:

² Նկատի ունեն ՌՄԴԿ II Համագումարը (1903թ.):

² «Վերածնություն», N 37, փետրվար 24/ 8 մարտի 1904թ.:

Սակայն, ինչպես ասվեց, «Վերածնություն» Հետաքրքրությունների կենտրոնում ռուսաստանյան Հեղափոխական շարժումներն էին, իսկ մոտակա նպատակը Հնչակյան կուսակցության մերձեցումն էր ՌՄԴԿ Հետ:

1904թ. ապրիլին ՌՄԴԿ Կ.կոմիտեի Հրատարակությանը առանձին գրքուկով Հայերեն լույս էր տեսել ՌՄԴԿ ծրագիրը՝ ընդունված երկրորդ Համագումարում: «Վերածնություն» N31-ում Նազարբեկյանը մանրամասն մեկնաբանել էր այդ ծրագիրը: Թերթի N48-ում, նորից անդրադառնալով ՌՄԴԿ ծրագրին, նա գրում էր. «Իբրև Հայ սոցիալ-դեմոկրատ, պատկանող միևնույն երկրին, մենք Հայտնեցինք մեր կատարյալ Հավանությունը այդ ծրագրի նկատմամբ և առաջադրեցինք, իբրև անհրաժեշտ պայման, ռուսահայ սոցիալ-դեմոկրատիայի միացումն այդ կուսակցության Հետ, իբրև որոշ ճյուղ նրա ընդհանուր կազմակերպության»¹:

Թերթի էջերում կարելի է Հանդիպել բազմաթիվ Հաստատումների այն մասին, որ Հնչակյան սոցիալիզմն այնքան էլ Հեռու չէ ռուս իրավ մարքսիստների սոցիալիզմից, որ, Հանձինս ՌՄԴԿ-ի, Հին Հնչակն ունի իր գաղափարական դաշնակիցը, և որ, եթե Հարկ լինի, Հնչակյանները պատրաստ են իրենց Հնարավորությունները տրամադրել Ռուսաստանի սոցիալ-դեմոկրատիային:

«Վերածնությունը» Հաստատ Համոզումնք էր Հայտնում, որ ՌՄԴԿ-ն ի վիճակի կլինի գլխավորելու երկրի ամենաառաջավոր դասակարգի՝ պրոլետարիատի և, առաջին հերթին, ռուս պրոլետարիատի ազատագրական կռիվը սոցիալիստական իդեալների հաղթանակի, արդարացի անդասակարգ Հասարակարգի կառուցման Համար:

Հարկ է նկատել, որ Նազարբեկը «Վերածնություն» թերթում նշված Հարցերը բարձրացնում էր խիստ գուշակությամբ, և դա Հասկանալի է, քանի որ Համոզված չէր, որ կուսակցության շարքերը կընդունեին իր նոր գաղափարները: Նա խուսափում էր կուսակիցներին պարզ ու Հստակ ասել, թե ինքը Հույս չունի Հայկական դատի Հաջողության վրա Թուրքիայում: Անշուշտ, նրան և նրա պես մտածող ղեկավար գործիչներին դավաճաններ կանվանեին, գուցե և քարկոծեին: «Ես չեմ ուզում շեշտակի դնել խնդիրը, – ասում էր Նազարբեկը, – որովհետև մերոնք կարող են չՀասկանալ ինձ ու ենթադրել, թե ես երես եմ դարձնում թուրքահայերի ազատագրության գործից»²: Ուրեմն, նախ անհրաժեշտ էր Հող նախապատրաստել:

Հատկապես բոլշևիկյան գունավորում էր ստացել Հնչակի Բաբվի կազմակերպությունը: Այստեղ բոլշևիկ-Հնչակ Հարաբերություններն այնքան էին սերտացել, որ միասնաբար մշակում և Համատեղ իրականացնում էին կարևոր գործողություններ: Բաղաքի բոլշևիկյան և Հնչակյան կազմակերպությունների մերձեցման գործում նշանակալի դեր էր կատարում ՌՄԴԿ Բաբվի կոմիտեի

¹ «Վերածնություն», N 48, 18(31) մայիսի 1904թ.:

² «Հայրենիք», N 5 (77), մարտ, 1929, էջ 109:

ղեկավար անդամներից մեկը՝ Ալյոշա Զափարիձեն: Նրա ջանքերի շնորհիվ էր նաև, որ Բաբվի բանվորների 1904թ. դեկտեմբերյան Հայտնի գործադուլի կազմակերպման ու անցկացման ընթացքում քաղաքի Հնչակյան կոմիտեն ամենասերտ գործակցության մեջ էր բոլշևիկների Հետ: Նրանք Համատեղ անցկացնում էին ժողովներ, միտինգներ ու երթեր, միասին կազմում էին և ձեռնարկատերերին ներկայացնում տնտեսական պահանջներ: Դեկտեմբերյան Հայտնի գործադուլը վերջացավ բանվորների հաղթանակով, և դրա մեջ մեծ էր քաղաքի Հնչակյան կազմակերպության դերը:

Բաբվի դեկտեմբերյան գործադուլի առթիվ «Հնչակ» թերթի առաջնորդում ասված էր.

«Այո՛, Բաբվի Հնչակյան կազմակերպություններն են, որ գործով ապացուցում են իրենց սոցիալ-դեմոկրատիզմը, որ միացած Ռուսաստանի ս.դ.բ. կուսակցության կազմակերպություններին, Համերաշխաբար ու միասին մղում են մեծ գործադուլը և Հնչեցնում իրենց սոցիալ-դեմոկրատական խոսքը: Այո՛, գործով է, որ Հնչակյան անունը գալիս և միանգամ ընդմիջտ կապվում է սոցիալ-դեմոկրատիային»:

Բաբվի բոլշևիկյան և Հնչակյան կազմակերպությունների կապերն ավելի սերտացան ռուսական Հեղափոխության առաջին օրերից սկսած: 1905թ. մարտին Բաբվի Հնչակյան «կենտրոնական» վարչությունը իր N1 շրջաբերականում գրում էր, որ անհրաժեշտ է էլ ավելի «Համերաշխ գործակցություն մեր եղբայր Ռուսաստանի ս.դ. բանվորական կուսակցության Հետ»²: Այդ Հարաբերություններն այնքան ջերմացան, որ Հնչակյան ղեկավարները բոլշևիկների Հետ բանակցություններ սկսեցին ՌՄԴԿ մեջ մտնելու Համար: Նրանք Համոզված էին, որ իրենց կուսակցությունը պատրաստ է դիմելու այդ վճռական քայլին և կազմելու նրա մի մասը, իհարկե, այն վերապահումով, որ կազմակերպությունը դիտվի իբրև ՌՄԴԿ-ի Հայկական ճյուղ, մի բան, որ Հակասում էր ռուսական ս.դեմոկրատիայի կազմակերպական – կանոնադրական սկզբունքներին:

Ինչպես Հետագա շարադրանքից կտեսնենք, մեծ ցանկություն ուներ ՌՄԴԿ-ի մեջ մտնել նաև այդ ժամանակ Հրապարակ իջած ս.դ. բանվորական Հայ կազմակերպությունը («սպեցիֆիկներ»), որը, սակայն, ամեն անգամ Հանդիպում էր ՌՄԴԿ Կենտկոմի կտրուկ մերժմանը: Ինչ վերաբերում էր Նազարբեկյանական կամ Հին Հնչակին, ապա ՌՄԴԿ մեջ մտնելու նրա ցանկությունը ՌՄԴԿ Կենտկոմը, անձամբ Լենինը, արձագանքում էր ըմբռնումով և դրական վերաբերմունքով:

ՌՄԴԿ Հետ միավորվելու նպատակով Հնչակի Նազարբեկյանական թևը 1904թ. պաշտոնական նամակով դիմեց նրա կենտկոմին: Այդ ցանկությունը

¹ «Հնչակ», N 1, Հունվար, 1905թ.:

² ՀՀ ՀԲԿՓԿՊԱ, ֆ. 4045, ց.1, գ.69, թ.2:

նամակում պատճառաբանված էր նրանով, որ բոլոր գլխավոր հիմնահարցերում Հնչակը համակարծիք է ՌՄԻԲԿ ծրագրային պահանջներին: Մայիսի 31-ին (հունիսի 13-ին) ՌՄԻԲԿ խորհրդի նիստում քննության առնվեց Հնչակյանների դիմումը: Նիստը, որին ներկա էր Վ. Լենինը, միաձայն ընդունեց հետևյալ բանաձևը.

«Սորհուրդը հանձնարարում է կենտկոմին՝ Համաձայնության գալ կուսակցության կովկասյան միութային հետ՝ իր կազմում ընդունելու «Հնչակյանների» այն կազմակերպություններին, որոնք ցանկանում են մտնել կուսակցության մեջ: Դրա հետ միասին խորհուրդը հանձնարարում է կենտկոմին՝ առաջարկել կովկասյան միութայինը իր ձեռքը վերցնել Բուլղարիայում հրատարակվող նրա օրգանը՝ երբ Հնչակյան կուսակցությունը դա կառավարիկ¹:

Սակայն խորհրդի հանձնարարականի կատարումը ՌՄԻԲԿ Կենտկոմը ձգձգում էր, մինչդեռ Հնչակյան ղեկավարությունը անհամբեր սպասում էր դրական պատասխանի:

Որքան Նազարբեկյան ամուսինները և նրանց Համախոհները մոտենում էին ուսու սոցիալ-դեմոկրատներին, այնքան ուժեղանում էին նրանց դեմ հարձակումները հայ լիբերալների և դաշնակցականների կողմից: Այդ տեսակետից մեծ ակտիվություն էր հանդես բերում «Մշակ» թերթի խմբագիրներից Համբարձում Առաքելյանը: Լինելով ծայրահեղ հակադաշնակցական՝ նա լիովին համերաշխ էր դաշնակցական այն հողվածագիրների հետ, որոնք դատափետում էին Նազարբեկյաններին և դեպի սոցիալ-դեմոկրատիա գնացող նրանց գաղափարակիցներին:

Համբարձում Առաքելյանը լույս էր ընծայել մի գրքույկ, ուր իրեն հատուկ սուր լեզվով քննադատել էր Ավետիս Նազարբեկին, ծանրանալով նրա անձնական կյանքի վրա, մասնավորապես մեղադրելով ընտանեկան ոչ բարոյական վարք դրսևորելու մեջ: Գրքույկը հոգեկան խոր հուզում էր պատճառել Նազարբեկին և առաջ բերել զայրույթի ալիք նրա ընկերների ու կուսակցական գաղափարակիցների շրջանում: Վերջիններս, իբրև պատասխան, Հ. Առաքելյանի դեմ ուղղված գրքույկ հրատարակեցին՝ «Անճարակ թղուկը» վերնագրով, որը մեծ աղմուկ հանեց ուսուհայ շրջանակներում:

Ա. Նազարբեկի այդ շրջանի անձնական կյանքին հաճախ էին անդրադառնում դաշնակցական մամուլի օրգանները, օգտագործելով այն հանգամանքը, որ նա բաժանվել էր Մարոյից և երկրորդ անգամ ամուսնացել միլիտնատեր Ալեքսանդր Մելիք-Ազարյանի դուստր Արֆենիի հետ¹:

Սակայն «Մշակի» ու դաշնակցության կողմից Ա. Նազարբեկյանի դեմ ուղղված և զնալով ուժեղացող քննադատությունները ի վիճակի չեղան կանգնեց-

նելու դեպի ուսու սոցիալ-դեմոկրատիա գնալու ուսուհայ Հնչակյանների ձգտումը: Դա իր հստակ արտահայտություն էր գտնում հատկապես Ավետիս Նազարբեկյանի այն հողվածներում, որոնք 1903-1904թթ. տպագրվում էին ուսուական և եվրոպական մամուլում:

ՆՈՐ ԲԱՐՆՈՒԹՅՈՒՆՆԵՐ ՀԻՆ ՀՆՁԱԿՈՒՄ

ՌՄԻԲԿ մեջ ընդունվելուց հետո, Հնչակյանները հակված էին հարելու այդ կուսակցության մեջ ձևավորված բոլշևիկյան և մենշևիկյան երկու թևերից վերջինիս:

Կովկասում բոլշևիկներն ու մենշևիկները գտնվում էին նույն կազմակերպության մեջ՝ ղեկավար կենտրոն ունենալով ՌՄԻԲԿ կովկասյան միութենական կոմիտեն: Մենշևիկները քիչ թե շատ ամուր դիրքեր ունեին միայն Վրաստանում, գլխավորապես Թիֆլիսում: Բոլշևիկները Անդրկովկասում թվապես գերազանցում էին մենշևիկներին, ունեին անհամեմատ ավելի ամուր դիրքեր երկրամասի արդյունաբերական վայրերում և հատկապես՝ Բաքուում: Կովկասյան միութենական կոմիտեում նույնպես թելադրող բոլշևիկներն էին, և այդտեղ ընդունված որոշումների մեծ մասն իրենց օգտին էր: Դա արտահայտվում էր նաև կուսակցական-կազմակերպական, կանոնադրական հարցերում: Բոլշևիկները որևէ շեղում չէին հանդուրժում կուսակցական կազմակերպությունների ստեղծման ինտերնացիոնալիստական սկզբունքից, լսել անգամ չէին ուզում ՌՄԻԲԿ մեջ ազգային սոցիալ-դեմոկրատական կազմակերպությունների ընդգրկման մասին: Կովկասյան մենշևիկները, բոլշևիկների օրինակով, ազգային սոցիալիստական կազմակերպությունների նկատմամբ նույնպիսի դիրքորոշում ունեին:

Այդ նույն ժամանակ Ռուսաստանում, հատկապես կայսրության կենտրոնական նահանգներում, բոլշևիկյան և մենշևիկյան կազմակերպությունները գործում էին զատ-զատ: Բոլշևիկներն անգիջում պաշտպանում էին կուսակցության կազմակերպական սկզբունքները, մենշևիկների մի մասը չէր բացառում ավտոնոմ վիճակ պահպանելու պայմանով, օրինակ՝ Լեհաստանի, Ֆինլանդիայի, նաև՝ Կովկասի ազգային սոցիալ-դեմոկրատական կուսակցությունների ներգրավման հնարավորությունը:

Մենշևիկների այդ տեսակետը ընդունելի էր Հնչակի համար, որը նույնպես ձգտում էր ՌՄԻԲԿ մեջ մտնելուց հետո այնտեղ պահպանել իր ինքնուրույն վիճակը¹:

1904թ. մայիսի 31-ին ՌՄԻԲԿ խորհրդում Հնչակյանների վերը հիշատակված դիմումի քննարկումը տեղի էր ունենում բոլշևիկյան և մենշևիկյան

¹ «Ленинский сборник», т. XV, Москва, 1924-1931гг. стр. 62.

² Նազարբեկի երկրորդ կնոջ մայրը, որը շատ վաղ էր մահացել, գրող Մերենցի աղջիկն էր, որը եղել էր բարձրաճաշակ գրականագետ և գրականության մեջ հայտնի է Մենիկ ծածկանունով:

¹ «Թիսնամեակ (1887-1937) սոց.-դեմ. Հնչակեան կուսակցութեան», էջ 203:

տարանջատված թևերի միջև հակադրությունների սրման և կուսակցության պատակտման խորացման պայմաններում: Այս իրադրությունում ՌՄԻԲԿ մեջ հնչակի ընդունման նպատակով գործնական քայլերի ու միջոցների ձեռնարկման համար ո՛չ ժամանակ կար և ո՛չ էլ ցանկություն:

Իսկ հնչակյանները՝ թե՛ դեկավարները և թե՛ շարքայիները, անորոշության մեջ սպասում էին պատասխանի: Ա. Նազարբեկյանը ստիպված էր դիմել մենչևիկների պարագլուխներից Մարտովին և պարզել, թե, ի վերջո, երբ է հնչակը ստանալու ՌՄԻԲԿ հետ միավորման մասին իր դիմումի պատասխանը: Մարտովը Նազարբեկին խորհուրդ է տալիս չչտապել, «առայժմ չմիանալ ոչ մի կուսակցության, այլ, ընդունելով ուսուցիչ սոցիալ-դեմոկրատական բանվորական կուսակցության ծրագիրն ամբողջությամբ, մնալ ինքնություն, սպասելով, մինչև որ բոլշևիկների ու մենչևիկների միջև ծագած տարաձայնությունները հարթվեն»¹:

ՌՄԻԲԿ կենտրոնից պատասխան չստանալը, ինչ խոսք, պայմանավորված էր միայն այդ կուսակցության երկու թևերի միջև եղած տարաձայնություններով: Իրականում պատճառն այլ էր. բոլշևիկյան դեկավարներից շատերը համոզված էին, թե հնչակյանները լիովին թոթափվել են ազգայնականությունից և, որպես դրա ցայտուն ապացույց, մասնացույց էին անում նրանց ախտով մասնակցությունը թուրք-հայկական ընդհարումներին Կովկասում:

Գաղտնիք էր, որ Թիֆլիսի 1905թ. նոյեմբերյան ընդհարումների ժամանակ հնչակյանների մարտական ջոկատները, դաշնակցական ուժերի հետ, անձնվեր կռվում էին թուրք ելուզակների դեմ²: Հնչակյան «Ապագա» թերթը, որի գաղափարական ուղղվածությունը բարձր էր գնահատել Ստ. Շահումյանը, ապա նաև՝ Վ. Լենինը, այնուամենայնիվ, չէր խուսափել թուրք-հայկական ընդհարումների նկատմամբ իր վերաբերմունքը արտահայտելուց, որը չէր համընկնում ընդհարումներին տրված բոլշևիկյան գնահատականին: 1905թ. N 5-ում «Ապագան» գրել էր. «Մարդասպան այդ մուսուլմանները ...: Ողորմելի ու վայրենի տգետներ: ... Մուսուլման խուժանի ոճիրները զզվանքով ու զայրույթով են լցնում մեր սրտերը՝ իբրև հայի: ... Մեր պարտականությունն է հրավիրել բոլոր հայերին ինքնապաշտպան քաջություն ...»³:

Հարկ է նշել, որ ՌՄԻԲԿ կենտրոնի հետ հնչակյան դեկավարության բոլոր բանակցությունները կատարվում էին բացառապես հնչակյան կուսակցության մի քանի ակառավոր գործիչների կողմից, իսկ կազմակերպության շարքայիները համարյա չէին մասնակցում դրան: Պատճառը պարզ էր. կուսակցությունը չէր կարողանում դուրս գալ այն խոր ճգնաժամից, որի մեջ գտնվում էր մի քանի տարի շարունակ: «Հնչակյան կուսակցության պառակտումից հետո, -

գրել է Ռուբեն Խանազատը, - Թուրքիայում ոչ մի ակտիվ գործունեություն չէր ունեցել կուսակցությունը: Ամբողջ 8-9 տարի անգործության էր նա մատնված, և ոչ ոք չգիտեր, թե ի՞նչ կարելի է անել այնտեղ և ինչի՞ց պետք է սկսել»⁴:

Այդ վիճակի գլխավոր պատճառներից մեկն այն էր, որ հին հնչակի դեկավարներից շատերը թե՛ Թուրքիայում և թե՛ Ռուսաստանում ձերբակալված էին, գտնվում էին բանտերում կամ աքսորավայրերում, իսկ նրանց մի մասն էլ ուղղակի քաշվել էր կենդանի գործից:

Այսպես, Գաբրիել Կաֆյանն աքսորվել էր հեռավոր Վորոգդայի նահանգ, ուր մնացել էր 5-6 տարի և, ազատվելով 1902թ. սկզբներին, աշխատանքի էր ընդունվել Բաքվի՝ ապրանքների տեղափոխող “Надежда” ընկերությունում: Մի քանի տարի բանտային կալանքի մեջ էր մնացել Ռուբեն Խանազատը, որն ազատվելուց հետո հաստատվել էր Թավրիզում և զբաղվում էր ուսուցչությամբ: Մուրատ Պոյաճյանը (Մեծն Մուրատ) թուրքական բանտերում երկար տարիներ տառապելուց հետո ազատվել և աքսորվել էր աֆրիկյան Տրիպոլիս: Անձնվեր գործիչ Արամ Աչրկպաչյանը, գտնվելով Շապին-Գարահասարում, ձերբակալվելու վտանգի տակ ամբողջ 11 տարի ցերեկները թաքնվել էր և միայն գիշերները ձայտյալ տնից տուն էր տեղափոխվել, մինչև որ կարողացել էր անցնել արտասահման:

Թվարկումը Հարկ չկա շարունակելու, քանի որ բանտարկված և աքսորված հնչակյանների անուններն ամբողջ ցուցակներ են կազմում:

Ինչ վերաբերում է հնչակյան կուսակցության հիմնադիր Ա. Նազարբեկյանին, ապա նա փաստորեն հեռացել էր կենդանի կազմակերպական գործից և իրեն նվիրել էր զուտ տեսական աշխատանքի՝ «Վերածություն», ապա և «Ապագա» թերթերում:

Սակայն 1903-1904 թվականներին վիճակը արագորեն սկսեց բարելավվել: Ռուսաստանում, մասնավորապես Կովկասում, ուժեղանում էին հնչակյան կազմակերպությունները: Հնչակի հմայքը Կովկասում մեծապես աճեց իշխան Գոլիցինի վրա կատարած տեղորոշից հետո: Այդ ակտը մեծ ոգևորություն էր առաջացրել կուսակցության շարքերում: Բաքվում հնչակյանների թիվն այնքան էր մեծացել, որ քաղաքի միասնական կազմակերպությունը ստիպված բաժանվել էր երեքի՝ Բաքու-Սև քաղաք, Բայախանի և Բիբի-Էյբաթ: Կտրուկ աճել էր հնչակյանների թիվը Ալեքսանդրապոլում և Երևանում: Շատ էին ուժեղացել կուսակցության Բաթումի ու Սև ծովի ափերի հին մասնաճյուղերը, ստեղծվել էին նորերը: Կովկասում միայն Թիֆլիսում էր, որ կուսակցության քաղաքային կազմակերպությունը դանդաղ էր զարգանում:

Ի տարբերություն Կովկաս-Ռուսաստանի՝ Տաճկաստանում հնչակյան կազմակերպությունները խիստ թուլացել էին: Դրա հիմնական պատճառն այն

¹ Տե՛ս «Նորք», գիրք երկրորդ, 1922, էջ 208:

² ՀՀ ՀԲԿՓԿԳԱ, ֆ. 4045, ց. 1, գ. 100, թ. 1:

³ «Ապագա», N 5, մարտ, 1905թ.:

⁴ «Հայրենիք», N 4 (76), փետրվար, 1929, էջ 102:

պայքարն էր, որ իրար դեմ մղում էին վերակազմյալ և ընկերավարական հնչակյանները, ապա նաև այն հանգամանքը, որ կուսակցության կենտրոնական վարչությունն անհրաժեշտ ուշադրություն չէր դարձնում Տաճկաստանում գտնվող հնչակյան կազմակերպությունների վրա:

Կ. Պոլսում կային հնչակյաններ, բայց չունեին կազմակերպություն: Աև ծովի թուրքական ափերին լավ կազմակերպված էին միայն Օրդուի հնչակյանները, իսկ մյուս նավահանգիստներում չափազանց թույլ էին: Փոքր Հայքում կային լավ կազմակերպված մասնաճյուղեր, որոնք, սակայն, չգիտեին՝ գնալ վերակազմյալների՞, թե՞ սոցիալիստ հնչակյանների հետ: Թուրքիայի շատ նահանգներում հնչակյան մասնաճյուղեր բոլորովին չկային:

Հնչակի արտասահմանյան մասնաճյուղերից ամենաուժեղը ամերիկյանն էր: Այստեղ Սապահ-Գյուլյանի խմբագրությունը լույս տեսնող «Երիտասարդ Հայաստան» թերթը դժվարին պայքարի մեջ էր վերակազմյալ հնչակյանների հետ, որը պահանջում էր շատ եռանդ ու զոհողություն:

Արտասահմանի մասնաճյուղերի շարքում աչքի էր ընկնում նաև Պարսկաստանի կազմակերպությունը, որի շարքերի աճի և մարտունակության բարձրացման գործում բացառիկ դեր էր կատարում Ռուբեն Խանազատը: Նրա ջանքերով 1903-1904թթ. ոչ միայն ամրապնդվեցին Թավրիզի, Մարաղայի, Ուրմիայի և այլ վայրերի մասնաճյուղերը, այլև նոր մասնաճյուղեր ստեղծվեցին Ռեշտում, Թեհրանում, Էնզելիում:

ՌՄԻԲԿ մեջ մտնելու հարցի ձգձգումը և երկար տևած սպասողական վիճակը հին հնչակում պատճառ դարձան նոր տարածայնությունների: Պատկերը պարզ կլինի, եթե նկատի ունենանք, որ կազմակերպության թե՛ ղեկավարության մեջ և թե՛ շարքերում քիչ չէր կուսակցության այն անդամների թիվը, որոնք հենց առաջուց դեմ էին արտահայտվել երկու կուսակցությունների միավորմանը:

Խնդրի շուրջ գնալով խորացող հակասությունները սպառնում էին իր գործերը քիչ թե՛ շատ կարգավորելու հակում գրսևորող կուսակցության մեջ առաջ բերել նոր բարդություններ:

Ստեղծված վիճակը թելադրում էր դիմել կանխարգելիչ քայլերի՝ կուսակցության մեջ տեղի ունեցող անբարենպաստ զարգացումները կանգնեցնելու համար:

Այդ նպատակով ամենից առաջ անհրաժեշտ էր ի մի հավաքել կուսակցության ղեկավար կադրերի գոնե մի մասը և վերականգնել կենտրոնի գործունեությունը:

Ռ. Խանազատը, որը բանտից ազատվելուց հետո անցել էր Թավրիզ և երկու տարի այնտեղ ուսուցչություն էր անում, կուսակցական ընկերների խորհրդով 1904թ. կեսերին ժնկի և Փարիզի վրայով մեկնում է Լոնդոն՝ կազմակերպության կենտրոնի գործունեությունը աշխուժացնելու համար: Ծանապարհին նա կանգ է առնում Իստերլակնում (Շվեյցարիա) և հանդիպում

Նազարբեկյանին:

«Հեղափոխականի հուշերից» իր հոդվածում Խանազատը վերհիշել է.

«Իստերլակնում մնացինք ութ օր, և Նազարբեկի ու իմ միջև եղած խոսակցությունը շարունակ հնչակյան կուսակցության ունենալիք նոր գործունեության շուրջն էր դառնում: Մենք երկուսս էլ շատ ուրախ էինք, որ, միմյանցից ահագին հեռավորության վրա գտնվելով, ինքնաբերաբար միևնույն եզրակացության ու որոշման էինք եկել, այն է՝ որ պետք է մի առժամանակ մի կողմ թողնել Թուրքահայաստանի խնդիրը և ամբողջ թափով աշխատել Ռուսաստանի հեղափոխության գործերով»¹:

Ա. Նազարբեկը Խանազատին խորհուրդ է տալիս՝ Լոնդոն հասնելով՝ ընկերների շրջանում անհրաժեշտ աշխատանք տանել՝ կուսակցության ապագայի մասին իրենց երկուսի համանման տեսակետների շուրջ նրանց համախմբելու համար: Նա միաժամանակ նպատակահարմար է գտնում կուսակցության կենտրոնը տեղափոխել Փարիզ, նաև այնտեղ բերել «Հնչակի» տպարանը: Բանի որ «Վերածնություն» թերթը դադարել էր լույս տեսնելուց, Նազարբեկը խոստանում է այսուհետև գրել «Հնչակում»:

Երբ Ռ. Խանազատը օգոստոսին հասնում է Լոնդոն, կուսակցության այնտեղի կենտրոնում միայն երեք հոգի էին՝ Միմոն Տաշիրյանը (կովկասցի), Սեդրակ Բանվորյանը (թավրիզցի) և Վարազդատը (թուրքահայ): Կուսակցության գործերով եզրափակում էին գնացել կենտրոնի անդամներ Գրիգոր Վարդանյանը և Եփրեմ Կաճարյանը: Վերջինս Լոնդոն վերադարձավ Ռ. Խանազատի գալուց մեկ-երկու շաբաթ հետո, իսկ Գրիգոր Վարդանյանը եզրափակում էր մեկնեց Կովկաս և այլևս չվերադարձավ Լոնդոն: Կենտրոնի մյուս անդամը՝ Արամ Աչրկպաչյանը նույնպես Լոնդոնում չէր:

Լոնդոնում գտնված երկու ամիսների ընթացքում Խանազատը, Նազարբեկյանի հետ ունեցած պայմանավորվածության համաձայն, կենտրոնի անդամներին զգուշորեն բացատրում է փոփոխված նոր իրադրության պայմաններում կուսակցության գործունեության արմատական վերակառուցման անհրաժեշտությունը: Խանազատը նույնիսկ նրանց առջև բացում է Նազարբեկի և իր համոզմունքի բովանդակությունը՝ ամբողջ կուսակցությունը ուղղել դեպի նոր գործունեություն:

Կենտրոնի անդամները անսպասելիորեն հեշտությամբ ընկալեցին այն միտքը, որ հնչակյան կուսակցությունը պետք է ակտիվ մասնակցություն ունենա ռուս-կովկասյան հեղափոխական շարժումներին, բայց նրանք չէին կարողանում ըմբռնել, թե ինչու կուսակցությունը մի տեղ պիտի ունենա ազգային, իսկ մյուս տեղում սոցիալ-դեմոկրատական գործունեություն: Նրանց այդ տարակուսանքը չվերացավ նույնիսկ այն բանից հետո, երբ եկավ և կենտրոնին միացավ Արամ Աչրկպաչյանը: Թեև, ինչպես ասվեց, 11 տարի Շապին-

¹ «Հայրենիք», N 5 (77), մարտ, 1929, էջ 109:

Գարահիսարում նա իրեն կամավոր բանտարկության էր ենթարկել, թաքստոցից դուրս գալով միայն գիշերները, բայց, այնուամենայնիվ, տեղյակ էր Թուրքիայի ներքաղաքական վիճակին: Այնտեղ արդյունավետ հեղափոխական գործունեություն ծավալելու հնարավորության մասին կենտրոնի անդամների կազմից ուղղված բոլոր հարցումներին նա որևէ հուսադրող պատասխան չէր տալիս: Ռ. Խանազատը գրել է. «Ընդհակառակը, Թուրքիայում տիրող իրերի դրությունը, հայերի դեմ տասնապատկված հալածանքները, գյուղից գյուղ անգամ տեղափոխվելու արգելքները, կոտորածների վախն ու սարսափը նա այնպես էր մեզ ներկայացնում, որ մենք ևս առավել համոզվում էինք, որ հայ ժողովրդին այնտեղ պետք էր անպայման միառժամանակ հանգիստ թողնել, սպասելով քաղաքական ավելի նպաստավոր պայմանների: Երբ Աչքկաչաշյանին ասում էի, թե Թուրքիայում գործելու հնարավորություն չունենալով մեր կուսակցությունը պետք է, որպես սոցիալիստական կուսակցություն, իր գործունեության ասպարեզը տեղափոխի Կովկաս-Ռուսաստան, նա պատասխանում էր. «Այդ գեշ չըլլար, բայց պետք չէ թուրքահայերն ալ բոլորովին երեսն ձգել»¹:

1904թ. հոկտեմբերին Հնչակյան կուսակցության կենտրոնը Լոնդոնից տեղափոխվում է Փարիզ և գրասենյակը հաստատում քաղաքի Լատինական թաղամասում: Լոնդոնից Փարիզ են տեղափոխվում ու հաստատվում նույն թաղում նաև «Հնչակ» թերթի խմբագրությունը և տպարանը:

Վերջապես, պայմանավորվածության համաձայն, Փարիզ է գալիս Ա. Նազարբեկը իր երկրորդ կնոջ՝ Արֆենի հետ: Առաջվա պես Նազարբեկը չէր խառնվում կուսակցության գործերին, իրեն հեռու էր պահում կենտրոնից, միայն բավարարվում էր նրանով, որ «Հնչակի» համար գրում էր առաջնորդող հոդվածներ: Իր հուշերում Խանազատը նշել է. «Հուսախաբվելով թուրքաց Հայաստանի գործունեությունից, նա փոխվել էր. ոչ առաջվա պես սիրում էր գործը, ոչ էլ առաջվա եռանդն ու աշխատասիրությունն ուներ: Նա խուսափում էր նույնիսկ հաճախ կենտրոնավայր գալուց»²:

Ռ. Խանազատը դա բացատրում էր երկու հանգամանքով. Նազարբեկի և մանավանդ նրա կնոջ վրա ծանր հետևանք էր ունեցել Կլաբանում տեղորիստի կատարած հարձակումը՝ և մահվանն այնքան մոտ լինելը. երկրորդ, Նազարբեկի վրա ուժգին ազդեցություն ուներ կինը:

Կրկին դառնանք Խանազատի հուշերին: «Ավետիսն այն անձնավորու-

¹ «Հայրենիք», N 6 (78), ապրիլ, 1929, էջ 107:

² Նույն տեղում, էջ 107-108:

1903թ. սեպտեմբերի վերջերին վերակազմյալների ղեկավարությունը Շվեյցարիա էր ուղարկել ահաբեկիչների սպանելու Ավ. Նազարբեկյանին, թեև սա վաղուց քաշված էր կուսակցական գործերից և իր տիկնոջ հետ ապրում էր Կլաբանում: Հոկտեմբերյան մի երեկո, երբ ամուսինները դուրս էին եկել զբոսանքի, Նազարբեկի վրա հարձակվում է ահաբեկիչներից մեկը և դաշույնի հարվածներ հասցնում նրան, որոնք, բարեբախտաբար, մահացու չեն լինում:

թյուններից էր, - գրել է նա, - որոնք իրենց սիրած կնոջ կերպարանքն են ստանում: Նրա առաջին կինը՝ Մարոն, իր շատ ու շատ պակասություններով հանդերձ, իսկական հին ուս հեղափոխական կնոջ խառնվածքն ուներ. մինչև ուղեղի ծուծը նա դեմոկրատ էր, հոգով-սրտով նվիրված հեղափոխական գործին: Մարոյի հետ կապվելով՝ Ավետիսն ինքն էլ համակվել էր նույն դեմոկրատիկ-հեղափոխականի տեսլականներով ու հակումներով. ինչ որ բուրժուական ու արիստոկրատիկ էր, ասելի էր Ավետիսին:

Այժմ, միլիոնատեր Ալեքսանդր Մելիք-Ազարյանի աղջկա հետ միանալով՝ Ավետիսն ինքն էլ մի իսկական բուրժուայի տեսք էր ստացել՝ յուրացնելով բուրժուական շատ հակումներ: Արֆենին (կինը), ճիշտ է, չէր արգելում, չէր խանգարում Ավետիսին հեղափոխական գործերով զբաղվելու, բայց և Մարոյի նման նա չէր ստիպում նրան անպատճառ այս ու այն գիրքը կարդալու, այս և այն հոդվածն ու նամակը գրելու և ամբողջովին հեղափոխական գործին նվիրվելու:

Թեև Արֆենին, որպես մարդ և որպես կին, Մարոյից շատ մեծ առավելություններ ուներ (ավելի գեղեցիկ, ավելի բարի, վերին աստիճանի անկեղծ ու ազնիվ էր), բայց տիպար հայ բուրժուայի աղջիկ էր: Իր կրթությունը նա ստացել էր տանը, Փրանսուհի և անգլուհի դաստիարակչուհիներից. հիանալի կերպով տիրապետում էր այդ երկու լեզուներին էլ, ինչպես և ռուսերենին: Գիտեր բավականին լավ և՛ Հայերեն, որ սովորել էր մանկության տարիքում իր մորից..., լավ ծանոթ էր Ֆրանսիական և բոլոր եվրոպական թե՛ հին և թե՛ նոր գրականություններին...»¹:

Այնուհետև հուշագիրը նշում էր, որ Արֆենին չէր սիրում հորը, խիստ քննադատաբար էր վերաբերվում նրա գոհհիկ վարք ու բարքին և իր այդ տրամադրությունը տարածում էր հայության, մանավանդ հայ մտավորականության վրա: «Երբ մի անգամ հարցրի նրան, թե հայ մտավորականներն ինչո՞վ են արժանացել իր ատելությանը, նա պատասխանեց. «Ես հայ մտավորականներից համարյա թե ոչ ոքի մոտիկից չեմ ճանաչել, բայց չէի կարողանում տանել, տեսնելով, թե ինչպես մեր ամենականավոր համարված մտավորականները շարունակ քծնում էին գոհհիկ հորս՝ նրանից փող կորզելու համար»: Չսիրելով ու արհամարհելով հայ մտավորականներին՝ Արֆենին չէր սիրում ընդհանրապես և հայերին: «Եթե մի ազգի մտավորականներն այդպես են, - ասում էր նա, - ի՞նչ պիտի լինի ամբողջ հայ ազգը»: Ահա այդպիսի մի կնոջ հետ էր կապել իր ճակատագիրը Ա.Նազարբեկը: Դեռ լավ է, որ նա իսպառ չէր խզել իր կապերը թե՛ հեղափոխությունից և թե՛ մարքսիզմից, ընդհակառակը՝ նա շատ ոգևորված էր Ռուսաստանի բանվորական շարժումներով, թեև բոլորովին չէր ձգտում այնտեղ գնալ ու այնտեղ աշխատել»²:

Եվ հենց ռուսական հեղափոխության գործին լիովին նվիրվելու, Ռուսաստ-

¹ «Հայրենիք», N 6 (78), ապրիլ, 1929, էջ 108:

² Նույն տեղում:

տանի սոցիալ-դեմոկրատական կուսակցությանը մերձենալու և նրան ձուլվելու գաղափարը մեծ հեղափոխականին ուժ էր տալիս, նրան օգնում հաղթահարելու հոգեկան ապրումները:

Դա էր վկայում այն, որ 1905թ. հունվարի 1-ից Բուլղարիայի Ռուչչուկ քաղաքում Ա. Նազարբեկյանի խմբագրությունում սկսեց լույս տեսնել «Ապագա» անունով նոր թերթը, որը փոխարինում էր «Վերածնությունը», սպագրվում էր երկու շաբաթը մեկ անգամ, «Վերածնություն» մի համարի կրկնակի ծավալով, ութ էջից: Այն անմիջապես իր վրա գրավեց բարեկամների ու հակառակորդների ուշադրությունը: Թերթի առաջին համարի՝ Նազարբեկյանի հեղինակած առաջնորդողի, մյուս հոդվածների ու նյութերի վերլուծությունը ցույց է տալիս, որ խմբագիրն ընդհուպ մոտեցել էր ՌՄԴԲԿ գաղափարական և կազմակերպական սկզբունքների սահմանագծին: Առաջին համարի առաջնորդողը ազդարարում էր թերթի դավանանքը և ձգտումը, «Հայ սոցիալ-դեմոկրատական ուժերի միացումը Ռուսաստանի բոլոր ժողովուրդների միացյալ սոցիալ-դեմոկրատիայի դրոշի տակ»¹: Թերթի հետագա 6 համարները նույնպես, որոնք լույս տեսան Փարիզում, նույն բանն էին ապացուցում: «Ապագան» քարոզում էր այն միտքը, որ Ռուսաստանի աշխատավոր դասակարգերը չեն կարող ազատագրվել ցարիզմի բռնություններից և բուրժուական դասակարգի հարստահարումից, եթե չկարողանան համախմբվել սոցիալ-դեմոկրատական կուսակցության բարձրագույն դրոշի շուրջ: Այդ դրոշը պետք է իր ձեռքը վերցնի նաև կոմկոսակազմի բանվորությունը, եթե ուզում է դառնալ իր արդար վաստակի տերը: Նազարբեկը հայ բանվորներին կոչ էր անում մըտնել ռուսաստանյան ու միջազգային բանվորության շարքերը և իրենց սոցիալ-տնտեսական խնդիրները լուծել միջազգայնականության ուղիներում՝ կապիտալի դեմ համատեղ, վճռական ու անզիջում կռիվի միջոցով:

Ռուսաստանի սոցիալ-դեմոկրատները՝ թե՛ բուլղարները և թե՛ մենչևիկները, շերտորեն ողջունեցին «Ապագայի» հրատարակ գալը:

1905թ. հունվարին Վ. Լենինին ուղարկած նամակին² Ս. Շահումյանը կցել էր նաև մի հոդված՝ «Հնչակյանների նոր օրգանը» վերտառությունը, և նրան խնդրել սպագրություն տալ: Հոդվածն արժանացել էր Լենինի հավանությունը և լույս էր տեսել ժնևում հրատարակվող բուլղարական «Вперед» շաբաթաթերթի N 7-ում:

Շահումյանը նշում էր, որ «վերջերս լույս տեսավ հայերեն լեզվով «Ապագա» թերթը», որի «նպատակը սոցիալ-դեմոկրատական պրոպագանդան է Կոմկոսի հայ բանվորների մեջ»³: Նա շեշտում էր, որ հնչակյանների թերթն իր համերաշխությունն է հայտնում ՌՄԴԲԿ-ին, խոստանում է հայ բանվորնե-

¹ «Ապագա», N 1, 1(14) հունվարի 1905թ.:

² Տե՛ս նույն տեղում:

³ Ստ. Շահումյան, ԵԼԺ, հատ. առաջին, էջ 58:

⁴ Նույն տեղում, էջ 59:

րի շրջանում պրոպագանդել մյուս ազգերի բանվորների հետ միավորվելու գաղափարը, որը բխում է հնչակի կոմկոսայան կազմակերպությունների վերջին համաժողովի որոշումներից:

Վերջում Շահումյանը գրում էր. «Մենք ողջունում ենք «Ապագայի» երևան գալը, որը բանվորական շարժման մի նոր հաղթանակն ու նոր նվաճումն է Կոմկոսում, և հաջողություն ենք ցանկանում նրան նշված խնդիրների ամենաարագ իրագործման մեջ»¹:

«Ապագայի» հրատարակման մասին Շահումյանը Լենինին գրում է նաև մայիսին (այդ նամակի առաջին էջը չի պահպանվել) ու մասնավորապես նշում. «Որքան կարելի է դատել առաջին համարից, նոր թերթը, իր ուղղության կայունությունը տեսակետից, նշանակալի քայլ է դեպի առաջ: «Վերածնություն» խմբագրությունը լավ չէր պատկերացնում թերթում շոշափող հարցերը և Նազարբեկի առաջնորդողների կողքին գետեղում էր նացիոնալիստական թղթակցություններ կուսակցությունից, ինչպես նաև այլ հեղինակների հոդվածներ: Այժմ թերթը խմբագրում է ինքը՝ Նազարբեկը, ընկերների հետ միասին»²:

Ա. Նազարբեկը և Ռ. Խանազատը 1905թ. սկզբներին Կոմկոսից Փարիզ եկած հնչակյան խոշոր գործիչ Գաբրիել Կաֆյանի, Հայտնի գործիչներ Տիգրան Հարությունյանի (Արծիվ) և Սարգիս Քալաչյանի (Ահրիման) հետ երկար խորհրդակցություններ ունենալուց հետո հանգում են այն մտքին, որ հասունացել է կուսակցության արտակարգ պատգամավորական ժողով հրավիրելու և կատարված հարցերի պատասխաններն այնտեղ ստանալու ժամանակը:

Կուսակցության կենտրոնի անդամներ Ա. Նազարբեկը և Ռ. Խանազատը, համոզելով մյուս անդամներին, կենտրոնի անունից և իրենց ստորագրությամբ տեղական կազմակերպություններին են ուղարկում մի շրջաբերական, որի մեջ արտահայտում են իրենց մտահոգությունները և, միաժամանակ, առաջադրում են արժատական մի շարք պահանջներ:

Շրջաբերականում ասված էր, որ ժամանակին Թուրքիայի տնտեսական և սոցիալական պայմանները հնչակյան կուսակցությանը թելադրել են այնտեղ վարել զուտ ազգային գործունեություն՝ պայքարի իր ուրույն տակտիկայով: Բայց «Հայության մի ստվար մասն ապրում է ռուսաց միապետության սահմաններում, որտեղ 2-3 տարուց ի վեր լուրջ հեղափոխական շարժումներ են սկսվել, որոնք զնալով ավելի ու ավելի զարգանում են: Այդ շարժումները դեկավարող մարմինը ռուս. սոցիալ-դեմոկրատական բանվորական կուսակցությունն է: Իսկ հնչակյան կուսակցությունը, իր հիմնական սկզբունքներով լի-նելով սոց.-դեմ. կուսակցություն, չի կարող այդպիսի մի ժամանակ լուկ Հանդիսատեսի դերի մեջ մնալ. նա պարտավոր է հենց իր հիմնական սկզբունքների

¹ Ստ. Շահումյան, ԵԼԺ, հատ. առաջին, էջ 61:

² Նույն տեղում, էջ 68:

մղումով ակտիվ գործունեության մեջ մտնել Կովկասում, Ռուսաստանում»¹:

Փաստաթղթում նշվում էր, որ Հնչակը, Թուրքիայից բացի, փաստորեն արդեն գործունեություն է ծավալել նաև Կովկասում և լայն առումով՝ Ռուսաստանում, ուստի պարտավոր է մշակել և Կովկասում ու Ռուսաստանում իրականացնել աշխատանքի միանգամայն նոր, Թուրքիայում ծավալած գործունեությունից բոլորովին տարբեր, ձևեր: Այս պայմաններում կուսակցության նույն կենտրոնը, նրա տպագիր պաշտոնաթերթը, բնականաբար, չէին կարող իրենց գործունեության մեջ զուգորդել միմյանցից տարբեր նպատակներ հետապնդող և տարբեր բնույթ ունեցող հեղափոխական այդ երկու շարժումները՝ առանց խոշոր հակասությունների մեջ ընկնելու և առանց մի երկրում ծավալած շարժումը մյուս երկրում ընթացող շարժմանը զոհեցնել:

Իսկ ինչպե՞ս լուծել այդ հակասությունը, ինչպե՞ս համատեղել ազգային ազատագրության համար Թուրքահայ ժողովրդի պայքարը դեմոկրատական կարգեր հաստատելու համար կովկասահայության սկսած պայքարի հետ:

Շրջաբերականը կուսակցության շարքերին ներկայացնում էր Հարցի լուծման հետևյալ առաջարկը, որն իր մեջ ներառում էր երկու տարբերակ.

«Առաջին՝ Հնչակյան կուսակցությունը բաժանվում է երկու որոշ ու ինքնուրույն կազմակերպությունների, մեկը՝ զուտ սոցիալ-դեմոկրատական՝ Կովկասում, Ռուսաստանում, իսկ մյուսը՝ ազգայնական՝ Թուրքիայում: Նրանք ունենալու են իրենց հատուկ կենտրոնները և օրգանները, գործելու են միմյանցից անկախ և ինքնուրույն եղանակով, պահպանելով իրար միջև միմիայն նյութական օժանդակությունաց կապ:

Երկրորդ՝ Հնչակյան ազգայնական կուսակցությունն ամբողջովին նվիրվում է Թուրքահայ դատին, գործունեության միակ ասպարեզ ունենալով Թուրքաց Հայաստանը: Այդ կուսակցությունը չի խառնվում Կովկասի, Ռուսաստանի շարժումներին: Իսկ Հնչակյան այն մասնաճյուղերը, որոնք, որպես սոցիալ-դեմոկրատներ, ձգտում են գործել Կովկաս-Ռուսաստանում, պետք է դադարեն Հնչակյան լինելուց և միանան տեղական սոցիալ-դեմոկրատ կազմակերպություններին»:

Այսպիսով, ինչպես տեսնում ենք, Ավետիս Նազարբեկը, Ռուբեն Խանազատը և նրանց միացած Գրիգոր Վարդանյանը փաստորեն Հանդես էին գալիս Կովկասում Հնչակյան կուսակցության մասնաճյուղերի վերացման և դրանք ՌՄԴԿ մեջ ձուլելու պահանջով, չնայած դեռ չէր ստացվել այդ նպատակով ՌՄԴԿ ղեկավարության վերջնական համաձայնությունը:

Նազարբեկի և Խանազատի չրջաբերականը միատեսակ չընդունվեց կուսակցության մեջ: Հնչակի ղեկավար կազմի մեծ մասը Հանդես եկավ իր իսկ՝ Նազարբեկի, և Խանազատի առաջարկի դեմ: Սապահ-Գյուլյանը, Մյունիքը,

¹ «Հայրենիք», N 7 (79), մայիս, 1929, էջ 147:

² «Պատմություն Ա. - Գ. Հնչակեան կուսակցութեան», Հատ. Ա, Պեյրութ, 1962, էջ 291:

Սաքոն, Լազոն, Տաշիրը և մասնավոր Աչըկպաշյանը Հանդես եկան բողոքներով և պահանջեցին կուսակցության գործունեությունը շարունակել նախկինի պես՝ նախկին նպատակներով և նախկին տակտիկայով: Իսկ դա նշանակում էր, որ կուսակցության գործունեության հիմնական դաշտն առաջվա պես պետք է լիներ Թուրքիան, նպատակը նույնը՝ օսմանյան բռնակալությունից Թուրքահայաստանի ազատագրությունը: Միաժամանակ Հնչակյան մասնաճյուղերը շարունակելու էին գործել Կովկասում և ՌՄԴԿ տեղի կազմակերպությունների հետ դասակարգային պայքար էին մղելու բուրժուազիայի և նրա պաշտպան ցարական ինքնակալության դեմ՝ Հանուն աշխատավորների սոցիալական ազատագրության, իհարկե՝ պարտադիր պահպանելով կազմակերպության ինքնուրույնությունը և չլքելով Թուրքահայոց դատը:

Շատ չանցած՝ պարզ դարձավ, որ նույն տեսակետներին են նաև Հնչակի համարյա բոլոր Թուրքահայ անդամները, ինչպես նաև կովկասյան մի քանի մասնաճյուղեր: 1896թ. տեղի ունեցած բաժանումից ի վեր ո՛չ հին Հնչակը և ո՛չ էլ վերակազմյալ Հնչակյան կուսակցությունը չէին կարողանում գլուխ բարձրացնել ներկուսակցական անկայունությունից ու պարբերաբար տեղի ունեցող ցնցումներից: Ահա թե ինչու Հնչակյանների շարքերը, լավ բան չսպասելով կուսակցության երկրորդ բաժանումից, Հանդես եկան վերոհիշյալ չրջաբերականի դեմ:

Ահա այսպիսի իրադրության մեջ, 1905թ. սեպտեմբերին Փարիզում տեղի ունեցավ Հնչակյան կուսակցության հինգերորդ պատգամավորական արտակարգ ժողովը, որը տևեց ավելի քան մեկ ամիս:

Կենտրոնի բոլոր անդամները՝ Արամ (Գրիգոր) Աչըկպաշյանը, Միմոն Տաշիրյանը, Եփրեմ Կաճարյանը, Ավետիս Նազարբեկը և Ռուբեն Խանազատը մի քանի տեղերից հեռագրերով կամ նամակներով պատգամավորական մանդատներ էին ստացել: Դրսից եկածներն էին՝ Սարգիս Քալաշյան-Ահրիմանը (Բաքվի ու Միմֆերոպոլի մասնաճյուղերի կողմից), Արշակ Դավթյանը (Թիֆլիսից), Գրիգոր Վարդանյանը (Բաթումից), Մելիք Մարգարյանը (Հյուսիսային Կովկասից), Հակոբ Ղազարյան-Լազոն (Կովկասից), Արամ Շուշանյանը (Երևանից), Միսակ Տեր-Միմոնյանը (Շիրակի չրջանից), Ռուբեն Կարապետյանը (Ամերիկայից), Արամը (Ամերիկայի մի այլ չրջանից)¹:

Այսպիսով, ժողովին ներկա էր 14 պատգամավոր, բայց քանի որ նրանց մեջ կային երկուական ձայնի իրավունք ունեցողներ, ուստի բոլոր ձայների ընդհանուր թիվը 18 էր:

Պաշտոնական նիստերը դեռ չսկսած՝ պատգամավորներն արդեն երկու մասի էին բաժանվել և սկսել բուռն, անգիջում վեճեր:

Վիճաբանությունների կենտրոնում կուսակցության երկվորյան Հարցն էր: Նազարբեկյանին հետևող պատգամավորները մատնացույց էին անում

¹ ՀՀ ՀՔԿՓԿԳԱ, ֆ. 4045, ց. 1, գ. 101, թ. 2:

կուսակցության մեջ գոյություն ունեցող անլուծելի հակասությունը, գտնելով, որ հակասական սկզբունքների վրա խարսխված ցանկացած կուսակցություն, ի վերջո, կանգնում է իր տեղին հարմար որոշակի սկզբունքների վրա կամ բուրյուրովին փրկվում է՝ որպես կյանքի իրական պահանջներին չհամապատասխանող մարմին:

Վճռականապես մերժելով Հնչակյան կուսակցության երկվության տեսակետը՝ Սապահ-Գյուլյանի կողմնակիցներն ասում էին, թե «Հավատափոխ քննադատները» ձգտում են կուսակցությունը ձուլել ՌՄԴԿ-ի մեջ, որպեսզի, այդպիսով, ձեռնարկվեն տաճկահայկական խնդրից: Անձամբ Սապահ-Գյուլյանը նշում էր. «Ասում են, թե կուսակցության մեջ երկվություն կա, քանի որ նա Կովկասում սոցիալիստ է, իսկ Տաճկահայաստանում՝ ազգայնական: Կա՞, իրոք, Հնչակյան կուսակցության մեջ երկվություն: Մեր պատասխանն է՝ ոչ: Ոչ մեր դավանած սկզբունքների և ոչ էլ մեր քառամյա գործունեության մեջ կա հակասություն: Մենք նացիոնալիստներ չենք եղած և չենք, Ռուսաստանի և Տաճկաստանի մեր գործունեության մեջ հակասություն չէ եղած և չկա: Երկու տեղում էլ մենք սոցիալիստներ ենք եղած և ենք»¹:

Դեռ ժողովը սկսելուց առաջ ծավալված վիճաբանությունները ցույց էին տալիս, որ պատգամավորների մեծ մասը կողմնակից է շրջաբերականի դրույթներին:

Ժողովն սկսվեց՝ օրակարգում ունենալով երկու հարց. 1. Քննության առնել նազարբեկի ու իմանազատի առաջարկները և ընդունել համապատասխան որոշում, 2. Հնարել կուսակցության ղեկավար մարմնի՝ կենտրոնական վարչության նոր կազմ:

Նախքան ժողովի պաշտոնական բացումը ծայր առած վեճերը նոր թափ առան օրակարգի առաջին հարցի քննարկման ժամանակ: «Մարդիկ, - գրել է Ռ. իմանազատը, - խոսում-ճառում էին անվերջ, հաճախ շեղվելով նյութից, որպեսզի կարողանան միմյանց խոսք հասկացնել: Դա շատ տարօրինակ էր, բայց այլ կերպ չէր լինում, որովհետև կային այնպիսի պատգամավորներ, որոնք մինչև իսկ ծանոթ չէին Հնչակյան կուսակցության ծրագրին»²:

Օրակարգային հարցի քննարկումը չափազանց ձգձգվում էր, իսկ վիճաբանությունների վերջը չէր երևում: Դրա հետևանքով առաջացել էր Չղային, նյարդայնացնող մթնոլորտ: Վեճերից հիասթափված երկու նազարբեկյանական պատգամավորներ (Սարգիս Քալաշյան և Արամ Շուշանյան) հեռացան համագումարից և վերադարձան Կովկաս: Նրանց հեռանալով նազարբեկյանական պատգամավորները մնացին փոքրամասնության մեջ, և դա ճակատագրական եղավ կուսակցության համար:

Հնչակյան կուսակցության որդեգրած ծրագրային դրույթների հետևողա-

կան պաշտպանությունը հանդես էին գալիս Սապահ-Գյուլյանը և նրա կողմնակիցները: Կտրականապես մերժելով նոր ժամանակներում Հնչակյան կուսակցության գործունեության մեջ արմատական փոփոխություններ կատարելու նազարբեկի և իմանազատի առաջարկները՝ ընդդիմախոսները բերում էին մի շարք պատճառաբանություններ:

Նրանք գտնում էին, որ ընդունել նազարբեկի և իմանազատի տեսակետները, նշանակում է կուսակցության հիմնական ուժերը տրամադրել Կովկասին, հետևաբար՝ լքել թուրքահայոց դատը: Մեղադրում էին նաև այն բանում, որ նրանք կուրորեն ընդօրինակել են թուրքահայոց դատի նկատմամբ հայ սոցիալ-դեմոկրատների տեսակետը, ըստ որի պետք է հրաժարվել այդ դատի լուծման համար մինչ այժմ անցած ուղուց և նրա ճակատագիրը սերտորեն շղկապել օսմանյան կայսրության ժողովուրդների համընդհանուր հակասութանական պայքարին, որի հաղթանակի դեպքում միայն կարելի է հասնել թուրքահայոց ազգային ազատագրությանը: Այդ տեսակետը նրանք համարում էին անիրագործելի, համենայն դեպս, առաջիկա տասնամյակներում և գտնում էին, որ թուրքահայությունը, հրաժարվելով մասնակի ապստամբական գործողություններից, պետք է գինվի հիմնավորապես և նախապատրաստվի ընդհանուր գինված ապստամբության:

Ստեփան Սապահ-Գյուլյանը և նրա կողմնակիցները վճռականապես հանդես էին գալիս նաև Կովկասում Հնչակի այն նոր դերակատարման գաղափարի դեմ, որ առաջարկում էին նազարբեկը և իմանազատը, այն է՝ անընդունելի էին համարում կուսակցության կովկասյան մասնաճյուղերը ՌՄԴԿ մեջ ձուլելու առաջարկը: Նրանք չէին կասկածում, թե Կովկասում գործող Հնչակյանները դրանից անմիջապես հետո պարտավոր են լինելու լքել թուրքահայ դատը, որի համար ստեղծվել էր կուսակցությունը և պայքարի ճանապարհին տվել հազարավոր նահատակներ:

Սապահ-Գյուլյանը նշում էր. «Մենք քսան տարի գործել ենք Տաճկահայաստանում, երեք հարյուր հազար կոտորածի հետ տվել ենք և՛ մեր ամենաթանկագին ընկերները, - մենք այդ բոլոր մոռանա՞նք և Կովկասի հայ պրոլետարիատին ձեռնպահություն քարոզենք, նրան ասենք, որ սահմանից այն կողմը իրեն համար ոչինչ չկա - մենք այդպիսի եղեռնագործություն չենք կարող գործել ...»¹: Եթե հրաժարվենք կուսակցության առաքելությունից, ասում էր նա, ապա կարժանանա՞նք ոչ միայն թուրքահայության, այլև եվրոպական բարեկամների նախատինքին ու արհամարհանքին: «Մենք՝ որպես սոցիալիստներ, չենք կարող անտարբեր մնալ, երբ շատ երկրների մեջ գտնվող սոցիալիստներն անգամ ճիչ են բարձրացնում մի մարտիրոսավոր ժողովրդի համար»²:

¹ «Հնչակ», N 2, փետրվար, 1907թ.:
² «Հայրենիք», N 7 (79), մայիս, 1929, էջ 148:

¹ «Հնչակ», N 2, փետրվար 1907թ.:
² Նույն տեղում:

Խոսք էր գնում այն մասին, որ ավելի քան 60 հազար թուրքահայ տղամարդիկ, հիմնականում երիտասարդ ձեռքեր, եկել են Կովկաս, Ռուսաստան և չարքաշ աշխատանքով վաստակած գումարներն ուղարկում են թուրքական գեհեներում մնացած, սովի ճիրաններում տառապող իրենց հարազատներին: Պատգամավորական ժողովի օրերին «Երիտասարդ Հայաստան» թերթը գրում էր.

«Խնչ կը ստեղծուեր, եթե ուս սոց.-դեմ. կուսակցութիւնը հրահանգեր նաև նրանց, որ դասակարգային պայքարեն դուրս ո՛չ մեկ շարժումի մասնակցին: Այնատեն Ռուսաստան գտնուող տաճկահայութիւնը ոչ մեկ օգնութիւն պիտի կրնար տալ իր հարազատներուն: Անոնք պիտի լքեն տաճկահայ դատը, որ դատն էր իր ծննդավայր հայրենիքին, օճախն էր իր նախահայրերուն»¹:

Հնչակն իր գործունեութիւնը Կովկասում պետք է շարունակի նախկինի պես, – այս էր միտքը: Այսինքն՝ կովկասահայ Հնչակյաններն ամեն ինչ անելու են աջակցելու թուրքահայ ժողովրդի ազատագրական պայքարին, որին մասնակցութիւն են բերելու ռուսահայութեան բոլոր հատվածները և խավերը, այդ թվում նաև՝ ռուսահայ բուրժուազիան: Եթե վաղը կովկասյան իշխանութիւնը փորձի Հայ ժողովրդից խլել նրա ազգային իրավունքները (դպրոց, եկեղեցի, կալված), բնական է, որ այդ իշխանութեան դեմ հանդես են գալու ոչ միայն Հայ պրոլետարները, այլև Հայ դրամատուրները²:

Այս միտքը հաստատելու համար բերվում էր նաև այն փաստը, որ Կովկասում թուրք-հայկական ընդհարումների ժամանակ «Հայ բուրժուազիան և Հայ պրոլետարիատը մեկ կողմ դրին, մոռացան իրենց դասակարգային շահերի խտրականութիւնը և միասին կանգնեցին Հայ ժողովրդի գոյութեան սպառնացող վտանգին դեմ: Խնչ կը լիներ Հետևանքը վերջին թաթարական կռիվներուն, երբ Հայ կազմակերպութիւնները բացառապես կախում ունենային ռուս. սոց.-դեմ. կազմակերպութիւններին և նրանց մեջ ձուլուած լինեին»³: Ավելին, եթե Հնչակը ձուլվի ՌՄԴԿ-ին, ապա նրանից կանջատվեն արտասահմանյան մասնաճյուղերը (Ամերիկա, Եգիպտոս, Լիբանան, Բալկաններ), որոնք կազմված են բացառապես թուրքահայ պանդուխտներից և գաղթականներից՝ չխոսելով արդեն բուն թուրքիայում ունեցած մասնաճյուղերի մասին:

Օրակարգի առաջին հարցի վերաբերյալ քննարկումները վերջանալուց հետո քվեարկութեան դրվեց բանաձևի երկու առաջարկը: Նազարբեկյանական երկու պատգամավորների հեռանալուց հետո նրանց համախոհները, ինչպես ասվեց, հայտնվել էին փոքրամասնութեան մեջ: Մեծամասնութիւնը գտավ, որ Նազարբեկի և Խանազատի առաջարկներն ընդունելու դեպքում կուսակցութիւնն անխուսափելիորեն կգնա դեպի լուծարում: Հարցը դրվեց, և ժողովը 8 ձայնով ընդդեմ 7-ի ընդունեց հակաՆազարբեկյանական առաջարկը հետևյալ

ձևակերպումով. «Կովկասի մեջ պրոլետարական հեղափոխական գործունեութիւն, իսկ թուրքահայաստանի մեջ պայքարի և ձեռք բերել քաղաքական դեմոկրատի՝ հիմնավորված մարքսեան սկզբունքներով»⁴: Դա նշանակում էր, որ կուսակցութիւնը, հարազատ մնալով իր ծրագրին, շարունակելու է գործել որպես մի ամբողջութիւն՝ ընդհանուր կենտրոնով, մի պաշտոնական օրգանով («Հնչակ»), մի ընդհանուր գանձարկով: Կուսակցութեան առաջին խնդիրը նախկինի պես մնում էր թուրքահայոց դատի լուծումը, իսկ նրա կովկասյան կազմակերպութիւնները շարունակելու էին գործել սոցիալ-դեմոկրատական սկզբունքներով՝ համերաշխ ՌՄԴԿ տեղական կազմակերպութիւնների հետ: Դրանով իսկ պահպանվում էր կուսակցութեան երկյակ, հակասական վիճակը՝ անհարիւր երկու տարբեր սկզբունքով ու դավանանքով:

Պատգամավորական ժողովն իր աշխատանքների ավարտից առաջ ընտրեց կենտրոնական վարչութիւն հետևյալ կազմով՝ Մուրատ Պոյաճյան (Մեծն Մուրատ), Վահան Մամիկոնյան⁵, Ստեփան Սապահ-Գյուլյան: Վերջինս նաև վարելու էր «Հնչակի» խմբագրի պաշտոնը⁶:

Ժողովը փրկեց կուսակցութիւնը, որը շարունակեց գործել իր պաշտոնական ծրագրով, նախկին գաղափարախոսութեամբ ու տակտիկայով: Բայց հետագա պառակտումների դուռը չփակվեց:

Փոքրամասնութեան մեջ մնացածները, տեսնելով իրենց մտադրութիւնների ձախողումը, խմբովին թողեցին ու հեռացան պատգամավորական ժողովից, նախապես համազումարի նախագահութեանը նամակով պատճառաբանելով, թե ինչու են հրաժարվում մասնակցել ժողովի հետագա աշխատանքներին⁷:

Փոքրամասնութեան այդ քայլը Սապահ-Գյուլյանը և նրա կողմնակիցները որակեցին որպես դասալքութիւն և Հայտարարեցին, որ առաջվա պես իրենք աններբ գնալու են թուրքահայութեան ազատագրութեան ճանապարհով:

«Ես մինչև վերջ հավատարիմ կը մնամ իմ ընդ գրկած դրոշիս – ու՛ր և ի՛նչ տեղ էլ որ լինեմ, իմ սիրելի գաղափարներիս պաշտպանը կը մնամ, – շեշտում էր Սապահ-Գյուլյանը: – ... Ես մոռացա ինձ, մոռացա կինս ու գավակներս՝ հասարակական գործի համար ...»⁸:

Իսկ ո՛ւմ հետ չէին իրենց հույսը կապում Սապահ-Գյուլյանը և նրա համա-

¹ «Երիտասարդ Հայաստան», N 17, 13 սեպտեմբերի 1905թ.:

² «Պատմութիւն Ա.- Դ. Հնչակեան կուսակցութեան». Հատ. Ա, էջ 292:

³ Նույն տեղում:

⁴ «Թիսնամեակ (1887-1937) սոց.-դեմ. Հնչակեան կուսակցութեան», Հատ. Ա, էջ 202-203: Մուրատ Պոյաճյանը կենտրոնական վարչութեան կազմում ընտրվեց հեռակա կարգով, քանի որ գտնվում էր Տրիպոլիսի արտոնում:

⁵ Վահան Մամիկոնյանը (Մ. Թախթաճյան), Հնչակյան անվանի գործիչներից էր, որը տարիներ շարունակ կուսակցական եռանդուն գործունեութիւն էր ունեցել Կովկասում. Ամերիկայում. Պարսկաստանում:

⁶ «Հնչակի» խմբագրի պաշտոնից Նազարբեկի հեռանալուց հետո, թերթը, մինչև Սապահ-Գյուլյանի նշանակումը, խմբագրել էին Երվանդ Պալյանը, Հմայակ Խուչպուլյանը, Սեդրակ Բանվորյանը:

⁷ ՀՀ ՀՔԿՓԿԳԱ, Փ. 4045, ց. 1, գ. 96, թ. 1-8:

⁸ Բերուզ Սապահ-Գիւլեան, Կենսագրութիւն Ս. Սապահ-Գիւլեանի, Ունիոն Սիթի, 1936, էջ 38:

խոհերը, որպեսզի թուրքական բունակայության դեմ կռիվը շարունակեն նախկինի պես: Հարցի պատասխանը տալիս էր ինքը՝ Սապահ-Գյուլյանը: «Եվրոպա, թուրքիա և հայկական խնդիր» հոդվածում նա գրում էր, որ եթե հայերը իրենց պայքարում որևէ երկրից աջակցություն են ստանալու, ապա դա լինելու է Անգլիան, որի «քաղաքականությունը հարձակողական է, դեմ է status quo-ն պահպանելուն», և որը միշտ «անկեղծ կերպով ձգտել է հայկական խնդրի լուծմանը»: Հաշվի չառնելով պատմական փորձը՝ նա ընթերցողներին ուզում էր համոզել, թե Անգլիան «ո՛չ մեզ խաբել է, ո՛չ իզուր հուսադրել և ո՛չ էլ մեզ իր խաղալիք դարձրել. իրողությունն այն է, որ անգլիական քաղաքական շահը կցվում, հարմարվում է հայկական շահին, և միշտ էլ Անգլիան կմնա մեր բարեկամը, հայկական խնդրի բարեհաջող լուծմանը աշխատող մեծ ազգ»¹:

Նազարբեկյանական պատգամավորները հենց Փարիզում հավաքվեցին առանձին խորհրդակցության՝ որոշելու համար իրենց հետագա անելիքները: Որոշվեց հնչակյան շարքերին ուղղված մի հատուկ կոչ հրատարակել և բացատրություն տալ կատարվածի մասին: Բայց անմիջապես բարձրացավ այն հարցը, թե ՌՄԴԲԿ հետ միանալիս ո՞ր թևին պետք է հարել՝ մենչևիկներին, թե՞ բոլշևիկներին: Կարծիքները բաժանվեցին:

Երկար վիճելուց ու խորհրդակցելուց հետո, - գրել է Ռ.Խանազատը, - որոշեցինք հետևել Մարտովի մեզ տված խորհրդին, այն է՝ ընդունելով ուսաց սոցիալ-դեմոկրատ բանվորական կուսակցության ծրագիրն ամբողջությամբ, մնալ ինքնուրույն, սպասելով մինչև որ համերաշխություն կստեղծվի բոլշևիկների և մենչևիկների միջև, որը և նրանց թույլ կտա հնչակի վերաբերյալ ընդունել ճիշտ որոշում²:

Հնդհանուր եզրակացության գալուց հետո հնչակից հեռացած ընկերները դիմեցին Ա. Նազարբեկին՝ խնդրելով կազմել կոչի տեքստը: Կարճ ժամկետում նազարբեկը կատարեց ընկերների խնդրանքը և կազմեց փաստաթուղթը՝ «Մանիֆեստ հնչակյան մասնաճյուղերին» վերնագրով³:

Փաստաթղթում նկարագրված էր պատգամավորական ժողովի ընթացքը, վերհանված էին Հարցերի քննարկման ընթացքում ծագած հակասությունները, շեշտված էր, որ ժողովում լիովին բացահայտված է, որ հնչակյան կուսակցության ծոցում գոյություն ունի երկու հոսանք՝ մեկը մյուսից բոլորովին տարբեր, մեկը մյուսին բացառող սկզբունքներով, աշխարհայացքով և գործունեությամբ: Ելնելով դրանից՝ մանիֆեստը Կովկասի հնչակյան մասնաճյուղերին կոչ էր անում դուրս գալ հնչակյան կուսակցությունից և միանալ

ՌՄԴԲԿ հետ⁴:

Մանիֆեստը ստորագրել էին Ավետիս Տեր-Սիմոնյանը, Ռուբեն Խանազատը, Ստեփան Եղիազարյանը, Գրիգոր Վարդանյանը և Արշակ Դավթյանը:

Այլևս Փարիզում մնալը ավելորդ համարելով՝ նազարբեկյանական պատգամավորները մեկնեցին Կովկաս:

Դրանից հետո ժողովը (սապահգյուլյանական ութ հոգին) ընդունեց նաև մի ուրիշ որոշում՝ ելնելով այն բանից, որ թուրք-հայկական ընդհարումների ժամանակ կովկասահայ ժողովրդի ինքնապաշտպանության կազմակերպման ընթացքում հայ ազգային-հեղափոխական երկու կուսակցությունները՝ հնչակը և դաշնակցությունը, միևնույն ազգագույն գործն են կատարում, և որ այդ հողի վրա ստեղծվել են նախադրյալներ հետագայում նույնպես համատեղ գործելու, մյուս կողմից, նկատի առնելով, որ հայ կուսակցությունների միջև շարունակվում են անթույլատրելի հակասություններ, որոնք նույնիսկ հանգեցնում են եղբայրասպան դեպքերի, պատգամավորական ժողովը հանձնարարեց կուսակցության նորընտիր կենտրոնին՝ բանակցություններ սկսել դաշնակցության ղեկավարության հետ՝ համատեղ կարևոր համաձայնություններ կայացնելու համար⁵:

«Պարտություն կրած» պատգամավորները ավելի շուտ վերադարձան Կովկաս, քան կհասնեին ժողովի որոշումները: Այստեղ նրանք մեկը մյուսի հետևից հանդես եկան հայտարարություններով՝ հնչակյան կուսակցությունից դուրս գալու և ՌՄԴԲԿ-ի մեջ մտնելու մասին:

Այսպես, օրինակ՝ Սարգիս Քալաշյանը (ԱՀԻման), այդպիսի հայտարարություն տալուց բացի⁶, դիմում հղեց իրեն պատգամավորական ժողով ուղարկած Բաքվի շրջանի կոմիտեի անդամներին՝ բացատրելով կատարած քայլի պատճառները, կոչ անելով հետևել իր օրինակին: Միաժամանակ նա շեշտում էր, որ, Ռուսաստանի սոցիալ-դեմոկրատական կուսակցության շարքերը մտնելով, ինքը և իր համախոհները քաջ գիտակցում են, որ ենթարկվելու են ավելի մեծ վտանգների ու ավելի դժվար փորձությունների: «Այո, սրանից հետո ծանր են մեր կովի պայմաններն ու միջոցները, բայց մի՞թե դրանում մեղավոր ենք մենք: Բարբարոս ու անխիղճ կյանքը մեզ նետում է գոռ մարտադաշտը՝ կռվելու-կործանելու ներկա հասարակության բոլոր հակամարդկային

¹ «Հնչակ», N 7, 1907թ.:

² ՀՀ ՀՔԿԳԳԱ, ֆ. 4045, ց.1, գ. 91, թ.թ.1-3:

³ Նույն տեղում, գ. 96, թ.թ.1-8:

⁴ ՀՀ ՀՔԿԳԳԱ, ֆ. 4045, ց.1, գ. 91, թ.թ.1-3: Քանի որ «Մանիֆեստը» ստորագրած բոլոր գործիչները, բացի նազարբեկից, պատրաստվում էին վերադառնալ Կովկաս, փաստաթուղթը հանձնվեց Ռ. Խանազատին՝ թիֆլիսում այն տպագրության հանձնելու և այնտեղի ընկերների միջոցով հնչակյան բոլոր մասնաճյուղերին ցրելու համար: Բայց կոչը լույս չտեսավ, իսկ դրա մշակված բնագիրը թիֆլիսում ընկավ ժանդարմների ձեռքը: Բարբարոս տարբար Ռ. Խանազատը պահպանել էր փաստաթղթի սևագրությունը, որը տպագրության հանձնվեց տարիներ հետո:

⁵ Տե՛ս Հնչակյան կուսակցության V պատգամավորական ժողովի նյութերը՝ ՀՀ ՀՔԿԳԳԱ, ֆ. 4045, ց.1, գ. 90, թ.թ.1-12:

⁶ ՀՀ ՀՔԿԳԳԱ, ֆ. 4045, ց.1, գ. 91, թ.թ.4-5:

հիմքերը և կառուցվածքները, անդադար, անխնայ, անձնագոհ կռիվ մղել երկու խոշոր հրեշների դեմ կապիտալի և պետության»¹:

Ս. Քալաջյանի դիմումը հետագա շարունակություն ունեցավ: Շատ չանցած, 1905թ. նոյեմբերի 11-ին, հնչակյան կուսակցության Բաքվի չրջանի կոմիտեն Հայտարարեց կուսակցության շարքերից խմբովին դուրս գալու և ՌՄԴԿ-ին միավորվելու մասին: Հայտարարության մեջ անդրադարձ կատարելով վերջին մեկ-մեկուկես տարվա ընթացքում Բաքվի հնչակյանների գործունեությանը՝ կոմիտեն հիշեցնում էր, որ 1904թ. սեպտեմբերին տեղի ունեցած կուսակցական կոնֆերանսը, քննարկելով կազմակերպության «Նոր գործունեության» մասին փաստաթուղթը, որը հնչակյան շարքերին կոչ էր անում «Կովկասում գործել միայն ու միայն սոցիալ-դեմոկրատական Հողի վրա», Բաքվի չրջանի հնչակյանների ժողովը, ձայների մեծամասնությամբ, հավանություն էր տվել բանվորասոցիալիստական գծին և որոշել էր կապերը խզել Հայ դատից և միանալ ՌՄԴԿ-ին: Դրան հակառակ, «բուրժուազայ-նական» հնչակյանները, չըմբռնելով ու չընդունելով դասակարգային սկզբունքը, իրենց իսկական գույնը ծածկել են «սոցիալիզմ» և «սոցիալ-դեմոկրատիզմ» դիմակների տակ և, հակառակ կոնֆերանսի որոշման, «ձգտում են պահպանել կուսակցության ամբողջականությունը՝ իր դուալիզմով ու հակասություններով հանդերձ»: Այդ Հոսանքին հետևողներն ավելի ոգևորվեցին, երբ հինգերորդ արտակարգ պատգամավորական ժողովը նույնպես մերժեց «Նոր գործունեության» անցնելու հրատապ պահանջը: Նման իրավիճակում, երբ երկու Հոսանքներից որևէ մեկը տրամադիր չէ գիջելու իր դիրքերը, արդեն ավելորդ է դառնում նրանց մնալը նույն կազմակերպության մեջ: Հետևապես, այնուհետև ավանդ էր Հայտարարության մեջ, սոցիալ-դեմոկրատ հնչակյանները հեռանում են կուսակցությունից և համալրում ՌՄԴԿ շարքերը²:

Սույն Հայտարարությունից զատ, արդեն «Հնչակյան կուսակցության նախկին Բաքվի չրջանի կոմիտե» անվամբ նոյեմբերի 16-ին տպագրվեց ու տարածվեց հատուկ «Ազգ», որով, ավելի հակիրճ ու ավելի ըմբռնելի, շարքերին կոչ էր արվում չտատանվել, առանց փոստանքի հեռանալ կուսակցությունից և միանալ ՌՄԴԿ -ին³:

ՌՄԴԿ կովկասյան միութենական կոմիտեի օրգան “Кавказский рабочий листок” թերթը, տպագրելով հնչակյանների Բաքվի կոմիտեի Հայտարարությունը, ողջունեց ընդունած որոշումը և Հույս Հայտնեց, որ նրա օրինակին կհետևեն հնչակի ուրիշ կազմակերպություններ ևս: «Այնտեղ, որտեղ կազմակերպությունները չեն կարող ամբողջությամբ միանալ ՌՄԴԿ-ին, - նշում էր թերթը, - մենք հրավիրում ենք առանձին սոցիալ-դեմոկրատ ընկերներին

խզել իրենց կապերը հնչակյաններից և մտնել մեր կազմակերպությունները»¹: Փարիզից վերադարձած հնչակյան պատգամավորներին Հաջողվեց կարճ ժամանակում (բացի Բաքվից) ուրիշ տեղական բազմաթիվ կազմակերպություններում ևս որոշումներ ընդունել տալ իրենց տեսակետների օգտին: Դրանցից էին Երևանի, Շուշիի, Թիֆլիսի և այլ մասնաճյուղերը²:

1905թ. նոյեմբերի 17-ին Սիմֆերոպոլի հնչակյան մասնաճյուղի անդամների ժողովը հանդես եկավ խմբովին հնչակյան կուսակցությունից դուրս գալու և ՌՄԴԿ շարքերն անցնելու մասին որոշմամբ³: Նման որոշում ընդունեց նաև Երևանի 53 հնչակյանների՝ ղեկսեմբերի 18-ին տեղի ունեցած ժողովը⁴:

Փաստորեն Կովկասում միայն Սև ծովի ափերին գտնվող հնչակյան մասնաճյուղերն էին, որ հարազատ մնացին կուսակցության ծրագրին, որովհետև նրանց թե՛ անդամները և թե՛ ղեկավարները հիմնականում տաճկահայեր էին: Ռուսաստանից և Կովկասից դուրս գտնվող հնչակյան մասնաճյուղերը չպառակտվեցին: Թեև Հատ ու կենտ բաժանվողներ եղան, բայց հրաժարումները զանգվածային բնույթ չստացան:

Կուսակցության կենտրոնական տպագիր օրգանին՝ «Հնչակ» թերթին, վիճակված էր դժվարին պայքար մղել մի քանի ճակատների վրա՝ վերակազմալների, դաշնակցականների, «սպեցիֆիկների» դեմ, հիմա էլ՝ նաև նազարբեկյանների դեմ: Խմբագիր Սապահ-Գյուլյանին հաջողվեց մեծ հմտությամբ ու փորձառությամբ կազմակերպության ծրագրային նպատակների շուրջ համախմբել հավատարիմ մնացած մասնաճյուղերը և, դրանով իսկ, մեծապես ամրապնդել իր դիրքերը կուսակցության մեջ⁵:

Հնչակյան կուսակցությանը վիճակվել էր անցնել արտակարգ դժվարին

¹ “Кавказский рабочий листок”, №3, 1905г.

² 1904-1907թթ. ՌՄԴԿ մեջ մտած հնչակյան բանվորներից ու մտավորականներից շատերը հետագա տարիներին աչքի ընկնող գործունեություն ծավալեցին բոլշևիկների շարքերում (Գարո Սարգսյան, Սիմոն Սուլթանյան, Պետրոս Մնացականյան, Մինաս Մարգարյան, Արտեմ Աղամալյան, Արամ Շուշանյան, Վարդան Բաղդասարյան և ուրիշներ): Նրանցից ոմանք ընդհանրապես Հայաստանում զբաղեցրին պետական բարձր պաշտոններ (Սերգո Մարտիկյան, Ասքանազ Մուսկյան և ուրիշներ): ՌՄԴԿ մեջ մտած հնչակյանների մի խումբ հարեց մենչևիկներին, իսկ մի ուրիշ խումբ հիշատակված Ս. Քալաջյանի (Ահրիման) գլխավորությամբ հետևեց անարխիստ-կոմունիստներին (տե՛ս Վ. Ա. Ավետիսյան, Հայ Հասարակական մտքի զարգացման մարքս-լենինյան փուլի սկզբնավորումը, էջ 486):

³ ՀՀ ԶԿՓԳԱ, ֆ. 4045, ց. 1, գ. 97, թ. 2:

⁴ ՎՀ ԳԿԳԱ, ֆ. 5, պ/մ 23, թ. 13 և հակառակ երեսը:

⁵ «Հնչակի» խմբագիր Սապահ-Գյուլյանը մի շարք առիթներով թերթի առաջնորդներում նշել էր, թե կուսակցությունը բաժանելու ուղղությամբ, բախտի զարմանալի մի խաղով, Ա. Նազարբեկի կատարածը ոչնչով չի տարբերվում այդ ուղղությամբ վերակազմալների թափած ջանքերից: Իր գրչով, խոսքով ու գործունեությամբ Սապահը, որ փաստորեն դարձել էր կուսակցության առաջին դեմքը, տարիներով պայքարեց տաճկահայկական դատի և կուսակցության ամբողջականությունը պահպանելու համար: Բայց բախտի նույնպիսի զարմանալի մի խաղով, ուղիղ երկու տասնամյակ հետո, 1924թ., կուսակցության ընդհանուր պատգամավորական ժողովում նույն դերը կատարեց, ինչ կատարել էր Նազարբեկը 1905-ի հինգերորդ ընդհանուր պատգամավորական ժողովի օրերին:

¹ ՀՀ ԶԿՓԳԱ, ֆ. 4045, ց. 1, գ. 101, թ. 3:

² Նույն տեղում, գ. 103, թ. 5:

³ Նույն տեղում, գ. 94, թ. 2:

ճանապարհ: Իր ստեղծման օրից սկսած՝ կազմակերպությունն ընդհարվել էր ոչ միայն օսմանյան բռնապետության պետական մեքենայի ահռելի ուժին, այլև ստիպված էր եղել անասելի դժվարին պայքար մղել իր ներսում առաջացած կենտրոնախույս ուժերի դեմ պահպանելու համար շարքերի միասնությունը:

Կուսակցության գործունեության ճանապարհի հիմնական խոչընդոտը այն մեծ հակասությունն էր, որ կար նրա որդեգրած սոցիալիստական գաղափարախոսության և թուրքահայության իրական հնարավորությունների միջև: Դավանած գաղափարների և իրական կյանքի այդ անհամապատասխանությունն էր, որ պարբերաբար ծնունդ էր տալիս ներկուսակցական վերիվայրումների ու խոր պառակտումների:

Չնայած դրան, կուսակցությունը շարունակում էր իր դժվարին ուղին, նրա ղեկավարները հանդես էին բերում հազվագյուտ տոկունություն և ազնիվ կեցվածք՝ իրենց մտածումների արտահայտման ու պաշտպանության ընթացքում:

Հնչակյան կուսակցությունը ծանր քննադատությունների է ենթարկվել իր ընդդիմախոսների՝ վերակազմյալների, դաշնակցականների, բոլշևիկների, «սպեցիֆիկների», հայ պահպանողականների ու լիբերալների կողմից, որոնք շատ առումներով եղել են անարդարացի:

1928թ. Թիֆլիսում գրած և ՀՕԿ-ի կողմից 1934-ին Փարիզում հրատարակած «Թուրքահայ հեղափոխության գաղափարաբանությունը» հատորում (էջ 148) Լեոն Հնչակի վրա էր բարդում անհուն չափերով ծանր մի պատասխանատվություն՝ նրան մեղադրելով երկու միլիոն թուրքահայերի ոչնչացման մեջ: Հայրենասիրությունը կամ ազգասիրությունը չփոթելով ազգայնամոլության հետ՝ նա հանգում էր անընդունելի եզրակացության՝ հայ ազգային-հեղափոխական կուսակցություններին, այդ թվում Հնչակին, որակելով որպես ֆանատիկ ազգայնամոլական կազմակերպություններ:

ՎԵՐԱԿԱԶՄՅԱԼՆԵՐԸ ԾԱՆՐ ՓՈՐՑՈՒԹՅՈՒՆՆԵՐԻ ԱՌՋԵՎ

Ներկուսակցական պայքարն է՛լ ավելի սուր բնույթ էր ստացել վերակազմյալ հնչակյան կուսակցության մեջ:

Դեռևս 1901թ. վերակազմյալների ղեկավար Արփիար Արփիարյանը հեռացել էր կուսակցությունից: Կուսակիցները նրան մեղադրել էին այն բանում, որ նա հեղափոխության կենդանի գործը փոխարինել է գրական-ստեղծագործական հորինվածքներով, իրենից վանել կուսակցության կարող ուժերին¹:

Չնայած դրան, կուսակցության գաղափարական սկզբունքներին հավատարիմ գործիչները շարունակում էին ջանքեր գործադրել կազմակերպության հետագա քայքայումը կանգնեցնելու և շարքերի միասնությունը պահպանելու

ուղղությունը:

Հին Հնչակը ամուր արմատներ էր գցել Հայկական Կիլիկիայում: 1896թ. Հնչակի պառակտումից և վերակազմյալ Հնչակյան կուսակցության ստեղծումից հետո Կիլիկիայի հնչակիների մեծ մասը աստիճանաբար անցավ վերջինիս շարքերը: Ավելին, վերակազմյալներն այստեղ իրենց այնքան ամուր էին զգում, որ խոստանում էին թուրքական բռնակալությունից ազատագրել Կիլիկիան և ստեղծել հայոց անկախ պետություն: Դա երազային մի նպատակ էր, որ զբաղեցրել էր կիլիկիահայության շատ սերունդների մտածումները:

Գտնվելով Միջերկրականի եզերքին, ունենալով շատ նպաստավոր աշխարհագրական դիրք՝ անկախ Հայկական Կիլիկիան կարող էր ծովային ուղիներով կապվել տարբեր երկրների ու մայրցամաքների հետ, ակտիվ մասնակցություն բերել համաշխարհային առևտրին, արագորեն զարգանալ տնտեսապես: Այս հեռանկարը ոգեշնչել էր ոչ քիչ թվով թուրքահայ դրամատիկների, որոնք շահագրգիռ էին անկախ Կիլիկիայի հզորացմամբ, երազում էին նոր շուկաներ մտնել և առևտրական լայն ցանց ստեղծել: Դա էր պատճառը, որ Կիլիկիայի անկախության հեռանկարով ոգեշնչված մի խումբ մեծահարուստներ վերակազմյալներին տրամադրում էին զգալի գումարներ:

Բայց կուսակցությանն արվող նվիրատվությունները կտրուկ կրճատվեցին այն բանից հետո, երբ Ամերիկայից եկած վերակազմյալ ահաբեկիչներից մեկը 1905թ. Կ. Պոլսում սպանեց տեղի հայ մեծահարուստներից Արքիկ Ունճյանին: Դրան 1907թ. հաջորդեց ամերիկահայ հարուստ Հովհաննես Թավաճյանի սպանությունը Նյու Յորքում: Եղան նաև ուրիշ մեծահարուստ հայերի սպանություններ: Ահաբեկչական ակտերը կատարվում էին այն պատճառաբանությամբ, թե զոհերը հրաժարվել են կուսակցությանը տալ պահանջված գումարը: Դեպքերը մեծ հուզում առաջ բերեցին Պոլսի հայ մեծահարուստ դասի մոտ, այն անմիջական անդրադարձ ունեցավ նաև կուսակցության շարքերում: Կուսակցությունը բաժանվեց սպանությունն արդարացնող և դատապարտող խմբավորումների, սկսվեց թայֆայական անցիլում պայքար:

Դեռ մինչև այդ դեպքերը կուսակցության մեջ հանդես էին եկել լուրջ տարածայնություններ կազմակերպության մարտավարության, կուսակցական շինարարության և այլ հարցերի շուրջ, իսկ Ունճյանի սպանությունն ուղղակի անտանելի դարձրեց ներկուսակցական մթնոլորտը: Դրան գումարվել էին դրամական խոշոր չափերի զեղծումները, որ կատարել էին կուսակցության ղեկավար գործիչներ Ալեքսան Արզույանը (Վահե) և Ղևոնդ վրդ. Մարդուկեսյանը:

Չնայած վերակազմյալ հնչակյան կուսակցության պառակտումը կանխելու ուղղությամբ ձեռնարկված քայլերին, սկսված ընթացքը կանգնեցնել չհաջողվեց: Կազմակերպությունը բաժանվեց միմյանց հետ առճակատող երկու թևերի, որոնք ամեն իրավե պատրաստ էին իրարից զատվել:

¹ Տե՛ս Ա.Ս. Համբարյան, Ազատագրական շարժումները Արևմտյան Հայաստանում (1898-1908թթ.), ՀՀ ԳԱԱ «Գիտություն» հրատ., Երևան, 1999, էջ 122-123:

**ԸՆԴԴԻՍԱԴԻՐ ԽՄԲԱՎՈՐՈՒՄՆԵՐ Լ.Յ. ԴԱՇՆԱԿՑՈՒԹՅԱՆ
ՇԱՐՔԵՐՈՒՄ**

Դաշնակցությունը ռուսական առաջին հեղափոխությանը դիմավորեց՝ իր թիկունքում ունենալով գաղափարական դժվարին պայքարի և հերոսական մաքառումների 15 տարիներ:

Հայաստանի ազատագրության գործին անմնացորդ նվիրումը, աներբեր հավատը որդեգրած գաղափարներին, 1895-96թթ. և հետագա տարիներին ինքնապաշտպանական կռիվների, Սասունի երկրորդ ապստամբության կազմակերպումն ու ղեկավարումը, ռուսական պետության կողմից հայ եկեղեցու ունեցվածքի բռնագրավման դեմ համաժողովրդական ըմբոստության գլխավորումը և բազմաթիվ ուրիշ գործողություններ ցույց էին տվել, որ դաշնակցությունը կենդանի գործի կուսակցություն է: Ժողովրդի հիմնական զանգվածները գնում էին նրա հետևից, և նա իրավամբ դարձել էր հայ իրականության ամենահզոր ու ներգործուն քաղաքական ուժը:

Սակայն 1905-1907 թվականներին Լ.Յ. դաշնակցությանը վիճակված էր ապրել ներքին ալերախումների ու ցնցումների, խոր փոփոխությունների և արմատական վերափոխումների ժամանակաշրջան: Պահը բախտորոշ էր նույնիսկ կուսակցության ապագայի տեսակետից, քանի որ ներկուսակցական սուր հակասությունները Լ.Յ.Դ.-ին կանգնեցրել էին պառակտման ու կոտորակման վտանգի առջև:

Դաշնակցության շարքերում ստեղծված գաղափարական-քաղաքական ծանր կացության և հակասությունների առաջացման պատճառները տարաբնույթ էին: Այդ հակասությունները խմորվել էին նախորդ տարիներին և սպասում էին իրենց բնականոն լուծմանը, բայց կուսակցության ղեկավարությունը ժամանակին միջոցներ չէր ձեռնարկել ներկուսակցական կյանքում առաջ եկած դժվարությունները հաղթահարելու համար: Պատճառը հայտնի էր. մանավանդ Կովկասում դեպքերն այնքան արագ էին զարգանում և այնքան բուռն, որ ժամանակ չէր մնում նվիրվելու ներկուսակցական կյանքին:

Կուսակցությունը շարունակում էր գլխավորել արևմտահայության ազատագրական պայքարը: Ղեկավարելով Սասունի 1904թ. ապստամբությունը՝ միաժամանակ նա կովկասահայության չրջանում հսկայական ջանքեր էր գործադրում կազմակերպելով օգնություն ու աջակցություն թուրքական բռնակալության դեմ անհավասար կռիվ մղող ապստամբներին:

Այդ ամենը, բնականաբար, կյանել էր Լ.Յ.Դ. վերադաս մարմինների ողջ ուշադրությունը և ժամանակ չէր թողել մոտիկից ու հանգամանորեն զբաղվելու ներկուսակցական խնդիրներով:

Ներկուսակցական կնճիռներին գումարվեց «Կովկասյան նախագիծը», այսինքն՝ կուսակցության ծրագրի (1892թ.) վերամշակման նպատակով ստեղծ-

ված այն փաստաթուղթը, որն, ըստ էության, Լ.Յ.Դ. նոր ծրագրի ստեղծման հիմքը պիտի լիներ: Այդ փաստաթուղթը դարձավ կուսակցված ղեկավարությունների արտանետման և՛ առիթ, և՛ պատճառ: Այն իրենով նշանավորեց դաշնակցության ներսում կրքերի սկսված փոթորկումների, անհամաձայնությունների ու տարընթաց առճակատումների մի նոր փուլ:

Լ.Յ. դաշնակցության շարքերում հակամարտ կողմերի պայքարի կենտրոնում կուսակցության գաղափարական-քաղաքական վերակողմնորոշման խընդիրն էր: Դեպքերի բերումով ազգային-հեղափոխական կուսակցությունը կարիք էր զգում ընդգծելու իր սոցիալիստական բնույթը, վերաքննելու ծրագիրը և ձեռնարկելու այն նոր խնդիրների կատարումը, որ առաջադրել էր կյանքը:

**Լ. Յ. ԴԱՇՆԱԿՑՈՒԹՅԱՆ ԾՐԱԳԻՐԸ (1892 թ.)
ՎԵՐԱՄՇԿՎԱԿՆԻ ՊԱՏՃԱՌՆԵՐԸ: «ԿՈՎԿԱՍՍԱՆ ԵՍԱԿԳԾԻ»
ՀՐԱՊԱՐԱԿ ԳԱԼԸ: ՓԱՍՏԱԹՂԹԻ ԲՈՎԱՆԴԱԿՈՒԹՅՈՒՆԸ**

Ինչո՞ւ էր առաջացել դաշնակցության առաջին ծրագիրը (1892թ.) վերամշակելու անհրաժեշտությունը: Ինչո՞ւ պահանջ առաջացավ նրանում ավելի հստակ, ավելի լրիվ ու մշակված արտացոլել սոցիալիստական գաղափարները: Չէ՞ որ չէին փոխվել հեղափոխական գործունեության պայմանները Թուրքահայաստանում, և շարունակվում էր սուլթանական կառավարության հայալինջ քաղաքականությունը: Օսմանյան կայսրության մեջ տեղի չէին ունեցել սոցիալ-տնտեսական արմատական փոփոխություններ, չէին թուլացել ազգամիջյան հակասությունները, հայության վիճակը ոչ միայն չէր թեթևացել, այլև նորանոր հարվածներ էր կրում առջևը չտեսնելով որևէ լուսավոր կետ:

Ապա ինչո՞ւ, իսկապես, անհրաժեշտություն ծագեց ունենալու վերամշակված, ըստ էության, նոր ծրագիր:

Առաջին. մեծապես փոխվել էր ռուսահայ ժողովրդական զանգվածների վերաբերմունքը դեպի սեփական ազգային արժեքները և սոցիալ-տնտեսական հարցերը: Նրանց քաղաքական և ազգային գիտակցությունը տարիներ առաջ գտնվում էր ստորին աստիճանի վրա, խաթարված վիճակում: Նրանք ռուսական տիրապետությանը, նույնիսկ գոլիցինյան մղձավանջի պայմաններում, համարում էին մեծագույն բարիք հայության համար: Ռուսականության պաշտամունքը կովկասահայ ունևոր ընտանիքներում հասել էր ազգային արժանապատվության ստորին աստիճանին:

Այդ երևույթը վերլուծելով՝ Արշակ Զամայանը հետևյալ դիտարկումն է արել.

«Իհարկէ, կարելի է ե՛լ ռուսասէր լինել, ե՛լ սեփական ազգային ճակատագրի նախանձախնդրութիւն ունենալ: Բայց խնդիրն այն է, որ ռուսահայության մէջ - մեր խօսքը ժողովրդական զանգուածների մասին է, անշուշտ - ոչ

միայն բացակայում էր այս նախանձախնդրութիւնը, այլ եւ նա չէր գգում ցարական բռնապետութեան ծանրութիւնը: Նրա մէջ դեռ այնքան թարմ էր պարսիկ ֆարրաչներէ եւ թուրք զաֆթիէներէ յիշողութիւնը...»¹:

Ընդմիջտ այդպէս մնալ չէր կարող: Ռուսահայութեան հոգեկան աշխարհը, նրա բարոյական նկարագիրը ընդամենը 10-15 տարում փոխվել էր արմատապես, փոխվել էր հզոր ուժով՝ հիմնականում թուրքահայ ազատագրական շարժման ազդեցութեամբ:

Խոսելով ռուսահայ ժողովրդի ազգային զարթոնքի մասին՝ Արշակ Զամաբյանը, այնուհետեւ գրել է.

«Ռուսահայը, որ մինչեւ այդ շարժումները, լաւագոյն դեպքում, կարեկցութեամբ էր վերաբերում թուրքահային, որի սրտամորմոք հառաչանքները լսում էին սահմանի միւս կողմից՝ սկսեց ոգեւորուել նրա յեղափոխական գործերով, որոնք, չափազանցուած արձագանքներով, բերնէ-բերան էին անցնում Արարատեան դաշտից մինչեւ Սիւնեաց լեռները: Ի՞նչ առաւապել ասէք, որ չէր հիւսում ռուսահայոց գիւղերում Կարնոյ համեմատաբար աննշան ցոյցի եւ Կուկունեանի արշաւանքի մասին... Հապա Սասունի ու Զէյթունի ապստամբութիւնները, հապա օտտոմանեան բանկի գրաւումն ու Խանասորի արշաւանքը, հապա Սերոր փաշայի եւ Անդրանիկի կոփւնները: Սրանք մի-մի մուրճի հարւածներ էին ռուսահայ ժողովրդի գլխին ու կրծքին՝ նրա ազգային ոգին հրահրելու, նրա ազգային գիտակցութիւնը զարթեցնելու համար»²:

Թուրքահայ հեղափոխութիւնը հենց այն շողախը եղավ, որ միավորեց հայ ժողովրդի երկու հատվածները, կերտեց նրանց միասնութիւնը, նպաստեց, որ հրապարակ գա ազգային միութեան գաղափարը:

Ռուսահայութեան ազգային զարթոնքի մեջ որոշ դեր խաղացին նաև գոյիցիյան հակահայ վայրագ հալածանքները, որոնք զուգահեռաբար թուրքահայ հեղափոխութեան ամենաեռուն շրջանին: Եվ եթե ռուսահայութիւնը տոկունութեամբ և վճռականութեամբ կարողացավ դիմագրավել այդ արհաւիրքներին, եթե հատկապէս կարողացավ կռիւով հետ բերել ցարական կառավարութեան կողմից խլված կալվածքները, ապա այդ ամենի համար նա դարձյալ պարտական էր թուրքահայ հեղափոխութեան կենարար ազդեցութեան:

Երկրորդ. ռուսական հեղափոխութիւնը փոթորկվել էր երկրով մեկ, և, ինչպէս բոլոր քաղաքական կազմակերպութիւնները, դաշնակցութիւնը նույնպէս իր դիրքը պետք է որոշեր հեղափոխութեան և նրա նպատակների նկատմամբ: Դա անհետաձգելի էր նաև այն պատճառով, որ կայսրութեան ժողովուրդները Պետերբուրգի առջև դնում էին իրենց ազգային պահանջները և ակնկալում դրանց շուտափույթ լուծումը:

Տվյալ պահին ճակատագիրը Հ. Յ. դաշնակցութեան, որպէս հայ իրականու-

թեան մեջ գործող ամենաուժեղ քաղաքական կազմակերպութեան վրա էր դրել կովկասահայութեան պահանջների առաջադրման խնդիրը: Բայց թուրքահայ ազատագրական շարժումը ղեկավարելու համար ստեղծված կուսակցութիւնն արդոյ՞ք կարող էր կատարել այդ դերը և, ընդհանրապէս, վարել կովկասահայութեան գործերը:

Այս հարցին պետք է տրվեր անհետաձգելի պատասխան, այսպէս ուշացման դեպքում կովկասահայութիւնը կդիմեր այլ կուսակցութիւնների, որպէսզի նրանց միջոցով կարողանար հեղափոխութեան նվաճումներից ստանալ իր բաժինը: Այդ նպատակով նա կարող էր նույնիսկ ազգային-հեղափոխական մի նոր կուսակցութիւն ստեղծել:

Իրադարձութիւնների նման զարգացման դեպքում դաշնակցութիւնը անխուսափելիորեն կմղվեր երկրորդական դիրքեր:

Այդ մտքի և հեռանկարի հետ չէր կարող հաշտվել դաշնակցութիւնը: Նրան այլ բան չէր մնում, քան պաշտոնապէս հայտարարել, թե ինքը ոչ միայն թուրքահայութեան, այլև ռուսահայոց քաղաքական կուսակցութիւնն է: Իսկ դա նշանակում էր, որ կուսակցութիւնը պետք է վերամշակեր իր առաջին (1892թ.) ծրագիրն այնպէս, որ նրա մեջ արտահայտվեին ոչ միայն թուրքահայոց ազգային ազատագրութեան, այլև ռուսահայոց քաղաքական և սոցիալական պահանջները:

Երրորդ. ցարական կառավարութեան կողմից հայ եկեղեցու կալվածքների բռնագրավումը դաշնակցութեանն ակամայից մղեցին կովկասյան գործունեութեան: 1903թ. ամռանը կուսակցութիւնը Կովկասում կատարեց տեղական գործունեութեան առաջին քայլը՝ կանգնեց ժողովրդական բուռն բողոքների և հակակառավարական պայքարի գլուխ՝ վարելով շարժումը «Հայ ինքնապաշտպանութեան կոմիտեի» անվան տակ:

Այդ առաջին արված քայլը, սակայն, տվյալ պահին, սկզբունքային նշանակութիւն չունեցավ, քանզի որքան էլ կարևոր էր իբրև հեղափոխական գործ, բայց դեռ վկայութիւն չէր այն բանի, թե կուսակցութիւնը փաստորեն մի երեսով շրջվել է դեպի կովկասահայութեան պաշտպանութիւնը, որդեգրել տեղական գործունեութիւնը: «Ինքնապաշտպանութեան կոմիտեի», այսպիսով, ծնունդ առավ հասուկ խնդրի առթիւ, սակայն եկեղեցական կալվածքների գրավման պատճառով առաջացած առճակատումները վերջնապէս հետո դարբեցրեց գործունեութիւնը՝ կատարելով ճակատագրով իր համար նախանշված դերը:

1904թ. հունվար-փետրվարին Սոֆիայում գումարված Հ.Յ.Դ. երրորդ ընդհանուր ժողովն անհրաժեշտ համարեց ազդարարել, թե՛ «ընդունելով մեր կազմակերպութեան մասնակցութեան անհրաժեշտութիւնը կովկասյան հեղափոխութեան կռիւի մեջ, որոշեց այն վարել առայժմ ինքնապաշտպանութեան հողի վրա»: Առաջին անգամ այսպէս էր ազդարարում թուրքահայաստանի ազատագրութեան նպատակով շուրջ 15 տարի գերմարդկային ջանքեր գործադրած

¹ «Հայրենիք», N 12(108), հոկտեմբեր, 1931, էջ 105:

² Նույն տեղում:

կուսակցությունը:

Ավերորդ է ասել, որ ընդհանուր ժողովի այդ որոշումը համարյա ոչինչ չէր ավելացնում երգած փաստացի դրույթյան վրա այն իմաստով, որ միապետության նոր ուսնձգությունների դեպքում առանց այդ որոշման էլ, անխուսափելիորեն կովկասահայության մեջ առաջ կբերեր նոր շարժում, նոր հակադարձում գուցե ավելի վճռական և ավելի արմատական:

Հակառակ դրան, ավելի գործնական էին մի երեսով դեպի Կովկաս շրջվելու անհրաժեշտության մասին ժողովում առանձին պատգամավորների համապետականները, ինչպես նաև ժողովի ընդունած որոշման համապատասխան հանձնարարականը, որին կանդիդատները հետագա շարադրանքում:

Հ.Յ. դաշնակցության երրորդ ընդհանուր ժողովի ընդունած բանաձևի «ԺԳ. -Կովկաս» բաժնում ասված էր.

«Հ.Յ. դաշնակցությունը՝ ընդունելով հանդերձ, թե իր հիմնական նպատակը եղած է և այսօր ալ է՝ օսմանյան Հայաստանի պատմական դատը, ճանչրված և վավերացրած միջազգային դաշնագրերով, չի կրնար անտես ընել Հայ ժողովրդի մարդկային իրավունքներու բռնաբարումի ծանր դեպքերը, որոնք վերջերս տեղի ունեցած և սկսած են հաճախակի ըլլալ Թուրքիայեն դուրս ևս»¹:

Ելնելով դրանից՝ ընդհանուր ժողովը սկզբունքով ընդունեց կովկասահայության ինքնապաշտպանության իրավունքը, կուսակցության ղեկավար մարմիններին վերապահելով համապատասխան մարտավարության մշակումը՝ ինքնապաշտպանության գործը առավել արդյունավետ առաջ մղելու համար: Ինքնապաշտպանության մարտավարությունը արտահայտություն էր գտել Կովկասի վերաբերյալ ընդունած բոլոր որոշումներում (բանավոր և գրավոր պրոպագանդայի, ահաբեկչության, ժողովրդական ցույցերի, զինված դիմադրության և այլն):

Հ.Յ.Դ. երրորդ ընդհանուր ժողովի արձանագրություններում հանդիպում ենք նաև ավելի հեռուն գնացող ձևակերպումների, որոնք, ըստ էության, կուսակցության կողմից դասակարգային պայքարի խնդիրները շոշափող առաջին լուրջ հայտերն էին: Ժողովի բանաձևի «ԺԳ.-Կովկաս» բաժնում Հ.Յ.Դ. արևելյան բյուրոյին և Կովկասի կազմակերպություններին ցուցում էր տրված. «Դաշնակցական բանուորական խմբերը, այն գործարաններու սահմաններուն մեջ, որ անոնք կ'աշխատին, կը մասնակցին բոլոր բանուորական գործադուլներուն և շարժումներուն՝ երբ անոնք կապուած են բանուորներու ընդհանուր վիճակին հետ այդ գործերուն մեջ, իսկ ինչ կը վերաբերի գործարանական կեանքեն դուրս ցույցերուն, որոնք կրնան առաջարկուիլ ուրիշ կուսակցություններու կողմեն, բայց որոնց առիթներն ու նպատակը կրնան տարբեր ըլլալ, յուրաքանչյուր դեպքի համար մասնակցելու կամ չմասնակցելու խնդիրը կը վճռե պատասխա-

նատու մարմինը»²:

Սա արդեն ոչ այլ ինչ էր, քան կուսակցության գործունեությունը նաև Կովկաս տեղափոխելու ուղղակի հայտ:

Դեպի կովկասահայ իրականությունը Հ.Յ. դաշնակցության կատարած շրջադարձի ճանապարհին կարևոր ուղենիշ եղավ 1904թ. դեկտեմբերին տեղի ունեցած Հ.Յ.Դ. կովկասյան մարմինների չորրորդ ռայոնական ժողովը³, որը արտահայտելով շրջանային ժողովների տրամադրությունները՝ կուսակցության ղեկավար մարմինների առջև հարց էր բարձրացրել անհապաղ սկսել կովկասյան գործունեության հետ կապված տեսական խնդիրների մշակումը այն հաշվով, որպեսզի կուսակցության առաջիկա ընդհանուր ժողովը Հնարավորություն ունենա քննարկելու և ընդունելու համապատասխան որոշում:

Չորրորդ. ուսական հեղափոխությունը սկսվելուն պես, Հ.Յ. դաշնակցության առջև կանգնեց հեղափոխության նկատմամբ հստակ դիրքորոշում որդեգրելու խնդիրը: Կուսակցության անդամների մի մասը, որ կազմում էր փոքրամասնություն, գտնում էր, որ կազմակերպությունը չպետք է մասնակցություն ունենա հեղափոխությանը: Այս չափավոր դաշնակցականները ցարիզմի դեմ գինյալ ապստամբությունը համարում էին վաղաժամ և հավատացած էին, որ ապստամբությանը մասնակցելու դեպքում կուսակցությունը կգնա դեպի քայքայում, Ռուսաստանի Հայ բնակչության նկատմամբ կուժեղանան բռնությունները, և դա այն դեպքում, երբ Ռուսիայի սահմաններում ապաստան են գտել և շարունակում են գտնել թուրքական հալածանքներից փախած հազարավոր հայեր: Այս հոսանքի անդամները կանգնած էին կուսակցության հին ծրագիրն անփոփոխ թողնելու տեսակետի վրա, այսինքն՝ դեմ էին կուսակցությանը կովկասյան գործերի մեջ ներքաշելուն, դեմ էին ուսական պետության քաղաքական ներքին կյանքին խառնվելուն⁴:

Բանի որ դաշնակցության շարքերը տոգորված էին ցարիզմի դեմ պայքարի ճակատ հարդարելու բուռն տրամադրությամբ, ուստի կուսակցության չափավոր անդամների զգալի մասը, չհամակերպվելով այդ տրամադրություն-

¹ Հ.Յ.Դ. երրորդ ընդհանուր ժողովի որոշման համաձայն, 1904թ. վերջերին, կուսակցության կազմվածքում կյանքի էր կոչվել մի նոր ղեկավար մարմին՝ դաշնակցության խորհուրդը: Այն փոխարինել էր «Ինքնապաշտպանության կենտրոնական կոմիտեին», որը հայտնի էր նաև «Հ.Յ.Դ. Կովկասի պատասխանատու մարմին» անունով: Դաշնակցության խորհուրդը կուսակցության ամենավերին (բարձրագույն) գործադիր օղակն էր, որին ենթակա էին Հ.Յ.Դ. բարձր ղեկավար մարմինները՝ արևելյան և արևմտյան բյուրոները: Խորհուրդը կոչված էր կողորդել և ցուցումներ տրամադրել գործունեությունը:

² Հ.Յ.Դ. ռայոնական ժողովները չպետք է շփոթել Հ.Յ.Դ. շրջանային ժողովների հետ: Ռայոնական ժողովը ներկայացնում էր մի քանի կ.կոմիտեների ենթակայության տակ գտնվող շրջաններ, իսկ շրջանային ժողովը՝ միայն կ.կոմիտեի ենթակա կազմակերպություններ: Այլ խոսքով, շրջանային ժողովը կարող էր գուժարվել մեկ կ.կոմիտեի կողմից, իսկ ռայոնական ժողովը՝ բյուրոյի կողմից, որպես բազմաթիվ կ.կոմիտեների ներկայացուցիչների ժողով:

³ «Նյութեր...», հատ. Բ, էջ 330:

¹ «Նյութեր...», հատ. Բ, 1973, էջ 119:

ներին, դուրս եկավ կազմակերպությունից, միացավ «Մշակ» թերթի գաղափարական ուղղությանը հետևողներին, և կազմվեց «մշակականներին» (Հայ կադեմստեր) Հոսանք Հայ իրականության մեջ:

Սա առաջին մեծ հոսքն էր, որ ուսական հեղափոխության օրերին տեղի ունեցավ Ն.Յ.Գ. շարքերից: Բնականաբար, դա լուրջ մտորումների տեղիք տրվեց կուսակցության ղեկավարության մեջ:

Կուսակցության անդամների մնացած՝ մեծ մասը, ընդհակառակը, պահանջում էր փոխել կազմակերպության ծրագիրը և Հնարավորություն ստեղծել, որպեսզի Ն.Յ.Գ.-ն և ընդհանրապես հայերը Հարեն Ռուսաստանի հեղափոխական շարժմանը, մասնակցեն զինված ապստամբությանը, որի միջոցով միայն Հնարավոր կլինի հասնել Հայության առջև կանգնած խնդիրների կատարմանը:

Հինգերորդ. Հրապարակ գալու ժամանակից (1890) սկսած մինչև 1905-1906թթ., այսինքն՝ ամբողջ 15 տարի, դաշնակցության գաղափարախոսության մեջ որևէ էական փոփոխություն չէր կատարվել: Այդ իսկ պատճառով կազմակերպության շարքերում նկատելի էր մտավոր անշարժություն ու գաղափարական կարծրացում: Նշված բացասական երևույթներն առայժմ չէին վտանգում ազգային-հեղափոխական կուսակցության գոյությունը, որը զարգանում ու աճում էր սովորական ու բնական ընթացքով՝ ինչպես Հայ իրականության մեջ գործող քաղաքական մյուս կազմակերպությունները: Ն.Յ.Գ.-ն ուներ պարզ ու որոշակի նպատակներ, գաղափարական անձնագոհ ու կորովի առաջամարտիկներ, որոնք հետապնդում էին կուսակցության քաղաքականության անթերի իրականացում:

Սակայն Հասարակական զարգացումն առաջ էր ընթանում անկասելի հեքով, տեղի էին ունենում արմատական փոփոխություններ նաև Հայ ժողովրդի կյանքում: Նման պայմաններում դաշնակցության ներսում գաղափարական կարծրացման երևույթը դարձավ խիստ վտանգավոր նրա բուն իսկ գոյության համար:

Այս հանգամանքը բազմիցս տազնապով ընդգծում էին ինչպես կուսակցության ղեկավարներից ոմանք, այնպես էլ շարքային անդամներ:

Եվրոպայում սովորող դաշնակցական երիտասարդներին նկատի ունենալով՝ Բեռլինի Համալսարանի ուսանող Արշակ Իսահակյանը (Ջամալյան) իր մի նամակում գրում էր, որ «Դաշնակցության մտքի անշարժությունը վատ է անդրադարձել մեր ուսանողության վրա», որ Եվրոպայում սովորող դաշնակցական երիտասարդները ակնհայտորեն հետ են մնում գաղափարական զարգացման տեսակետից, «հակված են մի տեսակ մտավոր ծուլության»: Դրա պատճառն այն է, նկատում էր նա, որ կուսակցությունն ինչպես Հարկն է մտահոգված չէ իր անդամների գաղափարական աճի խնդիրներով: «Եվ երբ Ռուսաստանի շարժումների հետևանքով ամեն տեղ կուսակցության կյանքը փոթորկվեց, և տարբեր կուսակցություններն իրար դեմ ծառայան, այն ժամանակ ... նկատվեցավ, թե որքան հետ է մնացել մեր ուսանողությունը Հասարակական

խնդիրներում»¹: Նամակի հեղինակը մեծ անհանգստությամբ հարցնում էր, թե առաջիկայում դաշնակցությունն ինչպե՞ս է կատարելու իր առջև կանգնած ծանրագույն խնդիրները, երբ նրա ծրագիրը կարիք ունի լուրջ փոփոխությունների՝ հատկապես նրա տեսական մասը: Ահա թե ինչու, գրում էր նա, Եվրոպայում սովորող դաշնակցական ուսանողները կազմակերպվելու ոչ մի տրամադրություն չունեն: Եվ երբ խոսք է լինում կազմակերպվելու մասին, անմիջապես հարց են տալիս՝ «Հանուն ինչի՞» կազմակերպվենք. ո՞րն է այն ծրագիրը, որի շուրջ պետք է խմբվենք»: Եթե Ն.Յ.Գ. առաջիկա ընդհանուր ժողովին հաջողվեր «մի այնպիսի ծրագիր կազմել, որ բավարարություն տար դաշնակցական ուսանողությանը, - իր նամակում այնուհետև ասում էր Ա. Իսահակյանը, - ապա դա մի նոր դարաշրջան կը լինի ուսանողության համար, իսկ եթե այդ բանը չհաջողվեց, ապա հետևանքը պարզ է. նա կամաց-կամաց կ'անջատվի դաշնակցությունից և կը խմբվի այն կուսակցությունների շուրջը, որոնք իրենց ծրագրերով ավելի՛ են համապատասխանում նրա հայացքներին և տրամադրություններին»²:

Դաշնակցության ներսում սկսված գաղափարական կարծրացումն ու մտքի անշարժացումն այնքան արագ ու բուռն էր կատարվում, որ իր հետ բերում էր մի ուրիշ վտանգ ևս՝ իբրև հետևանք կուսակցության շարքերի անսովոր աճի և անօրինակ հսկայական զարգացման:

Այդ փոթորկալից տարիներին դաշնակցությունն ըստ էության իր մեջ ամփոփել էր Հայության մեծամասնության իղձերն ու ձգտումները՝ իրենց բոլոր ելևէջներով: Վերածվելով մի յուրտեսակ ընդարձակ «զինվորական պետություն»՝ կուսակցությունը դեպքերի բերումով փաստորեն դարձել էր Հայության ճակատագիրը վարող հիմնական ուժը՝ իր կրթական, դատական, ոստիկանական և այլ ֆունկցիաներով: Առանց չափազանցության կարելի է ասել, որ այդ ժամանակ կովկասահայության իրական կառավարիչը դաշնակցությունն էր, այլ ոչ թե ուսական կառավարությունը, որն իր գլուխը կորցրել էր արտաքին ու ներքին անակնկալ խայտառակ պարտություններից:

Դաշնակցության մարմնի անբնական մեծածավալ զարգացումը անխուսափելիորեն իր հետ բերեց շարքերի որակական անկում: Թեև Ն.Յ.Գ.-ն 1905-1906թթ. պատվով էր տարել կովկասահայության ինքնապաշտպանության ծանր լուծը, բայց այդ ժամանակաշրջանում նրա մեջ թափանցել էին Հազարավոր այլաոտարր ու գաղափարագուրկ մարդիկ, նաև՝ բախտախնդիրներ, որի հետևանքով կուսակցությունը կանգնել էր հեղափոխական բնույթն ու նպատակների պարզ գիտակցումը կորցնելու իրական վտանգի առջև և բռնվել էր քայքայման ցավով:

Այս պայմաններում, բնականաբար, պետք է առաջին գիծ մղվեին, մի կող-

¹ «Նյութեր...», Հատ. Դ, էջ 340:
² Նույն տեղում:

մից, կուսակցութեան շարքերի գտման, մյուս կողմից՝ նրանում տարվող գաղափարական, տեսական աշխատանքների ուժեղացման պահանջները: Բացի այդ, ելնելով կյանքի առաջադրած խնդիրներից՝ անհրաժեշտ էր վերլուծել նորագույն հասարակական երևույթները, կատարել համապատասխան եղբայրական գումարներ և դրա հիման վրա փոփոխություններ մտցնել Հ.Յ.Դ. տեսության և քաղաքականության մեջ:

Վերջապես, վեցերորդ, ուսական մեծ հեղափոխության հզոր ազդեցության տակ սոցիալիզմն ավելի հուժկու հոսանքով խուժել էր դաշնակցության դռներից ներս, որի հետևանքով, բավարարված չլինելով կուսակցության անդրանիկ (1892թ.) ծրագրով որդեգրած սոցիալիստական սկզբունքների գործադրության ընթացքով, դաշնակցականները, հատկապես երիտասարդները, պահանջում էին, որ նա իր գործունեությունը լիովին համապատասխանեցնի այդ սկզբունքներին:

1905թ. փետրվարին Կուկասում սկսված թուրք-հայկական կոտորածները կասկածի տակ էին դրել սոցիալիստական բնույթի մասին դաշնակցության ծրագրային հավաստիացումները, քանի որ նա ստանձնել էր, առանց դասակարգային տարբերության, հայ ազգաբնակչության պաշտպանության հիմնական դերակատարությունը: Այդ հանգամանքը թեև ծնունդ տվեց մեծ բարդությունների, բայց, որքան էլ տարօրինակ է, ուսական հեղափոխության պայմաններում նրա շարքերում սոցիալիստական գաղափարներով տոգորվելու գործընթացը ոչ միայն կանգ չառավ, այլ նույնիսկ նոր թափ վերցրեց:

Ռուսական հեղափոխության օրերին սոցիալիստական գաղափարախոսությունն ամբողջ աշխարհում դարձել էր տիրական: Այդ պայմաններում դաշնակցությունը մի կողմ չկանգնեց ընդհանուր հոսանքից, այլ ուրք դրեց կովկասյան հեղափոխական գործունեության միջավայր, որը սոցիալիստական աշխատանքի տեսակետից ավելի նպաստավոր հող էր ներկայացնում, քան Թուրքահայաստանը: Դա պահանջում էր կուսակցության անդրանիկ ծրագրի մեջ սոցիալիստական կողմնորոշման կայուն հաստատագրում, նրանում եղած ձևակերպումների հստակեցում և հիմնավորապես հարմարեցում ժամանակի սոցիալիստական մտքի զարգացման մակարդակի հետ:

Թուրքահայ դատին նվիրյալ դաշնակցական երիտասարդ մտավորականության լավագույն ուժերը, որոնք դեռ ուսական հեղափոխությունից մի քանի տարի առաջ չլիինիզմի և բուրժուական գաղափարների արդեն համոզված հակառակորդներ էին, այժմ, այդ հեղափոխության պայմաններում, գնալով դառնում էին ջերմ կողմնակիցներ միջազգային սոցիալիստական գաղափարների և դրանց ազդեցության տակ՝ հեղափոխական լայն ծրագրերի: Նրանք գտնում էին, որ դաշնակցությունն, ի վերջո, դառնալու է հայկական սոցիալիստական կուսակցություն և սերտորեն համագործակցելու է մյուս սոցիալիստական կուսակցությունների հետ, ավելին, լինելու է միջազգային սոցիալիստական շարժման հայկական Փրակցիա:

Այս առնչությամբ նշենք մի հանգամանք ևս: Հ.Յ. դաշնակցության նախաձեռնությամբ և ծախսով 1900թ. նոյեմբերի 1-ից սկսած, ամիսը երկու անգամ, Փարիզում Փրանսերեն լույս էր տեսնում հայոց դատին նվիրված «Pro Armenia» («Հայաստանի համար») թերթը, որի հրատարակմանը մասնակցում էին Ֆրանսիայի ամենանշանավոր դեմքերը՝ Կլեմանսոն, Ժորժես և Անատոլ Ֆրանսը, Փրեսանսեն ու Քիյառը, Կոհին, Ժագարը, Տրեյս Բոչեն և այլք: Նրանց էին միացել ուրիշ երկրների քաղաքական և մշակութային նշանավոր գործիչներ՝ անգլիացի Ջեյմս Բրայսը, իտալացիներ էնրիքո Ֆերրին, Կոստան և ուրիշներ: Թերթին աշխատակցում էին նշանավոր գիտնականներ, դիվանագետներ, պետական գործիչներ, պառլամենտականներ և, որ հատկանշական է՝ տարբեր գաղափարախոսությունների հետևողներ, քաղաքական տարբեր ուղղությունների ներկայացուցիչներ:

Թերթի բարեկամների թվում հատկապես շատ էին սոցիալիստները: Այս հանգամանքը չէր կարող որոշակի ազդեցություն չունենալ դաշնակցության գաղափարական վերակողմնորոշման, սոցիալիստական գաղափարների նկատմամբ հատկապես նրա ղեկավարության ընկալունակության աճի տեսակետից:

Պատահական չէր, որ դաշնակցությունն առիթից առիթ համակրանք էր արտահայտում եվրոպական սոցիալիստական շարժման նկատմամբ, յուր հրատարակություններում անդրադառնում սոցիալիստական երկրորդ ինտերնացիոնալի գործունեությանը, ողջուններ հղում նրա կոնգրեսներին և ստանում ջերմ պատասխաններ:

Իր հերթին ցարական կառավարության կողմից հայկական եկեղեցական ունեցվածքի բռնագրավման օրերին Եվրոպայի սոցիալիստական շարժումը աներկբայորեն կանգնել էր հայ ժողովրդի իրավունքների պաշտպանության կողմը: Սոցիալիստական ինտերնացիոնալի բյուրոն և նրա մյուս ղեկավար մարմինները առիթը լավագույնս էին օգտագործում ուսական միապետությանը մերկացնելու համար՝ նրան ներկայացնելով ոչ միայն որպես Եվրոպայի և Ռուսաստանի բանվորական շարժման ոխերիմ թշնամի, այլև որպես փոքր ժողովուրդների հալածիչ, նրանց տարրական շահերի ու մարդկային իրավունքների բռնադատիչ: Ինտերնացիոնալի ղեկավարությունը չէր հապաղում հայտարարություններով համակրանք արտահայտելու նորից լայնածավալ ջարդերի սպառնալիքի առջև կանգնած, բայց նաև պայքարող հայության նկատմամբ, պաշտոնական փաստաթղթերով ցույց էր տալիս ցարիզմի հրահրիչ ստոր դերը ազգամիջյան կոտորածներում:

Այնպես, որ իրադարձությունների ընթացքը նախորդ մի քանի տարիներին դաշնակցությանն ընդհուպ մոտեցրել էր մի սահմանագծի, որից այնկողմ անխուսափելի էր դարձել նրա կողմից սոցիալիստական գաղափարախոսության և գործելակերպի հստակ որդեգրումը:

Ահա պատճառների այն խումբը, որ ուսական հեղափոխության առաջին իսկ ամիսներին հրապարակ քաշեց Հ.Յ.Դ. գործող ծրագրի արմատական

բարեփոխության և, ըստ էության, կուսակցության նոր ծրագրի ստեղծման պահանջը:

Դաշնակցության ներսում սկսվող վերակողմնորոշումների և բարեփոխումների կենտրոնում, թվարկած հարցերի թվում, առանձնանում են երկուսը.

1. Կովկասում կուսակցության գործունեության բնույթի ու բովանդակության հստակեցում, 2. Սոցիալիզմի գաղափարի ներմուծում կուսակցության գաղափարախոսության մեջ:

1905թ. սկզբներից կուսակցության առանձին կոմիտեներ, կազմակերպություններ ու անհատ գործիչներ Հ.Յ.Դ. արևելյան և արևմտյան բյուրոներին՝ հղած նամակներով պահանջում էին տալ նոր պայմաններում հատուկ սրություն ստացած և իրենց հուզող հարցերի պատասխանները: Ի՞նչ է, վերջապես, դաշնակցությունը՝ համագգայի՞ն, թե՞ հեղափոխական դասակարգային կուսակցություն: Ո՞րն է նրա ուղին՝ արևմտահայության ազատագրությունը, թե՞ հայ կյանքի տնօրինությունն ամեն տեղ: Ինչպե՞ս հաշտեցնել ազգային ներքին հակամարտ շահերը: Ինչպե՞ս ներդաշնակել հայության մի մասի տրնտեսական պահանջները նրա մյուս մասի ազատագրական շարժման հետ: Ի՞նչ դիրք բռնել ծավալվող ռուս հեղափոխության հանդեպ՝ հայկական շահերի սեղծ բնագավառից դուրս: Ինչպիսի՞ դիրքորոշում մշակել Անդրկովկասի աշխատավորության դասակարգային շարժման հանդեպ և այլն: Այս հարցերից բխում էին տակտիկական մի շարք այլ խնդիրներ. Ո՞րն է արևմտահայության ազատագրության բուն ուղին: Ի՞նչն է նրա և կովկասահայության կյանքի չարիքների արմատը: Որո՞նք են կուսակցության ուղեկիցները մեկ և մյուս երկրում: Ո՞րն է նրա գործելակերպը այստեղ ու այնտեղ և այլն, խնդիրներ, որոնց սրությունն աննախընթաց էր, իսկ լուծման հնարավորությունները մութ էին:

Հ.Յ. դաշնակցությունը տվյալ ժամանակաշրջանում ընդգրկում էր պատմական Հայաստանի երկու մեծ մասերը՝ Տաճկահայաստանը և Ռուսահայաստանը, ճյուղավորումներ ունեն նաև Պարսկաստանի, Ամերիկայի, Նիդրլանդների, Բուլղարիայի, Ռումինիայի ու Եգիպտոսի հայ գաղութներում: Կուսակցության շրջանային ղեկավար մարմինները կենտրոնական կոմիտեներն էին, որոնք միավորված էին երկու՝ արևելյան և արևմտյան բյուրոների մեջ: Արևելյան բյուրոյի նստավայրը Թիֆլիսն էր, արևմտյան բյուրոյինը՝ ժնևը: Հ.Յ.Դ. արևելյան բյուրոյի շրջանն ընդգրկում էր՝ ա) Երկիր՝ Կիրասոն-Նարբերդ-Տիգրանակերտ գծից արևելք, բ) Կովկաս, Ռուսաստան և Պարսկաստան: Արևմտյան բյուրոյի շրջանը կազմում էր՝ ա) Փոքր Ասիա՝ Կիրասոն-Նարբերդ-Տիգրանակերտ գծից արևմուտք, բ) Բալկանյան թերակղզի, Ամերիկա, Եգիպտոս և ամբողջ արտասահմանը՝ բացառությամբ Ռուսաստանի և Պարսկաստանի («Նյութեր...», հատ. Գ, էջ 340-341): Ինչպես վերևում ասվեց, բյուրոների և կոմիտեների գործունեությունը, 1904թ. սկսած, կորդինացնում էր կուսակցության խորհուրդը: Երկու բյուրոների առկայությունը թեյադրված էր նրանով, որ Հայաստանը բաժանված էր տարբեր պետությունների միջև, իսկ հայ ժողովուրդը՝ ցրված, սփռված տարբեր տարածքներում: Երկու կենտրոնների (բյուրոների) ստեղծումը ճիշտ էր նաև անվտանգության առումով. եթե մտանգվեր մեկ բյուրոն, մյուսը կկարողանար ժամանակավորապես իր վրա վերցնել ողջ կուսակցության գործերի կառավարումը: Դաշնակցության ապակենտրոն կառուցվածքը, որը թելադրված էր հայկական իրականության առանձնահատկություններով, տասնամյակների փորձով ապացուցեց իր կենսունակությունը:

Հիրավի, տեսություն լույսն օդի ու ջրի պես անհրաժեշտ էր ճանապարհը շարունակելու և կյանքի այլազան ու առանձնահատուկ երևույթների լաբիրինթոսում ճիշտ կողմնորոշվելու համար: Միաժամանակ չէր կարելի մոռանալ, որ տեսությունն էպպես վերացական բան է, որ այն զտված ու մաքրված է երևույթների հազարավոր մանր-մուկեր դրսևորումներից, որ իրականության մեջ հասարակական երևույթները շատ ավելի հարուստ են, բարդ ու կնճուտ: Ահա թե ինչու պետք էր ուշի-ուշով հետևել կյանքի փոփոխություններին ու տրամադրություններին, ուսումնասիրել դրա առանձնահատուկ պահանջները և ըստ այդմ որոշել սեփական գործելակերպը:

Բոլոր նշանները ցույց էին տալիս, որ վերջնագծին է հասել Հ.Յ. դաշնակցության մարմնի անսովոր ու անբնական աճի ու զարգացման գործընթացը և վրա է հասել գաղափարական-տեսական նոր հիմնավորումներով կուսակցության մեջ որակական խոր փոփոխություններ կատարելու ժամանակը: Դաշնակցությունը երկունքի մեջ էր, որից շուտով ծնունդ էր առնելու նրա նոր որակը:

Հարուստն Շահրիկյանի վկայությամբ, դեռևս 1904-ի կեսերին Բաքվում առաջին անգամ հղացել էր կուսակցության առջև հայտնված հրատապ խնդիրները քննության առնելու և դրա հիման վրա մի ծանրակշիռ փաստաթուղթ ստեղծելու գաղափարը: «Ահա այդ ժամանակ, - գրել է նա, - պահանջ զգացվեց Հ.Յ. դաշնակցության անունից մշակել ու կազմել մի նախագիծ, որը կովկասեան շրջանային ժողովում քննարկելուց հետո ներկայացվեր կուսակցության խորհրդին»¹:

Մագած հարցի շուրջ մի շարք գրություններ փոխանակվեցին արևելյան բյուրոյի և Ոսկանապատի կ.կոմիտեի միջև, որի արդյունքում համաձայնություն կայացավ գայիք կովկասյան ռայոնական ժողովի քննության նյութ դարձնել առաջիկա տարիներին դաշնակցության գործունեության ծրագիրը:

«Բազուի դերը մեր ազատագրական շարժման մեջ» ուսումնասիրության հեղինակ Աբրահամ Գյուլխանդանյանը պատմում է, որ գործի հաղողության համար որոշվեց ռայոնական ժողովին ներկայացնել երկու նախագիծ, որոնցից մեկը պիտի պատրաստվեր Բաքվում, մյուսը՝ Թիֆլիսում: Ոսկանապատի կ.կոմիտեն իր նախագծի մշակման գործը հանձնարարեց Լևոն Աթաբեկյանին և Աբրահամ Գյուլխանդանյանին, իսկ Մեծ Քաղաքի (Թիֆլիս) կ.կոմիտեն՝ Գաբեգին Ոսթակին²:

1905թ. սկզբներին Հ.Յ.Դ. կովկասյան ռայոնական ժողովը քննության առավ ներկայացված երկու նախագծերը և ընդունեց Թիֆլիսում կազմված փաստաթուղթը:

Ընդառաջ զնայով շարքերի պահանջներին՝ Հ.Յ. դաշնակցության խորհուրդը

¹ Պետք է լինի կովկասյան ռայոնական ժողով:

² «Հայրենիք», N 11 (191), սեպտեմբեր, 1938, էջ 96:

³ Տե՛ս նույն տեղում, N 5 (149), մարտ, 1935, էջ 119-120:

դը 1905թ. ապրիլ-մայիսին իր նստավայրում ժնևում, քննարկեց Կովկասում կուսակցության գործունեության հերթական խնդիրները: Ուորհրդի անդամներն իրենց ելույթների մեջ նշում էին, որ Հ.Յ.Դ. վերջին (երրորդ) ժողովից հետո Ռուսաստանում տեղի են ունեցել բուռն իրադարձություններ: Ռուս-ճապոնական պատերազմում կրած պարտության հետևանքով և հեղափոխական ընդդիմադիր տարրերի հարվածների տակ զգալիորեն թուլացել է ցարական միապետությունը, միաժամանակ անսպասելիորեն լայն ծավալ ու թափ են ստացել հեղափոխական շարժումները: Ռուսաստանում գնալով ընդլայնվող քաղաքական պայքարից Կովկասը, բնականաբար, չի կարող մի կողմ կանգնել, հետևապես չի կարող չեզոք դիտողի դերում մնալ նաև դաշնակցությունը: Իրադարձությունների արագ զարգացումը պահանջում է չսպասել հերթական ընդհանուր ժողովի հրավիրմանը, որտեղ կորոշվեն նոր իրադրության պայմաններում կուսակցության անելիքները, այլ անմիջապես պետք է ձեռնարկել համապատասխան միջոցներ, մանավանդ որ Հ.Յ.Դ. կովկասյան ուսյոնական ժողովում առաջին անգամ պատգամավորները բարձրացրել են երկրամասում գնալով խորացող հեղափոխական դեպքերին կուսակցության մասնակցության անհրաժեշտության հարցը:

Դաշնակցության խորհուրդը 1905թ. մայիս-հունիսին տեսական լարված աշխատանք կատարեց՝ գործի մեջ ներգրավելով կուսակցության ամենակենսունակ գաղափարական ուժերին: Վերամշակելով Հին ծրագրի սոցիալիզմին վերաբերող մասը՝ սրանք, անշուշտ, գիտեին, որ դրանից որևէ փոփոխություն չպետք է առաջանար կուսակցության թուրքահայկական գործունեության մեջ, քանի դեռ կանգուն է սուլթան Համիդի ուժերը: Եվ հետո՝ նրանց համար կուսակցական շիտակության և խղճի գործ էր այնպես անել, որ կովկասյան գործունեության ընձեռած պատեհությունները օգտագործվեն պահպանելու համար Հայ ժողովրդի կյանքում սոցիալիստական պայքարի այն հիմնական գաղափարները, որոնք ավանդված էին դաշնակցության հիմնադիրների կողմից իբրև ծրագրային հավատարմ հանգանակ: Կարճ ժամկետում մշակվեց Կովկասում կուսակցության գործունեության ծրագրային մի նախագիծ¹, որն ուղարկվեց Հ.Յ.Դ. արևելյան և արևմտյան բյուրոներին և Հ.Յ.Դ. առանձին կենտրոնական կոմիտեների՝ նախնական քննարկման ու նախնական կարծիք հայտնելու համար:

Նախնական քննարկման ենթարկվելուց և խորհրդի կողմից վերջնական խմբագրումից հետո փաստաթուղթը Հ.Յ.Դ. արևմտյան բյուրոյի կողմից 1905թ. հունիսին առանձին պրակով լույս տեսավ ժնևում «Նախագիծ կովկասյան գործունեության» վերնագրով:

Ի՞նչ բովանդակություն ունեւր «Կովկասյան նախագիծը», ի՞նչ հարցեր էին

բարձրացված փաստաթղթում, ի՞նչ լուծումներ էին առաջարկված:

«Կովկասյան նախագիծ»՝ «Կովկասահայ խնդիր» նախաբանում արևմտյան բյուրոն նշում էր, որ Հ.Յ.Դ. երրորդ ընդհանուր ժողովը, ընդունելով Հանդերձ կովկասյան հեղափոխական կռիվն դաշնակցության մասնակցության անհրաժեշտությունը, այնուամենայնիվ, որոշել էր այն առայժմ վարել զուտ ինքնապաշտպանության հողի վրա: Բայց ժողովից հետո եկած ժամանակաշրջանում (չորը 1,5 տարում), կովկասահայ կյանքում, ողջ Կովկասում և Ռուսաստանում տեղի են ունեցել խոշոր իրադարձություններ, որոնք Հ.Յ. դաշնակցությանը ակամայից կանգնեցրել են Կովկասում պայքարի նոր ճակատ հարդարելու հրամայականի առջև, այլ խուսբով, իրական կյանքը կուսակցությանը ստիպել է լինել զարգացող իրադարձությունների ակտիվ մասնակիցը:

Իրադարձություններից հետ չընկնելու համար, այնուհետև ասված էր նախաբանում, դաշնակցության խորհուրդը որոշել է կովկասյան շարժման հարցում ինքնապաշտպանության մարտավարությունից անցնել բուն հեղափոխական գործունեության:

Հ.Յ.Դ. արևմտյան բյուրոյի նախաբանից հետո պրակում զետեղված էր կուսակցության կովկասյան գործունեության ծրագրի նախագծի տեքստը:

Նախագիծն սկսվում էր այն հաստատումով, որ 20 տարուց ավելի է, ինչ Կովկասի հայության և ռուսական միապետության միջև, մերթ խուլ, մերթ բացահայտ, գնում է իսկական կռիվ, որի պատճառը Հայ ժողովրդի, իբրև մի ուրույն կուլտուրական համայնքի դեմ ցարիզմի սանձազերծած վայրենի հալածանքն է:

Արևելյան Հայաստանը Ռուսաստանի կազմի մեջ մտնելուց հետո ռուսահայությունը ցույց էր տվել անուրանալի ունակություններ՝ տնտեսական և կուլտուրական ասպարեզներում ի հայտ բերելով մրցունակ ուժ: Այդ էր հիմնական պատճառը, որ մի քանի տասնամյակ շարունակ ցարիզմը հայությանը դիտում էր որպես առանձնապես վտանգավոր տարր իր տիրապետության համար Կովկասում և նրան անդադրում ենթարկում էր անզուսպ ու անպատիժ հարվածների՝ չստանալով արժանի հակահարված: Կովկասահայ երիտասարդությունը, տարված լինելով թուրքահայոց պայքարին օգնության հասնելու հոգսերով, հնարավորություն չունեւր որևէ ձևով հակազդելու այդ ամենին:

Կովկասահայ երիտասարդության և հատկապես մտավորականության ձեռնարկած ու կրավորական կեցվածքն արմատապես ցնցելու և խախտելու եկավ մի ուժեղ շարժառիթ՝ ցարիզմի կողմից հայկական եկեղեցական գույքի հափըշտակումը: Տասնյակ տարիների ընթացքում հայության մեջ խտացած ըմբոստության ոգին 1903թ. աշնանը ժայթքեց տարերային հուժկու ուժով: Կովկասահայության կյանքը միանգամից փոթորկվեց՝ արտահայտվելով թե՛ անզեն ելույթների և թե՛ զինված դիմադրության ձևով:

Հայկական շարժումը Կովկասում կարճ ժամանակամիջոցում շոշափելի ազդակ դարձավ ամբողջ կայսրության մեջ ազատագրական կռիվ բորբոքման տե-

¹ Հ. Յ. դաշնակցության «Կովկասյան նախագիծ» մասին տե՛ս «Երկիր» (Թիֆլիս), NN 29, 30, 31, 32, 33, 35, 46, 47, 1906:

ասկետից, ունենալով իր զոհերն ու հերոսները, իր հուզիչ մարտիրոսությունը:

Հնդգծելով, որ հայկական շարժումը Կովկասում առաջ է գնում անդիմադրելի թափով և ստանում է հարատև ու ավելի հարձակողական բնույթ, «Նախագիծը», այնուհետև, հաստատում էր, որ «բունկերով մի այնպիսի ժամանակ, երբ չկար պատերազմ, երբ Պլեխի երկաթե ձեռքով բռնակալության մեքենան հասել էր վերջնական կատարելագործման, երբ լայնատարած կայսրության մեջ գերեզմանական անդորրություն էր՝ մերթ ընդ մերթ ընդհատված ուսանողական ու բանվորական խաղաղ ցույցերով կամ ահաբեկչական մասնակի փորձերով, շարժումն այժմ խրախուսվում է ազատագրական այն վիթխարի հոսանքից, որ այսօր բռնել է ամբողջ Ռուսաստանը, ամբողջ Լեհաստանը, Ֆինլանդիան, Կովկասը, և որ մոտալուտ հաղթանակի խրոխտ գիտակցությունը այդ շարժումը նախագծում է արդեն վաղվան Հոյակապ ռամկավարական շենքը»¹:

Այնուհետև նշվում էր, որ, ստանձնելով հայկական շարժման գլխավոր պատասխանատվությունը, Հ.Յ. դաշնակցությունը սերտ հարաբերությունների մեջ է մտել Ռուսաստանում և Կովկասում գործող հեղափոխական սոցիալիստական կազմակերպությունների հետ՝ ընդհանուր ազատագրական գործը համերաշխ ուժերով առաջ մղելու համար:

Այդ ամենն արձանագրելուց հետո «Նախագիծն» անդրադառնում էր Կովկասում հայկական շարժման գլխավոր նպատակներից մեկին՝ հասարակության մեջ սոցիալական արդարության հաստատման համար մղվող պայքարի խնդիրներին:

Հ.Յ. դաշնակցությունը ելնում էր այն իրողությունից, որ Ռուսաստանում և Կովկասում քաղաքական ազատ ուժեղ հաստատվելուց հետո էլ աշխատավոր մարդը, տնտեսական անհավասարության պատճառով, չի կարող վայելել իր աշխատանքի բովանդակ իրավունքը: Կար ժամանակ, երբ տարբեր երկրների առաջադեմ մտածողները հաստատ հավատ ու համոզում ունեին, թե քաղաքական բռնապետական ուժերը տապալելուց հետո հասարակության բոլոր անդամները կստանան կատարյալ ազատություն, տիրապետող կրթության հավասարության և եղբայրության սկզբունքները: Բայց հասարակության հետագա զարգացման ընթացքը դառն հիասթափություն առաջ բերեց այդպես մտածողների մեջ: Արևմուտքում ընկան բազմաթիվ միապետություններ, նրանց հետ միասին քայքայվեցին ավատապետական կարգերը, ասպարեզից հեռացավ ավատապետների դասակարգը: Բայց այդ ամենը սփոփում չբերեց շահագործողներին: Բռնապետություններից քաղաքականապես ազատագրված և իրենց մոտ ռամկավարական կարգեր հաստատած երկրներում պահպանվեց ու հարատևեց շահագործումը՝ դարձյալ հենված տնտեսական անհավասարության ուժի վրա: Նախկին հողատեր ավատապետներին փոխարինեց մի

¹ «Նյութեր...», հատ. Բ, էջ 232:

ուրիշ դասակարգ՝ փողատերերի դասակարգը՝ բուրժուազիան: Աշխատավոր մարդկանց «կեղեքման մենաշնորհը վայրենի, բիրտ ուժից անցավ ավելի քաղաքակիրթ ուժին՝ կապիտալին»:

Արևմտյան հասարակության մեջ առաջ եկան երկու մեծ ու հակոտնյա բանակներ՝ բուրժուազիա և պրոլետարիատ, որոնք թեև ազգի ու հայրենիքի հարցերում հիմնականում համերաշխ են, բայց ունեն տնտեսական տրամագծորեն հակառակ շահեր: Մեկը տեր է վիթխարի հարստությունների, մյուսը՝ զուրկ գոյության նվազագույն միջոցներից: Հենվելով իրենց ծագման, նյութական ուժի և պետության գործուն հովանավորության վրա՝ համեմատաբար փոքրաթիվ արտոնյալներն ամեն կերպ ձգտում են ամրապնդել հասարակության մեջ գերիշխող դիրքերը և հավերժացնել իրենց՝ իբրև իշխող ու կեղեքող դասակարգի տիրապետությունը:

Կապիտալիստական արտադրահարաբերությունները, մեծ զարկ տալով արտադրողական ուժերի աննախընթաց զարգացմանն ու քաղաքակիրթության ընդհանուր առաջադիմությանը, միաժամանակ բացահայտում են բուրժուական հասարակության խոցելի կողմերը՝ տնտեսական ճգնաժամեր, գործազրկություն, վարձու աշխատանքի հրեշային շահագործում և այլն, որոնք ծանրորեն անդրադառնում են աշխատավոր դասակարգերի նյութական ու ֆիզիկական, մտավոր ու բարոյական կացության վրա:

Այսպիսով, ինչպես շեշտված էր «Նախագիծում», արդի քաղաքակիրթ աշխարհի ընդհանուր պատկերն է՝ մի կողմից աշխատավոր զանգվածների քաղց ու մերկություն, մյուս կողմից՝ առասպելական հարստություններ, պերճանք ու վայելքներ: Այդ դուրությունը անխուսափելիորեն պիտի տաներ և տարավ Աշխատանքի ու Կապիտալի միջև հակառակությունների ուժեղ սրման, միաժամանակ՝ ստեղծված վիճակից ելք գտնելու միջոցների որոնման:

Սկզբում հանդես եկան մարդասեր խոշոր մտածողներ, որոնք փորձեցին հասարակական վտանգավոր կացությունը դարմանել՝ դիմելով հարուստ ու ազդեցիկ անհատների մարդասիրական զգացմունքներին, դրանով իսկ առաջարկելով սոցիալական խնդիրների խաղաղ լուծում: Դա սոցիալիզմի ուսուպիական շրջանն էր՝ զուր ջանքերով հանդերձ:

Բայց ստեղծված վիճակից դուրս գալու փնտրտուքները չդադարեցին. ասպարեզ եկան նոր սերնդի մտածողներ՝ տնտեսագետներ, սոցիոլոգներ, փիլիսոփաներ, որոնք, մերժելով ու անհնարին համարելով կապիտալիստական անարդար կարգերը խաղաղ ճանապարհով բարեփոխելու փորձերը, առաջ քաշեցին ու ջատագովեցին այդ կարգերի բռնի տապալման գաղափարը: Նրանք իրենց հիմնական հարվածն ուղղեցին կապիտալիստական հասարակության հիմքերին՝ մասնավոր սեփականությունը, ցույց տվեցին, որ կապիտալիզմը, կատարելով իր պատմական առաքելությունը, այժմ հասել է կատարյալ սնանկու-

¹ «Նյութեր...», հատ. Բ, էջ 232:

թյան և իր իսկ գոյությամբ դարձել է մեծագույն արգելք Հասարակության բնական առաջադիմության ճանապարհին՝ «ստրկացնում է ամբողջ դասակարգեր, այլասերում է ամբողջ սերունդներ՝ նետելով նրանց թշվառության անդունդը»¹:

Եվ ահա, մի կողմից, բանվոր դասակարգի և աշխատավոր մյուս զանգվածների գնալով աճող ատելությունը տիրող բուրժուական կարգերի հանդեպ, մյուս կողմից, աշխատավորության շահերի պաշտպանությունը Հանդես եկող մտավորականության երկարամյա աշխատանքը առաջ բերեցին այն մեծ շարժումը, որ հայտնի էր սոցիալիզմ անունով, իբրև հակադրություն կապիտալիզմի ու նրա ծնունդ բոլոր չարիքների: Սոցիալիստական այդ շարժումը տարածվեց անսովոր արագությամբ՝ իր մեջ առնելով բանվորների և գյուղացիների միլիոնավոր զանգվածներ:

«Սոցիալիստական շարժումը իր էությունը միջազգային է, - ասված է «Նախագծում»: - Բոլոր երկրների աշխատավոր տարրերը՝ իբրև դառն ճակատագրի եղբայրակիցներ, միանում են, ձեռք ձեռքի տալով և գիտակ իրենց բարձր առաքելության, վստահ հաղթանակի վրա՝ կազմակերպված պայքարի ճանապարհով դիմում են դեպի մի սոցիալական կազմակերպություն», ուր չպիտի լինեն կեղեքողներ ու կեղեքվողներ, իշխաններ ու հպատակներ, ուր արդյունաբերության միջոցները, դրամագլուխը պիտի լինեն համայնական, ուր աշխատանքը, քաղաքակրթությունը և նյութական վայելքները հավասարապես բաժին պիտի լինեն յուրաքանչյուրին»²:

Նշելով, որ արևմտյան զարգացած երկրներում հենց այդ ուղղությամբ է առաջ ընթանում հասարակական էվոլյուցիան, «Նախագիծն» այնուհետև անդրադառնում էր կովկասյան և հատկապես կովկասահայ իրականությանը:

Կապիտալիստական ընդհանուր զարգացումից դուրս չմնաց Կովկասը, որտեղ նույնպես զարգացում ստացավ մեքենայական խոշոր արտադրությունը, որն իր հետևից բերեց հինավուրց տնտեսաձևերի կործանում և նորերի առաջացում, արհեստների անկում, գյուղական բնակչության գաղթ դեպի արդյունաբերական վայրեր: Ռուսական և եվրոպական կապիտալի ուժգին ներթափանցման հետևանքով Կովկասն իր բնական հարստություններով համեմատաբար կարճ ժամանակամիջոցում դարձավ ընդարձակ ու արգասավոր շահագործման վայր:

Արդյունաբերության զարգացման հետ միասին Անդրկովկասում ծնունդ առավ եվրոպական իմաստով փողատեր դասակարգը՝ բուրժուազիան, որը, յուրացնելով կապիտալիստական շահագործման բոլոր ձևերը, իր ձեռքը վերցրեց երկրամասի հարստությունների առյուծի բաժինը:

Բուրժուազիայի հետ միասին հրապարակ եկավ նաև Անդրկովկասի առա-

վել ընչազուրկ դասակարգը՝ պրոլետարիատը: Այդ դասակարգը հիմնականում կազմված է երկրամասի մանր սեփականատեր գյուղացիներից և դեռևս լիովին չի համապատասխանում բառի բուն եվրոպական իմաստին: Իր նյութական, մտավոր, կուլտուրական վիճակով նա շատ ավելի թշվառ է, քան արևմտյան որևէ երկրի պրոլետարիատ: Դրա հետ միասին, աշխատող ժողովրդի մեծ զանգվածը մնում է տակավին զավառների մեջ՝ կապված իր հողին ու խղճուկ տնտեսությունը, ենթակա այլևայլ հարստահարիչների կամայականություններին:

Այնուհետև «Նախագիծը» տալիս էր Անդրկովկասի հայ իրականության պատկերը:

Երկրամասի տնտեսական զարգացմանը զգալի չափով զարկ տվեց Հայ առևտրական տարրը: Հայկական կապիտալը թափանցեց տնտեսության համարյա բոլոր ոլորտները, նպաստեց նրա արդյունաբերության վերելքին: Զևավորվեց Հայկական բուրժուազիան՝ համառուսաստանյան բուրժուազիայի մի ջուկատը:

Դրա կողքին ընթանում էր Անդրկովկասի հայկական զավառների բնակչության արագ ունեղրկման գործընթացը: Ենթարկված լինելով կալվածատեր ազանների ու վաշխառուների անողոք կեղեքմանը՝ բազում հարկերի ծանրության տակ կրված Հայ ընչազուրկ կամ ընդամենը մի թիզ հող ունեցող գյուղացիները ստիպված էին հեռանալ արդյունաբերական կենտրոններ, ուր վաստակը համեմատաբար բարձր էր, թեև աշխատանքը՝ տաժանակիր:

Կովկասի հայկական կյանքում շահագործողների և շահագործվողների միջև հակասությունները ծայրաստիճան չէին սրվում, որովհետև ցարիզմը հակահայ իր բիրտ քաղաքականությամբ համերաշխության էր մղում Հայ ազգաբնակչության բոլոր խավերին, նրանց միջև ուժեղացնում էր ազգայնական կապերը՝ երկրորդական դիրքի վրա պահելով դասակարգային պայքարը:

Բայց այդ վիճակը մոտենում է իր վախճանին, - ասված էր «Նախագիծում»: - Դասակարգային հողի վրա Հայ իրականության մեջ նույնպես սկսվել է կռիվը, որը գնալով օրեցօր լայն ծավալ է ստանում ընդգրկելով ազգային կյանքի բոլոր ոլորտները:

Այնուհետև «Նախագիծն» ազդարարում էր, որ Հ.Յ. դաշնակցությունը, հավատարիմ իր ավանդական ոգուն, կանգնած է շահագործվող Հայ բանվորության կողքին, հետևողականորեն հանդես է գալիս կապիտալի բռնատիրության դեմ, ուստի հետայսու կքարոզի սոցիալիստական գաղափարներ ու կպայքարի դրանց իրականացման համար: Գյուղում կուսակցությունը կռիվ կմղի կալվածատերերի ու վաշխառուների դեմ, իր դրոշի տակ կհամախմբի հողազուրկ ու սակավահող գյուղացիներին: Կուսակցությունը, «մերկացնելով մասնավոր տնտեսության բոլոր աննպաստ, բացասական կողմերը, պիտի աշխատե ժողովրդականացնել համայնական տնտեսության ձևերը, գյուղական կյանքին պատվաստել արդյունաբերող ու սպառող ընկերությունների արգասավոր սկզբունքը, որը ճանապարհ է հարթում դեպի ապագա մեծ, համայնա-

¹ «Նյութեր...», հատ. Բ, էջ 233:
² Նկատի ունի՝ հասարակություն:

² «Նյութեր...», հատ. Բ, էջ 233:

կան, սոցիալիստական կազմակերպությունը»¹:

Մեկնելով վերը շարադրված հիմնական հայացքները և աչքի առաջ ունենալով այն կարևոր հանգամանքը, որ հայ զանգվածների հետ միասին Անդրկովկասի մյուս ժողովուրդները նույնպես գտնվում են քաղաքական և տնտեսական համանման պայմաններում, և որ, հետևաբար, անդրկովկասյան բոլոր աշխատավորների հիմնական ձգտումները պետք է մեկ լինեն, Հ.Յ. դաշնակցությունը կովկասյան գործունեության իր նախագծում առաջադրում էր քաղաքական և տնտեսական մի շարք կարևորագույն պահանջներ:

Ինչպես տեսնում ենք, «Նախագիծը» դաշնակցությանն արդեն պարզորոշ կողմնորոշում էր դեպի դասակարգային պայքար և այդ հողի վրա իր գլխավոր նպատակներից մեկն էր համարում աշխատավորների ազատագրությունը շահագործումից ու կապիտալի բռնադատումից: Այլ խոսքով՝ կուսակցությունը գործնականորեն թեքվում էր դեպի սոցիալիզմ:

«Նախագիծում» արծարծված գլխավոր հարցերից մյուսը պետական կառուցվածքի ֆեդերատիվ (դաշնակցային) ձևի նկատմամբ Հ.Յ. դաշնակցության որդեգրած սկզբունքի ծրագրային ամրագրումն էր:

Ամբողջությամբ առած, բազմազգ Ռուսաստանի և բազմազգ Անդրկովկասի պետական կառուցվածքի հարցի լուծման հնարավոր հեռանկարները 1890-ական թվականներից զբաղեցրել են ռուսահայ հասարակական միտքը: Այդ տարիներին հարցի տնտեսական մշակման ուղղությամբ զգալի աշխատանք են կատարել հայ ազգային հեղափոխական երկու կուսակցություններ: Ապագա դեմոկրատական Ռուսաստանի պետական կառուցվածքի խնդիրներին անդրադարձել են հնչակյան նշանավոր գործիչներ Ավետիս Նազարբեկյանը, Ռուբեն Բերբերյանը, Ռուբեն Խանազատը, Սապահ-Գյուլյանը: Հարցն իրենց աշխատություններում լայնորեն արծարծել են դաշնակցության նշանավոր տեսաբաններ Գարեգին Խանաթյանը, Նիկոլ Թոփչյանը և Միքայել Վարանդյանը:

Հենց այստեղ պետք է հիշատակել, որ մինչ «Նախագիծը» դաշնակցությունը մասնակցել էր 1904-ի դեկտեմբերին (Փարիզում) և 1905-ի ապրիլին (ժնևում) տեղի ունեցած ռուս հեղափոխական կուսակցությունների խորհրդրդաժողովներին, նրանց հետ կուել հանրածանոթ «Հեղափոխական դաշինքը», որում առաջադրված էր բազմազգ Ռուսաստանում պետական կառուցվածքի ֆեդերատիվ ձևի հաստատման անհրաժեշտությունը:

Ռուսական հեղափոխության ալիքների վրա իր ամբողջ կարևորությամբ սկսել էր արծարծվել ազգային խնդիրը: Բազմազգ կայսրության մեջ դա անխուսափելի էր: Թեև նախընթաց տասնամյակներին Կովկասում ռուսացման քաղաքականությունն ընդունել էր մեծ չափեր և ծայրահեղ դրսևորումներ, արձանագրել որոշակի հաջողություններ, սակայն ժողովուրդների ազգային

գիտակցությունն անկասելիորեն խորանում և բյուրեղանում էր:

Ազգային հարցով զբաղվող դաշնակցական տեսաբանների շարքը նոր պայմաններում համալրվեց երիտասարդներով Արտաշես Զիլինգարյան, Արշակ Զամալյան, Միսոն Վրացյան, Արտաշես Աբեղյան և ուրիշներ:

Ռուսաստանի ապագա վարչաձևի հարցը հրատապ էր դարձել, ինչպես երբեք: Ֆեդերացիայի գաղափարը գնալով խորանում էր և ձեռք էր բերում նորանոր կողմնակիցներ: Դաշնակցության համար այն գործնականորեն ամենակիրառելին էր Կովկասի պայմաններում: Դա նպատակահարմար էր համարվում, քանի որ այդ ժամանակ ռուսական կայսրության, առավել ևս Կովկասի, ազգություններից, ժողովուրդներից ու ցեղերից ոչ մեկը հանդես չէր գալիս Ռուսաստանից անջատվելու, քաղաքականապես անկախանալու կամ մի ուրիշ երկրի կազմի մեջ մտնելու պահանջով: Կայսրության ամբողջականության պահպանությունը ձեռնտու էր բոլոր այլազգիներին:

Ինչ վերաբերում է իշխող ռուս ժողովրդին, ապա նա ծայրահեղորեն զգայուն էր ու անհանդուրժող կենտրոնախույս ձգտման որևէ արտահայտության նկատմամբ: Ոչ մի ռուս կուսակցություն՝ սկսած ամենաձախակողմյան հեղափոխականից մինչև ամենաաջակողմյան հակահեղափոխականը, մտքով անգամ չէր անցկացնում, թե հնարավոր է կայսրությունից որևէ ժողովրդի անջատում: Այնպես որ, տրամագծորեն հակառակ քաղաքական գաղափարներ դավանող ուժերի՝ ցարական կարգերի ամենամոլի պաշտպանների (Պրեդոնոսցև, Պուրիշկևիչ և այլք) և նույն կարգերի ոխերիմ հակառակորդների (Լենին, Մարտով և այլք) հայացքները նույնանում էին կայսրության ամբողջականության պահպանման հարցում:

Բոլոր ռուս կուսակցությունները կատաղի հակառակորդներ էին ոչ միայն այլազգիների քաղաքական անկախության, այլ նույնիսկ նրանց ազգային-տերիտորիալ ինքնավարության (ավտոնոմիա) պահանջին: Նույնիսկ Ֆինլանդիան և Լեհաստանը, որոնք կայսրության մեջ փաստորեն ունեին կիսանկախ վիճակ, ռուսական առաջին հեղափոխության օրերին իսկ, երբ ցարի գահը ուժգին երերվում էր, վճռականորեն չէին պահանջում ավտոնոմիա, քանի որ այդ մասին հարց բարձրացնելը կառավարության կողմից կդիտվեր որպես ըմբոստություն, հետևապես հղի էր անկանխատեսելի վտանգներով:

Ինչ վերաբերում էր երկրի մյուս ոչ ռուս ժողովուրդներին ու ցեղերին, ապա նրանք չէին կարող հավակնել նույնիսկ վարչակառուցվածքային ամենասուտորին ձևերին: Նրանցից միայն մի քանիսը հաղիվ «հասունացած» էին համարվում սովորական տեղական վարչական «ինքնակառավարման» համար (զեմստով), որ կես դարուց ի վեր արդեն ունեին Ռուսաստանի ներքին նահանգներն ու գավառները: Կայսրության ոչ ռուս ժողովուրդներին ոչ միայն քաղաքական անկախության, այլ նույնիսկ ավտոնոմիա տալուն վճռականորեն դեմ էր հատկապես ՌՄԴԲԿ-ն՝ իր բոլշևիկյան և մենշևիկյան թևերով: Ընդհատ է, սոցիալ-դեմոկրատներն իրենց ծրագրում ազդարարել էին «ազգերի

¹ «Նախագիծ կովկասյան գործունեության», Ժրնև, 1906, էջ 12:

ինքնորոշման» իրավունքը, բայց դա ձևական էր և գրված էր թղթի վրա մնալու համար: Սոցիալ-դեմոկրատիան, որն արտահայտում էր առանց ազգային խտրականության կայսրության բազմազգ բանվոր դասակարգի շահերը, դեմ լինելով երկրի ամբողջականության խախտմանը, հետևապես նաև՝ համառուսաստանյան պրոլետարիատի միասնականության քայքայմանը, նույնիսկ ավտոնոմիայի մեջ տեսնում էր իրական վտանգ: Պատահական չէ, որ և՛ բոլշևիկները, և՛ մենշևիկները ռուսական կայսրության բազմազգ պրոլետարիատի կատարի թշնամիներ էին համարում բոլոր այն կուսակցություններին, որոնք հրապարակ էին գալիս ազգային-տերիտորիալ ինքնավարության որևէ պահանջով:

Ռուս կուսակցություններից միայն սոցիալիստ-հեղափոխականների կուսակցությունն էր, որ իր ծրագրային դրույթներից մեկն էր համարել՝ Ռուսաստանի ապագա վարչակարգը տեսնել ֆեդերատիվ (դաշնակցային) հանրապետության ձևով: Սակայն ֆեդերացիայի հարցը ռուս էսէռների համար նույնպես առավելապես ուներ տեսական, քան գործնական քաղաքականության նշանակություն:

Այսպիսով, չխոսելով միապետական և սահմանադրական ռուս կուսակցությունների մասին, որոնց համար կայսրության մեջ ընդհանրապես գոյություն չուներ ազգային հարց, ռուս սոցիալիստները կամ բացարձակ հակառակորդներ էին ավտոնոմիայի և ֆեդերացիայի (սոցիալ-դեմոկրատ բոլշևիկներ և մենշևիկներ), կամ խնդիր հրատարակ նշանակություն չունեցող իրենց համար (սոցիալիստ - հեղափոխականներ): Դա պատահական չէր. սոցիալիստներ լինելուց առաջ նրանք ռուսներ էին:

Իսկ ինչպիսի՞ն էին խնդրի գրեթե ամբողջով Կովկասում:

Կովկասյան սոցիալ-դեմոկրատիան, իբրև ռուսական սոցիալ-դեմոկրատիայի անբաժան մաս, բացարձակապես դեմ էր ավտոնոմիային և ֆեդերացիային: Խոսքը վերաբերվում է կովկասյան թե՛ բոլշևիկներին (որոնց մեջ շատ էին հայերը), թե՛ մենշևիկներին (որոնք գերազանցապես ներկայացված էին վրացիներով):

Ավտոնոմիային և ֆեդերացիային դեմ էր նաև հիմնականում Բաքվում կենտրոնացած սոցիալ-դեմոկրատական բանվորական Հայ կազմակերպությունը՝ Բախչի Իշխանյանի, Դավիթ Անանունու, Ղազար Տեր-Ղազարյանի, բժ. Իսախանյանի գլխավորությամբ:

Ինչ վերաբերում է Հայ սոցիալիստ-հեղափոխականներին, ապա նրանք թվով քիչ էին, և նրանց համար այդ խնդիրը էական նշանակություն չունեցավ:

Կովկասում ֆեդերալիզմի սկզբունքի շատագուցներն էին երկու ուժեր՝ վրացիների մեջ սոցիալ-ֆեդերալիստների կուսակցությունը, հայերի մեջ՝ Հ.Յ.դաշնակցությունը:

Ինչ վերաբերում է կովկասյան թուրքերին, ապա նրանք դեռ չունեին կազմակերպված կուսակցություններ: Հատուկենտ անհատներ մտնում էին Ռ.Մ.ԲԿ-ի կամ էսէռական կուսակցության Բաքվի կազմակերպություններին

մեջ, իսկ աշխատավոր զանգվածները քաղաքականորեն ծայրաստիճան անկազմակերպ էին:

Ի մի բերելով ասվածը, նկատում ենք, որ կովկասյան իրականության մեջ քաղաքական հողի վրա իրար դեմ կանգնած էին հիմնականում երկու կուսակցություններ՝ Հ.Յ. դաշնակցությունը և սոցիալ-դեմոկրատիան: Առաջինը ջերմ կողմնակից էր ֆեդերացիայի գաղափարին, երկրորդը՝ հետևողական հակառակորդ:

Վերևում նշվեց, որ 1904 և 1905 թվականներին Փարիզում և ժնևում տեղի ունեցած ռուս հեղափոխական կուսակցությունների խորհրդաժողովներն առաջադրել էին ֆեդերացիայի պահանջը: Վերջին խորհրդաժողովի ավարտից հետո նրա մասնակիցներից մեկը՝ դաշնակցությունը, հայության քաղաքական նպատակների ծիրում ֆեդերացիայի պահանջը առաջադրեց նաև Թուրքիայի նկատմամբ: Այնպես որ, դաշնակցության կողմից «Նախագծում» ֆեդերացիայի սկզբունքի որդեգրումն արդեն նախապես արված քայլի պարզ շարունակությունը և զարգացումն էր՝ կարևորագույն լրացումով:

Իր դավանադրում առաջադրելով ֆեդերացիայի պահանջը՝ դաշնակցությունը, սակայն, դեմ չէր արտահայտվում անկախության գաղափարին: Ընդհակառակը, հայության երկու հատվածների նկատմամբ համանման պահանջների առաջադրումը լուծյալն գալիս էր գծելու և հարթելու այդ հատվածների ամբողջացման նույն ուղիները: Իսկ այդ ամբողջացումը կարող էր լինել և պիտի լինեց որ թե ռուսական կամ թուրքական, այլ միայն ու միայն հայկական իշխանության տակ:

Պատասխանելով այն հարցին, թե Կովկասում հեղափոխական կուլի միջոցով Հ.Յ. դաշնակցությունն ինչ գլխավոր նպատակ է հետապնդում, «Նախագիծը» շեշտում էր. «Նա ձգտում է դաշնակցային (ֆեդերատիվ) ռազմավարական մի կազմակերպության ամբողջ Անդրկովկասի համար՝ ամենալայն տեղական ինքնավարության մեջ: Լինելով բացարձակ հակառակորդ ամեն տեսակ առանձնաշնորհումների, ազգայնական ամեն տեսակ գերիշխանության ու ճնշումների՝ դաշնակցությունը համոզված է, որ միմիայն այդպիսի ռազմավարական կազմակերպության մեջ՝ կովկասյան այլատարր, այլալիոն և այլաբարբառ ժողովուրդները կարող են ապահովված տեսնել իրենց ուրույն, ազատ ու անարգել առաջադիմությունն ու բարգավաճումը»¹:

Ռուսաստանի, մասնավորապես Կովկասի ապագա պետական կառուցվածքի մասին դաշնակցության տեսակետն առաջադրելուց հետո, «Նախագիծն», այնուհետև, ներկայացնում էր խնդրի նկատմամբ կուսակցության կոնկրետ պատկերացումները:

Քաղաքական - Անդրկովկասը լինելու է դաշնակցային (ֆեդերատիվ) դեմոկրատական հանրապետություն՝ հիմնված ընդհանուր, հավասար, ուղղա-

¹ «Նյութեր...», հատ. Բ, էջ 232:

կի և գաղտնի ձայնատվության վրա. դաշնակցային Հանրապետության մեջ բոլոր ազգերն ու կրոնական Համայնքներն օրենքի առջև Հավասար են, վերացվում են բոլոր դասային և այլ կարգի առանձնաշնորհումները. Անդրկովկասը ազատ Ռուսաստանի դաշնակիցն է և նրա անբաժան մասը, նրա Հետ սերտորեն կապված է ընդհանուր պետական ինքնապաշտպանության, դրամական Համակարգի և ընդհանուր քաղաքականության խնդիրներում. բոլոր ներքին Հարցերում վարչական, տնտեսական և այլն, Անդրկովկասն անկախ է. դաշնակցային Հանրապետությունն ունի իր կենտրոնական պառլամենտը, որի նստավայրը Թիֆլիսն է. բնակչության յուրաքանչյուր 25 Հազարի կողմից ընտրվում է պառլամենտի մեկ պատգամավոր. ընտրելու իրավունք ունի առանց սեռի խտրության 20 տարին լրացրած ամեն մի անդրկովկասցի. պառլամենտի որոշումների Հիման վրա երկրի վարչական, տնտեսական և մշակութային բովանդակ քաղաքականությունը վարում է նախարարների պատասխանատու մարմինը. անհատի անձը և բնակարանը անձեռնմխելի են. Հանրապետության մեջ ապահովված է մամուլի, խոսքի, խղճի, ժողովների ու Հանրահավաքների, բանվորական արհեստակցական միությունների, գործադուլների կատարյալ ազատություն. ընդհանուր, պարտադիր ու ձրի սկզբնական կրթությունը կազմակերպվում է մայրենի լեզվով՝ յուրաքանչյուր ազգի կարիքներին ու զարգացմանը Համապատասխան, միջնակարգ դպրոցները նույնպես մայրենի լեզվով են, իսկ մնացած գլխավոր տեղական լեզուները այդ դպրոցներում դասավանդվում են իբրև անհրաժեշտ առարկաներ. ուսերեսը, իբրև ընդհանուր պետական լեզու, պարտադիր է. դաշնակցային Հանրապետության մեջ եկեղեցին անջատված է պետությունից, իսկ կրոնը անհատական խղճի գործ է. Անդրկովկասը բաժանվում է գավառների, որոնք վայելում են ամենայն տեղական ինքնավարություն: Գավառների սահմանները գծելիս նկատի է առնվում ազգաբնակչության ցեղագրական և կուլտուրական կազմը՝ Հնարավորին չափ միաձույլ Համախմբումներ կազմելու Համար. առանձին ազգային Համայնքները գավառներում վայելում են ներքին ինքնավարություն. ազգաբնակչության կողմից ընտրվում է գավառային խորհուրդ՝ վերը նշված սկզբբունքով, որն իր մարմիններով վարում է գավառի ներքին գործերը. Համայնքի ու գավառի վարչակազմերում աշխատող բոլոր պաշտոնյաների Համար պարտադիր է տեղական երկու գլխավոր լեզուների իմացությունը, իսկ դաշնակցային Հանրապետության վարչակազմի պաշտոնյաների Համար պարտադիր են անդրկովկասյան երեք գլխավոր ժողովուրդների (վրացիներ, Հայեր, կովկասյան թուրքեր) լեզուները. բոլոր պաշտոնյաներն ընտրվում են ժողովրդի կողմից՝ վերը նշված ընտրական սկզբունքով. գավառների և Անդրկովկասյան դաշնության բարձրագույն դատավորներն անկախ են և անփոփոխելի (նրանց ընտրության սկզբունքները որոշում է Անդրկովկասի սահմանադիր ժողովը). դաշնակցային ընդհանուր դատարանում երեք գլխավոր լեզուները Հավասար են (դատավորը պարտավոր է ապահովել այդ լեզուներով դատական վարույթնե-

րը). Անդրկովկասի ինքնապաշտպանությունը իրականացվում է ժողովրդական միլիցիայի միջոցով (որում ամեն մի առողջ քաղաքացի պարտավոր է որոշ ժամանակով ծառայել իբրև միլիցիոներ). ժողովրդական միլիցիան գործում է դաշնության սահմաններում, ենթակա է Ռուսաստանի ընդհանուր Հրամանատարությանը, գործողության մեջ է դրվում միաժայն այն դեպքում, երբ վտանգ է սպառնում ընդհանուր պետության կամ Անդրկովկասյան դաշնության ազատությանն ու ամբողջականությունը. դաշնության սահմանադրությունը մասամբ կամ ամբողջությամբ փոխելու որոշումը կարող է միայն կայացնել Անդրկովկասի ինքնավար ժողովուրդը՝ ընդհանուր քվեարկությամբ և ձայների 2/3 -ի առավելությամբ: Սահմանադրությունը փոխելու առաջարկ կարող են անել նաև որոշ թվով քաղաքացիներ:

Տնտեսական - Անդրկովկասյան դաշնության մեջ իրականացվում է Հողերի աստիճանական Համայնացում. վերացվում են անուղղակի Հարկերը, մտցրվում է պրոգրեսիվ տուրք եկամտի ու ժառանգության Համար, Հարկումից բուլրովին ազատվում են սահմանված նվազագույն չափից ցածր մասը եկամուտները. բանվորների Համար օրենքով սահմանվում է 8-ժամյա աշխատանքային օր. սահմանվում է նվազագույն օրավարձ այլևայլ զբաղմունքների Համար՝ քաղաքում և գյուղում. պետության և գործատերների Հաշվին մոցվում է պետական ապահովագրությունը դժբախտ պատահարներից, Հիվանդությունից, ծերությունից և անաշխատունակությունից. դաշնության տարածքում մարդիկ ունեն տեղափոխության և ցանկացած արհեստով զբաղվելու ազատություն. ստեղծվում են աշխատանքային բորսաներ, որոնք պիտի մասնակցեն բանվորական օրենսդրության մշակմանը. իրականացվում է աշխատանքի օրենսդրական Հովանավորություն՝ գիտական, առողջապահական պահանջների Համեմատ. վերացվում է գիշերային աշխատանքը՝ բացի այն արտադրություններից, որոնց տեխնիկական բնույթը թույլ չի տալիս ընդհատումներ: Անպայման վերացվում է կանանց ու երեխաների գիշերային աշխատանքը, իսկ 15-16 տարեկանների աշխատանքի տեղադրությունը սահմանափակվում է 6 ժամով, կիրակին Հայտարարվում է ոչ աշխատանքային, լիակատար Հանգրստի օր. սահմանվում է բանվորական վերահսկողություն արտադրության վրա, վերահսկիչ-վերատեսչական մարմիններն ընտրվում են բանվորների կողմից՝:

* Աստիճանաբար աճող:

** Անդրկովկասի իբրև միասնական վարչական միավոր տեսնելու Հ.Յ. դաշնակցության կողմից 1905թ. առաջարկվող այդ ծրագիրն առաջին անգամ կոնկրետ փորձության ենթարկվեց Ռուսաստանում 1917թ. փետրվարյան Հեղափոխությունից Հետո՝ Հանձին անդրկովկասյան կոմիսարիատի իշխանության ստեղծման, որին փոխարինեց անդրկովկասյան սեյմի գլխավորած՝ Անդրկովկասի Ծեղբրատիվ Հանրապետությունը: Սակայն պետական այդ միավորը կենսունակ չեղավ և գոյատևեց շատ կարճ ժամանակ միայն, քանի որ դրա երեք Հիմնական բաղադրիչ տարրերի՝ վրացիների, Հայերի և կովկասյան թուրքերի շահերը խիստ տարբերվում էին իրարից, իսկ կովկասյան թաթարները, իրենց շահերը նույնացնե-

Ընդհանուր գծերով այսպես էր պատկերացնում դաշնակցությունը ապագա դեմոկրատական Ռուսաստանի և Անդրկովկասի պետական կառուցվածքը: Կուսակցությունը այդ սկզբունքը ամենանպատակահարմարն էր գտնում ամեն մի բազմազգ երկրի համար:

**«ԿՈՎԿԱՍՅԱՆ ՆԱԽԱԳԻԺ» ՔՆՆԱՐԿՈՒՄԸ
ԿՈՒՍԱԿՑՈՒԹՅԱՆ ՇԱՐՔԵՐՈՒՄ**

Հրատարակելով «Նախագիծը»՝ դաշնակցության խորհուրդը շուտափույթ կազմակերպեց զրա առաքումը բոլոր կ.կոմիտեների հասցեներով, որոնք պետք է կազմակերպեին փաստաթղթի լայն ու համակողմանի քննարկումը կոմիտեներում, ենթակոմիտեներում, խմբերում, ապա՝ Հ.Յ.Դ. շրջանային և ռայոնական ժողովներում: Այդ քննարկումների ընթացքում արվելիք դիտողություններն ու առաջարկությունները պետք է ուղարկվեին Հ.Յ.դաշնակցության առաջիկա ընդհանուր ժողովին՝ վերջնական վավերացում տալու համար:

«Կովկասյան նախագիծը», տեղ հասնելուց հետո, երկար ամիսներ լարված մթնոլորտում ու հանգամանորեն քննարկվում էր կուսակցության ներսում թեր, դեմ և ձեռնպահ արդյունքներով:

Որ «Նախագիծը» կարող էր Հ.Յ.Դ. շարքերում բուռն վիճաբանությունների առիթ դառնալ՝ կուսակցության ղեկավարները հնարավոր էին համարում, բայց ոչ մեկի մտքով չէր անցնում, թե փաստաթուղթը կարող է իսկական փոթորիկ առաջ բերել կազմակերպության ներսում, նաև՝ ալեկոծել կովկասահայ հասարակական միտքն ու քաղաքական կյանքը:

Դաշնակցության մամուլի բոլոր օրգաններն անխտիր, կուսակցության տեսաբանները, «Նախագիծը» պաշտպանող դաշնակցական նշանավոր գործիչները գրչով թե խոսքով, բեմերից թե ամբիոններից, ժողովներում թե հանդիպումների ժամանակ եռանդով պաշտպանում կամ մերժում էին փաստաթղթի այս կամ այն դրույթը:

Կուսակցության շարքերում «Նախագիծ» քննարկման գործընթացը համընկավ նրա գործիչների սերնդափոխության հետ: Քաղաքական կյանքում գնալով ավելի ու ավելի բարձր էր հնչում դաշնակցական գործիչների երկրորդ

յով 1918թ. գարնանը Անդրկովկաս ներխուժած օսմանյան զավթիչների նպատակներին, թիկունքից հարվածներ էին հասցնում հայությանը:

Դաշնակցական տեսաբանները գտնում էին, որ թուրքիայի ապագա դեմոկրատական հանրապետության պետական կառուցվածքի հիմքում նույնպես պետք է ընկնի ֆեդերացիայի սկզբունքը: Համաստանյան այդ ֆեդերացիայի մեջ թուրքահայաստանը մտնելու էր ինքնավար հիմունքներով: Ինչ վերաբերում է Հարցի հանրեպ հնչակի դիրքորոշմանը, ապա նա վճռականապես հանդես էր գալիս Հայաստանը թուրքիայից անդառնալիորեն անջատելու պահանջով: Այդ պահանջն անասան էր մնալու նույնիսկ այն դեպքում, եթե կայսրությունը ապագայում որդեգրեր պետական կառուցվածքի ֆեդերատիվ ձևը:

սերնդի ձայնը:

Այս նոր սերունդը առաջինի հարազատ զավակն էր, բայց տրամադիր էր հասարակական նոր զարգացումներին համապատասխանեցնել գաղափարական այն սկզբունքները, որոնք մեկ ու կես տասնամյակ առաջ դրվել էին կուսակցության կայացման գործընթացի հիմքում և այժմ կարիք ունեին որոշակի շտկումների ու բարեփոխումների: Այլ խոսքով՝ ռուսական հեղափոխությունը դաշնակցական գործիչների երկրորդ սերնդին էլ ավելի էր մոտեցրել հեղափոխականությանը՝ դասակարգային պայքարի տեսությունը և սոցիալիզմի գաղափարներին:

Հիշատակենք դաշնակցության նոր սերնդի նշանավոր ներկայացուցիչներից մի քանիսին՝ Արամ, Ռուբեն, Իշխան, Սարգիս Բարսեղյան, Զարդարյան, Սիամանթո, Վարուժան, Ա.Շահաթունյան, Խաչատուր Կարճիկյան, Գարեգին Խաժակ, Եղիշե Թոփչյան, Սիմոն Վրացյան, Արտաշես Աբեղյան, Սարգիս Արարատյան, Արշակ Զամաչյան, Արսեն Միքայելյան, Արտաշես Չիլինգարյան, Սահակ Թորոսյան, Միհրան Թերեմեզյան, Արմենակ Օխիկյան, Հմայակ Մանուկյան, Հակոբ Հարությունյան, Մկրտիչ Յոթնեղբայրյան, Համազասպ, Դրո, Հայրապետ Պանիրյան, Տիգրան Ավետիսյան, Գասպար Հակոբյան, դոկտ. Ստեփանյան և շատ ուրիշներ:

Հիշատակված և չհիշատակված գործիչների մի մասը, տարիքի բերումով, ակտիվ մասնակցություն ունեցավ «Նախագիծ» քննարկմանը, մնացածները, դարձյալ տարիքի բերումով, քաղաքական գործունեության ասպարեզ պիտի իջնեին ավելի ուշ՝ 5-6 տարի հետո:

Մի շարք կ.կոմիտեներ, իրենց բոլոր կազմակերպություններով հանդերձ, անվերապահորեն պաշտպանեցին «Կովկասյան նախագիծը»: Դրանք էին՝ Հ.Յ.Դ. Ապառաժի (Շուշիի), Այգեստանի (Գանձակ և չրջակայք), Շամի (Վասպուրականի), Դուբան-Բարձրավանդակի (Տարոն-Սասունի) կենտրոնական կոմիտեները:

Կուսակցության նշանավոր գործիչներից «Նախագիծը» հետևողականորեն պաշտպանում էին Ռոստոմը, Զավարյանը, Ահարոնյանը և ուրիշներ: «Նախագիծ» ջերմ կողմնակիցներից էին անվանի հայդուկապետեր Գևորգ Զառուչը, Դուբանը, Վարդանը, Քեռին, Սաբոն և ուրիշներ:

«Նախագիծ» կողմնակիցներն իրենց ելույթներում բնորոշում էին հայկական շարժումը, նրա էությունն ու բնույթը, կանգ առնում թուրքահայ շարժման հիմնական կետերի վրա, պարզում նրա զարգացման փուլերը, ցույց տալիս այն տարբերությունները, որ կան դեմոկրատական հակումներով ներշնչված թուրքահայ աշխատավոր ժողովրդի և ավատական քրդության ու կրոնական ճորտության ենթակա թուրքերի միջև՝ Տաճկաստանում, ռուսահայության և ազնվապետական կարգերով տարված վրացիների ու մուսուլմանական մոլեռանդության գերի կովկասյան թուրքերի միջև՝ Կովկասում:

Կ.կոմիտեների մյուս մասը, ինչպես օրինակ՝ Նալբանդի (Նոր Նախիջևանի) և Ժլատի (Հյուսիսային Կովկասի), չկարողանալով կողմնորոշվել, չեզոք դիրք

բունեց:

Հ.Յ.Դ. մի շարք կ.կոմիտեներին ենթակա կազմակերպություններում խընդրի վերաբերյալ միանույնություն չկար: Այդ կազմակերպություններում դաշնակցականների մի մասը հետևողականորեն արտահայտվում էր «Նախագծի» օգտին, մյուս մասը նույնքան վճռականորեն հանդես էր գալիս փաստաթղթի դեմ: Այդպիսիք էին Վրեժի (Ատրպատականի), Մեծ Բաղաբի (Թիֆլիսի-Վրաստանի), Մրգաստանի (Երևանի) կ.կոմիտեներին ենթակա շատ կազմակերպություններ:

«Կովկասյան նախագիծն» ունեցավ նաև իր անհաշտ քննադատները և անզիջում հակառակորդները:

«Նախագիծ» քննարկման ընթացքում, որոշ տվյալներով, հանդես էին եկել 3000-ից ավելի դաշնակցականներ՝ ինչպես հայտնի գործիչներ, նմանապես և շարքայիններ¹: Դեմ էին արտահայտվում հայտնի մտավորականներ Ա.Վառամյանը, Ռ. Զարդարյանը, Ս. Մինասյանը, Ավ. Իսահակյանը և ուրիշներ, անվանի ռազմիկներից շատերը, այդ թվում՝ Սեբաստացի Մուրադը, Անդրանիկը, Սեպուհը:

«Նախագիծ» շուրջ սկսված մի զրույցի ընթացքում, դիմելով նախագծական Վ. Փափազյանին, Մուրատը ասել էր. « - Խնչ կ'ըսես աս վիճակին ... Տարիներով աշխատեցանք Երկրին համար, հիմա կը տեսնե՞ս, թե ինչ կ'ըսեն ... Սոցիալիստներ ենք եղեր, աշխարհի տէրտերը՝ մեզի են տուեր. անով պիտի գրադինք. ֆապրիզաներու մեջ աշխատողներու շահերը պիտի պաշտպանենք եղեր. երկու բուլբլի տեղ հինգ բուլբլի պետք է շահին եղեր. բաղնիք, ընթերցարան, թատրոն պետք է պահանջենք եղեր. ա՞ս պիտի ըլլար մեր արյուն թափելու վերջը ...»²:

Փաստաթուղթը մերժեցին շատ խոշոր կազմակերպություններ՝ Հ.Յ.Դ. Բալկանի կ.կոմիտեն, Նավահանգստի (Բաթումի) քաղաքային կազմակերպությունը, Ամերիկայի Պատգամավորական ժողովը և այլն:

«Կովկասյան նախագիծը» մերժող կազմակերպություններն իրենց ընդունած բանաձևերում չեղում էին, որ փաստաթուղթը կազմելիս դաշնակցության խորհուրդը հաշվի չի առել հակառակ իրողություններն ու փաստարկները, խորությունը չի վերլուծել հայությանը չընկալապատող պայմանները, որի պատճառով հանգել է կյանքից կտրված եզրակացությունների: Նրանք նաև ընդգծում էին, որ «Նախագիծ» դեմ Հ.Յ.Դ. արտասահմանյան ու անդրկովկասյան մարմինների հարուցած բուռն դժգոհությունը ինքնին ապացույց է, որ այն անհամապատասխան է դաշնակցության գլխավոր նպատակին ու հայկական հեղափոխության շահերին:

¹ «Հայրենիք», N 2 (408), փետրվար, 1960, էջ 53:

² Դարդերը:

³ Վահան Փափազեան, Իմ յուշերը, հատ. առաջին, էջ 419:

Բանի որ 1905թ. տեղի ունեցած քննարկումների ժամանակ կ.կոմիտեների ճնշող մասը, այնուամենայնիվ, արտահայտվել էր «Կովկասյան նախագծի» օգտին, ուստի դրա դեմ հանդես եկող Հ.Յ.Դ. կազմակերպությունները, ինչպես 1905թ., նույնպես 1906թ. ընթացքում պաշտոնական գրություններով, համախոսականներով ու որոշումներով կրկին ու կրկին մերժում էին «Նախագիծը», միաժամանակ խիստ քննադատության տակ առնում դրա կողմնակիցներին, հատկապես Հ.Յ.Դ. կովկասյան կազմակերպություններին, որոնք փաստաթղթի առավել հետևողական ջատագույններն էին:

«Նախագիծ» քննարկումների ընթացքում ի՞նչ հարցերի շուրջ էին տեղի ունենում աննախընթաց տարաձայնությունները, խմորումներն ու խլրտումները: Դրանք հիմնականում տեղի էին ունենում երեք խնդիրների շուրջ.

1. Սոցիալիստական գաղափարախոսության և գործելակերպի որդեգրման խնդրի շուրջ: Այս խնդիրը պարունակում էր մի շարք ենթահարցեր, այն է՝ կուսակցության գործունեությունը նաև Կովկաս տեղափոխելու նպատակահարմարությունը. թուրքահայության ազատագրական պայքարի թուլացման հնարավորությունը. բանվորական շարժման մեջ միաբանելու սահմանները. ռուսական պետության նկատմամբ վերաբերմունքը. Ռուսաստանի հեղափոխական կուսակցությունների հետ հարաբերությունները: Կովկասում սոցիալիստական գործունեության պայմանների համապատասխանությունը կուսակցության ծրագրային պատկերացումներին. հայ իրականության կողմից սոցիալիզմի ընկալունակության աստիճանը. դասակարգային պայքարի տեսության գործադրության սահմանները հայկական հասարակության մեջ:

2. Փեղեկապատի գծով: Նպատակահարմարության աստիճանը. իրագործման հնարավորությունները. սկզբունքի որդեգրման ազդեցությունը անկախության գաղափարի վրա:

3. Տաճկահայ դատի գծով: Հ.Յ.Դ. կովկասյան գործունեության անդրադարձը արևմտահայության ազատագրական պայքարի վրա. կուսակցության կառուցվածքի հավանական փոփոխությունը. Երկրում գինման գործի բարելավումը և առաջիկա ապստամբության վայրի ընտրությունը:

«Նախագիծ» քննարկման ժամանակ կուսակցության անդամների միտքը գերազանցապես զբաղված էր կովկասահայ դատով կամ սոցիալիստական կողմնորոշման խնդրով:

Արդեն ասվել է, որ 1905թ. Ռուսաստանում սկսված մեծ հեղափոխությունն ընթանում էր սոցիալիստական գաղափարների և նշանաբանների ազդեցության տակ: Սոցիալիզմը հաղթարշավ էր կատարում երկրով մեկ և միլիոնավոր զանգվածների կողմից ընկալվում էր որպես դարաշրջանի ամենաառաջավոր գաղափար:

Հայ երիտասարդությունը նույնպես համակվել էր սոցիալիստական մտայնությունում ու մղումներով և ռուսական սոցիալիզմի գաղափարների հմայքով ընդգրկվել էր համառուսաստանյան ազատագրական շարժման մեջ, հատկա-

պես Հայկական գաղութային խոշոր կենտրոններում Բաքու, Թիֆլիսում, Ռուստուում, Մոսկվայում, Պետերբուրգում, ուր առանձնապես ուժգին էր հեղափոխության հորձանքը:

Դաշնակցության նշանավոր գործիչ Արտաշես Զիլինգարյանը (Ռուբեն Դարբինյան) պատկերավոր է ներկայացրել այդ օրերի երիտասարդության հոգեվիճակը, գրելով.

«Սոցիալիզմը մոդա էր: Ամոթ էր սոցիալիստ չլինել: Ամեն մեկ պատվավոր մարդ, որ պուրժուա կամ յետադեմ մակդիրը չէր ուզեր իր վրայ վերցնել, պետք է ինքզինքը սոցիալիստ հռչակեր: Եվ ո՞ր մտավորականը և մանավանդ երիտասարդը կրնար հանդգնություն ունենալ չհազնել սոցիալիստի զգեստը: Ամեն մարդ կը շտապեր իր վրային նետել ամեն գաղափար, որ կրնար վարկաբեկել կամ կասկածելի դարձնել զինքը իբրև ոչ բավականաչափ ուղղափառ հետևորդ սոցիալիզմի»¹:

Իրոք, այլևս վեճ չկար սոցիալիստ լինելու կամ չլինելու մասին: Խոսքը միայն այն մասին էր, թե Ռուսաստանի սոցիալիստական կուսակցություններից որին պետք է հետևել: Այդ կուսակցություններից ամենաուժեղը երկուսն էին՝ սոցիալիստ-դեմոկրատականը և սոցիալիստ-հեղափոխականը (էս-էո):

Հայ սոցիալիստ մտավորականները, հատկապես երիտասարդները, հարուստ էին սոցիալիստական այդ երկու կուսակցություններից որևէ մեկին:

Դաշնակցական մտավորականության ընտրությունն, ինչպես և պետք էր սպասել, ընկավ ուս սոցիալիստ հեղափոխական (էս-էո) կուսակցության վրա: Ա. Զիլինգարյանը ցույց է տվել, որ այդ երևույթի պատճառները մեկից ավելի էին և պայմանավորված էին դաշնակցության ձևավորման ու անցած ճանապարհի առանձնահատկություններով:

Ա) Դաշնակցության հիմնադիրները ժամանակին գտնվել են ուս նարոդ-նիկության ուժգին ազդեցության տակ, իսկ Քրիստափոր Միքայելյանը, Սիմոն Զավարյանը և էլի ուրիշներ հարել էին նարոդնիկների կազմակերպությանը: Նույնիսկ դաշնակցությունը ձևավորվելուց շատ տարիներ հետո, նրա ղեկավար գործիչները համակրանքով ու մեծ պատկառանքով էին արտահայտվում նարոդնիկական շարժման ղեկավար գործիչների մասին, շարժում, որի գաղափարների իրագործման համար պայքարի անմիջական ժառանգորդը սոցիալիստ-հեղափոխականների կուսակցությունն էր:

Բ) Սոցիալիստ-հեղափոխականները, ասել է թե՛ նոր ժամանակների նարոդնիկները, իրենց գաղափարների իրականացումը կապել էին գյուղացիության ազատագրական կռվի հետ: Նրանք գտնում էին, որ Ռուսաստանում սոցիալիստական հեղափոխության հիմնական ուժը գյուղացիությունն է, քանի որ նա է սոցիալիզմի գաղափարի կրողը, որ ուս գյուղացին ինքը պատրաստի սոցիալիստ է, և դա բացատրում էին ուսական գյուղացիական համայնքով:

¹ «Հայրենիք», N 1, նոյեմբեր, 1922, էջ 56:

Ռուսաստանում, ասում էին նրանք, բացի կալվածատիրական և վանքապատկան հողերից, հողի մյուս, մեծագույն մասը մասնավոր սեփականություն չէ, այլ պատկանում է գյուղի համայնքին և պարբերաբար ենթարկվում վերաբաժանման: Այլ խոսքով, ուս գյուղացու մոտ չկա կամ համարյա չկա սեփականատիրական զգացում, այսինքն՝ նրա մոտ գերիշխում է կոլեկտիվիստականը:

Ռուս մարքսիստները կտրականապես մերժում էին այս բացատրությունը, գյուղացիությանը համարում հետադեմ դասակարգ՝ անընդունակ ինքնուրույն գնալու սոցիալիստական վերափոխումների: Չնայած դրան, հեղափոխություն քարոզող սոցիալիստ-հեղափոխականների հետևից գնում էին ոչ միայն գյուղացիական միլիոնավոր զանգվածներ, այլև հասարակական մյուս շերտերի աշխատավորական խավեր, մտավորականության հոծ շրկատներ:

Ինչ վերաբերում է դաշնակցության գաղափարական ազդեցության տակ գտնվող Հայ մտավորականությանը, ապա նրա զգալի մասը նույնպես հակում ուներ դեպի ուս սոցիալիստ-հեղափոխական կուսակցության թե՛ տեսական և թե՛ կազմակերպական սկզբունքները: Դա միանգամայն բնական էր, քանզի այդ մտավորականությունը գերազանցապես սերվել էր գյուղից:

Գ) Ի տարբերություն Ռուսաստանյան սոցիալ-դեմոկրատների՝ սոցիալիստ-հեղափոխականները պատմության մեջ մեծ տեղ էին հատկացնում ոչ թե կոլեկտիվին, այլ անհատին, հերոսին, նրա հետ կապում հեղափոխության հաջողությունը: Այստեղից էլ անհատական տեոորի մեծ կարևորությունը նրանց համար: Ինչպես նարոդնիկությունը, այնպես էլ նրա օրինական ժառանգ էս-էոականությունը մինչ այդ տվել էին ցարական առավել անտանելի պաշտոնյաներին ահաբեկելու փայլուն օրինակներ: Այնպես որ, ամենայն իրավամբ կարելի է ասել, որ նարոդնիկ-էս-էո ահաբեկիչները դաշնակցական և Հնչակյան ահաբեկիչների ուսուցիչներն էին շատ առումներով: Դա նույնպես պատահական չէր. Հայ ազգային հեղափոխականները բնական հակում ունեին դեպի ուս սոցիալիստ-հեղափոխականները:

Դ) Վերջապես, որոշ նշանակություն ուներ այն պարագան, որ դաշնակցության մեջ էին մտել կայսրության գաղութահայկական խոշոր կենտրոնների Հայ կապիտալիստներ, որոնք հակված էին ազատական գաղափարների, և որոնց տնտեսական ու քաղաքական շահերը հակառակ էին բանվոր դասակարգի շահերին, դասակարգ, որի շահերի արտահայտիչը մարքսիստական կուսակցությունն էր՝ ՌՄԴԿ-ն:

Ծիշտ է, դաշնակցության մեջ կային նաև մարքսիստական մտայնություն և հակումներ ունեցող անհատներ, ինչպես, ասենք, Ռուսոտմը, բայց կուսակցության մեջ գերիշխողը մնում էր այն հոսանքը, որ տեսականորեն ձգտում էր դեպի էս-էոական սոցիալիզմ:

Ուստի միանգամայն հասկանալի է դառնում, թե ինչու Լ.Յ.Դ. Կ. կոմիտեների, կազմակերպությունների և կուսակցության անդամների գերակշիռ մասը պաշտպանում էր «Նախագծի» կովկասահայ դատի մասին հատվածը:

Այդպիսին էր, օրինակ, Արևմտահայաստանի Հ.Յ.Դ. ամենամեծ՝ Շամի (Վասպուրականի) կ-կոմիտեի որոշումը, ուր ասված էր.

«Նկատի ունենալով, որ ուսուական Հեղափոխական շարժումների բուն պատճառները թաքնված են բյուրոկրատիկ կառավարութայան ռեժիմի մեջ, և որ միայն այդ ռեժիմի տապալումով է, որ համեմատորեն ազատ շունչ պիտի քաշեն բոլոր ճնշված տարրերը, ուստի անհրաժեշտորեն պետք է միանալ ուսու բոլոր Հեղափոխական տարրերի հետ՝ ընդհանուր ուժով տապալելու բոլոր չարիքների արմատ՝ միապետական բյուրոկրատիկ կառավարությունը, մանավանդ եթե այդ բռնակալական ռեժիմի անկումով մահացու հարված կը տրվի ասիական բռնապետություններին»¹:

Հանգամանորեն քննարկելով «Նախագիծը»՝ դրա նկատմամբ իր դրական վերաբերմունքն էր դրսևորել Դուրան-Բարձրավանդակի կազմակերպությունը, գալով հետևյալ եզրակացությունը.

«...Կովկասյան խնդիրը շինծու և արհեստական երևույթ չէ, այլ ունի իր լուրջ շարժառիթները: Ուստի կարծում ենք, որ կովկասյան գործը, եթե նույնիսկ մեզ և Սարուստանի՝ զանազան մարմիններին ցանկալի էլ չլինի, անհնար է կանգնեցնել: Մեր կարծիքով այդպիսի շարժումը ունի յուր ստիպողական պահանջը, ուրեմն և հարկավոր է »²:

Հ.Յ.Դ. Դուրան-Բարձրավանդակի կ-կոմիտեի կարծիքը խտացված ձևով արտահայտել էր Գևորգ Չաուչը՝ Կովկաս-Ռուսաստանի Հայ գինյալներին հղած իր խոսքում: Քանի որ փաստաթուղթը, Չաուչի գրչին պատկանող, մեզ հասած հազվագյուտ փաստաթղթերից է, մենք այն հրատարակում ենք ամբողջությամբ (և առաջին անգամ).

«Սարուստանի գինուր ընկերներին.

Սիրելիք.

Ցաւում ենք, արեան մէջ մկրտուած ընկերներ, որ դուք մոռացած Տաճկաստանի ու Կովկասի այս տաճնապալի դրութիւնը, մոռացած ձեր ընկեր նահատակների վրէժը, ընկած էք այնպիսի ցնորքների յետև, որ կորստաբեր է երկար ու ձիգ տարիների ընթացքում ստեղծուած այն կազմակերպութեան, որի անունն է Դաշնակցութիւն. - ընկերներ, դուք պէտք է գիտնաք, որ ձեզ յաջորդող ընկերները, որ արեան ծովի մէջ լողացող նահատակ Հայ ժողովուրդը, ձեր ճակատին պիտի դրոշմեն դաւաճանի սև անունը, եթէ դուք այնքան նեղ, այնքան կուսակցական լինիք, որ մոռանաք, կյանքի միմիայն Կովկասեան կամ Տաճկահայ Հարցով: Ձեզնից կոյր են նրանք, որ չեն ընդունում Տաճկաստանի գործի կարեւորութիւնը և Կովկասեան Հարցի անհրաժեշտութիւնը, - դա դէմ է յեղափոխութեան, դա կոյր հոսանք է, որ արհամարհում են արեան մէջ

¹ «Նյութեր...», Հատ. Դ, էջ 225:

² Կովկաս, Ռուսաստան:

³ «Նյութեր...», Հատ. Դ, էջ 225:

խեղդող ձեր ընկերները, մեզ թշուառներիս, կենդանի նահատակներիս հարկաւոր չեն նեղ կուսակցականներ, մեզ պէտք են յեղափոխականներ, որ ըմբռնում են ժամանակի պահանջները, որ մտածում են Տաճկահայ և Կովկասահայ ժողովրդեան վրայ հաւասարապէս: Յաջողութիւն ենք մաղթում ազատութեան համար նահատակող այն գինուր ընկերներին, որ Դաշնակցութեան դրոշին, սկզբունքներին հաւատարիմ ընկնում են յանուն Հայութեան վիշտը իւր կրծքին: Իսկ մեր արիւնք թող անէ՞ք լինի այնպիսիներին, որոնք կյանուած միմիայն Տաճկահայ կամ Կովկասահայ դատով, ուզում են քայքայել Դաշնակցութեան Հոյակապ Կազմակերպութիւնը:

Ի.Դ. Դուրան-Բարձրավանդակի Կենդ.- Կոմիտէի

Գէորգ Չաուչ

Դուրան 1906թ. 17 Հոկտեմբերի

Իսկականը կնքուած է իւր անձնական կնիքով»¹:

Մտաւորապես նույն բովանդակությունն ունեին Հ.Յ.Դ. կովկասյան մարմինների ուսյոնական, Այգեստանի (Գանձակի) չրջանային, Թավրիզի քաղաքային ժողովների ընդունած որոշումները:

Կովկասյան դատի՝ սոցիալիստական գաղափարների և դասակարգային պայքարի հարցերում դաշնակցական մտավորական դասի ոչ բոլոր ներկայացուցիչներն էին համակարծիք, որոնք ժխտում էին սոցիալիզմի գաղափարները կուսակցություն ներմուծելու նպատակահարմարությունը: Նրանք գտնում էին, որ սոցիալիզմը Հայ իրականության համար այժմեական գործ չէ, այլ ժամանակաշրջանի գաղափարական հոսանքներից մեկը, որն ընդամենն ունի կրթիչ, դաստիարակիչ նշանակություն, այն էլ՝ մտավորական նեղ չրջանակների համար: Առավել ևս այդ գաղափարները չպետք է ուղեցուց լինեն դաշնակցության համար, որը Հայ իրականության սոցիալ-տնտեսական ներկա պայմաններում գերազանցապես կատարում է ազգային ազատական (լիբերալ) գործ, քանի որ իր պատմական ծագումով, իր կատարած քաղաքական դերով, իրեն հարած ժողովրդական զանգվածների իշխող մտայնությամբ ու ձգտումներով եղել է և մնում է իրապես ազգային ազատական կուսակցություն՝ սոցիալիստական լինելով միայն իր գաղափարաբանությամբ: Նրանք համոզված էին, որ ազգային-ազատական տարրը դաշնակցության մեջ միշտ եղել է գերակշռող և այդպիսին էլ պիտի լինի, որքան ժամանակ Հայ իրականության տնտեսական-սոցիալական և քաղաքական պայմանները հիմնովին փոխված չեն ի նպաստ բանվորական-սոցիալիստական շարժման:

Այստեղ շարադրված մտքերը պատկանում են Ա. Ջիլինգարյանին, որը Հեղինակել է մի շարք հոդվածներ՝ ուղղված «սոցիալիզմի բացիներով վարակված» իր կուսակց-սերնդակիցների հայացքների դեմ:

Ի մի բերելով դաշնակցության շարքերից ներս սոցիալիստական գաղա-

¹ ՀՀ ԼԿԿԿՊԱ, ֆ. 4047, ց.1, գ. 43, թ.1:

փարսների ներմուծման անհնարինություն մասին տարբեր ժամանակներում արտահայտած իր տեսակետները՝ «Հայ քաղաքական մտքի դեգերումները» Հայտնի աշխատություն մեջ Արտաշես Զիլինգարյանը գրում էր.

«Մեր քաղաքական կյանքի մեջ իշխող գաղափարներու մեծագոյն մասը օտար միջավայրերու, բայց ոչ երբեք մեր հայրենիքի յետամնաց իրականութեան արդյունք և թելադրություն է:

Մեր մտավորականությունը, որ գերազանցապես սնուել է մեծցեր է գաղութներու քաղաքական միջոցառումներին մեջ, ներշնչուել է այդ օտար միջավայրերու առաջավոր գաղափարներեն, յաճախ անվերապահորեն յուրացուցեր է զանոնք և տիրական թափով մը մղուել է հետապնդելու զանոնք նաև հեռավոր հայրենիքի տխուր պայմաններուն մեջ, առանց նկատի առնելու, թե որքա՞ն խորն է տարբերությունը օտար և հայրենի միջավայրերուն, և որքա՞ն ուրեմն խորթ ու ցնորական են մեր երկրի համար գաղութային մտայնությունները, գաղափարները, նշանաբանները, որպեսզի անոնք կարողանան իբրև հիմք ծառայել մեր քաղաքական ծրագիրներու համար»¹:

Դաշնակցության ղեկավարության կովկասյան կողմնորոշման դեմ հանդես էին գալիս ոչ միայն անհատ գործիչներ, այլև մի շարք կ.կոմիտեներ և բազմաթիվ կուսակցական կազմակերպություններ:

Կրկին ու կրկին անդրադառնալով «Նախագծում» հիմնական տեղ զբաղեցնող կովկասահայ դատի խնդրին՝ Հ.Յ.Դ. Բալկանի կ.կոմիտեի ղեկավարներին գումարեց արտակարգ շրջանային ժողով, որի ընթացքը ցույց տվեց, որ նրա կազմակերպությունները նախորդ շրջանային ժողովից հետո ավելի վճռակա-նորեն են տրամադրված փաստաթղթի դեմ: Ժողովի ընդունած բանաձևում շեշտված էր, որ կովկասյան դատը անհամապատասխան է դաշնակցության գլխավոր նպատակին՝ Հայկական հեղափոխության շահերին, որ կուսակցու-թյան շարքերն անտեղյակ են, թե այն ինչպես է բռնազրոսի կերպով մտել կուսակցության պայքարի ոլորտի և ուղղության մեջ՝ պատճառ դառնալով կուսակցության ներսում ներկա ցավալի ալեկոծությունը: Բանաձևում ընդ-գծված էր այն միտքը, որ Կովկասի գյուղացի, գործավոր թե գինվոր դաշակ-ցականների մեծ մասը հակառակ է «Նախագծին», բայց Հ.Յ.Դ. կովկասյան որոշ մարմիններ և առաջին հերթին ռայոնական ժողովը անհասկանալի հա-մառություններ և արհեստականորեն հետամուտ են փաստաթուղթն անպայման մուծելու դաշնակցության ծրագրի մեջ: «Ուստի, - կարդում ենք ժողովի ար-ձանագրություններում, - մեր բողոքը կը Հայտնենք Կովկասի մեր բոլոր բար-ձր մարմիններու դեմ, որոնք, չնայած որ սոցիալական խնդիրը - եթե երբեք հարկ էր - կազմակերպության հետ և անոր անուռին կապելու իրավունքը կը պատկաներ միայն և միայն ընդհանուր ժողովին, ցավալի համառություններ ու-թի տակ տուհին կազմակերպական այդ տարրական օրինապահությունն ու

կարգապահությունը՝ մինչ արևմտեան և արևելեան բյուրոները դեռ նոր՝ խնդիրը կազմակերպութեան մարմիններու ուշադրութեանը կը յանձնենին, որ-պեսզի այդ մասին իրենց կարծիքը տան ընդհանուր ժողովին, որի իրավասու-թեան կ'իյնար հարկ եղածը տնօրինել ու գործադրութեան դնել»¹:

Հ.Յ.Դ.Նախահանգստի (Բաթումի) քաղաքային կազմակերպության 1905-1906թթ. տեղի ունեցած բոլոր ժողովներում, որոնցում քննվել է կովկասյան դատի խնդիրը, ելույթ ունեցողների մեծ մասը արտահայտվել է դրա դեմ:

Հարցի նկատմամբ Բաթումի կազմակերպության վերաբերմունքի տեսա-կետից անորոշ էր ժողովներից մեկում շարքային դաշնակցական Լ. Առաքելյա-նի մտորումները: Իր ելույթում նա շեշտում էր, որ եթե Հ.Յ.Դ.-ն ընդունի կով-կասյան դատը, ապա կզրկվի ռուսահայ դրամատերերի, վաճառականների, բուրժուանների փողերից: Պարզ է, որ սրանք իրենց գումարներն այլևս չեն տա մի կազմակերպության, որը կանգնելով իրենց հակառակորդ բանակի՝ աշխա-տավորների գլուխ, պայքար կսկսի հարուստ դասակարգի դեմ՝ նրան տապալե-լու համար: Ինչ խոսք, այդ դասակարգը չի ցանկանա սեփական ձեռքով փո-րել իր գերեզմանը:

Այս պարագայում, այնուհետև ասում էր նա, միայն մի ելք կմնա՝ դիմել բռնի միջոցների՝ սպառնալիքի, մտրակի ու սրի միջոցով Հայ հարուստներից փող կորզելու համար: Գուցե կ'գտնվեն մարդիկ, որոնք կարդարացնեն և այդ միջոցները, բայց դրանք, անարդար լինելով հանդերձ, չեն լինի գործնական, որովհետև կիրառելի չեն լինի տևականորեն: Ոչ մի գաղափարական կազմա-կերպություն չի կարող հույս դնել մարդկանց ահաբեկման վրա, ոչ մի ազնիվ մարդ չի համաձայնի այդպիսի միջոցներով հավաքված փողերով բարի գործ կատարել:

Լ. Առաքելյանն իր ելույթը ավարտել էր հետևյալ խոսքերով. «Հենվելով զուտ աշխատավորական խավերի վրա՝ դաշնակցությունը անխուսափելիորեն իրեն կդատապարտի դրամական սնանկության: Կույվելով մյուս դասակարգերի դեմ՝ նա կնստարացնի իր շարքերը և արտաքին թշնամու դեմ-հանդիման կլլատի իր ուժը»²:

«Նախագծի» քննարկումների ընթացքում այսպիսի դատողություններ արվում էին նաև այլ կուսակցական կազմակերպություններում:

Կովկասյան դատի դեմ հանդես եկող դաշնակցականները գտնում էին, որ ներկայումս դաշնակցության համար երկու ճանապարհ կա. ա) կամ բոլորովին ձեռքերը լվանալ տաճկահայկական դատից և, տրորելով իր 15-ամյա գործու-նեությունը, կանգնել զուտ սոցիալիստական հողի վրա, մնալով ամեն տեղ տըն-տեսական շահեր պաշտպանող գաղտնի կազմակերպություն. բ) կամ դեն ձգել իր վրայից այդ նոր հագած սոցիալիստի վերարկուն, գործել իբրև թուրքահայ-

¹ «Հայրենիք», N 1, նոյեմբեր, 1922, էջ 55:

¹ «Նյութեր...», Հատ. Դ, էջ 178:

² ՀՀ ԳԿԳԱ, ֆ. 112, ց. 2, ք. 66, թ. 2:

կական դատի պաշտպան՝ մղելով հեղափոխական-քաղաքական-ազգային կռիվ տաճիկ կառավարության դեմ: Միաժամանակ Տաճկահայաստանից դուրս, տարբեր երկրներում, կուսակցությունը կարող է հանդես գալ իբրև լեզալ կազմակերպություն, չխառնվելով այդ երկրների ներքին հակասություններին, առավել ևս՝ գաղտնի քաղաքական պայքարներին, այլ գործել զուտ օրինական, գերազանցապես կուլտուրական, հողի վրա:

Այդ ամենից նրանք եզրակացնում էին.

1. Դաշնակցությունը պետք է լինի զուտ ազգային-հեղափոխական կազմակերպություն, որը քաղաքական կռիվ միջոցով աշխատելու է ձեռք բերել թուրքահայ ժողովրդի համար կյանքի, պատվի և գույքի պապհովություն:

2. Դաշնակցությունը չի գրավելու սոցիալիստական խնդիրներով և ոչ էլ մղելու է դասակարգային կռիվներ: Նա չի հիմնվելու որևէ դասակարգի վրա, այլ լինելու է վերդասակարգային կազմակերպություն:

3. Տաճկահայաստանից դուրս դաշնակցությունը կարող է դառնալ լեզալ կազմակերպություն:

«Նախագծի» քննարկումների ընթացքում թե՛ փճաբանություններ էին ծագում նաև ֆեդերացիայի խնդրի շուրջ:

Ֆեդերացիայի դեմ հանդես եկողների հիմնական պատճառաբանությունն այն էր, որ ցարական իշխանությունների հակահայ քաղաքականության պայմաններում չափազանց վտանգավոր է կառավարության ձեռքը տալ նոր պատերվակ, որից օգտվելով, նա կուժեղացնի հայաժանքները հայերի նկատմամբ: Ֆեդերացիայի խնդիրը, ասում էին նրանք, հուզում է նաև ավելի մեծ ու բազմաբանակ լե՛ժ ժողովրդին, հուզում է ֆիններին: Թող սկզբից նրանք հրապարակ իջնեն իրենց պահանջով, իսկ փոքրամիջով ուսուսակցությունը պետք է հետևի իրադարձությունների հետագա զարգացմանը և սպասի հարմար պահի՝ իր համար նույնպես ինքնավարություն պահանջելու համար:

Ֆեդերացիայի կողմնակիցները գտնում էին, որ առանց ակտիվ պայքարի ոչ մի ժողովուրդ չի կարող հասնել իր նպատակներին, այդ թվում նաև՝ ինքնավարության:

«Նախագծում» ինքնավարության ու ֆեդերացիայի բաժինը գրված էր կուտ տրամաբանությամբ ու անխոցելի ինտելեկտուալ մակարդակով:

Մենք ենթադրում ենք, որ «Նախագծում» ֆեդերացիային վերաբերող բաժնի հեղինակները դաշնակցության երկու խոշոր տեսաբաններն են՝ Գարեգին Նաժալը և Եղիշե Թոփչյանը: Մեր այդ ենթադրությունը հիմնված է այն իրողության վրա, որ փաստաթղթի քննարկման ընթացքում նրանք, իբրև քաղաքական գործիչներ, կուսակցության լիդերներ, լրագրողներ ու հրապարակագիրներ, ֆեդերացիայի հարցի մասին բազմաթիվ անգամներ հանդես էին եկել մամուլի էջերում, հրապարակային ժողովներում և քաղաքական բանավեճերում՝ հիմնավորելով «Նախագծի» ֆեդերացիայի գաղափարը, արծարծելով քաղաքական-տնտեսական հարցեր, հարթելով գործնական քաղաքականու-

թյան նոր ուղիներ:

Ֆեդերացիայի վերաբերյալ դաշնակցության այդ երկու տեսաբանների աշխատությունների թվում հատկապես առանձնանում է Գարեգին Նաժալի «Դեպի ֆեդերացիա» տեսական լուրջ հետազոտությունը, որը լույս է տեսել 1906թ. Թիֆլիսում, «Յառաջի» գրադարանի շարքում: Այդ տաղանդավոր մշակումը, մեր կարծիքով, նրա գրական վաստակների թվում ամենաարժեքավորն է, որը կյանքի հասունացած պահանջների արգասիք լինելով՝ կարևոր ներդրում է Կովկասում ֆեդերացիայի կիրառման հնարավորությունների հետազոտման բնագավառում:

Քննարկումները բուռն էին նաև թուրքահայ դատի շուրջ:

Քննադատները գտնում էին, որ կովկասյան ծրագիրն ընդունելուց հետո դաշնակցությունն աստիճանաբար կհեռանա թուրքահայկական դատից և, ի վերջո, կհրաժարվի դրանից:

Այդպես էին կարծում ոչ միայն թուրքահայ շարքային և ղեկավար, այլև կուսակցության կովկասահայ մտավորականության զգալի մասը: Նրանք պահանջում էին «Նախագծում» հստակ ձևակերպել այն միտքը, թե կուսակցությունը, ընդունելով կովկասյան ծրագիրը, դուրսն անգամ չի նահանջելու թուրքահայ դատից:

Կովկասահայ դաշնակ ղեկավարներից Արտաշես Չիլինգարյանը, քննադատելով «Նախագծի» թուրքահայկական դատին վերաբերող մասը, գտնում էր, որ ինքը համոզված չէ, թե կուսակցությունը նախկինի պես կառչած է մնալու այդ դատին: Իր միտքը հաստատելու համար, նա, որպես փաստարկ, վկայակոչում էր կազմակերպության կողմից կովկասյան դատի որդեգրման իրողությունը:

«Հայ քաղաքական մտքի դեգերումները» ուսումնասիրության մեջ նա նշել է.

«Թուրքահայությունը ցարդ կապուած էր Կովկասեան Հայաստանի հետ՝ թուրքահայ դատի միջոցով: Հ.Յ.դաշնակցությունը տասնեակ տարիներու յամառ և տքնալան աշխատանքով սորվեցուցեր էր կովկասահայ զանգուածները նայելու տաճկահայ դատի վրայ իբրև իրենց ամենն հրատապ և կենսական հարցին վերայ. միաժամանակ Հ.Յ.դաշնակցությունը սորվեցուցեր էր տաճկահայ զանգուածները նկատել կովկասահայությունը ոչ միայն իր արյունակիցը, այլև իր հավատարիմ ու անձուներ գործակիցը գոյութեան և ազատութեան մեծ պայքարին մեջ, զոր հայ մարտական կազմակերպությունը կը մղեր տաճկական հայասպան բռնակալութեան դեմ»:

Ա. Չիլինգարյանը և կուսակցության մեջ իր նման մտածողները, որոնք սոցիալիզմի գաղափարների մուտքը դաշնակցությունից ներս աննպատակահարմար էին համարում Անդրկովկասի հետամնաց իրականության պայմաններում, առավելապես թուրքահայաստանի դեպքում լիովին բացառում էին այն:

«Հ. Յ. դաշնակցությունը ընկերավարական գործունեության համար հող

¹ «Հայրենիք», N 11, սեպտեմբեր, 1923, էջ 139:

չունի թուրքիոյ, Հետևաբար նաև Հայաստանի մեջ, - գրում էր Ա. Զիլինգար-յանը, - որովհետև Հոն չի կայ կապիտալիստական խոշոր տնտեսութիւն, չի կան անոր ստեղծագործ բովին դուրս եկած արդյունաբերող դասակարգեր՝ ճարտարարուեստական բանտորութեան և պուրժուազի, չի կայ և չի կարող ըլլալ դասակարգային պայքար՝ սոցիալիստական իմաստով. մեկ խոսքով՝ չի կան առարկայական այն պայմանները, որոնց մեջ սոցիալիստական կազմակերպութիւն մը ի վիճակի ըլլայ իրագործելու եվրոպայեն առնուած ընկերա-վարական ծրագիրները»¹:

Դաշնակցական մամուլի առանձին օրգաններ ևս, որոնք քննադատում էին Անդրկովկասում գործելու կուսակցութեան մտադրութիւնը, գտնում էին, որ կազմակերպութիւնը առաջիկա պես պետք է միայն ծառայի թուրքահայ դասին: Այդպես էր գտնում, օրինակ, Թիֆլիսում լույս տեսնող Հ.Յ.Դ. օրգան «Ժամանակ» թերթը²: Դաշնակցական թերթի այս տեսակետը պաշտպանում էր հակադաշնակցական «Մշակը» իր 1906թ. 281 և 282 համարներում:

Սակայն «Նախագծում» թուրքահայ դասի ձևակերպումները ճիշտ էր համարում կովկասահայ դաշնակցականների մեծամասնութիւնը, ինչպես նաև՝ թուրքահայ դաշնակցական կազմակերպութիւններից շատերը: Վերջիններս միաժամանակ անտեղի և փաստակար էին համարում դաշնակցութեան այն դեկավար և շարքային անդամների բարձրացրած տազնապը, թե կուսակցութիւնը բռնել է թուրքահայ դասից աստիճանաբար հրաժարվելու ուղին:

1906թ. Հոկտեմբերի վերջերին Թիֆլիսում համագումարի հավաքվեցին Կովկասում բնակվող թուրքահայ դաշնակցականների ներկայացուցիչները: Երկար վեճերից Հետո, Հոկտեմբերի 30-ին, համագումարը հանդես եկավ մի հայտարարութեամբ, ուր ասված էր, թե թուրքահայկական դասից հրաժարվելու մասին խոսակցութիւնները կամա թե ակամա նպաստում են դաշնակցութեանը արևմտահայութեան աչքում վարկաբեկելուն: Հայտարարութեան վերջում նշված էր. «Կովկասաբնակ տաճկահայ դաշնակցականների համագումարը սրանով կոչ է անում ամբողջ Հայ հասարակութեան և, մասնավորապես, Կովկասի դաշնակցականներին՝ զգուշ մնալ այդ... պրոպագանդայից»³:

Դաշնակցութեան օրգան «Երկիր» թերթը տպագրել էր թուրքահայաստանից ստացած մի շարք նամակներ, որոնց թվում նաև՝ Մուշ-Սասունի պատասխանատու մարմնի ներկայացուցիչ Գևորգ Զաուչի՝ «Ռուսաստանի գինուրդ ընկերներին» ուղղված կոչը՝ իր իսկ ստորագրութեամբ և կնիքով:

Զինվորներին հիշեցնելով Տաճկաստանի և Կովկասի տազնապայի դրութիւնը և դաշնակցութեան հանդեպ նրանցից շատերի բռնած կորստաբեր ընթացքը՝ Զաուչը գրում էր.

«Ընկերներ, դուք պետք է գիտնաք, որ ձեր յաջորդ ընկերները, արեան ծովի մեջ լողացող Հայ ժողովուրդը ձեր ճակատին պիտի դրոշմեն դավաճանի սև անուընը, եթե դուք այնքան նեղ, այնքան կուսակցական լինեք, որ մոռանաք, կլանվիք միմիայն կովկասեան կամ տաճկահայ Հարցով: Ձեզնից կոյր են նըրանք, որ չեն ընդունում տաճկահայի գործի կարևորութիւնը և կովկասեան Հարցի անհրաժեշտութիւնը. դա դեմ է Հեղափոխութեան, դա կոյր հոսանք է, որ արհամարհում են արեան մեջ խեղդուող ձեր ընկերները: Մեզ՝ թշվառներիս, կենդանի նահատակներիս, հարկավոր չեն նեղ կուսակցականներ, մեզ պետք են յեղափոխականներ, որ ըմբռնում են ժամանակի պահանջները, որ մտածում են տաճկահայ և կովկասահայ ժողովրդեան վրայ հավասարապես: Հաջողութիւն ենք մաղթում ազատութեան համար նահատակվող այն զինվոր ընկերներին, որ դաշնակցութեան դրոշին, սկզբունքներին հավատարիմ ընկնում են հանուն Հայութեան: Իսկ մեր արյունը թող անեծք լինի այնպիսիներին, որոնք կլանված միմիայն տաճկահայ կամ կովկասահայ դասով, ուզում են քայքայել դաշնակցութեան հոյակապ կազմակերպութիւնը»:

«Կովկասյան նախագիծը» կազմվեց և հրատարակվեց 1905-ի երկու-երեք ամիսների ընթացքում, բայց այն, ըստ էութեան, կուսակցութեան գաղափարական գործիչների տարիների մտավոր լարված աշխատանքի արդյունք էր և, լինելով այդպիսին, համահունչ էր դարձնող առաջադեմ գաղափարներին, եվրոպական սոցիալիստական շարժման նվաճումներին ու առաջադրված չափանիշներին, միաժամանակ արձագանք էր անդրկովկասյան ժողովուրդների սոցիալ-տնտեսական և քաղաքական պահանջներին, որ առաջադրում էր կյանքը:

Թեև «Նախագիծը» կուսակցութեան մեջ ստեղծեց դժգոհութիւններ ու Հետագայում նրա շարքերում առաջ բերեց մեծ աղմուկ, բայց կարևոր դեր խաղաց կազմակերպութեան Հետագա զարգացման տեսակետից:

Անդրադառնալով «Նախագիծ» պատմական նշանակութեանը՝ «Հայ անկախութեան գաղափարը մերձավոր անցեալին մեջ» հոդվածում Վահան Նավասարդյանը գրել է.

«1905-ի «Կովկասեան նախագիծը» ոչ միայն ընդարձակեց Հայ մեծ քաղաքական կազմակերպութեան գործունեութեան գետինը, այդ թուից սկսած դաշնակցութիւնը ոչ միայն փոխուեց, մեծցավ ու ծավալուեց քանակով, իր գործի շրջանակների մեջ առնելով նաև ուսանական Հայաստանը, այլև փոխուեց որակով: Թուրքահայ դասը փոխարինուեց համահայկական դասով, իսկ համահայկական դասը Կովկասի մեջ էլ ավելի շերտավորուեց և դարձավ Հայ աշխատավոր ժողովրդի դաս: ... Տարիները ի զուր չէին անցել դաշնակցութեան առաջավոր դեմքերի համար: Անդրանիկ համագումարից մինչև «Նախագիծը» տևող շրջանին ընդարձակուել էին դաշնակցութեան քաղաքական մտքի հորիզոնները, թուրքահայութեան փոխարեն նրա մտածողութեան մեջ ցցուել էր ողջ Հայութիւնը, իսկ թուրքահայաստանի փոխարեն՝ ամբողջական Հայաստանը: Նա դարձել էր համահայկական կուսակցութիւն: Նրա հա-

¹ «Հայրենիք». N 1, նոյեմբեր, 1922, էջ 54:

² «Ժամանակ» (Թիֆլիս), N 9, 13 հունվարի 1907թ.:

³ «Իրողակ». N 11, նոյեմբեր, 1906, էջ 176:

մար այլևս ուսուցանող և Հայաստանի հողեր էին: Մավալվում էր դաշնակցութունը՝ աննկատելիորեն դարձնելով Հայ հողի և Հայ ժողովրդի ամբողջականութեան գաղափարը»¹:

Ինչպես տեսնում ենք, կուսակցության շարքերում «Նախագծի» քննարկումները տեղի էին ունենում ամենալայն ժողովրդավարական սկզբունքներով: Միանգամայն այլազան և տրամագծորեն հակառակ կարծիքներ էին Հայտնում ոչ միայն տարբեր կ.կոմիտեներ, այլև նույն կ.կոմիտեի մեջ մտնող կազմակերպություններ, նույն կազմակերպությունների մեջ մտնող անհատներ:

«Նախագծի» շուրջ ծայր առած վեճերն ու տարաձայնությունները բնական էին և նույնիսկ՝ անհրաժեշտ: Փաստաթուղթը քննադատողների մեծամասնության նպատակն անկեղծ էր ու կառուցողական. մարդիկ ցանկանում էին իրենց կազմակերպությունը տեսնել ավելի համախմբված ու ավելի միասնական, ուզում էին տեսնել ավելի հզոր՝ գաղափարական բազաժով և կազմակերպական կառույցներով: Միայն այդ դեպքում կուսակցությունն ի վիճակի կլիներ կատարելու այն վիթխարի խնդիրները, որոնք կանգնած էին իր գործունեության, իր պայքարի ճանապարհին:

Բայց բանն այն է, որ «Նախագծի» բոլոր քննադատողները չէին, որ մտահոգ էին կուսակցության ամրապնդման խնդրով: Ընդհակառակը, ներկուսակցական պայքարի դժվարին ժամանակներ ապրող կազմակերպության մեջ շարունակվող հակասությունները, վերջիվերջո, հանգեցրին հերձվածի: Գաղափարական հողի վրա ձևավորվեցին ընդդիմադիր երկու խմբավորումներ, որոնք ծայր ձախից և ծայր աջից բացահայտ ու զորավոր պայքար սկսեցին կուսակցության նոր ծրագրի նախագծի, կազմակերպության ղեկավար մարմինների դեմ:

Մայրահեղ ձախ թևը բռնեցին, այսպես կոչված, անջատականները, որոնք դեմ էին, որ դաշնակցությունն ունենա սոցիալիստական մշակված ծրագիր և սոցիալիստական պրակտիկ գործունեություն: Լինելով համոզված սոցիալիստներ՝ նրանք, սակայն, չէին հավատում, թե կուսակցությունն ի վիճակի կլինի Կովկասում, չխոսելով արդեն Թուրքահայաստանի մասին, պայքար ծավալել սոցիալիզմի համար: Նրանց հիմնական պահանջն էր՝ կուսակցությունը միայն ու միայն պետք է զբաղվի թուրքահայոց դատով, որի համար էլ Հենց նա ստեղծվել էր: Կովկասում սոցիալիստական գործունեությունը նրանք ուզում էին վերապահել իրենց:

Երկրորդ, ծայրահեղ աջ թևը բռնեցին, այսպես կոչված, միհրանականները, որոնք նույնպես պահանջում էին, որ դաշնակցությունը զբաղվի միմիայն թուրքահայ դատով: Եվ որովհետև միամտորեն կարծում էին, թե սոցիալիստական գաղափարախոսությունն է պատճառը, որ դաշնակցությունը մխրճվել

է կովկասյան կամ ուսուսակական գործերի մեջ, ուստի պահանջում էին, որ կուսակցությունն իր ծրագրի նախագծից ամբողջովին դուրս նետի սոցիալիզմին վերաբերող բաժինը:

Դաշնակցությունը, որ արդեն հիմնորեն որդեգրել էր այն տեսակետը, թե ինքն ամբողջ Հայ աշխատավորության կուսակցությունն է և պարտավոր է «պաշտպանել Հայ աշխատավոր զանգվածներուն բովանդակ շահերը՝ թե՛ տնտեսական-դասակարգային, թե՛ մարդկային-քաղաքական և թե՛ ազգային-մշակութական»՝ չէր կարող ընտրություն կատարել այս թևերի միջև: Նա պետք է գնար իր ուղիով՝ հաղթահարելով սեփական շարքերում ծնունդ առած ծայրահեղ աջ և ծայրահեղ ձախ, մեկը մյուսից վտանգավոր, հոսանքները:

Հարկ է հանգամանորեն ծանոթանալ դաշնակցության մեջ առաջացած երկու թևերի ներկայացուցիչների նպատակներին ու գործելակերպին:

ԵՐԻՏԴԱՇՆԱԿՑԱԿԱՆՆԵՐ:

ՏՐԱՄԱՐԱՆՈՒԹՅՈՒՆԸ ԵՎ ԵԳԱՏԱԿՆԵՐԸ

Բոլոր դարաշրջաններում և բոլոր աննպաստ պայմաններում Հայ ժողովրդի ազգային բնազդը միշտ եղել է արտակարգ ուժեղ և անհաղթահարելի է եղել ազգային մարմինը քայքայելուն միտված կրոնական, քաղաքական, գաղափարական և բոլոր այլ տեսակի հոսանքների դեմ հանդիման: Հենց այդ կայուն ազգային հատկանիշն է եղել Հայ ժողովրդի, իբրև էթնիկական ամբողջության, գոյապահպանման ամրակուռ վահանը:

Բայց և այնպես ժողովրդի պատմության բոլոր շրջափուլերում ի հայտ են եկել Հայեր, մեծ մասամբ կրթված երիտասարդներ, որոնք կտրվելով իրենց ժողովրդի մայր զանգվածից, հատկապես օտար ափերում, հեշտությամբ ենթարկվում էին տարբեր ազգերի մշակութային խոր ազդեցությանը, ներգրավվում կրոնական զանազան դավանանքների ոլորտը և անխուսափելիորեն ենթարկվում ապագայնացման: 19-րդ դարի 80-ական թվականներից սկսած՝ նույնը տեղի էր ունենում ուսուսակալ երիտասարդության հետ, հատկապես այն երիտասարդների, որոնք բնակվում էին ուսուսակալ կենտրոններում և ենթակա էին ուսուսակալ, նախ լիբերալ, ապա և սոցիալ-դեմոկրատական մտքի ազդեցությանը:

Ռ. Դարբինյանը (Ա. Զիլինգարյան) «Ռուսական ճակատի վրա» իր հոդվածում նշում էր, որ ոչ միայն Հայ երիտասարդությունը, այլև, լայն իմաստով, մտավորականությունը զարմանալի տկարություն էր հանդես բերում ապագային գաղափարների հանդեպ և, աստիճանաբար կլանվելով ուսուսակալ հզոր մշակույթի կողմից, օտարանում, հեռանում էր Հայ քաղաքական կյանքից և սկսում էր ապրել Ռուսաստանի օրենքներով ու շահերով: «Մտավորականության այն մասը, - գրում էր նա, - որը դեռ կապված էր Հայ ժողովրդի և Հայ

¹ «Հայրենիք», N 4 (16), փետրվար, 1924, էջ 83: (Մեղքերված հատվածի բոլոր ընդգծումները հոդվածի հեղինակինն են:)

իրականության հետ, սկսում էր հետզհետե ավելի հաճախ ներշնչվել ապագա-
գային տրամադրություններով և տոգորվել ապագա-գային գաղափարներով ու
մղումներով: Եվ եթե այդպիսի մտավորականներն այս կամ այն ազգային կու-
սակցության անդամներ էին, ապա փորձում էին ապագա-գային գունավորում
տալ տվյալ կազմակերպություններին»¹:

Հայ քաղաքական մտքի զարգացման մեջ սոցիալիստական ծայրահեղ գու-
նավորումով ապագա-գային ուժեղ խմորումը սկսվեց 20-րդ դարի սկզբին, երբ
Հ.Յ. դաշնակցությունից առաջին անգամ անջատվեց երիտասարդների մի խումբ,
որի անդամները հետո մասամբ մտան ՌՄԴԿ-ի մեջ, իսկ մյուսները կազմեցին
հայկական առանձին սոցիալ-դեմոկրատական կուսակցություն՝ ս.-դ. բանվոր-
ական հայ կազմակերպություն անունով:

Հետագա շարադրանքից կտեսնենք, թե ինչպես դաշնակցությունից անջատ-
ված այդ տարրերն անգիջում կռիվ սկսեցին նախկինում իրենց դավանած ազ-
գային գաղափարների, ազգային գործելակերպի, ազգային նպատակների դեմ:

«Ազգային գաղափարը հետագեմ գաղափար է, ազգությունը՝ մի չարիք», -
ահա այն մտայնությունը, որով տարված էին ապագա-գայնացվողները: Սրանք
ձգտում էին այդ մտայնությունը պատվաստել ամբողջ հայ հասարակության
միջավայրում:

Արդեն նախորդ գլուխներից մեկում նշվել է, որ գտնվեցին նաև այնպիսի
հայ սոցիալ-դեմոկրատներ, որոնք ազգային գաղափարը համարեցին «պան-
արմենիստական»՝ բուրժուական - իմպերիալիստական տեսակետ:

Ռուսահայ սերնդի մեջ ծայր առավ մի մտայնություն, որի համաձայն իրեն
հեղափոխական, ձախ համարող ամեն մի մտավորական սկսեց խուսափել ան-
գամ «ազգ», «ազգային» բառերը գործածելուց, եթե նույնիսկ նա իրականում
կանգնած էր ազգային դատը պաշտպանելու տեսակետի վրա: Այդ երևույթը
նկատվում էր ոչ միայն Հ.Յ. դաշնակցությունից անջատված տարրերի մեջ, այլ
որոշ չափով նաև այդ կուսակցության շարքերում²:

Թեև Հ.Յ.Դ.-ից անջատված սոցիալ-դեմոկրատական խումբը սակավաթիվ
էր, բայց նրա գաղափարական ազդեցությունը տարածվում էր անհամեմատ
ընդարձակ շրջանակի վրա:

20-րդ դարի սկզբին Հ.Յ.Դ.-ում ծագած ապագա-գային խմորումը հարաճուն
կերպով շարունակվեց մինչև 1905թ.:

Ռուսական առաջին հեղափոխության զարգացմանը զուգընթաց՝ ապագ-
գային խմորումը ստացավ ավելի ծավալուն և ավելի սուր բնույթ: Այդ շարժ-
ման հետևանքը եղավ երկրորդ անջատումը Հ.Յ.Դ.-ից:

«Կովկասյան նախագծի» քննարկման ամենաթեթ շրջանում, 1906թ. գար-
նանը, Հ.Յ. դաշնակցության մեջ ձախ հայացքներ դավանող մի քանի երիտա-

սարդներ, դժգոհ լինելով կուսակցությունից, անհնարին համարելով այլևս
նրա դրոշի տակ շարունակելու «սոցիալիստական գործունեություն», միա-
վորվեցին և իրենց հայտարարեցին «երիտասարդ դաշնակցականներ»: Ուշա-
գրավ է այն, որ գրեթե բոլոր անջատվածները, չնչին բացառությամբ, չափա-
զանց կարճ ժամանակ էին եղել դաշնակցության շարքերում, նրանցից շատե-
րը՝ հազիվ մի քանի ամիս միայն: Նրանք դաշնակցության շարքերին մոտեցել
էին այն ժամանակ, երբ միջոցառում ամբողջապես բռնկված էր հեղափոխական
տրամադրությամբ, երբ ամեն մի երիտասարդի համար ամոթալի էր համար-
վում որևէ կուսակցության չհարելը, հեղափոխական գործերով չհետաքրքրվելը:

«Այդ շրջանում, - գրում էր Եղիշե Թոփչյանը, - Կովկասում գործող կու-
սակցություններից Հ.Յ. դաշնակցությունը գտնվում էր հմայքի աննախորդ
բարձրության վրա... Դա այն շրջանն էր, երբ իրենց դաշնակցական էին անվա-
նում նույնիսկ կուսակցության հետ ոչ մի առնչություն չունեցող ոչ քիչ թվով
անձինք»¹:

Բայց, ահա, ոգևորության ու հմայքի շրջանին հաջորդել էր նոր՝ ուսա-
կան հեղափոխության շրջանը՝ լի անակնկալներով: Նույն ժամանակ Կովկա-
սում սանձազերծվել էին թուրք - հայկական ընդհարումները, և սոցիալիստա-
կան ծրագիր ունեցող դաշնակցությունը մխրճվել էր այդ կռիվի մեջ, ստանձնել
հայ ժողովրդի ինքնապաշտպանության ղեկավարությունը, կռիվ, որը ոչ թե
դասակարգային էր, այլ մի ազգի կռիվ մյուսի դեմ:

Նման պայմաններում երիտդաշնակցականների շրջանում ծագում առան
ազգամիջյան կռիվի դեմ հանդես գալու տրամադրություններ: Նոր իրողությու-
նը երկմտանք - տատանում և տարրնթացություն առաջ բերեց նրանց շարքե-
րում: Այս պայմաններում երիտասարդները տևական ժամանակ չէին կարողա-
նում որոշել իրենց դիրքը. ի՞նչ անել, բաժանվել Հ.Յ. դաշնակցությունից և հե-
ռանա՞լ նրանից: Այդ դեպքում ի՞նչ կստացվեր: Արդյո՞ք դա խելացի կլիներ,
երբ իրենց թիվը չնչին էր: Արդյո՞ք հեռանալով չէին նմանվի գեներալների՝
առանց բանակի: Մնա՞լ դաշնակցության մեջ և փորձել գործնական քայլերով
նրան բերել «իրավ սոցիալիստական ուղու» վրա: Բայց դրանում ի՞նչ երաշ-
խիք կարող էր լինել: Հերոսական անցյալ և կենսունակ ներկա ունեցող կու-
սակցության անդամներից քանի՞սն ունկնդիր կլինեն իրենց հորդորներին:

Երիտդաշնակցականների մտքերի երեքման այս շրջանը համընկավ դաշ-
նակցության շարքերում «Կովկասյան նախագծի» շուրջ առաջ եկած բուռն
քննարկումներին, որոնք նպաստեցին նրանց հետագա համախմբմանը, խուս-
բը գնալով համայրվեց նոր անդամներով:

Նույնիսկ այն բանից հետո, երբ խումբը վերածեց նկատելի հոսանքի, երիտ-
դաշնակցականները դեռ չէին մտածում կուսակցությունից անջատվելու մա-
սին, այլ նպատակ ունեին օրինավոր միջոցներով պարզել իրենց հետաքրքրող

¹ «Յառաջ» (Երևան), N 136, 30 հունիսի 1920թ.:

² Նույն տեղում:

¹ «Նախախ» (Թիֆլիս), N 13, 18 հուլիսի 1907թ.:

գլխավոր հարցերը. Ա) Արդյո՞ք դաշնակցութիւնն է հայ ժողովրդի իսկական իղձերի միակ արտահայտիչը, ինչպես ներկայացնում են կուսակցութեան ղեկավարներն ու տեսաբանները՝ դրանով իսկ կուսակցութիւնը նույնացնելով ազգի հետ: Մի՞թե դա հնարավոր է դասակարգերի բաժանված հասարակութեան մեջ: Բ) Դաշնակցութիւնը արդյո՞ք կարող է լինել իրավ սոցիալիզմ դավանող կուսակցութիւն, որի իսկական էությունը ազգայնականությունն է: Ինչո՞ւ կովկասահայ աշխատավորութեան դատը պետք է հասունացած խնդիր նկատել, Գ) Ի՞նչ դիրք է բռնելու դաշնակցութիւնը ուսական հեղափոխութեան նկատմամբ: Դ) Կովկասում սոցիալիստական գործունեություն ծավալել ցանկացող կուսակցութիւնն արդյո՞ք կարող է դրան զուգակցել թուրքահայ դատը: Ինչո՞ւ արևմտահայութեան ազատագրութեան ուղիները պետք է հնացած նկատել ու փնտրել նորերը:

Հարկ չկա վկայակոչելու բանավոր պատճառաբանությունները՝ ժողովներում արտասանած ճառերն ու մեղադրանքները, որոնք արտաբերվում էին կրքերի կամ ռուպիի ազդեցութեան տակ: Քննութեան առնենք այն գրվածքները, որոնք մեծ ազդեցություն գործեցին երիտդաշնակցականների շարքերում և արագացրին նրանց անջատման գործընթացը Հ.Յ. դաշնակցությունից:

Նշված հարցերի պատասխանն առաջինը փորձեց տալ երիտդաշնակցականների շարժման գլխավոր գաղափարախոս Արսեն Ամիրյանը՝, որը հանդես էր գալիս «Ա. Մրավյան» ծածկանունով:

Երիտասարդ դաշնակցականների անդրանիկ հրատարակությունը եղավ 1906թ. գարնանը լույս տեսած Ա. Մրավյանի «Ժամանակ է սթափվելու» 53 էջանոց գրքուկը, որի մեջ ձևակերպված էին այն տրամադրությունները, որոնք արդեն տիրական էին դարձել երիտասարդների շրջանում: Դա դաշնակցութեան նորագույն սերնդի ձախակողմյան հոսանքի ձգտումների, խուլ դժգո-

Ձնայած իր երիտասարդ տարիքին, Արսեն Ամիրյանը դաշնակցութեան մեջ արդեն հայտնի էր իր պրպտուն մտքով և կուռ տրամաբանությամբ: Նա բարձր և արժեքավոր նկարագրի տեր մարդ էր, բայց նրան ակնհայտորեն պակասում էր կազմակերպողի կարողությունը: Արսենի ավագ եղբայրը՝ Թադևոսը (Գիժ Թաթոս), խնաստորի Նիկոլ Դումանի գինվորներից էր, դաշնակցութեան խիզախ ու աննկուն մարտիկներից, որը, ցավոք, դեռևս իր արժանի գնահատականը չի ստացել հայ պատմագրութեան մեջ: Փոքր եղբայրը՝ Գրիգորը, սոց.-հեղափոխական (ս-էո) էր: Արսենը միջնակարգ կրթությունը ստացել էր Բաքվում, ապա ուսում առել Մոսկվայի պետական համալսարանում: 1902թ. դեկտեմբերի 15-ին Մոսկվայում սպանված սեղանավոր Իսահակ Ժամհարյանի գործով բանտարկվել էր, 1903-ին փոխադրվել Շուշիի բանտ, որտեղից ազատվել էր 1904թ. գարնանը և անցել Բաքու: Մտնելով դաշնակցութեան մեջ՝ Արսենը գլխավորել էր երիտդաշնակցների շարժումը, ապա, դուրս գալով շարժումից, որը ժամանակ հարել էր էսէռներին, որոնցից հեռանալով, երկար տարիներ մնացել էր «միայնակ» հեղափոխականի դերում: 1918-ին մտել էր Լենինի կուսակցութեան մեջ, դարձել բոլշևիկ-տեսաբան, Բաքվի կոմունայի առաջնորդներից մեկը, կոմունայի «Ваквесский Рабочий» պաշտոնաթերթի գլխավոր խմբագիր: 1918թ. Բաքվի 26 կոմիսարների հետ ընկել էր Անդրկասպյան երկիր, ուր սեպտեմբերի 20-ին Ստեփան Շահումյանի և մյուս ընկերների, այդ թվում իր եղբոր՝ Թադևոս Ամիրյանի հետ գնդակահարվել էր անգլիացիների կողմից:

հույսը ու բողոքների մի հավաքական արտահայտություն էր:

Գրքուկի փոքրիկ առաջաբանում Մրավյանը նշում էր. «Այն մտքերը, որ ես այստեղ այսպես հրատարակորեն արտահայտում եմ, ես ոչ միայն խորհել, մտածել եմ, այլև զգացել եմ մինչև հոգուս խորքերը, ապրել եմ այդ ամենը: Ես այն դուրս եմ բերել տանջանքների աշխարհից: Ըշմարտություններ ասելու ես հավակնություն չունեմ, բայց համոզված եմ խորապես, որ մենք գնում ենք ոչ այն ճանապարհով, որով պետք է ընթանալինք: Եվ ցանկալի կլինեք, որ մեր բոլոր ընկերները քննադատական հետադարձ հայացք գցեն անցած ուղու վրա և որոշեին, թե այսուհետև որն է մեր ճանապարհը»:

Բովանդակային առումով գրքուկը կարելի է բաժանել երկու մասի: Առաջին մասում հեղինակը թուուցիկ հայացք է նետում կովկասահայերի տնտեսական-մտավոր վերածնության շրջանին՝ սկսած 19-րդ դարի 60-ական թվականներից, երբ բարգավաճման ուղին էր բռնել հայ բուրժուազիան՝ գաղափարական պաշտպան ունենալով Գրիգոր Արծրունու լիբերալ դպրոցը: Դա նորածագ հայ բուրժուազիայի պայքարի ու անհաշտ մաքառման շրջանն էր՝ ընդդեմ կղերական սանձարձակ բյուրոկրատիայի, բեկությունից և մեխիքությունից ֆեոդալական ուժերի:

Մրավյանը արծրունիական դպրոցին էր վերագրում նաև դաշնակցութեանը՝ սկսելով նրանից, որ կուսակցութեան նախակարապետը «Մշակի» հրատարակիչ-խմբագիրն է: Մեջբերելով Արծրունու այն խոսքերը, թե՛ «Աստված մի արասցե, որ սոցիալիզմի թույնը մեր ժողովրդի մեջ բույն դնի»՝ գրքուկի հեղինակը նրան համարում էր հայ բուրժուազիայի շահերի պաշտպան, աշխատավոր հայ մարդկանց հոգսերից ու կարիքներից հեռու կանգնած մի մարդ:

Գրքուկի երկրորդ մասը վերաբերվում է հեղինակի ապրած ժամանակաշրջանի իրականությունը: Նրա քննադատության օբյեկտը բացառապես Հ.Յ. դաշնակցությունն է:

Մրավյանը փորձում էր դիտարկել դաշնակցութեան դավանանքի բովանդակությունը, գրելով, թե կուսակցությունը «որոշ դավանանք չունի» և եթե ունի, ապա դա տարբեր գաղափարների հավաքածու է, որի նպատակն է «աշխատավոր մասսաներին ձեռքից բաց չթողնել»³:

Իե՞ն նախքան սույն աշխատությունը լույս ընծայումը, իրենց կազմակերպած բանավեճերի ժամանակ երիտդաշնակցականները եկել էին այն եզրակացություն, որ անթույլատրելի է կուսակցությունը նույնացնել ազգի հետ: Ամփոփելով իր գաղափարակիցների կարծիքները՝ Ա. Մրավյանն ընդգծում էր, որ ազգը տարբեր դասակարգերի տնտեսական ու բարոյական շահերի բախման ասպարեզ է, ուստի անհնար է այդ շահերը հաշտեցնել ու զուգորդել մեկ

¹ Ա. Մրավյան, Ժամանակ է սթափվելու, Բաքու, 1906, էջ 3:
² Նույն տեղում, էջ 34:
³ Նույն տեղում, էջ 39-41:

կազմակերպության մեջ, քանզի անկարելի է, որ կուսակցության շարքերում լինեն նույն գաղափարով առաջնորդվող շահագործողներ ու շահագործվողներ, Հեղափոխականներ և Հակահեղափոխականներ: Աշխատության Հեղինակը գրում էր.

«Դաշնակցությունը պետք է լինի միայն աշխատավորների դասակարգային կուսակցություն»¹, այնինչ նա մտնում է գերազանցորեն ազգային կուսակցություն և իր շարքերի մեջ Հանդուրժում է թե՛ գյուղացուն, թե՛ աշխատավորին, թե՛ բուրժուային, թե՛ տիրացուին և թե՛ տերտերին: Նշելով այդ բացառիկ իրողությունը՝ գրքուկի Հեղինակը ենթադրում էր, որ դաշնակցությունը, Հարելով ռուս Հեղափոխության ընդհանուր գործին և իր պայքարը ներդաշնակելով Ռուսաստանի սոցիալիստական Հեղափոխական կուսակցությունների Հետ, իր շարքերից պետք է դուրս մղեր բոլոր անհարազատ տարրերին, բայց այդպես չեղավ: «Եվ ամենքը սիրահարված են տաճկահայ դատի վրա»: Ապա՝ «Եվ մանրուքի այն խանութպանը, որ ազգասիրություն է անում մուշտարիներ շատացնելու համար, և այն վաճառականը, որի իդեալը իր ձեռքի արչինն է, և այն վաշխառուն, որ իր կես տոկոսի համար կը զոհվի ամբողջ ազգը, և այն նավթային կրեստը, որի համար տասը հազար տաճկահայերի գլուխը տասը փուփ մագուլթի գին չունի...»², այդ բոլորը միասին մի կազմակերպության մեջ են նրանց Հետ, ովքեր իրենց կյանքն են տալիս Տաճկահայաստանի ազատագրության համար: «Դաշնակցությունը պետք է դադարի միջդասակարգային նեխված Հակաառաջադիմական մի կազմակերպություն լինելուց: Դաշնակցությունը պետք է լինի միայն ու միայն աշխատավորների դասակարգային կուսակցությունը»³:

Մրավյանը քննադատելով «տաճկահայ դատը գործիք դարձրած» Հայ բուրժուազիային՝ նրա Հետ նույնացնում էր դաշնակցությանը: Ավելին, գտնելով, որ տաճկահայ դատը ինքնին բուրժուազիայի տենչանքների արգասիքն է, նա, այնուհետև, գրում էր.

«Մենք՝ կավկասահայ աշխատավորներս, չենք կարող օգնության ձեռք չմեկնել մեր տաճկահայ եղբայրներին, բայց միայն օգնություն. մենք իրավունք չունենք միջամտելու, խառնվելու նրանց ներքին գործերի մեջ, որովհետև... ծանոթ չենք երկրի կոնկրետ պայմանների Հետ,... փչացնում ենք նրանց գործը,... կանգնում ենք սայթաքման այն քարի վրա, որը գլորում է թե՛ կովկասահայ աշխատավոր ժողովրդին և թե՛ տաճկահայերին կովկասահայ բուրժուազիայի գիրկը, որը դեպի կորուստ է տանում թե՛ մեզ, թե՛ նրանց»⁴:

Մրավյանը գտնում էր, որ թուրքահայությունը չի կարող իր ուժերով օսմանյան բռնակալությունից ազատագրվել, և դաշնակցությունը, գլխավորելով

նրա ազատագրական պայքարը, պատճառ է դարձել անթիվ զոհերի: Այդ զոհերը ինչ-որ տեղ արդարացնելի են այն առումով, որ ժողովուրդն այլևս անկարող էր ապրել ստրկական վիճակում: Բայց այժմ իրավիճակը փոխվել է, արևմտահայության ազատագրության վառ հույսերը մարված են: Նա գրում էր.

«Մեղադրել դաշնակցությանը այդպիսի քաղաքականության համար, անմտություն է, ավելի ևս անմտություն է առանձին անհատներին մեղադրելը: Այդ քաղաքականությունը բխում է իր ժամանակի իրական պայմաններից: Այդ ձևով են ազատվել հույները, այդ ձևով են ազատվել բուլղարները, այդ ձևով էլ պետք է ազատվեն Հայերը: Դա Հետևողական մի եզրակացություն է քաղաքական այնպիսի պայմաններում, որոնք գոյություն են ունեցել մինչև վերջին տարիները»¹:

Բայց այժմ քաղաքական պայմանները փոխվել են, փոխվել են նաև տեսակետները տաճկահայ դատի նկատմամբ, ասում էր Մրավյանը: Պայմանները փոխվել են, բայց թուրքահայերի և դաշնակցության գործելակերպը մնացել է նույնը:

«Տաճկահայերի ամենամեծ սխալը կայանում է նրանում, - գրում էր նա, - որ նրանք իրենց բախտը կապում են միայն եվրոպական բուրժուազիայի տրամադրությունների և ոչ թե Ռուսաստանի Հետ, որը իրավամբ նայում է սուլթանի վրա, որպես իր վասալի, և որը արդեն չափազանց թանկ գնով ապացուցել է, որ քանի գոյություն ունի ռուսական բռնապետությունը, Տաճկահայաստանը չպիտի երազե ազատության մասին»:

Այլ խոսքով, թուրքահայության ազատությունը կարող է վրա հասնել միայն Ռուսաստանի ազատությունից Հետո:

«Ռուսաստանի Հաղթական Հեղափոխությունը ճակատագրորեն նույն ազդեցությունը պիտի ունենա Հարևան պետությունների վրա (որոնց թվում թուրքիայի և Պարսկաստանի), ինչ որ ունեցավ իր ժամանակին Փրանսիական մեծ Հեղափոխությունը Արևմտյան Եվրոպայի պետությունների վրա: Ահա թե ինչու Ռուսաստանի ազատագրումը նշանակում է և Տաճկահայաստանի ազատագրում: Եվ Տաճկահայաստանի ազատագրումը Ռուսաստանի ազատագրման միջոցով - ներկա պայմաններում միակ ուղիղ և անսպաթաք ճանապարհն է»²:

Մրավյանի վերջնական կարծիքն այս Հարցի մասին Հետևյալն էր. «Տաճկահայաստանի ազատագրումը պետք է ձեռք բերվի ոչ այնքան Սասունի բանաստեղծական և գեղատեսիլ լեռների վրա, որքան Պետերբուրգի և Թիֆլիսի պրոզայիկ փողոցների վրա»: Հետևապես՝ Հայ քաղաքական կյանքի ծանրության կենտրոնը Տաճկական Հայաստանից պետք է փոխադրվի Ռուսական Հայաստան, և այստեղ պետք է լուծվի ամեն բան:

«Տաճկահայերի դրությունը ոչ թե տասն անգամ, այլ գուցե հարյուր անգամ ավելի դժոխային է, քան կովկասահայերի դրությունը», - եզրակացնում

¹ Ա. Մրավյան, Ժամանակ է սթափվելու, Բաքու, 1906, էջ 39:

² Նույն տեղում, էջ 48:

³ Նույն տեղում:

⁴ Նույն տեղում, էջ 38:

¹ Ա. Մրավյան, Ժամանակ է սթափվելու, էջ 37:

² Նույն տեղում, էջ 39:

էր Մրավյանը: - Եվ այդ է պատճառը, որ երկու տարվա ահեղ Հայ-թուրքական պատերազմը [Կովկասում] խլեց ոչ ավելի, քան 2000 մարդ, մինչդեռ տաճկահայերը նույն[քան] ժամանակամիջոցում զոհ տվին մոտ 100 000 հոգի, եթե 300 000-ը չափազանցություն համարենք»¹:

Ա. Մրավյանի եզրակացությունն այն էր, որ՝ ա) Հայ քաղաքական ծանր լուծը դեպքերի բերումով ընկել է տաճկահայերի վրա, որ բ) կովկասահայությունն այդ շարժման մեջ գործոն մասնակցություն ունի 2-3%-ի չափով ու իր հոծ բազմությամբ, բայտ էություն, չեզոքացած է Անդրկովկասի քաղաքական-հեղափոխական կյանքից, ուր նա գոհանում է «աժան համակրանքներով» «դեպի «ազգային դատը» ճանկահայաստանում»²:

Մրավյանի դատողություններից ստացած ամբողջական տպավորությունը վկայում է, որ նա դեռ գտնվում էր մարքսիստ դառնալու կես ճանապարհին, դեռ չունեի մշակված ու հիմնավորված դավանանք: Այդ չըջանում նրան կարելի էր բնութագրել որպես մանրբուրժուական դեմոկրատական ձախակողմյան գաղափարների պրոպագանդիստ: Պատահական չէ, որ նա հաճախ էր ընկնում Հակասությունների մեջ, դեռևս ազոտ էր պատկերացնում Հայկական Հասարակության դասակարգերի, շերտերի ու խավերի տարբերությունները, սոցիալիզմ ասելով՝ հասկանում էր բարեպաշտական ցանկությունների և իդձերի մի սրբազան պաշտամունք, մառախլապատ մի հեռահար նպատակ, ուսմանտիկական մի վառ ֆանտազիա և այլն:

Այդ ամենով հանդերձ, Մրավյանի «Ժամանակ է սթափվելու» գրքույկը լուրջ մտահոգություն պատճառեց դաշնակցությանը: Կուսակցության մամուլի համարյա բոլոր օրգանները անդրադարձան գրվածքին, հոդվածներով ու գրախոսություններով փորձեցին չեզոքացնել նրա ազդեցությունը շարքերի վրա, բայց դա չտվեց սպասած արդյունքը:

Ա. Մրավյանի երկրորդ քայլը եղավ 1907թ. Բաքվում «Դաշնակցության կրիզիսը» 64 էջանոց գրքույկի հրատարակումը³: Եթե առաջին գրքույկով Ամիրյանը դիմում էր դաշնակցական ընկերներին, ապա երկրորդն անմիջականորեն ուղղված էր դաշնակցության ազդեցության տակ գտնվող բանվորներին:

Հեղինակը գրում էր, որ «դարերից ի վեր Հայկական Համագային անդորր լծի մեջ նեխված ջրերը իրար են անցել», որ «կովկասահայ բուրժուազիայի դասակարգային կուսակցությունը՝ դաշնակցությունը, կրիզիսի մեջ է», որ այդ կուսակցությունը քայքայվում է, և քայքայման ճարճատյունի միջից լրսվում է «դիմումը դաշնակցական բանվորության»: Այդ բանվորությունը ցույց

¹ Նկատի ունի 1895-1896թթ. ժամանակաշրջանում Թուրքիայում իրականացված Հայերի զանգվածային կոտորածները:
² Ա. Մրավյան, Ժամանակ է սթափվելու, էջ 45:
³ «Վեմ», N 2, նոյեմբեր-դեկտեմբեր, 1933, էջ 94:
⁴ Ա. Մրավյան, Դաշնակցության կրիզիսը, Բաքու, 1907: Կոնսպիրատիվ նկատառումներով գրքույկի վրա գրված է, թե այն տպագրվել է Վիեննայում:

է տալիս փրկության միջոցները և հուզված շեշտերով բոլորին կանչում է՝ ելե՛ք, ելե՛ք, առաջ գնացեք նոր ուղիներով...

Մրավյանը բազմաթիվ մեղադրանքներ էր ուղղում դաշնակցությանը. լինելով բուրժուական կուսակցություն, բայտ էություն՝ մշակական կազմակերպություն, դաշնակցությունը ձգտում է իր թագավորությունը հաստատել Հայ իրականության մեջ, նա շահագործում է տաճկահայ դատը, նրա արհեստակցական միությունները գուբատովյան կազմակերպություններ են, նա միշտ էլ հեռու է եղել հեղափոխությունից և այլն:

Մրավյանը գրում էր. «Անվաճ բուրժուական գաղափարների ծոցում դաշնակցությունը հենց սկզբից ևեթ տարված էր Հայկական ինքնուրույն կառավարություն, ինքնուրույն պետություն կամ, ինչպես ժողովուրդն է ասում, Հայոց թագավոր հաստատելու գերազանցապես բուրժուական գաղափարով»¹:

Մի կողմ դնելով այն, որ ինքնուրույն պետություն և ինքնուրույն կառավարություն ունենալը ամեն մի հայաժամած ազգի հրազանքն է, նշենք, որ այդ բնական պահանջը տարիներ շարունակ իրրե մեղադրանք էին ներկայացնում Հայաստանից ուսումնասիրի պարտությունները՝ Սուլթանները, Գրինգոմոտները, Վելիչկոները: Տարբերությունն այն էր, որ սրանք ամբողջ Հայ ազգին էին վերագրում «Հայկական թագավորություն» հաստատելու տենչը, իսկ Մրավյանը՝ միայն դաշնակցությանը:

Անշուշտ, այս մեղադրանքը դաշնակցության հասցեին հարուցում էր ոչ միայն Հայ սոցիալիստների, այլև աջ ազատական մամուլի («Մշակ», «Մուրճ» և այլն) կողմից, որոնք շեշտում էին, որ այդ կուսակցությունը մի գաղտնի կառավարություն է Հայկական կյանքում՝ դրանով իսկ ուսումնասիրության ուղղությունը հրապարակում նրա վրա:

Բուրժուազիայի «դասակարգային օրգան»՝ «Ինքնուրույն կառավարություն» ասելով Մրավյանը նկատի ուներ դաշնակցության գործունեությունը 1903 թվականից, երբ վերջինիս ղեկավարությամբ «Հայ ժողովուրդը բոյկոտի էր ենթարկում ուսանական կառավարչական հաստատությունները»² և սեփական միջոցներով կարգավորում իր գործերը:

Մրավյանը շեշտում էր, որ ուսանական հեղափոխության հաղթանակը փրկություն կարող է բերել ոչ միայն Կովկասի Հայությանը, այլև ճանապարհ կհարթի Թուրքահայաստանի ազատագրության համար: «Տաճկահայաստանի ազատագրումը Ռուսաստանի ազատագրության միջոցով՝ ներկա անսայթաք ճանապարհն է»³: Այլ ուղի չկա: Առաջվա նման կործանարար է հույս կապել Եվրոպայի հետ: «... մենք չենք կամենում գնալ այն ճանապարհով, որը տանում է մեզ դեպի ողորմություն Եվրոպական գծուճ ու ազգահարկազիայից,

¹ Ա. Մրավյան, Դաշնակցության կրիզիսը, էջ 17:
² Նույն տեղում, էջ 18:
³ Նույն տեղում, էջ 39:

որը տանում է մեզ դեպի նորանոր, դեպի անվերջ 300 000 զոհեր»¹:

«Դաշնակցության կրիզիսը» գրքուկին կցված են հավելվածներ՝ ուղղված մասնավորապես Միքայել Վարանդյանի և «Кавказская Реѳ»-ի աշխատակից Բարսեղի դեմ, որոնք խիստ քննադատության էին ենթարկել Մրավյանի նախորդ՝ «Ժամանակ է սթափվելու» գրքուկը:

«Ցավվածի» մեջ նորից քննադատելով դաշնակցության խայտաբղետ կազմը՝ Մրավյանը նշում էր. «Այն պայքարը, որ այժմ գոյություն ունի դաշնակցության մեջ - դա տաճկահայ և կովկասահայ դատերի պայքար է, այլ ազգայնական բուրժուազիայի և գիտակից սոցիալիստական բանվորության պայքարը...»²: Այստեղից նա բխեցնում էր եզրակացություն, որ պետք է միմյանցից բաժանել տաճկահայ և կովկասահայ դատերը: «... Բաժանման այն հարցը, որ այսօր հրապարակի վրա է դրված, դա ոչ թե տաճկահայ դաշնակցության և կովկասահայ դաշնակցության բաժանման հարցն է, այլ բուրժուական դաշնակցության և սոցիալիստական դաշնակցության բաժանման հարցը: Տաճկահայ դատի բաժանման հարցը դժվար թե առաջ գար, եթե տաճկահայ շարժումը լիներ սոցիալիստական շարժում և ոչ թե համազգային մի գործ, որ գտնվում է հակասոցիալիստական տարրերի ղեկավարության տակ»³:

Հանդես գալով Մրավյանի գրքուկի դեմ Միք. Վարանդյանը գրում էր, թե, այդ տրամաբանությունը հետևելով, կարելի է «բուրժուազիայի դասակարգային օրգան» համարել և՛ կովկասյան սոցիալ-դեմոկրատիային՝ նրա գործունեության պատճառով Գուրիայում, լատիշական սոցիալիստներին, լեհական սոցիալիստական կուսակցությանը, որովհետև դրանք էլ իր ժամանակին ժողովրդական բոլոր էին ղեկավարում, դրանք էլ ունեցել են իրենց դրական ու բացասական կողմերը⁴:

Տարակուսանք էր առաջացնում Մրավյանի այն պնդումը, թե կովկասահայ բուրժուազիան է, որ ղեկավարել է դաշնակցությանը, որ նրա շահերից են թելադրված եղել Սասունի ապստամբությունը և տաճկահայ մյուս շարժումները:

Մրավյանը միաժամանակ նշում էր, թե Հայ սոցիալիստների համար խորթ է թուրքահայ դատը, բայց դրա լուծման համար պայքարը ոչ թե պետք է գլխավորի Հայ բուրժուազիան, այլ աշխատավորությունը: Նա գրում էր.

«Եթե կգա այն օրը, երբ ապստամբությունը Սասունի լեռներում կը թելադրվի տաճկահայ ժողովուրդի և ոչ կովկասահայ բուրժուազիայի շահերից, երբ կարիք կը լինի թողնել Կովկասը՝ տաճկահայերի ազատագրությանը նվիրվելու համար, ապա այդ դեպքում գիտցած եղեք, որ մենք՝ աշխատավորներս, կը լինենք առաջինը, որ մի կողմ կդնենք մուրճն ու սալը և մի նոր խաչակրաց ար-

շավանք կը սկսենք դեպի Տաճկաստան»¹:

Բայց խնդիրն այն էր, թե այդ «կարիքը երբ կլինի» և մինչև այդ «երբ»-ի հասնելը ինչ կմնար տաճկահայ ժողովուրդից:

Այդ հարցին Մրավյանի գրքուկը ուղղակի պատասխան չէր տալիս, սակայն հեղինակի մտքերը թելադրում էին, որ ինչպես անցյալում, այնպես էլ իր ապրած օրերում դաշնակցության միջամտությունը տաճկահայ շարժմանը միայն միասններ է բերել, քանի որ շարժումը թելադրված է «կովկասահայ բուրժուազիայի շահերից», իսկ նման պարագայում բացառվում է վերջինիս դեմ կռիվող կովկասահայ աշխատավորության մասնակցելը այդ շարժմանը:

«Խաբարխաբ» գրում էր. «Իրանից մի՞թե չէր կարելի անել այս եզրակացությունը. թո՛ղ տաճկահայ ժողովուրդը ճնշվի ու կեղեքվի ծայրահեղ բարբարոսության հարվածներից, թող արյան ու արցունքի մեջ թաղի իր հեծեծանքը, կյանքի ու գույքի անապահովությունը, ընտանեական պատվի ու սրբազան իրավունքների ոտնահարումը - այդ բոլորը դեռ բավարար չեն տաճկահայ Հեղափոխության ըմբոստացման համար, քանի որ կովկասահայ բուրժուազիայի շահերն են դրա թելադրողը»²:

Ա. Մրավյանի երկու գրքուկները մանիֆեստի նշանակություն ունեցան երիտդաշնակցականների համար և ջերմորեն ողջունվեցին Հակադաշնակցական ուժերի կողմից: Հավանություն տալով դաշնակցական երիտասարդների ելույթին՝ Ստ. Շահումյանը դա համարում էր դաշնակցության շարժերում պրոլետարական և բուրժուական տարրերի «ընդհարման նշան»³:

Բայց ոչ բոլոր երիտդաշնակցականներն էին ուղում դուրս գալ կուսակցությունից: Քանի որ նրանց հիմնական մասը բռնել էր դաշնակցության «բարենորոգման» ուղին, բոլշևիկ գործիչներից Ասքանազ Մոավյանը «Նոր խոսք» թերթում կուսակցության շարժերում մնացածների մասին գրում էր. «Սըրտանց համակրելով ու քաջալերելով դրանց գիտակցության արթնացումը՝ մենք չենք կարող չնկատել, որ այդ պարոնները գիտակցում են միայն ճշմարտության կեսը, ճանապարհի կեսին են կանգ առնում: ... Դասակարգային պրոլետարական տեսակետի վրա կանգնելու համար շատ հին կուլտուր պիտի խորտակվեն»⁴:

ԱՆՋԱՏԱԿԱՆՆԵՐ: ԵՐԿՈՒ ԴԱՏԵՐԻ ԽՆԴԻՐԸ

Ա. Մրավյանի «Ժամանակ է սթափվելու» գրքուկը իր վրա գրավեց ոչ միայն երիտդաշնակցականների, այլև կուսակցության ղեկավարության ուշա-

¹ Ա. Մրավյան, Դաշնակցութեան կրիզիսը, էջ 50:

² Նույն տեղում, էջ 56:

³ Նույն տեղում, էջ 55:

⁴ «Ալիք» (Թիֆլիս), N 37, 10 հունիսի 1906թ.:

¹ Ա. Մրավյան, Դաշնակցութեան կրիզիսը, էջ 49-50:

² «Խաբարխաբ», N 20, 26 հուլիսի 1907թ.:

³ Տե՛ս Ստ. Շահումյան, ԵԼԺ, Հատ. առաջին, էջ 397:

⁴ «Նոր խոսք», N 7, 3 սեպտեմբերի 1906թ.:

դրությունը: Հ.Յ. դաշնակցության ղեկավար մարմինները Հենց սկզբից կուսակցին, թե՛ Մրավյանի արտահայտած մտքերը որքան վտանգավոր են կուսակցության միասնության համար: Ահա թե ինչու կուսակցության գաղափարախոսները, հատկապես Գարեգին Խաթաբյանը և Լեւոն Թովմյանը (Վահե) տեսական լայն պայքար ծավալեցին այդ վտանգավոր հերձվածի դեմ: Ինչպես այս երկուսը, այնպես էլ դաշնակցական ուրիշ գործիչներ հանդես եկան բազմաթիվ հոդվածներով և առանձին հետազոտություններով՝ փորձելով չեզոքացնել այն խոր տպավորությունը, որ կուսակցության շարքերի վրա թողել էին Մրավյանի մտքերը և փաստարկները:

Իրենց հերթին երիտդաշնակցականները զանազան շրջաններում, հատկապես Բաքվում, որն իրենց կենտրոնն էր, և Թիֆլիսում, ժողովներ ու խորհրդակցություններ էին ունենում, որոնցում ամենայն մանրամասնությամբ քննության էին առնում Մրավյանի գաղափարները և դատողությունները: Այդ քննարկումներին մասնակցում էին նաև դաշնակցության մեծ թվով համակիրներ և սոցիալիստական զանազան ուղղություններ դավանող Երիտասարդներ:

1906թ. սեպտեմբերին Թիֆլիսում տեղի է ունենում տարբեր գաղափարներ դավանող մի խումբ երիտասարդների ժողով, որին մասնակցում են նաև զգալի թվով երիտդաշնակցականներ՝ քաղաքի իրենց ղեկավարներով:

Ժողովը քննության է առնում Հ.Յ. դաշնակցության մեջ տիրող վիճակը, գաղափարական խնդրումների պատճառները և հնարավոր հեռանկարները, տեսական այն հարցերը, որոնց բարեհաջող լուծումը հնարավորություն կտար Հ.Յ.Դ. դրոշի տակ բերելու մեծ թվով սոցիալիստական երիտասարդների: Ժողովականների ուշադրության կենտրոնում էր հատկապես գտնվում Հ.Յ.Դ. «Կովկասյան նախագծի»՝ թուրքահայ դատի և կովկասյան գործունեության հարաբերությունների պարզաբանման հարցը:

Ուշագրավն այն էր, որ երբ կոնկրետ հարցերից հետո հերթը հասավ տեսականին, ժողովականները, դրանք լուսաբանելու և ձևակերպելու մեջ իրենց անպատրաստ համարելով, որոշում ընդունեցին այդ հարցերի քննությունը թողնել մի այլ անգամի, որպեսզի ձեռնհաս ընկերները նախապես հատուկ ունենան անջատվել դաշնակցությունից և ստեղծել իրենց ինքնուրույն կազմակերպությունը:

Ահա Հենց այդ ժողովում հանդես են գալիս երիտդաշնակցականներից մի քանի հոգի և հայտարարում, թե իրենք կամենում են լինել անարատ ու մաքուր քաղաքական գործիչներ և հետևողական սոցիալիստներ, ուստի նպատակ ունեն անջատվել դաշնակցությունից և ստեղծել իրենց ինքնուրույն կազմակերպությունը:

Այդ ժամանակվանից սկսած՝ «երիտդաշնակցական» շարժումը ստացավ

«անջատական»՝ շարժում անվանումը: Վերջինս եղավ առաջինի ուղղակի շարունակությունը՝ մոտեցու մտքերի և շեշտադրումների որոշ տարբերություններով:

Սակայն ժողովին ներկա երիտդաշնակցականների փոքր մասը, կողմ լինելով երկու դատերի բաժանման տեսակետին, դեմ արտահայտվեց դաշնակցությունից կազմակերպչորեն անջատվելու տեսակետին: Մրանք, որ ստացան բաժանողականներ անվանումը, կուսակցությունից անջատվելը համարելով միասակար, հանդես էին գալիս Հ.Յ.Դ. շարքերում ֆեդերատիվ սկզբունքներով երիտասարդ դաշնակցականների ինքնուրույնությունը ապահովելու պահանջով:

Այս երկու տարբեր կարծիքների շուրջ պայքարը շարունակվեց նշված ժողովից հետո նույնպես՝ Բաքվում, Թիֆլիսում և այլուր, ուր առաջացել էին երիտասարդ դաշնակցականների խմբեր՝:

Անջատողականները, այսինքն՝ դաշնակցությունից հետևողականորեն անջատվելու կողմնակիցները, իրենց նպատակին հասնելու հույսով տողորված, ճանապարհվում էին քաղաքից քաղաք, ժողովներ էին գումարում, իրենց մտքերը արծարծում զանազան շրջաններում և, օգտվելով իրենց նախկին կապերից, հաճախ իրենց կողմն էին գրավում անհատ բանվորների:

Բայց անջատականները շատ չուսով հիասթափություն ապրեցին: Հանուն անջատման նրանց ճառերն ու առաջարկները մնում էին «ձայն բարբառոյ յանապատի», առանց կարողանալու խախտել Հայ զանգվածների հաստատուն հավատը դեպի դաշնակցությունը: Այնուամենայնիվ, ամիսների եռանդուն ջանքերի հետևանքով անջատողականները հազիվ կարողացան Թիֆլիսում մի քանի անհատների գրավել իրենց կողմը: Իսկ Բաքվում նրանց շուրջը համախմբվեցին մի քանի հարյուր, բացառապես ռուսահայ, բանվորներ, այն դեպքում, երբ նույն քաղաքում դաշնակցական կազմակերպված բանվորության թիվը հասնում էր շուրջ 7000-ի¹: Անջատականների խմբեր սկսեցին գործել Շուշիում և Երևանում, մի քանի տասնյակ անհատ դաշնակցականներ Գանձա-

¹ Անջատական ղեկավար գործիչներից Վահան Մինախորյանը հետագայում գրել է. թե դաշնակցականները մեզ «անջատականներ» կոչեցին ոչ թե նրա համար. որ մենք անջատվել ենք. կամ ուղղում ենք բաժանվել դաշնակցությունից՝ որով և «անջատվածներ ենք. այլ այն պատճառով. որ մեր հիմնական առաջադրությունը կովկասահայ և տաճկահայ դատերի անջատումն էր» («Վեմ» հանդես. N 2. նոյեմբեր-դեկտեմբեր. 1933. էջ 105): Այս բացատրությունը չենք կարող ընդունելի համարել. քանզի այդ տարիներին անջատականների դեմ դաշնակցական հեղինակների գրած թե՛ գրքույկներում և թե՛ հոդվածներում անջատականները միանշանակ հանդես էին գալիս որպես կուսակցության ներսում առաջացած հերձված. որը ձգտում էր կազմակերպությունից անջատվել: Մինախորյանը «առարձակած թյուրիմացության» պատճառ էր համարում անջատականների առաջնորդ Բիխարդի (Լ. Աթաբեկյան) «Ինչո՞ւ ենք անջատվում դաշնակցությունից» և անջատականների դեմ հանդես եկած Շահենի (Գևորգ Մելիք-Շահնազարյան) «Ինչո՞ւ չենք անջատվում դաշնակցությունից» գույգ գրքույկները (թեև վերջինս հետո անջատվեց կուսակցությունից և դաշնակցության գործով 1912թ. դատապարտվեց ցմահ աքաղի: Միբիր): Անշուշտ. անջատականներն այդ անունով էլ կոչվել են՝ դաշնակցությունից անջատվելու համար:

² Տե՛ս «Սեպտեմբեր», N 15. 20 հուլիսի 1907թ.:

³ Նույն տեղում, N 17, 22 հուլիսի 1907թ.:

կում, Ալեքսանդրապոլում և Բաթումում հայտարարեցին դաշնակցութունից դուրս գալու և անջատականներին միանալու մասին:

Եթե 1906թ. գարնանը ծնունդ առած երիտդաշնակցական շարժման ղեկավարը Ա. Մրավյանն էր (Արսեն Ամիրջյան), ապա նույն թվականի աշնանը ձևավորված անջատական շարժման գաղափարախոսը և առաջնորդը դարձավ բժ. Լևոն Աթաբեկյանը (Բիխարդ):

Լ. Աթաբեկյանը գործում էր Բաքվում և, կարելի է ասել, մինչև 1906թ. գարունը նրա շուրջն էր համախմբված քաղաքի դաշնակցական երիտասարդությունը: «Իր պարզ ու ընկերական վերաբերմունքով, հարցերի իր համբերատար, վերլուծող, պատճառաբանող բացատրություններով, իր անխնայ աշխատանքների բերումով, իր կազմակերպական շեշտված ընդունակություններով նա արդեն գրավել էր այդ երիտասարդության սերն ու համակրանքը»¹, - գրել է Աթաբեկյանի համախոհ ու զինակից, անջատական շարժման ղեկավար գործիչներից Վահան Մինախոյանը: Դաշնակցական գործիչ Արտաշես Հովսեփյանը (Մալխաս) Լ. Աթաբեկյանին բնութագրել է որպես մաքուր ու չիտակ գաղափարական, որն անձնուրացաբար նվիրված էր հարազատ ժողովրդին՝ օժտված արտակարգ հիշողությամբ և խոր իմացականությամբ²:

1906թ. գարնանից, հանդիսանալով Հ.Յ.Դ.-ի մեջ առաջացած երիտդաշնակցական հոսանքի պարագլուխներից մեկը, նույն թվականի աշնանը Լ. Աթաբեկյանը դառնում է նրանց ճանաչված ղեկավարը: Նա գրեց գրքուկներ, հոդվածներով հանդես եկավ կովկասահայ մամուլի տարբեր օրգաններում և հատկապես անջատականների կողմից Բաքվում հրատարակվող «Անիվ», ապա և՝ «Շեփոր»³ թերթերում ու 1908թ. լույս տեսած «Վերազնահատումներ»⁴ գրական-քննական ժողովածուի առաջին (և վերջին) գրքում:

Անջատականները համոզված էին, որ թուրքահայկական և կովկասահայ դատերը իրականում ոչ մի նմանություն չունեն: Այդ երկու դատերի միաժամանակյա լուծման համար մղվող պայքարը Լ. Աթաբեկյանը համարում էր ճակատագրական սխալ, գտնելով, որ երկու ճակատով պայքարի անհրաժեշտության հարցը տեսականորեն չի հիմնավորված: Նրա կարծիքով, դաշնակցությունը որքան շուտ հրաժարվի երկու դատերի զուգորդումից և թուրքահա-

յաստանում Կովկասից արհեստականորեն սոցիալիզմ պատվաստելու փորձերից, այնքան շատ կհաճի ողջ հայությունը: Եզրակացությունը մեկն էր. հայ քաղաքական կյանքի ծանրության կենտրոնը պետք է թուրքահայաստանից տեղափոխել Ռուսահայաստան և այստեղ լուծել ազգային հիմնական խնդիրները: Իսկ դա նշանակում է, որ դաշնակցությունը պիտի դառնա կովկասահայության կուսակցություններից մեկը: Դա մի պահանջ է, ասում էին նրանք, որ հրամայաբար առաջ է քաշել ռուսական Հեղափոխությունը: Դա ապացույց էր այն բանի, որ անջատականությունը, իբրև շարժում, ուղղված էր, ըստ էության, ոչ այնքան դաշնակցության դեմ, որքան կովկասահայության հոծ բազմություն անշարժ ու մեկուսացած դիրքի: Նրա հոգսը այդ անշարժությունը խախտելն էր և կովկասահայությունը համառուսաստանյան մեծ Հեղափոխությանը գործուն մասնակից դարձնելը: Կովկասում ռուսական Հեղափոխության մեջ տիրական էին դարձել վրացիները, հայերը մեծ մասամբ դուրս էին մնացել այդ շարժումից, իսկ կովկասյան թուրքերն ընդհանրապես այն գլխից հակահեղափոխական դիրքերի վրա էին: Չերծ մնալով համառուսաստանյան Հեղափոխական շարժումներից՝ կովկասահայերը, իսկապես որ, մեկուսացել էին ոչ միայն երկրամասի հարևաններից, այլև ցարական բռնապետության դեմ կենաց ու մահու կույի ելած ռուս մարտնչող ժողովրդից: Եվ հենց այժմ արդեն այդ չեզոքության հետևանքները զգալի էին ողջ հայության համար: Ինչպես տեսնում ենք, անջատականները մտածում էին հայերի քաղաքական դիրքերը Կովկասում մեծացնելու մասին: Նրանք համոզված էին, որ առանց ռուս միապետության տապալման անհնարին է նույնիսկ խոսել ռուսահայության ազատագրության մասին:

Իսկ թե ինչու կովկասահայ աշխատավորության դատը պետք էր հասունացած խնդիր նկատել, անջատականները դրա օգտին բերում էին վիճակագրական բազմազան տեղեկություններ: Անդրկովկասում, ասում էին նրանք, հայ բանվորությունն արդեն պատկառելի թիվ է կազմում 30 հազար շունչ: Հայ բանվորներն իրենց գրագիտության աստիճանով ցածր են կանգնած վրացի (գրագետ են 100-ի 91.7%-ը) և ռուս (գրագետ են 100-ի 79.1%-ը) բանվորներից: Նրանք ապրում և աշխատում են ամենադժնդակ պայմաններում, նրանց մեծամասնության ամսական աշխատավարձը միլիոնը կազմում է 20-25 ռուբլի: Աշխատանքի պայմանները հայ կապիտալիստներին պատկանող ձեռնարկություններում, որոնցում բանվորները համարյա ամբողջությամբ հայեր են, անհամեմատ վատ են այն ձեռնարկությունների պայմաններից, որոնք պատկանում են օտարներին: Իսկ այդ պայմանները փոխելու ամեն մի փորձ հանդիպում է հայ բուրժուականների կատաղի դիմադրությունը:

Անջատականները նաև քննության էին առնում կովկասահայ գյուղացիության սոցիալ-տնտեսական վիճակը, որից արտաբերում էին այն եզրահանգումը, թե այդ գյուղացիությունը նույնպես ընդգրկված է կապիտալիստական արտադրահարաբերությունների ոլորտը և պատրաստ է ընդունելու սոցիալիստա-

¹ «Վեճ» հանդես, N 2, նոյեմբեր-դեկտեմբեր, 1933, էջ 95-96:

² Տե՛ս Մալխաս, Ապրումներ, հատ. Ա., էջ 436:

³ Բաքվի համապատասխան իշխանության կարգադրությամբ «Անիվ» թերթը 1908թ. փակվել է «գնասակար ուղղության համար»՝ «մինչև զինվորական դրություն վերացումը» (տե՛ս «Շեփոր», N 1.10 օգոստոսի 1908թ.): Խմբագիրը Թիֆլիսի դատաստանական պալատի կողմից դատի էր ենթարկվել 129 հոդվածի II մասի հիման վրա՝ նույն թերթի N 10-ում գետեղված Ջարմայրի «Մայիսի 1-ը» և Մոքուլչի «Մայիսի մինը» հոդվածների համար (տե՛ս «Շեփոր», N 3, 24 օգոստոսի 1908թ.):

⁴ «Շեփորը» շաբաթաթերթ էր, որի հրատարակությամբ լույս ընծայվեցին 6-7 մեծ ու փոքր գրքուկներ:

⁵ «Վերազնահատումներ» ամսագիրը երկար կյանք չունեցավ նյութական պատճառներով և շուտով դադարեց:

կան նոր գաղափարներ, իհարկե, չմոռանալով, որ Հայ գյուղացին նույնպես, ինչպես ռուս մուսիկը, բնածին սոցիալիստ է՝ իր բարեբերով, գյուղական Համայնքներից ժառանգած Համայնական Հոգեբանությունը ու մտածելակերպով:

Հաշվի առնելով Արևելյան Հայաստանի գերակշիռ գյուղացիական կազմը և վկայակոչելով գյուղացիության, որպես դասակարգի, մասին Կարլ Մարքսի, Կառլ Կոպեկու, Ֆրիդրիխ Հեցի, ինչպես և ռուս սոցիալ-դեմոկրատ և ռուս սոցիալիստ-հեղափոխական տեսաբանների արտահայտած գաղափարներն ու մտքերը՝ Լ. Աթաբեկյանը դրանցից բխեցնում էր իր ձևակերպումը սոցիալիզմ հասկացության մասին՝:

Իր «Սոցիալիստական պրոբլեմներ» ընդարձակ հոդվածում, որը գրել էր Վահեի (Ն. Թուֆչյան) «Անջատվածները» գրքի առիթով, Լ. Աթաբեկյանը գրում էր.

«Ժամանակակից սոցիալիզմը, թե իբրև մտածողություն, թե իբրև շարժում, արտահայտություն է մի բարձր կուլտուրայի և կարող է մասսաների մեջ խոր արմատներ ձգել միայն այն վայրերում, ուր գոյություն ունեն վերջնականապես զանազանավորված հասարակական խավեր, ուր արդյունաբերությունը կատարվում է ընկերակցորեն և հասարակականորեն, ուր տեխնիկան, գիտությունը և գեղարվեստը հասել են ամենաբարձր կատարելության»²:

Աթաբեկյանը հատկապես քննադատում էր Վահեի «Անջատվածները» գրքույկի այն հատվածը, ուր ասված էր, թե սոցիալիզմը ոչ այլ ինչ է, եթե ոչ «ճշված, հարստահարված և իրավազուրկ դարձած մասսաների ազգայն-կուլտուրական, ինչպես նաև տնտեսական դասակարգային շահերի պաշտպանությունը»³: Նա նշում էր, որ սխալ է սոցիալիզմը բնորոշել լոկ որպես չքավոր զանգվածների պաշտպանություն: Չքավորությունը հազարամյակների պատմություն ունի, իսկ սոցիալիստական շարժումը միայն 19-րդ դարի ծնունդ է:

Դաշնակցությանը Կովկաս բերելու նպատակահարմարությունը անջատականները փորձում էին հիմնավորել բարոյական ու գործնական մի քանի հիմքերով. 1) Թուրքահայկական դատը մոտ է Հայության բոլոր հատվածներին, հատկապես երիտասարդությանը, 2) Թուրքահայերն իրենց հեղափոխական շարժման մեջ մենակ են, իսկ կովկասահայերը կարող են կոթնել Ռուսաստանի մի շարք ժողովուրդների ազատագրական շարժմանը, 3) Թուրքահայերն անզեն են, իսկ կովկասահայերը՝ բավականին լավ զինված և գտնվում են նյութական, քաղաքական անհամեմատ նպատավոր պայմաններում, 4) Վերջապես, կովկասահայերը կարող են տասնյակ հազարավոր կուլուր ուժեր դուրս բերել, այնինչ Թուրքահայ երիտասարդությունը, գրեթե ամբողջովին, պանդղխտություն մեջ է:

Կովկասը դաշնակցության գործունեության հիմնական դաշտ համարող Լ. Աթաբեկյանը և նրա համախոհները գտնում էին, որ կովկասահայությունը պետք է բացառապես զբաղվի իր ընկերային խնդիրների լուծման, ամենից առաջ՝ տնտեսական դրությունների բարելավման հարցերով:

Սակայն այս պահանջի առաջադրումը չէր պատասխանում այն հարցին, թե անջատականները «տնտեսական բարելավումը» կովկասահայության որ շերտերի վրա էին տարածում: Չէ՞ որ «կովկասահայ» հասկացությունը ընդգրկում էր և՛ «տնտեսական կարիք» չունեցող Հայ բուրժուաներին, և՛ ամեն կարգի մեծահարուստներին, և՛ Կովկասի Հայ աշխատավորներին՝ ունեզուրկ ու թշվառ բանվորներին և գյուղացիներին:

Ուստի անջատականների առջև, անխուսափելիորեն, կանգնում էր «ազգ» և «դասակարգ» հասկացությունները սեփական բնորոշումներով բնութագրելու խնդիրը:

Լ. Աթաբեկյանը դեմ էր ազգի մարքսիստական բնորոշմանը, որ լիովին ընդունում էին Հայ բոլշևիկները և սոց.-դեմ. Հայ կազմակերպություն անդամները (բացառությունը Դ. Անանունու): Աթաբեկյանի կարծիքով, մարքսիստները պարզապես ուզում են մարդկանց ուղեղից հանել «ազգ» հասկացությունը: Բայց նա չէր ընդունում նաև ազգի մասին ազգայնական ըմբռնումները, մասնավորապես՝ դաշնակցության պատկերացումները, գտնելով, որ Հ.Յ.Դ.-ն իդեալականացնում և բացարձակացնում է ազգը: Աթաբեկյանն ամուր կանգնած էր ռուս նարոդնիկների և, հատկապես, Լավրովի՝ ազգի և անհատի մասին տեսակետի վրա: Իր «Ազգություն և դասակարգ» գրքույկում նա գրում էր.

«Հարատև կենակցությունը և արյունակցությունը առաջացնում են մի շատ կարևոր երևույթ, որը կարելի է անվանել պսիխաֆիզիկական նմանություն: Ստեղծվում են մի շարք բոլորին բնահանուր պսիխաֆիզիկական գծեր, բայց ավելի՝ պսիխիկական, քան ֆիզիկական: Պսիխիկական գծերը բազմաձև են և ամրանում են դարերի ընթացքում և ժառանգության ու մշակույթի միջոցով անցնում սերնդից սերունդ, և, այդպիսով, առաջ է գալիս պսիխաֆիզիկական մի նոր տիպ, մի կոլեկտիվ անհատականություն, որն ուժեղ կամ թույլ չափերով տարբերվում է այլ կոլեկտիվ անհատականություններից, և ինքը նման է միայն իրեն: Ազգություն հայտնուն այդ անհատականության մեջ պետք է փնտրել»¹:

Իր տեսության հիմքերով անջատական շարժումը ձգտում էր հենվել, սեղմ առումով, Հայ գյուղի ու քաղաքի աշխատավորության վրա, իր բոլոր հույսերը կապում էր բացառապես աշխատավորության հաղորդությունների, ունեզուրկ դասակարգերի քաղաքական գիտակցության բարձրացման հետ:

«Դասակարգի» բնութագրման դեպքում Լ. Աթաբեկյանը այդ հասկացությունը բխեցնում էր դասակարգի մասին ռուս սոցիալիստ-հեղափոխականներ-

¹ «Վերազնահատումներ», N 1, 1908, էջ 66-74:

² Նույն տեղում, էջ 79:

³ Վահե, Անջատականները, էջ 30:

¹ Բիխարդ, «Ազգութիւն և դասակարգ», Երիտդաշնակների գրադարան, N 5, 1907, էջ 28:

րի պատկերացումներից: Այդ պատկերացումներն, իրենց հերթին, ածանցված էին ֆրանսիական սինդիկալիստների և գերմանական ռեզիդուստների արձարած տեսակետներից: Դա նշանակում էր ժխտել սեփականատիրական հարաբերությունների վճռական դերը «դասակարգը» բնութագրելիս, այսինքն՝ սեփականության նկատմամբ վերաբերմունքը կամ, այլ խոսքով՝ արտադրական հարաբերությունները դասակարգի բնութագրման չափանիշ ընդունելը, որ կատարում էին մարքսիստները, և որը ժխտելով՝ Աթաբեկյանը, իբրև դասակարգի բնորոշիչներ առաջ էր քաշում ազգի ընդհանուր հայրենիքի, ժողովրդի պատմության, նաև ոչ հասարակական (երկրի ընդերք, բնակլիմայական պայմաններ և այլն) գործոնները:

Առաջ քաշելով այն թեզը, թե կոպկասահայությունը բացառապես պետք է գրադվի իր ընկերային-տնտեսական դրուժյան բարելավման հարցերով, անջատականներից ոմանք ավելի հետո էին գնում: Թուրքահայերին Կովկասից նյութական և այլ կարգի օգնություն ցույց տալը նրանք համարում էին անընդունելի, գտնելով, որ տաճկահայ թշվառ եղբոր նկատմամբ հոգատարության գործը չպետք է բարդել առանց այն էլ նյութական անձուկ պայմաններից խեղդվող, տանջված ռուսահայ աշխատավորի՝ վզին, որը սեփական ծանր խաչը հագիվ է տանում: Եթե կա մի դասակարգ, որին պետք է ազատ թողնել հայկական դատը վարելու ծանրությունից, դա հենց այդ կեղծավոր ու քաղցած աշխատավոր դասակարգն է, որի մեջ պարարտ հող կարող է գտնել միմիայն զուտ տնտեսական շահերի կոփվը՝ ուղղված նրա անմիջական կեղծքիչների դեմ: Իր բազուկների աշխատանքով մի ամբողջ ընտանիք կերակրող աշխատավոր երիտասարդին կարելի կլինի ամենաշատը գործադուլներ ու բուլկոտներ սարքել տալ միայն իր տեղում և ոչ թե ուղարկել նահատակվելու Սասունի լեռներում: Երբ նա ի վիճակի չէ ունեցած չնչին գումարներով գտնել հաց ու պանրով կշտացնել իր երեխաներին, այդ պարագայում անխղճություն է նրանից պահանջել, որ այդ գումարի մի մասը տա ուրիշներին: Թե՛ առաջին և թե՛ երկրորդ դեպքում տանջված ու անճար աշխատավորը չի կարող օգտակար լինել Հ.Յ. դաշնակցությանը, թշվառ տաճկահայ եղբորը փրկելու համար չի կարող կուսակցության տրամադրության տակ դնել իր կյանքն ու կուպենները՝ սեփական ընտանիքը նահատակվելու գնով:

Անջատականները համոզված էին, որ, իհարկե, առաջիկայում նույնպես կգտնվեն կոպկասահայ երիտասարդներ, որոնք սրբազան գաղափարի ուժգին ազդեցության տակ հանձն կառնեն կատարել նորանոր կամավոր զոհաբերություններ, բայց փաստ է նաև, ասում էին նրանք, որ կոպկասահայ հոծ զանգվածներն անտարբեր են տաճկահայության նկատմամբ, ուստի պատահական չէ, որ նրանք սահմանից այն կողմ գտնվող «եղբայրներին օգնելու» պատրվա-

կով մնացին անբան ու անտարբեր Ռուսաստանում տեղի ունեցող դեպքերի հանդեպ: Սրանով, իհարկե, չենք ուզում ասել, նշում էին նրանք, թե աշխատավորը պիտի ապրի միայն իր ցավերի աշխարհում, սահմանափակվի ստամոքսի հոգսերով, փակի աչքերը շրջապատի անիրավությունների առաջ: Ո՛չ, իհարկե: Մենք ուղղակի պահանջում ենք, որ իր ուղած զոհաբերությունների մեջ նա ազատ լինի:

Անջատողականության դեկավար գործիչներից Վահան Մինախոյանը տարիներ հետո վերհիշել է. «Դաշնակցության դերը Տաճկահայաստանի նկատմամբ մեզ պատկերանում էր օժանդակող կամ օգնող մարմնի ձևով: Վարելով գործոն կոփ միապետության դեմ Կովկասում նա պետք է զոհանար արևմտահայության ինքնապաշտպանությանն օժանդակելու իր համեստ դերով Տաճկահայաստանում. օգնություն գեներով, դրամով, մտավորական և զինվորական անհատ ուժերով»¹:

Իսկ ինչպե՞ս վարվել, եթե Հնարավոր չլինի կատարել պատմական շրջադարձը, այն է՝ հայ հասարակական կյանքի ծանրության կենտրոնը Թուրքահայաստանից փոխադրել Կովկաս: Այս հարցին հետևում էր անջատականների հետևյալ պատասխանը. անհնարին է մի կուսակցության շրջանակներում միավորել մի կողմից Թուրքահայերի ազգային ազատագրական պայքարի, մյուս կողմից՝ դասակարգային պայքարի ու սոցիալիզմի, այսինքն՝ աշխատավոր ժողովրդի ազատագրության խնդիրը: Այդ իսկ պատճառով, թերևս, կարելի է հայությունների կուսակցությունների դատերը իրարից անջատել ու վարել զատ-զատ, այսինքն՝ ունենալ երկու դաշնակցություն՝ մեկը Թուրքահայաստանի, մյուսը՝ Ռուսահայաստանի համար՝ համապատասխան ծրագրերով ու գործելակերպով, անշուշտ, երկու կուսակցությունների միջև որոշ կապի և փոխօգնության մի դրուժյան ստեղծումով:

Ըստ անջատականների՝ Կովկասում ստեղծվելիք զուտ սոցիալիստական դաշնակցությունը, ելնելով երկու Հայաստանների՝ միմյանցից տարբեր առարկայական պայմաններից, ունենալով երկրամասի առանձնահատկություններից բխող համապատասխան ծրագիր ու գործելակերպ, պետք է դառնա տեղական հեղափոխական և դասակարգային պայքարի հիմնական կազմակերպիչ ուժը: Այդ դեպքում կուսակցությունը արագորեն կգնա դեպի ինքնամաքրում, իր շարքերը կազատի անհարազատ տարրերից և կդառնա մաքուր դասակարգային կազմակերպություն: Նա իր հիմնական նպատակը կհամարի կապիտալի ճնշումից աշխատավոր ժողովրդի ազատագրությունը և սոցիալիստական գաղափարների (նարողնիկական ըմբռնմամբ) մարմնավորումը կյանքում: Միաժամանակ սերտ կապերի մեջ պետք է լինի ռուս սոցիալիստ-հեղափոխական (էս-էո) կուսակցության հետ: Իսկ թե ինչ գործնական բնույթ կարող են ընդունել հեղափոխական-սոցիալիստական ռուսահայ և ազգային ազատա-

¹ Աշխատավոր ասելով Լ.Աթաբեկյանը չէր պարզում, թե շահագործվող որ դասակարգին նկատի ունի՝ բանվորությունը, թե՛ գյուղացիությունը:

¹ «Հայրենիք», N 10(273), Հոկտեմբեր, 1948, էջ 87:

գրական թուրքաձայ շարժումները, ինչ փոխազդեցություն կարող են ունենալ երկուստեք – այդ խնդիրը պետք է թողնել ապագային:

Անջատականներն առանձնապես հաճախ էին շեշտում Կովկասում ստեղծվելիք նոր դաշնակցությունը «հին աստերից» ձևերազատելու և մաքրելու անհրաժեշտությունը: Ներկայումս կովկասյան դաշնակցական զանգվածը «իր հակայական և զորչ մեծամասնություն մեջ ոչ գիտակից է, ոչ հեղափոխական է, և ոչ էլ կազմակերպված»,- գրում էր Լ. Աթաբեկյանը «Ինչու՞ ենք անջատվում Դաշնակցությունից» 23 էջանոց հայտնի գրքուկում, որ շարադրել էր «Մի գավառացի ընկերոջն ուղղված նամակի» ձևով և որում արծարծված էին այն պատճառները, որոնք երիտասարդ դաշնակցականներին զրգում էին անջատվել կուսակցությունից: Իրեն իր տեսակետի վկայություն նա «փաստարկում էր» «դաշնակցական մասսայի ձեռքով կատարված բարբարոսությունները [կովկասյան] թուրքերի և հայերի վրա», «այդ մասսայի թուրքատյացությունը և նրա անասելի սարսափը հեղափոխությունից»¹:

Դաշնակցականները Աթաբեկյանին հարցնում էին. թուրք-հայկական ընդհարումների ժամանակ, երբ դաշնակցությունը ստիպված կռիվ էր մղում կովկասյան թուրք ելուզակների դեմ, ինչու՞ այն ժամանակ դուք չէիք բողոքում դաշնակցականների «բարբարոսությունների» դեմ, այլ, ընդհակառակը, քաջալերում էիք նրանց գործողությունները, քաղաքից քաղաք անցնելով գովաբանում ու հերոսացնում էիք այդ «բարբարոս մասսաներին»²:

Լավ, ասենք, դաշնակցությունն իր գործունեության ծանրության կենտրոնը թուրքահայաստանից տեղափոխեց Կովկաս և, կանգնելով այստեղի հայություն գլուխ, նրան տարավ Համառուսաստանյան շարժման ուղիներով: Ենթադրենք հակացարական ազատագրական կռիվ հաղթական ելքի դեպքում կովկասահայությունը ստացավ իրեն հասանելի բաժինը: Պատկերացնենք, որ այդպես էլ կլինի: Իսկ թուրքահայությունը, թուրքահայ դա՞տը: Հայ ազգի արևմտյան հատվածին ի՞նչ ճակատագիր էին վերապահում անջատականները:

Նրանք գտնում էին, որ միայն թուրքիայում գործելու համար նոր ստեղծվելիք դաշնակցության նպատակը պետք է մնա նույնը՝ արևմտահայության ազատագրությունը, բայց անցած 15 տարիների ընթացքում հարթված ուղիները համարում էին արդեն հնացած, առաջարկում էին փնտրել նոր ուղիներ, վերաքննել գլխավոր նպատակին հասնելու գործելակերպը, պայքարի մեթոդները:

Ամենից առաջ, ասում էին անջատականները, նոր ստեղծվելիք դաշնակցությունը պետք է իր հույսերն ամբողջովին կտրի եվրոպական կառավարությունների կողմից նախկինում տված խոստումներից, դադարեցնի նրանց հետ տարվող դիվանագիտական ջանքերը, քանի որ վերջին տասնամյակում հիմնավորապես փոխվել են թուրքիայի և եվրոպական պետությունների փոխհարա-

բերությունները:

Նախկինում, 10-15 տարի առաջ, ասանյան կայսրության քրիստոնյա ազգերը դիվանագիտական հարափոքություններ ունեին եվրոպական կառավարությունների միջոցով ներազդելու թուրքական կառավարության վրա: Այժմ իրադրությունը արմատապես շրջվել է ի մնաս այդ ազգերի:

Այն ժամանակ եվրոպական պետությունների ներքին շուկաները լայն հնարավորություն ունեին սպառելու սեփական արտադրության ապրանքները, ուստի, այդ պայմաններում, եվրոպական դիվանագիտության համար դժվար չէր փոքր ազդերին «մարդասիրություն» ծախել և «ընդառաջել» նրանց ազատագրական տենչերին:

Սակայն, երբ խոշոր տերությունների ներքին շուկաներն այլևս սպառվել էին, և նրանք ի վիճակի չէին իրացնելու ուժացած կապիտալիզմի հնարավորությունները, սկսվել է պայքար արտաքին նոր շուկաների համար, որը գնալով հասել է ծայրահեղ սրության: Թուրքիայի նման մեծ տերության մեջ շուկաներ, արտոնություններ, առանձնաշնորհումներ, կոնցեսիաներ ձևով բերելը եվրոպական երկրների համար դարձել է կյանքի ու մահվան խնդիր: Գրությունն է՛լ ավելի է բարդացել, երբ գերմանական հողերը միավորվելուց հետո միացյալ Գերմանիան հանդես է գալիս լայնածավալ շուկաների տեր դառնալու անհազ ծարավով ու ձգտումներով:

Այս պայմաններում, ասում էին անջատականները, երբ մեծ տերությունները գաղութներ ձեռք բերելու և շուկաներ նվաճելու համար բռնած են իրար կոկորդից, միամտություն է կարծել, թե եվրոպական դիվանագիտությունը կարող է համաձայնություն գալ հայոց դատի շուրջ, էթնանոցան ջանկանա:

Անջատականները, այնուհետև, գտնում էին, որ թուրքահայ խնդիրներին նվիրված նորաստեղծ դաշնակցությունը պետք է դառնա աստի մինչև այժմ կրած մեծ անհաջողություններից, հրաժարվի արդուհամիդյան բուռնակալության դեմ պայքարի մարտավարությունից, վերջ տա գենքով նրա դեմ կռվելուն, որդեգրի պայքարի միանգամայն ուրիշ միջոցներ:

«Ինչու՞ ենք անջատվում Դաշնակցությունից» գրքուկում Լ. Աթաբեկյանը գրում էր, որ մինչև այժմ ամբողջովին սխալ է եղել դաշնակցության և հրնչակի կողմից կիրառվող բալխանյան ձևի ազատագրական շարժումը, ուստի պետք է հրաժարվել այդ սեպարատ շարժումից, միավորվել արդուհամիդյան ռեժիմի դեմ հանդես եկող մյուս ազգերի, առաջին հերթին՝ թուրք ժողովրդի ազատագրական շարժման հետ:

«Տաճկահայ խնդիրը, – գրում էր Աթաբեկյանը, – տաճկական մեծ խնդրի բաղկացուցիչ մի մաս է միայն: Խննթություն է կարծել, թե հայ ժողովուրդը, որը մինչև անգամ իր հայրենիքում փոքրամասնություն է կազմում, պիտի կարողանա սեփական ուժերով ազատագրվել: Խննթություն է կարծել, թե եվրոպական դիվանագիտությունը պիտի կամենան և տաճկահայ դատի երկու դույզ եվրոպական բարեկամները պիտի կարողանան նպատուել հատկապես տաճկահայ-

¹ Բիխարդ, Ինչու՞ ենք անջատվում Դաշնակցությունից. Բաքու, 1907, էջ 22:
² «Նորախախ», N 30, 8 օգոստոսի 1907թ.:

յերի ազատագրութեան գործին (ընդգծումները մերն են: - Հ. Ա.)»¹:

«Նախագծի» կողմնակիցների այն բուռն և իրավացի առարկութունը, թե ո՛ւր են Թուրքիայում համընդհանուր հեղափոխութեան տվյալները, Լ. Աթաբեկյանը մեկ պատասխան ունեւր. «Ուրիշ ճար չկա, նախամեծար է այդ ուղղութեամբ աշխատել և սպասել, որովհետև հայ ժողովուրդը պիտի ազատուի տաճիկի հետ միասին կամ քնալ չպիտի ազատուի»²: Այս էր գրքուկի հեղինակի հավատո հանգանակը: «Բնալ» բառը նա գործածուած էր աներեր վճռականութեամբ:

Բայց ի՞նչ պետք էր անել Թուրքահայութունն ահապոր վիճակից փրկելու համար և ինչպե՞ս պետք էր անել: Այդ հարցերին Աթաբեկյանը տալիս էր հետևյալ պատասխանը.

«Տաճկահայ հեղափոխութունը՝ այդ պատճառով տաճկական հեղափոխութեան բաղկացուցիչ և ենթակա երևույթներից մեկը պիտի կազմի և չի կարող ունենալ որևէ սեպարատիստական (անջատական) նպատակ: Հայդուկային արշավանքների, անպատրաստ ապստամբութունների, դիպլոմատական ակնկալութունների և պառլամենտական հարցապնդումների քաղաքականութունը պետք է թողնել մի կողմ և ձեռնարկել անմիջապէս միջազգային հեղափոխութեան կազմակերպութուն Թուրքիայում»³: Այլ խոսքով, հայկական դատը դարձել է ընդհանուր Թուրքիայի դատ, ինչպէս կովկասահայութեան խնդիրների լուծումը կապվել է Ռուսաստանի ազատագրական շարժման հետ:

Այստեղ կարևորն ու նորն այն էր, որ անջատականների գաղափարախոսը գտնուած էր, թե հայկական շարժումը «չի կարող ունենալ որևէ՝ (ընդգծումը մերն է: - Հ. Ա.) սեպարատիստական նպատակ»:

Բայց արդո՞ք դաշնակցութունն իր գոյութեան ընթացքում քիչ ջանքեր է թափել Թուրք ընդդիմադիր տարրերի հետ համերաշխ գործակցութուն ստեղծելու համար, - Աթաբեկյանին հարցնում էին դաշնակցականները: Կուսակցութունն արել է առավելագույնը, բայց չի հասել ցանկալի արդունքի:

Այս փաստերի դեմ չունենալով որևէ լուրջ առարկութուն՝ անջատականները, այնուամենայնիվ, գտնում էին, թե Թուրք ընդդիմադիրների հետ իր բոլոր համագործական աշխատանքները դաշնակցութունը կատարել է «սեպարատիստական նպատակով»:

Նշանավոր անջատական Վահան Մինախոյրյանը, շատ տարիներ հետո վերաքննելով իր այդ ժամանակաշրջանի հայացքները, գրել է.

«Դաշնակցութունը չի ձգտել ամեն գնով Տաճկահայաստանում «Հայոց թագավորութուն» ստեղծելու, ինչպէս ենթադրում են անգործ մարդիկ: Նա չի որոճացել անպայման Հայաստանը Թուրքիայից անջատելու ծրագրեր:

¹ Բրիտանոյ, Ինչո՞ւ ենք անջատվում Դաշնակցութունից, էջ 9:

² Նույն տեղում, էջ 15:

³ Նույն տեղում, էջ 17:

Բայց որ Թուրքիան Թուրքիա է, իսկ Հայաստանը՝ Հայաստան, որ նրանք իրենց «սեպարատ» կյանքն ու բախտը պիտի ունենան, որ հայութունն ամեն տեղ՝ Թուրքիայից անկախ՝ իր ազգային ուրույն ձգտումներն ու իրեալներն ունի, և ամեն մարդ պետք է այդ իրեալներին ընդառաջ գնա, - այդ եղել է դաշնակցութեան քաղաքականութեան հիմքը Թուրք ընդդիմադիր հոսանքների նկատմամբ: Բնականաբար, ամեն անգամ, երբ սաստկացել են Հայածանքները, «սեպարատ» ձգտումները աճել են, իսկ երբ թուլացել են ճնշումները, այդ ձգտումներն էլ նվազել են: Եվ այդ քաղաքականութունը չի եղել ինչ-որ գաղտնի դավադրութուն Թուրք ընդդիմադիրների նկատմամբ, այլ ծրագրով, գրականութեամբ, խոսքով ծանուցված, պարզաբանված տեսակետ ու վարքագիծ: Որով, ուրեմն, հարց կարող է լինել միայն այն մասին, թե ինչո՞ւ դաշնակցութունը «թույլ է տվել» իրեն մինչև իսկ այդ կարգի «սեպարատիզմ»:

Լ. Աթաբեկյանի խոսքն ամենից առաջ ուղղված էր հայ ազատագրական շարժման «ակունքների», հին ուղիների դեմ («Խենթութուն է կարծել, թե եվրոպական դիպլոմատները պիտի կամենան ... նպատակ հատկապէս տաճկահայերի ազատագրութեան գործին»): Այն ուղղված էր Սկրտիչ Լորիմյանի թե՛ կյո սեղանի վրա դրված «ապուրի» և թե՛ այդ ապուրը «երկաթեայ շերտիներով» ճաշակելու դեմ: Քանի որ բուն խնդիրը սերտ կախման մեջ է Ռուսաստանի հեղափոխութեան հաղթութունից, գրում էր Աթաբեկյանը, տաճկահայկական շարժումը պետք է սահմանափակվի սոսկ կազմակերպչական ինքնապաշտպանողական խնդիրներով:

Երկու դատերի անջատման տեսութեան հետ սերտ կապ ունեւր Թուրքահայ և ռուսահայ միջավայրերի տարբերութեան խնդիրը՝ իրենց քաղաքական - ընկերային հիմքերով:

Այս հարցը վրիպել էր Ա. Մրավյանի ուշադրութունից և իր գրքուկում չէր կատարել այդ տարբերութունների վերլուծութուն: Չնայած դրան, անջատականները խնդրո առարկա այդ հարցը մանրազնին քննութեան առան լայն հարթութեան վրա՝ դարձնելով հրապարակային վեճերի նյութ: Եվ դա այն պատճառով, որ 1906-ի վերջին դաշնակցութեան շարքերում սկսել էր քաղաքացիութուն ստանալ այն տեսակետը, թե սոցիալիստական շարժման համար տվյալներ կան նաև Թուրքահայաստանում, հետևապէս երկու դատերի անջատման կարիքը չկա, ու երկու միմյանցից տարբեր տնտեսական զարգացման աստիճան ունեցող երկրների սոցիալիստական գործը կարելի է միասնաբար վարել չբաժանված դաշնակցութեան միջոցով:

Լ. Աթաբեկյանը և իր համախոհները վճռականապէս մերժում էին դաշնակցութեան ղեկավարութեան այդ տեսակետը, որը նաև իր արտահայտութունն էր գտել Հ.Յ.Դ. «Կովկասյան նախագծում»: Անջատականների առաջնորդը Թուրքահայաստանի տնտեսական զարգացման ցածր աստիճանի, հետևապէս այնտեղ սոցիալիստական աշխատանք կատարելու անհնարինութեան մասին իր տեսակետը հիմնավորելիս՝ դիմում էր հենց դաշնակցական հեղինակների

գրվածքներին՝ դրանցից քաղելով անհրաժեշտ տեղեկություններ: Նաև ուրիշ անջատականներ օգտագործում էին վիճակագրական տվյալներ Գ. Խաճակի «Հարկերը Տաճկահայաստանում», Ա. Գասպարի «Հայկական շարժում», Միք. Հովհաննիսյանի «Գործեան Հանգույցը», «Դաշնակցությունը և նրա հակառակորդները» ուսումնասիրություններից, «Դրոշակի»¹ թուրքահայությունը վերաբերվող բաժնից, գալաոսական թղթակցություններից և այլն: Նրանք ասում էին, որ այդ նյութերը ապացուցում են, որ Թուրքիայի միջավայրում ոչ մի պայման չկա սոցիալիստական աշխատանք կատարելու: Պատահական չէ, որ չնայած բոլոր փորձերին, Թուրքիայում այնպես էլ չստեղծվեց սոցիալիստական ուղղության որևէ, նույնիսկ աննշան, կազմակերպություն:

Լ. Աթաբեկյանը ասում էր, որ Թուրքահայաստանում ժամանակակից իմաստով չկա ո՛չ կապիտալ, ո՛չ տնտեսություն, չկան և դասակարգեր: «Տաճկահայաստանում սոցիալիզմը մի ուտոպիա է, իսկ մեզ մոտ՝ Կովկասում, դա մի անհրաժեշտություն է»¹, - գրում էր նա:

Անջատականները դաշնակ ղեկավարներին ու տեսաբաններին հարց էին ուղղում. ինչպե՞ս կբարեհաճեք սոցիալիստական պրոպագանդ սկսել, դասակարգային կռիվ մղել մի երկրում, ուր քրդի գնդակը խտրություն չի դնում հարստահարվածի և հարստահարողի միջև, ուր դասակարգերի անհավասարությունը նսեմանում է գաղթի և ավերածությունների մշտնջենական կոշմարի տակ: Տաճկահայաստան կոչվող դժոխքում գործարանների և կապիտալիստական արդյունագործության հետք իսկ չկա, ընդհանուր, համառարած անապահովության և խժողովությունների պայմաններում սուեություն կյանքն իսպառ մարած է՝:

Դաշնակցության տեսաբանները, պատասխանելով անջատականների հարցադրումներին, գրում էին, որ իրենք չեն միտում Թուրքահայաստանի և Կովկասի պայմանների միջև եղած տարբերությունները, բայց գտնում են, որ դրանք չեն կարող խոչընդոտ հանդիսանալ իրենց կուսակցության սոցիալիստական գործունեության համար: Իրենց համոզմունքի օգտին նրանք բերում էին մի շարք փաստարկներ:

Ա) Համաշխարհային կապիտալիզմն արդեն իր ուղղակի ու կողմնակի ազդեցությունը լայնորեն տարածել է օսմանյան կայսրության վրա՝ նրա մայրաքաղաքից սկսած մինչև հետ ընկած գավառները: Նրանք, մասնավորապես, օրինակ, վկայակոչում էին եվրոպական կապիտալներով երկրում հաստատված

ծխախոտի «Regie» ընկերությունը, որը, բառիս ամենալայն իմաստով, չահագործում է աշխատավոր գյուղացիությունը ինչպես կայսրության տարբեր մասերում, այնպես էլ Թուրքահայաստանում: «Regie»-ն իր իշխանությանն է ենթարկել երկրի ողջ ծխախոտագործությունը, հիմնել է գործարաններ, որոնցում աշխատում են հազարավոր բանվորներ, Բ) Երկիր թափանցած եվրոպական զանազան ընկերություններ հիմնել են կոնցեսիաներ և իրենց կապիտալներով սկսել են երկաթուղաշինության, խճուղաշինության և այլ ձեռնարկներ: Արդեն կառուցվել են Սև և Մարմարա ծովերի ափերից սկսած մինչև կայսրության ներքին նահանգները երկարող էրզրումի, Արվազի, Անգորայի և այլ ժամանակակից խճուղիները, գործել են սկսել Բաղդադի հետզհետե երկարող՝ Մանիսայի, Այտընի, Կոնիայի երկաթուղիները, օրական երկրի նավահանգիստներ են մտնում և հեռանում օտար ընկերություններին պատկանող տանյակ շոգենավեր, Գ) Կալվածատեր բեկերը, շեյխերն ու աղաները աշխատավոր գյուղացիությանը, այդ թվում Թուրքահայաստանում, հետզհետե դարձնում են կատարյալ պրոլետարներ, Դ) Նահապետական ձևի արդյունագործության մեջ նույնպես, ինչպես օրինակ՝ կտավագործության, շալագործության, գորգագործության մեջ տեղի է ունենում կենտրոնացում և աշխատանքի բաժանում, որի հետևանքով միևնույն հարկի տակ համախմբվում են հարյուրավոր աշխատավորներ, Ե) Հողի և ազատության հետ կապված խնդիրները արթնացրել և տիրող կարգերի դեմ ուղքի են հանել ոչ միայն հայ, այլ նաև թուրք զանգվածներին: Որպես հակափաստարկ վկայակոչվում էր նաև այն, որ խոշոր տարբերություններ կան ոչ միայն Թուրքահայաստանի և Կովկասի միջև, այլև նույն Կովկասի տարբեր գավառների և քաղաքների միջև: Մի՞թե սոցիալ-տնտեսական պայմանների տեսակետից Բաքուն, Թիֆլիսը, Բաթումը կարելի է համեմատել, ասենք, Երևանի, Ալեքսանդրապոլի, Կարսի և Շուշիի հետ:

Այս և նման փաստարկներ բերելուց հետո դաշնակցության օրգան «Խարիս» թերթը գրում էր, թե անջատականների տրամաբանությամբ այնպես է ստացվում, որ սոցիալիստական կուսակցություններն իրենց գործողությունները անհապաղ պետք է դադարեցնեն Երևանի նահանգում, Կարսի մարզում, որովհետև իրենց սոցիալ-տնտեսական զարգացման աստիճանով դրանք մոտավորապես նույն վիճակում են, ինչպես, ասենք, Թուրքահայաստանի Կարիսի կամ Վասպուրականի շրջանները: Դաշնակցության տեսաբանները հարց էին տալիս. ինչո՞վ է տարբերվում, օրինակ, ռուսական Բասնը թուրքական Բասնից կամ Կարսը, Ալեքսանդրապոլն ու Երևանը՝ էրզրումից, Մուշից ու Վանից: Ինչո՞ւ սահմանի այս կողմում հնարավոր է սոցիալիստական գործունեություն, իսկ սահմանի այն կողմում Թուրքաց Հայաստանում, ուր սոցիալ-տնտեսական նույնպիսի պայմաններ են, անհնարին է այդպիսի գործունեության ծավալումը:

¹ Իրիսարդ, Ինչո՞ւ ենք անջատվում Դաշնակցությունից, էջ 15:

² Նույն միտքը Կովկասից հեռու. Մարտիում, արտահայտում էր Մ. Փորթուգալյանը. գրելով, թե հանուն սոցիալիզմի Թուրքիայում դասակարգային պայքար մղելը սիվիլիզյան աշխատանք է. քանի որ այնտեղ չկան ոչ գործարաններ և ոչ էլ բանվորական մեծ համախմբումներ: «Թուրքահայաստանի և զարգացած երկրների ժողովուրդների վիճակն ու ցավերը այնչափ իրարմե տարբեր բաներ են, որ Թուրքահայաստանի հայն եվրոպայի և Ամերիկայի գործավորներին գանգատած դառն վիճակը իր համար մեծ բախտավորություն մը կը համարի» («Արմենիա». 10 ապրիլի 1907թ.):

¹ «Խարիս», N 22, 28 հուլիսի 1907թ.:

Թուրքիայում գործող Հ.Յ.Դ. կ-կոմիտեների մեծ մասը պաշտպանում էր կուսակցության կողմից Թուրքահայաստանում սոցիալիստական գործունեությունն ծավալելու անհրաժեշտության մասին «նախագծի» դրույթները, այսինքն՝ երկու դասերի գաղափարը:

Հ.Յ. դաշնակցության Դուրան-Բարձրավանդակի կազմակերպությունը այդ հարցի վերաբերյալ հետևյալ կարծիքն էր հայտնել.

«Միևնույն ժամանակ շեշտում ենք, որ այստեղ ևս հեղափոխությունն անհրաժեշտ է, որ այն ունի յուր յուրը պատճառները, որ այն զանազան խելացընոր մարդկանց ագիտացիայի հետևանք է, այլ մի բնական երևույթ է, որ առաջ է եկել տաճկական ծանր և անտանելի ուժի միջոց: Բացի դրանից, տաճկահայ հեղափոխությունը մի նոր երևույթ է, այլ ունի յուր անցյալը՝ ներկված հարյուր հազարավորների արյունով, սրբագործված հազար ու հազար նահատակների կյանքով»¹:

Բաքվի Ստանիսլավսկայա և Կանտապինսկայա (Կաննի - Թապինսկայա) փողոցների շրջանում գտնվում էր մի ընդարձակ շենք, որը դաշնակցության բազմամարդ հավաքույթների վայրն էր: Ենթի դահլիճում 1906-ի վերջերին հավաքվել էր մեծ բազմություն՝ կուսակցության ղեկավար ու շարքային անդամներ, անկուսակցական բանվորներ, նաև՝ ոչ քիչ թվով անջատականներ:

Բուռն վիճարանություններ էին ծավալվել հավաքին ներկա Լ. Աթաբեկյանի կողմից առաջ քաշած երկու դաշնակցություն ունենալու հարցի շուրջ:

Շատերի թվում հավաքույթում հանդես գալով և դիմելով Աթաբեկյանին, Հարություն Շահրիկյանն ասել էր. «Դուք այստեղ պարզեցիք ձեր տեսակետները: Ենորհակալ ենք: Կան կարծիքներ, որոնք կարող են օգտակար լինել ընդհանուր գործին: Բայց թույլ տվեք հասկանալ, թե ի՞նչ է ձեր ուզածը: Դաշնակցությունը հիմնվել է տաճկահայ ժողովրդի ազատագրության նպատակով: Դուք այժմ մեր այդ հիմնական նպատակը դարձնում եք ակադեմիական մի հարց՝ խոստանալով «կարիքի դեպքում» և «Հնարավորության սահմաններում» տաճկահայությանն «օգնել»: Դուք դեմ եք օգնության այն կերպերին, որ տեղի են ունեցել մինչև օրս Կովկասից. դեմ եք հայդուկային շարժման, դիվանագիտական ջանքերին և այլն: Բայց ի՞նչ եք առաջարկում: Համատաճկական հեղափոխություն, որի բաղկացուցիչ մասը պետք է կազմի հայկական դատը»²:

Հ. Շահրիկյանը զարմանք էր հայտնում անջատականների այն միամիտ հավատի նկատմամբ, թե օսմանյան կայսրության մեջ առաջանալու է համաթուրքական հեղափոխություն, որին պետք է ակտիվ մասնակցություն ունենան հայերը և հաղթանակից հետո ստանան իրենց հասանելիք ազատությունը: Նա Աթաբեկյանին և դահլիճում գտնվող մյուս անջատականներին հարց-

նում էր. «Ո՞վ կարող է հիշել ինձ Թուրքիո անցյալից մի հեղափոխական դեպք, որ արդյունք եղած լինի ներքին մղիչ ուժերի և ոչ թե քաղաքական արտաքին պայմանների կամ պալատական սադրանքների: Ոչ ոք: Եվ այժմ ո՞վ պետք է վարի այդ «Համատաճկական հեղափոխությունը», ո՞ր մղիչ ուժերը...»¹:

Հիրավի, Թուրքիայում այն ո՞ր ընդդիմադիր դասակարգերը կվարեն համաթուրքական հեղափոխություն, երբ երկրի տիրող թուրք բնակիչները, չընչին բացառություններով, շահագրգռված չէին որևէ հեղափոխությամբ, որը կթուլացներ իրենց դիրքերը: Դա բնական է, քանի որ օսմանյան պետության մեջ բոլոր թուրքերը հանդես էին գալիս որպես արտոնյալ ազգի ներկայացուցիչներ՝ դրանից բխող բոլոր առանձնաշնորհումներով ու արտոնություններով: Հենց դա նկատի ուներ Շահրիկյանը՝ շարունակելով իր դատողությունները: Նա, դարձյալ դիմելով Լ. Աթաբեկյանին, կանխատեսությամբ ասում էր.

«Դուք լավ գիտեք, որ Թուրքիո հեղափոխությունը հեռավոր ապագայի խնդիր է: Չգիտեք, միայն, որ հեղափոխված Թուրքիան կարող է մեզ ավելի մեծ պատուհասների ենթարկել, որովհետև բոլոր պայմաններում թուրքը մընում է թուրք: Դուք միայն միամտորեն կարծում եք, որ հայ ժողովուրդը Թուրքիայում կարելի է թողնել իր բախտին՝ մինչև այդ «երջանիկ» ապագան: Մենք քիչ-չատ ավելի իրազեկ ենք դրություն, մենք գիտենք, որ մեր ժողովուրդը մաս-մաս կամ ամբողջությամբ կը բնաջնջվի ավելի առաջ, քան տեղի կ'ունենա իսկական ու փրկարար մի հեղափոխություն Թուրքիայում: Մեկնեցե՛ք այս դրությունից ու հայտնեցե՛ք ձեր առաջարկները: Վստահ եղեք, որ դրանք պատգամների պես կ'ընդունվեն մեր կողմից: Կ'ընդունվեն, որովհետև խնդիրը դաշնակցության մեջ չէ և ոչ էլ մեր կամ ձեր կարծիքների մեջ: Խնդիրը դառնում է մի կատարյալ դժոխքի շուրջ, որի միջից, այս կամ այն ձևով, դուրս պետք է քաշել հայ ժողովուրդը... »²:

Հ. Շահրիկյանի ելույթը բուռն հավանություն գտավ դահլիճի մեծամասնության մոտ, իսկ Բաքվի ճանաչված դաշնակցական գործիչներից Մարգար Ավետիսյանը հայտարարեց, թե այդ ելույթի տակ կարող է ստորագրել կուսակցության անդամների 99%-ից ավելին: Նա շեշտում էր, որ փոխանակ խըմբվելու ընդհանուր նպատակների շուրջ, Լ. Աթաբեկյանն ու նրա կողմնակիցները ուզում են դաշնակցությանը պարտադրել նոր գաղափարախոսություն, նոր նպատակներ ու գործեր, փորձում են տեղծել կովի նոր ճակատներ, դրանով իսկ, կամա թե ակամա, նպաստում կազմակերպության ուժերի շլատմանը:

Ահա այսպիսի գաղափարներ ու մտքեր էին առաջադրում երիտդաշնակցականները և նրանց սկսած գործի անմիջական շարունակողները՝ անջատականները:

Հարկ է նշել, որ անջատականները, Լևոն Աթաբեկյանի գլխավորությամբ,

¹ «Նյութեր...», հատ. Դ, էջ 69:

² «Հայրենիք», N 11 (274), նոյեմբեր, 1948, էջ 63:

¹ «Հայրենիք», N 11 (274), նոյեմբեր, 1948, էջ 63:

² Նույն տեղում, էջ 64:

էլ ավելի ձախ գնալով, 1907թ. վերջերից սկսած՝ իրենց քննադատութեան սլաքն ուղղել էին նաև Ա. Մրավյանին՝ դաշնակցութեան Հանդեպ, իբր, մեղավերաբերմունք ունենալու համար:

Ե՛վ Մրավյանը, և՛ Աթաբեկյանը, 1906թ. լինելով երիտդաշնակցութուն Հոսանքի սկզբնավորողները և դրոշակակիրները, 1907թ. վերջերից Հանդես բերեցին նկատելի տարածայնութուններ:

Լ. Աթաբեկյանը և նրա համախոհները Ա. Մրավյանի նկատմամբ ունեցած անհամաձայնութունները առավել ցայտուն դրսևորեցին վերջինիս կողմից Կ. Պոլսի «Սուրհանդակ» օրաթերթում «Մի միթինկի առթիւ» վերտառութեամբ հորվածը տպագրելուց հետո:

«Սուրհանդակում» Մրավյանը գրել էր, որ «այսօր դաշնակցութունը, մանավանդ Կովկասում, արդեն խորխորատներով է բաժանվում նախքան 1905 թվի դաշնակցութունից, թեև անցյալից դեռ շատ բան է մնում, թեև նա շատ հեռու է մի զուտ հետևողական աշխատավորական կուսակցութուն լինելուց»: Աթաբեկյանական «Շեփոր» թերթը, քննադատելով Մրավյանի մտքերը, նշում էր, որ իրականում ոչ մի խորխորատ չկա հին ու նոր ժամանակների դաշնակցութեան միջև, և զուր է հորվածագիրը «վարդազույն հույսերի մեջ օրորվում, թե դաշնակցութունը կարող է դառնալ «մի զուտ հետևողական աշխատավորական կուսակցութուն»»¹:

Դաշնակցութեան շարքերի գտման և կազմակերպութունը դեպի աշխատավորութունը թեքվելու Մրավյանի տեսակետը համարելով «պատրանք», «Շեփորը» գրում էր, որ նրա հորվածում տեղ գտած մտքերը «մեզ իրավունք են տալիս ողջերթ մաղթելու դեպի Լ.Յ. դաշնակցութեան շարքերը, որից նա թյուրիմացաբար դուրս է եկել՝ մնալով հավատարիմ նրա սկզբունքային աշխարհայացքին, որ ազգային է և դեմոկրատական միաժամանակ ... «Սուրհանդակ» «ազգային» օրաթերթի հորվածը պ. Մրավյանի ճանապարհն է հարթում դեպի մայր դաշնակցութեան գիրկը: Մենք գտնում ենք, որ դա դիպված չէ, այլ հոգեբանական անհրաժեշտութուն ...»²:

Ավելորդ չէ ասել, որ դաշնակցութեան ղեկավարութունն անջատականների առաջնորդների, առավել ևս շարքայինների հանդեպ ցուցաբերում էր մեծ հանդուրժողականութուն և իր կողմից նրանց նկատմամբ որևէ կազմակերպչական պատիժ չէր սահմանում, կուսակցութունից նրանց հեռացնելու համար հանդես չէր բերում նախաձեռնութուն, մտածելով, որ տեղի ունեցողը արդյունք է ծայրահեղ ձախութեան հիվանդութեան, որն անցողակի է:

Սոստիվ անջատականների կողմից կուսակցութեանը հասցրած վնասի մասին՝ Լ.Յ.Դ. Բաքվի կազմակերպութեան ղեկավարներից Լ. Թադևոսյանն ասում էր.

«Մեզ նման մի մեծ կուսակցութեան համար կարծիքների տարբերությունը բնական երևույթ է... Ես վստահ եմ, որ մեր երիտասարդները պառակտում սերմանելու նպատակ չունեն: Բայց նրանց ընթացքը, հակառակ իրենց իսկ ցանկութեան, կարող է այդպիսի հետևանքներ ունենալ: Եվ ահա մտածում եմ. ավելի լավ չէ՞ հավաքական ուժերով պայքար մղել մեր դժվարութունների դեմ թե՛ այստեղ, թե՛ Երկրում, քան ջլատել մեր ուժերը փոխադարձ պայքարների մեջ: Ո՞վ է, որ կարող է հակառակ լինել բոլոր բանավոր առաջարկներին, որոնք կարող են շտկել մեր թերութունները, լրացնել պակասը, վերաքննել ծրագիրը, գործելակերպը և այլն»¹:

Ինչ խոսք, անջատականների շարժումն ընդհանուր առմամբ անցանկալի էր դաշնակցութեան համար, քանի որ կուսակցութեան անդամների մի որոշակի շրջանակում այն առաջ էր բերել մտքերի շփոթ, իսկ շատերի մոտ էլ կասկած էր հարուցել կուսակցութեան քաղաքական գծի ճշմարտացիութեան նկատմամբ, հատկապես այն բանից հետո, երբ 1907 թվականին նրանք կազմակերպչորեն բաժանվեցին դաշնակցութունից և մտան ռուս. սոց.-հեղափոխական (էս-էռ) կուսակցութեան մեջ:

Եթե ժամանակի դաշնակցական մամուլը քննադատում էր անջատականներին, ապա առանձին դաշնակ հեղինակներ այդ քննադատութունը հասցնում էին ծայրահեղութունների: Նկատենք, սակայն, որ, մեր կարծիքով, անջատականութունը, որքան էլ տարօրինակ թվա, նաև, մի քանի առումներով, դրական նշանակություն ունեցավ դաշնակցութեան համար. ա) Այն մեծ թափ հաղորդեց տեսական գաղափարական աշխատանքին կուսակցութեան մեջ, բ) Ջգալի աշխուժութուն մտցրեց կովկասահայ անշարժ ու գաղղ քաղաքական կյանքի մեջ, գ) Սկսվեց արհեստակցական միութունների տեղագրին շարժումը Բաքվի և Անդրկովկասի այլ վայրերի հայ բանավորութեան մեջ, դ) Սկիզբ դրվեց կոոպերատիվ շարժման կովկասահայ գյուղացիութեան շրջանում, ե) Նրպատեց Լ.Յ.Դ. առաջիկա IV ընդհանուր ժողովում դաշնակցութեան համար սոցիալիստական ծրագրի ընդունմանը և կուսակցութեան կողմից սոցիալիստական բուռն գործելակերպի որդեգրմանը:

Հարկ է նկատել նաև, որ անջատականների շարքերում ընդգրկված էին, եթե ոչ բացառապես, ապա՝ մեծ մասամբ, մտավորական երիտասարդ դաշնակցականներ, որոնք ոչ միայն թշնամի չէին կուսակցութեանը, այլև խորապես մտահոգ էին նրա ապագայով, միայն թե ուզում էին նրա գործունեութունն ուղղորդել իրենց պատկերացմամբ, ճիշտ հուռով:

¹ «Հայրենիք», N 11 (274), նոյեմբեր, 1948, էջ 61:
² Կրկին նկատենք, որ մինչև անջատականների մտնելը էսէռական կուսակցութեան մեջ, այնտեղ հայերի թիվը մասնների վրա էր հաշվվում: Դրանում գուցե դեր էր խաղում նաև այն հանգամանքը, որ էսէռական կուսակցութունը մարտական կուսակցութուն լինելով, իշխանութունները դաժանորեն էին պատժում նրա ձեռքակալված անդամներին, շատ ավելի խիստ, քան ձեռքակալված սոցիալ-դեմոկրատներին:

¹ «Շեփոր», N 12, 2 նոյեմբերի 1908թ.:
² Նույն տեղում:

Ի տարբերություն անջատականների ձախ հոսանքի՝ «Կովկասյան նախագծի» քննարկումների ընթացքում դաշնակցություն շարքերում ձևավորվեց նաև մի ուրիշ՝ աջ ուղղություն հոսանք, որի մեջ համարյա չկային մտավորականներ: Այդ հոսանքն ավելի բազմամարդ էր, նրա շարքերում հիմնականում թուրքահայ դաշնակցականներ էին, սպառազեն հին հայրուկներ, որոնք այս անգամ, իսկապես, մեծ փտանգ էին ներկայացնում Հ.Յ.Դ. Համար: Այլ դաշնակցականները պատրաստ էին զենքի ուժով կուսակցության ղեկավարությունը ստիպել հրաժարվելու «Նախագծից»:

Ահա թե ինչու էր այդ հոսանքը ավելի փտանգավոր:

**ՄԻՀՐԱՆԱԿԱՆՈՒԹՅՈՒՆ: ԱՆՏԱՆԻՇՆԵՐ
ԹՈՒՐԿԱՆՆԵՐ ԼԱՅՆՈՒԿՆԵՐԻ ԵՄԻՔԵՐՈՒՄ**

Հ.Յ. դաշնակցության մեջ առաջացած ընդդիմադիր առավել փտանգավոր հոսանքը ձևավորվեց տաճկահայ հայտնի խմբապետ, բարերոգի Միհրան Բեչիյանի շուրջ: Նրա գլխավորությամբ շարժումը հանդես եկավ կուսակցության ղեկավարության գործելակերպի դեմ ընդհանրապես և ղեկավարության մշակած «Կովկասյան նախագծի» դեմ հատկապես: «Նախագծի» սուր, անդիշում քննադատությունն աստիճանաբար փոխարկվեց խոր թշնամանքի:

Միհրանը քաջ ու ըմբոստ մարդ էր, որը տարիներ շարունակ եղել էր հայ դուկային խմբերի շարքերում: Սակայն Մոսկոնի արշավանքից՝ վերադառնալիս, դաշնակցական աղբյուրների վկայությամբ, մի խումբ մարտիկներով ու զենքերով անձնատուր էր եղել ուսական իշխանություններին: Երևանի բանտից դուրս գալուց հետո նա դիմել էր Նիկոլ Դուրանին՝ պաշտոն ձեռք բերելու ակնկալությամբ, բայց մերժում էր ստացել: Դարձյալ նույն աղբյուրների վկայությամբ՝ Հ.Յ.Դ.-ից դժգոհ, նա զնացել էր Բաթում և կանգնել արդեն սկիզբ առած հակառակադեմական շարժման գլուխ:

Միհրանը հիշեցնում էր, որ Հ.Յ. դաշնակցությունը ստեղծվել է թուրքահայերին օսմանյան բռնապետությունից ազատագրելու նպատակով և միայն նրանց դատին նվիրված մարտական կազմակերպություն է: Միհրանը կատարողի հակառակորդ էր հայերի կողմից Ռուսաստանում հեղափոխական աշխատանք կատարելուն և ցարիզմի դեմ սկսած կռիվին մասնակցելուն: Նա երկյուղ էր կրում, որ, միսրճվելով Կովկասի գործերի մեջ, կուսակցությունը ստիպված կլիներ լքել թուրքահայոց դատը կամ, առնվազն, երկրորդական նշանակություն տալ դրան: Նա ասում էր նաև, որ դաշնակցությունը Կովկասում անելիք էր չուներ, որ դաշնակցությունը կուսակցության ղեկավարությունը և ընդհանրապես ազատագրական շարժման ղեկը ամբողջովին պիտի անցնի թուրքահայ գործիչներին:

Միհրանը Միհրանը բնեցնում էր մի ուրիշ եզրահանգում՝ կուսակցությունը պետք է ազատել ուսակցայերից, նրանց դիկտատից, կազմակերպության ղեկավարությունը և ընդհանրապես ազատագրական շարժման ղեկը ամբողջովին պիտի անցնի թուրքահայ գործիչներին:

Ահա Միհրանի և Սեպուհի երկխոսությունից մի հատված.

«Միհրան. - Չարիքը կուզայ անկէ, որ մեզ կառավարողները ուսակցայեր են, որ նստած փափուկ աթոռներու վրայ, կուզեն հետուէն կառավարել մեզ եւ մեր շարժումները, առանց ճանչնալու երկիրը, ոչ ալ մեր ժողովուրդը եւ անոր պահանջները»: Այս վիճակը չի զարմացնէր զիս, որովհետեւ ուսակցական ընկերավարական գաղափարները և ձեռնարկները անմիջապէս իրենց քովը տեղի

Դաշնակցական մամուլը և գրականությունը Միհրանին բնութագրել են խիստ բացասական գծերով՝ նրան որակելով որպես դավաճան (տե՛ս Միքայիլ Վարսաղեան, Հ.Յ.Դաշնակցութեան պատմություն, Հատ. Բ, էջ 164, Վահան Փափազեան, Իմ յուշերը, Հատ. առաջին, էջ 418 և այլն): Բայց ազատագրական շարժման թուրքահայ գործիչների մի մասը ժամանակին և հետագայում նույնպես չի բաժանել բարերոգի խմբապետին տված նման գնահատականը: Դաշնակցական որոշ գործիչներ, չարագրացնելով միհրանականությունը, այնուամենայնիվ, փորձ են արել բացատրել այդ հոսանքի առաջացման պատճառները: Օրինակ՝ Արտաշես Հովսեփյանը գրել է. «...Հարուստ անցնալով յեղափոխական կուսակցութիւն մը, որ մինչ այդ «Կուսեցէք, տղերք», «Լուսին չկար», «Կարկուտ տեղաց» էր երգած, ստեղծուած նոր դրութեան, նոր պայմաններու բերումով, պարտաւորուած էր Ինթերնասիոնալի երգը սկսել հիշեցնել: Բնականաբար, առանց ներքին ցնցումի, մէկ օրէն միւսը ան չէր կրնար իւրացնել ընկերավարական նախագիծը, որ խորթ էր զանգուածին: ...Միհրանական շարժման երևան գալը հետեանք էր այն հիմնական մտածողութեան, որ նախագծով, դաշնակցութեան գործունէութիւնը կ'ընդգրկէր շատ աւելի լայն ասպարէզ մը, տաճկահայ դատին կը լծորդէր դասակարգային պայքարը եւ ուսական քաղաքական յեղափոխութեան մասնակցելու անհրաժեշտութիւնը: ...Այսպես լինելով հանդերձ, Միհրանական շարժման հետեւորդները կ'անտեսէին մէկ հանգամանք մը, սակայն: Անոնք անհիշեթօրէն կը պահանջէին կովկասահայերէն, որ չմտածեն իրենք իրենց մասին, չհետաքրքրուին իրենց սեփական ապագայով եւ կեանքով, միմիայն տաճկահայ դատը շարունակելու ատած, նուիրաբերեն անոր ե՛ւ մարդ ե՛ւ դրամ ե՛ւ ուղղամիտք ե՛ւ ամբողջ կեդրոնացած ուշադրութիւն (Մալխաս, Ապրումներ, Հատ. Ա, էջ 439-440):

Հարկանցիորեն նշենք, որ այս տեսակետը ամբողջովին պաշտպանում էին բոլշևիկները, գտնելով, որ Հայ հեղափոխական շարժումը ուսակցայ քաղաքական գործիչների կողմից բռնություն փաթաթված է թուրքահայերի շինքին: Հետագայում այդպես էին մտածում նաև ուսակցայերը: Արտակ Դարբինյանը գրել է. «Թուրքահայ դաշնակցականները սկզբնա մինչև վերջ ենթակա մնացին ուսակցայ դաշնակցականներուն, որոնցմէ յուրաքանչյուրը իբրև «չեթ» մը կը ներկայանար անոնց» (Արտակ Դարբինեան, Հայ ազատագրական շարժման օրերն (յուշեր 1890-էն 1940), էջ 60-ի ստղատակ):

1904թ. Հուլիսին խմբապետ Միհրանի գլխավորած 60 հոգուց բաղկացած «Մասիս» և Գայլ Վահանի (Մինաս Դուրալյան) գլխավորած «Արտավազ» դաշնակցական խմբերը, անցնելով ուս-տաճկական սահմանը, մտնում են Հայաստանի Բագրևանդի գաղառ և հարձակվում Մոսկոն հայկական գյուղի և Ջոր կոչվող վայրի թուրքական զորանոցների վրա: Թուրքական և ուսական սահմանապահ զորքերը համատեղ չըրպաստում են արշավախմբերին: Մի քանի ժամ տևած կռիվ ընթացքում նահատակվում է Հայ մարտիկների մեծ մասը: Սպանվում է նաև «Արտավազ» խմբի հրամանատար Վահանը: Երկու խմբերից միայն չորս տասնյակ հոգու է հաջողվում փախչել ու ազատվել: Դրանց թվում էր նաև «Մասիս» խմբի հրամանատար Միհրանը՝ իր մարտիկների մի մասի հետ, որոնք վերադառնալով սահմանի ուսական կողմը՝ հանձնվում են իշխանություններին:

կ'ունենան, իրենց շահերը կը շօշափեն, ուրեմն բնական է, որ անոնք տարուին հոսանքէն և իրենց ցաւերով ապրին, բայց մենք ալ պետք է մենք մեզի մնանք եւ մեր ցավերը եւ ընելիքնիս գիտնանք...

Սեպուհ. - Սև մտքեր ունիս... Պառակտել կ'ուզես մեր կուսակցութիւնը: Մոռացի՛ր արտահայտած միտքերդ և շիտակ քայլ: Ովքե՞ր են ուսանակները, որ կը կառավարեն քեզ եւ գիս: Երկրին մեջ քանի՞ ուսանակ կայ. մատի վրա կը համրուին. Գուրգէ՛նը, կ'ըսես, որ ինկաւ մեր սուրբ Հողին վրայ. Դու՞մա՛նը, Վարդա՛նը, որոնք մեր օրհասական ժամին Երկիր մտան, Թ'ու՞մա՛նը, Թ'որգո՞մը, Իշխա՛նը, Արա՞մը, որ իրենց երիտասարդութիւնը եւ ասպարեզը զոհած՝ Երկիր էին եկած մեր ժողովուրդին համար...: Վե՛րջ տուր խաղերուդ, Միհրան, եւ մի՛ պղտորեր մեր կուսակցութեան ներքին կեանքը»¹:

Պարզ էր, ուրեմն, որ Միհրանը գնում է նախ կուսակցության գոյություն ունեցող կառույցը քայքայելու, ապա կազմակերպութեանը տիրանալու ճանապարհով:

Բաբերդցի խմբագրատն իր ընկերների հետ Ղ.Յ. դաշնակցության դրոշի տակ ակտիվ մասնակցություն էր ունեցել Կովկասում թուրք-հայկական կռիվներին: Այդ կռիվների ժամանակ հայ մարտիկները մեկ հոգի, մեկ շունչ էին դարձել: Բայց ընդհանուր թշնամու դեմ մղած հաղթական կռիվներից հետո նույն մարտիկների շրջանում առաջ եկավ մի ներքին խլրտում, որ ծանր պառակտման բոլոր փառանքներն ունեւր և սպառնում էր ջլատել Ղ.Յ. դաշնակցության ռազմական ուժն ու բարոյական հեղինակությունը: Այդ նոր վտանգը բխեց ճիշտ այն «կովկասահայ-թուրքահայ» հակադրանքից, որի մասին խոսք գնաց վերը:

Հայրենասեր, անձնագոհ Հայդուկներն էին, որ կռիվների ժամանակ վերացրին այդ գուռ աշխարհագրական հակադրանք-երկվություն սահմանները՝ հանուն հայ ժողովրդի ազգային-գաղափարական ամբողջության: Բայց, ահավասիկ, պարադոքսն այն էր, որ հենց իրենք, նույն Հայդուկները, տոգորվեցին բուռն ցանկությամբ՝ վերահաստատելու իրենց ջանքերով արդեն վերացված ու լիովին չքանալու դատապարտված հարկադրանք-երկվությունը: Այդ վերահաստատման փոխաններ դարձավ, առաջին հերթին, թուրքահայ Հայդուկների մի մասը:

Թուրք-հայկական ընդհարումների հատկապես առաջին շրջանում Միհրանը համարում էր, որ իր կռիվն ուղղված է միայն թուրքերի դեմ, թեև հայտնի էր, որ նրանց գրգռողն ու գինողը ցարական իշխանություններն էին: Խնդրապետը չէր ցանկանում գործ ունենալ ուսանական բռնակալության հետ և ուզում էր, որ կուսակցության բոլոր ուժերը ուղղվեին դեպի թուրքահայաստան՝ ընդդեմ սուլթանական ռեժիմի:

Միհրանը կատաղի հակառակորդ էր ոչ միայն Ղ.Յ. դաշնակցության պայ-

քարը Կովկաս փոխադրելու ծրագրին, այլև՝ կուսակցության սոցիալիստական գործունեությանը:

Միհրանականները գտնում էին, որ սոցիալիզմի գաղափարախոսությունը, վատ լինի թե լավ, իրագործելի լինի թե անիրագործելի, - չի պատշաճում այն կացությունը, որի մեջ գտնվում է հայ ժողովուրդը: Ավելին, նրանց տեսակետով սոցիալիզմն ընդհանրապես խորթ գաղափար էր հայության համար, իսկ թուրքահայերի համար՝ ուղղակի կործանարար: Միհրանը հաճախ էր շեշտում, թե թուրքահայաստանի ազատագրության համար սկսված կռիվ առաջապահ մարտիկներ են եղել Բաբելեն Սյունիները, Հրայրները, Վահանները, Գևորգ Զաուչները, անթիվ-անհամար ազգանվեր հեղափոխականներ, որոնցից ոչ մեկը սոցիալիստ չի եղել:

Ինչպես Ղ.Յ.Գ. գործունեությունը Կովկաս տեղափոխելու, այնպես էլ սոցիալիզմի գաղափարը թուրքահայաստան մտցնելու մասին Միհրանի կողմից անընդունելի համարվող երկու տեսակետներն ունեին շատ կողմնակիցներ: Խմբագրատնի պես էին դատում թուրքահայ մարտիկներից շատերը, Երկրի գործիչների սովորագույն մասը, գաղութահայերը և զգալի թիվով հին դաշնակցականներ, ովքեր չէին հանդուրժում դաշնակցության գործող (1892թ.) ծրագրից որևէ նահանջ: Ինչպես արդեն նշվել է, այդպես էին մտածում նույնիսկ թուրքահայ ազատագրական շարժման այնպիսի խոշոր գործիչներ, ինչպիսիք էին Սեբաստացի Մուրադը, Անդրանիկը և ուրիշներ: Ավելին, Ղ.Յ. դաշնակցության՝ թուրքահայաստանում գործող մի շարք կազմակերպություններ իրենց հայտարարել էին միհրանականության ջերմ կողմնակիցներ:

Միհրանին հետևողների թիվը ժամանակի ընթացքում այնքան շոշափելի դարձավ, որ այդ հոսանքը ստացավ միհրանական շարժում անվանումը: Եթե անջատական շարժման կենտրոնը Բաբուն էր, ապա միհրանական շարժման կենտրոնը դարձավ Թիֆլիսը: Շարժումը շատ կարճ ժամանակում տարածվեց այն աստիճան, որ մի քանի հազար մարդ հավաքվեց ըմբոստության դրոշ պարզած բաբերդցի խմբագրատն շուրջը: Միհրանականությունը օրըստօրե գորանում և սպառնալից էր դառնում: Բողոքի շարժումը վերածվեց բացահայտ անհնազանդության, որը սպառնում էր ներքուստ պառակտել կուսակցությունը:

Իր թիկունքում ունենալով լավ զինված և վստահելի մեծաթիվ թուրքահայ Հայդուկներ՝ Միհրանն անցավ վճռական գործողությունների:

Առաջին հերթին խմբագրատն իր պայքարի սլացքն ուղղեց Ղ.Յ.Գ. վերին ղեկավարության, մասնավորապես, դաշնակցության խորհրդի դեմ, որը հրատարակել էր «Կովկասյան նախագիծը»: Նա պահանջում էր հետս կոչել կազմած փաստաթուղթը կամ գոնե դրանից հանել նշված երկու տեսակետների վերաբերյալ մասերը, քանի որ կուսակցության հիմնական, ավելի ճիշտ՝ միակ խնդիրը թուրքահայաստանի ազատագրումն է՝:

¹ Վահան Փափազեան, Իմ յուշերը, հատ. առաջին, էջ 420-421:

¹ «Հայրենիք», N 1, նոյեմբեր, 1922, էջ 58, N 1(109), նոյեմբեր, 1931, էջ 98:

Քանի դեռ շարունակվում էին թուրք-հայկական ընդհարումները Կովկասում, «Նախագծի» նկատմամբ դժգոհների պահանջ-սպառնալիքները զուսպ էին և բացեփակապես դուրս չէին գալիս արտաքին երես: Չէ՞ որ, ի վերջո, կար տարրական գիտակցություն, թե ամբողջ ժողովրդի գոյությունը սպառնացող վտանգի հանդեպ պետք է գազվեն բոլոր ներքին դժգոհությունները: Բայց հագիվ ընդհարումները վերջ էին գտել, և կովկասյան թուրքերից եկող վտանգը վերացել էր, երբ հակաՆախագծական աջ ուժերը հրապարակ իջան իրենց պահանջներով ու սպառնալիքներով:

«Կովկասյան նախագիծը» հետ չվերցնելու կամ թուրքահայության համար «մաստակար մասերը» փաստաթղթից չհանելու դեպքում Միհրանը և նրա նվիրյալ զինակիցները սպառնում էին դիմել գեներալ:

Արհամարհանքով մերժելով Հ.Յ. դաշնակցության ղեկավարության հեղինակությունը և չենթարկվելով նրան՝ միհրանականները պահանջեցին իրենց հանձնել կուսակցության վերին ղեկավարությունը: Մերժման հանդիպելով նրանք ստեղծեցին իրենց անջատ մարմինը՝ «ժամանակավոր զինվորական խորհուրդ» անունով, և սկսեցին գործել ինքնազուլու:

«Զինվորական խորհուրդ» նպատակն էր իր ձեռքը գցել դաշնակցության վարչական գործերը, կազմակերպության փողերը, կայքը, մինչև իսկ կուսակցության պաշտոնաթերթ «Յառաջի» խմբագրությունը:

Խորհուրդը պատրաստել էր տվել մի կեղծ կնիք և դրել գործածության մեջ Հ.Յ.Դ. կուսակցության անունով: Այդ նույն անունով հրատարակում էին թուուցիկներ և կոչեր: Միհրանի մարտիկները գեներալի սպառնալիքով կուսակցության զինանոցներից հանում և յուրացնում էին գեներալի գեներալի, դաշնակցական ղեկավարների վկայություններ, գումարներ էին կորզում մեկից-մյուսից:

Ավելին, հետո առնելով մի քանի թիկնապահ, Միհրանը մտնում է «Յառաջի» խմբագրատուն՝ օրը ցերեկով, երբ սովորաբար այնտեղ էին հավաքված լինում ոչ միայն խմբագիրներն ու գործակիցները, այլ նաև արևելյան բյուրոյի անդամներն ու այլ կարևոր ընկերներ: Ինքնավստահ տոնով նա պահանջում է անմիջապես իրեն հանձնել դաշնակցության կնիքը և բոլոր թղթածրարները: Զիչտ է, նրան չի հաջողվում հասնել իր նպատակին, բայց միայն այդ պատճառով ուշանում է թերթի հերթական համարի տպագրությունը:

Միհրանականները ծրագրել էին հաջորդ օրը կրկին հարձակվել խմբագրատան վրա, բայց այդ պահին Թիֆլիսում գտնվող Նիկոլ Դումանը զինավառ գալիս նստում է այնտեղ: Իմանալով այդ մասին՝ նրանք հրաժարվում են այդ մտադրությունից:

Միհրանականները ծրագրել էին ահաբեկման ենթարկել դաշնակցության մի շարք ղեկավար անձանց և, առաջին հերթին, Հ.Յ.Դ. արևելյան բյուրոյի

անդամներին՝ բայց Կովկասում այդ բանը նրանց չի հաջողվում, իսկ Թուրքիայում, ինչպես կտեսնենք հետագա շարադրանքում, նրանց հարձակման գոհ է գնում կուսակցության խոշոր տեսաբաններից մեկը՝ Եղիշե Թուֆչյանը:

Դաշնակցության հակառակորդները, այդ թվում Թիֆլիսի և Բաքվի հակադաշնակցական բուրժուազիան, շտապեցին օգտվել պատեհ առիթից և ուժ տալ միհրանական շարժմանը: Նրանք հովանավորեցին, խոսքով ու գրչով, գրգռոճի խորհուրդներով ու դրամով քաղաքներից Միհրանին և նրա համախոհներին՝ հույս ունենալով այդ կերպ կասեցնել Հ.Յ. դաշնակցության սոցիալիստական և հեղափոխական ձգտումները Ռուսաստանում:

Դաշնակցության աղբյուրները պնդում էին, որ ռուս գաղտնի ոստիկանությունը, իր հերթին, կարողացել էր ըմբոստ խմբապետին դարձնել իր ծպտյալ գործակալը:

Ընթերցողը նկատում է, որ անջատականներն ու միհրանականներն ունեին և՛ շփման եզրեր, և՛ արձատական տարբերություններ: Երկու հոսանքներին միավորում էր այն տեսակետը, ըստ որի Թուրքահայաստանում սոցիալիստական աշխատանքի համար չկա ոչ մի պայման, և դաշնակցությունը հիմք չունի այդ ուղղությամբ Երկրում որևէ գործունեություն ծավալելու:

Բայց երկու հոսանքների միջև տարբերություններն ավելի շատ էին և ավելի խորը. կուսակցության մեջ նրանք գտնվում էին հակադիր բեկունքում:

Եթե անջատականները Հ.Յ.Դ. ղեկավարությունից պահանջում էին կուսակցության գործունեության մի մասը փոխադրել Կովկաս, ապա միհրանականները այդ գաղափարի կատարող հակառակորդներ էին: Առաջինները գրտնում էին, որ կազմակերպությունը պետք է դադարեցնի օսմանյան ռեժիմի դեմ գեներով կռվելը, հրաժարվի պայքարի հին ձևերից ու մեթոդներից և հիմնական խնդիր ունենա միանալու ռուսական ցարիզմի դեմ սկսված ազատագրական մեծ հեղափոխությանը, իսկ միհրանականները կտրականապես մերժում էին հայերի մասնակցությունը ռուսական հեղափոխությանը և գտնում, որ դաշնակցության պայքարի միակ դաշտը, առաջվա պես, պետք է լինի Թուրքահայաստանը:

Եթե Լևոն Աթաբեկյանը և նրա գաղափարակիցները պահանջում էին իրենց հոսանքի անջատումը դաշնակցությունից, ապա Միհրան Բեչիչյանը և նրա համախոհները ոչ թե անջատվել էին ուզում կուսակցությունից, այլ նպատակ ունեին ողջ կազմակերպությունը տանել իրենց հետևից:

Միհրանականությունը Միք.Վարանդյանը տվել է հետևյալ բնորոշումը.

«Միհրանականությունը դրուագ մըն էր, պատահական ու վաղանցուկ, և հող ալ խառն էին օտար, անմաքուր ազդակներ ... Չափազանց վեճ էր մեր

¹ Հ.Յ.Դ. երրորդ ընդհանուր ժողովի (Սոֆիա, 1904թ.) կողմից հաստատված արևելյան բյուրոյի կազմի մեջ էին Սիմոն Զավարյանը, թժ. Տեր-Դավթյանը, Ավետիք Սահակյանը (Հայր Աբրահամ), թժ. Համո Օհանյանյանը, թժ. Տիգրան Թադևոսյանը, Ստեփան Տեր-Սևրոյանը և գյուղատնտես Արշակ Թադևոսյանը:

¹ «Հայրենիք», N 1(395), հունվար, 1959, էջ 15, N 2(408), փետրվար, 1960, էջ 15:

ամենուս իդեալը, և չափազանց ջերմ էր հին ու նոր դաշնակցականի, թուրքա-հայի, ռուսահայի ու պարսկահայի արեան ու գաղափարի եղբայրությունը, - և այդ իսկ պատճառով մեր կազմակերպությունը ամենաձանր քրիզներու մեջ ալ կանգուն մնաց...»¹:

Եվ այսպես, «Կովկասյան նախագիծն» առիթ դարձավ, որպեսզի դուրս հորդեն տարիների ընթացքում դաշնակցության մեջ կուտակված անհամաձայնություններն ու դժգոհությունները: Կուսակցությունն այնպես լուրջացավ, փոթորկվում էր, խռովահույզ ու աղմկուտ կրքերը հասել էին ծայրահեղ լարվածության:

Դաշնակցությունն այնպես զործընթացն իր վրա էր բեռնել ոչ միայն կազմակերպության անդամների, այլև հասարակության ամենալայն շրջանների ուշադրությունը: Բոլորին՝ դաշնակցականների բարեկամներին և հակառակորդներին հուզում էր մի հարց. այդ ծանրագույն պահին կուսակցությունն ունա՞կ կլինի արդյոք, առանց արմատապես կերպարանափոխվելու և առանց մեծ կորուստների, դուրս գալ ծայր առած ներքին այբբախուժանքից ու ցնցումներից, թե՞ ընդմիջտ կանցնի պատմության գիրկը:

Հ.Յ.Դ. կովկասյան գործունեության դեմ հանդես էին գալիս հայ բուրժուաների մեծ մասը և նրանց ձայնափող մամուլը: Սրանք անզիջում պայքարի մեջ էին դաշնակցության դեմ գտնելով, որ այդ կուսակցությունն ընդհանրապես ահավոր երևույթ է հայ իրականության մեջ, իսկ սոցիալիստական դաշնակցության հետո կվերածվի անհաղթահարելի մի ուժի, ուստի այդ ապագա հզոր թշնամուն պետք է քայքայել հենց սկզբից, նրան թույլ չտալ կանգնել զուտ հեղափոխական ճանապարհի վրա: Եվ զարմանալի չէ, որ նրանք մոլեռանդությամբ պաշտպանում և խրախուսում էին Հ.Յ.Դ. շարքերում հանդես եկած հերձվածները, հատկապես ամուր թիկունք կանգնելով միհրանականությանը՝ դրա հետ կապելով դաշնակցությանը ներսից քայքայելու հույսը:

Պահպանողականների և ազատականների (հայ կադետներ-մշակականներ) համար անսպասելի էին «նախագիծն» տեղ գտած սկզբունքային նոր դրույթներն ու հարցադրումները: Առաջիկաները գտնում էին, որ փաստաթուղթը մի անթույլատրելի խառնուրդ է ազգայինի և դասակարգայինի, մի տարօրինակ հյուսվածք, ուր կան և՛ սոցիալ-դեմոկրատական, և՛ սոցիալիստ-հեղափոխական մտքեր, միաժամանակ՝ դրանք ժխտող հաստատումներ: Վկայակոչելով նույն բանը՝ ազատական մտավորականները՝ Լևոն Սարգսյանը, Համբարձում Առաքելյանը, Ալեքսանդր Բալանթարը, Սամսոն Հարությունյանը և ուրիշներ, ավելացնում էին, որ ազգային նկրտումները զոհաբերված են սոսկ դասակարգային անորոշ նպատակների: Նրանք հատկապես շեշտում էին, թե փաստաթուղթը դեմ է դաշնակցության ոգուն և ավանդական ըմբռնումներին, քանի որ պարունակում է բոլորովին նոր ու խորթ տարրեր, որոնք անխուսափելիորեն բաժան-բաժան կանեն ազգը, իրար դեմ կհանեն դասակարգերը,

մինչդեռ այժմ, ավելի քան երբևիցե, հրամայական անհրաժեշտություն է բուրյ հայերին միավորելու ուղղությամբ տարվող աշխատանքը:

Դրա հետ միասին, ազատականները մտահոգություն էին հայտնում, թե «նախագիծ» պատճառով դաշնակցությունը կարող է քայքայվել և չբանալ քաղաքական ասպարեզից, որը, նրանց խոսքերով ասած, մեծ հարված կլինի թուրքահայ ժողովրդի ազատագրության գործին: «Մշակը» գրում էր.

«Բանի որ հարցի բազմակողմանի քննությանը պիտի զբաղվի և այդ մասին իր վերջնական վճիռը կայացնի «դաշնակցության» մոտակա ընդհանուր ժողովը, ուստի, կարծում ենք, ամեն մի անհատ, որ անտարբեր չէ դեպի այդ մեծ կազմակերպության ապագան, պարտավոր է իր ձայնը բարձրացնել հօգուտ այդ հարցի այս կամ այն կերպ որոշման»²:

Դաշնակցության շարքերում տեղի ունեցող ցնցումները հնչակյանները դիտում էին որպես ազգային-հեղափոխական դաշտում իրենց երբեմնի (1887-1895 թթ.) գերակայությունը վերականգնելու ավետիս և հնարավորության սահմաններում նպաստում էին հակառակորդ կուսակցության ներսում հակասությունների հետագա խորացմանը:

«Նախագիծն» իրենց համար անմիջական սպառնալիք էին համարում սոցիալ-դեմոկրատները, հատկապես՝ բոլշևիկները: Վերջիններս գտնում էին, որ ընդունելով դասակարգային պայքարի սկզբունքը, դաշնակցությունը դրանով իսկ փորձում է ներխուժել իրենց գործունեության ոլորտները, որի հետևանքն այն է լինելու, որ նա իր հետևից տանելու է հայ բանվորության և աշխատավոր գյուղացիության նորանոր զանգվածների: Միաժամանակ, նրանց մոտ հույս էր ծագել, թե Հ.Յ.Դ. շարքերում տեղի ունեցող շարժումները, ի վերջո, կուսակցությանը կտանեն դեպի քայքայում:

«Ինչո՞ւ դաշնակցությունը քայքայվում է» վերտառությամբ հոդվածում հայ փոքրամասնականների (մենչևիկների) օրգան «Հոսանք» թերթը գրում էր. «Բուրժուա-ազգայնական կուսակցություն Հ.Յ. դաշնակցությունը վերջերս ընթանում է դեպի կատարյալ քայքայում:

Թեև դաշնակցական յուրիստ-կոնսուլտները մեզ հավատացնում են, որ կուսակցությունը չի քայքայվում, այլ, ընդհակառակը, բյուրեղանում է, բայց ինքը կյանքը փայլուն կերպով հերքում է այդ բանը:

Ամեն կողմից մենք տեղեկություններ ենք ստանում, որ «դաշնակցությունը» կորցնում է իր ոտքի տակի հողը, գլխավորապես բանվորական միջավայրում»³:

Իր մի ուրիշ համարում նույն թերթը համոզված շեշտում էր. «...Դաշնակցությունը գնում է դեպի կատարյալ քայքայումն ճիշտ այնպես, ինչպես քայքայվում է Ռուսաստանի ռեակցիան»³:

¹ «Մշակ», N 281, 23 դեկտեմբերի 1906թ.:

² «Հոսանք» (Թիֆլիս), N 12, 7 դեկտեմբերի 1906թ.:

³ Նույն տեղում, N 47, 27 հունվարի 1907թ.:

¹ «Հայրենիք», N 6, ապրիլ, 1923, էջ 39:

Հ.Յ.Դ. շարքերում առաջ եկած հակասությունները, առճակատումները, հուզումները 1906թ. վերջերին կուսակցությանը կանգնեցրին լուրջ կացության առջև: Դաշնակցությունն, ըստ էության, քաղաքական ճգնաժամ էր ապրում: Այդ ճգնաժամը պետք է հանդուցալուծում ստանար կուսակցության առաջիկա ընդհանուր ժողովում:

Հ.Յ.Դ. ընդհանուր ժողովի (1904թ., Սոֆիա) որոշման համաձայն, դաշնակցության չորրորդ ընդհանուր ժողովը պետք է բացվեր 1906թ. դեկտեմբերի 1-ին¹: Սակայն 1905թ. օգոստոսին դաշնակցության խորհուրդը որոշում ընդունեց կրճատել այդ ժամկետը և հերթական ընդհանուր ժողովը հրավիրել 1905-ի դեկտեմբերին: Այդ նպատակով Հ.Յ.Դ. երկու բյուրոները 1905թ. օգոստոսի 20-ին համատեղ շրջաբերական ուղարկեցին դաշնակցության մարմիններին, որտեղ նշվում էր, որ ընդհանուր ժողովի հրավիրման ժամկետի կրճատման պատճառը «Կովկասյան նախագծի» վավերացման արագացումն է: «Հաղորդելով «խորհրդի» ներկա որոշումը, - ասված էր շրջաբերականի մեջ, - արևելեան և արևմտեան շրջաններու մարմիններուն կ'առաջարկենք՝ կազմակերպական կանոններու 101 յոդուածի տրամադրութեան համաձայն, շուտով ուղարկել արևմտեան բյուրոյին այն հարցերու ցանկը, որ կը փափաքիք ժողովին քննութեան ենթարկել: Կը խնդրենք ըստ կարելիոյն շուտ ձեռնարկել նախապատրաստական գործին, որպեսզի արևմտեան բյուրոն հնարավորութիւն ունենայ ժամանակին հավաքել, կազմել հարցերու ամփոփ ցանկը և դաշնակցական մարմիններուն ուղարկել խնդիրներու օրակարգը»²:

Ժողովի հրավիրման ժամկետի կրճատման մասին հանձնարարականը չկատարվեց, որովհետև հենց իրենք՝ նախ, արևելյան բյուրոն, ապա դաշնակցության խորհուրդը, հարմար չգտան չեղյալ համարելու տեղեր ուղարկած շրջաբերականը: Պատճառը Կովկասում թուրք-հայկական կռիվների լայն ծավալումըն էր: Հ.Յ.Դ. կովկասյան բոլոր մարմինները ամբողջովին կլանվել էին ամենօրյա պայքարի թռչուտում մեջ և հնարավորություն չունեին կատարելու խորհրդի հանձնարարականը: Ուստի արևելյան բյուրոն 1905թ. սեպտեմբերին կ.կոմիտեներին ուղարկեց նոր շրջաբերական, ուր նշված էր, որ ուժի մեջ է մտնում ընդհանուր ժողովի հրավիրման նախօրոք որոշված ժամկետը՝ 1906-ի դեկտեմբերը:

Արևելյան բյուրոն միաժամանակ կ.կոմիտեներին ուղարկեց ցուցակն այն հարցերի, որոնք հարմար էր գտել իր կողմից մտցնելու ժողովի օրակարգի մեջ:

Ցուցակն ընդգրկում էր հետևյալ հարցերը՝ 1. Հ.Յ.Դ. կ.կոմիտեների տեղեկագրերի քննարկում, 2. Տաճկահայ խնդիր, 3. Կովկասահայ խնդիր, 4. Տաճկահայ և կովկասահայ խնդիրների ներքին կապը գործունեության և կազմակերպական տեսակետներից, 5. Հ.Յ.Դ. երկրորդ և երրորդ ընդհանուր ժողովներում ելույթների ու բացատրությունների, բյուրոների, խորհրդի և ռայոնական ժողովների առաջարկների, ինչպես նաև կյանքի կողմից առաջադրված պահանջների հիման վրա կուսակցության ծրագրի խմբագրում, 6. Պրոպագանդայի բարելավմանն ուղղված միջոցառումներ, 7. Դրամական հարց, 8. Տեղեկագրերի քննությունից բխած հարցեր և այնպիսի հարցեր, որ մարմինները պատշաճ կհամարեն դնել ընդհանուր ժողովի առջև, 9. Կուսակցության ղեկավար մարմինների ընտրություն¹:

«Խնդրում ենք կազմել ձեր շրջանում ըստ կարելիոյն լայն խորհրդակցություններ, - այնուհետև ասված էր շրջաբերականում, - որով հնարավորություն տրուի ամեն դաշնակցական խմբի լիովին արտայայտելու իր կարծիքներն այն բոլոր խնդիրների վերաբերմամբ, որ նա իր ձեռնհասութեան սահմանի մեջ է համարում: Սրանից հետևում է, բնականաբար, որ ժողովին ներկայացող ամեն մի պատգամավոր յուր հետ պիտի բերե ոչ միայն յուր շրջանի մեծամասնութեան, այլև փոքրամասնութեան կարծիքները»²:

Կովկասյան խնդրի առնչությամբ շրջաբերականում շեշտվում էր ընդհանուր ժողովում Հ.Յ.Դ. խորհրդի առաջարկած «Կովկասյան նախագծի» հանգամանալից քննության և կուսակցության նոր ծրագրի ընդունման անհրաժեշտությունը:

Մեկ տարի հետո, 1906թ. սեպտեմբերին, արևմտյան և արևելյան բյուրոների կողմից մի նոր շրջաբերական ուղարկվեց տեղերը, որով վերջնականապես ճշտվում էին առաջիկա ընդհանուր ժողովի օրակարգի բոլոր մանրամասները:

Դրանից ընդամենը մեկ ամիս անց, 1906թ. հոկտեմբերին, Հ.Յ.Դ. արևմտյան բյուրոն առաջիկա ընդհանուր ժողովի առիթով նպատակահարմար համարեց կուսակցության պաշտոնական օրգան «Դրոշակի» միջոցով դաշնակցական մարմիններին և ընկերներին անել նոր ծանուցում՝ իբրև կազմակերպական ազդ:

Արևմտյան բյուրոն հիշեցնում էր, որ ժողովի տեղի և ժամանակի մասին հարկավոր տեղեկությունները կարելի է ստանալ կուսակցության կենտրոնական մարմիններից՝ կազմակերպական ճանապարհով: Ժողովի հրավիրման «Կանոններին» համաձայն, կուսակցության մարմիններն ու խմբերը օրակարգի մեջ ցուցակագրված բոլոր կետերի վերաբերյալ պարտավոր էին իրենց ներկայացուցիչ պատգամավորներին տալ մանրամասն ցուցումներ՝ հրահանգներ՝ չմոռանալով փոքրամասնության կարծիքը ևս, որպեսզի կուսակցաժողո-

¹ «Նյութեր...», հատ. Բ, էջ 195:

² Նույն տեղում, հատ. Գ, էջ 2՝:

¹ «Նյութեր...», հատ. Գ, էջ 2:

² Նույն տեղում, էջ 1:

վում մեծամասնության տեսակետների հետ մեկտեղ արտահայտվեին նաև փոքրամասնության կարծիքները, հայացքներն ու տրամադրությունները:

Բյուրոն բոլոր մարմիններին հրահանգում էր պատրաստել և ուղարկել լրացուցիչ դրամական հաշիվներ, որպեսզի 1904-1906 թվականների դրամական վիճակը (Հ.Յ.Դ. նախորդ համագումարներից հետո) պատկերացվեր անթերի և իր ամբողջությամբ: Մանուցման վերջին՝ 6-րդ կետով արևմտյան բյուրոն հիշեցնում էր, որ ժողովը զբաղվելու է կարգապահական խախտումների և դրամական զեղծումների քննությամբ, որի պատճառով հատկապես խնդրվում էր բոլոր մարմիններին՝ մանրամասնորեն և անաչառությամբ արձանագրել ամեն տեսակ կարգապահական, կազմակերպական թե՛ դրամական զեղծումներ և բյուրոների միջոցով ներկայացնել ընդհանուր ժողովին, որպեսզի կազմակերպության բարձր ատյանի քննությունից չվրիպի ոչ մի դեպք, ոչ մի փաստ, որոնք կարող էին վնասել կարգապահական գործին, կազմակերպության առաջիկա գործունեությանը և հեղափոխական գաղափարին¹:

Ընդհանուր ժողով 1906թ. դեկտեմբերին նույնպես տեղի չունեցավ, քանի որ տեղերում դեռ չէին ավարտվել «Կովկասյան նախագծի» քննարկումները, դեռ շարունակվում էին բուռն վիճաբանությունները և առճակատումները կուսակցության շարքերում:

Հ.Յ.Դ. արևմտյան բյուրոն 1907թ. հունվարին հանդես եկավ «Դաշնակցական մարմիններին և ընկերներին» հերթական պաշտոնական կազմակերպական ազդով, որում ծանուցվում էր.

«Հ.Յ. դաշնակցութեան Դ-րդ ընդհանուր ժողովի բացումը մոտ լինելով վերջին անգամ հրավիրում ենք մեր կազմակերպութեան պատկանող բոլոր մարմիններին և ընկերներին՝ շտապ ուղարկելու ժողովին իրենց առաջարկներն ու ծրագրերը, ինչպես և գանգատներն ու բողոքները, խմբական թե՛ անհատական, որպեսզի կազմակերպութեան բարձր ատենանի առջև լիակատար ամբողջութեամբ պատկերանան գոյություն ունեցող տրամադրություններն ու հոսանքները»²:

Եվ այսպես, Հ.Յ. դաշնակցությունը դեպի հերթական համաժողով էր գնում տագնապալի մտորումներով՝ իբրև արդյունք իր շարքերում ծագած բազում հարցականների: Ընդհանուր ժողովը կկարողանա՞ր հաղթահարել քաղաքական այն խոր ճգնաժամը, որում հայտնվել էր կուսակցությունը, թե՛ այդ ժողովը վերջինն էր լինելու Հ.Յ.Դ. 17-ամյա պայքարի ճանապարհին:

Ա.-Դ. ԲԱՆՎՈՐԱԿԱՆ ՀԱՅ ԿԱԶՄԱԿԵՐՊՈՒԹՅՈՒՆԸ: ԴԵԳԵՐՈՒՄԵՆԻ ՄԻՋԱԶԳԱՅՆԱԿԱՆՈՒԹՅԱՆ ԵՎ ԱԶԳԱՅՆԱԿԱՆՈՒԹՅԱՆ ՄԻՋԵՎ

Ռուսական մեծ հեղափոխությանը նախորդող շրջանում և ընթացքում հայ կուսակցությունների և կազմակերպությունների շարքերում տեղի ունեցած պառակտումների արդյունքներից մեկը ս.-դ. բանվորական հայ կազմակերպության (ՄԻԲՀԿ) ստեղծումն էր:

ՄԻԲՀԿ ԿԱԶՄԱԿԵՐՊԱԿԱՆ ԶԵՎԱՎՈՐՈՒՄԸ

ՄԻԲՀԿ ստեղծման գաղափարն առաջին անգամ հղացել է Եվրոպայում սովորող դաշնակցական ուսանողների շրջանում: Նրանցից մեկը՝ Երվանդ Պալյանը, որ ուսանում էր Ժնևում, հետաքրքրություն տածելով դեպի հրեական ազգային շարժումը, ուսումնասիրել էր նաև հրեական բունդի գաղափարական և կազմակերպական սկզբունքները, որոնք խարսխված էին ավստրիական մարքսիստների կողմից առաջ քաշված տեսաբանական հիմքերի վրա:

1880-ական թվականների կեսերից սկսած՝ ավստրո-հունգարական մարքսիստները, իրենց երկրի օրինակով, հանգամանորեն ուսումնասիրել էին բազմազգ պետություններում ազգային հարցի դրվածքը և մշակել դրա լուծման գանազան տեսություններ:

Ավստրո-մարքսիստները, 1899թ. իրենց կուսակցական համագումարում քննարկելով ազգային հարցը, առաջարկեցին դրա լուծման կուլտուր-ազգային ավտոնոմիայի տեսակետը: Համաձայն այդ տեսակետի, Ավստրո-Հունգարիայի ազգային փոքրամասնությունները, սոցիալիստների հաղթանակից հետո, պետք է կայսրության կազմում ստանային ավտոնոմիա, բայց ոչ թե տերիտորիալ-քաղաքական, այլ՝ կուլտուրական:

Ռուսաստանյան սոցիալ-դեմոկրատները խիստ քննադատության տակ էին առել ազգային հարցի լուծման ավստրո-մարքսիստների կուլտուր-ազգային ավտոնոմիայի տեսությունը՝ այն որակելով որպես պրոլետարիատի ազգային տարբեր հատվածները միմյանցից անջատելուն և բուրժուազիայի ջրաղացին ջուր լցնելուն ուղղված քաղաքականություն:

Ավստրո-մարքսիստների կուլտուրական ավտոնոմիայի տեսությանը և հրեական բունդի պրակտիկ գործունեությանը հետևելով Ե. Պալյանը և Ժնևի

¹ Ավտոնոմիան կոչվում է ազգային, որովհետև ավտոնոմիայի մեջ մտնում են տվյալ ազգի բոլոր անդամները, անկախ նրանց բնակության վայրից՝ տվյալ պետության մեջ: Ազգային ավտոնոմիան անձնային է, էքստերիտորիալ: Մյուս կողմից, այդ ավտոնոմիան կուլտուրական է կոչվում, որովհետև տվյալ պետության մեջ նրա իրավասությանը ենթակա են միայն կուլտուրական գործերը (դպրոց, մամուլ, թանգարաններ և այլն):

¹ «Դրոշակ», N 10 (163), հոկտեմբեր, 1906, էջ 145:
² Նույն տեղում, N 1 (179), հունվար, 1907, էջ 2:

դաշնակցական ուսանողներից Ղազար Տեր-Ղազարյանը (երկուսն էլ նախկին Հնչակյաններ) եկել էին այն Համոզման, որ դրանք կիրառելի են նաև Կովկասի Հայ բանվորության միջավայրում: Նրանք իրենց շուրջն են Համախմբում մի խումբ դաշնակ ուսանողների, որոնց մոտ ձևավորվել էր այն կարծիքը, որ իրենց կուսակցությունը փոխանակ զբաղվի աշխատավորների դասակարգային գիտակցությունը բարձրացնելու խնդիրներով, տարված է բացառապես տաճկահայ դատով, որն իր բնույթով «բուրժուական» է, Հետևապես այդպիսի կուսակցությունը իրավ սոցիալիստների տեղը չէ՝:

Ժնևում դաշնակցական ուսանողների շրջանում տեղի ունեցող քաղաքական խմորումների մասին լուրեր էին հասել Հ.Յ.Գ. ղեկավարությունը: Շուտով պարզվեց, որ դժգոհ ուսանողները որոշել էին թողնել դաշնակցությունը և միանալ սոցիալ-դեմոկրատիային:

«Լուրը բավականին անախորժ էր մեզ համար, - գրել է դաշնակցական նշանավոր գործիչներից մեկը: - Երբ ուսական Համալսարանների Հայ ուսանողներն անցնում էին սոցիալ-դեմոկրատների կողմը, մենք չէինք զարմանում և անհանգստանում: Բայց երբ ժնևի մեր ուսանողները, որոնց վերաբերմամբ մենք այն կարծիքի էինք, թե, գտնվելով դաշնակցության կենտրոնավայրում, իրագրել էին մեր խնդիրն, լքում են մեր շարքերը, այդ արդեն մեզ համար բավականին վհատեցուցիչ էր, մանավանդ որ մեզ համոզող լուրերը չափազանցված էին»¹:

Վտանգը կանխելու համար Հ.Յ.Գ. ղեկավարությունը մեջ միտք է հղանում արագացնել Քրիստափոր Միքայելյանի նախատեսված Հերթական ուղևորությունը Եվրոպա և նրան խնդրել այցելել ժնև ու իր Հեղինակությունը դարձի բերել մտքափոխ ուսանողներին: Միաժամանակ Հ.Յ.Գ. Բաքվի կ.կոմիտեի անդամներ Աբրահամ Գյուլխանդանյանը և Նարիման Տեր-Ղազարյանը նամակ են գրում ժնև՝ Ղազար Տեր-Ղազարյանին, իրենց մտահոգությունները Հայտնելով ուսանողների շրջանում առաջացած Հակադաշնակցական տրամադրությունների առթիվ:

Բայց ոչ Քրիստափորի ժամանումը ժնև և ոչ էլ մյուս միջոցները չօգնեցին, և դաշնակցությունից ուսանողների Հեռացման փաստը տեղի ունեցավ:

Դուրս գալով դաշնակցությունից՝ նրանք Ե. Պալյանի և Ղազար Տեր-Ղազարյանի գլխավորությամբ ստեղծեցին «Հայ սոցիալ-դեմոկրատիա» (ՀՄԴ) անունով խումբը: Իրենց համարելով մարքսիզմի Հետևորդներ՝ խմբի անդամները մտադիր էին ուսումնառությունն ավարտելուց և Կովկաս վերադառնալուց Հետո ստանձնել ցարիզմի և բուրժուազիայի դեմ Հայ բանվորության պայքարի ղեկավարությունը: Ավելին, նրանք մտածում էին ստանձնել նաև աշխարհի բոլոր երկրներում ցրված Հայ պրոլետարիատի դասակարգային

պայքարին ուղղություն տվողի դերը¹:

Շատ չանցած, Հասկեպ կազմվեց խմբի ծրագիրը, որն առանձին գրքույկով լույս տեսավ 1901թ., Ժնևում:

Ծրագրում հայտարարվում էր, թե ամեն ինչից երևում է, որ Կովկասում սպասվող իրադարձությունները Հանգեցնելու են խմբի վերածմանը քաղաքական կազմակերպության: Հայ վարձու աշխատողների թվի արագ մեծացման տենդենցը և դրա հիման վրա նրանց քաղաքական գիտակցության աճը անխուսափելի են դարձնելու ուսաստանյան բանվորական շարժմանը ակտիվ մասնակցելը: Հետևապես, նրանց պայքարին կազմակերպված բնույթ տալու համար անհրաժեշտ է ունենալ մարքսիստական գաղափարներ դավանող, դասակարգային պայքարի տեսությունը առաջնորդող մի քաղաքական կազմակերպություն, որը պետք է Հենվի այն սկզբունքների վրա, որոնք մշակված են «Հայ սոցիալ-դեմոկրատիա» խմբի ծրագրում:

Իր ծրագրում ՀՄԴ-ն Հանդես էր գալիս Հայ ազգային-Հեղափոխական երկու կուսակցությունների՝ Հ.Յ. դաշնակցության և Հնչակի ծրագրերում արտահայտած դրույթների մեծ մասի դեմ: Հատկապես խիստ քննադատության էին ենթարկվել այդ ծրագրերի սոցիալիզմին վերաբերող մասերը: ՀՄԴ-ն զբոսնում էր, որ, ունենալով գիտական, մարքսիստական աշխարհայացք, ինքը երբեք չի կարող հաշտ լինել ոչ Հնչակի և ոչ էլ դաշնակցության կողմից տարվող սոցիալիստական պրոպագանդայի հետ, որն, ըստ էության, ծխածածկոց է, որի հետևում այդ կուսակցությունները վարում են ազգայնական քաղաքականություն ինչպես թուրքահայերի, այնպես էլ ուսահայերի շրջանում: Հատկապես Հնչակը քննադատվում էր այն բանի համար, որ առաջ քաշելով քաղաքական և տնտեսական հարցեր, երբեք Հաշվի չէր առնում, թե դրանք արդյո՞ք համապատասխան են կյանքի առաջադրած պայմաններին, թե՞ միայն սոցիալիստական Փրագներով համեմված լողունգներ են: Մոտավորապես նույն գնահատականին էր արժանանում նաև դաշնակցությունը, մի վերապահությամբ, որ նրա խուբի և գործի միջև եղած տարբերություններն այն աստիճան մեծ չեն, ինչպես Հնչակի մոտ: Ծրագրում նշված էր, որ և՛ մեկը, և՛ մյուսը Հայ իրականության մեջ գերիշխող կուսակցություններ են և, ըստ էության, Հայության շարժիչ ուժերը, բայց չունեն լրջորեն մշակված գիտական տեսություններ ու գաղափարախոսություններ, այդ իսկ պատճառով խարխալում են ամեն քայլափոխի և պարզ պատկերացում չունեն, թե ուր են առաջնորդում ազգը:

ՀՄԴ-ի կողմից արված ծրագրային այս հաստատումների իմաստը խիստ թափանցիկ էր. գիտական գաղափարախոսություն չունեցող կուսակցությունները, մանավանդ նրանք, որոնք հանդես էին գալիս կեղծ-սոցիալիստական դրույթով, իրավունք չունեն հանդգնելու ազգի ղեկավարի դերին: Այդպիսի

¹ «Հայրենիք», N 4 (28), փետրվար, 1925, էջ 110:

¹ Տե՛ս Վ. Ավետիսյան, Ստեփան Շահումյան: Կենսագրական ակնարկ, Հայպետհրատ, Երևան, 1953, էջ 31:

գաղափարախոսութիւնն ունի «Հայ սոցիալ-դեմոկրատիա» խումբը, նա էլ ի վիճակի է ստանձնելու եթե ոչ որչ ազգի, ապա նրա ամենաառաջավոր մասի՝ Հայ բանվոր դասակարգի առաջնորդութիւնը: Ներկայացրած այդ Հայտով ՀՄԻ-ն իրեն էր թողնում Հայ պրոլետարիատի չրջանում գաղափարական աշխատանք կատարելու ասպարեզը և բացառիկ իրավունքը՝:

ՀՄԻ-ն չէր ժխտում առանձին դեպքերում Հայ ազգային-հեղափոխական կուսակցութիւնների Հետ Համագործակցութեան Հնարավորութիւնը՝ համագ-գային խնդիրներ լուծելու համար (օրինակ՝ ազգային մշակույթի բնագավա-ռում, ազգի ինքնապաշտպանութեան կազմակերպման գործում և այլն): Խումբն ընդունելի էր համարում համագործակցութիւնը նաև Հնչակի և Հ.Յ.Դ.-ի Հետ՝ Հայ վարժու աշխատավորների տնտեսական շահերը համատեղ պաշտպանելու համար, միայն պայմանով, որ ՀՄԻ -ն այդ գործակցութեան ընթացքում Հանդես գա Հեգեմոն դերով:

Իր ծրագրային նպատակները պրոպագանդելու և Հայ բանվորութեան վրա ազդեցութիւն տարածելու նպատակով ՀՄԻ խումբը ժնկում հրատարակում է «Սոցիալիստական Հանդես» անունով պարբերականը՝ Որոշ ժամանակ Հետո դարձյալ ժնկում Հնչակյան Գարեգին Կոզիկյանը Երվանդ Պայանի Հետ Հիմ-նադրում է «Բանվոր» թերթը, աստիճանաբար Հարում է ՀՄԻ-ին և դառնում նրա լիդերներից մեկը՝:

«Հայ սոցիալ-դեմոկրատիա» խմբի մի քանի անդամներ, այդ թվում Ե. Պայանը, 1902թ. ավարտելով իրենց ուսումնասիրութիւնը, Շվեյցարիայից վե-րադառնում են Կովկաս: Նրանցից ոմանք Հիմնավորվում են Թիֆլիսում, իսկ մեծ մասը մեկնում է Բաքու՝ աշխատելու:

Բաքու եկած ՀՄԻ անդամները, զրույցներ ունենալով իրենց ծանոթ դաշ-նակցականների Հետ, վերջիններիս համոզում են թողնել նեղ-ազգայնական ուղին, դուրս գալ կուսակցութիւնից և միանալ իրենց:

Այդպես էլ կատարվում է. մի խումբ դաշնակցականներ Հեռանում են կազ-մակերպութիւնից՝ նրա ազգայնական քաղաքականութեան Հետ հաշտ չլինե-լու պատճառաբանութեամբ: Նրանք հիմնականում Հայ իրականութեան Հետ քիչ առնչութիւն ունեցող երիտասարդներ էին, որոնք, ապրած լինելով ուու-սական միջավայրում, Հեռու էին ազգային մշակույթից: Այդ անձինք թեև դարձել էին դաշնակցութեան անդամ, բայց անհաղորդ էին մնացել Հայ ժողո-վրդի ազգային ձգտումներին, նրա պայքարի բուն իմաստին:

* Ազգային-կուլտուրական ավտոնոմիայի տեսութիւնը նախատեսում էր, որ յուրաքանչյուր ազգի բանվոր, երկրի որ մասում էլ ապրելիս լինի, պետք է մտնի իր ազգային սոցիալ-դեմոկրատական կուսակցութեան, արհմիութեան, կոոպերացիայի և այլնի մեջ: Այդ ազգա-յին կուսակցութիւնները բազմազգ պետութեան մեջ պետք է իրար Հետ կապվեն ֆեդերա-տիվ կապով:

¹ Տե՛ս Վ. Ավետիսյան, Ստեփան Շահումյան: Կենսագրական ակնարկ, էջ 31:

² Տե՛ս Վ. Ավետիսյան, Հայկ Աղամյան: Կյանքն ու գործունեութիւնը, «Հայաստան» հրատ., Երևան, 1968, էջ 20 (տողատակ):

«Բագուի դերը մեր ազատագրական շարժման մեջ» երկում Աբրահամ Գյուլխանդանյանը գրել է. «Այդ խմբակը, որ բաժանվեց դաշնակցութիւնից, բաղկացած էր Բագուի մեր ընկերներից կամ համակիրներից: Սա առաջին անգամն էր, որ մի խումբ ընկերներ կտրում էին իրենց կապերը դաշնակցու-թեան Հետ, ճիշտ այն ժամանակ, երբ դաշնակցութիւնը փորձեր էր անում Հիմք դնելու իր կովկասյան աշխատանքներին: ... Հակառակ Հ.Յ.Դ. ղեկավա-րութեան լուրջ մտահոգութիւններին՝ անջատման այդ փաստը մի առանձին աղմուկ չհանեց կուսակցութեան մեջ: Գլխավոր պատճառն այն էր, որ այն ժամանակ կուսակցական ամբողջ կյանքը գաղտնի էր և հրապարակային բը-նույթ չուներ»՝:

Դաշնակցութիւնից Հեռացածները, քիչ բացառութիւններով, Շուշիի ուե-լական դպրոցի նախկին աշակերտներից էին կամ շուշեցիներ՝: Նրանցից էին՝ Ղազար Տեր-Ղազարյանը, քիմիկոս Յուզբաշյանը, բժ. Տ. Իսախանյանը: Բաքվի դաշնակցականներից Հեռացածներին միացան Ալեքսանդր Մատուրյանը (Ալ-Ռուբենի), որոշ ժամանակ անց՝ նաև Նարիման Տեր-Ղազարյանը և մի քանի ուրիշներ: Վերջինիս Հեռանալն այսպես է նկարագրել Ա.Գյուլխանդանյանը. «Բնորոշ էր Նարիմանի Հեռանալը: Մի օր, երբ կ.կոմիտեի նիստն էր, որին անդամ էր, Նարիմանը ներս եկավ, Հանձնեց մի նամակ և Հեռացավ լուռ և անխոս: Դա նրա հրաժարականն էր Հ.Յ.դաշնակցութիւնից: Նամակը կար-դացվեց ժողովում նույնպիսի լուռությամբ և ընկերական ցավով»՝:

Հ.Յ.Դ.-ից Հեռացած փոքրաթիվ խումբը 1903թ. հոկտեմբերին Բաքվում միավորվում է ՀՄԻ մի քանի անդամների Հետ, որի արդյունքում ստեղծվում է մի նոր քաղաքական կազմակերպութիւն՝ «Սոցիալ-դեմոկրատական բանվորա-կան Հայ կազմակերպութիւն» (ՄԻԲՀԿ) անունով: Շուտով «Հայ սոցիալ-դե-մոկրատիա» խումբը ժնկում Հանդես է գալիս պաշտոնական Հայտարարու-թեամբ, թե ինքը ձուլվում է ՄԻԲՀԿ Հետ: Վերջինիս ղեկավարութեան որոշմամբ խումբը վերափոխվում է կազմակերպութեան արտասահմանյան կենտրոնի:

ՄԻԲՀԿ ստեղծման նախօրյակին, երբ դաշնակցականները և ՀՄԻ խմբերը բանակցում էին միավորվելու համար, առաջ էին եկել տարաձայնութիւններ մի կարևոր հարցի շուրջ. նոր կազմակերպութիւնը պե՞տք է լիովին ընդունի միջազգայնականութեան սկզբունքը և բացառապես առաջնորդի գիտական սոցիալիզմի՝ մարքսիզմի ուսմունքով, թե՞ այդ ուսմունքը պետք է հարմարեց-նի Հայկական կյանքի իրավիճակին: Առաջին հարցադրման կողմնակիցը Ե. Պայանն էր, երկրորդինը՝ բանակցութեան մյուս բոլոր մասնակիցները: Տարա-ձայնութիւնները տեղափոխվում են ՄԻԲՀԿ-ից ներս, և Պայանը, շարունա-կելով պնդել իր տեսակետի վրա, բայց ըմբռնում չգտնելով, Հեռանում է

¹ «Հայրենիք», N 4 (28), փետրվար, 1925, էջ 109-110:

² Այդ մասին մանրամասն տե՛ս Մատենադարան, Արշակ Ալպոյանյանի արխիվ, թղթ. 3, փավ. 6¹⁰:

³ «Հայրենիք», N 4(28), փետրվար, 1925, էջ 111:

կազմակերպությունից:

Իր որդեգրած գաղափարները պրոպագանդելու համար ՄԻԲՀԿ-ն 1903թ. Բաքվում հիմնում է «Սոցիալիստ» թերթը, որի առաջին համարը լույս է տեսնում մայիսի 1-ին: Մինչև 4-րդ համարը ներառյալ «Սոցիալիստը» տպագրվում է ընդհատակում¹, բայց, գաղտնի տպարանը հայտնաբերվելուց հետո, տեղափոխվում է Շվեյցարիա² և 1904-1905թթ. շարունակում է լույս տեսնել ժնևում Միքայել Բաղդասարյանի ու Ղազար Տեր-Ղազարյանի խմբագրությամբ և Գարեգին Կոզիկյանի գրաշարություններով: Այստեղ թերթին հիմնականում աշխատակցում էին Շվեյցարիայում ուսումնառության մեջ գտնվող երիտասարդ Հայ սոցիալիստները³:

Կազմակերպության ստեղծումը մեծ արձագանք ունեցավ Հայ մտավորականության շրջանում ինչպես Բաքվում, այնպես էլ Թիֆլիսում, Բաթումում, Շուշիում և Անդրկովկասի այլ Հայաբնակ արդյունաբերական վայրերում⁴:

Բաքվում ՄԻԲՀԿ-ի մեջ մտան հանրությանը Հայտնի գործիչներ Բախչի Իշխանյանը, Ալեքսանդր Մատուրյանը (Ալ. Ռուբենի), Ղազար Տեր-Ղազարյանը, Գարեգին Կոզիկյանը (Եսայեմ), Տիգրան Իսախանյանը, Նարիման Տեր-Ղազարյանը, Միքայել Բաղդասարյանը, Նախկին դաշնակցական, ապա Հնչակյան, Հետո ուսաստանյան սոցիալ-դեմոկրատ Դավիթ Տեր-Դանիելյանը (Անանուն) և ուրիշներ, ինչպես նաև Հեղափոխական պայքարի ուղուն նոր ոտք դրած երիտասարդներ⁵:

ՄԻԲՀԿ ԾՐԱԳԻՐԸ ԵՎ ԳԱՂԱՓԱՐԱՆՈՍՈՒԹՅՈՒՆԸ

Ստեղծման հենց սկզբից ՄԻԲՀԿ-ն ընդդիմադիր դիրք բռնեց ՌՄԴԿ-ի հանդեպ: Վերջինս, իր հերթին, «բանվորական» անուն կրող նորաստեղծ կազմակերպությունը դիտեց որպես Հայ իրականության մեջ իր քաղաքական հակառակորդներից մեկը:

1903թ. հոկտեմբերին ՄԻԲՀԿ-ն Հրատարակեց իր հիմնարար փաստաթուղթը՝ Հռչակագիրը, որն ըստ էության կազմակերպության ծրագիրն էր:

ՄԻԲՀԿ-ն ազդարարում էր, թե ինքը լուրջ տարածայնություններ ունի

¹ Տե՛ս «Զայն», N 4, 22 հոկտեմբերի 1906թ.:

² Տե՛ս նույն տեղում, N 5, 29 հոկտեմբերի 1906թ.:

³ Տե՛ս նույն տեղում:

⁴ Տե՛ս նույն տեղում:

⁵ Դ. Անանունու մասին մանրամասն տե՛ս Արամայիսի (Միսակ Տեր-Դանիելյան)

«Փշրանքներ» վերնագրով անտիպ հուշերը (ՊԿՊԱ, ֆ. 150, ց. 1, գ. 25, թ. թ. 32-35):

Դրանցից մեկն էր, օրինակ, Նոր Նախիվևանի Հայոց թեմական դպրոցն ավարտելուց հետո (1901) Բաքու եկած և քաղաքի Ալեքսանդր III կայսեր անվան ռեալական արական գիմնազիայում սովորող Սարգիս Սրապիտոյանը (Լուկաշին), որը շուրջ երեք տարի ՄԻԲՀԿ շարքերում ակտիվ գործելուց հետո 1906-ին մտավ տեղի բուլճարական կազմակերպության մեջ (տե՛ս Զ. Ն. Կարապետյան, Մեծ պայքարի մարդիկ, գիրք երկրորդ, էջ 11, 12, 13):

ՌՄԴԿ-ի հետ, հատկապես մերժում է այդ կուսակցության կազմակերպական, կառուցվածքային սկզբունքները, քանի որ դրանք դեմոկրատական չեն, այդ իսկ պատճառով չեն համապատասխանում հայության, Հետևապես նաև՝ Հայ պրոլետարիատի ազգային հոգեբանությանը և առանձնահատկություններին: Նորաստեղծ կազմակերպության ղեկավար-գաղափարախոսները քննադատում էին ՌՄԴԿ ծրագրի 9-րդ կետը, որով, ըստ նրանց, այդ կուսակցությունը փաստորեն ժխտում էր ազգերի ինքնորոշման իրավունքը: ՄԻԲՀԿ-ն իրեն էր վերապահում Անդրկովկասի Հայաբնակ վայրերի ազդարարային ծրագիրը մշակելու, տեղական սոցիալ-դեմոկրատական կոմիտեներ ստեղծելու իրավունքը:

Հռչակագրում շեշտված էր, որ Հայ ժողովուրդն ունի կյանքի իր յուրահատուկ, սպեցիֆիկ պայմանները, իր ուրույն պատմությունը, ոչ միայն սոցիալական, այլև ազգային ազատագրության լուրջ խնդիրներ, և որ Հայ պրոլետարիատը չի կարող իրեն անջատ համարել այդ խնդիրներից և լիովին նվիրվել միայն դասակարգային-սոցիալական պայքարին:

ՄԻԲՀԿ-ի անդամներն այնքան ընդգծված ու հաճախ էին խոսում հայության առանձնահատկությունների, Հայ կյանքի սպեցիֆիկ պայմանների մասին, որ բուլճարիները սկսեցին նրանց անվանել «սպեցիֆիկներ»:

ՄԻԲՀԿ-ն իր Հռչակագիր-ծրագրով հայտարարում էր, որ կազմակերպությունն առաջնորդվում է գիտական սոցիալիզմի ուսմունքով: Միաժամանակ Հռչակագիրը հասկացնել էր տալիս, որ այդ ուսմունքը ինքը չի ըմբռնում այնպես, ինչպես ուսուցող-դեմոկրատները, այլ ըմբռնում է այնպես, ինչպես եվրոպական սոցիալ-դեմոկրատական կազմակերպությունները և, հատկապես, գերմանական բանվորական սոցիալիստական կուսակցությունը: Ավելին, «սպեցիֆիկներն» իրենց կազմակերպությունը դիտում էին որպես Հայ իրականության մեջ գերմանական այդ կազմակերպության նմանակը:

Հռչակագիր-ծրագրում ազդարարվում էր, որ ՄԻԲՀԿ-ի նպատակն է «կազմակերպել Հայ բանվորներին Կովկասում, ճանաչել նրանց կարիքները, տալ նրանց այդ կարիքներին համապատասխան պահանջներ և ցույց տալ այն ուղին, որ Հայ պրոլետարիատը պիտի անցնի, որպեսզի կարողանա իրագործել յուր այդ պահանջները»¹:

Կազմակերպությունն իր ծրագրային խնդիրն էր համարում Հայ բանվոր դասակարգի կարիքները լսելի դարձնել հարևան ժողովուրդների աշխատավորական կազմակերպություններին, հատկապես Ռուսաստանի պրոլետարիատի քաղաքական կազմակերպություններին, ձգտել վերջիններիս գործունեության ոլորտի մեջ մտցնել Հայ պրոլետարիատի համար կենսական նշանակություն ունեցող պահանջներ: Իսկ նախքան այդ, Հայ պրոլետարիատը ինքը պիտի կազմակերպվի ու ճանաչի ինքն իրեն, խորապես ըմբռնի իր կարիքներն ու

¹ ՀՀ ՀՔԿՓԿՊԱ, ֆ. 1022, ց. 7, գ. 44, թ. 1:

պահանջները, նաև՝ այդ պահանջների բավարարմանը հասնելու ուղիներն ու գործելու մեթոդները: Միայն պայքարի նպատակների խոր գիտակցումը հայ պրոլետարիատին կմղի դեպի միջազգային պրոլետարիատի բազմաձև մեծ ընտանիքի շարքերը:

ՄԻԲՀԿ-ի կազմակերպական սկզբունքների լուսաբանման տեսակետից կարևոր փաստաթուղթ է կազմակերպության կանոնադրությունը¹:

Այս փաստաթղթով ՄԻԲՀԿ-ն կրկին հայտարարում էր, որ ինքը հայ պրոլետարիատի շահերի միակ արտահայտիչն է և գործում է ինքնուրույն: Կանոնադրության մեջ արձանագրված է, որ ՄԻԲՀԿ բարձրագույն մարմինը կազմակերպության համագումարն է, որը հրավիրվում է տարեկան մեկ անգամ: Պատգամավորների թիվը որոշում է կենտկոմը, նրան նաև իրավունք է վերապահվում վճռական ձայնի իրավունքով համագումար ուղարկել երկու ներկայացուցիչ և մեկ ներկայացուցիչ՝ կենտրոնական օրգանի խմբագրությունից: Կազմակերպության արտասահմանյան ներկայացուցչությունը համագումարին ուղարկում է մեկ հոգու՝ խորհրդակցական ձայնի իրավունքով: Համագումարն օրինական է համարվում, երբ նրան մասնակցում է տեղական կոմիտեների 50%-ից ավելին:

Կազմակերպության բարձրագույն գործադիր մարմինը կենտկոմն է, որի կազմի մեջ մտնում են նրա անդամները և թեկնածուները: Կենտկոմը իրականացնում է կազմակերպության ղեկավարությունը համագումարից համագումար ընկած ժամանակաշրջանում: Նա կազմում է տարբեր հիմնարկներ, հատկապես այնպիսիները, որոնք ունեն ընդհանուր կուսակցական նշանակություն: Տեղական կոմիտեներին կենտկոմը տալիս է միջոցներ, լուծում է դրանց ներքին վեճերը: Կենտկոմի որոշումները պարտադիր են կողմերի համար, նա հետևում է կազմակերպության ծրագրի ու կանոնագրի հետևողական կիրառմանը, հաշվետվություն է տալիս համագումարին, կազմում է օրակարգը, անհրաժեշտության դեպքում համագումարների միջև ընկած ժամանակահատվածում հրավիրում է կոնֆերանսներ: ՄԻԲՀԿ-ն ունի իր կենտրոնական օրգանը, որի խմբագրական կազմը ընտրվում է կենտկոմի կողմից: Իր ներքին գործերում խմբագրական կազմն ինքնուրույն է²: Կենտկոմին է վերապահված սոցիալ-դեմոկրատական և մյուս կուսակցությունների հետ հարաբերությունների մեջ մտնելը: Նրա խնդիրներից է՝ հասնել այն բանին, որպեսզի ՌՄԻԲԿ-ի հայ իրականության մեջ գործող կուսակցությունների հետ հարաբերվելը կատարվի միայն ՄԻԲՀԿ-ի միջոցով: Կենտկոմին իրավունք էր վերապահված միջազգային կոնգրեսներում ունենալ իր ներկայացուցչությունները՝ ՄԻԲՀԿ-ի անունով: Կազմակերպությունը ձգտում է այն բանին, որպեսզի միջազգային խորհրդաժողովներում ինքը մասնակցություն ունենա մյուս հայ կուսակցու-

թյունների հետ հավասար իրավունքներով:

Կազմակերպության մյուս մարմինները ընտրվում են դեմոկրատական ճանապարհով և հաստատվում կենտրոնական կոմիտեի կողմից: Տեղական խմբերը իրենց գործերը վարում են ինքնուրույն՝ առանց վերևի ցուցմունքներին սպասելու, բանվորների շրջանում մղում են գրավոր և բանավոր ագիտացիա ու պրոպագանդա և նրանց առաջնորդում տնտեսական ու քաղաքական պայքարի: Յուրաքանչյուր օղակ պարտավոր է ամիսը մեկ հաշվետվություն ներկայացնել իրենից բարձր կանգնած մարմնին: Խմբերին թույլատրվում է հարցերը լուծել պարզ մեծամասնությամբ, իսկ առանձին դեպքերում, եթե հարցը վերաբերում է վերադաս մարմիններին անվստահություն հայտնելուն, անհրաժեշտ է քվեարկողների ձայների 2/3-ը:

Հուլիսագիր-ծրագրի բովանդակությունը ոչ մի կասկած չէր թողնում, որ ՄԻԲՀ կազմակերպության գործունեությունը հանդիպելու է սոցիալ-դեմոկրատների բուռն դիմադրությանը:

1903թ. N 51-ում լենինյան “Ասքրա” թերթը առաջին անգամ ընդարձակ հորվածով հանդես եկավ սոց.-դեմ. հայ կազմակերպության դեմ: «Մեր տակտիկայի և կազմակերպության մի քանի հարցերը» վերնագրով հորվածի հեղինակը Բոգդան Կոնյանցն էր, որը ՌՄԻԲԿ կովկասյան կազմակերպությունների օրինակով ցույց էր տալիս ինտերնացիոնալ կազմակերպությունների գործունեության արդունավետությունը ազգային կազմակերպությունների նկատմամբ: «Միայն կազմակերպվելով միասնական, առանց ազգերի խտրությունների, լիովին ինքնուրույն կուսակցություն մեջ, - շեշտում էր Կոնյանցը, - Ռուսաստանի պրոլետարիատը կարող է կազմել այն գործը քաղաքական ուժը, որը ընդունակ է դառնալ երկրի բոլոր հեղափոխական ուժերի իսկապես ավանգարդը և ջարդուհիշուր անել ինքնակալությունը մինչև վերջ»:

Ի տարբերություն բուլեիկների՝ ՄԻԲՀԿ-ի ստեղծումը ողջունեց հրեական բուլդը՝ հայկական նորաստեղծ կազմակերպությանը համարելով իր գաղափարակիրը: Նրա ղեկավարությունը, որի կենտրոնը գտնվում էր Ժնևում, բարձր գնահատեց ՄԻԲՀԿ ծրագիրն ու կանոնադրությունը (քանի որ դրանցում համարյա նույնությամբ կրկնված էին բուլդի սկզբունքները), պաշտոնաթերթի քաղաքական ուղղվածությունը: Պատահական չէ, որ «Սոցիալիստը» լույս էր տեսնում բուլդի կենտրոնի ֆինանսական միջոցներով, և այդ խնդրով անմիջականորեն զբաղվում էին կենտրոնի ղեկավար գործիչներից Կրամերը և Մեդեմը¹: Պատահական չէ նաև, որ 1904թ. սկսած՝ “Вестник Буха” թերթը հաճախակի անդրադառնում էր ՄԻԲՀԿ-ի գործունեությանը:

Իր հերթին ՄԻԲՀԿ-ն բուլդին համարում էր առողջ մտածող ինտելեկտուալների կազմակերպություն և գտնում էր, որ Ռուսաստանի հեղափոխական

¹ ՀՀ ՀԲԿՓԿԳԱ, ֆ. 1022, ց. 7, գ. 20, թ. 45-47:

² Նույն տեղում, թ. 5-7:

¹ Տե՛ս Մատենադարան, Արշակ Ալպոյաճյանի արխիվ, Թղթ. 3, վավ. 6¹⁶:

չարժման մեջ նրան պետք է հատկացվի «ամենագովելի դերը»¹: ՌՄԻԲԿ V համագումարի նախօրյակին ՄԻԲՀԿ-ի օրգան «Ձայն» շաբաթաթերթը իր առաջնորդողում ջերմորեն ողջունում էր բուենդի մասնակցությունը համագումարի աշխատանքներին, հաստատ համոզմունք հայտնելով, որ նա այնտեղ հետևողականորեն կարտահայտի և կպաշտպանի հայաժվող հրեա ժողովրդի շահերը²:

ՄԻԲՀԿ-ն չէր թաքցնում, որ ինքը շատ բան ունի սովորելու հրեաների քաղաքական կազմակերպությունից և իր հնարավորությունների սահմաններում աջակցելու է նրան: ՄԻԲՀԿ ակտիվ գործիչներից մեկը՝ Ռոբերտ Բաղդասյանը, որպես իր կազմակերպության ներկայացուցիչ, մասնակցեց բուենդի 1906թ. օգոստոսին տեղի ունեցած 7-րդ համագումարին՝ բերելով իր կազմակերպության ողջունը³: Ըստ որում, բուենդի համագումարին պաշտոնապես ներկա էին եղել երեք կուսակցությունների ներկայացուցիչներ՝ ՌՄԻԲԿ-ից երկու հոգի, լատիշական ս.-դ.-ից՝ մեկ, ս.-դ.-բ. հայ կազմակերպությունից՝ մեկ⁴: Բուենդի համագումարից հետո նրա ընդունած բոլոր բանաձևերը տպագրվեցին «Ձայն» թերթում, իսկ ՌՄԻԲԿ հետ միավորվելու պայմանների մասին բանաձևը լիովին հավանության արժանացավ ՄԻԲՀԿ-ի ղեկավարության կողմից⁵:

Հրեական բուենդի և ՄԻԲՀԿ-ի միջև ստեղծվող բարեկամական հարաբերությունների ամրապնդմանն ուղղված գործոնը կուլտուր-ազգային ավտոնոմիայի գաղափարի նկատմամբ նրանց միատեսակ վերաբերմունքն էր:

ՄԻԲՀԿ ղեկավար գործիչներից Դավիթ Անանունն իր «Ազգային հարցը և դեմոկրատիան» աշխատության մեջ գրում էր. «Ազգերն ապրում են ոչ թե սահմանազժված իրարից, այլ խառնիխուռն, միևնույն վայրի վրա և միևնույն քաղաքական ուժի մի տակ: Այդ ազգերն էլ իրարու են եկել և իրարու խառնվել ոչ թե հոժարությամբ, այլ շատ հաճախ ստիպողական ուժի զորությամբ: Այսպիսի պայմաններում հրապարակ եկած պետական մարմինների շրջանակներում տարբեր նկարագիր ունեցող ազգությունները ակամայից բախվում են իրար հետ: Նրանք կարող են չմերժել հանուր պետական կազմը, միշտ էլ ձգտել մնալու միևնույն պետության անդամներ, բայց տարբերվել իրենց քաղաքականությունով»⁶:

ՄԻԲՀԿ տեսաբանները գտնում էին, որ նման պայմաններում, եթե անկարելի է, որ ամեն ազգ ինքնուրույն տնօրինի իր հասարակական-քաղաքական կյանքը, հարկավոր է փրկել գոնե այն, ինչ կարելի է: Եթե չկա ազգային տերիտորիա, բայց կա ազգային լեզու, ազգային կուլտուրա, ուրեմն, ամեն ինչ դեռ

կորած չէ: «Ամենագլխավորը դրանց մեջ - նշում էր Անանունը, - լեզուն է՝ այդ գարմանալի և հրաշալի գործիքը, որ բավական է մարդկային ցեղի այս կամ այն հատվածին ուրույն ազգությունից դրոշմը շնորհելու համար»¹: Նա ասում էր, որ ազգային դեմքի բնորոշման համար գոյություն ունեն նաև մի շարք այլ հատկանիշներ, օրինակ՝ ըմբռնելու և արտահայտելու պատկերավոր դրսևորումներ, տարբեր սովորություններ և ավանդույթներ, համակրանք ու հակակրանք արտահայտելու ձևեր և այլն: Ամեն տեղ, ուր կողք կողքի միևնույն պետության սահմաններում ապրում են մի քանի ազգություններ, ամեն մի ազգություն պետք է ավտոնոմ լինի ազգային-կուլտուրական գործերում: Շահատագրի բերումով, արտաքին բիրտ ուժերի հարվածների տակ, նշում էր Անանունը, հայերը հարկադրված ցրվել են տարբեր տարածքների վրա, որի պատճառով նրանք այսօր մեծամասնություն են կազմում Անդրկովկասի միայն չորս՝ Ախալքալաքի, Էջմիածնի, Ալեքսանդրապոլի և Նոր Բայազետի գավառներում: Այդ իսկ պատճառով հայկական տերիտորիալ ավտոնոմիա կազմելը ձեռնառու չէ, քանի որ տնտեսական առաջադիմություն ապահովելու տեսակետից այդ վայրերը չունեն անհրաժեշտ պայմաններ: Ուրեմն ի՞նչ անել, որպեսզի, պահպանելով ազգությունը, միաժամանակ չզրկվենք անդրկովկասյան երկրամասի բարիքներից: Ինչպե՞ս անել, որ չսահմանափակվի հայերի բնակության վայրը, միաժամանակ նրա գանազան հատվածների միջև չխզվի ազգային կապը: Դ. Անանունը այդ հարցերին այսպես էր պատասխանում. «Ազգային միաբանության հիմք պիտի ընդունել ոչ թե տերիտորիայի սկզբունքը, այլ ազգային պատկանելության գիտակցությունը»²: Հետևապես, միևնույն պետության սահմաններում, ուր ամեն տեղ կողք կողքի ապրում են մի քանի ազգություններ, նրանցից յուրաքանչյուրը ազգային-կուլտուրական գործերում պետք է լինի ավտոնոմ: Մանավանդ Անդրկովկասի հայության փրկությունը, նրան հայեցի պահելու միակ միջոցը կուլտուր-ազգային ավտոնոմիան է: Դա հնարավորություն կտա ազգի էքստերիտորիալ խմբավորումներն ամուր կապել ազգային մշակույթին ու լեզվին, նրանց տալ ազգային-հոգեկան անունը, դրանով իսկ արգելակել նրանց ուժացման ու անհետացման սկսված պրոցեսը:

Ըստ նրա, այդպիսի ազգային միությունը նման կլինի եկեղեցու կազմակերպությանը, ուր նա կլինի էքստերիտորիալ և անձնային: «Ազգային կուլտուրական ավտոնոմիան, - ասում է նա, - այն հաջող համադրմանն է, որ լուծում է նաև ազգային փոքրամասնության պահանջների հարցը և վերջ է տալիս այն իրավացի տրտունջին, թե մեծամասնությունը կամա թե ակամա ճնշում է նրա ազգայնությունը»³:

¹ «Ձայն», N 13, 6 մայիսի 1907թ., էջ 416:

² Նույն տեղում:

³ ՀՀ ՀՔԿՓԿՊԱ, 4041, ց.1, գ.23, թ.թ.1-7:

⁴ Տե՛ս «Ձայն», N 2, 8 հոկտեմբերի 1906թ.:

⁵ Նույն տեղում:

⁶ «Նոր հոսանք» (Թիֆլիս), N 1, 1913, էջ 143:

¹ «Նոր հոսանք» (Թիֆլիս), N 1, 1913, էջ 143:

² Նույն տեղում, N 2, 1913, էջ 365:

³ Նույն տեղում, էջ 367:

ՄԻԲՀԿ-ի ղեկավարությունն առանձնակի ուշադրություն էր դարձնում իր գաղափարների և նպատակների բանավոր ու գրավոր պրոպագանդանը: Պրոպագանդիստական խմբերը մեկնում էին բանվորական շրջաններ, կազմակերպում կարճատև դասընթացներ, գրույցներ, ժողովներ: Կարևոր իրադարձությունների առիթներով տպագրվում էին կոչեր, ցրվում էին թուղցիկներ, մարտաշունչ Հորվածներով Հանդես էին գալիս կազմակերպության մամուլի օրգանները:

Պետք է նկատել, որ ՄԻԲՀԿ-ի ամենակտիվ գործունեության ժամանակաշրջանը 1903-1908 թվականներն էին, և Հենց այդ տարիներին էլ մեծ զարգացում ստացավ կազմակերպության մամուլը:

1906թ. մարտից Թիֆլիսում սկսեց լույս տեսնել «Կեանք» շաբաթաթերթը՝ Բախչի Իշխանյանի խմբագրությամբ: Թերթի ճակատին սոցիալ-դեմոկրատիայի նշանաբանն էր՝ «Պրոլետարներ բոլոր երկրների, միացե՛ք», իսկ վերնագրի տակ՝ «Սոցիալ-դեմոկրատական բանվորական Հայ կազմակերպության օրգան» Հաստատագրումն էր:

Անդրանիկ Համարի «Մեր խոսքը» վերնագրով առաջնորդողը ազդարարում էր, որ թերթի աշխարհայացքի անսասան հիմքը մարքսիզմն է: Նշվում էր, որ իր էջերում «Կեանքը» պարբերաբար լուսաբանելու է գիտական սոցիալիզմի տեսության հիմնական սկզբունքները, ցույց է տալու սոցիալիստական հեղափոխության Հաղթանակի անխուսափելիությունը, անդասակարգ Հասարակարգի Հաստատման բնական անհրաժեշտությունը: Իրեն բնորոշելով որպես մարքսիստական դեմոկրատական օրգան՝ «Կեանքը» գրում էր, թե ինքը ստանձնել է Հազվագյուտ պարտականություն և խիստ ծանր դեր, այն է՝ «Հայ պրոլետարիատին կրթել ու դաստիարակել սոցիալիզմի դպրոցի մեջ»¹: Թերթը տպագրում էր ինքնուրույն և թարգմանական գործեր, արտասահմանյան թրդթակցություններ և լուրեր, մարքսիստական տեսական Հոդվածներ, Հանդես էր գալիս ցարիզմի և կապիտալիզմի դեմ անդիլում պայքար մղելու կոչերով: Բայց որ Հատկապես բնորոշ էր ՄԻԲՀԿ-ի օրգանին, մշտապես զարգացնում էր այն միտքը, որ Հայ բանվորների տեղն ինքնուրույն բանվորական սոցիալ-դեմոկրատական Հայ կազմակերպությունն է, այլ ոչ թե ռուսական սոցիալ-դեմոկրատական կուսակցությունը: «Կեանքում» մշտապես Հորվածներով Հանդես էին գալիս Բ. Իշխանյանը, Ալ. Ռուբենին (Մատուրյան), Կ. Միքայելյանը, Գ. Պիճիկյանը, Գ. Կոզիկյանը (Եսալեմ) և այլ ակտիվ գործիչներ:

«Կեանքի» 1906թ. N 13-ում Ալ. Ռուբենին տպագրել էր «Սոցիալ-դեմոկրատիայի կազմակերպական սխտեմը» Հոդվածը, ուր խտացված արտահայտություն էին գտել կազմակերպության կառուցվածքի մասին իր և իր կուսակից-գաղափարակիցների Հայացքները:

Հոդվածագիրը անառարկելի իրողություն էր Համարում, որ ազգային

սոցիալ-դեմոկրատական կազմակերպությունների կազմակերպչական սխտեմը գնալով բացահայտում է իր ակնհայտ առավելությունները, որ այն «այսօր Հետզհետե գրավում է իր կենսունակությամբ բոլոր մտածող տարրերի ուշադրությունը, որոնք զգում են Հետզհետե, այսպես կոչված, «Ռուս. սոց.-դեմ. բանվորական կուսակցության կազմակերպական բուտինայի անախրոնիզմը»²:

Ալ. Ռուբենին խորապես Համոզված էր, որ «Բնական կերպով ամեն մի ազգության սոցիալ-դեմոկրատիան ավելի ձեռնհաս է կազմակերպելու իր ազգության պրոլետարիատը: Կազմակերպել պրոլետարիատ՝ կնշանակե դարձնել նրան մի Հայտնի սխտեմով միացած, որոշ ծրագրով, տակտիկայով և կարգապահությամբ կոպող ուժ այն բոլորի դեմ, ինչի դեմ կանգնած է պրոլետարիատը: ... Այդ կոպի Համար անհրաժեշտ են իր (պրոլետարիատի : - Հ.Ա.) Հասկանալի լեզվով գրված գրականություն, առանձին ագիտացիա ու առհասարակ [առանձին] գործունեություն»: Բայց թե՛ կոպիլը և թե՛ ագիտացիան չեն կարող Հաջողության Հասնել, եթե պրոլետարիատը կազմակերպված չէ իբրև ուրույն ուժ: Իսկ ուրույն ուժ նա կարող է ներկայացնել միայն այն դեպքում, երբ նա ինքնավար է իր ներքին գործերում, երբ նա ունի իր տեղական ու կենտրոնական մարմինները, իր ներկայացուցչությունը կուսակցության Համագումարում և կուսակցության կենտրոնական կոմիտեում»³:

Ալ. Ռուբենին այնուհետև գրում էր, որ որքան ուժեղ լինի ազգային ս.-դ. կազմակերպությունը, «Նույնքան ավելի մեծ թվով բանվորներ կարող է կազմակերպել. ամեն մի կազմակերպության ուժը մի ազգության մեջ, ամբողջ կուսակցության ուժն է նշանակում մի պետության մեջ: Եվ այդ կազմակերպությունների միությունը, կենտրոնացումը կտա պետության այն ուժեղ կուսակցությունը՝ միևնույն ծրագրով և միևնույն տակտիկայով բոլոր ազգային կազմակերպությունների Համար (մի և անբաժան կուսակցության միակ գրավականը), որ Հզոր Հարվածներով կխորտակի ինքնակալական բուրժուական կարգերը և մասնավոր սեփականությունը կփոխարինի կոլեկտիվ սեփականությունը»⁴:

1906-1907թթ. Թիֆլիսում տպագրվում էր «Կեանքի» անմիջական շարունակությունը Հանդիսացող «Ձայն» շաբաթաթերթը: Բայց քանի որ կազմակերպության կենտրոնը Բաքուն էր, այդտեղ էլ շարունակեցին լույս տեսնել

¹ «Կեանք» (Թիֆլիս), N 13, 10 Հունիսի 1906թ.:

² Նույն տեղում:

³ Նույն տեղում: Ալ. Ռուբենու այս մտքերը լիակատար Հաստատում գտան ՄԻԲՀԿ 1906թ. Հունիսին տեղի ունեցած կոնֆերանսի քանակում, ուր Հաստատագրվել էր, որ կազմակերպությունը «Հայ պրոլետարիատի դասակարգային-քաղաքական միակ և ուրույն ներկայացուցիչն է» (կոնֆերանսի ընդունած քանակները տե՛ս «Կեանք», N 15, 24 Հունիսի 1906թ.: Կոնֆերանսի որոշ նյութեր տե՛ս ՀՀ ՀՔԿՓԿՊԱ., ֆ. 4041, ց.1, գ.25, թ.1):

¹ «Կեանք» (Թիֆլիս), N 1, 18 մարտի 1906թ.:

նրա նոր պարբերականները՝ 1907-ին՝ «Բանվոր» թերթը, 1908-ին՝ «Գործ» երկշաբաթաթերթը՝:

**ՄԵԾ ԲԱՐՊՈՒԹՅՈՒՆՆԵՐ ՄԻՐՉԿ-Ի ԵՎ
ՀԱՅ ԲՈՒՇԵՎԻԿՆԵՐԻ ՄԻՋԵՎ**

ՄԻՐՉԿ-ն անհաշտ հակառակության մեջ էր ՌՄԻՐԿ կովկասյան միութենական կոմիտեի և, հատկապես, Հայ բոլշևիկների հետ:

Հակասությունների հիմնական պատճառները բխում էին թե՛ երկու կողմերի գաղափարական տարբերություններից և թե՛ տակտիկական-պրակտիկ խընդիրներից:

Որո՞նք էին այն հիմնական պատճառները, որոնք ՄԻՐՉԿ-ն բաժանում էին ՌՄԻՐԿ-ից:

«Ապեցիֆիկ»-բոլշևիկ հակասությունները սուր բնույթ ստացան մարքսիստական տեսության հարցերին տարբեր մոտեցումներ ունենալու պատճառով: Հատ որում, տեսարանական քննարկումների ու բանավեճերի ժամանակ առավել ակտիվ, հարձակվող կողմը «Ապեցիֆիկներն» էին և, առաջին հերթին, նրանց առավել ճանաչված ղեկավարներից Բախչի Իշխանյանը:

Այն օրերին բոլշևիկների հետ Բախչի Իշխանյանի կողմից սկսված բանավեճերի կենտրոնում մնում էր ազգային պրոլետարիատի խնդիրների ու դերի մասին հրատապ թեման: Այդ տեսակետից չափազանց բնորոշ էր նրա հոդվածներից մեկում ձևակերպված հետևյալ միտքը.

«Պրոլետարական ամեն մի հատված-նոյնը և ուսանալ պրոլետարիատը - վարում է իր քաղաքական կոիվը ծրագրային նվազագույն (մինիմալ) սահմանում և ձգտում դասակարգային ազատագրության միայն և բացառապես այն միջավայրում, այն պետական տերիտորիայում, ազգային կյանքի շրջանակում, ուր ծնունդ է առել նա որպես տնտեսական կատեգորիա, ուր շերտավորվել է նա՝ որպես սոցիալական դասակարգ, ուր կազմակերպվել է նա՝ որպես քաղաքական ֆակտոր (գործոն): Ուրեմն այդտեղ է միայն, ուր նա որոնում է իր դասակարգային կոլի ու ազատագրության գերագույն շահագրգռությունը: Մի այլ տեղ, մի այլ նպատակի համար չունի նա նման կամ պակաս դասակարգային շահագրգռություն՝ իրական ուժեր սպառելու, «գործնական քայլեր» անելու»¹:

1906 թ. «Մուրճ» ամսագրում Բ. Իշխանյանը լույս ընծայեց «Տնտեսական

¹ Հետագա տարիներին նույնպես, մինչև առաջին համաշխարհային պատերազմը, ՄԻՐՉԿ-ն ունեցել է այլ հրատարակություններ ևս. 1911-1912թթ.՝ «Նոր կեանք» երկշաբաթաթերթը, 1911թ.՝ «Կոչ» շաբաթաթերթը: 1912թ. լույս է տեսել «Մեր ուղին» ժողովածուն, 1912-1913թթ. Մոսկվայում հրատարակվել է «Գարուն» գրական-գեղարվեստական ամսանախը, 1917թ. փետրվարյան հեղափոխությունից հետո վերահրատարակվել է «Բանվոր» թերթը:

² «Անկախ մամուլ» (Թիֆլիս), N 24, 28 փետրվարի 1907թ.:

զարգացման ֆազերը» հոդվածաշարը¹, որը, որոշ ժամանակ անց, տպագրվեց առանձին գրքույկով:

Հեղինակն այն միտքն էր զարգացնում, որ իրենց նորաստեղծ ս.-դ. կուսակցության գաղափարախոսությունն առողջ է ու կայուն, քանզի նրա հիմքը ոչ թե վերացական ու անորոշ «մարդկային հասարակությունն» է, այլ կոնկրետ ու որոշակի հայ ազգը, ավելի ստույգ՝ արդեն ձևավորված և զարգացող հայ բանվոր դասակարգը:

Սակայն ուսումնասիրության զլխավոր թեման, այնուամենայնիվ, մարդկային հասարակության տնտեսական զարգացման ֆազերն են: Հենց սկզբից Բ. Իշխանյանը ընթերցողին տեղեկացնում էր, թե այդ խնդիրը վերլուծելիս ու քննելիս՝ ինքը ղեկավարվել է գերմանացի ֆիզիոլոգ պրոֆ. Կարլ Բյուխների տեսությամբ, որը շարադրվել է Լայպցիգի համալսարանում նրա կարդացած դասախոսությունների ընթացքում, միաժամանակ ավելացնում էր, որ իր համոզմամբ՝ դա «ամենահայտնին ու ամենատարածվածը» և նաև «ամենաճշգրիտն է» խնդրո առարկային վերաբերվող «մինչ օրս եղած տեսությունների մեջ»:

Հատ պրոֆ. Բյուխների՝ հասարակական առաջընթացի հիմքում ընկած է ոչ թե արտադրողական ուժերի ու արտադրահարաբերությունների, այլ լայն առումով՝ մշակույթի զարգացումը:

Բ. Իշխանյանի «Տնտեսական զարգացման ֆազերը» ուժգին քննադատության ենթարկվեց բոլշևիկների կողմից: Հնչակյան շարքերից հեռացած և կարճ ժամանակում բոլշևիկյան շարքերում բազմակողմանի զարգացած տեսաբանի համբավ ձեռք բերած Սարգիս Կասյանը մենչևիկյան ուղղության «Հոսանք» թերթում 1906թ. նոյեմբեր-դեկտեմբեր ամիսներին լույս ընծայեց «Գողություն, տգիտություն և սահառության արդյունք (ազատ ժամերի զբաղմունք պ. Բ. Իշխանյանի «Տնտեսական զարգացման ֆազերը» բրոյուրով)» հոդվածաշարը²:

Կասյանը գրում էր, որ թեև Բ. Իշխանյանն ամեն կերպ փորձում է մարքսիստ երևալ, բայց, ըստ էության, ոչինչ չի հասկացել գիտական սոցիալիզմի ուսմունքից, և դա է պատճառը, որ նրա «Տնտեսական զարգացման ֆազերը» «չ այլ ինչ է, քան «թերուս մտքի վիժվածք»: Հոդվածագիրը հարց էր տալիս. մի՞թե որևէ մեկը կարող է իրեն մարքսիստ համարել, եթե հանդես է գալիս բազմազգ պրոլետարական մասսաներին համատեղ պայքարի տանելու գաղափարի դեմ, եթե հայ բանվոր դասակարգի շահերը համարում է «առանձնահատուկ», փորձելով նրան դուրս բերել պրոլետարիատի միասնական շարքերից և խցկել ազգային նեղ պատյանի մեջ, այսինքն՝ անել այն, ինչ անում են բուր-

¹ Տե՛ս «Մուրճ», NN 9, 10, 11, 12, 1906թ.:

² Տե՛ս «Հոսանք», N N 4, 5, 6, 7, 8, 10 (նոյեմբերի 26, 28, 29, 30, դեկտեմբերի 1-5), 1906թ.: Իր հոդվածը Ս. Կասյանը ստիպված հրատարակեց «Հոսանք»-ում, քանի որ այդ ամիսներին բոլշևիկները չունեին գործադիր օրգան:

ժուռական թունդ ազգայնականները:

Այնուհետև Ս. Կասյանը խիստ քննադատութեան էր ենթարկում Հասարակական զարգացման փուլերի մասին Բ. Իշխանյանի «վուլգար ըմբռնումները»: Նա նշում էր, որ վերջինս չի հասկացել նույնիսկ Կ. Բյուրնեբերին և նրա տեսութիւնը Հայ ընթերցողին է ներկայացրել աղավաղված, աղճատված:

Ս. Կասյանի Հոդվածը մեծ աղմուկ հանեց «սպեցիֆիկներին» շրջանում: Բ. Իշխանյանը «Ձայն» թերթում հանդես եկավ պատասխան հոդվածով, որին հետևեց բոլշևիկ տեսաբանի նոր հոդվածը՝ «Թերուսը գրական ասպարեզում և գիտութեան մեջ» վերնագրով, որը լույս տեսավ դաշնակցական «Վտակ» (Թիֆլիս) թերթում:

Երկրորդ Հոդվածում Ս. Կասյանը, Բ. Իշխանյանին մեղադրելով գրագողութեան մեջ, կրկնում է իր նախորդ Հոդվածի եզրակացութիւնը, թե նա մարքսիստ չէ, չի հասկացել այդ ուսմունքի էութիւնը, հատկապես նրա փիլիսոփայութիւնը՝ դիալեկտիկական և մատերիալիզմը: Հասարակական պրոցեսների վուլգար ըմբռնումները, գրում էր Կասյանը, և մարքսիստական փիլիսոփայութեան էութիւնը չհասկանալը «սպեցիֆիկներին» ղեկավարին նետել են իդեալիզմի և պոզիտիվիզմի գիրկը:

Իր այս երկու ընդարձակ Հոդվածները Ս. Կասյանը խարսխել էր Կ. Մարքսի «Փիլիսոփայութեան աղբատութիւնը», «Քաղաքատնտեսութեան քննադատութեան շուրջ», «Վարձու աշխատանք և կապիտալ», Ֆ. Էնգելսի «Անտի-Պյուրիզմ» և մարքսիզմի դասականների այլ աշխատութիւնների վրա:

Փաղափարական հակադրութիւնները ցայտուն դրսևորումներ ունեցան նաև ազգային-կուլտուրական ավտոնոմիայի տեսութեան հարցում:

Ռուսաստանյան սոցիալ-դեմոկրատները (հատկապես բոլշևիկները) գրտ-

* Ս. Կասյանի այս Հոդվածի տպագրութիւնը էլ ավելի մեծ դժվարութիւնների հանդիպեց: Անդրկովկասում բոլշևիկյան որևէ օրգանի բացակայութեան պատճառով նա իր գրվածքը ներկայացրեց 1907թ. սեպտեմբերից Թիֆլիսում հրատարակվող մենշևիկյան «Շափդին», որը, սակայն, լույս չտեսավ թերթի փակման պատճառով: Դրանից հետո, Հոդվածը գրելուց յոթ ամիս անց, Կասյանն այն տպագրութեան հանձնեց «Վտակ» թերթին (տե՛ս «Վտակ», N 62, 63, 64, 65, 66, 67, 68, 69, 70, 19-28 մարտի 1908թ.): Թե ինչու էր բոլշևիկ տեսաբանը ստիպված իր Հոդվածը տպագրել դաշնակցութեան օրգանում, տվել է ինքը՝ հեղինակը, տողատակում գրելով. «Տակավին շարունակել սպասել՝ այլևս անկարելի է, և մենք որոշում ենք դիմել գոյութիւն ունեցող թերթերից ձայնակողմանին»՝ «Վտակին», որի խմբագրութիւնը ահա հնարավորութիւն է տալիս մեզ արտահայտվելու» (տե՛ս «Վտակ», N 62): Կասյանի տողատակի բացատրութիւնից անմիջապէս հետո թերթի խմբագրութիւնը տպագրել էր հետևյալը. «Տեղ ենք տալիս պ. Ս. Կասյանի Հոդվածներին (նկատի ունենք Հոդվածաշարը: - Հ. Ա.)՝ թողնելով ամբողջ պատասխանատվութիւնը հեղինակի վրա: Գրո՞ք. Հ. Ն. Կարապետյանը ճիշտ է դիտարկել, թե Ս. Կասյանը առաջիններից մեկն էր, որ Հայ ընթերցողներին ծանոթացրեց մարքսիզմի հիմնադիրներին մի շարք երկերին: Այն ժամանակ դրանք դեռ Հայերին թարգմանված չէին, ուստի Կասյանը կարողում էր գերմաներեն բնագրով և քաղվածքներ կատարում իր թարգմանութեամբ: (Տե՛ս Հ. Ն. Կարապետյան, Մեծ պայքարի մարդիկ, գիրք առաջին, Հայպետհրատ, Երևան, 1963, էջ 50): Բ. Իշխանյան - Ս. Կասյան բանավեճի առավել մանրամասն շարադրանքը տե՛ս Հ. Ն. Կարապետյանի նըշված գրքի 43-50 էջերում:

նում էին, որ փոքր ազգերի էքստերիտորիալ հատվածների ձուլումը անխուսափելի ընթացք է, հետևապես՝ հետադեմ գործ է ամեն գնով դրանց ազգային ինքնութիւնը պահպանելու փորձերը:

Ստ. Շահումյանը գրում էր, որ կապիտալիստական Հասարակարգում սոցիալ-տնտեսական բուռն զարգացման շնորհիվ «միանգամայն ակներև է դարձել ամեն տեսակ «սկզբունքային» սեպարատիզմի, ֆեդերալիզմի և ավտոնոմիզմի անհեթեթութիւնը: Ազգերն այնքան են խառնվել իրար, որ չկան այլևս ազգային տերիտորիաներ, որոնց սահմաններում կարելի լիներ հեշտութեամբ հիմնել ազգային ֆեդերատիվ կամ ավտոնոմ մարմիններ»¹:

ՌՄԻԲԿ կենտկոմում խիստ բացասաբար էին տրամադրված ՄԻԲԿ-ի այն տեսակետի նկատմամբ, ըստ որի ՌՄԻԲԿ-ն պետք է բաղկացած լինի ազգային սոցիալ-դեմոկրատական կազմակերպութիւնների ֆեդերացիայից:

«Սպեցիֆիկները» գտնում էին, թե մեկ ազգութեան պրոլետարիատի պայքարի պայմանները և բուն պայքարը տարբերվում են մյուսից, որ յուրաքանչյուր ազգի ներսում ծավալվող դասակարգային պայքարն ունի իր յուրահատուկ ձևերը: ՄԻԲԿ տեսաբանները հատկապես շեշտում էին, թե ՌՄԻԲԿ-ն իր ներկա կազմակերպական կառուցվածքով նպաստում է միջազգային բանվորական շարժման տարանջատմանը և որպես ցայտուն օրինակ մատնացույց էին անում դեմոկրատական ցենտրալիզմի սկզբունքների անշեղ կիրառումը ռուսական կայսրութեան բոլոր վայրերում: Միայն ՄԻԲԿ-ն է, ասում էին նրանք, որ ունի իր սեփական տակտիկան: Դա պատահական չէ, քանի որ ՄԻԲԿ-ն ոչ «արտահայտված փոքրամասնական» է, ոչ էլ «արտահայտված մեծամասնական»²: Մեր կազմակերպութիւնը, ասում էին «սպեցիֆիկները», հակված չէ շարժուն կերպով Հայ իրականութեան մեջ խցկել ՌՄԻԲԿ բոլոր սկզբունքները և որոշումները:

ՄԻԲԿ-ն վճռականապես դեմ էր Կովկասում հաճախ կրկնվող տնտեսական գործադուլներին, դրանք համարելով անարխիզմի դրսևորում, որը ջլա-

¹ Ստ. Շահումյան, ԵԼԺ, Հատ. երկրորդ, էջ 380:

² «Ձայն», N 3, 20 հունվարի 1907թ., էջ 246:

* Այս տեսակետներն իրենց ցայտուն արտահայտութիւնն էին գտել ՄԻԲԿ կազմակերպութեան Բաթումի մասնաճյուղի 1905թ. մարտի 12-ի ժողովի ընդունած հետևյալ բանաձևում. «1) ՌՄԻԲԿ-ն պետք է կազմվի ազգային ս.-դ. կազմակերպութիւններից, որը նրան հնարավորութիւն կտա Հաշվի առնել տարբեր ազգութիւնների պրոլետարիատի կյանքի և գործունեութեան պայմանները, 2) ՌՄԻԲԿ-ի մեջ մտած յուրաքանչյուր ազգային կազմակերպութիւնը համարվում է տվյալ ազգութեան պրոլետարիատի միակ ներկայացուցիչը, 3) ՌՄԻԲԿ-ի մեջ մտած յուրաքանչյուր ազգային ս.-դ. կազմակերպութիւն պետք է կարողանա կարևոր ազդեցութիւն ունենալ կուսակցութեան քաղաքականութեան վրա, իսկ ընդհանուր կուսակցական գործերի ղեկավարման մեջ ունենա վճռական ձայնի իրավունք, 4) կուսակցութեան ընդհանուր որոշումների իրագործումը հարմարեցվում է ազգութիւնների հասարակական ուժերի առանձնահատուկ պահանջներին, 5) ՌՄԻԲԿ-ի մեջ մտած ազգային ս.-դ. կազմակերպութիւնները անկախ են լուծում այն հարցերը, որոնք երևան են գալիս իրենց ազգային պրոլետարիատի կյանքի առանձնահատուկ պայմաններից» (ՀՀ ՀՔԿՓԿՊԱ, ֆ. 4041, ց.1, գ. 12, թ.3):

տում էր պրոլետարիատի ուժը: «Սոցիալիստը» գրում էր, թե Հոգնեցնել պրոլետարիատը գործադուլային ցանցառ ակտերով՝ ոչ միայն վատ խաղ է, այլև՝ մեծ Հանցանք¹: Թերթը նշում էր, որ տնտեսական գործադուլները Հոգնեցնում են բանվորներին, Հետևապես զարմանալի չի լինի, եթե վաղը, օրինակ, Հայտարարվի ընդհանուր քաղաքական գործադուլ, նրանք այլևս չեն կարող փողոց դուրս գալ: «Կեանք» թերթը, գործադուլների առիթով նույն միտքը արտահայտելով, նշում էր, որ դրանց կազմակերպիչները, գիտակցաբար թե ակամա, ուժեղացնում են պրոլետարիատի թշնամիներին: Հենց դա նկատի ունենալով, ընդգծում էր թերթի Հոգնածագիրը, այժմ «մեր ընկերներն աշխատում են ձեռք առնել բոլոր միջոցները, որպեսզի մասնակի գործադուլները չփոխվեն ընդհանուր տնտեսական գործադուլի»²:

Գործադուլային պայքարը Կովկասում «սպեցիֆիկներն» անիմաստ էին Համարում նաև այն պատճառաբանությամբ, թե տեղի արդյունաբերողներն ու վաճառականները և Հատկապես Հայ բուրժուազիան ցանկացած դեպքում կարողանում են իրենց Հավատարիմ մարդկանց միջոցով կաշառել բանվորներին և նրանց Հեշտությամբ տներն ուղարկել:

Դժվար չէ նկատել, որ գործադուլների վերաբերյալ ՄԻՐՀԿ տեսակետը Հակադրված էր Կովկասի, Հատկապես Բաքվի, բոլշևիկների տակտիկային, որոնց գլխավորած 1904թ. դեկտեմբերյան գործադուլը վերջացել էր Հաղթանակով, և ձեռնարկատերերը ստիպված կոլեկտիվ պայմանագրեր էին կնքել գործադուլավորների հետ: Ի տարբերություն «սպեցիֆիկների»՝ բոլշևիկները կողմնակից էին ոչ միայն տնտեսական և քաղաքական խոշոր գործադուլներին, այլև տնտեսական ոչ մեծ գործադուլներին, գտնելով, որ դրանք պրոլետարիատի քաղաքական դաստիարակության միջոց են, քանզի տնտեսական գործադուլները դասակարգային պայքարի Հետագա զարգացման ընթացքում անխուսափելիորեն վերաճում են քաղաքականի:

Կովկասում մերժելով գործադուլների և, Հատկապես, տնտեսական գործադուլների կազմակերպումը, «սպեցիֆիկները» միաժամանակ դրանց ջերմ կողմնակից էին, երբ խոսքը վերաբերում էր Ռուսաստանին, Հատկապես նրա կենտրոնական արդյունաբերական շրջաններին, գտնելով, որ, այո՛, առայժմ միայն ռուս պրոլետարիատն է ի վիճակի Հուժկու ընդհանուր գործադուլով ժամանակավորապես կաթվածահար անել տնտեսությունը, ապա անցնել քաղաքական պայքարի արմատական միջոցների՝ նպատակ ունենալով Հեղաշրջել երկիրը:

Եթե գործադուլների կազմակերպման Հարցում «սպեցիֆիկները» պատիվ և վերապահ դիրքերում էին, ապա զինված ապստամբության Հարցում, ընդհակառակը, դրսևորում էին միանգամայն այլ մոտեցումներ, Հանդես էին գալիս ընդհանուր զինված ապստամբության օգտին: Գտնելով, որ ոչ թե գոր-

ծադուլը, այլ ապստամբությունն է ունակ Հաջողության Հասնելու, նրանք Կովկասի բոլոր բանվորներին կոչ էին անում ամենագործուն մասնակցություն բերել Հեղափոխությանը¹: Այս տեսակետը նույնպես ուղղված էր բոլշևիկներին ծրագրային սկզբունքների և գործնական տակտիկայի դեմ, Համաձայն որոնց պրոլետարիատի ընդհանուր զինված ապստամբությունը դասակարգային պայքարի բարձրագույն ձևն է, իսկ մինչ այդ պրոլետարիատը պետք է անցնի պայքարի մյուս էտապներով՝ գործադուլներ, ցույցեր, պետիցիաների և վերջնագրերի ներկայացում և այլն: Զուր չէ, որ ապստամբության մասին «սպեցիֆիկների» տեսակետը բոլշևիկները որակում էին որպես բլանկիզմ և անարխիզմ:

Միաժամանակ «սպեցիֆիկները» գտնում էին, որ Կովկասի պրոլետարիատը դեռ պատրաստ չէ զինված լայնածավալ կռվի, ունակ չէ տապալելու բուրժուազիայի իշխանությունը, քանի որ այդ դասակարգի գոյության մասին կարելի է խոսել միայն երկու քաղաքների՝ Բաքվի և Թիֆլիսի օրինակով: Դրան գումարվում է այն, ասում էին նրանք, որ վարձու աշխատավորների 90%-ից ավելին սոցիալիզմի մասին անգամ Հեռավոր գաղափար չունի: Ուստի, Հաջողության Հասնելու Համար, ամենօրյա աշխատանքով պետք է ի մի հավաքել ցիրուցան բանվորությանը և նրան նախապատրաստել վճռական կռվի: Իսկ որպեսզի այդ կռվի Համար պրոլետարիատն աստիճանաբար կազմակերպվի, առաջին Հերթին նրան պետք է լուսավորել մարքսիստական ուսմունքներով:

Սակայն, նույնիսկ այն դեպքում, եթե Կովկասում թվապես արագորեն աճի պրոլետարիատը, և նա լուսավորվի դասակարգային կռվի մասին մարքսիստական տեսությամբ, միևնույն է, Կենտրոնական Ռուսաստանի Համեմատությամբ, Կովկասը կմնա որպես ծայրագավառ: Այստեղ պրոլետարիատը չի կարող ինքնուրույն և ղեկավար դեր ունենալ, ինչպիսին ունի Ռուսաստանում, մասնավորապես՝ Պետերբուրգում և Մոսկվայում: Ինչ վերաբերում է Հայ իրականությանը, ապա այստեղ ազգային կուսակցությունները, ցավոք, իրենց չուրջն են Համախմբել Հասարակության կենտրոնակ, Հեղափոխական Հիմնական ուժերը, նրանց մեջ սերմանել ազգայնական ոգի: Եվ եթե սոցիալիստներն ուզում են, որ պրոլետարիատը Հայ իրականության մեջ նույնպես ինքնուրույն ու ղեկավար դեր ունենա, ապա պետք է լարեն իրենց ողջ ուժերը՝ ազգային կուսակցություններից նրան խլելու Համար:

Բոլշևիկների հետ «սպեցիֆիկների» Հակասություններն ուժգին սրուկյան Հասան երկրորդ Պետական դումայի ընտրությունների ժամանակ:

Բոլշևիկները լրջորեն մասնակցում էին դումայի ընտրություններին՝ նրա ամբիոնն օգտագործելու և ցարիզմի Հակաժողովրդական էությունը մերկացնելու Համար: «Սպեցիֆիկները» խստիվ քննադատում էին բոլշևիկների դումայական տակտիկան, միաժամանակ բանվորների շրջանում լայն աշխատանք էին տանում, նրանց կոչեր էին ուղղում բոլկոտել ընտրությունները, քանի որ

¹ «Սոցիալիստ», N 10, 14 սեպտեմբերի 1905թ.:

² «Կեանք», N 17, 8 Հուլիսի 1906թ.:

¹ ՀՀ ՀՔԿՓԿԳԱ, ֆ. 4041.ց.1, գ.12, թ.1:

«Պոլսի մեր թշնամիների զենքն է»:

1906թ. մարտի 22-ին հրատարակած «Թիֆլիսի հայ բանվորներին» կոչում ՄԻՔԷԿ-ն հայտարարում էր, որ չեն կարող լինել դոմայի ազատ ընտրություններ, քանի դեռ կանգուն է միապետությունը, քանի դեռ չկա անձի անձեռնմխելիություն, խոսքի, մամուլի և ժողովների ազատություն: «Պոլստարական համերաշխ ու վճռական բոլորտ Պետական դոմային»¹, - այս էր կոչի կարգախոսը:

Հայ բուլճարիկների և «սպեցիֆիկների» միջև խիստ տարածայնություններ էին առաջացել Կովկասում թուրք-հայկական ընդհարումների նկատմամբ վերաբերմունքի հարցում: Նրանք երկուսն էլ Հետևողականորեն պաշտպանում և քարոզում էին այն տեսակետը, որ այդ ընդհարումները սանձազերծել է ցարական կառավարությունը, բայց դրանց դադարեցման համար պայքարի նրանց մոտեցումները տարբեր էին: Բուլճարիկները գտնում էին, որ ընդհարումները պետք է վերացվեն հեղափոխական կույով, ցարի տապալման և երկրում դեմոկրատական կարգեր հաստատելու ճանապարհով: ՄԻՔԷԿ-ն դեմ չէր դրան, բայց տվյալ պահին, երբ թափվում էր բազմաթիվ անմեղ հայերի արյունը, նա ժողովրդին կոչ էր անում ակտիվ ինքնապաշտպանություն, որի գլխավոր դեկավար ուժը Հ.Յ. դաշնակցությունն էր: «Անհրաժեշտ է պաշտպանվել և պաշտպանվել ամենակտրական միջոցներով»², - գրում էր «Սոցիալիստ» թերթը: Իր հերթին «Կեանք» նշում էր, որ թուրքացի ինքնապաշտպանությունը, նշանակում է ոգեշնչել և նոր ոճիրների մղել թուրքերին: Սրանց սանձարձակ խժոժությունները, ավազակային կողոպուտն ու հափշտակությունը, գերեզմարությունն ու սրախողխող կոտորածը ավերող անգամ գալիս են բազմացնելու արձանագրված փաստերի արդեն իսկ տխուր շարանը և հարկադրում, որ մենք դեռ իրավունք չունենք այնքան շուտ լավատես լինելու մեր տմարդի հարևանների տրամադրության նկատմամբ: Դեռ շատ ավելի ցածր է կանգնած թուրք ազգաբնակչության, մանավանդ նրա նոմադական տարրերի, քաղաքական գիտակցության մակերևույթը, որպեսզի կարելի ու հնարավոր լինի մեկեն ու մեկ պնդել ու համոզվել, որ խուլիզանաբար շահագործվող այդ տնաքանդ ամբողջ կհասկանա, վերջապես, հանրության թշնամու լարած որոգայթների միտումնավոր քաղաքականության էությունը»³:

Հայության ինքնապաշտպանության կազմակերպման գործին ՄԻՔԷԿ-ի ակտիվ մասնակցությունն առաջ էր բերում բուլճարիկների նախատիքն ու գայրույթը, որոնք «սպեցիֆիկներին» մեղադրում էին ազգայնամոլության մեջ: «Մի՞թե հնարավոր է մարքսիստական կազմակերպություն կոչվել և գործակցել ազգայնական ուժերի հետ», - հարցնում էին նրանք ՄԻՔԷԿ անդամներին:

Չնայած բուլճարիկների քննադատություններին, «սպեցիֆիկները» շարունակում էին իրենց ազգապաշտպան գործունեությունը, դրանով իսկ անուղղակի աջակցություն ցույց տալով դաշնակցությանը: Նրանք շարունակում էին հայերին համարել անմեղ զոհեր և գտնում էին, որ այդ ժողովուրդն իրավունք ունի, որքան հնարավոր է, գինավելու և զենքով պաշտպանելու ապրելու իր իրավունքը: «Սոցիալիստը» գրում էր. «Մեզ թվում է, որ հնարավոր է միայն մի ելք, այն է՝ գինված խաղաղություն: Թուրքը այժմ գինված է, բայց զենք կրելու իրավունք պետք է տրվի և հայերին, իրավունք առանց սահմանափակումների»⁴:

Իր հերթին «Չայն» շաբաթաթերթը գրում էր, որ կոտորածները սպառնում են ոչ այնքան փողի տերերին, որքան աշխատավորներին, ուստի «պրոլետարիատին, որը նույնպես ֆիզիկական վտանգի է ենթարկված, անհրաժեշտ է զինել: Բայց մի՞թե պրոլետարական կուսակներով կարելի է զենք հայթայթել: Հայ բուրժուազիան ամեն տեղ բացեիբաց մերժեց Հայ ս.-դեմոկրատիային փող տալ գինման համար, իսկ նրա իդեոլոգ դաշնակցականները ժողովներում առանց կարմրելու հայտարարեցին. «Մի՞թե Հայ Հարուստը փող պիտի տա ձեզ, որպեսզի նրա փողով ձեռք բերած զենքը դուք իր դեմ դարձնեք»: Չնայած այս բոլորին, Հայ կազմ. սկսեց ժողովներ զանազան վայրերում, և հավաքված գումարը ծախսվեց զենք ձեռք բերելու վրա: Իր ունեցած զենքից կազմակերպությունը մի փոքր մասը հանեց Նուխու և Զիվանջի շրջանը, կազմեց գինական մի քանի խմբեր: ... Բացի այդ, նա սկսեց լայն ագիտացիա՝ իր ընկերներին 3-4 ամսով ուղարկելով Շուշի, Նուխու և Երևանի գավառները»⁵:

Շատ տարիներ անց իր «Սպեցիֆիկները և սպեցիֆիզմը» գրքում Սարգիս Կասյանը, վերհիշելով թուրք-հայկական ընդհարումների օրերին ՄԻՔԷԿ-ի բռնած դիրքը և գործողությունները, դատապարտում էր նրա կողմից Հայ գինյալ խմբերի ստեղծումը, որը, նրա խոսքերով ասած, հակահեղափոխական գործ էր⁶:

Ահա, մոտավորապես սրանք էին այն հիմնական պատճառները, որոնք ջրբաժան գիծ էին անցկացրել ՄԻՔԷԿ-ի և ՌՄԻՔԿ-ի, ավելի ճիշտ՝ ՄԻՔԷԿ-ի և ՌՄԻՔԿ կուկասյան միութենական կոմիտեի միջև, էլ ավելի կոնկրետ՝ ՄԻՔԷԿ-ի և Հայ բուլճարիկների միջև:

Ավելորդ չէ նշել, որ մեկ-երկու հարցում ՄԻՔԷԿ-ն և բուլճարիկները ընդհանրություններ էին դրսևորում: Դրանցից մեկը վերաբերում էր գինակույին: Բուլճարիկների պես «սպեցիֆիկները» վճռականորեն հանդես էին գալիս գինակույի դեմ: «Մոբիլիզացիան Կովկասում» պրոկլամացիայում (1904թ. օգոստոս) ՄԻՔԷԿ-ն Հայ երիտասարդությանը հորդորում էր բոլորով զինակույր: Դիմու-

¹ ՀՀ ԼՔԿՓԿԳԱ, ֆ. 1022, ց. 7, գ. 15, թ. 1:

² «Սոցիալիստ», N 13, 1905թ.:

³ «Կեանք», N 11, 27 մայիսի 1906թ.:

⁴ «Սոցիալիստ», N 11, 14 հոկտեմբերի 1905թ.:

⁵ «Չայն», N 5, 29 հոկտեմբերի 1906թ.:

⁶ Տե՛ս Ս. Կասյան, Սպեցիֆիկները և սպեցիֆիզմը, Թիֆլիս, 1928, էջ 24, 34:

մի մեջ ասված էր. «Ավինը ձեռքին ի պաշտպանություն գիշատիչ ցարական կամարիլիայի, ճապոնացու գնդակից մեռնել անարգ մահով Հեռավոր Արևելքում - ձեզ վայել չէ, դրա համար գոյություն ունեն կայսերական պնակալեզներ: Դուք կազմ ու պատրաստ եղեք ձեր բոլոր ուժերով դեմ գնալու այդ մահաբեր մորիլիզացիային, որ խլում է ձեզ կյանքից, հեղափոխական ասպարեզից. ձեռք առեք բոլոր միջոցները համերաշխ կերպով առաջ գնալու և հակառակ պարագային՝ արյուն-արյունով պատասխանելու...»¹:

Սակայն մեկ-երկու հարցում դրսևորված ընդհանրությունը բացառություն էր. թե՛ քաղաքական և թե՛ տակտիկական հարցերում ՌՄԻԲԿ-ի և ՄԻԲՀԿ-ի միջև հակասությունները մնում էին անլուծելի: Վիճաբանություններն ընդունում էին սուր, անզիջում բնույթ, և դա հատկապես ռուսաստանյան հեղափոխության վերելքի ժամանակաշրջանում: Այդ վիճաբանությունները շատ դեպքերում դառնում էին ամբիջիայի խնդիր: Պայքարն ընթանում էր բանվորական ժողովներում, թուլզինների ու կոչերի միջոցով, բայց հիմնականում տպագիր օրգանների էջերում:

Վիճաբանությունները բուռն ընթացք էին ստացել հատկապես բոլշևիկյան «Կայծ» և «սպեցիֆիկյան» «Կեանք» թերթերի միջև: «Կայծում» «սպեցիֆիկների» դեմ ուղղված հոդվածները հիմնականում գրում էին Ստ. Շահումյանը և Սարգիս Կասյանը: Բանավեճերը, որպես կանոն, տարվում էին լրագրական էֆիկայի կուպիտ խախտումներով: Համարներից մեկում պատասխանելով «Կայծի» հարձակումներին՝ «Կեանքը» գրում էր, որ այդ թերթում «Ս» և «Կ» ստորագրություններով հանդես եկող «անշնորհք գրչակներն իրենց տղայամիտ հոխորտանքներով մի քանի աստիճան ևս ձգեցին այդ թշվառ աստղի տակ ձևված թշվառ թերթը»²: Թեև խմբագրությունը ընթերցողին փորձում էր համոզել, թե ինքը «խորին արհամարհանքի է արժանացնում» «Կայծի» աշխատակիցների «հայհոյանքներն ու մանկական ցնդաբանությունները»³, բայց, իրականում, չէր կարողանում խուսափել հակառակորդին «արժանի հարվածներ» հասցնելու գայթակղությունից, «Կայծին» պատասխանում էր նույն բառապաշարով ու նույնքան կրքով: Վիճաբանություն էր ծագում նույնիսկ որևէ կարևորություն չունեցող դիվիզիոն շուրջ⁴:

«Սպեցիֆիկները» հայտարարում էին, թե չեն ցանկանում որևէ գործ ունենալ հայ բոլշևիկների և նրանց ձայնափող «Կայծի» հետ: Եթե «Կայծին»

Համարենք ՌՄԻԲԿ հայկական բաժնի ներկայացուցիչ, ասում էին նրանք, ապա «նշանակում է ստորացնել ու անպատվել այդ կուսակցությունը»: Եվ ընդհանրապես ՄԻԲՀԿ-ն իրեն խիստ ընդգծված հեռավորության վրա էր պահում ՌՄԻԲԿ-ից՝ մշտապես ընդգծելով իր ինքնուրույնությունը:

«Ալիք» թերթի 1906թ. N 27-ում Միք. Վարանդյանը տպագրել էր «Ոճագործ սուտը» վերնագրով հոդվածը, որի առիթը եղել էր պետական դումայի նախընտրական շրջանում կայացած Թիֆլիսի ընտրող լիազորների ժողովի ընդունած որոշումը: Այդտեղ շեշտված էր, թե թուրք-հայկական կոտորածը անմիջական արդյունք է կառավարության սաղրանքի՝ «հենված երկու թշնամացած կողմերի մուխ ու ռեակցիոն տարրերի վրա, որոնց կառավարությունը զինեց ու հանեց ընդդեմ ազգաբնակչության խաղաղ մասի», այդպիսով կազմելով քաղաքական հետադիմական բանակ և ուղղելով նրան ընդհանուր ազատագրական շարժման դեմ:

Միք. Վարանդյանն իր հոդվածում ցույց էր տվել, որ լիազորների ժողովը, որի մասնակիցների մեծ մասը եղել է ՌՄԻԲԿ անդամ վրացի սոցիալ-դեմոկրատ մենչևիկներ և հայ բոլշևիկներ, ակամայից արգարացրել է կառավարությանը, նվազեցրել նրա սաղրիչ դերը: Չէ՞ որ ինքը՝ բյուրոկրատիան, ռուս պատրիոտների ամբողջ լեգեոնը շատ անգամ են ազդարարել, թե կառավարությունը դժվարանում է հանգստացնել «երկու թշնամացած կողմերին» և վերջ տալ «մուխ ու խավար տարրերի» կատաղի արյունահեղությունը: Թիֆլիսի լիազորների որոշումը «թուրքերի հետ հավասարապես մեղսակից էր դարձնում հայությունը»:

Վարանդյանի հոդվածն ըստ էության հավանության էր արժանացել ՄԻԲՀ կազմակերպության կողմից: «Կեանքը» գրում էր. «Մենք բողոքում ենք Թիֆլիսի լիազորների այդ աստիճան անտակտ ու թեթևամիտ վերաբերմունքի դեմ. բողոքում ենք հանուն հայ ժողովրդական մասսայի, [հայ] պրոլետարիատի, որ ընդունակ չէ խուլիգանական գործիք դառնալու կառավարության ձեռքին»: Միաժամանակ թերթը բողոքում էր, որ Վարանդյանը մեղադրական ակտ է կարդում նաև հայ սոցիալ-դեմոկրատների դեմ՝ տարբերություն չդնելով ՌՄԻԲԿ-ի և սոց.-դեմ. բանվ. հայ կազմակերպության միջև: «Մենք քանիքանի անգամ հրապարակով շեշտել ենք, որ երբ մեր հակառակորդները առիթ են ունենում հայ սոցիալ-դեմոկրատների մասին արտահայտվելու, ճիշտ ու որոշ հիշատակեն, թե ում է վերաբերվում խոսքը... Հակառակ դեպքում ընթերցողը մեկը մյուսի փոխարեն ընդունելով՝ կարող է ահագին շփոթության և թյուրիմացության մեջ ընկնել: Ներկա դեպքում ո՞ր սոցիալ-դեմոկրատների մասին է խոսում պր-ն Վարանդյանը՝ այդ պարզ չի երևում նրա գրածից. եթե խոսքը վերաբերվում է ռուս սոց.-դեմ. բանվ. կուսակցության հայ անդամներին, մենք պատասխանատու չենք նրանց համար, իսկ եթե պր-ն Վարանդյանի շեշտումները վերաբերվում են սոց.-դեմ. բանվ. հայ կազմակերպությանը, մենք ներկա տողերով արդեն հիմնապես հերքեցինք նրա բյուրո կարծիքները

¹ ՀՀ ՀՔԿՓԿԳԱ, ֆ. 4041. ց. 1. գ. 7. թ. 1:

² «Կեանք», N 4, 8 ապրիլի 1906թ.:

³ Նույն տեղում, N 12, 3 հունիսի 1906թ.:

⁴ Այսպես, օրինակ, այն բանից հետո, երբ «Կայծի» առաջնորդողում գրվել էր, թե ինքը հայ իրականության մեջ առաջին սոցիալ-դեմոկրատական թերթն է, «Կեանքը», բուռն արձագանքելուց հետո, ծաղրանքով շեշտում էր. «Մենք կարծում ենք, որ այս հայտարարության մեջ ընկերները... երևի կամեցել են ասել, թե «Կայծը» հայերեն լեզվով սոցիալ-դեմոկրատական առաջին աշակերտական թերթն է: Այդ արդեն միանգամայն ճիշտ է, նույնիսկ ժամանակագրական տեսակետից» («Կեանք», N 4, 8 ապրիլի 1906թ.):

մեր մասին»¹:

Այսքանից հետո միանգամայն հասկանալի է դառնում, թե ինչու հայ բուլ-լեիկներն ամեն կերպ խոչընդոտում էին ՌՄԻԲԿ-ի հետ միավորվելու ՄԻԲՀԿ-ի բոլոր փորձերը:

1904-1906 թվականներին ՄԻԲՀԿ-ն մի քանի անգամ դիմել է ՌՄԻԲԿ-ի կենտկոմին՝ մտնելու այդ կուսակցության մեջ, որպես հայ բանվորության առանձին սոցիալ-դեմոկրատական կազմակերպություն: Այդ դիմումներից մեկին ՄԻԲՀԿ-ն կցել էր ՌՄԻԲԿ պապա կազմակերպական սիստեմի մասին իր պատկերացումներից բխող առաջարկներ² և ՌՄԻԲԿ-ի հետ ՄԻԲՀԿ-ի միավորման պայմանների մասին որոշման նախագիծ³: Սակայն ՌՄԻԲԿ կովկասյան կոմիտեի կողմից ՌՄԻԲԿ կենտկոմ ներկայացրած զեկուցագրերի հիման վրա ՌՄԻԲԿ կենտկոմում արդեն կազմվել էր հաստատուն բացասական կարծիք ՄԻԲՀԿ-ի մասին:

ՌՄԻԲԿ կովկասյան միութենական կոմիտեի ու «սպեցիֆիկներին» միջև շարունակվող սուր տարաձայնությունների և չդադարող բանավեճերի ժամանակ, 1905թ. օգոստոսի սկզբին, ՄԻԲՀԿ-ն դիմել էր ՌՄԻԲԿ կենտկոմին, խընդ-րելով, որ իրեն թույլ տրվի մասնակցելու առաջիկայում հրավիրվելիք Ռուսաստանի ազգային սոցիալ-դեմոկրատական կուսակցությունների և ՌՄԻԲԿ համատեղ կոնֆերանսին⁴: Սեպտեմբերի 5-ին Վ. Լենինը ՌՄԻԲԿ կենտկոմ է ուղարկում նամակ, որում խիստ նախազգուշացնում է թույլ չտալ ՄԻԲՀԿ մասնակցությունը կոնֆերանսին: Լենինի նամակում արտահայտվում էր նույն միտքը, ինչ բանավեճերի ժամանակ կովկասյան կոմիտեն արտահայտել էր «սպեցիֆիկներին» մասին: Լենինը գրում էր. «Խիստ նախազգուշացնում եմ Հայկական ս.դ. ֆեդերացիայի» վերաբերյալ: Եթե դուք համաձայնել եք, որ նա մասնակցի կոնֆերանսին, ապա ճակատագրական սխալ եք կատարել, որը հարկավոր է ուղղել ինչ էլ որ լինի: Դրանք ժնկյան մի զույգ կազմալուծիչներ են, որոնք այնտեղ հրատարակում են ամենադատարկ բաներ, առանց որևէ լուրջ կապերի Կովկասի հետ: Դա բունդական կրեատուրա է, ուրիշ ոչինչ, որը հատկապես հորինված է կովկասյան բունդիզմը սնելու համար: Եթե դուք այդ մարդկանց թույլ տաք ուսական կոնֆերանս, այսինքն՝ Ռուսաստանում աշխատող կազմակերպությունների կոնֆերանս գալու, դուք սարսափելի կխայտառակվեք: Կովկասի ընկերները բոլորն էլ դեմ են հրապարակագիր-կազմալուծիչների այդ շայկային (այդ բանը ես գիտեմ շատերից), և մենք շուտով կշշպը-ռենք նրանց «Պրոլետարի»-ում: Դուք կհարուցեք միայն Կովկասի բողոքները և «Հաշտության» ու «միավորման» փոխարեն՝ նոր գզվուտոց: Ասացեք, խընդ-

րեմ, ինչպե՞ս կարելի է անտեսել կովկասյան միությունը»¹:

Նամակից կրկին ու կրկին երևում է, որ, իրոք, ՌՄԻԲԿ կենտկոմում և անձամբ Լենինի մոտ ՄԻԲՀԿ-ի մասին կարծիքը կազմվել էր այն տեղեկությունների հիման վրա, որ ներկայացրել էին կովկասյան միութենական կոմիտեի հայ գործիչները: Նամակի՝ «Կովկասի ընկերները բոլորն էլ դեմ են», «այդ բանը ես գիտեմ շատերից» նախադասությունները շատ բան են ասում:

Հայ բուլեիկները, խտացնելով գույները, նաև թույլ էին տվել բացահայտ անճշտություններ, այլապես նամակում տեղ չէր գտնի այն պնդումը, թե «ժնկյան մի զույգ կազմալուծիչները» «որևէ լուրջ կապեր» չունեն «Կովկասի հետ»: Եվ դա այն դեպքում, երբ ՄԻԲՀԿ-ի կենտկոմը գտնվում էր Կովկասում, կազմակերպության ղեկավար գործիչների բացարձակ մեծամասնու-թյունը Բաքվում և Թիֆլիսում էին, իսկ ժնկյուն գործում էր միայն արտասահ-մանյան կոմիտեն:

Այդքանից հետո պատահական չէր, որ «սպեցիֆիկները» փորձում էին չըջանցել կովկասյան կոմիտեն ու հայ բուլեիկներին և ուղղակի բանակցու-թյուններ վարել ՌՄԻԲԿ հետ՝ նրա կազմի մեջ ընդգրկվելու համար:

Հերթական փորձը կատարվեց ՌՄԻԲԿ IV համագումարի նախօրեին: ՌՄԻԲԿ կենտկոմը «սպեցիֆիկներից» ստացած նոր դիմումը քննարկման դրեց համագումարում, որը կրկին մերժվեց: ՄԻԲՀԿ-ի առջև կրկին փակվեցին ՌՄԻԲԿ-ի դռները:

ՌՄԻԲԿ-ի մեջ մտնելու խնդրանքով ՄԻԲՀԿ-ի հերթական դիմումի մերժու-մը բուռն դժգոհություն առաջ բերեց «սպեցիֆիկներին» շարքերում:

«Կեանք» թերթի խմբագրականում Բ. Իշխանյանը գրում էր. «Ռուսաս-տանի կուսակցությունը (նկատի ունի ՌՄԻԲԿ-ն: - Հ.Ս.) միշտ առաջարկում է մի տնաքանդ պոստուլատ. կամ անխնա կյանվեցեք և ձուլվեցեք կազմակերպ-չական հողի վրա իր ամենակույ որովայնի մեջ, կամ թե չեմ ճանաչում ձեր գո-յությունը, հաշվի չեմ առնում ձեզ իբրև սոցիալ-դեմոկրատական կազմակերպ-ություններ»²:

Հողվածագիրը նշում էր, որ IV միավորիչ համագումարում մշակվել և ընդունվել են երեք ազգային սոցիալ-դեմոկրատական կազմակերպությունների (յեհական, հրեական և լատիշական)՝ ՌՄԻԲԿ-ի հետ միանալու պայմանները, բայց դրանց թվում տեղ չի գտել ՄԻԲՀ կազմակերպությունը: Արտահայտելով իր խիստ դժգոհությունն այդ «բացահայտ խտրական վարմունքի» նկատմամբ՝ Բ. Իշխանյանը շեշտում էր. «Այսուհետև պետք է հասկացնել ու հարկադրել այդ կուսակցությանը, որ չի կարելի կամայականությամբ արհամարհել դուրս մնացած կազմակերպություններին և ոտնահարել նրանց պրոլետարա-կան մասսայի շահերը»: Ցավալի է, որ Ռուսաստանի կուսակցությունը չի

¹ «Կեանք», N 13, 10 հունիսի 1906թ.:

² ՀՀ ՀԲԿԳԿԱ, ֆ. 4041, ց. 1, գ. 41, թ.թ.1-9:

³ Նույն տեղում, գ. 42, թ.թ. 1,2:

⁴ Նույն տեղում, գ. 18, թ.թ.1,2:

¹ Վ. Ի Լենին, ԵԼԺ, հատ.47, էջ 49-80:

² «Կեանք», N 10, 20 մայիսի 1906թ.:

ղեկավարվում սկզբունքային քաղաքականությունը, բայց «սկզբունքը պետք է սկզբունք լինի անխտիր բոլորի համար»¹:

«Զայնը» նույնպես քննադատում էր ՌՄԻԲԿ IV համագումարի արդյունքները, գտնելով, որ նա անընդունակ եղավ որևէ սկզբունքային որոշում կայացնելու ազգային սոցիալ-դեմոկրատական կազմակերպությունների մասին: «Դարձյալ կազմակերպական սիստեմի մասին» հողվածում նորից ու նորից խոսք էր գնում այն մասին, որ պրոլետարիատը կազմակերպվում է միայն ազգային շրջանակներում: Թերթը մեջբերում էր Գ. Վ. Պլեխանովի հայտնի խոսքերը. «Միջազգային բանվորության աճը անհրաժեշտ է դարձնում բանվորական շարժման ազգային կենտրոնների ստեղծման անխուսափելիությունը: Պետք է չմոռանալ, որ գիտակից պրոլետարիատը ազգային է ոչ պրոլետարական իմաստով»:

Իրմելով բոլշևիկներին՝ «Զայնը» կոչ էր անում. «Բարի եղեք մեզ ապացուցելու, որ «Պրոլետարներ բոլոր երկրների, միացե՛ք» մարտական կոչը բացատում է ազգային կազմակերպական այն սիստեմը, որ մենք պաշտպանում ենք: Մենք, հասարակ մահկանացուներս, համոզված ենք, որ վերջինս ամենևին չի հակասում մարքսիզմի սկզբունքներին»²:

ՄԻԲԿԿ Բաքվի կազմակերպության միջնադասային ժողովը 1906թ. մայիսի 4-ին քննարկեց ազգային ս.դ. կազմակերպությունների նկատմամբ ՌՄԻԲԿ IV համագումարի ցույց տված վերաբերմունքի հարցը: Ժողովը հանգեց այն եզրակացության, որ Ռուսաստանում գործող բոլոր ուժերի և կազմակերպությունների ցանկալի միությունը չի իրականանում այն պարզ պատճառով, որ ՌՄԻԲԿ ղեկավարության հարաբերությունները «ս.դ. կազմակերպությունների հետ կրում են չարչիական բնույթ»³: Ժողովը միաժամանակ նշում էր, որ շարունակում է բաց մնալ երկրի բոլոր ս.դ. կազմակերպությունների միավորումն իրականացնելու ընդունակ մի հիմնադիր համագումար հրավիրելու հարցը: Որպես միավորման հնարավորության ապացույց՝ «սպեցիֆիկները» համարում էին ՌՄԻԲԿ IV համագումարում բոլշևիկների և մենշևիկների միավորման փաստը: Ընդունված որոշման մեջ միջնադասային ժողովը ՌՄԻԲԿ ղեկավարությանը կոչ էր անում կուսակցության ծրագրից հանել այն կետերը, որոնք խանգարում են երկրի սոցիալիստ դեմոկրատների ուժերի միավորման գործին: Նույն նպատակով ժողովը դիմում էր նաև ՄԻԲԿԿ ղեկավարությանը՝ կազմակերպության ծրագիրը հնարավորին չափ ՌՄԻԲԿ ծրագրին հարմարեցնելու առաջարկով:

Միջնադասային ժողովի առաջարկները չընդունվեցին ո՛չ ՌՄԻԲԿ և ո՛չ էլ ՄԻԲԿԿ ղեկավար մարմինների կողմից:

¹ «Կեանք», N 10, 20 մայիսի 1906թ.:

² «Զայն», N 9, 26 նոյեմբերի 1906թ.:

³ «Կեանք», N 10, 20 մայիսի 1906թ.:

ՄԻԲԿԿ-ի ղեկավարության կողմից Բաքվի միջնադասային ժողովի առաջարկների մերժումը առիթ դարձավ, որ ՄԻԲԿԿ շարքերից հեռանան 100-ից ավելի, այդ թվում՝ ճանաչված, «սպեցիֆիկներ»⁴: Դրանց մեծ մասը մտավ ՌՄԻԲԿ մեջ, չուրջ 20 հոգի ընդունվեց հնչակի շարքերը, մյուսներն ընդհանրապես հեռացան քաղաքական ասպարեզից:

ՄԻԲԿԿ-ից այս խմբի հեռանալը միակ դեպքն էր ռուսական հեղափոխության տարիներին: Ի տարբերություն հայ իրականության մեջ գործող մյուս քաղաքական կուսակցությունների՝ ՄԻԲԿԿ-ն եղավ ամենակայունը: ՄԻԲԿԿ արտասահմանյան կոմիտեի նամակագրությունը կովկասյան կազմակերպությունների հետ (1904թ. մայիս-1906թ. հունվար) ցույց է տալիս նրանց շարքերում տարածայնությունների բացակայությունը⁵: Կազմակերպությունը ներքաղաքական լուրջ ճգնաժամ չպարհեց և նրա շարքերը, նշված բացառությամբ հանդերձ, հիմնականում մնացին անսասան:

Ե՛վ հայ բոլշևիկների, և՛ «սպեցիֆիկների» շարքերում կային անհատներ, որոնք պահանջում էին վերջ տալ բանավեճերին, միմյանց գնալ ընդառաջ, պայմանավորվածություն ձեռք բերել՝ կազմակերպչորեն միավորվելու համար: Ի վերջո ՄԻԲԿԿ-ի և ՌՄԻԲԿ կովկասյան երկրային կոմիտեի միջև համաձայնություն կայացավ՝ այդ նպատակով հրավիրել համատեղ ժողովներ: Տեղի ունեցավ մեկ-երկու ժողով, որոնք անցան փոխադարձ մեղադրանքներով, և հաշտության որևէ եզր գտնելու փորձն ավարտվեց անհաջողությամբ:

Այնուամենայնիվ, ՌՄԻԲԿ-ի և, հատկապես, բոլշևիկների նկատմամբ ունեցած վերաբերմունքի մեջ ՄԻԲԿԿ-ն հետևողական չէր: Երբ խնդիրը վերաբերում էր մենշևիկների հետ քաղաքական և կուսակցական բախումներին, «սպեցիֆիկները» հիմնականում հանդես էին գալիս բոլշևիկների դիրքորոշման պաշտպանությամբ, իսկ երբ հարցը դրվում էր ազգային շրջաններում բանվորների մեջ տարվող քաղաքական աշխատանքին, նրանք հանդես էին գալիս բոլշևիկների դեմ: Բայց նույնիսկ այդ «դեմի» դեպքում «սպեցիֆիկները» մեծ մասը ՌՄԻԲԿ-ի նկատմամբ զուսպ էր: Նրանց հարձակումների գլխավոր թիրախը կովկասյան, ավելի ճիշտ՝ կովկասահայ բոլշևիկներն էին:

Հակառակ ՌՄԻԲԿ հասցեին արած բոլոր քննադատություններին, «սպեցիֆիկներն», այնուամենայնիվ, գտնում էին, որ Ռուսաստանի միակ փրկությունը քաղաքական այդ ուժի հաղթանակի մեջ է (իհարկե՛ք՝ բացառելով հայ բոլշևիկներին և փոքրաթիվ հայ մենշևիկներին):

ՌՄԻԲԿ V համագումարի նախօրյակին «Զայնը» գրում էր. «Բավական է մի հարևանցի ակնարկ գցել Ռուսաստանի հեղափոխական շարժման վերջին տասնամյակի պատմության վրա... և լրջմիտ անալիզի ենթարկել, որպեսզի ամենայն իրավամբ անվանենք Ռուսաստանի սոցիալ-դեմոկրատիային ոչ միայն հեղափոխական պրոլետարիատի ավանգարդը, այլև ամբողջ ռուսական

⁴ Տե՛ս ՀՀ ՀԿԿԿԳԱ, ֆ. 4041, ց. 1, գ. 5, թ. 1- 46:

հեղափոխական շարժման դրոշակակիրը և, որպես այդպիսին, արժանի ուշադրություն նրա ամեն մի արարմունքի բոլոր նրանց կողմից, որոնք շահագրգռված են ուսական հեղափոխության այս կամ այն ելքի մեջ»¹:

**ԼԱՐՎԱԾ ՓՈՈՂԱՐԱՐՆԵՐՈՒԹՅՈՒՆՆԵՐ ՄԻՔԿ-Ի
ԵՎ ՀԱՅ ԱԶԳԱՅԻՆ - ՀԵՂԱՓՈՈԱԿԱՆ
ԿՈՒՍԱԿՑՈՒԹՅՈՒՆՆԵՐԻ ՄԻՋԵՎ**

ՄԻՔԿ-ն Հենց սկզբից ազդարարել էր, որ Հայ քաղաքական դաշտում իր հիմնական հակառակորդը Հ.Յ. դաշնակցությունն է:

Դաշնակցությանը համարելով շովինիստական կուսակցություն՝ «սպեցիֆիկները» գտնում էին, որ այդ քաղաքական կազմակերպության գործունեությունը խորթ է Հայ պրոլետարիատի շահերին և սոցիալական ազատագրության ձգտումներին: Նրանց տեսակետով Հ.Յ.Դ-ի Հոգսը Կովկասում աշխատավորության քաղաքական և տնտեսական վիճակի բարելավումը չէ, այլ նրանց իր ազգայնամոլական նպատակներին ծառայեցնելը:

Այն օրերի ս.-դ. բանվորական Հայ կազմակերպության մամուլի էջերում կարելի է հանդիպել ոչ քիչ թվով կոչերի, որոնք ուղղված էին դաշնակցության լուղունգների հետևից գնացող սովարաթիվ Հայ բանվորներին: «Սպեցիֆիկները» սրանց փորձում էին համոզել, թե քանի որ դաշնակցության ղեկավարությունը բացարձակապես անտարբեր է պրոլետարիատի սոցիալ-տնտեսական դրության բարելավման և նրա քաղաքական ազատագրության խնդիրների նկատմամբ, ճիշտ կլինի հեռանալ այդ կուսակցության ազդեցությունից և միանալ ուսական հեղափոխության Հզոր բանակին՝ ՄԻՔԿ կազմակերպության միջոցով:

Ինչպես տեսնում ենք, այս Հարցում «սպեցիֆիկներին» և Հ.Յ.Դ. շարքերում առաջացած «անջատական» շարժման ղեկավարների տեսակետները համարյա նույնական էին: Նրանք մոտավորապես միատեսակ վերաբերմունք ունեին նաև թուրքահայ ազատագրական շարժման նկատմամբ: Բայց եթե անջատականներն, այնուամենայնիվ, բազմակողմանի քննության էին ենթարկում խնդիրը, ապա «սպեցիֆիկյան» տեսաբաններն ընդհանրապես աշխատում էին շրջանցել այն: Չնայած դրան, նրանք, այնուամենայնիվ, չէին կարողանում խուսափել թուրքահայության ազատագրական շարժմանը գնահատական տալուց: «Կեանքը» գրում էր. «Կարելի է անալոգիա տանել լեհական և Հայկական քաղաքական ձգտումների մեջ, ինչպես այնտեղ, այնպես և այստեղ ուժեղ է եղել անկախ Հայրենիք ունենալու ձգտումը, ինչպես լեհերը, այնպես և Հայերը, բաժանված երեք քաղաքական տերիտորիաների մեջ, ձգտել են

ընդհանուր ազգային միություն, ձգտել են քարտեզների գույների ոչնչացման: Տարբեր խնդիր է, եթե այդ ուժեղ և բացարձակ չի արտահայտվել, մասնավորապես Հայերի մեջ, այլևայլ քաղաքական պատճառներով: Ինչպես լեհական գեղարվեստական գրականությունը այդ գաղափարների հայելին է ներկայացնում, ինչպես լեհական բուրժուազիայի համար դեռ չի դադարել ազատ Լեհաստանի ցնորքը, նույնպես և Հայ բուրժուազիայի հիշողության մեջ դեռ միտում է ազատ Հայաստանի ցնորալի կրակը»²:

ՄԻՔԿ ղեկավարությունն առիթը բաց չէր թողնում իր տեղական կազմակերպություններին հիշեցնելու, որ միշտ և ամենուրեք անհրաժեշտ է մերկացնել դաշնակցությանը, մասսաներին ցույց տալ նրա գաղափարախոսության անանկությունը և գործնական ձգտումների կեղծ լինելը, հնարավոր բոլոր միջոցներով Հայ բանվորությանը կրթել ու դաստիարակել մարքսիզմի ոգով, բարձրացնել նրա դասակարգային գիտակցությունը, նրան բերել այն համոզման, որ իր հարազատ ղեկավար քաղաքական ուժը միայն ու բացառապես կարող է լինել սոցիալ-դեմոկրատիան³:

Հարկ է նշել, որ «սպեցիֆիկյան» ոչ բոլոր տեսաբաններն էին հանդես գալիս դաշնակցության անողոք քննադատությամբ: Դա, իհարկե, պատահական չէր. չէ՞ որ նրանք, համարյա բոլորը, ժամանակին գտնվել էին այդ կուսակցության շարքերում կամ նրա գաղափարական ազդեցության ներքո՞:

Դաշնակցության քննադատությունը ՄԻՔԿ-ն կենտրոնացրել էր մի քանի տեսական հարցերի (ի՞նչ է դասակարգը, ո՞րն է պրոլետարիատի ղեկավար դերը հեղափոխության մեջ, առաջնայնությունը ազգայինն է, թե՞ միջազգայնականությունը և այլն) շուրջ:

ՄԻՔԿ տեսաբաններին շատ է զբաղեցրել ապագա դեմոկրատական Ռուսաստանի պետական կառուցվածքի հարցը: Ըստ որում, Ֆեդերալիզացիայի հարցը նրանք դիտարկում էին շատ ավելի ձախ դիրքերից, քան նույնիսկ Հայ բոլշևիկները: Ըստ որում, եթե սոցիալ-դեմոկրատ Հայ բոլշևիկները անդրկովկասյան Ֆեդերացիայի հարցը քննարկում էին զուտ քաղաքական առումով, ապա սոցիալ-դեմոկրատ բանվորական Հայ կազմակերպության տեսաբանները բացահայտում էին Ֆեդերացիայի և նրա կանտոնալ սխտեմի բուն էությունը, կոնկրետ փաստերով ու թվական տվյալներով ցույց տալիս նրա գործնական վնասակարությունը՝ Հատկապես երկրամասի Հայության համար:

¹ «Կեանք», N 13, 10 հունիսի 1906թ.:

² ՀՀ ԶԲԿՓԿՊԱ, ֆ. 1022, ց.7, գ. 43, թ.թ.1-2:

³ Այդ տեսակետից բնորոշ էին Դ. Անանունու մի շարք հրատարակումներում արտահայտված տրամադրությունները: Դրանցից մեկում նա գրում էր, թե դաշնակցությունը «սխալներ է գործել, որովհետև շատ գործ է կատարել, իսկ մենք չենք սխալվել, որովհետև ոչինչ չենք արել, մեր ժողովրդի հետ, նրա մեջ չենք եղել, իսկ դաշնակցությունը, որպես միակ մեծ և գործունյա կուսակցություն. միշտ եղել է Հայ ժողովրդի հետ, Հայ ժողովրդի համար, ինչ անենք, որ երբեմն էլ՝ Հայ ժողովրդի գլխին», «Յատալ» (Երևան), N 77, 27 դեկտեմբերի 1910թ.:

¹ «Զայն», N 13, 6 մայիսի 1907թ.:

Խնդրի նկատմամբ այդ կազմակերպության ունեցած վերաբերմունքը հրատակ արտացոլված է նրա նշանավոր տեսաբաններ Բախչի Իշխանյանի, Ալեքսանդր Մատուրյանի (Ռուբենի) և Դավիթ Տեր-Դանիելյանի (Անանուն) ուսումնասիրություններում: Անդրկովկասում ստեղծվելիք ֆեդերացիայի և կանտոնալ սիստեմի մասին նրանց մտքերն ու տեսակետները խտացված արտահայտություն են գտել Բ. Իշխանյանի խմբագրած «Կեանք» (Թիֆլիս) շաբաթաթերթում 1906թ. N 10 և N 11-ում Genosse ստորագրությամբ լույս տեսած «Իրագործելի» է արդյոք Անդրկովկասի ֆեդերացիան» հոդվածում:

Հենց սկզբից հոդվածագիրը նշում էր, որ իր կազմակերպությունը միանգամայն անմիտ է համարում դաշնակցականների այն ենթադրությունը, թե տնտեսապես, քաղաքական ձգտումներով և կուլտուրական մակարդակով իրարից խիստ տարբերվող Անդրկովկասի երեք հիմնական ազգերը՝ հայերը, վրացիները և թուրքերը, ընդունակ են ստեղծելու մի օրինակելի ֆեդերացիա, որը կունենա ընդհանուր օրենսդրական մարմին՝ պառլամենտ և ընդհանուր կառավարություն: Քանի որ պառլամենտում երեք ազգությունները կունենան հավասար ձայներ, ուստի, իբր, այնտեղ հնարավոր կլինի շատ արագ վերացնել այն բոլոր բարոյությունները, որոնք խանգարում են երեք ժողովուրդների համերաշխությանը և խաղաղ համակեցությանը:

Թերթը հարց էր տալիս. արդյո՞ք երկրամասի երեք ազգերի թվական հարաբերությունը թույլ է տալիս գեթ մի րուպե մտածել, թե ֆեդերատիվ Անդրկովկասի պառլամենտում տեղ չեն ունենալու նույն հակասությունները, անհամաձայնություններն ու կոփվելները, որոնք լինելու են պառլամենտից դուրս¹:

Անդրկովկասի ֆեդերացիայի պահանջի ուսուսիական լինելը ցույց տալու համար հոդվածագիրը դիմում է թվական տվյալների և «ամեն օր հանդիպող նույնատիպ աղաղակող փաստերի»:

Անդրկովկասում, գրում էր նա, չիա և սյունի թուրքերի թիվը մոտավորապես նույնքան է, որքան միասին վերցրած հայերի և վրացիների թիվը: Բացի այդ, ոչ մի երաշխիք չկա, որ ֆեդերալ պառլամենտում հայերն ու վրացիները միասնաբար հանդես են գալու թուրքերի դեմ: Ավելի հավանականն այն է, որ թուրք ֆեդոյալ բեկն ու վրացի ֆեդոյալ ազնվականը միանալով՝ ձեռք ձեռքի տված, կպայքարեն հայ բուրժուազիայի դեմ՝ իրենց հետևից քաշելով ստվար մասսաներ: Մյուս կողմից, զուր հույսեր տաձե՛լ և միամտորեն հավատալ, թե չիա և սյունի թուրքերը միմյանցից անկախ ու հակառակորդ ժողովուրդներ են, թե նրանց միջև եղած կրոնական պատենելը երկար ժամանակ գոյություն կունենա - միամտություն է, նաև՝ հակակուլտուրական ու փնասակար: Կասկած չկա, որ թուրքերի քաղաքական գիտակցության արթնացմանը զուգընթաց, թուլանալու և անհետանալու են նրանց կրոնական տարբերությունները, և Անդրկովկասի պառլամենտում չիա և սյունի թուրքերը հանդես

են գալու որպես նույն ժողովրդի տարբեր հատվածներ, ինչպես միասնաբար հանդես են գալիս Անդրկովկասի լուսավորչական, ավետարանական կամ կաթոլիկ հայերը¹:

Այնուհետև, «Կեանք» նշում էր, որ դաշնակցությունը մեծ հույսեր է տալով, թե թուրքը մոտ ապագայում խոր քնից կաթափվի, կուլտուրական զարգացում կապրի և այն ժամանակ խաղաղ ու համերաշխ կաշխատի հայերի և վրացիների հետ: Բայց դաշնակցականները որևէ, հատկապես՝ բարոյական, հիմք չունեն հույս փայփայելու, թե թուրքը առաջիկայում կկրթվի ու կառաջադիմի: Չէ՞ որ հենց նրանք թուրք-հայկական ընդհարումների ամբողջ ընթացքում եռանդով պրոպագանդել և շարունակում են պրոպագանդել, թե թուրքերն անընդունակ են քաղաքակրթվելու, և որ նրանք ալան-թալանի սիրահար մի ժողովուրդ են և այդպես էլ պիտի մնան, թե հայերի նկատմամբ նրանց թշնամությունը սրբագործված է դարերով, որի առաջն առնելը կուլտուրական միջոցներով անհնար մի բան է, որ նրանց միակ զսպողը կարող է լինել ֆիզիկական ուժը:

Ցույց տալու համար, որ անհնարին է պատկերացնել ֆեդերատիվ Անդրկովկաս, հոդվածագիրը վկայակոչում էր մի ուրիշ հանգամանք ևս: Նա գրում էր.

«Որպեսզի մի քանի ժողովուրդներ կարողանան իրականացնել մի երկրում ֆեդերացիա, անհրաժեշտ է, որ այդ երկրի ժողովուրդները բոլորն էլ համաձայն լինեն, կողմնակից լինեն այդ ֆեդերացիային: Բռնի կերպով ստիպել մեկին, որպեսզի նա անպատճառ գա ու քեզ հետ ֆեդերատիվ հարաբերությունների մեջ մտնի, անհեթեթ բան է: Եվ եթե մի ազգություն բավականաչափ ուժ ունենա մի ուրիշ ազգության վզին փաթաթելու ֆեդերացիան, նա ավելի շուտ իրեն կենթարկեր այդ ազգը և ոչ թե նրան կհրավիրեր մտնել ֆեդերացիայի մեջ»²:

Անդրկովկասի ֆեդերացիայի մասին լսել անգամ չցանկացող վրացիները դրա փոխարեն պահանջում են Վրաստանի ավտոնոմիա և հայտարարում, որ եթե դաշնակցությունը շարունակի պնդել իր ծրագրի վրա, ապա իրենք ամեն միջոցի կդիմեն հակավրացական նման գործողությունը խափանելու համար: Ինչ վերաբերում է թուրքերին, ապա նրանք, ոչ մի խոսք չստեղծելով հօգուտ Անդրկովկասի ֆեդերացիայի, միաժամանակ համակրանք են արտահայտում երկրամասի թուրքաբնակ վայրերում ավտոնոմիա մտցնելու գաղափարին: Իսկ դա նշանակում է, որ դաշնակցությունն ի վիճակի չէ վրացիներին ու թուրքերին մղել դեպի ֆեդերացիա:

Դաշնակցության ֆեդերալիզացիայի ծրագրի համաձայն, Անդրկովկասը բաժանվելու էր մի քանի տասնյակ ինքնավար կանտոնների՝ յուրաքանչյուրը դարձյալ իր օրենսդիր և վարչական մարմիններով:

¹ Տե՛ս «Կեանք», N 11, 27 մայիսի 1906թ.:

¹ Տե՛ս «Կեանք», N 11, 27 մայիսի 1906թ.:

² Նույն տեղում:

Հայտնի է, թե որոնք պետք է լինեն նախատեսվող կանտոնները, որպեսզի կարելի լինե՞ր քննել դրանց իրագործման հավանականությունը: Որո՞նք էին լինելու այդ կանտոնների առավելությունները, դրանք ի՞նչ միջոցներով և ինչպե՞ս էին արգելք դնելու երկրամասում ամեն օր կատարվող բազում չարիքների, հատկապես ազգային հողի վրա ծագած խժժությունների առջև – սրանք հարցեր էին, որոնք սպասում էին անհետաձգելի պատասխանների:

«Կեանքը» նկատում էր, որ ամեն մի կանտոնում, ուր կողք կողքի ապրում են շահերով և կուլտուրական զարգացման աստիճանով խիստ տարբեր Հայն ու թուրքը, կանտոնալ օրենսդիր մարմինը անխուսափելիորեն հանդիպելու է նույն բարդություններին, վեճերին ու ներհակություններին, որոնք հատուկ են լինելու Ֆեդերալ պառլամենտին: «Օրինակ՝ շատ հետաքրքիր կլինե՞ր տեսնել, թե ինչպես Ջանգեզուրի կանտոնի օրենսդիր մարմնի մեջ նստած են հանքատեր Սուլթանովը և հանքարդյունաբերող Մելիք-Ազարյանը, և թե փոխադարձ ներհակությունը արտահայտման ինչ ձևեր է ստանում Ջանգեզուրի «պառլամենտի» պատերից ներս և նրա պատերից դուրս»¹:

Բնական է, որ կանտոններին վերաբերող հարցերի քննության ժամանակ Ֆեդերալ պառլամենտում ծագելիք վեճերը ավելանալու էին տեղական կանտոններում առաջացած վեճերին: Սրանց գումարվելու էին նաև այն վեճերը, որոնք տեղի էին ունենալու զանազան կանտոնների միջև: Բայց դա բոլորը չէ, գրում էր թերթը: Ենթադրենք՝ մի կերպ գավառներում ստեղծվել են հայկական, թուրքական և վրացական կանտոններ: Այդ դեպքում ի՞նչ պետք է արվի թիֆլիս, Բաքու, Գանձակ, Շուշի, Երևան և մյուս քաղաքների հետ: «Քանի՞ կանտոններից բաղկացած պիտի լինի այդ քաղաքներից ամեն մեկը, քանի՞ օրենսդիր մարմին՝ դրանցից ամեն մեկում:

Այս ամենից հողվածագիրը հետևություն էր անում, որ անդրկովկասյան Ֆեդերացիան իր կանտոնալ սիստեմով ոչ միայն չի կարող երաշխավորել երկրամասի երեք հիմնական ազգությունների կուլտուրական զարգացումը, այլև մեծ խոչընդոտ կլինի նրանց հետագա առաջադիմությունյան ճանապարհին:

Այսպիսով, ինչպես տեսնում ենք, սոց.-դեմ. բանվորական Հայ կազմակերպությունը, կանգնած լինելով Հայ պրոլետարիատի դասակարգային շահերից բխող տեսակետի վրա, ընդհանրապես մերժում էր քաղաքական-վարչական կազմի ապակենտրոնացման սկզբունքը՝ ֆեդերացիան և ավտոնոմիան: Կազմակերպությունը Հայտարարում էր, որ ինքը իրագործելի և միանգամայն բավարար է համարում Հայ պրոլետարիատի դասակարգային ձգտումներին ու նպատակներին համապատասխանող տեղական և շրջանային լայն ինքնավարությունը²:

Ինչպես դաշնակցության, այնպես էլ հնչակյան կուսակցության նկատ-

մամբ ՄԻԲՀ կազմակերպությունը ուներ խիստ բացասական վերաբերմունք: «Սպեցիֆիկները» հնչակին նույնպես համարում էին ազգայնամոլ կուսակցություն: Նրանք գտնում էին, որ թեև, ի տարբերություն դաշնակցության, հնչակը իրեն ազդարարել է մարքսիստական սոցիալիզմի հետևորդ, որ Հնայած հնչակյանները Հայ իրականության մեջ, ըստ էության, առաջինն են Հայերեն թարգմանել մարքսիստական գրականության առանձին նմուշներ, բայց նրանք նույնիսկ իրենց կատարած թարգմանություններից համարյա ոչինչ չեն հասկացել:

ՄԻԲՀ կազմակերպության տեսաբանները այն համոզմանն էին, որ հնչակյան կուսակցությունը իրեն լիովին սպառել է և պետք է հեռանա քաղաքական ասպարեզից: Բ. Իշխանյանի «Կեանքը» գրում էր. «Հնչակյան կուսակցության գոյությունը բանվորական շրջաններում վերջին տարիներս կատարյալ անախրոնիզմ է դարձել»: Եվ դա բնական է, քանի որ ժամանակի հարվածներից ավերված է այլևս: «Անշուշտ, – նշում էր թերթը, – նորություն չէ, որ քիչ թե շատ գիտակից բանվորները, այլևս անկարող լինելով մնալ հնչակյան հակասությունների քառուստ, երես են դարձնում նրանից և միանում ավելի կենսունակ կազմակերպություններին»¹:

Ուստի պատահական չէ, որ, օրինակ, ՄԻԲՀ կազմակերպության Բաթումի կոմիտեն 1904թ. նոյեմբերի 12-ին բողոք էր ուղարկել «Рабомыя» թերթին՝ տարօրինակ համարելով Ամստերդամի սոցիալիստական կոնգրեսում որպես հնչակյան կուսակցության ներկայացուցիչ հանդես գալու Գ. Վ. Պլեխանովի քայլը²:

Հնչակյաններն անպատասխան չէին թողնում «սպեցիֆիկների» հարձակումները: «Վերածննդի» 1904թ. N35-ում Ավ. Նազարբեկյանը լուրջ էր համարում նրանց սոցիալ-դեմոկրատներ կոչելը: «Եթե քիչ մոտենանք նրանց և քերենք նրանց մորթը, տակից դուրս կպրծնի Հայ նացիոնալիստը»:

1906թ. ապրիլի 9-ին Բաքվի հնչակյանները, որոնք մնացել էին հավատարիմ կուսակցության գաղափարներին և նպատակներին, հանդես եկան «Ակամա պատասխան» Հայտարարությամբ՝ ուղղված հնչակի նկատմամբ «սպեցիֆիկների» ծավալած հերթական քննադատության դեմ: Վերջիններիս անվանելով «մի դյուժին» «ողորմելիներ», որոնք «իրենց խեղաբարություններով» «ապականում են օդը», հնչակյանները, դիմելով նրանց, գրում էին. «Ձեզ դեռ հարկավոր է մտնել հնչակյան դրոշի տակ, սովորել ու հասկանալ ծխի ու կրակի մեջ ապրող բանվորի ցավն ու վիշտը»: Նրանք իրենց հակառակորդներին խորհուրդ էին տալիս՝ գոնե մի կարճ ժամանակով մտնել հնչակի դրոշի տակ՝ իմանալու համար, թե ինչ է հեղափոխական պայքարը, «այնտատվոր մարդու կյանքի չարքաչ պայմանները», տեսնել, բայց ոչ դարմանել, քանզի

¹ «Կեանք», N 11, 27 մայիսի 1906թ.:

² Նույն տեղում, N 10, 20 մայիսի 1906թ.:

¹ «Կեանք», N 11, 27 մայիսի 1906թ.:

² ՀՀ ԼՔԿՓԿԳԱ, ֆ. 4041, ց. 1, գ. 9, թ. 1.2:

դարձանելը ձեր խելքից ու մտքից այնքան է հեռու, որքան երկինքը երկրից»¹: «Հնչակ» և «Երիտասարդ Հայաստան» թերթերում հաղորդումներ կային այն մասին, որ ՄԻԲՀ կազմակերպությունը, իր շարքերը ստվարացնելու համար զբաղվում է մարդորսուկությամբ: Ի պատասխան այդ մեղադրանքի՝ «Զայն» թերթը տպագրել էր Բաքվից ստացված «Անամոթ շահատակություն» վերնագրով թղթակցությունը, ուր խոսք էր գնում այն մասին, որ «Բաքվի Հնչակյան խունացած պարոնները» շարունակում են ՄԻԲՀ կազմակերպության տեղի կոմիտեին և նրա Հայ բանվորական բյուրոյին սպառնալիքներ կարող է մեղադրել այն բանում, թե նրանք փորձում են Հնչակյան բանվորներին քաշել իրենց կողմը: Հողվածագիրը նշում էր, թե քաղաքի «Հնչակյան բոսերը» ճգնում են իրենց ներկայացնել որպես Բաքվի Հայ բանվորների ցավերի միակ թարգման ու պաշտպան, մյուս կողմից, միայն ու միայն զբաղված են ՌՄԻԲԿ Հետ միանալու խնդրով: «Հետո նրանք և՛ միացան, և՛ չմիացան, Հնչակյան մնացին, անարխիստ դառան, տեռորիստ, բոմբիստ հուշակվեցին և այլն, և այլն: Հնչակյանները մի ավելորդ անգամ էլ ցույց տվեցին, որ իրենք էլի հին սապատավորներն են մնացել, որոնց միայն գերեզմանը կարող է ուղղել»²:

ՄԻԲՀԿ-ն շատ հիմանդադին էր արձագանքում Հնչակ - բոլշևիկ սկսված երկխոսությունը: «Սպեցիֆիկների» և բոլշևիկների միջև գաղափարական տարածայնություններ անհամեմատ քիչ էին (տարակարծությունները գլխավորապես կազմակերպչական և տակտիկական հարցերի շուրջ էին), քան բոլշևիկների և Հնչակյանների միջև: Բայց, չնայած դրան, Հնչակյանների նկատմամբ բոլշևիկների վերաբերմունքն ավելի հանդուրժողական էր, իսկ առանձին դեպքերում՝ նույնիսկ բարեկամական: Անդրկովկասում Հնչակի գործողությունները գնալով դառնում էին ընդգծված դասակարգային, ընդգծված սոցիալիստական: Ռուսական Հեղափոխության նախօրերին և ընթացքում այդ հանգամանքը հող էր ստեղծել բոլշևիկ - Հնչակ համագործակցության համար:

Չենք կարող չնկատել նաև, որ դեպի Հնչակները ՌՄԻԲԿ-ի ղեկավարության մոտ ստեղծված դրական տրամադրությունները արդյունք էին այն սրվյալների, որ Հնչակի մասին ներկայացրել էին Հայ բոլշևիկները: Սրանք, ինչպես շարադրանքից տեսանք, ընդհակառակը, ՌՄԻԲԿ կենտկոմին և նրա կովկասյան երկրային կոմիտեին միշտ բացասական կարծիքներ էին ներկայացրել «սպեցիֆիկների» մասին: Դրա պատճառն այն էր, որ Հնչակն ազգային-հեղափոխական կուսակցություն էր, և նրա գործունեության հիմնական դաշտը շարունակում էր մնալ թուրքահայաստանը: Բացի այդ, Հնչակյան ձախ՝ նազար բեկյանական թևը հանդես էր գալիս կուսակցությունը ՌՄԻԲԿ-ի մեջ ձուլելու պահանջով, այն դեպքում, երբ ՄԻԲՀԿ-ն այդ մասին մտածել անգամ չէր

ուղում և ՌՄԻԲԿ կազմում հավակնում էր ինքնուրույն կարգավիճակի:

Ուստի և անդրկովկասյան Հնչակյանները չէին կարող բոլշևիկների համար լուրջ մրցակիցներ լինել և վտանգ ներկայացնել՝ Հայ բանվորությանը իրենց կողմը գրավելու հնարավորության տեսակետից: Ուրիշ էր «սպեցիֆիկների» պարագան. սրանք Անդրկովկասի Հայ բանվորական շարժման մեջ Հայ բոլշևիկների համար դարձել էին լուրջ մրցակիցներ:

Հայ բոլշևիկները հանդես էին գալիս որպես Հայ բանվորության շահերի միակ արտահայտիչներ: Իրենց Հերթին այդ դերին հավակնում էին «սպեցիֆիկները»: Այստեղից էլ միմյանց նկատմամբ նրանց անհանդուրժողականությունը, որը հաճախ փոխարկվում էր բացահայտ թշնամանքի:

Այդ ամենը և հատկապես այն, որ Հնչակյանները հաջողությամբ բանակցում էին Հայ բոլշևիկների հետ՝ ՌՄԻԲԿ մեջ մտնելու համար, մեծապես զայրացնում էր «սպեցիֆիկներին», որոնց նույն նպատակով արված բազմաթիվ խնդրանքները կտրուկ մերժվել էին ՌՄԻԲԿ ղեկավարության կողմից: Դրա հետևանքն այն եղավ, որ ուժեղացան ՄԻԲՀԿ-ի հարձակումները Հնչակյանների վրա, ըստ որում, կազմակերպության մամուլի օրգաններում հակահնչակյան հողվածների Հեղինակները ոչ միայն ավելի եռանդով էին «մերկացնում» «Հնչակյան սոցիալիզմը», այլև զանազան վարկաբեկիչ նյութեր էին տպագրում Հնչակի ղեկավար գործիչների և, հատկապես, նազարբեկների դեմ, մտնելով նույնիսկ նրանց ընտանեկան ինտիմ կյանքի մանրամասների մեջ:

Հասցրած վիրավորանքների առիթով «Ակամա պատասխան» նամակում Հնչակյանները գրում էին. «Այնպիսին, ինչպիսին դուք եք, թերուններ, ոչ ձեր փայլուն ցիլինդրներով, ոչ էլ ոսկեգոծ ակնոցներով, ոչ էլ Եվրոպայի վերջին մոդայի հագուստով չեք կարող [դեպի ձեզ] գրավել Հայ բանվորներին կամ արատավորել Հնչակյան միությունը»³:

1905թ. ապրիլին Բեռլինում կայացել էր Եվրոպայի Հայ ուսանողների միության կոնգրես, որին հրաժարվել էին մասնակցել ՄԻԲՀԿ անդամ ուսանողներն այն պատճառաբանությամբ, թե իրենք չեն կարող համաձայնության որևէ եզր գտնել Հնչակ և դաշնակ ուսանողների հետ⁴:

Ի տարբերություն Բաքվի կազմակերպության՝ Թիֆլիսի Հնչակյան կազմակերպությունը հանդես չէր բերում առանձին ակտիվություն՝ միավորվելու ՌՄԻԲԿ-ի հետ: Բնականաբար, դա հող էր ստեղծել ՄԻԲՀԿ-ի հետ երկխոսություն սկսելու համար: Թիֆլիսում նույնիսկ մեկ-երկու փորձ եղավ նրանց հանդիպման, բայց դրանք վերջացան անհաջողությամբ: Հնչակյան մի Հայտարարության մեջ նշված է, որ բանակցությունների ընթացքում ՄԻԲՀԿ-ն միշտ հանդես է գալիս ամբողջ Հայ պրոլետարիատի անունից, այն էլ՝ վերամբարձ պահանջներով: Միաժամանակ հասարակայնությանը տեղյակ էր պահ-

¹ ՀՀ ՀՔԿՓԿԳԱ, ֆ. 4045, ց.1, գ. 111, թ.1:

² «Զայն», N 1, 1 հոկտեմբերի 1906թ.:

³ ՀՀ ՀՔԿՓԿԳԱ, ֆ. 1022, ց.7, գ. 20, թ.թ. 33-34:

⁴ Նույն տեղում:

վում, որ բանակցութիւնների օրերին նրա ղեկավարները բազմաթիւ գրութիւններ են ուղարկել տեղերը և հայտնել, որ Հնչակյանների հետ Համագործակցութիւնն անհնարին է: ՄԻԲԸԿ տեղական մարմինները, իրենց հերթին, կազմակերպութեան անդամներին տեղյակ էին պահուած ղեկավարութեան հրահանգի մասին և պահանջում որևէ գործակցութիւն չունենալ Հնչակյանների հետ:

Այսպես, Շուշիի ՄԻԲԸԿ խումբը 1905թ. Հունիսի 23-ին իր անդամներին հղել էր մի ծանուցում, ուր ասված էր. «Վերջին շրջանում տարածվել են լուրեր, որ, իբր, ՄԻԲԸԿ-ն միավորվում է Հնչակյանների հետ: Այդ լուրերը հիմքից զուրկ են»: Ծանուցման մեջ նշվում էր, որ Շուշիի խումբը նախկինում երբեք չի գործակցել Հնչակի հետ և այսուհետև էլ չի գործակցելու, քանի որ այդ կուսակցութիւնն իր աշխարհայացքով ու գործունեութեամբ ազգայնական է և օպորտունիստական, որը, սոցիալ-դեմոկրատիայի թիկնոց հագած, շահագործում է Հայ բանվորներին ու աշխատավոր գյուղացուն, հետևապես նրա դեմ պետք է պայքարել ամենուրեք¹:

Հարթ չէին «սպեցիֆիկներին» հարաբերութիւնները նաև մենչեիկներին հետ, թեև նրանց մտեցումները որոշ հարցերում համընկնում էին:

Իր նամակներից մեկում Գարեգին Կողբեցունը (Եսալեմ), բոլշեիկներին քննադատելով այն բանի համար, որ նրանք ուսակական հեղափոխութեան մեջ երրորդական-չորրորդական դեր են հատկացնում գյուղացիութեանը (բանվոր դասակարգից, արհեստավորների դասից և հեղափոխական ինտելիգենցիայից հետո), միաժամանակ շնչում էր, որ այդ հարցում մենչեիկները կանգնած են ավելի ճիշտ ուղու վրա²:

Բայց մենչեիկների նկատմամբ ունեցած վերաբերմունքի հարցում «Ձայնի» այդ մտեցումը «սպեցիֆիկներին» բնավ բնորոշ չէր: Բնութագրական այն էր, որ կովկասյան մենչեիկի դեմ նրանց պայքարը անգիղում էր: Այդ պայքարը հատկապես սուր բնույթ ստացավ ՌՄԻԲԿ IV Համագումարից հետո: Նրանք հրապարակով խոր դժգոհութիւն էին հայտնում, ասելով, թե բոլշեիկները մեծ գիղուններ են արել մենչեիկներին՝ միավորվելով նրանց հետ: «Դա մի Համագումար էր, - գրում էր «Կեանքը», - որտեղ փոքրամասնականների շեֆերի՝ Պլեխանովի, Աքսելրոդի և այլոց կողմից փառաբանվեց նաև կովկասյան փոքրամասնականների, գերազանցապես վրաց սոցիալ դեմոկրատների կես-անարխիստական, կես-օպորտունիստական տակտիկան...»³:

Բնական է, որ մենչեիկները չէին կարող անպատասխան թողնել «սպեցիֆիկներին» և բուռն գրոհներ ձեռնարկեցին ՄԻԲԸԿ-ի դեմ: «Սպեցիֆիկներին» տարածած թուլեցիկներից մեկում կարդում ենք. «էլ անտեղի հարձակումներ,

զրպարտութիւններ և մեղադրանքներ չմնաց, որ [մենչեիկները] չթափեն մեր կազմակերպութեան գլխին: Էլ ածականներ չմնաց, որ չկցեին մեր անվան: Վերջապես, չխնայվեց ոչ մի միջոց՝ անվանաբեկ անելու մեր կազմակերպութիւնը»⁴:

Խիստ սրվել էին ՄԻԲԸԿ կազմակերպութեան հարաբերութիւնները երիտդաշնակցական և անջատական հոսանքների հետ: «Սպեցիֆիկները» վերջիններիս մեղադրում էին երկերեսութեան մեջ: «Կեանքը» գրում էր, որ թեև նրանք արտաքինապես ցույց են տալիս, թե գալիս են դեպի սոցիալ-դեմոկրատիա, բայց իրականում հոգով ու սրտով մնում են որպես ազգայնականներ⁵:

Մամուլում կծու բանավեճեր էին ծավալվել, մի կողմից, ՄԻԲԸԿ կազմակերպութեան տեսաբանների, մյուս կողմից, երիտդաշնակցական Ա. Մրավյանի և անջատական Լևոն Աթաբեկյանի միջև: Հատկապես ծայրահեղորեն սրվել էին Լևոն Աթաբեկյանի և Բախչի Իշխանյանի հարաբերութիւնները:

«Մի գրական թախնի առիթով» հոդվածում («Երկիր», N 14, N 15, 1906թ.) Լ. Աթաբեկյանը Բ. Իշխանյանին մեղադրել էր գրագողութեան մեջ: Իր հերթին վերջինս պատասխանել էր ավելի խիստ (եթե չասենք՝ անվայելուչ) արտահայտութիւններով՝ «Իմ պատասխանը դեմագոգիայի արհեստավորին» հոդվածով⁶:

«Ձայն» թերթին ուղարկած հոդվածում, որը, չգիտես ինչու, չի ստորագրվել և պահպանվում է արխիվում, նրա հեղինակը գրում էր, որ դաշնակցութիւնից հեռացած անջատականները, ի վերջո, «վերադառնալու են իրենց մոր գիրկը»: Դրա պատճառն այն է, որ «դաշնակցութիւնը ավելի մոտ է նրանց սրտին, քան սոցիալ-դեմոկրատիան»: Բայց ի՞նչ է նշանակում դա - անջատականներին հարց էր տալիս հոդվածագիրը և պատասխանում. «Սա նշանակում է, որ կամ ձեր մեջ սոցիալիզմը դեռևս մի մութ, անորոշ գաղափար է, որի հետ, իր ամբողջութեան մեջ, դուք դեռ չեք հաշտվել. թեև Հայկական նացիոնալիզմից «հրաժարված» եք, բայց մնում ենք այդ նույն նացիոնալիզմի ճանկերում որպես ստրուկ:

Եվ քանի դեռ այս հարցերին պատասխան չեք տվել, Հասարակութեան առջև պարզորեն չեք դրել ձեր պատկերը, ձեր համոզմունքները, ձեր ծրագրերը՝ մենք իրավունք չունենք ձեզ անջատված Համարելու դաշնակցութիւնից»⁷:

Նույն առիթով չէին գնում նաև «սպեցիֆիկներին» և սոցիալիստ-հեղափոխականների (էս-էն) ջրերը: Առաջինների գնահատմամբ երկրորդների կուսակցութիւնը մանրբուրժուական էր, հակապրոլետարական՝ «էլիտիստիկ-ուտոպիական» աշխարհայացքով և «ազրարային կոնսերվատիզմով»: ՄԻԲԸԿ-ի ղեկավարութիւնն իր տեղական մարմիններին պարբերաբար հանձնարարում

¹ ՀՀ ԼՔԿՓԿՊԱ, ֆ. 1022, ց.7, գ. 44, թ.1:

² Նույն տեղում, ֆ. 4041, ց.1, գ. 19, թ.2:

³ «Կեանք», N 10, 20 մայիսի 1906թ.:

⁴ ՀՀ ԼՔԿՓԿՊԱ, ֆ. 1022, ց.7, գ. 15, թ.3:

⁵ Տե՛ս «Կեանք», N 13, 10 Հունիսի 1906թ.:

⁶ Տե՛ս «Ձայն», N 7, 12 նոյեմբերի, N 8, 19 նոյեմբերի 1906թ.:

⁷ ՀՀ ԼՔԿՓԿՊԱ, ֆ. 1022, ց.7, գ. 26, թ.2:

էր անողոքաբար մերկացնել էսէռների «քաղքենիական գաղափարախոսութիւնը» և նրանց Հեռու պահել Հայ պրոլետարիատի շարքերից:

Ինչպես տեսնում ենք, «սպեցիֆիկների» կազմակերպությունը կռիվ բազմաթիվ ճակատներ էր բացել և տրամադիր չէր համագործակցել որևէ քաղաքական կուսակցության Հետ՝ լինելին դրանք ազգայնական թե սոցիալիստական, ալ թե ձախ կողմնորոշում ունեցող ուժեր: ՄԴԲԶԿ որդեգրած պայքարի բնութագրությունը իր հրապարակումներից մեկում ճշմարտացի է ներկայացրել «Կեանք» թերթը, գրելով.

«Կռիվ, անհաշտ կռիվ ցարի բռնակալական ռեժիմի դեմ, կռիվ լիբերալ բուրժուազիայի, կապիտալիստական ազդարային շահագործման դեմ: Կռիվ մեր իրականության մեջ ազգայնական կուսակցությունների դեմ, որոնք շահագործում են պրոլետարիատի տակավին թույլ դասակարգային գիտակցությունը, կազմակերպական պայքար ՌՄԴԿ դեմ հանուն համայն Ռուսիայի լավագույն և ամենանպատակահարմար սիստեմով կազմակերպելու ձգտումների»¹:

Չնայած պայքարի տարբեր ճակատներում, հատկապես 1905-1907թթ. ի հայտ բերած մեծ ակտիվությանը, այնուամենայնիվ, ս.-դ. բանվորական կազմակերպությանը չհաջողվեց խոր արմատներ ձգել Հայ իրականության մեջ:

Գ Լ Ո Ւ Խ Ս Ա Ս Ն Մ Ե Կ Ե Ր Ո Ր Դ

ՀԱՅ ՍՈՑԻԱԼ-ԴԵՄՈԿՐԱՏՆԵՐԻ ԳՈՐԾԵՐԸ

Հայ հասարակության մեջ գործում էին ո՛չ միայն ազգային կուսակցություններ ու կազմակերպություններ: Դրանց կողքին, բայց դրանցից հեռու, իր գործունեությունն էր ծավալել հակառակ գաղափարներ դավանող ուժը՝ սոցիալ-դեմոկրատիան:

Սոցիալ-դեմոկրատիայի գաղափարաբանությունը գինվորագրված Հայ որդիներն իրենց ժողովրդի փրկությունը և հարատևությունը կապում էին ո՛չ միայն ազգային ազատագրական շարժման, կապիտալիստական շահագործումից ազատագրվելու համար ճնշված դասակարգերի և, առաջին հերթին, ռուսաստանյան պրոլետարիատի հաղթական սոցիալիստական հեղափոխության հետ:

Ազատագրական շարժման ուղիների արմատական տարբերությունները Հայ քաղաքական դաշտում անխուսափելիորեն առաջ բերեցին անզիջում դիմակայություն միմյանց ժխտող հասարակական ուժերի միջև:

Ռուսաստանում դասակարգային կռիվը հրապարակ էր հանել սոցիալիստական երկու խոշոր կուսակցություններ: Դրանցից մեկը սոցիալիստ-հեղափոխականների (էս-էռ) կուսակցությունն էր: Եթե չհաշվենք Հ. Յ. դաշնակցության վրա նրա թողած զգալի ազդեցությունը, ապա կարելի է ասել, որ այդ կուսակցությունը նկատելի դեր չխաղաց Հայ իրականության մեջ: Հայ էսէռները հիմնականում նախկին դաշնակցականներ էին, որոնց թիվը մատների վրա էր հաշվվում: Թողնելով դաշնակցության շարքերը՝ նրանք համախմբվել էին սոցիալիստ-հեղափոխականների դրոշի տակ և ընդգրկվել համառուսաստանյան հեղափոխական շարժման մեջ:

Մյուս սոցիալիստական կուսակցությունը Ռուսաստանի սոցիալ-դեմոկրատական բանվորական կուսակցությունն էր, որը խոր արմատներ էր նետել Հայկական միջավայրում: Իր երկրորդ համագումարից հետո (1903թ.) այդ կուսակցության մեջ ձևավորվեցին միմյանցից խիստ տարբեր քաղաքական երկու թևեր՝ բուլճեփյան և մենչևեփյան, որոնք ունեին առանձին կենտրոնական, ռեզիդենսալ և տեղական կազմակերպություններ՝ իրենց ղեկավար մարմիններով և մամուլի օրգաններով:

Անդրկովկասում մենչևեփյան կայուն դիրքեր ապահովեց միայն Վրաստանում: Սոցիալ-դեմոկրատիայի վրացական թևը համառուսաստանյան մենչևեփյան ամենախոշոր ջոկատներից մեկն էր, միաժամանակ Վրաստանի ամենաազ-

¹ «Կեանք», N 14, 17 հունիսի 1906թ.:

դեցիկ քաղաքական ուժը: Մենչևիզմը Հայ իրականութեան մեջ էական դեր չխաղաց: Մենչևիկյան ուղղութեան Հայերեն երկու-երեք տպագիր օրգանները գաղափարական լուրջ ազդեցութիւն չունեցան Հայ զանգվածների վրա: Ան-նշան թիվով մենչևիկ Հայ գործիչների մեծ մասն ապաստան էր գտել վրաց-մենչևիկյան սոցիալ-դեմոկրատիայի տանիքի տակ:

Ի տարբերութիւն մենչևիզմի՝ ՌՄԴԿ ծայրահեղ Հեղափոխական թևը՝ բոլշևիզմը, խոր արմատներ նետեց Հայ իրականութեան մեջ: Մարքսիստական ուսմունքին Հավատարիմ գաղափարական անձնագոհ առաջնորդներ ու մար-տիկներ, մամուլի բազմաթիվ օրգաններ, Հեղափոխական եռուն գործնական աշխատանք - ահա Հայկական միջավայրում բոլշևիզմի ներկայութեան տիպա-կան չափորոշիչները:

ՌՄԴԿ ընդհանուր տանիքի տակ բոլշևիզմի և մենչևիզմի Հեղհեղուկ գո-յակցութիւնը պարբերաբար խախտվելով՝ ժամանակ առ ժամանակ տեղի էր տալիս բացահայտ թշնամանքի՝ Անդրկովկասի պայմաններում արտահայտվե-լով Հայ (բոլշևիկ) - վրաց (մենչևիկ) Հակադրութեան ձևով:

Չուտ ազգային ազատագրութեան խնդիրներին լծված Հայ ազգային-Հեղա-փոխական կուսակցութիւնների (Հնչակ, դաշնակցութիւն) շարքերը, բնակա-նաբար, չտվեցին Համառուսաստանյան մասշտաբի խոշոր գործիչներ: Նույնը կարելի է ասել նաև Հայ էսէռների և Հայ մենչևիկների մասին: Թերևս ինչ-որ չափով բացառութիւն կազմեցին Ավետիս Նազարբեկյանը՝ Հնչակից, Արշակ Չուրբաբյանը՝ Հայ մենչևիկների շարքից, և Պոռ Պոռչյանը՝ Հայ էսէռների թվից: Այս երեք գործիչները ճանաչում գտան միայն ուսաստանյան քաղա-քական գործիչների նեղ շրջանակներում անհայտ մտալով աշխատավոր լայն զանգվածներին: Նկատենք նաև, որ Հետագայում, 1917թ. Հոկտեմբերյան Հե-ղափոխութեան Հաղթանակից Հետո, Ա. Նազարբեկյանը մտավ բոլշևիկյան կուսակցութեան մեջ, իսկ Ա. Չուրբաբյանը և Պ. Պոռչյանը մերձեցան բոլշևիկ-ներին ու կանգնեցին խորհրդային իշխանութեան պլատֆորմի վրա:

Պատկերը միանգամայն այլ էր Հայազգի բոլշևիկների մոտ: Նրանց շարքե-րից սերվեցին ականավոր գործիչներ՝ Ստեփան Շահումյանը, Բոգդան Կնուն-յանցը, Սուրեն Սպանդարյանը, Իսահակ Լալայանը, Ալեքսանդր Մյասնիկյանը, Վլադիսլավ Կասպարովը, Ալեքսանդր Բեկզադայանը, Անաստաս Միկոյանը, որոնք մեծ ավանդ ներդրեցին ոչ միայն կովկասյան, այլև Համառուսաստանյան Հե-ղափոխական շարժման, բոլշևիկյան կուսակցութեան ստեղծման ու ամրապնդ-ման, իսկ նրանցից ոմանք՝ նաև խորհրդային պետութեան կառուցման մեջ:

Բոլշևիկյան կուսակցութեան շարքերում նվիրվածութեամբ գործեցին նշա-նավոր Հեղափոխականներ Սարգիս Կասյանը, Մելիք Մելիքյանը (Դեղուշակ), Ասքանազ Մուսկյանը, Սիմոն Տեր-Պետրոսյանը (Կամո), Դանուշ Շահվերդյա-նը, Սերգո Խանոյանը, Աշոտ Խումարյանը, Սահակ Տեր-Գաբրիելյանը, Աշոտ Հովհաննիսյանը, Ռուբեն Դաշոյանը, Արշավիր Մելիքյանը, Ռուբեն Քաթան-յանը, Սարգիս Սրապիոնյանը (Լուկաչին), Բագրատ Բորյանը և ուրիշներ:

ՀԱՅ ԲՈԼՇԵՎԻԿՆԵՐԸ ՌՌՍԱԿԱՆ ԱՌԱՋԻՆ ՀԵՂԱՓՈՒՅԹՅԱՆ ՇՐՋԱՆՈՒՄ (1905-1907թթ.)

Մենք այստեղ մանրամասն չենք լուսարանի 1905-1907թթ. ուսական առաջին Հեղափոխութեան պատճառները, չենք անդրադառնա սկզբնական շրջանի իրադարձութիւններին, կանգ չենք առնի Հեղափոխութեան անցած Հանգրվանների վրա, քանի որ այդ Հարցերը շարադրված են սույն աշխատու-թեան առաջին գրքում: Ստորև խոսք կգնա Հայաստանում և Անդրկովկասի Հայաբնակ քաղաքներում ու գավառներում Հեղափոխութեան ունեցած արձա-գանքների և Հակացարական ելույթների մասին՝ այդ տարիներին Հայ բոլշևիկ-ների ծավալած գործունեութեան առումով:

1905թ. Հունվարյան դեպքերով սկսված ուսական առաջին Հեղափոխու-թիւնը զարգանալով Հասավ ամենաբարձր աստիճանին՝ դեկտեմբերյան զին-ված ապստամբութեանը: Ցարական ինքնակալութեան դեմ պայքարի ելան միլիոնավոր զանգվածներ՝ երկրում առաջ բերելով Հսկայական քաղաքական վերելք:

Հեղափոխութիւնն առաջին Հերթին ուսական սոցիալ-դեմոկրատիայի մեծ ստեղծագործութիւնն էր: Նրա Հաղթանակին նախանձախնդիր գլխավոր դեկավոր ուժը՝ բոլշևիզմը, իր Հետևից տանում էր պրոլետարիատի Հիմնական շերտերին, նրան մղում Հակացարական կռիւի, դեպի բարիկադներ:

Հեղափոխութեան տարիներին բոլշևիզմը Հայ իրականութեան մեջ դարձավ մշտական գործոն և շարժիչ ուժ, Հասարակական զարգացման ընթացքը պայ-մանավորող Հանգամանքներից մեկը: Թեև Հեղափոխութիւնը պարտվեց, բայց այն եղավ նախերգանք գալիք դասակարգային մարտերի, որոնք տևակա-նորեն փոխելու էին Ռուսաստանի զարգացման ուղին:

Այն իրողութիւնը, որ Հայաստանում առաջացած սոցիալ-դեմոկրատական կազմակերպութիւնների մեծ մասը Հենց սկզբից Հարել է ՌՄԴԿ բոլշևիկյան թևին, խորհրդային պատմագրութեան մեջ դարձել է միանշանակ, այսինքն՝ Հայաստանում գործող սոցիալ-դեմոկրատական բոլոր կազմակերպութիւն-ներն անխտիր Համարվել են բոլշևիկյան: Դա խանգարել է Հայաստանում Հեղափոխական շարժման ընդհանուր պատկերը ճիշտ ընկալելուն: Իրականում այդ կազմակերպութիւնների մի մասը Հարել է ՌՄԴԿ մենչևիկյան թևին:

Հայաստանում մենչևիկները զգալի ազդեցութիւն են ունեցել ամենից առաջ Ալավերդու արդյունաբերական Հանգույցում: Դա պատահական չէ,

քանի որ այդ Հանգուցը գտնվում էր Թիֆլիսի նահանգի Բորչալուի գավառի կազմում, ուստի ավելի շատ կապված էր Թիֆլիս քաղաքի, քան Հայաստանի որևէ շրջանի կամ քաղաքի, այդ թվում Ալեքսանդրապոլի և Երևանի Հետ: Եվ քանի որ վրաց սոցիալ-դեմոկրատիան ամբողջովին մենչևիկյան էր, ապա Թիֆլիս քաղաքից և նահանգից Ալավերդի աշխատանքի եկած վրացի մասնագետներն ու բանվորներն իրենց Հետ բերում էին սոցիալ-դեմոկրատիայի վրացական տարբերակը, որի ազդեցություն տակ էր ընկնում նաև պղնձարդյունաբերության տեղի բանվոր-ծառայողների մի մասը:

Ալավերդու արդյունաբերական շրջանի բանվորության քաղաքական տրամադրությունների վրա նշանակալի ազդեցություն էր գործում Արշ. Զուրաբյանի ղեկավարությամբ Թիֆլիսում հրատարակվող Հայ-մենչևիկյան «Հոսանք» թերթը: Մենչևիկները զգալի թիվ էին կազմում նաև երկաթուղային Հանգուցներում, Ալեքսանդրապոլի դեպոյում, Սանահինում, Կարսում, Երևանում, այսինքն՝ այնտեղ, որտեղ աշխատում էին վրացի բանվորներ, տեխնիկներ, ինժեներներ: Ավելին, Ալավերդու բանվորների 1905թ. նոյեմբերյան նշանավոր գործադուլի կազմակերպման ու ղեկավարման գործում բուլչևիկներից ոչ պակաս դեր են խաղացել նաև մենչևիկները՝ վրաց մենչևիկյան գործիչներ Ժղենտի, Խոպերիայի, Կախրեհիսի և ուրիշների ղեկավարությամբ:

Ռուսական Հեղափոխությանն ակտիվ մասնակցություն ունեցան Անդրկովկասի բանվոր դասակարգը և գյուղացիությունը: Հեղափոխության վիթխարի ալիքն իր մեջ առավ նաև Հայաստանի աշխատավորության զգալի մասին:

Ռուսական առաջին Հեղափոխությանը, ինչպես արդեն ասվել է, այս կամ այն չափով մասնակից եղան նաև Հայ ազգային-Հեղափոխական կուսակցությունները՝ Հնչակն ու դաշնակցությունը:

Հնչակյան կուսակցության անդրկովկասյան մի շարք կազմակերպություններ, առաջին հերթին Բաքվի կազմակերպությունը, Հեղափոխության տարբեր փուլերում, հատկապես 1905թ. ընթացքում, ակտիվ մասնակցություն են ունեցել բուլչևիկների կազմակերպած գործադուլներին, ցույցերին, մասսայական բողոքներին, հանդես են եկել Հայտարարություններով ու կոչերով: Բայց Հնչակյանները Հեղափոխությանն իրենց մասնակցությունը պայմանավորում էին մի հիմնական հանգամանքով՝ որքանով է այդ Հեղափոխության Հաղթանակը նպաստելու թուրքահայության ազատագրական պայքարի դրական ելքին: Նրանք նաև Կովկասի թուրք-հայկական ընդհարումների օրերին, իհարկե, ոչ այնքան ակտիվորեն, ինչպես դաշնակցականները, մասնակցում էին Հայ բնակչության ինքնապաշտպանական կոիվներին և այդ պատճառով ենթարկվում էին բուլչևիկների քննադատությանը:

Ինչ վերաբերում է դաշնակցությանը, ապա ռուսական Հեղափոխությանը նրա մասնակցությունը սահմանափակվում էր էպիզոդիկ դեպքերով: Եվ դա հասկանալի է, քանզի Կովկասում թուրք-հայկական ընդհարումների ճակատագրական ողջ ժամանակաընթացքում կուսակցությունը անդրկովկասյան իր կազմակերպությունների համարյա բոլոր ուժերը նետել էր երկրամասի հայության ինքնապաշտպանության կազմակերպմանը և կոիվները վարելուն: Հանուն ժողովրդի գոյապահպանման այդ կովում դաշնակցությունն իր հետևից կարողացավ տանել հայկական հասարակության լայն շերտերի, հայագրի բանվորական ու գյուղացիական Հոծ գանգվածների, որը և նշանակում էր սրանց փաստորեն օտարումը ռուսական Հեղափոխության կենդանի գործից:

Ռուսական Հեղափոխությանը չմասնակցելու կուսակցության ղեկավարության քաղաքականությունը ճիշտ էր համարում դաշնակցականների մեծ մասը: Բաքվից ուղարկած նամակներից մեկում Հարություն Շահրիկյանը ողջունում էր այդ քաղաքականությունը, պատճառաբանելով, որ ռուսական Հեղափոխությունը որևէ աղբյուր չունի հայկական Հեղափոխության հետ: Հանուն ռուսական Հեղափոխության, գրում էր նա, «հայ ժողովուրդը բնաջնջման վտանգի չպիտի ենթարկվի»: Իր կուսակցության դիրքորոշումը Շահրիկյանը համարում էր «շրջահայաց»¹:

Դրա հետ միասին դաշնակցությունը, իր դասակարգային բնազդի թելադրանքով, ցարիզմի ոչնչացումը և Ռուսաստանի առաջադիմությունը համարում էր ռուսահայ ժողովրդի առաջընթացը խթանող հիմնական պայման: Կուսակցությունը չէր կորցնում հավատը, որ Հեղափոխությունը, հաղթություն տանելու թե պարտվելու, տեսականորեն ազդելու էր Մերձավոր Արևելքի ժողովուրդների ճակատագրի վրա, նպաստելու էր դարավոր նիրհից նրանց արթնացմանը և ազատասիրական ձգտումների ուժեղացմանը:

Այնուամենայնիվ, դաշնակցության գլխավոր հոգսը եղել և մնում էր օսմանյան բռնակալության տակ Հեծող թուրքահայությունը՝ նրա պայքարի համար բարենպաստ պայմաններ ակնկալելու իմաստով:

Նկատենք, որ դաշնակցականների մի ստվար հատված հակված էր նույնքան ակտիվ մասնակցություն ունենալ Ռուսաստանում սկսված Հեղափոխությանը, որքան ունեին սոցիալ-դեմոկրատները կամ սոցիալիստ-Հեղափոխականները: Նույնիսկ կուսակցության նշանավոր գործիչներից ոմանք բացահայտորեն իրենց անհամաձայնությունն էին հայտնում Հեղափոխությանը չմասնակցելու կուսակցության ղեկավարության պաշտոնապես որդեգրած տակտիկային:

Այսպես, քննադատելով դաշնակցության չեզոքության քաղաքականությունը Հեղափոխության ընթացքում, Արշակ Զամալյանն ասում էր. «Բայց չէ՞ որ [թուրք-հայկական] ընդհարումներից զերծ մնացած վայրերում միջոց

¹ Բորչալուի գավառի մեջ էին գտնվում Ալավերդի, Սանահին, Ախթալա, Բոլագերան երկաթուղային կայարանները. Ալավերդու և Շամլուղի պղնձահանքերն ու գործարանները:

¹ «Հայրենիք», N 11 (191), սեպտեմբեր, 1938, էջ 103:

ունեինք հեղափոխական ակտեր կատարելու: Գուրիացիներն էլ ճնշվեցին, բայց և չդադարեցին ակտիվ գործունեություն վարելուց: Նույնպես և հրեաները: Մեր ... պատճառաբանությունը արդյոք վայել է մի հեղափոխական կազմակերպության»¹:

Հեղափոխության օրերին բացառապես ազգային հողի վրա դաշնակցության ծավալած լայնամասշտաբ գործունեությունը հակադրված էր ինտերնացիոնալիստական սկզբունքներով առաջնորդվող հայ բոլշևիկներին: Նպատակների խիստ տարբերությունը, եթե չասենք տրամագծորեն հակառակ լինելը, նրանց կանգնեցրել էր բարեկազմների տարբեր կողմերում: Մեկի պարտությունը մյուսի հաղթանակը պիտի լիներ: Հայություն զանգվածներ նվաճելու համար նրանց կոխվն անգիշուում էր, փոխգիշումը՝ բացառված:

Նկատենք նաև, որ ի հակադրություն Ռուսաստանի, Հայաստանում և Անդրկովկասում բոլշևիկյան կազմակերպությունները ուսական հեղափոխության ազդեցության տակ չենթարկվեցին պառակտման, ինչպես դա տեղի ունեցավ հայ ազգային-հեղափոխական կուսակցությունների պարագայում: Ընդհակառակը, հեղափոխությունը նպաստեց նրանց շարքերի էլ ավելի համախմբմանն ու ամրապնդմանը: Դրա գլխավոր պատճառն այն էր, որ բոլշևիկյան կուսակցությունն էր հեղափոխության գլխավոր կազմակերպիչն ու ղեկավարը: Հեղափոխությունը հարազատ էր բոլշևիկի ոգուն, դրանից էր նա ստանում իր ուժը:

Ռուսաստանում սկսված հեղափոխությանը Հայաստանում առաջինն արձագանքեցին Թիֆլիսի նահանգի Բորչալուի գավառի Ալավերդու բանվորները:

Ալավերդին այդ շրջանում, ըստ էության, Հայաստանի արդյունաբերական ամենախոշոր օջախն էր, Ռուսաստանում պղնձի արտադրության խոշոր կենտրոններից մեկը, որտեղ արդյունահանված և ձուլված բարձրորակ արտադրանքն ուներ սպառման լայն շուկա:

1887 թվականին Ալավերդու պղնձահանքերը ուսական կառավարությունը կապարով հանձնել էր ֆրանսիական կապիտալիստներին: Մինչ այդ ամենադաժան շահագործման ենթարկվող բանվորների վիճակը ֆրանսիացիների օրոք ուղղակի աղետալի դարձավ: Սրանք գիշատչորեն կողոպտում էին պղնձի հարստությունը՝ բնավ չմտահոգվելով արտադրությունն առաջավոր եղանակով կազմակերպելու և բանվորների տաժանակիր աշխատանքն ինչ-որ չափով թեթևացնելու մասին:

1898 թվականին Ալավերդու և Շամլուղի պղնձաձուլական գործարաններն անցան «Կովկասյան արդյունաբերական և մետալուրգիական ընկերության» ձեռքը, և պղնձի արտադրությունն սկսեց արագորեն մեծանալ: «Ընկերությունը» նախ և առաջ ձեռնարկեց արտադրության վերակառուցմանը և արդյունավետության բարձրացմանը: Այդ նպատակով վերակառուցվեցին

¹ «Նյութեր...», հատ. Գ, էջ 186:

Ալավերդու «Պիրիտիկ-Ա» և Շամլուղի «Պիրիտիկ-Շ» գործարանները, միաժամանակ կառուցվեց ժամանակի տեխնիկայով հագեցված «Մանես»՝ գործարանը: 1900թ. մայիսին «Մանեսը» տվեց առաջին պղինձը, իսկ նույն թվականի հուլիսից սկսեց արտադրանքի կանոնավոր թողարկումը:

Չնայած Ալավերդու և Շամլուղում պղնձի արդյունաբերությունը վարչական տեսակետից ենթակա էր «Կովկասյան արդյունաբերական և մետալուրգիական ընկերությանը», բայց Հայաստանի և Անդրկովկասի հանքերի ու գործարանների բացարձակ գերակշիռ մասը գտնվում էր օտարերկրյա կապիտալիստների ձեռքում, նրանք էին իրականացնում պատրաստի արտադրանքի արտահանումը Ռուսաստան ու Եվրոպա և ստանում շահույթի առյուծի բաժինը: Իսկ այդ բաժինը տարեցտարի ավելանում էր պղնձի արտադրության հետ: Միայն 1901թ. Ալավերդու ձեռնարկություններում ձուլվեց 15 անգամ ավելի շատ պղինձ, քան 1898-ին^{***}, այսինքն՝ արտադրվել էր ավելի քան 70 հազար փութ:

Չնայած պղնձահանքերի և պղնձաձուլարանների տեխնիկական նկատելի առաջադիմությանը, Ալավերդու բանվորները, որոնց թիվը 1905-1907-ին հասնում էր 4500-ի, նախկինի պես ենթարկվում էին դաժան շահագործման: Նրանք աշխատում էին անտանելի պայմաններում: Արտադրական ապահովության մասին խոսք անգամ չկար, աշխատանքի ժամանակ հաշմանդամ դառնալիս ոչ մեկը պատասխանատվություն չէր կրում: Հանքերում հաճախակի էին փրկվածքները՝ իրենց տակ թողնելով բանվորներին, իսկ ծխի ու մրի մեջ ժանգոտված, պղնձի գուլն ստացած, հալոցքի վրա աշխատող բանվորը «կրակի ու հրի առաջ կմախք դարձած՝ կատարյալ ուրվականի էր նմանվում»: Բանվորական օրը հանքերում տևում էր 10 ժամից, իսկ գործարաններում 12 ժամից ոչ պակաս: Հանքափորների մեծ մասն օրական ստանում էր

^{*} Փրանսիացի ինժեների անունով:

^{**} Ամբողջ Անդրկովկասում օտարերկրյա կապիտալին էր պատկանում այնտեղ ձուլվող ողջ պղնձի 92%-ը: 1910թ. ֆրանսիական կապիտալիստներն իրենց ձեռքը վերցրին Շահալի-Էլիարի հանքերը, 1911թ. նրանց անցան նաև Սյունիքի և Լաթարի պղնձաձուլական գործարանները Չանգեզուում: 1912թ. օտարերկրյա կապիտալի ձեռքում էր գտնվում Հայաստանում արտադրվող պղնձի մինչև 84%-ը: (Տե՛ս В. А. Мелконян, Металлургия меди в Армении, Москва, 1955, էջ 59):

^{***} Պղնձի արտադրությունը մեծ աճ էր արձանագրում նաև Հայաստանի այլ պղնձահանքերում՝ Դափանի, Միսիմադանի (Ալեքսանդրապոլի մոտ), Դիլիջանի շրջաններում: Եթե պղնձի ձուլումը Հայաստանում 1886թ. կազմել էր 196 տոննա, 1900թ.՝ 1170, 1903թ.՝ 2301, 1909թ.՝ 4448, ապա 1913թ.՝ 5620 տոննա (տե՛ս В. А. Мелконян, Металлургия меди в Армении, էջ 9, աղյուսակ N 2): Հայաստանի պղնձարդյունաբերությունը 1901-1907թթ. ձուլել է Ռուսաստանի պղնձի մոտ մեկ քառորդը (նույն տեղում, էջ 12): Այսպիսով, Հայաստանի պղնձարդյունաբերության ձեռնարկությունները 20-րդ դարի սկզբին թեև կապիտալիստական զարգացման խոշոր մեքենայական արդյունաբերության փուլը և նշանակալից տեղ էին գրավում Ռուսաստանի պղնձարդյունաբերության մեջ:

¹ Ա. Կախյան, Հողվածներ և հուշեր, Հայպետհրատ, էջ 60:

55-60 կուպեկ¹, իսկ Հայոցքի վրա աշխատողը՝ 80 կուպեկից մինչև մեկ ռուբլի²: Աղբարտիկ աշխատավարձի մի մասը պահվում էր որպես տուգանք՝ այս կամ այն «մեղքի համար»: Տարրական կենսապայմաններից զրկված բանվորները 20-25 Հոգով ապրում էին գետնախորշերում՝ զրկված լուսից ու ջերմությանից³:

Այս պայմաններում պատահական չէր, որ Հենց Ալավերդու պղնձահանքերի և գործարանների բանվորները առաջինն արձագանքեցին ռուսական 1905 թվականի Հեղափոխության կոչերին: Հեղափոխությունն սկսվելուց ընդամենը երկու ամիս հետո նրանք դուրս եկան բացահայտ պայքարի:

1905թ. հունվարի 9-ի «Արյունոտ կիրակիից» հետո ստեղծված փեմակը օրեցօր սպառնալից կերպարանք էր ստանում: Ֆրանսիական ընկերության ղեկավարությունը տազնապած էր և կանխարգելիչ միջոցներ էր ձեռնարկում: Փետրվարի 26-ին Ալավերդու պղնձահանքային գործարանի տնօրենը Հետևյալ Հեռագիրն է հղում Կովկասի ոստիկանապետին.

«Ֆրանսիական ղեկավար իր կառավարության հանձնարարությամբ խրնդրում է պահպանության տակ վերցնել Ալավերդու ֆրանսիական մետաղագործական ընկերությանը պատկանող պղնձահանքերը և պղնձահանքերում աշխատող ֆրանսիացի ծառայողներին:

Հայտնում եմ ի կարգադրություն:

Դիրեկտոր՝ Վուխչ»⁴:

1905թ. մարտի 5-ին Ալավերդու մոտ 1000 բանվորներ, տեղի սոցիալ-դեմոկրատական կազմակերպության գլխավորությամբ, դադարեցրին աշխատանքը և ֆրանսիական մետալուրգիական ընկերության տնօրեն Ռ. Պոլմարին ներկայացրին 27 կետից բաղկացած տնտեսական պահանջներ, այդ թվում՝ աշխատաժամի կրճատում և աշխատավարձի բարձրացում:

Սկզբում Պոլմարը չհամաձայնեց բավարարել բանվորների պահանջները և գործադուլը ճնշելու համար Բորչալուի գավառապետից խնդրեց լրացուցիչ ուժեր, պատճառաբանելով, թե տեղի ոստիկանական ուժերը բավական չեն «կարգը վերականգնելու» համար: Սակայն իշխանությունները չհամարձակվեցին ընդառաջ գնալ այդ խնդրանքին, և բանը չհասավ զինված ընդհարման: Ֆրանսիական ընկերությունը ստիպված էր բավարարել գործադուլավորների պահանջների զգալի մասը և նրանց հետ կնքել պայմանագիր: Միայն դրանից հետո բանվորները մարտի 20-ին վերսկսեցին աշխատանքը:

Շատ չանցած, մետալուրգիական ընկերությունը հրաժարվեց կատարել պայմանագիրը, ավելին՝ չեղյալ հայտարարեց այն: Բանվորները ստիպված նորից դիմեցին գործադուլի, որը տևեց 12 օր: Կնքվեց նոր պայմանագիր, որի կատարումը օր օրի ձգձգվում էր: Բանվորները երրորդ անգամ գործադուլ

հայտարարեցին, կապիտալիստները այս անգամ էլ խոստումներ տվեցին, որոնք էլի մնացին օդից կախված:

Արդեն նշանավոր դարձած Հեղափոխական գործիչ, բոլշևիկ Ստեփան Շահումյանը, որը սովորում էր Բեռլինի համալսարանում, Ռուսաստանում սկսված Հեղափոխության օրերին, 1905թ. ապրիլի վերջերին, վերադառնում է Կովկաս: Նա Թիֆլիսում բոլշևիկների հավաքին հաղորդում է սկսված Հեղափոխության մեջ ՌՄԻԲԿ խնդիրների մասին: Թիֆլիսի բոլշևիկները, ըստ էության, Շահումյանին ընդունում են որպես ՌՄԻԲԿ ղեկավարության ներկայացուցիչը Կովկասում: Նա շրջագայում է երկրամասի տարբեր վայրերում, կազմակերպում հակացարական ելույթներ, ուղղություն տալիս բոլշևիկների տեղական կազմակերպությունների գործունեությանը:

Մավախելով եռուն գործունեություն՝ Շահումյանը Հանդես էր բերում ժողովրդական մասսաների քաղաքական ղեկավարի փայլուն ունակություններ: Հեղափոխության բովում բազմակողմանիորեն դրսևորվում են նրա կազմակերպչական մեծ կարողությունները, տեսաբանի ու հմայիչ Հոետորի տաղանդը: Հասարակական ելույթների վերլուծության ընթացքում ցուցաբերած խոր գիտելիքները, շիտակությունն ու անկեղծությունը նրա խոսքը տրամաբանորեն անմիջապես ընկալելի էին դարձնում աշխատավոր լայն զանգվածների համար:

1905թ. Մայիսի 1-ը Ալավերդու բանվորները դիմավորեցին կազմակերպված ցույցերով: Նախօրյակին Ստեփան Շահումյանը եկել էր Լոռի: Հազպատ գյուղում նա հրավիրել էր տեղի սոցիալ-դեմոկրատական խմբի ժողով, որն ընտրել էր կուսակցական կոմիտե, ինչպես նաև որոշում էր ընդունել լայնորեն նշել Մայիսի 1-ը: Կոմիտեի բոլշևիկ անդամները Շահումյանի հետ մեկնում են Ալավերդի և «Մանես» հրապարակում հրավիրում բազմամարդ միտինգ: Հավաքվածների առջև ճառով Հանդես է գալիս Շահումյանը՝ կոչ անելով ձեռնարկատերերին ներկայացնել տնտեսական, իսկ իշխանություններին՝ քաղաքական պահանջներ¹: Դրանից հետո նա անց է կացնում Բորչալուի սոցիալ-դեմոկրատական կազմակերպության անլեգալ խորհրդակցություն, Հանդես գալիս ընդարձակ ելույթով: Ընտրելով ռուսական Հեղափոխության բնույթի մասին՝ նա ընդգծում է, որ այն բուրժուական է, քանի որ ուղղված է ցարիզմի, ճորտատիրական կարգերի մնացորդների դեմ և անմիջականորեն չի դնում կապիտալիզմի վերացման խնդիրը: Միաժամանակ Հեղափոխությունը դեմոկրատական է, քանզի նրա հիմնական շարժիչ ուժերը աշխատավոր մասսաներն են: Շահումյանը նշում էր, որ արևմտաեվրոպական երկրներում հակաֆեոդալական Հեղափոխությունները տեղի են ունեցել արդյունաբերական կապիտալիզմի ժամանակաշրջանում, և դրանց ղեկավար ուժը եղել է բուրժուա-

¹ Տե՛ս В. А. Мелконян, Металлургия меди в Армении, էջ 4:

² Տե՛ս Ա. Կախոյան, Հոգվածներ և հուշեր, էջ 60:

³ Տե՛ս В. А. Мелконян, Металлургия меди в Армении, էջ 4:

⁴ «Հերոսական պայքարի վավերագրեր», էջ 289:

¹ Տե՛ս «Հայաստանի կոմունիստական կուսակցության պատմության ուրվագծեր», Երևան, 1967, էջ 78:

գիան, իսկ ուսական հեղափոխությունը բռնկվել է պատմական նոր դարաշրջանում, և նրանում ղեկավար դերը կատարում է պրոլետարիատը: Այդ հանգամանքը Շահումյանը համարում էր ուսական հեղափոխության հսկայական առավելությունը եվրոպական բուրժուական հեղափոխությունների հանդեպ: Դա մի կողմից ապահովում էր դեմոկրատական հեղափոխության լիակատար ու հետևողական կատարումը, մի բան, որը չէր ցանկանում և չէր անում երկչու ու ամեն բանում կիսակատար բուրժուազիան եվրոպական ոչ մի հեղափոխությունում, մյուս կողմից՝ տնտեսական ռեֆորմներից մի քանիսի կիրառումը, որոնք կբարելավեն բանվոր դասակարգի դրությունն ապագա բուրժուական Ռուսաստանում և կհեշտացնեն նրա պայքարը հանուն տնտեսական ճնշման լիակատար ոչնչացման, հանուն սոցիալիզմի:

Այդ օրերին տեղի է ունենում Բորչալուի սոցիալ-դեմոկրատական կազմակերպության անլեգալ խորհրդակցությունը, որը Ստ. Շահումյանի առաջարկությամբ ընդունում է հեղափոխական որոշումներ, իսկ վերջում ընտրում է գալաթային կոմիտե (Ա. Կախոյան, Ա. Թումանյան, Ս. Էփոյան և ուրիշներ):

Այսօրերու բանվորների պայքարը շարունակվեց նաև 1905-ի հունիս-հուլիս ամիսներին: Ռուսաստանում հեղափոխության վերելքին զուգընթաց, նրանց մոտ գնալով ուժեղանում էին քաղաքական պայքարի տրամադրությունները: Ձեռք բերելով պայթուցիկ նյութեր ու զենք՝ սոցիալ-դեմոկրատները կազմակերպեցին զինված շոկատներ և պատրաստվեցին վճռական ելույթի:

Երկարատև և համառ բնույթ էր ստացել հեղափոխական շարժումը նաև Հայաստանի արդյունաբերական մյուս կենտրոններում՝ Ալեքսանդրապոլում և Երևանում:

1905թ. փետրվար-մարտ ամիսներին Երևան քաղաքի ձեռնարկություններում սկսվեց գործադուլային շարժում, որի ղեկավարությունը հենց սկզբից իր ձեռքը վերցրեց ՌՄԴԿ Երևանի կազմակերպությունը:

Կազմակերպության մեջ այդ ժամանակ մտնում էին Սարաջևի գործարանում և փոստ-հեռագրական գրասենյակում գործող սոցիալ-դեմոկրատական երկու բլիթներ, երկաթուղում ստեղծված սոց.-դեմ. խումբը, 5-6 աշակերտական բլիթներ և ուրիշ համեմատաբար մանր խմբեր: Այդ բլիթների և խմբերի ամրապնդման ու ընդլայնման ուղղությամբ եռանդուն գործունեություն էին ծավալել Երևանի կազմակերպության հիմնադիր Գեորգի Սոկոլովսկին, Տոմսի տեխնոլոգիական ինստիտուտից հեռացված և Երևան աքսորված Ալեքսանդր Մալխասյանը և գիմնազիստ Ալավերդովը:

Հաշվի առնելով գնալով թափ առնող հեղափոխական շարժումը երկրում և բուն Երևանում սկսված հուզումները, ինչպես նաև գործող խմբերի ու բլիթների ղեկավարումն ուժեղացնելու անհրաժեշտությունը՝ 1905թ. մարտին

¹ Տե՛ս Մ. Վ. Արզումանյան, Ստեփան Շահումյան, «Հայաստան» հրատ. Երևան, 1978, էջ 101:

ստեղծվեց կուսակցության քաղաքային կոմիտե, որի նախագահ ընտրվեց Գեորգի Սոկոլովսկին¹:

Ապրիլին գործադուլային շարժումն ընդգրկեց Շուստովի և Սարաջևի սպիրտ-կոնյակի գործարանները և մի շարք ուրիշ ձեռնարկություններ: Գործադուլներն անցնում էին կազմակերպված և գնալով վերածվում էին քաղաքական ցույցի:

Երևանի նահանգային ժանդարմական վարչությունը 1905թ. ապրիլի 23-ի թվով զեկուցագիր էր ուղարկել Պետերբուրգ, ոստիկանական ղեկարտամենտի հատուկ բաժին, ուր ասված էր. «Մեր ունեցած տեղեկությունների համաձայն քաղաքում գործադուլների գլխավոր կազմակերպիչն է նախկին ուսանող Գեորգի Նիկոլաևիչ Սոկոլովսկին, որի արտաքսումը Երևանից ցանկալի է, քանզի նա նաև գլխավոր դեմքն է սովորողների շրջանում կազմակերպվող հավաքույթների»²:

Գ. Սոկոլովսկու նախաձեռնությամբ լայն աշխատանքներ ծավալվեցին մտեցող Մայիսի 1-ը նշելու համար: Ապասելիքները գերազանցեցին. բնակիչների մի հոծ զանգվածի մասնակցությամբ առաջին անգամ Մայիսի 1-ը Երևանում նշվեց որպես քաղաքական տոն:

Երևանի բանվորների հեղափոխական տրամադրություններին ծանոթանալու և տեղի սոցիալ-դեմոկրատներին օգնություն ցույց տալու նպատակով մայիսի 11-ին Ալավերդուց այստեղ է գալիս Ստ. Շահումյանը, ուր մտնում է երկու օր: Նրա նախաձեռնությամբ ու ղեկավարությամբ գումարվում է երկաթուղու, գինու - կոնյակի, կաշվի գործարանների ու գիմնազիայի սոցիալ-դեմոկրատական խմբակների ներկայացուցիչների խորհրդակցություն, որտեղ նա հանդես է գալիս «ՌՄԴԿ խնդիրները հեղափոխության մեջ» զեկուցումով: Շահումյանը շեշտում էր, որ ցարիզմի տապալումը բուլժեիկներից պահանջում է ոչ միայն քաղաքական գծի ճշտություն, այլև բարձր կազմակերպվածություն, պայքարում հետևողականություն: Ելնելով դրանից՝ նա նշում էր, որ Երևանի բոլոր սոցիալ-դեմոկրատական խմբակները պետք է միավորվեն մի ամուր կազմակերպության մեջ, որը կդառնա նաև Երևանի նահանգում գործող կուսակցական կազմակերպությունների ղեկավար կենտրոն: Հենց խորհրդակցությունում ընտրվում է ՌՄԴԿ Երևանի կոմիտե, որի կազմի մեջ են ընդգրկվում Ս. Մալխասյանը, Գ. Սոկոլովսկին, Կ. Ալավերդովը, Վ. Բարձանսկին, Վ. Նինուաշվիլին և ուրիշներ: Կենտրոնը սերտ կապեր է հաստատում Ղամարուի, Նոր Բայազետի, Նախիջևանի, Գուգարքի և այլ վայրերի հետ, ծավալում լայն գործունեություն: «Ձկար ոչ մի մասսայական ժողով, - գրել է Գ. Սոկոլովսկին, - ո՛չ մի գործադուլ, ոչ մի ցույց, որտեղ չզգացվեր ու չշոշափվեր

¹ «Հին բուլժեիկների հիշողություններ», գիրք առաջին, Երևան, 1958, էջ 101:
² «Ռեպուբլիկան շարժումները Հայաստանում 1905-1907», Հոդվածների ժողովածու, Երևանի Համալսարանի հրատ., Երևան, 1955, էջ 97:

մեր կազմակերպության ազդեցությունը»¹: Այդպիսով Շահումյանի ջանքերով Հիմք է դրվում Երևանի քաղաքային և նահանգային սոցիալ-դեմոկրատական կազմակերպությանը, որն ամուր կապեր է Հաստատում Թիֆլիսի ու Բաքվի Հետ և դառնում ԽՍՀՄ կոլեկտիվային միության կարևոր հենակետերից մեկը:

Երևան քաղաքի բոլշևիկների գործողություններն ակտիվացնելու նպատակով 1905թ. ամռանը այդտեղ է գալիս Բոգդան Կնունյանցը: Նրա օգնությամբ կատարվում է քաղաքի սոցիալ-դեմոկրատական խմբակների անդամների հաշվառում, ճշտվում են կազմակերպության ունեցած Հնարավորությունները:

Երևանից Թիֆլիս վերադառնալու ճանապարհին Շահումյանը կանգ է առնում Ղարաքիլիսայում (Վանաձոր), ուր մի բազմամարդ ժողովում նվիրված հեղափոխությանը Հայերի մասնակցության նպատակահարմարության պարզաբանմանը, բանակույլի մեջ է մտնում դաշնակցության նշանավոր գաղափարախոս Գարեգին Խաթաբյի Հետ: Դեպքին մասնակից բանաստեղծ Վահան Տերյանը գրել է. «Կարծես հրաշալի գավազանի գորությունը դյուրված՝ լուռ ու հանգիստ լսում էր... ամբողջ Շահումյանի Հանդարտ Հոսող ճառը... Կար նրա կեցվածքում, ձայնում, շեշտում, վերջապես, զարմանալի դեմքում անսահման մի գրավչություն, անդիմադրելի մի Հմայք...»²:

Հայաստանում ուսական հեղափոխության առաջին արձագանքողներից էին Ալեքսանդրապոլի աշխատավորները, որոնց թվում առանձնահատուկ դերակատարություն ունեին տեղի երկաթուղայինները:

Հայաստանի երկաթուղիներում աշխատող բանվորների թիվն այդ ժամանակ անցնում էր 2 Հազարից: Երկաթուղայիններն աչքի էին ընկնում հեղափոխական պայքարի մեծ ակտիվությամբ: Իրենց աշխատանքի բնույթով նրանք շատ բան էին անում հեղափոխական գրականության, սոցիալ-դեմոկրատական գաղափարների տարածման ուղղությամբ: Երկաթուղայինները մշտական կապ ունեին Թիֆլիսի, Բաքվի, Բաթումի Հետ, այդ քաղաքներում տեղի ունեցող իրադարձություններին ակնատես էին լինում անձամբ և, վերադառնալով, ամենայն մանրամասնությամբ իրենց անմիջական տպավորությունները փոխանցում էին տեղի բնակչությանը:

1905թ. մարտի 20-ին աշխատանքը դադարեցրին Ալեքսանդրապոլի դեպոյի բանվորները: Շուտով նրանց միացան Ալեքսանդրապոլ-Ղարաքիլիսա գծամասի բանվորներն ու ծառայողները: Գործադուլավորներն իշխանություններին ներկայացրին մի շարք տնտեսական պահանջներ՝ կրճատել աշխատանքային օրվա տևողությունը, բարձրացնել աշխատավարձը, բարելավել բանվորների և ծառայողների կուլտուր-կենցաղային պայմանները:

Երկաթուղային վարչությունը պատասխանեց, որ ներկայացված պահանջներն անընդունելի են, մտածելով, թե, Հուլյաները կտրելով, գործադուլավորները

շուտով կվերսկսեն աշխատանքը: Բայց բանվորներն ու ծառայողները համարոն են պնդում էին իրենց պահանջների վրա: Ի վերջո, քաղաքում սկսված առաջին գործադուլը վերջացավ անհաջողությամբ. ոստիկանության ճնշման տակ երկաթուղայինները ստիպված անցան աշխատանքի:

Բոլշևիկների բացատրական աշխատանքի հետևանքով երկու շաբաթ անց Ալեքսանդրապոլի երկաթուղայինները կրկին դադարեցրին աշխատանքը: Ամեն օր կայարանում հավաքվում էին մեքենավարները, կոնդուկտորները, դեպոյի վարպետներն ու բանվորները, որոնք առաջադրում էին ոչ միայն տնտեսական, այլև քաղաքական պահանջներ: Բայց այս անգամ էլ նրանք արդյունքի չհասան. գործադուլը վերջացավ պարտությամբ:

Չնայած դրան, Ալեքսանդրապոլի երկաթուղայինների 1905թ. մարտ-ապրիլյան գործադուլները Հող նախապատրաստեցին քաղաքում հեղափոխական շարժման հետագա զարգացման համար:

Բանվորական շարժման անմիջական ազդեցության տակ հեղափոխական պայքարը լայն ծավալ ստացավ նաև Հայաստանի գյուղացիության մեջ:

Ինչպես բանվորական զանգվածների, այնպես էլ գյուղացիության հեղափոխականացման գլխավոր պատճառը նրանց տնտեսական ծանր վիճակն էր, սոցիալական թշվառությունը: Ցարական դաժան ռեժիմի և կիսաճորտատիրական կարգերի պայմաններում Հայ գյուղացին հագիվ քարչ էր տալիս իր անիծյալ կյանքը:

Հայաստանի գյուղացիներն ամենից առաջ տառապում էին սակավահողությունից: Նրանց բացարձակ մեծամասնությունը հողազուրկ էր կամ լավագույն դեպքում ուներ չնչին հողակտոր: Հողագուրկները կազմում էին գյուղացիական տնտեսությունների 30-35 տոկոսը: Գյուղացիական ամեն մի տնտեսությունը ընկնում էր միջին հաշվով 0,9 հեկտար ցանքատարածություն: Դրան գումարվում էր արոտավայրերից ու անտառներից գյուղացիների զորկված լինելը:

Առանձին գավառներում դրությունն ավելի ծանր էր: Օրինակ՝ Զանգեզուրում ընդամենը 276 Հազար հեկտար հողային տարածությունից 134 Հազարը պատկանում էր պետությանը, 73,8 Հազարը՝ կալվածատերերին ու վանքերին և 68,3 Հազարը՝ գյուղացիական տնտեսություններին. այսպիսով, ամբողջ Հողերի ավելի քան 75,3 տոկոսը պատկանում էր պետությանը, մեկընդմիջ, բեկերին ու վանքերին, իսկ 24,7 տոկոսը՝ գյուղացիական տնտեսություններին²: Այսինքն՝ գյուղացիական ամեն մի տնտեսությունը ընկնում էր միջին հաշվով 0,49 հեկտար:

Կալվածատերերի և գյուղացիների միջև ընկած էր մի վիթխարի վիհ, որը

¹ «Հին բոլշևիկների հիշողություններ», գիրք առաջին, էջ 103:

² Վ. Տերյան, Երկրի ժողովածու, Հատ. երկրորդ, Երևան, 1961, էջ 372-373:

¹ Տե՛ս Օ. Ե. Туманян, Экономическое развитие Армении, часть I, Ереван, 1954, էջ 213:

² Տե՛ս Ար. Մարտիկյան, Գյուղացիության դրությունը նախասովետական Հայաստանում, Երևան, 1948, էջ 15:

պայմանավորված էր նրանց սոցիալական հակադիր դրուժյամբ: Ամենուրեք սակավահողուժյունից տառապող աշխատավոր գյուղացիութայան կողքին մի շարք կապիտալիստներ ու կալվածատերեր՝ Արամյանը, Բարաթովը, Իսկանդար բեկը, Ղալուբյանները, Աղամովը, Մատուրովը, Աղամալովները, Գեղամովները, Սուլթանովը, Վեքիլովը և ուրիշներ իրենց ձեռքում կենտրոնացրել էին Հազարավոր հեկտար հողային տարածություններ¹:

Այլ ելք չունենալով գյուղացին ստիպված կալվածատիրոջից հող էր վարձակալում կամ նրա մոտ բատրակություն էր անում մի կտոր հաց վաստակելու, իր ընտանիքի գոյությունը մի կերպ պահելու համար: Թեպետ նա կալվածատիրոջ մոտ աշխատում էր իր ողջ ընտանիքով՝ անգամ մանկահասակ երեխաներով ու ծերերով, բայց նրա տնտեսական վիճակը դյուզն անգամ էլ էր փոխվում²:

Գյուղացիները դաժան շահագործման էին ենթարկվում ոչ միայն կալվածատերերի, այլև կապալառուների և վաշխառուների կողմից: Նրանք փրկություն չունեին հատկապես վաշխառուներից, որոնց համար բարեբախտություն էր, երբ տարին երաշտ կամ անբերրի էր լինում, երբ գյուղացուն որևէ անակրնկալ ծախսորդություն էր պատահում: «Բավական է միայն, որ մանր գյուղացու կովը սատկի, - գրել է Գ. Մարքսը, - և ահա նա այլևս անկարող է իր վերարտադրությունը հին մասշտաբով վերսկսելու: Սրանով նա ընկնում է վաշխառուի ճանկը, իսկ մի անգամ նրա ճանկն ընկնելով՝ այլևս երբեք չի ազատվում»³:

Գյուղացիներից շատերը հաճախ պարտքի դիմաց գրավ էին դնում իրենց բաժնեհողը, բայց տարիներ շարունակ, չկարողանալով մարել պարտքը, ստիպված էին լինում հողը հանձնել վաշխառուին:

Ուսումնասիրելով Չանգեզուրի գյուղացիության տնտեսական դրուժյունը՝ Սիմոն Զավարյանը նշում էր, որ սովորաբար գյուղացիները ստիպված վաշխառուից պարտք էին վերցնում շատ բարձր՝ 20-30 տոկոսով, բայց սովի տարիներին, թուրք-հայկական ընդհարումներից առաջացած տնտեսական քայքայման պայմաններում և այլ արհավիրքների ժամանակ, նրանք, սովից փրկվելու ուրիշ ելք չունենալով, պարտք էին վերցնում նույնիսկ 50 և ավելի տոկոսով: Թե ինչ էր լինում դրա հետևանքը, Զավարյանը նկարագրել է Գորիսի շրջանի Բարահունջ գյուղի մի գյուղացու օրինակով, որը հինգ տարի առաջ (1902թ.) «ընդունված պայմանով» վաշխառուից պարտք էր վերցրել 50 ուրբլի: Ժամանակին պարտքը չվճարելու հետևանքով գումարը աճում է, գյուղացին մինչև 1907թ. վճարում է 50ռ., տալիս է իր ունեցած երկու եզը, 21 փուֆ ցորենը և գրավ է դնում իր երկու դեպատին հողը: Պարտապանը մահացել էր, իսկ նրա որդին վաշխառուին ուներ տալիք 50ռ., որի տոկոսների դիմաց նրա 22-ամյա

¹ Մ. Գ. Աղայան, Ռևոլյուցիոն շարժումները Հայաստանում 1905-1907թթ., ՀՍՍՌ ԳԱ Հրատ., Երևան, 1955, էջ 180-181:

² Տե՛ս Ար. Մարտիանյան, Հայաստանի գյուղացիության պայքարը հողի համար, Երևան, 1955, էջ 12:

³ Գ. Մարքս, Կապիտալ, հատ 3, մաս 2, Պետհրատ, Երևան, 1949թ., էջ 142:

կրտսեր եղբայրը առանց հատուցման աշխատում էր պարտատիրոջ մոտ⁴:

Սկիզբ առնելով երկաթուղային գծերին մոտ գտնվող գյուղերից՝ գյուղացիական հուզումներն ընդգրկեցին Հայաստանի բազմաթիվ շրջաններ՝ հատկապես Երևանի նահանգում և Կարսի մարզում:

Ինչպես բանվորական, նույնպես և գյուղացիական հակացարական պայքարը Հայաստանում հիմնականում մղվում էր բուլճերիկների գլխավորությամբ: Գյուղացիական շարժման մեջ Հայաստանի բուլճերիկները հիմնականում առաջնորդվում էին Ստեփան Ծահուլյանի և Սուրեն Սպանդարյանի հողվածներում ու ելույթներում առաջ քաշված խնդիրներով:

Իր դժվարին պայքարում Ռուսաստանի պրոլետարիատը միայնակ չէ, - գրում էր Ծահուլյանը: - Նրա բնական դաշնակիցը շահագործվող մյուս դասակարգն է՝ գյուղացիությունը, որը և հեղափոխության կարևոր շարժիչ ուժերից մեկն է: Գյուղացիական հարցին էին նվիրված Ծահուլյանի մի շարք հոդվածներ՝ «Ներկա մոմենտը», «Գյուղացիական շարժում», «Սովը մոտենում է», «Ապարդյուն ջանքեր» և այլն: Նա մանրամասն լուսաբանում էր կալվածատիրական կարգերի նկատմամբ Հայ գյուղացիության ունեցած ատելությունը, անդրադառնում նրա պայքարի հնարավոր հետևանքներին, բացատրում բուլճերիկյան կազմակերպությունների անելիքները գյուղում: Հողվածներից մեկում Ծահուլյանը գրում էր. «Ամեն տեղ ձրիակեր ազնվականություն և բարբարոս բյուրոկրատիայի ճնշումների ու կեղեքումների դարավոր զոհը՝ սովի ու թշվառության ճիրաններում տանջվող ուսու գյուղացիությունը, սթափվում է իրեն կաշկանդող ծանր հիպնոսից»⁵: Աշխատավոր գյուղացիությունը պայքարի է ելել, և պայքարն ուղղված է կալվածատիրական հողատիրության դեմ հանուն ազգարային հարցի արմատական լուծման: Վիթխարի հեղափոխական ներուժ ունեցող «արթնացած հսկան» հրապարակ է իջել իր վճռական խոսքն ասելու և անպայման կասի: Թեև ոչ միայն կառավարությունն ու ազնվականությունը, այլև բուրժուական լիբերալները ձգտում են իրենց «խնամակալության տակ առնել, զսպել և չափավորել գյուղացիական շարժումը», սակայն այդ բանն առայժմ նրանց չի հաջողվում, որովհետև գյուղացիներն արդեն «սկսում էին գիտակցել, որ իրենց միակ, հավատարիմ դաշնակիցը, իրենց թշնամիների անհաշտ թշնամին բանվոր դասակարգն է»⁶: Ծահուլյանն աներբը հավատ ուներ, որ գյուղացիությունը իր հիմնական դաշնակցի օգնությամբ արմատական լուծում է տալու ազգարային հարցին: Մի այլ հողվածում նա նշում էր. «Ռուս գյուղացիությունը, քաղաքների հեղափոխական պրոլետարիատի հետ... վաղը, մյուս օրը... ուրքի կկանգնեն և կփշրեն իրենց կաշկանդող ծանր շղթաները, կոչնչացնեն իրենց դահիճներին և

⁴ Տե՛ս С. Заварян, Экономические условия Карабага и голод 1906-1907гг., С-Петербург, 1907, էջ 59:

⁵ Ստեփան Ծահուլյան, ԵԼԺ, հատ. առաջին, էջ 199:

⁶ Նույն տեղում, էջ 200:

կատեղծեն ազատ քաղաքական կարգեր, որոնք այլևս անկարելի կդարձնեն այն դժոխային կացությունը, որի անունն է ստրկություն և մշտնջենական սով, սով և սով»¹: Եւհուլայանը դիմում էր Հայ գաղափարական ինտելիգենցիային, և Հայ գյուղացիության գիտակից մասին. «Արթնացրե՛ք մասսաներին, կազմակերպեցե՛ք, համախմբեցե՛ք նրանց առանց ազգի ու կրոնի խտրության հեղափոխական բանակի շուրջը, կուխու Ռուսաստանի գյուղացիության ընդհանուր լողունգով: Որքան մեծ լինի ուժը, այնքան մոտ կլինի Հայթույթյունը, այնքան շուտ կլինի վախճանը ամեն մի պրոպագանդայի, ամեն մի կոտորածի, ամեն մի ասիական շահագործության - բեգերի, աղալարների և ամեն մի լրբության - ինքնակալության ստրուկ չինովնիկների»²:

Գյուղացիական շարժումը Հայաստանի բուլժեկիների կողմից ճիշտ ղեկավարելու հարցերին էին նվիրված Ս. Սպանդարյանի «Ինքնակալությունն ու գյուղացիությունը» և «Մեր դերը գյուղում» հոդվածները, որոնցում նա մանրամասն շարադրում էր հեղափոխության ընթացքում Հայաստանի բուլժեկիների առաջնահերթ անելիքները գյուղում: «Ագրարային հարցն այժմ ամենակարեւոր, ամենահարուստ հարցերից մեկն է և իր վրա գրավել է բոլոր քաղաքական կուսակցությունների լուրջ ուշադրությունը: Այն մեծ պատմական դեպքերում, որ վրդովում են ամբողջ երկիրը, այն օրհասական կուլում, որ մղում է ժողովուրդը բռնակալ ուժերի դեմ - գյուղացիությունը կատարում է և կկատարի ահագին և վճռական դեր»³:

Հայաստանի գյուղացիության հեղափոխական պայքարը կազմակերպելու և բանվորների պայքարի հետ այն շաղկապելու համար եռանդուն աշխատանք էին լծվել ՌՄԴԲԿ կովկասյան միութենական կոմիտեն և տեղի բուլժեկյան կազմակերպությունները:

1905թ. մարտի 19-ին կովկասյան միութենական կոմիտեն Հանդես եկավ Հայ գյուղացիներին ուղղված կոչով: Նշելով, որ 1861 թվականի գյուղացիական ռեֆորմից հետո էլ Հայ գյուղացիները շարունակում են ենթարկվել բեգերի, խաների, կալվածատերերի, վախառուների ու կապալառուների դաժան շահագործմանը, կոմիտեն նրանց կոչ էր անում հետևել իրենց դասակարգային եղբայրների՝ Ռուսաստանի, Գուբիայի, Իմերեթիայի, Մեգրեթիայի գյուղացիների օրինակին և նրանց նման կուլի ելնել ցարական բռնակալական ռեֆորմի դեմ: Կոչում մասնավորապես ասված էր. «Թող ոչնչացվի կայսրի կառավարությունը և նրա փոխարեն ընտրվի ժողովրդական կառավարություն: Դեմոկրատական Հանրապետություն - ահա ինչ ենք պահանջում մենք: ... Ուրեմն հառաջ, Հայ գյուղացիներ: Միացե՛ք քաղաքների բանվորների հետ, դիմեցե՛ք դեպի դեմոկրատական Հասարակապետություն, միասին արմատախիչ անենք

ստոր բռնակալությունը...»¹:

Բուլժեկիների լարված աշխատանքը անհետևանք չէր անցնում: Հայ գյուղացիությունը նույնպես սկսեց շարժվել, թեև նրա ելույթները առայժմ հիմնականում տարերային էին և կրում էին առանձին ընդհարումների բնույթ:

Գյուղացիները տարբեր ձևերով էին արտահայտում իրենց դժգոհությունը տիրող կարգերից: Նրանք հրաժարվում էին հարկեր և պարահանքեր վճարելուց, չէին կատարում իշխանությունների հրամաններն ու կարգադրությունները, տեղերի էին ենթարկում ատելի կալվածատերերին, հարկահավաքներին ու պետական չինովնիկներին, հրկիզում էին հարուստների ունեցվածքը, բռնագրավում և իրար միջև բաժանում էին կալվածատիրական, վանքապատկան, արքունական վարելահողերը, արտապայրերն ու անտառները, զինված դիմադրություն էին ցույց տալիս ոստիկանությանն ու զորքին:

1905թ. մարտին Ալեքսանդրապոլի գավառի Երազյալ (այժմ Երազլ) գյուղի գյուղացիները նախապատրաստվում էին հարձակում գործել և գրավել մոտերքում գտնվող Կարակալայի արքունական կալվածքը: Կալվածատերերի հողերը գրավելու մտադրություն էին դրսևորում Աշոցքի Երչթափա (այժմ Սեպասար), Բորչալուի գավառի Դոթուրբուլաղ (այժմ Ստեփանավանի չրջանի Կաթնաղբյուր) և ուրիշ գյուղերի գյուղացիները: Նախապես տեղեկանալով իշխանությունները կարողանում են կանխել սպասվող ելույթները՝ «վտանգավոր» գյուղեր ուղարկելով կազակային ուժեր:

Ապրիլի կեսերին Այրումի (Թումանյանի չրջան) գյուղացիներն ըմբոստացել էին կալվածատեր իշխան Մահալովի դեմ: Թիֆլիսի նահանգապետին ուղարկած հեռագրում կալվածատերը գրում էր. «Այրում գյուղի գյուղացիները խռովություն են բարձրացրել, տեղի է ունենում հրացանածգություն նրանց և իմ մարդկանց միջև: Ինդրում եմ աջակցություն»²:

Նահանգապետը կատարեց Մահալովի խնդրանքը. առանձին կալվածքներում և գյուղերում տեղակայվեցին զինվորական պոստեր:

Հեղափոխական շարժումն ընդգրկեց նաև Հայաստանում տեղակայված գորամասերը: «Ձորը սկսում է տատանվել իր հավատարմության մեջ և ուզում է «օգնել գյուղացիներին և բանվորներին»³, - գրում էր Ստ. Եւհուլայանը:

Կայազորային մեծ միավորներ կային Ալեքսանդրապոլում, Կարսում, Երևանում և Հայաստանի ուրիշ քաղաքներում: Առավել մեծ զինվորական կայազորը գտնվում էր Ալեքսանդրապոլում:

Ցարական կառավարությունը հատուկ ուշադրություն էր դարձնում Կովկասում տեղակայված իր զորքերի վրա, քանի որ, նախ, այդտեղ նա իրականացնում էր իր գաղութային քաղաքականությունը՝ հենվելով բանակի ուժի

¹ Ստեփան Եւհուլայան, ԵԼԺ, հատ. առաջին, էջ 220:

² Նույն տեղում, էջ 210:

³ Ս. Սպանդարյան, Հոդվածներ, նամակներ, փաստաթղթեր, Երևան, 1939, էջ 79:

¹ «Թեոլոգիոն շարժումները Հայաստանում 1905-1907», էջ 231:

² ՎՋ ԳԿԳԱ, ֆ. 34, ց. 1, գ. 1046, թ. 79:

³ Ստեփան Եւհուլայան, ԵԼԺ, հատ. առաջին, էջ 202:

վրա, ապա՝ այդ բանակը մշտապես պատրաստ պետք է լիներ, պահը ներկայանալիս, իրականացնել Միջերկրականի ափեր դուրս գալու վաղեմի երազանքը:

Բացի Հեղափոխության ընդհանուր պատճառներից, ցարական բանակի զինվորներին դեպի ըմբոստացում էր մղում նաև իրենց, որպես անձնավորությունների, ծանր վիճակը:

Զինվորների դրուժությունն անտանելի էր: Զորանոցային կյանքը նրանց դարձրնում էր հյուսիս-հարավ մարդ-մեքենա, Հարկադրում կատարել սպաների բոլոր պահանջները: Հրամանատարը ամեն մի առիթով ոտնահարում էր զինվորի մարդկային արժանապատիվությունը: Մեծը, պատիժը, բանտարկությունը նրա մշտական ուղեկիցներն էին: Շարքային զինվորները զրկված էին քաղաքական ամենատարրական իրավունքներից:

Բանակի հրամանատարությունը, գրաքննչական մարմինները խստորեն հետևում էին, որպեսզի Հեղափոխական բովանդակության գիրք կամ թերթ չթափանցեն զորանոցային պատերից ներս: Սակայն, չնայած ձեռնարկած միջոցներին, հնարավոր չեղավ բանակը հեռու պահել Հեղափոխական գաղափարներից:

Սոցիալ-դեմոկրատիան ներթափանցում էր բանակ իր հզոր գեներով՝ քաղաքական ագիտացիայով: Զորամասերում Հեղափոխական աշխատանք էին ծավալում ոչ միայն ս.-դ. կազմակերպությունները, այլև Ռուսաստանի կենտրոնական քաղաքներից Հայաստան եկած և Հեղափոխական տրամադրություններով Համակված զինվորականները:

ՌՄԴԿ կովկասյան միութենական կոմիտեն և նրա տեղական կազմակերպությունները եռանդուն աշխատանք էին տանում բանակային զորամասերում: Անդրկովկասում տեղակայված խոշոր զորամասերում ստեղծվեցին ՌՄԴԿ զինվորական խմբեր ու կազմակերպություններ, նաև՝ զինվորական խորհուրդներ: 1905-1906թթ. Ալեքսանդրապոլի կայազորում գործում էր բուլչեկյան ուժեղ խմբակ, որի շուրջ 150 անդամները կայազորի տարբեր գնդերից էին՝ հմարակն ուներ գաղտնի տպարան, ուր տպագրվում էին թուղթիկներ ու կոչեր, որոնք տարածվում էին զորքի մեջ և քաղաքում: Այդտեղ էին տպագրվում նաև Կարսի, Սարիղամիշի, Արդահանի և զինվորական այլ կայազորների զինվորական խորհուրդների կողմից պատրաստված կոչերն ու թուղթիկները, որոնք զանազան ճանապարհներով ստացված բուլչեկյան կուսակցության «Вперед», «Пролетарий», «Рабочий», «Новая жизнь» կենտրոնական թերթերի հետ մտնում էին զորանոցներ և այնտեղ գտնում պարարտ հող:

ՌՄԴԿ կովկասյան միութեան նախաձեռնությամբ ու ղեկավարությամբ 1905թ. ամռանը Անդրկովկասում ստեղծվեց բանակի շարքային զինվորների գծով զինվորների անդրկովկասյան միությունը: Միաժամանակ թիֆլիսում սկսեց Հրատարակվել կովկասյան միութենական կոմիտեի օրգան «Голос казармы» («Զորանոցի ձայն») թերթը, որի էջերում բուլչեկները զինվորներին

¹ «Ռևոլյուցիոն շարժումները Հայաստանում 1905-1907», էջ 111:

կոչ էին անում չկրակել բանվորների ու գյուղացիների վրա, միանալ ապստամբ ժողովրդին և վճռական պայքարով վերջ տալ իրենց ստրկական վիճակին:

Այդ ամենն անհետևանք չէր անցնում: 1905թ. ամռանը եռում էին զինվորական զորանոցները: Շարքային զինվորները, առանց հրամանատարների գլխավորության և հաճախ էլ հակառակ նրանց կամքի, հավաքվում էին ժողովների, անցկացնում միտինգներ, ուր առաջ էին քաշում իրենց պահանջները: Այդպիսի ժողովներ ու միտինգներ տեղի ունեցան Ալեքսանդրապոլում, Կարսում, Սարիղամիշում, Ախալքալաքում, Ախալցխայում, Երևանում: Զինվորները պահանջում էին հրավիրել սահմանադիր ժողով, վերացնել մշտական բանակը և նրա փոխարեն ստեղծել ժողովրդական միլիցիա, տալ խոսքի, մամուլի, ժողովների ազատություն, բացառել հրամանատարների կողմից շարքային զինվորների նկատմամբ ունեցած անմարդկային վերաբերմունքը, բարելավել սնունդի որակը, զինվորներին ազատել ոստիկանական-պատժիչ ծառայություն կատարելուց, թույլ տալ հաճախելու մշակութային օջախներ և այլն:

Զորքերի հրամանատարները, որպես կանոն, մերժում էին ներկայացված պահանջները, և դա ավելի էր գրգռում զինվորական մասսային: Ավելի ու ավելի հաճախակի էին դառնում դեպքերը, երբ զինվորները, չկատարելով սպաների հրամանը, հրաժարվում էին կրակել միտինգավորների, ցուցարարների, գործադուլավորների վրա, իսկ առանձին դեպքերում նույնիսկ անցնում էին նրանց կողմը: Գնալով թուլանում էր զինվորական կարգապահությունը, հաճախակի էին դառնում բանակից փախչելու և ներքին կանոնադրությունը խախտելու այլ դեպքեր՝:

Զինվորական հուզումներին մեծապես նպաստեցին ռուս-ճապոնական պատերազմում ռուսական զորքերի կրած ծանր պարտությունները, 1905թ. հունիսին սևծովյան նավատորմի «Պոսյոմկին» զրահանավի անձնակազմի ապստամբությունը:

Հեղափոխության վերելքն ընթանում էր ցարական զորքի և ոստիկանության կողմից իրականացվող հաշվհարդարների պայմաններում: Հակահեղափոխությունը մոլեգնում էր նաև Կովկասում: Բուլչեկյան ղեկավարությունը սազնապում էր դաժան գործողությունների առիթով: Զուր չէ, որ ՌՄԴԿ III Համագումարը (Լոնդոն, 12-17 ապրիլի 1905թ.) ընդունել էր հատուկ բանաձև՝ Կովկասում տեղի ունեցող դեպքերի առթիվ: Բանաձևում ասվում էր. 1) Կովկասի սոցիալ-քաղաքական կյանքի հատուկ պայմանները մեծապես նպաստել են այնտեղ ՌՄԴԿ առավել մարտունակ կազմակերպության ստեղծմանը, 2) Հեղափոխական շարժումը Կովկասի բնակչության մեծ մասի շրջանում ինչպես քաղաքներում, այնպես էլ գյուղերում, արդեն վերածել է ինքնակալության դեմ համազգային ապստամբության, 3) Միապետական կառավարու-

¹ Տե՛ս Հ. Ա. Իսահակյան, ՌՄԴԿ կենտրոնական մամուլը և Անդրկովկասը (1901-1917թթ.), Երևանի համալսարանի հրատ., Երևան, 1971, էջ 263:

թյունն արդեն զորք և հրետանի է ուղարկում Գուրիա՝ նպատակ ունենալով ամենադաժան միջոցներով ճնշել ապստամբության բոլոր կարևորագույն օջախները, 4) Կովկասում ժողովրդական ապստամբության դեմ ինքնակալության հնարավոր հաղթանակը, որը կարող է հեշտանալ տեղի բնակչության բազմացել կազմի պատճառով, կունենա ամենաողբերգական հետևանքներն ամբողջ Ռուսաստանում ապստամբության հաջողության համար: Ելնելով այդ ամենից՝ համագումարը որոշել էր. «Ռուսաստանի գիտակից պրոլետարիատի անունից ՌՄԴԲԿ III համագումարը հղում է ջերմագին ողջունյալ Կովկասի հերոսական պրոլետարիատին ու գյուղացիությանը և հանձնարարում է կուսակցության կենտրոնական և տեղական կոմիտեներին՝ ձեռնարկել ամենաեռանդուն միջոցներ Կովկասում տիրող դրության մասին տեղեկություններ հայթայթելու և լայնորեն տարածելու բրոշյուրների, միտինգների, բանվորական ժողովների, խմբական զրույցների և այլնի միջոցով, ինչպես նաև ժամանակին աջակցել Կովկասին՝ իրենց ձեռքի տակ եղած բոլոր միջոցներով»¹:

1905թ. երկրորդ կեսից հեղափոխության այլքը գնալով նոր թափ էր առնում տարածվելով նաև լայնությամբ՝ ամբողջ Ռուսաստանով մեկ, այդ թվում նաև Անդրկովկասում:

Ինչպես արդեն նշվել է աշխատության առաջին գրքում, հեղափոխության հաղթանակի հեռանկարից սարսափած՝ Հոկտեմբերի 17-ին ցարը ստորագրեց մանիֆեստ, որով ժողովրդին խոստանում էր օրենսդրական դուժա, դեմոկրատական ազատություններ (խոսքի, մամուլի, ժողովների և այլն) և բարգավաճում: Առաջին իսկ օրից բոլշևիկները լայն գործունեություն ծավալեցին մանիֆեստի դեմ, ցույց տալով, որ այն հրապարակ է նետվել շեղելու համար բռնատիրական կարգերը տապալելու նպատակով վճռական կռվի ելած միլիոնավոր գանգաձանների ուշադրությունը:

Այդ օրերին Սոս. Ծահուժյանը գտնվում էր Թիֆլիսում և կովկասյան միութենական կոմիտեի ղեկավար գործիչների հետ ուղղություն էր տալիս դեպքերի ընթացքին երկրամասում: Հոկտեմբերի 19-ին ՌՄԴԲԿ Թիֆլիսի կոմիտեն հրատարակեց «Բոլոր բանվորներին» կոչը, որտեղ շեղվում էր, թե «աշխատավոր ժողովուրդը չի կարող իր հույսը դնել ցարական ողորմածության վրա, այլ պետք է հենվի սեփական ուժերին և ազատագրվի իր ձեռքով»²:

Հոկտեմբերի 19-21-ը Թիֆլիսում տեղի ունեցան բազմամարդ ցույցեր, որոնց մասնակցում էին նաև հազարավոր հայ բանվորներ, արհեստավորներ, գինվորներ³: Հուժկու ելույթների գլուխ էին կանգնած բոլշևիկները: Ծահուժյանը ցույցերի ղեկավարներից մեկն էր: Նա ելույթներով հանդես էր գալիս

ցուցարարների առջև, կոչ անում տապալել պետական կարգը¹:

Ցարական մանիֆեստի դեմ վճռականորեն հանդես եկան նաև Հայաստանի աշխատավորների զգալի գանգաձաններ: Նրանց գործողություններին ուղղություն տվող բոլշևիկյան կազմակերպություններից մեկի կողմից հոկտեմբերի 22-ին տպագրված ու տարածված թուռցիկներից մեկում աշխատավորությանը կոչ էր արվում չնահանջել պայքարի ուղուց: Նրանում ասված էր. «...Կառավարությունը, որ մինչև այդ երկիրը կառավարելու ժողովրդի բոլոր ցանկություններին պատասխանում էր գնդակներով ու աքսորով, այժմ, որպես մեծագույն ողորմածություն, նույն ժողովրդին առաջարկել է կիսատ-պոստ մի «սահմանադրություն»»: Բայց ժողովուրդը այն կորզել է իր ուժով, որն այս օրերին հիմքից ցնցում է ողջ Ռուսաստանը: ...Ինեղավող միապետությունը, որ մահվան գալարումների մեջ է, դեռ փրկության հույսեր է փայփայում, բայց նրա դեմ ապստամբել է ողջ Ռուսաստանը, որը գոչում է. «Թող կորչի՛ ցարի ողորմածությունը, կեցցե՛ հեղափոխությունը»»²:

Հոկտեմբերի 17-ի մանիֆեստը նոր գործադուլով դիմավորեց Ալավերդու չրջանի բանվորությունը: Հունիս-հուլիս ամիսների գործադուլից հետո լարված վիճակը աշնանը շարունակվում էր հանքերում և պղնձաձուլարաններում:

1905թ. նոյեմբերի 20-ին «Մանես» գործարանի բանվորները հայտարարեցին գործադուլ և ադամիստրացիայից պահանջեցին կյանքի կոչել մարտ ամսին կնքած կոլեկտիվ պայմանագիրը: Հաջորդ օրը նրանց միացան «Պիրտիկ» գործարանի բանվորներն ու ծառայողները: Գործադուլների անվտանգությունը հսկում էին նրանց իսկ ստեղծած զինված ջոկատները: Բանվորներին օգնության եկան և նրանց միացան հարևան գյուղերի մեծ թվով բնակիչներ:

Նոյեմբերի 21-ին գործադուլային շարժումը բոլշևիկների և մենշևիկների ղեկավարությամբ դարձել էր համընդհանուր՝ ընդգրկելով գործարանային և լեռնահանքային արդյունաբերական ողջ համայնքը: Բանվորները ցույցի էին դուրս եկել կարմիր դրոշներով, բազմաթիվ պաստառներով, որոնց վրա գրված էին՝ «Կորչի՛ ցարը», «Կեցցե՛ Ռուսաստանի հեղափոխական պրոլետարիատը», «Կեցցե՛ Հանրապետությունը» և այլ քաղաքական լոզունգներ: Հանդես գալով ելույթներով՝ թե՛ բոլշևիկ և թե՛ մենշևիկ գործիչները մերկացնում էին ցարական բռնապետական կարգերը, գործադուլավորներին կոչ էին անում վճռական ու անզիջում լինել սկսված պայքարում:

Բանվորների պայքարի ղեկավարումն ավելի նպատակասլաց դարձնելու համար սոցիալ-դեմոկրատ բոլշևիկների և մենշևիկների նախաձեռնությամբ ստեղծվեց գործադուլային կոմիտե, որի կազմի մեջ մտան բանվորներ Վլադիմիր Չելիձեն, Սերգո Փիրուզյանը, Մեխակ Ադամյանը, Միրզա Կաֆարը և ուրիշներ: Այդ օրերին Ալավերդում գտնվող ականավոր հեղափոխական բոլշևիկ

¹ «КПСС в резолюциях и решениях съездов, конференций и пленумов ЦК», часть I, Госполитиздат, Москва, 1954, стр. 84.

² Տե՛ս «Листовки Кавказского союза РСДРП 1903-1905 гг.», М., 1958, էջ 413-414.

³ Տե՛ս «Всероссийская политическая стачка в октябре 1905 года». часть вторая, изд. Академии наук СССР, Москва - Ленинград, 1955, էջ 262-265:

¹ Տե՛ս Ի. Գուրիենկի-Մուխամե, Ծահուժյան, «Հայաստան» հրատ., Երևան, 1974, էջ 94:

² «Ռևոլյուցիոն շարժումները Հայաստանում 1905-1907», էջ 90-91:

Մելիք Մելիքյանի և ՌՄԴԲԿ կովկասյան միութենական կոմիտեի Լոռու կուսակցական կազմակերպությունն ամրացրած պրոպագանդիստ-կազմակերպիչների հետ գործադուլային կոմիտեն կազմեց բանվորների՝ 22 կետից բաղկացած պահանջները¹ և ներկայացրեց ադմինիստրացիային: Պահանջների թվում էին՝ հաստատել 8-ժամյա բանվորական օր, աշխատավարձն ավելացնել 20%-ով, վերացնել տուգանքները, բանվորներին ապահովել համազգեստով, մտցնել ձրի բուժսպասարկում, հեռացնել առավել դաժան չինովնիկներին ու ադմինիստրատորներին և այլն²:

Գործադուլավորների թիվը հասավ 3000-ի՝ հայեր, ռուսներ, կովկասյան թուրքեր, պարսիկներ, վրացիներ, հույներ և այլք: Հանքերի և գործարանների վարչությունները հարկադրված եղան ընդունել բանվորների գրեթե բոլոր պահանջները, բացի 8-ժամյա բանվորական օրվա պահանջից: Այսպիսով, 5-օրյա գործադուլն ավարտվեց լիակատար հաղթանակով:

Հոկտեմբերյան քաղաքական գործադուլին անմասն չմնացին ալեքսանդրապոլցիները: Ամռան ամիսները Ալեքսանդրապոլում համեմատաբար խաղաղ էին անցել, բայց դուրսիցը կտրուկ փոխվեց հոկտեմբեր-նոյեմբերին:

Բոլշևիկների տեղի կազմակերպության ղեկավարությամբ Ալեքսանդրապոլի երկաթուղայինների ներկայացուցիչները հավաքվելով խորհրդակցության՝ որոշեցին միանալ երկաթուղայինների համառուսաստանյան ընդհանուր գործադուլին:

Հոկտեմբերի 15-ին Ալեքսանդրապոլ-Կարս գծամասի բանվորներն ու ծառայողները դադարեցրին աշխատանքը: Ստեղծվեց գործադուլային կոմիտե, որի անդամների մեծ մասը բոլշևիկներ էին: Կոմիտեն մշակեց 18 կետից բաղկացած պետիցիա, որը ներկայացվեց երկաթուղու ղեկավարությանը, նաև հատուկ թուղցիկով տարածվեց քաղաքում:

Հոկտեմբերի 15-ից երկաթուղու Ալեքսանդրապոլ-Երևան-Ջուլֆա և Ալեքսանդրապոլ-Կարս գծամասերի վերահսկողությունը փաստորեն գտնվում էր բոլշևիկների ձեռքում:

Ոչ միայն երկաթուղու գծամասերում, այլև քաղաքում միճակը շարունակում էր լարված մնալ հոկտեմբերի երկրորդ կեսին և ամբողջ նոյեմբեր ամսվա ընթացքում:

Հոկտեմբերի 28-ին Ալեքսանդրապոլի երկաթուղային կայարանում հավաքվել էր ավելի քան 2 հազար մարդ, որպեսզի հանդիպեն այն 35 բոլշևիկներին, որոնք Կարս էին վերադառնում աքսորավայրից: Հանդիպումը վերածվեց վիթխարի ցույցի: Ելույթ ունեցողները ողջունում էին հեղափոխական մարտիկներին և երգվում հետևել նրանց: Ցուցարարների զլխավերևում ծածան-

¹ Տե՛ս Հ. Ս. Մելիքյան, Մարքսիստական կազմակերպությունները և ռուսացիոն շարժումները Լոռիում (1899-1908թթ.), Հայպետհրատ, Երևան, 1957, էջ 120:
² «Ռևոլյուցիոն շարժումները Հայաստանում 1905-1907», էջ 188-189:

վում էին կարմիր դրոշներ¹:

Մի քանի օր հետո բոլշևիկները քաղաքում մեծ միտինգ կազմակերպեցին, որին մասնակցում էին երկաթուղային ղեկավարի և վերանորոգման արհեստանոցների բանվորները, մեծ թվով քաղաքի բնակիչներ, ինչպես նաև Կարսից եկած մի քանի տասնյակ երկաթուղայիններ: Միտինգից հետո բոլշևիկների խորհրդով բանվորներն սկսեցին զինվել և պատրաստվել դիմադրության, եթե ոստիկանությունը և զորքը փորձ անեն զենք գործածել:

1905թ. հոկտեմբերի վերջին և նոյեմբերին գյուղացիական շարժումը երկրում հսկայական չափեր ընդունեց: Կալվածատերերի դեմ գյուղացիների պայքարը աստիճանաբար վերածում էր ինքնակալության դեմ քաղաքական պայքարի: Դա հատկապես առավել ուժգնությամբ արտահայտվում էր Ռուսաստանի կենտրոնական սևահողային նահանգներում, Պոլովոժիեում, Մերձբայթիկայում, Ուկրաինայում, Վրաստանում: Մի շարք շրջաններում գյուղացիական շարժումը վերածվում էր զինված պայքարի²:

Նախորդ ամիսների համեմատ՝ գյուղացիական շարժումը ավելի կազմակերպված էր ընթանում Հայաստանում, որը գերազանցապես հետևանք էր բոլշևիկների թափած ջանքերի: Գյուղերի բոլշևիկյան խմբերը հատուկ ուշադրություն էին դարձնում գյուղացիական հեղափոխական կոմիտեների ստեղծմանը: Այդպիսի կոմիտեներ էին գործում, օրինակ, Բորչալուի գավառի Մաթեր, Ակներ, Վարդաբլուր, Կուրթան, Ջալալօղլի և ուրիշ գյուղերում: Կոմիտեները սերտ կապեր էին հաստատել Ալավերդու հանքերի ու գործարանների բանվորների հետ, աջակցում էին նրանց պայքարին և նրանցից ստանում օգնություն: Մեծ ակտիվությամբ էին գործում նաև Երևանի նահանգի էջմիածնի, Սուրմալուի, Նոր Բայազետի գավառների բազմաթիվ գյուղերում ստեղծված գյուղացիական կոմիտեները:

Կազմակերպելով գյուղացիական կոմիտեներ՝ բոլշևիկները դրանց միջոցով տարածում էին հեղափոխական սոցիալ-դեմոկրատական գաղափարներ, աշխատում էին կազմակերպված բնույթ տալ գյուղացիների պայքարին:

Հեղափոխության վերելքին զուգընթաց՝ հակացարական տրամադրությունները լայն թափով խուժում էին բանակից ներս: 1905թ. ամռան ամիսներին զորամասերում սկսված հուզումներն աչնանք վերածվեցին հզոր այլեկոծման: Զինվորները չէին կատարում հրամանատարների այն կարգադրությունները, որոնք, իրենց կարծիքով, հակահեղափոխական էին, հրաժարվում էին կրակել ժողովրդի վրա: Ավելին, ամբողջ զորամասեր անցնում էին ապստամբների կողմը:

Նոյեմբերին զինադուլ Հայտարարեցին 153-րդ բանակի Ալեքսանդրապոլ-

¹ Տե՛ս «Революция 1905-1907гг. в национальных районах России», Госполитиздат, Москва, 1955, էջ 555:

² Տե՛ս «Революция 1905-1907гг. в России», Документы и материалы 1905-1955, изд. Академии наук СССР, Москва, 1955, էջ XII:

լում տեղակայված 229-րդ Հետևակային, 150-րդ և ուրիշ գնդերի զինվորները: Նոյեմբերի 28-ին 153-րդ Բակինսկի Հետևակ գնդի զինվորները, բոլշևիկյան խմբի ղեկավարությունում, մշակեցին մի շարք պահանջներ և ներկայացրին հրամանատարությունը, այն է՝ զորքը դուրս բերել գործադուլավորների դեմ, ներում չնորհել քաղաքական կայանավորներին, զորացրել այն զինվորներին, որոնց ծառայության ժամկետն անցել է և այլն: Ալեքսանդրապոլի զինվորների մշակած պահանջներին Հավանություն տվեցին Կարսի և այլ կայազորների զինվորները: Բանվորների դեպուտատների խորհուրդների օրինակով Հոկտեմբերից Ալեքսանդրապոլի և Կարսի զորամասերում ստեղծվում էին զինվորական Հեղափոխական խորհուրդներ, որոնց մեջ մեծամասնություն էին կազմում բոլշևիկները:

1905թ. դեկտեմբերին Սարիղամիշի զինվորական կայազորի մեջ մտնող 155-րդ Հետևակային Կուբինյան գնդի զինվորները դուրս եկան միտինգի և հրամանատարությունից պահանջեցին ազատ արձակել այն զինվորներին, որոնք կայանավորվել էին «վնասակար գաղափարներ տարածելու համար»: Միտինգի մասնակիցները միաժամանակ հարց էին բարձրացնում ոչ մի զինվորի չհետապնդել քաղաքական համոզմունքների համար: Հրամանատարությունը մերժեց ընդունել միտինգում ընդունված բանաձևը: Ձերբակալված զինվորները դատվեցին ռազմադաշտային դատարանի կողմից¹:

1905թ. նոյեմբերի վերջերին Թիֆլիսում տեղի ունեցավ ՌՄԴԿ կովկասյան միութայն II կոնֆերանսը, որին մասնակցում էր նաև Ստ. Ծահուլյանը: Կոնֆերանսը որոշում ընդունեց զինված ապստամբության նախապատրաստման մասին և այն ղեկավարելու համար ընտրեց ՌՄԴԿ կովկասյան բյուրո, որի մեջ էր նաև Ծահուլյանը: Կոնֆերանսը “Кавказский рабочий листок”-ը ճանաչեց որպես կովկասյան միութենական կոմիտեի օրգան և թերթի խմբագիր հաստատեց Ստ. Ծահուլյանին: Միաժամանակ անհրաժեշտ համարվեց Հնարավորին չափ կարճ ժամկետում հիմնադրել բոլշևիկյան ուղղության թերթեր Հայերեն, վրացերեն և կովկասյան թուրքերի լեզվով:

Նոյեմբերի 24-ին Պետերբուրգի դատական ասյանը որոշում էր ընդունել դեկտեմբերի 2-ից դադարեցնել «Հեղափոխական հովերով տարված»՝ “Сын отечества”, “Новая жизнь”, “Наша жизнь”, “Свободный народ”, “Начало”, “Русское свободное слово”, “Русская газета” թերթերի հրատարակումը: Ճիշտ այդ օրը կայանք էր գրվել նշված յոթ թերթերի համարների վրա: Դեկտեմբերի 7-ին “Кавказский рабочий листок” թերթում (N11) լույս տեսավ Ստ. Ծահուլյանի «Ազատությունները» կենսագործվում են ... » Հոդվածը: Հեղինակը նշում էր, որ Հոկտեմբերի 17-ի մանիֆեստով ազդարարված մամուլի ազատությունը, ինչպես և հաստատ համոզված էին բոլշևիկները, դատարկ Հնչյուն դուրս եկավ: «Սոցիալ-դեմոկրատիան,- գրում էր նա, - մանիֆեստի

երևան գալու առաջին իսկ օրից ցարական ազատությունները Հայտարարեց թղթե ազատություններ: Նա երբեք չի հավատացել ցարական կառավարության անկեղծությունը: Նա միշտ էլ պնդել է, որ միայն ինքնակալության տապալումը և պետական իշխանության հանձնումը ժողովրդի ձեռքը կարող է իսկական ազատություն երաշխավորել»¹: Եվ Ծահուլյանը մարտական կոչ էր հղում աշխատավորներին՝ «պայքարել, վճռաբար ու անողոքաբար պայքարել ինքնակալության դեմ»²: Նա ցույց էր տալիս օրվա գործնական անելիքները. «Պետք է շարաւայուններ կազմել, պետք է պատրաստվել բոլոր ուժերով, բոլոր միջոցներով՝ երկզլխանի հրեշի ամայացուցիչ գործունեությանը ըստ Հնարավորին ավելի շուտ վերջ դնելու համար»³:

Նույն թերթի N 12-ում լույս ընծայած Հոդվածում Ստ. Ծահուլյանը զարգացնում էր նախորդ համարում արտահայտված մտքերը և համոզմունք Հայտնում, որ Հեռու չէ սպասվող զինված ապստամբությունը: «Մոտ է այն ժամը,- գրում էր նա,- երբ ամբողջ Ռուսաստանով մեկ կբռնկվի Համաժողովրդական ապստամբությունը և ջարդուփշուր կանի ցարական ինքնակալության երկաթե զրահը»⁴:

«Վերադարձ չկա» Հոդվածում Ծահուլյանն ավելի էր կոնկրետացնում Հեղափոխական պրոլետարիատի նպատակները: Նա գրում էր. «Ցարական կառավարությունը հավաքել է վերջին ուժերը Հաղթական Հեղափոխությանը գլխավոր ճակատամարտ տալու համար: ... Հեղափոխական պրոլետարիատն ընդունում է այդ մարտահրավերը... Վերադարձ չկա՝ Մեր Հետևում նավերն այրված են, իսկ մեր առջև ծառայած է ինքնակալությունը վերջնականապես ճգնվելու կամ նրա կողմից ճգնվելու արտերնատիվը: ... Հարցը վերաբերում է Հեղափոխական ժողովրդի կողմից քաղաքական իշխանությունը գրավելուն: ... Ինքնակալությունը մեզ ստիպում է ձեռնարկել պայքարի համաժողովրդական միջոցին՝ զինված ապստամբությանը»⁵: Այդ ազատարար ապստամբությունն ամենից առաջ պրոլետարիատի ոգու և կամքի մեծագույն ստեղծագործությունը պետք է լինի: «Պրոլետարիատը,- գրում էր Ստ. Ծահուլյանը,- բոլորից շատ և բոլորից ավելի եռանդով է պայքարել ներկա համաժողովրդական Հեղափոխությունում. Հոկտեմբերյան օրերին նա խարխյեց ինքնակալությունը, իր արյան գնով նա գնեց քաղաքացիական այն իրավունքների ազատության կեսը, որոնցից օգտվում է ամբողջ ժողովուրդը: Այժմ նա տվել է վերջնական գոտեմարտի ահազանգը: Թո՛ղ Հեղափոխական ժողովրդի բոլոր խավերը արձագանքեն իրենց ղեկավարի այդ ահազանգին, թո՛ղ բոլոր նրանք, ովքեր շահագրգռված են ցարական ինքնակալությունը ժողովրդականով փոխարինե-

¹ ՎՀ ԳԿԳԱ, ֆ. 22, ց. 4, գ. 284, թ. 2:

¹ Ստեփան Ծահուլյան, ԵԼԺ, Հատ. առաջին, էջ 140:
² Նույն տեղում:
³ Նույն տեղում:
⁴ Նույն տեղում, էջ 143:
⁵ Նույն տեղում, էջ 147-148:

լով, պատրաստվեն գլխավոր ճակատամարտի ցարիզմի դեմ: Թշնամին մահացու կերպով վիրավորված է պրոլետարիատի կրակոցից. համատեղ ջանքերով մինչև վերջը թախծախենք նրան»¹:

Բոլշևիկյան կազմակերպությունները լայն աշխատանք էին ծավալել գինված ապստամբության ռազմատեխնիկական նախապատրաստության ուղղությամբ: Կովկասում այդ գործը գլխավորում էր ՌՄԻԲԿ կովկասյան բյուրոն, որի հրահանգներով բոլշևիկները ստեղծում էին մարտական ջոկատներ, հայթայթում գեներ, կազմակերպում մարտիկների ռազմական գործի ուսուցում և այլն: Այդ ուղղությամբ հատկապես խոշոր դեր էր կատարում լեգենդար Հեղափոխական Սիմոն Տեր-Պետրոսյանը (Կամո):

Անդրկովկասն արագորեն արձագանքեց Մոսկվայի ապստամբությանը: Քաղաքական գործադուլներ բռնկվեցին Բաքվում, Բաթումում, Թիֆլիսում: Մասսաների գլխավոր պահանջն էր՝ «Կորչի՛ միապետությունը, կեցցե՛ ժամանակավոր կառավարությունը»:

Գործադուլային շարժումն ապստամբության վերաճելու համար ղեկտեմբերի 12-ին Թիֆլիսում ստեղծվեց Կենտրոնական գործադուլային կոմիտե, որի մեջ մտան Ստ. Շահումյանը, Մ. Ցխակայան, Շ. Էլիավան և ուրիշներ: Շահումյանի խմբագրությամբ լույս տեսնող «Кавказский рабочий листок»-ը շարունակում էր ապստամբական կոչեր հղել բանվորներին ու գյուղացիներին: Իշխանություններն արգելեցին թերթի հրատարակումը, բայց ղեկտեմբերի 12-ից այն սկսեց լույս տեսնել նոր՝ «Елизаветпольский вестник» անունով, որը նույնքան արմատական էր, որքան «Листок»-ը: Երեք համար լույս տեսնելուց հետո այս թերթի հրատարակումը նույնպես արգելվեց: «Елизаветпольский вестник»-ի վերջին՝ ղեկտեմբերի 14-ի համարում գետեղված էր «Դեկաբրիստներ» վերտառությամբ առաջնորդողը, որի հեղինակը, ամենայն հավանականությամբ, Շահումյանն է: Այն նվիրված էր ցարական բռնակալական կարգերի դեմ ղեկաբրիստների ապստամբության 80-ամյակին և օրգանապես աղերսված էր «քնից արթնացած Ռուսաստանը համակած հեղափոխական հրդեհին»²: Հողվածագիրն առաջիններից մեկն էր, որ մարքսիզմի դիրքերից բնութագրում էր ղեկաբրիստների շարժումը, գնահատում նրա ղեկավարների և շարքայինների սխրանքը:

Բոլշևիկների՝ ապստամբության մղող կոչերը լայն արձագանք էին գտնում աշխատավոր զանգվածների շրջանում: Զինված բանվորները գրավեցին Թիֆլիսի նաճաղը և Դիդուբե շրջանները, հարձակում գործեցին Անդրկովկասի երկաթուղիների ու հեռագրի վարչությունների շենքերի վրա և խափանեցին այդ ծառայությունների աշխատանքը: Բաքվի պրոլետարիատը անհնազանդություն հայտարարեց իշխանություններին, որի հետևանքով լիովին կազմա-

լուծվեց կառավարական ապարատը:

1905 թ. դեկտեմբերի 9(22) -ին Մոսկվայում սկսված զինված ապստամբության լուրը Ալեքսանդրապոլ հասնելուց անմիջապես հետո քաղաքում բոլշևիկները բանավոր թե սուպրա խոսքով բանվորներին կոչ էին անում ապստամբություն գինված ելույթի: Անհնազանդություն էին հայտարարել Հայաստանի տարածքով անցնող երկաթուղիների բանվոր-ծառայողները: Երևանի, Ալեքսանդրապոլի, Կարսի երկաթուղային կայարաններն ամբողջովին անցել էին ապստամբների տնօրինության տակ: Իշխանություններին ցուցաբերած անհնազանդությունը ամբողջապես խախտել էր անդրկովկասյան երկաթուղային ցանցում կառավարության կողմից երթևեկության համար հաստատված կարգը: Երկաթգծի երթևեկությունը գտնվում էր գործադուլային կոմիտեի ձեռքում, որն իր հերթին ենթակա էր երկաթուղայինների անդրկովկասյան գործադուլային բյուրոյին և միայն վերջինիս թույլտվությամբ էր բաց թողնում գնացքները:

Որքան հախուռն թափով էր զարգանում հասարակական-քաղաքական կյանքը, որքան փոթորկալից էին պատմական օրերը, այնքան ավելի արագ էր զարգանում ոչ ձևավորված այդ օրերին գործող, պայքարող դասակարգերի քաղաքական գիտակցությունը, այնքան ավելի արագ ու համարձակորեն էին դեպի հեղափոխություն՝ գալիս մինչ այդ հասարակական շարժումից հեռու կանգնած մասսաների նորանոր շերտեր: Բնութագրելով 1905 թ. ընդամենը երկու-երեք ամսում (հոկտեմբեր-դեկտեմբեր) աշխատավորական լայն զանգվածների գիտակցության մեջ կատարված փոփոխությունները՝ Ստ. Շահումյանը գրում էր. «Պատմական այդ մեծ օրերը հիմքից ցնցեցին ժողովրդական մասսաներին և նրանց քաղաքական դաստիարակության տեսակետից այնքան բան արեցին, որքան չէին կարող անել խաղաղ զարգացման ամբողջ տարիները»¹:

Կովկասի փոխարքա Վորոնցով-Դաշկովը 1905 թ. դեկտեմբերի 14-ին արձակեց հատուկ հրաման, որով զինվորական դրուժյուն էր հայտարարվում Թիֆլիս քաղաքում, Թիֆլիսի նահանգում և անդրկովկասյան ամբողջ երկաթուղում:

Թեև զինվորական դրուժյունը չէր տարածվում Երևանյան նահանգի վրա, բայց քանի որ բոլշևիկների գլխավորած հակացարական պայքարը Ալեքսանդրապոլում ստացել էր տազնապ հարուցող ծավալներ և, նկատի առնելով երկաթուղային այդ հանգույցի բացառիկ կարևորությունը, իշխանություններն այնտեղ ևս հաստատեցին ռազմական դրուժյուն: Քաղաքում տեղակայված Կաբարդինյան գունդը և ոստիկանական ուժերը, Թիֆլիսից եկած հրամանի համաձայն, գործադուլավորների դեմ անցան դաժան գործողությունների: Հետապնդվեցին ու ձերբակալվեցին բազմաթիվ ակտիվ բանվորներ և ծառայողներ: Շարժումը Ալեքսանդրապոլում վերջնականապես ճնշելու նպատակով

¹ Ստեփան Շահումյան, ԵԼԺ, Հատ. առաջին, էջ 148-149:

² «Елизаветпольский вестник», 14 декабря 1905г.

¹ Ստ. Շահումյան, ԵԼԺ, Հատ. առաջին, էջ 373:

Թիֆլիսից երկաթուղային շարժակազմով Ալեքսանդրապոլ էր ուղարկվել կազակական մի զորամաս, բայց ճանապարհին, Շահալի կայարանում, բանվորները կարողացել էին շարքից հանել շոգեքարչը, ինչպես նաև փակել երկաթգիծը, որի հետևանքով կազակները չկարողացան տեղ հասնել:

Մոսկվայի 1905թ. դեկտեմբերյան ապստամբության պարտությունից հետո սկսվում է ռուսական հեղափոխության վայրէջքի ժամանակաշրջանը: Բայց հեղափոխությունը դեռևս ուներ հզոր ներուժ, որի լիակատար ջախջախման համար միապետությունը ստիպված էր գործադրել վիթխարի ջանքեր: Առջևում սպասվում էին ցարիզմի դեմ ժողովրդական մասսաների նոր բախումներ՝ թերևս ավելի նվազ ուժգնությամբ ու ավելի պակաս համառությամբ:

Ինչպես ամբողջությամբ վերցրած Անդրկովկասում, այնպես էլ Հայաստանում շարունակվում էին ժողովրդական զանգվածային ցույցերն ու գործադուլները:

1906թ. հունվարի 13-ին վախճանվել էր Տոմսկի տեխնոլոգիական ինստիտուտից վտարված և Երևանում հիմնավորված բոլշևիկ Ալեքսանդր Մախասյանը: Նա մեծ դեր էր կատարել ՌՄԴԲԿ Երևանի խմբակների ստեղծման և ամրապնդման գործում: Բոլշևիկ գործչի թաղումը, որին մասնակցում էր մի քանի հազար մարդ, վերածվեց քաղաքական հուժկու ցույցի: Դեպի գերեզմանատուն ժողովրդական երթը և հանգուցյալի թաղման արարողությունը ղեկավարում էր Երևանի բոլշևիկյան կազմակերպությունը, որը դեկտեմբերյան ապստամբության պարտությունից հետո էլ շարունակում էր աճել ու ամրապնդվել: 1906թ. գարնանը նրա անդամների թիվը հասել էր 100-ի¹:

1906թ. հունվարին Ալավերդում նորից լարված վիճակ էր: Ձեռնարկատերերը նորից խաբել էին բանվորներին և մտադիր չէին կատարել նրանց հետ ունեցած պայմանավորվածություններից ոչ մեկը: Բոլշևիկ և մենշևիկ սոցիալ-դեմոկրատները մի քանի սպառնալից դիմումներ հղեցին ազմինիստրացիային: Ձինովնիկները և բարձր վարձատրվող վարչական աշխատողները սարսափի մեջ ընկան, մտածելով, որ այս անգամ արդեն բանվորները հաշվեհարդար կտեսնեն իրենց հետ: Նրանց հույսը «կարգի պաշտպան» ոստիկանությունն էր:

Առաջվա պես բոլշևիկները եռանդուն աշխատանք էին տանում Ալեքսանդրապոլում, որի շնորհիվ 1906 թվականին նույնպես քաղաքը շարունակում էր մնալ պայքարի ասպարեզ: 1906թ. առաջին կեսին ՌՄԴԲԿ Ալեքսանդրապոլի կազմակերպության ղեկավարությամբ ընթացան երկաթուղայինների, սպարանների աշխատողների, դարբինների, կոշկակարների նոր գործադուլներ ու ցույցեր: Ձուր չէ, որ Կովկասի ոստիկանության վարչության պետը խոստովանում էր, թե տվյալ պահին Ալեքսանդրապոլը Երևանի նահանգի ամենահեղափոխական կետն է:

Հեղափոխության հետագա ընթացքին մեծապես խանգարում էր այն, որ ՌՄԴԲԿ երկու՝ բոլշևիկյան և մենշևիկյան թևերի ղեկավար մարմինների միջև, առանձին բացառություններով հանդերձ, չկար համաձայնություն և ընդհանուր մոտեցում ոչ միայն տեսական հարցերում, այլև հեղափոխության ստրատեգիական նպատակների շուրջ և իրադարձությունների զարգացման համեմատ՝ պայքարի տակտիկան ընտրելիս: Միաժամանակ շեշտեմք, որ բոլշևիկների ու մենշևիկների միջև պայքարը հիմնականում մղվում էր ՌՄԴԲԿ վերին մակարդակներում, իսկ «ներքևներում» բանվորները գործում էին համերաշխ, նրանց մեծ մասի համար նույնիսկ անհասկանալի էր, թե ինչու իրենց ղեկավարները հաշտ չեն, ինչու մամուլի էջերում մեծ կրքով ու համառությամբ «պսակագերծ են անում» միմյանց: Այնպես որ բոլշևիկ և մենշևիկ բանվորները երբեմն ավելի հեշտ էին իրար հասկանում, քան իրենք և իրենց ղեկավար մարմինները: Բանվորները համերաշխաբար էին գործում հատկապես արդյունաբերական վայրերում, որտեղ բարձր էր պրոլետարիատի համակենտրոնացման աստիճանը և քաղաքական ակտիվությունը:

Բոլշևիկ թե մենշևիկ բանվորներից շատերը գիտակցելով, որ ՌՄԴԲԿ ղեկավարության պառակտվածությունը խիստ բացասաբար է անդրադառնում հեղափոխության ընթացքի վրա, պահանջում էին միավորել կուսակցության երկու թևերը:

Առաջինը բոլշևիկյան ղեկավարությունը պաշտոնապես հանդես եկավ ՌՄԴԲԿ միասնությունը վերականգնելու և ուժերը միավորելու նախաձեռնությամբ, որը զրական արձագանք գտավ մենշևիկյան վերին մարմիններում:

Կուսակցության ուժերը միավորելու շարժումն արդեն սկսվել էր 1905թ. աշնանը՝ հեղափոխության վերելքի պայմաններում, երբ երկրի մի շարք վայրերում, այդ թվում Անդրկովկասում, ստեղծվել էին բոլշևիկների և մենշևիկների միասնական (միացյալ) կոմիտեներ: Բաբվում ՌՄԴԲԿ միացյալ կոմիտե ստեղծվեց 1905թ. վերջին, Թիֆլիսում 1906-ի սկզբին¹:

1906թ. ապրիլին Ստոկհոլմում տեղի ունեցավ ՌՄԴԲԿ IV համագումարը, որը կոչված էր ավարտին հասցնելու կուսակցության ներսում սկսված միավորիչ շարժումը: «Միավորիչ» համագումարին մասնակցում էին 46 բոլշևիկ և 62 մենշևիկ պատգամավորներ: Վերջիններիս թվական գերակշռությունը պայմանավորված էր նրանով, որ բոլշևիկյան շատ կազմակերպություններ հեղափոխության ընթացքում ջախջախվել էին ցարական ջարդարանների կողմից, բազմաթիվ նշանավոր ղեկավար գործիչներ նետվել էին բանտերը, ուրիշները քշվել էին հեռավոր աքսորավայրեր:

Համագումարին «Սուրենին» ծածկանունով մասնակցում էր Ստեփան Շահումյանը, որը պատգամավոր էր ընտրվել Երևան ու Ալեքսանդրապոլ քաղաքների և նահանգային զինվորական սոցիալ-դեմոկրատական կազմակերպու-

¹ Տե՛ս Մ. Վ. Արզումանյան, Ասքանազ Մուսվյան. կյանքի ու գործունեության համառոտ ուրվագիծ, Հայպետհրատ, Երևան, 1955, էջ 9:

¹ Տե՛ս Մ. Վ. Արզումանյան, Ստեփան Շահումյան, էջ 128:

թյունների կողմից: Նա Համագումարում Հանդես եկավ ելույթով¹, գրավոր առաջարկություն ներկայացրեց բունդի Հետ միավորվելու վերաբերյալ բանաձևի նախագծի քննարկման ժամանակ², Հետևողականորեն պաշտպանեց հեղափոխության մեջ բոլշևիկների ստրատեգիական գիծը և տակտիկական սկզբունքները, բազմաթիվ գործնական դիտողություններ կատարեց կառավարության ազդարարյին քաղաքականության, ազգային խնդրի, հեղափոխության շարժիչ ուժերի, դոմայական տակտիկայի և օրակարգային այլևայլ հարցերի քննարկման և բանաձևերի ընդունման ժամանակ: Ն. Կրուպսկայան իր հուշերում նշել է, թե Համագումարում Շահումյանն ինչպիսի նվիրվածությամբ էր պաշտպանում բոլշևիկների քաղաքական գիծը³:

Թեև ՌՄԻԲԿ IV Համագումարը որոշում ընդունեց կուսակցության երկու թևերը միավորելու մասին, բայց այդ որոշումը ձևական բնույթ էր կրում և չիրագործվեց կյանքում: Կազմակերպչորեն չմիավորվելով՝ բոլշևիկները և մենշևիկները փաստորեն պահպանեցին իրենց գաղափարախոսական տարբեր սկզբունքները, հեղափոխության բնույթի ու նպատակների մասին հակադիր պատկերացումները: Քանի որ Համագումարում մեծամասնություն էին կազմել մենշևիկ պատգամավորները, ուստի ընդունված բանաձևերի մեծ մասն ուներ մենշևիկյան ուղղվածություն:

Ստոկհոլմից վերադառնալով Թիֆլիս՝ Շահումյանը իր առաջին գործը Համարեց մեկնել Երևան և կատարած աշխատանքների մասին հաշվետվություն տալ իրեն Համագումար գործուղած սոցիալ-դեմոկրատների առջև: Մայիսի 12-ին գումարվում է ՌՄԻԲԿ Երևանի կազմակերպության ժողով, որին մասնակցում են նաև նահանգի մի շարք շրջանների բոլշևիկյան կազմակերպությունների ներկայացուցիչներ: Ժողովում Շահումյանն ընդարձակ զեկուցում է տալիս Համագումարի արդյունքների մասին, պատմում, թե այնտեղ ինչպիսի սուր պայքար էր ծավալվել բոլշևիկ և մենշևիկ պատգամավորների միջև, համոզմունք հայտնում, որ Երևանի բոլշևիկները հաստատապես կկանգնեն այն գծի վրա, որ մշակվել էր Համագումարում:

Բանվորական հեղափոխական շարժումների ղեկավարումն ուժեղացնելու նպատակով ժողովը քննարկեց նաև քաղաքի բոլոր սոցիալ-դեմոկրատական խմբակների միավորման և մեկ ընդհանուր կազմակերպություն ստեղծելու հարցը: Ժողովն ընտրեց ՌՄԻԲԿ Երևանի կազմակերպության քաղաքային կոմիտե, որի կազմի մեջ մտան Ա. Մայիսայանը, Գ. Ալավերդյանը, Վ. Բաղդասարյանը և ուրիշներ: Հետագայում Երևանի կազմակերպության մեջ ղեկավար աշխատանք էին կատարում Մարտիրոս Միրաքյանը (Բանվոր Շանթ), Ասքանազ Մուսլյանը, Լևոն Տեր-Հովսեփյանը, Լևոն Յաղուբջյանը և ուրիշներ:

¹ Ստեփան Շահումյան, ԵԼԺ, Հատ. առաջին, էջ 156-157:

² Նույն տեղում, էջ 157-158:

³ Տե՛ս Н. К. Крупская, Воспоминания о Ленине, Москва, 1984, էջ 289:

Այնուհետև Շահումյանը եղավ արդյունաբերական ձեռնարկություններում, գրուցեց բանվորների Հետ՝ պարզելու Համար նրանց հեղափոխական տրամադրությունները Մուսկովայի բանվորների ղեկսեմբերյան ապստամբության պարտությունից հետո:

Ռուսական հեղափոխության ինչպես վերելքը, այնպես էլ վայրէջքն առաջ էին քաշել բոլշևիկյան գրավոր պրոպագանդայի և ագիտացիայի ուժեղացման խնդիրը:

Չնայած հեղափոխության սկսված նահանջին, 1906 թվականը սոցիալ-դեմոկրատիայի Համար նշանավորվեց մի շարք պրակտիկ հաջողություններով, որոնց գլխավոր արտահայտություններից էին բոլշևիկյան կոչերի, թուլցիկների, պրոկլամացիաների տպագրության և տարածման գործն ամուր հիմքերի վրա դնելը, հեղափոխական հայ մամուլի ու հրապարախոսության կայացումը և բոլշևիկ տեսարանների ու առաջին հերթին Ստեփան Շահումյանի կողմից սոցիալ-դեմոկրատական գաղափարների զարգացումը՝ ելնելով Կովկասի և կովկասահայության իրական վիճակից:

Հեղափոխության վերելքի շրջանում հատկապես աննախընթաց աճել էին բոլշևիկյան թե՛ բանավոր և թե՛ գրավոր ագիտացիայի ծավալները: Մարտաշունչ ոգով գրված կոչերը, թուլցիկներն ու պլակատները զանգվածների հեղափոխականացման անփոխարինելի միջոցներ էին: Ամեն օր հազարավոր օրինակներով թուլցիկներ էին տարածվում կայսրության զանազան տարածքներում:

Հեղափոխական թուլցիկների, պրոկլամացիաների ու կոչերի տպագրման ու տարածման ուղղությամբ եռանդուն աշխատանք էին տանում նաև Կովկասի սոցիալ-դեմոկրատական կազմակերպություններն ու կոմիտեները: Այսպես, միայն ՌՄԻԲԿ կովկասյան միութենական կոմիտեն 1905թ. ընթացքում տասնյակ հազարավոր օրինակներով հրատարակել էր մարտական թուլցիկներ, որոնցից շուրջ 17 հազարը հայերեն, այդ թվում «Պահեստի գինվորներին»՝ 3000 օրինակ, «Կազմակերպված բանվորներին»՝ 400, «Գյուղացիներին»՝ 3000, «Ինչ պարզվեց»՝ 5000, «Ձինվորներին»՝ 3000, «Մայիսի 1-ը»՝ 2500 օրինակ¹:

Հեղափոխության տարիներին դեպքերն ու իրադարձությունները այնպիսի գլխավոր առաջնություններ էին զարգանում, որ սոցիալ-դեմոկրատիայի ղեկավար մարմինները չէին հասցնում տեղեր ուղարկել կուսակցական գործիչների, որոնք կարողանային իրենց կենդանի խոսքով ու գործով նպաստել զանգվածների կազմակերպմանը: Ուստի կյանքը հրամայաբար թելադրում էր՝ ստեղծել բոլշևիկյան հայ մամուլ, որը պետք է նպաստեր սոցիալ-դեմոկրատական կազմակերպությունների հետագա համախմբմանն ու հայ բանվորական

¹ Տե՛ս С. Г. Арестин, Армянская печать и царская цензура, Изд. АН Армянской ССР, Ереван, 1957, էջ 354:

և գյուղացիական մասսաների քաղաքական դաստիարակությանը:

Լենինյան-խոկրայական ուղղության առաջին հայերեն անլեզավ՝ «Պրոլետարիատ» (1902թ.) և դրան հաջորդած «Պրոլետարիատի կոփի» (1903թ.) թերթերի փակումից հետո բոլշևիկները չունեին տպագիր օրգան: Դա էր պատճառը, որ երբ 1905-ի գարնանը Ստ. Ծահուլյանը Բեռլինից վերադարձավ Թիֆլիս, ստիպված օգտագործեց «Մուրճ» հայերեն լեզավ հանդեսի էջերը, որի նույն թվականի մայիս-հունիս ամիսների համարներում նա տպագրեց «Դասակարգերը ժամանակակից եվրոպական հասարակության մեջ» մեծածավալ և մեծարժեք ուսումնասիրությունը:

Բայց այդպես երկար չէր կարող շարունակվել: Հայ բոլշևիկները պիտի ունենային և ունեցան իրենց սեփական տպագիր օրգանը:

Դեռևս մինչև Բեռլինից Ստեփան Ծահուլյանի Թիֆլիս վերադառնալը, Բաբու էր եկել նույն Բեռլինում բարձրագույն ուսումը լրացրած, առևտրական և փիլիսոփայական գիտությունների դիպլոմներ ստացած Սարգիս Կասյանը, որը, հնչակյան կուսակցությունից դուրս գալով, հենց նոր անցել էր բոլշևիկների շարքերը¹: Նրա, որպես բոլշևիկի, առաջին կարևոր գործը եղավ ՌՄԴԿ Բաքվի կոմիտեի հանձնարարությամբ հայերեն բոլշևիկյան թերթի հրատարակումը, որի իրականացումը գլուխ բերեց Լյուդվիգ Կունյանցի և Պետրոս Մնացականյանի սերտ համագործակցությամբ²: 1905թ. մարտի 19-ին Բաքվում լույս տեսավ հայերեն առաջին բոլշևիկյան թերթերից մեկը՝ «Բանվորի ձայնը», որի խմբագիրը Ս. Կասյանն էր: Նույն թվականի մարտի 27-ին ոստիկանությունը ՌՄԴԿ Բաքվի կոմիտեի ընդհատակյա տպարանում բռնագրավեց թերթի երկրորդ համարի շարվածքն ու տպագրված էջերը: «Բանվորի ձայնը» փակվեց, տպագրող բանվորները ձերբակալվեցին:

Բոլշևիկյան առաջին լրագրի բռնի փակումը հուշում էր, որ, օգտվելով 1905թ. հոկտեմբերի 17-ի մանիֆեստի՝ մամուլի ազատության մասին խոստումներից, պետք է փորձել թերթ հրատարակել իշխանությունների թույլտվությամբ:

Բոլշևիկյան լեզավ թերթի հրատարակումը Թիֆլիսում ձեռնարկեց Ստ. Ծահուլյանը: Երկար քաջջուրից հետո Կովկասի իշխանությունները համաձայնություն տվեցին: Ս. Կասյանը Բաքվից կանչվեց Թիֆլիս, ստեղծվեց խմբագրական մարմին՝ Ստ. Ծահուլյան, Ս. Սպանդարյան և Ս. Կասյան կազմով: Թերթի գլխավոր աշխատողներից էր բոլշևիկ Ս. Խանոյանը:

1906թ. ապրիլի 1-ից Թիֆլիսում սկսեց լույս տեսնել բոլշևիկյան առաջին լեզավ և ամենանշանավոր լրագիրը՝ «Կայծը», որն ուղղակի ժառանգորդն էր «Кавказский рабочий листок» և «Елизаветпольский вестник» թերթերի³:

«Կայծը» տպագրվում էր իր ժամանակի համար պատկառելի տպաքանակով՝ 1500-2000 օրինակ:

«Կայծի» առաջին համարը լույս տեսավ Ստ. Ծահուլյանի գրած «Մեր օրգանը» առաջնորդող հոդվածով: Նա նշում էր, որ թերթը երևան է գալիս հակացարական կովի դժվարին ժամանակաշրջանում, երբ ծագած բազում բարդ խնդիրների լուծումը պահանջում է ամբողջ ժողովրդի և ամենից առաջ պրոլետարիատի ու գյուղացիության հեղափոխական ուժերի հսկայական լարում: Ելնելով դրանից՝ Ծահուլյանը շեշտում էր, որ այդ հանգամանքն ավելի ևս ծանրացնում է նորաստեղծ թերթի պատասխանատվությունը, մի օրգանի, «որ ուզում է քայլ առ քայլ հետևել հեղափոխական պրոլետարիատին նրա հզոր կուլում, որ ուզում է արտահայտել ու ղեկավարել այդ կոփը, որ ուզում է լուսավորել այն փշոտ ու արյունոտ ճանապարհը, որով ընթանում է հեղափոխական պրոլետարիատը»¹: Այնուհետև Ծահուլյանը շեշտում էր, որ «Կայծը» «... կաշխատի իր կարողության չափ ծառայել հայ բանվորության և նրա բնական բարեկամ ու դաշնակից՝ հայ աղքատ գյուղացիության շահերին», որ թերթը «... պաշտպան ու արտահայտիչ պետք է լինի պրոլետարիատի վսեմ միջազգային իդեալի»²:

«Կայծում» Ստ. Ծահուլյանը տպագրել է ավելի քան 40 հոդված: Մի շարք հոդվածներով հանդես են եկել Ս. Սպանդարյանը և Ս. Կասյանը: Թերթին աղտիվ աշխատակցում էին Հակոբ Հակոբյանը, Մարտիրոս Միրաքյանը (Բանվոր Ծանթ), Ռուբեն Դաշտոյանը, Արտաշես Կարինյանը, Աշոտ Խումարյանը, Ասքանազ Մուսվյանը (Հրանտ), Լյուդվիգ Կունյանցը, առաջավոր բանվորներ Մելիք Մելիքյանը (Դեղուչկա), Սերգո Մարտիկյանը, Մինաս Սարգսյանը և այլոք³:

Թերթի տպագրության իրականացման և տարածման գործում եռանդուն աշխատանք էին տանում բանվորներ ու մտավորականներ, այդ թվում՝ Արմենակ Սաքուլյանը, Նիկոլայ Կոստանյանը, Գևորգ Սահակյանը, Մինաս Սարգսյանը, Լևոն Յաղուբյանը, Արտյոմ Աղամալյանը, Միքայել Վարդանյանը, Միսակ Տեր-Գրիգորյանը և ուրիշներ:

«Կայծի» խմբագիրների ջանքերով բանվորներից ու գյուղացիներից առաջ քաշվեցին բազմաթիվ թղթակիցներ, որոնք գրում էին Թիֆլիսից, Բաքվից, Ալեքսանդրապոլից, Երևանից, Բուլթալից, Կարսից, Բաթումից, Գանձակից, Ալավերդուց և արդյունաբերական այլ վայրերից: Բանվոր-թղթակիցները պատմում էին գործարանների, հանքերի, արհեստանոցների առօրյայից, աշխատավորական կռիվներից, տեղի ունեցող հուզումներից՝ բողոքների ու ցույցերի մասին և այլն: Լոռուց, Ապարանից, Աշտարակից, Չանգեզուրից, Դիլիջանից, Ծամաղդինից, Ախալցխայից, Գանձակից, Ղարաբաղից և այլ շրջաններից

¹ Տե՛ս Հ. Ն. Կարապետյան, Մեծ պայքարի մարդիկ, գիրք առաջին, էջ 28, 30:

² Նույն տեղում, էջ 32:

³ Ի. Դուբինսկի - Մուխամե, Ծահուլյան, էջ 112:

¹ Ստ. Ծահուլյան, ԵՂԺ, հատ. առաջին, էջ 154:

² Նույն տեղում:

³ Տե՛ս «Հայաստանի կոմունիստական կուսակցության պատմության ուղիվազներ», «Հայաստան» հրատ., Երևան, 1967, էջ 106:

ուղարկած հոդվածներում ու նամակներում գյուղացի-թղթակիցները նկարագրում էին գյուղացիների տնտեսական ծանր վիճակը, հակակարվածատիրական պայքարի դրվագներ, հաղորդումներ էին անում գյուղերում ցարական պատժիչ արչավախմբերի կատարած բռնությունների և այլ անիրավությունների մասին¹:

«Կայծը» հաստատակամորեն առաջ էր տանում հեղափոխական պայքարի գիծը, ուստի այլևս անհանդուրժելի էր դարձել Կովկասի իշխանությունների համար: Թիֆլիսի դատաստանական պալատի քրեական դեպարտամենտը 1906թ. Հուլիսի 31-ի իր կարգադրիչ նիստում որոշեց՝ «Կայսրության գերագույն իշխանությունը հասցրած ծայրահեղ վերավորանքի և աստատմության կոչ անելու համար» դադարեցնել հայերեն «Կայծ» թերթի հրատարակությունը, խմբագիր-հրատարակչին (Արամայիս Երզնկյանց) նշանակել 1000 ռուբլի տուգանք և գործը հանձնել դատարան: Ժանդարմերիային առաջարկվեց հայտնաբերել և դատական պատասխանատվության ենթարկել թերթի խմբագիրներին: Դատաստանական պալատի որոշման հիման վրա Թիֆլիսի նահանգապետը օգոստոսի 7-ին կարգադրեց «վտանգավոր ուղղության համար» փակել «Կայծը»²: Թեև «Կայծը» լույս տեսավ ընդամենը 47 համար, բայց այն լավագույն օրինակ հանդիսացավ դրան հաջորդող բոլշևիկյան մյուս թերթերի համար:

«Կայծը» փակվելուց հետո Շահումյանը, Սպանդարյանը և Կասյանը ձեռնամուխ եղան նոր թերթի լույս ընծայմանը և նշանավոր բոլշևիկ Աշոտ Խումարյանի անունով ստացան հրատարակման իրավունք: «Տրադիցիոն եռյակի» խմբագրությունը 1906թ. օգոստոսի 18-ին Թիֆլիսում սկսեց լույս տեսնել բոլշևիկյան երկրորդ լեզավ թերթը՝ «Նոր խոսքը»³:

«Նոր խոսքի» էջերում սիստեմատիկաբար լույս էին տեսնում նրա խմբագիրների և այլ բոլշևիկյան գործիչների հոդվածները, որոնցում լուսաբանվում էին հեղափոխության ընթացքը նրա աստիճանական անկման պայմաններում, արժարժվում էին ժամանակի հրատապ խնդիրները, ցույց էր տրվում, թե ինչպես ցարը, սարսափած հեղափոխությունից, ժողովրդին խոստացավ Պետական դումա, բայց այնտեղ նստած են հիմնականում կալվածատերերի և կապիտալիստների ներկայացուցիչները, մասսաներին բացատրում էին, որ միապետական կարգերի պայմաններում անհնարին է ժողովրդի շահերը ներկայացնող պառլամենտ ունենալ և այլն:

«Կայծի» համեմատ «Նոր խոսքը» էլ ավելի կարճ կյանք ունեցավ՝ գոյա-

տեկելով ընդամենը մեկ ու կես ամիս, 15 համար լույս տեսնելուց հետո փակվեց:

Դրանից հետո Շահումյանի առաջարկով Սպանդարյանը և Կասյանը աշխատանքի տեղափոխվեցին Բաբու՝ իրականացնելու համար մեկ այլ պարբերականի հրատարակումը: Նույն նպատակով Թիֆլիսից Բաբու մեկնեցին Աշոտ Խումարյանը, բոլշևիկյան մամուլի ակտիվ աշխատակիցներ Բենիամին (Բենո) Սահակյանը և Ռուբեն Դաշոյանը¹: Համատեղ ջանքերով հաջողվեց 1907թ. փետրվարի 2-ին լույս ընծայել հեղափոխության տարիներին չորրորդ և վերջին բոլշևիկյան թերթը «Օրեր» անունով՝ այս անգամ նույնպես Շահումյանի, Սպանդարյանի և Կասյանի խմբագրությամբ: «Օրերը» ունեցավ ընդամենը ութ համար: Բոլշևիկ խմբագիրների և թերթի անվանական խմբագիր-հրատարակիչ, պահպանողական Հայացքներ ունեցող Ս. Հախումյանի միջև տեղի ունեցավ ընդհարում անհնարին դարձնելով նրանց համատեղ աշխատանքը²: Թերթի վերջին՝ փետրվարի 10-ի համարում գետեղված է հետևյալ հայտարարությունը, որ խմբագրության աշխատակիցների անունից ստորագրել էին Շահումյանը, Սպանդարյանը և Կասյանը. «Թերթիս խմբագրության անդամների և աշխատակիցների՝ մի կողմից, խմբագիր-հրատարակչի (Ս. Հախումյանի), մյուս կողմից, ընդհարման պատճառով ստիպված ենք թողնել մեր մասնակցությունը այս թերթին: Մեր ընթերցողներին կարճ ժամանակամիջոցում բավարարություն կտանք մի ուրիշ թերթով»³:

Այսպիսով, ցարական դաժան գրաքննության և ոստիկանական հետապնդումների պայմաններում 1905-1907թթ. ստեղծված Անդրկովկասի բոլշևիկյան մամուլը մեծ դեր խաղաց աշխատավորների քաղաքական դաստիարակության, հեղափոխական պայքարի մեջ նորանոր զանգվածներ ներգրավելու ուղղությամբ:

Ռուսական հեղափոխության տարիներին նշանավոր հայ բոլշևիկ դեկավարները կուսակցական-կազմակերպական աշխատանքի հետ ծավալում էին գաղափարական և տեսական-պրոպագանդիստական մեծ գործունեություն: Ստեփան Շահումյան, Բողոքան Կուռնյանց, Սուրեն Սպանդարյան, Սարգիս Կասյան, Ալեքսանդր Բեկզադյան, Ասքանազ Մուսվյան - ահա ոչ լրիվ անունները դեկավար այն գործիչների, որոնք իրենց տեսական աշխատություններով առաջ էին մղում սոցիալիստական միտքը, իսկ նրանցից ամենախոշոր տեսաբանի՝ Ստեփան Շահումյանի քաղաքագիտական, պատմագիտական, տնտեսագիտական, փիլիսոփայական, գրականագիտական մեծարժեք ուսումնասիրու-

¹ Տե՛ս Խ. Հ. Բարսեղյան, Բոլշևիկյան Հայ պարբերական մամուլի պատմություն. 1900-1920, Հայպետհրատ, Երևան, 1956, էջ 184, 191, 194, 197:
² Նույն տեղում, էջ 202: «Կայծի» փակման մանրամասները նկարագրված են նաև Ե. Մ. Խոսրոյան, Հայկական բոլշևիկյան մամուլը Անդրկովկասում ուսուսական առաջին ռևոլյուցիայի տարիներին, Երևան, 1955, էջ 211-213:
³ Տե՛ս Խ. Հ. Կարապետյան, Մեծ պայքարի մարդիկ, գիրք առաջին, էջ 34:

թյունները, իրենց նշանակությամբ դուրս գալով հայ իրականության սահմաններից, ձեռք էին բերում համառուսաստանյան հնչեղություն, իրենց արժանի տեղը գրավելով ռուսաստանյան սոցիալ-դեմոկրատիայի գաղափարական գիտնականները:

Ստ. Շահումյանը մեծ հեղափոխական էր, մեծ մտածող, մեծատաղանդ տեսաբան: Նա հանդես եկավ ո՛չ միայն որպես պայքարող մասսաների քաղաքական ղեկավար: Նրա մոտ անքակտելիորեն շաղկապված էին պրոլետարիատի պայքարի ստրատեգիան ու տակտիկան: Նրա համար հեղափոխական գործունեությունը և հեղափոխական մտածողությունը անխզելի միասնություն էին կազմում, և ինքն էլ իր անձով մարմնավորում էր այդ միասնությունը:

Հարազատ մնալով գործելու այդ ելակետին՝ Շահումյանը սկզբից ևեթ որդեգրել էր պրոլետարիատի արմատական շահերի պաշտպանությունը, դարձել այդ դասակարգի պայքարի նպատակների և գաղափարաբանության անկաշառ ու անձնուրաց պաշտպանը:

1905-1907թթ. Ստ. Շահումյանի գրած տեսական հետազոտությունների շարքում առանձնանում է վերը հիշատակված «Դասակարգերը ժամանակակից եվրոպական հասարակության մեջ» աշխատությունը (1905թ.): Այստեղ հեղինակը բնորոշում է հասարակական դասակարգերը, վերլուծում է տարբեր ֆորմացիաներում մարդկանց մեծ խմբերի փոխհարաբերությունները, ցույց է տալիս դրանց առաջացման ընթացքը, բուրժուական հասարակարգում շահագործվող դասակարգերի տնտեսական վիճակի գնալով վատթարացման պատճառները, անդրադառնում է բանվոր դասակարգի ու աշխատավոր գյուղացիության դաշինքի հարցերին և այլն:

Վերլուծելով կապիտալիստական երկրների պրոլետարական մասսաների ապրելակերպի մասին եղած վիճակագրական տվյալները՝ Շահումյանը կտրականապես հերքում էր այն պնդումները, թե վարձու աշխատանքի մարդիկ բուրժուական արտադրահարաբերությունների պայմաններում հնարավորություն ունեն արմատապես բարելավելու իրենց սոցիալական դրությունը: Պատասխանելով նրանց, ովքեր մատնացույց էին անում բուրժուական կառավարությունների կողմից սոցիալական որոշ միջոցառումների իրականացման փաստը, Շահումյանը նշում էր, որ դրանք արվում են բանվորական շարժման սարսափի տակ և ի վիճակի չեն էական փոփոխություններ մտցնելու շահագործվող դասակարգերի սոցիալ-տնտեսական դրության մեջ:

Ստ. Շահումյանի «Էվոլյուցիոնիզմն ու ռևոլյուցիոնիզմը հասարակական գիտության մեջ» (1905թ.)² փիլիսոփայական-պոլեմիստական աշխատությունն անմիջականորեն արձագանք էր ռուսական հեղափոխության կողմից առաջադրված կենսական հարցերին: Քննության առնելով զարգացման էվոլյուցիոն

և ռևոլյուցիոն ձևերի դիալեկտիկան՝ հեղինակն անցում է կատարում սոցիալական հեղափոխությունների բնորոշմանը՝ կապված հասարակական կյանքի որակական փոփոխությունների հետ: Նա նշում է, որ հեղափոխության միջոցով ազգերի ու ժողովուրդների կյանքի որակական փոփոխությունները, հասարակական կացութաձևի հեղափոխական անցումները, էվոլյուցիոն զարգացման ընթացքի ընդհատումները մարդկային հասարակության առաջընթացի անխուսափելի օրինաչափություններն են: Սոցիալիզմի հակառակորդները հեղափոխությունները հայտարարում են պատմականորեն ոչ օրինաչափ, վնասակար, անարդար ու անբարոյական, անհամատեղելի էվոլյուցիոնիզմի հետ: Շահումյանը մերժում է հակադիտական ու հակաքնական այդ տեսակետը և շեշտում, որ թե՛ «էվոլյուցիոնիզմը» և թե՛ «ռևոլյուցիոնիզմը» ամեն մի հեղափոխության անխուսափելի ուղեկիցներն են: Այդ երկուսը ոչ թե մերժում են միմյանց, ոչ թե անհամատեղելի են, այլ բնության ու հասարակության զարգացման միևնույն պրոցեսի երկու անխուսափելի, անհրաժեշտ կողմերն են: Հասարակության էվոլյուցիոն, աստիճանական զարգացումը որոշ մոմենտում անխուսափելիորեն փոխվում է արագ ու թուփչաձև հեղափոխական զարգացման, երբ հին որակական կացությունից անցում է կատարվում դեպի նոր որակական կացություն: «Հեղափոխություններն, այսպիսով, - գրում է Շահումյանը, - ավարտում են հասարակության էվոլյուցիոն զարգացման որոշ ցիկլ և ճանապարհ են հարթում նրա հետագա՝ դարձյալ էվոլյուցիոն զարգացման համար»:

Հեղափոխությունները համարելով պատմականորեն օրինաչափ, անխուսափելի ու արդար ակտեր՝ Շահումյանը միաժամանակ խիստ վտանգավոր էր համարում ծայրահեղ հեղափոխականներին, ուստի ստանալիս-անարխիստական «բուժնտարարներին», որոնք անտեսում են հասարակական էվոլյուցիայի օրենքները, առաջադրում են անհավասար «սոցիալիստական հեղափոխության» լուղունգը՝ անտեսելով հասարակական զարգացման օրինաչափությունները:

Հեղափոխության տարիներին Ստ. Շահումյանը բազմակողմանի քննության ենթարկեց գյուղացիական-ազրարային Հարցը՝ գյուղացիության հեղափոխական դերի առումով: «Լիբերալ-դավաճանները և միապետական ազնվականությունը» (1905թ.)³, «Վաղեմները և սոցիալ-դեմոկրատիան» (1906թ.)⁴, «Գյուղացիական շարժումը» (1906թ.)⁵, «Ներկա մոմենտը և մեր տակտիկան» (1906թ.)⁶ և մի շարք այլ հոդվածներում ազրարային Հարցում հեղափոխության գլխավոր խնդիրը նա համարում էր կալվածատերերի ձեռքից ամբողջ հողի բռնագրավումը և ձրի, առանց վճարի հանձնումը գյուղացիությանը:

¹ Ստ. Շահումյան, ԵԼԺ, Հատ. առաջին, էջ 127:

² Նույն տեղում, էջ 108-113:

³ Նույն տեղում, էջ 183-185:

⁴ Նույն տեղում, էջ 208-210:

⁵ Նույն տեղում, էջ 345-349:

¹ Ստ. Շահումյան, ԵԼԺ, Հատ. առաջին, էջ 69-103:

² Նույն տեղում, էջ 122-131:

Դա ուսական հեղափոխության և բոլշևիկյան կուսակցության ազդարային ծրագիրն էր:

Աշխատավոր գյուղացիության օգտին ազդարային հարցի հեղափոխական լուծումը անօրինական էին համարում կադետները, որոնք վճռականորեն դեմ էին կալվածատիրական հողերի բռնագրավմանը և անհատույց գյուղացիներին տալուն: Նրանք լավագույն դեպքում հնարավոր են համարում կալվածատիրական և պետական հողերի մի մասի վաճառքը գյուղացիներին: Ծահուկյանը խիստ քննադատության էր ենթարկում կադետների ծրագիրը, ցույց տալով, որ եթե գյուղացին այնքան միջոցներ ունենար, որ կարողանար հող գնել, ապա նա դա կաներ առանց կադետների «հոգածության», առանց վերևից սպասվող կարգադրությունների, քանի որ կապիտալիստական հասարակության մեջ հողը առուծախի առարկա է: Իրականությունն այն է, որ գյուղացին, որը հագրվ է քարշ տալիս իր գոյությունը, հետևապես «ետ գցած» կուպեկ անգամ չունի, երբ նա չի կարողանում նույնիսկ մշակել իր ջնջին հողակտորը, այդ գյուղացին երբեք չի կարող երազել հող գնելու մասին: Հետևապես, ելքը կալվածատիրական հողերի բռնագրավումը և ձրի գյուղացիությանը տալն է: Իսկ դա հնարավոր կլինի իրագործել միայն միապետական-ազնվականական կարգերը ոչնչացնելու և դրա արդյունքում ժողովրդական-դեմոկրատական կառավարություն ստեղծելու միջոցով:

Ստ. Ծահուկյանի տեսական ժառանգության մեջ առանձնակի տեղ են գրավում ազգային հարցի մասին նրա ուսումնասիրությունները: Հեղափոխության տարիներին նրա գրչի արգասիքը հանդիսացավ «Ազգային հարցը և սոցիալ-դեմոկրատիան»¹ մեծարժեք աշխատությունը, որի մեջ իմացական մեծ ընդգրկումով ընթերցողին է ներկայացրել մարքսիզմի տեսակետը ազգության և ազգային հարաբերությունների մասին՝ շղկապված ցարիզմի դեմ ուղքի ելած ուսաստանյան պրոլետարիատի պայքարի հրատապ խնդիրների հետ:

Թեև գիտական այս ուսումնասիրությունը առաջին անգամ տպագրվել է 1906թ. «Կայծ» թերթում և նույն թվականին հրատարակվել առանձին բրոշյուրով, բայց գրվել է դրանից 3-4 տարի առաջ Բեռլինում: Այդտեղի հայ սոցիալ-դեմոկրատական խմբի մասնակից Մ. Մանուչարյանը (Ջար) վկայել է, որ 1903թ. «Ստեփանի ռեֆերատն» ազգային հարցի մասին քննարկվել է արտասահմանյան սոցիալ-դեմոկրատական խմբակներում, որ նրա «Կապույտ տետրը» ձեռքից ձեռք էր անցնում, հարստանում էր նոր էջերով, մտքերն ավելի էին խտանում և հստակ դառնում: Ծահուկյանի այս երկը պետք է դիտել ոչ միայն որպես հայ սոցիալ-դեմոկրատների միության՝ ազգային հարցի վերաբերյալ տեսակետի ամբողջացում, այլև մի ստեղծագործություն, ուր ավարտին է հասցված հեղինակի նախորդ չրջանի քաղաքական հայացքների զարգացման

ընթացքը:

Ծահուկյանը նշում էր, որ բուրժուազիան և նրա գաղափարախոսները մթազնել ու խճճել են ազգային հարցը, նրա շուրջը ստեղծել միստիկական քող, ազգությունը ներկայացրել որպես մի ֆետիշ, ազգային հարցը՝ որպես մի անլուծելի հանելուկ: Իսկապես որ, գրում էր նա, ազգային հարցն անլուծելի է բուրժուական կարգերի ժամանակ, քանի որ ազգային ճնշումների, ազգային ներհակությունների ու հակասությունների պայմաններում ազգային հարցը հանդես է գալիս որպես աշխատանքի ու կապիտալի հակադրության, սոցիալական ներհակությունների բաղկացուցիչ մաս: Մանրամասն շարադրելով մարքսիզմի հայացքը ազգերի կազմավորման, նրանց ներսի հակասությունների և դրանց լուծման պատմական անհրաժեշտությունը՝ Ծահուկյանն ընդգծում էր, որ ազգային հարցը կարող է իր վերջնական լուծումն ստանալ միայն ու միայն այն ժամանակ, երբ աշխատանքը կազատագրվի կապիտալի լծից, և սոցիալիզմի պայմաններում բոլոր ազգերը կստանան իրենց ազգային կյանքը տնօրինելու հավասար իրավունքներ: Վերացնելով հասարակության մի մասի շահագործումը մյուս մասի կողմից՝ կվերանա նաև մի ազգի հարստահարումը մյուս ազգի կողմից:

Իր աշխատության մեջ Ծահուկյանը հանգամանորեն մեկնաբանում է մարքսիստների ազգային ծրագրի հիմնական սկզբունքները, ծրագիր, որի բովանդակության հիմքում ընկած է պրոլետարիատի ազատագրական պայքարի նպատակը: «Պրոլետարիատի ուժը, - գրում էր նա, - կազմում է նրա դասակարգային միջազգային համերաշխությունը: Թե՛ ներկայումս, այս հեղափոխության ընթացքում, և թե՛ ապագա ազատ Ռուսաստանում, որքան ավելի սերտ կերպով միացած լինեն զանազան ազգությունների բանվորները, այնքան ավելի հաջող կերպով նրանք կարող են կռվել իրենց դասակարգային շահերի համար, այնքան ավելի կատարյալ կլինի դեմոկրատիայի հաղթությունը ներկայումս և այնքան ավելի հաստատ նրա պահպանման և պրոլետարիատի դասակարգային կռվի հաջողության գարանտիան ապագայում»²:

Ռուսական առաջին հեղափոխության տարիներին Ստ. Ծահուկյանը աշխատավոր մասսաների իսկական ղեկավարի և տաղանդավոր հրատարակախոսի իր վիթխարի էրուդիցիայով արձագանքում էր ժամանակի քաղաքական ու տնտեսական բոլոր կարևոր հարցերին, գրականության, լուսավորության, մշակութի բնագավառների ուշադրության արժանի երևույթներին: Զգաստ ու աշխուրջ նա հետևում էր ցարական կառավարության գործողություններին, Պետական դոմայի աշխատանքներին, հեղափոխության ընթացքում դասակարգերի քաղաքական տրամադրությունների փոփոխություններին, կուսակցությունների տակտիկային և նրանց ներսում եղած ֆրակցիաների պայքարին, ուսական հեղափոխության ելեկներին, միջազգային հեղափոխական

¹ Ստ. Ծահուկյան, ԵԼԺ, հատ. առաջին, էջ 237-273:

² Տե՛ս «Баккинский рабочий», N 21, 20 սեպտեմբերի 1922թ.:

¹ Ստ. Ծահուկյան, ԵԼԺ, հատ. առաջին, էջ 262-263:

չարժման ընթացքին ու այդ բոլորի վերլուծության և խորագնին քննության միջոցով տալիս էր Հասարակական երևույթների ճշգրիտ գնահատականը և կանխատեսում գրանց գարգացման Հնարավոր հետևանքները:

1905-1907թթ. Շահումյանի բեղմնավոր գրիչը հրապարակ բերեց բազմաթիվ ուրիշ ուսումնասիրություններ և հոդվածներ ևս: Ընդհուպ մինչև իր ողբերգական նահատակությունը (1918թ.) նա նորանոր ստեղծագործություններով Հարստացրեց Հայ Հասարակական-քաղաքական միտքը, մեծարժեք ներդրում կատարեց բոլշևիզմի տեսության մեջ: Զուր չէ, որ մեծ հեղափոխականին անվանում էին «տեսական մարքսիզմի ծանր հրետանի»¹:

Ստեփան Շահումյան մարդը, քաղաքացին, հեղափոխականը, գիտնականը Հայ սոցիալիստական ուղղության Հասարակական-քաղաքական, տեսական-գաղափարական մտքի գագաթն է: Նրա անձը և գործը ոգեշնչման անսպառ աղբյուր էին գաղափարակիցների համար, նրա միտքը լուսավոր մի ջահ էր դեպի ուսական դեմոկրատական հեղափոխության բարիկադներ գնացող զրկվածների ու տառապյալների ճանապարհին:

Հեղափոխության հուժկու թափը և բոլշևիկյան Հայ մամուլի ստեղծումը ոչ միայն խթանեցին Հայ իրականության մեջ մարքսիստական Հասարակագիտության շեշտակի առաջընթացը, այլև մեծապես նպաստեցին Հայ պրոլետարական գրականության, մասնավորապես պոեզիայի, ավելի լայն առումով՝ հեղափոխության փոթորակի օրեր ապրող աշխատավոր մարդկանց զգացմունքներն արտահայտող և նրանց հոգեկան, գեղագիտական կարիքներին սատար ժողովրդական մշակույթի զարգացմանը:

Հեղափոխության ամենախոշոր երգիչը Հայ իրականության մեջ Հակոբ Հակոբյանն էր:

Հայ գրական անդամատանում Հ. Հակոբյանն առաջինն էր, որ իր քնարն ամբողջովին նվիրեց բանվոր դասակարգի աշխատանքին ու պայքարին, արտահայտիչը եղավ Հայ պրոլետարիատի իղձերի ու ձգտումների:

Դեռ հեղափոխությանը նախորդող տարիներին Հայ բանվոր մարդուն սրտակից, նրա խոհերի թարգման բանաստեղծի ստեղծագործությունները լայն ճանաչում ունեին ամենուրեք՝ գործարաններում, հանքահորերում, բանվորական բարակներում, այնտեղ, ուր կոփվում էր պրոլետարիատի պայքարի կամքը: Միաժամանակ այդ տարիներին նա ուսեբենից թարգմանեց ու Հայ պրոլետարիատի սեփականությունը դարձրեց «Ինտերնացիոնալ», «Մարսելյոզ», «Անվախ ընկերներ», «Վարչականկա», «Թաղման քայլերգ», «Առաջ, ընկերք» և մի շարք այլ հեղափոխական երգերի տեքստերը:

Ռուսական հեղափոխությունը նոր շունչ ու ոգի Հաղորդեց բանաստեղծին:

Հար ու հարատև ամբոխի լացը,

Ծավ ու կսկիծը,

Ինձ կոչ են անում, թե՛ արի՛, պոե՛տ,
Մեր վի՛շտը լացի՛ր,
Մեզ ընկե՛ր դարձի՛ր:

...

Ամբոխից փա՛խ տալ

Դժվա՛ր է, դժվա՛ր.

Հոգիս ձուլված է նրա հոգու մեջ,
Ջղերս կապված նրա շղերին:

Մի այլ ճանապարհ
Գոյություն չունի երբեք ինձ համար,
Եվ որքան դյուժող լինի ձեր համալք,
Երկինք ու աստղեր,

Կա՛ մի քրտնալի, կարիքի աշխարհք
Ճնշված ու լքված՝
Նրան եմ ընտրում,

Այնտեղ վիշտ, զրկանք իրար հետ գրկված՝
Մի ելք են փնտրում ...

«Կուսակցական կյանքի ապրումներն ու հույզերն էին, դասակարգային հեղափոխական կռվի հաղթանակի հավատը, որ ներշնչեցին ինձ հեղափոխական-պրոլետարական մոտիվներ», - իր ինքնակենսագրականում գրել է Հ. Հակոբյանը:

Եվ հեղափոխության երգիչը մեկը մյուսի հետևից հրապարակ Հանեց «Հեղափոխություն», «Մե՛կ էլ, մե՛կ էլ», «Իմ աշխարհքը», «Բուրժուաներին», «Երկու ախոյան», «Մայիսմեկյան երգ», «Պրոլետարիատին», «Մեռա՛ն՝ չկորան», «Ողջու՛յն քեզ, արև» և մեծ պաթոսով գրած այլ ստեղծագործություններ: 1906թ. լույս տեսավ նրա «Աշխատանքի երգեր» ժողովածուն, ուր բանաստեղծը գովք էր հյուսում չարի դեմ ծառայած աշխատավորներին, պրոլետարների կուռ շարքերին, որոնք դուրս էին եկել կենաց ու մահու կռվի՝ հանուն ազատ կյանքի: Նա անկոտրում հավատ ուներ բունակալության դեմ ծառայած աշխատավոր մարդու հաղթանակի նկատմամբ.

Բովված հնոցում քաղց ու կարիքի,

Սովոր բանտերի, բիրտ հալածանքի,

Շա՛տ ես դիմացել, դիմացիլ էլի,

Եղբայր սիրելի.

Հավատ ունեցիր հաղթիդ վերջնական,

Այսօր չէ վաղը՝ քոնն է ապագան ...

Հեղափոխությունը դեռ ընթացքի մեջ էր, բայց նրա հաղթական ելքի հան-

¹ Տե՛ս Գ. Կ. Орджоникидзе, Избранные статьи и речи, М., 1939, էջ 151:

¹ Հակոբ Հակոբյան, Երկեր, Հայպետհրատ, Երևան, 1951, էջ 352:

դեպ կասկած չունեցող բանաստեղծը 1905թ. աշնանը, ռուսական Հեղափոխության Հարձակման շրջանում պրոլետարիատին կոչ էր անում արյան գնով պահել գալիքի ազատ սոցիալիստական կարգերը, քանզի տապալված դասակարգերը չեն Հաշտվելու իրենց պարտության փաստի հետ և փորձելու են ամեն գնով կորցրածը Հետ բերել.

**Երկունքի միջից մանուկը ծնվեց
Մեծ Ազատության:**

**Ընկե՛ր իմ, ընկե՛ր, ահա մանուկը
Հեղափոխության.**

**Փորձության ժամին երգվիր կրծքովդ
պաշտպանել նրան:**

1907թ. «Պրոլետար» ծածկանվան տակ բանաստեղծը տպագրեց Հաջորդ՝ «Հեղափոխական երգեր» ժողովածուն, ուր գետեղեց նաև Հեղափոխական երգերի իր թարգմանությունները: Այդ երգերը «արդեն խմբերով երգվում էին թե՛ քաղաքներում և թե՛ գյուղերում»:

Իր հուշերում բանաստեղծը պատմել է հետևյալ դեպքի մասին.

«Ես չեմ մոռանա. Աբասթումանում մի վաղ առավոտ գնացել էի Հաց [գնելու] Հացթուխից, որ տաք-տաք և՛ հունցում էր խմորը, և՛ գլուխը կախ, ... երգում «Վարչայանկայից».

**Դեպի՛ մարտ արյա՛ն
Արդար սրբազա՛ն,
Դեհ, քայլենք առա՛ջ
Բանվորներս քաջ:**

...

Կանգնած նայում եմ լուռ և լսում:

- Ա՛յ տղա, որտեղի՞ց գիտես դու այդ երգը:

- Վա՛հ, հիմա ո՞վ չգիտե Հեղափոխական երգ, - պատասխանում է [նա]»¹:

Հ. Հակոբյանի ստեղծագործական պաթոսին մեծապես խթանում էր «Կայծ» թերթը, որի Հրատարակման Համար նա Հանդես էր բերել մեծ եռանդ ու ջանքեր: «Կայծի» էջերում պարբերաբար տպագրվեցին նրա «Ամբոսն իմ աշխարհ», «Հեղափոխություն», «Պրոլետարներ բոլոր երկրների, միացե՛ք» և այլ բանաստեղծություններ, թարգմանություններ: Պոետը տպագրվում էր նաև ուրիշ պարբերականներում:

Հ. Հակոբյանի պրոլետարական պոեզիան չափազանց բարձր են գնահատել Ստեփան Ծահուճյանն ու Սուրեն Սպանդարյանը, նաև՝ Հայ մշակույթի ականավոր ներկայացուցիչներ: Ս. Սպանդարյանի բնորոշմամբ, Հ. Հակոբյանը «պատկանում է այն սակավաթիվ Հայ բանաստեղծների թվին, եթե չասենք միակն է, որոնք վաղուց Հրաժարվել են «թմբկահայրենասիրական» թեմաներից և

¹ Հակոբ Հակոբյան, Երկեր, էջ 352:

Համամարդկային բնույթ կրող բոլորովին նոր մոտիվներ են մտցրել Հայ պոեզիայի ու գրականության մեջ»²:

Ընդգծելով Հ. Հակոբյանի պոեզիայի ժողովրդական նշանակությունը, այն փաստը, որ նրա ստեղծագործությունները ամենալայն մասսայականություն էին ստացել աշխատավորական զանգվածների մեջ, Ա.վ. Իսահակյանը գրել է. «Նա ապրեց և գրեց պրոլետարիատի Համար, և Հաղթական պրոլետարիատը սիրեց նրան և երկար ժամանակ պիտի սիրե իր մեծ վաստակավորին: Նրա երգերը տակավին երկար պիտի պետք գան մարտնչող սերունդներին, որովհետև նրանք ռազմական շեփորի ներշնչող, ոգևորող կոչեր են»³:

Հեղափոխության տաղանդավոր երգիչներից էր Շուշանիկ Կուրդինյանը: Հենց սկզբից նրա ստեղծագործության կենտրոնում չարքաչ կյանքով ապրող աշխատավորը, բուրժուական Հասարակարգից մերժված թշվառներն ու բուկոտներն էին: Նա իր քնարը նվիրել էր մի կտոր չոր Հաց անգամ չունեցող մարդկանց: Հեղափոխության գոռ ալիքները կյանքեցին բանաստեղծուհու միտքն ու հոգին՝ նրա ստեղծագործությանը Հաղորդելով նոր շունչ ու ոգի, նրան անվերադարձ կապելով պրոլետարիատի պայքարի սրբազան նպատակներին: «Ո՛չ լալկան երգեր», «Ի՛նձ ասին», «Անեծք», «Հանգրեք ջահերը», «Անգործավորը», «Բանվորները», «Ազատության ղողանջներ» և ուրիշ բանաստեղծություններում Ե. Կուրդինյանն իր գրչով կանգնում էր Հեղափոխության շարքերում՝ իբրև նրա նվիրյալ մարտիկ:

**Հա՛, մենք ենք գալիս -
Դարավոր վշտի զրկանքի բովից,
Հալածանքների, գարշ ստրկության
Մոռացված խավից -
Կրծքո՛վ փչելու փառքը տիրողին, -
Գահը բռնության - ստրուկի շղթան, -
Նոր ուղի Հարթել մեր նմաններին,
Արժանի կոչման - Հավասարության՝
Այդպե՛ս ենք գալիս . . .**

Հեղափոխության վերելքի օրերին բանաստեղծուհին Հրճվանք էր ապրում տեսնելով ժողովրդական գայրույթի եփեռումը, որի դիմաց դահիճները, բռնակալներն ու սատրապները կուչ էին եկել՝ «արդար ոխից» սարսափած, և փախչում էին «մուժ անկյուններ»: Բարիկադներ բարձրացած պրոլետարներին նա կոչ էր անում «չզգալ ահ ու դող», ջարդ ու փշուր անել խարխլված գահը, Համոզված լինել, որ

**Այսօր թե՛ վաղը - մերն է Հաղթանակ
Սուրբ ազատության:**

² Ս. Սպանդարյան, Հոդվածներ, նամակներ, փաստաթղթեր, էջ 267:

³ Ա.վ. Իսահակյան, Երկերի ժողովածու, Հատ. չորրորդ, Երևան, 1951, էջ 58:

Հեղափոխությունը խոր ազդեցություն ունեցավ Հովհ. Թումանյանի, Ալ. Մատուրյանի, Ավ. Իսահակյանի ստեղծագործությունների վրա:

Դեռևս Հեղափոխությունից երկու տարի առաջ, 1903թ. մայիսամեկյան տոնի կապակցությամբ, Հովհ. Թումանյանը Ստեփան Ծաղուկյանի խնդրանքով թարգմանել էր Պուշկինի «Ազատություն» բանաստեղծության հայտնի տողերը՝ «Ատում եմ քեզ և քո գահը» և այլն, որոնք լայն արձագանք գտան, բոլշևիկների կողմից բազմիցս սպազրվեցին որպես թուուցիկ և տարածվեցին բանվորների շրջանում:

Հեղափոխության օրերին մեծ բանաստեղծը հոգով ու սրտով պայքարի ելած ժողովրդի հետ էր:

Ցարական բռնակալության դեմ մղվող կռիվն և գալիք ազատությանը ոգեշունչ տողեր էր նվիրում Ալեքսանդր Մատուրյանը: «Կովնք անվախ ...», - դիմում էր նա Հեղափոխության մարտիկներին՝ իրեն նույնպես համարելով այդ կռիվ մասնակից: Բանաստեղծը կանխատեսում էր, որ վրա է հասնելու չարի կործանումը, և «մի նոր կյանք» է ստեղծելու աշխատավոր մարդը:

Հեղափոխությունը շարունակվում էր:

1906թ. հունիսի 3-ին Ալավերդու պղնձաձուլակալան գործարանի բանվորները նորից դիմեցին գործադուլի և դարձյալ առաջադրեցին մի շարք տնտեսական պահանջներ: Աշխատանքը դադարեցրին նաև Ծամբուղի հանքերի բանվորները: Հուլիսի գործադուլը նոր թափ առավ, իսկ օգոստոսի 2-ին Հայտարարվեց ընդհանուր գործադուլ:

«Մանեն» հրատարակում հավաքվել էր ավելի քան 4000 բանվոր: Միտինգավորները լի էին վճռակալությամբ՝ պաշտպանելու իրենց իրավունքները: Առաջարկ եղավ պայքարը ղեկավարելու համար ստեղծել գործադուլային կոմիտե: Միտինգից հետո կազմավորված գործադուլային կոմիտեի մեջ մտան Ս. Փիրուզյանը, Վլ. Չելիձեն, Հ. Մանթաշյանը, Մ. Աղամյանը, Ս. Վերմիշյանը, Ալ. Խաչիկը և ուրիշներ: Բանվորների պահանջները կոմիտեն ձևակերպեց 18 կետերի մեջ և ներկայացրեց «Կովկասյան արդյունաբերական և մետալուրգիական ընկերության» տնօրեն Գրոյին¹:

Տեղի սոցիալ-դեմոկրատներին օգնելու և գործադուլը ղեկավարելու համար ՌՄԻԲԿ կովկասյան միությունը Ալավերդի ուղարկեց Սուրեն Սպանդարյանին: Ամեն ինչից երևում էր, որ պայքարը երկար է տևելու, ուստի Սպանդարյանի նախաձեռնությամբ գործադուլային կոմիտեն գավառի աշխատավոր գյուղացիությունը կոչ ուղղեց՝ նյութական օգնություն ցույց տալ գործադուլավորներին: Կոչը լայն արձագանք գտավ. չրջակա գյուղերի բնակիչներն իրենց ունեցած պարենից բաժին էին հանում բանվորներին: Գյուղերում կազմակերպվեց նաև դրամահավաք, և գոյացած գումարը ուղարկվեց Ալավերդի:

¹ Գ. Ա. Մուրադյան, Հայաստանը ուսական առաջին ռևոլյուցիայի տարիներին (1905-1907), ՀՍՄԻ ԳԱ հրատ., Երևան, 1964, էջ 192-193:

Այդ կարևոր գործի կազմակերպումը հանձնարարված էր Հայկ Ազատյանին¹: Գյուղացիների օգնության շնորհիվ բանվորները կարողացան դիմանալ ավելի քան մեկ ամիս:

Պայքարի ետևն օրերին Ալավերդի եկավ նաև Ստեփան Ծաղուկյանը. գործադուլն ավելի կազմակերպված բնույթ ստացավ:

Իշխանությունները ձեռնարկեցին գործադուլը ճնշել գինված ուժով՝ հենվելով Նիկոլայ II-ի կողմից 1906թ. հունվարի 8-ին Վորոնցով-Դաշկովին հղած կարգադրության վրա: «Այժմ արդեն հարկավոր է զենքի ուժով մինչև վերջ հասցնել խռովության ճնշումը՝ կանգ չառնելով ամենաձայրահեղ միջոցների առջև»², - հանձնարարել էր միապետը: Թիֆլիսի նահանգապետի հրամանով օգոստոսի վերջին Ջալալօղլի և Ալավերդի ուղարկվեցին զնդապետ Ջորտաբյուրի կազակները՝ չորս թնդանոթով: Ծուլավերդից նրանց օգնության եկավ մի զինված ջոկատ՝ գավառապետի գլխավորությամբ: Միացյալ ուժերով կազակները և զորքը անցան տմարդի գործողությունների՝ թնդանոթներն ու զնդացիները ուղղելով անգն բանվորների վրա:

Գործադուլը բռնությամբ ճնշվեց: Աշխատանքից ազատվեցին հարյուրավոր բանվորներ, շատերը նետվեցին բանտեր կամ աքսորվեցին հեռավոր վայրեր:

Ալավերդու բանվորների գործադուլներն ու ցույցերը Հայաստանում 1905-1907 թվականներին տեղի ունեցած ամենախոշոր ելույթներն էին:

Դեկտեմբերյան զինված ապստամբության պարտությունից հետո Հայաստանում շարունակվում էին նաև գյուղացիական ելույթները՝ հանուն հողի և ազատության: Ուրիշ կերպ էլ չէր կարող լինել, քանզի այն պատճառները, որոնք հայկական գյուղը պայքարի էին հանել 1905-ին, 1906 թվականին նույնպես մնում էին, միայն թե այժմ շարժումը տեղի էր ունենում խիստ անպաստ պայմաններում: Հեղափոխական ալիքի աստիճանական անկման պայմաններում իշխանությունները գնալով ավելի ու ավելի սանձարձակ էին դառնում, ուժեղանում էին գյուղացիների հալածանքները, զորքն ու ոստիկանությունը դիմում էին ամենասանողք գործողությունների: Չնայած դրան, գյուղացիները շարունակում էին հակակառավարական համարձակ ելույթները, գրավում էին կալվածատիրական հողերը, կտրատում նրանց պատկանող անտառները և այլն:

Այդ բոլորն առկա էին, օրինակ, Բորչալուի գավառի հայկական համարյա բոլոր գյուղերում: 1906թ. առաջին ամիսներին բացահայտ խռովություններն այստեղ այն աստիճան սպառնալից չափեր էին ընդունել, որ Կովկասի փոխարքա Վորոնցով-Դաշկովը կալվածատերերի պահանջով գավառը հայտարարել էր ռազմական դրության մեջ³: Գյուղացիների ելույթները ճնշելու պարտակա-

¹ Գ. Ա. Մուրադյան, Հայաստանը ուսական առաջին ռևոլյուցիայի տարիներին (1905-1907), ՀՍՄԻ ԳԱ հրատ., Երևան, 1964, էջ 194:

² «Հերոսական պայքարի վավերագրեր», էջ 333:

³ ՎՀ ԳԳԱ, ֆ. 20c, ց. 1, ք. 42, թ. 18-19:

նությունները փոխաբքան դրել էր պատժիչ արշավախմբի հրամանատար գընդապետ Ջոլոտարյովի վրա:

1906թ. մարտի 12-ին գալով Ջալալօղլի, գնդապետը կարգադրում է ձերբակալել ժողովրդական հուզումների կազմակերպիչներին: Հաջորդ օրերին, մինչև ամսվա վերջը, պատժիչ արշավախումբը անլուր դաժանություններ գործեց Բորչալուի հայկական գյուղերի մեծ մասում:

Անցնելով պատժիչ արշավախմբի մի զորամասի գլուխ, որի կազմում կար 200 կազակ, 150 զինվոր և երկու լեռնային թնդանոթ, գնդապետ Ջոլոտարյովը գավառապետի ուղեկցութեամբ մտավ Շուլավեր, զինաթափեց տեղի և շքր-ջապատի բոլոր հայկական գյուղերի գյուղացիներին, որից հետո նրանց պարտադրեց սեփականատերերին հատուցել հասցրած վնասը:

Գնդապետ Ջոլոտարյովի պատժիչ արշավախմբի դաժան ուսուցանողները նույնիսկ ի զորու չեղան արմատախիլ անելու Հյուսիսային Հայաստանի գյուղացիական հուզումները: 1906թ. ընթացքում Լոռվա գյուղացիները շարունակում էին ելույթներ ունենալ կալվածատերեր Բարաթովի, Քալանթարովի, Եղիազարովի, Լոռիս-Մելիքովի և ուրիշ մեծահարուստների դեմ: Օգոստոսին լուրջ հուզումներ տեղի ունեցան Քալանթարովին պատկանող Այգեհատ և շրջակա մի քանի գյուղերի հողերի վրա: Օգոստոս-սեպտեմբերին կալվածատեր իմանալով ի դեմ ելույթներ ունեցան Կուրթան գյուղի գյուղացիները, որոնց անմիջական կազմակերպիչներն ու ղեկավարները տեղի բոլշևիկներն էին¹: Իշխան Բարաթովի և Հաղպատի գյուղացիների միջև պայքարն այն աստիճան էր սրվել, որ նրա վրա մի քանի անգամ մահափորձ կատարվեց, որի պատճառով իշխանը հարկադրված եղավ իր ամբողջ կալվածքը վաճառել միլիտանտեր Արամյանին²:

Գյուղացիական շարժումը 1906թ. դեկտեմբերին էր ունենում նաև Հայաստանի ուրիշ տարածաշրջաններում: Օգոստոսին կալվածատեր Աղա-Վասակի դեմ պայքարի դուրս եկան Երևանի գավառի էլառ գյուղի գյուղացիները: Պատճառը հարկերի անտանելի ծանր լինելն էր, կալվածատիրոջ անսանձ կամայականությունները³:

Գյուղացիների պայքարն ուղղված էր նաև հոգևորական կալվածատերերի դեմ: 1906թ. հուլիսին Հաղպատի գյուղացիները գրավում են վանքապատկան կալվածքները: Մինչ այդ նրանք ժողովի էին հավաքվել և որոշել հեռացնել վանահայր Միքայել Վարթյանցին, որից հետո վանքի տնտեսութայն ղեկավարումը վերցրել էին իրենց ձեռքը⁴:

Էջմիածնի վանքի դաժան շահագործման դեմ մեծ հուզումներ էին սկսվել

Վաղարշապատում: Բոլշևիկների նախաձեռնությամբ հուլիսի 2-ին գյուղացիները ժողովի հավաքվելով հենց վանքի բակում որոշում են ընդունում չվճարել վանքին ու հողատերերին տրվելիք հարկի մի մասը: Որոշման մեջ ասված էր. նկատի առնելով հարկերի ծայրաստիճան բարձր լինելը, որը կուտակվելով լիակատար քայքայման է հասցրել գյուղացիներին, և, այնուհետև, նկատի առնելով, որ ներկայումս ոչ մի կալվածատեր այնպես անամոթաբար չի շահագործում քրտինք ու արյուն թափող ժողովրդին, ինչպես հոգևոր կառավարիչները, ուստի հարկերը չվճարել, մինչև դրանք չկարգավորվեն: Նույն պահանջներով որոշում է ընդունում նաև Վաղարշապատի համայնքը: Այդ երկու որոշումները և գյուղացիների բողոքագիրը, որի տակ ստորագրել էր 300 հոգի, հավատարմատարների միջոցով հասցվում է Էջմիածնի սինոդին: Հուլիսի 5-ին սինոդը քննութայն է առնում վաղարշապատցիների պահանջը, բայց այն թողնում է անհետևանք, պատճառաբանելով, թե հարկային գործի մեջ ինքը ոչ մի իրավասություն չունի, հետևապես պետք է սպասել Պետական դոմայի որոշմանը⁵:

Անհանգիստ էր Հայաստանում տեղակայված զորքը:

Ալեքսանդրապոլում տեղակայված մենգրեյան զնդի զինվորներից 27 հոգի 1906թ. սկզբին ձերբակալվել և տարվել էր Թիֆլիս՝ քննութայն: 1906-ի հունիսի 25-ին լուր տարածվեց, թե ձերբակալված զինվորներին վերադարձրել են Ալեքսպոլ՝ գնդակահարելու: Լուրը մեծ զայրույթ առաջ բերեց կայսզորի զինվորների մեջ: Գնդի երկու գումարտակներ «Ի գեմ» կոչով փորձեցին փրկել դատապարտվածներին, բայց հաջողություն չունեցան: Ձերբակալվեց 30 զինվոր: Պետերբուրգում լույս տեսնող բոլշևիկյան «ՅՈՒՍ» թերթը, անդրադառնալով այդ դեպքին, 1906-ի N 14-ում գրում էր. «Ալեքսանդրապոլի զորքի մեջ ուժեղ խմորումներ են տեղի ունենում: Այնտեղ կազմակերպվում են միտինգներ և քննարկվում են ամենակենսական նշանակութուն ունեցող հարցեր»⁶:

Մինչև 1906թ. կեսերը խմորումներ տեղի ունեցան Արդահանի, Բայազետի և ուրիշ տեղերի զորամասերում: Ամռան վերջերին զինվորների բացահայտ ընդվզումները դադարեցին, քանի որ դրանից մեկ-երկու ամիս առաջ ցարական իշխանութուններին հաջողվել էր «զսպել» հակակառավարական ուժերի գործողությունները բանակում:

Թեև ոչ միայն Հայաստանում, այլև Կովկասում ու ողջ երկրում մեկը մյուսի հետևից ճնշվել էին զինվորական ելույթները, բայց հեղափոխական տրամադրություններն առկա էին մի շարք գորամասերում: «Զինվորական ապստամբություններն անհաջող են վերջանում, - գրում էր Սուրեն Ապանդարյանը, - որովհետև դրանք կատարվում են անջատ, և եթե կառավարությունը դեռևս հաղթում է, այդ դեռ չի նշանակում, որ նա սպանում է հեղափոխական շարժումը զորքերի մեջ վերջնականապես, և, կարելի է հաստատ հավատացած

¹ Տե՛ս «Կայծ», N 30, 1906թ.:

² Տե՛ս «Նոր խոսք», N 2, 1906թ.:

³ Տե՛ս «Կայծ», N 22, 1906թ.:

⁴ ՀՀ ԳԿԳԱ. ֆ. 56, գ. 505, թ.թ. 93-94:

⁵ Տե՛ս «Կայծ», N 39, 1906թ.:

⁶ ՀՀ ԳԿԳԱ. ֆ. 56, գ. 505, թ.թ. 93-94:

⁷ «Հայաստանի կոմունիստական կուսակցութայն պատմութայն ուրվագծեր», էջ 109:

լինել, որ երբ ազատագրական շարժման ալիքը նորից բարձրանա, - զորքերի շարժումը կլինի ավելի ուժեղ, ավելի կենտրոնացած»¹:

Չնայած հեղափոխությունն ակնհայտորեն վայրէջք էր ապրում, բայց բուլշևիկները չէին կորցնում հավատը զանգվածների հնարավորությունների նկատմամբ և շարունակում էին նրանց նոր կոչեր ուղղել:

Ստ. Շահումյանը իր հոդվածներից մեկում 1906թ. ամռանը դիմելով հայ աշխատավորությանը՝ գրում է. «Մենք կոչ ենք անում գավառներում գործող մեր կազմակերպություններին, մեր ընկերներին, լարել իրենց բոլոր ուժերը, չխնայել ոչ մի բան, որպեսզի անմասն չմնալ այն սուրբ պատերազմի մեջ, որ մղվում է ռուսական ոճրագործ բռնակալության դեմ: Հարկավոր է հարվածել թշնամուն ամեն կողմից և բոլոր ուժերով: Հարկավոր է վերջ տալ արյունարբու գազանների ճշուճներին ու վայրագություններին: Հարկավոր է բաց անել ազատության ու մարդավայել կյանքի դռները դարերով տառապող թշվառ հարյուր-միլիոնավոր ժողովրդի առաջ»²:

Սակայն բուլշևիկյան կոչերն այլևս ի վիճակի չէին փոխելու իրերի ընթացքը: Միապետությունը պատրաստվում էր ահեղ դատաստանի:

Նույնիսկ այդ պայմաններում 1907թ. սկզբներից, ինչպես ամբողջ երկրում, Հայաստանում նույնպես մեկ այստեղ մեկ այնտեղ լինում էին գործադուլային պայքարի բռնկումներ:

Երևանի Սարալի գործարանի բուլշևիկյան խմբի տարած աշխատանքի շնորհիվ հունվարի 27-ին բանվորները դուրս եկան գործադուլի: Բուլշևիկների ղեկավարությունում քաղաքական ելույթներ ունեցան տպարանների, սպիտակոնյակի գործարանների, հրուշակեղենի ձեռնարկությունների բանվորները: Բուլշևիկյան կազմակերպությունը զգալի աշխատանք կատարեց երկրորդ Պետական դումայի նախընտրական շրջանում: Դումայական ընտրությունների կապակցությամբ փետրվարի 18-ից Երևանում ռուսերեն լեզվով սկսեց լույս տեսնել «ФАКТЫ» թերթը՝ Գ. Ն. Սոկոլովսկու (Յուրի Մոլոտով) խմբագրությամբ: Թերթը Հայաստանի տերիտորիայում առաջին սոցիալ-դեմոկրատական օրգաններից մեկն էր, որը աշխատավորներին հեղափոխական պայքարի կոչ էր անում, լուսաբանում կուսակցական ներքին կյանքին վերաբերող հարցեր և այլն: Մի քանի համար լույս տեսնելուց հետո թերթը փակվեց³:

1907թ. Հայաստանում տեղի ունեցած գործադուլներից ամենախոշորը մարտի վերջին Ղափանում բռնկված հանքագործների գործադուլն էր:

Ղափանի պղնձահանքերը գտնվում էին երկաթուղային գծից և բանվորական մյուս կենտրոններից հեռու: Հանքերում աշխատում էր բազմազգ բանվոր-

ություն՝ մոտ 2500 հոգի⁴, որոնցից 1800-ը հայեր էին: Բանվորների մեծ մասը տեղացի քայքայված գյուղացիներ էին: Միմյուս Չավարյանի տվյալներով 1906թ. Զանգեզուրի 11 գյուղերից արտազան աշխատանքի էր գնացել 1917 մարդ, որոնց զգալի մասը վարձվել էր Ղափանի շրջանի պղնձահանքերի ադմինիստրացիայի կողմից: Այսպես, միայն Քաջարան գյուղից նույն թվականին արտազանացության էր դիմել 75 հոգի, որից 63-ը՝ Ղափանի պղնձահանքեր⁵: Բանվորներն աշխատում էին ուղղակի դժոխային պայմաններում: Տաժանակիր էր նրանց աշխատանքը, որ կատարում էին մուրճ ու բրիչով, բահով ու քլունգով, պղնձի ապառները հանքախորշերից դուրս էին հանում մեջքին բարձած կողովների մեջ: Անտանելի էին բնակարանային ու կենցաղային պայմանները⁶:

Ղափանում սոցիալ-դեմոկրատական խումբ էր ձևավորվել դեռևս 1905թ. կեսերին: Այն իր շարքերում ուներ Բաքվից հայրենիք վերադարձած զգալի թվով առաջավոր բանվորներ, որոնց մեծ մասը բուլշևիկներ էին: 1907թ. սկզբներին Բաքվի բուլշևիկյան կոմիտեն Ղափան գործուղեց 50 բանվոր, հիմնականում բնիկ զանգեզուրցիներ, որոնք քաղաքական դաստիարակություն էին ստացել նավթաշխարհի հեղափոխական մթնոլորտում⁷: Գալով Ղափան՝ նրանք կազմակերպված բնույթով հաղորդեցին հանքագործ բանվորների ելույթներին⁸: Միաժամանակ կտրուկ աշխուժացավ տեղի սոցիալ-դեմոկրատական խմբի աշխատանքը: Դրա առաջին արտահայտությունը եղավ Կոնդուրովի հանքերում (Բաչքենդ գյուղ) աշխատող բանվորների գործադուլը, որն սկսվեց մարտի 22-ին: Շուտով գործադուլին միացան Մելիք-Ազարյանի հանքերի ու ձեռնարկությունների տարբեր պրոֆեսիայի բանվոր-ծառայողները: Մարտի 28-ին գործադուլը դարձավ ընդհանուր: Ստեղծվեց գործադուլային կոմիտե, որը մշակեց և գործարանատերերին ներկայացրեց բանվորների պահանջները: Կոմիտեի աշխատանքները ղեկավարում էին բուլշևիկներ Ա. Վարդանյանը, Ս. Ստեփանյանը և ուրիշներ: Բուլշևիկների ղեկավարությամբ գործադուլավորները բռնագրավեցին պահեստները, ստեղծեցին պաշտպանական խմբեր:

Պետերբուրգում հրատարակվող միապետական «Виржевые ведомости» թերթը 1907թ. մարտին գրում էր.

«Կովկասում անկարգությունները դեռ շարունակվում են: Այնտեղ Ղափանի հանքերի և գործարանների թվով 5000 բանվորներ գործադուլ են հայտարարել: Նրանք ներկայացրել են աշխատավարձը բարձրացնելու, բանվորական օրը կրճատելու և այլ պահանջներ: Ադմինիստրացիայի կողմից այդ պահանջ-

¹ Սուրեն Սպանդարյան, Ընտրի երկեր, «Հայաստան» հրատ., Երևան, 1982, էջ 78:

² Ստ. Շահումյան, ԵՄԺ, հատ. առաջին, էջ 287:

³ Տե՛ս «Հայաստանի կոմունիստական կուսակցության պատմության ուղիղ գծեր», էջ 113: Տե՛ս նաև՝ Բարսեղյան, Բուլշևիկյան հայ պարբերական մամուլի պատմություն, 1900-1920, էջ 171:

⁴ «Գալու» (Գորիս), N 10, 1910թ.:

⁵ Տե՛ս С. Заваржи, Экономические условия Карабага в голод 1906-1907гг., էջ 45:

⁶ Գ. Ա. Մուրադյան, Հայաստանը ռուսական առաջին ռևոլյուցիայի տարիներին (1905-1907), էջ 201:

⁷ Այդ մասին մանրամասն տե՛ս М. Шостаки, Современное состояние медных рудников и заводов в Зангезурском уезде Елизаветпольской губернии, Тифлис, 1904, էջ 28:

⁸ Տե՛ս Ա. Ս. Համբարյան, Գ. Ա. Մուրադյան, Ա. Հ. Միմոնյան, Արևելյան Հայաստանի պրոլետարիատի պատմություն, ՀՄՄՀ ԳԱ հրատ., Երևան, 1988, էջ 218:

ների մերժման դեպքում բանվորները սպառնում են քանդել էլեկտրակայանը և չրոմ հեղեղել հանքերը: Հեռախոսային կապը գրասենյակի հետ կտրված էր: Ի՞նչ են մտածում իշխանությունները¹»:

Ձնայած Ղափանում հայտարարվեց զինվորական դրուժյուն, բայց բանվորները մնացին անհողողը: Գործարանատերերը ստիպված էին գնալ որոշ զինվորների: Նրանք բանվորների աշխատավարձը բարձրացրին 10%-ով, կըրճատեցին աշխատանքի տևողությունը²:

Մայր առած դասակարգային մարտերում թրժվում էր Հայաստանի բանվոր դասակարգը, բարձրանում էր նրա կազմակերպվածությունը ցարական բռնապետության դեմ մղվող պայքարում:

Եթե 1905թ. համեմատությանը 1906թ. գյուղացիական շարժումը Հայաստանում գնում էր դեպի անկում, ապա 1907-ին տեղի էին ունենում այդ շարժման վերջին առկայծումները:

1907թ. գարնանը գյուղացիական ելույթներ տեղի ունեցան Ջանգեղուրում: Գալաֆի բոլշևիկյան կազմակերպությունը լայն գործունեություն էր ծավալել հատկապես Ղափանի հանքերի մերձակա գյուղերում: Գյուղացիների մեջ քաղաքական ակտիվ աշխատանք էր տանում բոլշևիկ Կոնստանտին Միխայլովը: Իր ելույթներից մեկում նա ասել էր. «Եթե կառավարությունը մեզ հող չի տալիս, ապա մենք ինքներս կխլենք այդ հողը, գյուղերից դուրս կքշենք պրիստամերիկներն ու չինուֆերիկներին: Թող կառավարությունը և նրա պնակալեզ սպասավորները լավ իմանան, որ գյուղացին այլևս իր գլուխը չի խոնարհի բռնադատիչների առջև: Հիմա նա ամեն տեղ գոչում է. կորչեն բռնակալները, կալվածատերերը, կապիտալիստները: Կեցցե՛ ազատությունը»³:

Բոլշևիկյան ագիտացիան ոտքի հանեց Գյուտևում, Ջեյվա, Բաշքենդ և ուրիշ գյուղերի գյուղացիներին, որոնք հայտարարում էին, որ իրենք չեն ենթարկվելու իշխանություններին, մինչև որ չփոխվի հողատիրությունը և հողօգտագործման գոյություն ունեցող սիստեմը:

Բաշքենդ գյուղի բնակիչների հուզումների գլուխ էին կանգնած Սպիրիդոն և Իլյա Ֆրանկոպոլո եղբայրները, որոնք գյուղացիներին հորդորում էին չվճարել տուրքերը, կալվածատերերից ուժով խլել հողը, զինվոր չտալ կառավարությանը և այլն:

Իշխանությունները դաժանորեն ճնշեցին հուզումները և ձերբակալեցին շարժման ղեկավարներին՝ բոլշևիկներ Կոնստանտին Միխայլովին, Սպիրիդոն և Իլյա Ֆրանկոպոլո եղբայրներին և ուրիշների: Ձերբակալվածներին տարան Թիֆլիսի Մետեխի բանտ: Հիշալները մեղադրվում էին այն բանում, որ 1905-1907 թվականներին Ջանգեղուրի գավառի Ղաթարի պղնձահանքերի մի

խումբ մարդկանց հետ մոտակա ազգաբնակչության մեջ հրապարակային ճառեր են ասել, նրանց գրգռել պետության ու կալվածատերերի դեմ: Մեղադրականի մեջ արձանագրված էր նաև, որ Կ. Միխայլովն իր ելույթներում ասել է, թե հարկավոր է գործել ուժով, վոնդել բոլոր չինուֆերիկներին և նրանց փոխարինել ժողովրդից ընտրված մարդկանցով, թե նա և նրա համախոհները գյուղացիներին կոչ են արել հրաժարվել հարկեր վճարելուց, չենթարկվել զորակոչի հրամանին: 1908 թվականին առանց դատի Միխայլովը և Ֆրանկոպոլո եղբայրները գնդակահարվեցին Մետեխի բանտում:

Ցարական կարգերի դեմ Հայաստանում 1905-1907թթ. ծավալված, իր բնույթով հակաֆեոդալական գյուղացիական շարժումները բոլշևիկների զբլխավորած համառուսաստանյան հեղափոխական պայքարի մի մասն էին: Այդ տարիներին գյուղացիության դասակարգային պայքարը դրսևորվում էր տարբեր ձևերով, բայց բարձրագույն ձևը կալվածատիրական հողերի բռնագրավումները և զինված ընդհարումներն էին:

ՌՄԻԲԿ IV (Միավորիչ) համագումարից հետո էլ բոլշևիկների և մենշևիկների ջրերը, ինչպես ասում են, նույն առվով չզնացին, քանի որ հեղափոխությունը վերաբերվող համարյա բոլոր հարցերում տարբեր էին նրանց ղեկավար մարմինների մոտեցումները:

Անդրկովկասի մենշևիկները, առաջին հերթին վրաց սոցիալ-դեմոկրատները, հեղափոխության տարիներին աննշան կորուստներ էին ունեցել, համարյա ամբողջովին պահպանվել էին նրանց ղեկավար մարմիններն ու պրոֆեսիոնալ կադրերը:

Բոլշևիկների և մենշևիկների կորուստներն անհամեմատելի էին: Ցարիզմի հարվածներն ամենից առաջ ուղղվել էին բոլշևիկների՝ իբրև միապետական կարգերի անհաշտ ու անզիղում թշնամիների դեմ: Իրավիճակը բոլշևիկներին թելադրում էր ամրապնդել շարքերը, վերականգնել իրենց դիրքերը կուսակցական մարմիններում, որ կորցրել էին ՌՄԻԲԿ IV համագումարում և դրանից հետո:

1907թ. սկզբին Անդրկովկասի բոլշևիկները ստեղծեցին իրենց առանձին երկրային կենտրոնը՝ «Գրական բյուրոն», որի մեջ մտան Ստ. Շահումյանը, Մ. Ցխակյան, Ս. Սպանդարյանը, Պ. Զափարիձեն և ուրիշներ:

Միաժամանակ երկրամասի բոլշևիկները ձեռնարկեցին առաջիկայում նախատեսված ՌՄԻԲԿ V համագումարին մասնակցելու հետ կապված բազմապիսի հարցերի լուծումը՝ բացառիկ նշանակություն տալով պատգամավորների ընտրությանը:

1907թ. մայիսին Լոնդոնում գումարվեց ՌՄԻԲԿ V համագումարը: Երևանից համագումարի պատգամավոր էր ընտրվել քաղաքում լույս տեսնող «Փառ-

¹ «Варшевые Ведомости», 30 марта 1907г.

² «Ռեւոլյուցիոն շարժումները Հայաստանում 1905-1907», էջ 106:

³ Նույն տեղում, էջ 107:

¹ «Ռեւոլյուցիոն շարժումները Հայաստանում 1905-1907», էջ 107-108:

Այդպես էր կոչվում կոնսպիրատիվ նկատառումով:

Ծե՛» սոցիալ-դեմոկրատական թերթի խմբագիր Գ. Սոկոլովսկին: Ստեփան Շահումյանը և Ասատուր Կախոյանը ընտրվել էին ՌՄԻԲԿ Բորչալուի (Լոռու) կազմակերպության կողմից՝

Ի տարբերություն նախորդ համագումարի՝ ՌՄԻԲԿ V Համագումարում մեծամասնություն էին կազմում բոլշևիկյան պատգամավորները: Այդ իսկ պատճառով այնտեղ ընդունված որոշումների մեծ մասը իր ուղղվածությամբ բոլշևիկյան էր:

Համագումարում Ստ. Շահումյանը ամենակտիվ մասնակցությունն ունեցավ օրակարգային հարցերի քննարկմանը: Նա խորապես տրամաբանված ելույթ ունեցավ 13-րդ (մայիսի 7) նիստում, հայտարարություններով հանդես եկավ 9-րդ (մայիսի 4), 19-րդ (մայիսի 10), 35-րդ (մայիսի 19) նիստերում¹, մանրամասն ներկայացրեց 1000-ից ավելի անդամներ ունեցող ՌՄԻԲԿ Բորչալուի կազմակերպության կատարած աշխատանքը Հեղափոխության տարիներին², Հեղափոխականորեն պաշտպանեց Լենինի կողմից առաջարկված բոլոր բանաձևերը:

Ձնայած Համագումարի ընդունած բանաձևերում նորից ցարիզը տապալելու կոչեր էին հնչում, բայց այդ կոչերն այլևս ի վիճակի չէին բանվորներին ու գյուղացիներին մղելու Հեղափոխական ելույթների, քանի որ դրանք արիերգորդային հանդարտվող փոթորկի արձագանքներն էին միայն:

Ցարական կառավարության կողմից 1907թ. հունիսի 3-ին Պետական երկրորդ գումայի ցրումը սկիզբ դրեց երկրում դաժան ուժեղացող հաստատմանը: 1905-1907թթ. ուսական Հեղափոխությունը ճնշված էր:

Ռուսական առաջին Հեղափոխությունը պարտվեց մի շարք պատճառներով: 1) Բանվորների և գյուղացիների Հեղափոխական ելույթները ցարիզմի դեմ տեղի էին ունենում անջատ-անջատ, անմիաբան: Պատահական չէ, որ Հեղափոխության ողջ ընթացքում այնպես էլ չստեղծվեց ամուր դաշինք այդ երկու դասակարգերի միջև: Դա հատկապես ցայտուն արտահայտվեց Հայաստանում, ուր կապիտալիզմի անբավարար զարգացման հետևանքով թույլ էր արդյունաբերական պրոլետարիատը, հետևապես ուժեղ չէր նրա ազդեցությունն ու ղեկավար օգնությունը գյուղացիությանը, 2) Թեև գյուղացիության տնտեսական պայքարն ինչ-որ չափով զուգորդվել էր քաղաքական պայքարին, բայց գյուղի աշխատավոր լայն զանգվածները դեռևս պարզորոշ չէին ըմբռնում իրենց շահերն ու անելիքները: Հայաստանում, բացի Ալավերդու և Լափանի արդյունաբերական հանգույցներից, չկային բանվորական զանգվածների խոշոր կուտակումներ, ուստի սահմանափակ էր այն միջավայրը, որտեղից տարածվող Հեղափոխական գաղափարները կարող էին բարձրացնել գյուղա-

ցիության դասակարգային ինքնագիտակցությունը: Գյուղացիների շարժման մեջ, հատկապես 1906 և 1907թթ., գերակշռում էին պայքարի պատսիվ ձևերը: Գյուղացին վերջնականապես չէր կորցրել հավատը ցարի նկատմամբ, ուստի շարունակում էր իշխանության մարմիններին ուղղել խնդրագրեր, բողոքներ ու զանգատներ: Դա մեծապես խանգարում էր գյուղացիության կազմակերպմանը և գաղափարական հասունացմանը: Այդ ամենի պատճառով Հայաստանում 1905-1907թթ. գյուղացիության Հեղափոխական պայքարը թե՛ լայնությամբ և թե՛ խորությամբ այնպիսի ծավալներ չընդունեց, ինչպես, ասենք, Արևմտյան Վրաստանում կամ Ռուսաստանի կենտրոնական նահանգներում, 3) Բանակը, բացառությամբ առանձին զորամասերի, չմասնակցեց Հեղափոխությանը: Ավելին, զինվորներն ու սպաները ցարական գեներալների հրամանով հարձակվում էին բանվորների ու գյուղացիների վրա, ճնշում նրանց ելույթները, 4) Ռուսաստանի սոցիալ-դեմոկրատները բաժանված էին երկու հակոտնյա թևերի՝ բոլշևիկների և մենշևիկների: ՌՄԻԲԿ շարքերում միասնության բացակայությունը մեծապես նպաստեց Հեղափոխական շարքերի գլխատմանը, 5) Ռուսական միապետությունը ակտիվ աջակցություն էր ստանում դրսից: 1905թ. օգոստոսին Հաշտություն կնքելով Ճապոնիայի հետ՝ ցարական կառավարությունը իր զորքերը Հետ քաշեց արևելքից և նետեց Հեղափոխության դեմ: Բացի այդ, Ֆրանսիայի, Անգլիայի, Ավստրո-Հունգարիայի, Բելգիայի կառավարությունները փոխառություններ տվեցին ցարին, որն օգտագործվեց Հեղափոխությունը ճնշելու նպատակով: Ավելին, գերմանական կայսրը հավաստիացնում էր Նիկոլայ II-ին, որ եթե Հեղափոխությունը սպառնալից դառնա գահի գոյության համար, ապա ինքը պատրաստ է զորքեր ուղարկել ռուսական բանակին օգնության:

Օտար պետությունները ցարիզմին աջակցում էին այլևայլ միջոցներով: Այդ տեսակետից բնորոշ էր Թուրքիայի օրինակը: Յարին տապալելու հեռանկարը սոսկալի վախ էր հարուցել թուրքական սուլթանի հոգում: Աբդուլ Համիդը մտածում էր, որ ռուսական միապետի տապալմանը կհաջորդի օսմանյան միապետի տապալումը: Երկու միապետերի դասակարգային համերաշխությունը բազմապիսի դրսևորումներ ունեցավ: Օրինակ՝ սեծոյան նավատորմի «Պոտյոմկին» զրահանավի ապստամբությունից հետո ցարական կառավարությունը դիմել էր թուրքական սուլթանին և Ռուսիայի կառավարությանը՝ ապստամբ նավատիներին ձերբակալելու և Ռուսաստանին հանձնելու պահանջով: Սուլթանը քանիցս ռուսիական կառավարությանը հորդորեց ապստամբներին հանձնել ցարիզմի դատաստանին:

Հեղափոխությունը պարտվեց, բայց այն ունեցավ խոշոր նշանակություն ինչպես երկրի ներքին կյանքում, այնպես էլ միջազգային մասշտաբով:

Հեղափոխությունը ակնհայտորեն ցույց տվեց, որ ցարական միապետական կարգերը վերջնականապես սպառել են իրենց, որ երկրում հասունացել են հասարակական-քաղաքական նոր ուժեր, որոնք ունակ են իրենց հետևից տա-

¹ Տե՛ս «Հին բոլշևիկների հիշողություններ», գիրք առաջին, էջ 64:

² Ստեփան Շահումյան, ՆԼԺ, հատ. առաջին, էջ 406-414:

³ Նույն տեղում, էջ 406-410:

նելու աշխատավոր ժողովրդին, տապալելու ատելի բռնապետությունը: Հեղափոխության երեք տարիների ընթացքում ռուսական կառավարության բանվոր և գյուղացի դասակարգերը ձեռք բերեցին պայքարի հարուստ փորձ, որը անհրաժեշտ էր Հետագա Հեղափոխական մարտերի համար:

Ոչ պակաս տպավորիչ էր Հեղափոխության ունեցած ազդեցությունը միջազգային իրադարձությունների վրա: Հատկապես Ռուսաստանին հարևան երկրներում այն ակտիվացրեց ներքին քաղաքական կյանքը և առաջ բերեց իրենց բնույթով տարբեր շարժումներ, որոնց կանդրադառնանք աշխատության Հետագա էջերում:

ՍՈՑԻԱԼ - ԴԵՄՈԿՐԱՏՆԵՐԻ ՏԵՍԱԿԵՏԸ՝ ՌՈՒՍԱՍՏԱՆՈՒՄ ԱԶԳԱՅԻՆ - ՊԵՏԱԿԱՆ ՇԻՆԱՐԱՐՈՒԹՅԱՆ ՄԱՍԻՆ

Սոցիալ-դեմոկրատների և ազգային կուսակցությունների միջև տեղի ունեցող տեսաբանական վեճերի ոլորտում առանձին նշանակություն էր ձեռք բերել Ռուսաստանում և Անդրկովկասում ապագա ազգային ու պետական շինարարության ձևերի հարցը:

Ընդհանրապես ազգային հարցին վերաբերող բոլոր խնդիրները քննելիս՝ հայ բոլշևիկներն առաջնորդվում էին ոչ միայն Մարքսի, Էնգելսի, Լենինի, այլև Ստեփան Շահումյանի մտքերով: Լինելով բոլշևիկյան կուսակցության ամենանշանավոր ղեկավար գործիչներից մեկը՝ Շահումյանը նաև ազգային հարցի խոշոր գիտակ էր, որի խորհուրդների կարիքը միշտ զգացել են կուսակցության տեսաբաններն ու ղեկավարները, այդ թվում՝ Վ. Լենինը:

Ռուսաստանի սոցիալ-դեմոկրատիան հենց սկզբից առաջնակարգ նշանակություն է տվել ազգային հարցի տեսական մշակմանը: Այդ տարողունակ հարցը հատկապես մեծ չափով հետաքրքրել է բոլշևիկներին, որոնք մասնավորապես խորությամբ ուսումնասիրել և լուսաբանել են Հարցի՝ ապագա դեմոկրատական Ռուսաստանի պետական կառուցվածքի ձևերին վերաբերող մասը: Բոլշևիկների այդ հատուկ շահագրգռությունը թելադրված էր կայսրության, այդ թվում Անդրկովկասի ազգային խայտաբղետ կազմով:

Ազգային-պետական շինարարության տարողունակ խնդրում գլխավոր տեղը բռնում է դեմոկրատական պետության իշխանության կենտրոնացման հարցը:

Մարքսիզմի հիմնադիրների մտահղացմամբ՝ դեմոկրատականորեն կենտրոնացած պետությունը նպաստում է ավելի լավ հնարավորությունների ստեղծմանը՝ բուրժուազիայի դեմ մղած պայքարում պրոլետարիատի վճռական հաղթանակի համար: Այսպես, Էնգելսը ուղղակի գրում էր, որ կենտրոնացումը պրոլետարիատին տալիս է «հնարավորություն» միավորվելու, իրեն զգալու որպես դասակարգ, ձեռք բերելու... անհրաժեշտ քաղաքական աշխարհայացք

և վերջիվերջո հաղթելու բուրժուազիային»¹: Այսպիսով, դեմոկրատական-կենտրոնացված հանրապետությունը մարքսիզմի հիմնադիրների կողմից միշտ դիտվել է որպես առավել պիտանի ձև ազգային հարցի լիակատար լուծման համար՝ ի շահ սոցիալիզմի²:

Կենտրոնացված պետական կառուցվածքի ընդունումը Մարքսը և Էնգելսը տարածում էին նաև պրոլետարական պետության վրա, որը նրանք պատկերացնում էին միասնական դեմոկրատական հանրապետության ձևով: Այդ միտքը առավել հստակորեն ձևակերպել է Էնգելսը: «Եթե կա մի բան, որ ոչ մի կասկածի ենթակա չէ, - գրում էր նա 1891թ., քննադատելով Էրֆուրտի ծրագրի նախագիծը, - ապա դա այն է, որ մեր կուսակցությունը և բանվոր դասակարգը կարող են տիրապետության հասնել այնպիսի մի քաղաքական ձևով, ինչպիսին է դեմոկրատական հանրապետությունը..., պրոլետարիատը կարող է օգտագործել միայն միասնական և անբաժան հանրապետության ձևը»³:

Ազգային-պետական շինարարության ձևերի հարցում բոլշևիկյան կուսակցությունը նույնպես, ընդհուպ մինչև 1917 թվականը, հետևողականորեն պաշտպանել է միասնական, ձևով ունիտար, դեմոկրատական կենտրոնացած խոշոր բազմազգ պետության սկզբունքը: Նման պետությունը, ասում էր Լենինը, ապահովում է ազգային-տերիտորիալ ավտոնոմիայի զանազան ձևերի ստեղծման հնարավորությունը:

Ինչո՞ւ էր պայմանավորված բոլշևիկների առաջնորդի այդ դիրքորոշումը: Ամենից առաջ, Ռուսաստանի պրոլետարիատն էր խորապես շահագրգռված այն բանում, որ դեմոկրատական Հեղափոխության և սոցիալիզմի համար մղվող իր պայքարը զարգանա ըստ հնարավորին ավելի լայն ինտերնացիոնալ հիմքի վրա, իսկ դա պահանջում էր ոչ թե պետական մասնատում, այլ, հակառակը, հնարավորին չափ ավելի սերտ միավորում, բոլոր ազգությունների աշխատավորների համախմբում: Բոլշևիկները միշտ ելնում էին բոլոր ազգությունների բանվորների ինտերնացիոնալ և ազգային շահերի ու խնդիրների միասնության տեսանկյունից: Նրանք գտնում էին, որ ազգային ազատագրությունը և իսկական ազգային իրավահավասարությունն անկարելի է ձեռք բերել առանց տապալելու ցարիզմը, իսկ Հետո նաև՝ կապիտալիստական կարգերը: Այդ պատմական խնդիրն իրականացնել կարող էր միայն Ռուսաստանի տարբեր ազգերից ձևավորված պրոլետարիատը, որ գլխավորում է երկրի բոլոր ազգերի աշխատավոր զանգվածներին:

Ռուսաստանի պայմանների կոնկրետ-պատմական յուրահատկությունն ամենից առաջ այն էր, որ բազմաթիվ ազգերն ու ազգությունները, կազմելով միասնական խոշոր բազմազգ պետություն, ընդհանուր պայքար էին մղում

¹ К. Маркс и Ф. Энгельс, Соч., т. 4, стр. 355:

² Տե՛ս նույն տեղում, հատ. 22, էջ 238-239:

³ Տե՛ս նույն տեղում, էջ 237-238:

իրենց սոցիալական ու ազգային ազատագրության համար: Բուլղերիկների կուսակցության ղեկավարության մեջ այդ պայքարը գլխավորում էր ռուսական բանվոր դասակարգը, որն իր շուրջն էր համախմբել բոլոր ազգերի և ազգությունների աշխատավոր մասսաներին: Այդ պայմաններում կուսակցությունը ճնշված ժողովուրդների ազատագրման, ազգային կեղեքման ու անիրավահավասարության վերացման ամենակարճ ուղին տեսնում էր ոչ թե յուրաքանչյուր ժողովուրդի ազգային ազատագրական շարժման առանձնացած լինելու, ոչ թե նրանց կողմից սեփական ազգային պետության ստեղծման մեջ, այլ միասնական խոշոր բազմազգ պետության շրջանակներում ինտեռնացիոնալ հեղափոխական պայքարի զարգացման մեջ: Եվ թեպետ «միասնական և անբաժան» ցարական Ռուսաստանի ունիտարիզմի բռնակալական բնույթը ի չիք էր դարձնում միասնական խոշոր պետության շատ առավելություններ, այնուամենայնիվ, այդ պետական ձևը, նման պայմաններում նույնիսկ, բարենպաստ հող էր ստեղծում դեմոկրատական Հանրապետություն ստեղծելու, իսկ այնուհետև նաև՝ պրոլետարիատի դիկտատուրա հաստատելու համար:

«Ազատ ազգեր ազատ Ռուսաստանում» - այսպիսին էր նաև երկրի ազգային շրջանների սոցիալ-դեմոկրատների լոզունգը:

Բազմազգ երկրների պայմաններում հանդես գալով միասնական պետության օգտին՝ մարքսիստները միաժամանակ պաշտպանում էին ազգերի ինքնորոշման սկզբունքը:

«Հեղափոխական պրոլետարիատը և ազգերի ինքնորոշման իրավունքը» հոդվածում (1915թ.) Վ. Ի. Լենինը գրում էր, որ պաշտպանելով ազգերի ինքնորոշման իրավունքի «անկեղծ ճանաչումը, ճնշող ազգերի ս.-դ.-ները պետք է պահանջեն ճնշված ազգերի անջատման ազատություն, քանի որ հակառակ դեպքում ազգերի իրավահավասարության և բանվորների միջազգային համերաշխության ճանաչումն իրականում կլինեք դատարկ խոսք, սոսկ կեղծավորություն: Իսկ ճնշված ազգերի ս.-դ.-ները իրենց գործունեության անկյունաքարը պետք է դարձնեն ճնշված ազգերի բանվորների միասնությունն ու միաձուլումը ճնշող ազգերի բանվորների հետ, քանի որ հակառակ դեպքում այդ ս.-դ.-ները ակամայից դաշնակիցներ կդառնան այս կամ այն ազգային բուրժուազիային, որը միշտ դավաճանում է ժողովուրդի և դեմոկրատիայի շահերին, միշտ պատրաստ է, իր հերթին, անբարեկամների և ուրիշ ազգերի ճնշման»¹:

Լենինը նշում էր, որ ազգերի ինքնորոշման պահանջը հենց այնպես չի առաջացել:

«Մարքսիստները չեն կարող աչքաթող անել այն տնտեսական հզոր գործոնները, որոնք ծնում են ազգային պետություններ ստեղծելու ձգտումներ: Դա նշանակում է, որ մարքսիստների ծրագրում «ազգերի ինքնորոշումը» պատմա-տնտեսական Հայեցակետից չի կարող այլ նշանակություն ունենալ,

¹ Վ. Ի. Լենին, ԵԼԺ, հատ. 27, էջ 77:

բացի միայն քաղաքական ինքնորոշումը, պետական ինքնուրույնությունը, ազգային պետության կազմավորումը»¹:

Դատապարտելով Ռուս Լյուբսեմբուրգի մետաֆիզիկական տեսակետը, ըստ որի լեհական ազգայնականները չպետք է պահանջեն Լեհաստանի անկախությունը, Լենինը գտնում էր, որ ռուսաստանյան սոցիալ-դեմոկրատները չեն կարող համաձայնել նման պահանջի հետ: Սոցիալիստների կողմից Լեհաստանի անկախության դեմ կամ թեք լինելը կախված էր որոշակի կոնկրետ հանգամանքներից: Չիշտ էին Մարքսը և էնգելսը, երբ 19-րդ դարի 40-60-ական թվականներին պահանջում էին Լեհաստանի անջատումը, նրա անկախությունը Ռուսաստանից, որպիսի հանգամանքը ո'չ միայն համառուսական, ո'չ միայն համասլավոնական, այլև համաեվրոպական դեմոկրատիայի համար վիթխարի նշանակություն ուներ: Վերոհիշյալ ժամանակաշրջանում սլավոնական երկրներում, այդ թվում Ռուսաստանում, չկային մասսայական ազատագրական շարժումներ, իսկ Լեհաստանում այդպիսին կար, և եթե այդ շարժումը հաղթանակ տաներ, ապա խոշոր ազգեցություն կունենար ոչ միայն Ռուսաստանի, այլև առհասարակ Եվրոպայի դեմոկրատական շարժման վրա և առաջին հերթին կխթանեք սլավոնական ժողովուրդների արթնացմանը:

Երբ պրոլետարական հեղափոխության ալիքը Եվրոպայից անցավ Ռուսաստան, և Ռուսաստանը դարձավ համաշխարհային պրոլետարական հեղափոխական շարժման կենտրոնը, իսկ նույն ժամանակ Լեհաստանը կորցրեց իր հեղափոխական նշանակությունը, բնականաբար, պետք է փոխվեր և Լեհաստանի նկատմամբ մարքսիստների վերաբերմունքը քննվող հարցի տեսակետից: Եվ դա հատկապես այն պատճառով, որ եթե Լեհաստանում 1860-ական թվականներին կար դեմոկրատական շարժում, ապա Ռուսաստանում 20-րդ դարում առկա էր պրոլետարիատի հզոր հեղափոխական շարժումը: Ահա թե ինչու Լենինը դատապարտում էր Ռ. Լյուբսեմբուրգին և լեհական սոցիալիստներին: «Եթե ԼՍԿ-ն («Լեհական սոցիալիստական կուսակցությունը», այժմյան «Ֆրակները») 1896 թվականին փորձում էր Մարքսի տեսակետը «ամրացնել» այլ դարաշրջանի, ապա դա արդեն նշանակում էր մարքսիզմի տառն օգտագործել ընդդեմ մարքսիզմի ոգու», որովհետև «... եթե Մարքսի այդ տեսակետը միանգամայն ճիշտ էր XIX դարի երկրորդ երրորդի կամ երրորդ քառորդի համար, ապա այն դարարեց ճիշտ լինելուց XX դարի սկզբին»²:

Ռուսաստանից Լեհաստանի բաժանման խնդրին դիպելիտիկորեն էր մոտենում Ստեփան Ծահուլյանը: «Ազգային հարցը Ռուսաստանում», «Ազգային-կուլտուրական ավտոնոմիայի մասին» և ուրիշ աշխատություններում նա շեշտում էր, որ Մարքսը միանգամայն իրավացի էր, երբ 19-րդ դարի 60-ական թվականներին ողջունում էր Լեհաստանի ապստամբությունը և Ռուսաստան-

¹ Վ. Ի. Լենին, ԵԼԺ, հատ. 25, էջ 316:

² Նույն տեղում, էջ 359-360:

նից այդ երկրի անջատման պահանջը, որովհետև այն ժամանակ դա կնպաստեր «Եվրոպայի ժանդարմի» ուժերի ջլատմանը¹: Բայց նոր ժամանակներում, երբ 1905թ. սկսվել է ռուսական Հեղափոխությունը, մարքսիստները, այդ թվում լեճ մարքսիստները, դեմ են Ռուսաստանից Լեհաստանի անջատվելուն, որովհետև փոխվել են պատմական Հանգամանքները: Այժմ, ասում էր նա, երբ Ռուսաստանում փոթորկվում են Հեղափոխական ալիքները, իսկ Եվրոպայում Հեղափոխական շարժումը նահանջ է ապրում, Լեհաստանի անջատումը Ռուսաստանից «կնշանակեր ջլատել Համառուսական դեմոկրատիայի ուժերը և վնասել ազատության գործին ընդհանրապես»²: «... Ենդհանրապես տնտեսական և քաղաքական հարաբերությունների, բանվորների ազատագրական դատի Համար ավելի ձեռնտու էր Լեհաստանի սերտ կապը Ռուսաստանի Հետ, և մարքսիստները, ու ամենից առաջ իրենք՝ լեճ մարքսիստները, դեմ էին Լեհաստանի անջատմանը»³:

Ազգերի ինքնորոշման սկզբունքը բոլշևիկյան կուսակցության ծրագրային պահանջն էր: Այդ պահանջն առաջին անգամ ձևակերպվել է 1902թ. Հունվար-փետրվարին: Ռուսաստանի սոցիալ-դեմոկրատական կուսակցության առաջին ծրագրի նախագծի եզրափակիչ մասում ամենաառաջնահերթ քաղաքական պահանջների թվում առաջ էր քաշվում «պետության կազմի մեջ մըտնող բոլոր ազգերի ինքնորոշման իրավունքի ճանաչումը»⁴:

ՌՄԻՔԿ 2-րդ Համագումարում (1903թ. Հուլիս-օգոստոս) ազգերի ինքնորոշման պահանջը պաշտոնապես վավերագրվեց կուսակցության առաջին ծրագրում: Ռուսաստանի սոցիալ-դեմոկրատական կուսակցությունը, ասված էր ծրագրում, իր անմիջական քաղաքական խնդիրն է Համարում տապալել ցարիզմը և Հաստատել դեմոկրատական Հանրապետություն, որի Հիմնական փաստաթղթի՝ սահմանադրության մեջ պետք է Հաստատագրվի պետության կազմի մեջ մտնող բոլոր ազգերի ինքնորոշման իրավունքը:

Ազգերի ինքնորոշման իրավունքի մասին բոլշևիկյան դրույթները կարևոր գարգացում ստացան, մասնավորապես, Վ. Ի. Լենինի «Թեգիսներ ազգային Հարցի մասին» (1913թ.)⁵ աշխատության մեջ և «Ազգային Հարցի մասին» բանաձևում, որն ընդունվել էր Պորոնինոյի խորհրդակցությունում 1913թ. աշնանը: Այս երկու փաստաթղթերը կազմեցին մի միասնական ամբողջություն, որոնցում ձևակերպված են չորս առավել էական մոմենտներ, որոնք բացահայտում են բոլշևիկյան ըմբռնմամբ ազգերի ինքնորոշման իրավունքի իմաստն ու նշանակությունը, պարզաբանում այդ իրավունքի պրակտիկ օգտագործման ուղիներն ու բնույթը:

¹ Տե՛ս Ստ. Եահուլյան, ԵԼԺ, Հատ. առաջին, էջ 261-262:

² Նույն տեղում, Հատ. երկրորդ, էջ 382:

³ Նույն տեղում:

⁴ Վ. Ի. Լենին, ԵԼԺ, Հատ. 6, էջ 261:

⁵ Նույն տեղում, Հատ. 23, էջ 384-394:

Առաջին, այդ թեգիսներում և բանաձևում ազգերի ինքնորոշման իրավունքը շարադրված է որպես ինքնորոշման իրավունք՝ ընդհուպ մինչև անջատում և ինքնուրույն պետության կազմում: Երկրորդ, փաստաթղթերում հստակորեն ցույց է տրված, որ ինքնորոշման իրավունքն ամենևին չի նշանակում ազգերի անջատման նպատակահարմարություն և առավել ևս՝ պարտավորություն: Երրորդ, սահմանված է, որ ազգերի անջատման հարցը կուսակցությունը լուծում է յուրաքանչյուր դեպքում կոնկրետ-պատմական իրադրությունից ելնելով, բայց բոլոր պայմաններում այդ լուծումը պետք է ենթարկվի պրոլետարիատի շահերին՝ բուրժուազիային տապալելու և իշխանությունը գրավելու համար մղած պայքարի նպատակներին: Չորրորդ, ազգերի ինքնորոշման իրավունքում գլխավորը, ինչպես հետևում է թեգիսներից և բանաձևից, ոչ թե ազգերի անջատումն է, այլ նրանց ազատ մերձեցումը և միաձուլումը:

Հետագայում բոլշևիկյան տեսարանները զարգացրին և էլ ավելի կոնկրետացրին ազգերի ինքնորոշման իրավունքի դերն ու էությունը՝ իրենց աշխատություններում հիմնավորելով կուսակցության ծրագրային պահանջը՝ Հետևողականորեն պայքար մղել ազգային ճնշման ու ստրկացման ամեն տեսակ ձևերի դեմ Հանուն ազգերի իրավահավասարության, ազատության և կամավորության:

Հաշվի առնելով ցարիզմի բացահայտ ռեակցիոն ազգային քաղաքականությունը ոչնչացնելու անհրաժեշտությունը և ռուսական կայսրության ոչ ռուս շատ ժողովուրդների ձգտումը՝ ստեղծելու ինքնուրույն պետություններ, ինչպես նաև բոլոր ազգերի աշխատավորներին ռուսական բանվոր դասակարգի շուրջը Համախմբելու խնդիրը՝ բոլշևիկյան ղեկավարությունը խիստ կարևոր էր Համարում ամեն կերպ պրոպագանդել «բոլոր ազգությունների իրավունքը՝ կազմելու առանձին պետություն կամ ազատորեն ընտրելու այն պետությունը, որի կազմում նրանք ցանկանում են լինել»¹:

Լենինը խստիվ քննադատում էր գերմանացի սոցիալ-դեմոկրատ Պարաբելլումին: Այն բանի համար, որ նա գտնում էր, թե «այժմ բոլոր ազգային Հարցերը՝ էլզաս-լոթարինգիականը, Հայկականը և այլն, իմպերիալիզմի Հարցեր են», որ «կապիտալը գերածել է ազգային պետությունների շրջանակներից» և որ Հենց այդ պատճառով «չի կարելի պատմության անիվը ետ դարձնել դեպի ազգային պետությունների իր դարն ապրած իդեալը և այլն»²:

Ազգերի ինքնորոշման իրավունքն իր էությունը դեմոկրատիայի պահանջներից մեկն է: Ազգային Հարցի Հետևողական լուծման ընդհանուր պլանում այդ պահանջը նշանակում է անվերապահ պայքար ազգային ճնշման ու

¹ «Միաձուլում» անելով բոլշևիկները նկատի ունեին ոչ թե ազգերի կենսաբանական, այլ քաղաքական միաձուլում՝ միասնական նպատակների շուրջ:

² Վ. Ի. Լենին, ԵԼԺ, Հատ. 23, էջ 385:

³ Նույն տեղում, Հատ. 27, էջ 72:

ստրկացման ամեն մի ձևի ու դրսևորման դեմ¹։ Բոլոր Հանգամանքներում և ցանկացած պայմաններում այն ենթադրում է ազգի ազատություն և ինքնուրույնություն իր ներքին կյանքի Հարցերը լուծելու գործում, ուրիշ ազգերի նկատմամբ որոշ ազգերի թշնամանքի վերացում, բարեկամության և փոխօգնության Հաստատում ազգերի միջև՝ անկախ նրանց թվաքանակից և զարգացման մակարդակից։ Այս ամենը կազմում է սուվերենության պրոբլեմի ճիշտ լուծման ունակ նախադրյալներ՝ իր կազմով բազմազգ երկրում²։

Հարկավոր է նշել նաև, որ ազգային ճնշման դեմ մղվող ընդհանուր պայքարի տեսակետից ինքնորոշման իրավունքը չի սահմանափակվում լոկ իրենց ազատագրության Համար պայքարող ազգերի շահերով։ Այդ իրավունքը կարևոր դեր է կատարում նաև այն ժողովուրդների Համար, որոնք պատմականորեն սուվերենություն ունեցել են իրենց գոյության Հենց սկզբից։ Նկատի ունենալով Ռուսաստանի կոնկրետ պայմանները՝ Վ. Լենինը 1913թ. մատնանշում էր, որ ճնշվող ազգերի ինքնորոշման իրավունքի իրականացումը անհրաժեշտ է՝ նկատի ունենալով նաև վելիկոռուս բնակչության ազատության գործը, որն անընդունակ կլինի դեմոկրատական պետություն ստեղծելու, եթե Հիմնովին չոչնչացվի վելիկոռուսական սևհարյուրակային նացիոնալիզմը։

Ռուսաստանի այն ժամանակաշրջանի առավել ունակներն և շովինիստական կուսակցությունը սևհարյուրակայիններն էին։ Այդ կուսակցության դիրքը արտահայտել է Հայտնի Պուրիշկևիչը։ «Քանի դեռ Ռուսաստանը, - պընդում էր նա, - չի ստանա լայն իշխանությունը օժտված դիկտատոր ... կայսրության մեջ կարգուկանոն չի լինի»³։ Սրանով արդեն ասված է ամեն ինչ՝ և՛ պետական կառուցվածքի վերաբերյալ Հայացքների մասին, և՛ սևհարյուրակայինների ազգային քաղաքականության մասին, որոնց միակ պահանջն էր՝ «միասնական ու անբաժան» Ռուսաստան։

Սևհարյուրակայինների ծրագրից քիչ բանով էր տարբերվում Ռուսաստանի պետական կառուցվածքի այն պլանը, որ առաջարկում էր կադետների կուսակցությունը՝ Հանդես գալով լոկ ազգային ճնշման ձևերն ու մեթոդները որոշ չափով փոփոխելու օգտին։ Կադետների առաջնորդ Միլյուկովն այդ առթիվ ասում էր. «Նախանձելի է, երբ կարդում ես անգլիական գաղութային քաղաքականության կուլտուրական մեթոդների մասին, քաղաքականություն, որը կարողանում է քաղաքակիրթ, ժամանակակից միջոցներով Հասնել մասերի միաձուլման»⁴։ Ռուսաստանի ճնշված ազգերի՝ ինքնուրույն դառնալու ամեն մի փորձ կադետները գնահատում էին որպես դավաճանություն Հայրենիքին։

¹ Տե՛ս Վ. Ի. Լենին, ԵՂԺ, Հատ. 23, էջ 310։

² Տե՛ս С. Р. Вихарев, В. И. Ленин о суверенитете союзных республик, изд. БГУ, Минск, 1969, էջ 50-54։

³ Մեջբերված է՝ Я. Темкин, Большевики в борьбе за демократический мир, М., 1957, էջ 297։

⁴ Մեջբերված է՝ А. Я. Аврех. Царизм и третьеиюньская система, М., 1966, էջ 88։

Օրինակ, խոսելով «անջատողական դրսևորումների» դեմ մղվող պայքարի անհրաժեշտության մասին՝ կադետական Հայտնի գործիչ Նաբոկովը պնդում էր, որ «մեր Հայրենիքը անդամահատելու ամեն մի փորձ պետք է դատապարտվի որպես գիտակցական կամ անգիտակցական օգնություն թշնամուն»¹։

Մարքսիստները ազգային Հարցի լուծումը կապում էին տվյալ երկրի դեմոկրատացման, դեմոկրատական իրավունքների սահմանադրական երաշխավորման, ամենայայն ժողովրդական մասսաներին երկրի պետական կյանքին մասնակից դարձնելու, բյուրոկրատական, ոստիկանական Հալածանքներին վերջ տալու, գյուղում ճորտատիրական մնացորդները վերացնելու, ագրարային Հարցը լուծելու հետ։

Բոլշևիկյան ղեկավարությունը գտնում էր, որ ազգային Հարցը քաղաքագետները պարտավոր են քննարկել դիալեկտիկորեն։ Կատարելով Ավստրիայում և Ռուսաստանում ազգային Հարցի վիճակի պատմաքննական վերլուծություն՝ Լենինը եզրահանգել էր, որ ազգային Հարցի լուծումը այդ երկու բազմազգ երկրներում չի կարող միանման լինել, որովհետև մի շարք Հանգամանքներով այդ երկրները տարբերվում են իրարից։ Այդ Հանգամանքներից առաջինն այն է, նշում էր նա, որ Ավստրիայում բուրժուադեմոկրատական Հեղափոխությունն ավարտվել է դեռևս 1867 թվականին, և այդ ժամանակից սկսած՝ անցած տասնամյակներին այստեղ ստեղծվել է զարգացման բարձր աստիճանի Հասած կապիտալիզմ, որի պայմաններում երկրի ոչ գերմանացի երկու ազգերը՝ Հոնգարներն ու չեխերը, առայժմ պետականորեն անջատվելու ցանկություն չեն դրսևորում, որովհետև Հարևան երկու գիշատիչ պետությունները՝ Գերմանիան և Ռուսաստանը, ամեն առիթով կարող են խլել նրանց ձեռք բերած անկախությունը՝ արյան մեջ խեղդելով Հազարավոր կյանքեր։ Այնուհետև Լենինը գրում էր, որ բոլորովին այլ Հանգամանքներ գոյություն ունեն Ռուսաստանում, ուր 1905 թվականի բուրժուադեմոկրատական Հեղափոխությունը թեև սասանեց ցարի գահը, բայց դեռ չկարողացավ տապալել ցարական միապետությունը։

Ավստրիայի և Ռուսաստանի Համեմատությունը կատարում էր նաև Ստ. Շահումյանը։ Նա հիշեցնում էր, որ Ավստրիան պառլամենտարիզմի երկիր է, այնտեղ ազգային Հարաբերությունները կարգավորվում են ունիտարների միջոցով։ Իսկ քանի որ Ռուսաստանում չկան պառլամենտ, պառլամենտական պայքարի ավանդույթներ, ուստի ազգային խնդիրները չեն կարող լուծվել առանձին ունիտարների միջոցով, զուտ սահմանադրական եղանակով, պառլամենտի ընդունած որոշումներով։ Շահումյանը հետևություն էր անում, որ քանի դեռ ազգային Հալածանքը և բիրտ ճնշումը շարունակում են մնալ որպես ուսական Հասարակության անկապտելի Հատկանիշներ, այլազգի ժողովուրդների ներսում շարունակելու են մնալ սեպարատիստական ձգտումներ։ Իսկ դա

¹ Մեջբերված է՝ "15 лет советского строительства", М., 1932, էջ 42։

նշանակում է, որ Ռուսաստանում ազգային հարցը շարունակում է մնալ բազմ-ազգ պետության գոյության հիմնական հարցը:

Ստ. Եազուսյանը դեմ էր Ռուսաստանի ժողովուրդների ազգային ինքնորոշմանը, ազգային պետություն կազմելուն: Ընդհակառակը, կոչվելով բունդական «սպեցիֆիկան» կուլտուր-ազգային ավտոնոմիստների դեմ, նա ցույց էր տալիս, որ կուլտուրական ավտոնոմիան ելք չէ, որ միակ ելքը պետք է փնտրել ազգերի ինքնորոշման մեջ, որ այդ պահանջին չի կարելի դեմ գնալ, ինչպես չի կարելի դեմ գնալ լեզվի և խոսքի ազատությանը: Բայց ելնելով կոնկրետ իրադրությունից, երբ ցարիզմը ոչ միայն տնտեսապես ճնշում է Ռուսաստանում ապրող ազգություններին, այլև հալածում, ելնելով ազգային հատկանիշից, իրար դեմ հանում տարբեր կրոններ դավանողներին, պարբերաբար հրահրում բարբարոսական կոտորածներ, ամեն ինչ անում է իրարից անջատելու տարբեր ազգերի պրոլետարիատին, արգելք լինելու նրանց միավորվելուն և ռուսական պրոլետարիատի հետ բռնապետական կարգերի դեմ պայքարը շարունակելուն, - ահա այսպիսի պայմաններում ազգերի առանձնացման քարոզը և ռուս ժողովրդից անջատելը ուժգին հարված կլինի բանվոր դասակարգի միասնությանը, որի ուժը նրա համախմբվածության ու կազմակերպվածության մեջ է:

Միասնական Ռուսաստանից ոչ ռուս ժողովուրդների անջատման գաղափարին Եազուսյանը հակադրում է բոլշևիկների կուսակցության ծրագրային պահանջները ազգային հարցում. «1. Քաղաքացիական կատարյալ հավասարություն պետության բոլոր հպատակների համար - անխտիր ազգից ու ցեղից: 2. Ազգային կուլտուրայի զարգացման, ուրիշ խոսքով՝ խոսքի, գրականության և այլն, կատարյալ ազատություն, 3. Քաղաքական ինքնորոշման իրավունք պետական կազմի մեջ մտնող բոլոր ազգերի համար»¹:

Ազգերի ինքնորոշման պահանջի կարևոր բաղադրիչներից էր ֆեդերալիզացիան:

Բուրժուական ոչ մի ֆեդերացիա չի ստեղծվել կամավոր հիմունքներով: Բոլոր բուրժուական ֆեդերացիաները ծագել են դաժան բռնությունների, ստրկացման, պատերազմների ու առևտրական գործարքների միջոցով: Այսպես, օրինակ, ԱՄՆ-ը, որպես ֆեդերացիա (1787 թվականից), ստեղծվել է առանձին նահանգների նկատմամբ ներքին բռնության հետևանքով: 19-րդ դարի սկզբին ԱՄՆ-ը Ֆրանսիայից ու Իսպանիայից գնեց Լուիզիանա և Ֆլորիդա նահանգները: Մեքսիկայի դեմ մղված պատերազմի ժամանակ (1846-1848 թթ.) ԱՄՆ-ը իրեն միացրեց Տեխաս, Նոր Մեքսիկա և Կալիֆոռնիա նահանգները: Ֆեդերացիան ԱՄՆ-ում վերջնականապես հաստատվեց հյուսիսային և հարավային նահանգների միջև 1861-1865 թթ. մղված քաղաքացիական պատերազմի և հարավցիների նկատմամբ հյուսիսցիների տարած հաղթանակի հետևանքով: Պատերազմների ու բռնության միջոցով են ստեղծվել նաև

¹ Ստ. Եազուսյան, ԵԼԺ, Հատ. առաջին, էջ 256-257:

բուրժուական մյուս ֆեդերացիաները: Մասնավորապես, չվեյցարական ֆեդերացիան կազմվել է 1847թ. քաղաքացիական պատերազմից և, այսպես կոչված, Ջոնդերբուրգի մեջ միավորված յոթ կանտոնների ջախջախումից հետո: Միավորման նման «մեթոդների» դեպքում ֆեդերացիայի բաղադրամասերի սուվերենությունը, որպես կանոն, վերացվում է որպես անտեղի խոչընդոտ:

Ուսումնասիրելով բուրժուական ֆեդերացիան՝ Մարքսը և Էնգելսը այն դիտում էին որպես ֆեդոլալական մասնատվածության վերապրուկ, որպես պետական միասնության խախտում, միասնություն, որը թելադրվում է հասարակության զարգացման պահանջմունքներով: Նրանք ելնում էին այն բանից, որ ֆեդերացիան ապակենտրոնացնում է և, հետևաբար, խոչընդոտ կարող է լինել սոցիալիստական պետության ստեղծման ճանապարհին: Ըստ նրանց դատողության, ֆեդերացիան կարող է լինել միայն բացառություն կամ անցման ձև, իսկ սկզբունքորեն այն հակասում է դեմոկրատական ցենտրալիզմին, ուստի և արժանի է բացասական վերաբերմունքի բանվոր դասակարգի ու նրա կուսակցության կողմից:

Ֆեդերացիան միայն բացառություն և միայն անցման ձև դիտարկելիս՝ Մարքսը և Էնգելսը, լինելով Հետևողական ցենտրալիստներ, մշտապես պաշտպանելով միասնական ու անբաժան դեմոկրատական հանրապետության գաղափարը, երբեք, սակայն, չեն արտահայտվել ֆեդերացիան հախուռն կերպով մերժելու օգտին: Դրսևտրելով կոնկրետ պատմական, դիալեկտիկական-մատերիալիստական և պրոլետարական-դասակարգային մոտեցում՝ նրանք մշտապես դեմ են եղել պետության որևէ մեկ ձևի մետաֆիզիկական բացարձականացմանը և մյուս ձևերի անվերապահ ժխտմանը, երբեք քննարկման չեն դրել այն վերացական հարցը, թե դեմոկրատական պետության այս կամ այն ձևը, որպես այդպիսին, լավ է, թե՞ վատ: Հարցի նկատմամբ մարքսիստական մոտեցման մեթոդաբանությունը ելնում է այն բանից, որ անկարելի է վերաբերմունք ճշտել պետության որևէ ձևի նկատմամբ՝ առանց հաշվի առնելու, նախ, պատմական՝ որոշակի դարաշրջանի շրջանակները և, երկրորդ, որոշակի երկրի կոնկրետ պայմանները: Մարքսիստները գտնում էին, որ ճիշտ հասկանալ և գնահատել պետության այս կամ այն ձևը, նրա դերն ու նշանակությունը, կարելի է միայն հեղափոխական դասակարգի դիրքերից խորապես վերլուծելով սոցիալ-քաղաքական այն պրոցեսները, որոնց հիման վրա ծագում և զարգանում է այդ ձևը:

Ելնելով կոնկրետ պատմական իրադրության հաշվառումից, մարքսիզմի հիմնադիրներն էական վերապահություն են արել որոշ բազմազգ երկրների համար: Ղեկավարվելով երևույթների և հարցերի վերլուծության ու քննարկման մեթոդով, հաշվի առնելով անմիջականորեն յուրաքանչյուր տվյալ երկրի գոյության պայմանները՝ նրանք մի շարք դեպքերում ընդունել են նաև պետական կառուցվածքի ֆեդերատիվ ձևի ոչ միայն հնարավորությունը և թույլատրելիությունը, այլև ուղղակի նպատակահարմարությունը: Մարքսի և Էնգելսի

կարծիքով, որոշակի առանձնահատուկ պայմաններում ֆեդերացիան կարող է դառնալ ազգային Հարցի լուծման, մեկ պետության շրջանակներում ազգերի Համագործակցությունը ապահովելու հարմար միջոց:

Այսպես, հաշվի առնելով Անգլիայում և Իռլանդիայում ստեղծված քաղաքական իրադրությունը՝ Կ. Մարքսը Անգլիայից վերջինիս անջատումը դիտում էր որպես իռլանդական Հարցի լուծման ընդունելի եղանակ: Այդ ոգով նա արտահայտվել է 1867-1870 թվականներին: Նա այդ անջատումը պահանջում էր ոչ թե խաղաղ կապիտալիզմի մանրբուրժուական ուտոպիայի տեսակետից, ոչ թե «Իռլանդիայի նկատմամբ արդարացիություն» տեսակետից, այլ ճշող, այսինքն՝ անգլիական ազգի պրոլետարիատի կողմից կապիտալիզմի դեմ մղվող հեղափոխական պայքարի շահերի տեսակետից: Այդ ազգի ազատությունը կաշկանդվում և այլանդակվում էր նրանով, որ նա ճնշում էր մի ուրիշ ազգի:

Հնդ որում, Մարքսը, երևելով Անգլիայի և Իռլանդիայի միջև եղած տնտեսական ու աշխարհագրական սերտ կապերի առկայությունից, չէր բացառում անգլո-իռլանդական ֆեդերացիա կազմելու Հնարավորությունը¹: Ավելին, առանձին դեպքերում Մարքսը այն Համարում էր անխուսափելի: 1867թ. նոյեմբերի 2-ի նամակում նա գրել է. «Առաջ ես Իռլանդիայի անջատումը Անգլիայից Համարում էի անհնարին: Այժմ ես այն Համարում եմ անխուսափելի, թեպետ անջատմանը կարող է Հաջորդել ֆեդերացիան»²:

Իր Հերթին «էրֆուրտի ծրագրի քննադատությունը» գրքում էնգելսը գրտնում էր, որ Հնարավոր է միացյալ թագավորության փոխարեն Անգլիայի, Իռլանդիայի, Շոտլանդիայի և Ուելսի ֆեդերացիայի ստեղծումը: Անգլիայի և Իռլանդիայի միջև ֆեդերացիայի կազմավորման օգտին էնգելսը Հանդես է եկել նաև 1891 թվականին: Որպես ֆեդերացիայի ճանաչման անմիջական պատճառ՝ տվյալ դեպքում ազգային Հարցը լուծելու անհրաժեշտությունն է եղել:

Մի այլ առիթով Մարքսը և էնգելսը բազմազգ երկրի պայմաններում ֆեդերացիան Համարել են «առաջընթաց բայլ»: Այդ «առաջընթաց բայլը» նրանք Հասկանում էին այն իմաստով, որ այդպիսի Հանրապետությունը անցումային ձև կդառնա ազգային փոքրամասնությունների ազատ զարգացումը ճշող բյուրոկրատական կենտրոնացումից դեպի դեմոկրատական-կենտրոնացված Հանրապետություն: Իբրև անցումային ձև, ֆեդերացիան, ըստ նրանց, կապահովի ազգամիջյան հաշտությունը և ազգերի Հավասարությունը, միևնույն ժամանակ նրանց Հնարավորություն կտա օգտագործել խոշոր պետության բոլոր օգուտները:

Ռուսական մարքսիստները, Մարքսի և էնգելսի Համեմատ, ֆեդերացիայի Հարցում նկատելիորեն ձախ Հակումներ էին դրսևորում ապագա Ռուսաստա-

նում ֆեդերալիզացիայի Հնարավորությունը դիտելով որպես մարքսիստական ընդունված սկզբունքից անցանկալի կամ Հարկադրական շեղում:

Իռլանդիական կուսակցությունը ելնում էր այն բանից, որ Ռուսաստանի ֆեդերալիզացիայի պահանջը և դրա իրականացումը բուրժուակալվածատիրական կարգերի տիրապետության պայմաններում 1) ԿՀանգեցնի այն բանին, որ կխզվեն ազգային ծայրամասերի պատմականորեն ձևավորված տնտեսական, քաղաքական և կուլտուրական կապերը կենտրոնական Ռուսաստանի, ռուսական բանվոր դասակարգի առաջավոր հեղափոխական շարժման Հետ, 2) Կարող է սուկ ուժեղացնել ազգային երկպառակությունը, ազգային-պետական անըպետներ ստեղծել ռուսաստանյան պրոլետարիատի ինտերնացիոնալ Համախմբման ճանապարհին, Հարուցել նացիոնալիզմի չտեսնված աճ, ընդլայնել ու խորացնել բուրժուական նացիոնալիզմի գաղափարախոսության ազդեցությունը աշխատավոր մասսաների վրա, 3) Ազգային ծայրամասերի պրոլետարական մասսաների թուլություն և անկազմակերպվածության պայմաններում Ռուսաստանի ֆեդերալիզացիայի պահանջն անխուսափելիորեն կՀանգեցնի խոշոր բազմազգ պետության փրկմանը և մանր միմյանցից մեկուսացած բուրժուանացիոնալիստական պետությունների ստեղծմանը ու դրանով իսկ անչափ կղժվարացնի հեղափոխության զարգացումը, Հատկապես անցումը հեղափոխության սոցիալիստական էտապին ազգային շրջաններում:

Հենց այդ պատճառով Վ. Ի. Լենինը Ս. Գ. Շահումյանին գրած նամակում Հաստատապես և որոշակիորեն Հայտարարում էր, որ ոչ թե ֆեդերացիան, այլ «ավտոնոմիան դեմոկրատական պետություն կառուցելու մեր պլանն է»¹: Պաշտպանելով ազգերի ինքնորոշման, ընդհուպ մինչև անջատման իրավունքը, և երեք չլինելով ազգերը միմյանցից անջատելու, որպես ընդհանուր սկզբունքի, կողմնակից՝ Վ. Ի. Լենինը միևնույն ժամանակ Ռուսաստանի այն ժամանակվա կոնկրետ պայմաններում ամենայն Հստակությամբ առաջարկում էր արտերեստիվ լուծում. կամ մասնակցի ընդհանուր թշնամու դեմ բոլոր ժողովուրդների մղած Համատեղ պայքարին՝ միասնական խոշոր բազմազգ պետության շրջանակներում, կամ թե (եթե չես կարող կամ չես կամենում տանել ազգային ճնշումը և կարող ես խզել պատմականորեն ձևավորված կապերը) անջատվիր, կառուցիր քո առանձին, ինքնուրույն ազգային պետությունը, բայց մի՛ որոշիր մյուսների փոխարեն, մյուս ժողովուրդներին մի՛ պարտադրիր ֆեդերատիվ կապեր, մի՛ կարծիր, թե դու «ֆեդերացիայի իրավունք» ունես:

Ֆեդերալիզացիայի Հարցում էլ ավելի ձախ դիրքորոշում ունեին Անդրկովկասի բոլշևիկները, որոնց վիճակված էր դժվարին պայքար մղել ֆեդերացիայի սկզբունքը Հետևողականորեն պաշտպանող վրացական ֆեդերալիստ-

¹ Տե՛ս К. Маркс и Ф. Энгельс, Соч., т. 16, էջ 407, т. 22, էջ 238, т. 31, էջ 318, т. 32, էջ 531:

² Նույն տեղում, т. 23, էջ 464:

¹ Վ. Ի. Լենին, ԵԼԺ, Հատ. 27, էջ 73-74: Մենք այստեղ չենք ծանրանում ֆեդերացիայի և ավտոնոմիայի տարբերությունների վրա, միայն նշենք, որ երկուսն էլ ունեն օրենսդրական մարմիններ:

ների կուսակցության և Հ.Յ.դաշնակցության դեմ: Դաշնակցության պարագայում ֆեդերացիայի սկզբունքի կենսագործումը ծրագրային պահանջ էր, որը վերջնական պաշտոնական ձևակերպում ստացավ կուսակցության չորրորդ ընդհանուր ժողովում (1907թ.):

Ֆեդերալիզացիայի Հարցին բազմիցս անդրադարձել է Ստ. Ծահուլյանը:

Ազգերի ինքնորոշման խնդիրը քննության ենթարկելիս՝ Ծահուլյանը Հարցադրում էր. ինչպիսի՞ վարչական ու կազմակերպական ձևերով Հնարավոր կլինի ապահովել ինքնորոշման, լեզվի, խղճի իրավունքների իրականացումը: Եվ պատասխանում էր, որ գոյություն ունեն դրանց իրականացման մի շարք ձևեր՝ ֆեդերացիա, ավտոնոմիա, ինքնավարություն և այլն, որոնք բոլորն էլ տանում են դեպի Ռուսաստանի տնտեսական-քաղաքական, կուլտուրական կենտրոնացում կամ ապակենտրոնացում՝ նայած թե ով է ձեռնարկում այդ ձևերի կիրառումը՝ բուրժուազիան, թե՞ պրոլետարիատը:

Ծահուլյանը նշում էր, որ բազմազգ խոշոր պետությունների մեջ ազգային Հարցի լուծման Համար տարբեր դասակարգեր առաջադրում են տարբեր միջոցներ: Խոշոր պետություններում գործող բուրժուական տեսաբանները ստեղծել են մի սկզբունք, որն ասում է. ամեն պետություն պետք է ազգություն լինի: Ելնելով դրանից՝ բուրժուազիան բոլոր միջոցներով աշխատում է պետության սահմաններում ապրող բազմալեզու և բազմացեղ ժողովուրդներից ստեղծել մի ազգություն: Դա իշխող ազգության Հարձակողական ազգայնականությունն է, չլովինիզմը¹:

Հակառակ դրա և իբրև դրա պատասխան, մանր և Հալածվող ազգերի բուրժուազիան Հայտարարել է. ամեն ազգություն պետք է պետություն լինի սկզբունքը: «Եվ այդ սկզբունքի Համեմատ, - գրում էր Ստ. Ծահուլյանը, - Հալածված ազգերի բուրժուազիաները ձգտում էին անդամահատել ժամանակակից մեծ պետությունները: Սկզբներում նրանք կողմնակից էին բացարձակ բաժանման (սեպարատիզմին): Այժմ նացիոնալիստների մեծամասնությունը դարձել են ֆեդերալիստներ: Սկզբունքով, ըստ էության, նրանք մնացել են անփոփոխ. նրանք պահանջում են, որ ամեն մի ազգություն միանգամայն ինքնամփոփ և անկախ քաղաքական միություն լինի, որ քաղաքական գերիշխանությունը, սուվերենիտետը, պատկանի առանձին ազգերին, միայն նրանք դեմ չեն այժմ, ընդհանրապես վերցրած, որ այդ ազգային ինքնիշխան մարմինները ֆեդերատիվ կապերով կապվեն միմյանց հետ: Այդպիսով, ուրեմն, լուծել ազգային Հարցը, ըստ նացիոնալիստական դպրոցի՝ նշանակում է բաժանել ժամանակակից միջազգային պետությունները մի քանի ազգային պետությունների»²:

Ծահուլյանը վիճարկում էր ոչ միայն ֆեդերացիայի, այլև ավտոնոմիայի

պահանջը, չնայած դա ամրագրված էր բոլշևիկյան կուսակցության ծրագրում: Պատահական չէ, որ այդ Հարցում Լենինը անՀամաձայնություն էր Հայտնել Ծահուլյանին: Վերջինս մնալով իր տեսակետին՝ Անդրկովկասի Համար Հատկապես շեշտադրում էր չրջանային և մարզային ինքնավարության Հարցը: Ըստ նրա, մարզային ավտոնոմիան չպետք է ունենա օրենսդրական ֆունկցիա, պետք է անմիջականորեն ենթարկվի ապագա դեմոկրատական Ռուսաստանի պառլամենտին, նրա Հրատարակած օրենքներին և միայն պետք է զբաղվի տվյալ չրջանի, մարզի կուլտուրական, տնտեսական, վարչական խնդիրներով:

Վրացական ֆեդերալիստների կուսակցությունը և Հ.Յ.դաշնակցությունը պայքարում էին, որպեսզի Անդրկովկասն ունենա լիակատար ինքնավարություն՝ պառլամենտով ու սահմանադիր ժողովով, իսկ երկրամասի ազգությունները պետք է սահմանափակվեին կուլտուրական ավտոնոմիայով:

Ստ. Ծահուլյանը գտնում էր, որ այդ դեպքում, նախ՝ Անդրկովկասը կկտրվի առաջավոր Ռուսաստանից, և նրա զարգացումը մեծապես կդանդաղի: Բայց կա ավելի մեծ վտանգ, գրում էր նա. անկախ դառնալուց հետո Անդրկովկասում երբեք վերջ չեն գտնի ազգային թշնամանքը, կոտորածներն ու ճրջչումները: Այդ ամենն անխուսափելի կլինի, հիշեցնում էր Ծահուլյանը, քանի որ երկրամասը բազմազգ է, ըստ որում, այդ ազգերը գտնվում են կուլտուրական բոլորովին տարբեր մակարդակների վրա, և իշխող բուրժուազիական դասակարգերը կարող են անընդհատ իրենց սև գործը տեսնել՝ առաջացնելով ազգամիջյան բախումներ և կոտորածներ: Անդրկովկասում կստեղծվի «...մի այնպիսի դժոխք, - գրում էր Ծահուլյանը, - որի նմանը դժվար է երևակայել, մինչև իսկ մեր առաջ ունենալով ներկա (1905-1906թթ.: - Հ.Ս.) թուրք-Հայկական արյունոտ դրաման: Ամեն մի փոքր ազգություն իր քաղաքական կյանքը պետք է սկսի կոտորածով, արյունահեղությունը»³:

ՌՄԴԿ IV (միավորիչ) Համագումարում, ուր զանազան տեսանկյուններով արծածվում էր նաև ազգային Հարցը, Ստ. Ծահուլյանը մի քանի ելույթ ունեցավ: Երբ Համագումարում լեհ սոցիալ-դեմոկրատներն առաջ քաշեցին Լեհաստանի Համար սահմանադիր ժողովի Հարցը, մենչևիկ Ն. Չիչինաձեն (Քարթվելով) օգտվեց առիթից և առաջարկեց քննարկել նաև Անդրկովկասին ավտոնոմիա տալու Հարցը: Բոլշևիկների անունից առարկելով այդ Հարցադրմանը՝ Ստ. Ծահուլյանն ասում էր. «Մեր (ՌՄԴԿ: - Հ.Ս.) ծրագրում ազգային Հարցը երբեք տարակուսանք չի առաջացրել Կովկասի մեր ընկերների շարքերում», նրանք չեն դրել «...Անդրկովկասի ավտոնոմիայի Հարցը: Բոլորի Համար էլ այդ Հարցը լուծված է Համարվել բացասական իմաստով... ուստի և դեմ եմ արտահայտվում այդ Հարցը Համագումարի օրակարգի մեջ մտցնելուն»⁴:

¹ Տե՛ս Ստ. Ծահուլյան, ԵԼԺ, Հատ. առաջին, էջ 251:

² Նույն տեղում, էջ 251-252:

³ Տե՛ս Ստ. Ծահուլյան, ԵԼԺ, Հատ. առաջին, էջ 266, 271:

⁴ Նույն տեղում, էջ 271-272:

⁵ «Четвертый ("Объединительный") съезд РСДРП, Протоколы», М., 1959, стр. 29-30.

Ն. Ջիչինաձեի առաջարկի պաշտպանությունը հանդես եկան Ն. Ժորդանիան (Կոստրով) և Ի. Ռամիչվիլին: Վերջինս աղավաղելով Շահումյանի ելույթը՝ ասում էր. «Հենց հիմա այստեղ Սուրենինը (Սու. Շահումյանը: - Ն.Ս.) չասաց, թե Կովկասում անգամ մեկ դեմոկրատի չուրթերից ոչինչ չես լսի ազգային հարցի մասին»¹: Շահումյանը ստիպված էր հանդես գալ հետևյալ հայտարարությամբ. «Ես չեմ ասել, թե սոցիալ - դեմոկրատները Կովկասում չգիտեն ազգային հարցը: Ես ասել եմ, որ մեր ծրագրի այդ հարցը տարածայնություններ չի հարուցել Կովկասի սոցիալ-դեմոկրատների մեջ: Սոցիալ-դեմոկրատներից և ոչ մեկը առաջ չի քաշել Անդրկովկասի ավտոնոմիայի հարցը»² (ընդգծումը մերն է: - Ն.Ս.): Քննարկման արդյունքն այն եղավ, որ համագումարը մերժեց Կովկասի այնպիսի ավտոնոմիայի պահանջը, որն ունենար սեյմ և սահմանադիր ժողով:

Համագումարը քննարկեց նաև ՌՄԴԿ-ի հետ ազգային սոցիալ - դեմոկրատական կուսակցությունների միավորման հարցը: Լեհաստանի ու Լիտվայի սոցիալ - դեմոկրատական կազմակերպությունները ՌՄԴԿ-ի մեջ մտան որպես տերիտորիալ կազմակերպություններ: Բուենոյի կապակցությամբ բողևեկների անունից հիմնավորված նախագծով հանդես եկած Սու. Շահումյանը շարադրեց միավորման պայմանները և մերժեց ՌՄԴԿ կազմակերպական կառուցվածքի նրա նացիոնալ-ֆեդերալիստական սկզբունքներն ու ձգտումները: «Համագումարը վստահություն է հայտնում, - նշում էր նա, - որ հրեա բանվորների պայքարի փաստական միավորումը մեկ միասնական կուսակցության սահմաններում անխուսափելիորեն կհասցնի կուսակցության կողմից ընդունվող ցենտրալիստական կազմակերպական սկզբունքի լրիվ կենսագործմանը»³:

ՄԱՐՔՍԻՉՄԸ ԵՎ ՀԱՅԿԱԿԱՆ ՀԱՐՑԸ

Ի՞նչ էին մտածում Հայ մարքսիստները Հայկական ցավոտ հարցի մասին:

Ո՞րն էր միջազգային և Հայ սոցիալ-դեմոկրատիայի սկզբունքային դիրքը թուրքահայ և օսմանյան կայսրության մեջ նրա նման ճնշված ժողովուրդների ազատագրական պայքարի նկատմամբ:

Հայկական հարցի, արևմտահայության ազգային ազատագրական շարժման մասին մարքսիստները, այդ թվում Հայ բողևեկները, ունեին իրենց ուրույն ու կայուն տեսակետը, որի սնուցող հողը դասակարգային պայքարի տեսությունն էր՝ ակունքում ունենալով Հայաստանի, Հայ ժողովրդի և նրա ազատագրական պայքարի մասին Կ. Մարքսի և Ֆ. Էնգելսի հայտնած կարծիքները:

¹ «Четвертый ("Объединительный") съезд РСДРП, Протоколы», М., 1959, стр. 23.

² Նույն տեղում, էջ 29-30:

³ Նույն տեղում, էջ 30:

Ֆ. ԷՆԳԵԼՍԸ ՀԱՅ ԺՈՂՈՎՐԴԻ ԱԶԱՏԱԳՐԱԿԱՆ ՊԱՅՔԱՐԻ ՈՒՂՆԵՐԻ ՄԱՍԻՆ

Հայ առաջին սոցիալիստներից մեկը՝ Հովսեփ Աթաբեկյանը, ավարտելով Կ. Մարքսի և Ֆ. Էնգելսի «Կոմունիստական կուսակցության մանիֆեստի» հայերեն թարգմանությունը (1894թ. աշուն), նախքան այն տպագրության տալը, նույն թվականի նոյեմբերին Ետուտգարտից (Գերմանիա) նամակ էր ուղարկել Լոնդոն՝ Ֆրիդրիխ Էնգելսին, և խնդրել «Մանիֆեստի» հայերեն թարգմանության համար գրել առաջաբան: Նամակում Աթաբեկյանը հարկ էր համարել նաև անդրադառնալ Հայաստանի ու Հայ ժողովրդի պատմական ճակատագրին, պատմել թուրքահայության իրավազուրկ, ողբերգական վիճակի մասին, առաջ էր քաշել Հայ ժողովրդին հուզող մի շարք հրատապ հարցեր, հիմնավորել նրա միջավայրում սոցիալիստական ուսմունքի պրոպագանդան անհրաժեշտությունը:

Նկարագրելով թուրքահայության ողբալի կացությունը՝ Աթաբեկյանն իր նամակում թուրքիայում քաղաքական փոփոխությունների հեռանկարը տեսել էր ոչ թե Համաժողովրդական, այլ ազգային հեղափոխության ուղիներում: Այդ պայքարի հաղթական ավարտի հույսերը նա կապում էր սոսկ թուրքահայերի Համընդհանուր ապստամբության հետ՝ ռուսահայերի աջակցության պայմաններում: Դա նշանակում է, որ Աթաբեկյանը Հայերի ազգային շարժումը դիտում էր որպես քաղաքական մեկուսացման պայմաններում տեղի ունեցող գործընթաց:

Ահա հենց այս կետում է, որ Էնգելսը վճռականորեն արտահայտել էր իր անհամաձայնությունը և մերժել առաջաբան գրել «Մանիֆեստի» հայերեն թարգմանության համար, թեև դա պատճառաբանել էր նրանով, թե «ինձ համար դժվար է գրել որևէ բան, որ նախատեսված է հրատարակել այն լեզվով, որը չեմ հասկանում»:

Չնայած դրան, Աթաբեկյանին հղած իր պատասխան նամակում Էնգելսը լուսաբանել էր Հայ ժողովրդի ազգային ազատագրական շարժման նկատմամբ մարքսիստների հստակ տեսակետը: Նա գրել էր.

«...Որքան էլ Ձեզ չնորհակալ եմ Հայաստանի վիճակի հետաքրքիր նկարագրության համար, այնուամենայնիվ, չեմ կարող ճիշտ և խելացի համարել դատողություններ արտահայտելու այն մասին, ինչ որ ես չեմ իմացել սեփական հետազոտությամբ: Առավել ևս տվյալ դեպքում, երբ խոսքը ճնշված ժողովրդի մասին է, որը դժբախտություն ունի գտնվելու թուրքական դեպուտիզմի Սցիլլայի և ռուսական դեպուտիզմի Խարիբդարի միջև, ընդ որում ռուսական ցարիզմը չարաշահում է՝ հանդես գալով ազատագրարի դերում, իսկ լակեյական ռուսական մամուլը, ելնելով ագրեսիվ ցարիզմի նպատակներից, բաց չի թողնում առիթը օգտագործելու Հայերի ազատագրության վերաբերյալ արտահայտ-

տած կարեկցանքի յուրաքանչյուր խոսք:

Բայց եթե անկեղծորեն ասենք, իմ անձնական կարծիքն է, որ Հայաստանի ազատագրումը թուրքերից, ինչպես նաև ռուսներից, Հնարավոր կլինի միայն այն օրը, երբ կուսպալվի ռուսական ցարիզմը:

Լավագույն ցանկություններ Ձեր ժողովրդին:

Ձեզ անձնվեր Ֆ.Էնգելս»¹:

Այսպիսով, Էնգելսը Հայ հեղափոխականների ուշադրությունն ամենից առաջ բերում էր ցարիզմի դեմ պայքարի հարցերի վրա, Համառուսական հեղափոխական շարժումների վրա՝ դրանց հաղթանակով պայմանավորելով թե՛ ռուսական և թե՛ թուրքական Հայաստանի ազատագրությունը:

Ռուսական ցարիզմի նկատմամբ խիստ բացասական վերաբերմունք ունեցող Ֆ. Էնգելսը, ինչպես նաև Կ. Մարքսը, քաղաքացիական էին այն իրողությունը, որ թե՛ ռուսահայերը և թե՛ թուրքահայությունը դրականորեն են տրամադրված դեպի Ռուսաստանը, ավելին, նրանք բազմիցս անկեղծ նվիրվածություն են հանդես բերել այդ երկրի, նրա ժողովրդի, նրա իշխանությունների նկատմամբ: Էնգելսը բազմիցս առիթ է ունեցել իր աշխատություններում արձանագրելու այդ իրողությունը:

Նոստրով Հայերի և օսմանյան կայսրության մյուս քրիստոնյա ժողովուրդների՝ դեպի Ռուսաստանն ունեցած վերաբերմունքի մասին՝ Էնգելսը գրել է. «Ի դեմս ցարի նրանք տեսնում են իրենց միակ ազատարարին ... մենք այդ բանը փոխել չենք կարող, դա այդպես էլ կմնա մինչև այն պահը, քանի դեռ ցարիզմը չի տապալվել»²: Մի ուրիշ անգամ նա վերստին շեշտում էր, որ ցարիզմի նկատմամբ այդ ժողովուրդների բարեկամական վերաբերմունքի գլխավոր պատճառներից մեկն այն է, որ իրենց հակաթուրքական պայքարում նրանք ակնկալում են շահկցություն ցարական իշխանություններից և համոզված են, որ «Հաղթել ... կարող են միայն ռուսների օգնությամբ»³:

Դեպի Ռուսաստանը Հայերի ջերմ վերաբերմունքի փաստին անդրադարձել է նաև Կ. Մարքսը: Վերլուծելով Ղրիմի պատերազմի ընթացքում իր համար բացահայտած մի շարք հետաքրքիր երևույթներ՝ նա հատուկ զարմանքով էր գրում ռուսական բանակին Հայերի և Հուլյների անձնագոհ նվիրվածության մասին⁴:

Մարքսը միաժամանակ համոզվել էր, որ Հայ ժողովրդի այդ վերաբերմունքի մասին լավ գիտի ռուս հասարակ ժողովուրդը, որն իր հերթին դեպի Հայությունը տածում է փոխադարձ համակրանք ու հարգանք: Ինոսելով 1877-1878թթ. ռուս-թուրքական պատերազմի ժամանակ կովկասյան ճակատի ռազմական գործողությունների ընթացքում ռուսական զորքերի սրընթաց առաջխաղացման և ցավալի նահանջի մասին՝ Կ. Մարքսը նկատել է, որ Հայաստա-

նում ցարական զորքերի կասկածելի նահանջը գայրույթ է առաջ բերել Ռուսաստանում ի պաշտպանություն թուրքահայության: 1877թ. Հուլիսի 23-ին Ֆ. Էնգելսին գրած նամակում նա վկայում էր, որ Ռուսաստանում մասսաների գայրույթը խիստ սրվել է «հատկապես հենց այժմ, Հայաստանում նահանջելուց անմիջապես հետո»¹:

Այդ ամենին քաղաքացիական Ֆ. Էնգելսը, այնուամենայնիվ, բարեբախտություն էր համարում ռուսական ցարիզմի տապալումը և համարում էր Հայ ժողովրդի ազատագրության գլխավոր պայմանը, այն դեպքում, երբ «Հայաստանի ազատագրումը թուրքերից» նա մղում էր երկրորդ պլան՝ համարելով ոչ կարևոր:

Հայ ժողովրդի ազատագրության ուղիների մասին Էնգելսի արտահայտած մտքերը լավ նրա անձնական կարծիքի արտահայտությունը չէին: Այդպես էին մտածում եվրոպական սոցիալիստական շարժման համարյա բոլոր ղեկավար գործիչները:

Ֆ. Էնգելսի նշանավոր նամակը Հայ մարքսիստների համար ուղենիշ հանդիսացավ մշակելու իրենց սկզբունքային դիրքորոշումը թուրքահայության ազգային ազատագրական շարժման նկատմամբ: Այդ դիրքորոշումը վերջնական տեսքի բերվեց 1901-1903 թվականներին, ապա ստուգվեց ռուսական առաջին հեղափոխության և նրան հաջորդած մեկուկես տասնամյակի ընթացքում:

ԱՐԴՅՈՒՔ ԾԻՇՏ Է ԸՆՏՐՎԱԾ ՀԱԿԱՌՈՒՔԱԿԱՆ ԱՊՏԱՄՐՈՒԹՅԱՆ ԳԱԸՐ ԵՎ ԾԻՇՏ ԵՆ ՀԱՇՎԱՐԿՎԱԾ ՀԱՅՈՒԹՅԱՆ ՈՒԺԵՐԸ

Մարքսիստները ելնում էին այն սկզբունքային տեսակետից, թե ճնշված, հատկապես փոքր ազգերը, որոնք ապրում են բազմազգ պետության մեջ, չեն կարող զինված պայքարով ազգային ազատագրության հասնել, եթե դրա համար չկան անհրաժեշտ հասունացած պայմաններ: Նրանք քաղաքացիական էին օսմանյան կայսրության մեջ Հայ ժողովրդի աղետալի վիճակին, նաև նրա ազատագրական պայքարն իրենց շահագիտական նպատակներին ծառայեցնելու մեծ տերությունների քաղաքական խարդավանքներին:

Արդյունաբերական կապիտալիզմի բարձր զարգացման հասած եվրոպական տերությունները՝ Անգլիան, Ֆրանսիան, Գերմանիան, արդեն 19-րդ դարի վերջին իրենց ազդեցությունը տարածել էին թուրքիայի տնտեսության հիմնական ճյուղերի վրա, վերահսկում էին երկրի ֆինանսները, առևտուրը, հումքի աղբյուրները, շուկան: Նույն նպատակին նոր-նոր ձգտում էր նաև ցարական Ռուսաստանը, որը, սակայն, թուրքիա թափանցելու ճանապարհին հանդիպում էր եվրոպական տերությունների ուժգին դիմադրությանը: Սրանք

¹ «Պատմա-բանասիրական հանդես», N 2-3, 1959, էջ 325:

² К. Маркс и Ф. Энгельс, Соч., т. 35, стр. 230.

³ Նույն տեղում, հատ. 36, էջ 462:

⁴ Նույն տեղում, հատ. 10, էջ 348:

¹ К. Маркс и Ф. Энгельс, Соч., т. 34, стр. 46.

չէին հանդուրժում, որ թուրքական կարկանդակից բաժին հանվի նաև Ռուսաստանին:

Այս կատաղի մրցակցության մեջ Հզորները առիթներ էին որոնում շոյելու սուլթանի ինքնասիրությունը՝ ակնկալելով ավելի մեծ, ավելի շահավետ պատուներ պոկել նրանից:

Թուրքիայում գերիշխանություն ձեռք բերելու համար եվրոպական տերությունների միջև կատաղի մրցակցության և նրանց նյութական շահերի ընդհարման հետևանքով էր, որ եվրոպայի «հիվանդ մարդը»՝ օսմանյան կայսրությունը կարողանում էր պահպանել իր տարածքային ամբողջականությունը: Եվրոպական իմպերիալիստական տերություններից ոչ մեկը չհասցրել էր, որ թուրքիան մասնատվեր և կայսրությունից անջատվեր և ազգային տարածքները: Դրան նպաստում էր ոչ միայն այդ տերությունների միջև գոյություն ունեցող կատաղի մրցակցությունը, այլև միասին վերցրած՝ դրանց բոլորի վախը ռուսական առաջխաղացման հանդեպ: Ռուսաստանը էլ էր հրաժարվել թուրքիայի ասիական տարածքների և, ամենից առաջ, Հայաստանի գրավման արդյունքում Միջերկրականի տաք ջրեր դուրս գալու հեռահար նպատակից: Ռուսների այդ դարավոր երազանքի իրականացման մեջ ամենից առաջ մեծ վտանգ էր տեսնում Անգլիան՝ ասիական իր տիրույթները և հատկապես Հընդկաստանը կորցնելու մահացու վտանգ: Հայաստանի գրավումով և Միջերկրականի ավազան դուրս գալով՝ Ռուսաստանը Անգլիայի առջև կփակեր դեպի նրա արևելյան գաղութները տանող ցամաքային ճանապարհները: Ահա թե ինչու վերջինս, հոգին բուռը հավաքած, պաշտպանում էր թուրքիայի ամբողջականությունը, հետևապես դեմ էր արևմտահայության հակասուլթանական պայքարին:

Յրանսիան նույնպես մեծապես շահագրգռված էր օսմանյան կայսրության տարածքային ամբողջականության պահպանմամբ, քանի որ Փինանսական հսկայական միջոցներ էր ներդրել թուրքիայի տնտեսության մեջ, իր ձեռքն էր առել երկրի բանկային համարյա ողջ համակարգը, հիմնել բազմաթիվ կոնցեսիաներ, հիմնավորապես տիրել էր տնտեսության բազմաթիվ ճյուղերին: Յրանսիացիները վախ ունեին, որ թուրքիայի բաժանման հետևանքով վտանգի կենթարկվեն իրենց վարկերն ու ներդրումները, իսկ Ռուսաստանի տիրապետությունը Հայաստանի վրա հաստատվելու դեպքում այդ ընդարձակ տարածքի վրա մեծապես կհասանափակվեն եվրոպական տերությունների, այդ թվում Յրանսիայի ազդեցության ոլորտները:

Ինչ վերաբերում է Գերմանիային, ապա գաղութային թալանից հետ մնացած այդ երկիրը վճռական էր «չտկելու վիճակը»: Գերմանիան առանձնահատուկ ծրագրեր ուներ թուրքիայում հիմնավորվելու և անհագ ախորժակով ասպարեզ էր նետվել համեղ կարկանդակից իր մեծ բաժինը պոկելու համար, մանավանդ որ սուլթանը և թուրքական հասարակության բարձր դասը տրամադիր էին ամենասերտ կապեր հաստատել բարձրացող գերմանական տերու-

թյան հետ, նրա կապիտալի առջև լայնորեն բացել երկրի դռները: Պատահական չէ, որ այս պայմաններում գերմանական իմպերիալիզմը նույնքան, եթե ոչ ավելի, շահագրգռված էր կայսրության ամբողջականության պահպանմամբ և, ինչպես ցույց տվեցին հետագա իրադարձությունները, այդ նպատակով առաջին համաշխարհային պատերազմի տարիներին ըստ էության նպատեց արևմտահայության արյունալի հաշվեհարդարին:

Մարքսիստները պարզ գիտակցում էին, որ հայկական հարցը մեծ տերություններից յուրաքանչյուրի համար այնքանով է հետաքրքրություն ներկայացնում, որ չափով այն ժամանակի որոշակի հատվածում կարող է պատրվակ ծառայել իրենց շահերի օգտին ճշշում գործադրելու թուրքական կառավարության վրա: Եթե այդ նկատառումով մոտենանք խնդրին, ասում էին մարքսիստները, ապա ակնհայտ է, որ իմպերիալիստական պետությունները ոչ միայն շահագրգռված չեն թեկուզև 1878թ. Բեռլինի կոնգրեսի ընդունած պայմանագրի չարաբաստիկ 61-րդ հոդվածի տրամադրություններով Հայկական հարցի լուծմամբ, այլև նրանց համար շահավետ է այդ հարցի հարատև գոյությունը, նրա չլուծված լինելը, մինչև որ այն կղաղարի թուրքիայի ներքին կյանքին միջամտելու արդյունավետ գործոն լինելուց:

Ելնելով այդ ամենից՝ մարքսիստները գտնում էին, որ Հույս փայփայել, թե Հայկական հարցը կարող է լուծվել իմպերիալիստական տերությունների միջամտությամբ, առնվազն քաղաքական կուրուքով է: Եվրոպայի միջամտությամբ թուրքական լծից հայ ժողովրդի ազատագրությունը բացառված է:

Իսկ ինչպե՞ս չըջել հայոց պատմության անիվը, ե՞րբ կարող է վերջ գտնել ժողովրդի անեղը տառապանքը:

Հոետորական այդ հարցը մարքսիստներից պահանջում էր հստակ պատասխան, և այդ պատասխանը տրվում էր թուրքիայի ներքին կյանքի, հատկապես տնտեսության վերլուծության, թուրք ժողովրդի ավանդական ըմբռնումների, նրա ազգային հոգեբանության և հոգեկան կերտվածքի ուսումնասիրման, նաև կայսրության աշխարհաքաղաքական դերի ճշգրիտ գնահատման, հայ ժողովրդի ճակատագրում արտաքին գործոնների միջամտության հավանականությունը և դրանց արդյունավետության բացահայտման միջոցով:

Տվյալ ժամանակաշրջանում թուրքիայի տարածքային ամբողջականության պահպանմամբ, որքան էլ առաջին հայացքից անտրամաբանական թվար, շահագրգռված էին նաև եվրոպական սոցիալիստական կուսակցությունները, սոցիալիստական շարժումը, քանի որ ընդհանրապես դեմ էին պետական մեծ կազմավորումների քայքայմանը և «ազգային բնակարաններում պարփակվելուն»: Որպես պատմության պարադոքս, օսմանյան կայսրության տարածքային ամբողջականության պահպանման խնդրում համընկնում էին եվրոպական տերությունների և եվրոպական մարքսիստների տեսակետները: Ոչ մեկը և ոչ էլ մյուսը չհասցրել էին թուրքիայի քայքայմամբ: Բայց եթե եվրոպական իմպերիալիստները սուլթանի կայսրության ամբողջականու-

չէին հանդուրժում, որ թուրքական կարկանդակից բաժին հանվի նաև Ռուսաստանին:

Այս կատաղի մրցակցության մեջ Հզորները առիթներ էին որոնում շոյելու սուլթանի ինքնասիրությունը՝ ակնկալելով ավելի մեծ, ավելի շահավետ պատուներ պոկել նրանից:

Թուրքիայում գերիշխանություն ձեռք բերելու համար եվրոպական տերությունների միջև կատաղի մրցակցության և նրանց նյութական շահերի ընդհարման հետևանքով էր, որ եվրոպայի «հիվանդ մարդը»՝ օսմանյան կայսրությունը կարողանում էր պահպանել իր տարածքային ամբողջականությունը: Եվրոպական իմպերիալիստական տերություններից ոչ մեկը չհասցրել էր, որ թուրքիան մասնատվեր և կայսրությունից անջատվեր ազգային տարածքները: Դրան նպաստում էր ոչ միայն այդ տերությունների միջև գոյություն ունեցող կատաղի մրցակցությունը, այլև միասին վերցրած՝ դրանց բոլորի վախը ռուսական առաջխաղացման հանդեպ: Ռուսաստանը էլ հրաժարվել թուրքիայի ասիական տարածքների և, ամենից առաջ, Հայաստանի գրավման արդյունքում Միջերկրականի տաք ջրեր դուրս գալու հեռահար նպատակից: Ռուսների այդ դարավոր երազանքի իրականացման մեջ ամենից առաջ մեծ վտանգ էր տեսնում Անգլիան՝ ասիական իր տիրույթները և հատկապես Հընդկաստանը կորցնելու մահացու վտանգ: Հայաստանի գրավումով և Միջերկրականի ավազան դուրս գալով՝ Ռուսաստանը Անգլիայի առջև կփակեր դեպի նրա արևելյան գաղութները տանող ցամաքային ճանապարհները: Ահա թե ինչու վերջինս, հոգին բուռը հավաքած, պաշտպանում էր թուրքիայի ամբողջականությունը, հետևապես դեմ էր արևմտահայություն հակասուլթանական պայքարին:

Յրանսիան նույնպես մեծապես շահագրգռված էր օսմանյան կայսրության տարածքային ամբողջականության պահպանմամբ, քանի որ Փինանսական հսկայական միջոցներ էր ներդրել թուրքիայի տնտեսության մեջ, իր ձեռքն էր առել երկրի բանկային համարյա ողջ համակարգը, հիմնել բազմաթիվ կոնցեսիաներ, հիմնավորապես տիրել էր տնտեսության բազմաթիվ ճյուղերին: Յրանսիացիները վախ ունեին, որ թուրքիայի բաժանման հետևանքով վտանգի կենթարկվեն իրենց վարկերն ու ներդրումները, իսկ Ռուսաստանի տիրապետությունը Հայաստանի վրա հաստատվելու դեպքում այդ ընդարձակ տարածքի վրա մեծապես կհասանափակվեն եվրոպական տերությունների, այդ թվում Յրանսիայի ազդեցության ոլորտները:

Ինչ վերաբերում է Գերմանիային, ապա գաղութային թալանից հետ մնացած այդ երկիրը վճռական էր «չտկելու վիճակը»: Գերմանիան առանձնահատուկ ծրագրեր ուներ թուրքիայում հիմնավորվելու և անհագ ախորժակով ասպարեզ էր նետվել համեղ կարկանդակից իր մեծ բաժինը պոկելու համար, մանավանդ որ սուլթանը և թուրքական հասարակության բարձր դասը տրամադիր էին ամենասերտ կապեր հաստատել բարձրացող գերմանական տերու-

թյան հետ, նրա կապիտալի առջև լայնորեն բացել երկրի դռները: Պատահական չէ, որ այս պայմաններում գերմանական իմպերիալիզմը նույնքան, եթե ոչ ավելի, շահագրգռված էր կայսրության ամբողջականության պահպանմամբ և, ինչպես ցույց տվեցին հետագա իրադարձությունները, այդ նպատակով առաջին համաշխարհային պատերազմի տարիներին ըստ էության նպատեց արևմտահայության արյունալի հաշվեհարդարին:

Մարքսիստները պարզ գիտակցում էին, որ հայկական հարցը մեծ տերություններից յուրաքանչյուրի համար այնքանով է հետաքրքրություն ներկայացնում, որ չափով այն ժամանակի որոշակի հատվածում կարող է պատրվակ ծառայել իրենց շահերի օգտին ճշշում գործադրելու թուրքական կառավարության վրա: Եթե այդ նկատառումով մոտենանք խնդրին, ասում էին մարքսիստները, ապա ակնհայտ է, որ իմպերիալիստական պետությունները ոչ միայն շահագրգռված չեն թեկուզև 1878թ. Բեռլինի կոնգրեսի ընդունած պայմանագրի չարաբաստիկ 61-րդ հոդվածի տրամադրություններով Հայկական հարցի լուծմամբ, այլև նրանց համար շահավետ է այդ հարցի հարատև գոյությունը, նրա չլուծված լինելը, մինչև որ այն կղաղարի թուրքիայի ներքին կյանքին միջամտելու արդյունավետ գործոն լինելուց:

Ելնելով այդ ամենից՝ մարքսիստները գտնում էին, որ Հույս փայփայել, թե Հայկական հարցը կարող է լուծվել իմպերիալիստական տերությունների միջամտությամբ, առնվազն քաղաքական կուրուլթյուն է: Եվրոպայի միջամտությամբ թուրքական լծից հայ ժողովրդի ազատագրությունը բացառված է:

Իսկ ինչպե՞ս չըջել հայոց պատմության անիվը, ե՞րբ կարող է վերջ գտնել ժողովրդի անեզր տառապանքը:

Հոետորական այդ հարցը մարքսիստներից պահանջում էր հստակ պատասխան, և այդ պատասխանը տրվում էր թուրքիայի ներքին կյանքի, հատկապես տնտեսության վերլուծության, թուրք ժողովրդի ավանդական ըմբռնումների, նրա ազգային հոգեբանության և հոգեկան կերտվածքի ուսումնասիրման, նաև կայսրության աշխարհաքաղաքական դերի ճշգրիտ գնահատման, հայ ժողովրդի ճակատագրում արտաքին գործոնների միջամտության հավանականությունների և դրանց արդյունավետության բացահայտման միջոցով:

Տվյալ ժամանակաշրջանում թուրքիայի տարածքային ամբողջականության պահպանմամբ, որքան էլ առաջին հայացքից անտրամաբանական թվար, շահագրգռված էին նաև եվրոպական սոցիալիստական կուսակցությունները, սոցիալիստական շարժումը, քանի որ ընդհանրապես դեմ էին պետական մեծ կազմավորումների քայքայմանը և «ազգային բնակարաններում պարփակվելուն»: Որպես պատմության պարադոքս, օսմանյան կայսրության տարածքային ամբողջականության պահպանման խնդրում համընկնում էին եվրոպական տերությունների և եվրոպական մարքսիստների տեսակետները: Ոչ մեկը և ոչ էլ մյուսը չհասցրել էին թուրքիայի քայքայմամբ: Բայց եթե եվրոպական իմպերիալիստները սուլթանի կայսրության ամբողջականու-

թյունն ուզում էին պահպանել՝ Ռուսաստանին թույլ չտալով տարածվելու միջերկրածովյան ավազանի ուղղութիւնը, ապա եվրոպական սոցիալիստների համար Թուրքիայի ամբողջականութեան պահպանման օգտին հանդես գալը նշանակում էր ինչ-որ չափով խանգարել ցարական Ռուսաստանի, որպէս եվրոպայի հեղափոխական շարժման ժանդարմի, հետագա հզորացմանը:

Դեմ լինելով Թուրքիայի բաժանմանը՝ Եվրոպայի իմպերիալիստական տերութիւնները տոյժալ ժամանակահատվածում դեմ էին գինված պայքարի միջոցով սուլթանական լծից Հայաստանի ազատագրութեան փորձերին, օբյեկտիվորեն այդ պայքարին դեմ էին նաև եվրոպական մարքսիստները:

Վերջիններս չէին ուզում ինքնակալական, ռազմաֆեոդալական ռեժիմ ունեցող Ռուսաստանի հզորացումը՝ հատկապէս երևելով ցարիզմի գալթողական մղումներից: Եվրոպական սոցիալիստների վերաբերմունքն արմատապես կփոխվեւր, եթէ Ռուսաստանը կանգնէր դեմոկրատական վերափոխումների ճանապարհին: Այնժամ ի դեմս հանրապետական Ռուսաստանի՝ նրանք կտեսնեին իրենց դաշնակցին: Բայց դա ե՞րբ կլինէր, պատմական հեռանկարի ո՞ր հատվածում:

Ահա այսպիսի պայմաններում էր ընթանում արևմտահայերի ազգային ազատագրական պայքարը սուլթանական կարգերի դեմ:

Մարքսիստները՝ եվրոպական թէ ռուսաստանյան, արևմտահայերի ազատագրական գինված պայքարը Թուրքիայում համարում էին վաղաժամ և անպատկառարմար: Նրանք գտնում էին, որ Հայ հեղափոխական ազգային կուսակցութիւնները, որոնց դրոշին գրված է «ազգասիրութիւն» և «ազատութիւն», ճիշտ չեն հաշվարկել Հայութեան և նրա թշնամու ուժերը: Թուրքիայի երկուսուկես-երեք միլիոն Հայութիւնը ինչպե՞ս կարող է գինված պայքարով ազատագրվել տանապատիկ հզոր օսմանյան բռնապետութեան ճիրաններից, հարցնում էին Հայ մարքսիստները, երբ նա իր դիմաց ունի հզոր պետութիւն՝ ավանդական ուժեղ դիվանագիտութեամբ ու բազմաքանակ բանակներով, և երբ շրջապատված է ոչ միայն թուրքական էթնոսի հոծ զանգվածներով, այլև իր ազատագրական պայքարի իմաստը չըմբռնող և չհամալիրող այլազգիներով և, առաջին հերթին, հետամնաց ու լավ գինված քրդութեան բազում ցեղախմբերով: Թուրք բռնադատիչները կեղեքող են ու վայրենի՝ համաձայն ենք ձեզ հետ: Ճակատագրական դժբախտութիւն է, որ Հայ ժողովուրդն ընկած է նրանց տիրապետութեան տակ՝ միշտ սպասելով լուսավոր օրերի: Այդ օրերը պիտի գան կամ Թուրքիայի ներքին բարեկարգմամբ, այսինքն՝ խաղաղ ընթացքով, կամ բարեպատեհ մի ցնցումով, արտաքին միջամտութեամբ:

ՕՍՄԱՆԹԱՆ ԿԱՅՄՐՈՒԹԵԱՆ ՄՅՈՒՍ ՀԱՆՍՏԱԿԱՆ ԱԶԳԵՐԻ ՀԵՏ ԹՈՒՐԿԱՀԱՅՈՒԹԵԱՆ ԴԱՇՆԱԿԻ ՀԱՐՑԸ

Բոլոր հեղափոխութիւնների պարագայում մարքսիստների համար չափազանց կարևոր խնդիր էր դաշնակիցներ ունենալը: Արևմտահայութեան ազատագրութեան գլխավոր պայմաններից մեկը նրանք համարում էին օսմանյան կայսրութեան մեջ հարստահարվող ժողովուրդների, այդ թվում նաև հարստահարվող Թուրք ժողովրդի համերաշխ գործակցութիւնը սուլթանիզմի դեմ մղվող պայքարում: Թուրքիայում շահագործվող բոլոր ազգերի հեղափոխական ուժերի ամուր դաշինքը միայն կարող է հաջողութեան երաշխիք լինել ազատագրական կռիվում: Հայկական ամեն մի անջատ շարժում օսմանյան բռնակալութիւնը մեծ հաջողութեամբ օգտագործում է Թուրք ժողովրդին հայերի դեմ լարելու, նրան իր հանցագործ, ջարդարարական քաղաքականութեանը մասնակից դարձնելու համար:

Դաշնակիցներ ունենալու խնդրին մարքսիստները միշտ առաջնային նշանակութիւն են տվել հատկապէս հեղափոխութիւնների նախապատրաստման շրջանում, գտնելով, որ առանց դրա որևէ երկրում ոչ միայն դժվար է ակնկալել ապստամբական ուժերի հաղթանակը, այլև անհնար է ձեռնամուխ լինել հասարակութեան արմատական վերափոխմանը:

Այդ տեսակետից մարքսիստների համար յուրօրինակ քննութիւն է եղել Փարիզի կոմունան (1871թ.), որը պարտութիւն կրեց, չնայած կոմունարների աներևակայելի խիզախութեանը: Փարիզը վերածվեց վրթխարի սպանդանոցի: Դավաճան կառավարութիւնը, սարսափած կոմունիզմի ուրվականից, վազրի մոլեգնութեամբ նետվել էր հազարավոր արյունակիցների վրա և, ի տես պրուսական հաղթած զորաբանակի և ի հրճված գերմանացի ռազմամուլների, կատարում էր մի անօրինակ հանցագործութիւն իր երկրի ու ժողովրդի հանդեպ: Ապստամբութեան պարտութեան գլխավոր պատճառը ֆրանսիացի գյուղացիների անտարբերութիւնն էր, որոնք օգնութեան չզնային կոմունարներին: Այլ խոսքով, Փարիզի ապստամբ բանվորները կռվի դաշտում չունեին դաշնակից:

Ռուսական առաջին հեղափոխութեանը նախորդած շրջանում բոլշևիկները Լենինի գլխավորութեամբ ամենայն մանրամասնութեամբ և բազմակողմանի մշակել էին պրոլետարիատի ապստամբութեան ընթացքում նրա դաշնակիցների մասին տեսութիւնը, ըստ որի դեպի այդ ապստամբութիւն պրոլետարիատը պետք է գնա գյուղացիական լայն զանգվածների հետ, իսկ հեղափոխութեան որոշակի (սկզբնական) էտապում հակացարական պայքարին կարող է մասնակից լինել նաև լիբերալ բուրժուազիան:

Բուրժուազեմոկրատական հեղափոխութիւնից սոցիալիստականին անցնելիս պրոլետարիատի դաշնակիցների շրջանակը նեղացվեց: Այժմ նրա դաշնակիցը միայն չքավոր գյուղացիութիւնն էր, նրա կռիվը՝ բուրժուական ողջ դասակարգի դեմ, ներառյալ լիբերալ բուրժուազիայի:

Դաշնակիցների խնդիրը վճռական նշանակություն է ձեռք բերում ոչ միայն դասակարգային մարտերի ժամանակ, այլև հզոր բանակներ ունեցող խոշոր տերությունների կողմից պատերազմների նախապատրաստման ընթացքում:

Այսպես, Ղրիմի պատերազմի ժամանակ եվրոպական տերություններից ոչ մեկը չէր համարձակվում Թուրքիայի կողմից Ռուսաստանի դեմ պատերազմի մեջ մտնել միայնակ: Այդ պատերազմում նրանք Ռուսաստանի նկատմամբ հաղթանակ տարան հավաքական ուժերով:

1907 թվականին Անգլիան, Ֆրանսիան և Ռուսաստանը իրենց ուժերը միավորելով՝ ստեղծեցին Անտանտի ռազմաքաղաքական դաշինքը՝ ուղղված սպառնազին բարձրացող Գերմանիայի և նրա դաշնակիցների դեմ: Բալկանյան առաջին պատերազմի օրերին (1912թ.) Թուրքիայի դեմ միասնաբար հանդես էին գալիս բալկանյան դաշնակից չորս երկրներ: Եվ այսպես շարունակ:

Իսկ ո՞վ էր արևմտահայության դաշնակիցը, որը պատրաստ լիներ նրա հետ կիսելու պարտության տառապանքը և հաղթության բերկրանքը: Եթե չհաշվենք ասորիների մի մասի, հեռավոր Մակեդոնիայի և Բուլղարիայի հակաթուրքական տրամադրություններ ունեցող հեղափոխականների և եվրոպացի հայասերների համակրանքը, որն արտահայտվում էր միայն ու միայն բարի ցանկություններով, ապա ակնհայտ է, որ նա ոչ մի երկրից, ոչ մի ժողովրդից գործնական օգնություն չէր ստանում՝ մի հրացան կամ անգամ մի փամփուշտ:

Ինչ-որ մի մեծահարուստ անգլուհի հնչակյան ղեկավարությունը 90-ական թվերին խոստացել էր գնել և անհատույց թուրքահայ ազատագրական շարժման մարտիկներին նվիրել 10 000 հրացան: Հնչակյանները երկար սպասեցին, բայց բարոնուհու խոստումը փչոց դուրս եկավ: Իրավացի էր հայ ազատագրական շարժման հայտնի գործիչ, դաշնակցական Արտաշես Հովսեփյանը (Մայխաս), գրելով. «... Հայ ժողովուրդը բոլորովին մենակ մնաց, ոչ մեկ դրացի ազգ եղբայրական ձեռք կարկառեց հայուն, օգնութեան փորձ մը ըրավ»¹:

Աշակցությունը միայն բարոյական էր, իսկ մաքառող արևմտահայ մարտիկները կարիք ունեին ոչ թե բարի խոսքերի ու սին խոստումների, այլ զենքի և նյութական միջոցների: Ուրիշ խոսքով՝ հայկական հեղափոխությունը չունեցրեց մի դաշնակից, այն միայնակ էր:

Թուրքահայ հեղափոխության արյունամած տարիներին Արևմտահայաստանի հայ բնակչության միակ սրտակիցը նրա արյունակից ռուսահայությունն էր, որը ոչինչ չէր խնայում օգտակար լինելու մաքառող եղբայրներին:

Եվ այսպես, թուրքահայ հեղափոխությունը ոչ մի օգնություն չէր ստանում դրսից: Իսկ ներսում:

Իսկ ներսում նրա դեմ կանգնած զինված թուրքն էր, իսկ թիկունքում զինված քուրդը՝ երկուսն էլ հայկական հեղափոխության երդվյալ ռեսերվե թշնամիներ:

Կայսրությունը թուրքերին էր, և հայկական շարժումն ուղղված էր նրանց հարստահարիչ պետության դեմ: Բայց շարժման ճանապարհին ընկած էր մեծ խոչընդոտը՝ սուլթանական ռեժիմի պահպանող զինված քրդությունը:

Հայ և քուրդ ժողովուրդների համատեղ գործակցություն ստեղծելու, թուրքական հարստահարման դեմ իրենց ուժերը միավորելու և սուլթանական բռնակալության դեմ միասնական պայքարի դուրս գալու դեպքում գուցե իրավիճակը լիներ միանգամայն ուրիշ, համենայն դեպս թուրքական պետության համար չափազանց դժվար կլիներ տևականորեն շարունակել արյունալի հաշվհարդարները, իսկ արևմտահայությունը, վերջապես, կունենար իր դաշնակիցը: Բայց այդպես չեղավ:

Ճշմարիտ է, որ և՛ հնչակյանները, և՛ դաշնակցականները, նաև արմենականներն ու վերակազմյալ հնչակյանները քիչ ջանք չեն գործադրել հարևան քրդության հետ հաստատելու բարեկամական հարաբերություններ, միշտ ձգտել են քրդական հակաթուրքական ընդվզումների առկայծումները միավորել հայկական շարժմանը: Հայ գործիչները մտածում էին, որ եթե այդ բանը չկարողանան գլուխ բերել, գոնե փորձելու են քրդերին մղել չեզոքության:

Բայց ջանքերը նպատակին չհասան: Քուրդն ինչպես եղել էր, այնպես էլ մնաց հայության ազատագրության ճանապարհի մեծ խոչընդոտը:

Երբ հայ բողջեհիկները շեշտում էին հայկական շարժման լիակատար մեկուսացվածության հանգամանքը, դաշնակցականները վկայակոչում էին հայքրդական և հայ-թուրքական երկխոսություն առաջ բերելու տարիներ շարունակ իրենց թափած աշխատանքը: Դրան ի պատասխան բողջեհիկներն ասում էին, որ հնչակը և դաշնակցությունը գործ են ունեցել ոչ թե թուրք և քուրդ աշխատավոր զանգվածների, այլ թուրք մեծամեծների և քուրդ ցեղապետերի հետ, հետևաբար դաշինքի խնդիրը չէր կարող դրական լուծում ստանալ, որ այդպիսի լուծում հնարավոր է, եթե թուրքական և քրդական հասարակության մեջ ձևավորվի պրոլետարիատ: Քանի որ բոլոր երկրների պրոլետարիատների դասակարգային շահերը նույնական են, ուստի միայն այդ դեպքում հող կստեղծվեր հայ և թուրք, հայ և քուրդ պրոլետարների համերաշխ գործակցության և դաշինքի համար՝ ընդդեմ ամեն տեսակ հարստահարման, այդ թվում՝ թուրքական պետական ռեժիմի բռնադատման դեմ: Բողջեհիկների ընդդիմախոսները սոցիալ-անտեսական վերլուծություններով ցույց էին տալիս, որ թուրքական հասարակության մեջ բանվորությունը նոր-նոր էր ձևավորվում իբրև դասակարգ, ինչ վերաբերում է քրդերին, ապա նրանց մեջ գալիք տասնամյակներում պրոլետարիատի, որպես ինքնուրույն դասակարգի, ձևավորման երազանքը անհող է ու անհույս: Հայ բողջեհիկները ընդունում էին դաշնակցական վերլուծաբանների փաստարկները, բայց միաժամանակ գտնում էին, որ այդ դեպքում արևմտահայությունը ոչինչ չի մնում անելու, քան մի կերպ լեզու գտնել թեկուզ քուրդ ավագանու հետ՝ անորոշ ժամանակով սպասելով միջազգային իրադարձությունների զարգացմանը և արտաքին ուժերի հնարա-

¹ Մայխաս, «Զարթոնք», հատ. Ե, Ֆարաբի տպարան, Թեհրան, 1986, էջ 150:

վոր միջամտութիւնը:

Ստեփան Շահումյանը գրում էր. «Հայ ժողովուրդը, բախտի բերումով, ապրում էր երկու Հրեշտակ բռնակալների՝ արյունոտ ցարի և կարմիր սուլթանի իշխանութիւնի տակ: Նա չընկալած էր իրենից ավելի Հետամնաց, դժբախտ տաճիկ և քուրդ ժողովուրդներով՝ Տաճկաստանում, և թուրք ու վրացի ժողովուրդներով՝ Ռուսաստանում: Հարկավոր էր խելոք և Հեռատես քաղաքականութեամբ ձգտել որքան կարելի է Համերաշխ ապրել Հարևանների հետ: Հարկավոր էր այնպես ղեկավարել քաղաքականութեան նախը, որ նա չընկալարկուցի «տաճիկ բռնակալութեան Սցիլլայի և ռուսական ցարիզմի Ուարիդայի» արանքում...»¹: Միայն Հարևան ժողովուրդների հետ Համերաշխ ապրելու և գործելու քաղաքականութիւնն է երաշխիք Հայ ժողովրդի Հանգիստ գոյութեանը... «Բայց մեր «ազգասերները», ընդհակառակը, կարծես դիտմամբ ամեն ջանք գործ էին դնում մեկուսացնելու Հայ ժողովրդին Հարևան ազգերից, թշնամացնելու նրա հետ բոլորին և հող պատրաստելու սուլթանի և Նիկոլայ Ռոմանովի դժոխային ծրագրերը իրականացնելու Համար»²:

Ռոյալիստների Համոզմունքները բխում էին Յ. Էնգելսի վերևում նշված նամակից և ընդհանրապես Հայկական Հեղափոխութեան շարժիչ ուժերի մասին եվրոպական սոցիալիստների ունեցած պատկերացումներից:

«Երկրի ձայն» (Թիֆլիս) թերթը 1907թ. նոյեմբերին տպագրել էր Հրապարակախոս Աշ. Աթանեսյանի նույն թվականին գրված հուշերը՝ Ավգուստ Բեբելի և Վիլհելմ Լիբկնեխտի հետ Հայկական Հարցի շուրջ Գերմանիայի Հայ ուսանողների մի խմբի զրույցի մասին:

Այդ խումբը, որի կազմի մեջ էր Աշ. Աթանեսյանը, 1893 թվականին Լայպցիգում այցելում է Վ. Լիբկնեխտին և Ա. Բեբելին:

« - Ի՞նչ ունեք ասելու, - դիմեց մեզ Բեբելը, առաջարկելով ծխել, - պատմում է Աշ. Աթանեսյանը:

- Ձեզ երևի Հայտնի կլինեն լրագրերից այն սարսափները, որ այժմ կատարվում են Թուրքիայում Հայերի վերաբերմամբ, - սկսեց ընկերներիցս մեկը: - Մենք եկել ենք խնդրելու Ձեզ և Ձեր Հարգելի ընկերոջը՝ պ. Լիբկնեխտին, որ դուք Հարցապնդեք ձեր կառավարութեանը Թուրքիայում կատարված սարսափների առիթով և Ձեր միջամտութեամբ թեթևացնեք Հայ ժողովրդի զարհուրելի պայմանները:

Բեբելը նայեց Լիբկնեխտին: Սա իր սերթուկն էր հագնում, և ապա դարձավ մեզ:

- Ես հասկանում եմ Ձեզ: Նույնանման դիմում մենք ստացանք մի ամիս առաջ նաև Բեռլինի Հայ ուսանողութիւնից: Ձեզ ասելու եմ այն, ինչ նրանց. Հայ ժողովրդի բախտը անբաժանելիորեն կապված է Համայն Թուրքիայի

ժողովուրդների հետ: Միապետական ռեժիմի պայմանները միանման սոսկալի են ողջ Թուրքիայի Համար: Ուստի և Հայերի դրուժյունը կբարելավվի այն ժամանակ, երբ կբարելավվի ամբողջ Թուրքիայի ժողովուրդների բախտը: Իսկ բոլորիդ Հարցը կլուծվի, երբ կտապալվի սուլթանական ռեժիմը:

- Իսկ ե՞րբ կտապալվի սուլթանական ռեժիմը, - Հարցրի ես:

- Ե՞րբ, երբ որ Թուրքիայում նույնանման պայմանների տակ ապրող բոլոր ազգութիւնները և մանավանդ ամենից շատ տանջված տարրերը կմիանան՝ փշրելու գոյութիւն ունեցող կարգերը:

- Բայց չէ՞ որ Թուրքերը մահմեդական են և երբեք քրիստոնյաների հետ չեն միանա, - նկատեց ընկերս:

- Հայածվածներն ու ճշմարտները կրոն ու ազգութիւն չեն ճանաչում: Փորձեցեք Դուք, Հայերդ, այդ ուղղութեամբ գործել թուրք ժողովրդի հետ և երբեք Հայկական առանձին Հարց չբարձրացնեք: Հակառակ դեպքում դուք միայն հեռացնում եք ձեզանից բողոքող մուսուլման տարրերին և Հարստահարվածների դատը դարձնում ազգային՝ Հայկական դատ, մի բան, որ, բնականաբար, զրգտում է մուսուլման ժողովրդին...

Այդ ժամանակ դուրս ծեծեցին: Բեբելը նայեց ժամացույցին և տեղից բարձրացավ:

- Ներեցեք ինձ, ես գնալու եմ, տասը րոպե է միայն մնում: Եկեք ինձ մոտ, եթե ցանկանում եք, վաղը առավոտյան ժամը 10-11-ին: Ես այդ առիթով ձեզ հետ ավելի մանրամասն կխոսեմ: Թուրքիայի դրուժյունը քաղաքական մեծ Հարց է, և նա չէ կարող չհետաքրքրել մեզ: Ներեցեք:

Մենք վեր կացանք մեր տեղից:

Բեբելը մեզ ճանապարհեց մինչև դուրս: Սենյակը լիքն էր տասնյակ մարդկանցով:

Մենք դուրս եկանք և այդ երեկո մի քանի Հայ ուսանողների հետ ունեցանք երկար ու տաք վիճաբանութիւն: Մեր մեջ ծագեցին գծաբանութիւններ: Ընկերներիցս մի քանիսը Հայհոյում էին Բեբելին:

Մյուս օրը, շնորհիվ այդ գծաբանութիւնների, մենք վճռեցինք չգնալ Բեբելի մոտ»³:

Սա էր սոցիալ-դեմոկրատների խոր Համոզմունքը, ըստ որի թուրքական բռնակալութիւնից Հայ ժողովրդի ազգային ազատագրութիւնը Հնարավոր է միայն այն դեպքում, եթե միաժամանակ ուղբի կանգնեն օսմանյան բազմազգ կայսրութեան այլազգի ճշմարտ ժողովուրդները, և եթե դրանց պայքարին աջակից լինեն «սեփական» բռնապետական իշխանութեան դեմ սոցիալական կուլի ելած թուրք մեծապետական ազգի աշխատավոր դասակարգերը: Նրանք բազմիցս շեշտել են, որ այդ Հանգամանքը Հաշվի չառնելու դեպքում Հայ ազգային Հեղափոխական կուսակցութիւնները թուրքահայութեան ազատագրական

¹ Ստ. Շահումյան, ԵԼԺ, Հատ. երրորդ, էջ 48:

² Նույն տեղում:

³ «Երկրի ձայն» (Թիֆլիս), N 25, 18 նոյեմբերի 1907 թ.:

չարժուժը, ի վերջո, տանելու են դեպի կործանում, միաժամանակ մնալու են որպես արևելահայ աշխատավորների սոցիալական ազատագրության պայքարի ճանապարհի խոչընդոտներ:

Հայ բուլճարիների համար օսմանյան բռնապետությունը նույնքան ատելի էր, որքան Հայ քաղաքական մյուս ուժերի համար: Բայց, ի տարբերություն վերջինների, առաջինները գտնում էին, որ պետք է սպասել, մինչև որ սուլթանական ռեժիմի դեմ գինված կռվի դուրս գան ոչ թուրք այն ժողովուրդները, որոնք բազմաքանակ են, մեծ թիվ են կազմում կայսրության բնակչության ընդհանուր թվաքանակում (Հույներ, սլավոններ, արաբներ): Ահա այդ դեպքում միայն Հայերը ոչ միայն կարող են, այլև պարտավոր են միանալու նման հակասուլթանական մասսայական շարժմանը: Իսկ քանի որ առայժմ չկան թուրքիայում համաժողովրդական միասնական ճակատ ստեղծելու պայմաններ, ապա Հայերի համար կործանարար է գինված կռիվը¹:

**ՌՈՒՍԱԿԱՆ ՀԵՂԱՓՈԽՈՒԹՅԱՆ ՀԱՂԹԱՆԱԿԸ ՈՐՊԵՍ
ԹՈՒՐԿԱՀԱՅՈՒԹՅԱՆ ԱԶԱՏԱԳՐՄԱՆ ԵՆԱԿԵՏԱՅԻՆ ԳԱՅՄԱՆ**

Ֆ. Էնգելսի այն դրույթը, թե «Հայաստանի ազատագրումը թուրքերից, ինչպես նաև ռուսներից հնարավոր կլինի միայն այն օրը, երբ կտապալվի ռուսական ցարիզմը», դարասկզբից Հայ մարքսիստների համար դարձավ գործունեության և պայքարի ուղեցույց:

Ֆ. Էնգելսի նամակից հետևում է, որ Հայ ժողովուրդը սեփական ուժերով չի կարող հաղորդության հասնել: Հայ սոցիալ-դեմոկրատները, Էնգելսի արտահայտած միտքն ավելի կոնկրետացնելով, եկել էին այն եզրակացության, որ առանց արտաքին ուժի, սոյալ դեպքում առանց թուրքիային անմիջական հարևան երկրի՝ Ռուսաստանի աջակցության՝ Հայկական Հեղափոխությունն անհեռանկար է:

Բայց ո՞ր Ռուսաստանի մասին էր խոսքը Էնգելսի նամակում: Խոսքը գնում էր ցարիզմի կապանքներից ազատագրված Ռուսաստանի մասին:

Ռուսաստանի, այդ թվում Հայ, սոցիալ-դեմոկրատները, ինչպես ասվեց, չէին դնում թուրքիայի մասնատման հարցը, պատճառաբանելով, որ ցարական ռեժիմը ոչնչով տարբեր չէ սուլթանական ռեժիմից և որ պրոլետարիատը երբեք նպատակ չի ունեցել և այժմ էլ չունի մասնակից լինել մի օտար պետության պատկանող տարածքների գրավմանը: Ուրիշ տարածքների և ունեցվածքի վրա միշտ աչք են ունեցել ցարիզմը և նրա նման բռնապետությունները, բայց ոչ երբեք բանվոր դասակարգը: Ռուսաստանի պայմաններում

պրոլետարիատի ուժերը պետք է ուղղվեն Հեղափոխության միջոցով ցարիզմի տապալմանը, որի հետևանքով կվերանա նաև արևմտահայության ազատագրության ճանապարհի գլխավոր խոչընդոտը: Ինչպես Ֆրանսիական մեծ Հեղափոխությունը ճակատագրական նշանակություն ունեցավ Արևմտյան Եվրոպայի պետությունների համար, գրում էր Մրավյանը (Արսեն Ամիրյան), այնպես էլ ռուսական Հեղափոխության Հաղթանակը Հսկայական ազդեցություն կունենա առաջին հերթին Հարևան երկրների, այդ թվում թուրքիայի վրա՝ առաջ բերելով հակասուլթանական դեմոկրատական շարժում, որի հաղթության դեպքում Հայ ժողովուրդը նույնպես ազատագրություն կստանա կայսրության բոլոր ժողովուրդների հետ: Սուլթանական անարգ ռեժիմից ազատագրված արևմտահայությունը հավասար իրավունքներով մասնակից կլինի օսմանյան երկրի առաջընթացին, իսկ ցարական բռնապետությունից ազատագրված արևելահայության համար կբացվեն զարգացման հսկայական հնարավորություններ: Հայ ժողովրդի երկու հատվածների միավորման հարցը պետք է թողնել ապագային: Նա ընդգծում էր ռուսական Հեղափոխության ազատարար նշանակությունը Հայ ժողովրդի համար և նրան կոչ էր անում կողմնորոշվել դեպի դեմոկրատական, Հեղափոխական Ռուսաստան, դեպի ցարիզմի դեմ մղվող համաժողովրդական պայքար: Այդ պայքարի ելքը կվճռի նաև արևմտահայերի բախտը: «- Տաճկահայաստանի ազատագրումը Ռուսաստանի ազատագրման միջոցով - ներկա պայմաններում միակ ուղիղ և անսայթաք ճանապարհն է»։ «Միայն ռուսական բռնապետության տապալումն է, որ ճանապարհ կբացե Տաճկահայաստանի ազատագրմանը»¹:

Այսպիսով, սոցիալ-դեմոկրատների խոր համոզմամբ, ցարիզմի փլուզմանը և արևմտահայության համար Ռուսաստանի դեմոկրատիան է փրկություն բերելու թուրքահայությանը: Դրանից հետևում էր, որ ռուսահայերը անվարան պետք է ընդգրկվեն Համառուսաստանյան Հեղափոխական շարժման մեջ և իրենց ուժերը ներածի չափով նպաստեն երկրի դեմոկրատացմանը:

Շատ ուշագրավ են այն մտքերը, որ Հայկական Հարցի մասին Շվեյցարիայում Գ. Ղարաջյանի (Արկոմեդ) հետ ունեցած զրույցների ժամանակ արտահայտել է Գ. Վ. Պլեխանովը:

«Պլեխանովը, - պատմում է Գ. Ղարաջյանը, - Հայկական Հարցի մասին այն կարծիքին էր, որ թուրք-ափսիական պայմաններում պարտիզանական կռիվներով հազիվ թե որևէ բանի կարելի լինի հասնել: Իրվանագիտության վրա հույս դնելու նույնպես բնավ հիմք չկա: Ցարական իշխանությունը, ներկա դեպքում, հանդիսանում է ինչպես Հայ, այնպես էլ ճնշված այլ ազգերի դատան թշնամին: Չխոսելով արդեն թուրքական դեպոտիզմից ազատագրվելու համար թուրքահայերի Հեղափոխական ինքնագործունեության զարգացման մասին, ռուսահայերն իրենց գլխավոր ուշադրությունը պետք է կենտրոնաց-

¹ Այդ մասին տե՛ս ակադեմիկոս Աշոտ Հովհաննիսյանի «Միջայիլ Նալբանդյանի և ռուս Հեղափոխական-դեմոկրատների գաղափարական ընդհանրություններն ու քաղաքական կապերը» («Գրական թերթ», N 16 (1324), 15 ապրիլ 1966թ.):

¹ Ա. Մրավյան, Դաշնակցության կրիգսը, էջ 39, 40:

նեն Ռուսաստանի քաղաքական ազատագրական շարժման վրա, որն, անկասկած, կհեշտացնի թուրքիայի ճնշված ժողովուրդների, այդ թվում և հայերի ազատագրման խնդիրը»¹:

Կրկին ու կրկին շեշտելով ռուսական հեղափոխությանը միանալու անհրաժեշտությունը՝ Ստեփան Շահումյանը նշում էր, որ պայքարող կովկասահայությունը այդ դեպքում իր ուժերը կգումարի հեղափոխության մյուս բազմազգ շրջանների ուժերին: Միայն այդպես անխորտակ կլինի հայության ազատագրական պայքարը թե՛ Ռուսաստանում և թե՛ թուրքիայում:

Սոցիալ-դեմոկրատների նման հաստատումները բնավ չէին համընկնում ո՛չ հնչակյան կուսակցության և ո՛չ էլ առավել ևս Ն.Յ. դաշնակցության տեսակետներին: Սրանց հետ համախոհ էին նաև արմենական և վերակազմյալ հնչակյան կուսակցությունները:

Այդ բոլոր ազգային կուսակցությունները միասակար էին համարում ռուսական հեղափոխական շարժումներին հայերի մասնակցությունը, գտնելով, որ սոցիալ-դեմոկրատները, հատկապես նրանցից բոլշևիկները, Կովկասի հայ բանվորներին ու գյուղացիներին քաղաքական պայքարի կոչելով, կոխվ են հայտարարում թուրքահայ դատին, մեծապես միասուլժ արևմտահայ ժողովրդի ազատագրության գործին:

Դաշնակցականները գտնում էին, որ թուրքահայ ազատագրական շարժումը կապել ռուսական հեղափոխության հաղթանակի անորոշ հեռանկարի հետ, նշանակում է հայ հեղափոխական ուժերին դատապարտել կրավորական սպասողականության կամ ուղղակի անգործության:

Հայ մարքսիստները վճռականապես մերժում էին նման վերագրումները՝ հետևողականորեն պաշտպանելով թուրքահայ և ռուսահայ ազատագրական շարժումների իրենց առաջադրած տակտիկան:

Անդրադառնալով հայ ժողովրդի պատմական ճակատագրում ռուսական հեղափոխության դերին՝ Ստեփան Շահումյանը գրում էր, որ Ռուսաստանը, որտեղ չկա քաղաքական ազատություն, չկա ազատ խոսք, մամուլ, որտեղ օրենքի տեղ բռնություն և կամայականություն է տիրում, երբեք չի կարող աջակից լինել թուրքահայության ազատագրությանը, ուստի ամենից առաջ պետք է կոխվ հայտարարել այն պայմանների դեմ, քաղաքական այն կարգերի դեմ, որոնք արգելակում են ժողովրդի ազատ բնական զարգացումը: Նա նշում էր, որ ցարական բռնակալության դեմ կոխվել կլինի դաժան, կենաց ու մահու, կպահանջի մեծ անձնազոհություն, միաժամանակ անհիմն էր համարում այն պատճառաբանությունը, թե Ռուսաստանի ռազմաոստիկանական տիրող պայմաններում ցարիզմի դեմ կոխվն անհնարին, անմիտ բան է:

Անընդունելի համարելով հեղափոխության հաղթանակի նկատմամբ նման

հոռետեսությունը՝ Շահումյանը գրում էր, որ պրոլետարիատի համար չկա այն գորեղ թշնամին, որի դեմ կոխվն անհնարին լինի:

Այսպիսով, վերը շարադրվածը լուսարձակում է թուրքահայաստանի ազատագրական դերի մասին եվրոպական և ռուսական սոցիալ-դեմոկրատների, բոլշևիկյան գործիչների կայուն տեսակետը՝ ռուսական հեղափոխության հաղթանակը եվրոպայի և Ասիայի ճնշված ժողովուրդների, այդ թվում թուրքահայության ազատագրման ելակետային պայմանն է:

ՈՐԸ Է ՌՈՒՍԱՀԱՅՈՑ ՊԱՐՏՔԸ ԹՈՒՐԱՀԱՅՈՑ ՀԱՆԴԵՊ

Մարքսիստները գտնում էին, որ ճնշված ու հալածված ժողովուրդների, այդ թվում թուրքահայերի ազգային ազատագրական շարժումներին սոցիալ-դեմոկրատները կարող են միայն բարոյական աջակցություն ցույց տալ, և այդ տեսակետից էլ որոշում էին ազգային շարժումների նկատմամբ իրենց համակրանքի և քաղաքացիական պարտքի չափը:

Կ. Մարքսը անիրագործելի և հետադիմական էր համարում եվրոպական տերությունների ձգտումը՝ պահպանելու օտտոմանյան կայսրությունն այն դրությունք, որի մեջ նա այն ժամանակ գտնվում էր: «Փաստն այն է, - գրել է Կ. Մարքսը 1853թ.,- որ հարկ կլինի այսպես թե այնպես թուրքերի վերջը տալ (նկատի ունի թուրքական պետության վերջը: - Հ. Ս.)»¹: Բայց թուրքական և ամեն մի բռնապետական բազմազգ պետության վերջը պետք է զա ոչ թե մի ազգի (տիրապետող) նկատմամբ մյուս ազգի (ազգերի) տարած հաղթանակի միջոցով, այլ համաժողովրդական հաղթանակի արդյունքով, որի հիմնական շարժիչ ուժը պետք է լինեն, առաջին հերթին, տիրապետող ազգի պրոլետարիատը և աշխատավոր մյուս դասակարգերը:

Վ. Լենինը «Ուրիշի դրոշի տակ» հոդվածում գրել է. «Մարքսիստները երբեք չեն ժխտել ֆեոդալական-արտոյուտիստական ուժերի դեմ մղվող բուրժուական-ազգային ազատագրական շարժումների առաջադիմականությունը»²: Նա մատնանշել է. «Ոչ միայն 1855, 1859, 1864, 1866, 1870, այլև 1877 թվականի (ռուս-թուրքական) և 1896-1897 թվականների պատերազմների (Հունաստանի դեմ թուրքիայի պատերազմի և հայկական հուլունների) ժամանակ, պատմական երևույթների հիմնական օբյեկտիվ բովանդակությունը եղել են ազգային-բուրժուական շարժումները կամ ֆեոդալիզմի տարբեր ձևերից ազատագրվող բուրժուական հասարակության «ըղածղումները»³: «Ենթադրենք, - գրել է Լենինը, - երկու երկիր պատերազմում են իրար դեմ բուրժուական, ազգային և ազատագրական շարժումների դարաշրջանում: Ո՞ր երկրին

¹ Ս. Տ. Արկոմեդ, Բանվորական շարժումը և սոցիալ-դեմոկրատիան Կովկասում, մաս I, Երևան, 1929, էջ 18:

¹ К. Маркс и Ф. Энгельс, Соч., т. IX, стр. 392.

² Վ. Ի. Լենին, ԵԼԺ, հատ. 26, էջ 165:

³ Նույն տեղում, էջ 172:

Հաջողություն ցանկանալ ժամանակակից դեմոկրատիայի տեսակետից: Պարզ է, որ այն երկրին, որի Հաջողությունը ավելի ուժգին առաջ կմղի և առավել փոթորկալի կծավալի բուրժուազիայի ազատագրական շարժումը, ավելի ուժգնորեն կբայթայի Ֆեոդալիզմը»¹:

Ի. Ստալինը իր «Ազգային Հարցը և լեհինիզմը» նշանավոր աշխատության մեջ խոսում էր Թուրքիայում տեղի ունեցող ասիմիլյացիայի խիստ դժգոհ մեթոդների մասին: «Թուրքական ասիմիլյատորները, - ընդգծում էր նա, - բոլոր ասիմիլյատորներից ամենադժգոհները, - Հարյուրավոր տարիներ խոչտանգում և խեղում էին բալկանյան ազգերին ... պարսկական ու թուրքական ասիմիլյատորները Հարյուրավոր տարիներ ծվատում, խոչտանգում ու բնաջնջում էին Հայ և վրացի ազգերին»²:

Օսմանյան ռեժիմի դեմ Հայ ժողովրդի պայքարի արդարացիության մասին բազմիցս արտահայտվել են ականավոր մարքսիստներ Ավգուստ Բեբելը, Վիլ Հելմ Լիբկնիխտը, Ռոզա Լյուքսեմբուրգը, ժան Ժորեսը, Ժյուլ Գեդը, Էդուարդ Բեռնշտայնը, Կարլ Լիբկնիխտը, Գեորգի Պլեխանովը և ուրիշներ:

1902թ. մարտի 4-ին Եվրոպայի Հայ ուսանողական միության լիազոր կոմիտեին Հղած իր նամակում Կարլ Կաուցկին նշում էր, որ ինքը «ամբողջ սրբտով Հայոց դատի Համակրող ու պաշտպան» է և Հայոց դատ ասելով՝ Հասկանում է «ոչ միայն լուկ նրանց պաշտպանությունը թուրքական և քրդական կոտորածների դեմ, այլ վերականգնումը նրանց ազգային անկախության»³:

1902թ. աշնանը Հայ մարքսիստների մի խումբ Կ. Կաուցկուց խնդրում է առաջաբան գրել «Էրֆուրտյան ծրագրի» Հայերեն Հրատարակության Համար՝ Հատկապես արձարձելով ազգային Հարցը: Կաուցկին կատարում է «Հայ բարեկամների խնդրանքը», գրում է առաջաբան, ուր նշում է, որ «ազգային Հարցը Հենց Հիմա Հատուկ նշանակություն ունի նրանց («Հայ բարեկամների» - Հ. Ս.) Համար»⁴: Ուշագրավ է, որ այդ առաջաբան-Հոդվածում Կ. Կաուցկին շարադրել է ոչ միայն իր սեփական Հայացքները Ռուսաստանում և Կովկասում ազգային Հարցի վերաբերյալ, այլև պարզել է ազգային Հարցում Հայ սոցիալ-դեմոկրատների դիրքորոշումը, միաժամանակ ընդգծել նրանց իրավացի լինելը⁵:

1895-1896թթ. Հայկական շարժերի ազդեցության տակ սոցիալիստական շարժման ականավոր գործիչ Ռոզա Լյուքսեմբուրգը գրում է «Ազգային խնդիրը Թուրքիայում և սոցիալ-դեմոկրատիան» վերնագրով Հոդվածը, որը տպագրվել է Դրեզդենում լույս տեսնող "Sächsische Arbeiterzeitung" («Սաքսոնական բանվորական լրագիր») թերթի 1896թ. Հոկտեմբերի 8-ի, 9-ի և 10-ի

¹ Վ. Ի. Լենին, ԵԼԺ, Հատ. 26, էջ 168:

² Ի. Ստալին, Երկեր, Հատ. 11, էջ 395:

³ Միքայել Վարանդան, Հայրենիքի գաղափարը, էջ 47:

⁴ К. Кауцки, Национальный вопрос, 1922, стр. 47.

⁵ Նույն տեղում:

Համարներում (NN 234, 235, 236):

Լյուքսեմբուրգը քաջատեղյակ էր թուրքական լծի տակ Հեծող բազմաթիվ, Հատկապես քրիստոնյա, ժողովուրդների ազատագրական պայքարին: Ի տարբերություն եվրոպական սոցիալիստական շարժման խոշոր գործիչների մեծ մասի՝ Լյուքսեմբուրգը դրանց թվում առաջիններից մեկն էր, որ մերժեց այդ շարժման մեջ լայնորեն տարածված կարծիքը, թե թուրքական կայսրության քրիստոնյա ժողովուրդների՝ Հայերի, Հույների, բուսնիացիների, սերբերի, բուլղարների «խռովությունները» արհեստականորեն հրահրված են մեծ տերությունների կողմից, իսկ «Հայերի ապստամբությունները ռուսական ռուբլով գնված գործակալների գործն է»¹: Լյուքսեմբուրգը շեշտում էր, որ սոցիալ-դեմոկրատիայի շարժերում գոյություն ունեցող այդ տեսակետը «սկզբունքորեն ոչնչով չի տարբերվում բուրժուական դիրքավորումից»²: Թուրքիայի ճնշված ժողովուրդների ապստամբությունները, գրում էր նա, Հետևաբար են այդ երկրում տիրող տնտեսական և իրավական ճնշման, ազգային և կրոնական խոր Հակադրությունների: Ծնշվածներն ու Հալածականներն այլևս ի վիճակի չեն տանել օսմանյան բռնապետության սարսափները, միջնադարյան Հետամաջությունն ու խավարը:

Ռ. Լյուքսեմբուրգը լիովին չէր ժխտում մեծ տերությունների դիվանագիտության դերը քրիստոնյա ժողովուրդների Հակաթուրքական ապստամբությունների մեջ, բայց դա Համարում էր չնչին պատճառ այն գործոնների թվում, որոնք առաջ են բերում այդ ապստամբությունները: «Իվանագիտությունը սովյակ դեպքում մի վառվող տաշեղ է նետում դարերի անարդարությունից և շահագործումից լեռան չափ դիզված բոցավառ նյութի մեջ»³, - գրում էր նա:

Այնուհետև Լյուքսեմբուրգը պարզում էր այդ ամենի Հանդեպ սոցիալ-դեմոկրատիայի դիրքը՝ այն բանաձևերով երեք կետերի մեջ. «1. Թուրքիայի կազմալուծման պրոցեսը պետք է ընդունել որպես Հաստատ իրողություն և չմտածել, թե այն կարելի է կամ պետք է կասեցնել, 2. Քրիստոնյա ազգերի ինքնուրույնության ձգտումներին վերաբերվել լիակատար Համակրանքով, 3. Դրանք, սակայն, ամենից առաջ ողջունել որպես ցարական Ռուսաստանի դեմ ուղղված պայքարի միջոց և Հաստատակամորեն Հանդես գալ Հոգուտ նրանց անկախության ինչպես ընդդեմ Ռուսաստանի, նույնպես և ընդդեմ Թուրքիայի»⁴:

Ինչպես ընթերցողը նկատում է, Ռ. Լյուքսեմբուրգը չէր սահմանափակվում Թուրքիայի քրիստոնյա ժողովուրդների և Հատկապես Հայ ժողովրդի

¹ «Բանբեր Երևանի Համալսարանի. Հասարակական գիտություններ», N 2(14), 1971, էջ 138:

² Նույն տեղում:

³ Նույն տեղում:

⁴ Նույն տեղում, էջ 147:

ազատագրական պայքարի նկատմամբ համակրանք տածելով և կայսրության սահմաններում նրանց ազատագրությունը տեսնելու ձգտումով, ինչպես անում էին Ֆ. Էնգելսը և եվրոպական սոցիալ-դեմոկրատիայի այլ առաջնորդներ: Նա ավելի առաջ էր գնում և հաստատակամորեն հանդես էր գալիս հօգուտ այդ ժողովուրդների անկախության՝ Թուրքիայից և Ռուսաստանից: Սակայն նրա հորվածից չի երևում, թե նա պաշտպանում էր թուրքական բռնակալության դեմ գինված պայքարով ազգային անկախություն և ազգային պետականություն ձեռք բերելու գաղափարը: Հավանաբար նա հակված էր հարցի լուծման խաղաղ տարբերակին:

Միջազգային սոցիալ-դեմոկրատիան թուրքական կառավարության ջարդարար քաղաքականության դեմ բազմիցս իր ձայնը բարձրացրել է նաև պաշտոնապես: Երկրորդ ինտերնացիոնալի ղեկավար մարմինները, առիթը ներկայանալիս, եվրոպական կառավարություններին հորդորում էին ակտիվ միջամտել հայերի նկատմամբ թուրքական կառավարության ջարդարար քաղաքականությանը, դատապարտել նրա գործողությունները, կանխել սպառնալիք նոր կոտորածները:

Այսպես, օրինակ՝ 1900 թվականին Երկրորդ ինտերնացիոնալի Փարիզի միջազգային կոնգրեսը Հայկական Հարցի վերաբերյալ ընդունել էր մի հատուկ բանաձև, որտեղ գրված էր.

«Փարիզի սոցիալիստական միջազգային համաժողովը, վերստին շեշտելով եղբայրական համակրության զգացմունքները, որոնք պիտի միացնեն բոլոր ժողովուրդներին, գայրույթով բողոքում է Հայաստանում կատարված բռնաբարությունների, խժժությունների ու ջարդերի դեմ և ... հրավիրում է պառլամենտական սոցիալիստ խմբերին ամեն մի դեպքում միջամտել հօգուտ անարգաբար Հարստահարված Հայ ժողովրդի, որին համաժողովը ուղղում է իր ջերմ ու սերտ համերաշխության հավաստիքը»¹:

Երկրորդ ինտերնացիոնալի միջազգային սոցիալիստական բյուրոն 1901թ. հոկտեմբերի 15-ին հրատարակեց «Բոլոր երկրների բանվորական կուսակցություններին» կոչը, որի մեջ տազնապ էր արտահայտում Հայ ժողովրդի դեմ սուլթանական կառավարության կողմից նյութավոր նոր ոճրագործության հնարավորության առթիվ, ցույց էր տալիս, որ հայերի նկատմամբ եվրոպական կառավարությունների հանցագործ անտարբերությունն ու անգործությունը միայն խրախուսում են Աբդուլ Համիդին, որն իր հպատակ ժողովրդի հետ վարվում է այնպես, ինչպես ինքն է կամենում: Սոցիալիստական բյուրոն բանվորական կուսակցությունների պարտքն էր համարում տառապյալ Հայ ժողովրդի նկատմամբ արտահայտել «պրոլետարական և միջազգային համերաշխություն», իրենց տրամադրության տակ եղած բոլոր միջոցներով ճնշում գործադրել եվրոպական երկրների կառավարությունների վրա, որպեսզի նրանք

¹ «Երոշակ», N 7(118), 1901, Հավելված, էջ 2:

զբաղվեն Հայկական խնդրով: Դիմելով աշխատավորներին, Ինտերնացիոնալի բյուրոն կոչ էր անում.

«Ձեր և ձեր թերթերի ու պատերազմների վրայ պարտք է ընկնում ... ի լոյս հանել նրա (սուլթանի - Ն.Ս.) ոճիրները և ձեր համակրանքի ու քաջալերության խոսքերն ուղղել նրանց, որոնք տառապում և կուռում են ապրելու իրավունքը նաևճելու համար»²:

Միջազգային բյուրոյի կոչին արձագանքեցին մի շարք երկրների սոցիալիստական կուսակցություններ: Ֆրանսիական սոցիալիստական կուսակցությունը այդ առթիվ հրատարակեց մանիֆեստ, որում կոչ արեց սոցիալիստներին և բոլոր աշխատավորներին ուղքի կանգնել և լսեցնել իրենց ձայնը հօգուտ Թուրքիայի ճնշված հայերի³:

Հայկական Հարցի նկատմամբ նույն անշեղ տեսակետներն ու վերաբերմունքն ունեին եվրոպական և ռուսական սոցիալ-դեմոկրատների Հայ գործընկերները՝ Ստեփան Ծահուլյանը, Բոզդան Կուլյանցը, Սուրեն Սպանդարյանը, Ալեքսանդր Մյասնիկյանը, նրանց համախոհներն ու զինակիցները, անդրկովկասյան և համառուսական բոլշևիկյան մամուլը:

Արդեն դարասկզբին Հայ սոցիալ-դեմոկրատները բուռն փիճաբանությունների մեջ էին դաշնակցական և հնչակյան տեսաբանների հետ և իրենց տեսակետները պարզաբանում ու պաշտպանում էին Հայկական Հարցին նվիրված ժողովներում, հավաքույթներում, դիսպուտներում, մամուլի տարբեր օրգաններում:

Բազմաթիվ ելույթներով և տեսական հոդվածներով Հարցին անդրադառնում էր Ստ. Ծահուլյանը:

Դեռ 1901թ. ղեկտեմբերին Ռիգայում հրավիրված Ռուսաստանի Հայ ուսանողների համագումարում Ծահուլյանը բուռն բանակրով էր մղում այն պատգամավորների դեմ, որոնք գտնում էին, թե Հայ ուսանողությունը չպետք է մասնակցի համառուսաստանյան հեղափոխական շարժումներին, այլ միայն պետք է զբաղվի տաճկահայերի ազատագրության խնդիրներով: Վճռականապես մերժելով այդ տեսակետը՝ նա շեշտում էր, որ «որքան ազատ քաղաքական պայմաններ ստեղծվին Ռուսաստանում և Կովկասում, այնքան ավելի դյուրին կլինի տաճկահայերին օգնելը, քանի որ, ինչպես ցույց են տվել փաստերը, ցարի կառավարությունը թշնամի է տաճկահայերի ազատագրական շարժմանը»³: Իսկ դա նշանակում է, ասում էր Ծահուլյանը, որ Հայ ուսանողությունը պետք է ակտիվորեն մասնակցի հակացարական պայքարին, որի հաղթանակի դեպքում միայն մեծապես կհեշտանա տաճկահայության ազատագրության գործը:

¹ «Երոշակ», N 7(118), 1901, Հավելված, էջ 2:

² Նույն տեղում, N 8 (119), 1901, էջ 143:

³ Վ. Ա. Ավետիսյան, Հայ հասարակական մտքի զարգացման մարքա-լինիյան փուլի սկզբնավորումը, էջ 399:

Ստ. Շահումյանը բազմիցս նշել է, որ Հայ բուլճակիները երբեք անտարբեր չեն եղել արևմտահայերի բախտի նկատմամբ, երբեք նրանց ուղղված մեղադրանքի կամ ամենափոքր իսկ նախատինքի խոսք չեն ասել: Ընդհակառակը, օսմանյան բռնակալության դեմ տաճկահայության ծավալած ազատագրական շարժումը միշտ համարել են բնական ու արդարացի: Նա շեշտում էր, որ բուլճակիների քննադատություններն ուղղված են Հայ ազգային կուսակցությունների դեմ, բայց ոչ թե նրա համար, որ այդ կուսակցությունները ստանձնել են իրենց ժողովրդի շարժման ղեկավարությունը, այլ որովհետև շրջահայաց չեն, խելոք և զգուշությամբ չեն վարում այդ շարժումը, միամտաբար ապավինում են իմպերիալիստական տերությունների դիվանագիտությանը, տարվում են այդ տերությունների կառավարությունների առատ, բայց սին խոստումներով, պարբերաբար ընկնում են նրանց լարած թակարդը, իրենց հետևից դեպի անդունդ են տանում խաղաղ ու մոլորյալ ժողովրդին, որի հետևանքով նա ենթարկվում է արյունալի ջարդերի և ուրիշ սոսկալի աղետների:

Հայկական հարցին հաճախ է անդրադարձել Բողազան Կնունյանցը: 1902թ. «Նացիոնալիզմ և սոցիալիզմ» թեմայով նա ռեֆերատ էր կարդացել Հայ ունկընդիրների առջև, որի շուրջ ծավալվել էին բուռն վիճաբանություններ. կովկասահայր պիտի՞ մասնակցի ուսական ցարի դեմ սկսված կռիվին, թե՞ կռիվ պիտի տա սուլթանի դեմ: Երկար հակաճառություններից հետո երկու կողմերը մնացել էին իրենց տեսակետներին¹:

Իր կազմած և ՌՄԻԲԿ II Համագումարին ներկայացրած Բաքվի կոմիտեի զեկուցագրում Կնունյանցը նշել է. «Բաղաբական այն ծանր պայմանները, որոնցում ապրում են Թուրքիայում 3 միլիոն Հայեր՝ բարբարոսական հետապնդումները, մասսայական հալածանքները, Փոքր Ասիայում մի քանի անգամ կազմակերպված ջարդերը, չեն կարող չհրավիրել ուսահայատակ Հայերի, մասնավորապես ինտելիգենցիայի ռադիկալ մասի ուշադրությունը»²:

Հետագայում նույնպես Բ. Կնունյանցը անդրադարձել է Թուրքահայության ազատագրական շարժման հարցերին: 1909թ. տպագրած «Թուրքիայի իրադարձությունների շուրջը» հոդվածում նա գրել է, որ այդ երկրում ծավալված ազգային ազատագրական շարժումները մեծ ուժ և թափ են հաղորդել երիտթուրքերի 1908թ. հեղափոխությանը, բայց վերջիններս դարձել են նրանց դահիճները: Աբդուլ Համիդը, նշել է նա, մոլեռանդ ու բարբարոս էր, նրա հետևորդները՝ ազգայնամոլ, կեղծ և ավելի վտանգավոր: Եվ բոլոր դեպքերում տանջվում, տառապում և ստիպված շարունակ պայքարի մեջ է Հայ ժողովուրդը³:

Հայ սոցիալ-դեմոկրատների միության ձևավորման հենց սկզբում (1902թ.) կազմակերպության ընդունած փաստաթղթերում արտահայտվել էին Թուրքա-

Հայության հանդեպ ունեցած տագնապները: «Միության» օրգան «Պրոլետարիատում» տպագրված հոդվածներից մեկում այն միտքն էր զարգացվում, թե ազգային ազատագրական պայքարը մեծապես առաջ է մղել Հայ ժողովրդի ազգային ինքնագիտակցությունը, մեծապես նպաստել է ազգային գրականության զարգացմանը՝ Խ. Աբովյանից մինչև Ա. Շիրվանզադեի: «Ներքին տեսություն» վերտառությամբ հոդվածում Թերթը անարգանքի սյունին էր դառնում Թուրքահայության հարստահարիչներին, մերկացնում նրանց ստոր ու դավադիր գործերը, բիրտ ու դաժան քաղաքականությունը: Հայ սոցիալ-դեմոկրատները լուսաբանել են Թուրքիայից Կովկաս փախած Հայերի նկատմամբ սուլթանի և ցարի բարբարոս, կատարյալ հակամարդկային վերաբերմունքը, դիմակազերծել իրար հետ գործարքի մեջ մտնելը ընդդեմ թշվառ գաղթականության՝ որակելով այն որպես «պատմության արյունոտ և մռայլ էջ»⁴:

«Պրոլետարիատի» հոդվածների և նյութերի վերլուծությունը ցույց է տալիս, որ Հայ սոցիալ-դեմոկրատները չէին ուրանում Թուրքահայ դատի գոյությունը, բայց մտահոգված արևմտահայերի ծանր ճակատագրով, քննադատում էին այդ դատի շուրջ տարվող գործելակերպը: Նրանք չէին հաշտվում այն մտքի հետ, որ ուսահայերը այսուհետ ևս պիտի շարունակեն դրսից կարգավորել արևմտահայերի գործերը: Որպեսզի այդ բանը տեղի չունենա, ուսահայերին օր առաջ պետք է դուրս բերել ուսահայ բուրժուազիայի կործանարար ազդեցությունից:

«Պրոլետարիատը» չէր նույնացնում Հայ ազատագրական շարժումը և ազգային-հեղափոխական կուսակցությունների գործունեությունը, Թուրքահայերին հրավիրում էր դեպի քաղաքական ինքնագործունեություն, նրանց առաջարկում էր՝ հակառակ այդ կուսակցությունների ծրագրային նպատակների, դաշնակցել Ռուսաստանի հեղափոխական պրոլետարիատի հետ:

«Պրոլետարիատի կռիվը» բուլճակյան Հայերեն առաջին թերթի ՈւՄԻ-ում գետեղված են Հայկական հարցի մասին մի շարք նյութեր, այդ թվում «Մեր պատասխանը» անստորագիր հոդվածը, որը ակադ. Աշոտ Հովհաննիսյանի վկայությամբ Բ. Կնունյանցին է: Հոդվածում արտահայտված էր ուսահայությանը տոչորոզ ցավը՝ Թուրքահայերի վիճակի օր-օրի վատթարացման կապակցությամբ: Հեղինակը նկատում էր, որ «ոչ մի մարդասեր, ոչ մի իսկական սոցիալիստ երբեք չի կարող անտարբերությամբ տանել այն բոլոր գազանությունները, որոնք սոսկալի թափով տեղի են ունենում այն երկրում, որը Թուրքաց Հայաստան է կոչվում»⁵: Միաժամանակ Կնունյանցը շեշտում էր, որ ոչ մի տեղ գոյություն չունի առճակատում սոցիալիզմի ներկայացուցիչների ու որևէ նահատակ ազգի, սոցիալ-դեմոկրատների և ազատության ձգտող ուժերի միջև⁶:

¹ Տե՛ս Հովհաննես Ինճիկյան, Բողազան Կնունյանց, Երևան, 1957, էջ 49:

² Второй съезд РСДРП. Протоколы, М., 1959, стр. 530.

³ Տե՛ս «Бакчисские вестн», N 1, մայիս, 1909թ.:

⁴ «Պրոլետարիատ», N 1, 1902թ.:

⁵ Նույն տեղում:

⁶ «Պրոլետարիատի կռիվը», N 2-3, 1903թ.:

⁷ Նույն տեղում:

Հայ մարքսիստները, գրում էր նա, սկզբից ևեթ մտահոգվել են արևմտահայերի բախտով, բայց ոչ այնպես, ինչպես Հայ ազգային կուսակցությունները և Հոսանքները: «Ուղարկելով Տաճկահայաստանում կռիվող եղբայրներին մեր սոցիալիստական ուղիչները, - ասված էր Հոդվածում, - մենք բացարձակ կերպով Հայտարարում ենք մեր համակրությունը բազմաչարչար տաճկահայ ժողովրդի ազատարար գործին, և մեր անկեղծ ցանկությունն է, որ ազատությունը Հասնի որքան կարելի է շուտ»¹:

Բոլշևիկ Վահան Տերյանը Թուրքահայաստանի մասին իր մի գրություն մեջ նշել է. «Մենք, Հայ սոցիալ-դեմոկրատներս (բոլշևիկներս), հաստատ գիտենք, որ լուկ պրոլետարական-գյուղացիական Հեղափոխությունը և բանվորների ու չքավորագույն գյուղացիների կառավարության ստեղծումը կարող է ազատություն բերել արտասահմանյան մեր եղբայրներին՝ Թուրքահայերին, և բուժել նրանց խոր վերքերը»²: Ռուսական Հեղափոխական շարժումներին Հայ պրոլետարիատի մասնակցությունն անխուսափելի է, նշում էր նա, քանի որ այդ պրոլետարիատը անբաժանելի մասն է Համառուսաստանյան պրոլետարիատի, Հետևապես ցարիզմի և կապիտալիստական շահագործման դեմ նրանց համատեղ պայքարը պայմանավորված է դասակարգային նույն ճակատագրով, Հետևաբար՝ պատմականորեն ձևավորված օբյեկտիվ պայմաններին:

Այս էր ազգային շարժումների նկատմամբ սոցիալ-դեմոկրատիայի վերաբերմունքի հիմնարար սկզբունքը:

Ճնշված ազգերի Հանդեպ իրենց համակրանքը մարքսիստներն արտահայտում էին մամուլով, բանավոր խոսքով, ցույցերում ու միտինգներում Հնչեցրած ելույթներով: Անշուշտ, նրանց համակրական արտահայտությունները սոսկ պլատոնական սիրո արտահայտություններ չէին, այլ ազգերի նկատմամբ սկզբունքային տակտիկական վերաբերմունքի արտահայտություն և պարզապես Հեղափոխականների քաղաքացիական պարտք: Միջազգային սոցիալ-դեմոկրատիան, որը քաղաքական պայքարի ասպարեզ էր իջել և հանուն պրոլետարիատի սոցիալական ազատագրության անգիջում կռիվ էր Հայտարարել կապիտալիստական շահագործման ու բռնության դեմ, չէր կարող անտեսել տնտեսական, ցեղային, մշակութային, կրոնական այն ճնշումները, որոնք կատարվում էին ազգային Հողի վրա՝ լինեին դրանք Եվրոպայի գոտում, ծայրագույն արևելքում թե Կովկասում:

Սակայն, ինչպես տեսանք, ազգային շարժումների նկատմամբ մարքսիստների վերաբերմունքը սահմանափակված էր բարոյախոսական կոչերով և համակրական արտահայտություններով: Մենք անտարբեր չենք Թուրքահայոց ճակատագրի Հանդեպ, չենք դատապարտում իրենց եղբայրներին օգնություն գնալու կովկասահայ երիտասարդների ազնիվ ձգտումները, - ասում էին

¹ «Պրոլետարիատի կռիվը», N 2-3, 1903թ.:

² Վ. Տերյան, Երկեր, հատ. 3, Հայպետհրատ, Երևան, 1963, էջ 506:

նրանք, - բայց վճռականապես դեմ ենք Թուրքիայում Հայ Հեղափոխականների գործնական քայլերին:

ԱՀա թե ինչու Հայ ազգային-Հեղափոխական կուսակցությունները և ազգային գործիչները սոցիալ-դեմոկրատներին մեղադրում էին, որ նրանք միայն բավարարվում են Թուրքահայ մղձավանջի վերացման բարի ցանկություններով, «ձեռքերը ծալած» միայն քննադատում են ուրիշների արածը: Եթե նրանք չեն ուզում մոտենալ Հայկական Հարցին, պետք է գոնե մասնակցեն Թուրքիայի դեմոկրատացման սպասվելիք գործընթացին, որին լծված են դաշնակցականները, հնչակյանները, Եվրոպական առաջադեմ գործիչները, նույնիսկ երիտասարդ Թուրքերը:

Հետևում էր սոցիալ-դեմոկրատների պատասխանը, թե իրենք արևմտահայերի ազատագրական պայքարի հաղթանակով շահագրգռված են թեկուզ Հենց այն բանի համար, որ այդ հաղթանակից Հետո Հայ ազգային կուսակցությունները, և հատկապես դաշնակցությունը, այլևս չէին կարող շարունակել տարիներ ի վեր մղող իրենց այն պրոպագանդան, համաձայն որի, Հրաժարվելով Թուրքահայ Հեղափոխությունը գործուն մասնակցություն ունենալուց, սոցիալ-դեմոկրատները, իբր, դրանով իսկ դավաճանում են Հայ ժողովրդի կենսական շահերին: Հայ մարքսիստները գտնում էին, որ Հայկական Հարցի լուծումը հնարավորություն կտա սոցիալ-դեմոկրատիայի դրոշի շուրջ համախմբել ազգայնական, հակասոցիալիստական պրոպագանդայի ազդեցության տակ գրտնըվող կովկասահայ աշխատավորական նորանոր շերտերի, ինչպես նաև Կովկասում ապաստանած Թուրքահայ զանգվածներին:

Չընդունելով «ձեռքերը ծալած» լինելու մեղադրանքը՝ սոցիալ-դեմոկրատներն ասում էին, թե Հայ ազգային կուսակցությունները, հատկապես դաշնակցությունը, հիմնականում զբաղված են Թուրքահայաստանում բանավոր ու գրավոր ագիտացիա մղելով և ցույցեր կազմակերպելով, իսկ ծավալուն շարժում առաջացնել անկարող են: Գուցե երևույթի բացատրությունը պետք է որոնել նրանում, որ Հայ ազգը «փոքր ածու» է, ուստի Հենց այդ պատճառով համեստ է նրա տարերքը: Գուցե այդպես է, բայց փաստը մնում է փաստ, որ Հայ Հեղափոխական կուսակցություններն ի վիճակի չեն դուրս գալու ցուցարարական գործունեության կախարղական շրջանակից և դառնալու ղեկավար լուրջ ուժ Թուրքահայության ազատագրական շարժման մեջ:

Բայց չէ՞ որ դաշնակցությունը մեկ ու կես տասնամյակ շարունակ Թուրքահայաստանում ոչ միայն ագիտացիա է անում, այլև լծված է գործնական պայքարի, իսկ հնչակը՝ էլ ավելի երկար ժամանակ, - լինում էր պատասխանը: Չէ՞ որ նրանք հսկայական ջանքեր են գործադրում ոչ միայն տեղում կազմակերպելու շարժումը, այլև ապահովելու կովկասահայության ակտիվ աջակցությունը Թուրքահայոց պայքարին: Օրինակ՝ Հաղթահարելով անասելի վտանգներ՝ նրանք զենք են մտցնում երկիր: Իրենց եղբայրների և քույրերի վշտից ու տառապանքից վառված սրտերով ուսուսահայ երիտասարդները, կազմած արշա-

վախմբեր, օգնութեան են շտապում Վան ու Մուշ, Սասուն ու Տարոն: Երկիր անցնելիս նրանք ենթարկվում են թուրք և ռուս սահմանապահ ուղեկախներում տեղակայված զորամասերի հարձակումներին, տալիս են ցավալի կորուստներ, բայց ո՛չ ցարը և ո՛չ էլ սուլթանը մինչև այժմ ի վիճակի չեն եղել մեռցնելու նրանց ազգասիրական ոգին, թուլացնելու օգնութեան գնալու մղումը: Եթե դաշնակցական և Հնչակյան գործիչներին հաջողվում է սահմանն անցնել և մտնել Արևմտահայաստան, արա իրենց ողջ ուժերը ներդնում են Հեղափոխութեան կազմակերպման գործին, այլ ոչ թե բավարարվում են ազդեցիկացնելու և բարոյախոսական ճառերով:

Հենց այս հարցի շուրջ է, որ հայ բուլճակները հանդես էին բերում իրենց անհաշտ վերաբերմունքը Հնչակի և դաշնակցութեան հակաթուրքական պայքարի ձևերի, նրանց Հեղափոխական գործունեութեան տակտիկայի նկատմամբ:

Ինչպես և սպասելի էր, ասում էին նրանք, հակաթուրքական ակտիվությունն արդեն խլել է հարյուր հազարավոր անմեղ հայերի կյանք: Ամեն անշան ցույցի կամ մի փոքր ընդհարմանը հաջորդել են թուրք ոստիկանութեան և զորքի արյունալի հաշվեհարդարները: Իրենց ժողովրդի դատին անմնացորդ նվիրված հազարավոր զավակներ ամեն տարի մեռնում են բանտերում և կախաղանների վրա:

Որպես իրենց խոսքերի ճշմարտացի լինելու ապացույց, բուլճակները մատնացույց էին անում երկու-երեք տասնյակ դաշնակցական խիզախ հայորդիների կողմից 1896թ. օգոստոսին օտտոմանյան բանկի գրավման փորձը, որն առիթ եղավ Կ.Պոլսում 6000 հայի ոչնչացմանը: Դեպքին տրվում էին տրամագծորեն հակառակ գնահատականներ: Քր. Միքայելյանը «Ամբոխային տրամաբանություն» աշխատութեան մեջ գրում էր.

«Պոլսում Հեղափոխականները ոչ միայն Տաճկաստանի սրտումն էին, այլև համաշխարհային նշանակություն ունեցող մի կենտրոնում, ամբողջ եվրոպայի աչքի առաջ, նրա շահերի անմիջական թատերաբեմում. մի ատրճանակի պայթյունն այնտեղ ավելի է լսելի աշխարհին, քան հարյուրավոր հրացանների որոտումը երկրի խորքում»¹:

Բերվում էր նաև Խնաստորի արշավանքի օրինակը, որը հայկական յոթ գյուղերի կործանման առիթ եղավ: Ճիշտ է, ասում էին բուլճակները, սուլթանական կառավարութեան կողմից 300 հազար հայերի կոտորածի պատճառը ոչ Հնչակը և ոչ էլ դաշնակցությունն են եղել, բայց այս դեպքում էլ սխալ քաղաքականությունը առիթներ է ստեղծել կոտորածների համար:

Բուլճակները հատկապես խստորեն քննադատում էին «Դեպի Երկիր» կարգախոսով Հնչակյանների և դաշնակցականների կազմակերպած զինված հայդուկային ջոկատների ռուս-թուրքական սահմանի խախտումը, տարբեր ճա-

նապարհներով Ռուսաստանից Արևմտահայաստան գննք տեղափոխելը: Ս. Կասյանի խոսքերով՝ դրանք «կուվկասահայ աշխատավոր մարդկանց շահերի Հետ որևէ առնչություն չունեցող արկածախնդրական գործողություններ» էին, որոնք թուրքիայի ռազմաֆեոդալական բռնապետական ռեժիմին հայթայթում էին նորանոր պատրվակներ էլ ավելի ուժգին շարունակելու իրենց հայալինջ քաղաքականությունը: Գաղտնիք չէ, ասում էին բուլճակները, որ կառավարությունը հաճախ ինքն է սադրում ելույթները: Եվ այդպես առատորեն թափվում է հազարավոր անմեղ խաղաղ աշխատանքի մարդկանց արյունը, որի գինը հազարապատիկ ավելի է ստացված և սպասվելիք երևակայական դրական արդյունքներից:

Ի վերջո, ո՞րն էր այս ամենի նպատակը, - հարցնում էին բուլճակները: Քր. Միքայելյանը պատասխանում էր. «Ի՞նչ էր, ուրեմն, մեր շարժման նպատակը: Ուրիշ ոչինչ, եթե ոչ կազմաչեղված ու բռնի ուժով կուլել, բողոքել Տաճկաստանում տիրող սպանիչ կարգերի դեմ, մինչև որ վեց պետությունների երաշխավորված միջամտությամբ այդ կարգերը դեպի լավը կփոխվեն»²: Ըստ որում, այդ կուլիլը և բողոքը պետք է հարատև լինեն: «Մեր դատը վաղուց է հայերիս համար սոսկալի վերքի նշանակություն ստացել: Շնորհիվ թուրք կառավարութեան կատարյալ կուրություն՝ նա նույն վերքի նշանակությունն է ստացել թուրքիայի համար ևս: Թե՛ մենք և թե՛ թուրքիան ընտրել ենք այդ վերքի դեմ վիրաբուժական միջոց. մենք դիմել ենք Հեղափոխության, թուրքիան՝ մեզ կոտորելու միջոցին: Մեզ մնում է, ուրեմն, երկուսից մեկը - կամ սեփական ձեռքով թաղել մեր դատը, կամ թե շարունակել մեր կուլիլ այնքան, որ նա՝ թուրքերի դեմ մինչև այժմ ուղղված դժգոհությունների, պաշտոնական բողոքների և թղթի սպառնալիքների չըջանը անցնելով, վերջապես մի վերք դառնա նաև այն ազգությունների ու պետությունների համար, որոնք կապ ունեն թուրքիայի և մեր հարցի հետ: Այն օրը, երբ դրանք ևս կը համոզվեն, որ այդ վերքի դեմ պետք է դիմել վիրաբուժության, մեր դատը ապահովված կը լինի. այդ օրը կը լինի և մեր հաջողության օրը»²:

Հետևում էր բուլճակների պատասխանը. ոչ Հնչակի և ոչ էլ դաշնակցության ղեկավարները չեն կարողանում ըմբռնել, որ հայության վերքը երբեք վերք չի դառնա եվրոպայի համար: Եվրոպական բուրժուական պետությունները, հատկապես Բեռլինի 61-րդ հոդվածի կիրառումն ստանձնած բոլոր վեց պետությունները, թուրքիայում ունեն իրենց տնտեսական շահերը, և նրանցից ոչ մեկը չի ցանկանա հանուն հայերի վատթարացնել իր հարաբերությունները սուլթանի հետ: Պատահական չէ, որ հայերի նկատմամբ գործած գազանությունները, հարյուր հազարավոր անմեղ մարդկանց խոզխոզումը նրանք, թեև վճռականապես դատապարտում էին, բայց, ի վերջո, միշտ

¹ Քր. Միքայելյան, Յեղափոխականի մտքերը, հրատ. Ն.Յ.Դաշնակցութեան, Ժրնև, 1906թ. էջ 45-46:

² Քր. Միքայելյան, Յեղափոխականի մտքերը, էջ 42:
² Նույն տեղում, էջ 71-72:

Համարում էին սուլթանական կառավարության ներքին գործը:

Սակայն դաշնակցությունը գտնուում էր, որ օսմանյան կայսրությունում պարբերաբար կատարվող Հայերի կոտորածները թուրքերի ներքին գործը չէ, այլ Համայն առաջադեմ մարդկության գործը: Հայերը թուրքիայում ուզում են նվազագույնը՝ կյանքի ու գույքի պահպանություն, նրանց շարժումը անջատողական չէ, այլ նպատակ ունի ժողովուրդն ազատագրել Հալածանքներից ու բռնություններից, կոտորածների մշտական սարսափից:

Թուրքերին միանալու Հայերին ուղղված Տամազ Մահմուդ փաշայի կոչին ի պատասխան, Քր. Միքայելյանը 1900թ. գրել էր «Միություն թուրքերի հետ» հոդվածը՝ ամենայն պարզությամբ ներկայացնելով Հայ ազատագրական շարժման նպատակը: Նա թուրքերին կոչ էր անում աջակից լինել օսմանյան կայսրությունում Հայերի հետ խաղաղ Հարաբերությունների հաստատմանը:

«Թուրքեր, մենք չենք ձգտում ոչ Հայ թագավորության վերականգման, ոչ թեկուզ 100 մարդուց միայն բաղկացած որևէ ազգության սպառնող գերիշխանություն, ոչ էլ անպատճառ ձեր պետությունից անջատվելուն: Մեր դրությունը պարզ է. ինչպես ձեզ վիճակված է գործել ձեր ժողովրդի մեջ, նույնպես էլ մեզ Համար ավելի Հարմար է մեր ժողովրդի պետքերին հետևել: Եթե մենք այսօր կոչում ենք բարձրաձայն՝ «Կեցցե՛ Հայկական շարժումը», - դա չի նշանակում, որ մենք միշտ պատրաստ չենք նույն ոգևորությամբ նաև կոչելու՝ «Կեցցե՛ ընդհանուր օտտոմանյան Հեղափոխությունը», «Կեցցե՛ ընդհանուր օտտոմանյան անկախությունը»: Քրիստափորը այնուհետև նշում էր, որ եթե վերջ գտնեն կայսրության մեջ Հայերի նկատմամբ կատարվող բռնությունները և Հալածանքները, եթե բարեփոխվի նրանց դրությունը, ապա «մենք Հեղափոխականին վայել ավյունով կը վազենք ձեր շարքերն ամրապնդելու:

Բայց ե՞րբ կը լինի այդ ...»¹:

Մարքսիստները, այդ թվում Հայ սոցիալ-դեմոկրատները, վճռականապես դեմ էին անհատական տեռորին: Հայ բոլշևիկները բազմիցս դատապարտել էին Հնչակի և դաշնակցության տեռորիստական գործողությունները: Թուրք նահանգապետների, տարբեր աստիճանի պետական պաշտոնյաների և զինվորական հրամանատարների դեմ կատարած մահափորձերն ու ահաբեկումները էլ ավելի էին ծանրացնում թուրքահայոց դրությունը: Բոլշևիկներն ասում էին, որ պաշարի այդ եղանակը նույնպես չի կարող թուրքահայ ժողովրդին Հասցնել իր ցանկացած նպատակին, չի կարող լինել Հայկական Հարցի լուծման ուղի: Իսկ դա նշանակում է, որ ազատության պայքարը այդ կուսակցությունների համար դառնում է ինքնանպատակ, իսկ ժողովուրդը՝ սոսկ միջոց:

Անդրադառնալով 19-րդ դարի երկրորդ կեսին Ռուսաստանում ծայր առած և 20-րդ դարի սկզբներին շարունակվող ահաբեկչական գործողություններին և ելնելով պատմության մեջ անհատի ու ժողովրդական մասսաների դերի

մարքսիստական գնահատումից՝ Ստ.Շահումյանը ցույց էր տալիս անհատական տեռորի քարոզի անմտությունը, նույնիսկ վնասակարությունը՝ բանվոր դասակարգի Հեղափոխական պայքարի համար: Նա գրում էր.

«Կառավարության համար, բուրժուազիայի համար տեռորը սարսափելի չէ: Ընդհակառակը: Ինքնակալական կարգերի դեմ պայքարի փոխարեն՝ պայքար այս կամ այն ցարական միսիստրի դեմ, կապիտալիստական կարգի դեմ պայքարի փոխարեն՝ պայքար կապիտալի առանձին ներկայացուցիչների ու սպասավորների դեմ, - սրանից ավելի ցանկալի ի՞նչ կարող է լինել պրոլետարիատի թշնամիների համար: Արդյոք ինքնակալությունը տապալվե՞ց այն բանից, որ սպանվել էր Ալեքսանդր 2-րդը: Ոչ, նույնիսկ ընդհակառակը, նա ամրապնդվեց Ալեքսանդր 3-րդի թագավորությամբ: Արդյոք որևէ բան կորցրե՞ց ցարական կառավարությունը, երբ սպանեցին Պլեեին: Ընդհակառակը, նա ձեռք բերեց Ստոլիպինին, որը շատ ավելի խելացիորեն ու ավելի եռանդով է պաշտպանում ինքնակալության շահերը... Անհատական, քաղաքական տեռորը մի միջոց է, որը ձեռնտու է իշխող դասակարգերի և կործանարար՝ պրոլետարիատի համար»: Այդ է պատճառը, որ «Ամենուրեք կառավարություններն իրենք էին տեռորիստական ակտեր կազմակերպում, որպեսզի դրանք պատվաստեն մասսաներին և կազմալուծեն պրոլետարիատի պլանաչափ պայքարը»¹: Բուրժուազիայի տիրապետությունը ոչնչացնել, կապիտալիստական կարգերը վերացնել կարող են միայն ժողովրդական մասսաներն իրենց գիտակցված ու կազմակերպված Հեղափոխական ելույթներով: Լեհաստանի պրոլետարիատի 1906թ. պարտիզանական կոիվները գնահատելիս՝ Ստ. Շահումյանը նկատում էր, որ այն «... անհատական անզոր տեռորը չէ, այստեղ խոսողը ինքը ամենակարող ու տիրական մասսան է: Նրա կատաղության այդ առաջին արտահայտությունները սոսկալի են այն սպառնական հետևանքներով, սպառնական՝ միապետական կառավարության համար, - որոնցով Հոյի են նրանք»²:

Ոչ հնչակյանները և ոչ էլ դաշնակցականները չէին ընդունում անհատական տեռորի տակտիկայի բոլշևիկյան քննադատությունը: Քր. Միքայելյանը, առարկելով Հայ բոլշևիկներին, գրում էր.

«... Մենք կարծում ենք, որ մեր Հեղափոխական շարժումը ... Հենց նրանով էլ արտահայտեց իր կենսունակությունը, իր ճկունությունը և ամենաանպատակ պայմաններին հարմարվելու իր ընդունակությունները, որ նա կարճ ժամանակամիջոցում ըմբռնեց կովի բազմազան միջոցները՝ սկսած Համեմատաբար խաղաղ բնավորություն ունեցող բողոքներից մինչև ուժանակի գործածությունը, սկսած անհատական տեռորներից մինչև ժողովրդական շարժումները»³:

¹ Ստ. Շահումյան, ԵՂԺ, Հատ. երկրորդ, էջ 50-52:

² Նույն տեղում, Հատ. առաջին, էջ 313:

³ Քր. Միքայելյան, Յեղափոխականի մտքերը, էջ 44:

¹ Քր. Միքայելյան, Յեղափոխականի մտքերը, էջ 107-109:

Բողոքներին պես էին մտածում նաև ուսանողները և թուրքահայ անկուսակցական շատ գործիչներ, որոնք չէին հավատում, թե հայոց շարժումը թուրքիայում կարող է հաջողություն ունենալ:

Արևմտահայ Վ. Տեր-Պոյաճյանը (Իրո) «Մշակ» թերթի խմբագրության ուղղած նամակում, պախարակելով հնչակյաններին, որոնք տարված են «վերացական անիրականանալի գաղափարներով», գրում էր. «Մի՞թե անկեղծ և լուրջ մտածող տաճկահայը կարող է իրական գործը թողնել և ցնորքների կամ շատ և շատ հեռու նպատակների հետևից քարշ գալ, գործը թողնել և խոսքի հետևից ընկնել»¹: Նամակի հեղինակը հատկապես վտանգավոր էր համարում դաշակ և հնչակ քաղաքական գործիչների բացահայտ կոչերը հայերի ուժերով վերացնելու իրենց բաժանող պետական սահմանները: Նա «Հնչակ» թերթի 1906թ. N 4-ի մի հոդվածից, որ համարում էր «անլուրջ», կատարում էր այս մեջբերումը. «Կովկասի մեջ եղած հայր, հայ գյուղացին, հայ գործավորը մի ընդհանուր շարունակություն են կազմում վեց նահանգների մեջ եղած հայի, հայ գյուղացու և հայ աշխատավորի: Անջատող սահմանները մեզ համար *de facto* ջնջված են տարիներից ի վեր»: «Հնչակը», շարունակում էր նամակագիրը, ըստ էության, կրկնում է այն, ինչ այդ առթիվ արդեն ասել են դաշակցույթյան ղեկավարները: Անշուշտ, նա նկատի ուներ հայության բաժան-բաժան հատվածների միջև եղած սահմանները վերացնելու մասին Բրիտանիայի Միքայելյանի հայտնի խոսքերը. «Պատուել է հարկավոր քարտեզների վրա այս կամ այն ավազակապետի կամքով գծված սահմանները, ջնջել է հարկավոր այն աշխարհագրական ներկերը, որոնք մեզ բաժանում են իրարից և որոնք առհասարակ մշտական չեն, իսկ երբեմն շատ կարճատև են լինում: Ո՛չ մի բռնություն, ո՛չ մի հալածանք, ո՛չ մի սահման չէ կարող բաժանել մի ժողովուրդ, եթե նա, տողորված ընդհանուր շահերի գիտակցությամբ, ունի նաև կովելու անսասան վճռականություն և կապված, միացած է դարբերով սնված ու պահպանված ընդհանուր բնագրերի ու զգացմունքների առողջ զարկերակով:

Համարձակություն գահական խրտվիլակների և նրանց շրջապատող, նրանց գործակից բոլոր դահիճների ու անբան ստրուկների դիմաց...

Ինքնավստահ վճռականություն՝ ընդհանուր շահերի գիտակցությամբ լուսավորված ...

Մե՛կ նպատակ, մե՛կ ամբողջություն՝ հեղափոխական անհաշտ կռիվի համար ...»²:

¹ ՀՀ ԳԿԳԱ, «Մշակի» խմբագրության ֆոնդ, 227, գ. 382, թ. 53:

² Այդ միտքը ավելի հստակ ձևակերպված է հնչակյան կուսակցության երկրորդ ծրագրում, ուր ասված է. թուրքահայության կողմից քաղաքական ազատություն նվաճելուց հետո «շարունակել ընդհանուր հայության ազատության գործը, ազատել բունակալ լծից ուսանալիս ու պարսկահային և կազմել այդ երեքից մի դաշակցային ուսակալարական հանրապետություն» («Մրազի» Հնչակյան սոցիալիստ-հեղափոխական կուսակցության», Լոնդոն, Հայկակ ան ազատ տպարան, 1891, էջ 7-8):

³ Բր. Միքայելյան, Յեղափոխականի մտքերը, էջ 130-131:

Այսպիսով, գտնում էր Վ. Տեր-Պոյաճյանը, հնչակյան և դաշակցական կուսակցությունները ընդամենը մի քանի հազար հրացան ունեցող, այսինքն՝ ըստ էության, անզեն հայ փոքր ժողովուրդին միաժամանակյա պատերազմի կոչ են անում հզոր Ռուսաստանի և օսմանյան կայսրության դեմ՝ նրանց միջև եղած «սահմանները ջնջելու» և «հայությունը միավորելու համար»: Բայց, ցավոք, հայ ժողովուրդը մինչև այժմ չի տեսել թուրքահայ վեց նահանգների և ուսանալիքի միջև կանգնած սահմանների գոնե մի փոքր հատվածի վերացումը և հավանաբար երկար ժամանակ չի էլ տեսնի³, - եզրահանգում էր նա:

Նշելով, որ բոլոր ողջախոհ հայերը դատապարտում են դաշակցությունը՝ սխալ ու անհեռատես քաղաքականություն վարելու համար, Ստ. Ծահուլյանը տարիներ անց, 1916թ. դեկտեմբերին, գրում էր. «Ազգը», այսինքն՝ ժողովուրդն իր մեծամասնությունը մեջ, ոչ միայն չհաճեց հնչակյան-դաշակցական «ազգասիրությունից», այլ կրեց ամենատակալի պատիժներ, զոհ դարձավ ամենահաճելի պատուհանների»⁴: Ապա՝ «... Մենք հակառակ ենք եղել դաշակցականների, հնչակյանների ազգային քաղաքականությանը: Մենք ասել ենք նրանց, դուք, պարոններ, հայ ազգի համար կույր առաջնորդներ եք: Դուք ունեք բարի ցանկություններ, բայց ձեր գործերը, ձեր ճանապարհը կորստաբեր են հայ ժողովուրդի համար»⁵: «... Իհարկե, դաշակցությունը մեղավոր չէ, որ հայ ժողովուրդի պատմական վիճակը այդքան անազորույն է, ոչ մի կուսակցություն չի կարող դժոխքը դրախտ դարձնել: Բայց կուսակցությունները ստեղծվում են հենց նրա համար, որ ըստ կարելիության լավացնեն ժողովուրդի դրությունը, որ խելացի կերպով առաջնորդեն մասսաներին և տանեն նրանց ազատության ճանապարհով»⁶:

Արձանագրելով, որ ազգային հեղափոխությունը որևէ չափով չի թուլացրել ժողովուրդի վիճակը, Ստ. Ծահուլյանը զգուշացնում էր, որ այդպես շարունակելու դեպքում թուրքահայ դժբախտ ժողովուրդը նորանոր աղետներ է կրելու, կանգնելու է նոր կոտորածների սարսափի առաջ: Եվ ազգային հեղափոխականները որքան շուտ հրաժարվեն դավադրական ակտերից, անժամանակ ցույցերից, իմպերիալիստական դիվանագիտության շողակրատանքներից և վարեն խելոք ու մտածված քաղաքականություն, այնքան կշահի ժողովուրդը: Հայի արյունը ջուր չէ, այն պետք է խնայել: Նա պիտի կառչած մնա իր երկրին, պիտի բազմանա ու բազմապատկվի, համբերություն հավաքի և սպասի գալիք օրերին, - այս էր Ստ. Ծահուլյանի մտքերի տրամաբանությունը:

Հայ սոցիալ-դեմոկրատները ջերմորեն ողջունում էին հնչակից և դաշակցությունից հեռացած և դեպի համառուսաստանյան հեղափոխության շարժերը եկած ղեկավար գործիչներին և շարքային անհատներին: Եթե դաշակցա-

¹ ՀՀ ԳԿԳԱ, «Մշակի» խմբագրության ֆոնդ, 227, գ. 382, թ. 56:

² Ստ. Ծահուլյան, ԵՄԺ, հատ. երրորդ, էջ 49:

³ Նույն տեղում, էջ 47:

⁴ Նույն տեղում, էջ 48:

կաններին համեմատաբար քչերն էին այդ քայլին դիմում, ինչպես ասենք՝ Լևոն Սարգսյանը, Արսեն Ամիրջյանը, Լևոն Աթաբեկյանը, Վահան Մինախոբյանը և ուրիշներ, ապա Հնչակի շարքերը թողնում էին հարյուրները: Դրանց թվում կուսակցության հիմնադիր ղեկավարներից շատերն էին՝ Ավետիս և Մարո Նազարբեկյաններ, Ռուբեն Խանազատ, Ռուբեն Բերբերյան, խոշոր գործիչներ՝ Գրիգոր Վարդանյան, Սարգիս Կասյան, Սաքո Համբարձումյան և շատ ուրիշներ:

Դաշնակցականների ու Հնչակյանների հետ բողջեցիների բուռն վիճաբանությունների նյութեր էին նաև ուրիշ սուր ու ցավոտ խնդիրներ: Դրանցից մեկը օսմանյան տերությունների տերություններին միջամտելու թե՛ չմիջամտելու հարցն էր:

Սոցիալ-դեմոկրատները չէին ժխտում, որ, իրոք, իրենք երբեք նպատակ չեն ունեցել և այժմ էլ չունեն գործնական քայլեր անելու թուրքահայերի ազատագրության համար: Ահա դաշնակցության տեսաբանների առաջադրած մեղադրանքին նրանցից մեկի տված պատասխանը. «... Անհիմն ու անիմաստ է ասել՝ «պե՞տք է Հայ սոցիալ-դեմոկրատիան ձեռքերը ծայք, թե՞ կունենա որոշ գործնական քայլեր թուրքիայում»: Ի՞նչ ձեռքերը ծայքելու մասին խոսք կարող է լինել մի կուսակցության, որն իր ամբողջ գոյությունը իմաստով չէ ստանձնել երբեք պատմական որևէ կոչում ու պարտականություն՝ «գործնական որոշ քայլեր» անելու թուրքիայում (կամ թուրքահայերի մեջ), որ երբեք հավակնություններ չի ունեցել արտահայտիչը հանդիսանալու թուրքահայ կուլոդ տարրերի ձգտումների, որ իր դասակարգային չինքնին չէ կրում երբեք թուրքական պայմանների այն ծանրությունը, որի վերացման և «սահմանադրական կարգերի շուտափուլ թափանցում» համար նա գերազանցորեն շահագրգռված զգա ակտիվ կերպով արտահայտվելու: Մի շարք անհիմն սպասելիքներ են սրանք, որ ունենալ կարող է Հայ սոցիալիստ-դեմոկրատներից միայն նա, ով թյուր գաղափար ունի սոցիալ-դեմոկրատիայի դասակարգային էություն և գաղափարական հիմքերի մասին»¹:

Որքան էլ դաշնակցական գաղափարախոսները փորձում էին տեսականորեն հիմնավորել, թե թուրքահայոց գործերին կովկասահայերն ունեն միջամտելու իրավական և հատկապես բարոյական բոլոր կուլանները, քանի որ և՛ առաջինները, և՛ երկրորդները մի ժողովուրդ են, մի մարմնի երկու մասեր, բայց բողջեցիները իրենց դիրքի մեջ մնում էին անդրդվելի և պարզ ու որոշակի հայտարարում էին, թե դա կոպիտ միջամտություն է մի այլ սուլվերեն երկրի ներքին գործերին:

Լինելով Ռուսաստանի բազմազգ պրոլետարիատի կուսակցության նվիրյալ անդամներ և ռուսահայ իրականության մեջ ՌՄԴԲԿ գաղափարական արտահայտիչներ՝ Հայ սոցիալ-դեմոկրատները շահագրգռված չէին սեփական ուժերը

սպառելու քաղաքական մի այնպիսի միջավայրում, ինչպիսին Թուրքիան էր: Ավելին, նրանք հայտարարում էին, որ իրենք դավաճանած կլինեին իրենց գոյությունն իմաստավորող պրոլետարիատին և նրա գերագույն շահերին, եթե նրան անմնացորդ ծառայելու փոխարեն լքեին դասակարգային կուլի դիրքերը և «մխրճվեին» թուրքահայ գործերի մեջ:

Հայ սոցիալ-դեմոկրատները բազմիցս շեշտել են, որ ոչ իրենք և ոչ էլ ամբողջությունը վերցրած ռուսահայ պրոլետարիատը որևէ դրոպապատճառ չունեն Ռուսիայի սահմաններից դուրս դասակարգային, առավել ևս ազգային շարժումներ հրահրել: Ռուս, հետևապես նաև Հայ մարքսիստները վճռակապես դեմ էին ընդհանրապես իրենց գործունեության դաշտը տարածել Ռուսաստանի սահմաններից դուրս՝ հետևյալ հիմնական պատճառներով.

Ա) Ամեն մի երկրի սոցիալ-դեմոկրատիան իր երկրի սոցիալ-տնտեսական պայմանների արդյունք է և կոչված է գործել Հենց այդ երկրում ելնելով այդ պայմաններից: Հասարակական-պետական կարգերի փոփոխությունը տվյալ երկրի բնակչության գործն է, Բ) Թուրքիայում բուրժուական հարաբերությունների թույլ զարգացած լինելու պատճառով այնտեղ չկա ժամանակակից իմաստով պրոլետարիատ, որը կարողանա ըմբռնել սոցիալիստական գաղափարները և գնալ սոցիալ-դեմոկրատների լոգունգների հետևից, Գ) ՌՄԴԲԿ-ի ոգուն խորթ է գործուն միջոցներով հեղափոխական շարժումը Ռուսաստանից այլ երկրներ, այդ թվում թուրքիա արտահանելու նպատակը:

Բայց չէ՞ որ Հայ իրականության մեջ դա դրսևորվում է ցեղակցության և արյունակցության ձևով, խոսքը վերաբերում է նույն ազգի երկու հատվածներին, - առարկում էին դաշնակցականները: Այդ հատվածներից մեկը՝ թուրքահայությունը, գտնվում է սոսկալի վիճակում, իսկ մյուսը՝ ռուսահայությունը, անհամեմատ բարենպաստ դրություն մեջ է, ռուսի բնական է, որ վերջիններս օգնության ձեռք են մեկնում սահմանի այն կողմում գտնվող իրենց արյունակից եղբայրներին ու քույրերին: Որպես պատասխան Հնչում էր Հայ սոցիալ-դեմոկրատների ամփոփիչ տեսակետը. ցեղակցությունը և արյունակցությունը լուկ իրողություններ են, որոնք դասակարգային քաղաքականության ոլորտում չունեն գիտական փաստարկման արժեք: Դրանք միայն պայմաններ են ստեղծում հայդուկային, ամբոխային ժողովների սենտիմենտալ ճառախոսությունների համար: Ավելին, եթե նույնիսկ ազատություն ստանա Հայաստանը, նույնիսկ այդ դեպքում Հայ սոցիալ-դեմոկրատիան որևէ ակնկալություն, դասակարգային որևէ պատրանքային հեռանկար չպիտի ունենա որոնելու շահեր Հայաստանում, մանավանդ եթե վերջինս շարունակի մալ դեմոկրատիայի ճանապարհը բռնած թուրքական պետության կազմում: Այս դեպքում նույնիսկ ռուսահայ պրոլետարիատը գլուխ ունենալով ռուսահայ սոցիալ-դեմոկրատիային, որպես սոցիալական հավաքականություն, որպես տնտեսական-քաղաքական դաշտում ձևավորված ինքնուրույն դասակարգ, առաջվա պես մնալու է ռուս իրականության մեջ՝ ապրելով ու գործելով միայն ռուսական կայսրու-

¹ «Անկախ մամուլ» (Թիֆլիս), N 24, 28 փետրվարի 1907 թ.:

կաններից Համեմատաբար քչերն էին այդ քայլին դիմում, ինչպես ասենք՝ Լևոն Սարգսյանը, Արսեն Ամիրյանը, Լևոն Աթաբեկյանը, Վահան Մինասխորյանը և ուրիշներ, ապա Հնչակի շարքերը թողնում էին հարյուրները: Դրանց թվում կուսակցության հիմնադիր ղեկավարներից շատերն էին՝ Ավետիս և Մարո Նազարբեկյաններ, Ռուբեն Խանազատ, Ռուբեն Բերբերյան, խոշոր գործիչներ՝ Գրիգոր Վարդանյան, Սարգիս Կասյան, Սաքո Համբարձումյան և շատ ուրիշներ:

Դաշնակցականների ու Հնչակյանների հետ բոլշևիկների բուռն վիճաբանությունների նյութեր էին նաև ուրիշ սուր ու ցավոտ խնդիրներ: Դրանցից մեկը օսմանյան տերությունների գործերին միջամտելու թե չմիջամտելու հարցն էր:

Սոցիալ-դեմոկրատները չէին ժխտում, որ, իրոք, իրենք երբեք նպատակ չեն ունեցել և այժմ էլ չունեն գործնական քայլեր անելու թուրքահայերի ազատագրության համար: Ահա դաշնակցության տեսաբանների առաջադրած մեղադրանքին նրանցից մեկի տված պատասխանը. «... Անհիմն ու անիմաստ է ասել՝ «պե՛տք է Հայ սոցիալ-դեմոկրատիան ձեռքերը ծալել, թե՞ կունենա որոշ գործնական քայլեր թուրքիայում»: Ի՞նչ ձեռքերը ծալելու մասին խոսք կարող է լինել մի կուսակցության, որն իր ամբողջ գոյությունը իմաստով չէ ստանձնել երբեք պատմական որևէ կոչում ու պարտականություն՝ «գործնական որոշ քայլեր» անելու թուրքիայում (կամ թուրքահայերի մեջ), որ երբեք հավակնություններ չի ունեցել արտահայտիչը հանդիսանալու թուրքահայ կոլոն տարրերի ձգտումների, որ իր դասակարգային շնքին չէ կրում երբեք թուրքական պայմանների այն ծանրությունը, որի վերացման և «սահմանադրական կարգերի շուտափույթ գալստյան» համար նա գերազանցորեն շահագրգռված զգա ակտիվ կերպով արտահայտվելու: Մի շարք անհիմն սպասելիքներ են սրանք, որ ունենալ կարող է Հայ սոցիալիստ-դեմոկրատներից միայն նա, ով թյուր գաղափար ունի սոցիալ-դեմոկրատիայի դասակարգային էություն և գաղափարական հիմքերի մասին»¹:

Որքան էլ դաշնակցական գաղափարախոսները փորձում էին տեսականորեն հիմնավորել, թե թուրքահայոց գործերին կովկասահայերն ունեն միջամտելու իրավական և հատկապես բարոյական բոլոր կովանները, քանի որ և՛ առաջինները, և՛ երկրորդները մի ժողովուրդ են, մի մարմնի երկու մասեր, բայց բոլշևիկները իրենց դիրքի մեջ մտնում էին անդրդվելի և պարզ ու որոշակի հայտարարում էին, թե դա կոպիտ միջամտություն է մի այլ սուվերեն երկրի ներքին գործերին:

Լինելով Ռուսաստանի բազմազգ պրոլետարիատի կուսակցության նվիրյալ անդամներ և ռուսահայ իրականության մեջ ՌՄԴԿ գաղափարական արտահայտիչներ՝ Հայ սոցիալ-դեմոկրատները շահագրգռված չէին սեփական ուժերը

սպառելու քաղաքական մի այնպիսի միջավայրում, ինչպիսին Թուրքիան էր: Ավելին, նրանք Հայտարարում էին, որ իրենք դավաճանած կլինեին իրենց գոյությունն իմաստավորող պրոլետարիատին և նրա գերագույն շահերին, եթե նրան անմնացորդ ծառայելու փոխարեն լքեին դասակարգային կռիվ դիրքերը և «մխրճվեին» թուրքահայ գործերի մեջ:

Հայ սոցիալ-դեմոկրատները բազմիցս շեշտել են, որ ոչ իրենք և ոչ էլ ամբողջությունը վերցրած ռուսահայ պրոլետարիատը որևէ դրդապատճառ չունեն Ռուսիայի սահմաններից դուրս դասակարգային, առավել ևս ազգային շարժումներ հրահրել: Ռուս, հետևապես նաև Հայ մարքսիստները վճռակապես դեմ էին ընդհանրապես իրենց գործունեության դաշտը տարածել Ռուսաստանի սահմաններից դուրս՝ հետևյալ հիմնական պատճառներով.

Ա) Ամեն մի երկրի սոցիալ-դեմոկրատիան իր երկրի սոցիալ-տնտեսական պայմանների արդյունք է և կոչված է գործել Հենց այդ երկրում՝ ելնելով այդ պայմաններից: Հասարակական-պետական կարգերի փոփոխությունը տվյալ երկրի բնակչության գործն է, Բ) Թուրքիայում բուրժուական հարաբերությունների թույլ զարգացած լինելու պատճառով այնտեղ չկա ժամանակակից իմաստով պրոլետարիատ, որը կարողանա ըմբռնել սոցիալիստական գաղափարները և գնալ սոցիալ-դեմոկրատների լոզունգների հետևից, Գ) ՌՄԴԿ-ի ոգուն խորթ է գործուն միջոցներով հեղափոխական շարժումը Ռուսաստանից այլ երկրներ, այդ թվում թուրքիա արտահանելու նպատակը:

Բայց չէ՞ որ Հայ իրականության մեջ դա դրսևորվում է ցեղակցության և արյունակցության ձևով, խոսքը վերաբերում է նույն ազգի երկու հատվածներին, - առարկում էին դաշնակցականները: Այդ հատվածներից մեկը՝ թուրքահայությունը, գտնվում է սոսկալի վիճակում, իսկ մյուսը՝ ռուսահայությունը, անհամեմատ բարենպաստ դրություն մեջ է, ուստի բնական է, որ վերջիններս օգնության ձեռք են մեկնում սահմանի այն կողմում գտնվող իրենց արյունակից եղբայրներին ու քույրերին: Որպես պատասխան Հնչում էր Հայ սոցիալ-դեմոկրատների ամփոփիչ տեսակետը. ցեղակցությունը և արյունակցությունը լոկ իրողություններ են, որոնք դասակարգային քաղաքականության ոլորտում չունեն գիտական փաստարկման արժեք: Դրանք միայն պայմաններ են ստեղծում Հայրենակային, ամբոխային ժողովների սենտիմենտալ ճառախոսությունների համար: Ավելին, եթե նույնիսկ ազատություն ստանա Հայաստանը, նույնիսկ այդ դեպքում Հայ սոցիալ-դեմոկրատիան որևէ ակնկալություն, դասակարգային որևէ պատրանքային հեռանկար չպիտի ունենա որոնելու շահեր Հայաստանում, մանավանդ եթե վերջինս շարունակի մնալ դեմոկրատիայի ճանապարհը բռնած թուրքական պետության կազմում: Այս դեպքում նույնիսկ ռուսահայ պրոլետարիատը գլուխ ունենալով ռուսահայ սոցիալ-դեմոկրատիային, որպես սոցիալական հավաքականություն, որպես տնտեսական-քաղաքական դաշտում ձևավորված ինքնուրույն դասակարգ, առաջվա պես մնալու է ռուս իրականության մեջ՝ ապրելով ու գործելով միայն ռուսական կայսրու-

¹ «Անկախ մամուլ» (Թիֆլիս), N 24, 28 փետրվարի 1907 թ.:

թյան սահմաններում:

Առարկելով սոցիալ-դեմոկրատներին՝ դաշնակցական տեսաբանները (Գ. Խաթակ, Ե. Թոփչյան) նրանց առջև դնում էին նոր հարցեր: Օրինակ՝ ինչու՞ եվրոպական, ամենից առաջ Եվրոպայի ամենաուժեղ՝ գերմանական սոցիալ-դեմոկրատիան՝ մեծ շահագրգռությամբ հետևում է Ռուսաստանում ընթացող հակացարական ազատագրական շարժմանը, ավելին՝ նրան ցույց է տալիս ոչ միայն բարոյական աջակցություն լոկ խոսքերով, այլև կոնկրետ գործերով. մասնավորապես հեղափոխական կուսակցություններին օգնում է նյութապես, որը հեղափոխական գործնական քայլ է: Իսկ ինչո՞ւ հայ և ռուս սոցիալ-դեմոկրատները չեն կատարում ինտերնացիոնալիստական գոնե այդպիսի մի քայլ, չեն մատուցում որևէ կոնկրետ ծառայություն թուրքահայ կամ ամբողջությամբ վերցրած Թուրքիայի ազատագրական շարժմանը:

Դաշնակցականների բերած այս օրինակի առթիվ սոցիալ-դեմոկրատները պատասխանում էին, թե հարցն այդպես դնողներն աչքաթող են անում մի կարևոր հանգամանք՝ այն հսկայական տարբերությունը, որ ունեն նշված երկու համեմատական մեծությունները՝ եվրոպական և ռուս (հայ) սոցիալ-դեմոկրատները:

Եթե ռուս և հայ սոցիալ-դեմոկրատները, նույնիսկ խախտելով իրենց սկզբունքները, փորձեն նյութական և այլ կարգի օգնություն ցույց տալ Թուրքիայի ճնշված ազգերի ազատագրական շարժմանը, ապա, միևնույն է, միջնադարյան բռնապետական կենդանի ավանդույթներով ապրող, տնտեսապես և կուլտուրապես հետամնաց այդ երկրում տեղի ունեցող հակաթուրքական շարժումների վրա այդ օգնությունը չի կարող դրական (նաև բացասական) ազդեցություն գործել, ինչպիսին կարող է ունենալ գերմանական կամ եվրոպական այլ սոցիալ-դեմոկրատիայի օգնությունը համառուսաստանյան հեղափոխական շարժման վրա՝ նրա դրական զարգացման առումով: Երկրորդ, ռուսական հեղափոխության առաջնորդ ուժը համառուսաստանյան սոցիալ-դեմոկրատիան է, այսինքն՝ այն կուսակցությունը, որն ունի նույն մտածելակերպն ու գործելակերպը, ինչ ունի նրան աջակցող և օժանդակող եվրոպական սոցիալ-դեմոկրատիան: Իսկ կա՞ արդյոք որևէ ընդհանրություն թուրքական հակասուլթանական շարժման գործիչների և ռուս (հայ) կամ եվրոպական սոցիալ-դեմոկրատների միջև: Ոչ համեմատական մեծությունների այս խոշոր տարբերությունները ի չիք են դարձնում սոցիալ-դեմոկրատիայի հակառակորդների այն պնդումը, թե Թուրքահայաստանի նկատմամբ մարքսիստների բռնած

* Այդ տարիներին բանվորական կուսակցությունների մեջ ամենաուժեղը և ամենաազդեցիկը գերմանական ս.-դ. կուսակցությունն էր: Շատ երկրների ս.-դ. կուսակցություններ գերմանական ս.-դ. կուսակցության գաղափարական, տակտիկական և կազմակերպական սկզբունքները համարում էին իրենց համար օրինակելի: Նրա լիբերները՝ Ա. Բեքելը, Վ. Լիբել նեխտը, Յ. Մերինգը, Կ. Կաուցկին և ուրիշներ, առաջնակարգ դիրք ունեին II ինտերնացիոնալում:

դիրքը դավաճանական է:

Հայ մարքսիստները նաև հավելում էին, որ եթե վաղը Թուրքիայում մեծապես փոխվեն տնտեսական-արդյունաբերական և սոցիալական հարաբերությունները, ապա այնտեղ նույնպես կառաջանա բանվորական շարժում, դրա հետ մեկտեղ Թուրքահայ (և լայն առումով Թուրք) իրականության մեջ Հանդես կգա սոցիալ-դեմոկրատիա: Կասկածից դուրս է, որ այդ դեպքում ռուս (հայ) սոցիալ-դեմոկրատիան բարոյապես պարտավորված կլինի օգնություն ցույց տալու իր գաղափարական եղբայրներին՝ լինեն նրանք Թուրք, հայ, մակեդոնացի կամ հույն: Նման բարենպաստ պայմաններում ռուս (հայ) մարքսիստները լայնորեն կօգտագործեն ռուսական հեղափոխության հաղթանակի շնորհիվ ստեղծվելիք սահմանադրական կարգերի և, առաջին հերթին, համառուսաստանյան պառլամենտի Հնարավորությունները, դեմոկրատական ճանապարհով հետևողական պայքար կծավայեն հօգուտ Թուրքիայի ճնշված ազգերի, այդ թվում Թուրքահայության օգտին:

Ենթադրվում էր, որ դեմոկրատական Ռուսաստանի ապագա պառլամենտում թուրքական դեմոկրատիայի օգտին սոցիալ-դեմոկրատների կողմից ծավալվելիք պայքարը նպաստելու էր օսմանյան կայսրության ժողովուրդների հակաթուրքական տրամադրությունների և շարժումների թուլացմանը, ներքին անդորրի հաստատմանը, երկրի տարբեր ազգերի առհասարակների և խոսվությունների դադարեցմանը: Այդ ամենի շնորհիվ վերջ էին գտնելու «խոսվություններին ի պատասխան» պարբերաբար կրկնվող արյունալի ջարդերը:

Ինչ վերաբերում էր եվրոպական սոցիալ-դեմոկրատիայի առաջատարի՝ գերմանական սոցիալ-դեմոկրատիայի կողմից ռուսական հեղափոխական շարժմանը ցույց տրվող աջակցությանը, որի մասին վկայում էին դաշնակցության տեսաբանները, ապա դրան ի պատասխան հայ մարքսիստները հիշեցնում էին, որ սոցիալ-դեմոկրատիան օրն ի բուն դատաստանում է պրուսական հալածանքների քաղաքականությունն ընդդեմ լեհ ժողովրդի, վերջինիս պաշտպանում պառլամենտում, բայց դա ամենևին չի նշանակում, թե նա պետք է նաև ակտիվորեն, գործնականապես մասնակցի լեհերի գաղտնի ընկերություններին, նրանց ձեռնարկած արյունահեղ ցույցերին:

Հայ մարքսիստների համար վիճաբանության առարկա էր դաշնակցության դասակարգային բնութագիրը: Նրանք այդ կուսակցությունը միանշանակ համարում էին կովկասահայ բուրժուազիայի շահերի արտահայտիչը և նրա զինվորական կազմակերպությունը: Ստ. Շահունյանը 1906թ. գրում էր.

«Կովկասի հայ բուրժուազիան բնականորեն «դաշնակցություն» կուսակցության մեջ տեսնում էր իր հարազատ զավակին, իր լավագույն դաշնակցին, իր շահերի լավագույն արտահայտիչին ու պաշտպանին, - և այդ պատճառով բոլոր ուժերով, նյութապես ու բարոյապես, աջակցում էր այդ կուսակցու-

թյանը»¹: Թուրքահայ աշխատավորները, նշում էր նա, երազում են ուսական կամ եվրոպական միջամտությունը քիչ թե շատ բարելավել իրենց անտանելի վիճակը: Դաշնակցությունը, կովկասահայ բուրժուազիան և Հոգևորականությունը նույնպես ձգտում են գլուխ բերել այդ միջամտությունը: Բայց սրանց նրպատակը միանգամայն տարբեր է թուրքահայ աշխատավորների նպատակից: Դաշնակցության մտահոգությունը ոչ թե վերջինիս ազատագրությունն է, այլ ուսական զենքի միջոցով Տաճկահայաստանի գրավումը և կովկասահայ բուրժուազիայի համար հումքի նոր աղբյուր և ապրանքների շուկա դարձնելը:

Հետագայի նշանավոր բոլշևիկ Արսեն Ամիրջյանը գրում էր, թե աշխարհի ցանկացած երկրում տիրող դասակարգ «սեփական» ժողովրդին «սիրում է» այնքանով, որքանով սա իր ստրուկն է և կերակրողը: Այդպիսին է նաև կովկասահայ բուրժուազիան, որն ազգային բոլոր խնդիրները քննարկում և լուծում է միայն ու միայն իր դասակարգային շահերի տեսանկյունով: Նա «Հայոց ազգային հարցը» օգտագործում է Տաճկահայաստանում, այսպես կոչված, «ազգային օլախ» ստեղծելու, այն գաղութի վերածելու, աշխատավորներին տիրապետելու և շահագործելու համար: «Բուրժուական լայն խավերի վրա հենվող» դաշնակցությունը իր նպատակը հենց դա էր դարձրել, ուստի «պատահական չէ, որ կովկասահայ բուրժուազիան իր փողի քսակը լայնորեն բացել է նրա առաջ»²:

Այստեղից Հայ սոցիալ-դեմոկրատները հետևություն էին անում, որ Կովկասից դաշնակցականների և հնչակյանների կողմից թուրքահայ շարժմանը ցույց տրվող օգնությունը ոչ այլ ինչ է, եթե ոչ շուկաների նվաճման մի մարմար: Շուկան ամենից առաջ և ավելի շատ հարկավոր է Հայ խոշոր բուրժուազիային, հետևապես Հայ հեղափոխական շարժումը թուրքիայում կամ բուրժուական է իր էությունը, կամ շարժումը տարվում է Հայ բուրժուազիայի գործուն անկախությամբ ու օրհնությամբ³:

Նման դատողությունները դաշնակցական տեսաբանները վճռականորեն մերժում էին՝ դրանք համարելով գոեհիկ ու անարդար: Նրանք նշում էին, որ հարկ չկա ապացուցելու այն ճշմարտությունը, որ եթե թուրքահայ ժողովուրդը դրսի միջամտությունը իր չարաղետ հարցի լուծման պայմաններից մեկն է համարում, դրանում ո՛չ Հայ բուրժուազիան է մեղավոր և ո՛չ Հոգևորականությունը: Սեղավորը, նախ, թուրքական անտանելի իրականությունն է, ապա՝ «մեղավոր» է նաև նախկին թուրքահայատակ քրիստոնյա ժողովուրդների՝ հույների, սերբերի, չեռնոգորցիների, վալախների, բուլղարների և կրետացիների ազատագրության օրինակը:

Դաշնակցականները բազմաթիվ օրինակներով ցույց էին տալիս, որ Կովկասի

¹ Ստ. Շահումյան, ԵՎՓ, Հատ. առաջին, էջ 369:

² Ա. Մրավան, Ժամանակ է սթափվելու, էջ 46:

³ Տե՛ս Դ. Անանուն, Ռուսահայերի հասարակական զարգացումը (1870-1900), Հատ. 2, էջ 243:

Հայ բուրժուաները փոքր բացառություններով (Մանթաշյան, Մատուրով, Դուրխանյան) չեն աջակցում թուրքահայության պայքարին և եթե ինչ-որ գումարներ էլ Հատկացնում են, ապա միայն հեղափոխական կուսակցությունների աջակցության հնարավոր ակտերից սարսափահար:

Վերջապես փաստարկվում էր, որ Կովկասի Հայ բուրժուազիան որևէ կարիք չունի գաղութներ նվաճելու Թուրքահայաստանում: Հարկ կա՞ արդյոք ցույց տալու, ասում էին դաշնակցության տեսաբանները, որ Հայկական կապիտալիզմը զարգացման այն մակարդակի վրա չէ, որ օտար երկրներում շուկա որոնելը նրա համար գոյություն խնդիր լինի, քանի որ Կովկասը արդյունագործության զարգացման տեսակետից դեռ գտնվում է նախնական փուլում, և Հայկական երիտասարդ կապիտալը շուկայի պակաս չունի: Լայնածավալ Ռուսաստանն այնպիսի ընդարձակ շուկա է, որ լիուլի բավականացնում է ոչ միայն նրան, այլև կայսրության մյուս ազգերի բուրժուազիայի ողջ բանակին: Երկչու ու իր մտքի բոլոր լույսերը հանգրսած Հայ բուրժուազիան քաղաքական ուժանիկի գրգիռ անգամ չի հաղորդում սեփական ուղեղին: Իհարկե, եթե նվաճվեր Հայ-Հայրենիքը, ինչ խոսք, Հայ բուրժուազիայի ճարպակալած աչքերն այնժամ կուղղվեին դեպի Երկրի նյութական հնարավորությունները: Բայց եթե դա տեղի ունենա, ապազայի գործ է, իսկ այժմ այդ նույն բուրժուազիան, չնչին բացառություններով, հեռու է փախչում Թուրքահայաստանից՝ իր ֆիզիկականով, նյութականով և անգամ հասարակ բարեմաղթություններով: Փախչում է ինչպես սատանայից: Շահն ու եսապաշտությունը ինչպես եղել են, այնպես էլ մնում են Հայ բուրժուազիայի կուռքերը:

Եվ այսպես, Հայկական հարցի, թուրքական լծից Հայ ժողովրդի ազգային ազատագրական շարժման մասին սոցիալ-դեմոկրատների պատկերացումները բխում էին պրոլետարիատի դասակարգային պայքարի մարքսիստական ուսմունքից: Թուրքահայաստանի ազատագրության համար թափվող ջանքերը նպաստելու՞ են բանվոր դասակարգի գործին, թե՞ հակառակը: Սա էր տվյալ խնդրի ոլորտում մարքսիստների գործունեության հիմնական չափանիշը: Պրոլետարիատը շահագրգռված չէ իր ուժերը վատնելու ազգամիջյան կռիվների մեջ, քանի որ ունի ավելի բարձր նպատակ՝ սոցիալական ճշմունցից ազատագրելու հասարակության բոլոր հայածված ու շահագործվող դասակարգերին, խավերին, շերտերին՝ անկախ նրանց ազգային-ցեղային և կրոնական պատկանելությունից, կուլտուրական զարգացման մակարդակից:

Հայ սոցիալ-դեմոկրատները հավատարիմ էին ազգային ազատագրական շարժումների նկատմամբ մարքսիզմի առաջադրած պահանջներին: Կ. Մարքսի, Ֆ. Էնգելսի, Վ. Լենինի տեսական ժառանգության մեջ նրանք հանդիպում էին օսմանյան կայսրության ոչ թուրք ժողովուրդների, այդ թվում արևմտահայության հարստահարումների մասին բազմաթիվ նկարագրությունների և սկզբունքային գնահատականների, բայց մարքսիզմի դասականների ոչ մի աշխատության մեջ չկար սոցիալիստների կողմից թուրքահայոց ազգային

ազատագրական պայքարին նույնիսկ աննշան մասնակցություն ունենալու անհրաժեշտության մասին որևէ խոսք անգամ:

Եզրափակելով խնդրո առարկա այս թեման՝ կրկին նշենք, որ սոցիալ-դեմոկրատիան թուրքահայության ազգային ազատագրական շարժմանը համակրանք արտահայտելուց այն կողմ էր անցնում: Դաշնակցական, Հնչակյան և մյուս ազգային գործիչները այդ համակրանքը համարում էին Հայ ժողովրդի նկատմամբ «ողորմածութիան» դրսևորում, այվի՛ն՝ դավաճանություն ոչ միայն տառապալ Հայության ազգային շահերին, այլև բոլոր ճնշված ու Հալածական ազգերի բաղձանքներին:

Թուրքահայության Հանդեպ սոցիալ-դեմոկրատների գործելակերպը դատապարտում էին նաև արևմտահայ գրականության, մշակույթի, լրագրության նշանավոր գործիչները (Ա. Չոպանյան, Գ. Չոհրապ և ուրիշներ):

Արշակ Չոպանյանը, որն այդ ժամանակ ոչ մի կուսակցության անդամ չէր և դեմ էր թուրքահայերի զինված կռվին, միաժամանակ խստորեն դատապարտում էր սոցիալ-դեմոկրատների որդեգրած քաղաքականությունը: Նրանց համարում «անզիտակից դավաճաններ», որոնք «անուղղելի վնաս» են հասցնում Հայկական դատին: Նա գրում էր.

«Եթե այդ պարոնները չեն ուզեր իրենց ցեղին ցավերովը զբաղվիլ, ստիպող չկա զիրենք, թող երթան ընկերավարականութեամբ, անիշխանականութեամբ զբաղին, բայց Հանգիստ ձգեն Հայոց դատը, ընավ չզբաղվին անով»¹: Նա շեշտում էր, որ սոցիալիստները ոչ մի առնչություն չունեն թուրքահայոց ցավերի հետ, որ հասարակությունը բաժանելով դասակարգերի, Հայ աղքատներին պայքարի Հանելով Հայ Հարուստների դեմ՝ դրանով իսկ նրանք անդառնալի վնաս են հասցնում Համահայկական շահերին: «Պետք է վերջապես ըմբռնել, թե ընկերավարական իդեալը ոչ միայն Հարակից չէ Հայոց ազգայնական իդեալին, այլև անոր կհակասե, քանի որ մեր ազգային գործունեութեան մեջ Հարուստ և աղքատ կրնան ևս պարտին գործակցիլ, իսկ ընկերավարական իդեալին համեմատ այդ տարրերը հակառակորդներ են»²:

Ինչ խոսք, Հայկական հասարակության դասակարգերի լիակատար համերաշխության մասին Չոպանյանի և նրա նման մտածող Հայ ազգային գործիչների տեսակետը չէին բաժանում ոչ միայն Հայ սոցիալ-դեմոկրատները, այլև Հնչակյանները և նույնիսկ՝ դաշնակցականների մի մասը: Տվյալ ժամանակաշրջանում այդ գաղափարը, որն ընկած էր արմենականների և վերակազմյալ Հնչակյանների տեսաբանության և կիրառվող քաղաքականության հիմքում, առաջիկայում դավանելու էին նաև Հայ սահմանադրական ռամկավարները: Չոպանյանի և իր համախոհների մտահոգությունն այն էր, որ Հնարավորին չափ արգելք հանդիսանալիս սոցիալ-դեմոկրատական գաղափարների ներթա-

փանցմանը Հայ իրականությունից ներս, մի բան, որ գործնականում անիրականանալի ցանկություն էր:

Այս դիտարկումով ինչ-որ չափով նաև Հասկանալի է դառնում, թե ինչո՞ւ, չնայած արմատական էին, մի կողմից, Հայ ազգային-հեղափոխական կուսակցությունները և մյուս կողմից, Հայ սոցիալ-դեմոկրատների միջև եղած գաղափարական տարբերությունները, և չնայած քաղաքական դաշտում նրանք չունեին շփման կետեր, բայց, որքան էլ առաջին Հայացքից կարող է տարօրինակ թվալ, այդ գաղափարական-քաղաքական տարբերությունները չէին Հանգեցնում փոխադարձ Ֆիզիկական բռնությունների: Չկա մի օրինակ անգամ, երբ գաղափարական հողի վրա, ասենք, որևէ դաշնակցական կամ Հնչակյան զենք բարձրացրած լիներ Հայ սոցիալ-դեմոկրատի (բուլչեկի թե մենչեկի) վրա և հակառակը (համենայն դեպս սույն աշխատության հեղինակն այդպիսի դեպքի տեղյակ չէ):

«Ավանդույթն» առաջին անգամ խախտվեց շատ տարիներ հետո միայն, երբ 1920թ. մայիսին Հայաստանում տեղի ունեցած բուլչեկյան ապստամբության օրերին փոխադարձ արձակած զնդակները զոհեր էին խլում և՛ Հայ սոցիալ-դեմոկրատներից, և՛ դաշնակցականներից:

Միայնց Հանդեպ Հայ սոցիալ-դեմոկրատների և Հայ ազգային-հեղափոխականների այս «հանդուրժողականություն» հիմնական պատճառը, մեր կարծիքով, այն էր, որ այս երկու հակառակ ուժերը գործում էին քաղաքական տարբեր դաշտերում, Թուրքահայաստանի հարցի շուրջ նրանց միջև չկային շփման կետեր, չկար մրցակցություն այն պարզ պատճառով, որ Հայկական հարցի լուծումը սոցիալ-դեմոկրատների համար օրախնդիր չէր, իսկ Հնչակի և դաշնակցականի համար նրանց գոյության նպատակն էր, նաև նրանց գոյության պայմանը:

Եվ այսպես, ընթերցողների առջև ուրվագծվում է այն օրերին թուրքահայոց ազատագրական շարժման Հանդեպ իրարից խիստ տարբեր երկու մոտեցում գործով ու խոսքով: Հայ ազգային հեղափոխականների մոտ գերակշռողը եղավ կենդանի գործը՝ լի անսահման վտանգներով, գործ, որի շարժիչ ուժը ազնիվ Հայրենասիրության անեզր զգացմունքն էր՝ շատ դեպքում անհաշվարկ և ոչ շրջահայաց՝ թելադրված համիրդյան բռնակալության ճիրաններից հարազատ ժողովրդին ազատելու իրենց համար բացարձակ դարձած գաղափարով: Սոցիալ-դեմոկրատները թուրքահայ ազատագրական շարժմանը չէին սատարում կոնկրետ գործերով, քանզի նրանց խոհերի կենտրոնում կապիտալի

¹ «Անահիտ» (Փարիզ), N 3-5, 1906, էջ 67:

² Նույն տեղում, էջ 74:

³ Թերևս բացառություն կարող է լինել Բաթումում 1904 թ. սեպտեմբերին շուրջվերջի բանվոր Ավետիք Թամամյանի սպանությունը: Թեև նա սոց.-դեմ. կուսակցության անդամ չէր, բայց լինելով անկուսակցական սոցիալ-դեմոկրատ, ուժգին քննադատում էր Հայ ազգային կուսակցությունների գործելակերպը, ակտիվորեն Հանդես էր գալիս սոցիալ-դեմոկրատիայի պաշտպանությամբ և քաղաքի բանվորական գործադուլների եռանդուն կազմակերպիչներից մեկն էր:

կողմից Հարստահարվող բազմազգ բանվոր դասակարգն էր: Նրանք տուրք չէին տալիս ազգային-Հայրենասիրական զգացմունքներին, գործում էին ծայրահեղ սառը դատողությամբ՝ թելադրված բուրժուական դաժան կարգերի Հանդեպ անսահման ատելությամբ:

Գաղափարական տարբեր ուղղությունների հետևող Հայորդիները սերված էին նույն միս ու արյունից և նրանց բոլորի մտածումների կենտրոնում պաշտելի ազգն էր, ճակատագրի բերումով լինել-չլինելու իրական վտանգի առջև Հայտնված Հազարամյակների Հայաստան աշխարհը: Հայրենիքը սնող մայրն էր իր բոլոր զավակների, որոնք, իրենց հերթին, անմացորդ նվիրվել էին նրա փրկության գործին և ժողովրդի գոյատևման համար ուղիներ ու միջոցներ էին որոնում տատասկոտ բավիղներում:

Վերջ նշված երկու մոտեցումներից ո՞րը, ի վերջո, ճիշտ դուրս եկավ: Հարցը պրոզայիկ է, նաև՝ հռետորական: Այնուամենայնիվ, ճշմարտության չափանիշը գործնական արդյունքն է, պրակտիկան: Հայոց շարժումն իր վերջնական արդյունքով ամենաողբերգականը եղավ ժողովուրդների ազգային ազատագրական շարժումների պատմության մեջ: Պատմությունը ապացուցեց, որ Հայ սոցիալ-դեմոկրատները ոչ պակաս Հայրենասերներ և ազգասերներ էին, միայն թե նրանք ամեն ինչ անում էին իրենց մայր ժողովրդին դեպի ազգային ազատագրություն տանել՝ որքան հնարավոր է՝ անվտանգ ճանապարհներով:

Գ Լ ՈՒ Խ Ս Ա Ս Ն Ե Բ Կ ՈՒ Ե Բ ՈՐ Դ

ԹՈՒՐԻՔ-ՔՐԴԱԿԱՆ ՀԱՐՍՏԱՀԱՐՈՒՄԵՆԵՐԻ ՍԱՍՏԿԱՑՈՒՄԸ ՀԱՅԱՍՏԱՆՈՒՄ: ԻՆՔՆԱԳԱՇՏՊԱՆՈՒԹԵԱՆ ԱՄՐԱՊԵՂՄԱՆ ՀՐԱՄԱՅԱԿԱՆԸ

Թուրքահայոց Հարստահարման, նրա նկատմամբ նոր բռնությունների ու ոճիրների սանձազերծման տեսակետից համիդյան զուլումի երկաթյա շղթայում առանձնանում են 1906-1907 թվականները:

ՈՃԻՐՆԵՐԻ ԱՇԽԱՐՀՈՒՄ

Երբ Հայ պատմաբանը թուրքահայոց զուլումը նկարագրելու համար գրիչ է վերցնում, դժվարանում է իր ձեռքի տակ եղած Հազարավոր փաստերից ու դեպքերից առանձնացնել առավել տիպականը, քանզի դրանք բոլորը զարհուրելի են, մեկը մյուսից արհավիրալի: Որքան էլ մարդկանց ջղերն ընտելացած լինեին արյունոտ տեսարանների, որքան էլ կյանքի արժեքը ընկած էր, այնուամենայնիվ, չէր կարելի չցնցվել ու չսոսկալ մարտիրոսությունների այն հսկայական չափերի առջև, որ մատուցում էր դժոխային իրականությունը արյան, արցունքի, ցավ ու տառապանքի դասական Հայրենիքում թուրքահայաստանում:

Սասունի ապստամբությունից հետո սուլթանը և նրա կառավարությունը Հայությունը դիտում էին որպես կայսրության ոխերիմ թշնամու: Նրա հետ սրի ու գնդակի լեզվով խոսելը բարձրացված էր պետական քաղաքականության աստիճանի:

Հայոց նկատմամբ Հայրածանքներն ուժեղացնելու համար, բացի Սասունի ապստամբությունից, թուրքերին ներկայացվել էին ևս երկու նոր առիթներ՝ Համիդի սպանության փորձը և Անդրկովկասի թուրք-հայկական ընդհարումները: Հստ որում, իր նկատմամբ Հայերի կատարած վրեժխնդրական գործողությանն ի պատասխան, սկսված լայնածավալ զանգվածային բռնությունների ղեկավարումն անձամբ ստանձնել էր սուլթանը: Ինչ վերաբերում է անդրկովկասյան ընդհարումներին, ապա դրանց ընթացքում կովկասահայության ցուցաբերած կազմակերպվածությունը և բացառիկ դիմադրական ոգին, նախ, այլալմուռն էր առաջացրել Ելդրզում, ապա այն փոխարինվել էր զայրույթի, և կրկին թուրքահայությունը դարձել էր քավության նոխազ:

ԱՄԵՆՕՐԹԱ ՍԱՐՍԱՓԻ ՏԱԿ

Հայոց ծովածավալ տառապանքները վերջ չունենին:

1906թ. Հունվարի սկզբներից Վան քաղաքի մուսուլմանները ջամիներում (աղոթարաններում) ժողովների էին հավաքվում, ուր շեյխերն ու մուլլաները Հայերին կոտորելու բացահայտ կոչեր էին անում: Արդյունքը սպասեցնել չէի: Վանի այս կամ այն փողոցում Հայերը դաշունահար էին լինում կամ զոհ գնում գնդակների: Իշխանությունները ոչ միայն չէին փորձում կանխել սպանությունները, այլև բացահայտ խրախուսում էին ելուզակներին: Միայն 1906թ. փետրվարին թուրքերը և քրդերը քաղաքում սպանեցին 20-ից ավելի Հայի, հիմնականում երիտասարդների:

Հայկական նահանգների կառավարիչները, որպես կանոն, օժտված էին գազանային բնազդներով և Հայությանը Հարստահարելիս ոչ մի զանազանություն չէին դնում միջոցների միջև: Այդպիսիներից էր Բիթլիսի վալի Ֆերիդ բեյը: Մյուս՝ շատ փոքր մասը գործում էր ավելի նրբորեն՝ զգուշանալով աղմուկահուլից դեպքեր ստեղծելուց:

Ֆերիդ բեյը, որն անձնական հակառակորդն էր Վանի վալիի, միշտ դավեր էր նյութում այդ այբանացի ծերունու դեմ, նրան ամբաստանում Բ. Դուան առջև՝ ներկայացնելով իբրև մեղավոր թույլ, մինչև իսկ՝ Հայասեր, որը, ինչպես Հարկն է, չի հետապնդում Հայ հեղափոխականներին:

Այդ ամբաստանությունների հիման վրա կառավարությունը 1906թ. վերջին պաշտոնանկ արեց Վանի կուսակալին, որին փոխարինեց Ալի բեյը: Սա իսկական հոգեառ եղավ Հայերի համար:

Վայրագությունները հետզհետե ընդլայնվում էին ու տարածվում ավելի հեռուները՝ Վասպուրականի ամենամոռացված անկյուններն իսկ: Շատախը, Նորադուզը, Կարկառը, Գյավաջը, Կարճկանը, Մոկսը, Արճակը, Բերկիրին և այլ գավառներ ենթակա էին անլուր սարսափների:

1906թ. ապրիլին Արճեղում թուրքերը Հարձակվում են եկեղեցու վրա՝ նպատակ ունենալով կոտորել այնտեղ աղոթող բոլոր Հայերին: Երբ մարդասպանները մոտենում են եկեղեցուն, Հավատաշյուղների մեծ մասն արդեն ցրվել էր, և մնացել էր միայն 15 մարդ, որոնք բոլորը գազանաբար սպանվում են դաշունահար լինելով:

Չդադարող ոճիրների ասպարեզ էր Բաղեշի վիլայեթը: Մշո դաշտում իրենց նախճիրներով Հայտնի էին քուրդ ցեղապետեր Ջրանցի Նատոն, Ջնդին, Հասնացի Փաթեհը, Լրզախը, Թաճտին, Մեհմեդ Ալին և ուրիշներ: Արյունաբբու ոճրագործները Հարյուրավոր Հայերի արյունը խմելուց զատ՝ պատճառ էին հազարավոր Հայ ընտանիքների քանդման:

Տիդայիների դեմ կռվելու նպատակով Մշո դաշտում ստեղծվել էին ենիջերիների Նոր տեսակ՝ Հատուկ հեծելախմբեր (սեյարա), որոնց ամեն ինչ թույլա-

տրել էին Հայերի Հանդեպ: Ցանկացած պահին տներ մտնելը, տանտիրոջը բրածեծ անելը սովորական բաներ էին չարիքի վարպետների համար:

Գևորգ Չաուչին գտնելու պատրվակով 1906թ. մայիսին մեծ թվով զինվորներ լցվեցին Դաշտի Հայկական գյուղերը և պահանջեցին «Հանձնել ավագակիրն», թեև լավ գիտեին, որ նա Դաշտում չէ և այնտեղ եղել էր ամիսներ առաջ: Տվյալ գյուղում շարաթներ շարունակ մնալուց և գյուղացիներին տնտեսապես ու բարոյապես քայքայելուց հետո նրանք, երբ արդեն բավարարած էին լինում իրենց գազանային կրքերը, գյուղն այրելով հեռանում էին՝ վաղը մի ուրիշ տեղ նույնը կրկնելու համար¹:

1906թ. սեպտեմբերի սկզբին Բիթլիսից ոչ հեռու քրդերի ձեռքով սպանվում է ինուղուկ գյուղի երիտասարդներից Ասատուր Չարխտյանը, որը ծնողաց միակ հույսն էր: Սրանք լացով ու սրտաբեկ դիմում են Բիթլիսի վալի Ֆերիդ բեյին, բայց նա անգթորեն պատասխանում է. «Հիմա նույնիսկ կառավարություն չկա զինվորներից են սպանվում, ո՛ւր մնաց թե Հայր...»:

Ամեն օր, ամեն ժամ թալաններ ու սպանություններ էին կատարվում հատկապես ճանապարհներին:

Վանից ոչ հեռու, Կեմ գյուղացի Նավոն իր սայլով գնում էր Արտամես: Ճանապարհին օրը ցերեկով նրա առաջը կտրում է երեք զինված քուրդ: Նավոն, մահվան երկյուղից բռնված, թողնում է սայլը և փախչում: Քրդերն արձակում են լծած չորս եզները, քլում-տանում: Նավոն լեղապատառ, շունչը կտրած Հազիվ իրեն ձգում է գյուղ՝ մեծապես զոհ, որ կարողացել էր գոնե ազատել կյանքը:

Քրդերից մեկը Հանկարծ Հայտնվում է ճանապարհին և, մոտենալով Մուշ գնացող մի Հայ երիտասարդի, մեջքից արձակում է արծաթապատ գոտին: Սա դիմադրում է, որին քուրդը պատասխանում է դաշույնի հարվածներով: Վիրավոր երիտասարդը ստիպված Հաշտվում է կատարվածի հետ:

Չգվում էին դիվային ոճիրների շարքերը: Լսելով թալանվածների և ստորացվածների աղեկտուր հեծեծանքը՝ չէր կարելի չհակծալ ու չմոռոքել:

1907թ. Հուլիսի 3-ին Մուշում տեղի ունեցան արյունալի դեպքեր. կառավարության դրոմամբ թուրք և քուրդ ամբոխը Հարձակվում գործեց Հայերի վրա, եղան սպանվածներ ու վիրավորներ: Այդ բոլորին ականատես զինվորական Հրամանատարը որևէ միջամտություն չարեց: Հայերն ապաստանեցին եկեղեցիների և դպրոցների մեջ, բայց դա նրանց չփրկեց: Հարձակվողները պատահաններից ներս նետում էին վառվող փալաններ ու խոտի խրճեր: Ներսինները, չկարողանալով երկար դիմանալ, իրենց նետում էին դուրս, որտեղ հավաքված ամբոխը ոտնակոխ էր անում նրանց:

Նույնպիսի սարսափելի վիճակ էր ամենուր՝ Կարկառում, Խիզանում, Ապարկետում, Տիգրանակերտում, Երզնկայում, Վանում, Էրզրումում, Տրապիզոնում...

¹ «Իրոշակ», N 8 (174), օգոստոս, 1906, էջ 123:

Տրապիզոնում մի թուրք սպա 1906թ. վերջին զվարճության համար օրու լիքը բաժակը դնում է նավափար Պետրոս Տեռքմեջյանի 20-ամյա տղայի գլխին և, նշան բռնելով, կրակում: Երիտասարդը տեղնուտեղը սպանվում է, իսկ սպան ոչ միայն որևէ պատժի չի ենթարկվում, այլև լրբորեն ասում է, որ գյավուր սպանելը մեղք չէ, թող վկա լինի Ալլահը:

Եթե այսօրինակ ոճրագործություն տեղի էր ունենում այս քաղաքում, ուր եվրոպացիները բավական թիվ էին կազմում, կարելի է պատկերացնել, թե ինչ էր կատարվում խորքերում, ուր ոչ եվրոպացի կար, ոչ տեսնող, ոչ էլ հաղորդող:

1907թ. հուլիսին Հայոց ձորից և մյուս վայրերից Վան քաղաք էին թափվել 300-ից ավելի կին, երեխա, տղամարդ: 5-6 օր քաղաքի փողոցներում գիշերելով նրանք փորձում էին հյուպատոսներին ներկայացնել բողոքագիր, որի մեջ բերվում էին Հայերի սպանությունների բազմաթիվ օրինակներ: Հյուպատոսները, սակայն, որևէ վճռական քայլ անելու տրամադրություն չունեին, քանի որ հրահանգ չունեին¹:

Ահավոր բռնությունների և սպանությունների ասպարեզ էր նաև Կիլիկիան:

1906թ. հունվար-փետրվարին սպանությունների, ձերբակալությունների այլքը տարածվեց Ջեյթունում, Մարաշում, Ադանայում, Հաճնում: Հատկապես անտանելի վիճակ էր ստեղծվել Ջեյթունում: Օրական ոստիկանատներ (մարքայ) էին բերվում հազարավոր մարդիկ:

Ձերբակալված շատերին Կիլիկիայից տեղափոխում էին Հալեպ, ուր նոր կուսակալ էր նշանակվել Տիգրանակերտից այդտեղ փոխադրված Նազրմ փաշան՝ մի շատ անգութ մարդ, Հայերի դահիճ: Ինչպես շրջակա վայրերից, այնպես էլ Կիլիկիայից Հալեպ բերված ձերբակալված Հայերին նա քննում էր անձամբ՝ գործադրելով ամենաահավոր մեթոդներ:

1907թ. մարտի սկզբներին Մարաշի թուրքերը որոշում են հրդեհել քաղաքի կենտրոնական մեծ մզկիթը և այն վերագրել Հայերին: Հրդեհը նկատվում է և հնարավոր է լինում արագ մարել: Աղաղակը, սակայն, տարածվում է, թե Հայերն են վառել մզկիթը:

Հրդեհի հեղինակներին գտնելու համար ոստիկանությունը սկսում է Հայերին ձերբակալել և նետել բանտերը: Իր հերթին գրգռված թուրք խուժանը սպառնում է կոտորել և թալանել: Հայերը, անմեղ ու անտեղյակ, սարսափահար փակվում են տներում: Իր մոտ կանչելով Հայ երեխաներից իրադայանին և ուրիշներին՝ մութասերիֆը խստիվ պահանջում է կարճ ժամանակում գտնել և հանձնել հրդեհի հեղինակներին, միաժամանակ շեղելով, որ հակառակ պարագայում ինքն անկարող է լինելու զսպել գրգռված թուրքերին: Հայերը զրլ խիկոր հետ են դառնում առանց մի ճար գտնելու:

Վերջապես մի քանի օր հետո խնդրին տեղյակ բարեսիրտ մի թուրք բացա-

հայտում է իսկությունը: Պարզվում է եղելությունը, և Հայերը փրկվում են կոտորածի սպառնալիքից²:

Թեև սադրիչներն այս անգամ չեն հասնում իրենց ծրագրած նպատակին, բայց քաղաքում և շրջակա գյուղերում սկսվում են անհատական սպանություններ: Միայն մարտ - ապրիլին զոհվեց շուրջ 30 Հայ:

Մարաշի այդ դեպքից հետո ահ ու դողի մեջ էին Ադանայի և շրջապատի Հայերը, որոնք ժամ առ ժամ սպասում էին անկանխատեսելի դեպքերի:

Ընդհանրական երևույթ էր թուրքերի ու քրդերի կողմից ամեն գյուղից տարեկան մի քանի Հայ կին փախցնելն ու մահճանդակային դարձնելը: Հարս ու աղջիկ, մինչև իսկ պատանիներին բռնաբարելը սովորական բան էր:

1906թ. հուլիսի սկզբներին Նշե պին Սասուն, Մահմուտ պին Հասնե և ուրիշ քրդեր գիշերը հարձակվում են Տափիկ գյուղի Հայերից Գրգո Արզունյանի տան վրա, հետո գյուղից առևանգում են ներսեսի կին Կուլոյին, Մանուկի կին Շամամին, գնդակահարում գյուղացիներից երկուսին: Առևանգված Կուլուն ու Շամամը քրդացվում են³:

Այլ ելք չունենալով՝ ամբողջովին թուրքացել էր Դերջանի Բագաուիճ գյուղը, ինչպես նաև՝ գավառի գյուղերի բնակիչներից շատերը: Կուլսեր ու Հարսներ փախցնելը սովորական երևույթ էր հատկապես էրզրումի նահանգում: Կին լինելն արդեն պատիժ էր Հայուհու համար:

1907թ. հունվարին թուրք գինվորները, մտնելով Բայազետի գավառի Մոսուն Հայ գյուղը, խուժում են Աբրո Վրթոյանի, Հովհաննես Ղազարյանի, Մարտիրոս Ավագյանի, Միրտիչ Հակոբյանի տները և առևանգում նրանց դեռահաս աղջիկներին: Մինչ սուգ ու շիվանով բռնված գյուղացիները օգնության համար դիմում են իշխանություններին, գինվորներն առևանգած աղջիկներին բերում են Բայազետ քաղաք և Հայտնում, որ նրանք իրենց ցանկությամբ, կամավոր ուզում են «հագ տինը» ընդունել և թուրքերի կին դառնալ:

Բայազետի մութասերիֆը առաջնորդական տեղապահ ներսես քահանային հինգ ոսկի տալով՝ օրինականացնում է առևանգումը: Քահանան, չլացած ոսկիներով, միամիտ ու խեղճ աղջիկներին համոզում է, որ բռնաբարվելուց հետո այլևս ոչ մի Հայ երիտասարդ չի ամուսնանա անպատիվ եղած մեկի հետ և նրանց հորդորում է մահճանդակային դառնալ ու անձնատուր լինել իրենց բռնադատիչներին: Այդ դեպքերի կապակցությամբ «Դրոշակը» գրում էր. «Եթե Հայ քահանայ մը դրամի շացումով կրնայ այդչափ ստորանալ, ալ ի՞նչ երեսուվը Հայը բողոքե թուրք պաշտոնյաներու կաշառակերութեան դեմ»³:

Ոչ միայն Հայ հարսներն ու պարմանուհիներն էին դառնում առևանգումների զոհ, այլև մանուկներն ու պատանյակները: Առևանգվում էին, թուրքացվում

¹ «Դրոշակ», N 6-7(184), հունիս-հուլիս, 1907, էջ 83:

¹ «Դրոշակ», N 10 (187), հոկտեմբեր, 1907, էջ 147:

² Նույն տեղում, N 10 (176), հոկտեմբեր, 1906, էջ 148:

³ Նույն տեղում, N 3 (181), մարտ, 1907, էջ 36-37:

ու քրդացվում: Շատ տեղերում օրը ցերեկով քրդերը մտնում էին Հայ գյուղացիների տները, նրանց ծաղր ու ծանակի ենթարկելուց ու ծեծ ու ջարդ տալուց հետո ազատ ու համարձակ հափշտակում երեխաներին:

Իսկ որքան որբեր էին թափառում ավերակված Հայկական գյուղերում անհայր ու անմայր: Նրանցից շատերը չգիտեին անգամ, թե ինչ է մայրական գուրգուրանքը և հայրական հոգատարությունը: Նրանց հայրերը գրկվել էին կյանքից ավարառու քրդի դաշույնից կամ թուրք ելուզակի գնդակից:

Զարհուրանքի, սոսկումների ու արդար ցասումի երգիչ Սիամանթոն նորաբողոք Հայ որբերի օրինակով ողբում էր հայերի սև օրն ու բախտը, նրանց անեզր տառապանքը տանջարան երկրում.

Զարհուրե՛լի անցեալ, մոխիրներուն վրայ ծնաք և ավերակներե՛ն

Քալեցիք.

Երբ սուրէն զարնուած Հայրենիքն իր բերանը հասնող իր արիւնին մեջը կը խեղդուեր՝

Բնութեան դժխեմ օրեները օր մը զձեզ մարդկութեան ճիրաններուն մեջ դրավ,

Եւ այսպես՝ արևին և կեանքին կարմիր լոյսը շփոթեցիք ձերիններուն արիւնին հետ...

Սարսափներուն յառեցաւ ձեր մաքուր հայեացքը, ծաղիկներու և ժպիտի փունջերուն տեղ:

Հոգեվարքի ի՛նչ հեծեծանքներ և ի՛նչ օգնություն պաղատող եղերական ճիչեր,

Ի՛նչ գալարում, ի՛նչ մազերու փետտում, ի՛նչ կոծ և ի՛նչ մահաձայն լաց, Ի՛նչ արցունքներու հոսումներ, ի՛նչ աղերսանք և քանի՛ քանի՛ կտրուած գլուխներ,

Եկան՝ ձեր մանկական վճիտ աչուրներուն առջևէն գլորուելու...:

Ոսկորներու փշուր՝ մը լսեցիք, ձեր ծնած տանը սեմերուն վրայ, Գիչերներո՛վ՝ շտապօրեն, կացիներու կայծարձակ հարուածներուն տակ...:

Եվ հովերը դժբախտ քաղաքներեն՝ այրուած մեռելներու մահուան հոտը ձեզ բերին:

Մի ամբողջ խողխողվող սերնդի հոգեվարքի օրհասական ճիչերն էին լրսվում պոետի սողերից: Շարունակվում էր թուրք-հայ արյունոտ դրաման:

Այսպիսով, թուրքիայի կառավարչական սիստեմի մեղքով Հայ ժողովրդի համար կյանքի ապահովությունը բացարձակապես վերացած էր: Մով ցավերը վախճան չունեին: Տառապող հայությունը բողբոջ անգամ մոռացել էր. ո՛ւմ բողբոջեր:

Սակայն հայերի խմբային և անհատական սպանություններով, Հայ կանանց ու երեխաների առևանգումով ու հավատափոխությամբ թուրքական կառավարությունը չէր լուծում իրեն մտահոգող հիմնական հարցը:

ՀԱՅՈՐՊԻՆԵՐԸ ԲԱՆՏԱԹԻՆ ԴԺՈՆՔՈՒՄ

Թուրքական բանտեր... Այդ դժոխարանները «բոլոր երկրների բանտային տարեգրութեան մեջ եզակի տեղ են գրավել իրենց անտանելի պայմաններով»¹:

Չորս տեսակ էին դրանք. 1. Քաղաքային բանտեր, որոնք հիմնականում տեղավորված էին պետական հիմնարկությունների (սերա) շենքերի հաստ պատեր ունեցող ներքնաշարկերում: 2. Գետնափոր գնդաններ քաղաքային բանտերին կից կամ ավելի խորքում խոնավ ու կեղտոտ խուցերով ու հորերով: 3. Ղախ (բերդ) բանտեր, որոնք գտնվում էին քաղաքներից դուրս և հինգ տարուց ավել դատապարտվածների համար ծառայում էին իբրև աքսորավայրեր: 4. «Կաֆա» կոչված արգելարաններ, որոնք գտնվում էին քաղաքային բանտերին կից՝ որպես սուրբեր չվճարողների արգելատեղեր: Դրանք շինված էին գերաններից, շատ անգամ՝ առանց ծածկի: Այնտեղ ժամանակավորապես, առանց դատի, լցնում էին տղամարդկանց, կանանց, պատանիների, որոնք առավտից մինչև երեկո, միմյանց վրա թափված, սպասում էին, թե իրենց աղմուկաղաղակի վրա փաշան երբ դուրս կգա սերայից և իրենց տուն գնալու իրավունք կտա: Նրանք մյուս առավոտ պարտավոր էին սուրբը բերել, հակառակ պարագային ոստիկանները նրանց նորից ժողովելու և լցնելու էին արգելանոց:

Հանցանքները պատժելու համար թուրքիայում կային օրենքներ, որոնք բոլորն էլ շատ բարձր էին կայսրության մեջ գոյություն ունեցող արդարադատության ընդհանուր մակարդակից, քանզի դրանք թարգմանաբար և կուրորեն առնված էին հիմնականում ֆրանսիական օրենսդրերից՝ առանց հաճախ իմանալու կամ ըմբռնելու դրանց էությունն ու իմաստը: Կյանքում այդ օրենքները մտնում էին մեռած տառեր: Պատժի չափը կախված էր դատարանի բացարձակ կամքից, նայած թե ինչ վերաբերմունք ունի այդ դատարանը դեպի պատժի ենթարկվողը՝ ըստ նրա ազգության, դիրքի, անձնական կապերի և մանավանդ նրա գործ դրած ոսկիների:

Բանտարկյալները թուրքիայում, ինչպես և ամենուր, բաժանվում էին երկու մասի՝ քրեական և քաղաքական:

Քրեական Հանցանքներով բանտարկվածների բացարձակ մեծամասնությունը թուրքեր ու քրդեր էին, ավելի քիչ՝ թուրքեր: Նրանց համար բանտը տաժանավայր չէր: Քրեական կալանավորներ լինելով՝ նրանք վայելում էին բանտային վարչության հովանավորությունը: Դա վերաբերվում էր գլխավորապես բանտարկված այն ցեղապետերին, որոնց համար բանտում ստեղծվում էին հարմարավետ պայմաններ: Ընդհանրապես քուրդ ավազակաբարո ցեղապետերի աննշան մասն էր միայն բանտարկվում և այն էլ այն դեպքում, եթե նրանք ծայրահեղության էին հասցրած լինում իրենց գործած ոճիրները,

¹ «Յառաջ» (Կարին), N 28, 13 ապրիլի 1910թ.:

Հատկապես եթե նրանց ասպատակություններից հանկարծ տուժել էին նաև թուրքերը: Ձերբակալված Հայտնի քրդերը արգելափակվում էին տանների պայմաններ ունեցող սենյակներում, ստանում էին բավարար սնունդ, համարյա չէին ենթարկվում հարցաքննությունների, առավել և՛ կոտանքների: Բանտում գտնվող քրդերի 90-95 տոկոսը և ավելին սեփականազուրկ, խեղճ ու անտեր մարդիկ էին: Նույնիսկ սրանց բանտային կյանքի պայմանները, գեհեների մեջ ընկած Հայերի կյանքի համեմատ, իսկական դրախտ էին թվում:

Ընդհանրապես երկրում ամենից քիչ պատիժ կրող Հանցանքն ավագակությունն էր: Ավագակը թուրքն ու քուրդն էին, ավարառության ենթարկվող՝ քրիստոնյան, առավելապես՝ Հայը: Որպես կանոն, ավագակները մահճեղականներին չէին կողոպտում: Երբ կտրում էին քարավանների առաջը, մահճեղականներին ջոկում էին Հայերից և թալանում միայն վերջիններիս:

Ոստիկանությունը ոչ միայն շահագրգռված էր պայքարելու ավագակների դեմ, այլև երբեմն խրախուսում էր նրանց: Հայերին թալանելուց հետո կողոպտիչները շատ անգամ իրենց ավարից բաժին էին հանում ոստիկաններին, իսկ սրանք, որպես վարձատրություն, թալանված ապրանքներով բեռնավորված ավագակներին խորհուրդ էին տալիս իրենցից հեռանալ ու քաշվել ուրիշ ապահով տեղեր, իսկ իրենք գալով ոստիկանատուն՝ հայտնում էին, թե ավագակներն անհետացել են: Դրանով էլ խնդիրը փակվում էր:

Մահճեղականների կողմից Հայերի դեմ կատարած ոճիրներն ընդհանրապես մնում էին անպատիժ: Հաճախ սպանված Հայերի դիակները իշխանությունների կարգադրությամբ անհետացնում էին, որից հետո բողոքող ազգականները մեղադրվում էին զրպարտության մեջ: Մահճեղական ավագակը միայն այն դեպքում էր Հայտնվում դատական-պատժիչ մարմինների ուշադրության կենտրոնում, եթե նա ձեռք էր մեկնել մահճեղականի և Հատկապես թուրք ու քուրդ ավագանու սեփականության վրա:

Անգամ ամենաբարձր թուրք պաշտոնյայի մեջ երբեք զգվանք չկար դեպի մի այնպիսի ոճիր, որը քաղաքակրթված Հասարակության մեջ անխուսափելիորեն առաջ էր բերում ընդհանուր ցասում: Կործանելը, ավերելն ու ոչնչացնելը միս ու արյան էր փոխվել թուրքի մեջ: Հայրենիքի և արդարության գաղափարն այնքան աղոտ ու այնքան խավար էր թուրք ամբոխի, հոգևորականի, պաշտոնյայի մոտ, որ նա չէր ըմբռնում, թե միևնույն Հայրենիքում հավասար իրավունքներով կարող են լինել և՛ մահճեղականներ, և՛ քրիստոնյաներ, և որ պետության մեջ չպետք է կրոնի ու ազգի խտրություն լինի: Եվ չըջում էին ոճրագործները՝ ազատ ու անվախ, երկրի մի ծայրից մյուսը, իբրև լայնատարած որսատեղի իրենց ավերիչ հարձակումների համար:

Նախկինում Հայերից շատ քչերն էին Հայտնվում բանտերում, այն էլ իբրև քրեականներ: Սրանք մեղադրվում էին պարտքը չվճարելու կամ Հայը Հայի

¹ Տե՛ս Մատենադարան, Արշակ Ալպոյաճյանի արխիվ, Թղթ. N 4, վավ. 9՛:

Հետ վեճի բռնվելու պատճառով: Ընդճ ուսյա հայը չէր կարող մտքով անգամ անցկացնել, թե կարելի է բռնակալի դեմ ընդվզել, ասենք՝ նրա վրա ձեռք բարձրացնել:

Հայը, իբրև քաղաքական հանցավոր, թուրքական բանտում առաջին անգամ երևաց 19-րդ դարի 70-ական թվականների վերջին, Էրզրումում: Քաղաքում ուսական զորքերի ներկայությունը ուս - թուրքական պատերազմի օրերին ստեղծել էր ուրախ տրամադրություն Հայերի մոտ: Ռուսների հեռանալուց հետո թուրքերն այդ ուրախությունը պատասխանեցին բռնություններով ու հարձակումներով: Այդ հարձակումներին հակադարձելու և իրենց ընտանիքները պաշտպանելու համար Հայ երիտասարդները գնեք առան: Թուրքերը վրեժ առնելու առիթներ էին որոնում, մինչև որ 1882թ. կառավարությունը Հայերի խմբակային քաղաքական ձեռքակալություններ կատարեց և մոտ 400 հոգու նետեց Էրզրումի բանտը:

1880-ական թվականների սկզբին Խրիմյան Հայրիկը ժամանել էր Մուշ և այցելել միացյալ ընկերության տեղի վարժարանը, ուր հետևյալ կարճատև քարոզն էր ասել. «Վերջ ամենայնի գիտեմ, ձեր քաղաքի բանտին մեջ ազգակից բանտարկեալներ բնավ չկան, բայց այն ատեն մենք մեր փրկությունը ձեռք կը բերենք, երբ ողջ մնամ և իմանամ, որ Մշոյ Հայությունը, խիտ շարքերով լեցուած կը լինի բանտի սենեակներուն մեջ»¹:

Հայերին ուղղված Խրիմյանի խորհրդավոր քարոզի իմաստն այն էր, թե գնեք վերցրեք, ընդվզեք, ապստամբեք: Նա չէր ցանկանում, որ Հայ մարդիկ քրդերի նման ավագակության և ոճրագործության դիմեին և այդ պատճառով նրանց Հետ նստեին բանտերում: Բայց փափագում էր, որ նրանք արթնանային ստրկության թմբիկից, իրենց արդար իրավունքների պաշտպանության համար բողոք, պայքարի դրոշ բարձրացնեին, մարտնչեին և լցվեին բանտերը:

Խրիմյանի այս ցանկությունը իրականացավ, բայց նա երբեք չէր կարծում, թե բանտերում ու զնդաններում Հայերի բռնափակումը ստակալի չափեր կընդուներ: 90-ական թվականների կեսերից սկսած՝ թուրքական բանտերում քաղաքական «Հանցագործների» թիվը համարանք չունեիր: Նրանք համարյա բոլորը քրիստոնյաներ էին, որոնց թվում բացարձակ մեծամասնություն էին կազմում Հայերը: Այդ ժամանակներից Հայերին, իբրև քաղաքական հանցավորների, բանտերը նետելու համար օգտագործվում էր ամեն առիթ ու ամեն պատրվակ:

Օրինակ՝ 1907թ. փետրվարին Էրզրումում մի Հայ տղամարդու քաղաքական հանցանքի մեղադրանքով բանտ էին նետել այն բանի համար, որ նա դրանից վեց տարի առաջ իր մեկ հարազատից ամանորի առթիվ ստացել էր շնորհավորական նամակ, որի մեջ նոր տարում երջանիկ լինելու բարեմաղթություն էր եղել: Ի՞նչ, մի՞թե արևափայլ սուլթանի բարձր հովանու տակ Հայերը

¹ Սարգիս և Միսակ Բոչեան, Հարազատ պատմութիւն Տարօնոյ, էջ 191:

երջանիկ չեն: Ապերախտ Հայ, ապերասա՛ն ազգ...

Հեղափոխականների ձեռքակալման ու բանտարգելման առաջին գործողությունը խուզարկությունն էր:

Խուզարկության գործին, բացի ոստիկանական և ժանդարմական ծառայողներից, մասնակցում էին զինվորներ, տվյալ բնակավայրի մուսավիճը, մուստանտիկը, բելեդիե ուսուցիչը, թաղի մուխտարը, նաև՝ թուրք աղաներն ու բեկերը:

Ամեն հավատացյալ թուրք կամավոր լրտես էր և, ըստ էության, ոստիկանի պաշտոն էր կատարում: Նա լուրեր էր բերում կառավարությունը, թե այսինչ հայի մոտ զենք է տեսել, թե մյուսն արգելված թղթեր ունի և այլն:

Բավական էր մի պարզ մատուցություն, որպեսզի սկսվեր խուզարկությունը: Զինվորները չըլապատում էին կասկածի ենթակա տունը՝ պատրաստի բռնած հրացանները, որպեսզի զարկեն փախչելու փորձ անողին: Տան մեջ կանանց և երեխաների լացն ու շիվանն աշխարհ էր բռնում: Փնտրում էին տանտիրոջը, որն, ասենք, արդեն զոհ էր գնացել թուրքական գնդակի, թեև խուզարկուներից ոչ ոք դրան չէր ուզում հավատալ: Տղամարդ չգտնելով՝ հարցաքննում էին տանտիրոջը, իսկ եթե դժգոհ էին լինում ստացած պատասխաններից, հարցաքննում էին երեխաներին, նաև՝ դրացիներին: Հարցաքննվածների ցուցմունքները պատահաբար միմյանց հակասելու դեպքում, խուզարկուներն ամբողջ տունը տակնուվրա էին անում: Ոստիկանները ոտի տակ էին տալիս ամեն ինչ ու փչացնում, գողանում պիտանի իրերը, հափշտակում զարդերն ու դրամը: «Հանցագործին» ձեռքակալելով՝ ամուր կապկալում էին ձեռքերը և զինվորների ուղեկցությամբ ուղարկում բանտ¹:

Սոսկալի էր դեպի բանտ տանող ճանապարհը: «Եասա՛գ, եասա՛գ», - գոռում էին զինվորները և հերթական հարվածը հասցնում «հանցագործին»: «Դին դյուլմենի», - աղաղակում էր թուրք ամբոխը և առաջ վազում ձեռքերով բզկտելու կայանավորին:

Ահա և բանտը՝ հաստաբեստ պատեր, երբեք արև չտեսնող խոնավ, մուժ ու գարշահոտ սենյակներ, որոնցում աղբը, կեղտն ու մարդիկ խառնված էին իրար:

Իրենց ահավոր պայմաններով հատկապես հայտնի էին Աքիայի, Պոտրու-մի, Մուշի, Բիթլիսի, Վանի, Մալաթիայի, Կ.Պոլսի, Էրզրումի, Կենճի, Հասան-գալեի, Սվազի բանտերը:

Ռուբեն Տեր-Մինասյանի վկայությամբ՝ Սասունի ապստամբությունից հետո Մուշի բանտերն էր նետվել 2000-2500 հայ: Տարոնում կառավարական բանտերն այլևս ի վիճակի չէին տեղավորել հայ բանտարկյալներին, այդ իսկ պատճառով բազմաթիվ մասնավոր տներ վերածվել էին բանտերի²:

Ով տեսել էր Մուշ քաղաքի «Կենտրոնական բանտ» կոչված սպանդանոցը,

¹ «Նյութեր...», հատ. Դ, էջ 59:

² Տե՛ս Ռուբեն, Հայ յեղափոխականի մը յիշատակները, հատ. Գ, էջ 319:

սեփական աչքով տեսել էր դժոխքի իրական և հարազատ պատկերը:

Տասներեք անգամ թուրքական կայանավայրերի սարսափները ճաշակած Միսակ Բդեյանը մանրամասն նկարագրել է Մուշի բանտը, նրա անտանների պայմանները, այնտեղ բռնափակված դժբախտ հայերի «ապրել» - մեռնելը:

Մուշի մուսուլման բնակչության 90 տոկոսից ավելին քրդեր էին՝ Համարյա գլխովին անգրագետ: Քաղաքում այս տգետ ու խավար արարածների ձեռքին էին գտնվում կառավարական բոլոր, այդ թվում բանտապետի և նրա 50 ենթակաների պաշտոնները:

1906թ. Մուշի բանտում հազիվ 120 թուրք և քուրդ քրեական ոճրագործ կար, իսկ հայերի թիվը հասել էր 700-ի՝ բոլորն էլ ազգային-քաղաքական զոհեր³:

Բանտի արևելյան կողմի չորս օդասուն սենյակները տրված էին քուրդ անվանի ոճրագործներին, ամեն մի սենյակում 12-15 անձ էր, այսինքն՝ յուրաքանչյուր ոճրագործի հատկացված էր մեկ կանգուն տեղ, այնպես որ այս քրդերը բանտում ապրում էին առանց նեղվելու: Աղքատ դասակարգի պատկանող 100-105 քրդերին հատկացված սենյակներից ամեն մեկում մնում էր 15-20 հոգի: Ինչ վերաբերում է 700 հայ բանտարկյալներին, ապա նրանցից 100-ը նետված էր բանտի ամենախոնավ չորս սենյակների մեջ, ուր յուրաքանչյուրին ընկնում էր կես կանգուն տարածք, այնպես որ բոլորի «անկողինները» տեղավորված էին կողք կողքի և գիշերը մինչ առավոտ մնում էին պառկած, առանց կարողանալու մի կողմից մյուս կողմը դառնալ: Մնացած 600 հայ բանտարկյալները խոնված էին բանտից մի քանի քայլի վրա գտնվող նախկին հեծելազորաց երկու մեծ ախոռներում: Այստեղ նրանք ամառ թե ձմեռ ուղղակի պառկում էին սալահատակին⁴:

Մուշի բանտում հայ բանտարկյալի «անուղղը» օրական ընդամենը 150 գրամ թային (սոմոն) հաց էր, որը պարունակում էր հազիվ 10% ցորեն⁵: «Մենք, հայերս, - գրել է Միսակ Բդեյանը, - դարերէ ի վեր բռնապետութեան ներքև ճնշուող ժողովուրդ մը ըլլալով, միևնոյն համբերութիւնը ցոյց կուտայինք բանտերու մեջն ալ, եթե գոնե բավականաչափ սնունդ ստանայինք»: Ապա՝ «Այդ դժոխքին մեջ նետուողը որքան ալ քաջառողջ ըլլայ, բանտի ապականած մթնոլորտը, խոնավությունը, գարշահոտությունը, պառկիլ-հանգրստանալու տեղի չգոյութիւնը, սննդի անբավարարութիւնը, մաքուր և թարմ օդի բացակայությունը կերպանափոխ կ'ընեին մարդս քանի մը օրուան մեջ... Բոլոր ողջ մնացողները հյուծուած և թոքախտավոր դրութեան մատնուած էին՝ ուղղակի կենդանի մեռելներու ոսկրացած երևոյթը ստանալով: ...Բանտին մեջ գտնուող հուժկու սասունցիներն ալ՝ նախկին առիւծները չէին

¹ Սարգիս և Միսակ Բդեյան, Հարազատ պատմութիւն Տարօնոյ, էջ 191:

² Նույն տեղում, էջ 191-192:

³ Նույն տեղում, էջ 192:

մնացած, անոնք այլ դաշտեցիներուն և քաղաքացիներուն նման, մեռելի գոյն ստացած էին...»¹:

Բասնեում ձերբակալված և Հասանգալեում զնդան նետված Ալեքսան անունով մի ուսանող երիտասարդի վիճակի մասին «Ալիք» (Թիֆլիս) թերթը տպագրել էր Հասանգալեցի թուրքերի պատմած հետևյալ իրողութիւնը: Ահա վեց ամիս է, որ Ալեքսանն անասելի տանջանքներ է կրում բանտում: Նա բոլորովին մերկ է, շապիկ անգամ չունի: Նրան օրական տալիս են քարի պես կարծր և ցեխի պես սև մի կտոր հաց և արտուտ մի թաս ջուր: Գազազած պաշտոնյաների հրեշտակն Հայհոյանքների տարափի տակ նա ուտում է ողորմելի սնունդը: Հազիվ մի պատառ հացը կուլ տալուց սկսվում են խժժութիւնները. ծեծում են գազանաբար՝ ամեն օր գավազանի հարյուր հարված հասցնելով, աքցանով քաշում են մտերը, մագերը պոկում փունջ-փունջ, մարմինը դաղում շիկացած երկաթով և գրեթե կիսամեռ թողնում խոնավ հատակին: Այս գործողութիւնը օրական կատարվում էր երկու անգամ²:

Նույն թերթը տպագրել էր 1906թ. մայիսից Սվազից ուղարկած «Բանտարկյալները Տաճկաստանի մեջ» հոդվածը: Նկարագրութիւնը դարձյալ անտանելի է. ցասումի, նզովքի ու տառապանքի մուսլ զնդանների խորքերից բարձրացող աղիողորմ ճիչեր և շղթաների խուլ շփոն, փշրված եղունգներով պատերը և երկաթե դռները չանգոռոջ նվաղած հոգիների հեծեծանք...³:

Մատենադարանում պահվում է Հայֆայի ավստրիական փոստատան նախկին գրագիր Մուսա Պալանի սրտակեղծք նկարագրութիւնը թուրքական բանտում իր կրած չարչարանքների ու լկուսի մասին⁴:

Կայսրութեան ահալոր բանտերից մեկը Վան քաղաքի բանտն էր, որի հիմնական բնակիչները հայեր էին, և ուր ամեն օր կատարվում էին բարբարոսական ոճրագործութիւններ: Քաղաքում սարսափով էին խոսում բանտային տեսուչ Հյուսնի մասին, որը գազանային ոճիրներ հնարելու անմրցելի վարպետ էր: Բունակալութեան մուսլ ողբերի մեջ անթիվ-անհամար էին իրենց արհեստը կատարելագործած նման արյունակալ դահիճները: «Ոչ մեկ ազգայնքան Հատորեն զարգացուցած է տանջելու արհեստը, որքան թուրքը, - գրել է արևմտահայ գործիչներից մեկը: - Տանջանքը մասնագիտական նրբութեան հասցուցած՝ ան գիտել լավագույն կերպով գործադրել զայն, միևնոյն ժամանակ ուշադիր՝ որ զոհը յանկարծ ձեռքեն չպրծնի, անժամանակ մեռցնելով»⁵:

Վանի բանտում Հարցաքննութիւնը ծեծ ու ջարդի պրոցես էր: Դժբախտից խուսք դուրս քաշելու համար գործի էր դրվում հատուկ մահակը, օրերով

նրան պահում էին սոված ու անքուն: Բանտի պաշտոնյաների հրամանով թուրք և բուրդ քրեական բանտարկյալները բռնաբարում էին նույնիսկ տարիքն առած տղամարդկանց: Քանի՜ - քանի՜ անգամ հայ բանտարկյալը, իր պատիվը փրկելու համար, ստիպված էր սուտ խոսել, չեղած իրողութիւններ պատմել, հայտնել գործի մեջ չեղած իր մասնակցութիւնը, համակերպվել ոստիկանութեան նենգ ծրագրերին, ստորագրել նախօրոք պատրաստած կեղծ ցուցմունքները:

Դաժան բռնութիւնից հետո կալանավորը գայարվում էր՝ շաղախված սեփական արյան մեջ, իսկ տանջողը հրճվում էր գազանային քրքիջով:

Հայ քաղաքական բանտարկյալների մեծ մասը ց'կյանս պահվում էր գետնափոր զնդանների խոռոչներում ու գաղտնարաններում՝ մահվան դատապարտվածների հետ, քրդերի, թուրքերի, չեքեզների և այլ ազգութիւնների ամեն կարգի քրեական ոճրագործների, հանցագործների ու սրիկաների հետ: Վերջիններս բանտերի տեսչութիւնների թուլտրութեամբ կրում էին սառը գնք: 1907թ. սեպտեմբերին Տրապիզոնի բանտում թուրք բանտարկյալները, անշուշտ, բանտային պետերի թուլտրութեամբ, դաշույններով գինված խուժել էին հայ քաղաքական բանտարկյալների խցերը և դաշունահարել 17 հոգու, որոնցից երկուսը մեռել էին տեղնուտեղը⁶:

Նմանօրինակ գազանութիւններ կատարվում էին նաև թուրքական ուրիշ բանտերում, ուր «անհավատները» զոհ էին գնում բանտակից թուրք սրիկաների հարձակումներին:

Կարելի է պատկերացնել այդ իրադրութեան մեջ հայ քաղաքանտարկյալների հոգեվիճակը: Նրանք ստիպված էին ենթարկվել անտանելի դժոխային պայմաններին, զրկված էին խոսելու, գրելու, կարդալու իրավունքից, սպասում էին բանտային վերահսկիչների հերթական զագրելի հիշոցներին և գանակոծութիւններին՝ քաղցից կիսամեռ, թափված իրար վրա, դժվարութեամբ շնչելով ապականված օդը: Մասսայական երևույթ էին բանտարկյալ հայերի թունավորումները:

Հայ քաղաքական բանտարկյալները զրկված էին տեսակցելու իրավունքից: Թեև բոլորն այդ մասին գիտեին, բայց ոմանք քանի օրվա հեռավորութիւնից գալիս էին տեսակցելու իրենց հարազատին կամ փոխանցելու բերած մթերքները: Այդ միամիտները աղաչանք-խնդրանքներով դիմում էին բանտի պաշտոնյաներին, որոնք, սակայն, բերած մթերքները խլելուց հետո, ապտակելով ու հայհոյելով վոնդում էին նրանց:

Ինչպես թուրքիայի մյուս բանտերում, Մալաթիայի բանտում նույնպես քաղաքական բանտարկյալները, փոքր բացառութիւններով, հայեր էին: Ահա թե ականատեսներից մեկն ինչպես է նկարագրել նրանցից մեկի Հարցաքննութիւնը:

Բանտի Հայ քաղաքանտարկյալներից առանձնացրել էին հինգ հոգու և

¹ Սարգիս և Միսակ Բղէեան, Հարազատ պատմութիւն Տարօնոյ, էջ 252:

² Տե՛ս «Ալիք» (Թիֆլիս), N 17, 18 մայիսի 1906թ.:

³ Տե՛ս նույն տեղում, N 38, 11 հունիսի 1906թ.:

⁴ Տե՛ս Մատենադարան, կաթողիկոս Իգնիլիանի անձնական դիվան, մատյան 34, թղթ. 14, վավ. 457:

⁵ Մալխաս, Ձարթոնք, հատ. Բ, Գ տպագր., էջ 411:

⁶ «Դրոշակ», N 10 (187), հոկտեմբեր, 1907, էջ 154:

նետել զնդանի մութ ու խոնավ խորշերը: Բոլորն էլ քաղաքի աչքի ընկնող Հայերից էին, տարբեր մասնագիտությունների մարդիկ: Նրանց վրա Հագուստ չկար այլևս՝ միայն շապիկ ու մի վարտիք:

Կեսգիշերն անց էր, և քաղաքը խոր քուն էր մտած: Բանտում իսկ, ուր սովորաբար աղմուկն ու աղաղակն անպակաս էին, այդ ժամին կատարյալ լուսթյուն էր: Մոտիկ խուցերից երբեմն լսվում էին խուկ Հառաչանք, ծանր տնօրց կամ զառանցանքի խզված խառնիխուռն ձայներ:

Ուժասպառ դարձած կայանավորներից երկուսն այլևս անկարող էին ոտքի վրա մնալու և ընկել էին թաց ու ցեխոտ Հատակի վրա: Թրջված ու սառած վարտիքներն ու շապիկները կպել էին նրանց ջարդված մարմինների արյունով սևացած տեղերին: Նրանց նոր էին Հարցաքննությունից բերել: Ի տես այդ ահավոր պատկերի՝ մյուս երեքը սարսափած ու դողոցով սպասում էին իրենց հերթին: Ցուրտը թափանցել էր մինչև ոսկորները, աստամները գաշվում էին միմյանց և սարսուռ տարածում խուցի մութ խոռոչներում:

Բացվում է խուցերից մեկի դուռը:

- Դոկտոր, գելսըն՝, - ձայն է տալիս գինվորը:

Բժիշկ Ա-ն կորագլուխ դուրս է գալիս և ընկնում գինվորի առաջ: Ահա նա փոլխսանայում է, ուր սկսվում է Հարցաքննությունը:

Նստած են մուսավինը, Հազարապետը և կոմիսարը, իսկ երեք ոստիկան և մի քանի ժանդարմ ոտքի վրա սպասում են:

- Արի, խային, տեսնե՞ք ինչպե՞ս կազմակերպեցիր գինված խումբը և ուղարկեցիր Ձեյթուն, - դիմում է բժիշկին կոմիսարը:

- Ստաֆուրուլյահ՝ էֆենդըմ, ես այդպիսի գործեր կատարող չեմ, ես վե-Հափառ սուլթանի ստրուկն եմ:

- Դեռ սուլթանի անունն է՞ր ես առնում պղծված բերանդ, խնզըր՝, - գոռում է կոմիսարը, ոտքի ելնում և ուժգին ապտակում բժիշկին:

Տիրում է լուսթյուն: Մուսավինը, զգալով, որ իր ներկայությունը խանգարում է քննության գործին, տեղից բարձրանում է և բինբաշու ախանջին փսփսում. «Ձեզ տեսնեմ, առանց խուքը քաղելու չլրկեք իր տեղը» ասելով դուրս է գալիս և մտնում կողքի սենյակը:

- Ձե՞ս ուզում խոստովանել, Հահ, - գոռում է կոմիսարը, - Հիմա քեզ ցույց կտամ:

Ապա դառնալով դեպի գափթիկները՝ կարգադրում է.

- Սրան գետին գարկեք:

Ջափթիկները մի ակնթարթում վայր են գլորում բժիշկին և քացիների տակ առնում: Սկսվում է սովորական դարձած տանջանքը: Բժիշկը, որչափ ուժ

* Գելսըն - եկեք:

** Ստաֆուրուլյահ - քավիլցի:

*** խնզըր - խոզ:

ունեք, զսպում էր իրեն. ամաչում էր ձայն հանել ...

Ոտքի կանգնեց ինքը՝ կոմիսարը, և իր ձեռքով ջինսիլիզն անցկացրեց բժշկի երկու բթամատներին ու սկսեց պտուտակը դարձնել: Ցափի ծանր Հառաչը դուրս թռավ բժշկի բերանից, բայց նա իրեն նորից զսպեց, սեղմեց ատամները՝ չգոռալու համար: Կոմիսարը որքան ուժ ուներ դարձրեց պտուտակը: Բթամատների ոսկորները սկսեցին ճթճթալ ու կոտրատվել, արյունը դուրս ցայտեց: Բայց բժիշկը շարունակում էր զսպել իրեն: Կոմիսարը չէր սպասում և կատաղուձյամբ գափթիկներին Հրամայեց կատարել Հաջորդ գործողությունը:

Ջափթիկները միանգամից Հարձակվեցին և սկսեցին սեղմել կայանավորի ամորձիքը ... Սա արդեն անկարելի էր տանել: Բժիշկը ահամա մի այնպիսի գոռոց արձակեց, որ ավելի նման էր եզան բառաչի, քան մարդկային ձայնի: Տանջանքի ողբն էր դա: Բոլորն այդ ձայնից Հետ քաշվեցին: Սերայի բակում քնած պահապաններն ու պաշտոնյաները վազեցին իմանալու, թե ում են տանջում: Մյուս սենյակից դուրս եկավ մուսավինը և, իբր դժգոհ, Հարցրեց.

- Այս ի՞նչ է, ինչո՞ւ է գոռում այս մարդը:

- Գլավուրները լավ միջոց ունեն արդարանալու, դիտմամբ սկզբից գոռում գոչում են, որ պատժից ազատվեն, - վրա բերեց կոմիսարը:

- Այդ ոչինչ, անիծվածը խոստովանեց, որ ինքն է արել, - ավելացրեց բինբաշին:

- Ձէ, չէ՛, ես չեմ արել, - կիսաշունչ արտաբերեց բժիշկը՝ խրախուսված մուսավինի ներկայությունից:

- Շատ մի՛ խոսիր, ես ականջովս լսեցի, - վրա բերեց մուսավինը և հրամայեց.

- Տարեք սրան:

Չորս գափթիկներ դուրս հանեցին դժբախտին փոլխսանայի դռնից: Ոտքերից բռնած քարերի ու ցեխերի միջով նրան քարշ տալով տարան և ներս գլորեցին բանտախցից ներս: Դուռը ճռռալով փակվեց¹:

Տնքում էր Հայ մարդը ոճիրների ցավից ու ժահրակալ վերքերից:

Նույնպիսի անտանելի տեսարաններ էին Աքեյալի գորշ ու բարբարոս զնդանում, ուր ամեն տարի մեռնում էր տասնյակ Հայ բանտարկյալ: Ավելի քան տասը տարի չարչարանքների ու տանջանքների ենթարկվելուց Հետո, այս բանտում անշնչացավ Հայտնի դաշնակցական գործիչ Աչըկոյոյանը:

Երկար տարիներ Պոլսի բանտում նստած Հայ քաղաքատարկյալներից մեկը 1906թ. սեպտեմբերի 12-ին իր նամակներից մեկում գրել է.

«... Ամեն օր վիշտ, անարգանք, տառապանք: Ի՞նչ է սա. օր մը չըլլար, որ առանց յուզման և զայրոյթի անցընես, գիշեր մը չըլլար, որ երկու-երեք ժամ Հանգիստ քնանաս: Աս մեկ օր, մեկ ամիս, մեկ տարի չէ: Աս տաքին, մեկ սենեակին մեջ 100-120 հոգի իրարու վրա լեցված կը չարչարվին կը կենան:

¹ «Իրոշակ», N 5 (171), մայիս, 1906, էջ 78-79:

Ափերով լու և մլուկ կը տեղան վրադ: Շատեր խենթացան կամ մարեցան այս օրերս: Ի՜նչ ընես ... Բայց Համբրությունն ալ վերջ ունի: Անտանելին ոչ թե աշխարհէն հեռու մնայն է և ոչ ալ բանտի խիտ օրենքները, այլ այն, որ դուն ստորնացած ես չափից դուրս, որ մարդու տեղ չը պիտի դնես ինքզինքդ, ամեն լուտանք ու անարգանք պիտի կլնես, է՛ն ոչինչ մարդը պիտի անարգե քեզ, է՛ն աննշան քուրդը պիտի հրամայե ու յոխորտա վրադ, է՛ն ստոր թուրքը պիտի սաստե քեզ և եթե երիտասարդ ես, պատիվդ բռնաբարելու ջանա: Պիտի դիմադրես, պիտի կռվիս. և ահա, օր մը, սանդուղեն իջած ատենիդ, վատ օրին կը գարնվիս. եթե չը մեռար և դուն ալ գարկիր, ալ բանտեն դուրս ելլելու յոյսդ պիտի կտրես, շղթայ պիտի կրես. զնդանները պիտի նետվիս և ի վերջոյ յիմարանոց նետվելով՝ պուճերուն պիտի կապվիս և գիշեր - ցերեկ ծեծվիս: Վրադ տաք ու պաղ ջուր յաջորդաբար թափելով, պիտի գարնեն ու գարնեն և կիսակենդան պիտի ընկնես ցեխոտ յատակի վրայ սև նկուղներուն մեջ և անշշուկ ու լռին պիտի թոշնես և փչես հոգիդ ...»¹:

Ահավոր ինկվիզիցիայի պայմանների անմիջական հետևանք Հանդիսացող տիֆը, ժանտախտը, թուքախտը և վարակիչ այլ հիվանդություններ կատարում էին իրենց կատաղի հուճը: Հայ երիտասարդ ուժերը թառամում էին ու կյանքից հեռանում ամենակուլ բերդերի ու զնդանների պատերի տակ: Մեռնողները հաճախ մի քանի օր մնում էին բանտախցում՝ կենդանի բանտարկյալների հետ: Սրանք երանի էին տալիս նրանց, ովքեր մեռնելով ազատվել էին տանջանքներից: Կյանքն ավելի տանջալի էր, քան մահը:

Թուրքական բանտերում հայերի կրած անլուր տառապանքներն իրենց արտացոլումն են գտել Հայ գեղարվեստական գրականության մեջ:

Դաշնակցական գործիչ, Հայ ազատագրական պայքարի թեմաներով բազմաթիվ գեղարվեստական ստեղծագործությունների հեղինակ տրապիզոնցի Արտաշես Հովսեփյանը (Մալխաս) իր պատմվածքներից մեկում նկարագրել է թուրքական «արդարադատության», մասնավորապես նրա քննչական մարմինների քստմենի մեթոդները, Հայ հեղափոխականների վրա հնարովի մեղքեր բարդելու կատարելության հասցրած արվեստը: Պատմվածքի գլխավոր հերոսին՝ Վահեին հարցաքննելիս քննիչներն օգտագործում են տանջելու տարբեր չափի գործիքներ՝ իրենց համար ձեռնտու «խոստովանություններ» կորզելու համար: Երբ բանտարկյալը նվաղած ընկնում է գետին, քրննիչ-բանտապետը դիմում է ենթականերին. «Մեծը բավական է, ֆայախկան հանեք շան ոտքերից ... Մեհմեդ աղա, շքերը կրակը դիր, մի լավ կարմրացրու»:

Մի քանի Հայ բանտարկյալներ սենյակի մի անկյունում քարե արձանների նման սահմուկել էին՝ ի տես անմարդկային արարքի: Սարսափազդու ատելությունով նայելով նրանց վրա՝ բանտապետն ամբողջ ծայնով գոռում է. «Դուք ու-

շաղիր նայեք, թե հիմա ինչ է լինելու այս հեղափոխականի հետ. իսկ ձեր բախտը բերել է, ավանակնե՛ր: Ես ձեզ չեմ տանջելու, այլ թաղելու եմ ողջ-ողջ»:

Սուկայի ծեծից հետո Վահեի մարմինը դաղում են շիկացած շամփուրներով, ապա կիսամեռ դուրս տանում:

Բանտապետը դիմում է հերթական զոհին.

- Է՛, հիմա դու առաջ եկ տեսնեմ ... դու՛, դու՛, Եկավան էֆենդի, քեզ եմ ասում: Մեր վեհափառ սուլթանի կառավարությունից դժգոհ ես, Հայաստանի ազատությունն էիր ուզում, անշուշտ, հայ թագավոր էլ էիր ուզում: Ես քեզ այնպիսի թագավորություն տամ, որ երբեք մտքիցդ դուրս չգա ...

Մինչև կես գիշեր աղիողորմ ճիչեր ու հառաչանքներ էին լսվում բանտապետի սենյակից՝

Թուրքական բանտերի և Հայ բանտարկյալների թեմայով Ավետիս Ահարոնյանը գրել է «Բանտում» և «Իմ բանտը» երկասիրությունները:

«Բանտում» ստեղծագործության մեջ գրողը նկարագրել է մահվանից առաջ Հայ հեղափոխականի հպարտ պահվածքը և արհամարհանքը դահլիճների հանդեպ. «Բանտարկյալի կերպարանքը սքանչելի էր ու վեհ: Բաց, լայն ճակատ, պայծառ ու շքեղ, ինչպես իր ծածկած մտքերը, ջրոտ դեմք՝ եզերված թավ, լայն միրուկով, փուլած առնական կրծքին, որ վեհուկյամբ բարձր ու ցածր էր լինում»²:

Եվ ահա այդ առնական, աստվածային գեղեցիկ Հայ տղամարդուն կյանքից զրկելու համար նրա շուրջը, ինչպես բորենիներ, պտտվում են բանտապահ թուրք ոչնչությունները:

«Իմ բանտը» ստեղծագործության մեջ գրողը նկարագրելով թուրքական բանտերում բռնափակված Հայորդիների անեզր տառապանքը, միաժամանակ ցույց է տալիս նրանց անկոտրում կամքը, ցասումն ու նդովքը³:

Բանտերում տառապող Հայորդիներին սրտակեղծ ու հոգեցուլց տողեր է նվիրել Սիամանթոն: «Հայորդիները» բանաստեղծական շարքի «Թիարաներու խորերեն» հատվածում նա դիմում է իր դժբախտ եղբայրներին.

Ձեզի կը բերեմ, ձեզի կը խնկեմ, ձեզի կը մատուցանեմ,

ո՛վ կենդանի մեռյալներ,

Ո՛վ թիապարտներ, ո՛վ աքսորեալներ, Հայրենակարո՞տներ,

կայանավո՞րներ,

Դուք որ մահուան մեջ կ'ապրիք և կեանքին մեջ ամեն վայրկեան

կը մեռնիք,

Դուք որոնց արդար սուրբերուն տեղ այսօր՝ ձեր վրայ, ծանրածանր

շղթաներն են որ կը փայլին...:

¹ «Երոշակ», N 2 (180), փետրվար, 1906, էջ 23:

¹ Մալխաս, Ջարթոնք, հատ. Բ, Գ տպագր., էջ 411-413:

² Ա. Ահարոնեան, Ժողովածու երկերի, հատ. Հինգերորդ, Բոսթոն, 1948, էջ 63-72:

³ Նույն տեղում, հատ յոթերորդ, Վենետիկ - ս. Ղազար, 1948, էջ 165-166:

**Հեծեծանք և սոսկում է թևածում թուրքական բանտի գեհննից-
Գիտեմ թէ ի՞նչ ապառաժեայ խավար է որ կը լեցուի ձեր**

գնդաններուն մեջն անողորմ,

եվ ի՞նչ դաժան երազներ կուզան իրենց ժանիքներովն

ձեր ուղեղը բզբտելու...:

Անդադրում շունդում են գնդանվածների երկաթե շղթաները, որոնց օղակները կատաղորեն զարնվում են մահապարտների ոսկորների վրա: Այդ կապանքները «ցեղին ստրկութեան շղթաներն են», որ հայորդիները նրա «ուսան իրենց ուսերուն վրա վերցուցին»:

Բանաստեղծի Հոգին դառնացած էր, որ ազգը մի հնար չի գտնում բանտերի խավար խուցերից հանելու իր զավակներին.

**Ո՛ւր են ուրեմն, ո՛ւր են մեր բազուկները, մեր կամքերը, մեր մուրճերը,
մեր հարուածներն ազատաբեր,**

**Ո՛ւր է մեր սերը, ո՛ւր է մեր խիղճը, մեր վազը, մեր զայրոյթը
չանթածորար,**

**եւ ե՞րբ, ե՞րբ պիտի վար շրջենք, ե՞րբ պիտի խորտակենք, ե՞րբ
պիտի փշրենք**

**Մահուան դուռներն այդ բանտերուն, երթալ յափշտակելու, երթալ
համբուրելու համար**

**Այդ յավիտենական Հերոսները, որոնք մեր կեանքը, իրենց կեանքեն,
անհուճապես ավելի սիրեցին...**

**Որոնց մեջ թերևս երեկուան սերը մեռնի վաղուան անեծքը
ծնեցնելու համար...**

**Ուրեմն ո՛ւր եք Բուռնցքներ, ո՛ւր եք Բարկություններ, ո՛ւր եք
Խորտակիչներ, ո՛ւր եք, ո՛ւր...:**

Մնված լինելով իր ժողովրդի անպատմելի տառապանքից, իր վրա կրելով նրա արյունոտ կյանքի ծանր մղձավանջը, Սիամանթոն այդ տառապանքից հյուսել էր իր արյան երգերը՝ պարուրելով դրանք ցասման, ըմբոստացման, վրեժի խոր զգացումներով:

Հայ Հեղափոխական կուսակցություններն իրենց ուժերի ու հնարավորությունների ներածի չափով փորձում էին թեթևացնել Հայ բանտարկյալների դաժան կյանքը:

Հ.Յ. դաշնակցության Վասպուրականի կենտրոնական կոմիտեն 1906-ի սեպտեմբերին հրատարակել էր հետևյալ կոչը.

«Հայրենակիցներ.

Անշուշտ լսեցիք բանտի վերջի բռնությունների մասին. պաշտոնյաները ազատութեան մարտիկներին վերջնական կերպով ճնշելու և բարոյապես սպանելու համար ամեն տմարդի միջոցների դիմել են և դիմում են: Դրա գործնական արդյունքը ամբողջ հասարակության առաջն է ... ճիվաղները հասնում

են իրենց նպատակին: Կուսակցությունն անտարբեր չպիտի մնա և չմնաց: Ամենքս հուզվեցինք. ամենքս լացինք. ամենքս պատրաստվեցինք որևէ բան անել: Բայց այդ բոլորով ո՛չ մի գործնական դարձան չարինք ընկերների վերքերին: Խոսքերից և զգացումներից ավելի բանտի ընկերները գործ են պահանջում հեռացումը լիբե պաշտոնյաների և նյութական աջակցություն՝ բժշկական, ապրուստի, դատական և այլ ծախսերի համար: Առաջինը որոշ մարդիկ անում են: Մնում է երկրորդը. իսկ այդ էլ ձեր բաժինն է: Շտապեցե՛ք խոսքից գործի անցնել և ձեր լուծանքով օգնութեան հասնել թշվառներին ...

Արդյունքը [մինչև այժմ] եղել է [ընդամենը] 10 000 դահեկան»¹:

Եվրոպական կառավարությունները, հատկապես Կ. Պոլսի նրանց դեսպանները, քանիցս փորձեր արեցին Հայ քաղաքատարկյալների վիճակի մեջ բարվարում մտցնել, բայց այդ մասնավոր դիմումները չէին կարող և չկարողացան էսպես փոխել համիդյան գեհները: Միայն առանձին դեպքերում հնարավոր եղավ այս կամ այն ոճրի առաջն առնել, ինչպես, օրինակ՝ Անատոլ Ֆրանսի խնդրանքով և էմիլ Կոմպի միջնորդությամբ 1904թ. գարնանը Հ.Յ.Դ. Վան-Վասպուրականի կազմակերպության ղեկավար Վարդգես Սերենկյույանի գլխատման արգելումը:

Չնայած բոլոր արհավիրքներին, Հայ քաղաքական բանտարկյալները, փոքր բացառություններով, մնում էին հավատարիմ իրենց երդմանը և, որպես կանոն, կյանքն ավարտում էին անվրեպ գործող կախաղանների վրա կամ կառափնարաններում իրենց արյունով շարունակելով թրջել Հայոց պատմության բովանդակ էջերը:

«Հայորդիները» բանաստեղծական շարքի «Կախաղաններու կատարեն» հատվածում Սիամանթոն ողբում էր բախտը տրտմաթախիժ հայրենիքի նվիրական որդիների:

Կիսվել էր գիշերը: Բանտապահները կիսամութին անդռհական թիարանների ահավոր անկյուններից դուրս են բերում անվեհեր ու անընկճելի Հայորդիներին՝ Հիշոցների ու նզովքների տարափի տակ: Ազգի որդիները քայլում են դեպի ստույգ մահ՝ ուսերին ունենալով նրա ցավերը, բուռնցքների մեջ ծրարած ատելության կայծակներ:

Ահա մթնշաղի մեջ ցցված կախաղանների կմախքատիպ սյուները, որոնց տակ անհամբեր սպասում են իրենց ցեղի էությունը մարմնավորող դահիճները:

Արևակերպ Հերոսները բարձրանում են կախաղան: Հոգեվարք և մահ: Նրանք մեռնում են առանց գալարումի՝ Հայացքները հառած սարսուղ աստղերին: Իսկ ներքևում, հրապարակի վրա, ցեխի մեջ և ցեխը ապականելով, մոլեգին ծափերի տարափի տակ ոռնոցով ցնծում է արյունախում բարբարոս խուժանը:

Ո՞վ էր տեսնում նրանց նահատակությունը: Ո՛չ ոք: Որևէ մեկը նրանց

¹ «Դրոշակ», N 10 (176), հոկտեմբեր, 1906, էջ 159:

մարմինը չէր փաթաթում պատանի մեջ, մեղեդիներ չէին հնչում նրանց դա-
գաղների շուրջ, խուճկ չէին ծխում նրանց անհայտ շիրիմներին և պսակներ
չէին հյուսվում զարդարելու համար հերթական գոհերի ճակատները: Կախա-
ղանի վրա ճոճվող մարմիններին շոյում էին միայն հայրենի հովերը՝ տառա-
պանքով և հեծեծանքով:

Հերոսները մեռնում էին, մեռնում ամեն օր ու ամեն ժամ, բայց չէր մեռ-
նում նրանց արդար գործը:

**Միայն Գաղափարն է, որ ո՛չ մահ ունի, ո՛չ դատավոր,
ո՛չ գերեզման և ո՛չ դագաղ:
Եվ հիմա, զմեզ խեղդող չվանը մեզի տվե՛ք, մեզի տվե՛ք,
դահճապետնե՛ր, դահիճնե՛ր,
Եվ կեցցե՛ն Ըմբոստները, կեցցե՛ն Ըմբոստները, կեցցե՛ն և կեցցե՛ր
Հայաստան...:**

Հ Ա Յ Ո Ց Տ Ն Տ Ե Ս Ա Կ Ա Ն Ք Ա Յ Ք Ա Յ Ո Ւ Մ Ը

Սուլթանն ու նրա կառավարությունը արմատական լուծում էին պահան-
ջում, այն է՝ Հայաստանն առանց հայերի, բայց այնպիսի մեթոդներով, որ
նպատակը կատարվի սուս ու փուս, որ աղաղակ ու ճիչ չբարձրանա, որպեսզի
եվրոպան հերթական անգամ պատճառ չունենա դատապարտելու իրենց
գործողությունները¹:

Այդ մեթոդներից գլխավորը Հայ բնակչության տնտեսական քայքայումն
էր՝ նրան արտադրության միջոցներից զրկելը, արտադրական շենքերի ու
տների ավերումը, ստացած բերքի ու պարենամթերքի բռնագրավումը, հարկե-
րով սնանկացումը:

Տարիներ առաջ Մշո դաշտի բոլոր գյուղերը շեն ու ծաղկուն էին: Յուրա-
քանչյուր գյուղի Հայ բնակչության 80 տոկոսից ավելին ուներ վարելահող,
բոլորն էլ՝ գութանի կազմ և անասունների հոտ:

Բռնապետական ճնշումների և սանձազերծված հալածանքների հետևան-
քով 8-10 տարում ամեն ինչ փոխվեց: Դաշտի Հայ գյուղերը ենթարկվում էին
անգթությունների և քայքայման: Արդեն 1906-1907թթ. գյուղերում հազիվ
4-5 տոկոս լծկանի տեր հայեր էին մնացել:

Հայկական գյուղերի վիճակն ահավոր էր: Այլևս որևէ շինարարության
մասին խոսք լինել չէր կարող, իսկ եղածը քանդվում էր, կործանվում: Փթած
գերաններին հենված, հսկայական ճաքերով փլվող պատեր, ձեռքն ընկած
ամեն բանով ծածկված ու կաթող տանիք՝ քանդվող առաստաղով, դժվարու-
թյամբ բացվող, կախ ընկած դռներ, խավար ու խոնավ խցեր, ուր ծվարում էին

¹ Այդ մասին տե՛ս Ա. Նորեան, Դրվագներ Հ.Յ.Դաշնակցութեան գործունեութիւնից, Ա տասնամեակ, Բոստըն, 1917, էջ 29:

ամբողջ ընտանիքներ:

Այս եղած-չեղածի վրա էին աչք տնկել թուրքն ու քուրդը:

Լեռների կատարներից իջած ավարատնեչ, ընչաքաղց ու շղթայագերծ
քղերը ծծում էին Հայի վերջին ավիչը: Նրանք հրոսակային խմբեր կազմած՝
չըղում էին գյուղից գյուղ և քաշում-տանում նախիրներն ու հոտերը, հափըշ-
տակում տներում դեռ մնացած փալա-փուլուսը, այն ամենը, ինչ նրա աչքը
բռնել էր:

Ամեն մի քուրդ իր համար մի բեկ էր, որի հետ անկարելի էր անգամ գրու-
ցել: Նա էլ էր վարժվել մաքուր կերակուրների, ուստի Հայ գյուղացուն ստի-
պում էր հավ մորթել, ձվածեղ սարքել, փոխինդ անել:

Քրդերի հարստահարումները ձմռանը մի փոքր թուլանում էին: Յրտի ու
ձյան պատճառով, երբ փակվում էին ճանապարհները, նրանք ստիպված քաշ-
վում էին իրենց որջերը՝ մի պահ ազատ թողնելով մշտական գոհերին: Բայց
գարունը բացվելուն պես, մինչև ուշ աշուն, հայկական բնակավայրերը մշտա-
կան ասպատակությունների ասպարեզ էր նրանց համար:

Խիզանում շեյխ Սեիդ-Ալին քանի՛-քանի՛ հայի գյուղս կերավ, ամայացրեց
գյուղերը, գրավեց հողերն ու կալվածքները, քարուքանդ արեց տասնյակ
եկեղեցիներ և դրանց քարերով իր համար բազմաթիվ շենքեր շինել տվեց:
Շենքերը սարքում էին Հայ վարպետները՝ մահվան սպառնալիքի տակ:

Խարբերդի Ակնը և չըջակա գյուղերը Դերսիմի քրդերի մշտական ասպա-
տակությունների վայրեր էին: Նրանք կողոպտում ու տակնուվրա էին անում
ոչ միայն նահանգի Հայ, այլև թուրք գյուղերը: Միայն 1907թ. Ակն գավառում
թալանվել էր թուրքերի 32 գյուղ: Կատարյալ անխիտանության պայման-
ներում զինվորները, մասնավորապես քուրդ զինվորները, ամեն օր տասնյակ-
ներով փախչում էին իրենց տները, իսկ թուրք զորքերը չէին համարձակվում
քայլել Դերսիմի վրա և խափանել քրդերի կողմից թուրքական գյուղերի ավե-
րումներն ու թալանը¹:

Քուրդ ավազակների խրախճանքի ասպարեզ էին Բաղեշի կուսակալու-
թյան Պուլանըխի և Խլաթի Հայ գյուղերը: Հարստահարումներն այստեղ այն
աստիճանի էին հասել, որ հյուսապատները, հակառակ իրենց համբերյալ ան-
տարբերությանը, 1907թ. մայիսին ստիպված էին քննության առնել լայնա-
ծավալ ոճիրները: Ռուսաստանի և Անգլիայի հյուսապատները, ստանալով
իրենց դեսպանների հավանությունը, նոր կուսակալ Թահհի փաշային ծանուցա-
գիր ներկայացրին, բայց նրանց միջամտությունը ոչ մի հետևանք չունեցավ:

Քուրդ աղաները բռնության տակ հայերին ստիպում էին մշակել իրենց
արտերը՝ վարելուց ու ցանելուց սկսած մինչև ցորենը շտեմարաններ լցնելը:
Գարունը գալուն պես յուրաքանչյուր գյուղից 10, 20, 30 հոգի բռնության տակ
չաբաթներով նրանց այգիներն էին փորում, որ նախկինում եղել էին իրենցը,

¹ «Դրուշակ», N 10 (187), հոկտեմբեր, 1907, էջ 146:

փորում էին անոթի, ծարավ ու մերկ: Հագիվ մի քանի օր Հանգիստ առած կամ իրենց Համար աշխատած՝ վերստին գնում էին այս անգամ էլ աղաների խտրը Հնձեյու, որին Հերթով Հաղորդում էր գարու, ցորենի, կորեկի Հունձը: Շատ տեղերում պահպանվել էր, այսպես կոչված, դշագուլթյան Համակարգը, ըստ որի ձմռանը Հայ գյուղացիները պարտավոր էին իրենց խոտ ու Հարդով խնամել քրդերի անասունները, և երբ մի Հորթ էր սատկում, ապա դրա դիմաց նույնիսկ մի կով տալով նրանք չէին պրծնում գանազան պատիժներից: Իսկ եթե որևէ մի Հայ Հրաժարվում էր ձրի աշխատել, ապա նրա Համար բաց էին գուլումների դռները:

Կողպսովում էին ոչ միայն Հայ անհատներն ու ընտանիքները, այլև նրանց ազգային Հաստատությունները, այդ թվում՝ վանքերն ու եկեղեցիները:

Թուրքական կառավարությունը ժամանակից ի վեր աչք էր տնկել Կիլիկիո Աթոռի պատկանող Թլանի ագարակի վրա, բայց Հանգամանքները նրան թույլ չէին տվել Հագուրդ տալ իր ախորժակին:

Եվ ահա 1906թ. ապրիլին սուլթանական իրադեով Հարթունիս գրավվեց այդ ընդարձակ Հողը, որը դարեր ի վեր Կիլիկիո Աթոռի անվիճելի սեփականությունն էր և Կաթողիկոսության Հասույթի գրեթե միակ աղբյուրը:

Պաշտոնական պատճառաբանությունն այն էր, որ Կովկասից մեծ թվով նոր մուհաջիրներ են եկել, որոնց պետք է բավարարել Հողով, իսկ կառավարությունն ազատ Հողեր, իբր, չունի: Բայց իրական շարժառիթն ավելի խորքային էր: Թլանի մեծ կալվածքը մի տեսակ Կիլիկիո Հայության սիրտն էր, նրա եկեղեցու անկախության կարևոր կրկաններից և ապացույցներից մեկը, որից այժմ զրկվում էր:

Լուրը արագորեն տարածվեց Կիլիկիայով մեկ: Հարվածն անակնկալ էր, ժողովուրդը՝ խոր Հուզմունքի մեջ: Ոչ ոք չէր ուզում Հավատալ դրան, քանի որ նախօրյակին սուլթան Համիդն անձամբ ընդունել էր Կիլիկիո Սահակ կաթողիկոսին և նրան տվել Հուսալից ու փայլուն խոստումներ: Դիվանագիտության մեջ միանգամայն բոբիկ, խաբելու մեջ թուրք տիրակալների ունակություններին անհաղորդ խեղճ ու անհեռատես կաթողիկոսը, որ կյանքի մեծ մասն անցկացրել էր վանքում, սուլթանի Հետ Հանդիպման ժամանակ լյացել էր նրա բառերից:

Եվ ահա այժմ, Թլանը բռնագրավելուց Հետո, կաթողիկոսը բողոք ներկայացրեց Կ. Պոլիս՝ հիշեցնելով սուլթանի խոստումները և այն, որ դրանից երեք տարի առաջ իշխանությունները խլել էին Նահարը Հայ գյուղի բնակիչների բոլոր Հողերը և դրանք բաշխել մուհաջիրներին: Կաթողիկոսը շեշտել էր նաև, որ Թլանի կալվածքի կորուստը իր Աթոռի Համար կործանարար է: Երբ Պոլսից մերժում ստացվեց, Կիլիկիո կաթողիկոսը, իբրև բողոք այդ մերժման, Հայտարարեց իր Հրաժարականը և միաբանության Հետ Հեռացավ Ադանա¹:

¹ «Դրոշակ», N 5 (171), մայիս, 1906, էջ 67-68:

Այդ առիթով «Դրոշակը» գրում էր.

«Երեկ ուռև բռնապետությունն էր, որ փորձում էր Հափշտակել Հայ ժողովրդի եկեղեցական կալվածքները և իրավունքները: Այսօր Ելզըզի խենթը, Հայ արյան այդ անկուշտ Հարալեզը, քաջալերված իր Հյուսիսային դրացու ցնորած օրինակից, գալիս է մի էջ ևս ավելացնելու իր բռնությունների տարեգրությունը»²:

Այդ ամենին լրացնում էր Հարկահանության քայքայիչ, դժոխային սխտեմը:

Հարկերը պետական եկամտի Համարյա միակ աղբյուրն էին: Հարկերից ազատ էին մոլլաները, զինվորական դասը, Պոլսի թուրք բնակիչների մի մասը: Հարկ վճարելու ոչ մի տրամադրություն ցույց չէին տալիս լեռներում ապաստանած և բնատնտեսությամբ ապրող քրդական թափառական ցեղերը: Բալկանյան աշխատասեր քրիստոնյա ժողովուրդները աստիճանաբար թոթափելով օսմանյան լուծը, բնականաբար, ազատվում էին նաև թուրքական Հարկային սխտեմի ճիրաններից: Ինչ վերաբերում է թուրքերին, ապա նրանց մեծ մասը, ծուլ և մեղկ, Հարկը կանոնավոր չէր վճարում և միշտ քրիստոնյաներից էր «ժամանակավոր պարտք» վերցնում մարելու «տերության պարտքը»³:

Տուրքերի Հիմնական բեռը բարձված էր քրիստոնյաների ուսերին, որոնք տրորվում և Հեծում էին այդ բեռան Հեղձուցիչ ճնշման տակ: Հարկերը նախկինում էլ բազմազան էին, անտանելի: Դյուղացու ուսերին ընկած Հիմնական տուրքը տասանորդի տուրքն էր, որը գանձվում էր ոչ թե դրամով, այլ բնամթերքով: Զինվորական տուրքը գանձվում էր 12 տարեկանից սկսած, իսկ խարածը, այսինքն՝ գլխահարկը, յուրաքանչյուր արու գավալից: Կային նաև բազմազան այլ տուրքեր՝ շահատուրք, Հողային, առևտրական տուրք յուրաքանչյուր անասունի Համար և այլն⁴: Բայց ահա այժմ «օրինավոր» ճանաչված այդ Հարկերից բացի, Հայերի վրա դրվում էին նաև մինչ այդ չտեսնված ու չսլված տուրքեր (բաշքիա): Հայը պարտավոր էր Հարկ վճարել մեռած, անհետ կորած, փախած Հարազատների, ինչպես և նորածինների Համար:

Այդ ամենին գումարվում էին այն տուրքերը, որ իրենց Հերթին Հայերի Համար սահմանել էին Հայկական գյուղերի տեր քուրդ կալվածատեր բեկերը, շեյխերն ու աղաները⁵: Ահա դրանցից մի քանիսը.

Խաֆիրություն . - Սա մի տուրք էր, որ քուրդ աղաները վերցնում էին յու-

¹ «Դրոշակ», N 6 (172), Հունիս, 1906, էջ 86:

² Տե՛ս Ա. Նորեան, Դրուագներ դաշնակցութեան գործունեութենից, Ա տասնամեակ, էջ 17: 1877թ. ուռ-թուրքական պատերազմից առաջ օսմանյան կայսրությունում գոյություն ունեւր օրենք, որով երկրագործական բերքից տերությունը վերցնում էր տասից մեկ մասը: Հիշյալ թվականից Հետո բերքից սկսեց գանձվել մեկ ութերորդ մասը (տե՛ս «Ցառաջ» (Կարին), N 4, 15 Հունվարի 1910թ.). Թեև դա ևս շարունակում էր կոչվել «տասանորդի տուրք»:

³ Տե՛ս Երուանդ Խաթանասեան, Հայոց թիւը, Բոստոն, 1965, էջ 5:

⁴ Բրդերի Հարստահարումների մասին տե՛ս «Ժամանակ» (Թիֆլիս), N 8, 12 Հունվարի 1907թ.:

րաքանչյուր գյուղացիական հայ ընտանիքից՝ տարեկան միջին հաշվով հետևյալ չափերով՝ 7 կոտ հացահատիկ, 8 նուկի բուրդ, մի լիդր յուղ, կես լիդր մեղր, 2 ոչխար, 1 զույգ գուլպա և մրգեղեն: Խաֆիրառու աշիրեթներից հայտնի էին հատկապես պալագցիները, խարջանցիները, ջիլանցիները և բազրանցիները:

Մարուանա . - Կոչվում էր այն գործողությունը, երբ մեկը պարտք էր տալիս՝ գրավ վերցնելով տունը, հողը, եզները: Հողը գրավ էր դրվում 1-10 տարով: Պարտքը չվճարելու դեպքում փողատերը գրավը ծախում էր ամենաչնչին գնով:

Մալաֆ . - Կեղեքման մի սոսկալի միջոց էր սա: Փողը տրվում էր կարիքավորին՝ նրանից մթերքներով հետ ստանալու պայմանով: Փողատերը հայ գյուղացուն, ասենք, տալիս էր 10-20 պիաստր՝ վեց ամիս հետո 40-50 պիաստր արժողությունը մի ոչխար ստանալու պայմանով, 12-15 պիաստր տալով նույնքան ամիսներ անցնելուց հետո ստանում էր 30-40 պիաստր արժողությունը մի այծ, 10-12 պիաստր ստացած գյուղացին պարտավոր էր վեց ամիս հետո փողատիրոջը տալ մի լիդր՝ ծխախոտ:

Միրաբայություն . - Դա ճորտական մի դրույթուն էր, որին ենթարկվում էին հայ գյուղացիները, երբ պարտք էին վերցնում մի գումար և պարտավորվում իրենց եզներով ու երկրագործական բոլոր մյուս պարագաներով ծառայել աղային՝:

Այսպիսով, օսմանյան հարկային համակարգը մի լեռնակուռուկ ծանրություն էր, որի տակ հայը տառացիորեն կբաված էր ու ճզմված:

Միայն 1906 թվին, անցյալ տարվա համեմատությամբ, հայկական գյուղերից 60%-ով ավելի տուրքեր էին ուզում, կամ միջին հաշվով յուրաքանչյուր գյուղից ավել էին պահանջում 50 հազար դրուռուշ կամ 50 ոսկի: 1907թ. Հայաստանի մի շարք վայրերում սովի ճիրաններում հեծկտացող հայ գյուղացիներից սկսեցին պահանջել անցած 20-25 տարիների «չմուծված» հետևյալ տուրքերը:

Բացի կառավարական հարկահաններից, հայ գյուղերից հարկերի գանձմանը մասնակից էին դառնում մեծ թվով պաշտոնյաներ ու զինվորականներ: Սրանք ամիսներով աշխատավարձ չէին ստանում, ուստի իրենց չստացածը փոխհատուցելու համար հնարում էին գանազան միջոցներ, այդ թվում ձեռք էին գցում հարկահանի՝ գրավոր հաստատված իրավունք: Դիմելով կառավարական հաշվակալ տնօրենին (մուհասեպեճի) և նրան փեջքեշ տալով՝ այդ պաշտոնյաները ձեռք էին բերում մի կտոր թուղթ (լիազրագիր)՝ իրենց փափագած գյուղից (գյուղերից) տուրքեր գանձելու համար, և անմիջապես

⁷ 19-րդ դարում և 20-րդ դարի սկզբին Տարոնում մեկ լիդրը հավասար էր 9,621 կգ, Սասունում՝ 6, 552 կգ:

¹ Տե՛ս «Նոարիսխ» (Թիֆլիս), N 22, 28 հուլիսի 1907թ.:

գործի էին անցնում:

Այն թուրքերը, որոնք բանակի պարենավորման պայմանագիր ունեին զինվորական իշխանությունների հետ և իրենց պարտավորությունները կատարելուց հետո չէին ստացել ակնկալիք գումարը, նույնպես դիմում էին հաշվակալական տնօրենին և նրանից վերցնում հարկերի գանձման արտոնագիր՝ իրենց նախասիրած գյուղերի վրա: Ձեռք բերելով այդ իրավունքը՝ առանց ժամանակ կորցնելու նրանք անձամբ շտապում էին գյուղերը կամ իրենց ստորադաս պաշտոնյաներին էին ուղարկում հարկեր հավաքելու համար:

Այսպիսի պարագաններում ո՛չ օրենք գոյություն ուներ, ո՛չ էլ խիղճ: «Ամեն մեկը կը փորձեր բան մը փրցնել, - գրում էր մշեցի Սարգիս Բղեյանը: - Խորհող չկար, թե երբ այս ժողովուրդը բոլորովին ուժասպառ ըլլայ, այլևս ի՞նչ պիտի կրնային գանձել յառաջիկայ տարին»:

Հրաման էր տրված հարկատուների հետ վարվել ամենախիստ կերպով, տուրքերը գանձել արագ՝ չթողնելով ոչ մի ապառիկ: Թուրքական ռեժիմի ներկայացուցիչները և՛ թափիտաչիները (հարկահավաքները) թահսիդարները, վերկի-մեմուրիները և զապթիները, խումբ-խումբ, հերթով լցվում էին հայաբնակ գավառները և տուրքերը լրացնելու համար ապշեցուցիչ վայրագություններով գրավում ամեն ինչ: Օր չէր անցնում, որ հարկահանների մի ոճմակ չմտներ գյուղ՝ նորանոր հարկեր պահանջելու: Թե ինչ հարկեր էին և ինչի համար, դա միայն իշխանությունների ներկայացուցիչների իմանալու բանն էր. հային միայն մտում էր պահանջածը տալ: «Տու՛ր առանց հարցնելու և տրտնջալու», - սպառնում էր հարկահանը, որը չէր ուզում լսել «չկա» բառը: «Տու՛ր և ո՛չ մի խոսք»:

Որքան տալիս էին, նորից էին պահանջում: Պահանջում էին արյունոտ խարազանով՝ առանց խնայելու սեռ ու տարիք: Գյավուրներին կենդանի սպանելու համար յուրաքանչյուր հարկահավաք ազատ էր հնարելու ցանկացած նորանոր չարչարանքներ՝ ծաղր ու ծանակ, ծեծ ու ջարդ, անզուժ գանակոծում: Սոսկումը վերջ չունեին: Տուրք ուզողները պոկում էին տղամարդկանց բիխերը, նրանց ստիպում 5-6 օրա ջուր խմել, գոմերում կապում էին տավարի շարքում, երեսներին քսում աղտեղություններ, բերանները լցնում անասունի աղը, գլխիվայր կախում ախոռի մեջ և այլն:

«Որտեղի՞ց տամ» հարցի պատասխանը գտել էր ինքը՝ կառավարությունը: Երբ հայ գյուղացին հայտնում էր տուրքերը վճարելու իր անկարողության մասին, հարկահավաքի մոտ հայտնվում էին հարուստ քրդեր: Հարկահավաքը գյուղացուն դիմելով ասում էր. «Բո ունեցած պարտքերը թող այս բեկերը վճարեն, հետո դու կվերադարձնես նրա պարտքերը տոկոսներով»: Առանց ուշադրություն դարձնելու գյուղացիների լաց ու կոծին՝ քուրդը հանում էր քսակը և նրանց ներկայությամբ ոսկիները հաշվում ու տալիս պաշտոնյային:

¹ Սարգիս և Մրասկ Բղեյան, Հարազատ պատմութիւն Տարօնոյ, էջ 238:

երկար չէր տևում քուրդը գյուղացուց խլում էր վճարածից տասնապատիկ ավելի արժեք ունեցող կալվածքներ:

Մյո դաշտի Հայ գյուղացիութայն երեք քառորդը բառիս բուն իմաստով մասնաված էր բացարձակ չբավորութայն՝ չունենալով մի հավ անգամ: Այս պայմաններում գյուղի ամբողջ «պարտքը» ծանրանում էր մնացած մեկ քառորդ բնակչութայն վրա, որը դեռ չէր լքել Հայրենի եզերքը այն պատճառով միայն, որ, պանդխտութայն մեջ հարազատ ունենալով, ամսեամիս նրանից ստանում էր որոշ գումար և հազիվ կարողանում էր քարշ տալ իր թշվառ գոյությունը՝ առանց ուրբերին տրեխ ունենալու՝ սնվելով միայն կրկրլի սև հացով, որ անասունն անգամ հազիվ էր ուտում:

Ահա դրսից ստացած այս չնչին գումարների վրա նույնպես տնկված էին հարկահանների աչքերը: Գյուղացիք դա էլ ստիպված տալիս էին «պարտքի» դիմաց, բայց նորից չէին կարողանում իրենց օձիքն ազատել: Նրանք երբեմն համարձակվում էին աղաչանքով դժգոհել, ասելով.

«Աղա, չէ՞ որ մեր գյուղի քեաթիպը (գրագիր), գյուղապետը աւելիով ցոյց տուած էին մեր պարտքը, ու մենք վճարած էինք բոլորն ալ, թէ ի՞նչ հալով, այդ ալ՝ Աստուած գիտէ, այս ի՞նչ առնելիք է, որ հիմա նորէն կը պահանջէք՝ դեռ տարին չլրացած»:

Հարկահանի պատասխանն էր լինում.

«Օղուկ, կառավարութիւնը յանձնարարած է մեզի, որ այդ գումարները գանձեն ձեզմե. մենք Հարցուցած ենք կառավարութեան, թէ այդ գիւղը ունի՞ այդքան պարտք, որ երթանք գանձենք: Մեզի պատուիրուած է, որ երբ մեզի այդ տեսակ Հարցում ուղղուի, մեր պատասխանը պիտի ըլլայ. «Վեր, սորմա», այսինքն՝ ինչ որ ձեզմէ կը պահանջուի, տուէք, բայց մի հարցնէք, թէ որո՞ւ հաշւոյն է, որ կը գանձուի»¹:

Զկարողանալով դրամ գտնել՝ հարկահավաքները կողոպտում էին տների բոլոր իրերն ու երկրագործական գործիքները: Երբ այլևս շարժական ոչինչ չէին գտնում, նրանք գրավում ու աճուրդի էին հանում խեղճ ու կրակ պարտապանի հողերը, նրա ձեռքով կտրատել տալիս իր այգիների վերջին պտղատու ծառերը, քանդել տալիս դեռևս կանգուն նրա տունը, գոմերը, ախոռները, մարագները, հանել տալիս կաղնու հաստ գերանները և տանելով վաճառում որպէս շինափայտ կամ վառելափայտ:

Արդեն սովորութիւն էր դարձել, որ գյուղացիները կախտեղից տուն գան՝ առանց ցորենի հատիկ անգամ բերելու: Նրանց ամբողջ վաստակը տուրք էր հաշվված: Երկրագործ դասակարգը գլորվում էր անկումից անկում: Մարդկային թշվառութիւնը ներկայանում էր աննկարագրելի զարհուրելի պատկերով, որի պայմաններում մեռնում էր ամեն ձգտում, իդեալ, ինքնագործունեութիւն:

¹ Սարգիս և Միսակ Բրէեան, Հարազատ պատմութիւն Տարօնոյ, էջ 139:

Սարգիս Բրեյանը վկայում էր, որ քուրդ հարկահաններն այլևս ոչխար ու տավար չէին թողել հայկական գյուղերում: Վա՛յ նրանց, ովքեր ոչխարի տուրքը (խամզուր) տալուց հետո, մեկ-երկու տավար կամ ոչխար փախցնելով տարել պահել էին ուրիշ տեղ: «Այդ պարագային, - գրում էր նա, - անոր տունը, ինչ որ տեսնեին հոն՝ կարասներ, կաղամբի բղիկներ, ամաններ եւ այլն, բոլորն ալ ջարդ ու փշուր կ'ընէին, կիներու գլխուն մագերէն քարը տալով՝ մինչեւ պաշտօնեայի սենեակը կը տանէին: Խեղճ երեխաները իրենց մայրերուն ետեւէն վազելով, լալով ու աղաղակներով՝ օդը կը թնդացնէին: Բայց այդ պահուն ո՞ր պաշտօնեայի խիղճն էր, որ պիտի գթար: Կնոջ կ'ըսէին.

- Կամ մարդուդ տեղը ցոյց պիտի տաս, և կամ դուն պիտի բանտարկուիս անոր փոխարէն:

Խեղճ կինը ի՞նչ գիտնար թէ իր ամուսինը ու՞ր պահոււրտած է: Մեծելով և երեսին մուր քսելով, վարտիքի մէջ կատու ձգելով և շատ անգամ ալ՝ հոն բանտարկուած պահելով, իրենց պիղծ կիրքերուն յագուրդ կուտային: Եւ մինչեւ որ ամուսինը չգար ու չյանձնուէր, թող չէին տար: Եւ երբ ամուսինը հարկադրուէր երեւան ելլելու, խեղճին գլուխը ինչ խաղեր կը խաղային: Բան ու գործ չունիս, ըսէ թէ «ուրիշ տեղ գացեր էի՝ դրամ ճարելու, բայց չկրցայ գտնել»:² Կը մերկացնէին, վրան պաղ ջուր լեցնելով՝ կը ձեծէին, գլուխն ի վար կը կախէին օրերով, մինչեւ որ իր զավակներու միակ ապավիչն եղող կովը առնէին ձեռքէն ու ազատ ձգէին գինք:

Շատ մը թուրքեր, այդ քյուրտերու արյունլուայ ձեռքերը համբուրելով, իրենց խնդակցութիւնը կը յայտնեին»¹:

Դեռ մի կողմ թողած հազարավոր հարկահանների լկտի արարքներն ու հայհոյանքների տարափը, որ թափում էին «գյալուրի» հավատի, կրոնի, խաչի, եկեղեցու, մի խոսքով՝ բոլոր նվիրական սրբութիւնների վրա, անմասն չէին մնում նաև ընտանեկան սրբութիւնները, ընտանեկան պատիվը:

1907թ. փետրվարին հարկահանները էրզրումի վիլայեթի Ալիճե գյուղ էին մտել Ֆազի անունով մեկի գլխավորութիւնով: Դիմելով գյուղացիներից մեկին՝ Միրտչին, որ ի վիճակի չէր պահանջածը տալու, Ֆազին նրա երեսին գոչել էր. «Մեռնեք, սատկեք, պիտի գանձվի այդ տուրքը: Չեր տունը, անկողինը, կահ-կարասին, հավը ու ամեն ինչը պիտի ծախեք՝ պահանջվող դրամը տալու համար: Եթե դա էլ չբավականացնի, պիտի զնաք քաղաք և այնտեղ հարուստներին ծախեք ձեր կնկա, աղլկա, հարսի պատիվը՝ տուրքը վճարելու համար»²:

Հարկահանները պարտապանի նկատմամբ «մեծահոգութիւն» էին հանդես բերում որոշ պարտքերի դիմաց բռնաբարելով նրա կնոջը, հարսին, աղջրկան: Նահապետական Հայ գյուղացին պատրաստ էր տալ ամեն բան՝ և՛ գույք, և՛ կյանք, բայց ոչ երբեք պատիվը: Այդպես էր եղել դարեր շարունակ,

¹ Սարգիս և Միսակ Բրէեան, Հարազատ պատմութիւն Տարօնոյ, էջ 139:
² «Դրոշակ», N 3 (181), մարտ, 1907, էջ 39:

այդպիսին էին իր ազգային ավանդույթները, բայց հիմա նա ընկճված էր, այլևս անուժ էր դիմադրել անեզր չարիքին:

Ժողովուրդը մրմնջում էր.

«Մեր կյանքը դժոխք է, մեր ապրելը՝ գուր»:

ՍՈՎԻ ՈՍԿՐՈՏ ԶԵՌՔԸ

Ավագակային որջերի արանքում ապրող Հայ ժողովուրդը Հոժար էր նույնիսկ տանելու այդ ամեն արհավիրքն ու տանջանքները, եթե իրեն թողնվեր գեթ չոր հաց: Բայց դա էլ չունենր:

Զանգվածային կոտորածներով ու անհատական սպանություններով անցած տասնամյակներին սուլթանը չէր կարողացել հասնել իր գլխավոր նպատակին՝ Հայաստանը տեսնել առանց Հայերի: Այժմ այդ խնդրի լուծումը Համիդը գլուխ էր բերում գերագանցապետ իր ոճրագործությունների չար արգասիք-պսակով՝ սովի միջոցով, որը երկիրը Հայաթափելու ծրագրին նպաստող միջոցներից ամենարմատականն էր:

Անօրինակ ճշուճները, Հարստահարումները, բռնագրավումները, անտանելի Հարկերը անխուսափելիորեն Հասցրին Համաստարած սովի, որը տիրել էր Հայկական Հասարակության Համարյա բոլոր խավերին¹: Սևաբախտ, չարատանջ տաճակահայր խաղում էր գերմարդկային տանջանքների վերջին արարը, կրում սատանայական ուժի վերջին ամենածանր վճռական Հարվածը, որը նույնքան կատաղի էր, որքան քուրդն ու թուրքը, նույնքան սպառնալից՝ որքան Մուշում ու Սասունում, Տիգրանակերտում ու Վանում կենտրոնացած գործի սվինը: Սովը և սուրը միացել էին՝ ջնջելու ժողովրդին:

Սանձագերծված սովն արդյունք չէր անբերրիության կամ բնական այլ աղետների: Դա սովորական կամ պատահաբար առաջ եկած ժամանակավոր սով չէր, այլ անողոք վերջաբանն էր այն տմարդի քաղաքականության, որ թուրքական կառավարությունը շուրջ 30 տարուց ի վեր Համառ Հետևողականության և ամենայն եռանդով գործադրում էր թուրքիայի Հայ ժողովրդի և Հատկապես Վանի ու Բիթլիսի նահանգների նկատմամբ, որոնք իրենց Հայաչատուլյան վաղուց թուրք կառավարության աչքի փուշն էին: Այլ խուսքով, տնտեսական չարիքը՝ սովը, սերտորեն շղկապված էր քաղաքականության հետ: Դա արհեստական սով էր, որ ստեղծել էր սուլթանի կառավարությունը՝ ջնջելու Համար կայսրության մեջ իր ամենատեղի տարրին՝ Հայությանը: Այդ արհեստական սովը գալիս էր զուլումի երկրում բնաջնջելու, վերջ տալու դժբախտ թուրքահայի գոյությանը և, այդպիսով, ընդմիջու լուծելու Նրդրդ Քեոչքի Համար մի սարսափելի ուրվական դարձած կնճռու «Հայկական Հարցը»:

¹ Տե՛ս «Երկիր» (Թիֆլիս), N 20, 24 հոկտեմբերի 1906թ.:

Ականատեսը գրում էր. «Վրա էր հասել անաղմուկ քայքայման և անձայն Հոգեվարքի շրջանը: Սովատանջ էին ամբողջ գյուղեր ու գավառներ: Սովի համատարած արհավիրքն իր ճիրանների մեջ էր առել ամենատարրական ապահովությունից զրկված Հայ մարդուն, որը մահ էր որոճում իր մարդկային օջախի առջև»¹:

Սույն իր ոսկրացած ձեռքը երկարել էր Դուրանի և Սասունի լեռներից մինչև պարսկական սահմանը՝ Պուլանը, Մանազկերտը, Ախլաթը, Մուղանը, Խիզանը, Բիթլիսն ու շրջակայքը և այլն: Միայն Մուշի դաշտում 300 000 Հայությունից 100 000-ը Հացկարոտների բանակ էր՝ իր սև բախտի հետ:

Ո՞վ էր տեսել կամ լսել, որ ցորենի շտեմարան Մշո դաշտն ամեն օր սովից մեռած տասնյակ դիակներ թաղեր: Քաղցից տառապում էր Խլաթը, որի սովալուկ Հայերը 1906թ. գարնանից իրենց գոյությունը քարջ էին տալիս մուրալով: Բաղեշի շրջակա Երանա և Մոկունք գավառակների թշվառությունն ու սովի գործած ավերներն աննկարագրելի էին: Ողբալի վիճակում էին Կարճկան գավառի քաղցածների ահագին լեգեոնները: Սպարկետ գավառում միահեծան տերը դարձյալ սովն էր: Սովի տիրույթն էր նաև Մոկսը: Գյալաչ գավառում ցնցոտիներով սովյալներին թիվ չկար: Բայց ոչ մի տեղ թշվառությունն այնպես համատարած չէր, ինչպես Կարկառ գավառում: Մոտավորապես նույն վիճակում էր Դուրանը²:

Վանից Թիֆլիս ուղարկած մի թղթակցության մեջ ասված էր. «Սույն իր ավերիչ ընթացքով հասել է գագաթնակետին: Այլևս Համբերել և տոկալ անկարելի է»³:

«Մշակ» թերթը քաղվածքներ էր արել Վանից 1907թ. ապրիլի 2-ին Թիֆլիս՝ իր տաճակահայ ընկերոջը գրած մի մասնավոր նամակից, որում կային այսպիսի տողեր.

«Քեզ ես ավելորդ եմ համարում երկար գրել ներկա վիճակի մասին. վիրավոր գազանի նման մենք մոռնում ենք համատարած թշվառության մեջ ... Գյուղացիք, որպեսզի բացված սարալանջերից բանջար բերեն իրենց գոյությունը քարջ տալու համար, 6-8 ժամ ճանապարհ են գնում ... Օրերով կորնգանի սերմ են ուտում:

Չկա, ոչինչ չկա. այս տարի պիտի քայքայվեն տնտեսության վերջին մնացորդները, և ժողովուրդը պիտի ցրվի, մեռնի կամ կրոնափոխության դիմի: Ոչ ոք չի կարող այդ տարերային գահավեժի առաջին առնել: Մահն արդեն չոքել է այս աշխարհի վրա ...»⁴:

Նույն «Մշակ» թերթը տպագրել էր Մշո գավառի Արվառից գյուղացի Հովսեփ Ավեյանի նամակը, որ ուղարկել էր Բաթում բանվորության գնացած

¹ Մատենադարան, Արշակ Ալպոյանյանի արխիվ, թղթ. N 3, վավ. 3², թ. 2:

² Այդ մասին տե՛ս «Ալիք» (Թիֆլիս), N 5, 5 հուլիսի 1906թ.:

³ «Նարիսխ», N 19, 25 հուլիսի 1907թ.:

⁴ «Մշակ», N 98, 12 մայիսի 1907թ.:

իր եղբորը: Աղեկտուր ողբով նա գրում էր.

«Աշնան խրկածդ 10 ոսկին մենակ քալածի գին մնաց մեր ձեռք. այն օրեն մինչ Հիմա անթի ու ծարավ ու խեղճ վիճակի մեջ ենք և Աստուծոյ Հովատայ, որ շարաթ եղած է որ բնավ մեր թոնրին մեջ հաց եփած չէ: Ձէ՞ որ իմ գրած նամակի մեջ յիշած էինք թե պատասխանին հետ մեզի դրամ խրկեք. ու՞ր է, բնավ մեզի պատասխան մը չը տուիք: Սիրելի եղբայր, մեկ բաշխիր ցախ ծախելով եփված հաց առի, տարայ տուն, ամեն մեկուն մեկ հաց չեղավ: Հապա այդ տեսակով ի՞նչպես պիտի կրնամ այսչափ ընտանիք եփված հացով պահել ... Ահավասիկ, եղբայր իմ, մենք գոմով ու քոչով քո ձեռքերուդ տեղ ոտքերդ կը համբուրենք, որ այս գիր ձեռքիդ հասածին պես մեզի 20 ոսկի խրկես, որ տամ իմ անտանելի պարտքեր և երկու կամ երեք քիլա գլկել առնենք որ այս ձմռան սովամահ չը լինենք: Հավատայ Աստուծոյ, որ մեր գյուղին մեջ երկու անձ անոթութենեն մեռան. մեկը Գորե Պետոն, մյուսն ալ Հլղաթի հարս ...»¹:

Հայկական գյուղերը լցված էին սովից առաջացած հիվանդություններով: Ժողովուրդը շվարած չգիտեր ուր և ում դիմեր, իսկ անգութ իշխանությունները շարունակում էին սառնասրտորեն իրականացնել Հայերին սովամահ անելու դիվային ծրագիրը:

Կարծես այդ բոլորը քիչ էին, պակասը լրացնելու եկավ բնական աղետը:

1907թ. մարտի 29(16)-ին Բիթլիսի վիլայեթում սկսվեցին երկրաշարժի հզոր ցնցումներ: Բիթլիս քաղաքի բազմաթիվ տներ և շրջակա շատ գյուղեր քանդվեցին: Ամբողջովին ավերակների մեջ էին ինյութիկ, Բարխանդ, Գոմս, ինյավզուր, Ամպ-Կորվու Հայկական գյուղերը: Եղան բազմաթիվ զոհեր ու վիրավորներ:

Բարեբախտաբար սկզբնական ցնցումները թեթև էին եղել, որի հետևանքով ահաբեկ ժողովուրդը կարողացել էր շինություններից դուրս գալ, բայց գոմերում մնացած անասունների մեծ մասը ոչնչացել էր: Մարդիկ թափվել էին քաղաքից դուրս և խուրջներից ու փսիաթներից պատրաստել «վրաններ»: Շարժի օրը սաստիկ ձյուն էր տեղացել, իսկ հետո 3 - 4 օր անընդհատ անձրև էր եկել: Շարժը շարունակվել էր մի ամբողջ շաբաթ, և ամենքն այդ խիստ եղանակի պայմաններում ստիպված մնացել էին դաշտում:

ԱՆՀԵՏԱԶԳԵԼԻ ՕԳՆՈՒԹՅՈՒՆ

Տաճկահայաստանից եկած աղեկտուր ձայները, Հայկական գավառների սովը և գերմարդկային տանջանքները ցնցել էին ողջ Հայության սիրտը: Օրհասական դրություն մեջ ընկած թուրքահայն աղիողորմ հառաչանքներով իր

վրա էր հառել ամենքի Հայացքը, որոնք սոսկում էին իրենց եղբայրների ու քույրերի անտանելի կացությունից և, մոռանալով ամեն ինչ, լարում էին իրենց ուժերը, գործ էին դնում ամեն միջոց՝ նրանց ազատելու դժոխային վիճակից:

Տարոնից «Իրոշակի» խմբագրությանն ուղարկած 1905-ի հոկտեմբերի 6 թվակիր նամակում նրա հեղինակը գրում էր.

«Պետք է դիմել, աղաղակել, ստիպել մեր Հարգելի ազգայիններին և հեռավոր սրտակից եղբայրներին, որ փութան դրամական նպաստ Հասցնելու, ապա թե ո՛չ, Տուրուքերանի Հայ Ժողովուրդը կորած է. այլևս դիմանալ անհնար է: Ո՞ր Հիսուս, ո՞ր ազգ, ո՞ր Ժողովուրդ տարավ այս վերջին 20 տարվա Տարոնոյ Հալածանքը և անասան մնաց ...»¹:

Անդրադառնալով տաճկահայերին ցույց տրվելիք անհետաձգելի օգնության հարցին՝ «Մշակը» գրում էր.

«Տաճկահայի ներկա ճգնաժամն իր բարդ ու ծանր հետևանքներով եզակի լինելով՝ այս անգամվա անելիք օգնությունը նրա գոյության և լինել չլինելու հարցն է ասպարեզի վրա դնում ... Ձէ՞ որ մարդասպան փաղիչահի ծրագիրն է այդ: Այս անգամ էլ պետք է Հնարավորության չափ ուշքի բերել տաճկահային»²:

Առաջին և երկրորդ պետական դումաների Հայ անդամները մի քանի անգամ հարց էին բարձրացրել, որպեսզի թուրքահայերի օգտին հանգանակությունները կատարվեն լեզալ, այն նպատակով, որ կառավարությունը, ելնելով մարդասիրական սկզբունքներից, ինքը ևս նպաստի այդ գործին: Հայ Հասարակությունը պահանջում էր Հավաքված գումարները դնել Կ.Պոլսի ռուսական դեսպանի տրամադրության տակ՝ նրան վստահելով այդ գումարների բաժանումը սովահար Հայկական նահանգներին:

Բանն այն էր, որ երբ թուրքաց իշխանությունները նկատում էին թուրքահայերի գործերին Հայ հեղափոխական կուսակցությունների կողմից որևէ կասկածելի միջամտություն, ամենայն խստություն անհնարին էին դարձնում որևէ հաղորդակցություն ռուսահայության և տաճկահայության միջև: Ուստի տաճկահայերին հաց, ուտելիք, դրամ հասցնելու համար անհրաժեշտ էր գործել վերին աստիճանի զգույշ, օգնությունը կատարել այնպիսի եղանակներով, որ Կ.Պոլսի կառավարության մոտ չհարուցեր որևէ կասկած, որպեսզի նա առիթ ու պատրվակ չունենար արգելելու օգնությունը: Հենց այդ պատճառով կտրուկ ու բացորոշ դրվում էր այն պահանջը, որ սովասանջ թուրքահայերին օգնելու գործին չպետք է միջամտեն անլեզալ հեղափոխական կուսակցությունները և, առաջին հերթին՝ Հ.Յ.դաշնակցությունն ու հնչակը: Գործի շահը պահանջում էր այն դեմը միանգամայն լեզալ հողի վրա, որպեսզի

¹ «Մշակ», N 58, 17 մարտի 1907թ.:

¹ «Իրոշակ», N 12 (165), նոյեմբերի երկրորդ կես, 1905, էջ 186:

² «Մշակ», N 93, 6 մայիսի 1907թ.:

թե՛ նվիրատու Հասարակութունը և թե՛ նպաստ ստացող սովատանջները կարողանան միշտ բաց ու հայտնի հաշիվ տալ և ստանալ: Անյեզալ հեղափոխական կուսակցությունների ու խմբերի միջամտությունը միանգամայն կհափաներ օգնություն գործը, և նվերները չէին կարող հասնել իրենց նպատակին:

Այդ մտեցումը արդյունավետ եղավ, արդյունքների տեսակետից՝ Հուսադրող:

Ամենայն հայոց կաթողիկոս Միրտիչ Նրիմյանի հանձնարարականով 1907թ. մարտին Թիֆլիսում ստեղծվել էր կենտրոնական հանձնախումբ՝ «Հանգանակիչ մասնաժողով» անունով, որը պետք է կազմակերպեր դրամահավաք՝ ի նպաստ Թուրքահայ տառապյալ ազգաբնակչության:

Մասնաժողովը բաղկացած էր հետևյալ անձերից՝ Համբարձում Առաքելյան, Ավետիք Արասխանյան, Իշխանուհի Սոֆյա Արղունյան, Գաբրիել Կաֆյան, Զավեն Տիգրան, տիկ. Հայկանուշ Մարտիրոսյան, Ալեքսանդր Մելիք-Ազարյան, Սամսոն Հարությունյան, Առաքել Սարուխանյան, բժ. Կարապետ Ստեփանյան, Բրիտանոս Կերմիչյան և Ալեքսանդր Քալանթար: Հանգանակիչ մասնաժողովն ընտրել էր իր գլխավոր հետևյալ կազմով՝ Ալեքսանդր Մելիք-Ազարյան՝ նախագահ, Սամսոն Հարությունյան՝ փոխնախագահ, Առաքել Սարուխանյան՝ գանձապահ և Համբարձում Առաքելյան՝ քարտուղար¹:

Հայրապետական կոնգրեսով 1907թ. մայիսին հաստատելով հանգանակիչ մասնաժողովի կազմը՝ կաթողիկոսը միաժամանակ միջնորդություն է հարուցում Կովկասի փոխարքա կոմս Վորոնցով-Դաշկովին՝ խնդրելով թույլատրել հանգանակություն բանալ «ի նպաստ Թուրքական Հայաստանի մեր սովյալ և բազմակարոտ եղբայրներին»: Փոխարքան ընդառաջ է գնում և հաստատում է մասնաժողովի գործելու իրավունքը: Կաթողիկոսին ուղարկած իր N 22311 գրությունը նա հայտնում է, որ նախաձեռնությունը հավանության է արժանացել ներքին ու արտաքին գործերի մինիստրների կողմից և արդեն արտոնված է սկսել հանգանակությունը:

Փոխարքայի գրությունը գոհունակություն առաջ բերեց Հայկական շրջաններում, տարբեր ուղղությունների մամուլի էջերում:

Թիֆլիսում լույս տեսնող «Անկախ մամուլ» թերթը գրում էր.

«Մինչև ուսական ազատագրական շարժման բռնկումը՝ տաճկահայերին օգնելու մասին խոսելը, առավել ևս՝ գործելը, մեզանում՝ հակակառավարական գործ էր համարվում և խստություն պատժվում: Այսօր, սակայն, մենք ոչ միայն կարողանում ենք ազատորեն խոսել տաճկահայկական խնդրի մասին, այլև իրազորված ենք տեսնում այնպիսի մի փափազ, որպիսին է Ռուսաստանի սահմաններում լեզալ (կառավարությունից թույլատրված) կերպով հանգանակություն անելը մեր տառապյալ եղբայրների համար»²:

¹ Մատենադարան, Արչակ Այսոյաճյանի արխիվ, Թղթ. N 3, վալ. 5:
² Նկատի է առնված 1905-1907թթ. ուսական մեծ հեղափոխությունը:
³ Այսինքն՝ ուսական կայսրությունում:
⁴ «Անկախ մամուլ» (Թիֆլիս), N 3, 4 դեկտեմբերի 1907թ.:

Տեղեկանալով փոխարքայի գրությանը՝ հանգանակիչ մասնաժողովը դիմեց Կովկասի հայ հասարակության բոլոր խավերին՝ կոչ անելով չզայնալ նպաստ բերելու Թուրքական Հայաստանի սովատանջ արյունակիցներին: Հույս էր հայտնվում, որ հայ հասարակությունը խորապես կ'ըմբռնի խնդրի լրջությունը և ասպարեզ կիջնի առատաձեռն նվիրատուներով: «Ստացված նվիրատուներին և Թուրքական Հայաստան ուղարկվելիք դրամական նպաստների մասին պարբերաբար հաշիվ կներկայացվի հասարակությանը՝ լրագրության միջոցով»¹, - ասված էր կոչի մեջ:

Հանգանակիչ մասնաժողովի հրատարակած կոչին լայն արձագանք տվեց Հայ հասարակությունը:

Թուրքահայոց սովի առաջն առնելու և նրանց բժշկական օգնություն ցուցաբերելու համար Անդրկովկասում և Ռուսաստանի Հայաստանի վայրերում քաղաքական, հասարակական, բարեսիրական կազմակերպությունները ծավալուն աշխատանք սկսեցին՝ հավաքվում էր դրամ, հազուստ, դեղորայք:

Բավական մեծ գումարներ էին նվիրաբերում արդյունաբերական ընկերությունները, զանազան կազմակերպություններ: Ինչպես և սպասելի էր, խոշոր գումարներ հավաքվեցին Բաքվում, Թիֆլիսում, Երևանում, Ալեքսանդրապոլում, Գանձակում, Մոսկվայում, Նոր Նախիջևանում:

Այսպես, Բաքվի «Արամազդ» նավթարդյունաբերական ընկերության ղեկավարությունը 1907թ. մայիսի 8-ին Կ.Պոլսի ուսաց դեսպան Զինովևին ուղարկեց 5000 ռուբլի՝ խնդրելով այն տաճկահայ սովյալներին հասցնել դեսպանության կամ ուսական ու Ֆրանսիական Հյուպատոսների, ինչպես և Հայոց պատրիարքարանի ու առաջնորդարանների միջոցով: «Մատուցանելով Ձերը Գերազանցությանը մեր խորին երախտագիտությունը, մենք համոզված ենք, որ Դուք անուշադիր չեք թողնի մեր խնդրանքը»², - ասված էր «Արամազդ» ընկերության կողմից Զինովևին հղած գրության մեջ:

Դաշնակցության ղեկավարությունը Հ.Յ.Դ. կովկասյան մարմիններին հանձնարարել էր 100 000 ֆրանկի դրամական օգնություն հասցնել Թուրքահայաստանի սովյալներին³: Քանի որ այդ գումարը կուսակցությունը չէր կարող ուղարկել իր անունից, ուստի դա իրականացվեց Կովկասի բարեգործական կազմակերպությունների միջոցով:

Նվիրատուներին էին անում նաև անհատ անձինք՝ գերազանցապես բանվորներ, գյուղացիներ, մանր առևտրականներ, առանձին դեպքերում նաև մեծահարուստներ: Այսպես, երևանցի Հարություն Շամիլյանը Կովկասի Կենտրոնական նպաստամատուց հանձնաժողովին հանձնեց 20 000 ռուբլի, որից 10 000-ը՝ Թուրքիայի Հայ սովյալներին⁴:

¹ «Անկախ մամուլ» (Թիֆլիս), N 3, 4 դեկտեմբերի 1907թ.:
² «Մշակ», N 97, 11 մայիսի 1907թ.:
³ Տե՛ս «Դրոշակ», N 6-7(184), Հունիս-Հուլիս, 1907, էջ 102:
⁴ Տե՛ս «Մշակ», N 100, 6 սեպտեմբերի 1907թ.:

Սակայն միջոցների հանգանակումը խնդրի մի կողմն էր միայն. այն ավելի դյուրին էր, քան հանգանակածի բաշխումը Թուրքահայաստանում: Արդյո՞ք դա տեղի թուրք և քուրդ բնակչությանը Հայերի հանդեպ նոր խժոճությունների առիթ էլ էր տա: Վտանգ կար, ավելին՝ այն անխուսափելի էր:

«Անկախ մամուլ» թերթը գրում էր. «Եթե Կովկասից գնացած օժանդակությունը բաժանվի միայն Հայերին, սուլթանի կառավարությանը դժվար չի լինի անգիտակից կամ կիսագրագետ թուրք ու քուրդ խուժանին տրամադրել Հայերի դեմ: Եվ, վերջապես, ի՞նչ ձևով և ո՞ւմ միջոցով նպաստները պետք է հասցնել Տաճկաստան՝ ավերի ու թալանի այդ երկիրը»¹:

Միակ ելքը Կովկասից ստացված օգնության մի մասը հարևան քրդերին ու թուրքերին հասցնելն էր, և այդպես էլ արվեց:

Ռուսահայության կողմից ցույց տրվող օգնությունը ներառում էր նաև դեղամիջոցների հայթայթումն ու առաքումը: Դա հրատապ էր, քանզի թուրքահայերի սովահարությունը հետևում էր հյուժախտը, մոլեզնում էին նաև զանազան տարափոխիկ հիվանդություններ:

Բժշկական օգնության եզակի նախաձեռնություն էր հանդես բերել դաշնակցական Հայտնի գործիչ, բժիշկ Յակով Չավրիկը (Հակոբ Չավրիյան): Նա մտածել էր իրականացնել մի կարևոր ձեռնարկ՝ տառապյալ Հայերին բժշկական և սանիտարական օգնություն ցույց տալու համար մեկնել Սասուն և Մուշ:

Լայն կապեր ունենալով Պետերբուրգի բարձր հասարակության շրջաններում բժ. Չավրիկը հարցը բարձրացրել էր Ռուսաստանի արտգործմինիստրության առջև, իսկ սա իր հերթին հանձնարարել էր Կ.Պոլսի ռուսաց դեսպան Իվան Ալեքսեևիչ Չինովևին՝ փորձել ձեռք բերել թուրքական կառավարության համաձայնությունը: Դեսպանը թուրք կառավարությանը հղած միջնորդության մեջ գրել էր, որ բժ. Չավրիկը երեք ֆելդշերով նպատակ ունի բժշկական օգնություն ցույց տալ Սասունի և Մշո դաշտի ոչ միայն Հայերին, այլև մուսուլմաններին: Նա նշել էր, որ խումբն իր հետ տանելու է մեծ քանակի դեղորայք և առողջապահական-ախտահանիչ նյութեր, որ խմբի ծախսերը հոգացվելու են ինքնուրույն նվիրատվություններով, որոնք ուղարկվելու են իրեն՝ Չինովևին՝ բժ. Չավրիկին հասցնելու համար: Վերջինս ռուսաց դեսպանին պարբերաբար հաշվետվություններ է ներկայացնելու ստացած գումարների ծախսման, բժշկասանիտարական օգնություն ցույց տալու մասին: Դեսպան Չինովևն իր միջնորդագրում թուրք կառավարությանը նաև տեղյակ էր պահում, որ բժ. Չավրիկի միսիան շտապեցնելու և նրան դյուրություններ հայթայթելու համար իր երկրի արտգործմինիստրությունը Կովկասի բարձր իշխանության սահմանագծային հարաբերությունների վարչության պաշտոնյա Կախանովսկուն հանձնարարել է՝ ամեն աջակցություն ցույց տալ բժ. Չավրիկի ձեռնարկին, որպեսզի նա իր խմբի հետ սահմանից ապահով ուղևորվի

¹ «Անկախ մամուլ», N 3, 4 դեկտեմբերի 1907թ.:

մինչև Մուշ, եթե, իհարկե, ստացվի թուրքական կողմի համաձայնությունը:

Ի վերջո հաջողվում է ձեռք բերել սուլթանական իրադե: 1905-ի գարնան վերջերին Չավրիկը Պետերբուրգից գալիս է Թիֆլիս, ուր նրան ընկերանում են Թադևոս Ամիրյանը, Մարգար Ժամհարյանը, մի վրացի և մի ուրիշ հայ¹:

Ենե թուրք կառավարությունը Չավրիկին թույլատրել էր իր խմբով Թիֆլիսից անցնել Մուշ, բայց տեղ հասնելուց հետո նրանց զրկում են ազատ գործելու հնարավորությունից. բժշկական խումբը լիովին կղզիանում է: Հայերին խստիվ արգելվել էր մոտենալ բժշկին, իսկ եթե նրանցից որևէ մեկին, այնուամենայնիվ, հաջողվում էր ընկնել Չավրիկի մոտ, ենթարկվում էր պատժի:

Վերջապես մի քանի օր հետո բժիշկը առաջարկ է ստանում հեռանալ երկրից: Չավրիկը ստիպված է լինում դադարեցնել առաքելությունը: Մուշից վերադառնալուց առաջ նա գաղտնի հանդիպում է ունենում տեղի դաշնակցական կազմակերպության ներկայացուցիչների հետ, նրանց թողնում մի շոշափելի գումար՝ հիվանդներին բաժանելու համար²:

Այսպիսով, անհաջողությամբ է վերջանում ռուսական հովանավորության ներքո «օրինավոր» ճանապարհով Մուշ-Սասունին բժշկական օգնություն հասցնելու Յակով Չավրիկի փորձը:

Սակայն այդ անհաջողությունը չթուլացրեց կովկասահայ կազմակերպությունների և անհատների ճիգերը, որոնք շարունակում էին ուղիներ փնտրել թուրքահայոց տառապանքները թեթևացնելու համար: Իրենց ընտանիքներին և գյուղական համայնքներին օգնության էին հասնում նաև Եվրոպայում, Ամերիկայում, եգիպտոսում և այլուր գտնվող թուրքահայերը:

Բոստոնի «Հայրենիք» թերթը «Օգնեցեք Հայաստանի սովյալներուն» խորագրի տակ պարբերաբար տպագրում էր նյութեր Հայաստանի կացության մասին, տազնապ էր բարձրացնում և ամերիկահայերին կոչ անում օգնության ձեռք մեկնել Հայրենիքում մնացած սովահար ժողովրդին³:

Կործանվող Հայրենիքի ավերակների տակից Հայտնվելով աշխատանքի վարձատրության բարենպաստ մթնոլորտի մեջ՝ արդեն ի բնե ժուժկալ ու կենսական համեստ պահանջներով թուրքահայ գաղթականը կարողանում էր ոչ միայն իր ապրուստի միջոցներն ապահովել, վաստակի մի զգալի մասը տրամադրել հասարակական գործերին, որբախնամ, աղքատախնամ, կրթասիրաց, ուսումնասիրաց, զրադարանային և այլ անուններով բազմազան ընկերություններին ու միություններին, այլև տարեկան մի քանի տասնյակ ոսկի ուղարկել Երկիր: 1905-1907թթ. Թուրքահայաստանում ծայր առած համատարած սովի պայմաններում տարագրության մեջ գտնվող Հայորդիներն իրենց համարյա ողջ վաստակածը ուղարկում էին հարազատներին և համա-

¹ Տե՛ս Ռուբեն, Հայ յեղափոխականի մը յիշատակները, Հատ. Գ, էջ 355:

² Տե՛ս նույն տեղում, էջ 356:

³ Տե՛ս «Հայրենիք», N 21(411), 25 մայիսի 1907թ.:

գյուղացիներին:

ԹուրքաՀայ սովյալներին կարևոր օգնություն էր ցուցաբերում նորաստեղծ Հայկական բարեգործական ընդհանուր միությունը (ՀԲԼՄ):

Միությունը Հիմնադրվել էր 1906-ի ապրիլի 15-ին Կահիրեում (Եգիպտոս)՝ Պողոս Նուբար փառայի նախաձեռնությամբ և մի քանի նշանավոր Հասարակական գործիչների աջակցությամբ¹:

ՀԲԼՄ-ն իր էությունը Համազգային էր ու մարդասիրական, Հետևապես չունեցրեք քաղաքական նպատակներ, կոչված էր օգնություն Հասնելու Պարսկաստանի, Ռուսաստանի և աշխարհի գանազան կողմերի Հայերին, բայց ամենից առաջ՝ Թուրքիայի Հայությանը, նպաստելու նրա մտավոր ու բարոյական զարգացմանը, նյութական ու տնտեսական կացության բարվոքմանը, Հայ գյուղացիության Համար Հայթայթել Հողատնտեսական միջոցներ, արհեստագործական գործիքներ, նրան տալ նախագիտելիքներ²:

Բարեգործական միության ստեղծումը Համընկավ ԹուրքաՀայաստանում ծայր առած ավերիչ սովին: Եվ միությունը Հնարավորությունների սահմաններում Հասնում էր սովյալներին:

Բայց տառապող Հայությանը Հասցրած եղբայրական օգնությունն ի վիճակի չէր փակելու Համատարած սովի երախը և դարձանելու գերազանցապես դրա Հետևանքով Հիվանդություններ ձեռք բերած Հազարավոր Հայերի: Ոչ Կովկասահայությունը և ոչ էլ արտասահմանյան երկրների Հայերը որքան էլ ջանքեր թափեցին, անկարող էին կանգնեցնել ԹուրքաՀայոց անօրինական Հարստահարումները, թեթևացնելու աՀռելի Հարկային բեռը, կանխելու նրանց սպանությունները, արգելք լինելու կրոնափոխությանը, Թուրքացմանն ու քրդացմանը, անկարող էին թեթևացնելու Թուրքական բանտերում տառապող Հազարավոր Հայ բանտարկյալների վիճակը:

Տ Ե Ա Ք Ա Լ Ե Դ Գ Ա Ղ Ք Ը

Մրմնջացող ցավերն ու թշվառությունը՝ սպանությունները և բանտային տանջանքները, ոստիկանական չդադարող Հետապնդումները, անլուր Հարստահարումները, տնտեսապես քայքայող Հարկերը, ամենակուլ սովը Թուր-

¹ Տե՛ս Էդուարդ Լ. Մեյքոնյան, Հայկական բարեգործական ընդհանուր միությունը և նորընդդային Հայաստանում 1923-1937թթ., Երևան, 1999, էջ 6:

² Հազվադեպ էր, երբ մի ընկերություն ամենասեղծ միջոցում ունենար այնպիսի բեղմնավոր գործունեություն և ձեռք բերեր այնքան մեծ Համակրանք ու ժողովրդականություն, ինչպես ՀԲԼՄ-ը: Բավական է ասել, որ եթե 1881թ. Հիմնված Կովկասի Հայոց բարեգործական ընկերությունը (ԿՀԲԸ) իր գոյության մոտ 30 տարվա ընթացքում կարողացել էր Հավաքել 200 000 ռուբլու Հասնող դրամագուլիս, ապա 1906-ին ստեղծված Հայ բարեգործական միությունն իր գոյության երկու տարվա ընթացքում ունեցավ մոտ 60 Հազար ռուբլու դրամագուլիս և բարեգործական նպատակներով ծախսեց ավելի քան 160 Հազար ֆրանկ (տե՛ս Մատենադարան, Արշակ Ալպոյաճյանի արխիվ, թղթ. N 4, փավ. 6³):

քիայի և Հատկապես ԹուրքաՀայաստանի Հայ բնակչությանը կանգնեցրին Հասարակայնորեն փլուզվելու իրական Հեռանկարի առջև:

1895-1896թթ. Հետո Հայի աղեկտուր Հառաչանքն այնպես ուժգին չէր լսվել, բնաջնջումի երկյուղը նրան երբեք այնպես չէր սարսափեցրել, ինչպես 1905-1907 թվականներին, երբ Հայ ժողովուրդը, ավելի քան երբեք, պատեպատ էր ընկնում գոյատևման մի ուղի գտնելու Համար: Դավանափոխություն, ձուլում, օտարահպատակություն, գաղթ - այդ ամենը պաշարել էին նրա ամբողջ մտածմունքը: Նա դիմում էր ամեն ինչի՝ միայն թե ազատվեր իրեն պարուրած մղձավանջից:

Անելանելի վիճակից դուրս գալու Համար Հայերը մասսայաբար դիմում էին Վանի, Բիթլիսի, Էրզրումի և այլ տեղերի ռուս Հյուպատոսներին՝ ուղղափառություն կամ գոնե ռուսահպատակություն ընդունելու խնդրանքով:

Այդ նպատակով 1907թ. գարնանը Կարնո դաշտի բոլոր Հայ գյուղերը բազմաստորագիր բողոքագրերով դիմեցին Էրզրումի ռուսաց Հյուպատոսին՝ ռուսահպատակություն ընդունելու Համար: Թեպետ Հյուպատոսը կտրականապես մերժեց խնդրանքը, բայց Հարևան գավառների Հայերը նոր դիմումներ հղեցին: Միայն Դերջանի գավառից ռուսաց Հյուպատոսին դիմում-բողոքագիր ներկայացվեց Մաղկաթ, Հրանի, Կոթեր, Խուլար, Բասենի գավառից՝ Իշխու, Կրտապագ, Եղան, Պատիժուան, Գոմաձոր, Հարսնիքար, Տորի, Մանձաղ Հայկական գյուղերի Հասարակության կողմից¹: Այս անգամ էլ Հետևեց կտրուկ մերժումը: Նույնպիսի մերժում էր գալիս նաև ռուսաց մյուս Հյուպատոսներից: Իր Հերթին իշխանությունը, ձեռք ձգելով բողոքողների ցուցակները, ձեռքապահեց նրանց և, իբրև քաղաքական Հանցագործների, նետեց բանտերը:

Ավելին, անվերջանալի աղետները Թուրքահայության մի մասի մոտ առաջ էին բերում ազգությունը փոխելու և ուրիշ ազգերի մեջ ձուլվելու տրամադրություն:

Հին Հեղափոխական, դաշնակցական Մաթեոսի Հուշերում վերարտադրված է իր զրույցը մի Թուրքահայ ուսուցչի Հետ, որն արտահայտում էր շատերի կարծիքը: «...Վարժապետը աշխատում էր Համոզել ինձ այն գաղափարում, - գրել է Մաթեոսը, - թե մեր ձգտումները Համամարդկային բնույթ են կրում, քանի որ մեզ Համար միեւնոյն է Հայը, քուրդը, յոյնը և այլն, և այլն ազգութիւնները, որոնց վրայ նայում ենք Հաւասար աչքով, ուստի ի՞նչ նպատակ ունի Հայութեան գոյութիւնը պահպանել աշխարհիս վրայ, որպէս ուրոյն ազգութիւն, ինչո՞ւ են պէտք այնքան տանջանքները, Հայածանքները, արիւն-սպիւնաձուլումները, երբ մեր նպատակից դուրս է անկախ Հայաստանը, ինչո՞ւ Հաշխատիլ, չձգտիլ միանալու, ձուլուելու որեւէ մի գորեղ ազգի Հետ եւ այնպէս ապրիլ որպէս մարդ ...»²:

¹ «Դրոշակ», N 6-7 (184), Հունիս-Հուլիս, 1907, էջ 89-90:

² «Հայրենիք», N 6(30), ապրիլ, 1925, էջ 139:

Ռուսահայատակութեան, ռուսաց եկեղեցու դավանանքն ընդունելու, առավել ևս՝ ուրիշ ազգերի մեջ ձուլվելու ձգտումը Հայ գյուղացու վերջին Հուսահատական ճիգն էր: Եվ երբ անգամ մերժվում էր դավանափոխությունը, նրան այլևս մնում էր երկու ելք՝ չէթե մայր Հայրենիքը և մեռնել քաղցից, կամ, իր ցանկությունը հակառակ, դառն Հեծեծանքով թողնել նվիրական սրբությունները և Հեռանալ սևավոր երկրից, ուր Հառաչանքից այրվում էր երկինքը, և Հողը տնքում էր ցավերի բեռից, ուր կյանքն անեծք էր, մահը՝ փրկիչ:

Եվ Հայաստանի գյուղերը գունդառուցող սկսեցին դատարկվել. Հայ գեղջուկը թողնում էր պապերից ժառանգած «արտ ու ափը», տուն ու տեղ և, բռնավորված ցավ ու արցունքով, ընտանիքով գաղթում էր՝ իր գավակներին մի կտոր Հաց ճարելու Համար:

Հնչակյան նշանավոր գործիչ, տեսարան ու պատմաբան Լևոն Մարտիրոսյանը, որը նույնպես ժամանակին բաժանել է Հայ պանդուխտի դառը ճակատագիրը, շատ տարիներ անց նկարագրել է տեսածը.

«... Դժբախտ Հայերը իրենց ետևեն էին թողնում իրենց սիրելիները, իրենց սիրելի օճախը՝ անուշ ու լեղի յիշատակներով լեցուն. բայց Հովը եկեր՝ զանոնք կը քնդը հեռուն, ծովերեն ու օվկիանոսներեն անդին. անծանոթ երկիր մը, ուր այլևս թուրքին աւերիչ ձեռքը իրենց օճիքեն չէր բռներ, իրենց կեանքին ու պատիւին վտանգ չէր սպառնար»¹:

Հայաստանի սրտից՝ Վասպուրականից, Մշո դաշտերից, Դուրան-Բարձրավանդակից գաղթի քարավանները ձգվեցին դեպի Հայոց աշխարհի մյուս նահանգները և ավելի հեռու՝ կայսրության ուրիշ տեղեր: Այսինքն՝ այդ էտպում Հայերը մի նահանգից գաղթում էին մյուսը, մի գավառից՝ մյուս գավառ՝ ազատվելու Համար «սեփական» հոգեառ Հարկահանների ձեռքից և մուրացկանությունից իրենց գոյությունը մի կերպ քարշ տալու:

Վանի և Բիթլիսի վիլայեթներից Հայերն իրենց ընտանիքներով Հիմնականում փախչում էին Դիարբեքիի և Հալեպի կողմերը, Դուրանի և Սասնո Հայերի մի մասը գաղթում էր Ալաշկերտ, Խնուս, Պիշերի: Գաղթում էին միայն Հայկական բնակավայրեր: Խնուսում, օրինակ, 360 գյուղերից Հայաբնակ էին մնացել միայն 25-ը, և եկած գաղթականներն, առանց բացառություն, լցնում էին Հայկական գյուղերը:

Կարճկան գավառի Սորը գյուղում ոչ ոք չմնաց. բոլորը գաղթեցին և ժամանակավոր կայան դարձրին Վան քաղաքից ոչ հեռու գտնվող մի Հին գյուղի ավերակները: Կոթ գյուղում մնացել էին միայն քայլելու անընդունակ երեք ծեր կանայք՝ թառած անմարդաբնակ գյուղի իրենց տներում՝ պահակելով ավերակները: Ըստուր գյուղի բոլոր բնակիչները գաղթել էին Ախլաթի կողմերը: 1907թ. վերջերին Կարճկան գավառի Հայ գյուղերի մեծ մասը դատարկ էր: Սպարկես գավառի բնակիչները գաղթում էին դեպի Մոկա: Նույն 1907թ.

Մոկաց գավառի Հայերի 40%-ից ավելին ցրված էր տարբեր կողմերում: Ռշտունիքում, որը Հյուսեին աղայի մշտական բռնությունների ասպարեզն էր, գյուղերի մեծ մասը դատարկվել էր դեռ նախորդ՝ 1906 թվականին, և շարունակում էր դատարկվել:

Այս տարածքում միայն Գառգառ գավառի Հայերն էին, որ վճռել էին խոտ ուտել, բայց իրենց գյուղերից չհեռանալ: Մի նամակով գավառից գրում էին. «Մարդիկ ամբողջ օրը նախիրների նման ցրվում են լեռներում խոտ հավաքելու և իրենց գավակների Համար կանաչ տանելու»¹:

1906 և 1907թթ. երկու ձմեռվա ընթացքում միայն Վանի և Բիթլիսի նահանգներից գաղթեց 6 Հազար Հայ ընտանիք, իսկ տարվա մյուս ամեն մի ամսում 450-500, այսինքն՝ այդ երկու տարիներին երկու նահանգներից Հեռացավ մոտ 14 Հազար ընտանիք:

Իշխանություններն ամեն ինչ անում էին, որպեսզի գաղթողները որքան կարելի է հեռու գնան, Հեռանան Հատկապես արաբաբնակ նահանգներ և Հացի մշակությունից աղքատ ուրիշ վայրեր: Հայկական մի նահանգից մյուսը գաղթելու ճանապարհին Հարուցվում էին բազում խոչընդոտներ, քանզի կառավարության գլխավոր նպատակը Հայաստանը Հայաթափելն էր: Հեռացողները պետք է ունենային անցագրեր: Ոչ Հայկական նահանգներ մեկնողները անցագրերը ձեռք էին բերում 10-15 լիրայով, իսկ Հայաբնակ վայրեր գաղթողները ավելի թանկ՝ վճարելով մինչև 30 լիրա: Անիծյալ թուղթը ձեռք ձգելու Համար Հայերը ծախում էին վերջին ունեցածը:

Իրենց Հարազատ վայրերից փախչողները ենթարկվում էին ոչ միայն նոր տանջանքների, այլև նոր Հայածանքների: Թուրք պաշտոնյաները նրանց չէին թողնում Հանգիստ շարունակել ճանապարհը, մինչև չկողոպտեին վերջին ստակը: Զրկանքի արահետներով քայլող ստվերների առջևում անհայտություն էր՝ լքման և Հույսի անիմանալի խառնուրդով: Նրանք գնում էին՝ ականատես լիներու նոր սոսկաղեպների, կրելու նոր փորձություններ և տալու նոր զոհեր:

Շատերը ճանապարհներից մեռնում էին սովից ու հյուծախտից և օրերով մնում անթաղ: Անցողիները Հաճախ էին տեսնում այսուայնտեղ ցրտահար ընկած կանանց ու երեխաների դիակներ:

Ականատեսը Դիարբեքիից գրում էր.

«Տալլորիկցի կին մը տեսանք, որ դառնապես կուլար. պատճառը Հարցուցի, Հայտնեց, թե ինքը երկու փոքրիկ աղջիկներ ուներ, զորս սովեն ազատելու Համար այս կողմեր կը բերեր: Անոնցմե մին սաստիկ անձրևեն և ցրտեն կը մեռնի: Կարծես քիչ ըլլար այս պատուհասը, զոր ամբողջացնելու Համար, Պաթմանի կամուրջին մոտ խումբ մը քրդեր իր դեմը կ'ելլեն և անխղճորեն կը խլեն իր մարմնոյն մերկությունը ծածկող Հին ու մին Հալափները և իր ամբողջ

¹ Լևոն Մարտիրոսյան, Կեանքի մը ալպոմը (Յուշեր և խոհեր), Պեյրութ, 1959, էջ 33:

¹ «Դրոշակ», N 10(163), Հոկտեմբեր, 1905, էջ 155:

ունենցվածքը կազմող պատառոտուն վերմակը, գոր իր շալակը կը կրե եղեր»¹:

Տեղ Հասնելուց Հետո սկսվում էր գաղթածների նոր ողիսականը: Նրանք լցվում էին փողոցները, թափվում եկեղեցիների դռների մոտ, շուկաները, պատրասարվում պատահած խորշում անոթի, մերկ, բոբիկ: Մանկիկները քնում էին շների հետ: Ցերեկները դիակների տերերը գնում էին քաղաքից դուրս՝ փոսեր փորելու: Հաջողակները գտնում էին ախոտի անկյուն և տաքանում անասունների շնչով: Իսկ բախտավորը մի թուրք կամ քուրդ բեկի, մի խորամի ձեռքի տակ ծառա էր մտնում՝ ընտանիքը սովից փրկելու համար:

Գաղթողների մի մասը տարբեր ճանապարհներով դուրս էր գալիս կայսրության սահմաններից: Կառավարությունը հայերի առջև արգելքներ էր հարուցում, որ նրանք չանցնեն Ռուսաստան, ուստի ուժեղացրել էր Հսկողությունը կովկասյան սահմանագրուխներում, բայց դրա փոխարեն ամեն կերպ նպաստում էր դեպի Հեռուներ, հատկապես Ամերիկա գնացողներին: Կ. Պոլսում մտածում էին, որ Կովկաս անցնողները լրացնելու են այնտեղի հայության շարքերը, մի բան, որ չէր տեղավորվում համիլամականության սկզբունքների մեջ, իսկ Ամերիկա գնացողները, բնականաբար, ձուլվելու և անհետանալու են:

Կայսրության սահմաններից Հեռացած Հայերին կառավարությունը համարում էր աքսորականներ և նրանց արգելում էր վերադառնալ իրենց նախկին բնակության վայրերը: Այդպիսիների թիվը հաշվվում էր տասնյակ հազարներով:

Դատարկված և դատարկվող գյուղերում տեղավորվում էին քուրդ աշիրեթները և Հյուսիսային Կովկասից եկած մուհաջիրները՝ չերքեզները և անդրկովկասյան թուրքերը: 1906-1907թթ. Մշո դաշտում և Սասունում բռնություններ հայազուրկ եղավ և քրդաբնակ դարձավ 11 գյուղ: Դրանք էին՝ Մնձութ, Բարձոր, Տատրագոմ, Կյաչախուլի, Ավազաղբյուր, Փողորկով, Արթիսոնք, Տոմ, Ալաղին, Գոմա, Առնիսոմ²:

Հայկական գյուղերը հայաթափվում ու «քրդական» էին դառնում նաև «խաղաղ» ու «կամավոր», հատկապես «սալաֆը» գործի դնելու միջոցով: Վերջնական արդյունքը լինում էր այն, որ պարտապան հայ գյուղացին կյանքը փրկելու համար թողնում էր ամեն ինչ և ընտանիքն առած Հեռանում ուր պատահի: Գյուղը «խաղաղ» եղանակով հայաթափվում էր և դառնում քրդաբնակ:

Մշո դաշտի հայկական գյուղերը հիմնականում լցվում էին չերքեզներով: Միայն 1906-ին նրանք զավթեցին զուտ հայկական 15 գյուղ՝ վճռելով բոլոր բնակիչներին: Լիովին չերքեզաբնակ դարձած այդ գյուղերից էին՝ Սանիսուր, Հուլղամը, Արտրիթը և այլն: Չերքեզներին էին բաժին ընկնում նաև Դաշտի հայկական կիսավեր գյուղերը: «Հերթի կանգնած» մուհաջիր չեչենները և

¹ «Դրոշակ», N 6-7 (184), Հունիս-Հուլիս, 1907, էջ 94:

² «Վտակ» (Թիֆլիս), N 3, 4 հունվարի 1908թ.:

լեզգիները 1906-1907թթ. տեր դարձան այդ գյուղերից 12-ին՝ Խորոնք, Վարդենիս, Աբլբուհար, Խարս, Չխուրի, Իրիզակ, Խոփեր, Հերգետ, Բաղլու, Փեթար, Գոմեր, Դերիկ (Աշտիշաստ)¹:

Չերքեզներից շատ ավելի ազաև և ընչաքաղց էին թուրք-հայկական ընդհարումներից տուժած մի քանի հազար անդրկովկասյան թուրքեր, որոնք եկել ու թափվել էին թուրքիայի հայկական նահանգներ՝ հայերի նկատմամբ վրեժխնդրություններ լեցուն:

Բացի այն բանից, որ կովկասյան թուրքերն իրենց կամքով էին խուժել Հայաստան, թուրք կառավարությունն իր հերթին Կովկաս՝ Բորջալուտի, Արդահանի ու Չլդրի կողմերն էր ուղարկում իր գործակալներին, որոնք, այնտեղի թուրքերին մեծամեծ խոստումներ տալով, բերում լցնում էին հայկական գյուղերը:

Կովկասից եկած թուրքերին իշխանությունները մաս առ մաս տեղավորում էին հիմնականում Բիթլիսի նահանգում, Բասենում, Խնուսում, Ալաշկերտում, Էրզրում քաղաքի չրջակա գյուղերում:

1906թ. գարնանից սկսած՝ կովկասյան թուրքերը մեծ զանգվածներով մտան Բիթլիսի նահանգի Պուլանըխ գավառի հայկական գյուղերը: Յուրաքանչյուր գյուղում տեղավորվեց 30-50 ընտանիք: Արդեն ամռանը հարյուրավոր ընտանիքներ վերջնականապես հաստատվել էին գավառի Լիս, Ատկոն, Համալաչիս, Թեղուտ, Սոնջուր, Կարակ և ուրիշ գյուղերում²:

1906-1907-ին կովկասյան մուհաջիրները լցվեցին Բասեն-Ալաշկերտ շրջան և տեր դարձան հայկական Վարդենիս, Դրմետ, Առնիսո, Աբլբուհար և այլ գյուղերին: Մյուս, ավելի բազմաքանակ մասը իջավ նույն շրջանի դեռևս նշանակալի թվով բնակչություն ունեցող հայ գյուղերի դաշտեր, բնակավայրերից մեկ կիլոմետրից ոչ հեռու: Կառավարության Փինանսական աշակցությանը իշխանություններն ամեն կերպ օգնում էին, որպեսզի նրանք այդ տարածություններում իրենց համար տներ կառուցեն՝ որքան հնարավոր է արագ:

Կառավարությունը կովկասյան թուրքերին տվել էր մեծ դյուրություններ ու արտոնություններ, մասնավորապես նրանց իրավունք էր շնորհված 10 տարի տուրք չվճարել: 1906-1907թթ. Բասեն-Ալաշկերտի հայկական գյուղերի արանքում կառուցվեցին կովկասյան թուրքերի բազմաթիվ գյուղեր: Այսպես, իրարից հազիվ 15 րոպեի հեռավորության վրա գտնվող Վարդենիս և Արտոնք գյուղերի միջև 1906թ. հիմնվեց թուրքերի նոր գյուղ, որը շուտով հայկական նշված երկու գյուղերի համար դարձավ իսկական պատուհաս: Կովկասյան թուրքերին թույլատրված էր հայերից ուժով բռնագրավել նրանց հողերը: Երբ վերջիններս բողոքում էին տեղի իշխանություններին, ստանում էին այսպիսի պատասխան.

¹ Տե՛ս «Վտակ», N 3, 4 հունվարի 1908թ.:

² «Դրոշակ», N 11(177), նոյեմբեր, 1906, էջ 166:

«Հայ անամօթներ, դուք վարուցանք ընելու անասուններ չունիք, կառավարութիւնը միթէ պիտի սպասէ՞ մինչեւ որ լծկաններու տեր ըլլաք, արտեր ցանէք և յետոյ տուրք վճարէք: Այդ յոյսը կտրած ենք ձեզմէ այլեւս: Քանի որ թաթարներ ունին լծկաններ, անոնց իրաւունք կը տրուի իրենց ուզած արտերը ցանելու և հասոյթ առաջ բերելու. անանկով թէ՛ անոնք կ'օգտուին և թէ՛ պետութեան գանձը»¹:

Ընդհանրապէս տուն էին վերադառնում ձեռնունայն:

Իրենց տները թողած և քաղաքներ լցված գյուղացիները սոսկալի դեպքեր էին պատմում կովկասյան արյունակզակ թուրք գաղթականների վայրագութիւններին:

Հայերի հողերի վրա, նրանց գյուղերում կովկասյան թուրք գաղթականների հաստատման, նրանց գործադրած բռնութիւնների մասին էր «Journal de Gene've» թերթի 1907թ. ապրիլի 18-ի համարում տպագրված թղթակցութիւնը, որտեղ ասվում էր.

«Վատ լուրեր են ստացվում Տաճկահայաստանից, ուր հալածանքի սիստեմը նորից ծաղկում է: Անստոյիայի արևելյան մասը՝ Վանը, Բիթլիսը, Էրզրումը և այլն, պաշարված են Ռուսաստանից այնտեղ ապաստանած Հարյուրավոր մուսուլմաններով: Դրանք այն թուրքերն են, որոնք անցյալ տարի հարձակվեցին Կովկասի Հայերի վրա և նրանց կողմից անխնա ետ մղվեցին: Ստիպված փախչելով օսմանյան կայսրութիւն, նրանք այնտեղ գտան անզեն Հայ բնակչութիւնը, որոնց նկատմամբ կատարում են դիվային վրիժառութիւններ»: Այնուհետև թերթը նշում էր, որ թուրքական իշխանութիւններն այդ նորեկների միջև բաժանում են Հայերի սեփականութիւնը, նրանց մղում սպանութիւնների, թալանի, կանանց առևանգումների: «Սարսափն ու սովը նորից տիրում են աղետի ենթարկված այդ երկրի վրա, - շեշտում էր հոդվածագիրը և ավելացնում, - խոշոր շարքերի մոտայուտ մի դարագլուխ է կանխատեսվում, որովհետև իսլամ տարրը ավելի քան գրգռված է»²:

Հայկական գյուղերում ամրանալուց հետո կովկասյան թուրքերն սկսեցին ասպատակել հարեան թուրքաբնակ և քրդաբնակ գյուղերը, ի հետևանս որի այդ գյուղերի բնակիչներից շատերը աստիճանաբար գալիս էին այն համոզման, որ հայի գաղթելով մի կողմից իրենք կզրկվեն իրենց համար բանող դարավոր ստրուկից, մյուս կողմից հետագայում փախուկ կացութիւն կստեղծվի, եթե մեծ հոսանքներով թուրքերը Կովկասից շարունակեն գալ և իրենց հարեանութամբ հաստատվել Հայկական գյուղերում:

Հայ քաղաքական ուժերը չեփոր էին հնչեցնում, հնարավորն ու անհնարինն անում էին կանգնեցնելու տնաքանդ գաղթը: Նրանք, սարսափահար՝ ի տես արտագաղթի կործանիչ հոսանքին, տեսնում էին, որ Երկրում օրեցօր

¹ Սարգիս և Միսակ Բղէնան, Հարազատ պատմութիւն Տարօնոյ, էջ 230:

² Հոդվածի հայերեն թարգմանութիւնը տե՛ս «Վտակ», N 3, 4 հունվարի 1908թ.:

լուսւմ են բողոքի կենդանարար ձայները, հանգչում ապաստմութեան խարուկները, որոնք վառված էին անթիվ թանկագին գոհների ազատաբաղձ շնչով:

«Ռազմիկ» (Պրովդիվ) թերթի էջերից տագնապ էր հնչեցնում Անդրանիկը: «Տուշմանը իր գործը սիստեմաթիկ կերպով առաջ կ'տանի, - գրում էր նա. - արուեստական սո՛վ, գաղթականութիւնը աշխարհի չորս ծագերը, անվերջ ու անանուն հարկեր, մեր ընկերները՝ ճահիլ ճիվան կտրիճները, բանտերուն խորքերը ամեն օր կը հալին, կը մաշուին. թալանը, առևանգումը և բոլոր այն բազմատեսակ թշուառութիւնները, որոնք սիրտ կը կտրատեն, արդեն արյունաբամ ըրած են Մայր Հայաստան»³:

Անդրանիկի համար բացարձակ ճշմարտութիւն էր, որ ամեն մի ժողովրդի ողնայուղը բնաշխարհի հողին կառչած այն զանգվածն է, որն ի գին մեծամեծ զոհողութիւնների պահում ու պահպանում է Հայրենի ժառանգութիւնը:

Առավել տագնապալին այն էր, որ գաղթում էին գլխավորապես երիտասարդները, աշխատող ձեռքերը, որոնք պիտի հանդիսանային կովոզ, դիմադրող ուժը⁴: Որքան էլ դժվարին լինէր բուն երկրի մեջ ապրելը, անհնար լինէր անպատմելի հալածանքներ ու սովի տանջանքներ կրելը, պարզ էր, որ երկիրն առանց հայութեան թողնել՝ նշանակում էր վերջնականապես թաղել նրա դատը:

Իր խոսքն ուղղելով գաղթելու պատրաստ Հայրենակիցներին՝ «Դրոշակը» խոսովիչ հարց էր տալիս՝ թողնե՞նք, որ մեր Հայրենիքը դառնա այնքան խանդաղատանքով փայփայած իղձերի գերեզման, թողնե՞նք, որ այնքան մաքառումներից, հոյակապ անձնվիրութիւններից և զրկանքներից հետո նա անհետանա⁵: Թերթը թուրքահայ գյուղացիութեանը հղում էր «Մի՛ բաժանվիր քո հողեդ» պատգամը. «Լսե՛, ուրեմն, հեռուեն հեռու քեզի հասնող այս աղոտ ձայնը և ուժգնորեն կառչե այն հողին, որ քուկդ է, և որուն նայեր են այսքան դարերն ի վեր մինչև քեզի հասնող սերունդները, կառչե անոր ամրակուտորեն ... Իսկ եթե թոյլ չեն տար որ մաճդ ձեռքդ առնես, դուն դիմե արդարադատ Ձե՛նքիդ, բայց մի՛ բաժանվիր քու Հողեդ ...»⁶: Խաչատուր Մալումյանը (Ակնունի) «Կա՛ց, Հայ մարդ, կա՛ց» աղերսագին ճիշով դիմում էր գաղթը փրկութեան ճանապարհ համարող Հայորդիներին, նրանց կոչ անում մնալ հազարամյակների Հայաստան աշխարհում որքան էլ այն վտանգված է ու սկար, քանզի «մեր Հայրենիքից դուրս Հայ ժողովուրդը ազգ չէ, այլ փշրանք, թափթփուկ անպետք և անկարևոր»: Չէ՞ որ «Երկիրն է նրա պատմական դերի բեմը, նրա կուլտուրական բաղձանքների հնոցը»⁶: Անդրադառնալով

¹ Տե՛ս Գաբրիել Լազեան, Հայաստանը և Հայ Դատը Հայկուտա յարաբերութիւններու լոյսին տակ, էջ 110:

² «Ռազմիկ» (Պրովդիվ), 20 սեպտեմբերի 1906թ.:

³ Տե՛ս Ա. Նորեան, Դրվագներ Հ.Յ.Դանիակցութեան գործունեութիւնից, Ա տասնամեակ, էջ 31:

⁴ «Դրոշակ», N 1 (189), հունվար, 1908, էջ 12:

⁵ Նույն տեղում, N 3 (181), մարտ, 1907, էջ 40:

⁶ Գ. Լազեան, Հայաստանը և Հայ Դատը Հայկուտա յարաբերութիւններու լոյսին տակ, էջ 110:

օտարութեան մեջ, նույնիսկ Կովկասի ցեղակիցների միջավայրում գտնվող գաղթած Հայերի դառը կյանքին, նրանց մշտնջենավոր անապահովութեան փաստին, ուսև կառավարութեան հայածանքներին՝ «Դրոշակը» գաղթելու պատրաստ թուրքահայերին պատգամում էր. «Հազար անգամ ավելի պատվաբեր է մնալ սեփական հայրենիքում և սովորացնել կովողների բանակը»:

Այսպիսով, եթե ի մի բերելու լինենք թուրքահայութեան տառապանքների ընդհանուր պատկերը 1906-1907թվականներին, ապա կարելի է Համառոտակի ամփոփել Հետևյալ հաստատումներով: Թալան ու ավերմունք Մուշի շրջանում, ուր անողոքաբար ուղքի տակ էին տրվում հայկական գյուղերը. Հարվածներ ամբողջ Վասպուրականին, ուր բուրդ հրոսակախմբերի ասպատակությունները, միացած հարկային անպատմելի ճնշումների Հետ, առաջ էին բերում զանգվածային գաղթ ու նոր աղետներ. մահամեղական նոր գաղութների հաստատում Սեբաստիայի շրջանում. եկեղեցապատկան կալվածքների գրավում իբրև մի նոր ապտակ թուրքահայ սահմանադրութեան աննախանձելի մնացորդներին. ձերբակալություն և աքսոր Ջեթունում ու ամենուր. բանտարկություն և տանջանք արևելյան նահանգներում. սպանություն ու թալան էրզրումի վիլայեթում. գորանոցների ցանցի ծավալում արյունաբամ Սասունում: Այդ ամենը կատարվում էր ծրագրված ու Հետևողականորեն, նաև՝ զգուշությամբ, որպեսզի սոսկալի ոճիրների ու կոտանքների խուլ արձագանքներն անզոր լինեին տարածվել Հեռուներում:

Փարիզում լույս տեսնող «Նոր Հանդես» կիսամյա թերթը «Հայաստանի ապագան» առաջնորդողում գրում էր.

«Հայաստանը այս րոպեիս անպաշտպան և արյունավեր դաշտ մըն է, ուր թուրք կառավարությունը ուզածը կ'ընե, թեևն բռնող չկայ»²:

Ամբողջ մի ազգ մարտիրոսանում էր և չկար մի ուժ, որ կանգնեցներ ժողովրդի Հոսող արյունը: Ձնջվում էին ազգատոհմեր, տներ, օջախներ, փլվում էին դռներ, քանդվում տաճարներ...

Այդ էր պատճառը, որ թուրքահայոց միջավայրում գնալով ուժեղանում էին Հեղափոխական ուղուց Հետ կանգնելու տրամադրությունները: Հայ պահպանողական շերտերից ավելի ու ավելի հաճախ էին Հնչում դաշնակցության և Հնչակի գործընկերակցը դատապարտող խոսքեր, կոչեր էին լսվում դադարեցնելու Հայկական հարցի լուծման համար շարունակվող՝ ժողովրդին Հյուժող պայքարը: Այդ տրամադրությունները հիմնականում ուղղորդվում էին Կ. Պոլսի հայոց պատրիարք Մաղաքիա Օրմանյանի և նրա համախոհների կողմից: Պատրիարքն իր պաշտոնավարության բոլոր տարիներին քարոզել էր սուլթան Համիդի ու նրա կառավարության Հետ լեզու գտնելու անհրաժեշտությունը և իր գործունեության մեջ Հետևողականորեն Հետևել էր այդ մարտավարու-

¹ «Դրոշակ», N 11-12 (188), նոյեմբեր- դեկտեմբեր, 1907, էջ 164:
² «Նոր Հանդես», N 2, 1 սեպտեմբերի 1906թ.:

թյանը: Անշուշտ, Օրմանյանի ու օրմանյանականների քաղաքականության նպատակն էր մեղմել հայադեպ սուլթանի գազանային կրքերը:

Սուլթանական ռեֆորմի Հետ մի կերպ համակերպվելու գաղափարի քարոզչությանն էին նվիրված պոլսահայ համարյա բոլոր հայ թերթերը և հատկապես «Արևելքը» ու պատրիարքարանի ոչ պաշտոնական օրգան «Բյուզանդիոնը»: Նորից նպատակը նույնն էր՝ չգրգռել գազանին:

«Արևելք» օրաթերթը սուլթանի և Բարձր Դուռն գովքը հասցնում էր այնպիսի ծայրահեղության, որին կարող էին նախանձել թուրքական թերթերից շատերը:

1906թ. օգոստոսի 19-ին (սեպտեմբերի 1-ին) Աբդուլ Համիդի գահակալության Հերթական տարեդարձն էր: Այդ առթիվ «Արևելքը» առաջնորդող Հողվածում ահա այսպիսի գովք էր հյուսում սուլթանին և նրա գործին.

«Մեծ ոգևորութեամբ և անհուն ցնծութեամբ կը տոնուի այսօր Կայսեր Գահակալութեան բարեբաստիկ տարեդարձը մայրաքաղաքիս մեջ ու երկրին ամեն կողմերը, ու միլիոնավոր հավատարիմ հպատակներ սրտաբուխ մաղթանքներ կ'ընեն Նորին Կայսեր Վեհափառութեան թանկագին կենաց և արևատուութեան համար, որ արթուն աչքով և Հայրական հոգածութեամբ կը հսկե Իր ժողովրդեան վրայ: Ամեն կողմ լուսավառութեան շքեղ պատրաստություններ տեսնուած են՝ փայլուն կերպով տոնելու համար Վեհափառ Սուլթան Համիտ Բ Կայսեր գահակալությունը, որ մեծ բարիք մը եղած է երկրին բարօրութեան համար»:

Թերթը գրում էր, որ վերջին երեսուն տարում օսմանյան կայսրության տնտեսության, լուսավորության, կրթության և պետական-հասարակական կյանքի մյուս բոլոր բնագավառներում աննախընթաց նվաճումներ են ձեռք բերվել «մեծագոր Վեհապետին՝ Սուլթան Համիտ Բ Կայսեր բարձր նախաձեռնութեամբ, որ այնքան մեծ գուրգուրանք մը կը տածե Իր հավատարիմ ժողովրդեան նկատմամբ: Փոխադարձաբար, Թուրքիոյ միլիոնավոր բնակիչներն ալ ամեն առթիվ իրենց սրտաբուխ մաղթանքները կը կրկնեն, իրենց վայելած անգին բարիքներուն համար: Մամուլը բարեբախտությունն ունի ամեն օր արձագանքելու Ն. Կայս. Վեհափառութեան թանկագին չնորհներն ու իմաստուն խորհուրդները: Ուստի «Արևելք» ևս նուիրական պարտք կը համարի մասնակցիլ երախտագիտական արտայայտութեանց ու ցնծագին խրախճանքներուն, գոչելով.

**Կեցցէ՛, յավե՛տ կեցցե՛ր՝
Օգոստափառ և Մեծանուն
Ինքնակալ Թուրքիոյ
Վեհ. Սուլթան Ապտ ուլ Համիտ խանը զագլ՛:**

¹ «Արևելք» (Կ. Պոլս), N 6264, 19 օգոստոսի (1 սեպտեմբերի) 1906թ.:

Դրանից 13 տարի առաջ էր սկսվել լույս տեսնել «Արևելքը» և այդ ամբողջ ժամանակաշրջանում նրա էջերում ոչ մի նյութ էլ չէր տպագրվել Հայաստանի կացութիւն, Հայկական գաղափարներում տիրող սոսկալի վիճակի, Հայ բնակչութիւն անյուր Հարստահարութիւնների մասին:

Բնական է, որ Հայ Հեղափոխական կուսակցութիւնները և Հատկապես դաշնակցութիւնը կտրականապես մերժում էին թուրքական սուլթանին ու նրա կառավարութիւնը սիրաշահելու մարտավարութիւնը՝ նման գործելակերպը Համարելով դավաճանութիւն Հայ դատին:

Իր դժվարին դերի և աննախանձելի վիճակի մասին այսպես է արտահայտվել ինքը՝ Օրմանյան արքեպիսկոպոսը.

«... Օրմանեան իսկապես սային ու մուրճին մեջտեղը մնացող երկաթին դերը վարեց, մեկ կողմէն սային պնդութեան և մյուս կողմէն մուրճին ելևէջներուն հարուածները կրելով»¹:

ԵՎՐՈՊԱՅԻ ՀԱՅԱՍՏԵՐՆԵՐԸ ԵԱՐՈՒՆԱԿՈՒՄ ԵՆ ԱՆԱՐԴՅՈՒՆՔ ԺԻՅԵՐԸ

«Մշակում» տպագրված իր մի հոդվածում Արշակ Չոպանյանը նկատել է, թե Հայկական Հարցի բարձրացման օրերին դրա նկատմամբ որքան անտարբեր էր եվրոպական Հասարակայնութիւնը: Անգլիայի խոշոր պետական գործիչներ լորդ Սոլսբերիի և լորդ Բիկլենսֆիլդի օրինակով նա ցույց էր տալիս, որ այդ անտարբերութիւնը երբեմն Հասնում էր ատելութիւն: Չոպանյանը մեջբերել էր Սոլսբերիի Հետևյալ խոսքերը, որ 1878թ. նա ասել էր իր բարեկամներից մեկին.

«Վերցրեք եվրոպական մի քարտեզ, մասները դրեք որևէ կետի վրա, դրանից գծեր քաշեք ինչ ուղղությամբ որ կուզեք: Այդ բոլոր գծերի վրա չեք գտնի մի եվրոպացի, որ սիրի Հայերին, Հայերով Հետաքրքրվի: Պատկերացնում եք, թե որքան դժվար է մի բան անել այսպիսի մի ժողովրդի Համար»²:

Անշուշտ, Հիշյալ լորդերը հետևողական թուրքասերներ էին ոչ միայն այն պատճառով, որ այն ժամանակ Հայ ազգի եվրոպական բարեկամներին մասների վրա կարելի էր հաշվել, այլև այն բանի Համար, որ դա էր պահանջում Անգլիայի շահը:

Երբ Սոլսբերին ասում էր, թե Հայերը սիրված չեն Եվրոպայում, նա արտահայտում էր իրողութիւնը: Եվրոպացիներից շատ քչերը գիտեին Հայերին, այն էլ որպես վաշխառուների, գող ու խարդախ խանութպանների, դրամ վաստակելուց զատ ուրիշ իդեալ չունեցող գծում ու գեռհիկ էականներից կազմված մի ցեղի: Մի քանի արևելագետներից բացի, Հայոց դարավոր պատմութիւնը,

¹ Մաղաքիա արքեպիսկոպոս Օրմանեան, Ազգապատում, Հատ. 9, էջ 5486:

² «Մշակ», N 291, 20 դեկտեմբերի 1913թ.:

նրանց հինավուրց արվեստն ու գրականութիւնը, նրանց հոյակապ լեզուն, այն ամենը, ինչ Հայ ժողովուրդն արել էր քաղաքակրթութիւն Համար՝ անծանոթ էր եվրոպացիներին:

Հենց դա էր պատճառը, նկատում էր Չոպանյանը, որ երբ 1895թ. Հայաստանում սկսվեցին մեծ կոտորածները, եվրոպական մամուլի մեծագույն մասը, փոխանակ բարձրացնելու դժութիւն միահամուտ աղաղակ, ինչպես անում էին փոքրաթիվ ազնիվ ու իրազեկ եվրոպացիները, ընդհակառակը, զրպարտութիւնների ու անարգանքների տարափ էր տեղում նահատակվող Հայութիւն գլխին: Անտանելին Հատկապես այն էր, որ Հայոց կոտորածների Հանդեպ նման անմարդկային դիրք բռնողների միայն մի մասն էր կաշառված: Կային այնպիսիք, և ոչ սակավաթիվ, որոնք անկեղծորեն էին արհամարհում և ասում Հայ ցեղը: Այնուհետև Արշակ Չոպանյանը նույն հողվածում վերհիշում էր, որ երբ ինքը 1895-ի վերջերին եկել էր Փարիզ, մի քանի ամիս անց, 1896-ին, մի Հայ վաճառական իրեն պատմել է, որ մեծ դիրք ունեցող Փրանսիացի մի խումբ դրամատերեր զրույցի ժամանակ իր երեսին ուղղակի ասել են, թե «Հայոց ջարդը ոչ այլ ինչ է, քան թուրքիայի մաքրագործում»¹:

Հիմա արդեն, 20-րդ դարի սկզբներին, Եվրոպայում Հայերի նկատմամբ վերաբերմունքը նկատելիորեն փոխված էր դեպի լավը: Բանը, սակայն, այն է, որ դա վերաբերում էր Հասարակական կարծիքին, բայց ոչ բնավ պետութիւնների կառավարութիւններին:

Դարասկզբից միջազգային խոշոր իրադարձութիւններն իրենց վրա էին բեռնել ոչ միայն պետութիւնների, այլև եվրոպական Հասարակայնութիւն ուշադրութիւնը և մոռացութիւն տվել Արյան Երկիրը: Հայկական բարձրավանդակից Հնչած Հավարը եվրոպական պաշտոնական և կիսապաշտոնական մամուլում արձագանքվում էր ընդամենը սառցային անտարբերութիւնով: «Հայերը գաղթում են խմբովին, հեռանում հազարներով», - դեպքից դեպք նման Հակիրճ հաղորդումներ էին երևում թերթերի էջերում:

Թուրքահայութիւնը սպասում էր, թե եվրոպական Հասարակայնութիւնը երբ է կրկին զբաղվելու իր խնդրով. սպասում էր մի տոկոսնութիւնով, որ դասական էր, մի մարտիրոսագրութիւնով, որ նմանը չունէր դարերի թշվառութիւն էջերում:

Հայկական ազգային-քաղաքական ուժերը շարունակում էին եռանդազին աշխատանք տանել եվրոպական կառավարութիւնների և Հասարակայնութիւն ուշադրութիւնը կրկին Հայաստանի վրա բեռնելու Համար: Որքան էլ Հայկական կուսակցութիւնները քննադատում էին եվրոպական դիվանագիտութիւնը և արդար զայրույթով կշտամբում նրա խաբբա ու դավաճան ընթացքը, բայց, այնուամենայնիվ, լիովին չէին անտեսում թուրքահայ դատին նրա աջակցութիւնը, գտնելով, որ այդ դիվանագիտութիւնն այսպես թե

¹ «Մշակ», N 291, 20 դեկտեմբերի 1913թ.:

այնպես մի գործոն է, որից կարելի է և պետք է օգտվել:

Թեև Ֆրանսիան և Անգլիան խորասուզված էին իրենց գաղութների խընդիրների և նոր նվաճումների մեջ, բայց պատմական տվյալ ժամանակաշրջանում Հենց այդ երկու երկրների և նրանց հետ նաև Իտալիայի, այսինքն՝ իրենց ազատասիրական վաղեմի ավանդույթներով անգլոսաքսոն և լատին երեք մեծ երկրների հասարակական շրջաններին էր հուզում Հայկական հարցը: Սրանց հարում էր Միացյալ Նահանգների հասարակայնությունը: Պահպանողականության և հետադիմության բերդեր հանդիսացող սլավոնագերմանական մյուս երեք մեծ երկրների՝ Ռուսաստանի, Գերմանիայի և Ավստրո-Հունգարիայի կառավարությունները ոչ միայն չէին աջակցում Հայկական խնդրին, այլև ամեն կերպ խոչընդոտում էին դրան:

Բայց անհնարին էր Հայկական հարցը լիովին մոռացության տալ: Հայաստան այցելած եվրոպացիներ ականատես էր լինում արյան, հալածանքի, քաղցի և պայքարի, վկա էր դառնում մի իրականության, որ սարսափ էր ազդում թուլյերին և մուսլի խոհեր ծնում ուժեղների հոգում: Նույնիսկ պահպանողական երկրների մամուլում Հայաստանի մասին երբեմն-երբեմն հայտնվում էին վերլուծություններ, համակրական հոդվածներ, ճանապարհորդական նոթեր:

Թուրքահայաստանից վերադարձած մի ավստրիացի 1906թ. աշնանը հետևյալ տպավորությունն էր հաղորդել.

«Մոտիկից տեսա Հայ ժողովուրդը, որի մասին շատ բաներ էի լսել, և կրկնակի սիրեցի նրան: Նա տոկուն է, ավելի քան մի այլ ժողովուրդ, սիրում է եվրոպականությունը և ընդհանրապես թեքվում է դեպի արևմտյան քաղաքակրթություն: Տասը տարվա ծանր դեպքերը տանջել են նրան, դրոշմել նրա ճակատին անջնջելի կնճիռներ, բայց չեն կորցրել նրա հավատը դեպի լավ օրեր, նրա վստահությունը՝ դեպի ապագան: Նա սպասում է ազատության և այդ նպատակով ոչինչ չի խնայում ազատության մարտիկների համար: Մի կոշմար, որ խեղդում է անօգնական ժողովրդին՝ անծայր, չտեսնված աղքատությունն է, որ ամեն մի օտարականի մոտ ներշնչում է անսահման ատելություն դեպի այդ բոլորի պատճառը՝ դեպի տիրող ռեժիմը»¹:

Բայց նման հայանպաստ կարծիքների կողքին մամուլում հայտնվում էին իրականությունը խեղաթյուրող, Թուրքահայաստանում տիրող վիճակի պատասխանատվությունը Հայերի վրա բարդող հոդվածներ:

Այսպես, Բրյուսելում լույս տեսնող «Orient» անունով թերթն իր վարձկան հույն խմբագիր Նիկոլայիդիսի ղեկավարությամբ իսկական արշավանք էր սկսել Հայության դեմ, ներբողում էր սուլթան Համիդին և շարունակ որոտում սուլթանականության թշնամի Հայ ու մակեդոն հեղափոխականների դեմ: Թերթն անվերջ լուտանքներ էր թափում դաշնակցության, հնչակի, «Պրո

Արմենիայի», Հայկական դատի եվրոպացի պաշտպանների վրա, Պրեսանսներին ու դ՛ էտուրնեններին համարում ստախոս ու անպատիվ զրպարտիչներ, Հայերի հովանավորյալ բոլոր հակասուլթանական ուժերին՝ ավագակներ: Հակահայ թերթը գրում էր.

«Ինչու՞ և զարմանալ, որ Հայերը պարարտ հող են ներկայացնում վատ ներշնչումների զարգացման համար ... Մի՞թե աշխարհը չգիտե, որ նրանք առևտրականներ են՝ որքան ճարպիկ, այնքան և շահասեր, որ նրանց մեջ ազահուլթյունը հիմնական առաքինություն է:

Չէ՞ որ Հենց այդ տեսակ հողի վրա է բողբոջում ապստամբության ոգին, որը և հնարավորություն է տալիս իրագործելու նյութական շահեր ...

1895-ի շարժումն առաջացավ նման շահամոլական ախորժակներից, որոնք սրվել էին դարերի ընթացքում, երբ Անատոլիայի ոչ Հայ ազգաբնակչությունը շարունակ կեղեքվում էր Հայերի ձեռքով, որոնք, սակայն, տակավին չէին հազեցել: 1904-ի շարժումը՝ ծագեց միևնույն պատճառներից, և նրա դադարից հետո պիտի առաջ գան նորանոր շարժումներ, մինչև որ Հայկական ախորժակները չստանան լիակատար բավարարություն»¹:

Մամուլի էջերում նման հոդվածների հաճախակի հայտնվելն էր, որ եվրոպական հայասերներին ստիպում էր ակտիվացնել Հայկական դատի պաշտպանությանն ուղղված իրենց ջանքերը: Նրանց համար գաղտնիք չէր, որ Թուրքական կառավարությունը Ֆինանսական մեծ միջոցներ է հատկացնում եվրոպայում հակահայ քարոզչությանը՝ Հայկական դատին նոր հարվածներ հասցնելու համար:

Նախկինի նման առաջին շարքերում էին Հայ ժողովրդի Ֆրանսիացի բարեկամները: Դրանք մշակույթի խոշոր գործիչներ էին, քաղաքական ու հասարակական նշանավոր դեմքեր՝ Անատոլ Ֆրանս, Մարսելեն Բերթելո, Ժորժ Կլեմանսո, Պիեռ Բիլյաո, Էլիզե Ռուկյու, Անատոլ Բոդեո, Ե. Սաշ, Անդրե Մադեր, տիկին Մենար-Դորեան, տիկին Պսիչարի, տիկին Ա. Էմիլ Զոլա, Օգյուստ Բորկա, Ա. Կլեմանսո, Էթեն Կարիեր, Անդրե Շերբյոն, Արմանդ Դիվո, տիկին Կ. Յլամարիոն, Լուի Հավե, Ուշար, Ժ. Պ. Լանգլուա, Պոլ Մենար-Դորեան, Պոլ Մեորիս, Գուստավ Միրբո, Ստեյնլեն, Պոլ Պենլեի, Ժան Պսիչարի, Ե. Սենիորոս, տիկին Սևերին և ուրիշներ:

Ականավոր հրապարակախոս և քաղաքական գործիչ Ժորժ Կլեմանսոն, որը «Պրո Արմենիայի» խմբագրական մարմնի անդամներից մեկն էր նրա հիմնադրման օրից սկսած, տարիներ շարունակ սատար էր Հայկական հարցին: 1906թ. սկզբին Ֆրանսիական կաբինետում մինիստրի պաշտոն ստանձնելուց հետո էլ նա չէր հրաժարվել Հայերի իրավունքների համար պայքարից: «Ես մինիստրական պաշտոնը չեմ ստանձնել, որպեսզի դեմ նետեմ իմ մարդկային

¹ Հոդվածի Հայերեն թարգմանությունը տե՛ս «Իրոշակ», N 11 (177), նոյեմբեր, 1906, էջ 175:

¹ Խոսքը Սասունի 1904թ. ապստամբության մասին է:
¹ Մեջբերում «Իրոշակի» 1905թ. N 5(158)-ից, էջ 76:

խիղճը», - ասել էր նա, երբ նրան ակնարկել էին, թե չեզոքություն ենթադրող պոստում արդյո՞ք նպատակահարմար է կոնֆլիկտի մեջ գտնվող մի կողմին (Հայերին) պաշտպան կանգնել՝ ընդդեմ մյուս կողմի (թուրքերի)՝:

Ֆրանսիացի նշանավոր աշխարհագետ Էլիզե Ռելլյուն, որը բազմաթիվ սքանչելի տողեր էր նվիրել Հայոց տառապանքին ու դատին, մեռնելուց (1905թ.) առաջ հասցրել էր Հայոց մասին հերթական ներրողը գրել: Նրա անտիպ ձեռագրից «Դրոշակը» տպագրել էր մի հատված, ուր ասված էր.

«Աշխարհի վրա կա՞ արդյոք մի վայր, որի անունը կարողանա մեզ ավելի հուզել, քան «Հայաստան» անունը: Մտածող մարդկությունը միշտ պիտի պահի Հայաստանի համար ինքնարուխ հարգանքի զգացում... Մեր ժամանակներում ժողովուրդների մեջ կա՞ մեկը, որ դժբախտությունները գերազանցի Հայ ժողովրդին:

...Իրենց միասնության մեջ՝ դժբախտ Հայերը դեռ մեզ պատիվ են անում, օգնության հույս տածում դեպի մեզ՝ դավաճաններինս, վախկոտներինս և կեղծավորներինս...»²:

1906թ. Հունիսին Փարիզում կազմակերպվեց մի նոր մարմին՝ «Ֆրանս-Հայկական կոմիտե» անունով, որը նպատակ ուներ ծառայել Հայոց դատին: Այդ կոմիտեի ստեղծման նախաձեռնողներից մեկը եղավ խոշորագույն գիտնական-քիմիկոս Մարսելեն Բերթրոն, որը մեծ ծառայություններ էր մատուցել իր Հայրենիքին և Համաշխարհային գիտությունը: Նա նաև Հայ դատի ամենաջերմ պաշտպաններից էր, բազմիցս մասնակցել էր Հայաստանի միտինգների կազմակերպմանը, հրապարակայնորեն նշավակել Հայերի նկատմամբ թուրք բռնապետության ոճիրները:

«Ֆրանս-Հայկական կոմիտեն» կյանքի կոչողներից էր Հայ դատի Հավատարիմ ու անձնվեր պաշտպան, պրոֆեսոր Անատոլ Լըրուս Բոլեոն: 1906-ի դեկտեմբերին նա գրում էր.

«Ֆրանսիայում բոլոր կուսակցություններն արդեն համաձայն են Հայտարարելու, որ, վերջապես, զլացած արդարությունը ճանաչվի Հայերի համար: Մեր պարտականությունն է անդադար բողոքել բարբարոսական ուժերի դեմ, որ ուրիշ նպատակ չունի, բայց եթե ջնջել Հայությունը»:

Նշելով, որ Հայ ժողովուրդը «Ասիո միակ կամ առաջին քրիստոնյա ժողովուրդն է», Բոլեոն այնուհետև գրում էր. «Նա պատմության մեջ մեծ դեր խաղաց. առանց ընկճվելու ամեն տեսակ փորձանքներ կրեց և անընդունելի է, որ այժմ անհետանա այնպիսի մի ժամանակ, երբ բոլոր ազգությունները երիտասարդանում կամ վերածնվում են»³:

Ֆրանսիացի իրենց Համախոհներին ակտիվորեն սկսեցին ձայնակցել անգ-

¹ Մատենադարան, Արշակ Ալպոյաճյանի արխիվ, թղթ. N 2, վավ. 3^թ (թերթի կտրոն):

² «Դրոշակ», N 7 (173), հուլիս, 1906, էջ 98:

³ Նույն տեղում, N 12 (178), դեկտեմբեր, 1906, էջ 178:

լիացի Հայասերները:

1905թ. մարտին անգլիական պառլամենտի անդամ, Հայտնի Հայասեր Ջեյմս Բրայսը հանդես եկավ հրապարակային մի զեկուցումով, որը լայն արձագանք գտավ Լոնդոնի մամուլի էջերում: Զեկուցողն անդրադարձել էր Մակեդոնիայի և Հայաստանի խնդիրներին միաժամանակ: Մակեդոնիայի մասին նա ասել էր.

«Մակեդոնական Հարցն ավելի դժվար ու կնճուտ է, քան Հայկականը՝ այն իմաստով, որ այդ երկրում մշտական գժտությունների մեջ են այնտեղ բնակվող բուլղարները, հույները, սերբերը, վալախները: Այդ ազգերից ամեն մեկն ունի իր քաղաքական կազմակերպությունները, որոնց ղեկավարությամբ էլ նրանք միմյանց դեմ մղում են դաժան կռիվներ»¹: Այդ իսկ պատճառով, նշում էր Բրայսը, Մակեդոնիային պետք է միայն ինքնավարություն տալ Թուրքիայի գերիշխանության ներքո, Հաշվի առնելով, որ բազմազգ և ներքին հակասություններից ծվատվող այդ երկիրը դեռևս հասունացած չէ ինքն իրեն կառավարելու համար:

Ինչ վերաբերում է Հայաստանին, Բրայսը գտնում էր, որ Հայկական խնդիրն ավելի պարզ է, քանի որ նրա մեջ խճճված քաղաքական շահերն ավելի քիչ են: Նա առաջարկում էր Հայկական գավառների համար նշանակել մի կառավարիչ, որը պատասխանատու չլինի թուրքական կառավարության առջև: Այդ կառավարիչը պետք է օժտված լինի բավականաչափ իշխանությամբ ու ֆինանսական միջոցներով և խնդիր պետք է ունենա վերականգնել խաղաղությունը, դադարեցնել պաշտոնյաների հարստահարումները, սանձահարել թալանչի քրոջերին: Բրայսը այնուհետև նշում էր.

«Մեզ հաճախ ասում են, թե մենք պետք է միայն մտածենք մեր սեփական շահերի մասին: Բայց ժամանակն է գիտակցել, որ նաև ունենք պարտավորություններ: Ծագում են պահեր, երբ Անգլիան պարտավոր է ուժ գործածել հանուն արդարության և ազատության»²:

Եթե անգլիացի և ֆրանսիացի Հայասերները նախկինում Հավասարապես պայքարում էին Հայկական և մակեդոնական հարցերի կարգավորման համար, ապա 1906թ. կեսերից սկսած նրանք գերակայությունը տալիս էին Հայկական հարցին, քանի որ թուրքահայոց տառապանքներն արդեն անհամամատելի էին մակեդոնացիների վիճակի հետ: Դա էր վկայում, օրինակ, անգլիացի Հայասերներից մեկի արտասանած ճառը «Balkan Committee» -ի մի նիստում, ուր մասնավորապես ասել էր.

«Դուք չեք կարող չխոստովանել, որ Հայերի տառապանքներն ավելի սարսափելի են, քան մակեդոնացիներինը: Վստահ եմ, ուրեմն, որ ձեր կոմիտեն իր

¹ Տե՛ս Մատենադարան, Արշակ Ալպոյաճյանի արխիվ, թղթ. N 3, վավ. 3^թ (թերթի կտրոն):

² Տե՛ս նույն տեղում:

ուժերի համեմատ պիտի աշակցի Հայաստանի բարեկամներին»¹:

1905-1907թթ. Եվրոպայում և Ամերիկայում հրատարակվում էին մի քանի հանդեսներ, որոնք նպատակն էր թե՛ Հայկական դատի պաշտպանությունը և թե՛ Հայաստանն ու հայ ժողովուրդը եվրոպական ազգերին ու ամերիկյան ժողովրդին ծանոթացնելը:

Լոնդոնում 1906թ. սկզբից սկսել էր հրատարակվել «Pro Arménia» թերթի անգլերեն տարբերակը՝ Ա. Սթեդի ղեկավարությամբ: Առաջին համարի կազմի գլխամասում խմբագրությունը գետեղել էր Բեռլինի դաշնագրի 61-րդ և Կիպրոսի դաշնագրի առաջին հոդվածը, դրանով իսկ կամենալով ցույց տալ, որ նա ձգտելու է այդ հոդվածների իրականացմանը: Առաջնորդող հոդվածում ասված էր. «Մենք թուրքատյացներ չենք, երբ պահանջում ենք ռեֆորմներ: Ռեֆորմները օգուտ կբերեն թուրք ժողովրդի մեծամասնությանը: Մեր նպատակը չէ հաստատել Հայկական մի բռնակալություն թուրքերի վրա և ոչ էլ մի թուրքական բռնակալություն հայերի վրա, այլ հաստատել ամենքի համար մի տանելի ռեֆորմ»²:

Թերթը համարից համար զարգացնում էր այն միտքը, որ թուրքիայում Հայերը առավելագույնը դնում են ինքնավարության հարցը: Եթե այդ երկրում լինեին այնպիսի կարգեր, որ թուրքահայերը կարողանային տնտեսապես, բարոյապես և հասարակական տեսակետով առաջադիմել, ապա դրանով իսկ լուծված կլինեին այն խնդիրները, որոնք հուզում են նրանց: Սուլթանական բռնապետական ռեֆորմի պայմաններում այդ բանը հնարավոր չէ, ուստի թուրքահայերն իրենց անձի, գույքի, լեզվի, խղճի ազատության ապահովության համար ուզում են հաստատ երաշխիքներ: Ամենամեծ ցավն այն է, շեշտում էր պարբերականը, որ նրանց հետ ապրող թուրքն ու քուրդը չեն ըմբռնում քաղաքացիական կյանքի կարևորությունը և անհրաժեշտությունը: Եվ եթե հայը խնդրում է եվրոպական երաշխիք, դա արել է անում է այն պատճառով, որ վրստահություն չունի թուրք վարչության վրա: Հենց դա է պատճառը, որ նրանք ձգտում են ինքնավարության:

Եթե իրագործվեր Հայկական ինքնավարությունը, շեշտում էր թերթը, ապա այն պետք է ընդարձակ քաղաքացիական կյանք տար ոչ բացառապես Հայերին, այլև բոլոր այն տարրերին, որոնք կմտնեին մի վարչական շրջանի մեջ: Դա կլինեին ինքնավարություն այն բոլոր տարրերի համար, որոնք միացած կլինեին մի ընդհանուր իրավակարգի մեջ, կղեկավարվեին միատեսակ եվրոպական կարգերով:

Այլ խոսքով, Հայկական ինքնավարության պահանջը ոչ թե ազգային-էթնիկական է, այլ՝ տերիտորիալ:

Հայ ժողովրդի հանդեպ համակրանքի գնալով ուժեղացող ձայներ էին

¹ Տե՛ս Մատենադարան, Արշակ Ալպոյաճյանի արխիվ, թղթ. N 3, վավ. 3⁵ (թերթի կտրոն):

² «Մշակ», N 9, 15 հունվարի 1906թ.:

լավում Ապենինյան թերակղզուց:

Իտալացի հուշակալոր գիտնական և խմբագիր, ծերունի Ջեզարե Լոմբրոզոն 1906թ. ավարտին «Ֆրանս-Հայկական կոմիտեին» ուղարկած նամակում գրում էր, որ Եվրոպայում չկա սիրտ ու հոգի ունեցող մի մարդ, որ չվրդովի այն վայրագությունների համար, որ թուրք կառավարության շահցուցչամբ քրդերը կատարում են Հայաստանում: «Ես ձեր տրամադրության տակ եմ դնում իմ հանդեպը: Կուզեի երիտասարդ լինել, որպեսզի կարողանայի ձեզ օգնել զանազան իրական միջոցներով, քան խոսքերով ու գանգատներով»³:

Հայկական տանջանքները հուզումնալի արձագանք էին գտնում Եվեյցարիայում:

1906թ. հունիսի 15-ին Ժնևի «Կազինո դը Սենպիեր» դահլիճում կայացած բազմամարդ ժողովում, Հայկական որբանոցների Հայտնի խնամակալ Լեոպոլդ Ֆավրը և Վանի ծանոթ միսիոներ դր. Ռեյնոլդցը հանդես եկան դասախոսություններով՝ Հայաստանում հիմնած որբանոցների և թուրքահայ ժողովրդի ծանր վիճակի մասին: Մասնավորապես Լեոպոլդ Ֆավրը մեծ գովեստով անդրադարձավ հայ ժողովրդի քաղաքակրթական ձգտումներին, դրվատեց նրա բարոյական հակումներն ու անսովոր տոկունությունը⁴:

Ժնևի համալսարանի պրոֆեսոր Էդգար Միլհոն 1906թ. սեպտեմբերին հրատարակած հոդվածում թուրքահայ ժողովրդի դժբախտ կացության համար մեղավոր էր համարում ոչ միայն սուլթանական կառավարությանը, այլև ռուսական ցարիզմին, որն իր քաղաքականության մաստարում էր Աբդուլ Համիդի սարսափելի ռեֆորմը: «Հայ ժողովուրդը, - գրում էր նա, - կրկնակի դժբախտ է, ամեն կողմից՝ ոտնահարված ու փշրված, ճգմված համիդյան մուրճի և ցարական սալի միջև»⁵:

«Խաղաղության միջազգային բյուրոյի» պատվավոր քարտուղար Էլի Դյուկոմոն, որն իր մահկանացուն կնքեց 1906-ի դեկտեմբերի 6-ին, Բեռնում, մեկն էր այն շվեյցարացիներից, որոնք դեպի Հայ դատը տածում էին բուռն և ջերմ համակրանք: Նա մշտական Հարաբերության մեջ էր «Դրոշակի» խմբագրության հետ և իր հնարավորություններից ոչ մեկը չէր խնայում մի նոր մղում տալու հայ ժողովրդի արդար դատին:

Էլի Դյուկոմոնի մահվան առթիվ հուշակալոր Ֆեդերիկ Պասսին իր մի զգալուն հոդվածում նրա մահը համարում էր «Հասարակական սուգ»⁶:

Իր հերթին «Դրոշակի» խմբագրությունը հանգուցյալի դազադին ցավակցական ծաղկեպսակ էր դրել, որի ժապավենի վրա այս խոսքերն էին.

«Հայ ժողովրդի սրտակից բարեկամին, որի նվիրումը Հայ դատին բացառիկ էր, անմոռանալի»:

³ «Դրոշակ», N 1 (179), հունվար, 1906, էջ 3:

⁴ Տե՛ս Մատենադարան, Արշակ Ալպոյաճյանի արխիվ, թղթ. N 2, վավ. 3⁷ (թերթի կտրոն):

⁵ «Դրոշակ», N 10 (176), հոկտեմբեր, 1906, էջ 146:

⁶ Նույն տեղում, N 12 (178), դեկտեմբեր, 1906, էջ 191:

Հայերը բազմաթիվ բարեկամներ ունեին Բելգիայում:

Բրյուսելի Համալսարանի պրոֆեսոր Պոլ Էրերան 1906թ. հոկտեմբերին գրում էր, որ Հայաստանի նկատմամբ կամովին ստանձնած պարտականություններն անտեսված ու բռնաբարված են հենց իր՝ Եվրոպայի մեղքով: Եթե մեջտեղ են բերվում ոսկու տենչը և նյութական այլևայլ շահերը, և եթե դրանք փոքր-ինչ փտանգվում են, այնժամ տերությունները սպառնալիքներ են տեղում, զինում են զրահանավեր և աշխարհի ծայրը բանակներ ուղարկում: Ընդհակառակը, գրկանքին ու անիրավությունը չեն պատասխանում ոչ մի իրական գործով: «Այսպիսի անհոգությունը ի՞նչ անուն պետք է տալ, եթե ոչ մեղսակցություն»: Դիմելով թուրքահայ ժողովրդին՝ գիտնականը նրան սիրտ է տալիս, ասելով. «Հասարակական կարծիքի ուժը անճշելի է այն ձեզ հետ է»¹:

Գերմանական Հասարակության առջև Հայ դատը շարունակում էր շերտերեն պաշտպանել գերմանուհի տաղանդավոր գրող Իլզե Ֆրապանը, որի «Հայկական Հարցը» և «Հայերն ու ցարիզմը» գրքուկները թարգմանվել էին եվրոպական մի քանի լեզուներով:

«Իեպի գործ» վերտառությունը հոգվածում Իլզե Ֆրապանը գերման մշակութային գործիչներին կոչ էր անում վճռականորեն կանգնել ազգովին դժբախտության մեջ Հայտնված թուրքահայ ժողովրդի կողքին, ճշում գործադրել կառավարության վրա, որպեսզի նա փոխի Թուրքիայի նկատմամբ իր քաղաքականությունը և այն պայմանավորի Հայկական Հարցի նկատմամբ սուլթանի վերաբերմունքով, այսինքն՝ թե նա ինչպես է կատարում Բեռլինի կոնգրեսի դաշնագրի 61-րդ հոդվածը:

Հայասիրական շարժումը նկատելի տարածում էր ստանում նաև Միացյալ Նահանգներում:

Ամերիկայի Բոստոն քաղաքում հրատարակվում էր անգլերեն «Արմենիա» անունով ամսագիրը, որի նշանաբանն էր Վ. Գլադստոնի հռչակավոր խոսքերը՝ «To Armenia is to serve Civilization» - «Ծառայել Հայաստանին, նշանակում է ծառայել քաղաքակրթությանը»: Այդ ամսագրի պատվավոր հրատարակիչներն էին մի շարք ամերիկացի քաղաքական գործիչներ և Հայտնի գրողներ, իսկ աշխատակիցների շարքում էին Էդուարդ Կլեմանը, Տիսա Ալիս-Շտոն - Բլեկվելը, Ֆրանք Միլլերը, Լոյդ Հարիսոնը և ուրիշներ: Ամսագիրը հոդվածներ էր տպագրում թուրքահայերի անագորույն կացության մասին, մեծ տերությունների կառավարություններին հիշեցնում էր իրենց պարտքը Հայաստանի հանդեպ, որոնք ստորագրել էին այդ երկրին ինքնավարություն տալու մասին մեկից ավելի փաստաթղթեր²:

Հակառակ դարավոր թշնամու գործադրած ջանքերի, կաշառումների ու դավերի, Հակառակ Ելզեի պաշտոնական և անպաշտոն պրոպագանդի, եվրո-

¹ «Երոզակ», N 11 (177), նոյեմբեր, 1906, էջ 163:

² «Մշակ», N 9, 15 հունվարի 1906թ.:

պական և ամերիկյան Հասարակաց կարծիքը գնալով աստիճանաբար Համակրանքի ու հիացման դաշն էր կապում Հայկական Հեղափոխական շարժման հետ: Թվում էր թե նորագույն Եվրոպան ահա ուր որ է վերջնականապես Հարելու է Հայ դատին: Կարծես զրա վկայությունն էին նաև իրենց գործողությունները Համաձայնեցնելու և կոորդինացնելու տարբեր երկրների Հայասերների ձեռնարկած քայլերը:

1905թ. սեպտեմբերին Լյուցերն քաղաքում գումարված խաղաղության միջազգային 14-րդ կոնգրեսը ի թիվս այլ Հարցերի, նկատի առնելով նաև Հայոց և մակեդոնացոց Հարցերը, որոշել էր դիմել Բեռլինի դաշնագիրը ստորագրած պետություններին՝ վերջապես ձեռնարկել Հայաստանում և Մակեդոնիայում 61 ու 23 հոդվածներով խոստացած և մայիսյան ծրագրով ճշգրտված ռեֆորմների իրագործումը:

Կոնգրեսը Հատկապես մեծ հույսեր էր կապել Միացյալ Նահանգների նախագահ Ռուզվելտի հետ, ուստի դիմել էր նրան՝ խնդրելով նրա բարձր միջամտությունը, որ թվով 13 կարևոր Հարցեր, այդ թվում Հայաստանի Հարցը, մտցվեն երկու տարի հետո՝ 1907թ. ամռանը Լահեում (Հաագա) գումարվելիք խաղաղության միջպետական 2-րդ կոնգրեսի օրակարգի մեջ: Դիմումում Հայկական Հարցի մասին նշված էր, որ Հայերի կյանքի, գույքի և պատվի ապահովությունը ծայրաստիճան փտանգված է, ուստի քաղաքակիրթ մարդկության պարտքն է նրան օգնության ձեռք մեկնել: Նաև որոշում էր ընդունվել՝ այդ վճիռը Ռուզվելտին հաղորդել կոնգրեսի նախագահ էլի Դյուկոմոնի միջոցով:

Կոնգրեսի աշխատանքների ավարտից անմիջապես հետո էլի Դյուկոմոնը 1905թ. սեպտեմբերի 22-ի թվով նախագահ Ռուզվելտին ուղղել էր միաձայն քվերակված դիմումը և շուտով ԱՄՆ-ի պետական ղեկավարամեծներից ստացել հետևյալ պատասխանը.

«Պարոն.

Շատ հաճելի պարտականություն եմ կատարում ներկայացնելով Ձեզ նախագահի շնորհակալությունները այն Հավանությունների մասին, որ խաղաղության 14-րդ կոնգրեսը տվեց խաղաղության Համար նրա արած ջանքերին և դուք արտահայտեցիք այնքան մեծ բարեհաճություններով սեպտեմբերի 22-ի Ձեր վերջին նամակի մեջ:

Ինչ վերաբերում է այն 13 Հարցերին, որ կոնգրեսը ցանկանում է մտցված տեսնել խաղաղության միջպետական երկրորդ կոնգրեսի ծրագրի մեջ, ես կարող եմ Ձեզ ասել, որ մեր կառավարությունը նկատի կառնի այդ Հարցերը, երբ այդ երկրորդ կոնգրեսի Համար կպատրաստվեն Միացյալ Նահանգների պատվիրակներին տրվելիք հրահանգները»¹:

Ռուզվելտին Հղած դիմումը բուռն արձագանք գտավ Հայ գաղութների և Համալսարանական Հայ երիտասարդության շրջանում: Կազմակերպվեցին

¹ «Մշակ», N 10, 17 հունվարի 1906թ.:

ժողովներ, որոնցում շեշտվում էր հարուցած խնդրի կարևորությունն ու այժմեականությունը: Նման ժողովներ տեղի ունեցան Ժնևում, Լոզանում, Ռուչչուկում, Ալեքսանդրիայում և այլուր:

Կոնգրեսի այդ դիմումից բացի, նախագահ Ռուզվելտին ուղղված մի նոր գրավոր դիմումով 1906թ. հունվարին հանդես եկան Եվրոպայի մի շարք երկրների՝ Գերմանիայի, Անգլիայի, Ավստրիայի, Բելգիայի, Դանիայի, Ֆրանսիայի, Հոլանդիայի, Իտալիայի, Նորվեգիայի, Շվեդիայի և Շվեյցարիայի նշանավոր քաղաքական, հասարակական, գրական, հրապարակախոսական, եկեղեցական գործիչներ. Ֆրանսիայից՝ Մարսելեն Բերթրյոն, Լեոն Բուրժուան, Դենիս Կոչենը, Արիստիդ Բրիանը, էտուրնել-դը Կոնստան, Ֆեդերիկ Պասսին, Անատոլ Լըրուա-Բոլեոն, Կրուալեն, Կլարետին, Հ. Պենն, Բրեալը, Ռեյնակը, Իտալիայից՝ Ասկոլին, Բուսին, Սակկին, Անգլիայից՝ Բելֆորդի դքսուհին, պրոֆ. Հարիսը, Մորիսոնը, Բեկստոուն, Ա. Սթեդը և ուրիշներ, թվով 370 ականավոր դեմքեր:

Դիմումի մեջ ասված էր. «Մենք չենք կասկածում, որ դուք նույնպես, ինչպես և մենք, խորապես զգացված եք հայ ժողովրդի ողբերգական փիճակով, ժողովրդի, որը նույն ծագումն ունի, ինչպես և մենք, և կարևոր դեր է խաղացել ամենահին ժամանակներից քաղաքակրթության զարգացման մեջ: Այդ ժողովուրդն այժմ հասցված է կատարյալ հուսահատության, և նրան կորուստ են սպառնում այն անգթությունները և բռնությունները, որոնք մնում են անպատիժ, կատարվում են նրան չընդհատող բարբարոս մուսուլման ցեղերի ձեռքով և որոնց նպատակն է ջնջել նրա գոյությունը: ... Հայ ժողովրդի համար չկա այլևս ոչ նրա գույքի, ոչ կայքի և ոչ էլ տղամարդկանց, կանանց ու երեխաների կյանքի ապահովության որևէ երաշխիք: Կազմակերպված ավազակախմբերը, որոնք կատաղաբար գործում են Ասիայում, նրանց սպառնում են կողոպուտներով, հափշտակություններով, բռնությամբ և կոտորածով:

... Պարոն նախագահ, մենք խնդրում ենք Ձեզ՝ վերցնել նախաձեռնություն և ստանալ օգնություն պետությունների կողմից, որպեսզի օսմանյան կայսրության հպատակներին, վերջապես, կարողանանք տալ այն հասարակական հանգրստությունը և ընդունելի կարգը, որի բացակայությունը այդ կայսրությունը հասցրեց այդպիսի թշվառությունների և որը սպառնում է նրան հասցնել կատարյալ կործանման»²:

Ֆրանս-Հայկական կոմիտեի խնդրանքով դիմումը խմբագրել էր և կից առաքման գիրը ստորագրել Մարսելեն Բերթրյոն, որից հետո այն հանձնվել էր նախագահ Ռուզվելտին՝ Ջեյմս Ռայնոլդի միջոցով:

Ի պատասխան Եվրոպայի Հայաստանի դիմումի՝ ԱՄՆ-ի նախագահ Ռուզվելտի հանձնարարությամբ պետական դեպարտամենտի քարտուղար Ռոտտը

պատասխանը տվել էր այդ դիմումը ներկայացրած դր. Ջեյմս Ռայնոլդին, ուր ասված էր.

«Տե՛ր,

Նախագահն այս պաշտոնատանն է հանձնել ընդունագրելու համար Ձեր հունվարի 18-ի նամակը, որի հետ ներկայացվել էր մի բազմաստորագիր խընդրագիր Ֆրանսիայի, Իտալիայի, Բելգիայի, Շվեդիայի, Դանիայի, Մեծ Բրիտանիայի, Հոլանդիայի, Գերմանիայի և Ավստրո-Հունգարիայի ազդեցիկ ու ներկայացուցիչ մարդկանց կողմից, նախագահին կոչ անող, որ նա գործ ձեռնարկի՝ Թուրքիայի հայ հպատակների կրած հարստահարությունների առաջն առնելու համար:

Ընդդրողների բարձր դիրքն ավելի մեծ շահագրգռություն կտա այն խընդրին, որն արդեն գրավել է նախագահի ամենալուրը ուշադրությունը՝ անցյալ երկար տարիներից ի վեր:

Այս կառավարության այլևայլ ճյուղերը կրկին ու կրկին արտահայտում են ամերիկյան ժողովրդի համակրանքը ամեն երկրի հարստահարվածների, նաև՝ դժբախտ Հայերի նկատմամբ: Ոչ մի չըմանակի մեջ տարակույս չկա, թե նախագահը բաղձանք ունի, որ Հայերն ունենան կյանքի, գույքի ապահովությունը, որի երաշխավորելը եղել է եվրոպական պետությունների միաբան նպատակը»¹:

Այնուհետև պատասխան նամակում նշվում էր, որ Թուրքիայի «Հպատակ Հայերի տառապանքները բարձրաձայն դարձան և հատուցում են աղաղակում: Դրանք վերավորում են ողջ մարդկության զգացումը, որը դատապարտում է այն ցեղային ներհակությունները, որ առաջ են եկել Թուրք բնակչության անհատիկ տարրերի կողմից: Ուղղադատ ոչ մի մարդ չի կարող ականատես լինել այնպիսի դեպքերի, առանց տենչալու, որ ուժ ունենա կանխելու դրանք: Ես անկեղծորեն կբաղձայի, որ Միացյալ Նահանգներն այդ գորությունն ունենային»²:

Միաժամանակ պետական դեպարտամենտի քարտուղարը անկեղծորեն գրում էր, որ Միացյալ Նահանգների ջանքերը «անբավական պիտի լինեն մի օրինական ու զորավոր միջամտության համար», առանց եվրոպական երկրների կառավարությունների հետևողական աջակցության³:

Նախագահ Ռուզվելտին ուղղված Բերթրյոյի խմբագրած խնդրագիրը լայն արձագանք ունեցավ և ամբողջովին կամ սեղմ շարադրանքով տպագրվեց ուսաստանյան, եվրոպական և ամերիկյան բազմաթիվ թերթերում:

Ռուսահայ իրականության մեջ դիմում-խնդրագրի նկատմամբ վերաբերմունքը միատեսակ չէր: Ռուսահայ գործիչների մեծ մասը ողջունում էր եվրո-

¹ Տե՛ս «Արշալոյս», N 59, 17 մարտի 1906թ. նաև՝ «Մշակ», N 14, 21 հունվարի 1906թ.:

² «Մշակ» N 15, 22 հունվարի 1906թ., նաև՝ «Արշալոյս», N 59, 17 մարտի 1906թ.:

¹ Մատենադարան, Արշակ Ալպոյաճյանի արխիվ, թղթ. N 2, վավ. 3¹³ (թերթի կտրոն):

² Նույն տեղում:

³ Նույն տեղում:

պական մտավորականների հավաքական դիմումը Միացյալ Նահանգների նախագահին, բայց առավել սթափ մտածող Հայերը այն համարում էին ավելորդ՝ հիշատակելով անցած շուրջ 30 տարիներին Հայկական հարցի նկատմամբ պաշտոնական եվրոպայի վերաբերմունքի պատմությունը:

Երիտասարդ պատմաբան Հակոբ Մանանդյանը Թիֆլիսում լույս տեսնող «Արշալոյս» թերթում տպագրած «Եվրոպական միջամտության խաբուսիկ հույս» վերնագրով հոդվածում հոռետեսաբար էր գնահատում Հայկական հարցի մասին ԱՄՆ-ի նախագահին հղած բողոք-դիմումը: Նա գրում էր.

«Եվրոպայի համակրությունը հայկական խնդրում թեև որոշ նշանակություն ունի, բայց եվրոպան չէ, որ պիտի լուծե թուրքահայ խնդիրը:

Հիշենք մեր անցյալը»¹:

Մանանդյանը գտնում էր, որ Արևմուտքին արված խնդրանք-պաղատանքի փոխարեն Հայ քաղաքական ուժերը պետք է փոխեն թուրքահայ ազատագրական շարժման մարտավարությունը և հույսը կապեն միայն ու միայն Ռուսաստանի միջամտության վրա: Նա հարց էր տալիս. «Հարկավոր չէ՞ արդյոք այժմվանից իսկ հող պատրաստել, որպեսզի սահմանադրական Ռուսաստանը համակրի Հային, գիտակցի իր իսկական շահերը և միջամտության ու օգնության ձեռք պարզի թուրքահայ ժողովրդին»: Հոդվածագիրն ինքն իր դրած հարցին այսպես էր պատասխանում.

«Մենք համոզված ենք, որ թուրքահայ ազատագրական շարժման անիվը վերջ ի վերջո շուտ պիտի գա այդ ուղղությամբ: Որքան շուտ, այնքան լավ: Հարավից, արևելքից ու արևմուտքից թուրքահայ նահանգները շրջապատված են մահմեդական մոլեռանդ երկրներով: Պատմական մի անհրաժեշտություն է, որ թուրքահայը օգնություն սպասի հյուսիսից: Եվրոպական միջամտության հույսը խաբուսիկ էր, խաբուսիկ էլ կմնա»²:

Նախագահ Ռուզվելտին հղած դիմում-խնդրագիրը տպագրվեց նաև թուրքական մամուլում: Կ.Պոլսի թուրք թերթերն իրենց մեկնաբանություններով զայրույթ էին արտահայտում օսմանյան կայսրության գործերին եվրոպական միջամտության նոր փաստի առթիվ, իսկ արտասահմանում լույս տեսնող երիտթուրքական ընդդիմադիր լրագրերը քննադատում էին սուլթանական կարգերը՝ միաժամանակ առթիվ օգտագործելով պարզում իրենց տեսակետները Հայկական հարցի մասին:

Կարողալով խնդրագիրը՝ Փարիզում հիմնավորված երիտթուրքական տարագիր խոշոր գործիչներից մեկը՝ իշխան Մեհմեդ Սաբահեդդինը նամակ է հղում Բերթրյոյին և իր կարծիքը հայտնում փաստաթղթի վերաբերյալ:

Նամակի սկզբում իշխանը հավաստիացնում էր, թե «երախտագիտության ճշմարիտ մի զգացումով կարողացի այն կոչը, որ Դուք ուղղել եք նախագահ

Ռուզվելտին ի նպաստ Հայերի»¹:

Վկայակոչելով զանգատագիր-կոչի տողերը, թե «ամոթ է եվրոպայի և թույլ տվեք ասել, Ամերիկայի համար, որ հանդուրժում է շարունակվող ոճիրները Հայ ժողովրդի նկատմամբ», Սաբահեդդինն ավելացնում էր, որ պետությունների հասցեին արված արդարացի նախատինքը թերի է, քանի որ այնտեղ չի ասված, թե եվրոպական երկրներից մի քանիսը ուղղակի մասնակից են ոճիրներին, իսկ Օսմանյան կայսրության անմիջական դրացիներից մեկը բացահայտորեն քաջալերում է այդ ոճիրները²:

Անշուշտ, Սաբահեդդինը նկատի ուներ ցարական Ռուսաստանին, ուր ի պաշտպանություն թուրքահայերի ազատագրական շարժման՝ իրենց ձայնը բարձրացնում էին միայն առանձին ռուս մարդիկ, իսկ ամբողջության մեջ ռուս մտավորականությունը հայության շուրջ ստեղծված իրադարձությունները շարունակում էր ընկալել այնպես, ինչպես ներկայացնում էր բյուրոկրատական վարչակարգը՝ կեղծ պրոպագանդայով:

Հայերի նկատմամբ համակրական խոսքերից հետո իշխան Սաբահեդդինը, այնուհետև, բարձրացնում էր խնդիրներ, որոնք ըստ էության գալիս էին չեզոքացնելու իր նամակի սկզբում արտահայտած կարծիքը:

Նա տարօրինակ էր համարում այն, որ նախագահ Ռուզվելտին հղած իր նամակ-կոչում Բերթրյոյն գրել է միայն Հայերի մասին, իսկ թուրք ժողովրդի հարստահարված զանգվածների մասին ոչ մի խոսք չի ասել, «որոնք նվազ ճշված չեն, քան իրենց հայրենակից քրիստոնյաները»: Եվ նա նկարագրում էր թուրք գյուղացիների տնտեսական անտանելի վիճակը, բողոքում էր, որ թուրք զինվորները միայնակ են պաշտպանում երկրի անվտանգությունը և զոհվում հեռուներում, մինչդեռ քրիստոնյաները, այդ թվում Հայերը, ազատ են բանակում ծառայելու պարտականությունից:

Այնուհետև Սաբահեդդինը հարց էր տալիս, թե ինչու եվրոպան հետևողականորեն հանդես է գալիս Հայերի օգտին՝ օսմանյան կայսրությունում իրականացվելիք բարենորոգումների պահանջով, բայց խուսափում է այդ պահանջը տարածել թուրք հարստահարվող զանգվածների վրա: «Կյանքը, - գրում էր նա, - առաջադրում է կայսրության մեջ ոչ թե մասնակի, այլ ընդհանուր բարենորոգման պահանջը: Հայերն իրենց բնակած բոլոր նահանգներում, առանց բացառության, փոքրամասնություն են կազմում: Նման իրավիճակում ինչպե՞ս կարելի է լրջորեն խորհել նրանց վիճակի բարվոքման մասին՝ առանց նկատի առնելու մեծամասնության վիճակը»³:

Ապա երիտթուրք նշանավոր գործիչը առաջ էր քաշում այն հարցը, թե ի վերջո թուրքերը և Հայերը կարո՞ղ են հաշտ ու խաղաղ ապրել օսմանյան

¹ «Արշալոյս», N 22, 31 հունվարի 1906թ.:

² Նույն տեղում:

¹ «Ռազմիկ», N 30, 1 փետրվարի 1906թ.:

² Նույն տեղում:

³ Նույն տեղում:

պետության մեջ, թե՛ դա բացառված է: Առաջադրելով Հարցը՝ նա պատասխանում էր, որ երկու ազգերի խաղաղ գոյակցությունը մի պետության մեջ ոչ միայն ցանկալի է ու հնարավոր, այլև՝ անխուսափելի:

Հայը և թուրքը, գրում էր նա, նույն հողի ու ջրի զավակներ են, և շահերի կատարյալ համերաշխություն կա նրանց միջև: Այս երկու ժողովուրդները, որոնք հիմնականում բաղկացած են խաղաղասեր աշխատավորներից, երազում են կարգապահության և օրինապահության մասին, երկուսն էլ ժամանակ առ ժամանակ ենթակա են նույն վտանգներին՝ վաչկատուն քուրդ ցեղերի հարձակումներին¹:

Անդրադառնալով այդ ընդհանուր վտանգին՝ Սաբահեդդինը շարունակում էր, որ թուրքերի համար ցավալի հետևանք է ունենում այն, որ Եվրոպայում տարբերություն չեն դնում թուրքի և մուսուլման ոչ թուրքի միջև: Այդ շփոթությունը եվրոպացիներին հնարավորություն չի տալիս ըմբռնելու, թե ինչու քուրդ մուսուլմանները հարստահարում են ոչ միայն քրիստոնյա հայերին, այլև մուսուլման թուրքերին, «և եթե ուրիշ որս չեն գտնում, կողոպտում են իրար»²: Ապա՝ «Միտքս քուրդ ցեղը վարկաբեկելը չէ: Գրդերն իրենց արիական ծագումով ցեղագրապես ավելի մոտ են հայերին, քան թուրքերին, և օծված են խելքով ու կորովով: Նրանց վայրագությունն արդյունք է տնտեսական-ընկերային վիճակի: Եվ եթե հաջողվի նրանց կապել հողի հետ, ապա Փոքր Ասիայում վերջ կգտնեն անհամաձայնությունը և անիշխանակա-նությունը»³:

Սաբահեդդինը գտնում էր, որ քրդերին հողի հետ կապելը պահանջում է երկարատև ժամանակ, մի բան, որ կայսրության շահին համահունչ չէ: Այդ շահը պահանջում է արմատական փոփոխություններ կատարել երկրի կառավարման համակարգում և ամենից առաջ դիմել վարչական ապակենտրոնացման⁴:

Իշխան Սաբահեդդինի այս նամակը տպագրվեց հայկական մամուլի օրգաններում և ենթարկվեց լայն քննարկման: Ոմանք հավանություն էին տալիս այնտեղ արձարձված մտքերին, ուրիշները վճռականապես մերժում էին: Վերջիններիս թվում էր «Ռազմիկ» թերթի խմբագիր, նշանավոր դաշնակցական գործիչ Ռուբեն Զարդարյանը, որը թերթում հանդես եկավ մի շարք հրապարակումներով:

Ռ. Զարդարյանը գրում էր, որ նամակ հղելով Բերթելոյին՝ Սաբահեդդինը նպատակ է հետապնդել հայկական բարենորոգումների հարցը խեղդել ընդհանուր թուրքիայի բարեկարգության առաջարկով⁵: Բերթելոյին հասցեագրած

¹ «Ռազմիկ», N 30, 1 փետրվարի 1906թ.:

² Նույն տեղում, N 31, 4 փետրվարի 1906թ.:

³ Նույն տեղում:

⁴ Նույն տեղում:

⁵ Նույն տեղում, N 33, 11 փետրվարի 1906թ.:

նամակից առաջ նա հայերին ուղղած մի բաց նամակով նրանց մեղադրել էր, որ իրենց շարժումներով ու դիմումներով նրանք եվրոպական օտար երկրներին հարկադրում են միջամտել թուրքիայի ներքին գործերին: Բայց ուրիշ ի՞նչ ճանապարհ կարող է ցույց տալ իշխանը. հարց էր տալիս «Ռազմիկ» խմբագիրը: Առայժմ ոչ մի: «Իրենց սրտի վրա կրելով պատմական փորձառությունների դառը վերքը, - գրում էր նա, - մանավանդ խորապես ճանաչած ըլլալով թուրքիոյ կառավարութեան խոստումների բարոյական արժեքը՝ հայերը համոզուած են թե առանց օտարին միջամտութեան, առանց եվրոպական քոնթրոլի մը հսկողութեան՝ թուրքիան ոչ միայն չպիտի ուզե, այլև կարող չէ արմատական, արդար և խելացի բարեկարգութեամբ մը օժտել երկիրը»¹:

Անդրադառնալով Սաբահեդդինի այն հայտարարությանը, թե թուրքիայում հայերի հետ հավասարապես հարստահարվում են նաև թուրքերը, ասել է թե՛ թուրքական իշխանությունների կողմից հայահալած դիտումներով ծրագիր չկա և պարզապես պետք է բողոքել վարչական հոփ սիստեմի դեմ, Ռ. Զարդարյանը գրում էր, թե դա պարզ աչքակապություն է, քանի որ թուրքական կառավարությունը և դիվանագիտությունը հետևողականորեն իրագործում են հայությանը իր հայրենիքում բնաջնջելու ավանդական քաղաքականությունը, մինչդեռ իսլամ ժողովրդի դեմ եղած վարմունքի խստությունները միայն ժամանակավոր, դեպքից դեպք ուժեղացող կամ թուլացող հանգամանք ունեն: «Հայու սրտին կը զարնեն դաշույնով, - շեշտում էր նա, - մինչդեռ թուրք գյուղացու կամ հասարակ խուժանին կը դպչին ճիպտով մը: Հայուն կը զարնե քյուրտը, թուրք խուժանը, զափթիեն, գինուորը, փոլիսը, թուրք վարչական ողջ մեքենան, սուլթան Համիտը, բանտը, կախաղանը, մինչդեռ Սաբահեդդին իր կրոնակից գեղացիներուն լոկ տնտեսական տխուր կացութեանը, հայրենիքի [հանդեպ] պարտականությունը կատարող գինուորներուն մահուանը և այդ մահուանը հետևանք եղող երկրագործ ժողովուրդին կորուստներուն համար կը գանգատի»²:

Իշխան Սաբահեդդինի պնդմանը, թե հայն ու թուրքը նույն շահերն ունեն, Ռ. Զարդարյանը հակադրում էր հակառակ տեսակետը: Նա գրում էր, որ, նախ, հայերին կեղեքող, ավազակություններով ու թալաններով ապրող քրդերին մշտապես խրախուսում են թուրք իշխողները, սրանք են շահագրգռված, որ քուրդ ցեղը միշտ բարբարոս վիճակում մնա: Մի՞թե թուրքական կառավարությունը չէր, որ համիդիե անունով մկրտեց քուրդ ավազակաբարո հեծյալ գնդերին, զենք տվեց մարդասպանների ձեռքը, նրանց մղեց հայերի գանգվածային ջարդերի:

Այնուհետև «Ռազմիկ» խմբագիրը փաստեր էր բերում այն մասին, որ Հայաստանի շատ գավառներում թուրք բեկերը և ազալարները տիրացել են

¹ «Ռազմիկ», N 34, 15 փետրվարի 1906թ.:

² Նույն տեղում:

ընդարձակ հողատարածքների՝ հայ գյուղացիներին գրկելով սեփականություն ունենալու իրավունքից: Վերջիններս իրենց ընտանիքները սովից փրկելու համար ստիպված կրում են թուրք հողատերերի բոլոր ստորացումները, ոտնատակ տալիս իրենց արժանապատվությունը: Ընկերային վիճակի նույն հակամարտ շահերն ունեն նաև քաղաքաբնակ հայերն ու թուրքերը: Աշխատանքը բաժին է քաղաքաբնակ հային, իսկ պտուղների վայելումը՝ քաղաքաբնակ թուրքին: «Քաղաքաբնակ թուրքերուն մեկ մասը գինուոր է, մաս մը կառավարական պաշտոնեայ, չնչին փոքրամասնություն մը՝ խիստ նախնական արհեստներով զբաղված ու մարդ չի գիտեր թե գեռ անդին մնացած խոշոր մեծամասնություն մը ինչո՞վ կը շահի ու ինչո՞վ կ'ապրի: ... Թե՛ պաշտոնեայ, թե անգործ քաղաքաբնակ թուրքերը կողմնակի, մութ միջոցներ գտած են՝ կեղեքելու, հարստահարելու հայր և այդ «վաստակով» պահելու իրենց գոյությունը»¹:

Ընդատալ գնալով Բերթլոյի՝ և եվրոպական երկրների մյուս նշանավոր գործիչների խնդրանք-կոչին՝ նախագահ Ռուզվելտը ջանքեր գործադրեց հայկական հարցը Լահեի 1907թ. միջպետական կոնգրեսի օրակարգի մեջ մտցնելու համար, բայց նրա փորձերն ապարդյուն անցան: Եվ դա հայոց խնդրի տապալման առաջին դեպքը չէր:

Դեռևս 1900թ. Փարիզում գումարված խաղաղության համաշխարհային 9-րդ կոնգրեսն իր օրակարգի մեջ առաջին անգամ մտցրել էր հայոց հարցի քննությունը: Բայց խաղաղության կոնգրեսները պաշտոնական ֆունկցիաներից զուրկ լինելով՝ միայն կարող էին իղձ ու փափագ հայտնել, դիմումներ անել և խնդրել, որպեսզի չարաբաստիկ հայոց հարցի վրա հրավիրվի եվրոպական դիվանագետների ուշադրությունը: Խաղաղության կոնգրեսների կողմից արված մասնավոր և միայն բարոյական նշանակություն ունեցող դիմումները, արտահայտած իղձերն ու փափագները շուտով մոռացվում էին, և հայոց հարցի համար չէին կարողանում ստեղծել պաշտոնական հանգամանք:

1906թ. փետրվարի 23-ին Լոնդոնում տեղի էր ունեցել Եվրոպայի Հայաստանների ժողով, որը հրավիրվել էր «Արևելյան հարցի միջազգային միության» կողմից: Ժողովը նախագահում էր հայկական հարցի ջերմ պաշտպան, ֆրանսիական սենատի անդամ դ'Էտուրնել-դը Կոնստան: Խտալիայի կողմից մասնակցում էր Լուիջի Վիլլարին, Ֆրանսիայից՝ «Պրո Արմենիայի» խմբագիր Պիեռ Քիյառը և Ժան Լոնգեն: Ներկա էին նաև Ս. Ստիվենսոնը, Մ. Նոել Բաբստը, դր. Ռեյնոլդը, դր. Ֆերբերը, Սաութվարդի եպիսկոպոսը, Եվանը, կանոնիկոս Մակ-Քոլը, պրոֆ. Բիթը, լորդ Մոնկվերը, Լոնդոնում Սերբիայի դեսպանը և շատ ուրիշներ:

Ժողովին նախագահող դը Կոնստան մասնակիցներին տեղեկացրեց, որ տարբեր երկրների հայաստաններից ստացվել են մեծ թվով համակրական նամակներ, որոնց հեղինակները ցավ են հայտնում, որ չեն կարողացել ներկա լինել այդ կարևոր հանդիպմանը:

Իր բացման խոսքում դը Կոնստան ասում էր. «Մենք իրավունք ունենք մեր անձնական տառապանքներով չհազարգույնել, բայց իրավունք չունենք չհազարգույնել մարդկային տառապանքով»:

Իր հանգամանալից ու գեղեցիկ բացման խոսքը նա ավարտեց Հետևյալ խոսքերով. «Չգաղարենք սուլթանի կառավարությունը որակել որպես ոճիր և որպես ամոթ մեր քաղաքակրթության համար, բայց նաև հրավիրենք բոլոր քաղաքակիրթ ժողովուրդներին, որ միանան մեզ՝ վերջ դնելու համար այս խայտառակությունը ...»²:

Հանդես գալով դը Ռեյնոլդը, որ երկար տարիներ ապրել էր Հայաստանում, ողբալի մանրամասնություններ ներկայացրեց երկրի մեջ տիրող սովի և թշվառության մասին, որոնք սպառնում են բնաջնջել 1895-1896թթ. կոտորածից ողջ մնացողներին:

Իր ելույթում Պիեռ Քիյառը հիշեցրեց, որ այս նույն սրահում 18 ամիս առաջ տեղի է ունեցել նույնանպատակ ժողով, որը, դժբախտաբար, ոչ մի արդյունք չի ունեցել, և դրա համար պատասխանատու է ոչ միայն սուլթանի կառավարությունը, այլև մեծ տերությունները և այդ երկրների քաղաքացիները, որոնք պահանջված ուժով չեն ազդել իրենց կառավարությունների վրա: «Մենք պատասխանատու ենք հայերի նկատմամբ, որոնց սովից մեր քաղաքակրթության ճաշակը, ազատության և արդարության գաղափարները»³:

Սաութվարդի եպիսկոպոսի, կանոնիկոս Մակ-Քոլի, Բըքստոնի, Բիթի և այլոց ելույթներից Հետո ժողովն ընդունեց Հետևյալ բանաձևը.

«Ժողովն իր խորին ցավն է հայտնում, որ Բեռլինյան 1878-ի դաշնագրության 23-րդ և 61-րդ հոդվածների մեջ պարունակած Հանդիսավոր խոստումների հանդեպ ստորագրող պետությունները ցարդ անկարող եղան ազդու միջոցներ ձեռք առնել՝ օսմանյան կայսրության եվրոպական և ասիական նահանգների մեջ բարենորոգումներ ներմուծելու համար: Ժողովը սաստկագին խընդրում է, որ այս պետությունների և Ամերիկայի Միացյալ Նահանգների կողմից մշակվի մի ծրագիր, որ կարելի լինի հարկադրել սուլթանին՝ տաճկահայ նահանգներում իրականացնելու մի արդար և մարդկային վարչություն»³:

Ժողովից Հետո այդ առթիվ տրվեց ճաշկերույթ ի պատիվ Ջեյմ Բրայսի: Առիթից օգտվելով՝ նա մի անգամ ևս շեշտեց, որ իր մինիստրական պաշտոնում նույնպես ինքը պիտի շարունակի ծառայել իր այն գաղափարներին,

¹ «Ռազմիկ», N 35, 18 փետրվարի 1906թ.:

² Բերթլոյի մահվամբ (1907թ. մարտի 18, Փարիզ) հայ դատը կորցրեց իր զորեղ պաշտպաններից մեկին Եվրոպայում: Մեծ գիտնականի և հայասերի մահվան առթիվ Հ.Յ. դաշնակցությունը հեռագրով արտահայտել էր հայության խոր վիշտը:

¹ «Դրոշակ», N 3 (169), մարտ, 1906, էջ 47:

² Նույն տեղում:

³ Նույն տեղում:

որոնց նպատակն է բարեփոխել Հայաստանի վիճակը:

1906թ. Հուլիսի 23(10)-ին Լոնդոնում գումարվել էր միջպառլամենտական կոնֆերանս, որը տևել էր երեք օր: Լոնդոն էր եկել 600 պատգամավոր՝ զանազան երկրների պառլամենտների կողմից:

Ընդհանուր պրոպագանդայի տեսակետից նկատելով նրա կարևորությունը, նաև այն դերը, որ այդ ժողովը կարող էր խաղալ հայոց խնդիրը Լազեի կոնգրեսին ներկայացնելու գործի մեջ՝ «Դրոշակի» խմբագրությունը միջոցներ ձեռք առավ Հայկական հարցը ժողովի առջև դնելու և հեռագրական դիմում արեց կոնֆերանսի փոխնախագահ Ղ'էտուրենել-դը Կոնստային, հայ դատի ակնավոր պաշտպան Ֆրանսիս դը Պրեսանսեին և բելգիացի պատգամավոր, հայասեր ժորժ Լորանին:

Հեռագրում ասված էր. «Նկատի ունենալով ձեր համակրանքը դեպի մեր դատը՝ հարկադրված ենք խնդրելու Ձեզ, որ ներդրելու հանձն առնեք, հանուն արդարության և խաղաղության գործի, որի քաջարի պաշտպանն եք, հարուցանելու միջպառլամենտական կոնֆերանսի առջև հայկական խնդիրը, ճանաչված միջազգային դաշնագրով: Այդ դիմումն անելու համար մենք ունենք հիմնավոր պատճառներ: Թուրքաց Հայաստանի մեջ իրերի դրությունն օրեցօր դառնում է ծանր, վտանգավոր: Արտաքին հանգստության դիմակի ներքո հայալինջ քաղաքականությունն իր գործն է տեսնում անարգել ու հետևողական»:

Հեռագրում բերվում էին հայերի անագորույն վիճակի մասին մի շարք փաստեր: Ընթացությունն այնուհետև խնդրում էր՝ Բեռլինի դաշնագրի 61-րդ հոդվածը կյանքի կոչելու և Հայաստանում բարենորոգումներ իրականացնելու համար կոնֆերանսում բարձրացնել Հայկական հարցը, աջակից կանգնել հայկական դատին, «որը միաժամանակ արդարության և խաղաղության դատն է»:

Հ.Յ.դաշնակցության դիմումը կոնֆերանսում արձագանք էր գտել շնորհիվ Ֆրանսիայի, Անգլիայի, Բելգիայի պառլամենտների հայասեր պատգամավորների:

Բելգիայի պառլամենտի պատգամավոր ժորժ Լորանը (ընտրված Վերտոնից) աջակցություն ստանալով այլ հայասեր պատգամավորների կողմից, խոսք առնելով՝ բարձրացրեց Հայկական հարցը:

Լորանն իր ճառում նշեց, որ Բեռլինի 1878թ. կոնգրեսի հայտնի փաստաթուղթն ստորագրած պետությունները տեր չեն կանգնում իրենց գրավոր խոստմանը և անգործության են մատնել միջազգային դաշնագիրը:

«Պարտավոր ենք պահանջելու, - ասում էր Լորանը, - որ դաշնագրերը գործադրվեն: Եթե ոչ, ապա ինչ օգուտ դրանց կնքելուց: Ի՞նչ բանի են ծառայում մեր բոլոր արածները, և հասարակությունն ի՞նչ փտահույս է կարող է ունենալ մեր ջանքերի վրա: Արդ, փորձը ցույց է տալիս, որ եթե որոշ երկրների, մասնավորապես Թուրքիայի հետ դաշնագրերի գործադրությունը բռնի

ուժով չպահանջվի, դրանք կմնան առանց գործադրության»:

Այնուհետև նշելով խնդիրը Լազեի կոնգրեսին ներկայացնելու անհրաժեշտությունը, Լորանն իր ճառը վերջացնում էր հետևյալ խոսքերով.

«Հայերն ինձ խնդրել են, որ այստեղ լսել տամ իրենց վշտի աղաղակը և օրինական բողոքը կամայականության ուժեղ դեմ: Շարունակել անտարբեր մնալ հայոց ցավերի նկատմամբ, նշանակում է բռնաբարել մի դաշնագիր, որը կրում է սուլթանի և բոլոր մեծ պետությունների ստորագրությունը»:

Միջպառլամենտական կոնֆերանսն ընդամենը գնաց Հ.Յ.դաշնակցության խնդրանքին և միաձայն ընդունեց պատգամավոր Լորանի առաջարկը, որով պահանջվում էր, որպեսզի Լազեում 1907թ. գումարվելիք խաղաղության միջպետական 2-րդ կոնգրեսը ձեռք առնի գործուն միջոցներ, Թուրքիային հարկադրի հարգել միջազգային դաշնագրերը և հայերին տալ կայսրության մյուս ազգերին, այդ թվում թուրքերին, հավասար իրավունքներ:

Որպես կանոն, միջպառլամենտական կոնֆերանսների ընդունված բանաձևերը քննարկվում էին դրանցում մասնակցած երկրների պառլամենտների կողմից, որոնց ընդունած որոշումները պարտավոր էին իրականացնել կառավարությունները: Հետևապես Հայոց հարցը նույնպես պետք է անցներ այդ ուղիով, և կառավարությունները պետք է դիմումներ անեին այդ հարցը Լազեի կոնֆերանսի օրակարգ մտցնելու համար:

Ահա թե ինչու հայ քաղաքական ուժերի շրջանում հույս էր արթնացել, որ Լոնդոնի միջպառլամենտական կոնֆերանսի ընդունած այդ բանաձևը թեև դեռ դողողուն, անհաստատ որոշում էր, բայց, իբրև առաջին քայլ, կարևոր նշանակություն կարող էր ունենալ մի նոր էտապի սկիզբ հանդիսանալով հայոց հարցի լուծման մեջ:

Այդ հույսը թելադրվում էր նրանով, որ Հայկական հարցը խաղաղ եղանակով լուծելու համար եվրոպական հայասերների մինչ այդ ձեռնարկած բոլոր ջանքերը եղել են մասնավոր նախաձեռնություններ, իսկ Լոնդոնի կոնֆերանսում տեղի ունեցածը կիսապաշտոնական գործողություն էր: Համոզմունք կար, որ եթե միջպետական կոնգրեսը գոնե մի անգամ քննության առարկա դարձնի Հայկական հարցը, ապա ինչ-որ հույսեր կարող էին առաջանալ հայոց մեջ: Բայց հարցը օրակարգ մտցնելու ճանապարհին կանգնած էին մեծ խոչընդոտներ և ամենից առաջ Թուրքիայի խափանարարական աշխատանքը:

1906թ. սեպտեմբերի 15-22-ը Միլանում (Իտալիա) տեղի ունեցավ խաղաղության համաշխարհային 15-րդ կոնգրեսը:

Միլանի կոնգրեսին նախագահում էր Թեոդոր Մոնետան՝ Իտալիայում հայկական դատի առաջին պաշտպաններից մեկը:

Կոնգրեսին մասնակցում էր մի քանի հարյուր պատգամավոր Ֆրանսիայից, Անգլիայից, ԱՄՆ-ից, Գերմանիայից, Բելգիայից, Դանիայից և ուրիշ

¹ «Դրոշակ», N 8 (174), օգոստոս, 1906, էջ 115:

երկրներից: Պատգամավորների մեջ մեծ թիվ էին կազմում Հայկական Հարցի պաշտպանները: Հայոց բարեկամ Պիեռ Քիյառը կոնգրեսում ներկայացնում էր «Եվրոպայի Հայ ուսանողական միությունը»:

Կոնգրեսի բացման առթիվ «Դրոշակի» խմբագրությունը Հ.Յ. դաշնակցության անունից հղեց ողջույնի հեռագիր:

Կոնգրեսի երկրորդ նիստում Պիեռ Քիյառը հանդես եկավ մի ոգեշունչ ճառով, պարզեց Հայ ազգի դանդաղ ոչնչացման սուլթանական ծրագրի իրագործման ընթացքը և պահանջեց մեծ տերությունների ակտիվ միջամտությունը:

Տեղի ունեցան մտքերի փոխանակում և տաք վիճարանություններ, որոնց մասնակցեցին մի շարք երկրների պատգամավորներ: Ի վերջո կոնգրեսը միաձայն քվեարկեց «Հայաստան» վերտառությունը մի բանաձև, որով իր ձայնն էր միացնում այն բազմաթիվ բողոքներին, որոնք կազմում էին Հայկական դատի բարոյական ուժը¹: Բանաձևի մեջ կրկին հույս էր հայտնվում, որ Լաճեի միջպետական կոնգրեսը կանդրադառնա Հայկական Հարցին:

1906թ. հոկտեմբերին «Դրոշակի» խմբագրությունը Հ.Յ. դաշնակցության անունից կրկին Ֆրանսիայի, Անգլիայի, Իտալիայի և Միացյալ Նահանգների արտաքին գործերի մինիստրություններին դիմում հղեց՝ Հայկական խնդիրը Լաճեի կոնգրեսին ներկայացնելու համար: Այդ դիմումին կցված էր 14 մեծադիր երեսներից բաղկացած մի դոսիե, ուր ցուցակագրված էին Թուրքաց Հայաստանում կատարված բռնությունները և կտտանքները 1906թ. հունվարի 1-ից մինչև հուլիսի 1-ը:

Դիմումի մեջ շեշտվում էր, որ Թուրք կառավարությունն անկարող լինելով կրկնելու 1895-1896-ի կոտորածները՝ հարկադրված իր հակահայ քաղաքականությունը տվել է նոր ձև՝ այնտեղ, ուր Հայ բնակչությունն ուժեղ է, բազմաքանակ, այնտեղ նա ջանք է թափում նուսրացնել Հայությանը:

Այնուհետև, արդեն քանիցս նշվում էր, որ խոստացած բարենորոգումների գործադրությունը չի հետապնդում օսմանյան կայսրության անդամահատում, ոչ էլ Հայ ժողովուրդը իր համար պահանջում է հատուկ իրավունքներ: Նրա նպատակն է, որ Հայկական նահանգների ողջ ազգաբնակչությունն ունենա մարդավայել ապրելու հնարավորություններ:

Դիմումի առթիվ դաշնակցության «խարիսխ» թերթը գրում էր.

«Աղբրանք չէ այդ դիմումը և ոչ էլ Հարցում կամ սպասելիք Հասաթյուն գումարված խորհրդաժողովից, որովհետև մեզ լավ հայտնի է, թե որքան խոր է վիճը տաճկահայի դատի և ժամանակակից դիվանագիտության միտումների միջև, որոնք իրենց մեջ մի բովանդակություն են պարունակել՝ չահագործել թափվող արյունը քաղաքական զանազան կոմբինացիաների համար կամ վայրագ անտարբերությամբ նայել, թե ինչպես մի կառավարություն ձգտում է

վերջ դնել մի ժողովրդի կյանքին»¹:

Հայոց բարեկամներ Ֆր. դը Պրեսանսեն և Պիեռ Քիյառը Հանձն առան պաշտոնագիր-դիմումն անձամբ ներկայացնել Ֆրանսիայի արտաքին գործերի մինիստր Լեոն Բուրժուային:

Այսպիսով, ինչպես տեսնում ենք, Լաճեում 1907թ. կայանալիք միջպետական կոնգրեսի հետ Հ.Յ. դաշնակցությունը, և ոչ միայն նա, կապել էր մեծ հույսեր: Ուղղակի կարելի է ասել, որ Հայ ազգային քաղաքական ուժերի համար Լաճեն դարձել էր բացարձակ գաղափարի նման մի բան:

Լաճեի (Հասաթյաի) կոնգրեսի գումարման նախօրյակին Թուրքական իշխանությունները անհանգստություն էին ցույց տալիս և դիմում հակաբայելի:

1907թ. ապրիլի վերջերին Բիթլիսի վայրի Ֆերիդի հրամանով մզկիթների մեջ հավաքվեցին բոլոր Թուրք մուլաները, շեյխերն ու մեծամեծ աղաները: Նպատակն էր խորհրդակցել «վերահաս վտանգի» չուրջ, կազմակերպել Հայերից հանրագրերի հավաքումը և պալատ ուղարկելը՝ ապացուցելու համար, թե նրանք գոհ են տիրող ուժից, և թե Թուրքիան եվրոպական գյուղերների կողմից բարեկարգվելու կարիքը չունի:

Արդյունքը չուշացավ: Ետևով բռնության տակ «Հայ Հասարակության կողմից» շնորհակալության հանրագրություններ ուղարկվեցին Պոլիս, Ելզըզի պալատ: Ահա այդ հանրագրություններից մեկը, որ «գրված էր» Հայ մեծամեծների կողմից և խմբագրել էր Ֆերիդ փաշան.

«Բիթլիսի Հայ ժողովրդի հարստահարությանց և կեղեքումների մասին եվրոպական քանի մը թերթերու մեջ գրպարտություններ հրատարակված են: Օսմանեան արդարադատ Հովանիին ներքև ապրող Բիթլիսի Հայ ժողովուրդը երջանիկ և գոհ է: Ամեն երկրի մեջ ալ անհատական ոճիրներ և եղեռնագործություններ կը պատահին: Տիրող կառավարութեան պարտքն է պատժել ոճրադործները և արդարությունը ի գործ դնել: Հետևաբար եվրոպական թերթերու մեջ հրատարակված գրպարտությունները չարագործ անձանց գործ համարելով՝ պաշտոնապես կհերքենք այդ հրատարակությունները, հավաստելով, թե մենք՝ Հայերս, կապրինք երջանիկ և գոհ Ն. Վ. Սուլթանի Հայրախնամ կառավարութեան Հովանիի տակ:

Ստորագրություններ

Տեր Բարսեղ Սարգիսեան՝ առաջնորդական տեղապահ, Տեր Մեսրոպ քահանայ՝ կրոնական ժողովի կողմեն, Յակոբ Բենտերեան և ձերժիս Գրգորեան՝ քաղաքական ժողովի կողմեն»²:

Կոնգրեսը դեռ չսկսած՝ նրա նշանակության մասին տրամազոծորեն հակառակ կարծիքներ էին հայտնվում Հայ քաղաքական և Հասարակական շրջաններում: Գերակշռում էին հոռետեսական կարծիքները:

¹ «Մարխա» (Թիֆլիս), N 1, 1 հունվարի 1907թ.:

² «Դրոշակ», N 6-7(184), հունիս-հուլիս, 1907, էջ 91:

¹ «Դրոշակ», N 10(176), հոկտեմբեր, 1906, էջ 147-148:

Վերջապես, 1907թ. օգոստոսի սկզբներին բացվեց ԼաՏեի (Հաագայի) Խաղաղության միջպետական 2-րդ կոնգրեսը, որի նախագահ ընտրվեց Ռուսաստանի պատվիրակության ղեկավար, Հայտնի դիվանագետ, Պոլսի երբեմնի ռուսական դեսպան, ռուս բյուրոկրատիայի գոռոզ ու տմարդի ներկայացուցիչներից մեկը՝ Նելիդովը, որն իր մասին Հայերի մոտ տխուր հիշատակներ էր թողել դեռևս 19-րդ դարի 90-ական թվականների թուրքահայերի ջարդերի ժամանակներից:

Դեռ 1897թ., երբ գումարվել էր ԼաՏեի (Հաագայի) միջպետական առաջին կոնգրեսը, Հայոց Հարցի Հին գործիչներից մեկը՝ Մինաս Ջերազը, մեծ ջանքեր էր գործադրել, որպեսզի կոնգրեսը քննության առնի այդ Հարցը, բայց նրա ջանքերը ոչ մի արդյունք չէին տվել, քանի որ նախապես Հարցը չէր մտել կոնգրեսի օրակարգի մեջ:

Դրանից հետո զանազան կողմերից Հայ գործիչները բազմիցս փորձեր էին արել ԱՄՆ-ի նախագահ Ռուզվելտի միջոցով Հայոց Հարցը մտցնել ԼաՏեի միջպետական կոնգրեսի օրակարգ, բայց, ինչպես արդեն ասվեց, այդ փորձերը նույնպես ապարդյուն էին անցել:

ԼաՏեի խաղաղության 2-րդ կոնգրեսին Հայերի կողմից դիմումներ ներկայացնելու համար ստեղծվեց երկու պատգամավորություն, դրանցից մեկը նշանակված էր ամենայն Հայոց կաթողիկոսի կողմից, որի մեջ մտնում էին Արևմտյան Եվրոպայի Հայոց Հոգևոր պետ Գևորգ Եպիսկոպոս Ութուճյանը (ղեկավար), Թիֆլիսի Ներսիսյան դպրոցի վարչական խորհրդի անդամ Ավետիս Ահարոնյանը և «Հայրենիք» թերթի նախկին տնօրեն Հովհաննես Շահնազարը¹: Մյուս պատգամավորությունը նշանակված էր Ֆրանսիացի Հայասերների կողմից, որի անդամներն էին «Revue de Paris»-ի խմբագիր Վիկտոր Բերարը և «Pro Arménia»-ի խմբագիր Պիեռ Բիյաուը, որոնք լիազորված էին կոնգրեսում խոսելու նաև Անատոլ Ֆրանսի և Ֆրանսիս դը Պրեսանսեի անունից:

Հայկական դատի այս չորս ակնավոր ու եռանդուն պաշտպանները Ամբրիկայի, Եգիպտոսի, Բուլղարիայի և Պարսկաստանի Հայ գաղութների դիմումների վրա արտոնություն ունեին ԼաՏեի կոնգրեսում խոսել նրանց անունից և ներկայացնել թուրքահայ ժողովրդի ծանր կացությունը:

Ե՛վ էջմիածնի, և՛ Հայասերների պատգամավորությունները ԼաՏե հասան օգոստոսի 7-ին և առանձին-առանձին գանգատագիր ներկայացրին կոնգրեսին՝ խնդրելով քննության առնել Հայկական Հարցը, որպես միջպետական խնդիր, որը միաժամանակ արդարության և Հայ ժողովրդի իրավունքի խնդիր է:

Ամենայն Հայոց կաթողիկոսի պատգամավորության գանգատագիրը, որը ստորագրված էր Գ. Ութուճյանի, Ա. Ահարոնյանի և Հ. Շահնազարի կողմից,

պարունակում էր Հայկական Հարցի պատմության համառոտ ակնարկ, ուր նշվում էր, որ երեք տասնամյակ է անցել Բեռլինի կոնգրեսում մեծ տերությունների հանձնառությունից, բայց որևէ բարենորոգում չի կատարվել Հայաստանում: Ավելին, Հայերի դժբախտ կացությունը գնալով ավելի է վատթարացել, և Հայությունն իր Հայրենիքում կանգնած է անելանելի վիճակի դեմահանդիման:

«Նորին Սրբություն Ամենայն Հայոց Կաթողիկոսը, Մկրտիչ 1-ինը, երեսուն տարուց հետո գալիս է խնդրելու քաղաքակիրթ պետությունների արդարադատությունն ու գթությունը: Այսօր խոր ծերության մեջ նա չէ կամենում թողնել աշխարհն՝ առանց կատարելու այս գերագույն պարտքը դեպի յուր ժողովուրդը»², - ասված էր խնդրագրի վերջում:

Հայ պատգամավորությունն այդ գրավոր դիմումը հանձնեց Բեռլինի դաշնագրությունը ստորագրած եվրոպական պետությունների (Անգլիա, Ռուսաստան, Ֆրանսիա, Գերմանիա, Իտալիա, Ավստրո-Հունգարիա), Միացյալ Նահանգների և Պարսկաստանի պատվիրակներին՝ խնդրելով միջամտել, որպեսզի Հայության ներկայացուցիչները հնարավորություն ունենան հանդես գալու կոնգրեսում և բանավոր ներկայացնելու Հայ ժողովրդի անտանելի կացությունը: Միաժամանակ Հայ պատգամավորները կաթողիկոսի առանձին հրահանգով խնդրել էին Պարսկաստանի ներկայացուցչի բարոյական աջակցությունը՝ նկատի ունենալով պարսից շահնահների մշտական և անփոփոխ բարյացակամ վերաբերմունքը Հայ ժողովրդի նկատմամբ:

Իր հերթին Հայասերների պատգամավորության Ֆրանսիացի անդամները՝ Վիկտոր Բերարի, Անատոլ Ֆրանսի, Ֆրանսիս դը Պրեսանսեի և Պիեռ Բիյաուի ստորագրությամբ կոնգրեսին ներկայացրին գրություն, որին կցված էր նաև մի փաստաթուղթ՝ Հայաստանում տեղի ունեցող սարսափների մասին:

Հայասերների պատգամավորության գրության մեջ նշված էր, որ իրենք Հայաստանից դուրս քառասուն քաղաքների Հայ գաղութների կողմից լիազորված են կոնգրեսում ներկայացնելու Թուրքիայում Հայ ժողովրդի աննախանձելի վիճակի պատկերը: «Հայերի վիճակը երբեք ավելի ողբալի չի եղել, քան այսօր, - շեշտվում էր գրության մեջ: - Ե՛վ եթե նրանց շուտափույթ օգնություն չլինի, նրանք կջնջվեն այն երկրում, ուր ապրում են դարերից ի վեր և ուր ներկայացնում են եվրոպական քաղաքակրթությունն ու միտքը»²:

Կարծես կանխազգալով կոնգրեսում մեծ տերությունների ժխտական վերաբերմունքը Հայկական Հարցի քննության նկատմամբ՝ Հայասերները նշում էին. «Թող թույլ տրվի մեզ նկատել, որ Հայ վիլայիթներում թուրքական պետության հարատև բռնության վիճակը կազմում է իրական վտանգ աշխարհի խաղաղության համար, և այդ դրությունից կարող են ծագել այնպիսի միջ-

¹ Էջմիածնի պատգամավորության կազմման և նրա գործունեության մանրամասն նկարագրությունը տե՛ս Ավետիս Ահարոնյանի հոդվածաշարում «Արթը», NN 3,4,5,6,7,11, Բաքու, 1904-1907թթ.:

¹ «Իրոշակ», N 8 (185), օգոստոս, 1907, էջ 107:

² Նույն տեղում:

ազգային բարոյություններ, որոնք կարող են առաջ բերել եվրոպական ընդհանուր պատերազմ»¹:

Կոնգրեսին առաջարկելով Հանգամանորեն քննարկել Հայերի ներկա կացության Հարցը՝ Հայասեր պատգամավորության Ֆրանսիացի անդամներն իրենց գրուկթյան վերջում նշում էին. «Որպես եվրոպական վեց պետություններից մեկի քաղաքացիներ, խորունկ կսկիծով մեզ զգում ենք Հանցակից և պատասխանատու մի անիրավության, որն այսօր են երկարատև և այս աստիճան աղետաբեր եղավ եվրոպայի պատվի և խաղաղության Համար»²:

Սակայն ինչպես էջմիածնի, այնպես էլ Հայասերների պատգամավորություններին խաղաղության միջպետական 2-րդ կոնգրեսում սպասվում էր խոր Հիասթափություն: Հայկական Հարցը «լուծելու» այդ նոր փորձը վերջացավ նույնպիսի անհաջողությամբ, ինչպես մինչ այդ եղածները:

Ի պատասխան զույգ պատգամավորությունների գրուկթյունների՝ կոնգրեսում մեծ պետությունների ներկայացուցիչները նամակներով շտապեցին նրանց Հայտնել, որ Հաստատում են դիմումների ստացումը, բայց ի վիճակի չեն ունենալու շնորհել Հայ պատգամավորներին, քանզի իրենց իրավասություններից վեր է ոչ միայն Հայկական Հարցի լուծումը, այլև անգամ դրա քննությունը կոնգրեսում:

Միաժամանակ մեծ տերությունների ներկայացուցիչները խնդրել էին ուսական պատվիրակության ղեկավար, կոնգրեսի նախագահ Նեյիդովին՝ իրենց բոլորի անունից ընդունել Հայերին և վերջնական պատասխան տալ:

Օգոստոսի 10-ին Նեյիդովը պաշտոնապես ընդունում է Հայ պատգամավորներին և ունենալու նրանց: Հայերը Հակիրճ նրան պատմում են Հայաստանի սարսափների մասին և նրան Հանձնում գրավոր բողոքագիր, խնդրելով Բեռլինի դաշնագրի 61-րդ հոդվածի և 1895-ի մեմորանդումի՝ անհավաղ գործադրությունը, որպես մարտիրոսվող ժողովրդի փրկության միակ դարձան:

Ի պատասխան Հայերի դիմումի՝ Նեյիդովը, որպես կոնգրեսի նախագահ, նրանց ասում է, որ Հայկական Հարցը միանգամայն զուրս է կոնգրեսի ծրագրի սահմաններից, ուստի չի կարող քննության առնվել, ինչպես և չեն կարող քննվել նման կարգի ուրիշ Հարցեր նույնպես, որոնք ներկայացված են կոնգրեսին:

Ստանալով այդ պատասխանը՝ Հայ պատգամավորները վերջին փորձն են անում. նրանք նկատում են, որ Հայկական Հարցի քննությունը կոնգրեսում պատճառաբանված է ու արդարացված գոյություն ունեցող դաշնագրերով, որոնք միջազգային բնույթ ունեն, Հետևապես կարող են Լահեի կոնգրեսի քննության նյութ դառնալ:

¹ «Գրոշակ», N 8 (185), օգոստոս, 1907, էջ 108:

² Նույն տեղում:

³ Ընտրված մեծ տերությունների կողմից 1895թ. մայիսի 11-ին թուրքական կառավարությանը ներկայացված մեմորանդումի մասին է:

Նեյիդովն անդրդվելի էր. «Հայկական Հարցը զուրս է կոնգրեսի ծրագրից», - ասում է նա զայրացած և բարձրանում տեղից: Հայ պատգամավորները Հեռանում են ձեռնունայն:

Այդ վճռական մերժումից հետո պատգամավորության անդամները օգոստոսի 12-ին երկրորդ դիմումն են ուղղում մեծ տերությունների ներկայացուցիչներին և բողոքում կոնգրեսի բռնած ընթացքի դեմ: Նրանք գրում են, որ կոնգրեսում Հայկական Հարցի քննության մերժումը Հիմնավորված չէ, որ Հայերի խնդիրը միայն Թուրքիայի ներքին քաղաքականության խնդիրը չէ, և դա հուշակված է միջազգային վերոհիշյալ երկու կարևոր փաստաթղթերում: «Մյուս կողմից, ամեն ոք գիտե, - նշված էր այս երկրորդ դիմումի մեջ, - որ թուրք կառավարության կազմակերպած ջարդերը Հայկական գավառներին Հասցրել և Հասցնում են ամենավայրագ պատերազմների բռնկման, և որ նույնիսկ եվրոպայի խաղաղությունը չի կարող ապահով լինել, քանի դեռ Փոքր Ասիայի Հուզումները սպառնում են իրար դեմ Հանել պետությունների բանակները»¹:

Դրանից բացի, Հայ պատգամավորները մի բողոքով դիմեցին քաղաքակիրթ աշխարհի Հասարակական կարծիքին, որը լույս տեսավ միջազգային մասնակի մի շարք կարևոր օրգաններում: Դիմումի մեջ ասված էր.

«Ամենայն Հայոց Կաթողիկոսի պատվիրակներս՝ Գևորգ եպիսկոպոս Ութուճյան, Ա. ԱՀարոնյան, Հ. Շահնազար, Թուրքահայ ժողովրդի անունից դիմեցինք Լահեի երկրորդ կոնգրեսին՝ խնդրելով Հայկական Հարցի քննությունը:

Կոնգրեսն իր նախագահի բերանով Հրաժարվեց կատարել մեր խնդրանքը՝ առաջ բերելով իրավասության խնդիրներ, որ մենք չենք կարող Համարել Հիմնավոր՝ նկատի առնելով Բեռլինի կոնգրեսի 61-րդ հոդվածը և 1895թ. մեմորանդումը: Արդ՝ մենք բողոքում ենք այդ մերժման դեմ, որ գալիս է միանգամայն հակասելու նույնիսկ կոնգրեսի բուն նպատակին:

Մենք հիշեցնում ենք, որ մինչդեռ պետությունների՝ դեպի Հայերը Հանձն առած երաշխավորությունները մնում են մեռած տառ, թուրք կառավարությունը կազմակերպած ջարդերով, բռնի դավաճանափոխությամբ և գաղթով ավերում և ամայացնում է Հայաստանը:

Հանդեպ այս անիրավության դեպի մի ժողովուրդ, որ պահանջում է միայն իր տարրական իրավունքները՝ եվրոպայից ճանաչված, մենք կոչ ենք անում քաղաքակիրթ աշխարհի խղճին, և թող նա դատե, թե Հայկական Հարցի խաղաղ լուծման Համար արած ջանքերի այսպիսի անհաջողությունը, ավելացնելով մարտիրոս ժողովրդի Հուսախաբությունը, արդյո՞ք վերջիվերջո իսպառ չի խախտի այդ ժողովրդի Հավատը դեպի խաղաղ միջոցների արժեքը»²:

ԱՀա այսպիսի տխուր վախճան ունեցան այն Հույսերը, որ Հայկական

¹ «Գրոշակ», N 8 (185), օգոստոս, 1907, էջ 109:

² Նույն տեղում:

քաղաքական շրջանները բավական երկար ժամանակ տածում էին Լաճեի Խաղաղության միջպետական 2-րդ կոնգրեսի նկատմամբ: Իմպերիալիստական մեծ տերությունների ներկայացուցիչների համար ինչպես նախկինում, այս դեպքում նույնպես Հայկական հարցը անգամ մանրադրամ չէր:

Կոնգրեսն ամոթալի ճառերի և կեղծավոր ժամանցի թատր հանդիսացավ, ուր բոլորը խոսում էին խաղաղությունից, բայց բոլորի մտքում իրենց երկրների շահերն էին լուկ:

Մեծ պետությունների դիվանագիտությունը անսիրտ, քարացած անտարբերությամբ կրկին ծանակեց դժբախտ ժողովուրդների դատերը: Հայության ողբն ու ամենօրյա նահատակությունը կոնգրեսը գերադասեց Հայկական հարցի գեթ քննությունից:

«Եվ թող այսուհետև չը մեղադրեն, եթե խաղաղ միջոցներից, խնդիրներից, աղերսներից իսպառ յուսախաբ՝ տարաբախտ հայ ժողովուրդը այլև ավելի համոզիչ միջոցների դիմի իր փրկության համար»¹, - Հ.Յ. դաշնակցության անունից գրում էր «Դրոշակը»:

Լաճեի (Հաագայի) երկրորդ կոնգրեսը մի Հոյակապ կատակերգություն էր, որին մասնակից էին 200-ի չափ ամենահմուտ դիվանագետներ: Համաժողովը ոչ միայն անընդունակ եղավ անգամ լսելու փոքր, կոտորվող ազգերի ձայնը, որոնք խաղաղություն էին աղաղակում, այլև բացարձակապես անկարող եղավ գեթ մի քայլ առաջ տանելու իր ստանձնած առաքելությունը՝ վերջ տալու խելահեղ սպառազինությանը և արգելք դնելու պատերազմների առաջ:

Արևմտահայության նորանոր զանգվածներ գնալով կրկին ու կրկին համոզվում էին, որ Արևմուտքը բնավ փրկության խարխալ չէ: Լայպցիգի համալսարաններում ուսանող Հայ երիտասարդներին Բեռլինում ասել էր. «Հայերը թող Գերմանիայից ոչինչ չսպասեն»: Այդպես էր մտածում հայասերների մեծ մասը: Թեև եվրոպական շատ երկրների հասարակական կարծիքն ընդհանուր առմամբ հայերի օգտին էր, թեև Հայկական հարցը անկեղծ մտահոգության առարկա էր այդտեղի բարձր մտավորական շրջաններում, բայց խնդիրներ վճռողները մեծ տերությունների կառավարություններն էին, իշխող դասակարգերը, որոնք իրենց պետական շահերն ամեն ինչից վեր էին դասում բարոյականության ցանկացած սկզբունք ոտնատակ տալու գնով: Մարդասիրության, առաջադիմության, ազատության բարձր գաղափարները խամրում էին մեղկ շահերի գերակայության առջև:

«Հայորդիները» բանաստեղծական շարքի Հայ որբերի ճակատագրին նվիրված հատվածում (ԺԳ) Սիամանթոն Հայ որբ սերնդին պատմում էր Արևմուտքի խաբուսիկ հայասիրության մասին՝ շեշտելով, որ մինչ այժմ նա հայությունը միայն չարիք է բերել:

¹ «Դրոշակ», N 8 (185), օգոստոս, 1907, էջ 110:

Օրեր անցա՞ն ... մահը յոգնեցավ և արևմուտքէն կեղծուպատիր ձեռքեր, Ձեզի՜ իրենց անգութ որբութեան մատենը բերին, բաժին մը չոր հացի հետ:

Ու խելահորոյս՝ սկսան ձեր մատաղ հոգիներուն մեջ իրենց ստութեան սերմերը ցանել:
Աստուածներու խորհուրդէն և անունէն խոսեցան և փրկութեան դուռներ ցուցուցին...:

Իբր ողորմութիւն՝ ցնցոտի՜ մը նետեցին ձեր մերկ ու ազգուն մարմիններուն վրայ,
Ծանցեր հիւսուցեցին ձեր անբիժ կարապի անմեղութիւնը վանդակելու համար.

Եվ թշնամիին սուսերուն տեղ՝ իրենց շահախնդիր և մեղավոր խաչերը շարժեցին...

Իրենց պիղծ ծոցերը և իրենց արծաթը գոհերուն համար միայն բաց էր, իրենց բարի ժպիտը կեղծ էր, իրենց խոստումը մահաբոյր և նայուածքն ինձ Ժամկամիտ,

Իրենց բուրվառին մեջ մեր արիւնուն էր որ խունկի փոխան կը ծխար...
Իրենց սկիհը մեր արցունքովը լեցուած էր, և այն հացը զոր ձեր առջև նետեցին,

Մեր թշուառութեան և մեր տառապանքին վարձատրութեան արժեքն էր անգութ:

Քրիստոսին խոսքը ծամածոցին ստրկութեան օրհնքները օրհնաբանելով
Եվ ուզեցին ձեր դողող կեանքերուն վրայ արևմուտքի սակարաններուն հիմնաքարերը շարել...

Բանաստեղծը Հայ որբ սերնդին կոչ է անում այլևս չհավատալ տերությունների կեղծապատիր ձեռքմեկնման պատրանքին.

Ձեր ձեռքերը օտարին հպումեն յե՛տ քաշեցեք, մերինները պատրաստ են և զինաբաղձ.

Անոնք մեր փլատակներուն վրայ իրենց եսամոլի դաւաճան ու կեղծ քարոզը կուզեն ցանել:

Բայց խաբված են ոչ միայն որբերը, այլև խաբված է ողջ ժողովուրդը:
Արձագանքելով եվրոպային ուղղված իր գրչակից եղբոր ցասմանն ու կսկծին, արևմտահայ գրական վերածնության մյուս ուսուցիչը՝ Դանիել Վարուժանը (Չպուքքյարյան) ողբում էր Հայոց «մորթում արշալոյսները» և եղբան փողով հնչեցնում իր սիրասուն ազգի դժբախտ զավակների ունեւիժմը.

Լաց, Հայաստա՛ն, ո՛վ թշուառ կին ու փետե՛

Վարսերդ սև. այդ գլխուդ վրայ դրժուած

Ծանե տաք-տաք մոխիրներ ...

Վարուժանը նույնպես, Սիամանթոյի նման, Հայոց «տիեզերական ցավի»

հեղինակ էր համարում և՛ սուլթանական բռնապետությունը, և՛ «արդարադատ» Եվրոպային.

... Ալլահն ամպին մեջն, Սուլթանը ցեխին
Հոտոտելով փոխն ի փոխ՝
Կժպտին հաշտ իրարու,
Եվ Եվրոպան դեմքն իր ետև դարձուցած
Կոպերը թաց կը շփե -
Մեր ծուխեն աչքն իր բողի
Կսկծելուն համար լոկ:

Եթե Բեռնշտայնը համոզված էր, որ հայ ժողովուրդն իր ազատագրական պայքարի ճանապարհին Եվրոպայից որևէ աջակցություն չի ստանալու, ապա մյուս հայասեր ժան ժորեքեր կովկասահայ պատգամավորների հետ հանդիպման ժամանակ իր գերմանացի գաղափարակցի խոսքերը նույնքան համոզվածությամբ լրացրել էր՝ ասելով. «Օգնեցե՛ք ինքներդ ձեզ, ապա թե ոչ՝ կորած եք»¹:

Այդ ճշմարտությանն արդեն հասու էր հայ մտավորականության և քաղաքական գործիչների մեծ մասը: Ժողովրդական զանգվածների մեջ նույնպես գնալով խորանում էր այն համոզումը, որ հայոց ազատագրումը կարող է իրականություն դառնալ միայն իրենց իսկ ձեռքով:

Հավատով առեցուն էր Միամանթոն, երբ հույս ներշնչող այրող խոսքեր էր հղում հայ եղբայրներին ու քույրերին.

Մեր ճշմարիտ սուրը և մեր Դրոշը պիտի ապրին՝ որովհետև կամքերնիս
կարմիր է և վրեժնիս անպարտելի,

Մեր սուրը պիտի՝ ապրի, կեանքը ստեղծելու ու մահը անգամ մըն ալ
մեռցնելու համար...

Մեր սուրը պիտի՝ ապրի՝ փրկութեան և ազատութեան արեգակներուն ի
խնդիր՝

Կեանքին համար, յոյսին համար, արգասաբեր հողին և մայրական
Հայաստանին համար :

Հայոց դժխեմ ճակատագրի հետ անհաշտ էր նաև Վարուժանը:

Բա՛վ է սվինները պատուեն
Մեր արգանդին մեջ հավետ
Լուսաթաղանթն արշալոյսին սերմերուն...

Հայոց մայրերի արգանդից «պիտի ելլեն» «հսկա և հերոս» վահագնատիպ հայորդիներ՝ աչքերում Ազատության շանթեր.

¹ «Արշալոյս», N 44, 28 փետրվարի 1906թ.:

Օ՛ն լսեցե՛ք, լսեցե՛ք այս, ո՛վ Մայրեր,
Վաղն երբ անոնք թամբեն իրենց նժույզներն
Ու անոնցմով, զերդ պողպատի ջրդեղուն,
Վրեժի մե՛ջ մկրտվին.
Երբ թուրք արեան բարկ ծարավեն մոլեգնած՝
Լեռներուն վրա մռնչեն,
Ո՛հ, այն ատեն, այս օրուան
Մեք Մեռելները բոլոր
Միահամուռ ոստումով
Պիտի կանգնին գերեզմանին մեջ իրենց,
Ու անհամբեր հեռուն, հեռուն ակնապիշ
Պիտի սպասեն վարդահեղեղ գալուստին
Արշալոյսի մ՝ Արշալոյսի մը՝ որուն
(Հավատացեք ինձ, Մայրեր.)
Ես ոտնաձայնը կառնեմ ...

Օրակարգի գլխավոր հարցը պատասխան էր պահանջում. Թուրքիայի հայ ժողովուրդը դատապարտված է լիակատար կործանման, թե՞, այնուամենայնիվ, փրկություն որևէ ելք կա:

Դաշնակցության 15-ամյակի առթիվ «Դրոշակը» գրում էր. «Դառն, ցավազին հիասթափություններ ունեցել են բոլոր ազգերն իրենց ազատագրական ճիգերի մեջ, - մենք բացառություն չկազմեցինք օրենքից: Մեր հիասթափությունն ավելի խոր եղավ, ավելի հարատև. մեր թշնամին՝ ավելի վայրագ, մեր մարտիրոսությունն՝ ավելի ցնցող: Ո՛չ ամբավ արյունը, որով ներկվեցին Հայաստանի լեռներն ու ձորերը, ոչ հերոս-նահատակների փառահեղ բոյլքն ու կոփների անվերջանալի շարքը՝ չհասցրին մեզ բաղձալի վախճանին, - և տանհինգ տարվա անդուլ, փոթորկված գործունեությունից հետո, այսօր մենք տեսնում ենք, որ դեռ պետք է քայլել, թերևս շատ քայլել...»¹:

«ՄԻԱԾՆ ԶԵՆՔՈՎ ԿԱ ՀԱՅՈՑ ՓՐԿՈՒԹՅՈՒՆ»

Տվյալ պահին հայ հեղափոխականների առջև կանգնած խնդիրներից ամենահրատապը ժողովրդին զինելն էր, որն իր մեջ ներառում էր զենք ու զինամթերք հայթայթելը և Երկիր տեղափոխելը, դրանց հուսալի պահպանությունը կազմակերպելը, լայն մասշտաբով զինավարժություն կատարելը:

¹ «Դրոշակ», N 1 (154), հունվար, 1905, էջ 1:

ԺՈՂՈՎՐԴԻՆ ԶԻՆԵԼՈՒ ՄԱՐՏԱՎԱՐՈՒԹՅՈՒՆԸ

Դեռևս 1905թ. ապրիլին ժնևում գումարված Հ.Յ.դաշնակցության գերագույն մարմնի՝ խորհրդի նիստը քննության էր առել «տաճկահայկական գործելակերպի», այսինքն՝ երկրում կուսակցության պայքարի մարտավարության (տակտիկա) հարցը: Նիստի մասնակիցներից Մարտիրոս Մարգարյանը, Ավետիս Ահարոնյանը, Համո Օհանջանյանը, Միքայել Վարանդյանը, խիստ քննադատության ենթարկելով կուսակցության պայքարի 1904թ. մարտավարությունը, գտնում էին, որ այն սխալ է եղել: Կովկասից Թուրքիա գնացող արշավախմբերը չեն հասել իրենց նպատակին, տվել են մարդկային մեծ կորուստներ, մի բան, որ ճշիչ ազդեցություն է թողել ժողովրդի վրա:

Նիստի մասնակիցների մյուս մասը՝ Ռոստոմը, Անդրանիկը, Սարգիսը՝ հակառակ կարծիքի էին: Պաշտպանելով պայքարի հին մարտավարությունը՝ Ռոստոմը գտնում էր, որ առաջիկայում Վասպուրականը պետք է դարձնել ապստամբության գլխավոր կենտրոնավայր, ուժերի կենտրոնացման վայրեր պետք է լինեն Մոկսը, Շատախը, Կարկառը, նաև՝ Կիլիկիան: Անդրանիկը ճիշտ էր համարում Ռոստոմի մոտեցումները, համաձայն էր կենտրոնացումների և շարժումների մասին նրա տեսակետներին, պայմանով, որ յուրաքանչյուր կենտրոնացման վայրում լինի առնվազն 200 հրացան և 200 հազար փամփուշտ, այլպես ձեռնպահ կմնա այդ գործից:

Վերջապես, մի քանի օր տևած երկար վիճաբանություններից հետո պայքարի մարտավարության վերաբերյալ խորհուրդն ընդունում է հետևյալ բանաձևը.

«Ա. – Ի նկատի ունենալով, որ եվրոպական ազդու միջամտություններ առաջ բերելու և հայկական հարցը լուծելու համար անհրաժեշտ է երկարատև ուժեղ դիմադրություն, իսկ այդպիսի դիմադրություն հնարավոր է միայն լուրջ պատրաստությունից հետո, խորհուրդը որոշեց՝

Նույս տարվա ամեն տեսակ կանխաժամ և փտանգող որևէ ընդհարում, զգուշավոր, լիակատար և իրական պատրաստությամբ հայ կռուող ազգաբնակչության զգալի մասը զենքով դիմադրելու կարողութեան մեջ դնել յետոյ, ընդհանուր շարժում առաջ բերել Վասպուրականում և Լեռնավայրում (Կիլիկիա)»¹:

Հայ հեղափոխական կուսակցությունների հիմնական խնդիրներից մեկն էր՝ հասնել այն բանին, որ զենք կրելու ընդունակ ամեն կազմակերպված հայ տղամարդ զենք ունենա, նստի իր տանը, զբաղվի իր աշխատանքով, բայց պետք եղած ժամանակ, ընդհանուր ազդարարության դեպքում՝ անցնի գործի:

Ժողովրդին զինելու խնդիրը որքան հրատապ էր, նույնքան՝ դժվարին:

Հեղափոխական կազմակերպությունները որոշ քանակի զենք էին ձեռք բերում տեղում թուրք զինվորներից ու քրդերից: Սակայն բուն երկրում զենք ձեռք բերելը կապված էր հսկայական դժվարությունների հետ: Առիթ ենք ունեցել իր տեղում ասելու, որ ուսուսայր, որպես քրիստոնյա, ծառայում էր ուսական բանակում, գիտեր զենք գործածելու ձևը, բայց զենք կրելու իրավունք չուներ, երբ զինվոր չէր: Ինչ վերաբերում է թուրքահային, ապա նա, որպես «գյավուր», զրկված էր թուրքական բանակում ծառայելու իրավունքից, հետևապես չգիտեր զենք գործածելու արվեստը: Նրան խստիվ արգելված էր զենք կրելը: Չենք ունենալու համար հայը կարող էր տեղն ու տեղը գնդակահարվել կամ դատապարտվել ցմահ բանտարկության: Եվ դա այն դեպքում, երբ թուրքը և հարևան քուրդը զինված էին մինչև ատամները: Դրան ավելանում էր այն, որ տեղում զենք հայթայթելը կապված էր հսկայական ծախսերի հետ. Թուրքիայում զենքը թանկ «հաճույքներից» էր: Այդ էր պատճառը, որ հեղափոխական հնչակյան և դաշնակցական կազմակերպությունները այն հայթայթում էին դրսում՝ Պարսկաստանում, Միջագետքում և մասնավորապես Ռուսաստանում, ուր զենքի ձեռքբերումը համեմատաբար դյուրին էր և էժան: Օգտագործելով ուս գինագործների հետ հաստատված իրենց գաղտնի ու վաղձի կապերը՝ նշված կազմակերպությունների գործակալները, մեծ գումարներ վճարելով, Ռուսաստանի գինագործարաններից դուրս էին բերում զենք ու զինամթերք, դրանք հասցնում Կովկաս՝ այստեղից երկիր տեղափոխելու համար:

Զգալի քանակի զենք էր ձեռք բերվում նաև եվրոպայում: Կանոնավորվել էր երկրից դուրս զենքը պահեստավորելու գործը: Այդ տեսակետից մեծ պարտականություն էր ընկած Անդրանիկի վրա, որը, 1905թ. սկզբին անցնելով եվրոպա, կանգնել էր այնտեղից զենքի հայթայթման և երկիր առաքելու գործի գլուխ: Հ.Յ.Դ. Բալկանյան շրջանի մի տեղեկագրի մեջ կարդում ենք, որ 1906 թվականին «ընկեր Անդրանիկի ձեռքով գնուած է՝ 560կգ 60 000 հատ դատարկ փամփուշտ՝ 870 ֆրանկ արժողությամբ, 4 հատ փամփուշտի մեքենա իրենց ամբողջ կազմվածքով՝ 1000 -1200 ֆրանկ արժողությամբ»:

Սկզբներում հայ զանգվածները կարծում էին, թե գործող հեղափոխական կազմակերպությունները պետք է իրենց համար հոգ տանեն զենքի ու զինամթերքի մասին: Բայց հեղափոխականները, բախտորոշ կարևորություն ընծայելով ինքնապաշտպանության գործին, կարողացան զանգվածների մեջ առաջ բերել այն միտքն ու տրամադրությունը, որ ժողովուրդը ինքը պետք է հույսը դնի իր վրա: Իհարկե, եղան դիմադրության դեպքեր Թուրքահայաստանի շատ տեղերում, բայց գործն առաջ էր տարվում համառորեն՝ անգամ բնակչության կամքին հակառակ: Հեղափոխականները բացատրում էին զենքի կարևորությունը՝ բազմատեսակ օրինակներ բերելով հայության անցյալից և ներկայից,

¹ Հավանաբար Սարգիս Բարսեղյանը (Վանա Սարգիս): «Նյութեր...», հատ. Բ, էջ 228-229:

¹ «Նյութեր...», հատ. Դ, էջ 134:

Հորդորում էին գինված լինել: Կազմակերպությունները քաջատեղյակ էին, որ բնակչության լայն զանգվածներն ընչազուրկ են, Հետևապես ընդունակ չեն իրենց դրամով Հրացան ու փամփուշտ գնել, ուստի Հատուկ տուրք էին սահմանում գենքի գնման համար: Տուրքը դրվում էր ունևորների վրա, և նրանք պարտավորված էին լինում վճարելու՝ առձեռն դրամով, Հացահատիկով կամ այլ մթերքով: Հաճախ Հարկ էր լինում ճնշիչ միջոցների դիմել, երբ ունևորները զյանում էին իրենց բաժին գումարը վճարել: Հաստատվում էր գինական Հատուկ ֆոնդ, ուր հավաքվում էին վճարվող տուրքերը և այնտեղից էլ ծախսվում Հրագենների գնման համար, որոնցով պիտի օգտվեին այնուհետև բոլոր ազքատ ուղղակիները: Աստիճանաբար լայն զանգվածները նույնպես գնացին նյութական և այլ կարգի զոհողությունների՝ նախ հանձն առնելով գործիչների ու գինվորների ուսեստի ծախսերը, ապա նաև մասնակցելով գենք ձեռք բերելու համար կազմակերպված հանգանակություններին: «Ձեռքի դրամը նա (գյուղացին: - Հ.Ս.) տալիս է իր ընտանիքի բերանից կտրելով և յուր կանանց ու աղջիկների գարգերը կրճատելով»¹, - կարդում ենք Լեոնապարի կ.կոմիտեի մի փաստաթղթի մեջ:

Ամեն կողմից հարկեր էին, թալան ու կողոպուտ, բայց այդ պայմաններում նույնիսկ Հայ գյուղացին գումարներ էր տնտեսում և հատկացնում գենք ձեռք բերելու գործին²:

Դաշնակցությունը և Հնչակը գնալով ավելացնում էին գենք-գինամթերքի հայթայթման համար հատկացվող միջոցները: Օրինակ՝ Հ.Յ.Դ. արևմտյան բյուրոյի 1905թ. մի տեղեկագրի մեջ կարդում ենք. «Բյուրոն ներկայումս կատարում է, բավական խոշոր չափով, արտասահմանից գենք գնելու և առաքելու գործը: Մասնավորապես [Եվրոպայից] Վասպուրականի համար ձեռնարկված է գենքի գնում, որին հատկացված է 120 000 ֆրանկի չափ գումար: Դրա մի մասը՝ մոտ 25 000-ը, ընկնելու է Ամերիկայի կազմակերպության վրա»³:

Դրսում գենք ու գինամթերք գնելը գործի մի մասն էր միայն: Ոչ պակաս կարևոր էր հայթայթածը տեղ հասցնելը, մի բան, որ կապված էր անասելի դժվարությունների հաղթահարման ու մահացու վտանգների հետ:

Ձեռքի փոխադրության դժվարությունները տասնապատիկ մեծանում էին Հայկական ազատագրական շարժման նկատմամբ ռուսական կառավարության բռնած թշնամական դիրքի պատճառով, որը հատկապես անզիջում էր դաշնակցության նկատմամբ:

Ցարական իշխանությունները օգտագործում էին իրենց դիվանագիտական հնարավորությունները, որպեսզի Երկիր գենք տեղափոխելու գործում Հայ հեղափոխականների առջև անհաղթահարելի արգելքներ ստեղծվեն ոչ միայն

¹ «Նյութեր...», Հատ. Դ, էջ 80:

² Նույն տեղում, էջ 52:

³ Նույն տեղում, էջ 168:

Ռուսաստանում, այլև Եվրոպայում: Ռուսական և թուրքական կառավարությունները, փոխադարձ համաձայնության գալով, ամրացրել էին պետական սահմանները և աշալուրջ հսկում էին, որ Կովկասի կողմից գենք ու գինամթերք չմտնի Երկիր:

Սակայն Հսկայական դժվարությունները անկարող էին թևաթափ անել Հայ հեղափոխականներին: Ինչպես Հ.Յ.դաշնակցությունը, այնպես էլ Հնչակյան ս.դ. կուսակցությունը անաղմուկ շարունակում էին ժողովրդի գինումը:

Կովկասից Հայաստան տանող՝ Հայ հեղափոխականների կողմից բացված փոխադրական ճանապարհները չորսն էին.

Առաջինը Կարս-Դուբան գիծն էր՝ բացված դեռ 1901-ից: Այս գիծն իր հերթին բաժանված էր երկու հատվածների՝ Կարս - Բասեն - Խնուս և Խնուս - Վարդո - Սասուն:

Երկրորդ գիծն էր՝ Երևան - Միրզաջան (Տաք Աղբյուր) - Արճեշ (Մաղկուն): Միրզաջանից մի գիծ անցնում էր Ախլաթ, որտեղից դրա մի ճյուղը գնում էր Դուբան (Տարոն), իսկ մյուսը՝ Վասպուրական:

Երրորդ կարևոր գիծը Խոյի (Ավարայր) գիծն էր: Խոյ էին մտնում Ջուլֆայի կողմերից: Այնտեղ էր մտնում նաև մի ճանապարհ ուղիղ Երևանից (Երևան-Դավալու-Արաքս գետի ափ-Մակու-Մենավոր (Թաղեոս Առաքյալի վանք կամ Նախավկա վանք): Այս երկու կետերից գիծը շարունակվում էր Ապաղայի դաշտ՝ Նազարավա և Խաչան գյուղեր, որտեղից գենք-գինամթերքն ուղարկվում էր ավելի առաջ՝ Պտղիկ և Անձավ գյուղերը, իսկ այնտեղից՝ Արճախի կամ Թիմարի ճամփով՝ Վան:

Չորրորդը Նախիջևան - Սալմաստ (Մինարեթ) - Բաշկալա - Հայոց ձոր - Վան գիծն էր, որը գլխավորապես ծառայում էր սուրհանդակային հարաբերության և քիչ թվով գենքի փոխադրության համար:

Այս բոլոր փոխադրական գծերը սկիզբ էին առնում Երևանից, Ալեքսանդրապոլից և Կարսից: Երևանը (Մրգաստանը) իր Հ.Յ.Դ. կ.կոմիտեով ամբողջապես նվիրված էր թուրքահայաստանում հեղափոխության նախապատրաստման գործին և ղեկավարում էր շարժումը փոխադրական գծերի վրա: Երկրի գենքի ու գինամթերքի պահանջները բավարարելու համար այստեղ մեծ աշխատանք էր տանում կ.կոմիտեի անդամ Գալուստ Ալոյանը իր օգնականների՝ Սկրտիչ Աղամայանի (Սարհատ) և Հայկ Խոջամիրյանի հետ¹:

Սկզբնական շրջանում Կովկասից դեպի Հայաստան երկարող այս չորս գծերով գենքը և գինամթերքը փոխադրվում էր գինված գինատար խմբերի միջոցով: Դրանք անխուսափելիորեն անցնում էին քուրդ, մանավանդ Հայդարանցի, մեծ ու բազմաճյուղ աշիրեթների սահմաններով:

1903-1904թթ. գինակիր խմբերից միայն մեկն էր կարողացել անվտանգ տեղ հասնել. դա Թորգոմի ձիավոր խումբն էր՝ կազմված մոտ 25 ամենաըն-

¹ Տե՛ս Վահան Փափազեան, Իմ յուշերը, Հատ. առաջին, էջ 404:

տիր մարտիկներից՝ Քեռի (Արշակ Գաֆայան), Սեբաստացի Մուրադ, Սեպուհ (Բաբերդցի Արշակ), Որսորդ, Գևորգ, Ավո, Կայծակ Առաքել, Տուրբախ և ուրիշներ: Խմբին Հաջողվեց բավական ռազմամթերք ապահով Հասցնել Սասուն՝ այնտեղ ստեղծելով մեծ խանդավառություն:

Սա մի երջանիկ բացառություն էր: Ձենք ու զինամթերք տեղափոխող մնացած բոլոր խմբերը սահմանի վրա կամ սահմանից ներս ենթարկվում էին Հարձակումների և, կռվի բռնվելով թուրք զորքի ու քրդերի Հետ, ամբողջովին ջարդվում էին, կամ, անձերի ու զենքի մեծ կորուստներ տալով, վերադառնում էին սահմանից այս կողմ: Այդ տխուր ճակատագրին արժանացան Թորգոմի (երկրորդ անգամ), Խանի, Նևրուզի, Դուժանի, Երկաթի, Թոխմախի, Միհրանի, Փոխիկի, Շաշոյի, Ջուլումաթի և այլ խմբեր¹:

Բացի այն բանից, որ ջարդվում էին ընտիր երիտասարդներ, զինատար խմբերի անհաջողությունները ծանր անդրադարձ էին ունենում շրջակա Հայ գյուղերի բնակիչների վրա, որոնք վրեժխնդիր թուրքերի ու քրդերի կողմից ենթարկվում էին սպանությունների ու բռնությունների և այդ իսկ պատճառով խուսափում էին այլևս որևէ աշակցություն ցույց տալ Հերթական զինատար խմբին:

Ավելին, Կովկաս բողոքներ էին հասնում թուրքահայաստանի Հեղափոխական կազմակերպություններից ու կոմիտեներից:

Այսպես, 1906թ. նոյեմբերին Հ.Յ.Դ. Դուրան-Բարձրավանդակի կ.կոմիտեն Թուրքեն Տեր-Մինասյանի և Գեղամ Տեր-Վարապետյանի ստորագրությամբ դաշնակցության արևելյան բյուրոյի ուղարկած տեղեկագրում գրել էր.

«... Ամենագլխավոր հույսը կ.կ.-ի համար արտասահմանյան զենքի փոխադրությունն է: Այդ Հարցը շատ կարևոր է Երկրի ընդհանուր գործի, տակտիկայի վերաբերմամբ: Փորձերը ցույց են տալիս, որ Հին ձևի խմբական փոխադրությունները մեծ մասամբ անհաջող են եղել, և հաջող եղածներն էլ պատճառ են եղել գործի վիժման արագացման»²: Ելնելով դրանից՝ կ.կոմիտեն առաջարկում էր փոխել զենքի փոխադրության մարտավարությունը և գործն այնպես կազմակերպել, որ Հնարավոր լիներ խուսափել մեծ կորուստներից:

Նույն թվականի դեկտեմբերին կայացած Հ.Յ.Դ. Բալիկանյան արտակարգ շրջանային ժողովը, քննարկելով Երկիր զենք մտցնելու հարցը, նշել էր.

«1894-1904 տարիներու ընթացքին զինակիր խմբերու անցնելը մասնակի կոտորածներու պատճառ ըլլալիս զատ, դժբախտաբար, Սասունի վերջին ապրտամբռութեան ժամանակ տեսնուեցավ, որ այդքան զոհողություններով հանդերձ Սասուն մեջ քանի մը Հարյուր զենքեն ավելի չէր ներմուծուած, որով յուրաքանչյուր զենք գրեթե տասը քաջի արյունով գնուած կըլլայ: Փոխադրութեան այդ ձևն զատ հարկ է նաև ուրիշ Հարմարագույն միջոցներ խորհել և

¹ Տե՛ս Վահան Փափազեան, Իմ յուշերը, Հատ. առաջին, էջ 206:

² «Նյութեր...», Հատ. Դ, էջ 61:

գործադրութեան պարագային կանխավ Երկրի ընկերներուն Հետ խորհրդակցիլ»¹:

Ինչպես տեսնում ենք, զինատար խմբերի միջոցով զենքի փոխադրության այդ ձևից զատ, պատասխանատուները սկսում էին խորհել ավելի Հարմար միջոցների մասին, քանի որ Հին պրակտիկան իրեն չէր արդարացնում:

Ավելի ընդունելի միջոց դարձավ զենքի և զինամթերքի փոխադրությունը շալակով:

Դեռ Խանասորի արշավանքի օրերից հայերը ուսուսական ափից գիշերը շալակով Արաքսի վրայով զինամթերք էին անցկացնում պարսկական ափ, իսկ այնտեղից փոխադրում Սալմաստ կամ Խոյ: Եվ ահա այժմ, 1905-1907թթ., շալակավորների համար փոխադրության նոր ճանապարհներ բացվեցին Կովկասից Երկիր:

Շալակով զենքի փոխադրումը անհամեմատ թանկ էր նստում, բայց այդ միջոցն ավելի հուսալի էր և համեմատաբար քիչ զոհեր էր պահանջում: Փոխադրումը կատարվում էր ինչպես հայերի, այնպես էլ քրդերի միջոցով: Ըստ որում, վերջիններս մեծամասնություն էին կազմում, և նրանց թիվը անընդհատ աճում էր: Գնալով մեծանում էր նաև քուրդ շալակավորների պահանջները, և Հայ Հեղափոխական կազմակերպությունները ստիպված էին օր-օրի բարձրացնել նրանց վարձատրությունը:

Քուրդ շալակավորների թվում կային այնպիսիք, որոնք, նախապես վարձատրություն ստանալով, այնուհետև դրժում էին եղած պայմանավորվածությունը և զենքերն առած դիմում էին իրենց աշիրեթները կամ մտնում էին ոստիկանատուն և մատնում պատվիրատու Հայ գործիչներին: Բայց ոչ քիչ թվով քրդերի համար ձեռնտու էր բարեկամ մնալ Հայերի Հետ՝ մասամբ համոզված, թե նրանց պայքարը իրենց դեմ չէ, այլ թուրք կառավարության:

Այդպիսի քուրդ շալակավորներից մեկին Վ. Փափազյանն այսպես է ներկայացրել.

«Գյուլու մըն էր մեզի համար Սալմաստեն Սամսոնի գտած Մուստաֆա (Մստո) անուն քյուրտ մը, որ սկիզբեն սուրհանդակ, ապա զինակիր խմբերուն իբր առաջնորդ՝ հավատարմորեն ու Ֆետայինիի նուիրուածութեամբ կատարեց իր պաշտոնը և Փոխիկի խումբին Հետ նահատակուեցավ: Նամակները մեզ կը բերեր նոյնպես քյուրտ մը, որ էջի փալանի մեջ կը տեղափոխեր նամակներն ու թերթերը: Հետագային փորձուեցավ նոյն քյուրտին Հետ դրկել նոյնպես 1-2 հազար փամփուշտ, որ ապահով տեղ հասավ»²:

Հ.Յ.Դ. Դուրան-Բարձրավանդակի կ.կոմիտեի Հիշատակած տեղեկագրի մեջ նշվում էր. «Մեզ վերջերս Հաջողվել է [շալակավորների միջոցով] պարբերական փոխադրություն անել Զրաբերդ (Կարա)-Բյուրակնի գծով: Բայց այդ

¹ «Նյութեր...», Հատ. Դ, էջ 171:

² Վահան Փափազեան, Իմ յուշերը, Հատ. առաջին, էջ 208:

դեռ իր կատարելագործման չի հասել: Որպեսզի այդպիսի ուժ ներս քաշելու ձևի օգուտները շղափելի լինեն, անհրաժեշտ է Ջրաբերդում կենտրոնացնել մեզ հատկացված ուժերը, նշանակել մի ընկեր հատկապես այդ գործով զբաղվող, որը բաց անի Բասենի գիծը և լեռնային գծեր՝ երկու կամ երեք տեղով պետք է նշանակել մի ընկեր Բասեն - Խնուս՝ և՛ որպես ապրանք ընդունող, և՛ գծերին հակող. պետք է ունենալ այժմյան եղածի պես 4-5 հոգուց բաղկացած չորս-հինգ խումբ, որոնցից մեկը լինի Ջրաբերդում, մյուսը՝ Բյուրակնում, իսկ Բյուրակնից այստեղ մենք կփոխադրենք նույն ձևով: Այդ փոխադրական գործի արագացման համար պետք է մի ընկեր էլ Ապահունիքում այնտեղի գծերը Ալաշկերտով բաց անելու համար: Ցանկալի է, որ այդ ընկերները չտարվեն ուրիշ գործերով: Փոխադրության արագությունը նպաստում է սուրհանդակների առատ վարձատրությունը, թեև դա վաճառականություն է և անպատվաբեր՝ հեղափոխությունը: Բայց վարձատրելուց չպետք է խուսափել»¹:

1905թ. փետրվար-մարտից սկսած՝ Կովկասից Երկիր գնեքի մատակարարումը մի պահ դադարեց: Դրա պատճառը թուրք-հայկական ընդհարումների սկսվելն էր Անդրկովկասում: Հ.Յ.Դ. արևմտյան բյուրոյի փաստաթղթերից մեկում կարդում ենք.

«Վասպուրականում գործի կաղալու գլխավոր պատճառներից մինն է՝ Անդրկովկասի վիճակը, որ անդրադառնում է այսօր մեր գործունեությունը բոլոր ճյուղավորությունների վրա, զբաղեցնում է նաև Պարսկաստանի ուժերը՝ միշտ ավելի ու ավելի տարածելով հայ-մահմեդական ընդհարումների համաճարակ - սոսկումը»²:

Տարվա առանձին եղանակներին՝ հատկապես վաղ գարնանը, աշնանը և ձմռանը, առաջնությունը տրվում էր Պարսկաստանով անցնող գծերին, որոնք միշտ չէ, որ հուսալի էին: Ուստի Երկրի մարմինները մշտապես դժգոհում էին, որ Ատրպատականի կազմակերպությունները թերանում են իրենց պարտականությունների մեջ, և այդ դժգոհություններն արտահայտում էին կուսակցության վերադաս մարմիններին ուղարկված դիմումների մեջ:

Հ.Յ.Դ. արևելյան բյուրոյի հարցումին ի պատասխան՝ Վրեժի (Թավրիզի) կ.կոմիտեն 1906թ. մայիսի 8-ին Շամի ներկայացրած պահանջների առթիվ գրում էր.

«Երկրի պահանջները մեզ վրա են թափվում ամեն անգամ, երբ սուրհանդակ է գալիս Շամից: Մեզ են մեղադրում, մեզ են անտարբեր անվանում: Մինչդեռ մենք ամեն հնարավորը արել ենք, ամեն տրամադրելի միջոցները գործ ենք դրել նրանց գոհացնելու համար: Եվ այժմ, երբ Երկրի վիճակը ուղ-

¹ «Նյութեր...», հատ. Դ, էջ 61:

² Նկատի ունի Պարսկաստանի՝ Թուրքիային սահմանակից արևելյան մասերում (Մակուի խանություն, Ուրմիայի և Սալմաստի գավառներ) գտնվող դաշնակցական կազմակերպությունների ուժերը, որոնք ենթակա էին Հ.Յ.Դ. Վրեժի (Թավրիզի) կ. կոմիտեին:

³ «Նյութեր...», հատ. Դ, էջ 80:

ղակի կրիտիկական է, ինչպես աղաղակում են Երկրի վերջին նամակները, երբ նոքա միջոցներ են ուզում պատրոն, վառող, պիստոն, մի քանի հատ երկարներ - նոցա ծով կարիքների մինիմումը միայն - որոնք միայն մի քանի հարուստ են նայում մենք մնում ենք կանգնած, անմիջապես բավարարություն տալ չենք կարող, ձեռքի տակ միջոցներ չունենք»¹:

Հսկայական ջանքերը չէին փոխհատուցվում, ինչպես սպասվում էր: Այսպես, Պարսկաստանի ճանապարհներով Կովկասից Թուրքահայաստան էր փոխադրվել 1904թ. Մենավորի վրայով՝ 21 մոսին, 3 բերդան, 5 ատրճանակ, մոսինի 26 134 ծայր, բերդանի 10 464 ծայր, իսկ Ավարայրի վրայով, Ղոթուրի գծով՝ երկու տասնհարյալից՝ 120 փամփուշտով: 1905թ. նույն Մենավորի վրայով՝ 11 մոսին, 9 բերդան, 14 խնձոր, 17 ատրճանակ, մոսինի 24 763 ծայր, բերդանի 15 220 ծայր, Ավարայրից Ղոթուրի վրայով՝ բերդանի 7 000 ծայր: 1906թ. Պարսկաստանի վրայով մոտավորապես նույնքան գնեք ու զինամթերք է Երկիր մտցվել, որքան 1905-ն²:

Սակայն Պարսկաստանի ճանապարհը միակը չէր: Կովկասից գնեք էր տեղափոխվում նաև Երկիր տանող մյուս գծերի վրայով, հատկապես Կարս - Բասենի վրայով: Հնչակյանները գերազանցապես Սեբաստիայի և Տրապիզոնի վրային գնեք էին մտցնում սևեռյան նավահանգիստների վրայով:

Այդ ամենը, սակայն, ծայրահեղորեն անբավարար էր, և հիմնական պատճառը սահմանային անցումների հսկայական դժվարություններն էին: Ահա թե ինչու նախկինի պես օգտագործվում էր մի ուրիշ միջոց ևս. գնեքերից բացի Երկիր էին մտցվում դրանց՝ ծավալով փոքր զանազան մասեր և ապա հատուկ զինագործների միջոցով հավաքվում³:

Ավելին, կանքը թելադրում էր գնեքի առանձին մասերը պատրաստել հենց տեղում:

Այդ նպատակով Թավրիզում և Սալմաստում (Ղալասար գյուղ) ստեղծվել էին արհեստանոցներ՝ գնեքերի փայտյա մասերը պատրաստելու, ինչպես նաև երկաթային այն մասերը, որ հնարավոր էր: Դրանով խնայվում էր գնեքերի գնի և փոխադրական ծախսերի մոտ կեսը, չխոսելով այն մասին, որ փոքրանում էր Ռուսաստանից գնեքի տեղափոխման ժամանակ առաջացող վտանգների հավանականությունը: Ձենքի այն մասերը (խողովակ, փակաղակ), որ անհնար էր արհեստանոցներում պատրաստել կամ դրամով գնել տեղում, ձեռք էին բերվում Օրլոյի և Տուլայի զինագործարաններից՝ կաշառքով կամ գողությունով՝ փոխադրման նվազ ծախքով⁴:

Թավրիզի և Սալմաստի արհեստանոցները ստեղծվել էին համարյա միաժամանակ: Հատկապես նշանակալի դեր է կատարել Հ.Յ.Դ. Վրեժի (Թավրիզի)

¹ «Նյութեր...», հատ. Դ, էջ 314:

² նույն տեղում, էջ 231:

³ նույն տեղում:

⁴ «Հայրենիք», N 10(294), հոկտեմբեր, 1950, էջ 54:

չըջանի «Խնարխս» արհեստանոցը¹, որը հաստատվել էր 1891թ. Կոստանտինոպոլսյանի ծրագրով և Քաթանյանցի միջոցներով:

Քանի որ Պարսկաստանի հայերի մեջ չկային հրաձգային զենքերը նորոգելու և դրանց մասերը պատրաստելու ունակ անձինք, ուստի տեղի դաշնակցական գործիչները մշտապես Կովկասից խնդրում էին վարպետներ ուղարկել:

1892-ին Ռուսաստանից Թավրիզի զինագործարանում աշխատելու է գալիս Կարոն (Արիստակես Զորյան)² իր հետ բերելով գործիքներ և նորոգման կարոտ զենքեր: Նույն թվականին գալիս են Միհրանը, Երվանդը, Միքայելը: 1893թ. վերջերին սրանք հեռանում են, Կարոն մնում է միայնակ: 1895-ի սկզբին աշխատելու է գալիս Լևոնը՝ երկու աշակերտներով, և արհեստանոցի աշխատողների թիվը հասնում է չորսի: Շատ չանցած, նույն թվականի վերջերին, Կովկասից գալիս են Թորոսը (Գալուստ Ալոյան), Երեանցի Պետրոսը (Քաղարտ Տեր-Հովհաննիսյան), Մարգարը (Երեանցի Թադեոս): Վերջապես 1896թ. գալիս է Սամսոնը (Ստեփան Թադևոսյան), և նրա ջանքերով արհեստանոցի աշխատողների թիվը հասնում է 13-ի: 1897-1898թթ. արհեստանոցը փակված էր, որովհետև ձեռքակալվել էր նշված վարպետների մեծ մասը: Սամսոնի և Թորոսի ջանքերով 1898-ի վերջերին կրկին այն գործի է գցվում: Մինչև 1901թ. արհեստանոցում աշխատում էին Պետրոսը և Սմբատը, ապա կարճ ժամանակով՝ Ծառազը: Քանի որ գնալով աճում էր զենքի պահանջը, Պետրոսը Կովկաս է մեկնում և, վերադառնալով, իր հետ բերում է մի քանի արհեստավոր: 1902թ. արհեստանոցում աշխատում էին Սարգիսը, Ախայցիացի Հաջի Լևոնը, Համբիրը, Երվանդը: Նշված բոլոր վարպետները հիմնականում կովկասցիներ էին, որոնց մեծ մասն անցել էր Երկիր, մասնակցել կռիվներին. հինգը նահատակվել էր:

Դա էր հիմնական պատճառը, որ 1904-1905թթ. արհեստանոցում աշխատում էր ընդամենը երկու վարպետ. 1905-ին՝ Եփրեմը և Պողոսը, 1906-ին՝ Եփրեմը և Ղուկասը³:

1891-1895թթ. Թավրիզի արհեստանոցում պատրաստվել է մոտ 340, իսկ 1896-1906թթ.⁴ 600 կտոր զենք: Միայն 1903-ին պատրաստվել է 110 հրացան⁵:

1906 թվականից Թավրիզում աշխատանքներ էին սկսվել նաև փամփուշտ պատրաստելու արհեստանոց ստեղծելու համար⁶:

Տեղում պատրաստված մասերը տեղադրվում էին նաև հին հրացանների և ստրճանակների վրա: Այդպիսի զենքերից էին իմանսորի արչավանքի ժամանակ գործածած մի քանի հարյուր զենքեր, որոնք մաշված էին, շուրջ 80%-ն ուներ թերիներ՝ կարգին չէին հրացանի փողերը, ժանգոտված ու փափած էին ներքին մասերը: Դրանք հիմնականում հավաքվել և կենտրոնացվել էին

¹ Տե՛ս «Նյութեր...», հատ. Դ, էջ 284-287:

² Նույն տեղում, էջ 82:

³ Նույն տեղում, էջ 247:

⁴ Նույն տեղում, էջ 247-248:

Ղալասար գյուղի թաքստոցներում, ապա նորոգվել տեղի գաղտնի արհեստանոցում, ուր տարբեր ժամանակ աշխատել էին Բալասան Եգանյանը, Հովհաննես Համփոյանը, վաղարչապատցի Գևորգը և ուրիշներ:

Թավրիզի և Ղալասարի զենքի արհեստանոցների աշխատանքները զբտնրվում էին Ատրպատականում Հ.Յ.Դ. արևելյան բյուրոյի ներկայացուցիչ Ստեփան Թադևոսյանի (Սամսոն) մշտական ուշադրության կենտրոնում: Ինքը՝ Սամսոնը, որ զինագործություն էր սովորել Թիֆլիսի պետական արհեստագործական վարժարանում, Ատրպատական գալով առաջին տարիներին (90-ական թվականներ) զենքի հայտնի վարպետ Պետրոսի հետ աշխատել էր Թավրիզի գաղտնի արհեստանոցում, իսկ հիմա Ղալասարի զենքի գաղտնի արհեստանոցում աշակցում էր վարպետներ Հաջի Լևոնին, Զուլուղին, Սարգսին⁷:

Վերանորոգված զենքերը նույնպես մտցվում էին Երկիր և հիմնականում բաժանվում ֆիդայական խմբերին:

Զենքերը վերանորոգելու համար գաղտնի արհեստանոցներ էին ստեղծվել նաև բուն Երկրում: Օրինակ՝ Վան քաղաքում գործում էր այդպիսի մի քանի արհեստանոց: Դրանցից մեկը գտնվում էր «Կոմիտա Մարեի» տան նկուղում, որը վերածվել էր իսկական զինագործարան-զինապահեստի: Ընտանիքի համարյա բոլոր տղամարդիկ հմուտ երկաթագործ-փականագործներ էին, որոնք և վերանորոգում էին մի քանի հարյուր հրացան: Ընդարձակ նկուղի մի գաղտնարանում պահվում էին զենքի մասերը, մյուսում՝ նորոգման ենթակա զենքերը, մի այլ գաղտնարանում՝ վերանորոգվածները⁸: Արհեստանոցներից երկրորդը հիմնվել էր «Դրախտի մայրիկի» տան նկուղում, ուր կար 250 - 300 հրացան և ռազմամթերք պարունակող գետնափոր մեծ պահեստ: Մյուսը ստեղծվել էր Աղվեսաձոր թաղի Ջոջ աղայի տանը, որը մասնագիտացել էր ռումբեր պատրաստելու գործում: Մի արհեստանոց մասնավոր էր, պատկանում էր Այեքսան, Վահան և Հմայակ զինագործ եղբայրներին: Քաղաքում զենքի նորոգման հետ կապված բոլոր դժվար աշխատանքները կատարվում էին այստեղ⁹:

Հակառակ բոլոր դժվարություններին, 1905-1907թթ. դաշնակցությունը և հնչակը դրսից ավելի շատ զենք ու զինամթերք հասցրին Երկիր, քան նախընթաց 20-25 տարիներին: Դրա շնորհիվ հայությունը իր սպառազինումով սկսել էր գերազանցել քրդերին¹⁰:

Երկիր զենք մտցնելը, տեղում զենք պատրաստելը կամ նորոգելը կազմակերպություններին դեռ չէր ազատում հոգսերից: Ոչ պակաս կարևոր էր զենքի ու զինամթերքի պահպանության հարցը: Դրանք պահվում, պահեստավորվում էին ինչպես բնակավայրերում, այնպես էլ անմատչելի վայրերում, հողի տակ, քարանձափներում, անտառներում ու կիրճերում: Թաքստոցների տեղերն

⁷ Տե՛ս Մալխաս, Ապրումներ, հատ. Ա, էջ 330-332:

⁸ Վահան Փափազեան, Իմ յուշերը, հատ. առաջին, էջ 216:

⁹ Նույն տեղում, էջ 217:

¹⁰ Տե՛ս Ռուբեն, Հայ յեղափոխականի մը յուշերը, հատ. Բ, էջ 160:

իմանում էին միայն խիստ սահմանափակ թվով հուսալի ընկերներ:

1907թ. միայն Վասպուրականում կար գեների ու գինամթերքի շուրջ 50 պահեստ¹:

Կարևորագույն խնդիրներից և հոգսերից մեկը պահեստավորված գեների ճիշտ պահպանումն էր: Երբ խոնավ նկուղներում, անտառներում, հողի տակ պահպանվող գեների գործածությունը ուշանում էր, ապա առաջանում էր դրանց ավերվելու վտանգ: Այդ էր պատճառը, որ հարկ էր լինում հաճախ ստուգել պահեստները: Ստուգումներից մեկը, օրինակ, կատարել էին փտահեղի գինավորներ Մատթեոսը, Բուլղարացի Գրիգորը, Նիկոլը, Հայրիկը, Զոհրապը, Փոքր Սարգիսը: Ստուգումների արդյունքում ձեռնարկվում էին միջոցներ գեների պահպանումը կարգավորելու համար²:

Ձևերի Հայթայթում - փոխադրում - նորոգում - պահեստավորում - պահպանում շղթայի ամեն մի օղակի ձախողումը ի չիք էր դարձնում թափած ահռելի շանքերը:

Ձևերի անվտանգ պահպանության հարցը մշտապես գտնվում էր ղեկավար գործիչների ուշադրության կենտրոնում: Այդ հարցը շատ է մտահոգել հատկապես Անդրանիկին: Դեռ Սասունի երկրորդ ապստամբության օրերին նա նկատել էր, որ Տարոն-Վասպուրականի ոչ բոլոր գինապահեստներն են, որ անվտանգ վայրում են: Այդ համոզումը նրա մեջ էլ ավելի խորացավ, երբ Աղթամարի կուփից հետո անցավ Վան և որոշ ժամանակ ականատես եղավ, որ դաշնակցության տեղի կոմիտեն գինապահեստների զգալի մասը կենտրոնացնում էր Վան քաղաքում: Այդ բանը նա սխալ էր համարում և նախազգուշացնում փտանգավոր հետևանքների մասին: Անդրանիկը համոզվել էր, որ շրջակա վայրերի գինապահեստների պահպանությունը անփույթ է կազմակերպված: Երկրում գեների պահպանության խնդրով Հ.Յ.Դ. բարձրագույն մարմիններ կայացրած իր գրավոր առաջարկում նա նշում էր, որ թուրք իշխանություններն ամեն ինչ անելու են խուզարկությունների միջոցով իմանալու գեների պահեստների տեղերը: Ուստի, ելնելով այդ ենթադրությունից, առաջարկում էր Երկրի մեջ ստեղծել մի մարմին, որի վրա դրվեր գեների պահպանության ողջ պատասխանատվությունը: Նման մի պատասխանատու մարմին էլ առաջարկում էր ստեղծել Երկրից դուրս՝ գեների և ուղղամթերքի ձեռքբերման ու դրանք Երկիր մտցնելու համար³:

Երկրում գեների պահպանության վիճակի մասին խիստ անբարենպաստ տպավորություններով էր Անդրանիկը անցել Եվրոպա: Ժնևում, մասնավորապես, «Իրոչակ» թերթի խմբագրությունում ունեցած զրույցների ժամանակ, համարյա մշտապես շոշափում էր այդ թեման, նշում, որ փստ պահպան-

նություն հետևանքով թուրքական իշխանությունները կարող են հեշտությամբ հայտնաբերել գինապահեստները և բռնագրավել այնքան մեծ գոհողությունների գնով ձեռք բերած գեներն ու գինամթերքը, հետևապես ճակատագրական սխալ է խիստ բնակեցված քաղաքներում և գյուղերում մեծ քանակությամբ գեներ կուտակելը:

Բայց ամեն անգամ Անդրանիկն ընդդիմախոսներից լսում էր հակառակ կարծիքներ: Կուտակության ղեկավար շրջաններում այն համոզումը կար, որ գեների պահպանությունը Երկրում լավ է կազմակերպված, որ գինապահեստները գտնվում են հուսալի ձեռքերում, հետևապես հարկ չկա տրտունջ հայտնելու և տագնապելու:

Ինչպես կտեսնենք աշխատության հետագա էջերում, Անդրանիկի տագնապը, ցավոք, զուր չէր:

Նեղափոխական կազմակերպությունների կարևորագույն և խիստ պատասխանատու գործերից մեկը ժողովրդին ինքնապաշտպանության վարժեցնելն էր և մարտական ուժերի գինավարժություններ անցկացնելը:

Դա դուրին աշխատանք չէր: Ազատասեր լինելով Հանդերձ (ինչպես սովորաբար լինում են նաև ուրիշ հարստահարված ժողովուրդները)՝ թուրքահայությունը այնքան էր հալածվել ու բռնադատվել, որ իր ընդհանրության մեջ անհաղորդ էր դարձել սեփական գեներով պաշտպանվելու անհրաժեշտության գաղափարին:

Դաշնակցության և Հնչակի գինավորները, Հին Ֆիդայիները Երկրում գաղտնի գինավարժություններ էին անցկացնում թուրքահայ երիտասարդների հետ: Անդրկովկասի զանազան վայրերում նույնպես հայ երիտասարդները լարված գինավարժություններ էին կատարում և պատրաստվում անցնել թուրքահայաստան:

Աբրահամ Գյուլխանդանյանն ահա այսպես է նկարագրել երիտասարդական այդպիսի մի խմբի նախապատրաստման ընթացքը.

«Դաշնակցական խնչոն, որ արդեն մեծ հեղինակություն էր Բաքվի երիտասարդության և պատանիների աչքին, իր երիտասարդներից կազմել էր մի տանյակ, որոնց վարժեցնում էր հայդուկային կյանքին:

Նմբակի անդամները պետք է ընտելանային չարքաչ կյանքի, լինեին դիմացկուն, պիտի կարողանային երկար ժամանակ քայլել, օրերով սոված մնալ և սովորել գեների գործածությունը:

... Եվ պատանիներն օրերով ուտքով կտրում էին որոշ տարածություն, փորձում քաղցած մնալ, ամիսներով խնայում էին իրենց չնչին կուպեկները, որ կարողանան գեներ գնել, և երևակայում էին, որ գեներն ուսերին մազցելով Հայաստանի բարձրաբերձ լեռներով, վերք կը տան և վերք կը ստանան, մինչև որ «Մեր հայրենիքը թշվառ ու անտեր» կը դառնա «ազատ և անկախ»⁴:

¹ Տե՛ս Վահան Փափազեան, Իմ յուշերը, հատ. առաջին, էջ 495:

² Նույն տեղում:

³ Տե՛ս «Նյութեր...», հատ. Դ, էջ 25-26:

⁴ Ա. Գյուլխանդանյան, Հայ-թաթարական ընդհարումները, հատ. առաջին, էջ 67:

Ապա՝ «Չնայած այն ժամանակվա պայմաններում Բաքվում չափազանց դժվար էր գինավարժություն անել, սակայն ինչչոյի խմբի անդամները շարաթ կամ տոն օրերի նախօրյակին զույգ-զույգ կամ գատ-գատ երեկոյան աննկատ դուրս էին գալիս քաղաքից և գիշերը կենտրոնանում Գայլի Դրունք կոչված վայրի մեջ, ուր լուսադեմին ինչոն սկսում էր իր գինավարժության դասերը, որոնք տևում էին այնքան ժամանակ, քանի դեռ կասկածելի կամ հետաքրքիր աչքեր չէին խանգարում նրանց զբաղմունքները: Ապա նույնպիսի զգուշությամբ վերադառնում էին քաղաք»¹:

ՌԱԶՄԱԳԻՏԱԿԱՆ ՀՐԱՀԱՆԳՆԵՐ

Հայ բազմադարյա հարուստ գրականությունը չափազանց աղքատ է եղել ռազմագիտական գրվածքներով: Իր հոգու փրկություն համար Հայր դարեր շարունակ շատ աղոթքներ, սաղմոսներ, շարականներ, ժամագրքեր է կազմել ու դրանք անգիր արել, բայց չի մտածել ունենալ իր կյանքը պաշտպանելու տարրական գիտելիքներ: Զարմանալի է, բայց փաստ, որ Հայ ռազմագիտական գրականությունը սկզբնավորվել է միայն 19-րդ դարի 20-30-ական թվականներին՝ Հանձինս Ներսես Աշտարակեցու գլխավորած կամավորական Հայկական զորամասի համար 1827 թվականին կազմած ռազմական գրավոր կանոնների: Այդ կանոնները, Անդրանիկի մարտական հրահանգների և Դումանի ժողովրդական ինքնապաշտպանության նախագծի հետ, հիմք դրեցին Հայ ռազմագիտական գրականությանը:

*
* *
*

1906թ. ժնևում լույս տեսավ Անդրանիկի «Մարտական հրահանգներ» գրքույկը, որը տպագրվելուց հետո արագորեն տարածվեց ազատագրական շարժման մարտիկների շրջանում:

Անդրանիկը թղթին էր հանձնել թուրքահայ ժողովրդի ազգային ազատագրական շարժման մեջ իր տասնհինգամյա մասնակցության ընթացքում ձեռք բերած մարտական փորձառությունը: Կանոնագիրը նրա մտավոր աշխատանքի առաջին և հաջողված փորձը լինելով՝ դարձավ եզակի երևույթ Հայ ռազմագիտական մտքի պատմության մեջ: Նրանում ամփոփված են մեծ Հայ դուկապետի խորհուրդներն ու հրահանգները երկրում մաքառող Հայ մարտական խմբերին: Այդ խորհուրդները ծնունդ էին առել հատկապես Սասունի 1904թ. արյունալի իրադարձությունների վերլուծության արդյունքում, որը

¹ Ա. Գյուլխանդանեան, Հայ-թաթարական ընդհարումները, հատ. առաջին, էջ 67:

Անդրանիկի մեջ խոր համոզմունք էր ստեղծել, թե շատ դեպքերում կարելի էր խուսափել մեծ կորուստներ տալուց, եթե մարտերը վարվեին ռազմագիտական սկզբունքներով՝ հաշվի առնելով օբյեկտիվ և սուբյեկտիվ բոլոր հանգամանքները:

«Մարտական հրահանգները» մի յուրատեսակ ձեռնարկ էր, որի մեջ արտացոլում էին գտել Անդրանիկի հնարագիտություններն ու սրամիտ մտքերը: Դրանք շարադրված են պարզ, հասկանալի լեզվով, մատչելի՝ հրացանը ուսած ամեն մի հայ գյուղացու համար: Նրանում դժվար է գտնել ռազմագիտական հարուստ գիտելիքներ, տեսական խոր վերլուծություններ և ընդհանրացումներ: «Պարտ կը զգամ յայտարարելու, - գրել է հեղինակը, - թէ ես ոչ գինուորական վարժարանի մը ընթացքը աւարտած եմ, ոչ ալ մասնագիտական ճիւղ մը մշակած, հետեւաբար հավակնութիւն չունիմ մասնագիտական գործ մը ներկայացնելու իմ հայրենակիցներուս. կեանքը ինքն է եղած իր փորձութիւններով իմ, ինչպէս նաև իմ շատ մը ընկերներուն դաստիարակը»¹: Գրքում անպաճույճ պարզությունը, երբեմն էլ միամիտ բացխոսությունը նկարագրված է Հայդուկի դժվարություններով ու տառապանքներով լի առօրյան, տրված է ժողովրդի ազատագրության պայքարի նվիրյալների բարոյական բարձր նկարագիրը: Իր Ֆիդայական հարուստ կյանքի փորձից ելնելով՝ Անդրանիկը երկրում մնացած մարտիկներին խորհուրդներ էր տալիս, թե ինչպես կռվել և յուրաքանչյուր առանձին դեպքում կռվի ինչպիսի մեթոդներ ընտրել, ինչպես հաղթել թշնամուն և ինչպես կարողանալ պահպանել սեփական կյանքը:

Երևույթը մեծապես արժեքավորվում է, եթե հատկապես նկատի ենք առնում, որ օսմանյան կայսրության մեջ քրիստոնյաները, ինչպես արդեն քանիցս նշվել է, իրավունք չունեին գենք կրելու, չէին կանչվում զինվորական ծառայության, արգելված էր նրանց մուտքը զինվորական ուսումնարաններ և ռազմական բնագավառի հետ առնչվող այլ հաստատություններ: Այդ տեսակետից «Մարտական հրահանգները» հայդուկների համար մի անփոխարինելի ձեռնարկ էր, որը նրանց կարող էր տալ ռազմական նախնական գիտելիքներ:

Գրքույկը բացվում է իրենց կյանքը ժողովրդի ազատության զոհասեղանին նվիրաբերած նշանավոր 10 հեղափոխականների խմբանկարով, նրանց ու նրանց զոհված ընկերների հիշատակին նվիրված հեղինակի հետևյալ խոսքառաջաբանով:

«20»

Սէրոբի, Վազգէնի, Աբրօյի, Թաթուլի, Պետոյի, Հրայրի, Գուրգէնի, Վահանի, Թորգոմի, Վաղարշակի և բոլոր ընկերներու յիշատակին:

Ձեզի, ո՛վ անմոռաց ընկերներ, որ ձեր կեանքով ու մահով ժողովուրդին

¹ Անդրանիկ, Մարտական հրահանգներ, հրատ. Հ.Յ.Ռաչնակցութեան, Ժրնև, 1906, էջ 3:

ազատութեան դժուարին ուղին հարթեցիք և ձեր գործունեութեամբ փորձառու դարձուցիք ձեր յետնորդները, ձեր անմահ յիշատակին կը նուիրեմ այս գրքույկը, յուսով որ անոր ընթերցումը աւելի փորձառու կը դարձնէ անձուներները և կը նպաստէ աւելի օգտակարապէս ծառայելու ձեր սիրած գաղափարին:

ԱՆԴՐԱՆԻԿ

1906, մայիս »¹:

Հրահանգ-կանոնագիրքը բաղկացած է հետևյալ գրութիւններից՝ Զինվորական խորհուրդ, Օժանդակ խմբեր, Խումբը Երկրի մեջ, Թուուցիկ խմբեր, Ապստամբութիւն, Մարտական ընդհանուր հրահանգներ և նկատողութիւններ, Զգուշութիւններ ճանապարհին, Կռիւմների մասին անհրաժեշտ գիտելիքներ, Փախըստականներ, Դրամը Երկրի մեջ, Գյուղական դատեր, Զենքը Երկրի մեջ, Քրդեր և քրդական միութիւն, Երիտասարդներին:

«Մարտական հրահանգները» սկսվում են հեղինակի այն հաստատումով, որ ազատագրական կռիվը հաջողութեամբ տանելու համար անհրաժեշտ է ստեղծել զինված պայքարը ղեկավարող մարմին՝ զինվորական խորհուրդ, որը պետք է գործի արտասահմանում: Զինվորական խորհրդի մեջ պետք է ընդգրկվեն պայքարի հարուստ փորձառութիւն ունեցող և ազատագրական կռիվ նպատակները խորապես գիտակցող ընկերներ՝ նվազագույնը 12 հոգի: Այդ խորհրդի վրա պետք է դնել Երկրում երիտասարդներին մարտական խմբերի մեջ ներգրավելու գործը: Նորակոչները պետք է ուխտեն, որ պատրաստ են իրենց կյանքը անմնացորդ «զոհել Հայրենիքի, Ազատութեան և ինկած հազարաւոր նահատակներու համար»²:

Զինվորական խորհրդի պարտականութիւնն է «իր ճիւղերուն և շ.Յ. դաշնակցութեան մարմիններուն միջոցով ամէն կողմէն գէնք գնել ամէնալավ տեսակէն և փոխադրել տալ հարկ եղած տեղերը: Զէնք գնելու մէջ յամաչափութեան պէտք է նայել: Օրինակ՝ եթէ ունինք հարիւր հրացան և պատահեցավ 1000 000 փամփուշտ, պէտք է գնել անմիջապէս: Պէտք չէ ըսել՝ «Ինչո՞ւ է պէտք այդքան փամփուշտը»: Երկրի մէջ ամէնէն կարևորը փամփուշտն է:

Այն զինուորները, որոնք կարողութիւն ունեն, պէտք է իրենց միջոցներով ամէնաառաջնակարգ միջոցներով զինուին, որ կարողանան թշնամի գորքին ու գէնքին հետ մրցիլ»³:

Հեղինակը մանրամասն հրահանգավորում է, թե ինչպես պետք է դրսում օժանդակ խմբեր կազմել, ինչպես Թուրքիայի սահմաններից ներս թափանցել և օգնութեան փութալ Երկրում կռիւղներին: Նկատի ունենալով, որ օսմանյան կայսրութեան սահմանները ամուր պաշտպանված են ոչ միայն Թուրքական զորամասերով, այլև Անդրկովկասի կողմից՝ նաև ռուսական սահմանապահ

զորքերով, ռուսի սահմանանցումը պետք է կատարել մեծ խմբերով, որպեսզի հարկ եղած դեպքում կարողանալ կռվով ճեղքել-անցնել Երկիր: «Եթէ տաս հոգիանոց խումբ մը պիտի դրկուի՝ աւելի լավ է երբեք չի դրկել»¹: Օժանդակ խմբերը չպետք է սահմանն անցնեն անկախ տարվա եղանակներից և ցանկացած պահի, այլ միայն այն ժամանակ, «երբ գիշերները երկար են և լուսարնկայ չեն»²: Երկիր գնալով՝ կամավոր զինվորը ոչ միայն այնտեղ պետք է անձնագոհ կռվի, այլև դրսևորի մարդկային բարձր հատկանիշներ: «Երկիր մտնողները, - գրում էր Անդրանիկը, - խմբապետէն սկսած մինչև վերջին զինուորը բարոյապէս բարձր պիտի պահեն գիրենք և ապրելով ժողովրդին մեջ՝ լավ տպավորութիւն պիտի թողնեն անոնց վրայ»³:

Որպեսզի զինվորը կարողանա լավ կռվել, խմբապետը պարտավոր է նրան ապահովել սարքին հրացանով ու փամփուշտներով: «Առանց զինուորներու, դուն, խմբապետ, ոչ մեկ ուժ չես կազմեր և պէտք է անոնց կեանքը շատ ու շատ բարձր գնահատես»⁴, - պատվիրում է գրքույկի հեղինակը:

Երբ օժանդակ խումբն արդեն լիովին պատրաստ է անցնելու սահմանը, «խմբապետը վերջին անգամ կը կրկնէ իր պատուերներն ու կարգադրութիւնները: Յետոյ պէտք է նաև քանի մը խօսք ըսէ. «Ընկերներ, կտրիճ ըլլաք և աչքաբաց, մատաղ ձեր ոտքերուն: Կուտղին համար կռիվը արհեստ մըն է: Սիրով ըլլաք իրարու հետ և ուրախ: Բոլորիս մարմիններն ու հոգիները միացած մէկ կազմ ունենան: Յառաջ...»⁵:

Նկատի առնելով, որ ռուսական իշխանութիւնները բոլոր միջոցներով դաժանորեն խափանում էին հայ կամավորական խմբերի սահմանանցումը և թափանցումը Երկիր, Անդրանիկը այդ խմբերին հետևյալ հրահանգներն էր տալիս. «Եթէ պատահին սահմանապահ զորքեր (ոչ Թուրք) որոնց հետ մենք գործ չունինք և որոնց թշնամի չենք - պետք չէ կրակել: Երեք անգամ յայտարարելու է, թէ՛ բարեկամներ ենք և ճամբորդ: Եթէ լսեցին՝ լա՛վ, եթէ չի լսեցին ու զարկին ձեզի, խմբապետը հրամայածին պէս՝ զարկեք անխնայ իբրև թշնամու՝ սրտներուն և ճակատներուն: Յիշեցէ՛ք Թորգոմի և Որսորդ Գեորգի խումբը»⁶:

Եթե հաջողվի սահմանն աննկատ անցնել և մտնել Թուրքիայի տարածքը, ապա օժանդակ խումբն ամեն բոլակ պետք է պատրաստ լինի մարտի մեջ մըտնելու թշնամու ուժերի հետ: Կարծում ենք՝ ընթերցողին կհետաքրքրի Անդրանիկի կողմից նկարագրած նման մարտի պատկերը: Նա գրում էր.

«Զեր հետքերուն յետամտելով՝ թշնամին կու գայ Հարայ-հրոցով և կը գոռայ. «Այստե՛ղ են, այստե՛ղ»: Բայց սուտ են: Դիտմամբ այդպէս կը ըսեն,

¹ Անդրանիկ, Մարտական հրահանգներ, էջ 27:

² Նույն տեղում, էջ 5:

³ Նույն տեղում, էջ 6:

¹ Անդրանիկ, Մարտական հրահանգներ, էջ 7:

² Նույն տեղում, էջ 8:

³ Նույն տեղում, էջ 8-9:

⁴ Նույն տեղում, էջ 9:

⁵ Նույն տեղում, էջ 17:

⁶ Նույն տեղում, էջ 14:

որ ձեր կողմէն շարժում մի ընեք կամ հրացան բանաք, որ յանկարծակիի չի գան»։ Ուստի պետք է սպասել, որպեսզի թշնամին, որքան Հնարավոր է, մոտենա, և միայն այն ժամանակ խմբապետը կարող է հրաման տալ կրակ բացելու։ «Առաջին համազարկերը տալուն պէս՝ տղաքը պետք է բարձր ձայնով հարայհրոց բարձրացնեն, իսկ յայտնի ձայն ունեցողները պոռան թշնամիին, թե՛ «եկե՛ք, մի՛ փախչիք, մոտեցե՛ք կոուխնք»։ Մեր զինուորները պէտք չէ քֆրեն, քֆրելը տղամարդու գործ չէ»¹։ Համազարկի ժամանակ անհրաժեշտ է միշտ աղմուկ բարձրացնել, իսկ հանդարտ ժամանակ՝ կոուչի ու երգել և նայել խմբապետի հրահանգներուն ու ձեր քովը գտնված տասնապետներուն։ Պարապ տեղը չըլլայ, որ փամփուշտ վառէք։ Երբեմն ալ մի՛ մոռնաք հրացանները մաքրել։ Վիրավորված ընկերը անմիջապես բերելու է վիրաբույժին քով»¹։

Անդրանիկը հիշեցնում է, որ Արևմտահայաստանի տեղանքին քրդերը ավելի լավ են ծանոթ, քան թուրքերը, և որ Հենց այդ պատճառով քրդերի դեմ ավելի դժվար է կռվելը։ «Անոնք օձի պես դիրքէ-դիրք կը սողան, մինչ թուրք զորքը անծանօթ է տեղին և պահուիլ չի կրնար ... Տասը ֆիդայի ուրախութեամբ կը կուտին հարիւր-երկու հարիւր զինուորին դէմ։ Եղբր է ժամանակ երբ մեր տղաքը տասը հոգիով կուռած են հարիւրի դէմ և առանց զոհ տալու յաջողութեամբ դուրս եկած»։ Նույնը և քրդերի դեպքում, չնայած տեղանքին նրանց լավ խմացութեանը։ «Սահմանազխիսն քյուրդերը, թեև զինուած են կանոնավոր հրացաններով, բայց առանց զօրքի օգնութեան չեն կրնար կուտիլ»²։

Որքան էլ բազմաբանակ լինի թշնամին և որքան ծանր՝ կռիվը, հրամանատարները չպետք է երբեք հոգով ընկճվեն, ընդհակառակը, պետք է անվախութեան և անձնագոհութեան օրինակներ տան իրենց ենթականերին։ «Խմբապետը ու տասնապետները, որքան ալ սաստիկ ըլլայ կռիվը, միշտ ուրախ դէմք ունենալու և քաջալերելու են հայդուկները. պաղարիւն մնալու են, չփոթուելու չեն»³։

Այնուհետև Անդրանիկը հանգամանորեն հրահանգավորում է, թե խմբերը ինչպես պետք է կռվեն Երկրում, ինչպիսի մարտավարություն պիտի հետևեն։ Տրվում են Արևմտահայաստանի տարբեր վայրերում գործելու եղանակները, հարձակման, պաշտպանության, շրջապատման պայմաններում անելիքները։ Գրքույկում խորհուրդներ են տրված, թե այս կամ այն շրջանում ապստամբություն բարձրացնելիս նվազագույնը որքան զենք ու զինամթերք պետք է ունենան ապստամբները։ «Շրջան մը ապստամբութեան համար առնուազն ունենալու է չորս հարիւր մոսինի կամ ուրիշ հրացան, որը կարողանայ 2000 մետր կամ 3000 քայլ նետել։ Ժողովուրդը զինելու համար պէտք է ունենալ առնուազն 500 լավ բերդան կամ այնպի հրացան, իւրաքանչիւրը 500 փամ-

¹ Չմոռանաք ասել, որ Անդրանիկն ինքը միշտ չէ, որ հետևում էր այս իր իսկ խորհրդին։

² Անդրանիկ, Մարտական հրահանգներ, էջ 21-22։

³ Նույն տեղում, էջ 23-24։

⁴ Նույն տեղում, էջ 24։

փուշտով։ Մոսինները ունենալու են 1500 փամփուշտ»¹։

Գրքույկում հրահանգավորված է, թե ինչպիսին պետք է լինի զինվորների հայդուկային կյանքը, ինչպիսի պարտավորություններ պետք է ստանձնեն կռվի ելած հայ երիտասարդները, այն է՝ գաղտնապահություն, կարգապահություն, վարքուբարքով լինել անարատ, ճշմարտախոս յուրաքանչեքի շրջանում, անթերի կատարել հրամանատարների կարգադրությունները, միմյանց չվիրավորել, պահակային ծառայություն կատարելիս խիստ զգուշ և արթուն մնալ, չերգել, չծխել, բարձրաձայն չխոսել, լուցկի չվառել, կրակահան չզարկել, զենքերը մաքուր պահել, փամփուշտները՝ չոր։ Գրքույկում մանրամասն տրված են հրացանները քանդելու, մաքրելու և խնամելու կանոնները։ Այնտեղ թվարկված են մարտիկի «ամենակարևոր պիտույքները»՝ «փամփուշտ, վառօդ, գնդակ, կապտուլ, պահեստի պաշար, փամփուշտ լցնելու գործիքներ, ոտնամաններ, գուլպա»²։ Հեղինակը խիստ կարևորում էր անհրաժեշտ քանակով ուտելիք ձեռք բերելու միջոցների ընտրությունը։ Բայց առավել կարևոր էր համարում խմբի անդամների միջև դրա ճիշտ, արդարացի բաշխումը, որևէ մեկին մյուսներից չզերադասելը։

«Խնձոր մ'ալ ունենաք, բաժանելու եք։ Իսկ կերակուր կերած ժամանակ բոլոր զինուորները տասնեակ-տասնեակ պիտի նստեն, և տասնապետներն ալ իրենց տասնեակներուն հետ։ Տասնապետները կերակուրի ժամանակ առանձին պէտք չէ որ նստին»³։

Անդրանիկը պահանջում էր խստիվ կատարել քողարկման, խրամատավորման, պաշտպանության և հարձակման կանոնները, ցուցում էր տալիս, թե ինչպես պետք է գործել օրվա տարբեր եղանակներին, տարբեր ռեյիեֆ ունեցող վայրերում, տարբեր իրադրությունների ժամանակ, ինչպիսի անմիջական օգնություն ցույց տալ հիվանդներին և վիրավորներին, ինչպես հայթայթել, պահպանել և օգտագործել ռազմամթերքը։ Նա հանգամանորեն անդրադառնում է խմբապետի և զինվորների փոխհարաբերություններին, հորդորներ է հղում զինվորներին՝ անթերի կատարել խմբապետի և տասնապետների կարգադրությունները, միաժամանակ մեծ հոգատարություն ցուցաբերել մեկը մյուսի նկատմամբ։

Անդրանիկը չափազանց կարևոր նշանակություն էր տալիս խմբերի՝ մի տեղից մյուսը տեղափոխվելիս ճանապարհին զգուշության կանոնների խստիվ պահպանմանը (երբ լուսնյակ է գիշերը, անտառում, գյուղ մտնելիս, գյուղի մեջ, գյուղում հաց հայթայթելիս, գյուղից մեկնելիս, շրերով, կամրջով և կիր-ճերով անցնելիս, գարնանը և ձմռանը մի տեղից մյուսը անցնելիս և այլն), մասնավորապես զինվորներին զգուշացնում էր թունավորվելու վտանգից և

¹ Անդրանիկ, Մարտական հրահանգներ, էջ 34։

² Նույն տեղում, էջ 42։

³ Նույն տեղում։

լրտեսներին:

Այնուհետև գրքույկի հեղինակը տալիս է կոիֆների մասին անհրաժեշտ գիտելիքներ, այսինքն՝ թե մարտիկներն իրենց ինչպես պետք է պահեն դիրքերում, դաշտի վրա, փոսորակ տեղերում, սար բարձրանալիս, երբ սպանվում է խմբապետը, կամ երբ տասնապետն այլևս ի վիճակի չի լինում անձնական օրինակով ոգեշնչել իր զինվորներին և այլն:

«Մարտական հրահանգները» ավարտվում է Հայ երիտասարդներին ուղղված խոսքերով: Անդրանիկը փափագ էր հայտնում «մօտ ապագայի մէջ» Հայ երիտասարդներին տեսնել մասնագիտական զինվորական կրթություն ստացած, որպեսզի նրանք «ավելի յաջողութեամբ, ավելի ձեռնհասութեամբ վարեին մարտական բանակը»: Նա ցավով շեշտում էր, որ օտար երկրներում գտնվող Հայ երիտասարդներին քիչ են հետաքրքրում իրենց ժողովրդին բաժին ընկած արհավիրքները, և հենց դա է պատճառը, որ նրանք բնավ ցանկութիւն չունեն ձեռք գնեք առնել և հետևել զինավարժության: Անդրանիկը հիշեցնում էր ժողովրդի դաժան կյանքի խորհուրդը և հրամայականը, Հայոց պատմության հորդորը՝ «Առանց զենքի չկա Հայոց փրկութիւնը»:

Օտար երկրներում ապաստանած Հայ երիտասարդներին ուղղված իր ուղերձը և «Մարտական հրահանգները» Անդրանիկը վերջացնում է հետևյալ խոսքերով. «Ես չեմ որ կը հրավիրեմ ձեզ, արտասահմանեան Հայ երիտասարդներ, այլ դժբաղդ Հայրենիքին հողն ու քարը իրենց արիւնով ներկած մեր նահատակներն ու պաշտելի հերոսներըն են, որ կօչ կ'ընեն ձեզի՝ զենքի, զինա-վարժութեան և վրէժնդրութեան:

Լսեցէք անոնց Ձայնը՝ որ մեր կեանքին Ձայնն է»¹:

*
* *
*

1907թ. Ժնևում հրատարակվեց Նիկոլ Դուլանի «Նախագիծ ժողովրդական ինքնապաշտպանության : Հայ ժողովրդի երեք գլխավոր հատվածների համար» գրքույկը, որը Հայկական մարտական գրականության երախայրիչներից մեկն էր:

Ինչպես վկայում է գրքույկի հեղինակը, Կովկասյան թուրք-հայկական ընդհարումներից անմիջապես հետո ընկերներն իրեն առաջարկել էին ինքնապաշտպանական մարտական խմբերի համար պատրաստել մի ուղեցույց: Որոշ տատանումներից հետո Դուլանը ձեռնարկում է ուղեցույցի ստեղծումը՝ հաշվի առնելով այն խառնակ գրությունը, որի պայմաններում ապրում էր Հայությունը: Նա այսպես էր բացատրում իր նպատակադրումը.

«Տաճկաստանում ամենուրեք խուլ շշուկները գուժում են ռեաքսիոն ահավոր խմորումների մասին, Պարսկաստանում հաճախակի ընդհարվում են միապետական ու սահմանադրական երկու հակառակ հոսանքները, իսկ Ռուսաստանում - ո՞վ գիտե ինչ նոր անակնկալ է պատրաստվում:

Այլևս տատանումը հանցանք է: Ամեն մարդ, որ զգում է դրուժյան լրջութունը, պետք է ասի իր խոսքը, պետք է հորդորե, որ Հայոց այդ երեք գլխավոր հատվածները պատրաստվեն ինքնապաշտպանության:

Եվ նրանք ճակատագրորեն պիտի պատրաստվին»²:

Գիտակցական ողջ կյանքը ժողովրդի ազատագրական կռվին նվիրած գիտուն ու տաղանդավոր մարտական ղեկավարը ժողովրդի համար ծանր օրերին հանդես էր գալիս նաև որպես ռազմական տեսաբան: Ինչպես և Անդրանիկը, Դուլանը նույնպես ի մի էր բերում ու ամփոփում իր անցած մարտական ուղու, հատկապես կովկասյան թուրք-հայկական ընդհարումների օրերին ձեռք բերած ուսանելի փորձն ու ռազմական հմտությունները և դրանք փոխանցում Հայության զինակիր զավակներին:

Գրքույկը բաղկացած է «Նախաբանից», «Ներածությունից» և 15 հատվածներից:

Նախաբանում հեղինակը շեշտում է. «Թե՛ թշնամուն և թե՛ բարեկամին հարգանք ու պատկառանք ներշնչողը, դժբախտաբար, դեռ կուպիտ ուժն է: Ուստի մի ազգ, - եթե ուզում է մնալ հարգված, եթե չի՝ ուզում կորչել, - պետք է լինի զենքի ընդունակ, միշտ պետք է լինի կազմ ու պատրաստ ինքնապաշտպանության համար, մանավանդ քաղաքական ցնցումների վայրկյաններում (մոմենտներում)»²:

Ներածության մեջ զանգվածային (նույնիսկ ինքնապաշտպանական) կռիվը (ինչպես, ասենք՝ Սասունի վերջին ապստամբությունը կամ թուրք-հայկական ընդհարումները Կովկասում) Դուլանը բաժանում է երկու տեսակի՝ ամբոխային և գիտակցական (կամ կազմակերպված):

Առաջին դեպքում ամբոխը լսելով հրահանգի մի քանի ճայթյուն՝ դիմում է գլխակորույս փախուստի: «Ամբոխը չի՝ հասկանում, որ իր շահը մի մասն է ամբողջի՝ նրա հետ սերտ շաղկապված, և եթե ուզում է պահել իր սեփականը, պետք է պաշտպանի ամբողջը: Ամբոխը չի ընդունում, որ համաճարակին և առհասարակ ընդհանուր աղետին կարելի է դիմադրել միմիայն ընդհանուր ուժերով»³:

Միանգամայն տարբեր է գիտակցական կազմակերպված կռիվը, գրում է Դուլանը: «Կազմակերպված ինքնապաշտպանական կռիվը ըմբռնում է երևույթները լայն և պարզորեն, գիտակցում է իր նպատակը. նա գիտե իր

¹ Դուլան, Նախագիծ ժողովրդական ինքնապաշտպանության, Հայ ժողովրդի երեք գլխավոր հատվածների համար, Ժրնև, 1907, էջ 38:
² Նույն տեղում, էջ 7:
³ Նույն տեղում, էջ 8:

¹ Անդրանիկ, Մարտական հրահանգներ, էջ 78:

ուժերը ճշտիվ և թշնամունք՝ մոտավորապես. նա կարգի է բերում իր բոլոր ռազմիկ ուժերը և մտցնում է նրանց մեջ կարգապահություն (դիսցիպլին): Հարկավոր դեպքում շարժում է իր զորամասերը արագորեն, կենտրոնանում է՝ ուր անհրաժեշտ է, հարձակվում է՝ ուր հարկավոր է, պաշտպանում է՝ ուր կարևոր է»¹:

Գրքույկի Հեղինակը Հենց սկզբից կոչ է անում ապագա կռիվներին լավ նախապատրաստվելու համար գործել խորին գաղտնապահություն, առանց որևէ ցուցամոլություն:

Հայ ժողովուրդը թվական կազմով շատ է գիջում դրացիներին, որոնց մի մասը թշնամաբար է տրամադրված իր հանդեպ: Այս վիճակում հրամայաբար առաջ է գալիս ինքնապաշտպանական կռիվը հայերի կողմից կազմակերպված ու գիտակցորեն մղելու պահանջը՝ ազգի ֆիզիկական ուժերը տնտեսելու նպատակամղումով:

Քանի որ «Նախագծի» պահանջների կատարումը նախատեսված էր իրականացնել ընդհատակյա պայմաններում, իշխանություններից խիստ ծածուկ, ուստի գաղտնապահության գործը (հատկապես՝ թուրքիայում) չվիժելու համար Դուռնանը գերադասելի էր համարում, որ ինքնապաշտպանության կազմակերպիչները լինեն տեղացիներ: Միայն բացառություն դեպքում, եթե տեղում չկան կարող ուժեր, կարելի է դրսից կազմակերպիչ հրավիրել:

Ինքնապաշտպանական համակարգի հիմնական օղակը մարտական խումբերն է: Ըստ որում, Դուռնանը խորհուրդ էր տալիս չտարվել մեծաթիվ մարտիկներ ունեցող խմբեր կազմելով: Գերադասելի են փոքր խմբերը:

Խմբերի գինավարժությունը Դուռնանը համարում էր դրանց գոյություն առաջին պարտադիր պայմանը: Առանց զենքին լավ տիրապետելու, առանց վարժ, արագ և դիպուկ կրակելու՝ մարտիկը դադարում է խմբի համար պիտանի միավոր լինելուց:

Իսկ ինչպես կատարել գինավարժություն, եթե խումբը և նրա ամեն մի անդամը մշտապես ենթակա են հետապնդումների: Զինավարժության մեջ առավել կարևոր համարելով ճիշտ գնդակաձուլությունը՝ Դուռնանը գտնում էր, որ դրան կարելի է հասնել որսորդության միջոցով, և իշխանությունները առիթ չեն ունենա որսի գնացողի նկատմամբ հարուցել քաղաքական մեղադրանք: Որսորդության դերի մասին նա գրում էր.

«Որսորդութեան առանձին տեղ ու նշանակություն պետք է տալ, որովհետև որսորդական վարժութիւնուն է միայն, որ մարդուն մօտեցնում է պատերազմի արհեստին, ինչպէս օրինակ՝ իր վրայ կրել պաշարի ու ռազմամթերքի ծանրութիւնը, քայլել երկար, բարձրանալ լեռը, իջնել ձորը, պտրտել ճահիճներում ու անտառներում, վարժել քաղցի ու ծարաւի և բնութեան խստութիւններին, վարժել շուտ նշան առնելուն եւ արագաձուլութեան... Որսորդու-

թիւնն ունի եւ մի ուրիշ շատ խոշոր առավելութիւն, այն, որ որսորդը գործում է անկախ եւ ինքնուրոյն, եւ դրանով նրա մէջ զարգանում է հնարագիտութեան ոգին եւ նախաձեռնութիւնը (ինիցիատիվա), որ չափազանց կարեւոր է խաղաղ կեանքի մէջ եւ, մանավանդ, պատերազմի ժամանակ»¹:

Ինքնապաշտպանության գործը համարելով պատասխանատու՝ Դուռնանը գտնում էր, որ մարտական խմբի մեջ կարող են մտնել միայն նրանք, ովքեր ռազմապես ու հոգեբարոյական հատկանիշերով պատրաստ են կրելու հեղափոխության գինվորի բարձր կոչումը:

Ինքնապաշտպանության տեսակետից մարտական խմբերը գրքույկի Հեղինակը բաժանում է չորս մասի՝ մնայուն խումբ, թուուցիկ խումբ, շրջիկ (կամ ֆուռան) խումբ: Հայ բնակչության այն մասը, որը չգիտեր զենք գործածել, նա համարում էր չկազմակերպված ժողովուրդ²:

Դուռնանը մի առ մի առաջադրում է դրանցից յուրաքանչյուրի անելիքը քաղաքում և գյուղում՝ ցերեկային և գիշերային հարձակումների ժամանակ:

Քաղաքը Դուռնանը բաժանում է թաղերի, որոնցից ամեն մեկում կազմակերպվում է մի խումբ: Տվյալ քաղաքի զուտ հայաբնակ թաղերի խմբերը կարող են օգնության գնալ մյուս թաղերին, այնինչ խառը բնակչություն ունեցող թաղի մարտական խումբը մնայուն է և կռիվ ժամանակ մնում է միայն իր թաղում: Զուտ հայաբնակ թաղից մյուս թաղերին օգնություն են գնում ոչ բոլոր խմբերը: Այստեղ մնացած խմբերը ևս բաժանվում են երկու մասի՝ մնայուն և թուուցիկ: Մնայուն խումբը մնում է իր տեղում (սովորաբար թաղի կենտրոնում)՝ անակնկալ հարձակումներից թաղը պաշտպանելու համար, իսկ թուուցիկ խումբն օգնության է գնում թաղի թաղամասերին (սովորաբար ծայրամասերին):

Բացի թաղերի մնայուն և թուուցիկ խմբերից, ամբողջ քաղաքի համար կազմակերպվում է մի այլ խումբ՝ զուտ կամավորներից: Դա շրջիկ խումբն է: Երբ ընդհարման նշաններ են երևում, այս շրջիկ խումբը մասերի բաժանված՝ ցերեկն աննկատելի շրջում է բոլոր բազմամարդ վայրերում՝ շուկա, հրապարակ, քաղաքային պարտեզ և այլն: Այդ խումբն է ցույց տալիս առաջին դիմադրությունը՝ հանկարծ տեղի ունեցող ընդհարման միջոցին: Խառը շուկայում, ընդհարման նախանշանների օրերում, ամեն մի հայ խանութպան պետք է ունենա իր զենքը, ինչպես և յուրաքանչյուր անհատ, որ պատկանում է ինքնապաշտպանության որևէ խմբի և ծառայում է խանութում՝ նույնպես պետք է ունենա իր զենքը: Երբ անակնկալ կռիվ է սկսվում խառը շուկայում, խանութների գինված անհատները միանգամից դուրս են թողնում հարվածելու թշնամուն, իսկ անզեններն անմիջապես փակում են խանութները և դիմում ապա-

¹ Դուռնան, Նախագիծ..., էջ 8:

¹ Դուռնան, Նախագիծ ..., էջ 10-ի ծանոթությունը:
² Նույն տեղում:

հով վայրեր¹:

Քաղաքի մնայուն, թուուցիկ և չըջիկ բոլոր խմբերի խմբապետների ընդհանուր ժողովում գաղտնի քվեարկութանք և ձայների 2/3-ով ընտրվում է երեք հոգուց բաղկացած «Ժամանակավոր գինվորական սպայակույտ» (չտաք), որը կապ է պահպանում բոլոր խմբերի հետ, հոգ է տանում ժողովրդին գինելու մասին, կազմակերպում է հարմար դիրքերի կառուցումը վերահաս կոմիսիաների համար, կույի նախօրյակին ժողովրդին հորդորում է ձեռք բերել ուտեստի և ջրի պաշար, շուկայի վտանգավոր մասերից տուն փոխադրել թանկագին ապրանքները, թշնամու հարձակման ժամանակ քաղաքի ապահով մասեր տեղափոխել կույի անընդունակ բոլոր մարդկանց:

Այնուհետև Դուռանը մանրամասն ուսուցանում է, թե քաղաքում ինչ մեծություն չենքերն են հարմար օգտագործել որպես դիրքեր՝ թշնամու գնդակից պաշտպանվելու և հակառակորդին հարված հասցնելու համար²:

Իսկ քաղաքում ընթացող կույի ժամանակ ի՞նչ պիտի անեն չըջակա հայկական գյուղերի բնակիչները: Նրանք պետք է փակեն դեպի քաղաք շտապող թշնամական օգնական ուժերի ճանապարհը, ինչպես նաև հնարավորության դեպքում գինված խմբեր ուղարկեն քաղաքի հայերին օգնության:

«Նախագծում» Դուռանը մանրամասն կանգ է առնում գյուղի ինքնապաշտպանության հարցերի վրա:

Հայկական գյուղերը ինքնապաշտպանական խնդիրների տեսակետից նա բաժանում է երեք դասի. ա) Ձուտ հայաբնակ գյուղ՝ հայկական չըջանում, բ) Ձուտ հայաբնակ գյուղ՝ մենակ ընկած օտար չըջանում, գ) Խառն ազգաբնակչություն ունեցող գյուղ, ուր ապրում են նաև հայեր:

Ամեն գյուղ ունենում է մի խումբ, որի մեջ մտնում են այդ գյուղի բոլոր մարտական ուժերը: Եթե գյուղը շատ մեծ է, կարող է կազմակերպվել մի քանի խումբ՝ քաղաքի նման թաղային սիստեմով, իսկ ամեն խումբ բաժանվում է երկու մասի՝ մնայուն և թուուցիկ: Տվյալ գյուղի մնայուն և թուուցիկ խմբերն ունեն իրենց հրամանատարները, որոնք ենթակա են ընդհանուրի կողմից ընտրված հրամանատարին՝ «գյուղական խմբապետին»:

Այնուհետև Դուռանը հրահանգում է, թե իրարից ոչ հեռու ընկած հայկական գյուղերն ինչպես պետք է միմյանց հետ կապ հաստատեն փոխադարձ օգնության համար, ինչպես կազմակերպել դաշտային աշխատանքները գյուղում, որպեսզի գյուղացիները զոհեր չտան, և, մյուս կողմից, չառաջանա տնտեսական քայքայում³:

Գրքուկի հեղինակը հատկապես մեծ կարևորություն է տալիս դիրքապահության ճիշտ կազմակերպմանը, պաշտպանողական ու հարձակողական

կոմիսիաների ընթացքում մարտիկների և ժողովրդի անելիքներին, արտակարգ պայմաններում առավել նպատակահարմար գործելակերպի ընտրությունը: Դուռանը շեշտում է, որ փոքրաթիվ մարտիկներով կարելի է դիմադրել մեծ թվով հարձակվողների և նրանց ծանր կորուստներ պատճառել: Բայց դա չի նշանակում, թե միշտ պետք է մնալ պաշտպանական սահմաններում: Եթե կույի ճակատի տվյալ հատվածում հայերի ուժը գերազանցում է հակառակորդի ուժին և եթե կան բավականաչափ փամփուլոտներ, ապա հարկ է անհապաղ հարձակման անցնել, հետապնդել թշնամուն և հետագնել գյուղի տարածքներից: Հարձակման համար Դուռանն առաջ է քաշում 12 պայման¹, որոնց կատարումը համարում է հաղթանակի երաշխիք:

Այնուամենայնիվ նկատելի է, որ ընդհանուր առմամբ «Նախագծում» գերադասությունը տրված է պաշտպանական կույին, որը դրացիների համեմատ նվազ թվաքանակ ունեցող հայերին հնարավորություն կտա թշնամուն պատճառել մեծ կորուստներ և ընդհարումից դուրս գալ քիչ կորուստներով:

Խոսելով պաշտպանողական և հարձակողական կոմիսիաների առանձնահատկությունների մասին՝ Դուռանը զարմանալիորեն գուշակել է թուրքահայ եղբայրների գալիք մեծ ողբերգությունը և իրեն հատուկ վճռականությամբ առաջարկել է արհավիրքին դիմագրավելու միջոցը: Ահա թե կանխատեսաբար ինչ էր գրում նա.

«Ենթադրենք, որ նոյնիսկ ապագայում Թիւրքիո մահմեդական ցեղերը միաբանին առաջ բերելու հայերի ընդհանուր ջարդ: Ի՞նչ պէտք է անել այդ դեպքում: Այդ դեպքում հայ ժողովուրդը պէտք է անպայման համոզուի, որ ջարդի մէջ կայ կառավարութեան մասնակցությունը և վերջապես պէտք է դէն չարտի ոչխարի հաւատը դեպի դասապը որ խորապէս անվստահ դէպի գայլերը՝ պէտք է օրհասական կռիւ մղի բոլոր հնարաւոր միջոցներով, քանի որ առանց դիմադրելու էլ միեւնոյն է պիտի կոտորուի. իսկ դիմադրութիւնով կոտորուելը մի կողմից սահմանափակում է սեփական զոհերի թիւը, մյուս կողմից էլ ունի և այն առավելութիւնը, որ թշնամին թէեւ ի վերջո յաղթական, բայց կույի մէջ որոշ քանակութեամբ զոհեր տալով հայկական մի չըջանում կ'ըզգուշանա պրտկերես ու համարձակ լինել գոնէ միւս չըջաններում»²:

«Նախագծում» մեծ կարևորություն է տրված գինված խմբերի ճիշտ շարժումների խնդրին: Դուռանը հրահանգում էր, որ բոլոր դեպքերում գինվորական շարժումները տեղի ունենան կարճ ճանապարհով և արագ, իսկ ճանապարհին չպետք է ընկնել ծուղակի մեջ, որ կարող է սարքած լինել թշնամին: «Կամուրջի վրայով, ձորի եւ խրամատների միջով, այլ եւ պատերի վրայով անցնելիս պէտք է ձեռք առնել զգուշութեան միջոցներ, մանաւանդ գիշեր ժամանակ: Կամուրջին չհասած, պէտք է կանգ առնել բաւականաչափ հեռու եւ

¹ Տե՛ս, Դուռան, Նախագիծ ..., էջ 12:

² Նույն տեղում, էջ 15:

³ Նույն տեղում, էջ 19-20:

¹ Դուռան, Նախագիծ ..., էջ 29:

² Նույն տեղում, էջ 25:

խուզարկութիւն կատարել, յետոյ անցնել կամուրջը: Ամբողջ խմբով միանգամից չպէտք է ձորը մտնել, այլ մաս-մաս եւ ցրուած կարգով՝ նախագգուլութեան միջոցներ ձեռք առնելուց յետոյ: Այդպէս պէտք է վարուել խրամատների եւ պատերի հանդիպելիս»¹:

«Նախագգի» վերջին հատվածում Դուժանը քննութեան է առնում զենք ձեռք բերելու խնդիրը:

Հեղինակը գտնում է, որ պետք է խուսափել Հայաստանից շատ հեռու գտնվող երկրներում (ասենք՝ Ծապոնիայում) արտադրած զենքեր գնելուց, քանի որ դրանց հետ սովորաբար վաճառվում են շատ քիչ փամփուշտներ, որոնք կարճ ժամանակում սպառվելուց հետո զենքը դառնում է «մի անպետք փայտի կտոր»:

Ուրեմն զենքը պետք է փնտրել մոտիկ տեղերից: Հայութունն ապրում է երեք պետությունների սահմաններում, որոնցից յուրաքանչյուրում կա երկու որակի զենք. մեկը նորագույն զենքն է, որով զինված են այդ երկրների բանակները, մյուսը բանակների գործածությունից հանված զենքն է: Ռուսաստանում նորագույն զենքը «Մոսին» հրացանն է, իսկ նախընթացը՝ «Բերդանը»: Թուրքիայում ներկա զենքը «Մաուզերն» է, իսկ նախընթացը՝ «Մարտինը»: Հետևապես Հայերը պետք է ձգտեն Ռուսաստանում ձեռք բերել «Մոսին» և Թուրքիայում «Մաուզերն»: «Մոսինը» արտադրվում է Ռուսաստանում (ուր կան զենքի մի քանի գործարաններ), իսկ «Մաուզերը» Թուրքիան ներմուծում է (քանի որ երկրում չկա զինագործարան): Ուրեմն Հայերը «Մոսինից» բացի պետք է ունենան նաև «Մաուզեր», քանի որ այդ երկու զենքերի փամփուշտները կարելի է ձեռք բերել առատ ու էժան:

Բայց Հայերն անկարող են մեծ թվով «Մոսին» և «Մաուզեր» ձեռք բերել, քանի որ նոր զենքը միշտ թանկ է լինում, բացի այդ, սովորաբար խստով արգելվում է գործածությունն այն զենքերի, որոնք դեռ գտնվում են զորքի ձեռքին:

Ահա թե ինչու, նշում է Դուժանը, Հայերը հիմնականում պետք է զինվեն նախընթաց, այսինքն՝ բանակների գործածությունից դուրս եկած, հետևապես էժան զենքերով, ինչպես, ասենք՝ «Բերդանը» և «Մարտինը», ատրճանակներից՝ «Պարաբելլումը», «Բրաունինգը», «Նագանը», «Սմիտ-Վեստեր», «Բուլդոկը» և այլն:

Դուժանը նշում է, որ ինքնին հարց է ծագում, թե համեմատաբար վատ զենքերով ինչպես կարելի է դուրս գալ թշնամու դեմ: Այսպիսի մտածումները միանգամայն անհիմն են, գրում է նա: Նախ և առաջ՝ ոչ ոք չի արգելում ձրգտել ավելի կատարելագործված զենքեր ունենալու: Երկրորդ՝ մեր նպատակն է ինքնապաշտպանություն հարևան ժողովուրդներից, որոնք գտնվում են նույնպիսի պայմանների մեջ, ինչ որ մենք - այսինքն՝ նրանք էլ չպիտի կարողանան

¹ Դուժան, Նախագգի ..., էջ 33-34:

զինվել բացառապես կատարելագործված զենքերով: Եվ երրորդ՝ գրեթե ո՛չ մի առավելություն չի ներկայացնում կատարելագործված զենքը մեր ժողովրդի ձեռքում:

Կատարելագործված հրացանն ունի գլխավորապես երեք առավելություն - անծուխ է, ավելի արագածիգ է և խփում է շատ հեռու: Բայց այդ հատկությունները նշանակություն ունեն միայն ռազմապես կրթված զորաբանակների համար: Մինչդեռ մեր ժողովուրդը դրա անհրաժեշտ կարիքը չունի, քանի որ նա անվարժ է արագածգութեան ու կանոնավոր համազարկերի արհեստին: Մյուս կողմից էլ, նա հիմնականում առիթ է ունենալու ընդհարվելու մոտիկ տարածություն վրա¹:

Ընդհանուր գծերով այսպիսին է Նիկոլ Դուժանի՝ մեծ Հայրենասերի, ինքնապաշտպանական կոփանքի տաղանդավոր կազմակերպչի ռազմագիտական աշխատության բովանդակությունը: Նրա հրահանգները միանգամայն բավարարում էին Հայ ժողովրդի ազգային ազատագրական պայքարի մարտիկների պահանջները:

Նիկոլ Դուժանի «Նախագգի ժողովրդական ինքնապաշտպանության» գրքուկը համարձակորեն կարելի է դնել ժամանակաշրջանի լավագույն զինվորական կանոնագրքերի կոլեկցիոն:

*
* * *

Անդրանիկի և Դուժանի զինվորական հրահանգները գրվել են Թուրքահայաստանից դուրս, մեկը՝ Ժնևում, մյուսը՝ Բաքվում:

Պատմաբաններին երկար ժամանակ հայտնի չէր՝ արդյո՞ք զինվորական հրահանգներ գրելու փորձեր արվել են բուն Երկրում: Միայն այն բանից հետո, երբ լույս տեսավ «Նյութեր Հ.Յ.Դաշնակցութեան պատմութեան համար» փաստաթղթերի ու նյութերի բազմահատոր ժողովածուի Դ հատորը, պարզ դարձավ, որ Հ.Յ.Դ. չորրորդ ընդհանուր ժողովի (1907թ.) թղթածրարներում պահպանվել է զինվորական-մարտական բնույթի երկու ձեռագիր-

¹ Դուժան, Նախագգի ..., էջ 35-36:

Ի շարս Ներսես Աշտարակեցու ռազմական գրավոր կանոնների Անդրանիկի մարտական հրահանգների և Դուժանի ժողովրդական ինքնապաշտպանության նախագգի. հետագայում ավելացան Նժդեհի՝ Բալկանյան պատերազմի օրերին գրած զինվորական կանոնները, իսկ ավելի ուշ՝ 1918թ. Թիֆլիսում լույս տեսնող Հայ զինվորական խորհրդի օրգան «Ռազմիկ» թերթի ռազմագիտական մշակումները: Նույն թվականին Թիֆլիսում և Երևանում լույս տեսան մի շարք թարգմանական ռազմագիտական գրքուկներ: 1919 և 1920թթ. Թիֆլիսից Երևան տեղափոխված «Ռազմիկ» թերթի խմբագրությունը և Հայաստանի Հանրապետության բանակի գլխավոր շտաբը համատեղ մշակեցին և հրատարակեցին նոր գրքուկներ: Այդ ամենով կայացավ ու ճոխացավ Հայ ազգային ռազմագիտական գրականությունը:

գրութիւն (էջ 33-38), որոնք թվական կամ որևէ մակագրութիւն չեն կրում: Դրանցից առաջինը վերնագրված է՝ «Ո՞վ կարող է լինել զինուոր» և գրված է փոքր չափի թղթի վրա՝ 10,5 էջ: Շարադրանքի նպատակը և ոճը հուշում են, որ այն ստեղծվել է Երկրում: Մյուս ձեռագիր գրութիւնը վերնագրված է «Մարտական դաստիարակութիւն»¹, որի բովանդակութիւնից կարելի է ենթադրել, որ այն նախատեսված է եղել ռազմական ծավալուն գործողութիւնների, Հետևապես՝ զինվորական համեմատաբար մեծ խմբավորումների (հարյուրակից ոչ պակաս) համար:

Մենք չգիտենք, թե ո՞վ կամ ովքե՞ր են այդ գրութիւնների հեղինակը կամ հեղինակները, արդո՞ք այդ զինվորական կանոնագրերն ունեցել են գործնական նշանակութիւն, երբևիցե պե՞տք են եկել զինվորական վարժութիւններ կազմակերպելու ժամանակ: Այնուամենայնիվ, եթե դրանք նույնիսկ մնացել են լուկ իբրև գրութիւններ և գործնական նշանակութիւն չեն ունեցել, միևնույն է, կարևոր են հայ ռազմագիտական մտքի զարգացման ընթացքն ու սուսմասիբելու համար:

«Ո՞վ կարող է լինել զինուոր» կանոնագիրը, որ նախատեսված էր դաշնակցական զինվորի համար, բաղկացած է չորս հատվածներից և 65 հոդվածից՝

Վեց հոդվածից բաղկացած առաջին հատվածը վերնագրված է՝ «Ո՞վ կարող է լինել զինուոր»: Պատասխանն այս է. զինվոր կարող է լինել նա, ով՝ 1) որոշել է անձը գոհաբերել հայրենիքի համար, 2) ունի «մաքուր զգացմունք, ընկերական բնավորութիւն և անպայման ենթարկվելու տրամադրութիւն», 3) առողջակազմ է և տարիքը տատանվում է 20-50-ի միջև, 4) որից տնտեսապես կախում չունի իր ընտանիքը, 5) ծառայութեան անցնելու առաջին իսկ օրից ապրում է կազմակերպութեան ծախսով, իսկ նրա ընտանիքը որևէ նրպաստ չի ստանում, 6) երբ զինվորը թողնում է ծառայութիւնը, իր հետ բերած զենքը և դրամները մնում են կազմակերպութեան սեփականութիւն:

Երկրորդ բաժնում (31 հոդվ.) խոսք է գնում դաշնակցական զինվորի պարտականութիւնների մասին: «Ամեն մի դաշնակցական զինուոր պարտավոր է հավատարմութեամբ ծառայել Դաշնակցութեան Դրոշին և Հայրենիքի ազատագրման գործին» - գրված է այս բաժնի առաջին հոդվածում: Զինվորը պարտավոր է անտրտունջ և անձնվիրաբար կատարել իր հրամանատարի բոլոր հրամանները: Եթե նա անհատապես զգում է, որ տված հրամանները սխալ են, միևնույն է, պիտի կատարի՝ պատասխանատվութիւնը թողնելով հրամայողի վրա (հոդվ. 2): Զինվորները, իբրև մի գաղափարի ծառայող մարդիկ, պարտավոր են ընկերաբար վարվել միմյանց հետ, վտանգի ժամանակ ընկերոջն ազատելու համար չխնայել կյանքը (հոդվ. 4): Ամեն մի զինվոր պարտավոր է իմանալ, որ իր սխալ քայլերով անպատվութիւն կբերի ոչ միայն

իրեն, այլև իր տասնյակին, տասնապետին, խմբին ու խմբապետին (հոդվ. 5): Զինվորի համար ամենակարևոր իրը հրացանն է, որը պարտավոր է պահել մաքուր, խնամքով, առանց տասնապետի հրամանի կամ նրա գիտութեան՝ չփոխել մասերը: Զենքը երբեք չպետք է ընկնի թշնամու ձեռքը: Միայն վերջին հուսահատական ռոպեին, երբ զինվորը հույս չունի ապրելու և ընկերներն անկարող կլինեն ընկած զինվորից վերցնել զենքը, մահացող զինվորի վերջին սրբազան պարտքն է՝ ոչնչացնել զենքը՝ այն թշնամու ձեռքը չտալու համար (հոդվ. 7,8): Առանց տասնապետի կամ խմբապետի թույլտվութեան՝ զինվորը իրավունք չունի բաժանվել իր խմբից, ճանապարհին ծխել, ջուր խմելու համար խմբից հեռանալ, հանգիստ ժամանակ գլուղերում կամ դիրքերում փոխել իր տեղը (հոդվ. 9,10,11,12): Ամեն զինվոր որոշակի ժամերի պարտավոր է պահակութիւն անել, պահակութեան ժամանակ չքնել, ուշիմ հսկել զենքերը, թե՛ ընկերների և թե՛ թշնամու ճանապարհները, վտանգի ժամանակ անմիջապես իմաց տալ խմբապետին (հոդվ. 13, 14,15): Ամեն զինվոր պարտավոր է պլուզում իրեն պահել համեստ, վայելուչ, իր անձնական օրինակով բարձրացնել Հեղափոխականի պատիվը: Նա պետք է բավարարվի համեստ հյուրասիրութեամբ, որ կարող է անել համեստ ընտանիքը: Զինվորն իրավունք չունի պլուզերում ինքնազուլս ժողովրդին ներկայացնել դրամի պահանջ, խառնվել պլուզի գործերին և կուսակցական խնդիրներին, առանց տասնապետի հրամանի հարաբերութիւն ունենալ պլուզացիների հետ կամ խուզարկութիւն կատարել (հոդվ. 17,18,19,20,21): Զինվորը պարտավոր է լինել վերին աստիճանի գաղտնապահ, բարեկամներին, ընկերներին և ազգականներին նամակ գրել խմբապետի գիտութեամբ և սրա կարգալուց ու թույլտվութիւն տալուց հետո ուղարկել հասցեատիրոջը (22,23 հոդվածներ): Ամեն տասնյակ պետք է ունենա իր դրոշակակիր զինվորը, խմբի ամենաարիասիրտը, որը պետք է ամենայն անձնվիրութեամբ պաշտպանի այն՝ հիշելով, որ թշնամու ձեռքը դրոշակի անցնելը կամ ոչնչացումը խմբի բարոյական պարտութիւնն է (28,29,30 հոդվածներ): Քանի որ առանց տասնապետի և նրա օգնականի տասնյակը կմնա առանց ղեկավարի և անխուսափելիորեն կոչնչանա, ուստի ամեն մի զինվոր պարտավոր է կյանքի գնով պահպանել իր տասնապետին և օգնականին (հոդվ. 31):

Զինվորի պարտականութիւնների մասին հատվածին Հետևում է նրա իրավունքներին վերաբերող հատվածը, որոնք ձևակերպված են ընդամենը երկու հոդվածի մեջ, այն է՝ 1) Զինվորն իր անմիջական կարիքների և հիվանդութեան մասին իր տասնապետի միջոցով հայտնում է խմբապետին, 2) Իրեն հասցրած վիրավորանքների և պատահած թյուրիմացութիւնների մասին նույնպես զինվորը խմբապետին հայտնում է տասնապետի միջոցով:

Վերջին հատվածը, որը բաղկացած է 26 հոդվածից, հատկացված է տասնապետին և նրա իրավունքներին: Տասնապետը նշանակվում է կոմիտեի կողմից՝ զինվորներից ամենափորձվածին, ձեռներեցին և խելացիին: Նա պարտա-

¹ Տե՛ս «Նյութեր...», հատ. Դ, էջ 33-38:

² «Ո՞վ կարող է լինել զինուոր» կանոնագրի ամեն մի հատված սկսվում է հոդված 1-ից:

վոր է աչալըթությամբ հսկել իր տասնյակի բարոյականը, կարգ ու կանոնը և այդ ամենի համար պատասխանատու է կոմիտեի առջև: Պարտավոր է նաև հավասար աչքով նայել տասնյակի բոլոր գինվորներին: Տասնապետը չպետք է գինվորներին հայտնի դարձնի կոմիտեում իրեն հայտնած գաղտնիքները, իսկ տասնյակին ուղղված հրահանգները պարտավոր է նույնությամբ հաղորդել իր գինվորներին (Հոդվ. 1,2,3,4,5): Տասնապետը իրեն պիտի համարի գինվորների եղբայրը, հարթի անհամաձայնությունները նրանց միջև, հետևի, որ նրանք խնամքով վարվեն զենքի հետ, չդիմեն ինքնագլուխ գործողությունների, հսկի, որ փամփուռները անխնա չպարպեն (Հոդվ. 6,7,8,12): Կուլից հետո տասնապետը պետք է իր տասնյակի վառած փամփուռների, փչացած զենքերի ցուցակը իր ստորագրությամբ ներկայացնի խմբապետին (Հոդվ. 22): Եթե տասնապետը նշանակվում է կոմիտեի կողմից, ապա տասնապետի օգնականը ընտրվում է խմբապետի կողմից՝ տասնյակի համաձայնությամբ: Տասնապետի ներկայությունը ժամանակ օգնականը սովորական գինվորի դեր է կատարում: Տասնապետի հեռանալու, վիրավորվելու կամ զոհվելու դեպքում օգնականը ստանձնում է նրա դերը և իրավունքները (Հոդվ. 24,25,26):

*
* *

Հ.Յ.Դ. չորրորդ ընդհանուր ժողովի թղթածրարներում պահված գինվորական մյուս հրահանգը, ինչպես ասվեց, կրում է «Մարտական դաստիարակություն» վերնագիրը: Արխիվային այդ ձեռագիրը, որը պահպանվել է 14 մեծադիր էջերի վրա, ներկայացնում է ավելի ընդարձակ ամբողջության մի մասը և սկսվում է 114 հոդվածից: Հրահանգ-կանոնագրի վերջին հոդվածը 232-ն է: Ձեռագրի վրա չկա ո՛չ թվական և ո՛չ էլ բացատրական որևէ մակագրություն: Ձինվորական այս հրահանգը հավանաբար նախատեսված է եղել տակտիկական գինավարություններ անցկացնող հրամանատարների և հրահանգիչների համար:

Փաստաթուղթը բացատրում է, թե պաշտպանության ժամանակ ինչպես պետք է դիրք բռնել, ցրիվ կազմ (չղթա) ստեղծել հարմար տեղում, կրակ տեղալ շղթայից, պահպանել օպտիմալ հեռավորություն թշնամու դիրքերից (Հոդվ. 120): Հրահանգված է, թե պաշտպանական կուլի ժամանակ երբ պետք է հատ-հատ կրակել, երբ՝ դանդաղ և արագ, թե թշնամու հեծելազորի վրա քանի քայլ հեռավորությունից կարելի է կրակ բանալ (մինչև 500 քայլ) և հետևակի վրա՝ քանի (600 քայլ), իսկ մինչև 1400 քայլ՝ կրակ կարելի է բացել միայն թշնամու խմբված ուժերի վրա (Հոդվ. 124): Փաստաթղթում ուշադրություն է նվիրված, թե թշնամու հարձակման ժամանակ ինչպես պետք է չափել նրա հեռավորությունը և ըստ այդմ բացել հրացանային հատ-հատ կամ արագ կրակ (Հոդվ. 125): Թշնամու հարձակման դեպքում կարևոր է արագ լցնել

հրացանը, նշան վերցնել, նշան ուղղել, ճիշտ ընտրել առանձնապես աչքի ընկնող նպատակակետերը (Հոդվ. 126,127, 131): Նշված է, որ դիրքային կուլում գինվորներին պետք է կանգնեցնել մի հարմար պատճենի մոտ, որտեղ յուրաքանչյուր ոք ամենից առաջ պետք է հարմար տեղ գտնի հրացանաձգության համար: Այդ տեղը, որքան կարելի է, պետք է ծածկված լինի թշնամու գնդակներից: Եթե նոր բռնած տեղից թշնամին չի երևում, պետք է տեղափոխվել մի ուրիշ տեղ, որ ունենա գնդակ գցելու լավ ասպարեզ (Հոդվ. 136, 137):

Հարձակման ժամանակ գինվորները պետք է ուշադրություն դարձնեն այն բանի վրա, թե ինչ է անում թշնամին: Երբ հարձակվողը մոտենում է ամենավերջին դիրքին, կարելի է հրացան արձակել, որից հետո, կապուկներով կրակ բացելով, գրոհ տալ, միաժամանակ նախապատրաստվել սվինամարտի (Հոդվ. 142):

Նահանջի ժամանակ մահացու է խուճապը: Շղթան պետք է նահանջ կատարի սովորական քայլերով, կանգ առնի հարմար դիրքերում և կրակ բացի համազարկերով կամ հատ-հատ (Հոդվ. 143):

Այնուհետև փաստաթղթում հրահանգավորված է, թե ինչպես պետք է հարյուրակի մասերից շղթա կազմել (Հոդվ. 204-211), ինչպես շղթան խտացնել կամ երկարացնել՝ համաձայն հարյուրապետի հրամանի, ինչպես ղեկավարել շղթան (Հոդվ. 204-227), ինչպես փոխել շղթայի ուղղությունը կամ այն խմբել (Հոդվ. 228-229): 202-232 հոդվածներով հրահանգավորված է, թե ինչպիսին պետք է լինի ռազմական կարգը առանձին գործող հարյուրակի, որը գործում է շղթայից դուրս:

*
* *

Ինչպես տեսնում ենք, նշված ռազմական չորս հրահանգները ստեղծվել են Հ.Յ.դաշնակցության շրջանակներում, և դա պատահական չէ, քանզի ուսումնասիրվող ժամանակահատվածում, ինչպես արդեն ասվել է, այդ մարտական կազմակերպությունն էր հայ ժողովրդի ազատագրական պայքարի հիմնական ղեկավար ուժը:

Արդյո՞ք հայ ազգային-հեղափոխական մյուս կուսակցության՝ Հնչակի շրջանակներում ևս ստեղծվել է գինվորական որևէ հրահանգ-կանոնագիր: Հնարավոր է, որ ստեղծված լինի, բայց մենք չենք հանդիպել Հնչակյան հրատարակություններում:

Հ Ա Մ Մ Ք Ժ Ո Ղ Ո Վ Ի Դ Դ Ա Կ Ա Ն Բ Ա Ն Ա Կ

Հայկական քաղաքական շրջաններում աշխույժ քննարկվում էր այն հարցը, թե տեսանելի ապագայում արևմտահայությունը ինչպե՞ս պետք է կազմա-

կերպի իր պաշտպանությունը. արդյո՞ք Հայաստանում հայերը ունենալու են կանոնավոր գինավորական կազմավորումներ, թե՞ պայքարը շարունակվելու է գինված հայդուկային մանր խմբերի միջոցով: Այդ հարցը բնավ Հռետորական չէր, քանի որ արդեն 20-րդ դարասկզբին հայ ազատագրական շարժման ղեկավար գործիչների մոտ շրջանառվում էր Թուրքահայաստանում սեփական բանակ ստեղծելու անհրաժեշտության մասին Արմենակ Ղազարյանի (Հրայր) արտահայտած միտքը: Ազատագրական շարժման այդ խոշորագույն գործիչ իղձն էր՝ որքան հնարավոր է շուտ հրաժարվել կռվի հայդուկային մարտավարությունից և գինական խնդիրը դարձնել ողջ հայության սրբազան գործը:

Որքան էլ տարօրինակ է, այդ միտքն առաջին անգամ ծագել է եվրոպացի հայասերների մեջ՝ առավել ցայտուն արտահայտվելով իտալացի Ամիլյար Զիպրիանոյի՝ 1895-1896թթ. Թուրքիայում տեղի ունեցած հայկական ջարդերի մասին հոդվածում: Նախատինքի խոսքերով դիմելով հայերին՝ նա ասում էր, որ այդ ջարդերի մեղքն ընկնում է նաև նրանց վրա այն իմաստով, որ նրանք ունակ չեղան զենքով խափանելու սուլթան Համիդի հայասպան ծրագիրը: Զիպրիանոն շեշտում էր, որ եթե սպանված 300 հազար հայերից, ասենք, 100 հազարը զենք ունենար և կռվով պաշտպաններ իրեն, ապա հիմա ժողովուրդը փրկված կլիներ բռնապետության ճիրաններից: Թուրքը հայի արյունով դեռ չի կշտացել, զգուշացնում էր նա, ուստի հայության ղեկավար քաղաքական ուժերը պետք է առանց ժամանակ կորցնելու ձեռնարկեն ժողովրդական ամենալայն գանգվածներին գինելու և նրանց զենքին վարժեցնելու գործին: Հայասերի խոսքերի իմաստն այն էր, որ Թուրքահայությունը պետք է ունենա սեփական կանոնավոր գինված ուժեր՝ բանակի տեսքով:

Ճիշտ է, Սասունի ապստամբությունից հետո էլ Թուրքահայերը մերթ այստեղ, մերթ այնտեղ ըմբոստանալով զենքի էին դիմում ու կռվի մեջ մտնում Թուրք կառավարական պաշտոնյաների կամ քուրդ ավազակների հետ՝ պաշտպանվելու համար նրանց բռնություններից: Բայց այդ ըմբոստությունները պատահական երևույթներ էին ու մնում էին ամփոփված ավելի մասնավոր, անհատական պոթևիզմի սահմաններում և երբեք չէին ընդհանրանում:

Սակայն բանակի գաղափարը հայկական աջ գործիչների, եկեղեցականների, օտար երկրներում ապրող հայ վաճառականների շրջանում հանդիպում էր ուժգին դիմադրության: Տարածվում էր այն տեսակետը, թե չպետք է ազատագրական կռիվ մղել Թուրք պետության դեմ, որ այդ պետությունը, միևնույն է, անխուսափելիորեն կործանվելու է հզոր պետությունների՝ Յրանսիայի, Անգլիայի, Ռուսաստանի հարվածներից, և այն ժամանակ հայությունը հնարավորություն կունենա առանց զենք գնելու և կրելու, առանց արյուն թափելու ազգային ազատություն ստանալ:

Բուստոնում ապրող մի մեծահարուստ հայի՝ 1903թ. արած հետևյալ խորհրդածությունը մեզ է փոխանցել հնչակյան ղեկավար գործիչ Սապահ-Գյուլյանը.

«Ես զարմանում եմ, որ շատ լեզուներ գիտցող, համալսարանավարտ, ուսման և խելքի տեր մարդիկ էլ յեղափոխական են դառնում. մարդ որքան տղգետ լինելու է՝ չը հասկանալու համար, որ Թուրքիան անպատճառ պիտի կործանվի, քանի որ ո՛չ եվրոպացիները, ո՛չ էլ ամերիկացիները նրան հանգիստ պիտի թողնեն և թոյլ տան, որ այն դրախտանման երկիրը մինակ ինքը վայելէ: Արդ, այն օրը, երբ Թուրքիան՝ եվրոպական այս կամ այն պետության իշխանութեան տակ կանցնի, մենք հայերս, այնուհետև ազատ, խաղաղ, երջանիկ, ապահով կեանք կարող ենք վարել: Ասել է թե՛ մեզ հայերիս ո՛չ յեղափոխություն է պետք, ո՛չ գենք, ո՛չ էլ ապստամբություն ու կռիվ. այլ մեր գործը պիտի լինի՝ աչքաբացություն անել, հարստություն հավաքել, որ տանենք, երթանք մեր երկիրը՝ վայելենք, երբ արդեն եվրոպացիները՝ անգլիացիները, ֆրանսիացիները կամ ուսները մտած, ազատած և երկիրը տիրած կը լինեն. խելքը հայը այդպես պիտի անի, ուրիշ ոչինչ. յեղափոխական ճանապարհը՝ դրա համար վնասակար է և մեզ թե՛ կսպառն և թե՛ ավելորդ տեղը աշխատեցրած, յոգնեցրած, ջլատած կը լինի»¹:

Մշտական կանոնավոր ազատագրական բանակ ունենալու համար ազգը ամենից առաջ պետք է ունենար նյութական հսկայական զոհողությունների հնարավորություն, մի բան, որ, ցավոք, չուներ: Թուրքերի և քրդերի տևական հարստահարումներն արևմտահայությունը հասցրել էին տնտեսական ծայրահեղ աղքատության դուռը: Իսկ կանոնավոր և լավ գինված ազատագրական բանակը նախ և առաջ ենթադրում էր վիթխարի ֆինանսական և նյութական միջոցների առկայություն:

Ուստի մշտական, առավել ևս՝ կանոնավոր գործ ունենալու բաղձանքը, որ փայտայում էին հայ հեղափոխականները, իրական հիմք չուներ:

Հայ քաղաքական միտքը բանակի հարցում կարծես հրաժարվում էր և՛ կանոնավոր մշտական բանակի, և՛ հայդուկային խմբերի տարբերակներից՝ գնալով հակվելով համաժողովրդական բանակ ստեղծելու մտքին:

Արևմտյան գաղափարներին խիստ ընկալունակ հայ քաղաքական միտքը անդրադարձնում էր եվրոպայում նույն խնդրի շուրջ ծավալված տեսակետները: Եվրոպական, հատկապես սոցիալիստական, միտքը բազմակողմանիորեն մշակելով ու զարգացնելով համաժողովրդական բանակի գաղափարը՝ այն հակադրում էր տերությունների, այդ թվում՝ օսմանյան կայսրության, վիթխարածավալ կանոնավոր բանակներին, որոնք գինված էին տեխնիկայի վերջին խոսքով և խժուռ էին ազգային եկամտի հսկայական մասը: Այդ բանակները ստեղծվել էին ոչ թե բացառապես երկրի պաշտպանության նպատակով, այլ գերազանցապես, մի կողմից, ագրեսիայի և իմպերիալիստական զավթումների, մյուս կողմից, երկրի ներքին կարգը զենքի ուժով պահպանելու, ժողովրդական հուզումները և ազգային ազատագրական շարժումները ճնշելու համար:

¹ Սապահ-Գիւլյան, Պատասխանատուները, Փրավոտես, 1916թ., էջ 44-45:

Եվրոպայի ազատական-առավար և սոցիալիստական կուսակցությունները հանդես էին գալիս պետությունների բանակների զինաթափման պահանջով, զինաթափում, որ, ի զարմանա քաղաքակիրթ աշխարհի, առաջինը 1899 թվականին պաշտոնապես առաջ էր քաշել ռուսական հզոր պետության ինքնակալ Նիկոլայ II -ը, և այն դարձել էր լայն քննարկման հարց դիվանագիտական ոլորտներում, հանդեսների և լրագրերի էջերում, գիտական գրականություն մեջ: Դնելով կանոնավոր բանակների զինաթափման պահանջը, սոցիալիստները, սակայն, չէին դնում ազգային զինաթափման հարցը: Ավելին, նրանք գտնում էին, որ ժողովուրդները պետք է զինվեն, որովհետև անզեն ժողովուրդն ազատ ժողովուրդ լինել չի կարող, որ անզեն ժողովուրդը լուր խաղալիք է բռնակալների ձեռքին:

Սպառազեն դեմոսի շվեյցարական օրինակը խանդավառում էր համաժողովրդական բանակի գաղափարը փայփայող եվրոպական առաջադեմ գործիչների երևակայությունը: Բոլոր շվեյցարացիները մարզվում էին ռազմական ճամբարներում, բոլորն էլ զինվորներ էին՝ պատրաստ պաշտպանելու հայրենիքը, բայց ոչ երբեք զավթողական կռիվ մղելու: Նվազ բնակչություն ունեցող Շվեյցարիան անհրաժեշտ պահին կարող էր մարտի դաշտ հանել մինչև 200 հազար զինվոր:

Համաժողովրդական բանակի օգտին եվրոպայում ծավալված պրոպագանդան լայնորեն արձագանքվում էր հայկական իրականության մեջ: Գաղափարը ջերմ պաշտպաններ ուներ հայ քաղաքական շրջաններում, հատկապես ս.գ. հնչակյան և Հ.Յ. դաշնակցության կուսակցությունների վերին մարմիններում:

«Համաժողովրդական բանակն է միակ փրկության խարիսխը, - գրում էր Միքայել Վարանդյանը: - Զինված ու մարզված ժողովուրդն է միայն, որ կարող է ընդմիջում ապահովել իր ազատությունը, թուճք կանգնելով բռնակալական և ամեն տեսակ հետադիմական դավերի հանդեպ: Երբ ամբողջ ժողովուրդը, նրա բոլոր առնական ուժերը գիտեն զենքի գործածության եղանակը, գիտեն կռվելու լավագույն արվեստը - ոչ մի միապետ կամ կամայական, ոչ մի զինվորական կամ ավատական ուժ, ոչ մի բռնավոր, հակաժողովրդական կատա ու դասակարգ չի կարող հարստեղ իր տիրապետությունը, անգամ միլիոնավոր վարձկան ու այլ զինվորների աջակցությամբ»¹:

Բայց բանն այն է, որ Հայաստանը Շվեյցարիա չէր, և հայերի հարևանները եվրոպացիներ չէին: Բացի այդ, համաժողովրդական բանակ ստեղծելը, այսինքն՝ ողջ արևմտահայությունը զինելը, պահանջում էր նաև ֆինանսական ու նյութական հսկայական միջոցներ, համառ ու երկարատև աշխատանք: Այն պայմանավորված էր օսմանյան կայսրության ներքաղաքական իրադրությունների և միջազգային հարաբերությունների հետագա զարգացումով, հայթուրք և հայ-բուրգ հակասությունների արդի և գալիք օրերի վիճակով: Եվ

հենց այդ պատճառով այն առայժմ մնում էր լուր իբրև ցանկալի գաղափար:

Իսկ արևմտահայությունը շարունակում էր տվյալի թուրք-քրդական գեհնում: Ժամանակը թանկ էր, այն չէր սպասում: Գալիքի համաժողովրդական բանակը չէր, որ այսօր բռնադատումից պիտի պաշտպաներ իր դժբախտ ազգին: Ժողովրդին պետք չէին անիրական տեսական հաստատումներ, նրան կենդանի գործ էր պետք: Իրական, այլ ոչ թե թղթային օգնություն հարստահարվող ժողովրդի պաշտպան մարտիկներին:

Հ Ա Յ Զ Ի Ն Վ Ո Ր Ա Կ Ա Ն Դ Գ Ր Ո Յ Ը Բ ՈՒ Լ Ղ Ա Ր Ի Ա Յ ՈՒ Մ

Իր պետականության կորստից հետո հայ ժողովուրդը երկար դարեր հնարավորություն չէր ունեցել պատրաստելու սեփական զինվորական կազմեր:

Ազատագրական շարժման գործիչները բազմիցս մտավախություն էին հայտնում, թե հայկական լեռնաշխարհում համընդհանուր ապստամբություն բռնկվելու դեպքում զինվորական ղեկավար ուժերի պակասի պատճառով ապստամբական ուժերի համար կարող է ստեղծվել խիստ ծանր կացություն: Թեև շարժման մեջ գործում էր ֆիդայապետների մի ընտիր համաստեղություն, բայց նրանք ընդհանուր ապստամբության պարագային հազիվ թե կարողանային ղեկավարել մեծաթիվ զինված զանգվածներ:

Այդպիսի մտավախություն ուներ հատկապես դաշնակցության ղեկավարությունը: Բայց ինչպես Թուրքիայում, այնպես էլ Ռուսաստանում անհնար էր որևէ ձևով ձեռնարկել զինվորական կազմերի պատրաստում: Միակ վայրը, ուր 1901 թվականից սկսած այդ ուղղությամբ որոշ աշխատանքներ էին տարվել, Բուլղարիան էր:

Զինվորական հրամանատարական ազգային կազմերի պատրաստումը օրաօրեցի դարձավ Սասունի ապստամբության պարտությունից հետո: «Սըրտանց կը փափաքեի, - ասում էր Անդրանիկը, - որ օր մը, և այն մտավոր ապագայի մեջ, գիտապես, մասնագիտական կրթութեամբ օժտուած երիտասարդներ յաջողոթին մեզի և ավելի յաջողութեամբ, ավելի ձեռնահասութեամբ վարեին մարտական բանակը»²:

Մի այլ առիթով Անդրանիկն այսպես է հիմնավորել զինվորական կազմերի պատրաստման անհրաժեշտությունը. «Երկիր գնացած զինուորներից 90%-ը զենքի վարժ եղած չեն. շատերը նրանցից նոյնիսկ չեն գիտցեր հրացանի «գատվոր»՝ հանել ու տեղը դնել: Կրակելիս բնավ չեն ուզեցել հետևել՝ որ կողմն է գնում գնդակը: Այս տեսակետից Զինուորական դպրոցը կարևոր էր մեզ համար»²:

¹ Անդրանիկ, Մարտական հրահանգներ, էջ 46:

² Ռուսերեն՝ «գատվոր» - փակաղակ:

² «Նյութեր...», հատ. Գ, էջ 60:

¹ Մ. Վարանդյան, Համաժողովրդական բանակ, Թեհրան, «Ալիք» տպարան, էջ 24:

Բուլղարական իշխանությունների գիտությունների հայկական զինված խմբերը երկրի զանազան վայրերում հրաձգության փորձեր էին անում: Օրինակ՝ այդպիսի մի խումբ 20 - 25 մասնակիցներով Մազմանյանի և Ներուզի դեկավարությունները մարզում էր Պրովդիվի Բունարջիկ բլրի անտառում:

Կառավարության բարձր պաշտոնյաները, անձամբ Ֆերդինանդ թագավորը և վարչապետ Ռոդոսլավովը, չտեսնելու էին տալիս իրենց երկրում Հայ Հեղափոխականների զինական աշխատանքները, իսկ առանձին դեպքերում Հնարավոր միջոցներով օժանդակում էին նրանց: Բուլղարիայում Հայերը նաև Հնարավորություն ունեին պատրաստել զենքեր, փամփուշտներ, ոււմբեր. մայրաքաղաք Սոֆիայի մոտ՝ Վիտոշ լեռան ստորոտում, ինչպես արդեն ասվել է, կատարում էին ոււմբի փորձարկումներ: Մակեդոնական Հեղափոխականների աջակցությամբ Հնարավոր էր եղել մի քանի Հայ մտավորական երիտասարդների ընդունել տալ Սոֆիայի Կնյաժևո արվարձանում գտնվող պետական զինվորական վարժարանը: Այդտեղ էր սովորում նաև Գարեգին Նժդեհը:

Բայց կատարվածը գոհացուցիչ չէր, և կյանքը թելադրում էր անպայման ունենալ սեփական ոչ մեծ զինվորական դպրոց, որտեղ պատրաստվեին Հայ սպաներ, ինչպես նաև մասնագետներ, որոնք սովորեին պատրաստել պայթուցիկ նյութեր և ձեռնառուներ: Նման դպրոցի Հիմնական խնդիրն էր լինելու Հոուստ զինվորական ուժեր Հասցնել Տաճկահայաստանի Հեղափոխության Համար:

Դպրոցը կարող էր կյանքի կոչվել դարձյալ Բուլղարիայում, ուրիշ ոչ մի տեղ: Դպրոցն այնտեղ բացելու միտքը հղացել էր Ռոստոմը:

Ձինվորական դպրոց ունենալը կապված էր լուրջ բարդությունների հետ: Անհրաժեշտ էր ստանալ բուլղարական իշխանությունների Համաձայնությունը, առանց որի զուր կլինեին Հետագա ջանքերը: Այդ նպատակով Հ.Յ. դաշնակցության Սոֆիայի կոմիտեն դիմում է կառավարական մարմիններին՝ թույլտվություն ստանալու խնդրանքով: Գործը գլուխ բերելու Համար Սոֆիա է գալիս Ռոստոմը: Այստեղ մակեդոնական Հեղափոխության դեկավարները կազմակերպում են նրա տեսակցություններն իշխանությունների ներկայացուցիչների հետ:

Երբ Անդրանիկը 1905թ. մարտին ժնկից եկավ Բուլղարիա և տեղեկացավ դպրոցի գաղափարին, անմիջապես Հավանություն տվեց: Չէ՞ որ նրան էին պատկանում Հետևյալ խոսքերը. «Ամեն օր երևան եկած դեպքերն ու անոնց յայտնությունը մեզի բացարձակորեն կը սովորցնեն, թե Հայը ըլլա Տաճկաստան, ըլլա Կովկաս, Պարսկաստան կամ ուրիշ տեղ, իր կեանքը պահպանելու մէկ միջոց մը միայն ունի, մէկ պաշտպան մը, այն ալ միայն գէնքն ու գինավարժությունն է: Մարդ ոչ հերոս, ոչ ալ կուռուղ կը ծնի. գէնքն է որ մարդուն կուռելու ընդունակություն կու տայ և դիմադրութեան ոգի կը ստեղծէ անոր մէջ. անոնք, որ կը սպասեն՝ թէ մեր նօր սերունդները առանց գէնքի ընտելանալու, առանց զինավարժութեամբ պարապելու վաղը կուռուղներ պիտի

դառնան՝ տղայական միամտութիւն է որ կը յայտնեն, ուրիշ ոչինչ: Այդ կերպով՝ եթէ դարեր ալ սպասեք, նորէն երկչոտներ, ստրուկներ պիտի մնանք և նորեն մեր կեանքն ու պատիվը պիտի ըլլայ օտարի ձեռքին խաղալիք»¹:

Չնայած արդեն պարզ էր, որ զինվորական դպրոցը հիմնվելու է Բուլղարիայում, բայց թե կոնկրետ որտեղ, ինչպիսի ծրագրով ու բյուջեով՝ Հայտնի չէր: Ուստի պահանջվում էր, նախ, լուրջ աշխատանք կատարել ծրագիր կազմելու Համար, դրամական Հաշվարկներ անել, որոշել, թե դպրոց ունենալու դեպքում որքան ունկնդիր կարելի կլինի պահել և այլն:

1906թ. ապրիլին տեղի ունեցած Հ.Յ.Դ. բալկանյան շրջանային ժողովը առաջարկեց խիստ սահմանափակ ծրագիր և բյուջե՝ 12 ունկնդրի Համար²: Բալկանի կ.կոմիտեն այդ օրերին Եվրոպայից Սոֆիա եկած դաշնակցական ակտիվ գործիչ Ռաշիդին առաջարկեց կազմել դպրոցի ծրագիրը և ստանձնել վերատեսչի պարտականությունը:

Ռոստոմի հետ մակեդոնական ազատագրական շարժման առաջնորդ Մարաֆովի ունեցած զրույցի ընթացքում վերջինս առաջարկում է սեփական դպրոց բացելու փոխարեն 20 Հոգու իր միջնորդությամբ ընդունել տալ Սոֆիայի պետական դպրոց և 400 Հայ երիտասարդի ծառայության վերցնել բուլղարական բանակում, որպես Հասարակ զինվոր: Ռոստոմը տալիս է Համաձայնություն և անձնական Հայեցողությամբ ու իր լիազորությամբ Երվանդին՝ անմիջապես ուղարկում է Կովկաս՝ բարձրագույն և միջնակարգ կրթությամբ մարդիկ Սոֆիա բերելու Համար: Բայց կովկասահայ երիտասարդներից ոչ ոք ցանկություն չի Հայտնում սովորել բուլղարական դպրոցում՝ պատճառաբանելով, որ, չիմանալով լեզուն, ոչինչ չեն կարող սովորել, հետո՝ որ դպրոցում ուսուցանում են առարկաներ, որոնք չեն Համապատասխանում Հայկական կյանքին: Ինչ վերաբերում է բուլղարական բանակում 400 Հայ երիտասարդների շարքային ծառայության վերցնելուն, ապա դա Հ.Յ.Դ. բալկանյան կազմակերպության Համար Հսկայական բեռ կլինեի, քանի որ Հայ զինվորների վրա կատարվելիք ծախսերը (սնունդ, ռազմավարականների և զորանոցի վարձ) իր վրա պետք է վերցնեի Հայկական կողմը:

Մի շարք խորհրդակցություններից հետո վճիռ ընդունվեց բանալ Հ.Յ.Դ. սեփական դպրոց:

Սակայն Հ.Յ.Դ. բալկանյան կոմիտեն չգիտեր, թե խնդրին ինչ վերաբերմունք ցույց կտա բուլղար կառավարությունը: Այդ իսկ պատճառով Անդրանիկը Հանձն է առնում շփոթման Հաստատել կառավարական կարևոր անձնավորությունների հետ: Սկզբում նա տեսակցում է մի բարձրաստիճան զինվոր

¹ Անդրանիկ, Մարտական Հրահանգներ, էջ 79:

² «Նյութեր...», Հատ. Գ, էջ 60:

³ Ռաշիդի իսկական անուն-ազգանունը անՀայտ մնաց, նա Հանդես էր գալիս Նիկոլա Պանև ծածկանունով և Հայտնի է, որ ավարտել էր Սոֆիայի Կնյաժևոյի զինվորական դպրոցը:

⁴ Չհաջողվեց պարզել ով լինելը:

րականի Հետ, որը «նույնիսկ իշխանի անունից խոսելով, մի տեսակ թարգման էր Հանդիսանում բուլղար քաղաքական շրջանների տրամադրութեան դեպի տաճիկ կառավարությունը»¹: Այդ պաշտոնյան ոչ միայն ոչինչ չունեցավ գին-վորական դպրոց բանալու դեմ, այլև խոստացավ այս կամ այն աջակցությունը ցույց տալ: Միաժամանակ նա պայման դրեց՝ բուլղար-թուրքական պատերազմի դեպքում հայերը պետք է ապստամբություն բարձրացնեն Հայաստանում:

Անդրանիկը ոչ մեկի կողմից երաշխավորված չէր այդ անսպասելի պահանջին դրական կամ բացասական պատասխան տալու, բայց պաշտոնյային հիշեցրեց, որ հայ և բուլղար ժողովուրդների պատմական բախտը նրանց մերձեցրել, բարեկամներ է դարձրել, իսկ բարեկամները, բնականաբար, պետք է միմյանց օգնության ձեռք մեկնեն:

Դպրոցի Հարցով Անդրանիկը Հանդիպումներ ունեցավ նաև գինվորական նախարարության աշխատակիցների և մակեդոնացի ընկերների Հետ², բացատրություններ տվեց նախատեսվելիք ձեռնարկի մասին, շեշտեց խնդրի կարևորությունը:

Բուլղար բարձրաստիճան պաշտոնյաների Հետ ունեցած Հանդիպումների և նրանցից ստացած տպավորությունների մասին Անդրանիկը գրավոր հաղորդեց Ժնև, Հ.Յ.Դ. արևելյան բյուրո՝ Ուաշատուր Մալումյանին: Վերջինս ձեռնարկին սկզբունքորեն Համակրանք Հայտնեց, բայց միաժամանակ կասկածներ ունեցավ երաշխիքների մասին, ասելով, որ եթե դեպքերի բերումով բուլղար գինվորական մինիստրության անձնակազմը փոփոխության ենթարկվի, ապա Հնարավոր է, որ փոխվի նաև կառավարության քաղաքականությունը Թուրքիայի նկատմամբ՝ վտանգի տակ դնելով գինվորական դպրոցի գոյությունը: Ուստի նա Անդրանիկին խորհուրդ է տալիս «գործը տանել զգուշութեամբ»³:

Բայց ինչպես երևում է, Անդրանիկը առանձին կարևորություն չի տվել Մալումյանի կասկածին, համոզված, որ բուլղար այն պաշտոնյաները, որոնց Հետ ինքը հանդիպել է, լավ տեղյակ են կառավարական բարձր շրջաններում տիրող Հակաթուրքական ձգտումներին:

Վերջապես Հնարավոր եղավ ձեռք բերել բուլղարական կառավարության բանավոր արտոնությունը՝ դպրոցը բացել գինվորական նախարարության տնօրինության ներքո: Հաստատության ընդհանուր ղեկավարությունը իրականացնելու էր Հ.Յ.Դ. բալկանյան կ. կոմիտեն՝ Ստեփան և Թագավոր Ուինկյանների միջոցով⁴: Դպրոցը նախատեսվում էր 50 ուսանողի Համար, որոնց ուսուցումը կազմակերպվելու էր Բուլղարիայի Սպայից Վարժարանի Հատուկ ծրագրով: Դասընթացները տեղի էին 10 ամիս: Մինչև 1907 թվականի

¹ «Նյութեր...», հատ. Գ, էջ 60:
² Նույն տեղում, հատ. Դ, էջ 132:
³ Նույն տեղում, հատ. Գ, էջ 60:
⁴ ՎՂ ԳԿԳԱ, ֆ. 3, ք. 13, թ. 87:

Հունիս ամիսը անցկացվելու էին տեսական պարապմունքներ, այնուհետև լեռներում սկսվելու էին գործնական պարապմունքներ՝ գինավարժություններ, որոնք տեղի էին մինչև սեպտեմբեր ամիսը:

Բուլղար կառավարությունն իր երկրում օտար Հաստատության ստեղծման Համաձայնություն տվեց միայն այն պայմանով, որ ձեռնարկը խիստ գաղտնի պահվի թուրքական իշխանություններից: Դպրոցի մասին չպիտի իմանային նաև օտար երկրների Հետախուզությունները: Ավելին, այն գաղտնի պիտի մնար նաև բուլղար Հասարակությունից, մամուլի օրգաններից: Տեղացիների ուշադրությունը չգրավելու Համար կառավարությունը արտոնեց, որ դպրոցի ուսանողությունը կրի բուլղարական բանակի գինվորական Համազգեստը: Միաժամանակ պայմանավորվածություն ձեռք բերվեց, որ եթե պատերազմ ծագի Բուլղարիայի և Թուրքիայի միջև, ապա հայերը, պարտավորված չլինելով ապստամբություն բարձրացնել Հայաստանում, այնուամենայնիվ, Հնարավորության սահմաններում աջակից կլինեն բուլղարներին:

Երկար բանակցություններից հետո բուլղարական կողմը Համաձայնեց նաև մինչև դպրոցի բացումը 400 հայ երիտասարդներ ընդունել բուլղար բանակի շարքերը՝ նրանց ճրիաբար զենքի խնամքին ու գործածությունը վարժեցնելու Համար: Դրանից զատ, կառավարությունից արտոնություն ձեռք բերվեց բուլղար սպաների պետական վարժարանում դարձյալ ճրիաբար կրթել 20 հայ երիտասարդի:

Գինվորական դպրոցի ստեղծումը պահանջում էր ֆինանսական խոշոր միջոցներ: Առաջին նախահաշիվով 50 սովորողներից յուրաքանչյուրի վրա ամսական ծախսվելու էր 100 ֆրանկ, Հետևապես 10 ամսում ամբողջ ծախսերը կազմելու էին 50 հազար ֆրանկ: Արտակարգ ծախսերն ի հարկին զատ գումար էին կազմելու:

Սկզբնական շրջանում գումարները Հայթայթվում էին Բուլղարիայի տարբեր քաղաքների Հ.Յ.Դ. կազմակերպություններից: Բայց բալկանյան շրջանը իր Համեմատաբար սահմանափակ միջոցներով մենակ չէր կարող Հոգալ ծախսերը: Ուստի սիրահոծար ընդունելով բալկանյան կ.կոմիտեի առաջարկը՝ Հ.Յ.Դ. Ամերիկայի կ. կոմիտեն Հատկացրեց նախատեսված գումարի մեծ մասը, որն այն ժամանակվա կուրսով կազմում էր մոտ 200 հազար լև: Այսպիսով, ընդհանուր գումարի 48 հազար ֆրանկը Հոգացել էին Բալկանի և Ամերիկայի կոմիտեները: Հ.Յ.Դ. արևմտյան բյուրոն խոստացել էր զգալի գումար տրամադրել, բայց կարողացել էր Հատկացնել միայն 2 հազար ֆրանկ¹: Ինչ վերաբերում է արևելյան բյուրոյին, ապա նա ձեռնարկին ընդհանրապես չմասնակցեց ո՛չ նյութական և ո՛չ էլ բարոյական օժանդակությամբ:

Դպրոցի բյուլեն տնօրինելու Համար ստեղծվեց երեք Հոգուց բաղկացած խառն Հանձնախումբ, որի մեջ մտան Անդրանիկը, Բալկանի կ.կոմիտեի ներ-

¹ «Նյութեր...», հատ. Դ, էջ 133:

կայացուցիչ Ալաջաջյանը և Ամերիկայի Կ. Կոմիտեի ներկայացուցիչ Զելալյանը (Հայկ Արմեն): Անդրանիկը նաև Հանձն առավ և ձեռք բերեց անհրաժեշտ թվով հրացաններ՝ վարժական պարապմունքների համար, և ուրիշ ռազմական առարկաներ:

1906թ. օգոստոս ամսից Կովկասից սկսեցին Բուլղարիա գալ Հայ երիտասարդներ: Ֆիլիպեում (Պլովդիվ) Հավաքվեց մոտ 15 հոգի, որոնց մտավոր պատրաստությունը ստուգելուց Հետո Ռուստոմն առաջարկեց նորից մարդ ուղարկել Թիֆլիս՝ ավելի խելահաս տղաներ բերելու համար, բայց առաջարկը մնաց անկատար:

Ֆիլիպեի դաշնակցական ընկերները Կովկասից եկածներին քննության ենթարկելուց Հետո նրանց ներկայացրին անհեթեթ պահանջ՝ ստորագրություն տալ, որ գինվորական դպրոցն ավարտելուց Հետո չպիտի թողնեն Հեղափոխական գործը: «Մենք մուրհակով հեղափոխական լինել չենք ուզում» ասելով՝ երիտասարդները բողոք են բարձրացնում և, երկու օր չանցած, «քիչ թե շատ օգտակար տղաները վերադառնում են Կովկաս՝ տգեղ վարմունքի պատկերը գամուած իրենց կրծքին»¹:

Վերջապես բոլոր նախապատրաստական աշխատանքներից Հետո Դուբնիցայի շրջանում, Ռեյա լեռան վրա, համանուն պատմական վանքի կալվածքներից մեկում 1906թ. նոյեմբերին բացվեց Հայ գինվորական դպրոցը:

Սովորողներից 10 հոգի եկել էր Բալկանյան երկրներից և նույնքան՝ Ամերիկայից: Նախատեսված էր Կովկասից ընդունել 20 հոգու, բայց եկել էին 4-ը և , այդպիսով, դպրոցն իր պարապմունքներն սկսեց՝ ունենալով 24 ունկնդիր, որոնցից շատերը գրեկ-կարգալ չգիտեին²:

Սկզբնական շրջանում դպրոցի ամբողջ կազմակերպական գործը ծանրացած էր միայն սպա Ռաչիդի վրա: Դեկտեմբերի 5-ին եկավ սպա Պողոս Պողոսյանը, որը բուլղարական բանակի կապիտան էր: Նրա Հետ նույն օրը տեղ հասան ևս երեք երիտասարդ, և դպրոցի ունկնդիրների թիվը հասավ 27-ի: Կապիտանը միակ դասախոսը և գինավարժություններ անցկացնողն էր: Կազմվեց դպրոցի ուսումնական մարմին, որի մեջ մտան Ռաչիդը և Պողոսյանը: Քանի որ վերջինս դժվարանում էր Հայերեն դասավանդել, ուսումնական գործընթացում ծագում էին զգալի դժվարություններ: Ուստի անհրաժեշտություն առաջացավ դասավանդման գործի մեջ ներգրավել նաև Ռաչիդին և Սոֆիայի Կնյաժևոյի գինվորական դպրոցն ավարտած ենթասպա Գարեգին Նժդեհին: Ռաչիդը ստանձնեց նաև դպրոցի տնօրենի և գլխավոր մարզչի պաշտոնը: Նշանակվեցին Հերթապահներ՝ ցերեկվա և գիշերվա, սեղանատան-խոհանոցի ժամապահներ և այլն:

¹ «Հայրենիք», N 7 (389), հուլիս, 1958, էջ 68:

² Դրա փոխարեն կովկասյան մարմինները Ֆիլիպե էին ուղարկել 7-8 երիտասարդ՝ տեղի արհեստանոցներից մեկում ուղեքն պատրաստել սովորելու համար:

³ «Հայրենիք», N 7 (389), հուլիս, 1958, էջ 68:

Դպրոց ընդունվածների Հետ նախնական զրույցներից Հետո ուսումնական մարմինը նրանց բաժանեց երեք խմբի. պարապմունքներն անցկացվում էին հատուկ ծրագրով: Մի խմբում պատրաստում էին խմբապետեր, Կրկրորդում խմբապետի օգնականներ, երրորդում՝ վարժ ու վստահելի գինվորներ:

Երիտասարդները ութի վրա էին առավոտյան ժամը 5-ին: Մինչև ժամը 12-ը պաշտոնական դասեր էին, 12-14-ը՝ ազատ էր, 2-5-ը անցկացվում էին գինավարժություններ: Ստուգման փողը Հնչում էր 8 1/2-ին, որից Հետո գինվորներն ազատ էին:

Ունկնդիրներն անցնում էին Հետևյալ առարկաները՝ Հետախուզություն՝ 10 դաս, գինվորական Հետախուզություն՝ 10, վիրաբուժություն՝ 10, ստրատեգիա՝ 25, ազմինիստրացիա՝ 15, տակտիկա՝ 80, դաշտային ծառայություն՝ 25, ներքին ծառայություն՝ 10, զորաբաժնային ծառայություն՝ 70, հրետանի՝ 80, խրամատաշինություն՝ 40, գինվորական պատմություն՝ 20, աշխարհագրություն՝ 20, Հայոց պատմություն՝ 15, հեղափոխության պատմություն՝ 30, գինվորական շրջանի կազմակերպում 25, պայթուցիկ նյութեր՝ 50, մանկավարժություն՝ 5, հրացանաձգություն՝ 30, երկրաչափություն՝ 30, գրիմ 10, գինվորական կարգապահություն՝ 20 դաս:

Ռեյայի դպրոցի գործունեությունը մտել էր արդյունավետ հուն, ուստի բալկանյան կ.կոմիտեն նպատակահարմար գտավ ավելացնել ունկնդիրների թիվը: Դպրոց եկան Թուրքահայաստանից (որոնցից ոմանք արդեն եղել էին ֆիդայական խմբերի շարքերում), Եգիպտոսից, Ռուսաստանից և այլ տեղերից: Ժամանակի ընթացքում նրանց թիվը հասավ 80-ի³:

Մեկ երկու ամիս անց պարզվեց, որ բյուջեում եղած 50 հազար Ֆրանկը խիստ անբավարար է. այդ գումարի մեծ մասը մինչև 1907-ի սկիզբն արդեն ծախսվել էր: Նոր հաշվարկները ցույց տվեցին, որ մինչև ձեռնարկի ավարտը և վկայված երիտասարդներին որոշված տեղերը ճամփեղը պահանջվելու է ևս նույնքան կամ դրանից մի քիչ պակաս գումար:

¹ «Հայրենիք», N 7 (389), հուլիս, 1958, էջ 68:

Դրական արդյունքները և արևիվային նյութերը մեզ են հասցրել Հայ գինվորական դպրոցի ունկնդիրների մեծ մասի անունները. Պետրոս Թադևոսյան, Արմենակ Առաքելյան, Տիգրան Շաղաղյան, Պողոս Երիցյան, Վաղարշակ Բայանթարյան, Կարո Այվազյան, Թադևոս ժամկոչյան, Հայկ Ռուբինյան, Պետրոս Սիրունյան, Արիստակես Հովհաննիսյան, Գրիգոր Նահապետյան, Արմենակ Տեր-Գասպարյան, Մաքսուդ Փաշայան, Խնչո Ջոհրայան, Միհրան Բոչայան, Հակոբ Հովհաննիսյան, Օննիկ Լազարյան, Արտաշես Սուլյան, Մարտիրոս Ստեփանյան, Խնչո Փանոսյան, Թարթան Մելիքյան, Գրիգոր Մինասյան, Հովհաննես Ավետիսյան, Խորեն Սերովյան, Երվանդ Հովհաննիսյան, Արտաշես Փափազյան, Գուրգեն Թորոսյան, Արմենակ Խան Աղամյան, Կարապետ Եղուրդյան, Գևորգ Կիրակոսյան, Հայկ Կոտիկյան, Լևոն Կարապետյան, Մարգար Նիգամյան, Մուշեղ Սերովյան, Հրաչյա Սեղոսյան, Մլրտիչ Հարությունյան, Նազարեթ Գույումճյան, Հայկ Միլիվանյան, Զարեհ Մանսուֆյան, Միսաք Տեր-Մելիքեթյան, Եսայի Հովհաննիսյան, Ալեքսանդր Դու մանյան, Կիրակոս Սարգսյան, Մլրտիչ Մադիկյան, Շահեն Լազարյան, Մլրտիչ Թոնյան, Աստվածատուր Սարգսյան, Վարժապետ Մարտիրոս, Մչեցի Հարո, Վարդենիսի Հասրաթ, Մատթեոս, Հայրիկ...

Դրամական անմիջական և ստիպողական պետքը Բալկանի կոմիտեին Հարկադրեց Հարց բարձրացնել Հ.Յ.Դ. առաջիկա ընդհանուր ժողովի առջև, որ պետքի արևմտյան և արևելյան բյուրոնները որոշ պարտավորության տակ դրավեն՝ մնացած ծախքերն իրենց վրա վերցնելու համար: Այդ պահանջը բնական էր, քանզի դպրոցում պատրաստվող կադրերը դրավելու էին ընդհանուր ժողովի տրամադրության տակ և անառարկելիորեն պիտի ենթարկվեին նրա նշանակումներին:

Արդեն 1906-ի վերջերին Հ.Յ.Դ. Բալկանի կոմիտեն համոզվել էր, որ դպրոցի տեղը սխալ է ընտրված: Այդ մասին նախապես նախագրուշացրել էին մակեդոնացի հեղափոխական գործիչները: Նախ, Դուբնիցայի շրջանը գտնվում էր Հայերի մեծ բարեկամ Բորիս Սարաֆովի հակառակորդ Սանդանսկու գլխավորած կազմակերպության ազդեցության տակ, երկրորդ, որ առավել անցանկալի էր, Ռելա վանքը գտնվում էր թուրքական սահմանից ոչ հեռու:

Չնայած գինվորական դպրոցը գաղտնի պահելու վերաբերյալ ձեռնարկվում էին Հարկ եղած միջոցներ, բայց թուրքական հետախուզությունն ի վերջո պարզեց նրա գոյությունը: Սոֆիայի թուրք դիվանագիտական ներկայացուցիչն իր կառավարության անունից ազդու ծանուցագիր ներկայացրեց բուլղարական կառավարությանը և կտրականապես պահանջեց փակել դպրոցը:

Դպրոցի գոյությունը դուրս չէր մնացել նաև ռուսական հետախուզության տեսադաշտից:

Բալկաններում ռուսական գործակալությունը վարող Օդեսայի պահպանողական բաժանմունքի պետը գեկուցագրով իր վերադասին հայտնում էր, որ Հայկական դպրոցում գինվորական կրթություն ստացող երիտասարդները «պատրաստ են դառնալու ապստամբական հրոսակախմբերի և չեստաների՝ ղեկավարները»¹:

Ռուսական իշխանությունները նույնպես հնարավոր միջոցներով փորձում էին խափանել դպրոցի աշխատանքները, դիվանագիտական խողովակներով ճնշում էին գործադրում բուլղարական իշխանության վրա, պահանջում փակել այն:

Թեոդոսիոսում ռուսական փոխհյուպատոս Պետրովը 1907 թվականի Հունվարի 29-ին, իր շեֆին՝ Սոֆիայում ռուսական դեսպանորդին հայտնում էր, որ ինքը բուլղարական իշխանություններին հղել է բազմաթիվ բողոքներ, սակայն նրանք չեն արձագանքել և արգելքներ չեն հարուցում Հայկական ռազմական դպրոցի գործունեության առջև, ավելին, համառորեն ժխտում են, որ դպրոցը գործում է Հայկական հեղափոխական կոմիտեի ենթակայության տակ: Նա նշում էր, որ Հայկական դպրոցի ոգեշնչողներն առաջվա պես Հանդիսանում են Ստեփան և Թազվոր Նինկյանները, որոնք հակառակ տեղի իշխանությունների հավաստիացումներին, մասնակցում են Հ.Յ.դաշնակցության գաղտնի

¹ Բալկաններում այդպես էին անվանում պարտիզանական ջոկատները:
¹ ՎՀ ԳԿԳԱ, ֆ. 3, գ. 13, թ. 13:

կոմիտեի աշխատանքներին, ստանում նրա հովանավորությունը: Փոխհյուպատոսը նշում էր, որ ռազմական դպրոցը գաղտնի կոմիտեի կարևոր կենտրոնատեղի է շատ առումներով. մասնավորապես այստեղ շարվում են հեղափոխականների օրգան «Ռազմիկ» թերթի էջերը, որի տպագրությունն իրականացվում է տեղի Հայկական տպարաններից մեկում: Դպրոցում Հայերը կազմակերպել են սեփական ձուլարան՝ տառեր ձուլելու համար¹:

Այնուհետև փոխհյուպատոսը շեշտում էր, որ Բուլղարիայում թուրքիայի դեմ Հայերի ծավալած գործունեությունն ըստ էության ուղղված է նաև ռուսական շահերի դեմ, ուստի նա շեֆին առաջարկում էր ուժեղացնել ճնշումը բուլղարական կառավարության վրա, որպեսզի սա արգելի Հայկական գաղտնի կոմիտեի գործունեությունը և անհապաղ փակի գինվորական դպրոցը:

Բուլղարական իշխանությունները ձգձգում էին Հարցը, նույնիսկ ստիպված դիմում էին «դպրոցը փակելու» իմիտացիայի՝ կատարելով խուզարկություններ: Ըստ որում, դպրոցի ղեկավարները նախապես հրահանգ էին ստանում կտուրների վրա և ներքնահարկերում թաքցնել ամեն կասկածելի բան: Խուզարկություններից մեկի ժամանակ ոստիկանությունը նույնիսկ կեղծ ձեռքակալություններ կատարեց: 1907թ. փետրվարի 26-ին ունկնդիրներից 34 հոգի հեռացան մոտակա անտառը, իսկ 10-15 հոգի մնացին սենյակներում՝ իբրև «մակեդոնական հեղափոխականներ»: Սրանք ձեռքակալվեցին և ուղարկվեցին Դուբնիցա, բայց երկու-երեք օր հետո ազատվելով վերադարձան դպրոց, միայն թե թուրք կառավարությանը ցույց տրվեր, որ գնացին և ձեռքակալվեցին ...

Ի վերջո բուլղար կառավարությունը տեղի տվեց թուրքական և ռուսական ճնշումների առջև: Մարտի 24-ին բուլղարական բանակի հրամանատարությունից հեռագիր ստացվեց, որով պահանջվում էր փակել դպրոցը և անմիջապես հեռանալ: «Ուրեմն բուլղար կառավարությունը մեզ վճռում է, երևի մոռանալով իր ժողովրդի կրած երեկվա տանջանքները»², - ասում էր կապիտան Պ. Պողոսյանը:

Կառավարությունը, սակայն, ոչ թե փակեց դպրոցը, այլ կարգադրեց տեղափոխել թուրքական սահմանից հեռու գտնվող Ռոդոմետի շրջանի Փելովա վանքը: Մարտի 27-ին, չորս սայլ և ութ ձի իրեր բարձած, սկսվեց տեղափոխությունը: Բեռները նոր վայր հասան ապրիլի 9-ին³:

Հաջորդ օրը Փելովա եկավ Հայերի մեծ բարեկամ Սարաֆովը՝ տեսնելու դպրոցի պայմանները: Երբ ունկնդիրներից մեկը բողոքեց, թե կառավարու-

¹ ՎՀ ԳԿԳԱ, ֆ. 3, գ. 13, թ. 88: Փոխհյուպատոսի գեկուցագրից երևում է, որ նա ճշգրիտ տեղեկությունն չի ունեցել դպրոցի գտնվելու վայրի մասին և այն չփոթել է Ֆիլիպի ռումբեր պատրաստող գաղտնի արհեստանոցի հետ, որտեղ, իրոք, մի կարճ ժամանակով կազմակերպված էր «Ռազմիկ» թերթի համար տառեր ձուլելու գործը:
² «Հայրենիք», N 7 (389), Հուլիս, 1958, էջ 70:
³ Նույն տեղում, էջ 71:

թյունը Հայածուռ է Հայ Հեղափոխականներին, նա պատասխանեց. «Կառավարությունը որևէ մեղք չունի. նա երբեք չի Հայածել ձեզ և չի Հայածելու: Ամբողջ մեղքը ձերնոցն է: Ես դեռ անցյալ սեպտեմբերին մատնացույց արեցի այս վայրը, ուր Հիմա դուք գտնվում եք, բայց ձերնոք չհավանեցին և ընտրեցին մի այնպիսի վայր, ուր դեռ Հունիսին ձյուն է լինում: Մի՞թե այստեղ կառավարությունը մեղք ունի»¹:

Ռեյա վանքի կալվածքում մնացին դպրոցի գույքի Հիմնական մասը, ինչպես նաև սաների Համար ամբարած սննդամթերքի պաշարները: Ռաշիդը, որ 1906թ. նոյեմբեր-1907թ. մարտ վարել էր դպրոցի տնօրենի և գլխավոր մարզչի պաշտոնը Ռեյայում, բանակցությունների մեջ մտնելով մակեդոնական շարժման աջ թևի ղեկավարներից Վանչո Միահիրովի Հետ, ամբողջ գույքը և սննդամթերքը վաճառում է նրան և անհետանում: Թեև Հ.Յ.Դ. Սոֆիայի կազմակերպությունը վճիռ կայացրեց ահաբեկել ծանր զեղծում կատարած խարդախին² բայց բոլոր փնտրումներն իզուր անցան:

Մոտ 10 ամսվա Համար նախատեսված Ռեյայի Հայ զինվորական դպրոցը, ևս երկու ամիս մի կերպ շարունակելով իր գոյությունը Փելոպա վանքում, փակվեց քաղաքական աննպաստ պայմանների հարկադրանքի տակ:

Իր կարճատև գոյության ընթացքում դպրոցը մեծ դեր ունեցավ՝ տալով շատ անհրաժեշտ զինվորական կադրեր: Այնտեղ պատրաստված տասնյակ հրամանատարներ ուղարկվեցին Անդրկովկաս և Արևմտահայաստան:

Հ.Յ.Դ. բալկանյան կ.կոմիտեի 1907 թվականի Հունվար-օգոստոս կիսամյա Համառոտ տեղեկագրի մեջ ասված է, որ, չնայած առանձին թերություններին, «Վարժարանի արդյունքը գոհացուցիչ եղավ: Աշակերտ-ընկերները զինուորական վարժութեանց, նշանառութեանց և տեսական ու գործնական դասերու մեջ այնքան յաջողություն ցույց տուած են, որ նոյնիսկ արժանացած են բարձրատիճան զինուորականներու Հիացման»:

1907 թվականի մայիսի վերջին տեղի ունեցած բալկանյան կ.կոմիտեի նիստում որոշում ընդունվեց Հունիսի 15-ից Հուլիսի 1-ը ընկած ժամանակահատվածում դպրոցի շրջանավարտների մոտ կեսին ուղարկել նշանակված տեղերը: Իրանց մեծ մասը օգոստոսին արդեն մեկնել էր Հեղափոխական աշխատանքի:

¹ «Հայրենիք», N 7 (389), Հուլիս, 1958, էջ 71:

² Դպրոցի սաներից մեկը՝ Մատթեոսը, իր հուշերում ժխտել է այն մեղադրանքը, որ ներկայացվել էր Ռաշիդին: Նա այսպես է հիշել իր գրույցը կապիտան Պողոսյանի Հետ 1906թ. փետրվարի 24-ին. «Թասերից յետոյ, երբ պ. Պողոսյանի Հետ առանձնացանք սենեակում, նա ասաց ինձ, որ Ռոստոմը եւ Անդրանիկը որոշել են ոչ միայն դպրոցից վճռել Ռաշիդին, այլև խստի պատժել նրան: Հարցին, թե խիստ ի՞նչ է պատճառը, ի՞նչ մի գաղտնիք կա Պողոսյանը պատասխանեց. թե Հավանաբար դպրոցից նամակներ են գնացել նրանց: «Ջանքւմ, մի՞թէ այդքան թեթեամիտ են թէ՛ Ռոստոմը եւ թէ՛ Անդրանիկը, որ այդ Հիման վրայ մի այդպիսի քայլ անեն: Դա անկարելի բան է»» («Հայրենիք», N 7(389), Հուլիս, 1958, էջ 69):

² ՎՀ ՊԿՊԱ, ֆ. 3, գ. 13, թ. 19:

Հ Ա Յ Բ Ա Ղ Ա Բ Ա Կ Ա Ն Ո Ւ Ժ Ե Ր Ի Մ Ի Ա Ս Ն Ո Ւ Թ Յ Ա Ն Կ Ո Ջ Ո Վ

Հայ ազգային գործիչներից շատերի միտքը զբաղված էր ժողովրդի միասնության խնդրով: Նրանք անբնական էին Համարում մահու և կենաց ազատագրական պայքարի ելած Հայության ներսում Հակոտնյա քաղաքական ուժերի բախումները, Համազգային վճռորոշ Հարցերի շուրջ անհամաձայնությունները, միշտ ինքնատիպ երևալու և մյուսներից անպայման շատ տարբերվելու մարմաջը, միմյանց նկատմամբ անհանդուրժողականությունը:

Օրինակ՝ Անդրանիկը գտնում էր, որ ազգի Համար բախտորոշ ժամանակաշրջանում ազգային այս կամ այն կուսակցության պատկանելը և կուսակցական մոլեռանդությունը տարբեր բաներ են, որ մոլի կուսակցությունը չի բխում Հայ ժողովրդի ազգային շահերից: Հայ մարդու Համար ուղեցույց պետք է լինի ոչ թե այս կամ այն կուսակցության գաղափարախոսությունը, այլ պիտի մշակվի ազգային գաղափարների Համակարգ՝ խարսխված Համազգային խնդիրների ըմբռնման վրա, և որը ունակ լինի առաջադրելու դրանց լուծման գործուն միջոցներ: Մրակ ճշմարիտը ազգայինն է, մնացյալը ածանցյալ է, ներմուծված ու արհեստականորեն պատվաստված: Նա վճռականապես դեմ էր բոլոր այն շարժումներին, ինչ ուղղության էլ դրանք Հետևեին, եթե Հակադրվում էին Հայ ազգային-հեղափոխական շարժումներին, Հետևապես՝ տկարացնում Հայության դիմադրական կորովը:

Հայ ազգային քաղաքական ուժերի Համախմբման մտահոգությամբ Անդրանիկը Պրովոկիվում հրատարակվող «Ռազմիկ» թերթի 1906 թվականի սեպտեմբերի 20-ի թվով (N 93) հրապարակած «Բոլոր Հայ յեղափոխական զինուորներուն» վերնագրով շատ ուշագրավ Հորվածում թուրքական բռնակալության դեմ ազգային ազատագրական պայքարի միասնական ճակատ ստեղծելու կոչ էր անում:

Անդրանիկը գրում էր. «Հայությունը մեկ է՝ ըլլա Կովկաս, թէ Տաճկաստան, և, Հետևապես, ազգային շահերնիս ալ մէկ: Ազգային վտանգը ուր որ ծայր տայ՝ ամէն Հայու պարտականութիւնն է փութալ դէպի վտանգը, ինչով, ինչ միջոցով որ կարող է»¹: Վտանգը, ցավոք, իրական է, և այն չոքած է մեր դռներին, նշում էր Անդրանիկը: Խոսքն այն մասին է, ասում էր նա, որ «դարերով ճնշուած ժողովուրդ մը, ինչպէս Հայը, փոխանակ զանազան բաժանուումներու ենթարկուելու և զանազան վարդապէտութիւններ քարոզելու կամ Հետևելու այս ու այն ընկերային փիլիսոփայութիւններուն, մէկ նշանաբան մը պէտք է գրէ իր դրոշին վրայ՝ վազել, սեղմուել այս դրոշակին տակ - այս է

¹ «Ռազմիկ» (Պրովոկիվ), 20 սեպտեմբերի 1906թ.:

այսօրուան պահանջը»¹: Անդրանիկը խորհուրդ էր տալիս զգուշանալ այն թերթերի պրոպագանդից, «որոնք մասնավոր ճիգ մը ունին մեր մտքերը պղտորելու», «խելք սովորեցնելու», այն դեպքում, երբ «կեանքի մէջ իսկապէս ոչ մէկ գործ ըրած ունին»²: «Ո՛ւր էին անոնք երեկ, - Հարց էր տալիս Անդրանիկը, - երբ Հայրենիքին լեռներէն ու ձորերէն մենք զէ՛նք, զէ՛նք աղերսեցիք, իսկ ո՛ւր էին այսօրուան խելոք քարոզիչները, երբ մենք փամփուշտ պոռագինք և անհավասար կռուին մէջ Հայ մարտիկը հուսահատութեան վայրկեաններ անցուց. ո՛ւր էին, ինչո՛ւ չի յուզեցին թմրած Հայերու հոգին, որ գան, թև ու թիկունք ըլլան կռուին դաշտին վրա տուչմանին դէմ կռուող Ֆեդայիին»³:

Անդրանիկը մեծագույն ամոթ էր համարում այն, որ գաղափարական հողի վրա Հայը սպանում է իր եղբայր Հային, Հնչակյանը՝ դաշնակցականին, դաշնակցականը՝ Հնչակյանին: «Ինչո՛ւ, ի՞նչ պատճառ կայ, - Հարցնում էր նա, - ատոնք ըլլան անհաստական կամ կուսակցական, երկու պարագային ալ եղբայրասպանութիւնը մեղադրելի է. ե՛տ կեցէք, զգուշացէ՛ք, քանի այդ վնասակար գործը լայն ծավալ առած չէ»⁴:

Այսօր էլ այժմեական և հրամայական են Հնչում Անդրանիկի Հետևյալ խոսքերը. «Զգուշացե՛ք, ընկերներ՛, ցո՛յց տուեք տուչմանին ու ամբողջ մարդկութեանը թէ՛ Հայ յեղափոխականը, ինչ կուսակցութեան ալ որ պատկանի, ... եղբայրասպանութիւնը մտքովը չի կրնար անցնիլ: Թշնամին թողու և ներքին մանր-մունը հաշիվներով զբաղուիլ, ոճի՛ր է, Հայրենիքի մահն է: Թողուցէ՛ք անձնական ինչ կիրք որ ունիք, ուշքի եկեք, աչքերնիդ անգամ մըն ալ դարձուցէ՛ք ավիրակ Հայրենիքին վրա»⁵:

Անդրանիկն ընդունում էր, որ վեճերն ու անհամաձայնութիւններն ամեն մի հասարակութեան մեջ, այդ թիւում նաև Հայերի միջև, անխուսափելի են, բնական: Բայց հայութիւնը մի ընտանիք է - այդ բանը պետք է լավ ըմբռնել, իսկ «ընտանեկան վեճերն ու խնդիրները կարելի է միշտ օրինաւոր ճամփով կարգադրել»⁶:

Անդրանիկը նշում էր, որ եթե հայկական հասարակութեան մեջ օտար գաղափարներն արդեն սկսել են ավերներ գործել և վնասել Հայութեան ազատագրական պայքարին, ապա Հայ զինվորները, Հայդուկները, որոնք մեր «ղըժբախտ երկրի հույսն ու ապավենն են», իրավունք չունեն Հետևելու այդ ընթացքին և օրինակ վերցնելու վատից, ապազգայինից: «Զինուորին, նոյնիսկ կ'ուզէ խմբապէտ ալ ըլլա անիկա, ինչ գործն է իյնալ լրագրական խօսքի լաբի-

¹ «Ռազմիկ» (Պլովդիվ), 20 սեպտեմբերի 1906թ.:

² Նույն տեղում:

³ Նույն տեղում:

⁴ Նույն տեղում:

⁵ Նույն տեղում:

⁶ Նույն տեղում:

րինթոսին մէջ. Ֆետայիին գործը պէտք է ըլլա իր զէնքն ու իր փամփուշտը և նպատակը՝ Հայրենիքին փրկութիւնը ... Յիշեցէ՛ք, որ դուք ժողովուրդին պաշտպանութեան համար է, որ զէնք վերցուցած եք, և նոյն այդ ժողովուրդին բարօրութեան համար է, որ մեր ընկերներէն Հարիւրներով Հերոսաբար ինկան, դուք ձեր բոլոր բարոյական ու նիւթական ուժը ժողովուրդէն կ'առնէք, դուք իւր որդիներն եք, ան ձեր մայրն է. Հարգեցէք և լավ վերաբերվեցե՛ք դեպի ժողովուրդը. ձեր մայրը մի նեղէք, անոր ցավերը շատ են, բավական են անոր իր նեղութիւնները»¹:

Իր ծանր մտորումները և արյունոտված սրտի թելադրանքը Անդրանիկը վերջացնում էր հետևյալ բաղձանքով.

«Իբրև վերջաբան՝ իմ կոչս է բոլոր յեղափոխական ընկերներուս, բոլոր Հայ ժողովրդին, կուսակցական ինչ դավանանքի ալ պատկանին - ժամանակ է որ սթափուիք, սեղմենք մեր շարքերը. ազատութեան գործը շատ դժուարին գործ մը դարձած է. մեծ ուժի կը կարոտի, ազգովին քով քովի գանք և այդ մեծ ուժը կազմենք. քաջութիւնը, դրամը, զէնքը չէ, որ կը պակսի մեզի, այլ կամքը. զորացնենք մեր կամքը և վստահ ըլլանք, որ կը փրկուինք»²:

Անդրանիկը հույս էր հայտնում, որ իր ձայնին կանսան Հայրենի երկրի պաշտպան անձնագոճ մարտիկները: «Կը յուսամ, թէ այս փոքրիկ կոչս արձագանք պիտի գտնէ իւրաքանչիւր Հայդուկի սրտին մէջ, ինչպէս նաև ամեն Հայ անհատի. կը յուսամ, թէ մէկ կողմ պիտի ընենք ամէն անձնական «ես»-ը ու թշուառ ժողովուրդի դատին վրա միայն պիտի դարձնենք մեր լուրջ ուշադրութիւնը»³:

Անդրանիկը չէր սխալվում. նրա զգայացունց կոչը լայն արձագանք գտավ իր զինակիցների սրտում, ճիշտ ընկալվեց բյուրավոր Հայերի կողմից թե՛ Երկրում, թե՛ ուսուսահայոց մեջ և թե՛ արտասահմանում:

ԶԳՈՒՇՈՐԵՆ ԳՈՐԾԵԼՈՒ ՀՐԱՄԱՅԱԿԱՆԸ

Չնայած Սասունի ապստամբութեան պարտութիւնից Հետո Հայ ժողովրդի կյանքը Թուրքիայում ուղղակի անտանելի էր, բայց Հայերը իրենց մեջ դեռ ուժ էին գտնում այս ու այնտեղ ըմբոստանալու բռնակալութեան դեմ:

Ժողովրդական ատելութիւնն այնքան զորեղ էր, որ Հեղափոխական կազմակերպութիւններին ոչ միշտ էր հաջողվում զսպել զանգվածների զայրույթը, որն ավերից դուրս էր գալիս և դառնում անկառավարելի:

1906թ. նոյեմբերի 1-ի թիվով Դուրան-Բարձրավանդակի կ-կոմիտեն Ռուբենի և Գեղամ Տեր-Կարապետյանի ստորագրութեամբ տեղեկագիր է ուղար-

¹ «Ռազմիկ» (Պլովդիվ), 20 սեպտեմբերի 1906թ.:

² Նույն տեղում:

³ Նույն տեղում:

կում Հ.Յ.Դ. ղեկավարությանը, որտեղ բերվում էին օրինակներ, թե ինչպես Սասունի ապստամբության պարտությունից և Սասունը քանդելուց հետո էլ այնտեղ եղած հայությունը շարունակում է դիմադրել բռնությունը: Փաստաթղթում ասվում էր.

«Ապագանքում 12 տուն է մնացել ընդամենը: Իշխանությունները նրանց ստիպում են վճարել Հին տուրքերը, բայց ժողովուրդը բան չունի տալու և ստիպված է լինում դուրս քշել հարկահաններին՝ մի քանիսի գլուխը ջարդելով: Այժմ 12 տունը հաշվվում են ասէ (ապստամբ: - Հ.Ս.): Կեղևեկուզանցիք ահա չորրորդ անգամն է փայտերով հարձակվում են գորանոցի վրա և դիմում 170 գինժորներին. սրանք վախենում են, կառավարությունը՝ զգուշանում լուրջ բարդություններից... Դաշտում աղաները և թասիղարները առանց մեր հրահանգի կորցվում են և այլն, և այլն»:

Տեղեկագրում ընդգծվում էր, որ 1904-ի ապստամբության անհաջողությունները «հեղափոխության վարկը չեն գցել, չեն հիասթափեցրել»: Ավելին, տեղեկագիրը դա համարում էր շատ բնական և բացատրում էր մի հիմնական պատճառով. «Ժողովուրդը չափից դուրս հավատում է հեղափոխությանը և դրանից է, որ դիտամբ կուրացնում է իր աչքերը և երևույթը միշտ նպաստավոր բացատրում իր հավատի առարկա հեղափոխական կազմակերպության համար: Դա ճիշտ այն երևույթն է, ինչպես մի կռապաշտ յուր կուտքին է վերագրում ամեն մի լավ կամ վատ երևույթ»¹:

Սակայն հեղափոխության առջև կանգնած խնդիրների բարդությունը հրամայաբար առաջ էր քաշում ավելի զգուշորեն գործելու, թշնամուն ավելորդ պատրվակներ չտալու պահանջը: Ամեն կերպ պետք էր խուսափել նոր գոհեր տալուց:

Գնալով հեղափոխականների մտքում խորանում էր ժողովրդի արյունը թանկ գնահատելու և ամեն կերպ խնայելու անհրաժեշտության մասին Հրայրի թողած պատգամը: Նույնիսկ Լեոնապարի կ.կոմիտեն և նրա առաջին ղեմքը՝ Իշխանը, սկսել էին լրջորեն խորհել պայքարի մարտավարության մեջ հարկ եղած փոփոխություններ մտցնելու մասին: Դրա վկայություններից էր Լեոնապարի կ.կոմիտեի՝ կուսակցության կենտրոնին ուղարկած տեղեկագրերից մեկում արտահայտած հետևյալ միտքը.

«Միանգամայն կարևոր և օգտակար է, որ մինչև գալիք ընդհանուր ժողովը (խոսքը Հ.Յ.Դ. չորրորդ ընդհանուր ժողովի մասին է: - Հ.Ս.) տեղի չունենա ոչ մի վայրում որևէ շարժում կամ ցույց»², մինչև որ այդ ժողովում կարելի լինի մի հայտարարի բերել Երկրի ընդհանուր գործունեության ընթացքը: Տեղեկագրում հույս էր հայտնվում, որ ժողովը հեղափոխական գործընթացից կհանի «աղմկայոյզ ու տենդոտ, ավելի շատ ցուցական, քան թե իրական, սխալ ըն-

թացքը» ու կներմուծի «լուրջ, խելացի մի նոր գործունեության տակտիկա»¹: Ապա՝ «Լավ չէ՞ր լինի մի որոշ փոփոխություն անել անցեալի արյունոտ փորձերից խրատուած»²:

Պետք է հայությունը քիչ թե շատ հնարավորություն ունենար շունչ առնելու, նվիրվելու առօրյա գործերին: Կյանքը պահանջ էր առաջադրում Երկրի ձայնը հասցնել կուսակցությունների վերին մարմիններին և առաջիկայում տեղի ունենալիք դաշնակցության հերթական ընդհանուր ժողովին ու հնչակյան կուսակցության պատգամավորական ժողովին:

1906թ. ամռանը Շամի և Լեոնապարի ղեկավար գործիչները Վանում հավաքվել էին համատեղ խորհրդակցության՝ քննարկելու ընդհանուր ժողովին պատգամավորներ ուղարկելու հարցը: Ձեկուցումով հանդես էր եկել Սարգիս Բարսեղյանը (Պողոս Օղաբաշյան), ապա ծավալվել էր մտքերի փոխանակություն: Ընդհանուր տրամադրությունն այն էր, որ կուսակցությունը պետք է վերադառնա նախկին գաղտնի գործելակերպին, գործունեության խոհեմ ու զգուշավոր ձևի: Խորհրդակցությունը տրամադրություն հանդես բերեց համազուտար ուղարկել գործիչների, որոնք քաջ ըմբռնում են պահի հրամայականը, այն է՝ հետագա պայքարին նախապատրաստվել համբերությամբ և տևականորեն, թշնամուն պատրվակներ չմատուցել զանգվածային նորանոր խժոժությունների համար: Որոշվեց, որ համազուտար գնացողներն իրենց ձայնը պետք է միացնեն այն պատգամավորների ձայներին, որոնք հանդես են գալու Թուրքահայաստանում կուսակցության ժամանակավորապես «հանդարտ» գործելու և ուժեր հավաքելու օգտին:

Վասպուրականից համազուտար պիտի գնային երեք հոգի՝ երկուսը Շամից, մյուսը՝ Լեոնապարից: Բոլորի հայացքն ուղղված էր Արամին: Նա էր ամենահարմարը որպես Շամի ներկայացուցիչ, ուստի միաձայն որոշվեց Վիեննա ուղարկել նրան և Շամի կ.կոմիտեի անդամ Համազասպ Բաղեջյանին (Սալման): Լեոնապարում մրցակից չունեի Իշխանը, որը նույնպես հակվել էր խոհեմաբար և զգուշորեն գործելու գաղափարին: Միաձայն պատգամավոր ընտրվեց նաև Իշխանը:

Անխուսափելիորեն բարձրացավ մյուս հարցը. Արամի բացակայության ժամանակ ո՞վ պետք է փոխարինի նրան: Դա չափազանց լուրջ խնդիր էր, քանի որ վիթխարի ծանրություն վերցրած Արամին փոխարինող մարդ ընկերները չէին տեսնում: Ուստի դրվեց Կոմսին հետ կանչելու հարցը. միայն նա կարող էր տանել այն գործը, որ նախկինում անում էր, և որին փոխարինել էր Արամը:

Կոմսին հրավիրելու կողմ արտահայտվեցին նաև կազմակերպությունից ներս նրա հակառակորդները՝ Տիգրանը, Իշխանը և մյուսները՝ դրանով իսկ ընդունելով նախկինում նրա նկատմամբ իրենց վերաբերմունքի անարդարացի

¹ «Նյութեր...», Հատ. Դ, էջ 55:

² Նույն տեղում, էջ 46:

¹ «Նյութեր...», Հատ. Դ, էջ 46:

² Նույն տեղում:

լինելը: Կոմսի նորից Երկիր մտնելու առաջարկն ընկերներն ընդունեցին առանց առարկություն: Նրանք Հաչվի էին առնում այն Հանգամանքը, որ Կոմսը արդեն տվել էր իր Համաձայնությունը, չնայած այն բանին, որ ինչպես թուրքական, այնպես էլ ռուսական զինվորական իշխանությունները էլ ավելի էին խստացրել սահմանների Հսկողությունը, և Կովկասից Երկիր մտնելը այժմ կապված էր մեծ վտանգների Հետ:

Կոմսը Վանում (Շամում) փոխարինելու էր Արամին, իսկ Լեռնապարում Իշխանին՝ Սարգիս Բարսեղյանը:

Այս Հարցերի շուրջ պայմանավորվելուց Հետո խորհրդակցության մասնակիցները մեկնեցին տեղերը:

Կոմսին կրկին Երկիր բերելու միտքը ջերմորեն պաշտպանում էին նաև Դուրան-Բարձրավանդակի ընկերները:

Հ.Յ.Դ. արևելյան բյուրոյին Ռուբենը Դուրանից գրում էր.

«Ինչպես և Շամի ռայոնական ժողովը որոշեց, մենք ևս շատ Հարմար գտանք Կոմսին. խնդրում ենք մեր այդ որոշումը Հայտնեք և ուղարկեք Կոմսին, մենք նրան կը գտնենք Հարմար»¹:

Սակայն Դուրան-Բարձրավանդակի կ.կոմիտեն նպատակահարմար էր Համարում, որ Կոմսը Երկիր մտնելուց Հետո ոչ թե Հիմնավորվի Վան-Վասպուրականում, այլ Դուրան-Բարձրավանդակում: Բյուրոյին գրած նամակում Ռուբենը շարունակում էր.

«Ի նկատի ունենալու եք, որ այստեղի գործը անհամեմատ ավելի ծանր է, քան Շամինը կամ ուրիշ տեղինը, դժվարություններն աննկարագրելի են, ամեն օր սպասում ենք ընդհարման, մի գիշեր չենք կարող մնալ մի տեղ: ԱՀա 25 օրվա մեջ 5 խուզարկություն եղավ. ցերեկը զորք, գիշերը՝ շանբեգարներ, դավադիրների առանձին խմբեր: Այդ բոլորը պահանջում են այնպիսի մի մարդ, որ կարողանա այդ բոլորի մեջ յուր Հավասարակշռությունը պահպանել ու գործ տեսնել: Գործն ընդարձակ է ու ծանր, Հարկավոր է ղեկավար ուժ, որ յուր փորձառությունը չափել ու ձևել է Երկրի վրա: Այստեղի ժողովրդի մեջ անփորձը կարծում ենք վնասակար պիտի լինի և իզուր տեղը շուտով կգնա նահատակների շարքը ավերացնելու: Առողջությունը և լավ քայլերը ամենասահմանափակ պայմաններից մեկն է, որովհետև մենք միշտ «անիծյալի» պես փախչում ենք և մեծ մասն անց կացնում բացօթյա ու հաճախ՝ անոթի: Գրածներս դառն իրողություն են: Եթե Կոմսը չգա, առաջարկեք Շամի (Լեռ) ընկերներից Սարգսին², նա էլ Հարմար է»²:

1906թ. աշնանը նորից Վանում Հավաքվում են քաղաքի և Լեռնապարի կոմիտեների ղեկավար ընկերները, որպեսզի Արամին և Իշխանին ճանապարհեն

¹ «Նյութեր...», Հատ. Դ, էջ 75:

² Սարգիս Բարսեղյան (Վանա Սարգիս, Շամի):

³ «Նյութեր...», Հատ. Դ, էջ 75:

ընդհանուր ժողովի: Նրանք պատվիրակներին տալիս են Հրահանգներ, նրանց զեկուցումների Համար՝ նյութեր, ինչպես նաև պատրաստում են բանաձևերի նախագծեր: Այդ բոլորը պետք է ի մի բերեր Արամը և ներկայացներ ընդհանուր ժողովին:

Այստեղ, այս երկրորդ խորհրդակցությունում, նաև որոշվում է, որ Թաղեի վանք Հասնելուց Հետո Իշխանն անմիջապես պետք է անցնի Կովկաս և այնտեղից ռազմամթերքի ու զենքի նոր քանակություն Հասցնի վանք, իսկ Արամը 2-3 ամիս պետք է մնա վանքում և ներս ճամփի արդեն այնտեղ կուտակված և Իշխանից ստացվելիք ռազմամթերքը:

Բազմակողմանի նախապատրաստությունից Հետո Արամն ու Իշխանը մեկնում են Կովկաս:

Վանից Թաղեի վանք 22-24 ժամ տևող ճամփան նրանք այս անգամ անցնում են առանց պատահարների և փորձությունների: Վանքում մի գիշեր Հանգրտանալուց Հետո Իշխանը շարունակում է ճանապարհը, իսկ Արամը, ինչպես պայմանավորվել էին, մնում է վանքում: Այստեղ նա Հաղողաթյամբ է իրականացնում իր խնդիրը, քանի որ Պարսկաստանից Երկիր զենք ու ռազմամթերք փոխադրելու Համար աշունը առավել նպաստավոր էր. գիշերները երկար էին, լեռներում այլևս չկային սարվորներ, այլ խոսքով, ճամփան Համեմատաբար ապահով էր:

Արամը սպասում էր Կովկասից Կոմսի գալուտյան: Վերջապես աշնան վերջին Կոմսը Հասնում է Թաղեի վանք: Նրանք երկուսով երկար գրույցներ են ունենում, քննարկում Վանում Կոմսի անհետաձգելի անելիքները, իր Հերթին վերջինս Արամին մանրամասն տեղյակ է պահում կուտակությունների անհատական, կազմակերպության առջև ծագած նոր խնդիրներին: Կոմսին Թաղեից Վան ճամփելուց Հետո, 1906թ. դեկտեմբերին Արամը ուղևորվում է Կովկաս: Նա այնտեղից մեկնում է Վիեննա՝ մասնակցելու Հ.Յ.Դ. չորրորդ ընդհանուր ժողովին:

Շամի մյուս պատգամավոր Համազասպ Բաղեղյանը (Սալման) Վանից Վիեննա է ճանապարհվում Արամից Հետո: Կովկաս անցնելիս Պարսկաստանում նրա թոքախտ Հիվանդությունը սրվում է: Թեև բժիշկները խորհուրդ են տալիս չշարունակել ճանապարհը, բայց նա մեկնում է և Հասնում Բալխաններ: Տեսնելով Համազասպի ծայրահեղ Հյուժված վիճակը՝ կուտակցական ընկերները նրան բուժվելու են ուղարկում ավստրիական Տիրոլ:

⁴ Կովկասից Վան անցնելու և այնտեղից վերադառնալու իր պատմությունն Արամը շարադրել է 1917թ. գրած Հուշերում, որն ընդհատվում է Թաղեի վանքից 1906թ. դեկտեմբերին Կովկաս մեկնելու պահով (տե՛ս «Արամը», էջ 153-391):

Գ Լ Ո Ւ Խ Տ Ա Ս Ե Ն Բ Ե Ք Ե Ր Ո Ր Դ

**Հ.Յ.ԴԱՇԵԱԿՑՈՒԹՅԱՆ ՉՈՐՐՈՐԴ ԸՆԴՀԱՆՈՒՐ ԺՈՂՈՎԸ ԵՎ
ՆԵՐԿՈՒՍԱԿՑԱԿԱՆ ՃԳՆԱԺԱՍԻ ՀԱՂԹԱՀԱՐՈՒՄԸ:
ԱՆԴՐԿՈՎԿԱՍԻ ԱՄԵՆԱՌԻԺԵՂ ԲԱՂԱՔԱԿԱՆ
ԿԱԶՄԱԿԵՐՊՈՒԹՅՈՒՆԸ**

Հանգամանալից խոսակցության նյութ է Հ.Յ.դաշնակցության չորրորդ ընդհանուր ժողովը, որն իր կարևորությամբ առանձնակի տեղ է գրավում կազմակերպության պատմության մեջ: Անցնելով խիստ վտանգավոր հանգրվաններով՝ կուսակցությունը հենց այս ժողովի ընդունած որոշումների շնորհիվ է, որ կարողացավ դուրս գալ ստեղծված ծանր ճգնաժամից, խուսափել անխուսափելի թվացող պառակտումից և շարունակել պայքարի ընտրած ուղին՝ ավելի կազմակերպված ու նպատակասլաց:

Հ.Յ.դաշնակցության ժողովի որոշումները և ընդունված այլ փաստաթղթեր տևական ազդեցություն են ունեցել կուսակցության հետագա գործունեության վրա, նպաստել հայ ժողովրդի թուրքահայ և ռուսահայ հատվածների հետագա մերձեցմանն ու միևնույն նպատակների շուրջ համախմբմանը:

Հ.Յ.Դ. չորրորդ ընդհանուր ժողովի աշխատանքների և արդյունքների մասին առկա հրատարակումների թիվը մեծ չէ, թեև դաշնակցության պարբերականներում, հատկապես «Հայրենիք» ամսագրում, ժամանակին տպագրվել են մի շարք հոդվածներ: Ուսումնասիրողների համար արժեքավոր են ժողովի պատգամավոր Սիմոն Վրացյանի և մասնակից Վալադ Վալադյանի շատ տարիներ հետո գրված հուշագրությունները:

Բայց եթե նվազ են ինքնուրույն հրատարակումները, ապա, բարեբախտաբար, ուսումնասիրողներն իրենց ձեռքի տակ ունեն չորրորդ ընդհանուր ժողովի ողջ արձանագրությունները (թեև առանձին նիստերի արձանագրություններ թերի են): Դրանց գիտական մշակման և հրատարակության պատրաստելու ուղղությամբ տքնալան աշխատանք է կատարել դաշնակցության պատմության խորագիտակ, երջանակահիշատակ Հրաչ Տամապետյանը: Ժողովի արձանագրությունները՝ նրա գրած առաջաբաններով, հանգամանալից ծանոթագրություններով ու դիտարկումներով, լույս են տեսել իր իսկ կազմած ու խմբագրած «Նյութեր Հ.Յ.դաշնակցության պատմության համար» բազմա-հատորյա հրատարակության մեծածավալ հատորներում:

**ԸՆԴՀԱՆՈՒՐ ԺՈՂՈՎԻ ԳՈՒՄԱՐՈՒՄԸ ԱՎՍՏՐՈՒԿԱՆ
ՍՈՑԻԱԼԻՍՏՆԵՐԻ ՀՈՎԱՆՈՒ ՆԵՐՔՈ**

Դեռևս 1905թ. կեսերին Հ.Յ.Դ. արևելյան բյուրոն դիմել էր Ավստրիայի սոցիալիստական կուսակցության ղեկավարությանը՝ խնդրելով աջակցել դաշնակցության հաջորդ ընդհանուր ժողովը Վիեննայում անցկացնելու համար: Պատասխանը եղել էր դրական: Ժողովն անցկացնելու համար ավստրոսոցիալիստները սիրով ձրի տրամադրել էին Մարիահիլֆե թաղում, Մարիահիլֆե շտրաուսեի կողքին գտնվող կուսակցության ղեկավար մարմնի նստավայր՝ կենտրոնական շենքի նիստերի շատ հարմար սրահը, իսկ համաժողովի աշխատանքների ընթացքում բարոյական աջակցություն էին ցույց տալիս նրա մասնակիցներին:

Ավստրիայի կառավարությունը չտեսնելու էր տալիս ժողովի աշխատանքները: Կուսակցաժողովի պարագմունքների ամիսներին թուրքական գործակալությունները Վիեննայում ճիգ ու ջանք էին թափում իմանալու, թե ինչ են քննում և ինչ են որոշում դաշնակցական պատգամավորները: Գործակալներից ստացած տեղեկությունները հաղորդելով ավստրիական կառավարությանը՝ Կ.Պոլսի կառավարությունը պահանջում էր արգելել ժողովը: Բայց պաշտոնական Վիեննան, բարեբախտաբար, կարևորություն չտվեց Բարձր դռան պահանջին, և խնդիրը հրապարակային կերպարանք չստացավ:

Պատգամավորներից շատերը Վիեննա հասնելու համար ստիպված էին հաղթահարել մեծ դժվարություններ, որի հետևանքով երկու պատգամավորներ չկարողացան տեղ հասնել: Նրանցից մեկը Հ.Յ.Դ. Դուրան-Բարձրական դակի կ.կոմիտեի կողմից պատգամավոր ընտրված Գևորգ Չաուչն էր (Սարհատ), մյուսը՝ Վասպուրականի շրջանից ընտրված Համազասպ Բաղեջյանը (Սալման):

Դուրան-Բարձրականդակի կ.կոմիտեի բոլոր անդամների՝ Ռուբեն Տեր-Սինայանի, Գեղամ Տեր-Կարապետյանի (Մշո Գեղամ) և Վարդան վարդապետի (Վկա) ստորագրությամբ 1906թ. հոկտեմբերի 25-ին լիազորագիր-նամակ է ուղարկում ժողովի կազմակերպական հանձնախմբին, որում նշված էր. «Բարձրականդակի և Դուրանի կ.կոմիտեն կը ներկայանայ ընդհանուր ժողովիդ յարգելի համախմբման իր ամենասիրելի ու քաջարի ընկերին՝ պ. Սարհատի միջոցով»¹:

Ստանալով կ.կոմիտեի վկայագիրը՝ Գևորգը մեկնում է Դուրանից, բայց նրան չի հաջողվում հաղթահարել ճանապարհի դժվարությունները: Ուստի ստիպված վերադառնում է և իր ձայնը փոխանցում Բուլղարիայում գտնվող հարազատ ընկերներին՝ Անդրանիկին և Սեբաստացի Մուրատին: Այդ մասին

¹ «Նյութեր...», հատ. Դ, էջ 6-7:

Չառուչը երկու նամակով տեղյակ է պահում վերջիններիս և Հ.Յ.Դ. արևելյան բյուրոյին:

Քանի որ Հիվանդ Համազասպ Բաղեջյանը գտնվում էր Տիրոլում և չէր կարողացել հասնել Վիեննա, ուստի ժողովին Արամը միայնակ էր ներկայացնում Վասպուրականը: 1907թ. մարտի 21-ին Արամը Վիեննայից նամակ է գրում Համազասպին: Նամակը չի պահպանվել, ուստի հայտնի չէ նրա բովանդակությունը: Բայց կարելի է ենթադրել, որ ընդհանուր ժողովի դիվանի հանձնարարությունը Արամը մի անգամ ևս փորձել է պարզել, թե Հիվանդ Բաղեջյանն արդյո՞ք ոչ մի կերպ ի վիճակի չի լինելու հասնել Վիեննա և եթե ոչ, ապա ում է փոխանցում իր ձայնը: Արամը նաև, հավանաբար, նրան խնդրել էր ժողովում քննարկվող հարցերի վերաբերյալ հայտնել իր կարծիքը: Ստանալով Արամի նամակը՝ Բաղեջյանը Արդյոյից 1907թ. մարտի 29-ին պատասխան է գրում, որով հայտնում է, որ իր ձայնը փոխանցում է Արամին կամ Իշխանին: Քանի որ այդ պատասխանը Համազասպ Բաղեջյանից մեզ հասած եզակի գրություններից է, այն մեջբերում ենք ամբողջությամբ.

«Arlo, 29 մարտ 1907

Սիրելի Արամ!

Ստացա մարտի 27-ի նամակդ, բայց բավականին ուշ: Սրանից մի քանի օր առաջ էլի մի նամակ գրել եմ Մալումյանի հասցեով անձնականիս վերաբերյալ: Չես գրում, թե մեր տեղեկագիրն ու ռայոնական ժողովի որոշումները կարողացել եք, թե՛ ոչ և ինչ տպավորություն է թողել: Ինչ վերաբերում է իմ ձայնիս, պարզ է, որ ես չեմ կարող տալ այնպիսի մեկին, որի հետ Հիմնական սկզբունքներում շփում չեմ ունեցել, այլ այնպիսի մեկին, որի հետ երկար խոսել, վիճել, համաձայնութեան ենք եկել: Ըստ այդմ էլ չեմ կարող, օրինակ, իմ ձայնը տալ Ամերիկայի որևէ պատգամավորի: Կը մնաք դու և Իշխանը: Երկուքիցդ մեկը ներկայացրեք իմ ձայնը: Ինչ վերաբերում է իմ կարծիքներին, դժբախտաբար ես դեռ պառկած եմ, ուստի հնարավորություն չունեմ որևէ բան գրելու ոչ գլուխս է տեղը, ոչ ձեռքերս: Իմ կարծիքներն այն են, ինչ որ արտահայտուած են տեղեկագրի և ռայոնական ժողովի որոշումների մեջ: Տակտիկի մասին այնքան կ'ասեմ միայն, որ եթե ուզում են ժողովուրդը կոտորել տալ, թող նախկին տակտիկը ընդունեն:

Ժրնեկից ոչինչ չեմ ստանում: Դրամ պատրաստիր, որ ուղարկես ինձ: Անչափ ուժասպառ եմ. չգիտեմ երբ պետք է ոտքի կանգնեմ:

Համբույրներով Սալման:

[Հ. Գ.]

Համբույրներս ծոյլ և ո՛չ ինձ չափ Հիվանդ Իշխանին և բոլոր ընկերներին:

Նոյն»¹:

Երկու ամիս հետո Համազասպը իր փափագով փոխադրվում է ժնև: «Կուզեմ մեռնիլ Հայ ընկերներու քովը», - ասում է նա: Ծանր Հիվանդությունը այստեղ նրան վերջնականապես գամում է անկողնուն: Նա մեռավ ժնևում, 1907թ. հունիսի 26-ին, երբ ընդամենը 24 տարեկան էր: Մեռավ Հայրենի Վանից հեռու՝ չհասցնելով կատարել պատգամավորի իր պարտականությունը:

Վիեննա չհասած Դեկորդ Չառուչի ձայնը փոխանցված էր Անդրանիկին, Բաղեջյանին՝ Արամին, իսկ խիստ զբաղված լինելու պատճառով Բաքվից չմեկնած Նիկոլ Դուռմանին՝ Ալքարեցի Սաբոյին:

Ժողովի էին հրավիրված Հ.Յ.Դ. հետևյալ կենտրոնական կոմիտեները. Դուրան-Բարձրավանդակի (Մուշ-Սասուն), Շամի չրջան (Վասպուրական), Լեռնապար (Շատախ), Լեռնավայր (Կիլիկիա), Բալկաններ, Ոսկեհանք (Իզմիր), Հյուսիսային Ամերիկա, Մեծ Քաղաք (Թիֆլիս), Մրգաստան (Երևան), Այգեստան (Գանձակ), Ոսկանապատ (Բաքու), Զրաբերդ (Կարս), Նախահանգիստ (Բաթում), Քար (Ալեքսանդրապոլ, Գյումրի), Ապառաժ (Շուշի, Ղարաբաղ), Նալբանդ (Նոր Նախիջևան), Ժլատ (Վլադիկավկազ) և Վրեժ (Թավրիզ, Ատրպատական)²:

Ժողովին մասնակցելու իրավասություն ունեին. 1. Կենտրոնական կոմիտեները, 2. Պատասխանատու մարմինները, 3. Արևմտյան բյուրոն, 4. Արևելյան բյուրոն, 5. Եվրոպայի դաշնակցական ուսանողությունը, 6. Ռուսաստանի դաշնակցական ուսանողությունը և 7. Զիֆոնի (գինական ֆոնդի) վարիչ մարմինը:

Վիեննայում զանազան կողմերից հավաքվել էին կուսակցության գրեթե բոլոր պատասխանատու ընկերներն ու ղեկավարները, մտավորական ու մարտական ամենաականավոր դեմքերը: Հիմնադիրներից սկսած մինչև վերջին սերունդը առկա էր:

Ժողովին երկուական պատգամավոր են ուղարկել Դուրան-Բարձրավանդակը՝ Անդրանիկ Օզանյանին (Պարույր) և Սեբաստացի Մուրատին, Վասպուրականը՝ Սերգեյ Հովհաննիսյանին (Արամ Մանուկյան) և Համազասպ Բաղեջյանին (Սալման), Ամերիկան՝ Վահագն Տաթևյանին և Թովմաս Ջելալյանին (Հայկ Արմեն) և Բալկանները՝ Սարգիս Մինասյանին (Արամ Աշոտ) ու Ռուբեն Զարդարյանին (Ասլան): Մեկական պատգամավոր ներկայացված էր. արևմտյան և արևելյան բյուրոներից՝ Խաչատուր Մալումյանը (Ակնունի) և Ստեփան Զորյանը (Ռոստոմ), Լեռնավայրից՝ Կիլիկիա՝ Սիմոն Զավարյանը (Անտոն), Լեռնապարից (Ռչտունիք և Մոկս)՝ Նիկոլ Պողոսյանը (Վանա Իշխան), Մրգաստանից (Երևան)՝ բժ. Յակով Զավրիկը (Հակոբ Զավրիկյան), Քարից (Ալեքսանդրապոլ)՝ Ավետիք Իսահակյանը (Հայ Գուսան), Այգեստանից (Գանձակ)

¹ Դեկորդ Չառուչի, նշված երկու նամակները տպագրված են մեր «Անդրանիկի ժամանակը» աշխատության մեջ (գիրք Ա., Երևան, «Կայիաս», 1966, էջ 287-289):

¹ «Նյուլթեր...», Հատ. Դ, էջ 6:

² «Հայրենիք», N 4 (374), ապրիլ, 1957, էջ 10:

Ալեքսանդր Մաչուրյանը, Ապառաժից (Ղարաբաղ)՝ Բարսեղյանը՝, Զրաբերդից (Կարս)՝ Ավետիս Ահարոնյանը (Ղարիբ), Ժլատից՝ (Հյուսիսային Կովկաս)՝ տիկ. Ժենյա Մելիք-Քալանթարյանը, Նալբանդից (Նոր Նախիջևան)՝ Սիմոն Գրուզինյան-Վրացյանը (Սիգ), Մեծ Քաղաքից (Թիֆլիս)՝ Եղիշե Թոփչյանը (Երվանդ), Նավահանգստից (Բաթում)՝ Միքայել Հովհաննիսյանը (Վարանդ-յան), Ոսկանապատից (Բաքու)՝ Լևոն Թադևոսյանը (Պապաշա կամ Չոփուր-յան), Վրեժից (Ատրպատական)՝ Ստեփան Ստեփանյանը (Բալաջան) և Վահան Զաքարյանը՝, Ցուցակահանից՝ Մարտիրոս Մարգարյանը (Սաֆո), գիֆոնից (գին. մարմին)՝ Ստեփան Տեր-Մկրտչյանը (Գազիկ), Ռուսաստանի դաշնակցական ուսանողական միությունից՝ Ավետիք Շահխաթունյանը (Արտուր), Եվրոպայի դաշնակցական ուսանողական միությունից՝ Արշակ Իսահակյանը (Զամայան, կուսակցական ծածկանունով նաև՝ Ա. Արիսյան)։ Տեղերում ընտրված պատգամավորներից զատ, ընդհանուր ժողովին վճռական ձայնի իրավունքով հրավիրված էին Օնիկ Դերձակյանը (Արշակ Վառայան), Համո Օհանջանյանը (ՄՇեքյան), Վարդան Մեհրաբյանը (Ոսանաստրի Վարդան), Արշակ Ներսիսյանը (Սեպուհ), Տաճատ վարդապետ Մելքոնյանը՝, Սարգիս Մովսեսյանը (Ալքարե-ցի Սաքո) և Նիկոլ Դումանը։ Խորհրդակցական ձայնով Տրապիզոնից հրավիրվել էր Արսենը՝: Մի աղբյուրում («Հայրենիք» ամսագիր, N 4 (374), 1947, էջ 10) ընդհանուր ժողովի մասնակիցների թվում նշված է նաև բժ. Հովսեփ Տեր-Դավթյանը, որի մասին, սակայն, որևէ հիշատակություն չկա ժողովի արձանագրության մեջ։

Ինչպես տեսնում ենք, համեմատաբար փոքրաթիվ էին բուն Թուրքահա-

* Բարսեղյան - Ապառաժի (Ղարաբաղ) կ.կոմիտեի պատգամավորի լիազորություններով համագումար եկած անձնավորության ծածկանունն է հավանաբար, քանի որ այդ տարի-ներին Բարսեղյան ազգանունով Հայտնի դաշնակցական գործիչ չի եղել։ Ընդհանուր ժողովի արձանագրությունների մեջ 3 տեղ հիշատակվում է Գյուլխանդանյան ազգանունը (փետրվարի 23-ի 3-րդ, մարտի 1-ի 14-րդ և ապրիլի 30-ի 113-րդ նիստերում)։ Ազգանունը գրված է շատ հստակ և, անշուշտ, թյուրիմացության արդյունք լինել չի կարող։ Աբրահամ Գյուլխանդանյանը (Աբրո), որ Հայ-թաթարական կոմիտեի ժամանակ Կովկասում կարևոր դեր է ունեցել, արդյո՞ք Ղարաբաղի պատգամավոր Բարսեղյանը չէ (տե՛ս «Նյութեր...», հատ. Գ, 13, 33, 277, 292 էջեր)։

** Հյուսիսային Կովկասի «ժլատ» կոչված շրջանը տարածվում էր Թերեքի և Ստավրոպոլի նահանգների վրա։ Կուբանի նահանգը չէր մտնում «ժլատի» մեջ, այլ կցված էր Հ.Յ.Դ. Նալբանդի (Ռոստով-Նոր Նախիջևան) կենտրոնական կոմիտեին։ 1905թ. վերջերից «ժլատի» կ.կոմիտեի ատենապետ էր ընտրվել Արտաշես Ջիլինգարյանը (Ռուբեն Դարբինյան), որը, սակայն, չէր ընտրվել դաշնակցության չորրորդ ընդհանուր ժողովի պատգամավոր («Հայրենիք», N 9 (391), սեպտեմբեր, 1958, էջ 14, 16)։

*** Ատրպատականից պատգամավորներ Ս. Ստեփանյանը և Վ. Զաքարյանը, որպես Կովկասյանի խմբի անդամներ, ձեռքարկվել և աքսորվել էին Սախային, բայց կարողացել էին տաճանավայրից փախչել և հիմնավորվել Իրանում։

**** Իսկական անուն-ազգանունը պարզված չէ։ Հավանաբար Վանում և Մուշում գործած Գարսենն է՝ Ռուբեն Տեր-Մինասյանի ուսանողական շրջանի մտերիմ ընկերը (տե՛ս «Նյութեր...», հատ. Գ, էջ 357)։

***** Ազգանունը և ինքնությունը պարզված չէ։

յաստանից եկած պատգամավորները։ Բարձր Հայքից և օսմանյան կայսրու-թյան ուրիշ մասերից չէին կարողացել ներկայացուցիչներ գալ, բայց այդ թե-րին լրացնում էին Անդրանիկի, Մուրատի, Սեպուհի, Զարդարյանի, Արամ-Աշոտի, Վուսթյանի նման գործիչները, որոնք տարիներ ի վեր գործել էին Երկ-րում և քաջածանոթ էին թուրքահայ իրականությանը։

Հ.Յ.Դ. չորրորդ ընդհանուր ժողովը պաշտոնապես բացվեց 1907թ. փետրե-վարի 22-ին։

Կուսակցաժողովը գումարովեց մուսլի, հոռետես մտքեր ներշնչող պարագա-ներում։ Խուզիչ տարամբժույթյուններն ընդարձակ դաշտ էին իջել։ Ընդհա-նուր ժողովի բացումն ու կազմն իսկ կրում էր կուսակցության ներսի աղետալի վիճակի դրոշմը։

Նախապես, երբ մշակվում էր օրակարգը, ենթադրվում էր, թե ժողովը կտևի առ առավել մեկ ամիս։ Բայց, հակառակ սպասածի, օրակարգային հարցերը քննելու համար պահանջվեց շատ ավելի երկար ժամանակ։ Մեկ ամի-սը լրացավ, և երկրորդն էր արդեն սկսվել, բայց անհնարին եղավ նախատեսել, թե երբ, իսկապես, պիտի սպասվեն օրակարգային բոլոր հարցերը։ Հնարավոր չեղավ արագացնել ժողովի ընթացքը։ Պատճառները մեկից ավելի էին։ Նախ, հարցերի մեծ մասը շատ բարդ էր ու փշուտ, և այդ պատճառով դրանց քննար-կումը նախատեսվածից շատ ժամանակ էր խլում։ Նպատեցին, հարկավ, և կրկնաբանությունները, որոնցով ընդհանրապես տառապում էին Հայկական ժողովները։ Ընդհանուր ժողովը փակվեց միայն մայիսի 4-ին, 121 նիստ ունե-նալուց հետո։

Ժողովի բացման օրը ներկա էր 18 հոգի։ Միայն հետագա օրերին ու շա-բաթներին բացակայողները հետզհետե սկսեցին հասնել Վիեննա։ Մի շարք պատգամավորներ ուշացան իրենցից անկախ պատճառներով կապված ճանա-պարհին առաջացած դժվարությունների հետ և այլն։ Օրինակ՝ Զրաբերդի (Կարս) և Նավահանգստի (Բաթում) պատգամավորներ Ավետիս Ահարոնյանը և Միքայել Վարանդյանը տեղ հասան, երբ ժողովը բոլորել էր իր զբաղմունք-ների առաջին ամիսը։ Չինական ֆոնդի (Զիֆոն) ներկայացուցիչ Ստեփան Տեր-Մկրտչյանը եկավ ապրիլի 6-ին, իսկ Սիմոն Զավարյանը Վիեննա հասավ հազիվ ապրիլի 9-ին, այսինքն՝ ժողովի բացումից մեկուկես ամիս անց՝։

Ուշացումով էին տեղ հասել նաև Արամ Մանուկյանը, Ավետիք Իսահակա-յանը, Սիմոն Վրացյանը, Եղիշե Թոփչյանը։

Փետրվարի 22-ին ընտրվեցին ժողովի օրակարգը մշակող ու մանրատալան հանձնաժողովներ, որոնք իրենց աշխատանքներն ավարտեցին փետրվարի 23-ին։

Փետրվարի 24-ին ժողովի մշտական նախագահներ ընտրվեցին Զավարյա-յանը, Վուսթյանը, Ահարոնյանը և Օհանջանյանը։ Սրանցից առաջինը, ինչպես և վերջին երկուսն ընտրվեցին հեռակա կարգով, քանի որ դեռ ճանապարհին

¹ «Հայրենիք», N 7 (377), հուլիս, 1957, էջ 48։

էին: Փետրվարի 27-ին ժողովի Հինգերորդ նախագահ ընտրվեց Խաչատուր Մալուճյանը (Ակնունի), իսկ ավելի ուշ՝ նաև Եղիշե Թոփչյանը: Այդ վեց ատենակցիները ժողովը վարելու էին Հերթով, յուրաքանչյուր օր՝ մեկը: Բայց ընթացքում խախտվեց այդ կարգը, և ժողովի ողջ ընթացքում ամենից ավելի նախագահողը Ակնունին եղավ:

Ապա ժողովն ընտրեց 7 Հոգուց բաղկացած քարտուղարություն՝ այդ թվում 4 պատգամավոր և 3 Հրավիրված: Այս կազմից քարտուղարներ նշանակվեցին երկու Հոգի՝ Երվանդ Ֆրանգյանը և Մարդպետը՝, իսկ օգնական քարտուղարներ՝ Մարտիրոս Հարությունյանը և Վալդ Վալադյանը: Վերջինս Հրավիրվել էր Լայպցիգից, ուր ուսանում էր Համալսարանում:

Այնուհետև ընտրվեց 4 Հանձնախումբ՝ ցուցական, դատական, վիճակագրական և եվրոպական պրոպագանդի: Ընտրվեցին նաև Հանձնաժողովներ՝ Հաշվական, դատական (Բալկանյան գործերի), գինման խնդրի: Վերջապես, ընտրվեց Սասունի, Վասպուրականի և ահաբեկիչ խմբերի համար ներքին կանոնադր կազմող 3 մասնախումբ:

Օրակարգում ընդգրկված էին մեկը մյուսից կարևոր բազմաթիվ Հարցեր՝ ապստամբական ձեռնարկներ, արշավախմբեր, ցուցական գործունեություն. ինքնապաշտպանություն (մասնավորապես Կովկասի Հայություն ինքնապաշտպանություն). Թուրքիայի այլատարր ցեղերի հետ համերաշխություն. գործակցություն Ռուսաստանի սոցիալիստական կուսակցությունների հետ. գործակցություն վրացիների հետ. հնչակյան կուսակցության Փարիզի կենտրոնի դիմումը՝ հայ հեղափոխական կուսակցությունների ժողով գումարելու և համերաշխաբար գործելու նպատակով միջկուսակցական մի ատյան կազմելու մասին. հայ-թուրքական կոիֆները Կովկասում. պրոպագանդա, մամուլ, հրատարակություններ. կովկասահայ դատը տաճկահայ դատից իսպառ անջատելու խնդիր. կազմակերպական և ներքին կուսակցական գանդան խնդիրներ:

Այդ ամենից գատ առանձնանում էր օրակարգային երկու կարևորագույն Հարց՝ ուսահայ դատը նույնպես դաշնակցության ծրագրի մեջ մտցնելը և սոցիալիզմն իբրև գործնական քաղաքական խնդիր ընդունելը:

Ընդհանուր ժողովի առաջին իսկ նիստերում պատգամավորները բաժանվել էին երկու մասի՝ նախագծականներ և հականախագծականներ: Վերջիններս թեև փոքրամասնություն էին կազմում, բայց համախումբ էին, միասնական: Նախագծականները, հատկապես նրանք, ովքեր սոցիալիզմն ընդունում էին անվերապահորեն, մեծամասնություն էին, բայց գլխավոր հիմնահարցի (սոցիալիզմի) հանդեպ տարբեր մտեցումներ ունեին:

Սոցիալիստների մեծամասնությունը չափավոր հայացքների տեղ էր: Դրանք հիմնականում «տարեց»՝ պատգամավորներն էին, որոնց թվում էին

* Ինքնությունը պարզված է:

** Ընդհանուր ժողովի օրերին «տարեցների» և «երիտասարդների» տարիքային տարբերու-

Սիմոն Զավարյանը, Ռոստոմը, Ակնունին, Ահարոնյանը, Վարանդյանը և ուրիշներ:

Երիտասարդներն ավելի ձախ էին, և նրանց թվում ամենամոլեռանդները երկու Հոգի էին՝ Ավետիք Շահաթունյանը (23 տարեկան) և Արշակ Զամալյանը (25 տարեկան): Մեկը Մոսկվայի Համալսարանում ուսանում էր իրավագիտություն, իսկ մյուսը Բեռլինի Համալսարանում հետևում էր հասարակական ու փրիստոփայական գիտություններին: Իրենց ձախություն մեջ նրանք այնքան հեռու էին գնացել, որ հանուն սոցիալիզմի պատրաստ էին իրարից անջատել տաճկահայ և կովկասահայ դատերը: Իսկ դա նշանակում էր, որ Շահաթունյանն ու Զամալյանը պահանջում էին պարզապես այն, ինչ պահանջում էին ժողովից դուրս՝ Բաքվում, Թիֆլիսում և ուրիշ կենտրոններում ասպարեզ իջած «անջատականները»՝ Լևոն Աթաբեկյանի գլխավորությամբ:

Սոցիալիզմի մասին երկու երիտասարդ ծայրահեղականների նման էր մտածում նաև Եղիշե Թոփչյանը, բայց սա ավելի գործնական սոցիալիստ էր, քանի որ եռանդուն հեղափոխական աշխատանք էր տանում Անդրկովկասում՝ մասնավորապես դաշնակցության դրոշի տակ կազմակերպելով բանվորական արհեստակցական միություններ, առավելապես՝ Թիֆլիսում: Նա ձախ դաշնակցականի համբավ ուներ և շատագուց էր սոցիալիստական արձատական գաղափարների և դասակարգային կռիվ: Բայց իր ձախությամբ հանդերձ, Թոփչյանը երբեք հնարավոր չհամարեց միանալու կուսակցության մեջ եղած անջատողական հոսանքին և վճռականապես մերժում էր կազմակերպության լիստմանը նպաստող ամեն քայլ:

Ձախագույն Շահաթունյանից ու Զամալյանից և ձախ Թոփչյանից բացի, նվազ ծայրահեղականներ էին երկու ուրիշ երիտասարդներ՝ Սիմոն Գրուզինյան-Վրացյանը (Սիգ) և ատամնաբույժ Ալ. Մաչուրյանը (Չաքյուճ):

Դավանելով նույն գաղափարները՝ պատգամավորները միմյանցից խիստ տարբեր էին իրենց կրթական մակարդակով, հարցերի քննարկման ժամանակ դրսևորած ակտիվությամբ, վերջապես, որ պակաս կարևոր չէ՝ բնավորության գծերով: Նրանց մեջ կային աղմկարարներ և լուսկյացներ, իրենց արժանիքներն ընդգծող անհասներ և իրենց ծառայությունների մասին որևէ ակնարկ չանող գործիչներ և այլն:

Սիմոն Վրացյանը ընթերցողներին է ներկայացրել պատգամավորներից մի քանիսի համառոտ նկարագիրը. «Սիմոն Զավարյան - Հմուտ և համոզված տեսաբան ընկերավարության, խոսում էր հանդարտ և անհույս: Ավետիք Խահակյան - Բոլորովին հետոք չէր, խոսում էր կակազելով, բայց մի ան-

թյունները մեծ էին. երիտասարդների տարիքը տատանվում էր 23-35-ի, իսկ տարեցներիը հազիվ 40-44-ի միջև: Ռոստոմը 40 տարեկան էր, Զավարյանը և Ահարոնյանը՝ 41, Ակնունին՝ 44: Այս սահմաններից անցել էր միայն Վարանդյանը՝ թևակոխած լինելով իր 51 տարին:

Տե՛ս «Ռոստոմ», էջ 241:

գամ այնպես փայլուն ներկայացրեց իր Հակաընկերակարական, նիցչեական, անիշխանական փրիստփայլությունը, որ ամբողջ ժողովը բուռն ծափահարեց: Տեղը նստելուց առաջ նա ասաց. «Շան տղերք, ծափահարում եք, բայց քվե չպիտի տաք»: Մի քայել Վարանդյան - «Դրոշակի» խմբագիրը, այն օրերին, կարելի է ասել, դաշնակցական երիտասարդության կուռքն էր և սիրում էր շքեղ արձակով գրած նրա հոդվածները: Մեծ եղավ Հիասթափությունս. Վարանդյանը արտասանեց մի շատ թույլ ճառ: Ավելի լավ է միայն գրե և բնավ ճառ չխոսե՝ մտածեցի ես: Ավետիս Ահարոնյան - Պերճախոս Հոեւորները շատ չկային ընդհանուր ժողովում: Ահարոնյանը Հիանալի Հոեւոր էր, բայց կուտ քիչ կար նրա ճառերում: Ռոստոմը Ահարոնյանի ճառերի մասին ասում էր. «Լիմոնազ լինի կարծես, Հաճույքով կը խմես, բայց սնունդ չկա մեջը»: Խաչատուր Մալումյան - Ավելի բովանդակալից ճառախոս էր, որ, սակայն, Ահարոնյանի պերճանքը չուներ: Ռոստոմ Զորյան - Բողոքովին ճառախոս չէր, խոսում էր բառեր փնտրելով, Հաճախ ձեռքի օգնությամբ, բայց զարմանալի կերպով Հաճելի էր նրան լսելը: Թովմաս Զելայան - Անհաշտ և կրթոտ Հակաընկերակարական էր, տեղի-անտեղի աղմուկ էր անում, բռունցք էր ցույց տալիս Հակաակորդներին, ժողովականին ոչ վայել բառեր էր գործածում: Մենք նրան «խուլիզան» էինք կոչում: Ավետիք Շահխաթունյան - Պակաս անզուսպ չէր, թեև՝ ավելի բարեկիրթ: Նա իր փոքրիկ բռունցքով Հարվածում էր սեղանին, սպառնում ժողովից Հեռանալ, եթե ընկերակարությունը չընդունվի: Արշակ Իսահակյան - Նույնպես ծայրահեղ ընկերակարական էր, ելույթները՝ բուռն, բայց երբեք չարտասանեց «կհեռանամ» բառը¹:

Ժողովի պատգամավորներից մի քանիսի դիմանկարը իր հուշագրություններում գծել է Վալադ Վալադյանը: Օրինակ՝ Նիկոլ Պողոսյանի (Վանա Իշխան) մասին գրել է. «Չեմ հիշում, որ ժողովի ամբողջ տևողության [ընթացքում] նա ավելի քան երեք-չորս անգամ ձայն ուզած լինեք, չնայած որ Հարյուր քսան նիստեր եղան»²: Իսկ Սևքարեցի Սաքոյին այսպես է վերհիշել. «Ըստ իր վաղեմի սովորության՝ լուռ էր մնում երկար տևած վիճարանությունների ընթացքում, բայց խղճի մտքը Հետևում էր թե՛ր ու դեմ փաստարկություններին, և վերջում տվեց իր քվեն ի նպաստ այն տեսակետին, որ իր Համոզումով ամենից ճիշտն էր ու օգտակարը՝ Հայ ժողովրդի Համար»³:

«ԿՈՎԿԱՍՅԱՆ ՆԱԽԱԳԾԻ» ԲԵՆԱՐԿՈՒՄԸ

Ընդհանուր ժողովի օրակարգի կենտրոնական Հարցը «Կովկասյան նախագիծն» էր, որի քննարկմանը պատգամավորներն ընդմիջումներով Հատկացրին

¹ Ս. Վրացեան, Կեանքի ուղիներով, Հատ. Բ, էջ 98-100:

² «Հայրենիք», N 10 (392), Հոկտեմբեր, 1958, էջ 53:

³ Նույն տեղում, N 8 (402), օգոստոս, 1959, էջ 83:

ավելի քան 10 նիստ՝ սկսած մարտի 30-ի առավոտյան 58-րդ նիստից, որը տեղի ունեցավ ժողովի բացումից (փետրվարի 22) 36 օր անց՝:

Օրակարգային ամենակարևոր Հարցի քննարկումն ուշացավ երեք պատճառով՝ ա) Բավական ժամանակ ծախսվեց շրջաններից եկած տեղեկագրերի ընթերցման ու քննարկման վրա, բ) Պատգամավորները պարտադիր էին Համարում դեռևս Վիեննա չՀասած Միմոն Զավարյանի, Ավետիք Ահարոնյանի, Միքայել Վարանդյանի և բժ. Համո Օհանջանյանի մասնակցությունը Հարցի քննարկմանը, ուստի առաջարկում էին Հետաձգել մինչև նրանց ժամանումը, գ) «Նախագիծ» չուրջ Հակամարտող պատգամավորների միջև եղած լարումները ինչ-որ չափով մեղմելու Համար պահանջվեց որոշ ժամանակ:

«ՆԱԽԱԳԾԻ» ՀՐԱՏԱՐԱՎՄԱՆ ԻՐԱՎԱՍՈՒԹՅԱՆ ՀԱՐՑԸ

«Կովկասյան նախագիծ» քննարկումն սկսելուն պես, անսպասելիորեն բարձրացավ և միանգամից սուր բնույթ ստացավ չնախատեսված մի Հարց. արդո՞ք դաշնակցության խորհուրդը, որպես կուսակցության ղեկավար մարմիններից մեկը, ունեցել է իրավասություն՝ կազմելու և իր անունից Հրատարակելու «Կովկասյան գործունեության նախագիծը», թե՞ այդպիսին չի ունեցել:

Պատգամավորներից շատերը, Հատկապես թուրքահայ ընկերները, խիստ քննադատելով Հ.Յ.Բ. խորհրդին և արևելյան բյուրոյին, պնդում էին, որ նրանք ինքնազուրկ ու կամայական արարքներ են թույլ տվել, այն է՝ Հրապարակ են Հանել «Նախագիծը» և, այդպիսով, դուրս են եկել իրենց իրավասությունների սահմաններից¹: Այդ տեսակետն ունեցողները «Նախագիծ» երևան գալը Համարեցին ներկուսակցական կյանքում տեղի ունեցած աղաղակող անօրինականություն և պահանջեցին ընդհանուր ժողովի Հատուկ որոշմամբ փաստաթուղթը չեղյալ Հայտարարել:

Առաջ քաշած այդ տեսակետը խիստ վտանգավոր կացություն ստեղծեց: Հարցը կարող էր փակուղի մտնել անկանխատեսելի Հետևանքներով Հանդերձ: Ուստի և՛ «Նախագիծ» կողմնակիցները, և՛ Հակառակորդները անհրաժեշտ Համարեցին բարձրացրած Հարցի վերաբերյալ լսել Հատուկ զեկուցում և այն քննարկել Հանգամանորեն:

Զեկուցող Հաստատվեց արևմտյան բյուրոյի պատգամավոր Խաչատուր Մալումյանը (Ակնունի): 58-րդ նիստում (մարտի 30-ի առավոտյան) նա Հանդես եկավ խորհրդի կողմից «Կովկասյան գործունեության նախագիծը» Հրա-

¹ Հ.Յ.Բ. չորրորդ ընդհանուր ժողովում «Կովկասյան նախագիծ» քննարկման ժամանակ պատգամավորներից շատերը Հանդես էին եկել մի քանի անգամ: Ուստի տվյալ պատգամավորի կողմից ժողովի տարբեր նիստերում ունեցած ելույթներում արտահայտված մտքերը շարադրելիս սույն աշխատության Հեղինակը դրանք միավորել է՝ կրկնություններից հնարավորին չափ խուսափելու համար:

² Ս. Վրացեան, Կեանքի ուղիներով, Հատ. Բ, էջ 91:

տարակելու իրավասութեան մասին զեկուցումով:

Խ. Մալումյանն իր զեկուցումն սկսեց նրանով, որ «Նախագծի» հրատարակման իրավասութեան հարցը պետք է քննարկվի երկու տեսակետից՝ ըստ իրավասութեան և ըստ էութեան: Վերջինն առայժմ մի կողմ թողնելով՝ նա կանգ առավ առաջինի, այն է՝ իրավասութեան հարցի վրա՝ պատճառաբանելով, որ շատ անգամ և շատ ընկերների կողմից կարծիքներ են հայտնվել, թե Ղ.Յ.Դ. խորհուրդը ոչ մի իրավասություն չունի հրատարակելու «Նախագիծը»: Մալումյանը նշեց, որ մեղադրանքները հիմք չունեն, քանի որ՝ 1. Կուսակցության կովկասյան գործունեության անհրաժեշտության մասին Ղ.Յ.Դ. նախորդ՝ երրորդ ընդհանուր ժողովը (Սոֆիա, 1904թ.) ընդունել է հետևյալ վճիռները. ա) Դաշնակցության գործունեությունը տարածել Կովկասի վրա, բ) Կովկասում գիմն ժողովրդական ցույցերի, տեղորի, գիմնական դիմադրության, գործադուլների և այլն, գ) Կովկասյան կազմակերպությունների ուսյունական ժողովներին թուլյատրել մանրամասնորեն մշակելու Կովկասում մղվելիք պայքարի տակտիկա, դ) Խորհուրդը «Նախագիծը» հրատարակել և տեղերն է ուղարկել երրորդ ընդհանուր ժողովում հաստատված կազմակերպական կանոնադրով իրեն տրված լիազորությունների և իրավասությունների հիման վրա, մասնավորապես այն կետի հիման վրա, որով խորհրդին արտոնվել է քաղաքական տաղանակների ժամանակ ծրագրել նոր ձեռնարկներ: 2. Նախքան խորհրդի կողմից «Նախագծի» մշակումը և ընդունումը, Ղ.Յ.Դ. կովկասյան գործունեության մասին արդեն որոշումներ էին ընդունել կովկասյան ուսյունական ժողովները: Ահա այս հիման վրա է, ասաց Մալումյանը, որ խորհուրդը մշակել և հրատարակել է «Նախագիծը»՝ նրա վերջնական խմբագրումը և հաստատումը թողնելով ներկա ժողովին:

Անդրադառնալով «Նախագծի» առթիվ ծագած դժգոհությունների բնույթին՝ Մալումյանը նշեց, որ «այդ դժգոհությունները, եթե չհաշվենք քիչ բացառությունները տեղական ընկերների շրջանում - հետևանք են գանազան անհատների անձնական դժգոհության և կամ այն հանգամանքի, որ մեր ժողովրդական մասսաները, հաճախ նույնիսկ անգրագետ, չեն ծանոթացել «Նախագծին» և զոհ են գնացել դժգոհ անհատների կամ խմբերի գրգռումներին ու չարամիտ մեկնաբանություններին»²:

Իբրև ապացույց, զեկուցողը վկայակոչեց այն կարևոր հանգամանքը, որ չնայած տեղերում «Նախագծի» քննարկումն անցել է շատ բուռն, և ամենատարբեր կարծիքներ են հայտնվել, բայց վերջիվերջո կուսակցական հիմնական գանգվածը եկել է ընդհանուր համաձայնության, և երկրից, Կովկասից ու արտասահմանից չորրորդ ընդհանուր ժողովին ներկայացած Ղ.Յ.Դ. կենտրոնական 24 մարմինների (կ.կոմիտեների) մեծ մասը ընդունում է «Նախագիծը»,

¹ «Հայրենիք», N 4 (374), ապրիլ, 1957, էջ 16:

² «Նյութեր...», հատ. 9, էջ 146:

ուրիշները կողմ են փաստաթղթի հարցադրումների մեծ մասին, և միայն երկու կ.կոմիտե ամբողջովին դեմ է՝ Բալկանը և Ամերիկան¹: Բայց առավել նշանակալիցն այն է, շարունակեց նա, որ հենց երկրի մարմինները, ինչպես, օրինակ՝ Վասպուրականը, ամբողջովին կողմ են «Նախագծին», իսկ Սասուն-Մուշի ընկերները դեմ չեն, որպեսզի կուսակցությունն իր գործունեությունը տարածի նաև Կովկասի վրա²:

Այդ բոլոր փաստարկների հիման վրա Խաչատուր Մալումյանը, իբրև եզրակացություն, ժողովին առաջարկեց՝ վավերացնել խորհրդի արած քայլը, ճանաչել նրա իրավասությունը և դրանով իսկ վերջ տալ չնախատեսված հարցի շուրջ ծագած վիճաբանություններին:

Զեկուցումից հետո ժողովի 58-62-րդ նիստերում (մարտի 30-ից ապրիլի 2-ը) ծավալվեց մտքերի փոխանակություն:

Իրենց ելույթներում խորհրդի կողմից «Նախագծի» հրատարակումը օրինական համարեցին Սիմոն Զավարյանը, Ռոստոմը, Արշակ Խաչակյանը, Եղիշ Թոփչյանը և ուրիշներ:

Հանդես գալով՝ Ռոստոմը ոչ միայն ճիշտ համարեց «Նախագծի» հրատարակումը, այլև նշեց, որ խորհուրդը պարզապես իրավունք չունի այլ կերպ վարվելու, քանի որ փաստաթղթի երևան գալը կյանքի հրամայական պահանջն է: Իր ելույթում Սիմոն Զավարյանը նկատեց, որ «Նախագծի» հրատարակման իրավասության մասին խոսակցությունները միանգամայն ավելորդ են, քանի որ դա կատարված իրողություն է:

Եղիշ Թոփչյանը նույնպես, խորհրդի կողմից «Նախագծի» հրատարակումը համարելով օրինական՝ հաստատեց Մալումյանի այն փաստարկը, որ նախքան «Նախագծի» հրատարակման մասին խորհրդի կողմից որոշում ընդունելը, դրա սկզբնական տարբերակն արդեն ստեղծվել էր Կովկասյան ուսյունական ժողովներում: Դա նշանակում է, որ փաստաթղթի հեղինակը ոչ միայն խորհուրդն է, այլև ուսյունական ժողովները: Ժիշտ է, Ղ.Յ.Դ. երրորդ ընդհանուր ժողովը սկզբունքով ընդունել է կովկասյան գործունեությունը (ցույց, տեղոր, գիմնական դիմադրություն, գործադուլ և այլն), բայց ապակենտրոնացման սկզբունքի համաձայն՝ միաժամանակ ընդունել է որոշում, որ «Կովկասյան ուսյունական ժողովին է վերապահվում տակտիկայի մանրամասն ծրագրերը որոշելը և մշակելը»: Կատարելով ընդհանուր ժողովի այդ որոշումը՝ ուսյունական ժողովները մանրամասն քննել են կովկասյան դաշնակցական մասսաների քաղաքական պահանջներն ու տնտեսական կարիքները և, տրված իրավասությունների համաձայն, մշակել են «Նախագծի» կետերը, որից հետո ուղարկել խորհրդին: Վերջինս չէր կարող հակառակ լինել այդ պահանջին և չհրատարակել փաստաթուղթը՝ ճիշտ է, նրա վրա բավական աշխատելուց ու խմբագրե-

¹ «Հայրենիք», N 4 (374), ապրիլ, 1957, էջ 17:

² նույն տեղում, էջ 18:

լուց հետո: Ավելին, խորհուրդը ուղղակի պարտավոր էր դա անել: Այսպիսով, շարունակեց թուփչյանը, «Նախագիծը» կովկասյան դաշնակցական մասսաների կարիքների ու պահանջների արձագանքն է, այն մասսաների, որ Հ.Յ. դաշնակցության բարոյական, նյութական ու նույնիսկ ռազմիկ ուժերի գրեթե 3/4-ն էր ներկայացնում: «Լա՛վ իմացեք, - վերջում ասաց նա, - որ կուսակցութեան հիմքը մենք չենք, այլ այդ մասսաները: Եթե մեր որոշումներով հակառակ գնանք նրանց շահերին ու գիտակից պահանջներին, նրանք երես կը դարձնեն մեզնից: Զգուշացե՛ք այդ հեռանկարից»¹:

Հակառակ տեսակետ էին պաշտպանում հակառակադեմոկրատները՝ Սերաստացի Մուրատը, Ռուբեն Զարդարյանը, Թովմաս Զելալյանը (Հայկ Արմեն), Արշակ Վևաթյանը, Սեպուհը, Սարգիս Մինասյանը և այլք: Ինչ վերաբերում է Անդրանիկին, ապա նա նույնպես սկզբունքորեն դեմ լինելով «Կովկասյան նախագիծին»՝ գերադասել էր, սակայն, չմասնակցել դրա քննարկումներին:

Սերաստացի Մուրատը, մերժելով Ս. Զավարյանի փաստարկումները, շեշտում էր, որ խորհուրդն իրավունք չունի հրատարակելու «Նախագիծը», քանի որ դրա ստեղծմանը մասնակից չեն եղել կուսակցության մյուս պատասխանատու մարմինները, մասնավոր՝ երկրի ներկայացուցիչները: Նա պատգամավորներին տեղյակ պահեց, որ, ճիշտ է, այդ միջոցին ժնկում գտնվող Անդրանիկը մասնակցել է խորհրդի երկու գումարումներին, բայց բոլորովին տեղեկություն չի ունեցել, որ «Նախագիծը» պիտի հրատարակվի²: Համոզմունք արտահայտելով, որ, «Նախագիծն» ընդունելով, մենք այդ սխալը «ապագայում քաղելու ենք հարյուրավոր զոհերի արյունով», Մուրատը պահանջում էր, որ «խորհուրդն ինքը խոստովանի իր քայլի ապօրինի լինելը»³: Նա նաև ասում էր, որ անհավանական են այն պնդումները, թե կուսակցական անդամների մեծ մասը կողմ է արտահայտվել «Նախագիծին»: Մուրատի այդ կասկածը անընդունելի համարեցին նախագծականներից շատերը, որոնք օրինակներ էին բերում ապացույցելու, որ, պաշտոնական մարմիններից և շարքային դաշնակցականներից գատ, «Նախագիծ» մասին դրական կարծիքներ են հայտնել անկուսակցական հավաքույթների հազարավոր մասնակիցներ:

Երկրթ ունենալով Ակնունին վկայակոչեց Հ.Յ.Դ. արևելյան բյուրոյի Հանձնարարությունը՝ Քարի (Ալեքսանդրապոլի) կ.կոմիտեի կողմից ամփսներ առաջ հրավիրված՝ գավառում բնակություն հաստատած տաճկահայերի ժողովը, որին մասնակցություն էին բերել 22 վայրերից եկած ներկայացուցիչներ: Այդ ժողովն ընդունել էր մի որոշում, որը հայտնի էր «Ալեքսանդրապոլի տաճկահայերի բանաձև» անունով: Ակնունին կարդաց այդ բանաձևը, ուր ասված էր. «Հ.Յ. դաշնակցության արևելյան բյուրոյի հրավիրմամբ գումարվեց կով-

կասաբնակ դաշնակցական տաճկահայերի համագումարը՝ քննելով «Նախագիծ» շուրջ ծագած տարաձայնությունները, անկախ շրջաններից բերած մանրատներից, եկավ այն եզրակացություն, որ նա համապատասխան է Հ.Յ. դաշնակցության երրորդ ժողովի սկզբունքներին, և որ կովկասյան գործունեությունը կյանքի հրամայական պահանջ է: Իսկ «Նախագիծ» վերջնական ընդունելությունը և գործադրության չափը թողնվում է առաջիկա ընդհանուր ժողովին»¹:

Այդ բանաձևի առթիվ Ամերիկայից եկած պատգամավոր Թովմաս Զելալյանն ասաց, թե ինքը սխալ է գտնում բանաձևի բովանդակությունը: Իսկ Մուրատը ծանրակշիռ հայտարարություն արեց, թե ինքը համոզված է, որ տաճկահայերը չէին կարող նման որոշում ընդունել. եթե, այնուամենայնիվ, ընդունել են, նշանակում է նրանց ստիպել են: «Քարի ժողովին մասնակցող պատգամավորներն և՛ ոչ մեկը անկեղծ կողմնակից չէ եղած «Նախագիծին», - ասաց նա: - Եվ եթե հակառակ ատոր՝ այնուամենայնիվ ստորագրած են նման բանաձև մը, ըրեր են ատիկա, որովհետև իրենց վրայ բարոյական ճնշումներ գործ դրուեր են: Այս է ճշմարտությունը»²:

Մուրատի հայտարարությունը մի անվերապահ ամբաստանություն էր՝ ուղղված թե՛ Քարի կ.կոմիտեի ընկերների և թե՛ կուսակցության վերին ղեկավարության հասցեին: Ժողովականների մոտ հուզում առաջացավ: Բարեբախտաբար Ամերիկայից եկած երկրորդ պատգամավորը՝ Վահագն Տաթևյանը, որ պարագաների բերումով ինքն անձամբ ներկա էր գտնվել Ալեքսանդրապոլի ժողովին, Հերքեց Մուրատի մեղադրանքը, ասելով. «Մխալ է, ոչ մեկ ճնշում գործ դրուած է մեր տաճկահայ պատգամավորներին որևէ մեկուն վրայ: Ժիշդ է, թե քսաներկու շրջաններ եկած պատգամավորները հետերին բերած էին մանրատներ, որոնք մեծավ մասամբ հակառակադեմոկրատական բնույթ ունեին: Սակայն ժողովի ընթացքին պատգամավորներն իրենք փոխեցին իրենց սկզբնական հայացքները «Նախագիծ» վերաբերմամբ, երբ անոնց բացատրուեցավ վերջինիս էությունը: Ուստի պատգամավորները «Նախագիծն» ընդունեցին իրենց ունեցած մանրատներն անկախ ու յոժար կամքով ստորագրեցին բանաձևը, որ կարդացուեցավ հոս: Իսկ թե ժողովն ետք պատգամավորներն մեկը թե շատեր նորեն հակառակադեմոկրատական դարձեր են, ես ատկե լուր չունիմ: Գիտցածս ան է, որ բանաձևին ճշդությունը կասկածի տակ առնել կարելի չէ: Մենք հոս կասկածելու ոչ մեկ հիմք ունինք»³:

Պատգամավորներ Տաճատը, Վահագն Տաթևյանը և Թովմաս Զելալյանը «Նախագիծ» դեմ կուսակցության ներսում առաջացած ընդդիմության գլխավոր պատճառներից մեկը համարեցին այն, որ Հ.Յ.Դ. բյուրոները և խորհուրդը

¹ «Հայրենիք», N 4 (374), ապրիլ, 1957, էջ 17:

² Նույն տեղում:

³ Նույն տեղում, էջ 36:

¹ «Հայրենիք», N 7 (377), հուլիս, 1957, էջ 50-51:

² Նույն տեղում, էջ 51:

³ Նույն տեղում:

չեն ձեռնարկել անհրաժեշտ միջոցներ, լայն պրոպագանդա չեն արել «Նախագծի» բովանդակությունը՝ նրանում բարձրացրած հարցերը հասցնելու կուսակցական լայն գանգվածներին, իսկ կուսակցությունից դուրս՝ նաև ժողովրդին: Այս քննադատությունը տեղին համարեցին ոչ միայն հակաՆախագծականները, այլև «Նախագծի» կողմնակիցները. «Նախագծի» պրոպագանդան ուղղությունը կատարված աշխատանքը համարվեց թերի, բայց ոչ որպես պատճառ խորհրդի ձեռնարկը անօրինական համարելու համար:

Մտավորապես նման բովանդակությամբ ելույթ ունեցավ Արշակ Վռամյանը: «Խորհուրդը, - ասաց նա, - իրավասու էր նոր քաղաքականություն սկսելու: Այս է կականը»¹: Առավել ևս հիմա սխալ է պնդել, շարունակեց նա, թե «Նախագիծը» իրավական փաստաթուղթ է, որքանով որ դրան կողմ են քվեարկել 21 կ.կոմիտեներ: «Այդ մարմինների դիմաց կանգնած է ազատ մասսա, որ ոչինչ չգիտե այդ մասին և չի էլ ուզում լսել ... Որ խորհուրդը անցել է իր իրավունքների սահմաններից՝ անվիճելի է ինձ համար»²: «Նախագիծ» հրատարակումը սխալ ու անօրինական համարելով Ա. Վռամյանը, այնուամենայնիվ, ժամանակավրեպ և անօգուտ համարեց չորրորդ ընդհանուր ժողովում հարցի չափից ավելի սրումը: «Իրողությունը արդեն կատարուած է, «Նախագիծը»՝ հրատարակուած. այլևս չխոսենք այդ մասին, այլ հաշտուենք Ռոստոմի ասածի հետ, որ դաշնակցությունը, կեանքից բխած մի կուսակցություն լինելով, անկարող էր նախագիծը չհրատարակել, քանի որ կեանքն է այդպես պահանջել»: Ենելով դրանից՝ նա կոչ արեց այլևս ժողովում «Նախագիծին» վերաբերող իրավական հարցեր չբարձրացնել: «Թողնենք այդ բոլորը, սեղմենք մեր շարքերը, համերաշխ լինենք մեր առաջ դրուած ստեղծագործական հարցերին: Մեր թշնամիների ուրախութեան համար մի փոքրիկ առիթ անգամ չտանք, որոնք աչքերը տնկած ընդհանուր ժողովի վրա, սպասում են երկպառակութեան ձայներին»:

Հավանաբար, «Նախագծի» հրատարակման իրավասության վերաբերյալ վիճաբանությունները դեռ երկար շարունակվեին, եթե Համո Օհանջանյանը վճռականորեն չբողոքեր հակաՆախագծականների՝ ըստ էության ոչ կառուցողական ելույթների դեմ: Նա կոչ արեց չընկնել բառերի հետևից և չհավանությունների գրկում չխեղդել կենդանի գործը: Նրան անմիջապես արձագանքեց Ռոստոմը, ասելով. «Հռովմեական մի զորավարի որդին, առանց հոր գիտութեան, ինքնազուլս կերպով, մենամարտի է հրավիրում թշնամի բանակի զորավարին և սպանում: Չնայելով, որ փայլուն յաղթանակ է տանում, զորավար Հայրն, այնուամենայնիվ, մահուան է դատապարտում որդուն, որովհետև սա խախտել էր զինուորական դիսցիպլինան: Մենք, սակայն, հին հռովմեական օրերում չենք ապրում, որպեսզի պատժենք խորհուրդը: Չէ կարելի մեղադրեա-

¹ «Հայրենիք», N 5 (375), մայիս, 1957, էջ 40:

² Նույն տեղում:

լի աթոռի վրայ նստեցնել ամբողջ ռայոնական ժողովը (Կովկասի :- Հ.Ս.)»:

Այնուհետև Համոյի առաջարկի պաշտպանությամբ հանդես եկան Մաշուրյանը («Մենք չենք կարող մեր գործունեությունը հիմնել բացառապես կետերի վրա, միայն «զակոններով» ղեկավարուել: Այս դեպքում մենք ինչո՞վ ենք զանազանուելու բյուրոկրատիայից: Մի գործ կատարելով՝ մենք չպետք է կանգնենք ու քննադատենք, թե արդե՞ք օրենքների վրա՞նք ենք հիմնուել թե ոչ: Ես ուղղակի թյուրիմացություն եմ համարում ընկ. Մալումեանի դրած հարցը՝ «Նախագծի» հրատարակութեան իրավասութեան մասին ... «Նախագիծը» կեանքի անհրաժեշտ պահանջ է եղել և ուրիշ ոչինչ»), Շահաթուեյանը («Խորհուրդը» իրավունք է ունեցել՝ ամեն տեսակ եզրակացություն դուրս բերել»):

Միանգամայն անսպասելի էր Սեպուհի ելույթը, որը մինչ այդ ամենաթունը հակաՆախագծականներից էր. «Մի րոպե ընդունենք, - ասաց նա, - որ խորհուրդն իրավասու չի եղել, բայց թե կովկասեան իրականությունը ստիպել է նրան «Նախագիծը» հրատարակելու: Թողնենք, սակայն, բոլոր այս վիճաբանությունները. ժողովուրդը մեզ սպասում է դրսում, թե ի՞նչ կ'ասե դաշնակցութեան ընդհանուր ժողովը: Չվախենանք ոչ Միհրանական շարժումից, ոչ մյուս հակառակորդներից: Միաձայն ընդունենք «Նախագիծը», և մեր բոլոր թշնամիները կը լռեն...»¹:

Սեպուհի ելույթը ժողովն ընդունեց ծափահարություններով: Ավելին, ելույթը փոխեց մթնոլորտը, հակաՆախագծականներին սրամազրեց հրաժարվել կոչող դիրքից և համերաշխաբար հրապարակ բերել բոլորի (կամ, համենայն դեպս, մեծամասնության) համար ընդունելի մի որոշման նախագիծ:

Ամփոփելով խորհրդի իրավասության մասին վիճաբանությունները՝ հարցի մասին զեկուցած Խ. Մալումյանը ողջունեց այն ընկերներին, որոնք կարծիք հայտնեցին, թե սխալ է հեղափոխականների գործունեությունը կաշկանդել օրինականության մեծածառուտով, մանավանդ, եթե նկատի է առնվում, որ «մեր կազմակերպությունը ոստիկանական հաստատություն չէ»: Միաժամանակ նա նշեց, որ դա բնավ չի նշանակում, թե կարելի է անուշադրության թողնել «Նախագիծ» հրատարակման գործում իրավասության հարցը, քանի որ «մենք ունենք կանոններ մեր ձեռքով իսկ մշակուած, որոնցով մենք պարտավոր ենք ղեկավարուել՝ մեկ ընդհանուր ժողովից մինչև յաջորդը»:

Ողջունելով Սեպուհի ելույթը՝ այնուհետև Մալումյանն ասում է. «Ի վերջոյ ես միանում եմ Սեպուհի առաջարկին և ցանկություն յայտնում, որ ժողովը իր միաբերան մտահույսով լայն «Նախագիծ» հրատարակմանը. ներկայ դեպքում միաձայնությունը ցանկալի է ո՛չ այն պատճառով, որ ընդհանրապես միաձայն որոշումը լավ բան է, այլ որովհետև հարկավոր է ուժգին կերպով

¹ Նկատի ունի կուսակցության շարքերը: «Նյութեր...», հատ. 9, էջ 158:

վերջ տալ «Նախագծի» դեմ ուղղված խուլիգանական շարժմանը՝ որին մասնակցում են նաև ոչ խուլիգանական տարրերը: Եվ որպեսզի դադարեն բողոքները կազմակերպութեան դեմ, ժողովը պետք է միաձայն հավանություն տալ խորհրդի որոշմանը¹:

Խորհրդի կողմից «Նախագծի» հրատարակման իրավասություն մասին վիճաբանությունները վերջանում են: Բանաձևերի նախագծեր են առաջարկում Ջարդարյանը, Թուփչյանը, Մալումյանը, Տաճատը, Ջելայանը, ինչպես նաև միանաբար՝ մի խումբ ընկերներ:

62-րդ նիստում (ապրիլի 2-ի առավոտյան) քվեարկության են նախապատրաստվում այդ նախագծերը, սակայն հիմք է ընդունվում միայն Ռուբեն Ջարդարյանի նախագիծը, որը, լրացումներից հետո, հետևյալ տեսքն է ընդունում.

«Ընդհանուր ժողովը, լսելով ընկ. Մալումյանի զեկուցումը «Խորհրդի իրավասություն մասին «Նախագծի» հրատարակման գործում» և այս առթիվ տեղի ունեցած կարծիքների փոխանակություններն ու վիճաբանությունները, հասավ հետևյալ եզրակացությունների.

Խորհուրդը, հիմնվելով դաշնակցության հիմնական ծրագրի, Գ. ընդհանուր ժողովի կողմնակցության գործունեության մասին տրուած որոշումների ոգիին, կովկասեան շրջանային՝ ժողովի այս առթիվ տուած որոշումներուն, ինչպես նաև կեանքի հրամայողական պահանջներուն վրայ, պարտավոր էր հրատարակելու «Կովկասեան նախագիծը»՝ իբրև ուղեցույց կովկասահայ կեանքի քաղաքական և տնտեսական գործունեության, վերապահելով անոր վերջնական հաստատությունը ներկայ ընդհանուր ժողովին»:

Բանաձևի այս նախագիծը 71-րդ նիստում (ապրիլի 7) դրվում է քվեարկության և, բացի Սեբաստացի Մուրատից, բոլորը տալիս են իրենց համաձայնությունը:

Այնուհետև ընդհանուր ժողովն անցնում է «Կովկասյան նախագծի» քննությանը ըստ էության:

ՍՈՑԻԱԼԻՉՄԸ՝ ՓՈՐՑԱՔԱՐ

«Նախագծի» քննության հենց սկզբից պատգամավորների առջև կանգնեց Հ.Յ.Դ. սոցիալիստական գործունեության հարցը:

Քննարկումն, ըստ էության, ամենից առաջ ներառում էր կուսակցության կողմից սոցիալիստական գաղափարախոսության պաշտոնական որդեգրման և նրա սոցիալիստական գործունեության նպատակները: Այդ խնդիրների քննարկմանն էին նվիրված ընդհանուր ժողովի 62-67-րդ նիստերը (ապրիլի 2-5-ը):

¹ Նկատի ունի Միհրանյանի շարժումը:

² «Նյութեր...», Հատ. Գ, էջ 161, 190:

³ Պետք է լինի՝ ուսյունական:

Արտահայտվեցին գրեթե բոլոր պատգամավորները, ոմանք՝ մի քանի անգամ¹:

Հականախագծականների համոզումնքն այն էր, որ Կովկասում և՛ ազգային, և՛ սոցիալական հողի վրա Հ.Յ. դաշնակցության միաժամանակյա գործունեությունը պատճառ կդառնա կովկասահայության ուժերի ջլատման ու բաժանման: Ըստ որում, նրանք հենվում էին հետևյալ պատճառաբանությունների վրա. ա) Թուրքահայոց դատի լուծման համար պայքարող Դաշնակցությունը, միաժամանակ Կովկասում իր վրա վերցնելով սոցիալական ազատագրության կռիվը, բնականաբար, պարտավորված է լինելու անպայման մասնակցել այստեղի մյուս բոլոր սոցիալիստական կուսակցությունների գործունեությանը, այսինքն՝ ստիպված է լինելու ավելի շատ զբաղվել սոցիալական, քան ազգային խնդիրներով, որի հետևանքով անխուսափելիորեն շեղվելու է թուրքահայոց ազատագրության իր անմիջական նպատակից, բ) Եթե կովկասահայը սկսի առաջնորդվել յուր սոցիալական, այսինքն՝ անհատական տնտեսական շահերով, ապա նա, անշուշտ, մոռացության կտա կամ լավազույն դեպքում երկրորդական խնդրի կհամարի տաճկահայ դատը: Դրա ապացույցը այն հայերն են, որոնք հանգիստ ու նյութապես բավարարված ապրելով հասարակապետական ազատ կարգեր ունեցող երկրներում՝ բոլորովին մոռացել են իրենց ազգը, ձուլվել տեղի ազգերի հետ և, կարելի է ասել, այլևս կորած են հայության համար, գ) Տաճկահայաստանում ազգային, միաժամանակ Կովկասում սոցիալիստական հողի վրա գործելով՝ դաշնակցությունը ստիպված կլինի դրամական ահազին ծախսեր կատարել սոցիալիզմի գաղափարների տարածման և դրանց իրականացման համար մղվող պայքարի վրա, որի հետևանքով տաճկահայ դատը տնտեսապես նույնպես պիտի տուժի, հետևապես պիտի տուժի նաև ազգային ինքնապաշտպանության գործը, դ) Քանի դեռ տաճկահայ դատին լուծում չի տրված, նման պայմաններում Կովկասում կամ այլուր հայության մեջ սոցիալիստական գործունեություն ձեռնարկելը մեծապես կվնասեր ազգի մեծամասնությունը կազմող տաճկահայությանը ամենից ավելի հետաքրքրող խնդիրներին, այն է՝ ազգի ինքնապաշտպանության գործին և ազգային դատին:

Հականախագծական Սեբաստացի Մուրատը իր ելույթում դաշնակցության համար ուղղակի կործանարար էր համարում սոցիալիստական գաղափարախոսության և գործելակերպի որդեգրումը: Կովկասահայ բուրժուազիայի և նրա պաշտպան ցարական ինքնակալության դեմ պայքարը նա համարում էր վաղաժամ, անթույլատրելի: «Մենք չենք կարող միաժամանակ կռվել թե կառավարության և թե բուրժուաների դեմ Կովկասում, - ասում էր նա և ավելացնում: - Երբ պետական ետադեմ ռեժիմը կը տապալենք, յետո կը կռուենք բուրժուազիայի դեմ», իսկ այժմ մնանք հանգիստ²:

¹ Տե՛ս Ս. Վրացեան, Կեանքի ուղիներով, Հատ. Բ, էջ 98:

² «Նյութեր...», Հատ. Գ, էջ 171:

Հակադրվելով Համո ՕՀանջանյանի այն տեսակետին, ըստ որի դաշնակցությունը չպետք է լինի ազգային կուսակցություն, Մուրադը հարց է տալիս. մինչև այժմ Հ.Յ.Դ. վարած դատը ազգային է եղել, թե ո՛չ: Նշելով, որ այն զուտ ազգային է եղել, նա շեշտում էր, որ եվրոպական դեմոկրատիայի ստանդարտներին համարժեք չէր, որ եվրոպական դեմոկրատիայի ստանդարտներին համարժեք չէր: «Մեր հարցը դրվել է իբրև ազգային, այլ ոչ թե սոցիալիստական դատ»¹:

Հետևողականորեն պաշտպանելով Մուրադի հարցադրումները՝ Բալկանի ներկայացուցիչ Ռուբեն Զարդարյանն ասում էր. «Կովկասն իրավունք ունի իր գործը տնօրինելու այնպես, ինչպես ինքն է ուզում: Բայց մենք այն հրամայական հարցը կը դնենք միշտ, թե ի՞նչ յարաբերություն մեջ պետք է լինեն կովկասահայ և տաճկահայ դատերը: Այս հարցը մեզ մտահոգություն է պատճառում: Մեր դատը պետք է մնայ ոչ դասակարգային, այլ ընդհանուր ազգային: Ես չեմ կարող համաձայնել ընկ. Համոյի հետ, թե մեր շարժումը պետք է լինի միջազգային յեղափոխության մի ֆրակցիա»²:

Բալկանի կազմակերպության պատգամավոր Սարգիս Մինասյանը վճռականորեն հանդես գալով սոցիալիստական գաղափարների դեմ՝ դասակարգային պայքարի քարոզը համարում էր դաշնակցության ոգուն ու նպատակներին հակառակ բան: Քանի որ դաշնակցությունը ստեղծված է Տաճկահայաստանի համար, ասում էր նա, ուստի նա չպետք է դուրս գա տաճկահայ դատի սահմաններից և փորձի աստար կանգնել մի ուրիշ դատի և՛ տվյալ դեպքում կովկասահայության դատին: Իսկ եթե, այնուամենայնիվ, կուսակցությունը կովկասահայության դատը համարելու է նույնքան կարևոր, որքան տաճկահայ դատը, ապա այդ դեպքում պարտավոր է իր առջև դնել միայն ազգային խնդիրներ, բայց ոչ երբեք քաղաքական, քանի որ Հ.Յ.Դ.-ն ազգային-հեղափոխական, այլ ոչ թե քաղաքական-հեղափոխական կուսակցություն է: Նա հարցնում էր. «Եթե վաղը հանկարծ ասպարեզ գա բուլղարահայերի մի դատ, այդ դեպքում դաշնակցությունը պիտի անցնի այդ շարժման գլուխ: Իսկ եթե կուսակցությունը ուզում էր համազգային դարձնել, ապա այդ դեպքում Կովկասում պարտավոր էր չմղել ոչ մի դասակարգային պայքար»³:

Եկեղեցական կալվածների գրավման հարցը համարելով համազգային Մինասյանը ճիշտ համարեց, որ դաշնակցությունն իր վրա էր վերցրել դրա լուծման պատասխանատվությունը, բայց երբ այսօր նույն դաշնակցությունը ձգտում էր դեկավարել դասակարգային սկզբունքներով, ապա նա այլևս կորցնում է իր համազգային բնույթը: «Ո՛չ, դաշնակցությունը չպետք է ունենար կովկասահայ դատ, ի նկատի ունենալով այն հանգամանքը ևս, որ տաճկահայ դատը լուծելու տեսակետից անհրաժեշտ է եվրոպայի միջամտությունը, մինչդեռ եվրոպան չի խառնուրդ կովկասեան գործերի մեջ»⁴:

¹ «Նյութեր...», հատ. Գ, էջ 173:

² Նույն տեղում, էջ 164, 176:

³ Նույն տեղում, էջ 155:

⁴ Նույն տեղում:

Իր ելույթներից մեկում Ս. Մինասյանը մեջբերեց 1906թ. մարտին տեղի ունեցած Հ.Յ.Դ. բալկանյան շրջանային ժողովի որոշումը, որում կտրականապես մերժվել էր դաշնակցության խորհրդի «Կովկասյան նախագիծը»: Այդ ժողովի ընդունած բանաձևի մեջ ասված էր. «... ա) Խորհուրդը կը սխալի՝ կարծելով թե Կովկասի հայ-թուրքական կոնֆլիկտը պատճառները տնտեսական-դասակարգային են: Կովկասի մեջ դաշնակցությունը մղած է լուր ազգային-քաղաքական ինքնապաշտպանության կռիվ և ո՛չ դասակարգային. ուրեմն անհիմն է դաշնակցության ծրագրին մեջ սոցիալիստական գաղափարներ և ուղղություն մտցնելու առաջարկը և վնասակար թուրքահայ դատին, որ դաշնակցության միակ դատն է, բ) Դաշնակցությունը Կովկասի մեջ կռիվը շարունակելու է ազգային ինքնապաշտպանության հողի վրա»¹:

Բալկանի պատգամավորն այն միտքն է ընդգծում, որ առայժմ պետք չէ, որ կուսակցությունը ուժեր տրամադրի սոցիալիստական գաղափարների տարածմանը, քանի որ այդ գաղափարները չեն համապատասխանում Հայաստանի սոցիալ-տնտեսական պայմաններին: Նա այնուհետև նշում էր, որ մինչև այժմ դաշնակցության գործունեությունը ազգային ազատագրական հունի մեջ է եղել, և դրա համար է, որ նրա դրոշակի տակ համախմբվել են անխտիր բոլորը՝ բանվոր ու դրամատեր, գյուղացի թե՛ կալվածատեր, ուսուցիչ թե՛ հոգևորական: Վերջացնելով իր խոսքը, Բալկանի պատգամավորը, այնուհետև, ասում էր, որ ժողովուրդը մինչև այժմ դաշնակցության մեջ չի ենթադրել սոցիալիզմ, այլ կուսակցության վրա նայել է որպես մի գործնական, ազգային-ազատագրության կազմակերպություն: Հենց դրա համար է, որ հազարավոր հայեր, դաշնակցությանը գերադասելով հնչակյան կուսակցությունից, մտել են նրա շարքերը, դրա համար է, որ ժողովուրդը պատվար էր կանգնած նրան: Բայց այժմ, ցավով նշում էր նա, հազարավոր դաշնակցականներ թողնում են կուսակցության շարքերը՝ չցանկանալով ծառայել սոցիալիզմի վերացական գաղափարներին:

Մի այլ ելույթում նշելով, որ դաշնակցության տարեկան հասույթը կազմում է մոտավորապես 500 000 ֆրանկ, Հ.Յ.Դ. Բալկանի կազմակերպության պատգամավորը ասում էր. «Ո՛չ մեկ պարագայի տակ համաձայն չենք, որ յանուն տաճկահայ դատին և յանուն դաշնակցության հավաքուած գումարներն տրամադրուի Կովկասի մեջ գոյություն ունեցող գործավարական և ուսական շարժման»:

Բալկանի մյուս ներկայացուցիչ Ռուբեն Զարդարյանը գտնում էր, որ, «Նախագիծ» մեջ մտցնելով կովկասյան գործունեության պահանջը, դաշնակցության խորհուրդը դրանով իսկ շեղվել է Հ.Յ.Դ. երրորդ ընդհանուր ժողովի որոշումներից և, ինքնապաշտպանողականից անցնելով հարձակողականի, մեծապես վնասել է կուսակցության հիմնական սկզբունքներին:

¹ «Նյութեր...», հատ. Դ, էջ 166:

Ե. Թուփչյանի այն հարցին, թե կովկասյան գործունեությունը ինչով և ինչպես է վնասել թուրքահայ դատին, Զարդարյանը պատասխանում էր, որ տաճկահայերի կարծիքով, եթե դաշնակցությունը զուգահեռաբար գործի նաև Կովկասում, դրանով իսկ կհարվածի հայկական դատին, որը, զուտ քաղաքական կոիվ լինելուց զատ, նաև հանձնված է վեց մեծ տերությունների խնամակալությանը, մինչդեռ այժմ, երբ շեշտվում է դասակարգային-սոցիալական պայքարի սկզբունքը, բնականաբար, կուսակցությունը շեղվում է իր իսկ նախընտրած ուղուց:

Սոցիալիզմի մասին տաճկահայ պատգամավորների տեսակետը ջերմորեն պաշտպանում էին մի քանի ռուսահայ պատգամավորներ, որոնց թվում էր Քարի (Ալեքսանդրապոլ) պատգամավոր Ավետիք Իսահակյանը (Հայ Գուսան): Նա պնդում էր, որ սոցիալիզմի գաղափարը խորթ է Հայ ժողովրդի հոգեբանությանը, քանզի Հայն իր էությունը ինդիվիդուալիստ է, մի բան, որ հակառակ է սոցիալիզմի կոլեկտիվիստական ոգուն: Իր տեսակետը հիմնավորելու համար պատգամավորը բերում էր նաև այլ «փաստարկներ»:

Շատ տարիներ անց վերհիշելով Ավետիք Իսահակյանի ունեցած ելույթներից մեկը՝ Սիմոն Վրացյանը գրել է.

«Իսահակյանն անհաշտ հակառակորդ էր ընկերավարության: Նա մի բուռն ճառ խոսեց ընկերավարության դեմ, որը, նրա կարծիքով, մերժում է անհատի ազատությունը և ձգտում ճորտության վերածել մարդկությանը: Ընկերային բոլոր վարդապետություններից ընկերավարությունը ամենեն հետադիմականն է՝», - պնդում էր նա:

Սոցիալիզմի դեմ անգիղում Հանդես եկող պատգամավորների ելույթները ծանր մթնոլորտ էին ստեղծել կուսակցաժողովում: Դաշնակցության առջև կանգնել էր մաս-մաս լինելու և անջատվելու սպառնալիքը: Սոցիալիզմի կողմնակիցները, թվում էր, ուր որ է պիտի ընկրկեն, տեղի տան և ընդունեն իրենց պարտությունը:

Վերջիններիս հոգեկան ապրումները հարազատորեն է արտահայտել Հ.Յ.Դ. Այգեաստանի պատգամավոր Ալեքսանդր Մաշուրյանը, 1907թ. փետրվարի 24-ի թվով Վիեննայից ուղարկած նամակում: Նկարագրելով ժողովի առաջին նիստերը՝ Հ.Յ.Դ. Այգեաստանի (Գանձակի) կ.կոմիտեին նա գրում էր.

«Սիրելի Այգեաստան,

ինձ վրա դրել եք ծանր պարտականություն՝ լինել ձեր պատգամավորը ընդհանուր ժողովում: Առաջին իսկ ռուպից ես ինձ ճնշված եմ զգում այդ ծանր դերը ստանձնելու համար, որովհետև այդ ընդհանուր ժողովը բացառիկ պայմաններում է գալիս կանգնում մեր իրականությունը խորապես հուզող ծանր հարցերի դիմաց: Մի խոշոր կազմակերպության քայքայված, մահամերձ օրգանիզմը բժշկելու համար, այսպիսի տագնապալից պատմական մոմենտում,

¹ Ս. Վրացյան, Կեանքի ուղիներով, հատ. Բ, էջ 191:

ընդհանուր ժողովի կատարելիք դերը պատմական կը դառնա, եթե նա կարողանա ըմբռնել ժամանակի ոգին, յուր բարձրություն վրա կանգնի ու վճռի յուր առաջ դրված հարցերը, և ոչ թե թողնի նրանց տարերթի կամքին, ինչպես մինչև այժմ է եղել:

Սիրելի՛ք: Սկզբից Հենց ես բարոյական պարտք եմ զգում պարզապես արտահայտելու իմ աննախանձելի տպավորությունները, որ ես ստացա ընդհանուր ժողովի առաջին նիստերից հետո. Հենց սկզբից ես ստիպված եմ ձեզ հայտնելու այդ իմ թերատ՝ տպավորությունները և ասելու, որ ընդհանուր ժողովը հազիվ թե կարողանա մեզ այնքան տանջող հարցերին գոնե թեթևակի պատասխան տալ, սոցիալիզմի ոգով տոգորված պատասխան իհարկե, ապա թե ոչ, ամեն տեսակ հարցի պատասխան կարելի է որևէ կերպ տալ:

Ես պետք է ձեզ Հենց սկզբից նախազուգուցեմ, որ մի ժողով, որտեղ ահագին քանակությամբ ոչ սոցիալիստ անդամներ կան, որտեղ ծայրահեղ շովինիստի դիմաց ծայրահեղ ձախակողմյանն է նստած, այդտեղ անհնարին է լինելու հարցերի խաղաղ քննադատություն և ըմբռնում: Այդպիսի ժողովում անհնարին է չնախատեսել հավանական պայթյոցներ...»:

Ապա՝

«...Այստեղ մենք այնպիսի մեծաքանակ անդամների հետ գործ ունենք, որոնք կատաղում են ամեն անգամ, երբ կովկասյան գործունեության մասին են լսում, որոնք սոցիալիզմի անունն անգամ լսել չեն ուզում, որոնք դաշնակցության իմաստը միայն տեսնում են տաճկահայկական դատի մեջ, որոնք չափազանց անհամբերությամբ տարան նույնիսկ այն միտքը, երբ խոսք էր լինում կապ ունենալ որևէ ռուս հեղափոխական մարմինների հետ, որ երբեմն ինձ թվում է, թե ես ապրում եմ 5-10 տարի այսօրվանից առաջ...: Մանր դրություն է: Սակայն դեռ չեն եկել 7-8 ավելի հեղինակավոր ընկերներ, որոնց ազդեցությունը գոնե մի քիչ լավ լինի...»¹:

Հականախագծականների ելույթներից հետո նախագծականների մի մասի մոտ առաջ եկան տատանումներ, որոնք աճելով կարող էին բարձրացնել մտքերի շփոթը: Ահա թե ինչու առաջարկ եղավ հարցի մասին ընդհանուր ժողովին ներկայացնել հատուկ զեկուցում: Ապրիլի 2-ի առավոտյան (62-րդ) նիստում «Նախագծի» բովանդակության մասին հանգամանալից զեկուցում կարդաց Նիլիզ Թուփչյանը: Նրա զեկուցման հիմնական բովանդակությունն այն էր, որ արագ փոփոխվող իրադրությունները Հ.Յ.դաշնակցության առջև հրամայաբար դրել են Կովկասում սոցիալիստական պրոպագանդա մղելու և սոցիալիստական գործունեություն ծավալելու հրատապ խնդիրները: Ըստ որում, նա ընդգծեց, որ «Կովկասում չենք մտցրել մեր կուսակցական գործունեության մեջ ոչ մի նոր ուղղություն: Կովկասեան գործունեութեան սոցիալիստականու-

¹ Թերի «Նյութեր...», հատ. Դ, էջ 355:

թյունը եղել է բնական շարունակությունը մեր նախկին գործունեությունների»։ Նշելով, որ «Կովկասյան նախագիծը» ուղղված է Հենց այդ գլխավոր նպատակին, զեկուցողն ասում էր, թե ինքը չի կասկածում, որ ժողովն ավելի ուժգին է չեչտեչու «Նախագիծ» սոցիալիստական սկզբունքները։

Ձեկուցման շուրջ սկսված մտքերի փոխանակությունն առաջինը Հանդես գալով՝ Ռոստոմը նշեց, որ ծագման օրից սկսած՝ դաշնակցությունը եղել է աշխատավորական, սոցիալիստական կուսակցություն, և դա այնքան ակնհայտ է, որ որևէ անհրաժեշտություն չկա ժամանակ կորցնելու այդ բանն ապացուցելու համար։ Նա գտնում էր, որ ընդհանուր ժողովը պետք է պատասխան տա երկու հիմնահարցերի. 1. Ազգային-հեղափոխական դաշնակցությունը իր սկզբնական ծրագրի սրամագրությունների համաձայն, Կովկասում դառնում է քաղաքական-հեղափոխական կուսակցություն, թե՞ ոչ, 2. Դաշնակցությունը Կովկասում պե՞տք է դասակարգային պայքար սկսի՝ դարձյալ համաձայն իր ծրագրի ոգուն, թե՞ ոչ¹։

Հենց այս հարցերի շուրջն էլ ծավալվեցին բուռն վիճաբանություններ։ Ռոստոմի ելույթից հետո Հանդես եկած նախագծականները (Հ. Օհանջանյան, Ս. Զավարյան, Խ. Մալումյան, Հ. Զավրիյան, Ավ. Ահարոնյան, Արամ, Իշխան, Մաշուրյան, Բարսեղյան, Ստեփանյան և ուրիշներ) նշում էին, որ կյանքի հրամայականով ազգային-հեղափոխական դաշնակցություն կուսակցություն անխուսափելիորեն վերածվում է քաղաքական-հեղափոխական կազմակերպության՝ սոցիալիստական բովանդակություն ունեցող գաղափարախոսությունը ու սոցիալիստական գործելակերպով։ Դրան նպաստում էր այն, որ դաշնակցությունը նախկինում, մինչև 1903թ., նպատակադրված չլինելով Կովկասում հեղափոխական ակտիվ դեր կատարել, այնուամենայնիվ, այդտեղ կազմակերպում էր խմբեր, մղում պրոպագանդա, աշխատում էր պատրաստել մի ամբողջ սերունդ՝ գաղափարի և գործի։

Գանձակի ներկայացուցիչ Ալեքսանդր Մաշուրյանը հրապարակեց իրենց կ.կոմիտեի հրավիրած չրջանային ժողովում ընդունած բանաձևը, ուր ասվում էր. «Հ.Յ.դաշնակցությունը, լինելով սոցիալիստական կուսակցություն, պետք է հիմնվի միմիայն Հայ աշխատավոր մասսաների վրա, որին պետք է պատրաստել մի կողմից հեղափոխական կռիվ մղելու ներկա միապետական կարգերի դեմ, մյուս կողմից՝ բարձրացնելու նրա գիտակցությունը ապագա սոցիալիստական կարգերի համար»²։

Ոչ միայն Հ.Յ.Դ. չորրորդ ընդհանուր ժողովի արձանագրություններին, այլև արխիվային այլ նյութերի ուսումնասիրությունը ցույց է տալիս, որ դաշնակցության կովկասյան գործունեությունը կյանքի պահանջ էր «Նախագիծ» դեռ շատ առաջ։ Կովկասահայության ինքնապաշտպանության մասին

¹ «Նյութեր...», Հատ. Գ, էջ 161։

² Նույն տեղում, Հատ. Դ, էջ 356։

այդ ժողովի որոշումը դեռ չկար, երբ կուսակցությունը Կովկասում կռիվ էր սկսել ռուսական կառավարության դեմ Հայ եկեղեցու գույքը հարգունիս բռնագրավելու պատճառով։ Իսկ այն ժամանակ դաշնակցության շարքերում ոչ մի բողոք չեղավ, թե կուսակցությունն ինչու է ստանձնել Հայ եկեղեցու պաշտպանությունը։ Հենց տաճկահայ դատի տեսակետից էր անհրաժեշտ, որ դաշնակցությունն սկսեր նաև կովկասյան գործունեությունը։ Առանց այս վերջինի կուսակցությունն, անկասկած, այն ուժը չէր ունենա, որին հասել էր։ Կովկասում էր, որ դաշնակցությունը հզորացրել էր իր բանակը, խտացրել գաղափարակիցների շարքերը և պատվով անցել կռիվների բովով։ Կուսակցության Կովկասում ձեռք բերած ուժն ու փորձառությունը ռազմական և նյութական տեսակետից խոշոր օգուտ էին տալիս ոչ միայն կովկասահայությանը, այլև տաճկահայ դատին։ Փաստ է, որ 1904 թվականից սկսած՝ կուսակցությունն ավելի շատ էր զբաղվել տաճկահայ շարժման խնդիրներով, քան՝ երբեք։ Ըստ որում, Կովկասից թուրքահայերին սրված օգնությունն իր ծավալներով անհամեմատ ավելի մեծ էր եղել, և դա՝ շնորհիվ կուսակցության կովկասյան գործունեության։ Կովկասում սկսված կռիվները հրապարակ էին հանել հեղափոխական բազմաթիվ անհատների, բարձրացրել հանրության դիմադրական ոգին։ Այդ ամենից տաճկահայ դատը միայն շահ ունեցավ։ Ծիշտ է, առաջներում կուսակցությունն իր դրամական եկամուտն համարյա ամբողջովին հատկացնում էր այդ դատին, բայց բանն այն է, որ այդ ամբողջը մի քանի անգամ քիչ էր՝ համեմատած եկամտի այն մասի հետ, որ հիմա է հատկացվում։

Իրենց այդ հաստատումը համոզիչ դարձնելու համար նախագծականները թվերով ու փաստերով ցույց էին տալիս, որ դաշնակցությունից ուժեր է խել ոչ թե ցարիզմի դեմ բուն քաղաքական կռիվը, այսինքն՝ սոցիալ-դասակարգային պայքարը, այլ ինքնապաշտպանությունը Կովկասում։ «Սա էր, որ գրադեցրել է ամենքիս, - ասում էր Ռոստոմը, - բյուրոյի անդամներից սկսած մինչև Մուրատը, Սեպուհը...։ Եթե Կովկասում մի վտանգ կար տաճկահայ դատի համար, դա ինքնապաշտպանության կռիվներն էին, և մենք պարտավոր էինք ճիգ թափել, որպեսզի վերջ տրուին այդ կորստաբեր կռիվներին. իսկ վերջ տուած լինելու համար մենք պետք է քաղաքական լողունգ ունենայինք, որը կը միացնեն մեզ մեր հարևանների հետ։ Սա մի հրամայական պահանջ էր մեր կուսակցության համար»¹։

Որ դաշնակցության կովկասյան գործունեությունը կյանքի անհետաձգելի պահանջ է եղել, վկայում է նաև այն, որ երրորդ ընդհանուր ժողովն ինքն էր ըմբռնել այդ պահանջի հրամայականը։ Ծիշտ է, ժողովը Կովկասում կուսակցության պայքարի հիմնական տակտիկական համարել էր Հայության ինքնապաշտպանության կազմակերպումը, բայց արձանագրել էր, որ դաշնակցությունն այնտեղ պետք է մասնակցի քաղաքական ցույցերին, բանվորական

¹ «Նյութեր...», Հատ. Գ, էջ 165-167։

գործադուլներին, Համերաշխություն Հաստատի ուրիշ քաղաքական կուսակցությունների և առանձնապես սոցիալիստ-հեղափոխականների հետ: Այդ տարիներին դաշնակցական կազմակերպությունները քաղաքական ցույցերի էին դուրս գալիս կարմիր դրոշակներով, բողոք հայտնում բռնակալության դեմ՝ Հանուն կովկասահայության իրավունքների պաշտպանության, մասնակցում էին բանվորական գործադուլներին, որպեսզի վարձու աշխատողների շահերը պաշտպանեն ընդդեմ շահագործողների:

Այս և նման կարգի Հանգամանքներն էր նկատի ունենում Նավահանգստի (Բաթումի) պատգամավոր Միքայել Հովհաննիսյանը (Վարանդյան), երբ ասում էր, որ Հ.Յ.Դ. երրորդ ընդհանուր ժողովի որոշումների հիման վրա դաշնակցական կազմակերպությունները իրավասություն ունեն դիմելու հարձակողական գործողությունների: «Մի՞թե յարձակում չէ տեղորը, որ միշտ կատարել է դաշնակցությունը, [մի՞թե յարձակում չեն] գործադուլները [և] քաղաքական ցույցերը»¹, - հարց էր տալիս նա:

«Ինքնապաշտպանություն» և «հարձակում» Հասկացությունների ճշտման և լուսաբանման անհրաժեշտությունը շեշտելով՝ Համո Օհանջանյանը նշում էր, որ ՀակաՆախագծականները «ինքնապաշտպանություն» Հասկացությունը ըմբռնում են շատ սահմանափակ իմաստով, գտնելով, որ այդ գաղափարի տակ պիտի Հասկանալ միայն կոփ կովկասյան թուրքերի դեմ: Իսկ համարելով նեղ ու սնանկ մոտեցում նա ասում էր. «Ամեն մի յարձակում մեր դեմ, որը վտանգում է մեր իրավունքները, մեր գոյքը և ստացուածը, լինի դա թուրքերի թե կառավարութեան կողմից, առաջ է բերում ինքնապաշտպանություն»:

Պաշտպանելով Ե. Թոփչյանի հարցադրումները՝ Խաչատուր Մալումյանը նշում էր, թե եթե մի կողմ թողնվեն ՀակաՆախագծականների կողմնակի մանր առարկությունները, ապա նրանց առաջ քաշած էական հարցը մնում է հետևյալը. դաշնակցությունը Կովկասում գործ չպետք է ունենա, որպեսզի կարողանա ամբողջովին նվիրվել տաճկահայ դատին: Այդ հարցը պարզելով ըստ էության՝ նա ասում էր. մի պահ պատկերացնենք, թե Կովկասում դաշնակցությունը չի գործում և գոյություն չունի «Նախագիծը», այլ կա միայն Հայ ժողովուրդը՝ ենթարկված ուսուսական բռնակալության Հարձանքներին: Կովկասահայ ժողովուրդը, որ վաղուց ի վեր տոգորված է եղել առաջադիմելու ոգով, կարո՞ղ էր մինչև վերջ տանել իր իրավունքների դեմ սխտեմատիկ գործադրվող բռնությունները, որոնք օրեցօր սաստկանալով՝ Ալեքսանդր Երկրորդի մահից հետո վերածվեցին մի ամբողջ հայաջինջ քաղաքականության: Այս դեպքում եթե ժողովուրդը չըմբոստանար այդ քաղաքականության դեմ, նման կլինե՞ր մի քուրդ ցեղի, անզգա մի գանգավածի: Ապա դիմելով ժողովի տաճկահայ պատգամավորներին՝ Մալումյանը կոչ էր անում ըմբռնել կովկասահայու-

¹ «Նյութեր...», Հատ. Գ, էջ 158:

թյան կուլտուրական ձգտումներին հարվածող ցարական բռնակալ ուժերի դեմ Հ.Յ.Դ. կովկասյան գործունեություն անհրաժեշտությունը և հաշտվել դրա հետ: Բարոյական չէ կովկասահայերին ասել, թե մի դիմեք ակտիվ քայլերի՝ Հանուն տաճկահայ դատի: Մի՞թե կարելի է նրանց ասել, թե դուք իրավունք չունեք ձեր ուժերի և միջոցների որոշ մասը գործածել ձեր կարիքների համար, այլ պարտավոր եք դրանք ամբողջովին տաճկահայ շարժման տրամադրության տակ դնել: Այդպիսի առաջարկությունները Մալումյանը համարում էր ապացույց խակ ու անտրամաբանական մտածողության:

Պատասխանելով նրանց, ովքեր ասում էին, թե վերջին շրջանում Հ.Յ.Դ. շատ կազմակերպությունների կազմալուծման հետևանքով հազարավոր դաշնակցականներ հեռացել են կուսակցությունից, և, որ դրա հիմնական պատճառը եղել է սոցիալիզմի պրոպագանդան, նախագծականները նշում էին, որ, ճիշտ է, մի քանի վայրերում, ինչպես օրինակ՝ Զրաբերդում, Բարում, Մրգաստանում, Ապաուժում և այլուր, Հ.Յ.Դ. կազմակերպություններից մի քանիսը կազմալուծվել են, բայց դա պետք է դիտել ոչ թե որպես պարտություն, այլ՝ հաղթանակ, քանի որ հեռացողների փոխարեն կուսակցության շուրջն են համախմբվել ավելի մաքուր հեղափոխական տարրեր, որի շնորհիվ կազմակերպության ուժերն ավելի են ամրացել՝ և՛ բարոյական, և՛ թվական տեսակետից: Կար նաև ուրիշ՝ կուսակցության շարքերի բացարձակ թվական աճի երևույթը, որի շնորհիվ, ասենք, Թիֆլիսում միայն դաշնակցական բանվորների թիվը 1906թ. կազմում էր 7-8 հազար, մինչդեռ երկու տարի առաջ (1904թ.) այդ քաղաքում բոլոր Հ.Յ.Դ. անդամների թիվը հազիվ հասնում էր 2 հազարի: Իրա հիմնական պատճառն այն էր, որ դաշնակցությունն այն ժամանակ զբաղված էր միայն տաճկահայ խնդրով, բայց երբ սկսեց Կովկասում զբաղվել քաղաքական, սոցիալիստական գործունեությամբ, կազմակերպության շարքերը կտրուկ աճեցին, որը նրան Հնարավորություն տվեց ձեռնարկելու ավելի լայնածավալ գործեր: Ընդհանուր եզրակացությունն այն էր, որ Կովկասում սոցիալիզմի քարոզը միայն ամրապնդել է Հ.Յ.Դ.-ն:

Ինչպես վերևում նշեցինք, սոցիալիզմի մասին չափավոր հայացքների տեր նախագծականների տեսակետները հաճախ հանդիպում էին ծայրահեղ ձախերիտասարդ նախագծական Արշակ Զամայանի և, հատկապես, Ալեքսիք Շահ-խաթունյանի անհամաձայնություններին և հակաեղույթներին:

Ռոստոմի մահվան (1919թ. հունվար) տանամյակի առթիվ (1929թ. հունվար) Արշակ Զամայանը հրատարակել էր մի հետաքրքրական հուշ՝ այն դերի առնչությամբ, որ կուսակցության ականավոր առաջնորդը կատարել էր Վիեննայի ժողովում:

Ասելուց հետո, որ ինքը, Շահխաթունյանը, և երկու մյուս նշված երիտասարդ պատգամավորները, չորս հոգով, կազմել էին «անջատական» Հոսանքը համաժողովում, Զամայանը շարունակում է.

«Մեր նպատակն էր անջատել իրարից թիւբահայ և ուսահայ դատերը,

որոնցից առաջինի գլուխը պետք է կանգնէր հին, «ազգային դաշնակցութիւնը», իսկ երկրորդի համար ստեղծելու էր մի «նոր դաշնակցութիւն», զուտ ընկերավարական ծրագրով»¹:

Եթէ Կովկասում, դաշնակցականների շրջանում, անջատականները, որոնք ճնշող մեծամասնությամբ երիտասարդներ էին, բավական թիվ էին կազմում, ապա Վիեննայի ժողովում նրանք կազմեցին չնչին փոքրամասնություն:

Այդ բանը շատ էր վշտացրել և հավասարակշռությունից հանել ծայրագույն ձախ Շահխաթունյանին:

Իր հուշերում Վ. Վալադյանը պատմում է, որ նիստերից մեկում Շահխաթունյանը, ինչ-որ մի ելույթից գրգռված, բողոքում է, թե ժողովում խտրական վերաբերմունք է նկատվում այն պատգամավորների հանդեպ, որոնք սոցիալիզմի կողմնակիցներ են: Ուստի ջղային շարժումներով պահանջում է, որ նախագահությունը նույնքան խիստ լինի նաև մյուս կողմի, այսինքն՝ հակասոցիալիստների նկատմամբ:

Այդ առթիվ ձայն վերցնելով Ռոստոմն ասում է. «Շահխաթունին պահանջում է, որ մենք խիստ լինենք ոչ սոցիալիստ ընկերների վերաբերմամբ ևս: Ես ոչ մի բարոյական իրավունք չունեմ տասնուհինգ տարի շարունակ միայն տաճկահայ դատի համար գործած եւ նրանով միայն ոգևորված ընկերներից պահանջելու, որ անպայման հարեն սոցիալիզմին: Ես կ'աշխատեմ համոզել նրանց, բայց այս կամ այն ճնշումը գործ չեմ դնի նրանց վրայ: Եվ ինչպե՞ս կարող են նրանք ըմբռնել մեր ծրագրային հիմունքները, քանի որ դրանք բացատրությունների չեն ենթարկվել մեր կողմից: Խնչ բարոյական իրավունքով մենք պետք է ստիպենք, օրինակ, Գէորգ Չաուչին, որ նա սոցիալիստ դառնա, երբ մենք նախապէս որևիցե գաղափար չենք տվել նրան սոցիալիզմի մասին: Յետո, ենթադրենք նույնիսկ, որ Գէորգ Չաուչն ու մեր միև ուղղակիները գիտակցության են եկել, ունեն գանազան ֆորմուլաներ: Բայց մի՞թէ դրանով կփոխուի նրանց նախկին գործելակերպը ... Ոչ, չի փոխվի ամենևին»²:

Կրկին նույն հարցին անդրադառնալով՝ մեկ այլ նիստում Ռոստոմը նշել էր, որ եթե դաշնակցական մարտիկը Հեռու է սոցիալիզմի գաղափարից, ապա դրա մեղքը նրանցն է, ովքեր պարտական էին նրան բերել դեպի սոցիալիզմ: «Դաշնակցությունը, - ընդգծում էր նա, - աշխատավորական դատի կողմնակից մի կուսակցություն է եղել: Իսկ եթե այդ ուղղությունը գործնական ոչինչ չի արված, այստեղ ոչ կազմակերպությունն է մեղավոր, ոչ էլ նրա ծրագիրը»³:

Նույն ելույթում անդրադառնալով Զելալյանի այն պնդմանը, թե դաշնակցությունը տաճկահայերի սեփականությունն է, և որ կովկասահայերը իրավունք չունեն ոտնձգություն կատարելու այդ սեփականություն նկատմամբ՝

Ռոստոմը բողոքում էր, ասելով, որ զուտ կուսակցական խնդիրներ քննարկելու ժամանակ անընդունելի է «տաճկահայ» և «կովկասահայ» բառերի գործածությունը, մի բան, որ կարող է խորթություն առաջ բերել կազմակերպության ներսում:

Հիրավի, դաշնակցության ընտանիքում չկար տաճկահայ և կովկասահայ, այլ կար դաշնակցական: Գաղտնիք չէր, որ կային կովկասահայեր, որոնք ավելի ջերմորեն էին նվիրված տաճկահայ դատին, քան տաճկահայերն իրենք իսկ, և հակառակը:

Դաշնակցության նշանավոր գործիչներից մեկը՝ տաճկահայ Հարություն Շահրիկյանը (Նիթրա), որն ապրում և գործում էր Բաքվում, թղթին էր հանձնել տվյալ շրջափուլում կուսակցության առջև ծառայած Հրատապ խնդիրների մասին իր մտածումները և, «Ծրագրային քննադատություններ» վերտառություններ, 1907թ. հունվարի 10-ի թվով ուղարկել էր Վիեննա՝ ընդհանուր ժողովին:

Ժողովի նիստերից մեկում ընթերցվեց Շահրիկյանի նամակը, որն առաջ բերեց հակախաղաղականների բուռն դժգոհությունը և, բնականաբար, արժանացավ նախագծականների ջերմ հավանությունը:

Հարություն Շահրիկյանը տագնապ էր հայտնում, որ եթե «Կովկասյան նախագծի» հակառակորդներին հաջողվի ընդհանուր ժողովում իրենց կողմը քաշել մինչև այժմ փաստաթուղթը պաշտպանող պատգամավորներին, ապա, մեծամասնություն կազմելով, կարող են ընդունել իրենց համար ձեռնտու որոշում և ջնջել դաշնակցության կովկասյան գործունեությունը: Դա, գրում էր նա, «կլինի մի խոշոր պատմական սխալ, մի մեծ ոճիր թե՛ տաճկահայ և թե՛ կովկասահայ, ավելի ճիշտ՝ տառապող ու տանջվող հայ ժողովրդի դեմ և մահվան վճիռ դաշնակցության գոյության: Ահա այդ ոճիրը գործելուց պետք է զգուշանալ»¹:

Նամակի հեղինակը գրում էր, որ սխալ է այնպես կարծել, թե տաճկահայ բոլոր զինյալները և մտավորականները հակառակորդ են սոցիալիզմին: Համենայն դեպս, կովկասաբնակ տաճկահայ զինյալներից շատերը և մտավորականության մեծագույն մասը, տեղական ժամանակ ապրելով ուսահայ միջավայրում, խորին համոզմունք էր ձեռք բերել, որ՝ 1. Թուրք և վրացի շովինիստ տարրերով շրջապատված 1 200 հազար կովկասյան հայության քաղաքական և տնտեսական դրությունը նույնքան պիտի լինի դաշնակցության հոգածության առարկան, որքան և տաճկահայության, 2. Հայության երկու հատվածների միջև տարբերություն դնելն ինքնըստինքյան մեծ հարված է ազգային ինքնազիտակցության հետագա զարգացմանը և արգելք՝ փոխադարձ աջակցության գաղափարին, 3. Թուրք-հայկական ընդհարումները, դրանց քաղաքական դրդապատճառները և ընդհարումների ընթացքում դեպի հայկական

¹ «Իրոչակ», N 1-2 (284-285), 1929, էջ 16:

² «Հայրենիք», N 6 (376), հունիս, 1957, էջ 52:

³ Նույն տեղում:

¹ «Հայրենիք», N 11 (191), սեպտեմբեր, 1938, էջ 101:

մարտիրոսագրութիւնը վրացիների ցույց տված սամարդի վերաբերմունքն ապացույց են այն բանի, որ կովկասահայութեան գոյութիւնը նույնքան վտանգված է, որքան տաճկահայութեան, 4. Սոցիալիստական սկզբունքներով դեկավար-վելը տեսականորեն թե գործնականորեն մի անհրաժեշտութիւն է դաշնակցութեան համար՝ բխած ոչ միայն կուսակցութեան առաջին ծրագրից, այլև հենց նրա գաղափարական-հեղափոխական ըմբռնումից և իրական կյանքից:

Արձանագրելով այս իրողութիւնները՝ Շահրիկյանն ընդհանուր ժողովի պատգամավորներին առաջադրում էր երկու հարց. ա) Դաշնակցական Հայդուկը մինչև այժմ հանուն ո՞ր իդեալի է կռվել սուլթանական բռնակալութեան դեմ և այսուհետև հանուն ո՞ր իդեալի պիտի կռվի, բ) Ապագա ինչպիսի՞ սոցիալիստական վերանորոգման պիտի նվիրվեն Հայ գեղջուկն ու բանվորը: Նամակագիրը ուզում էր նաև պարզ պատասխան իմանալ՝ արդյո՞ք նրա համար, որ թուրք ու քուրդ բռնավորների և բյուրոկրատների տեղը պիտի բռնեն Հայ բռնավորը և Հայ բյուրոկրատիան. նրա համա՞ր, որ իր քրտնաթոր աշխատանքով Հայ աշխատավորն ավելի պարարտացնի Հայ վաճառականին, կապիտալիստին ու վաշխառուին. նրա համա՞ր, որ դարեր ի վեր նրա արյունքը տինքով շաղախված հողին տեր դառնան բեկը, շելխը, աղան և հազար ու մի տգրուկներ. նրա համա՞ր, որ ուժեղը իր վայելքները բազմապատկելու համար խժոճի թուլին՝ դրանով իսկ Հավերժացնելով գազանային սկզբունքը. նրա համա՞ր, որ սոցիալական անհավասարութիւնների հետ շարունակվի նաև ազգերի անհավասարութիւնը և նվիրագործվեն տիրապետողների բոլոր առանձնաշնորհումները:

«Ո՛չ, երբե՛ք, - իր գրութեան մեջ շեշտում էր Շահրիկյանը: - Ոչ մի Հայ Հայդուկ իր կյանքը չի գոհի, իր կյանքով չի պաշտպանի այդպիսի դատ: Ուրեմըն, կեղեքվող ու տանջվող Հայ ժողովուրդին, Հայ աշխատավորին տվեք գիտակցութիւն: Ասացեք այդ աշխատավորին, թե հանուն ո՞ր իդեալի, հանուն ո՞ր սկզբունքների պիտի բոլորվի Հ.Յ.դաշնակցութեան շուրջը: Եվ եթե այդ իդեալը, այդ սկզբունքն անվիճելի է, որ հենց ինքը սոցիալիզմն է, եթե դուք կրողարեք Կովկասի տանջվող ու կեղեքվող Հայ աշխատավորի կյանքով զբաղվելուց, եթե նրա ցավերն ու վիճակը ձեր ցափն ու վիճակը չեք համարի, հանուն ո՞ր սկզբունքի և իդեալի պիտի պահանջեք, որ նա (Կովկասի Հայ աշխատավորը: - Հ.Ս.) տաճկահայի ցավերով ու վիճակով զբաղվի ու զոհվի: Եթե դաշնակցութիւնը հրաժարվի կովկասյան գործունեութիւնից, զբաղվի միայն տաճկահայ դատով, ապա նրա գոյութիւնը Կովկասում կլինի մի Ֆիկցիա, նա այլևս չի ունենա իր հետևից գնացող զանգվածներ և անխուսափելիորեն կարժանանա առանց գորբի գորապետի բախտին»¹:

Շահրիկյանը շեշտում էր, որ ոչ միայն «սոցիալիստ» կովկասահայն է օգնութեան հասնում «հակասոցիալիստ» տաճկահային, այլև՝ վերջինս առաջի-

նին: Երբ թուրք-Հայկական ընդհարումների ժամանակ, Կովկասի Հայութեան գոյութիւնը ծայրահեղ վտանգված էր, տաճկահայ Հայդուկն անձնագոհութեան գերազանց ապացույցը տվեց՝ աներբեր կանգնելով կովկասահայ եղբայրների կողքին: Եվ մի՞թե դա կովկասահայ գործունեութիւնն չէր:

Իր մտահոգութիւններն արտահայտելուց հետո նամակագիրն ընդհանուր ժողովի պատգամավորներին խորհուրդ էր տալիս.

«...Սեր նվիրական պարտականութիւնն է մնալ այն, ինչ որ էինք, այսինքն՝ ազգային-սոցիալիստական կուսակցութիւն, այլ ոչ թե Տաճկահայաստանի կամ կովկասյան կուսակցութիւն, ուստի և իբրև այդպիսին՝ սահմանի այս կողմը և այն կողմը գտնվող Հայկական երկու խոշոր հատվածների քաղաքական ու տնտեսական ազատագրութեանը նվիրված, միայն թե վերանորոգված, ամրապնդված, տեսականապես ու գործնականապես ավելի բարձր կանգնած, քան որևէ այլ կուսակցութիւն: ... Ով ոճրագործ ձեռք ու սիրտ ունի՝ թո՛ղ քանդի այդ մեծութիւնը»²:

Իսկ եթե, այնուամենայնիվ, ժողովը կայացնի կուսակցութիւնն անդամահատող որոշում: Դրա պատասխանը Շահրիկյանի համար մեկն էր. «Այդ դեպքում ինձ նման մտածողներին մնում է միայն մի ճանապարհ՝ հեռանալ և համախմբվել այն ընկերների հետ, որոնք սահմաններ չեն ճանաչում ազգի երկու հատվածների միջև»²:

ԱՐԴԹՈՒՔ «ՆԱԽԱԳԻԾԸ» ՀԱՄԱԳԱՏԱՍԽԱՆՈՒՄ Է ԾՐԱԳՐԻՆ

«Նախագծի» քննարկման ընթացքում ծագեց կասկածներ Հարուցող Հարցերից մի ուրիշը. Կովկասում իր գործունեութեան համար հիմք ընդունելով սոցիալիզմը, Հ.Յ.Դ.-ն դրանով իսկ կհակադրվի՞ իր գործող ծրագրին, թե՞ ոչ:

«Կովկասյան նախագծի» հակառակորդները նախագծականներին մեղադրում էին, որ ընդունելով սոցիալիստական գաղափարախոսութիւն և գործելակերպ, դրանով իսկ նրանք ոտնահարում են Հ.Յ.Դ. ծրագիրը, որտեղ ասված էր, թե կուսակցութեան գլխավոր նպատակը տաճկահայ դատի լուծումն է:

Անշուշտ, հականախագծականները նկատի ունեին Հ.Յ.դաշնակցութեան առաջին ընդհանուր ժողովում (1892թ.) ընդունած ծրագիրը, որտեղ հաստատագրված էր, որ կուսակցութիւնն իր հիմնական խնդիրն է համարում «ապստամբութեան միջոցով Տաճկահայաստանում ձեռք բերել քաղաքական և տնտեսական անկախութիւն»:

Ելնելով ծրագրի վերոհիշյալ ձևակերպումից՝ Սեբաստացի Մուրատը, Արշակ Վառմյանը, Ռուբեն Զարդարյանը, Թովմաս Զելալյանը և մյուս հականա-

¹ «Հայրենիք», N 11 (191), սեպտեմբեր, 1938, էջ 101:

¹ «Հայրենիք», N 11 (191), սեպտեմբեր, 1938, էջ 103:

² Նույն տեղում:

խագծականները շեշտում էին, որ Հայ Հեղափոխականների Հիմնական նպատակը Տաճկահայաստանի քաղաքական ազատության ձեռքբերումն է, ուստի «դաշնակցություն» ասելով նրա անդամները հասկանում են, որ իրենք տաճկահայ դատին նվիրված մարտիկներ են: Ոչ միայն բուն Տաճկահայաստանի ու Կովկասի, այլև եգիպտոսի, Բալկանների, Ամերիկայի և այլ երկրների դաշնակցական կազմակերպությունների գործունեությունը, Ն.Յ.Գ. ծրագրի Համաձայն, միշտ ուղղված է եղել և այժմ էլ ուղղված է դեպի Տաճկահայաստան: Դաշնակցությունը տաճկահայերի սեփականությունն է, և ոչ ոք իրավունք չունի ոտնձգություն կատարելու այդ սեփականության նկատմամբ: Մյուս կողմից, ասում էին նրանք, Ն.Յ.Գ. ծրագրում ոչ մի խոսք չկա Կովկասի մասին: Եվ եթե դաշնակցության երրորդ ընդհանուր ժողովն առաջին քայլն է արել կուսակցության գործունեությունը Կովկասի վրա տարածելու ուղղությամբ, ապա դրանով իսկ դուրս է եկել իր իրավասության սահմաններից և կոպտորեն խախտել Ն.Յ.Գ. ծրագիրը: Հակախախտականները գտնում էին, որ Ն.Յ.Գ. ծրագրում սոցիալական հարցերը հաջորդում են ազգային-ազատագրության խնդիրներին (անձի կյանքի ու պատվի կատարյալ ապահովություն, գույքի պահպանման երաշխիք և այլն), այսինքն՝ ծրագիրը ելնում է այն բանից, որ երբ Հայ ժողովուրդը ձեռք բերի ազգային ազատություն, դրանից հետո էլ դաշնակցությունը գենքը ցած չի դնելու, այլ շարունակելու է գործել այս անգամ արդեն սոցիալական հողի վրա: Եվ ահա ծրագրի այդ պարզ ու արդարացի դրույթները և նրանց հաջորդականությունը խախտվում են «Կովկասյան նախագծով», այսինքն՝ կուսակցության գործողությունների հաջորդականության գաղափարը փոխարինվում է գործողությունների միաժամանակյա իրականացման գաղափարով, մի բան, որ, հակառակ լինելով դաշնակցության մերձավոր և հեռավոր նպատակներին, ահագին շփոթություն է առաջացնում կուսակցության անդամների մեջ, որի պատճառով Ն.Յ.Գ. ներսում անխուսափելիորեն առաջ կգան Հերձվածներ, տեղի կունենա ուժերի բաժանում:

Արշակ Վռամյանը հիշեցրեց, որ Ն.Յ.Գ. երրորդ ընդհանուր ժողովում ինքը, իբրև պատգամավոր, բողոքել է կուսակցության գործունեությունը Կովկասի վրա տարածելու փորձերի դեմ, և իր խնդրանքով բողոքը մտցվել է արձանագրության մեջ: Բայց նույնիսկ այդ ժողովի որոշման մեջ խոսք չի եղել Կովկասում հարձակողական տակտիկա որդեգրելու մասին, խոսքը գնացել է միայն ինքնապաշտպանության մասին: Իսկ դաշնակցության խորհուրդն իր «Նախագծով» խախտել է ժողովի ընդունած տակտիկան՝ ինքնապաշտպանության պահանջը փոխարինելով մարտական հեղափոխական, հարձակողական տակտիկայով՝ դրանով իսկ խախտելով ծրագիրը: Երրորդ ընդհանուր ժողովն, ըստ էության, իր կովկասյան կազմակերպություններին միայն տեղական

¹ «Նյութեր...», Հատ. Դ, էջ 265:

ընդթի այս կամ այն գործողություն կատարելու իրավունք էր վերապահել, այնինչ, խորհրդի կատարած քայլը ինչ-որ մասնավոր ձեռնարկ է, այլ մի ամբողջ քաղաքականություն:

Կովկասում ինքնապաշտպանության հարցը սրվեց նաև Սեբաստացի Մուրատի կողմից: Նա համաձայն չէր այն կարծիքին, թե Կովկասում կամ այլուր դաշնակցության ուժերն աճել են այն պատճառով, որովհետև նա սոցիալիստական ուղղություն է մտցրել իր գործունեության մեջ: Նա գտնում էր, որ «մեր խմբերը բազմացել են ինքնապաշտպանութեան շնորհիվ» և «եթե ինքնապաշտպանութեան կոփները չլինեին՝ դաշնակցությունը յուր սոցիալիզմով շատ էլ առաջ չէր գնայ»:

Մուրատը և ընդհանրապես սոցիալիզմի գաղափարներին հակառակ նրա համախոհները սկզբունքային նույնություն ու գաղափարակցություն չէին տեսնում 1892-ի ծրագրի և 1904-ի «Նախագծի» միջև, այլ պնդում էին, թե այդ երկուսը միանգամայն տարբեր բաներ են: «Ես կը գտնեմ, - ասում էր Մուրատը, - թե դաշնակցութեան ծրագիրն ու «Նախագիծը» իրար բոլորովին չէր համապատասխաներ... Ո՛վ գիտե, մի գուցե ինքս լավ չեմ կարողացած հասկնալ ասոնց երկուքին ալ իմաստը... Բայց և այնպես, կը կրկնեմ, որ ծրագիրն ու «Նախագիծը» բոլորովին տարբեր բաներ են»²:

Իր այս խոսքերով Մուրատն արտահայտում էր ոչ միայն ժողովի հակասոցիալիստների տեսակետը, այլև ժողովից դուրս իր բյուր ռազմիկ ընկերների կարծիքը՝ լինեին դրանք տաճկահայ թե ուսանակ:

Ռազմիկներից ամեն մեկը առավել կամ նվազ չափով երկրում մասնակից էր եղել Ֆիդայական կոփներին կամ ճակատել կովկասյան թուրք հորդանների դեմ: Նրանք, համարյա բոլորը, որոնք հիմնականում սերված էին ժողովրդի խոնարհ խավերից, հեգնում, ծաղրում էին «սոցիալիզմ» բառը, խորշում դրանից:

Թուրքահայ և կովկասահայ խնդիրներն արծարծելիս՝ յուրաքանչյուրն իր տեսակետները հիմնավորելու համար վկայակոչում էր ազգի, ազգայինի, Հայրենիքի ու Հայրենասիրության գաղափարները: Այդ տեսակետից հատկապես ջանում էին այն հակախախտականները, որոնք, վկայակոչելով Ն.Յ.Գ. ծրագիրը, գտնում էին, որ նրանում եթե հեռավոր ակնարկ էլ կա սոցիալիզմի մասին, ապա այն խամրում է փաստաթղթում տեղ գտած ազգի, ազգայինի, Հայրենիքի ու Հայրենասիրության գաղափարների առջև: Դա պատահական չէ, ասում էին նրանք, քանզի աշխարհում չկա մի առաջադեմ զարգացած երկիր (Ֆրանսիա, Գերմանիա, Ավստրիա և այլն), որտեղ սոցիալիստները սոցիալիզմի գաղափարը գերադասեն ազգի և Հայրենիքի գաղափարից:

Արշակ Վռամյանն ասում էր. «Մենք ամեն օր ականատես ենք, թե ինչպե՛ս քաղաքակիրթ երկրներում ընկերավարական կուսակցությունները միշտ ան-

¹ «Դիվան Ն.Յ.Դաշնակցութեան», Հատ. 1, Պոսթրն, 1934, էջ 100:
² «Հայրենիք», N 5 (375), մայիս, 1957, էջ 42-43:

երկդիմի յայտարարած են, թե ամեն անգամ, երբ օտար նվաճումի մը սպառնալիքի առջև գտնուին, իրենք իրենց աշխատավոր դասակարգի կուլտուրան և հայրենիքը պաշտպանելու են իրենց արյունով: Դա առավել ևս վերաբերվում է մեզ՝ Հարստահարված ժողովրդի սոցիալիստ գավալներին, ներկայացուցիչներին մի ազգի, որ անկախ հայրենիք չունի և չընդամենը չէ թշնամիներով: Ուստի Դաշնակցությունը պարտավոր է հայրենիքի գաղափարին կառչած մնալ՝ պատմական հողի վրա ինքնավարություն պահանջելով: Այդ տեսակետից մենք ազգային ենք և պարտավոր ենք յայտարարել [այդ մասին]: Ընկեր Համոն ալ, որ այնքան հակառակ խոսեցավ «ազգային» բառին, ստիպուած է, սակայն, ընդունելու, որ իրենց կռիվը Կովկասի մեջ զուտ ազգային եղած է՝ դպրոցներու, կալվածներու խնդիրը, գաղթականներու վերադարձի հարցը, թատրոնական և գրագիտութեան ընկերություններու կազմումը և այլն: ... Մեր մշակած թեորհանքերը հարկավոր է զգուշութեամբ մոտեցնել ժողովրդին: Մենք իրականությունը պետք է աչքի առաջ ունենանք միշտ, և ոչ իբրև աղանդավոր երևանք»¹:

Վիճաբանությունների ընթացքում նախագծական պատգամավորներից ոմանք կուսակցության ծրագրի մեջ ազգայինի և սոցիալիստականի փոխհարաբերությունների հարցում համերաշխ էին հականախագծականների հետ:

Այսպես, Լեոնապարի պատգամավոր Իշխանը (Նիկոլ Պողոսյան) ասում էր, որ, թեև Լ.Յ.Դ. ծրագրի մեջ կան սոցիալիստական երանգներ, բայց Տաճկահայաստանում կուսակցությունը պրոպագանդա է տարել զուտ ազգային բովանդակությամբ, իսկ Կովկասում եղել է միայն օժանդակող մարմին: Դաշնակցությունը այնքան հեռու է եղել սոցիալիզմից, որ հնչակյանների հետ վիճելիս դաշնակցականները նրանց մեղադրում էին, թե նրանք ցանկանում են գործել սոցիալիզմի սկզբունքներով²:

Հատկանշական է, որ Լ.Յ.Դ. ծրագրի (1892թ.) գնահատման, հատկապես նրանում «սոցիալիզմի հետք անգամ չլինելու» մասին հաստատումների հարցում համարյա նույնանում էին հետևողական նախագծական թուրքահայ պատգամավորների և սոցիալիզմի շատագուր կովկասահայ ծայրահեղ նախագծականների տեսակետները:

Ա. Շահաթունյանը գտնում էր, որ, իր ծրագրից ենելով, դաշնակցությունն անցյալում երբեք իրեն չի համարել քաղաքական կուսակցություն, այլ եղել է զուտ ազգային: Եվ չէր կարող լինել սոցիալիստական, քանի որ նրա շարքերում «բուրժուազիան հավասարապես տեղ է ունեցել աշխատավորների հետ միասին»³: Ուստի պետք է ջանալ ցույց տալու, թե կուսակցության ներկա գործունեության շրջանը անմիջական շարունակությունն է անցյալի հա-

¹ «Նյութեր...», հատ. Գ, էջ 177:

² Նույն տեղում, էջ 176:

³ Նույն տեղում, էջ 165:

մարյա նույնանման մի շրջանի: Ռուսական հեղափոխության հախուռն զարգացման շնորհիվ է, որ դաշնակցության մեջ տեղի է ունեցել մտքերի հողովույթ (էվոլյուցիա): Դրա առավել ցայտուն ապացույցներից մեկը նա համարում էր Ավետիս Ահարոնյանի օրինակը, որը «երկու-երեք տարի առաջ սոցիալիզմի կողմնակից չէր, իսկ այսօր հարել է նրան»¹:

Քննադատելով Թոփչյանի այն տեսակետը, թե Լ.Յ.Դ. ծրագրի համաձայն՝ «մինչև այժմ մեր ունեցած ազգայնությունը չի հակասում սոցիալիզմին», Շահաթունյանը դա համարում էր «բուրժուային սխալ»: «Այո, ազգայնությունը առհասարակ չի հակասում սոցիալիզմին, բայց միայն այն դեպքում, երբ այդ երկու հասկացությունները չեն գատված իրարից, այլ կազմում են մի ամբողջություն: Եվ երբ ասում ենք ազգային պահանջներ՝ կապված սոցիալիստական պահանջների հետ, հասկանալի է: Բայց երբ ազգային կռիվը [դիտում ենք առանձին], անկախ սոցիալիզմից, այդ դեպքում այդ առանձնացած ազգայնությունը հակասում է սոցիալիզմին»²:

Լիովին համերաշխելով Շահաթունյանին՝ Արշակ Զամալյանը մերժում էր Թոփչյանի այն տեսակետը, թե Կովկասում վերջին շրջանում տարված դասակարգային գործունեության շնորհիվ դաշնակցությունը մեծապես հզորացել է, և հատկապես աճել են նրա շարքերը: Նա ասում էր, որ որևէ կուսակցության ուժն ու ազդեցությունը չի կարելի չափել նրա կազմի թվաքանակով: «Մենք այսօր ունենք շատ այնպիսի խմբեր [կուսակցության ներսում], - ասում էր նա, - որոնք մեր դավանած սոցիալիզմի մասին այն աստիճան խախտող հասկացություն ունեն, որ պատրաստ են գնալ ամեն մի հողմի հետևից»³:

Ա. Զամալյանը վիճարկում էր նաև Թոփչյանի այն հաստատումը, թե դաշնակցությունը ոչ միայն ըստ ծրագրի, այլև ըստ գործունեության անցյալում եղել է սոցիալիստական կուսակցություն: Լ.Յ.Դ. ծրագրի քննությունը հակառակն է ապացուցում: «Մենք մասսաներին հավատացնում ենք, թե մեր ներկա և անցյալ գործունեության միջև ոչ մի տարբերություն չկա: Բայց ուզում եմ պնդել, որ դա այդպես չէ. անցյալում մենք չենք եղել ո՛չ սոցիալիստ, ո՛չ էլ նույնիսկ հեղափոխական: Փաստերը շատ են պերճախոս»: Իր տեսակետը հիմնավորելու համար նա բերում էր մի քանի փաստեր: Օրինակ՝ նշում էր, որ դաշնակցական մի քանի ընկերներ 1902-ին առաջարկում էին ակտիվ գործունեություն սկսել Կովկասում, բայց կտրուկ մերժում էին ստանում կուսակցության ղեկավարությունից: Ինչ վերաբերում է եկեղեցական կալվածների գրավման հետևանքով 1903 թվականին ծայր առած շարժումներին, ապա դրանք բնավ չեն ունեցել հեղափոխական ոգի: Եվ երբ կալվածքները վերադարձվեցին, անմիջապես կուլի ասպարեզից հետ քաշվեցին նույն այդ մասսա-

¹ «Նյութեր...», հատ. Գ, էջ 166:

² Նույն տեղում:

³ Նույն տեղում, էջ 164:

ները, որոնք բողոքներ էին բարձրացրել միաժամանակ: Մեր այն Հարցին, նշում էր Զամայանը, թե «ինչո՞ւ խոշոր հեղափոխական ձեռնարկներ չենք արել, մեզ պատասխանում են, որ արգելք են Հանդիսացել Հայ-թուրքական ընդհարումները [Կովկասում]: Բայց չէ՞ որ ընդհարումներից զերծ մնացած վայրերում միջոց ունենի՞ք հեղափոխական ակտեր կատարելու: Գուրիացիներըն էլ ճնշվեցին, բայց և չդադարեցրին ակտիվ գործունեությունը: Նույնը և հրեաները»:

Արշակ Զամայանը վճռականապես մերժում էր կուսակցության ծրագրում առկա արևմտահայ ազգային հեղափոխության մեջ կովկասահայ մանր բուրժուազիայի դերի թերագնահատումը և խոշոր բուրժուազիայի նկատմամբ «մեղմ ու քնքույլ» վերաբերմունքի դրսևորումը: Ճիշտ է, ասում էր նա, խոշոր բուրժուաները մեծ նվիրաբերումներ են արել, բայց արել են բռնության, վախի տակ, իսկ կովկասահայ մանր բուրժուաները շարժման օգտին կատարել են բացառապես կամավոր: Մենք ի՞նչ բավարար քանակություն կարող ենք ստանալ աղքատ բանվորներից, եթե դուրս գցենք մանր բուրժուաներին: Բայց Հենց նույն պահին պատգամավորներից մեկը՝ տեղից բացականչում է. «Երևանում կատարած տարեկան մուսթի 40 Հազար ռուբլուց 35 Հազարը տվել են աշխատավորները»:

Զամայանը, սակայն, շարունակում էր պնդել իր տեսակետի վրա, ասելով, թե մանր բուրժուաներին չի կարելի դուրս նետել, որ, այո՛, փող են տալիս շարժմանը, և եթե նրանց դուրս դնենք, ապա «այդ դեպքում կը մնանք հրամանատարներ առանց բանակի»¹: «Գայով [խոշոր] բուրժուաներին՝ կ'ասեմ, որ նրանք մեզ Համար վտանգավոր չեն մինչև մի որոշ աստիճան՝ մինչև կյանքի և գույքի ապահովագրություն ձեռք բերելը: Այո՛, մինչև այստեղ նրանք կարող են մեզ հետ լինել», ինչպես եղել են սրանից առաջ 15 տարի շարունակ²:

Այնուհետև Զամայանն իր ելույթներում քննադատում էր նախագծական այն պատգամավորներին, որոնք հաճախ շեշտում էին, թե, իր ծրագրային սկզբունքներից ելնելով, դաշնակցությունն անցյալում իր շարքերի մեջ է ներառել մեծ թվով աշխատավորական տարրեր: Բայց չէ՞ որ բուրժուական կուսակցությունները նույնպես իրենց շարքերում տեղ են տալիս աշխատանքի մարդկանց: Նույնիսկ քրիստոնյա սոցիալիստներն ամեն կերպ փորձում են Հանրությունը Համոզել, թե պաշտպանում են աշխատանքի մարդկանց շահերը և իրենց շարքերի մեջ են ընդգրկում զգալի թվով բանվորներ:

Մերժելով Հակառախագծականների մեղադրանքները՝ նախագծականները գտնում էին, որ ընդունելով «Կովկասյան նախագիծը», դաշնակցությունը դրանով բնավ չի հակադրվում իր գործող ծրագրին: Հիրավի, երբ մոտիկից

ենք քննում ծրագրի՝ «ապստամբության միջոցով Տաճկահայաստանում ձեռք բերել քաղաքական և տնտեսական անկախություն» ձևակերպումը, ապա Համոզվում ենք, որ «ապստամբություն» հասկացության տակ ծրագիրն ավելի շատ նկատի ունենում է թե երկարատև նախապատրաստված զանգվածային ապստամբությունը, այլ հայդուկային կոմիսները, վրիժառուական-ահաբեկչական ակտերը: Ինչ վերաբերում է «անկախությանը», ապա դրա տակ նկատի էր առնվում Արևմտահայաստանի ինքնավարության ձեռքբերումը օսմանյան կայսրության կազմում: Բայց դա խնդրի մի կողմն էր միայն: Կար նաև մյուսը՝ այն, որ 1892թ. հրատարակված Հ.Յ.Դ. ծրագիրը յուր ոգով և առաջադրված քաղաքական ու տնտեսական պահանջներով Հարազատ էր սոցիալիստական գաղափարների սկզբունքներին: Հետևաբար՝ «Կովկասյան նախագիծ» սոցիալիստական պահանջները չեն հակասում ծրագրին, այլ միայն լայնացնում են դրանց շրջանակները, մանավանդ որ կովկասյան իրականության մեջ այդ պահանջները կարող են և պետք է լինեն ավելի շեշտված, ավելի լայն և ավելի խորը: Այդ բանը նկատի առնելով էր Մալումյանը հիշեցնում, որ դեռևս 1896թ. «Դրոշակի» խմբագրությունը ողջույն էր հղել սոցիալիստական ինտերնացիոնալի Լոնդոնի կոնգրեսին, որտեղ նշվում էր, որ դաշնակցությունը դավանում է սոցիալիստական գաղափարներ: Նույնպիսի բովանդակության նամակ «Դրոշակի» խմբագրությունը 1905թ. ուղարկել էր Բրյուսել՝ սոցիալիստական ինտերնացիոնալի բյուրոյին: Ահա թե ինչու, ասում էին նախագծականները, եթե կուսակցությունը Կովկասում իր գործունեության համար հիմք ընդունի սոցիալիզմը, ապա դրանով նորություն ասած չի լինի և հակասության մեջ չի մտնի իր առջև դրված նպատակների հետ, քանզի Հ.Յ.Դ. ծրագրում արդեն կար սոցիալիզմի գաղափարը, մանավանդ դրա առաջաբանում դաշնակցության նպատակների բացատրությունը տրված է սոցիալիզմի ոգով և հիմունքներով: Հարցը միայն նրանում է, նշում էին նրանք, որ կուսակցության ծրագրի ճակատին գրված էր սոցիալիզմ բառը: Իսկ հիմա գրե՞լ, թե՞ չգրել: Ընդամենը նպատակահարմարության հարցն է, այլ ոչ թե սկզբունքի: Եթե դաշնակցությունն այդքան գործողացել է, ապա դրա պատճառը ոչ թե այն է, որ ունեցել է հոյակապ, բայց օդից կախված սոցիալական ծրագրեր, այլ այն, որ, կանգնելով գործնական հողի վրա, նա յուր գաղափարները միշտ քաղել է իրական կյանքի պահանջներից:

Ընդհանուր ժողովի օգնական-քարտուղար Վալադ Վալադյանը հետագայում իր հուշերում վկայում էր, որ Մուրատը և ուրիշ շատ դաշնակցական ռազմիկներ չէին հաշտվում «նախագիծ» հետ, Հավանաբար այն պատճառով, որ չէին կարողացել Հ.Յ.Դ. ծրագիրը³: Նրանք անտարբեր էին սկզբունքային-

¹ Կարծում ենք, որ դա եղել է Երևանից ընտրված պատգամավոր Հակոբ Զավրիյանը:

² «Նյութեր...», Հատ. Գ, էջ 186:

³ Նույն տեղում, էջ 187:

¹ Հ.Յ.Դ չորրորդ ընդհանուր ժողովի մասին Վալադ Վալադյանի արժեքավոր հուշերը, տե՛ս «Հայրենիք», N 4, N 5, N 6, N 7, 1957թ.:

² «Հայրենիք», N 5 (375), մայիս, 1957, էջ 43:

տեսական մարզանքների հանդեպ: Իրենք իրենց համար արդեն կազմել էին որոշ ու հաստատ մի գաղափար Հ.Յ. դաշնակցութեան մասին, որի դրոշի տակ էին մտել իրենք ինքնաբերաբար՝ պարզապէս անսալով իրենց հայրենասիրական զգացումներին ու իրենց ներքին մղումին: «Նրանցից իւրաքանչիւրին խանդավառողը այն կենդանի յեղափոխական գործն էր, որ կատարվում էր դաշնակցութեան ձեռքով»¹:

Նույն միտքը շատ ավելի վաղ այսպես է ձևակերպել Հարություն Շահրիբ-յանը. «Դաշնակցական համարվողներից շատերը ոչ ծրագիրն էին ուսումնասիրում և ոչ գիտեին, թե մեր կազմակերպությունն էապես սոցիալիստ-հեղափոխական է»²:

«Նախագծի» գաղափարները հավասարապես խորթ էին թե՛ շարքային ֆիդայիների և թե՛ քաջագուն հայդուկապետների հոգուն: Սասունի և Զանգեզուրի հերոս Մուրատի պես էին խորհում ոչ միայն Անդրանիկն ու Սեպուհը, ընդհանուր ժողովից դուրս գտնվող թուրքահայ ուրիշ նշանավոր ռազմիկներ, այլև ուսանակող Սևքարեցի Սաքոն, Վարդան Մեհրաբյանը, Նիկոլ Դուրմանը Դաշնակցական ինչոն ...

Թուրքահայ նշանավոր ռազմիկներից թերևս բացառություն էր կազմում Բեռին, որը Միսիանում խիստ կարևոր գործերն ավարտելուց հետո վերադարձել էր իր հին մտերմիկ վայրերը՝ Երևան - Ալեքսանդրապոլ - Կարս, ուր ականատես էր դարձել դաշնակցական կազմակերպություններում հակառակադժականների սկսած պայքարին: Զգալով այդ պայքարից բխող հնարավոր փոստանքները կուսակցության համար՝ իր հեղինակության ամբողջ թափով, իրեն հատուկ հստակ ուղղամտությամբ նա վճռական անհամաձայնություն էր հայտնել նրանց:

Նախագծի նկատմամբ թեր և դեմ բռնկված պայքարում Բեռին ոչ թե իր թուրքահայ հակառակադժականների կողմն էր բռնել, այլ ի սկզբանե անվարան ու որոշակի բռնել էր Ռոստոմի և նրա պես մտածող պատգամավորների, այսինքն՝ մեծամասնության կողմը և երբեք հակառակություն չունեցավ «Նախագծի» ու նրանում ամրագրված գաղափարների նկատմամբ:

Վալադ Վալադյանն իր մի ուրիշ հուշագրության մեջ գրել է.

«Բեռու հոգուն խորթ էին ու խորթ էին եղել Նախագծից առաջ, «տաճկահայ-ուսանակայ» ստորոգելիները, որոնք մի պահ մոռացութեան տրվելուց հետո, նորից էին երևան եկել: Բեռին չէր կարող ըմբռնել ու արդարացնել հակառակադժականների ընթացքը: Նրա համար կար և կը մնար միայն կազմակերպության և հեղափոխական գործի անբաժանելի ամբողջության գաղափարը: Եվ Բեռու համար այդ գաղափարն այնքան պարզ էր և իր պարզությունը հանդերձ այնքան տիրական, որ մտքովն իսկ չէր անցնում, թե նախագիծ կոչ

վածը կարող էր լինել փոստանքավոր մի սխալ, և որ մանավանդ այդ սխալը ապագայում քափել կարելի պիտի լիներ հարյուրավոր զոհերի արյունով, ինչպես Մուրատն էր ասել»³:

Բեռին պատգամավոր չէր և չէր մասնակցում ընդհանուր ժողովին, ուր քննվում էր «Նախագիծը», բայց եթե ներկա գտնվեր իսկ, ամենայն համոզվածությամբ կարելի է ասել, որ նա չէր մասնակցի վիճաբանություններին՝ դրանք համարելով անօգուտ ու ավելորդ: Բանի որ դաշնակցության կուսակցական գերագույն մարմինը հանդիսացող բյուրոներից ավելի գերադաս հաստատությունը՝ Հ.Յ.Դ. խորհուրդն էր մշակել «Կովկասյան գործունեության նախագիծը», որը և համապատասխան էր Կազմակերպության նախորդ ընդհանուր ժողովի որոշմանը և կուսակցության ծրագրի ոգուն, այդքանն արդեն բավական պիտի լիներ, որպեսզի Բեռին միանար «Նախագիծին» և հանդես գար սոցիալիզմի սկզբունքները վճռականորեն ժխտող Սասնո իր երեք պաշտելի ընկերների՝ Անդրանիկի, Մուրատի և Սեպուհի տեսակետների դեմ:

Ո՞ՐՆ Է ԴԱՇՆԱԿՑՈՒԹՅԱՆ ԴԱՍԱԿԱՐԳԱՑՈՆ ԸՆԵԱՐԱՆԸ

Դաշնակցությանը, որը Կովկասում որդեգրում է քաղաքական, այն էլ՝ սոցիալիստական գործունեություն, ո՞ր դասակարգի վրա է հենվելու և ինչպիսի՞նք վերաբերմունք է դրսևորելու դասակարգային պայքարի գաղափարի նըկատմամբ. - այս հարցին հակառակադժականներն ուզում էին ստանալ հրատակ պատասխան:

Այս տարողունակ հարցից բխում էին նաև մի քանի ուրիշ ենթահարցեր. ո՞րն է քաղաքական-պետական կազմի այն տիպարը, որին տվյալ պահին ճրգտում է կուսակցությունը. ո՞րն է այն տնտեսական դրությունը, որ նա առաջադրում է հայ ժողովրդին և որի համար կազմակերպությունը շարունակելու է իր կռիվը՝ թեկուզ հեռավոր ապագայում հայկական հասարակության մեջ այն ներմուծելու համար. որո՞նք են պայքարի այն անհրաժեշտ էտապները, որոնց հաջորդափոխությունը հասցնելու է հեռավոր իդեալին:

Ժողովում միանական կարծիք չկար հայկական հասարակության մեջ եղած դասակարգերի մասին:

Հակառակադժականներից շատերը գտնում էին, որ դաշնակցությունը բոլոր միջոցներով պետք է ձգտի իր կողմը բերել հայ խոշոր բուրժուազիային:

Ռուբեն Զարդարյանն ասում էր, թե հեզանք է ենթադրել, որ դաշնակցության շարքերում կարող են գտնվել հայկական հասարակության անխտիր բոլոր դասակարգերին պատկանող անձինք: Պատմության մեջ իդեալական հեղափոխությունները միշտ կատարել են ճնշված, հարստահարված աշխատա-

¹ «Հայրենիք», N 5 (375), մայիս, 1957, էջ 43:

² Նույն տեղում, N 11 (191), սեպտեմբեր, 1938, էջ 93:

³ «Հայրենիք», N 2(408), փետրվար, 1960, էջ 54:

վոր մասսաները: Հայտնի է, սակայն, որ քաղաքական կուլի որոշ Հատվածներում ոչ մի սոցիալիստական կուսակցություն չի մերժել նույնիսկ ամենախոշոր բուրժուականների աջակցությունը, եթե նրանց շահն էլ է պահանջել տիրապետող ռեժիմի տապալումը: Հետևաբար, դաշնակցությունը չի խորշի Հայ բուրժուականների կամավոր աջակցությունից, եթե սրանք պատրաստ լինեն կանգնելու կուսակցության գաղափարական դրոշի տակ:

Արտահայտվելով սոցիալիզմի դեմ Սարգիս Մինասյանը բարձր էր դասում Հայ բուրժուականների գործունեությունը թե՛ Թուրքիայում և թե՛ Կովկասում, նրանց նույնիսկ Համարելով Հայկական Հեղափոխության ռահվիրաներ, դրանով իսկ մերժելով նրանց դեմ դասակարգային պայքար մղելը Հանուն սոցիալիզմի:

Հանդես գալով Բալկանի պատգամավորի այս տեսակետի դեմ ժողովի 67-րդ նիստում Արամն ասում էր.

«Հնկեր Մինասյանը գովասանական խոսքեր է ուղղում Հայ բուրժուականների Հասցեին՝ նրանց Համարելով տաճկահայկական դատի հիմնադիրներ 80-ական թվերին: [Բայց] դա մի շրջան էր, երբ բուրժուականները չէին գիտակցում իրենց դասակարգային շահերը. Բացի այդ, մեր դատը այդ ժամանակամիջոցում քաղաքական Հարց չէր, այլ սոսկ կուլտուրական, իսկ քաղաքական գույն ստացավ այն ժամանակ, երբ նրանք տեսան, որ Բալկանեան փոքր ժողովուրդները ազատուեցան դիվանագիտական ճանապարհով: Խրախուսված այդ օրինակից՝ նրանք ուզեցին էժան ազգասիրութեամբ ձեռք բերել ազատ Հայաստան. իսկ յետոյ, երբ իրոք անկարելի եղավ այդքան Հեշտությամբ Հայաստանն ազատել, մեր բուրժուականները ոչ միայն Հեռացան այդ ասպարեզից, այլև միացան տաճիկ կառավարութեան Հետ, [Հանդես գալով] Հեղափոխության դեմ»¹:

Հակառակագծականները նշում էին, որ Կովկասի վրա դաշնակցության գործունեությունը տարածելու և Հայ իրականության մեջ դասակարգային պայքար քարոզելու Հետևանքներից մեկն այն էլիսի, որ Հայ կապիտալիստները և ընդհանրապես ունևորները կտրուկ երես կթեքեն դաշնակցությունից, Հետևապես կհրաժարվեն տաճկահայ Հեղափոխական շարժմանը օգնություն ցուցաբերելուց: Առանց կովկասահայ Հարուստների նյութական աջակցության՝ տաճկահայոց պայքարը դատապարտված է, իսկ կովկասահայ բանվորների դրամական մուծումները չնչին լինելով, չեն կարող փրկել շարժումը: Ուստի իր Հիմնական նպատակն առաջ տանելու Համար դաշնակցությունը պետք ունի ոչ միայն Հարստահարված դասակարգերի, այլև ժողովրդի բոլոր խավերի ու շերտերի օժանդակությունը, քանի որ ամբողջ Հայ ազգի գոյության Հարցն է խնդրո առարկա²:

Իրենց պատասխաններում նախագծականները նշում էին, որ եթե Ղ.Յ.Դ.-ն

իրեն դիտում է իբրև սոցիալիստական կուսակցություն, ապա նա ակամայից կանգնում է դասակարգային պայքարի Հողի վրա:

Այդ Հարցի մասին, ընդհանուր ժողովի նախագահության Հանձնարարությամբ, նիստերից մեկում ռեժիմի կարգաց եղիչ Թոփչյանը, որտեղ Հստակ տվեց Հետևյալ ձևակերպումը. «Այն օրվանից, երբ «Նախագիծը» Հրատարակվեց, դաշնակցությունը սոցիալիստական քաղաքական կուսակցություն է»: Դա նշանակում էր, որ Ղ.Յ.Դ.-ն, որը նախկինում Հենվում էր աշխատավոր դասակարգերի վրա, այսուհետև ավելի Հստակ է արտահայտելու նրանց շահերը: Նա Հիշեցնում էր, որ նրանք, ովքեր դեմ են Ղ.Յ.Դ. կողմից սոցիալիզմի գաղափարների, այդ թվում դասակարգային պայքարի գաղափարի որդեգրմանը, Հաճախ առաջ են բերում այն փաստը, որ դաշնակցությունը դեռ 90-ական թվականներին կուլի ճակատ էր բացել Հնչակյանների՝ իբրև սոցիալիստների դեմ: Ի պատասխան այդ փաստարկման՝ Թոփչյանն ընդգծում էր, որ Հնչակյանների Հետ դաշնակցությունը պայքարի մեջ էր ոչ թե այն պատճառով, որ Հակառակ էր սոցիալիզմին, այլ այն, որ Ղ.Յ.Դ.-ն պայքարում էր ազավազված, աղանդավորական սոցիալիզմի դեմ՝ այն դեռևս վաղաժամ Համարելով Հայ իրականության Համար: Անդրադառնալով Հայ կապիտալիստների կողմից տաճկահայ շարժմանը օգնության Հասնելու Հարցին՝ Ե. Թոփչյանը ասում էր. «Ես չեմ ուզում, որ, բուրժուազիան մազաչափ անգամ նյութական նպաստներ տալով, ազդե մեր գործի վրա. ես չեմ ուզում, որ տաճկահայ դատը այս կամ այն կերպ կովկասահայ բուրժուազիայի Հովանավորութեան տակ մտնի: Բուրժուազիայի ձեռքին այն կը դառնայ մի գործիք՝ մեր սոցիալիստական գործունեությունը Կովկասում միասելու Համար: Մի Աղեյխանով Հեշտությամբ կը շահագործե տաճկահայ գաղթական բանուորներու ազգային զգացմունքները. որքան էլ այդ բանուորները գիտակից լինեն, այնուամենայնիվ, նրանք կ'ազդուեն Աղեյխանովի նույնիսկ մի խոսքեն, թե՛ «Ես Հազար ուրբի եմ տուել ազգի Համար. գործադուլ մի՛ ըրեք»: Եվ գործադուլ չանելով՝ նրա բանուորները բանուորության մեջ պառակտման պատճառ են դառնալու: Դա կորստաբեր կլինի սոցիալիստական ամեն մի կուսակցության Համար»:

Կրկնելով, որ միայն փողը չէ, որ ուժ է տալիս ժողովուրդների պայքարին, զեկուցողը նշում էր, որ Հայերն ունեցել են Խորայել Օրիներ, Հովսեփ Էմիններ, որոնք Համոզված են եղել, թե մի քանի միլիոնով կարելի կլինի Հայաստանը Թուրքերից գնել: Խորեն եպիսկոպոս Ստեփանյանը նույնպես կարծում էր, թե սուլթանին կաշառելով՝ կարելի է ազատություն ստանալ նրանից: «Բայց նման յուլյսերը, - շեշտում էր Թոփչյանը, - ցնորքներ են: Յեղափոխութեան Հենակետը փողը չէ. թող բանուորները փող չտան, բայց կտան իրենց կյանքը, որ ավելի բարձր ու մեծ է մեզ Համար, քան փողը»¹:

Իր ելույթներից մեկում անդրադառնալով Ղ.Յ.Դ.-ին նյութական օժանդա-

¹ «Նյութեր...», Հատ. Գ, էջ 178:

² Նույն տեղում, էջ 149:

¹ «Նյութեր...», Հատ. Գ, էջ 182:

կուժյունն ցույց տալու հարցին՝ Ռոստոմն ասում էր, որ այդ հարցի շուրջ ստեղծվել են բացահայտ թյուրիմացություններ: Նա նշում էր, որ ենթադրելի էր, թե Կովկասում հայուժյան բոլոր խավերը պետք է օգնության հասնեին տաճկահայուժյան պայքարին, հետևապես նաև նրա ղեկավար ուժին՝ դաշնակցուժյանը: Բայց այդպես չեղավ: Հայ խոշոր բուրժուականների օգնության մասին խոսք լինել չի կարող, միջին բուրժուականները նույնպես գրեթե չէին մասնակցում օգնության գործին: Ավելի ջերմ օժանդակություն էին ցույց տալիս մանր բուրժուականները, այն էլ միայն ոգևորության բացառիկ դեպքերում և սահմանափակ շրջանում: Դաշնակցուժյունը ստիպված էր ձեռք առնել մի քանի կտրուկ միջոցներ՝ խոշոր բուրժուականների գրպանը բացելու համար, և միայն դրանից հետո կուսակցության, հետևապես՝ տաճկահայուժյան պայքարին օժանդակող միջին և մանր բուրժուականների շրջանը լայնացավ՝ հիմնականում վախի ազդեցության տակ: Ռոստոմը շեշտում էր, որ հայ բուրժուա տարրը ամբողջությամբ մեջ որևէ բնական ձգտում չունի օգնություն հասցնելու հեղափոխական գործին, և, որպես դրա ապացույց, բերում էր Բուլղարիայի, Ամերիկայի և առհասարակ արտասահմանյան հայ հարուստների անտարբերությունը կամ հակառակությունը¹: Ինչ վերաբերում է տաճկահայ հեղափոխությանը կովկասահայ բանվորների կողմից ցույց տրվող աջակցությանը, ասում էր Ռոստոմը, ապա «մեզանից ոչ մեկը թող չպետք է տայ իրեն՝ արհամարհանքով վերաբերվելու բանուորի կուպեկներին: Ռեակցիայի ճգնաժամային թուլաներին, բանուորական-արհեստավորական կուպեկները չէին, որ փրկեցին մեր կուսակցությունը: Աշխատավորներն են եղել, որ իրենց քսակները միշտ էլ լայն բաց են արել յօզուտ մեր գործի, ուրիշ ոչ մի տարր՝ նրանց չափ չէ նպաստել մեզ երբեք: Չմոռանա՞ք այս»:

Ինչ վերաբերում է հակաանախագծականների այն տեսակետին, թե դաշնակցությունն իրավունք չունի հայ իրականության մեջ բորբոքելու դասակարգային պայքար, թե նա պետք է լինի վերդասակարգային կազմակերպություն և արտահայտի հայկական հասարակության բոլոր դասակարգերի, խավերի ու շերտերի շահերը, նախագծականները վճռականապես մերժում էին այդպիսի մոտեցումը: Ռոստոմն ասում էր, որ Կովկասում բուրժուազիայի և աշխատավոր դասակարգի միջև անխուսափելիորեն տեղի է ունենում բաժանում: Նա նշում էր, որ կովկասահայ բուրժուազիան Հ.Յ.Դ. կովկասյան գործունեության պատճառով չէ միայն, որ թշնամանում է նրա հետ: Արդեն տաճկահայ հեղափոխությունն ինքնին արհամարհանքի է հանդիպել կովկասահայ բուրժուականների կողմից: Սկզբում կուսակցությունը աջակիցներ է ունեցել բուրժուական ինտելիգենցիայի միջից, բայց առաջին մեկ-երկու տարուց հետո բոլորն էլ հեռացան կազմակերպությունից, իսկ ռեակցիայի օրերին ուղղակի ծաղրի առարկա դարձրին կուսակցության գլխավորությամբ վարած կռիվները: Ահա

¹ «Նյուլթեր...», հատ. Գ, էջ 184:

թե ինչու, նշում էր Ռոստոմը, այսուհետև այլևս ոչ մի կապ չենք կարող ունենալ կովկասահայ բուրժուազիայի հետ:

Հ.Յ.Դ.-ի իբրև աշխատավորության և հակաբուրժուական կուսակցության մասին իրենց ելույթներում շեշտում էին համարյա բոլոր նախագծականները: Արշակ Վառայան. «Մեզ պետք է իր աշխարհայացքով ամբողջովին [տաճկահայ] դատին նվիրուած զանգուած, և ոչ՝ համակիր, հետերոծին» տարրեր: Մեր յոյսն է աշխատավորությունը»: Իշխան. «Մենք պետք է հենվենք աշխատավոր դասակարգի վրա և պաշտպանենք նրա շահերը: Այլ ինչդիր է, իհարկե, երբ համազգային որևէ վտանգ է առաջանում, այսպիսի արտակարգ և կրիտիկական վայրկյաններում մենք անժամանակ բոլոր կը կազմենք այլ տարրերի հետ»: Ստեփան Ստեփանյան. «Բուրժուականների հետ մենք ոչ մի գործ չունենք և չենք կարող ունենալ»: Համո Օհանջանյան. «Մենք պայքարում ենք տնտեսական անհավասարության դեմ, մի անարդարության դեմ, որը հիմք է մյուս բոլոր չարիքների: Եվ ես պնդում եմ, որ միայն ջրուտ աշխատավորների միջոցով կարելի է վերացնել այդ աղաղակող անարդարությունը, և սոցիալիստական կարգեր հաստատել»: Նրանք բոլորը հաստատ էին իրենց տեսակետի վրա, այն է՝ հետայսու դաշնակցությունը պիտի առաջ գնա իբրև բառիս իսկական իմաստով քաղաքական-սոցիալիստական կուսակցություն՝ իր ամբողջական սոցիալիստական պատմափոխությանը, աշխարհայացքով, իդեալներով, նպատակներով: Որպես իսկական հեղափոխական կուսակցություն, դաշնակցությունը, ամուր հենվելով միմիայն աշխատավոր մասսաների վրա, անզիջում կռվելու է սոցիալիզմի հաղթանակի, սոցիալիստական կարգերի համար:

Հետագա վիճաբանությունների ընթացքում հակաանախագծականները աստիճանաբար փոխում էին իրենց տեսակետները, հակվում ու մոտենում նախագծականներին, ի վերջո կանգնում նրանց դիրքերում:

Առաջինը դա արեց հակաանախագծական Սեբաստացի Մուրատը: Նիստերից մեկում նա սխալ համարեց Արշակ Իսահակյանի այն արտահայտությունը, թե տաճկահայ դատը մթազնել է կովկասահայ երիտասարդության միտքը:

Մուրատին հետևեցին ուրիշներ: Ավետիք Շահխաթունյանը, որ սկզբում վճռականապես մերժում էր «Կովկասյան նախագիծը», հարցի քննարկման ավարտին ասում էր. «Այսուհետև, այո՛, մեր գործունեությունը պետք է լինի զուտ դասակարգային, և մեր գործունեության սոցիալիստականությունն այնպես պետք է շեշտուած լինի, որ կողմնակի մոմենտներ վայրկեան անգամ չկանգնեցնեն մեր առաջխաղացությունը»: Ավելին, նա գտնում էր, որ «մեր կուսակցության միջից պետք է դուրս գան այն տարրերը, որոնք իրենց սկզբ

^{*} Այլատարր:

¹ «Նյուլթեր...», հատ. Գ, էջ 185:

² Նույն տեղում, էջ 176:

³ Նույն տեղում, էջ 188:

⁴ Նույն տեղում, էջ 172:

բունքներով համաձայն չեն կուսակցության աշխարհայացքին: Եվ ես հույս ունեմ, որ մեր հաջորդ ընդհանուր ժողովում, եթե միայն այդպիսին տեղի ունենա, չլինի մտքերի այն խառնաշփոթը, որպիսին տեսնում ենք այստեղ»¹:

Վիճարանությունների ընթացքում երկու կողմերին հուզում էր այն հարցը, թե ազգային և սոցիալիստականի փոխհարաբերությունների հարցը ինչպես են ըմբռնում ռուսահայ բուրժուականները և ռուսահայ աշխատավորները:

Նախագծականները նշում էին, որ Հ.Յ.Դ.-ն միաժամանակ և՛ ազգային է, և՛ սոցիալիստական: Ներկա բուրժուական հասարակարգում ազգային կոիվն անհրաժեշտություն է: Բուրժուականներն ազգային հարցը հասկանում են իրենց ձևով, իսկ սոցիալիստները, այդ թվում՝ դաշնակցականները՝ իրենց: Ընդգծելով, որ ոչ մի տեղ իսկական սոցիալիստները դեմ չեն մաքուր ազգայինին, նախագծականները օրինակ էին բերում, որ Բեբելը քանիցս հայտարարել է, թե ինքը գենքը ձեռքին դուրս կգա պաշտպանելու յուր հայրենիքը, եթե արտաքին թշնամին սպառնա այդ ազգային հայրենիքի անվտանգությունը: Մյուս մեծ սոցիալիստ ժորեսին են պատկանում այն խոսքերը, որ ինքը կողմնակից է ազգային գաղափարին, եթե այն բխում է ազգության հիմքը կազմող աշխատավոր դասակարգի շահերից: Իտալացի սոցիալիստ էնրիկո Ֆերրին անհուն սիրով էր խոսում իր հայրենիքի մասին և հայտարարում էր, որ սուրբ պարտականություն է զգում ողջ Իտալիայի, ինչպես նաև իր համայնքի ու ընտանիքի նկատմամբ:

Ազգայինի և սոցիալիստականի փոխհարաբերությունների հարցին այս մեծ սոցիալիստների մոտեցումները հոգեհարազատ էին դաշնակցությանը: «Մի՞թե մենք, - ասում էր Եղիշե Թովչյանը, - որ մեր առաջ ունենք հայկական արյունոտ իրականությունը և հարյուր հազարավոր զոհերի գնով սրբազործուած տաճկահայ դատը, կարո՞ղ ենք ժխտել ազգային հարցը, - երբեք: Մենք ջերմ պաշտպաններ կլինենք այդ հարցին, բայց սոցիալիստական հասկացողությամբ և ոչ՝ բուրժուական»²:

Բնորոշ է նաև Ռոստոմի տեսակետը ազգայինի և սոցիալիստականի փոխհարաբերությունների մասին: Նա նշում էր, որ Կովկասում սկսված կռվին դաշնակցությունը տվել է ազգային դրոշմ հիմնվելով, սակայն, միայն աշխատավոր դասակարգերի վրա: Այս ձգտումների տեսակետից նա նկատի ուներ նաև իր կուսակցության դավանած ազգայնությունը, որը ոչ «Մեղու» և ոչ էլ «Մշակ» հանդեսների ազգայնությունը չէր: «Մեղուն» ազգային էր գուտ կղերական տեսակետից, «Մշակը»՝ բուրժուական, իսկ դաշնակցության տեսակետը աշխատավորական է, և այս աշխատավորական տեսակետից էլ կուսակցությունը եղել և մնում էր ազգային, որը արմատապես սահմանազատված էր բուրժուական ազգայնականությունից:

¹ «Նյութեր...», Հատ. Գ, էջ 164:

² Նույն տեղում, էջ 170-171:

Թեև ընդհանուր ժողովում «Նախագծի» քննարկման ժամանակ պատգամավորներն արդեն բազմիցս անդրադարձել էին տաճկահայ ազատագրական շարժմանը, բայց գնալով ծավալվող վիճարանությունների ընթացքում անխուսափելիորեն առաջ եկավ տաճկահայոց խնդիրները ավելի խորն ու բազմակողմանի քննելու, նրանց դատի նկատմամբ ավելի հստակ վերաբերմունք դրսևորելու անհրաժեշտության հարցը:

Կովկասյան գործունեությունը որդեգրող կուսակցությունը որքանով է ի վիճակի լինելու շարունակել իր հիմնական առաքելությունը՝ սատար կանգնելու տաճկահայ դատին, - սա էր այդ հարցի իմաստը:

Հակառակնախագծականների ընդհանուր տեսակետն այն էր, որ հայկական Հեղափոխությունը չըջապատող պայմաններն ու Հեղափոխական ուժերի արդեն իսկ անբավարար լինելու հանգամանքը հրամայական պարտականություն տակ է դնում դաշնակցությանը, որպեսզի նա իր ունեցած ուժերը կենտրոնացնի միայն ու միայն իր հիմնական նպատակին՝ տաճկահայոց ազատագրությանը՝ առանց ուժերի որևէ մասնատման: Ըստ որում, նրանք բազմիցս վկայակոչում էին ընդհանուր ժողովից առաջ տեղի ունեցած կուսակցական բոլոր մակարդակների ժողովներում ընդունված որոշումները, որոնցում պատճառաբանվում էր, թե ինչու ընդունելի չէ Հ.Յ.Դ. կովկասյան գործունեությունը, որը կամա թե ակամա մնասելու է տաճկահայության դատին: Իսկ տաճկահայ դատը՝ դա հայկական դատն է, որը երաշխավորված է եվրոպական պետությունների զանազան դաշնագրերով (Ռ. Զարդարյան): Ավելին, այդ դատը համամարդկային է, զի դրան ոչ միայն հայերն են նվիրված, այլև օտարներ (Մուրատ): Տաճկահայաստանում քարոզել դասակարգային պայքար, նշանակում է հարվածել ազգին: Քանի դեռ Հայաստանը գերի է օտարին՝ այնտեղ պիտի բացառվեն դասակարգային տարածայնությունները, առավել ևս՝ դասակարգային պայքարը (Վ. Տաթևյան): Ոչ ոք իրավունք չունի տաճկահայությանը փաթաթել սոցիալիստական սկզբունքներ (Մանուկ): Տաճկահայաստանում հող չկա սոցիալիզմ կառուցելու համար: Մեզ, նախ, մեր կյանքն է հարկավոր ապահովել, այնուհետև արդեն կմտածենք և հացի մասին (Թ. Զեյալյան):

Այս և նման հարցադրումները հատկապես խտացված ձևով արտահայտություն էին գտնում Սարգիս Մինայանի ելույթներում: «Ինձ համար, - ասում էր նա, - տաճկահայ դատը գորդյան հանգույց է, որը միայն սրով պետք է լուծել, իսկ այդ լուծումը կարելի կլինի ոչ [թե] սոցիալիզմի ... միջոցով, այլ միայն՝ փողի, որը ջիղն է ազատագրության գործի»: Նա գտնում էր, որ «տաճկահայ բարձր պաշտոնեությունը ավելի ազգասեր է եղել, քան կովկասահայ

³ Մանուկը Տրապիզոնի ներկայացուցիչն էր համագումարում, խորհրդակցական ձայնով: Իբրև Տրապիզոնի պատգամավոր, ընդ. ժ.ի արձանագրությունների մեջ հիշատակված է նաև Արսեն անունը: Հավանաբար երկուսն էլ ծածկանուններն են նույն մարդու, որի իսկական անուն-ազգանունը հնարավոր չեղավ պարզել:

բուրժուազիան»¹: Ելույթներից մեկում նա առաջարկեց պատմական Հայաք ձգել տաճկահայոց անցյալի վրա՝ հասկանալու համար նրանց պայքարի գլխավոր ղեկավար ուժի՝ Հ.Յ.Դ. ազգային բնույթը: Այդ նպատակով նա հարց էր տալիս. «Մեր շարժումը վերևից է սկսվել, թե՞ ներքևից»: Իր առաջադրած հարցին ինքն էլ պատասխանում էր՝ «վերևից»: Տաճկահայության ազգային հարցի արձարձման նախաշարժիչ պատճառը ժողովրդի տնտեսական հանգամանքներն են: Այն բանից հետո, երբ տաճկահայ ժողովուրդը տեսավ, որ օսմանյան տերություն մեջ իր դրություն բարելավման ոչ մի հույս այլևս չպետք է կապել «արդարություն» հասկացության հետ, իր ազգային ձգտումներին տվեց քաղաքական իմաստ: Ներսես Վարժապետյան պատրիարքը Հայ ամիրաների աջակցությամբ այդ քաղաքական ձգտումները նվիրագործեց՝ դնելով միջազգային սեղանի վրա՝ ստանալով Բեռլինի դաշնագրի 61-րդ հոդվածը: Ծիշտ է, ասում էր Մինասյանը, նախկինում տաճկահայ բուրժուազիան տարված էր բացառապես իր ստամոքսով և չէր հետաքրքրվում ազգային-քաղաքական հարցերով, իսկ նրա շարքերում շատերը հաշտվել էին այն մտքի հետ, թե տաճկահայ ժողովրդի ապագան ամբողջ թուրքիայի ապագայի մեջ է: Բայց այն բանից հետո, երբ տաճկահայ դատը հանձնվեց միջազգային ատյանին, այդ բուրժուազիան, հույսը կտրելով թուրքական իշխանությունների բարյացակամությունից, հարեց ազգային շարժմանը: Պոլսի Հայ բուրժուազիան իր ձեռքն առավ Հայաստանի մշակութային գործը և մեծապես նպաստեց ստեղծելու կրթական ընկերություններ, բացելու դպրոցներ և այլն: Տաճկահայ բուրժուազիայի մեծ մասը անկեղծ հավատ էր տածում եվրոպական դիվանագիտության նկատմամբ, գտնելով, որ նա կարող է ցանկալի լուծում տալ Հայկական դատին, մի բան, որ, ցավոք, չիրականացավ: Այդ բուրժուազիայի մյուս մասը հետզհետե եկավ այն համոզման, որ առանց զենքի և արյուն թափելու անհնար կլինի եվրոպայի դիվանագիտությանը դեմքերը հայկական հարցով: Այդ մտայնությունը հատկապես ուժեղացավ այն բանից հետո, երբ Հայտնի դարձավ Ավստրիայի արտաքին գործերի նախարարի՝ 1895թ. արած հետևյալ հայտարարությունը՝ ուղղված Հայերին. «Մինչև արյուն չթափեք, հույս մի դրեք եվրոպայի աջակցության վրա»:

Այս բոլորից հետո, ասում էր Մինասյանը, սխալ է կարծել, թե տաճկահայ հեղափոխական շարժումը Հենց սկզբից զնացել է սոցիալիզմի ճանապարհով: Տաճկահայաստանում սոցիալիստական սկզբունքներ են ունեցել միայն մի քանի երիտասարդ գործիչներ: Այնտեղ չկար և այժմ էլ չկա դասակարգային պայքար, ընդգծում էր նա, քանի որ այնտեղ չկա դասակարգային շահերի հակամարտություն: Բոլոր Հայերին անխտիր կեղեքողը թուրքն է: Թուրքերը Հայերին հալածում են ոչ թե այս կամ այն դասակարգին պատկանելու համար, այլ իբրև Հայ: Տաճկահայաստանում մենք պրոլետարիատ չունենք, որովհետև

¹ «Նյուլթեր...», հատ. Գ, էջ 188:

չունենք արդյունաբերություն: Նա կարծիք էր հայտնում, որ Հայ վաշխատուներին չի կարելի համարել շահագործող դաս, քանի որ նրանք ոչ այլ ինչ են, եթե ոչ ապօրինի մարմիններ: Դաս չեն կազմում նաև ամիրանները, որոնք միշտ սոսկ միջնորդների դեր են կատարել պատրիարքարանի և կառավարության միջև: Ոչ ամիրանները, ոչ էլ նույնիսկ Հայ վաշխատուները անտազոնիստական հակասությունների մեջ չեն Հայ աշխատավոր գյուղացիության հետ, հետևապես Հայաստանում հող չկա սոցիալիզմի համար, որը հենվում է դասակարգային պայքարի վրա: Տաճկահայաստանում սոցիալիզմը raison d'être կունենա միայն այն ժամանակ, եթե ընդարձակ չափերով այնտեղ ստեղծվի արդյունաբերություն: Ծիշտ է, այսօր թուրքիայում կան հատուկներ գործարաններ, նշում էր Մինասյանը, որտեղ աշխատում են նաև Հայեր, բայց կարելի է գնալ և այդ գործարաններում եղած Հայ բանվորներին ներշնչել սոցիալիստական գաղափարներ: Մի որևէ շարժում առաջ բերելու փորձի դեպքում իշխանությունները իսկույն կքշեն բոլոր Հայ բանվորներին և նրանց տեղերը կհանձնեն ուրիշ ազգությունների մարդկանց:

Նորից շեշտելով, որ տաճկահայ շարժումն ունի զուտ ազգային բնույթ, Ս. Մինասյանը հռետորական հարց էր տալիս. «Ինչո՞ւ ձգտել դասակարգայնություն. մի՞թե մեր ազգային ազատագրության իդեալը բավական չէ մեզ»: «Հենց այս իդեալը պետք է լինի դաշնակցության գործունեության սահմանը», - եզրակացնում էր նա՝ Ազգայնության գաղափարն ավելի լայն է, ասում էր նա, տաճկահայ բանվորների լուրջ տնտեսական կարիքներին բավարարություն տալու ձգտումը երբեք չի կարող համեմատվել ազգային գաղափարի հետ, որը կարող է անհրաժեշտ ու անմիջական լուծումի: Ուստի դաշնակցություն իր գործը պետք է դնի լայն հողի վրա, պայքարի Հայաստանի՝ իբրև Հայ ժողովրդի գոյության խարսխի, ապագայի համար, մշտապես աչքի առաջ ունենալով, որ Հայրենիքը չի պատկանում Հայության այս կամ այն դասակարգին, որ այն ամբողջ Հայ ժողովրդի Հայրենական ժառանգությունն է, հավասարապես և՛ հարուստինն է, և՛ աղքատինը:

Հակառակադեմոստրացիաները մերժում էին այն տեսակետը, թե Հայաստանի ազատագրության խնդրում տաճկահայ բուրժուազիայի մասնակցությունը կարևոր չէ: Ժողովուրդը իր սեփական ուժերով անկարող է գործը առաջ տանել, ասում էին նրանք: Բուրժուազիան միշտ ավելի գիտակից է, մի բան, որ ապացուցված է նաև ուրիշ ազգերի ազատագրության ընթացքում:

Տաճկահայության ազատագրության դատը հակառակադեմոստրացիաները համարողային դատ էին համարում, որքանով որ եվրոպան, նրանց կարծիքով, նպաստում է թուրքական լծի տակ հեծող քրիստոնյա ազգերի, այդ թվում՝ տաճկահայության ազատագրությանը: Դրան հակառակ, կովկասահայ շար-

¹ Գոյության իմաստ:

¹ «Նյուլթեր...», հատ. Գ, էջ 174:

ժուճը չի կարող համամարդկային դատ լինել: Քանի որ դրա հիմքում ընկած է դասակարգային պայքարի գաղափարը: Ավելին, կովկասյան շարժումը չի հետաքրքրում ոչ միայն ուրիշ ժողովուրդների, այլև նույնիսկ գաղութահայությունը, որը Տաճկահայաստանն է համարում իր պատմական օրրանը և երազում է վերադառնալ Հայրենիք: Պատահական չէր, որ գաղութահայությունը ներկայացնող պատգամավորները մշտապես շեշտում էին, որ եթե դաշնակցությունը Հայրենիքի գաղափարը ամեն ինչից վեր չի դասելու, ապա նրա գոյությունը ավելորդ է, և այդ դեպքում տաճկահայերի ճակատագիրը պետք է կապել թուրքերի, քրդերի, արաբների, հույների և կայսրության մյուս ժողովուրդների ճակատագրի հետ ու հայ դատի հարցը փակված համարել:

Արևմտահայ պատգամավորներից ոմանք նշում էին, որ իրենք ոչ միայն չեն հավատում Տաճկահայաստանում սոցիալիզմի քարոզների հաջողությանը, այլև ընդհանրապես չեն ընդունում սոցիալիզմը՝ որպես մարդկության վերջին հանգրվան: Սոցիալիզմի գաղափարաբանությունը՝ դա անհատական սեփականություն վերացումն է, դրամատիքության ջնջումը, մարդկանց տնտեսական վիճակի հնարավորին չափ համահարթումը: Բայց այդ նպատակները տաճկահայերին չեն հետաքրքրել նախկինում և այժմ էլ չեն հետաքրքրում. ընդհակառակը, շարունակ շեշտել են, թե իրենք միայն ազգային կռիվ ունեն: Տաճկահայաստանում փտանդված է ոչ թե սոցիալիզմը, որն ընդհանրապես այնտեղ չկա, այլ վտանգված է հայությունը, ազգը, ազգայինը: Նրանք ասում էին, որ ոչ ոք չի կարող հայ հեղափոխականներին մեղադրել այն բանի համար, որ նրանք սոցիալիստներ չեն: Տաճկահայ իրականությունը ծանոթ եվրոպացի շատ գործիչներ՝ Ժորժեթ, Վիվիանին և ուրիշներ, միանգամայն արդարացի էին համարում սոցիալիզմի նկատմամբ թուրքահայ հեղափոխականների բացասական վերաբերմունքը:

Ուսելով կովկասահայերի, մասնավորապես՝ դաշնակցության կողմից տաճկահայությունը ցույց տրվող օգնության ծավալների և բնույթի մասին, արևմտահայ պատգամավորները բոլոր կովկասահայերին միահամուռ կոչ էին անում թուրքական դեսպոտիզմի դեմ կռիվող իրենց եղբայրներին աջակցել բարոյապես և նյութապես: «Ինչ ուզում եք եղբք՝ սոցիալիստ թե մոնարխիստ, միայն թե աջակցեք մեզ՝ իբրև հայերի», բայց դրա հետ միասին՝ «մեզ մի թելադրեք ձեր սկզբունքները, թե՛ այսպես արեք, այնպես չանեք»¹:

Բոլոր հակառակադեմոստրացիաների եզրակացությունն այն էր, որ մի ժողովուրդ չի կարող երկու հայրենիքի համար կռվել, ուստի դաշնակցությունն իր գործունեությունն ամբողջովին պետք է կենտրոնացնի Տաճկահայաստանի վրա՝ «բանի որ սա է մեր հայրենիքը»²:

Հակառակադեմոստրացիաների կողմից տաճկահայ ազատագրական շարժման և

¹ «Նյութեր...», հատ. 9, էջ 175:

² Նույն տեղում:

դաշնակցության փոխհարաբերությունների մեկնաբանությունները ընդհանուր ժողովում հանդիպեցին նախազգածականների բուռն հակադեմոստրացիանը, որոնք իրենց ընդդիմախոսների փաստարկումներին և տեսական եզրահանգումներին հակադրում էին կենդանի կյանքից վերցրած օրինակներ, կովկասահայ և միջազգային սոցիալիստական շարժման ընդերքում մշակված և արդեն ընդհանուր ճանաչում ստացած դրույթներ:

Զբաժանելով տաճկահայ ազատագրական շարժման և դաշնակցության փոխհարաբերությունների մասին Սարգիս Մինասյանի և մյուս հակառակադեմոստրացիաների տեսակետը՝ Ռոստոմն իր ելույթներում նշում էր, որ, հանդես գալով Հ.Յ.Դ. սոցիալիստական գործունեության դեմ, նրանք իրենց եզրահանգումները կառուցում են՝ նկատի ունենալով Հայկական Հարցի միայն առաջին ժամանակաշրջանը, երբ թուրքահայաստանում հեղափոխական գործունեությունը դեռևս գտնվում էր սաղմնային վիճակում: Միայն է, ասում է նա, մըշտապես վկայակոչել Բեռլինի դաշնագիրը, նաև՝ Ներսես պատրիարքի ծրագիրը: Արևմտահայ շարժումը չի սահմանափակվում միայն այդ եզակի խնդիրներով: Հ.Յ.Դ. ծրագրում հեռավոր ակնարկ անգամ չկա Բեռլինի դաշնագրի և Ներսեսի ծրագրի մասին: Դաշնակցության պաշտոնաթերթ «Դրոշակը» միայն մեկ անգամ է թուրքիկ անդրադարձել պատրիարքի ծրագրի բովանդակությանը: Բայց այն բանից հետո, երբ նոր կազմակերպվող կուսակցության շարքերում բուռն բողոքներ եղան դրա հրատարակման դեմ, ապա N2-ից սկսած՝ թերթի էջերից այն իսպառ վերացավ: Ճիշտ է, Հ.Յ.Դ.-ն եվրոպական պրոպագանդայի ժամանակ երբեմն մատնացույց էր անում Բեռլինի դաշնագիրը, ասում էր Ռոստոմը, բայց դա արվում էր լոկ նրա համար, որպեսզի շեշտված լիներ հայոց խնդրի միջազգային կողմը:

Գալով այն հարցին, թե Տաճկահայաստանում ինչպես է տարվել դաշնակցության կռիվը, Ռոստոմն ընդգծում էր, որ այն չի տարվել «ազգովին», այլ «եղել է ազգի համար»: Դաշնակցությունը հենց սկզբից Տաճկահայաստանում հենվել է միայն աշխատավորական տարրի վրա, խոր արմատներ ձգել նրա մեջ: Այդ էր պատճառը, որ 1895-1896թթ. ընդհանուր կոտորածից հետո, միայն դաշնակցությունն էր, որ կարողացավ Տաճկահայաստանում պահպանել իր գոյությունը, իսկ մյուս Հայկական ազգային կուսակցությունները համարյա վերացան կամ պառակտվեցին գանազան խմբավորումների:

Անդրադառնալով «դասակարգ» հասկացությանը և տալով դրա բնութագրությունը՝ Ռոստոմն ասում էր, թե ոմանք այն դիտում են որպես միայն տրեստեսական զարգացումից առաջ եկած շերտավորում՝ մասնավորապես դասակարգ չհամարելով ազնվականությունը: Իրականում, սակայն, եվրոպական իմաստով դասակարգեր են և՛ ազնվականությունը, և՛ բուրժուազիան: Գալով տաճկահայկական իրականությունը՝ նա նկատում էր, որ այնտեղ հիմնովին բացակայում է ազնվականությունը, որը ոչնչացվել է մահմեդական տիրապետության ընթացքում, իսկ նրա տեղը բռնել են գրեթե բացառապես քուրդ

ցեղապետերը: Ուրեմն, Հայ աշխատավորների դիմաց կանգնած է ոչ թե Հայ ազնվականությունը, այլ քուրդ ազնվական դասակարգը, որի հետ այդ աշխատավորությունը հարաբերվում է անմիջականորեն կամ Հայ էֆենդիների և աղանների միջոցով:

Ռոստոմը տաճկահայկական շարժման համար խիստ վտանգավոր էր համարում մշտապես կրկնելը, թե դաշնակցությունն իր ծագման իսկ օրից եղել և մնում է զուտ ազգայնական կուսակցություն: Ընդհակառակը, իր գոյություն 17 տարիների ընթացքում նա ազգային կռիվ չի մղել, նրա կռիվը եղել է ոչ թե մահմեդական ժողովրդի, այլ կայսրության կառավարող ռեժիմի դեմ, որից դժգոհ է նաև մահմեդական աշխատավորությունը: Իսկ եթե այդ ընդհանուր կանոնից վրիպումներ են եղել, ապա դա տեղի է ունեցել կուսակցության ղեկավարության կամքին հակառակ: Պայքարող տաճկահայությունը և նրա մարտական ջոկատը՝ դաշնակցությունը, մղում են ոչ թե ազգային, այլ ազգային ազատագրական կռիվ:

Կրկին ու կրկին հիշեցնելով, որ դաշնակցությունը աշխատավորական կուսակցություն է, հետևապես, իր էությունը՝ հակաբուրժուական, Ռոստոմը նշում էր, որ ինչպես կովկասահայ, այնպես էլ տաճկահայ հարուստներից կազմակերպությունը երես է դարձրել իր կազմավորումից անմիջապես հետո: Նա առաջիկայի հիմնական խնդիր էր համարում կովկասահայ և տաճկահայ աշխատավորների միավորումը և համատեղ գործակցությունը՝ ի հեճուկս կովկասահայ և տաճկահայ բուրժուաների: Դա անհրաժեշտ է, ասում էր նա, մանավանդ որ երկու երկրների՝ Հ.Յ.Դ.-ի այդ երկու հակառակորդները ձգտում են կապվել իրար հետ և համաձայնեցնել իրենց գործողությունները: Իբրև դրա վկայություններից մեկը, նա օրինակ էր բերում «Մշակում» տպագրված կոչը՝ ուղղված Պոլսի էֆենդիներին: Ելնելով դրանից՝ նա համոզված ասում էր, թե հետո չէ այն օրը, երբ արմենականները կմիանան մշակականներին՝, և կառաջանա քաղաքական նոր համախմբում¹:

Տաճկահայ ազատագրական շարժման և Հ.Յ.դաշնակցության փոխհարաբերությունների մասին ընդհանուր ժողովում Ռոստոմի ելույթները հետևողականորեն պաշտպանում էին նրան համախոհ պատգամավորները:

Ջբաթանելով այն տեսակետը, թե Տաճկահայաստանում Հող չկա սոցիալիզմի համար, որովհետև այնտեղ չկա արդյունաբերություն, Եղիշե Թոփչյանն ասում էր, որ չնայած Թուրքիայում կապիտալիզմը թույլ է զարգացած, բայց դա չի նշանակում, թե ամեն ինչ նախկինի նման է: Եվրոպական կապիտալիզմը վաղուց է արշավում այդ երկրի վրա՝ խոր ազդեցություն թողնելով նրա կյանքում, արմատներ ձգելով տնտեսության մեջ: Նա կարևոր էր համարում

¹ Ռոստոմի նախատեսությունը ճիշտ դուրս եկավ. 1908թ. Պոլսում կազմվեց սահմանադիր ռամկավար կուսակցությունը, որի մեջ մտավ նախկին արմենականների մի կարևոր մասը: «Նյութեր...», Հատ. Գ, էջ 184-185, 189:

նաև այն, որ Թուրքահայերն արդեն ունեն պրոլետարիատ, ճիշտ է՝ Երկրից դուրս՝ Ամերիկայում, Կովկասում, Բուլղարիայում և այլուր: Դրսում գտնվող Հայ բանվորների աչքերը մշտապես հառած է իրենց Հայրենիքին, երազում են վերադառնալ իրենց օջախները, եթե լինի կյանքի ու գույքի ապահովություն:

Ինչ վերաբերում է Թուրքահայ բուրժուազիային, նշում է Թոփչյանը, ապա նա միշտ էլ հանդես է եկել տաճկահայ աշխատավորության դեմ: Եվրոպացի հեղինակներից Լարուսը գրել է, որ 1849-1869թթ. Հայ գյուղացիները պատրիարքարանին և բարձր դասը ուղարկել էին ավելի քան 950 բողոքագիր, բայց պատրիարքը դրանք ծածկում էր եվրոպական դեսպաններից և Հայ էֆենդիների թելադրությամբ սուլթանին հայտնում, թե ժողովուրդը շատ գոհ է իր վիճակից: 1883-ին Վասպուրականի էֆենդիները շորհակալական թուղթ են հղում սուլթանին՝ դարձյալ պնդելով, թե «մենք գոհ ենք մեր վիճակից»: 1886թ. Վանում, դասակարգային շահերի հակամարտության հողի վրա, արյունահեղ ընդհարումներ տեղի ունեցան (Պողոսյանների և Ապողոսյանների խնդիրը): Այս օրինակները վկայակոչելով Թոփչյանն ասում էր, որ «զուր են կարծում ընկերները, թե Տաճկահայաստանում չկա դասակարգային դիֆերենցիացիա. կա՛, թեև փոքր աստիճանով: Որքան էլ ամիրաներն ու էֆենդիները ճառեն, նույնիսկ փող տան, ես երբեք չեմ կարող վստահել նրանց»¹:

Անվերապահորեն պաշտպանելով Ռոստոմի և Թոփչյանի մտքերը տաճկահայության մեջ դասակարգային շերտավորումների, դասակարգային պայքարի մասին՝ Արամ Մանուկյանը, կոնկրետ օրինակներ բերելով Վասպուրականից, նշում էր, որ սուլթանի կառավարությունը հավասար չափով հովանավորում է թե՛ Թուրք և թե՛ Հայ հարուստներին: «Մինչդեռ հարուստ Հայերը ազատ մուտք ունեն Պոլիս, չունենորները զրկուած են այդ արտոնությունից: Գալաօսական քաղաքներում, այժմ ևս, դեսպերից յետոյ, Հայ հարուստները վայելում են կառավարութեան լիակատար վստահությունը, ավելի, քան քյուրտերը, ինչպես օրինակ՝ Վասպուրականում: Ասել ուրեմն, որ Հայ հարուստը Տաճկաստանում նույնքան է ճնշված, որքան աղքատը, սխալ է. նշանակում է ծանոթ չլինել տաճկահայ իրականութեան հետ: Այնտեղ գոյություն ունեն դասակարգային շերտավորումներ»²:

Ջարգացնելով Արամի միտքը՝ Զիֆոնի ներկայացուցիչը, պատգամավոր Ստեփան Տեր-Մկրտչյանը (Գագիկ) ասում էր.

Մինչև հիմա «Թուրք ամբողջ կարծել է, որ մեր կռիվը ուղղված է ամբողջ մահմեդական ազգաբնակչության դեմ: Այժմ մենք պիտի ցույց տանք, որ մեր կռիվը շահագործող դասակարգի դեմ է՝ լինի դա Տաճկաստանում թե Կովկասում: Մենք միայն մեր հեղափոխական սոցիալիստական գործելակերպով կարող ենք այդ թյուր համոզմունքը Թուրք մասսայի մեջ վերացնել: Դրանով

¹ «Նյութեր...», Հատ. Գ, էջ 181-182:

² Նույն տեղում, էջ 180:

կվերանա նաև կրոնական, ազգային ատելությունը և կը սկսի դասակարգային կոփով, ոչ թե ազգային կոփով»¹:

Արշակ Վռամյանն այն միտքն էր հիմնավորում, որ տաճկահայության քաղաքական կոփը սկսվել է դաշնագրերից շատ առաջ և որպես օրինակ բերում էր Պոլսի Հայոց պատրիարքարանի 1870-ի տեղեկագիրը սուլթանին, որը բացահայտ տնտեսական-սոցիալական շեշտ ուներ: Ապա վկայակոչում է թուրքահայերին տված սահմանադրությունը: Այս երկու կարևոր երևույթները նախապատրաստական շրջան էին, որոնք նպաստեցին Հայ ազգային կուսակցությունների երևան գալուն²:

Անդրադառնալով տաճկահայություն - Հ.Յ.դաշնակցություն փոխհարաբերության հարցին և սխալ համարելով այն, թե դաշնակցությունը ստեղծվել է բացառապես Թուրքաց Հայաստանի համար՝ Ա. Վռամյանն ասում էր, որ բովանդակ հայությունն իր գոյությունն ապահովելու համար դեռ վաղուց ընդհանուր ձգտում է ունեցել Պոլսից մինչև Թիֆլիս և էջմիածին: Առաջիններում Հայերն իրենց հույսը դրել էին ռուսաց կառավարության վրա՝ կարծելով, թե իրենց փրկությունը գալու է Ռուսաստանից: Նրանք խորապես համոզված էին, որ անպայման կատարվելու է իրենց այդ փափագը, մանավանդ որ ցարիզմի խոստումները Հայերին առատ էին: Բայց Պետերբուրգը դրժեց բոլոր խոստումները, և Հայերը ստիպված իրենց հայացքը այս անգամ դարձրին դեպի Տաճկաստան: Այլ խոսքով, Վռամյանի միտքն այն էր, որ տաճկահայ ինքնավարության հարցի ի հայտ գալուց առաջ արդեն գոյություն ուներ ռուսահայ ինքնավարության գաղափարը:

Այնուհետև Վռամյանն ասում էր. «Մենք չենք կարող ժխտել դասակարգային կոփի գաղափարը Տաճկահայաստանի վերաբերմամբ, քանի որ դասակարգային բմբուխումը արմատացած է մեր ժողովրդի մեջ: Հարուստները չեն, որ վարում են մեր դասը (ծափահարություններ): Բուրժուա կոչեցեք նրանց, ամիրա, կղերական կամ այլ՝ ի՞նչ խոստումներ են տվել, բայց ոչ մեկը դրանցից չեն իրագործել: Եվ ես այսօր տաճկահայ շարժման հիմքը (ընդգծումը մերն է: - Հ.Ս.) տարբեր չեմ գտնում կովկասյանից. մենք ունենք Թուրքիայում խոշոր թվով գյուղացիություն, որը և իր ուսերի վրա է տարել գործի ծանրությունը»³:

Ապա, Արշակ Վռամյանը, իբրև տաճկահայ, իր հայրենակից հակառակագծականներին կոչ արեց հրաժարվել քաղաքական նախապաշարունակներից, հաշվի առնել հայկական կյանքում առաջացած նոր իրողությունները, ընդունել «Կովկասյան նախագիծը» և կովկասահայ շարժումը դիտել իբրև հարազատ, սրտամոտ գործ: «Ես դա ասում եմ իբրև հայ,- շեշտում էր նա: - Այն ընկերները, որոնք կարծում են, թե տաճկահայերը դեմ են կովկասահայ շարժ-

¹ «Նյութեր...», հատ. Գ, էջ 185:

² Նույն տեղում, էջ 176:

³ Նույն տեղում:

մանը, լավ կը լիներ, որ այդպիսի մտքեր այլևս չարտահայտեին այստեղ: Տաճկահայերը կ'ընդունեն և կը պնդեն, որ դաշնակցությունն, իբրև համահայկական կուսակցություն, պատրաստ է անցնել և այդ շարժման գլուխը»¹:

Կովկասում քաղաքական, առավել ևս՝ սոցիալիստական գործունեություն ծավալող Հ.Յ.դաշնակցությունն անհրաժեշտաբար պետք է պատասխան տար նաև այն հարցին, թե ինչպիսի ակտիվությամբ և ծավալներով է պատրաստվում պայքարի մեջ մտնել Կովկասի տիրոջ՝ ցարական ինքնակալության հետ, որը միաժամանակ կովկասահայ բուրժուազիայի պաշտպանն է, բուրժուազիա, որին դաշնակցությունը համարում է իր պատմական հակառակորդը: Կուսակցությունն անխուսափելիորեն կանգնել էր «Իմ թշնամու բարեկամը իմ թշնամին է» հրամայականի առջև:

Հակառակագծականները (Սեպուհ, Մուրատ, Վահագն Տաթևյան և ուրիշներ) ընդհանրապես չէին ընդունում ռուսական ցարիզմի դեմ պայքարի ճակատ հարդարելու անհրաժեշտությունը²: Նրանց հիմնական փաստաթղթերն էին. ա) Հայությունը չի կարող սակավաթիվ ուժերով միաժամանակ պայքար մղել երկու ճակատով՝ սուլթանական Թուրքիայի և ցարական Ռուսաստանի դեմ: Այդ պայքարի արդյունքը չի կարող համապատասխան լինել զոհողությանը: Հայերը սահմանից այն կողմ դատ ունեն՝ հանձնված վեց մեծ պետությունների խնամակալությանը, որոնցից մեկն էլ Ռուսաստանն է: Զգույշ պետք է լինել և չպետք է գրգռել ռուսական կառավարությանը, «եթե չենք ուզում, որ մեր երկիրը փլատակների վերածվի, բ) Ցարական կառավարության դեմ պայքարը խիստ վտանգավոր է հատկապես այն պատճառով, որ Ռուսաստանում տիրում է ռեակցիոն ուժեր, որի հետ ոչ մի հույս չեն կարող կապել Հայերը՝ իրենց դատի լուծման հարցում: Եթե երկիրը դառնա պառլամենտական, այն ժամանակ հնարավոր կլինի եթե ոչ ուժային, ապա քաղաքական միջոցներով նրան բերել հայկական դատի պաշտպանության կողմը, գ) 1905թ. հոկտեմբերի 17-ի ցարական մանիֆեստի մեջ կիսով չափ արտահայտված են Հ.Յ.Գ. «Կովկասյան նախագիծ» առաջադրված քաղաքական և տնտեսական պահանջները: Մանիֆեստով ռուսական կառավարությունը խոստանում է Երկրին, այդ թվում՝ Կովկասին, տալ սահմանադրություն, որում ամբողջովու են գույքի, անձի ու պատվի ապահովության, կրոնի, խոսքի, մամուլի և ազգային մշակույթի ազատության պահանջները: Այս պայմաններում շարժե ռուսաց կառավարության մոտ հայությունը ներկայացնել որպես մշտապես անհանգիստ ու խռովարար տարրի: Իբրև հայության մեծ մասի կամքի արտահայտիչ, դաշնակցությունն առայժմ պետք է ցույց տա, որ ինքը գոհ է հաստատվելիք սահմանադրական կարգերից: Իսկ եթե այդ խոստացած կարգերը ձևական ու խաբուսիկ լինեն, ապա, անկասկած, ռուսական ողջ ընդդիմու-

¹ «Նյութեր...», հատ. Գ, էջ 185:

² Նույն տեղում, հատ. Գ, էջ 160, 162, հատ. Դ, էջ 192, 260, 291:

թյունը կդիմի զենքի, կտապալի միապետությունը և կստեղծի Հասարակապետություն: Միայն այդ դեպքում Հ.Յ.Դ.-ն կարող է միանալ Կովկասի մյուս սոցիալ-ճեղափոխական կուսակցություններին և պայքար մղել երկրամասում շվեյցարականի նման մի առանձին պառլամենտ ստեղծելու համար, դ) Եթե Տաճկաստանում Հայության դեմ մղվում է ազգային բնաջնջման պայքար, ապա Ռուսաստանում և Կովկասում տեղի է ունենում Հայության իրավունքների կոպիտ ոտնահարում, ստորացում և Հալածանք: Այլ խոսքով՝ տաճկահայության վիճակը շատ ավելի տազնապալի է, քան Ռուսահայությանը: Ուստի, եթե նույնիսկ սոցիալիստական հողի վրա գործելու որոշ մասնավոր պահանջներ էլ լինեն, այնուամենայնիվ, ներկա համազգային տազնապի պայմաններում ավելի անհրաժեշտ ու բնական է, նաև՝ ավելի բարոյական՝ կյանքին սպառնացող վտանգի առջև զոհել տնտեսական, սոցիալական շահերը: Հետևապես Հ.Յ.Դ.-ն առաջին հերթին պետք է լուծում տա իր նպատակների քաղաքական մասին՝ ազգային խնդրին, որից հետո միայն, որպես կյանքի անվտանգությունը երաշխավորված ու ապահով մի ազգ, անցնի յուր Հեռավոր նպատակների իրականացմանը՝ արդեն տնտեսական ու սոցիալական հողի վրա ծավալված գործունեությամբ, ե) «Կովկասյան նախագիծը» ռուսական կառավարության դեմ կռիվ կոչ է անում այն ժամանակ, երբ դեռ վերջ չեն տրված Հայ-թաթարական ընդհարումներին, որոնց ընթացքում Հայերը «վերջին ստրաժնիկի սիրտը շահելու միջոցով» փորձում էին նույն կառավարությանը համոզել, որ իրենք գահի Հավատարիմ Հպատակներ են: Վերջին մեկուկես տարվա ինքնապաշտպանական ջնախատեսված ու դժվարին կռիվները ցույց տվեցին, որ դաշնակցությունը միայն գերազույն ճիգերով, ժողովրդային միահամուռ գործակցությամբ և անհուն զոհողություններով հազիվ կարողացավ դիմադրել թաթարական խուժանի դեռևս չկազմակերպված հարձակումներին, ուստի այդ պարագային ցարիզմի դեմ կռիվ մղելն անխոհեմություն է, նշանակում է քանդիչ հարված հասցնել տաճկահայ ճեղափոխությունը և մահացու վտանգ կախել ողջ Հայության գլխին: Եթե դաշնակցությունը մաս կազմի ռուսական ճեղափոխությանը և կռիվ Հայտարարի կառավարությանը, այդ դեպքում նա նոր ուժով կբողոքի կովկասյան թաթարների հարձակումները Հայերի դեմ, ավելին՝ իր կազակներով, սևհարյուրակայիններով ու խուլիգանների խմբերով կմիանա նրանց, գ) Քանի որ ռուսական ճեղափոխական շարժումը անհաջող ընթացքի և աննպաստ պայմանների մեջ է, ուստի դաշնակցության վերաբերմունքը ռուսական ընդհանուր շարժման նկատմամբ պետք է լինի կրավորական և սպասողական կամ առավելագույնը՝ մնա Հ.Յ.Դ. երրորդ ընդհանուր ժողովի (1904թ.) ընդունած որոշումների չրջանակներում:

Նախագծականները ստիպված էին մեկ առ մեկ անդրադառնալ իրենց ընդդիմախոսների պատճառաբանություններին և դրանք ժխտել ոչ պակաս

համոզիչ փաստարկումներով¹. ա) Ռուսահայ դաշնակցականները դավաճանած կլինեն իրենց սոցիալիստական սկզբունքներին, եթե ակտիվորեն չմասնակցեն կայսրության մեջ ծավալված քաղաքական այն կռիվին, որն ուղղված է ռուսական բյուրոկրատիայի դեմ: Ցարիզմի գոյության ամեն մի օրն ու ժամը նոր դժբախտություններ է բերում Հայությանը և կայսրության ամեն մի Հպատակ ժողովրդի: Ուրեմն կյանքի հրամայական թելադրանքն է՝ կռվել ռուսաց կառավարության ամեն մի հակաժողովրդական ձեռնարկի դեմ և պայքարել այնքան, մինչև որ ստեղծվի իրավական կարգեր ունեցող պետություն: Միայն ժողովրդապետական Ռուսաստանը կարող է նպաստել Հայ դատի հաջող լուծմանը, ուստի դաշնակցությունը պետք է լինի ժողովրդական ճեղափոխական ուժերի կողքին, բ) Սոցիալիստական սկզբունքներ որդեգրած դաշնակցությունը չի կարող պայքարի մեջ չմտնել ցարական ինքնակալության դեմ, թեկուզ և այն պատճառով, որ վերջինս Հայ բուրժուազիայի պաշտպանն է, գ) Բռնակալների սիրտը հյու-հնազանդությամբ չէ, որ կարելի է շահել, ստորաբար Հպատակության և անտրտունջ Հավատարմության մասին խոստումները չեն, որ կարող են նպաստել ցարիզմի կողմից տաճկահայ դատի նկատմամբ բարյացակամ վերաբերմունք ցուցաբերելուն: Ցարական կառավարությունն էր, որ համարյա գերեզման փորեց տաճկահայ դատի համար: Բեռլինի կոնգրեսից սկսած՝ նա միշտ էլ դավեր է նյութել տաճկահայ ազատագրական շարժման դեմ, իսկ եթե Հայերի օգտին որոշ Հայտարարություններ է արել, ապա սոսկ այն նպատակով, որ նրանց ձեռքով շագանակներ հանի կրակից, դ) Հաճախ ռուս, լեհ, վրացի և ուրիշ ազգերի ճեղափոխականներից դաշնակցությունը նախատինքի խոսքեր է լսել, թե նա մնացել է ազգային նեղ աղուրի մեջ՝ առանց դիմելու քաղաքական լայն ձեռնարկների: Ռուսաստանում ցարիզմի դեմ վճռական պայքարի մեջ են երկու մեծ կուսակցություններ՝ սոցիալ-դեմոկրատների և սոցիալիստ-ճեղափոխականների: Հ.Յ.Դ.-ն, որի ծրագիրը հիմնված է պատմական որոշ հասկացողության վրա, պիտի անմիջական կապեր հաստատի այդ կուսակցություններից երկրորդի՝ սոցիալիստ-ճեղափոխականների (էս-էռ) կուսակցության հետ, որի ըմբռնումներն ու պայքարի տակտիկան շատ մոտ են դաշնակցությանը: Հ.Յ.Դ.-ն սերտ կապերի մեջ պետք է լինի նաև վրացական Ֆեդերալիստների, լեհական PPS-ի և այն կուսակցությունների հետ, որոնց ծրագրերը մոտ են դաշնակցության ծրագրին:

ՏԵՂԵԿԱԳՐԵՐԻ ՔՆՆԱՐԿՈՒՄԸ

Ընդհանուր ժողովի օրակարգային երկու գլխավոր հարցերի՝ «Կովկասյան նախագիծ» և սոցիալիզմի խնդրի քննարկումների ընթացքում, տարբեր նիս-

¹ Տե՛ս «Նյութեր...», հատ. Գ, էջ 152, 163, հատ.Դ, էջ 260:

տերու՝ պատգամավորները ծանոթանում էին Հ.Յ.Դ. երկու բյուրոներից և կենտրոնական կոմիտեիներից ստացված տեղեկագրերին ու գրություններին՝ կուսակցության երրորդ և չորրորդ ընդհանուր ժողովների միջև ընկած ժամանակաշրջանում իրենց շրջաններում կատարված աշխատանքների մասին: Դրանցից մի քանիսն իրենց հետ բերել էին պատգամավորները, բայց տեղեկագրերի մեծ մասը տարբեր ճանապարհներով և տարբեր միջոցներով Վիեննա էին հասել մեծ ուշացումով: Շատ տեղեկագրեր գրվել էին ամիսներ, իսկ մի քանիսը՝ նույնիսկ մեկ տարի առաջ: Քանի որ Հ.Յ.Դ. չորրորդ ընդհանուր ժողովը նախապես որոշվել էր հրավիրել 1905թ. վերջերին կամ 1906-ի սկզբներին, բայց պայմանների բերումով այն կայացել էր 1907թ. առաջին կեսին, այդ պատճառով ժողովին ներկայացրած տեղեկագրերի մի մասը, պատրաստված լինելով 1905թ., էջը ընդգրկում 1906-ին կատարած աշխատանքները: Օրինակ՝ Իշխանի կողմից ժողովին ներկայացրած՝ Լեոնապարի կ.կոմիտեի տեղեկագրի բովանդակությունից երևում է, որ այն նույնպես կազմվել է 1905 թվականին: Դա էր հիմնական պատճառը, որ տեղեկագրերի մի մասը ինչ-որ տեղ արդեն հնացել էր: Չնայած դրան, այդ փաստաթղթերն այսօր էլ իրենցից մեծ կարևորություն են ներկայացնում Հ.Յ.Դ. տեղական մարմինների գործունեությունը լուսաբանելու տեսակետից, նաև պարունակում են խիստ արժեքավոր տվյալներ երկու Հայաստանների տարբեր գավառների տնտեսության, ազգամիջյան հարաբերությունների, բնակչության կրթական և քաղաքական մակարդակի, ազգային սովորույթների ու կենցաղի և այլ հարցերի վերաբերյալ:

Տեղեկագրի մեջ կուսակցության վերին մարմիններին ներկայացված էին նաև մի շարք կոնկրետ պահանջներ:

Այսպես, Հ.Յ.Դ. Լեոնապարի կ.կոմիտեն ընդհանուր ժողովի դիվանին ներկայացրած տեղեկագրում ամբողջ սրությամբ դրել էր երկրում գործող դաշնակցական մարմինների միջև կապերն ամրապնդելու և դրանց գործողությունները համակարգելու պահանջը: Կոմիտեի կարծիքով՝ այդ խնդիրը լուծելուց հետո ապագայում հնարավոր կլինի «միացնել տաճկահայ դասի շուրջ կատարվող և տեղի ունեցող բոլոր երևույթները, և հենց դա միայն կարող է օգտակար լինել: Հակառակ պարագային այստեղ-այնտեղ երևացող մասնակի երևույթները պիտի ջլատեն յեղափոխական ուժը, և գործի թափը պիտի քայքայուի»: Ելնելով դրանից՝ կոմիտեն գտնում էր. «Ըստ մեզ կարևոր է երկրի մեջ ունենալ մի ընդհանուր պատասխանատու մարմին, որի ձեռքը կ'անցնի այդ միացման և համերաշխ գործունեութեան կերպարանք տալու դերը, և միայն նրա գործը կ'ամփոփուի այդ բանի մեջ: Պատասխանատու մարմինն կը վերապահուի նոր վայրեր ընտրել՝ նույնպես նոր գործունեութեան ասպարեզացնելու կազմելու համար»¹:

Շամի (Վասպուրականի) կ.կոմիտեի տեղեկագիրը, որը, հավանաբար, իր

¹ «Նյութեր...», հատ. Դ, էջ 46:

հետ Վիեննա էր բերել Արամ Մանուկյանը, անշուշտ, պետք է պարունակեր մի շարք սկզբունքային հարցադրումներ: Մենք չգիտենք, թե այդ տեղեկագրի մեջ կոնկրետ ինչ առաջարկություններ են եղել, որովհետև, ցավոք, փաստաթուղթը չի պահպանվել ժողովի արձանագրություններում: Հնարավոր է, որ տեղեկագիրը ոչնչացվել է դեռ երկրում թուրք ոստիկանության ձեռքը չզցելու համար, և ժողովին Արամը ստիպված է եղել տալ բանավոր տեղեկություն: Դա բացառված չէ, եթե նկատի ունենանք, օրինակ՝ Մրգաստանի (Երևան) պատվիրակ Հակոբ Զավրթյանի՝ ընդհանուր ժողովի 66-րդ նիստում ունեցած ելույթի հետևյալ խոսքերը. «Ես չեմ կարող իմ շրջանի կարծիքները լրիվ առաջ բերել, որովհետև ժողովը (նկատի ունի շրջանային ժողովը: - Հ.Ս.) վերջանալու մոտ, մենք ոստիկանական արշավանքի ենթարկվեցինք և ստիպված եղանք ոչնչացնել մեր բոլոր թղթերը, որոնց հետ նաև մեր որոշումները. հետևյալ օրերին մենք նորից գրի անցկացրինք այդ որոշումները, բայց շտապով ու առանց բացատրությունների»²:

Այնուամենայնիվ, Հ.Յ.Դ. Շամի կազմակերպության բովանդակության մասին ընդհանուր մոտավոր պատկերացում ենք կազմում ելնելով ժողովում Արամի տված զեկուցումներից, ունեցած ելույթներից, կատարած դիտողություններից, ինչպես նաև որոշ կողմնակի նյութերից: Այդ նյութերից, մասնավորապես, իմանում ենք, որ կոմիտեն կտրուկ պահանջել էր լուրջ փոփոխություններ մտցնել կուսակցության պայքարի տակտիկայի մեջ, այլապես ժողովրդին սպասվում են նոր արհավիրքներ:

Այսպես, Արամին գրած մի նամակում (21.03.1907) Շամի կենտկոմի անդամ Համազասպ Բաղեջյանը (Սալման), անդրադառնալով երկրում կուսակցության պայքարի տակտիկային, գրել էր. «... Տակտիկի մասին այնքան կ'ասես միայն, որ եթե ուզում են ժողովուրդը կոտորել տալ, թող նախկին տակտիկը ընդունեն»³:

Ժողովի դիվանին Արամի կողմից ներկայացրած մի բանաձևի նախագծի տեքստի բովանդակությունից կարող ենք ենթադրություն անել, որ Շամի տեղեկագրում նաև առաջարկ էր եղել կուսակցության կազմակերպական կանոնների վերաքննությունը կատարել միայն ուսյունական ժողովների իրավասության սահմանների հարցը հանգամանորեն քննելուց հետո՝ նկատի ունենալով այն հանգամանքը, որ ընդհանուր ժողովում չի որոշվել այդ ժողովների իրավասության, նաև դրանց ազդեցության տարածման սահմանները³:

² Ընդհանուր ժողովի արձանագրությունների մեջ չեն պահպանվել նաև Հ.Յ.Դ. արևելյան բյուրոյի, Լեոնապարի (Կիլիկիա), Մեծ Քաղաքի (Թիֆլիս) և Վիշապի (Պոլիս) կ.կոմիտեների պատասխանատու մարմին տեղեկագրերը, ինչպես նաև մի շարք զեկուցագրերի տեքստեր: Հավանաբար կորած պետք է համարել նաև Դուրան-Բարձրավանդակի կ.կոմիտեի ծածկագիր տեղեկագրի առաջին տետրակը (տե՛ս «Նյութեր...», հատ. Դ, էջ 44):

³ «Նյութեր...», հատ. Գ, էջ 173:

² Նույն տեղում, հատ. Դ, էջ 6:

³ Նույն տեղում, հատ. Գ, էջ 26:

Ելնելով Հ.Յ.Դ. Շամի կոմիտեի տեղեկագրի ոգուց՝ Արամ Մանուկյանը, որպես Վասպուրականի պատգամավոր, ընդհանուր ժողովում բարձրացնում էր մեկը մյուսից կարևոր հարցեր: Դրանք էին՝ Հեղափոխական զինված ձեռնարկների նկատմամբ հստակ վերաբերմունքի մշակում, անհրաժեշտ դասեր քաղելու նպատակով սուլթանի անհաջող մահափորձի քննություն, Կովկասում հայկական կոմիտեի հետ կապված խնդիրների արծարծում և ընդհարումների ընթացքում թուրքահայ ֆիդայիների մասնակցության գնահատում, կուսակցության ներսում ծագած անջատողական շարժումների նկատմամբ թուրքահայ ընկերների վերաբերմունքի պարզաբանում, Պարսկաստանի Հեղափոխական շարժումներին Հ.Յ.Դ. մասնակցության նպատակահարմարության և դրանց նկատմամբ թուրքահայ ընկերների վերաբերմունքի պարզաբանում, սոցիալիզմի տեսության և պրակտիկայի հանդեպ կոնկրետ գործնական տեսակետի մշակում և այլն¹:

Բազմաթիվ ցավոտ հարցեր էին բարձրացված ժողովի դիվանում ստացված Դուրան-Բարձրավանդակի կ.կոմիտեի տեղեկագրում, որ կազմվել էր 1906-ի նոյեմբերին և ստորագրվել Ռուբենի ու Գեղամի կողմից: Տեղեկագրի Հեղինակների հիմնական մտահոգությունը շրջանում հայ բնակչության զինվածության ծայրահեղ անբավարար վիճակն էր:

Երբ սուլթանական իշխանությունները նորանոր ծրագրեր էին մշակում Դուրան-Բարձրավանդակը հայերից դատարկելու համար, զենքերի պակասը կամ չզոյությունը ուղղակի աղետալի դրություն էր ստեղծում: Տեղեկագիրը տագնապ էր բարձրացնում.

«... Մի գործ տեսնելու համար ունենք ոչինչ. կայ գեղեցիկ կազմակերպություն և դրան կից ժողովուրդի քայքայում եւ ոչնչացում:

Մենք կարծում ենք, թե ճիշտ է, որ յեղափոխությունը իւր ապագայ սպասելիքները պէտք է հիմնէ ժողովրդի արեան, նրա ոսկորների վրայ, բայց նա միեւնոյն ժամանակ պարտավոր է լուրջ կերպով մտածել յեղափոխութեան պատրաստութեան վրա, որ վերջը նպատակին ծառայէ այդ հազար ու հազար նահատակների վրէժ արիւնը: Եթէ կազմակերպութեան կից չմտածենք լուրջ պատրաստութեան մասին, այդ կը լինի մեր կողմից մի սոսկալի դաւադրութիւն, մի սոսկալի ոճրագործութիւն: Մեր այժմեան այստեղի գործունէութիւնը աննպատակ է, քանի չի մտածուում ուժի մասին, մենք սրբու կերպարանքով ոճրագործներ ենք, ուստի առաջարկում ենք ձեզ:

Ուզենանք թե չուզենանք, յեղափոխությունը պետք է շարունակուի, ուստի կազմակերպությունը պէտք է մնայ, բայց կորուստից խուսափելու համար պարտաւոր էք կշեռքի միւս նժարի վրայ լեցնել առատ ոսկի, ծայր, հրացան. եթէ ոչ, պիտի գլորուի 150 000-ից բաղկացած մի ժողովուրդ դէպի գահավէժ անդունդը: Ձեռքից գնաց ժողովուրդը, և դեռ շատ կը փճանայ, եթէ անտար-

¹ Տե՛ս Ս. Վրացեան, Կեանքի ուղիներով, Հատ. Բ, էջ 89:

բեր մնաք»:

Կուլի համար Դուրան-Բարձրավանդակի հայ բնակչության անպատրաստ լինելը կ.կոմիտեին ստիպել էր տեղեկագրում նաև շեշտել, որ ստեղծված պայմաններում բացառված է անգամ մտածել շրջանում մի նոր ապստամբություն բարձրացնելու մասին: «Ի նկատի ունենալով Դուրանի աշխարհագրական դիրքը, մեր բուն նպատակը չի կարող լինել Դուրանն ընդունել որպես ապստամբավայր: Մեր նպատակն այդ վայրում պետք է լինի ժողովրդին ինքնապաշտպանութեան պատրաստելը»¹:

Դուրան-Բարձրավանդակի դաշնակցական ղեկավարության այդ մտահոգությունը գուր չէր:

Դեռևս 1905թ. Հ.Յ.Դ. խորհուրդը, նկատի առնելով, որ եվրոպական ազդու միջամտություն առաջ բերելու և Հայկական հարցը լուծելու համար անհրաժեշտ է երկարատև, ուժեղ դիմադրություն, իսկ այդպիսի դիմադրությունը հնարավոր է միմիայն լուրջ պատրաստությունից հետո, որոշել էր.

«Ա. Խուլս տալով ամեն տեսակ կանխաժամ ու վտանգող որևէ ընդհարումից, զգուշավոր, լիակատար և իրական պատրաստությունը հայ կուլոյ ազգաբնակչության մի զգալի մասը զենքով դիմադրելու կարողության մեջ դնելուց հետո՝ ընդհանուր շարժում առաջ բերել Վասպուրականում և Լեռնավայրում, ամեն կերպ աշխատելով հիշյալ երկու վայրերի շարժումները համաձայնեցնել իրար հետ:

Բ. Թուրքիո և ուրիշ որևէ պետության միջև լինելիք պատերազմի դեպքում փութացնել շարժումը Լեռնավայրում ու Վասպուրականում հայկական հարցը առաջ մղելու համար՝ նախապես համաձայնություն կայացնելով երկու Բյուրոների և նույն վայրերի պատասխանատու մարմինների հետ»²:

Դաշնակցության խորհուրդը ապագա երրորդ ապստամբավայրը համարում էր Սեբաստիայի նահանգը՝ նկատի առնելով, 1. որ այն աշխարհագրական և տեղագրական տեսակետով, անտառների ու լեռների առատությամբ առանձին հարմարություններ է ներկայացնում ռազմական ձեռնարկների տեսակետից, 2. որ այն, իբրև հայկական վեց վիլայեթներից մեկը, ավելի մոտ է եվրոպային, Հետևապես այնտեղի անցքերը ավելի դյուրութայամբ կը դառնան քաղաքական աշխարհի սեփականություն, 3. որ այնտեղ հայաբնակ վայրերի շուրջը չկան բարբարոս քրդական ցեղեր, որոնք այնքան վտանգավոր են Հեղափոխական գործի [համար] հայ երկրի մյուս վայրերում³:

Ինչպես տեսնում ենք, հարևան Վասպուրականում նոր ապստամբություն բարձրացնելու մասին Հ.Յ.Դ. ղեկավարության դիրքորոշումը տագնապ էր առաջացրել Դուրան-Բարձրավանդակի ղեկավարության մեջ: Սասունը և Մշո

¹ «Նյութեր...», Հատ. Դ, էջ 60:

² Նույն տեղում, էջ 82:

³ Նույն տեղում, էջ 82-83:

դաշտը ուժասպառ էին: Վասպուրականում ապստամբություն բարձրացնելու դեպքում անխուսափելի էր լինելու այլքի տարածումը Մշո դաշտի, Սասունի և Տարոնի վրա: Այդ դեպքերում նշված չրջանների համարյա անգնն հայությունը անխուսափելիորեն ենթարկվելու էր զանգվածային կոտորածի:

Այսքանից հետո միանգամայն հասկանալի է դառնում այն մեծ տագնապը, որ Հ.Յ.Դ. Դուրան-Բարձրավանդակի կ-կոմիտեն արտահայտել էր ընդհանուր ժողովի դիվանին հղած տեղեկագրի մեջ՝

Իրենց տեղեկագրերով տեղական մի շարք կոմիտեներ ընդհանուր ժողովից պահանջում էին պատրաստել և ընդունել մի ընդարձակ կանոնագիր, ուր մանրամասնորեն, հստակ ու որոշակի գծված լինեն Հ.Յ.Դ. բյուրոների, կ-կոմիտեների, կոմիտեների, ենթակոմիտեների, խմբերի ու գործիչների հարաբերությունները, նրանց գործելու եղանակը, սահմանը և իրավասությունը¹:

Թուրքահայաստանից ստացված տեղեկագրերի մեջ արտահայտված էին նաև ազատագրական պայքարը շարունակելու նպատակահարմարությունը կասկածի տակ առնող տրամադրություններ:

Մարդիկ կ-կոմիտեներին հարցումներ էին անում կարժե՞ր արդյոք այն գերմարդկային ու տիրանական աշխատանքը, անսպառ ճիգը, անհուն զոհաբերությունը, մարդկային արյան այն խոշոր տուրքը, որ հայ ժողովուրդը տալիս է ի խնդիր իր ազատության: Պե՞տք էր, որ հանուն օսմանյան կայսրության կազմում ինքնավարություն ձեռք բերելու՝ ոչնչանային հարյուր հազարավորներ, ամայանար հայոց բնաշխարհը, և ժողովրդի դժբախտ բեկորները՝ վերածված մուրացկանների ողբալի բազմության, բախտը օտարների դուռը և նրանցից թախանձագին խնդրեր կծկվելու մի անկուն:

Հարցադրումը հստակ էր, մատը ուղղակի դրված էր ցավոտ վերքի վրա: Տեղեկագրերի քննարկման ժամանակ նման հարցադրման պատասխանը նույնքան հստակ էր լինում թուրքերի կողմից հայերի հարձանքներն ու ջարդերը հետևանք չեն երկու տասնամյակ առաջ սկսված ազատագրական շարժման, դրանք հարյուրամյակների պատմություն ունեն: Նախահեղափոխական Հայաստանում նույնպես սովորական բաներ էին հայերի սպանությունը, բռնի կրոնափոխությունը, թալանը, հազար ու մի ուրիշ բարբարոսություններ: Եվ հայ մարդը այդ ամենի հանդեպ լուռ ու մունջ էր, հայությունը նման էր երկչու ու պատվազուրկ ողորմելի մի բազմության: Եթե չլինեք ազատագրական շարժումը, միևնույն է, հայությունը իր սեփական հայրենիքում անխուսափելիորեն կոչնչանար, և Հայաստանը, գրկված իր բնիկ ժողովրդից, կդառնար լոկ աշխարհագրական հասկացողություն: Հետևապես հայերը պետք է շարունա-

¹ Ջնայած այդ հարցում Դուրան-Բարձրավանդակի և Հ.Յ.Դ. ուրիշ կ-կոմիտեների անհանգստությունը, դրանց համառ ու թախանձագին պահանջին, Երկրին վերաբերող խնդիրների առնչությամբ, այնուամենայնիվ, ընդհանուր ժողովը որոշեց, թե թուրքահայաստանի ո՞ր վայրերում պետք է բռնկվի ապստամբություն, երբ տրվի ընդհանուր ազդանշան: «Նյութեր...», հատ. Դ, էջ 170:

կեն ինքնապաշտպան կռիվը, հարվածին պատասխանեն հարվածով, այլ ոչ թե սողան ոճրագործ իշխանավորների ոտքերի տակ:

Միայն նա՛ է արժանի կյանքի, ով ամեն օր կուվով նվաճում է իր ազատությունը:

Հ.Յ.Դ.-Ը ՊԱՌԱԿՏՄԱՆ ԻՐԱԿԱՆ ՎՏԱՆԳԻ ԱՌՋԵՎ

Ընդհանուր ժողովում քննարկվող «Կովկասյան նախագծին» և սոցիալիզմին վերաբերող երկու գլխավոր հարցերն իրենց մեջ պարունակում էին ներքին մեծ լարում, որը սպառնում էր առաջ բերել արագ հանգուցալուծում՝ ավերիչ հետևանքներով: Բարեբախտաբար, ժողովը գնաց ոչ թե կուսակցության թուլացման, այլ նրա շարժերն էլ ավելի համախմբելու ուղիով:

ԲԱԽՏՈՐՈՇ ԽՆԴԻՐՆԵՐ

Ծավալված վիճաբանությունների արդյունքում դաշնակցությունը կանգնել էր երկատման և քայքայման դեմ հանդիման:

Ինչպես արդեն ասվել է, Հ.Յ.Դ. երկատման գաղափարն առաջին անգամ հրապարակ էին նետել դաշնակցությունից դուրս նրա քաղաքական հակառակորդները, որոնք ոչ մի կերպ չէին ուզում հաշտվել այն մտքի հետ, որ կուսակցությունը գործելու է նաև Կովկասում: Այդ գաղափարին անմիջապես արձագանք տվեցին տաճկահայ այն խմբերը, որոնք ցանկացան անջատման ուրվականով վախեցնել Հ.Յ.Դ. ղեկավարությանը, նրան ստիպել Կովկասում գործելու միտքը թողնել և կենտրոնանալ միմիայն Թուրքահայաստանում: Շատ չանցած՝ այդ կործանարար գաղափարին արձագանք տվեցին նաև Հ.Յ.Դ. շարքերին պատկանող անդամներ՝ ոմանք կատարյալ անկեղծությամբ, ուրիշները՝ կուսակցության ղեկավարությանը հարվածելու միտումով: Ըստ որում, երկփեղկման ու անջատման մի քանի կողմնակիցներ այնքան հեռու գնացին, որ սկսեցին քարոզել ու պնդել, թե տաճկահայ դատը և քաղաքական շարժումը ոչ այլ ինչ են, քան մի բուրժուական շարժում՝ ստեղծված հայ բուրժուազիայի ձեռքով ու ջանքերով, և, հետևաբար, ծառայել այդ շարժմանը, նշանակում է ծառայել բուրժուազիային:

«Կովկասյան նախագծին» քննարկումների ժամանակ դաշնակցության երկատմանն ուղղված առաջարկություններ էին արվել կուսակցական կազմակերպությունների ժողովներում և կ-կոմիտեների նիստերում, ընդունվել էին որոշումներ, միաժամանակ ընդհանուր ժողով մեկնող պատգամավորները պատվեր էին ստացել՝ խստորեն առաջնորդվել այդ որոշումներով: Այդպիսի հրա-

Հանգներ էին ստացել Հ.Յ.Դ. Եվրոպայի ուսանողների միության, Ռուսաստանի ուսանողների միության, Նալբանդի (Նոր Նախիջևանի) կազմակերպությունների և այլ կազմակերպությունների կողմից ժողով մեկնած պատգամավորները:

Հ.Յ.Դ. Նալբանդի կ.կոմիտեն այն տեսակետին էր, որ եթե կուսակցությունը, Տաճկահայաստանից բացի, իր գործունեությունը տարածի նաև Կովկասի վրա, ապա դաշնակցության մեջ անհրաժեշտ կլինեն ստեղծել երկու գաղափարախոսություն՝ մեկը զուտ դասակարգային՝ կովկասահայության շրջանում աշխատանք տանելու համար, մյուսը՝ ապադասակարգային և ազգային՝ տաճկահայության շրջանում: Բայց և՛ Տաճկաստանում, և՛ Ռուսաստանում միաժամանակ գործելու դեպքում կուսակցությունն անխուսափելիորեն կդատապարտվի կիսաազգային-կիսադասակարգային դերի՝ միշտ նստած երկու աթոռների մեջտեղը, զրկված լինելով և՛ տաճկահայության, և՛ կովկասահայության աջակցությունից: Ուստի, այդ հանգամանքը նկատի ունենալով, Նալբանդի դաշնակցականներն այն կարծիքին են հանգել, որ Հ.Յ.Դ. դաշնակցությունը առաջիկա պես պետք է մնա միայն իբրև Տաճկաստանի կուսակցություն, իսկ Կովկասում տեղի տա սոցիալիստ-հեղափոխականների սկզբունքներով առաջնորդվող և զուտ դասակարգային հողի վրա գործող մի ուրիշ կուսակցության:

Հ.Յ.Դ. ապագայի նկատմամբ մոտավորապես նույնպիսի դիրք բռնեցին Ռուսաստանի և Եվրոպայի դաշնակցական ուսանողական միությունները:

Դաշնակցության խորհրդին՝ Մոսկվայի և Պետերբուրգի ուսանողների ուղարկած համատեղ տեղեկագրում ընդգծվում էր, որ տաճկահայերի կոփմն իր բնույթով եղել և մնում է ազգային, իսկ կովկասահայերինը՝ դասակարգային, սոցիալիստական և միջազգային, այսինքն՝ այդ երկու դատերն իրենց հույսով մեծապես միմյանցից խիստ տարբեր են, Հետևապես դրանց ղեկավարությունը պետք է հանձնել իրարից բոլորովին անկախ երկու առանձին կուսակցությունների: Ըստ որում, Տաճկահայաստանում գործող հեղափոխական կուսակցությունը պետք է Կովկասում ունենա իր ներկայացուցիչ մարմինը, որը կապող օղակ կլինի թուրքահայ հեղափոխական կուսակցության և կովկասահայության բոլոր խավերի միջև, կզլխավորի վերջիններիս կողմից թուրքահայերին ցույց տրվելիք օգնության և օժանդակության գործը:

¹ «Նյուլթեր...», Հատ. Դ, էջ 270: Հարկ է նշել, որ Հ.Յ.Դ Նալբանդի կազմակերպությունը կուսակցության չորրորդ ընդհանուր ժողովի նախօրյակին նահանջեց իր այս խիստ որոշումից: Երջանային ժողովում առաջիկա ընդհանուր ժողովի պատգամավոր ընտրված Միմոն Վրացյանին (Սիգ) 1907թ. փետրվարի 2-ին լիազորագրով պատվիրված էր. «Ի նկատի ունենալով, որ ընդհանուր ժողովում կարող է ուսահայկական և տաճկահայկական դատերի բաժանման խնդիրը բարձրանալ՝ պատգամավորին տրվում է Հետևյալ հանձնարարականը. բաժանման և ոչ բաժանման հարցում «Նալբանդի» պատգամավորը ձեռնպահ պիտի մնա քվեարկությունից. իսկ կոմպրոմիսների մեջ ազատ է» («Նյուլթեր...», Հատ. Դ, էջ 16): Տեղեկագրի տակ դրված է «Արտուր» ստորագրությունը, որը Ռուսաստանի դաշնակցական ուսանողների միության նախագահ Ա.վետիք Շահաթունյանի ծածկանունն է:

² «Նյուլթեր...», Հատ. Դ, էջ 337:

Եվրոպայի դաշնակցական ուսանողության միության Բեռլինի մասնաճյուղի անդամները նույնպես այն կարծիքին էին, որ «տաճկահայ և կովկասահայ աշխատավոր ժողովրդի շահերը պահանջում են ամբողջովին զատել այդ երկու դատերը և դրանք Հանձնել երկու անկախ կուսակցությունների»: Ըստ որում, առաջարկվում էր, որ յուրաքանչյուրը յուր սահմաններում կատարելապես ինքնուրույն այդ երկու կուսակցությունները պետք է իրար հետ կապվեն դաշնակցային (ֆեդերատիվ) կապերով:

Միմյանցից խիստ տարբեր, հաճախ էլ փոխադարձաբար իրար ժխտող այս բոլոր տեսակետները, որ բերվել էին ընդհանուր ժողով, չափազանց վտանգավոր լինելով, ուղղակի խփում էին Հ.Յ.Դ. կազմակերպական հիմքերին և կարող էին նրա քայքայման ու վերացման պատճառ դառնալ:

Ընդհանուր ժողովին նախորդած քննարկումների ընթացքում և բուն ժողովում կազմած արձանագրությունների ու այլ նյութերի ուսումնասիրությունը բերում է այն համոզման, որ կուսակցության երկատման կողմնակիցները չունենին հիմնավոր պատճառաբանություններ, նրանց առաջարկները արդյունք չէին կուսակցության ներսում և նրա շուրջ գոյություն ունեցող քաղաքական իրական կացություն: Այդ է պատճառը, որ Շահաթունյանը և Արշակ Իսահակյանը (Ջամայյան), որոնք 68-րդ նիստում հանդես եկան կուսակցությունը երկու առանձին և ինքնուրույն մասերի բաժանելու անհրաժեշտության մասին զեկուցումներով, առաջ բերեցին բուն վիճաբանություններ:

Նախագծականների կողմից հիմնավոր ու փաստարկված ելույթ ունեցավ եղիշե Թոփչյանը: Նա նշում էր, որ Հ.Յ.Դ.-ն պետք է լինի միասնական, որ նրա բաժանման և երկու կուսակցությունների ստեղծման մասին խոսք անգամ լինել չի կարող, քանի որ սոցիալիստական գաղափարների համար հող է ստեղծված ոչ միայն Կովկասում, այլև Տաճկահայաստանում, որտեղ նույնպես, ճիշտ է՝ թույլ, բայց առկա է դասակարգային պայքար³: Նա իրավացիորեն գտնում էր, որ Հ.Յ.Դ. միասնական կուսակցության «բաժանումներից կ'օգտվեն մեր հակառակորդները. կը ստեղծուի մի խառնաչփոթ կացություն, և մեր բոլորիս սկզբունքները կը վտանգուեն: Բաժանման անհրաժեշտություն չկա, միևնույն ուղղությամբ մենք կը գործենք երկու վայրերում ևս: Եթե պրոֆեսիոնալ միություններ ենք կազմում և ազդարային շարժումներ առաջացնում Ալեքսանդրապոլում, նույնը կարելի է անել և Սարիղամիշում, Բասենում, Հետզհետե անցնելով սահմանի այն կողմերը»: Թոփչյանը շեշտում էր, որ Ռուսաստանի և Տաճկաստանի պայմանների միջև մեծ տարբերություններ չկան, ուստի սխալ է այն կարծիքը, թե Հ.Յ.Դ. դաշնակցությունն անկարող է գործել միաժամանակ տարբեր երկրներում, մասնավորապես որ տարբեր երկրներում նույն կուսակցու-

¹ «Նյուլթեր...», Հատ. Դ, էջ 341:

² Նույն տեղում:

³ Նույն տեղում, Հատ. Գ, էջ 182:

թյան հաջող գործունեության օրինակներ կան, ինչպես, ասենք՝ լեհական PPS -ն, որը գործում է Գերմանիայում, Ավստրիայում և Ռուսաստանում, որոնց տիրապետության տակ են գտնվում լեհական հողերը: Այդ կուսակցությունը չի ճանաչում բռնությունը ստեղծված սահմանները և ձգտում է միահամուռ ու ամբողջական գործունեության¹:

Նշված երեք պետություններում լեհական PPS-ի գործունեության մասին թոփչյանի վկայակոչումը Արչակ Իսահակյանը հաջորդ՝ 69-րդ նիստում համարում է սխալ ու խեղաթյուրված: «Ես էլ, բարեբախտաբար, ծանոթ եմ այդ հարցին. լեհական այդ կուսակցության երեք հատվածները կապված են իրար, բայց այդ կապը միայն բարոյական բնույթ է կրում, այլ ոչ թե իրավական»²: Նա նշում էր, որ Ռուսաստանի լեհ սոցիալիստական կուսակցության ընդհանուր ժողովներին մասնակցում են մյուս տեղերի լեհ պատգամավորները, բայց միայն խորհրդակցական ձայնի իրավունքով, բայց ոչ երբեք վճռական, այլ խոսքով՝ նրանք ներկայանում են իբրև հյուրեր: Ուրեմն, մի բան է ընդհանուր ծրագիրը, ուրիշ բան՝ կազմակերպական հարցը: Գալով հայկական իրականությունը՝ ասում էր նա, Ղ.Յ.Դ. միասնությունը պահպանելու դեպքում կովկասահայ դաշնակցականները կարող են լուրջ օգնողի դեր կատարել տաճկահայ ազատագրական շարժմանը, ոչ ավելին: Բայց կովկասահայության խնդիրները պակաս ծանր չեն և պակաս կարևոր, որոնց լուծման համար անհրաժեշտ է ինքնուրույն և ուժեղ ազգային-քաղաքական նոր կուսակցություն:

Նույն նիստում Ե. Թոփչյանը ստիպված էր նորից ելույթ ունենալ և պնդել իր ասածը: Պատասխանելով Շահխաթունյանին, նա ասում էր.

«Թեև ընկ. Շահխաթունյանը ձգտում է հավատացնել մեզ, որ նա PPS կուսակցությունը ծանոթ է, բայց պետք է ասեմ, որ նրա տեղեկությունները այդ հարցի վերաբերմամբ ավելի քան պակասավոր և թերի են: Նա գուցե լսել է մեկի կարծիքը, բայց անհրաժեշտ է այդ կուսակցության անցեալի հետ ծանոթանալ: PPS-ն յուր գոյությունը ստացել է 1892 թուին և ունի յուր կուսակցութեան երկար պատմությունը. չափազանց մեծ նմանություն ունի դաշնակցութեան հետ: Կուսակցությունը ունենալով մի ընդհանուր աշխարհայացք և ծրագիր, տարիներ շարունակ գործել է երեք երկրներում: Տարբերությունը եղել է միայն տակտիկայի մեջ ...»³: Ուստի, ասում էր Թոփչյանը, առանց ծանոթ լինելու Տաճկաստանի տնտեսական ու սոցիալական պայմաններին, միանգամայն անհիմն է պնդել, թե Ղ.Յ.դաշնակցությունը չի կարող և՛ այնտեղ, և՛ Կովկասում գործել իբրև մի միասնական կուսակցություն: Նա ավելացնում էր, որ PPS-ն, ինչպես նաև ռուս սոցիալիստ-հեղափոխականները (էս-էո), դաշնակցության ղեկավարներին խորհուրդ են տալիս չճանաչել Հայաս-

¹ «Նյութեր...», Հատ. Գ, էջ 182:

² Նույն տեղում, էջ 187:

³ Նույն տեղում:

տանի տարբեր մասերն իրարից բաժանող՝ օտար գավթիչների կողմից գծած սահմանները, հայոց հայրենիքի երկու մասերը դիտել իբրև մի միասնական մարմին, այլապես հեղափոխականների կողմից իրենց երկրի բաժանման իրողության հետ հաշտվելը կորստաբեր կարող է լինել ազգի ազատագրության հեռանկարի տեսակետից: Հետևապես Ղ.Յ.Դ. բաժանումը էսէնները նույնպես անընդունելի էին համարում: Թոփչյանը համոզված էր, որ բաժանումը սկզբնական շրջանում աննկատ կմնա, բայց ապագայում առիթ կտա խոշոր իրարանցումների: Ահա թե ինչու, ասում էր նա, կուսակցության միասնությունը պահպանելու խորհրդով՝ Ղ.Յ.Դ. ղեկավարներին իրենց խոսքն են ասել մակեդոնական հեղափոխականները՝ Սարաֆովի գլխավորությամբ: Սարաֆովականները նույնպես հաշտի էին նստում այն փաստի հետ, որ Մակեդոնիան բաժանված է տարբեր երկրների միջև: Սարաֆովը մակեդոնական փորձով հասկացել էր, թե իր հայրենիքի համար որքան արդետաբեր կարող է լինել իրենց կուսակցության բաժանումը:

Ղ.Յ.Դ. արևմտաեվրոպական բարեկամները նույնպես, որոնք փոքրիշատե ծանոթ էին հայկական շարժմանը, սոսկումով էին խոսում դաշնակցության պառակտման ու բաժանման հեռանկարի մասին: Մասնավորապես Բիյառը այդ հարցի կապակցությամբ հանդես էր եկել դաշնակցական շարքերին ուղղված կոչով, որը տպագրվել էր 1906-ին «Իրոչակում»:

Ելնելով այս փաստերից՝ Ե. Թոփչյանը հարց էր տալիս. «Եվ Հանուն ինչի՞» ենք ուզում բաժանվել. Հանուն կովկասահայ աշխատավորների՞: Բայց չէ՞ որ դրանք ամենքը դեմ են բաժանման»¹:

Այո, շարքային բոլոր դաշնակցականները և ընդհանրապես Հայ աշխատավորները դեմ էին կուսակցության բաժանմանը, իսկ դա նշանակում էր, որ Ղ.Յ.Դ. բաժանման գաղափարը գալիս էր ոչ թե ներքևից, այլ՝ վերևից, կուսակցության ղեկավարության մի մասից: Ուրեմն անհրաժեշտ էր գործել զգույշ՝ չվնասելու համար ո՛չ Ղ.Յ.Դ. կովկասյան գործունեությունը՝ սոցիալիստական սկզբունքներով հանդերձ, և ո՛չ էլ տաճկահայ դատը: Կուսակցության նշանաբանը պետք է լիներ՝ մեկ աշխարհայացք, մեկ դրոշակ և միայն տարբեր գործելակերպ՝ տեղական պայմանների համեմատ: «Մենք չպետք է թույլ տանք, որ բուրժուազիան ստանձնե տաճկահայ շարժման ղեկը, մենք պետք է լինենք միակ ղեկավարը»², - եզրահանգում էր Եղիշե Թոփչյանը:

Հանդես գալով բաժանման դեմ՝ հնաչատուր Մալումյանը (Ակնունի) նույնպես գտնում էր, որ Ղ.Յ.դաշնակցությունը կովկասահայ և թուրքահայ դատերը պետք է առաջ տանի նույն դրոշի տակ: Նա համոզված էր, որ բաժանումը ողջ ազգի համար անպայման կունենա դժբախտ հետևանքներ: Կուսակցական հողի վրա երկփեղկումը առիթ կտա զանազան թյուրիմացությունների, կռիվ-

¹ «Նյութեր...», Հատ. Գ, էջ 182:

² Նույն տեղում, էջ 183:

ների, նույնիսկ արյունոտ ընդհարումների: Իբրև ապացույց, Մալույանը բերում էր մի շարք փաստեր Հնչակյանների և ռուսական մի քանի քաղաքական կազմակերպությունների կյանքից, երբ ներքին Հակասությունները և պառակտումները նրանց առաջնորդում էին քայքայման: Հայ ժողովրդին վիճակված ծանր կոփվր պահանջում է հետ մղել պառակտման և անջատման որևէ առաջարկ: Մի՛ ծրագիր, հեղափոխական մի՛ բանակ, - ահա կուլի Հաջողության գրավականը:

Կուսակցության միասնականությունը պահպանելու խոր մտահոգությամբ էին տոգորված նաև Արշակ Վառլանի, Համո Օհանջանյանի, Ռոստոմի, Ստեփան Ստեփանյանի և մյուս նախագծակալների ելույթները:

Ա. Վառլանը նշում էր, որ դաշնակցությունը հրապարակ է եկել ոչ միայն օսմանյան Հայաստանի, այլև տառապող ողջ Հայության համար, և դրա ապացույցներից մեկը նա համարում էր այն, որ կուսակցության անդամները միայն արևմտահայեր չեն, որ նրա շարքերում մեծ թիվ են կազմում նաև արևելահայերը, ուստի կուսակցության երկատման դեմ վճռականորեն հանդես գալը ամեն մի դաշնակցականի պատվի խնդիրն է, առավել ևս՝ պարտքը՝ լինի նա արևմտահայ թե արևելահայ: «Այն օրեն,- շեշտում էր նա, - երբ կը բաժանուի դաշնակցությունը, և բուրժուական տարրերը առաջ կու գան և կը միանան, ասում եմ, այն օրեն կազմալուծուած կը համարեմ մեր դատը»: Ապա՝ «Ինձի համար գոյություն ունի մի ընդհանուր Հայաստան՝ առանց սահմանային բաժանումների՝ բռնակալների ձեռքով կտրատված»²:

Վճռականորեն մերժելով այն տեսակետը, թե մի կուսակցություն չի կարող միաժամանակ դավանել և՛ ազգային գաղափարախոսություն, և՛ սոցիալիզմ, Հ. Օհանջանյանն իր հերթին շեշտում էր, որ դաշնակցությունը, որպես աշխատավոր ժողովրդի կուսակցություն, բոլոր Հայկական հատվածների համար ունենալու է մի ընդհանուր ծրագիր և հիմնական տեսակետ³: Բայց «մենք կարող ենք Տաճկաստանում լինել սոցիալիստական կուսակցություն, վարելով միայն քաղաքական դատ, միանալով պետական ռեժիմի դեմ կովող թուրք կուսակցությունների հետ, առանց նշանախեց անգամ մնասելու մեր սոցիալիստական գործը և Հակասելու մեր տեսակետին»⁴: Հենց միասնական կուսակցությունը ի վիճակի կլինի Տաճկաստանում մանևրել, միաժամանակ Կովկասում Հաջողությամբ առաջ տանել իր գործերը, իսկ բաժանումը մնասակար կլինի հենց այն պատճառով, որ Հ.Յ.Դ.-ի երկատումից հետո Կովկասում նոր ստեղծված կուսակցությունն անխուսափելիորեն կընկնի բուրժուազիայի դեկավարության տակ, որը կ'ձգտի Հ.Յ.դաշնակցությունից խլել տաճկահայ դատը և այն օգտագործել հանուն դասակարգային շահերի:

Իր փաստարկված ելույթով Ռոստոմն ամփոփեց նախագծակալների տեսակետը Հ.Յ.դաշնակցության հետագա գոյության մասին: Նա, իհարկե, համոզված էր, որ կուսակցության բաժանման օգտին առաջարկ անող ընկերները աչքի առաջ ունեն տաճկահայ դատի շահը, բայց համոզված էր նաև, որ նրանք ակամայից անդունդ են ձգում նույն այդ դատը: Ռոստոմի խոր համոզմամբ՝ բաժանումը առաջ էր բերելու երկպառակտություններ ստեղծվելիք կովկասահայ նոր կուսակցության և տաճկահայ դատին նախանձախնդիր Հ.Յ.դաշնակցության միջև: Միասնություն է կարծել, թե բաժանվելով կարելի է բարեկամներ մնալ, ասում էր նա: Ավելին, այդ երկու կուսակցությունները կկանգնեն իրար դեմ հանդիման՝ իբրև դիտարկած թշնամիներ: Միասնական կուսակցությունը կբաժանվի զանազան մասերի, և կմղվի թշնամական կոփվ: Ռոստոմը համոզմունք է հայտնում, որ ընդհանուր ժողովը կուսակցության համար առաջադրելու է մեկ ու միասնական գործունեություն և՛ տաճկահայության, և՛ կովկասահայության համար, որովհետև վաղը-մյուս օրը Տաճկաստանում ևս կփոխվի դրությունը, ինչպես անսպասելիորեն փոխվել է Կովկասում:

Կուսակցության միասնականության օգտին հանդես եկող պատվիրակները բերում էին նաև իրենց տեսակետի ուրիշ հիմնավորումներ. 1. Հայության պատմական դատն իր մեջ ընդգրկում է ինչպես տաճկահայ, այնպես էլ կովկասահայ դատերը: Այդ գաղափարով միայն հնարավոր կլինի հայ գաղութները կապել Երկրի դատի հետ: Եթե իր գործունեության շեշտը կուսակցությունը դնի միմիայն տնտեսական պայքարի վրա, ապա գաղութահայերը չեն հետաքրքրվի Երկրի հոգսերով, քանի որ իրենք արդեն տնտեսապես բարեկեցիկ են: Պատահական չէ, որ սիոնիզմի գաղափարախոսության դեմ հանդես են գալիս աշխարհի մեծահարուստ և ընդհանրապես բարեկեցիկ հրեաները՝ չհավատալով Պաղեստինում քաղաքական վերածնության հնարավորությանը, 2. Տաճկահայ և կովկասահայ երկու դատերի բաժանումը և Հ.Յ.Դ.-ն երկատելը այն հետևանքը կունենա նաև, որ կովկասահայերը այլևս չեն հետաքրքրվի տաճկահայության ազատագրական պայքարով, մի բան, որ աղետաբեր կլինի ողջ Հայության համար, 3. Անգլիացիները, գերմանացիները և ընդհանրապես եվրոպացիները Հայությանը մշտապես մեղադրանք են նետել, թե նա «գործիք է ռուսի ձեռքին»: Հ.Յ.Դ. կովկասյան գործունեությունը՝ ցարիզմի դեմ կուլի ճակատ հարդարելը և այդ կուլի Հաջողության համար կուսակցության միասնականության պահպանումը Հայության համար նպաստավոր կլինեն այն տեսակետից, որ նրա դատի Հակառակորդները այլևս հիմք չեն ունենա օգտագործելու այդ շինծու մեղադրանքը, 4. Թուրքիայի և Ռուսաստանի մեջ բնակվող Հայության երկու հատվածների քաղաքական և ռազմական սերտ միությունը ռուսական և թուրքական կառավարություններին կստիպի Հայկական հարցում ավելի զգուշավոր լինել իրենց արտաքին և ներքին քաղաքականության մեջ, 5. Սոցիալիստական ծրագրով օսմանյան կայսրության մեջ գործելու դրական հետևանքներից մեկն այն կլինի, որ հնարավոր կդառնա թուրք ժողովրդի

¹ «Նյութեր...», հատ. 9, էջ 185:

² Նույն տեղում, էջ 176:

³ Նույն տեղում, էջ 179:

⁴ Նույն տեղում:

մեջ աստիճանաբար նվազեցնել լայն տարածում ստացած կասկածամտությունը, թե հայերը պայքարում են շովինիստական նպատակների համար, 6. Այն տեսակետը, թե իրեն սոցիալիստական կուսակցություն հռչակելով՝ դաշնակցությունը դրանով իսկ կղժվարացնի եվրոպական պետությունների հակասոցիալիստական կառավարությունների միջամտությունը Հայկական Հարցում որևէ հիմք չունի: Եվրոպական դիվանագիտությունն այս կամ այն ճնշված ժողովրդի դատին միջամտելու ժամանակ չի հարցնում ոչ այդ ժողովրդի կարծիքը, ոչ էլ հաշվի է նստում նրա լեզվի կամ կրոնի հետ, այլ ելնում է միայն ու միայն իր քաղաքական և տնտեսական շահերից:

Ընդհանուր ժողովում Հ.Յ.դաշնակցության միասնություն և բաժանման հարցի քննարկման ընթացքում նախագծական պատգամավորները բազմիցս դիմում էին Քրիստափոր Միքայելյանի արտահայտած մտքերին: «Ժամանակն է վերջապես, - գրել է Միքայելյանը, - որ ներկա մահաշունչ կացություն դիմաց, երբ, տաճկահայկական կոտորածներից հետո, գուցե, գտնվում ենք կովկասահայկական կոտորածների նախօրյակին, կռվելու անդրդվելի վճռակալությունը և իրար խառնվելու, իրար հետ միանալու, իրոք մի ամբողջություն կազմելու միահամուռ, միահոգի պահանջը մեր ընդհանուր նշանաբանը դառնա: Պատռել է հարկավոր քարտեզների վրա այս կամ այն ավազակապետի կամքով գծած սահմանները, ջնջել է հարկավոր այն աշխարհագրական ներկերը, որոնք մեզ բաժանում են իրարից և որոնք առհասարակ մշտական չեն, իսկ երբեմն շատ կարճատև են լինում: Ո՛չ մի բռնություն, ո՛չ մի հալածանք, ո՛չ մի սահման չէ կարող բաժանել մի ժողովուրդ, եթե նա, տոգորված ընդհանուր շահերի գիտակցությամբ, ունի նաև կռվելու անսասան վճռակալություն և կապված, միացած է դարերով սնված ու պահպանված ընդհանուր բնազդների ու զգացմունքների առողջ զարկերակով»¹:

Արդեն ասվեց, որ Հ.Յ.Դ. կազմակերպությունների, կոմիտեների, չրջանալին ժողովների մեծ մասը ընդհանուր ժողովին նախորդող չրջանում հանդես էր եկել կուսակցության միասնության պահպանման օգտին: Այդ տրամադրությունը պատգամավորները բերել են ընդհանուր ժողով, որը վճռակալորեն մերժեց կուսակցությունը երկու մասի բաժանելու լիկվիդատորական տեսակետը և հանդես եկավ կուսակցության շարքերի հետագա ամրապնդման պահանջով:

ՎԻՃԱԲԱՆՈՒԹՅՈՒՆՆԵՐ ՄԻՂՐԱՆԱԿԱՆ ԵԱՐԺՄԱՆ ԵՈՒՐԶ

Դաշնակցության խորհրդի «Կովկասյան նախագծի» բազմակողմանի և մանրակրկիտ քննարկումներից հետո, Հ.Յ.Դ. չորրորդ ընդհանուր ժողովը, այնուհետև, ձեռնարկեց այդ խնդրի չրջանակներում «Նախագծի» շուրջ կուսակ-

¹ «Նյութեր...», հատ. Գ, էջ 186:

ցություն շարքերում առաջացած՝ միմյանցից քիչ տարբեր տեսակետների և դժբախտ առաջացման պատճառների քննությունը:

Խնդրին առաջինը անդրադարձավ Սեպուհը, նշելով, որ «Նախագծի» շուրջ կուսակցության մեջ առաջացել է երկու հակադիր տեսակետ, որոնց կրողներին հայտեցնելը համարյա անհնարին է¹:

Համո Օհանջանյանն իր հերթին շեշտեց, որ մի ժողովրդական կուսակցության մեջ, ինչպիսին դաշնակցությունն է, երկու տեսակետների առաջացումը բնական պետք է համարել: Այդ տեսակետներին հետևողներից ոչ մեկը չի պայքարում բուն կուսակցության դեմ, այլ ամեն մեկը ձգտում է իր տեսակետը օրինական ճանապարհով դարձնել ընդունելի: Բայց այդ երկու տեսակետներից կամ հոսանքներից զատ առաջացել է նաև մի ուրիշ հոսանք՝ միջրանակալությունը, որի հետևորդները «Նախագիծը» համարում են ապօրինի միջավայր և կատաղի պայքար են սկսել ոչ միայն այդ փաստաթղթի, այլև կուսակցության դեմ: «Այժմ հասել է ժամանակը, - նշում էր Օհանջանյանը, - որ դաշնակցության բարձրագույն մարմինը, նրա կամքը ներկայացնող ներկայացուցչությունը ասե յուր հեղինակավոր խոսքը այդ կնճուռ հարցի մասին»²:

Նիստերից մեկում (64-րդ) եղիշե Թուփչյանը բացատրում էր, թե կուսակցության մեջ ինչու առաջացավ միջրանակալությունը, և թե ինչու այդ հոսանքը անզիջում պայքար է մղում հատկապես «Կովկասյան նախագծի» դեմ: Նա նշում էր, որ կուսակցության ներսում միջրանակալության առաջացման պատճառը հեղափոխությունից հետո վրա հասած ռեակցիան էր, և որ այդ երևույթը հատուկ չէ միայն հայ իրականությանը, այլ ընդհանուր երևույթ է:

Բանն այն է, որ հեղափոխության ընթացքում ընդհանրապես կռվող մարտական տարրերը ուժ են ստանում և ձգտում են գերիշխել չրջապատի վրա: Նույն երևույթը ի հայտ եկավ նաև հայության միջավայրում: Բայց երբ ռուսական հեղափոխության պարտությունից հետո երկրով մեկ տարածվեց ռեակցիան, և երբ սկսվեց համեմատաբար խաղաղ ժամանակաշրջանը, գինվորները և ընդհանրապես ռազմիկ ուժերը, բնականաբար, պիտի հետ քաշվեին: Բայց նոր պայմաններում այդ ուժերը չցանկացան հեշտությամբ թողնել իրենց գրավիչ դերը:

Հեղափոխության սկզբնական չրջանում 1905թ. ընթացքում, «Նախագծի» դեմ մեծ բողոքներ չէին լսվում, այն ժամանակ չկային միջրանակալներ: Ավելին, երբ 1905թ. Թիֆլիսում մասսաները կարմիր դրոշներով ցույցերի էին դուրս գալիս, գինվորներն ու խմբապետները ցուցարարների առաջին շարքերում էին: Բայց երբ տիրեց ռեակցիան, երբ հարաբերական խաղաղ կյանք սկսվեց, Հ.Յ.Դ. կենտրոնական մարմինները դաշնակցականներին արգելեցին վարել դատեր և այլն: Այս պայմաններում ռազմիկ տարրերը տեսան, որ այլևս

¹ «Նյութեր...», հատ. Գ, էջ 152:

² Նույն տեղում:

գերիշխել չեն կարող, ուստի ծառայող կուսակցության դեմ, դարձան բողոքողներ՝ պատրվակ բռնելով «Կովկասյան նախագիծը»: Ամբոխի վրա ազդելու նպատակով նրանք իրենց ձեռքին վարդագույն քող դարձրին տաճկահայ դատր¹:

Պատգամավորներից մի քանիսը նույն տեսակետը պաշտպանում էին ուրիշ փաստարկներով: Նրանք գտնում էին, որ Կովկասում թուրք-հայկական ընդհարումներից հետո կոփմների վայրերից վերադարձած գինավորներն ու խմբապետները, մնալով անաշխատ, չգոհանալով կուսակցության կողմից իրենց տրված հատուցումից, սկսեցին դրամ պահանջել: «Ինքնապաշտպանության համար հավաքված գումարները մեզ են պատկանում», - ասում էին նրանք: Հենց այդտեղից էլ, ի վերջո, հրապարակ եկավ թուրքահայ-ռուսահայ տրամար խընդիրը, ըստ որի, իբր, ռուսահայերը չահագործում են թուրքահայոց դատը:

Պատգամավորների մի մասի այս եզրակացության կապակցությամբ Միսոն Վրացյանը հետագայում վերհիշել է մի զավեշտական միջադեպ՝ գրելով.

«Ընդհանուր ժողովում քննվում էին հայ-թաթարական կոփմներին և Միհրանական շարժմանը վերաբերվող նյութերը: Սրահում լարված, ջղային տրամադրություն էր տիրում: Խոսք առավ Զավարյանը և մի հուզումնալից ճառ արտասանեց, որ ավելի ևս խստացրեց սրահի մթնոլորտը: Նա մեղադրեց Միհրանին և նրա գործակիցներին անվանեց բանդիտ: Ծանր խոսքեր ասաց նաև կուսակցության ղեկավարների հասցեին, որոնք երկար ժամանակ չէին հասկացել ծանր պայմանների մեջ կոփմներում եղած և վերջը թիկունքում անգործության դատապարտված մարդկանց»: Բնական էր, որ անգործ և անոթի մնացած մարդիկ պիտի պահանջեին, որ իրենց անուճով ինքնապաշտպանության համար հավաքված դրամը իրենց բաժանվեր: Այդ դրամը նրանց բարոյապես քայքայեց. հիմա էլ սպառնում են մեզ ուտել»:

Ակնուհին կտրեց նրա խոսքը, հարցնելով, թե ապա այդ պայմաններում ինչ անենք:

« - Ի՞նչ անենք, - աչքերից շանթեր արձակելով բացականչեց Զավարյանը. - հիմա ես կ'ասեմ ձեզ ինչ անենք: Ես առաջարկում եմ հայ-թաթարական կոփմների առթիվ հանգանակված գումարի մնացորդը բերել այստեղ և բոլորիս աչքի առջև այրել ...»:

Սրահը որոտաց ընդհանուր ծիծաղից: Ողբերգությունը փոխվեց զավեշտի: Բայց Զավարյանը լուրջ կերպով պնդում էր իր առաջարկի վրա²:

Ելույթ ունեցող պատգամավորները փաստերով ցույց էին տալիս, որ Միհրանի և նրա կողմնակիցների շահատակությունները հատկապես մեծ ծավալներ են ընդունում Թիֆլիսում, Բաթումում, Ռոստովում, Ալեքսանդրապոլում և այլուր: Բայց դրանք չէին սահմանափակված միայն Կովկասով: Միհրանի

գործունեությունը անցել էր նաև սահմանից այն կողմ: Օրինակ՝ նա հաճախ նամակներ էր գրում Պարսկաստանի իր ծանոթներին, թե դաշնակցությունը ձեռք է քաշել տաճկահայ դատից, թե գինավորներին Կովկասում փող չեն տալիս և այլն: Այդ ամենի նպատակն էր պարսկահայ դաշնակ գինավորներին գրգռել կուսակցության ղեկավարության դեմ:

Պատգամավորների ելույթներից պարզ էր դառնում, որ Միհրանն ու նրա ընկերները պարզ գործիք են դարձել ոչ միայն հայ բուրժուականների, այլև կառավարության ձեռքին: Նրանք հաճախ հանդիպումներ էին ունենում ոստիկանների հետ, ստանում հրահանգներ, գործում իշխանությունների պատվերով, մի խոսքով՝ ամենահոժար կերպով առաջարկում էին իրենց աջակցությունը ռուսաց կառավարությանը: Իսկ վերջինս այն համոզումն ուներ, թե դաշնակցությունը բաժանված է երկու՝ նոր և հին, կուսակցությունների, որոնցից առաջինը գործում է Կովկասում, իսկ երկրորդը՝ Միհրանի կուսակցությունը՝ Տաճկահայաստանում: Եվ կառավարությունն աշխատում էր «Հին դաշնակցության» ձեռքով կռվել «Նոր դաշնակցության» դեմ: Ելույթ ունեցողները բերում էին կառավարության հետ միհրանականների գործակցության ուրիշ պերճախոս օրինակներ ու վկայություններ: Միհրանն ու նրա ընկերները իշխանությունների աչքի առաջ ազատորեն գենք էին կրում. եթե նրանցից մեկը ձեռքազրկվում էր, ապա անմիջապես գործին միջամտում էին պահանջարկները և նրան ազատում կալանքից: Ավելին, միհրանականներից ոմանք ծառայում էին որպես ոստիկանական բարձրաստիճան պաշտոնյաների թիկնապահներ: Համո Օհանջանյանն իր ելույթում նշում էր, որ եթե մինչև վերջին ժամանակներս միհրանականներն իրենց գործունեությունը սահմանափակում էին քաղաքներում, ապա այժմ մարդիկ են ուղարկում գավառներ, որոնք հայտարարություններ են անում, թե այլևս չկան, չեն գործում Լ.Յ.Դ. արևելյան ու արևմտյան բյուրոները, և կուսակցության գործերը միայն վարում է իրենց ստեղծած «Զինվորական խորհուրդը»: Դաշնակցության անուճով նրանք հանգանակություններ էին անում ոչ միայն Թիֆլիսում, այլև մյուս քաղաքներում՝ Ռոստովում, Արմավիրում և ուրիշ վայրերում, ըստ որում, հավաքած գումարների մասին հաշիվ չէին տալիս կուսակցության որևէ մարմնի: Ավելին, ասում էր Համոն, Միհրանը և նրա ընկերները «ամեն տեղ միջոցներ են ձեռք առնում մեր գործը քայքայելու, մեր ձեռնարկները վիժեցնելու համար»:

Պատգամավորները նաև օրինակներ էին բերում, որոնք ցույց էին տալիս, որ չնայած իշխանությունների ամեն տեսակ աջակցությանը, արդեն քայքայում և լքում է առաջացել միհրանականների շարքերում: Դրան նպաստում էին մի քանի հանգամանքներ, նաև այն, որ նրանք ձեռնարկել էին ավազակալի գործողություններ՝ անարխիստների անունից սպառնալից նամակներ էին

¹ «Նյութեր...», հատ. Գ, էջ 170-171:

² Ս. Վրացեան, Կեանքի ուղիներով, հատ. Բ, էջ 93:

¹ «Նյութեր...», հատ. Գ, էջ 216:

² Նույն տեղում:

գրում այս կամ այն հարուստին, որից հետո երկու-երեք հոգով ներկայանում էին նրան և փող պահանջում փոխարենն իրենց պաշտպանությունն առաջարկելով անարխիստների դեմ: Բայց երբ շրջանակը հետզհետե նեղացավ, նրանք սկսեցին իրար մատնել: Շարքերից սկսեցին հեռանալ ոչ միայն մաքուր, այլև մութ տարրերը, որովհետև վերջիններիս ղեկավարները նրանց թույլ չէին տալիս շահատակելու՝ իրենց վերջնելով ավարի մեծ բաժինը, հաճախ էլ՝ ամբողջը:

Այդ ամենն արվում էր՝ շահարկելով դաշնակցության անունը: Ահա թե ինչու Ղ.Յ.Դ. ղեկավարությունը տարբեր առիթներով ստիպված էր պաշտոնապես հանդես գալ և հայտարարել, որ Միհրանը և նրա կողմնակիցները ոչ մի անընդունելի չունեն կուսակցության հետ:

Չնայած դրան, ընդհանուր ժողովում եղան Միհրանին և նրա գործակիցներին պաշտպանողներ: Կարծիք հայտնող եղավ, թե դեռ Միհրանից առաջ, ըստ էության, միհրանական շարժում կար լայն խավերի մեջ¹: Իր հերթին Սեբաստացի Մուրատը նշում էր. «Դեռ սկզբից ես հակառակ եմ եղել «Նախագծին», երբ չկար Միհրանը, նկատի ունենալով, որ դրանով մեր դատի առաջ պատնեշ է դրվում: Մենք շատ լավ գիտեինք, որ հնչակեանների մեջ էլ սոցիալիզմի պատճառով է երկպառակություն ընկել, հետևապես չէինք կարող դեմ չլինել «Նախագծին»: Ուրիշ բան է, որ ինքնապաշտպանութեան գործը մոռացնել տուեց այդ: Դեռ Միհրանից առաջ այդ բողոքը կար Թիֆլիսում, Կարսում, Ալեքսանդրապոլում և այլուր»²:

Միհրանականության բացահայտ պաշտպանությամբ հանդես եկավ Թովմաս Աելալյանը: «Այժմ, - ասաց նա, - մեր մեջ կա երկու մտածողություն՝ հին ու նոր: Դուք էլ եք ասում, որ [կուսակցության մեջ] շերտավորում կայ, [որ այն] երկու ֆրակցիայի է բաժնուած: Դա արդյունք էր ուսուց յեղափոխութեան, և այդ բաժանումը ես անվանում եմ բյուրոյականություն և միհրանականություն (բացականություն՝ «Բողոքում ենք դրա դեմ»): Եվ դրանից ամեն մեկը իրեն իրավական և իսկական դաշնակցություն է համարում: Այդ երկու հոսանքներից մեկի ներկայացուցիչը չկա այստեղ, հետևապես մեր որոշումը կը լինի խիստ միակողմանի և անարդար: Մենք պետք է դիմենք օրինավոր ճամփի, այն է՝ կանչել երկու կողմերին, լսել երկուսին էլ և ապա վճիռ արձակել [բողոքներ, խիստ դժգոհություն]»³:

Խնդրի քննարկումն ինքնանպատակ չէր: Ընդհանուր ժողովը պետք է որոշում ընդուներ Միհրանին և նրան հետևող զեղծարարներին պատժի ենթարկելու մասին: Այդ կապակցությամբ հարց առաջացավ. Միհրանին և նրա առավել մեղսակից ընկերների դատը պիտի անել այստեղ՝ ժողովում, թե՞ այն պիտի ուրիշ հարց. պիտի դատվի միհրանականությունը իբրև շարժում, թե՞ պիտի դատվեն միայն առանձին անձինք՝ Միհրանը և շարժման առավել աչքի ընկնող պարագլուխները:

¹ «Նյութեր...», Հատ. Գ, էջ 217:

² Եթե հնչակյան կուսակցության ղեպքում գուտ ազգայինը այդ կուսակցության ներսում հանդես եկավ հետագայում կուսակցության ստեղծումից 9-10 տարի հետո՝ հանձին վերակազմյալ հնչակյանությանը, ապա Ղ.Յ.Դ-ի ղեպքում այդ ազգային կուսակցության մեջ սոցիալիստական գաղափարախոսությունը և գործելակերպը ցայտուն կերպով դրսևորվեցին նրա ստեղծումից շուրջ 15 տարի հետո:

³ «Նյութեր...», Հատ. Գ, էջ 217:

⁴ Նույն տեղում, էջ 241:

լու մասին: Այդ կապակցությամբ հարց առաջացավ. Միհրանին և նրա առավել մեղսակից ընկերների դատը պիտի անել այստեղ՝ ժողովում, թե՞ այն պիտի թողնել Ղ.Յ.Դ. կովկասյան որևէ մարմնի իրավասությունը: Մազեց նաև մի ուրիշ հարց. պիտի դատվի միհրանականությունը իբրև շարժում, թե՞ պիտի դատվեն միայն առանձին անձինք՝ Միհրանը և շարժման առավել աչքի ընկնող պարագլուխները:

Այդ հարցին նախնական պատասխան տալու համար ընտրվեց քննիչ հանձնաժողով, որը պետք է ներկայացներ համապատասխան առաջարկ:

Քննիչ հանձնաժողովը 84-րդ նիստին ներկայացրեց «Միհրանական խրնդրի մասին» բանաձևը, որը բխում էր «Կովկասյան զեղծարարների մասին» օրակարգային հարցից: Սկսվեց մաքերի փոխանակություն, որին մասնակցեցին Արշակ Իսահակյանը (Ջամայան), Համո Օհանջանյանը, Մաշուրը, Արամ Մանուկյանը, Եղիշ Թոփչյանը և ուրիշներ: 86-րդ նիստում բանաձևի շուրջ եղած վիճարանությունները ցարդ համարելով անբավարար՝ ընդհանուր ժողովը հարկ համարեց առանձին ծանրանալ հատկապես նախորդ նիստերում դրված երկու հարցերի վրա. ա) Ղ.Յ.Դ. ո՞ր մարմինը պիտի վճիռ կայացնի զեղծարարների վերաբերյալ, բ) ի՞նչ պատժ է տրվելու նրանց:

Ընդհանուր ժողովում զեղծարարների վերաբերյալ դատավճիռ կայացնելու օգտին հանդես եկան Արամը, Շահխաթունյանը և Զավրիյանը, դեմ արտահայտվեցին՝ Ռոստոմը, Վռամյանը, Ստեփանյանը, Մինասյանը, Մալուժյանը, Ահարոնյանը:

Արամը գտնում էր, որ ընդհանուր ժողովը պիտի «իր խոսքն ասի, իր կրտուռակ որոշումը տա»¹: Պաշտպանելով Արամին՝ բժ. Զավրիյանը ասում էր. «Այժմ բոլորը վերջնական որոշում են սպասում ընդհանուր ժողովից, նույնիսկ Միհրան ... Աչքի առաջ ունենալով հարցի բացառիկ նշանակությունը՝ ընդհանուր ժողովը պետք է զբաղվի դրանով և [խիստ] որոշում ընդունի»²:

Ելույթ ունեցողների մեծ մասը, սակայն, այլ կարծիքի էր: Ռոստոմը շեշտում էր.

«Ես հակառակ եմ արտահայտուող այն կարծիքին, թե ընդհանուր ժողովը դատարանի դեր պիտի ստանձնե և դատավճիռ արձակել: Իմ կարծիքով, այդ գործը ամբողջապես պիտի թողնել կովկասյան մարմիններին, միևնույն ժամանակ հանդիմանություն հայտնելով արևելյան բյուրոյին, որ ժամանակին կրտուռակ միջոցի չէ դիմել և այդ հարցը հասցրել է ընդհանուր ժողովին»³:

Ռոստոմի առաջարկին միանում է Արշակ Վռամյանը, գտնելով, որ զեղծույնների և նման խնդիրներով բացառապես պետք է զբաղվեն տեղի կազմակերպությունները՝ կենտրոնների մակարդակից ոչ ցածր:

¹ «Նյութեր...», Հատ. Գ, էջ 240:

² Նույն տեղում:

³ Նույն տեղում:

Բժ. Չավրիչյանը, Համոն և Թոփչյանը քննադատական խոսքեր են ուղղում Ռոստոմին՝ նրա այն հայտարարության կապակցությամբ, որ անհրաժեշտ է Հանդիմանել արևելյան բյուրոյին այն բանի համար, որ ժամանակին չի դիմել կտրուկ միջոցների՝ միհրանական շարժումը սաղմուտ խեղդելու համար, որի հետևանքով հարցը հասել է ընդհանուր ժողով: Չավրիչյանը մասնավորապես ասում էր. «Ես գարմանում եմ, որ Ռոստոմը, լինելով արևելյան բյուրոյի անդամ, այժմ հայտնում է Հանդիմանություն նրան՝ ժամանակին այդ խնդիրը իր տեղում չվճռելու պատճառով: Ինչո՞ւ հապա Ռոստոմը չէ պահանջել այդ վճիռը ժամանակին: Եթե չեն արել, այն պատճառով է, որ հենց ինքը՝ Ռոստոմը, մի շարք ուրիշ հանգամանքներ ի նկատի է ունեցել: Բայց այժմ չպետք է թերի միջոցներով բավականանալ, այլ [պետք է] դիմել ամենախիստ միջոցների»²:

Միհրանականների նկատմամբ փափուկ վերաբերմունք դրսևորած լինելու մեջ Ռոստոմին խիստ մեղադրեց հատկապես Համոն՝ ասելով. «Ռոստոմի բըռնած դիրքը և խոսելու տոնը ինձ միանգամայն զարմացնում են»³: Իր հերթին Թոփչյանը նկատում է, որ Ռոստոմի փափկանկատությունը շատ խորն է. «Ես հասկանում եմ այդ, բայց նա սխալվում է իր փափկանկատության մեջ»⁴:

Անդրադառնալով գեղձումների հարցերը կուսակցության տեղական մարմիններին Հանձնելու Ռոստոմի առաջարկին՝ Ավ. Ահարոնյանը պաշտպանեց նրա այն տեսակետը, որ ընդհանուր ժողովը ոչ թե դատական, այլ օրենսդրական ժողով է, ուստի Միհրանին և նրա ընկերներին պատժելու հարցերը չեն կարող տեղ գտնել այդ ժողովում: Օրենսդրական մարմինը ձեռնհաս չէ կանչել երկու կողմերի վկաներին՝ ցուցումներ ստանալու համար, հետևապես նրա որոշումները խիստ պակասով կլինեն, թյուրիմացությունները՝ անխուսափելի: «Ինչպես Ռոստոմը նկատեց, - ասում էր Ահարոնյանը, - կան դատապարտելի՝ մարմիններ, որոնք կարող էին ժամանակին խեղդել այդ տգեղ, դավաճանական քայլերը, բայց չարեցին, և սանձելու հնարավորությունը դարձրին անկարելի»⁵: Նա թյուրիմացության արդյունք էր համարում այն, որ իրար նմանեցվում են նաև կուսակցության ներսում առաջացած երկու շարժումները՝ «Կովկասյան նախագծի» դեմ ծագած ընդվզումը և միհրանական շարժումը՝ վերջինիս որակելով իբրև խուլիգանական շարժում: Պատահական չէ, որ Հ.Յ. դաշնակցությանը վարկաբեկելու համար նրա հակառակորդները միհրանական շարժումը կապեցին տաճկահայ դատի հետ: Հատկապես «Մշակը», ասում էր Ահարոնյանը, օգտագործեց ու շահագործեց միհրանականությունը, և դա մշակականներին հաջողվեց, քանզի անգիտակից մասսան կարծում էր,

թե Միհրանը, նրան առավել նվիրված համախոհներ խմբապետ Տիգրանը, Արփիար Արփիարյանը, իրոք, տաճկահայ դատի գաղափարական ներկայացուցիչներ են: Իրանով պետք է բացատրել նաև Միհրանի զինակից Շխալու փառավոր թաղումը:

Ահա այդ իրադարձություններից հետո միայն կուսակցության ղեկավարությունը խոր կերպով զգաց թույլ տված սխալի հետևանքը, այն, որ ձեռքից բաց էր թողնվել հարմար պահը, երբ գործը դեռ այդքան սուր բնույթ չէր ստացել, երբ առանց բարդություններ առաջացնելու՝ հնարավոր կլինեին գեղձարարներին չեզոքացնել և շարժումը խեղդել սաղմուտ: Տեղական մարմինները, ասում էր Ահարոնյանը, այդ բանը չեն արել, ուստի, անկասկած, մեղավոր են: Նա համերաշխվում էր Ռոստոմի հետ այն հարցում, որ պետք է Հանդիմանել արևելյան բյուրոյին:

Եղածն արդեն եղած համարելով՝ Ահարոնյանն այնուհետև գտնում էր, որ այժմ պետք է կարողանալ Միհրանից գատել թյուրիմացաբար նրան հետևող մասսաների գոնե մի մասին, շանտաժիստներից խլել բարոյականության քողով շղարշված գեները և նրանց Հանձնել տեղական մարմինների դատին:

Երույթ ունենալով՝ Միմոն Չավարյանը սխալ էր համարում արևելյան բյուրոյին Հանդիմանելը, նախատեսելը, գտնելով, որ միհրանական շարժման դեմ նրա բռնած դիրքը եղել է հեռատես ու խելացի: Նա հիշեցնում էր, որ այդ շարժումն առաջին անգամ հայտնի է դարձել Էջմիածնում, որտեղից անմիջապես հայտնել են Երևանում տեղի ունեցող շրջանային ժողովին: Իսկույնևեթ ժողովից մարդիկ են ուղարկվել այնտեղ՝ բացատրելու շարժման էությունը: Նույն կերպ են վարվել Հ.Յ.Դ. Թիֆլիսի և Բաթումի կազմակերպությունները՝ ընդունելով շարժման էությունը մասսաներին բացատրելու տակտիկան: Չավարյանը միհրանական շարժման գլխավոր պատճառը համարում էր մասսաների տգիտությունը: Բայց, ասում էր նա, «մենք ունենք հանցանքի մեր բաժինը», որքանով որ «պրոպագանդա չենք արել, չենք բացատրել մեր տեսակետները և ուղղությունը»: Նա նշում էր, որ շատերն ուղղակի տեղեկություն չունեին «Նախագծի» մասին, եթե ունեին էլ՝ շատ աղուտ, այլ խուբով՝ «Նախագիծն» ամբողջությամբ լուսաբանված չէր բավարար չափով: Այս պայմաններում է, որ «Մշակը» փաստորեն անցավ միհրանական շարժման գլուխ՝ կանոնավորելով և ընթացք տալով դրան: Չավարյանը գտնում էր, որ եթե այն ժամանակ արևելյան բյուրոն ծայրահեղ սուր միջոցներ ձեռք առնեին, ապա գուցե վիճակն ավելի վատ լինեի, քան այժմ է: Կլինեին զգալի զոհեր երկու կողմերից, և, անկասկած, զոհված միհրանականները նահատակներ կհռչակվեին:

Ներկայումս, այնուհետև ասում է Չավարյանը, կուսակցությունը պարտավոր է մասսաներին լայնորեն ցույց տալ միհրանական շարժման ողջ էությունը, ի ցույց դնել գեղձարարների իսկական կերպարանքը: Այդ դեպքում Միհրանին հետևող 2-3 հազար անձանց 9/10 մասը, անշուշտ, կհեռանա շարժումից: Չավարյանը դեմ էր միհրանականների նկատմամբ խիստ ու սուր միջոցների դիմե-

¹ «Նյութեր...», հատ. Գ, էջ 241-242:

² Նույն տեղում, էջ 241:

³ Նույն տեղում:

⁴ Նույն տեղում:

⁵ Այդպես է արձանագրության մեջ, պետք է լինի դատապարտող:

⁶ «Նյութեր...», հատ. Գ, էջ 241:

լուն: «Ոչ մի կաթիլ արյուն այդ գործի առթիվ չպետք է թափվի, - շեշտում էր նա: - Մենք որոշակի կերպով կտանք մեր ծրագիրը՝ իր ամբողջությամբ. ով համաձայն է դրա հետ՝ կը մնա, ով չէ - լինի նա երիտասարդ դաշնակցական թե հակախաղաղական, այդ միևնույն է - կհեռանան դաշնակցության շարքերից: Ասում եմ՝ հակախաղաղական և երիտասարդ դաշնակցական, որովհետև այդ երկու ծայրահեղությունների միջև մի նմանություն եմ գտնում»¹:

Քննարկումների ընթացքում աստիճանաբար հակամիհրանական դիրքեր եկող Սեբաստացի Մուրատը նույնպես գտնում էր, որ արևելյան բյուրոն ճիշտ է վարվել, երբ սկզբնական շրջանում խուսափել է միհրանականների նկատմամբ պատժելի խիստ միջոցներ կիրառելուց: «Մխալվում է Համոն, երբ ասում է. «Եթե ուզեմք»՝ կը ճնշեմք»: Դա նշանակում է բոլորովին անձանոթ լինել տաճկահայ կյանքին, - նշում էր Մուրատը: - Մեր մեջ միշտ եղել են և կան թայֆաներ, որոնք իրար դեմ կանգնում են իբրև թշնամիներ... Եթե սպանության մի փորձ լիներ, ահագին խառնաշփոթություն կառաջանար՝ և մի շարք մարդիկ կը սպանվեին: Ես դեմ չեմ նախագծական շարժման, ոչ էլ կկռվեմ դրա դեմ: Զավարյանն ասում է, թե պետք է զեղծարարներին անպատիժ թողնել՝ բավականանալ միայն դաշնակցությունից հեռացնելով: Ես ասում եմ, որ ես չեմ թողնի, որ Միհրանը անպատիժ մնայ»²:

Ընդհանուր ժողովի պահանջով քննիչ հանձնաժողովը ներկայացրեց իր ուսումնասիրության արդյունքները:

ԿԱՐԳԱՊԱՀԱԿԱՆ ՀԱՐՑԵՐ

Հ.Յ.Դ. նախորդ ընդհանուր ժողովներից ոչ մեկում կուսակցական-կարգապահական հարցերը չէին ենթարկվել այնպիսի լայն ու շահագրգիռ քննության, ինչպես չորրորդում:

Բուռն ու հուզումնալից եղավ սուլթան Աբդուլ Համիդի դեմ անհաջող մահափորձի կապակցությամբ Սաֆոյի (Մարտիրոս Մարգարյան) հարցի քննարկումը:

Ժողովը, նախ, լսեց այդ հարցի մասին ցուցական մարմնի տեղեկագիրը և քննիչ հանձնաժողովի գեկուցագիրը՝ իր բոլոր հարակից փաստաթղթերով: Ապա որոշեց ամբողջ կազմով վերածվել դատական մարմնի և «Սաֆոյի գործը» քննել ամբողջ խստությամբ: Միաժամանակ նպատակահարմար գտնվեց չժանրանալ ձեռնարկի տեխնիկական կողմի վրա, այլ ցուցական մարմնի գործունեությունը քննության ենթարկել կազմակերպական և ընկերական-բարոյական տեսակետներից:

¹ «Նյութեր...», հատ. Գ, էջ 242:

² Նույն տեղում:

Սաֆոն պատգամավոր էր ցուցականից և ներկա էր ժողովին: Ցուցումներ տալու համար Վիեննա էր հրավիրվել «վտիտ մարմնով, խոշոր վառվուն աչքերով, ջղային շարժումներով, ծխախոտը միշտ շրթունքներին մի աղջիկ»¹, Ռուբինան, սուլթանի մահափորձի գլխավոր գործող անձերից մեկը՝ Համո Օհանջանյանի ապագա կինը, իր ելույթներով մի տեսակ դատախազի դեր էր կատարում: «Ամեն անգամ, երբ արտասանվում էր Քրիստափորի անունը, նա ուշաթափվում էր կամ ջղային բացականչություններ անում»², - գրել է Ս. Վրացյանը:

Միմոն Վրացյանը նկատում է, որ սուլթանի մահափորձի գործը ժողովի առջև ներկայացվեց այնպես, որ Քրիստափորի և Սաֆոյի հակամարտության տպավորություն ստացվեց: Կուսակցությունը Սաֆոյին հանցավոր էր նկատում գործողության ձախողման համար: Նա հիմնականում մեղադրվում էր այն բանում, որ ինքնազուլու փոխել էր սուլթանի մահափորձի՝ Քրիստափորի կազմած ծրագիրը, ըստ որի ուսմբի պայթումը պետք է իրականացներ Ռուբինան, բայց գործողության ընդհանուր ղեկավար Սաֆոն որոշել էր դժոխային մեքենա դնել կառքի մեջ և լարել այնպես, որ ճիշտ վայրկյանին պայթեր Համիդի գլխին: Պայթել էր, բայց անվնաս էր մնացել մեծ ոճրագործը:

Սաֆոյին ամբաստանող պատգամավորները նրան առաջադրում էին երկու հիմնական մեղադրանք. 1) Քրիստափորի և Սաֆոյի հարաբերությունները նորմալ չեն եղել, վերջինս խնդիրներ է ունեցել կուսակցության ղեկավարի հետ, նույնիսկ նախանձել է նրան, 2) Այդ հակասությունն է եղել գլխավոր պատճառը, որ Սաֆոն չեղյալ է համարել Քրիստափորի ծրագիրը, որի հետևանքով մահափորձը վիժել է³:

Ելույթ ունեցողները ցատումով նշում էին, որ Քրիստափոր Միքայելյանի մահվանից հետո ցուցականի անդամները, փոխանակ ամեն հնարավոր միջոց ձեռք առնեին ձեռնարկի հաջողության հավանականությունը բազմապատկելու, ընդհակառակը՝ ամենից առաջ մտահոգվել են իրենց կյանքի փրկության մասին, որի հետևանքով, ըստ էության, խուսափել են ստանձնել մեծ ոճրագործի ահաբեկման մեծ պատասխանատվությունը, միաժամանակ զարմանալի անհոգությամբ թերացել են ուշադրության առնելու և ըստ այնմ կանխելու կամ մեղմելու այն վտանգները, որոնք նաև սպառնում էին նույն վայրում գործող օժանդակ ընկերներին: Անհոգության արդյունքն այն է եղել, ասում էին պատգամավորները, որ համարյա բոլոր ընկերները դատապարտվել են մահվան կամ երկարատև բանտարկության: Այդ ամենը ժողովականները համարում էին եզակի վրդովեցուցիչ երևույթ դաշնակցության պատմության մեջ, մի երևույթ, որ ըստ էության արատավորել է Քրիստափորի թանկագին

¹ Ս. Վրացյան, Կանքի ուղիներով, հատ. Բ, էջ 88:

² Նույն տեղում, էջ 93:

³ Նույն տեղում, էջ 94:

Հիշատակը:

ժողովի գերլարված պահը նկարագրելով՝ Ս. Վրացյանը գրել է.

«Սաֆոն, երևութապես անհույզ համբերությամբ լսում էր ամենախառն խոսքերը: ... Մեկ անգամ միայն ցնցվեց ու բացականչեց, երբ մի պատգամավոր նրա հասցեին նետեց «դավաճան» բառը:

Երբ նախագահը խոսքը տվեց Սաֆոյին, նա դանդաղ ոտքի ելավ, և ամբողջ սրահը ահանջ կտրեց: Նա հայտնապես ազդված էր, բայց աշխատում էր ցույց չտալ ներքին հուզումը:

- Հիմա հերթը դավաճանինն է, - սկսեց նա: - Ես համբերությամբ լսեցի ձեզ, դուք էլ համբերությամբ լսեցեք ինձ»:

Եվ Սաֆոն անցնում է Քրիստափորի և իր հարաբերություններին: Նա ասում էր, թե երույթ ունեցողները ոչ մի հիմք չունեն պնդելու, թե ինքն անձնական խնդիր է ունեցել Քրիստափորի հետ, նախանձել է նրան: Այդպիսի փաստ գոյություն չունի: Նա ընդունում էր Քրիստափորի մեծությունը, միաժամանակ ասում, թե մեծ մարդիկ էլ կարող են սխալվել, որ ինքը երբեմն քննադատել է Քրիստափորի սխալները, բայց դա երբեք չի ազդել նրանց ընկերական փոխհարաբերությունների վրա: Արևի վրա էլ բծեր կան, բայց մի՞թե այդ իրողությունը որևէ մեկին իրավունք է տալիս չընդունելու արևի գոյությունը:

Անմտություն համարելով Քրիստափորին նախանձելու մասին խոսակցությունները՝ Սաֆոն նշում էր, որ ինքը դրա համար ոչ մի պատճառ չունեի, քանի որ իրենց երկուսի գործունեության ասպարեզները տարբեր են եղել: Եվ ինքն ինչո՞ւ նախանձից դրդված պիտի փոխեր մահափորձի ծրագիրը: Մրագիրը փոխվել է, ասում էր նա, որովհետև «համոզված էի, որ մեքենան ավելի վատահելի է, քան մարդկային նյարդերը, մանավանդ այս (մատնացույց էր անում իրեն) տկար աղջկա շղերը: Դժբախտություն ամեն գործում էլ պատահում է: Դուք քավության նոխազ եք փնտրում. թող ես լինեմ քավության նոխազ, միայն թող կուռ և համերաշխ մնա դաշնակցությունը»¹:

Ս. Վրացյանն իր հուշերում շեշտում էր, որ թեև ուժեղ տրամաբանությամբ և անկեղծ շեշտերով Սաֆոյի արտասանած այդ ճառը մեծ տպավորություն էր գործել պատգամավորների վրա, բայց չէր կարողացել փոխել հարցի քննարկման ընթացքը: «Մահափորձի անհաջողության առաջ բերած ցավն ու վրդովումն այնքան սաստիկ էին, որ, իրոք, քավության նոխազն անհրաժեշտ էր»²:

Մանր մթնոլորտում անցան նաև Վարդոյի խնդրի շուրջ ծավալված քննարկումները: Խնդրի հույսը կայանում էր հետևյալում.

Հ.Յ.Դ. երրորդ ընդհանուր ժողովի (Սոֆիա, 1904) պատգամավոր Հակոբ Վարդ-Պատրիկյանը (Վարդո), որը ներկայացնում էր Հ.Յ.Դ. Ոսկեհանքի (Իզ-

¹ Ս. Վրացյան, Կեանքի ուղիներով, Հատ. Բ, էջ 96:

² Նույն տեղում:

* Արխիվային որոշ փաստաթղթերում Վարդոն հանդես է գալիս Իսաք Արվախ կեղծ անունով:

միր) կոմիտեն¹, ժողովի աշխատանքների ավարտից հետո մնացել էր Սոֆիայում, ապա այնտեղ տեղափոխել նաև ընտանիքը: Որոշ ժամանակ անց Հ.Յ.Դ. Բալկանյան (Բալկանի) Կ.կոմիտեի (որը գտնվում էր Բուլղարիայում) երաշխավորությամբ Հ.Յ.Դ. արևմտյան բյուրոն Վարդոյին նշանակում է Վառնայում հրատարակվող «Շարժում» թերթի խմբագիր: Շատ չանցած՝ նա սկսում է դաշնակցական թերթում տպագրել կազմակերպության դեմ ուղղված հոդվածներ ու նյութեր՝ դրանք հասցեագրելով Հ.Յ.Դ. խորհրդին, զույգ բյուրոներին և Կ.կոմիտեններին՝ պահանջելով «կուսակցությունն ազատել բյուրոկրատների ձեռքից»: Հատկապես մեծ աղմուկ էին հանել 1904թ. դեկտեմբերին Վարդոյի ստորագրած «Դաշնակցական ընկերներին» ուղղված «բաց նամակները», որոնցում նա անողոքաբար քննադատել էր կուսակցության գործելակերպը, նրա ղեկավարների աշխատանքը, նույնիսկ՝ կազմակերպության կառուցվածքային դրուստությունը²:

Հերթական համարներից մեկում «Շարժումը» հետևյալ հաղորդումն էր արել.

«Ստույգ աղբյուրներից տեղեկանում ենք, որ Անդրանիկը ուր որ դաշնակցականների է պատահում, անկեղծորեն դատափետում է կազմակերպության թերությունները և մատնանշում նրա ձեռնադրության բացակայությունը Երկրի յեղափոխական գործերին: Անդրանիկի կարծիքը և համոզումն է՝ գործի ղեկը խլել բյուրոկրատներից, սիրողներից և կենտրոնացնել յեղափոխական զինուորականության ձեռքում, այսինքն՝ երկրում գործողների: Յաջողություն ենք ցանկանում Անդրանիկին և զինուորական խորհրդին իրենց ծրագիրների մեջ»:

Վիեննայի ժողովի առաջին օրերին կարդալով թերթի այս հաղորդումը՝ Արամ Մանուկյանը և ուրիշ 14 պատգամավորներ նախագահությանն են ներկայացնում հետևյալ առաջարկը. «Աչքի առաջ ունենալով, որ Անդրանիկի մասին թերթի այդ տողերը կարող են մտքերի շփոթ առաջ բերել որոշ դաշնակցականների շարքերում, ուստի դիվանից խնդրում ենք հոգալ, որպեսզի ընկեր Անդրանիկը հերքում գրե այդ մասին և այստեղ՝ ժողովում, բացատրություն տա իր Հիշյալ կարծիքի վերաբերմամբ»³:

Գաղափարական բնույթի այդ կնճռին գումարվել էր երկրորդը: Հ.Յ.Դ. Բալկանի կոմիտեն մեղադրանք էր ներկայացրել, թե «Շարժում» թերթին տրամադրած հրատարակչական միջոցներից Վարդոն անձնական պետքերի համար յուրացրել է կոմիտեի հատկացրած 2139 ոսկի և 4673 արծաթե լեբերը (6000 ֆրանկ), ինչպես նաև գրպանել է Կովկասից, Հ.Յ.Դ. արևելյան բյուրոյի կողմից թերթի համար ուղարկված ճիշտ նույնքան գումարը (2000ռ.), այս-

¹ «Նյութեր...», Հատ. Բ, էջ 109:

² Նույն տեղում, էջ 23, 151:

³ Նույն տեղում, Հատ. Դ, էջ 29:

ինքն՝ ընդհանուր առմամբ զեղծվել է ավելի քան 12000 Ֆրանկ:

Բալիանի կոմիտեն քննում է Վարդոյի հարցը, բայց, նրան պատժելու լիազորություններ չունենալով, դիմում է Ղ.Յ.Դ. առաջիկա չորրորդ ընդհանուր ժողովին և պահանջում, որ նրա արարքներին տա կտրուկ գնահատական: Կոմիտեն կուսակցաժողովի ուշադրությունը հրավիրում էր Վարդոյի կողմից յուրացրած դրամները վերադարձնելու վրա և պահանջում, որ նա հրապարակավ ներողություն խնդրի «Շարժում» թերթի էջերում դաշնակցական մարմինների և անհատ ընկերների հասցեին արած «հրապարակային զրպարտությունների և անվանարկությունների» համար¹, որը «ժողովրդին և ընկերներու վրայ գեղազեցություն ըրած է»²:

Եվ ահա, ընդհանուր ժողովը քննում է Վարդոյի հարցը: Եղան ցասկոտ ելույթներ, մեծամասնությունը պահանջում էր խստագույն պատիժ: Թուրքահայ պատգամավորների զգալի մասը (այդ թվում՝ Անդրանիկը) դեմ էր Վարդոյին պատժելու առաջարկներին, գտնելով, որ նրա հարցը բարձրացվել է այն պատճառով, որ համարձակվել է քննադատել կուսակցության ղեկավարների գործունեության հոռի կողմերը:

Ի վերջո ժողովը Վարդոյի գործի համար ստեղծված դատական հանձնաժողովին պատվիրեց կազմել և առաջիկա նիստերից մեկի քննարկմանը ներկայացնել բանաձևի նախագիծ՝ ելնելով նրան խիստ պատիժ տալու առաջարկներից, որ արել է պատգամավորների մեծամասնությունը:

ԿԱՌՈՒՑՈՂԱԿԱՆ ԲԱՆԱՁԵՎԵՐ

Եվ այսպես, «Կովկասյան նախագծի» բոլոր սկզբունքային հարցերում Ղ.Յ.Դ. չորրորդ ընդհանուր ժողովի նախագծական և հականախագծական պատգամավորները երկար ժամանակ գտնվում էին տրամագծորեն հակառակ դիրքերում և անզիջում էին իրենց տեսակետների պաշտպանության մեջ:

Բայց որքան մոտենում էր ժողովի ավարտը, այնքան մեծանում էր «Նախագիծ» կողմնակիցների թիվը: Տաճկահայ դատի շուրջ ծագած վիճաբանությունների ընթացքում մի քանի հականախագծականներ անցան նախագծականների կողմը, իսկ կուսակցության պաշտպանման կամ պառակտման հարցի քննարկման ժամանակ հականախագծականների մեծ մասը պաշտպանեց կուսակցության միասնության գաղափարը: Պարզ էր արդեն, որ հականախագծականների ճամբարում ամեն ինչ չէ, որ կարգին է, և սկսված պառակտումը աստիճանաբար հասնելու է իր տրամաբանական ավարտին: Դրան նպաստում էր հարցերը համբերատարությամբ և փոխադարձ հանդուրժողականությամբ քննարկելու՝ գերազանցապես նախագծականների ջանքերով ստեղծված մթնոլորտը:

¹ «Նյութեր...», հատ. Դ, էջ 175:

² Նույն տեղում, հատ. Գ, էջ 170:

Ընդհանուր ժողովում, ինչպես և ընդհանրապես ընդունված էր կուսակցության ներսում, հարցերը քննարկվում էին ամենալայն ժողովրդավարական սկզբունքներով, հաշվի էին առնվում և հարգվում բոլոր ելույթ ունեցողների կարծիքները, անկախ այն բանից, թե այս կամ այն պատգամավորը ո՞ր տեսակետի օգտին էր արտահայտվում: Արդեն նշվել է, որ պատգամավորներն իրենց հետ ընդհանուր ժողով էին բերել դաշնակցական կազմակերպությունների ու մարմինների միանգամայն տարբեր, հաճախ միմյանց ժխտող, որոշումներ: Ժողովում նրանցից ամեն մեկը հետևողականորեն պաշտպանում էր իր կազմակերպության կողմից տված առաջադրանքները, մինչև որ փաստերի տրամաբանության ուժով ստիպված էր լինում միանալ մեծամասնության տեսակետներին:

Ընդհանուր ժողովի վերջին նիստերն անցնում էին համարյա առանց վիճաբանությունների, որն ապացույց էր այն բանի, որ արդեն ձևավորվել են ընդհանուր տեսակետներ սկզբունքային համարյա բոլոր կարևոր հարցերի շուրջ: Այդ բանն առավել ցայտուն դրսևորվեց բանաձևերի ընդունման ժամանակ:

Ներկայացված նախագծերը քննարկվեցին ժողովի տարբեր նիստերում, որոնցում ընդունված բանաձևերը ըստ ուղղությունների կարելի է բաժանել յոթ խմբի, մի բան, որ ժամանակին կատարել էր «Դրոշակի» խմբագրությունը:

Առաջին խմբին՝ վերաբերվում է Ղ.Յ.Դ. կովկասյան գործունեության բանաձևը:

Երկար, հուզումնալից և սրտամաշ վեճերից հետո կուսակցության կովկասյան գործունեության մասին բանաձևը հաստատվեց ձայների մեծամասնությամբ: Այս բանաձևում նշվում էր, որ «Կովկասյան նախագիծը»՝ իր պարունակած սկզբունքներով հանդերձ, կուսակցության շարքերը ոգևորելու փոխարեն, մի անըմբռնելի թյուրիմացությամբ ամենաուղիղ ընդհարումների և պառակտումների պատրվակ եղավ, սակայն, ընդհանուր ժողովի կողմից վավերացվելուց հետո այն ըստ իրավասության և թե ըստ էության դարձավ մի հիմնաքար, որի վրա պետք է հենվի դաշնակցության սոցիալիստական գործունեությունը անդրկովկասյան հայ ժողովրդի մեջ³:

Ժողովի 70-րդ և 71-րդ նիստերում (ապրիլի 7) քվեարկության են դրվում կուսակցության բաժանման վերաբերյալ բանաձևերի երեք նախագծերը, որոնց հեղինակներն էին ինչպես Սալուսյանը, Արչակ Վրասյանը և համատեղ՝ Արչակ Իսահակյանն ու Ավետիք Շահխաթունյանը:

³ Արձանագրող քարտուղարների մի մասի ստիպողական մեկնման պատճառով ընդհանուր ժողովի չորս (93,95,97,98) նիստերի արձանագրությունները կազմվել են շատ սեղմ, այդ իսկ պատճառով տեղի ունեցած վիճաբանությունների մասին ըստ էության չկան անհրաժեշտ տեղեկություններ:

⁴ Տե՛ս «Դրոշակ», N 5 (183), մայիս, 1907, էջ 70:

⁵ «Նյութեր...», հատ. Գ, էջ 299:

Առաջինը կարդացվում է Իսահակյան-Շահխաթունյան նախագիծը, որի Հեղինակները նկատի էին ունեցել, որ՝ ա) Թուրքիայի իրականությունը քաղաքական, սոցիալական և տնտեսական տեսակետով տարբեր է կովկասյան իրականությունից, բ) Թուրքիայում Հ.Յ.Դ. պայքարը եղել է ազգային-քաղաքական, այն դեպքում, երբ Կովկասում նրա կոիվը դասակարգային է, սոցիալիստական և միջազգային, գ) Թուրքահայ դատը ղեկավարող կուսակցությունը կարող է գտնվել միմյայն Տաճկահայաստանում, իսկ Երկրից դուրս, մասնավորապես Կովկասում, այդ կուսակցությունը կարող է ունենալ միայն օժանդակող կազմակերպություններ, դ) Այդ դատին օժանդակելու գործը Կովկասում չի վերաբերվում միայն սոցիալիստական բանակին, այլ ժողովրդական լայն մասսաներին, Հետևաբար, այդ օժանդակության գործի կազմակերպումը և ղեկավարումը չի կարելի Հանձնել որևէ կուսակցության, այլ պիտի դրվի անկուսակցական Հողի վրա:

Ելնելով այդ ամենից՝ նախագծի Հեղինակները առաջարկում էին. 1. Թուրքահայ դատի և Կովկասի Հայ աշխատավոր մասսաների դասակարգային կովի ղեկավարությունը Հանձնել միմյանցից միանգամայն անկախ կուսակցությունների, 2. Սակայն նկատի ունենալով այն Հանգամանքը, որ եթե ստեղծված բացառիկ պայմաններում այդ երկու գործերն իրարից բաժանվեն անմիջապես և ամբողջապես, ապա երկու գործի Համար էլ կառավարան շատ վնասակար Հետևանքներ: Ուստի առաջարկվում էր այդ բաժանումն առայժմ կատարել միայն կազմակերպորեն՝ երկու գործերի Համար ստեղծելով զատ-զատ մարմիններ, որոնցից ամեն մեկը իր սահմաններում կգործի ինքնուրույն, բայց իրար Հետ միացած կլինեն Ֆեդերատիվ կապերով: Ըստ որում, բանաձևի նախագիծը նախատեսում էր, որ առաջարկված Ֆեդերատիվ սկզբունքը կիրառվելու է ժամանակավորապես, իբրև միացման շրջան: Նախագծի տարբերիչ առանձնահատկություններից մեկն այն էր, որ նրա Հեղինակները շարժմանը օժանդակելու գործը դրել էին անկուսակցական Հողի վրա, այն դեպքում, երբ բաժանման կողմնակիցների մի մասն առաջարկում էր Կովկասում դասակարգային կովի մղողներին անջատել դաշնակցությունից, ըստ որում, Հ.Յ.Դ.-ն, իբրև զուտ Թուրքահայ կուսակցություն, շարունակելու էր մնալ Կովկասում իր ամբողջ մասսայով Հանդերձ:

Բանաձևի Իսահակյան-Շահխաթունյան նախագծի քննարկման ընթացքում դեմ արտահայտվեցին բժ. Զավրիյանը և Ռոստոմը: Վերջինս ասում էր.

«Այդ բանաձևը ես գտնում եմ անհետևողական: Եթե ընկերները գտնում են և Համոզված են, որ երկու դատերը չէ կարելի միացնել մի կուսակցության մեջ, այն ժամանակ լավ է, որ թողնեն դաշնակցությունը»: Ապա դիմելով բանաձևի Հեղինակներին՝ ասում է. «Դուք ուզում եք մնալ, որպեսզի մեր (կով-

¹ «Նյութեր...», Հատ. Գ, էջ 188:

² Նույն տեղում:

կասահայ:- Հ.Ա.) մասսաները գիտակցութեան բերք՝ նրանց ապագայում բաժանելու նպատակով. բայց ձեր այդ ցանկությունը իրագործեցեք՝ դաշնակցությունից դուրս: Մեկ անգամ ընդմիջտ որոշեցեք ձեր դիրքը դեպի կուսակցությունը»:

Այսպիսով, Ռոստոմը կտրականապես մերժում էր դաշնակցության Հիմնական սկզբունքներն ու երկու դատերի միացման խնդիրը վեճի առարկա դարձնելը:

Ա. Շահխաթունյանը, նորից ելույթ ունենալով, պնդում է իր տեսակետի վրա, ասելով. «Այդ դեպքում մենք ստիպուած կը լինենք Հեռանալ կուսակցությունից»²:

Այնուհետև բանաձևի իրենց նախագծերն են ներկայացնում Ա. Վրամյանը և Խ. Մալումյանը:

Իսահակյան-Շահխաթունյանի, Վրամյանի և Մալումյանի նախագծերը քվեարկության են դրվում: Իսահակյան-Շահխաթունյան բանաձևը ստանում է ընդամենը երկու ձայն, ձեռնպահ է մնում մեկ Հոգի, մնացած պատգամավորները դեմ են քվեարկում: Զի անցնում նաև Վրամյանի ներկայացրած բանաձևը: Չորս Հոգու ձեռնպահությամբ (Իսահակյան, Շահխաթունյան, Մալումյան, Վրացյան)՝ ժողովն ընդունում է Մալումյանի առաջարկած Հետևյալ բանաձևը.

«...1. Հետ մղել [կուսակցության] անջատման առաջարկը, 2. Երկու գործունեությունն էլ՝ վարել Հ.Յ.Դ.դաշնակցութեան դրոշակի և ղեկավարութեան ներքոյ»³:

Այսպիսով, հաղթեց Հայոց երկու դատերի միասնության սկզբունքը: Դա պատմական պահ էր ոչ միայն ընդհանուր ժողովի, այլև ողջ կուսակցության Համար: Դաշնակցությունը շարունակում էր փաստորեն մնալ նույնը, սահմանի այն կողմում Թուրքահայ վիլայեթներում այնտեղ վարելով գլխավորաբար քաղաքական պայքար, իսկ սահմանի այս կողմում ուղևահայ նահանգներում, նա պիտի տաներ առավելապես տնտեսական, ընկերային պայքար: Բանաձևի ընդունումը մի տուրք լինելով տաճկահայերի կողմից ուղևահայերին՝ միաժամանակ վերացում էր Հայերի մտքում այն սահմանագծի, որ բռնակալ կայսրությունների կողմից քաշված էր նույն ժողովրդի երկու Հատվածների միջև: Դաշնակցությունը չէր ուզում բաժան-բաժան տեսնել Հայությանը, երբ

¹ «Նյութեր...», Հատ. Գ, էջ 188:

² Նույն տեղում, էջ 189:

³ Ա. Վրացյանը վկայել է, թե «երբ ընկերավարության Հարցը դրվեց քվեարկության. Ավետիք Իսահակյանը եղավ սակավաթիվ պատգամավորներից մեկը, որ Հակասակ քվեարկեց» (Ա. Վրացյան, Կեանքի ուղիներով, Հատ. Բ, էջ 191): Սակայն ընդհանուր ժողովի Համապատասխան արձանագրությունը ցույց է տալիս, որ Ա. Իսահակյանը ոչ թե դեմ է քվեարկել Մալումյանի առաջարկած բանաձևին, այլ ձեռնպահ է մնացել:

⁴ Նկատի ունի Հ.Յ.Դ.-ի տաճկահայկական և կովկասյան գործունեությունը:

⁵ «Դրոշակ», N 5 (183), մայիս, 1907, էջ 70:

ահավոր վտանգ էր կախված նրա մի մասի ֆիզիկական գոյություն վրա:

«Հայ անկախության գաղափարը մերձավոր անցյալի մեջ» Հայտնի Հոդվածում Վահան Նավասարդյանն այդ առիթով գրել է, թե այդպիսով դաշնակցությունն իր գործի շրջանակների մեջ առավ նաև Ռուսաստանը, և դրանով իսկ ինքը փոխվեց որակով: «Թուրքահայ դատը փոխարինուեց Համահայկական դատով, իսկ Համահայկական դատը Կովկասի մեջ էլ ավելի շերտավորվեց և դարձավ Հայ աշխատավոր ժողովրդի դատ»¹:

Անդրանիկի, Սեպուհի, Մուրատի նման տաճկահայ անվանի ռազմիկները գլուխ խոնարհեցին նախազծական մեծամասնության կամքի առջև՝ միայն ու միայն իրենց պատկանած կազմակերպության ամբողջականությունը պահպանած լինելու մտահոգությամբ: Իրականում իրենց Հոգեբանությամբ նրանք մնացին կովկասյան գործունեության նույն Հակառակորդները:

Ի. Մարումյանի բանաձևն ընդունելուց Հետո Հանդես է գալիս Մաշուրյանը և առաջարկում մի լրացուցիչ բանաձև, ուր պատճառաբանված էր, թե ժողովն ինչու է Հետ մղում անջատման առաջարկը: Այդ լրացուցիչ փաստաթուղթը, որը քվեարկվում և ընդունվում է, ուներ հետևյալ բովանդակությունը.

«Ընդհանուր ժողովը լսելով ընկերներ Ծահաթունյանի և Իսահակյանի՝ տաճկահայ դատի անջատման և անկուսակցական Հոդի վրա դնելու զեկուցումները, գտնում է.

Ի նկատի ունենալով, որ Տաճկահայաստանում քաղաքական կռիվը երբեք չէ Հակասում սոցիալիստականին, այլ պատրաստում է վերջինիս Համար գործունեության լայն ասպարեզ, որ տաճկահայ ժողովրդի 90 տոկոսը կազմող աշխատավոր դասերի դատը անկուսակցական Հոդի վրա դնել կը նշանակե բուրժուազիայի ձեռքը տալ նրան, մեռցնել այդ դատը, և որ տարբեր քաղաքական ու տնտեսական պայմանների տակ ապրող Հայ մասսաների ներկայացուցիչները չեն կարող մի ընդհանուր ժողովում մշակել տարբեր միջավայրերի Համապատասխան և նրանց Համար մերձավոր ծրագրի ու տակտիկա այդ գործի Համար, - ուստի, Հիմնվելով դաշնակցութեան սկզբնական ծրագրի ոգու վրայ, այս ընդհանուր ժողովում պետք է մշակել յեղափոխական սոցիալիստական ծրագրի ընդհանուր մասը, Հիմնավորաձև պատմափոխության ուղի աշխարհայեացքով, իսկ մինիմում ծրագրին ու տակտիկական խնդիրները թողնել Համապատասխան երկրների ռալոնական ժողովներին»²:

Մաշուրյանի առաջարկած բանաձևին դեմ են քվեարկում Ծահաթունյանն ու Իսահակյանը, ձեռնպահ են մնում Սարգիս Մինասյանը և Միմոն Վրացյանը: Վերջինս իր բռնած դիրքը պատճառաբանում էր այսպես. «Համաձայն նախանշի շրջանային ժողովի դրած պայմանի, տաճկահայ և կովկասահայ դատերի Հարաբերության խնդրում քվեարկելիս մնում եմ ձեռնպահ: Իսկ

անձնապես կողմնակից եմ բաժանման բանաձևին»¹:

Բանաձևերի երկրորդ խումբը՝ վերաբերում էր տակտիկական խնդիրներին՝ ապստամբական ձեռնարկներ, տեոոր, Թուրքիայի Հայաբնակ վայրերում ինքնապաշտպանության գործ, արշավախմբեր, Կովկասի ինքնապաշտպանություն, ցուցական գործունեություն, նոր կազմակերպությունների ստեղծում Վերնայեների, Լեռնավայրի, Բաստի, Միմի շրջաններում, զինապայթուցիկ ձեռնարկներ:

Մանրամասն քննարկելով ապստամբական ձեռնարկների Հարցը՝ ժողովը որոշում ընդունեց, թե Թուրքահայաստանի ո՞ր վայրերում պետք է բռնկվեն ապստամբություններ, երբ տրվեր ընդհանուր ազդանշան: Նախատեսվում էր այդ վայրերում ստեղծել կուսակցության նոր կազմակերպություններ, իսկ ողջ Հայաստանի Համար՝ «Պատասխանատու մարմին»՝ նրան Հատկացնելով առանձին բյուջե: «Մարմինը» լինելու էր բոլոր գործերի կարգադրողն ու պատասխանատուն:

Գլխավոր վայրերի կազմակերպություններին Հանձնարարվում էր կատարել երկրի լայն ռազմական ուսումնասիրություն և պատրաստել ռազմական ծրագրերը՝ այս կամ այն պատահականությամբ դիմագրավելու Համար: Անակրեկալ պատահարների դեպքում «Մարմինը» կարող էր դիմել ակտիվ ձեռնարկների, նախօրոք ստանալով դաշնակցության խորհրդի Համաձայնությունը:

Լսելով տեոորի մասին ներկուսակցական զեկուցումը՝ բռնած վիճաբանություններից Հետո ընդունվեց բանաձև, որով թուլատրվում էր «քաղաքական սիստեմատիկ տեոոր», և այդ նպատակով անհրաժեշտ էր Համարվում կյանքի կոչել «Տեոորական գործոն կոմիտե», իսկ մինչ այդ պետք է ընտրվեր երեք ընկերներից բաղկացած մի ժամանակավոր Հանձնախումբ՝ կոմիտեի ստեղծման նախապատրաստական աշխատանքները կատարելու Համար:

Տեոորի մասին Հարցի քննարկման ժամանակ մի քանի կտրուկ պահանջներ առաջադրեց Արամ Մանուկյանը: Օրինակ՝ նիստերից մեկում նա բարձրացրեց երկրի եվրոպական Հյուպատոսների Հայ թարգմանիչների Հարցը, որ նրան բազմիցս զբաղեցրել էր Վասպուրականում: Օգտվելով իրենց դիրքից՝ այդ թարգմանիչներից շատերն իրենց անձնական շահերի օգտին շահագործում էին Հայ դատը: Բազմաթիվ դեպքերում նրանք յուրացնում էին նույնիսկ սովյալների Համար արտասահմանից ստացված նպաստը: Բայց առավել վտանգավորն այն էր, որ այդ թարգմանիչները Հայ Հեղափոխականների գործունեության մասին Հյուպատոսներին տալիս էին ճիշտ կամ նույնիսկ չափազանցված տվյալներ՝ դրանով իսկ մեծապես վնասելով Հայ դատի եվրոպական պրոպագանդային:

Ելույթ ունենալուց Հետո Արամը կազմեց մի գրավոր առաջարկ և ներկա-

¹ «Հայրենիք», N 4(16), փետրվար, 1924, էջ 83:

² «Նյութեր...», Հատ. Գ, էջ 190:

¹ «Նյութեր...», Հատ. Գ, էջ 190:

² «Իրոչակ», N 5 (183), մայիս, էջ 70-71:

յացրեց ժողովի դիմանին: Փաստաթուղթը ստորագրել էին նաև 13 ուրիշ պատգամավորներ: Այնտեղ ասված էր.

«Ընդհանուր ժողովը Հանձնարարում է Երկրի մարմիններին՝ ձեռք առնել նրանց՝ դեմ ամենախիստ միջոցներ՝ կանգ չառնելով նույնիսկ տեղորի առաջ»¹:

Հայ բնակչության ինքնապաշտպանության գործը Թուրքիայի Հայաբնակ վայրերում ամուր հիմքերի վրա դնելու համար ժողովն ընդունեց չորս կետերից բաղկացած մի բանաձև, որը նախատեսում էր՝ 1. Ինքնապաշտպանական խմբերը զինել տեղացիների նյութական միջոցներով, 2. Քայլեր ձեռնարկել զենքի շուկա ստեղծելու համար, 3. Ինքնապաշտպանական խմբերի ձեռք բերած զենքերը համարվում են Համայնական սեփականություն և պետք է գտնվեն դաշնակցության վերահսկողության տակ, գործադրվեն միայն նրա հրահանգներով, 4. Զինման գործը պետք է կատարվի աստիճանաբար, ինքնապաշտպանական խմբերի կազմության և դրանց անդամների զինվորական կրթության զարգացմանը զուգընթաց:

Բննելով արշավախմբերի խնդիրը՝ ժողովը Հանգեց Հետևյալ եզրակացության. 1. Եթե վարիչ մարմինները լրջորեն զբաղվեն դրանց անդամների զինման խնդիրներով, արշավախմբերն ապագայում նույնպես օգտակար կարող են լինել ազատագրական կռիվ մեջ, 2. Այդօրինակ գործողությունների համար, առանց վարձի, ստեղծել դաշնակցական նոր խմբեր՝ միլիցիական սկզբունքներով:

Լսելով համապատասխան զեկուցումներ Կովկասի Հայ բնակչության ինքնապաշտպանության ու զինման գործի մասին և ծավալելով վիճաբանություններ՝ ընդհանուր ժողովը որոշեց. 1. Կազմակերպության առաջիկա տակտիկայի մեջ ընդունել ցուցական գործունեությունը շարունակելու անհրաժեշտությունը, 2., 3., 4. Զգտել ապահովել Թուրքիայի ոչ Հայ ղեգոտ տարրերի գործակցությունը, 5.²:

Նկատելով, որ Հեղափոխական ձեռնարկների համար անհրաժեշտ է ունենալ շատ հմուտ արհեստավորներ զինա-պայթուցիկ³ և այլ հարակից արհեստների համար, ժողովն ընդունեց չորս կետից բանաձև:

Ընդհանուր ժողովի ընդունած բանաձևերի երրորդ խումբը վերաբերում էր այլ ուժերի Հետ կուսակցության համերաշխ գործակցությանը²:

Լսելով զեկուցում Թուրքիայի Հեղափոխական տարրերի Հետ համերաշխություն կայացնելու անհրաժեշտության մասին՝ ժողովն արձանագրում էր,

¹ Հայկական հարցը շահարկող Հայ Թարգմանիչներին:

² «Նյութեր...», հատ. Դ, էջ 26:

³ Բանաձևի 2,3,5 կետերը գաղտնագրված են եղել և չեն հրատարակվել: Չեն հրատարակվել նաև Վերնաշենի, Լեռնավայրի, Բաստի, Միմի չրջաններում Հ.Յ.Դ կազմակերպությունների ստեղծելու մասին ընդունած որոշումները:

⁴ «Զինա-պայթուցիկ» բանաձևի բոլոր չորս կետերը գաղտնագրված էին և չեն հրատարակվել:

⁵ «Իրոշակ», N 5(183), մայիս, էջ 72-74:

որ թուրք ժողովրդի մեջ ծայր առած հակակառավարական դժգոհությունները նպաստավոր պայմաններ են ստեղծում գործնական հողի վրա դնելու համար համերաշխության գաղափարի իրականացումը, «ինչ որ, դժբախտաբար, ցարդ չէ յաջողած դաշնակցութեան՝ հակառակ տարիներն է վեր ձեռք առած միջոցներուն, հակառակ իր ծրագրին և նախորդ իր ընդհանուր ժողովի որոշումներուն»: Ուստի Թուրքիայում գործող դաշնակցական մարմիններին հանձնարարվեց ամեն կերպ աջակցություն ցույց տալ թուրք ժողովրդի հակասութեանական ընդդիմադիր տարրերին՝ ռեժիմի դեմ իրենց կռիվ մեջ: Հայ և թուրք ընդդիմադիր ուժերի գործակցությունն այնպես պետք է կարգավորվեր և առաջ տարվեր, որ թուրք բողոքող և ըմբոստ տարրը պայքարի ասպարեզ իջներ և դրանով իսկ իշխանություններին զրկեր «ամբոխային կրոնամոլությունը Հայ ժողովրդի և Հայ յեղափոխութեան դեմ գրգռելու առիթն»:

Այս տեսակետներից ելնելով՝ կուսակցության մարմիններին հանձնարարվեց. 1. Ամեն կերպ աշխատել սկիզբ դնելու Հայ և թուրք ընդդիմադիրների համերաշխ գործակցության և այդ նպատակով առաջ բերել համերաշխության մարմիններ, 2. Նախապատրաստական բանակցություններ սկսել Հեղափոխական թուրք և կայսրության այլազգի ուրիշ տարրերի, նրանց խմբակցությունների Հետ, որոնց քաղաքական հայացքներն ու ձգտումները մոտ են դաշնակցության սկզբունքներին, թուրք ժողովրդի մեջ ամեն կերպ ուժ տալ հակասութեանական պրոպագանդային, 3. Բանի որ Թուրքիայում առանձին ազգություններն ունեն իրենց ինքնուրույն նպատակները և ընդհանուր թշնամու դեմ հանդես չեն գալիս միասնաբար, ուստի ձգտել կայսրության այլ ազգությունների Հեղափոխական կուսակցությունների և տարրերի մեջ առաջ բերել համերաշխության ոգի, կազմել ֆեդերատիվ սկզբունքի վրա հիմնված քաղաքական ծրագիր ունեցող ամուր դաշինք, որն ի վիճակի լինի ապահովել բոլոր ազգությունների իրավունքները: «Այս գաղափարի իրականացման համար առաջին պատեհությամբ իսկ հրավիրել համաժողով մը վերահիշյալ տարրերու մասնակցությամբ»: Առաջին անգամ դաշնակցությունը, հանձինս ժողովի այս բանաձևի, ամենայն հստակությամբ արձանագրում էր.

«Միևնոյն ատեն թուրքերու մեջ տարածված անհիմն թյուրիմացություններուն վերջ տալու համար, ժողովը պարտք կը համարի յայտարարել, որ դաշնակցությունը Թուրքիոյ մեջ ունեցած չէ և չունի անջատական ոչ մեկ ձեռք տուած, այլ իր նպատակն է եղած ազգերու կատարեալ հավասարություն, և տեղական լայն ինքնավարութեան սկզբունքի համաձայն՝ Հայկական վեց վիլայեթներու մեջ վարչական ինքնավարութեան հաստատումը, ինչ որ չը հակասեր մյուս ազգերու իրավունքին»:

Կովկասում 1905-1906թթ. տեղի ունեցած թուրք-հայկական ընդհարումների կապակցությամբ ժողովն ազդարարում էր, որ լցված է «խորագոյն վըշտով երկու իրողություն հանդեպ»: Նկատելով, որ այդ ժողովուրդների թշնամությունը «զգալապես վնասում է ընդհանուր յեղափոխութեան գործին», որ

ցարական կառավարությունը բոլորովին տրամադիր չէ հրաժարվել իր պառակտող քաղաքականությունից, որ թուրք անգիտակից ամբոխին հարստահարող բեկությունն ու հոգևորականությունը, մերթ իրենց շահերից դրդված, մերթ արտաքին քաղաքական պրոպագանդայի ազդեցությունն ունի, չարունակում են շահագործել զանգվածների տգիտությունն ու հակահայկական տրամադրությունները, ժողովն ընդունեց որոշում. 1. Հանձնարարել դաշնակցական բոլոր մարմիններին՝ գրավոր և բանավոր զորեղ համերաշխության պրոպագանդա մղել Կովկասի հայ և թուրք ժողովուրդների շրջանում, 2. Ջանք չխնայել թուրք մտավորականության միջոցով իր ժողովրդի շարքերում առաջ բերելու հեղափոխական կազմակերպություններ, «իբրև լավագույն միջոց՝ խլելու անգիտակից մասսաները մոլորեցնող թուրք տարրերի ազդեցությունից», 3. Հայ ժողովրդի բոլոր խավերի միջև հայածել այն մարմիններին ու անհատներին, որոնք «խուսքով թե գործով, հաճախ անգիտակցաբար, գրգռում են փոխադարձ ատելություն և առիթ տալիս թշնամության վերսկսման, 4. Աջակցել այն թուրք կազմակերպություններին, հրատարակություններին և անհատներին, որոնք ծառայում են երկու ժողովուրդների համերաշխությանը և մերձեցմանը, 5. Հայ և թուրք աշխատավորների միջև հաստատել հեղափոխական կապեր քաղաքներում և գյուղերում, միացյալ ուժերով կռիվ մղել երկու ժողովուրդների ազատագրությունը կասեցնող քաղաքական և տնտեսական գործունեների դեմ: «Այս հանձնարարման հետ միասին, - ասված էր բանաձևի եզրափակիչ պարբերության մեջ, - ընդհանուր ժողովը ջերմ հույս է տածում, որ հակառակ ընթացիկ դժվարությունների և լայնատարած յոռետեսության, այսօրվա ատելությունն ու պառակտումը կ'ընկճվին և տեղի կը տան միջազգային՝ այն համերաշխության, որը պիտի լինի ամենագորեղ պատվանդանը մեր ապագա կռվի ու երկու ժողովուրդների յեղափոխական յաղթանակին»:

Վրացիների հետ համերաշխ գործակցություն հաստատելու պահանջն ընդհանուր ժողովին մղել էր ընդունելու հատուկ բանաձև. «Գործակցություն վրացիների հետ» վերտառությամբ այդ բանաձևում ասված էր, որ դաշնակցությունը խորապես կողմնակից է հայերի և վրացիների միջև քաղաքական ներդաշնակ հարաբերությունների, որ երկու ժողովուրդները, որոնք միմյանց հետ կապված են հայրենիքով, քաղաքական և տնտեսական շահերով, «պետք է գործեն ձեռք ձեռքի տված, ներշնչված նույն տենչով և, հետևաբար, փոխադարձ անհամաձայնության և գժտության ամենափոքր նշանն անգամ պիտի նկատվի քաղաքական մեծ սխալ երկու ժողովուրդների համար»: Ընդհանուր ժողովը կուսակցության բոլոր մարմիններին և ընկերներին հրահանգում էր՝ «Իրենց հեղափոխական գործողությունների, ինչպես և գրավոր ու բանավոր պրոպագանդայի ընթացքում երբեք չմոռանալ այն սերտ կապը, որ պիտի լինի

* Նկատի ունի՝ ազգամիջյան:

վրացի և հայ աշխատավորների միջև, հանդեպ քաղաքական և տնտեսական այն կռվի, որով բռնկված է Անդրկովկասը»: Ժողովը դաշնակցության ղեկավար մարմիններին թելադրում էր «մոտիկից կապեր հաստատել և, ի հարկին, ձեռնարկներ անել վրաց ժողովրդի մեջ գոյություն ունեցող հեղափոխական և սոցիալիստական կուսակցությունների հետ»՝ դուրս չգալով, հարկավ, Հ.Յ.Դ. ծրագրի և տակտիկայի սահմաններից:

Շեշտելով իր այդ անվերապահ ցանկությունը՝ ժողովը միաժամանակ անկեղծ ցավով մատնանշում էր այն փաստը, որ վրացիների շրջանում գործող ամենախոշոր քաղաքական կազմակերպությունը՝ ՌՄԴԲԿ մաս կազմող վրաց մենչևիկների կուսակցությունը, հակառակ այն ուսմունքի (մաքսիզմի) ոգուն, որի դրոշակակիրն է փորձում ներկայանալ (Կովկասում), «իր գործեկերպով, որ հետո է շիտակությունից, և իր պրոպագանդայի ձևով, որ հաճախ շովինիզմի կնիք է կրում, փոխանակ նպաստելու երկու ժողովուրդների քաղաքական համերաշխ գործակցության, սերմանում է անօգուտ գրգռում, անվստահություն և նույնիսկ թշնամանք»:

Դաշնակցության մարմինները հանձնարարություն ստացան՝ չհետևել այդ վրաց կուսակցության գործելակերպին, չգործել նրա մեթոդներով, այլ անշեղ շարունակել քաղաքական շիտակ պայքարը, և, մերկացնելով հանդերձ այդ վրաց կազմակերպության գործունեությունը, միաժամանակ «անսասան և անհողողոզ առաջ տանել երկու հարևան ժողովուրդների ներդաշնակ գործակցության աշխատանքը, միշտ հավատարիմ սոցիալիզմի և համերաշխության հիմնական պահանջներին»:

Այնուհետև ընդունվեցին բանաձևեր Կովկասի և ուսական կայսրության սոցիալիստական կուսակցությունների հետ գործակցության, ինչպես նաև միջկուսակցական իրավարար ատյան ստեղծելու մասին:

Առաջին բանաձևով դաշնակցության կովկասյան մարմիններին հանձնարարվեց ձգտել գործակցություն առաջ բերել սոցիալիստական և հեղափոխական այն կուսակցությունների և կազմակերպությունների միջև, որոնց դավանանքը և գործելակերպը մոտ է դաշնակցությանը: Ավելին, չէր բացառվում գործակցությունը նաև Կովկասում գործող սոցիալիստական այն կուսակցությունների և կազմակերպությունների հետ, որոնք հակառակորդ էին դաշնակցությանը, նույնիսկ սոցիալ-դեմոկրատների հետ, որոնք ամենից ավելի էին պայքարում դաշնակցության դեմ:

«Սոցիալիստական ու հեղափոխական բոլոր ուժերը պետք է միանան, - գրում էր «Դրոշակը». - այդ է մեզ համար ժամանակի չափազանց ստիպողական պահանջը: Երբ բովանդակ սոցիալիստական մարդկությունը երկրագնդի բոլոր անկյուններում բարձրաձայն գոչում է՝ «Պրոլետարներ բոլոր երկրների, միացե՛ք» - մենք՝ կովկասյան սոցիալիստներս, ոճիր կը գործենք ընդդեմ մարդկութեան, եթե շարունակենք պառակտումի, թշնամութեան որոմը ցանել

մեր երկրի պրոլետարների ու նրանց թարգման կուսակցությունների միջև»¹։

Երկրորդ բանաձևով նախատեսվում էր սովյալ շրջանի դաշնակցության պատասխանատու մարմնի ջանքերով չեզոք ու ձեռնհաս անձերից կազմել միջկուսակցական իրավարար ասոցիացիաներ, որոնց որոշումները պետք է պարտադիր լինեին գործակցության մեջ մտած կազմակերպությունների և մարմինների համար։ Ասոցիացիաների կազմության մանրամասների մշակումը թողնվում էր ուսյունական ժողովներին։

Ապա ընդհանուր ժողովն անցավ Հնչակյան կուսակցության Փարիզի կենտրոնական վարչությունից ստացված դիմումի առիթով ներկայացված բանաձևի քննարկմանը։

Նշենք, որ Հնչակյան հիշյալ կենտրոնը, այսինքն՝ կուսակցության վերին մարմինը, դիմել էր Հ.Յ.Գ. ընդհանուր ժողովին՝ առաջարկելով գումարել Հայ Հեղափոխական կուսակցությունների կոնգրես և համերաշխաբար գործելու նպատակով այնտեղ կազմել միջկուսակցական ասոցիացիան։ Քննարկելով Հնչակյան կենտրոնի դիմումը՝ ժողովն ընդունեց համապատասխան բանաձև։

Նկատելով, որ դաշնակցության և Հնչակյան Հեղափոխական կուսակցությունների միջև համերաշխ գործակցությունը Հնարավոր է միայն այն դեպքում, «երբ Հնչակյան տեղական մարմիններն իրենց առօրյա ընթացքով և հեղափոխական գործունեությամբ վստահություն կենթադրեն դաշնակցական տեղական մարմիններին», նկատելով, որ կուսակցական հողի վրա շարունակվում են ընդհարումներն իրենց ցավալի հետևանքներով, ընդունելով, որ Հայ Հեղափոխական կուսակցությունների կոնգրեսի հրավերման հարցը իմաստ չունի, քանզի Երկրում, բացի դաշնակցական մարմիններից, գոյություն չունեն ճշմարիտ և այլ Հեղափոխական մարմիններ, ընդհանուր ժողովը որոշեց. «ա) Հայ Հեղափոխական կուսակցությունների կոնգրեսի հրավերումը ներկայումս համարել վաղաժամ, բ) Միջկուսակցական ասոցիացիան առաջարկն ընդունել (համաձայն ներկա ժողովի նախորդ որոշման)»։

Միաժամանակ ժողովը գտնում էր, որ ապագայում բացառված չէ Հայ Հեղափոխական կուսակցությունների համատեղ կոնգրեսի հրավերումը և նրանց միջև համերաշխ գործակցության ստեղծումը, եթե առաջ գան անհրաժեշտ պայմաններ։

Շեշտվում էր նաև այն հանգամանքը, որ այլևայլ Հեղափոխական կազմակերպություններին պատկանող՝ Հեղափոխական-ազատագրական պայքարի գործին նվիրված վստահելի անհատների ու խմբերի հետ ընդհանուր թշնամու դեմ (մանավանդ Երկրում) «Համերաշխ կռիվ մղելը եղել է և այժմ էլ պետք է լինի դաշնակցության բաղձանքը և ձգտումը»։ Հետևապես ժողովը Հանձնա-

րարում էր բոլոր մարմիններին՝ «ամեն կերպ խույս տալ [միջ]կուսակցական ընդհարումներից և ծագող վեճերն ու թյուրիմացությունները լուծել հիշատակված միջկուսակցական ասոցիացիայի միջոցով»։

Ընդունված բանաձևերի չորրորդ խումբը վերաբերում էր առաջիկա ժամանակաշրջանում դաշնակցության պրոպագանդիստական գործունեությանը¹։

Ժողովը կուսակցության ղեկավար մարմիններին հանձնարարել էր առաջիկայում ուժեղին կերպով առաջ մղել պրոպագանդայի գործն ըստ առանձին տարածաշրջանների՝ Եվրոպա, Ռուսաստան, Կովկաս, Թուրքահայաստան, ամեն կոնկրետ դեպքում հաշվի առնել տեղական առանձնահատկությունները²։

Կուսակցության պաշտոնական կենտրոնական օրգան «Իրոշակի» նկատմամբ աճած պահանջներից ելնելով՝ ժողովը պարբերականի խմբագրությանը խորհուրդ էր տալիս անհրաժեշտության դեպքում «Իրոշակի» լույս ընծայել ավելի մեծ ծավալով և ի հարկին անել հավելվածներ։ Պարբերականի գործունեության մեջ կարևորվում էր տնտեսական խնդիրների ավելի լայն ու խոր արծարծումը։ Նկատի առնելով, որ մամուլի համար Անդրկովկասում համեմատաբար տանելի պայմաններ էին ստեղծվել, անհրաժեշտ համարվեց Հայերեն բրոյուրների հրատարակությունը ժնևում սահմանափակել և դրանց տպագրությունը հիմնականում կազմակերպել Կովկասում։ Որոշվեց Հայկական հարցի պրոպագանդան ուժեղացնելու համար եվրոպական զանազան լեզուներով հրատարակել թուրքահայ և կովկասահայ Հեղափոխական շարժումներին նվիրված գրքույկներ, ինչպես նաև թուրքերեն, քրդերեն, պարսկերեն և այլ լեզուներով ստեղծել, տպագրել ու տարածել բրոյուրներ՝ տարածաշրջանում Հայերի հետ ապրող այլևայլ ժողովուրդների համերաշխությանը և մերձեցմանը նպաստելու համար։

Հատկապես կարևոր նշանակություն էր տրվում Կովկասում դաշնակցական նոր հրատարակությունների հիմնմանը (կովկասյան շրջանի համար մի օրաթերթ, մի ամսագիր, մի ուսանքան թերթ)։ Անհրաժեշտ համարվեց ընդլայ-

¹ Ինչպես տեսնում ենք, Հ.Յ.Գ. չորրորդ ընդհանուր ժողովը կտրականապես մերժել էր Հնչակյան կուսակցության հետ դաշնակցության գործակցության և փոխադարձ աջակցության հնարավորությունը Հայ ժողովրդի համար ճակատագրական մի ժամանակահատվածում։ Մեր կարծիքով, դա ժողովի կողմից թույլ տված կոպիտ սխալն էր։ Երբ ընդունվում էին հեռու և մոտիկ օտար, այդ թվում թուրք, քաղաքական այլևայլ կազմակերպությունների հետ համերաշխությունը հաստատելու անհրաժեշտության մասին բանաձևեր և միաժամանակ մերժվում էր նույնքան (եթե ոչ ավելի) Հեղափոխական մի Հայ կուսակցության հետ ոչ միայն ամուր դաշինք կազմելու, այլ նույնիսկ գործակցելու առաջարկը, ապա դա, անշուշտ, մեղծ ասած, չէր բխում Հայ ժողովրդի ազատագրական շարժման շահերից։ Ժողովում բանաձևի ընդունումից հետո նոր ուժով բորբոքվեցին Հնչակ-դաշնակ Հակասությունները, էլ ավելի սաստկացան եղբայրասպան ընդհարումները, եղան բազմաթիվ նոր անիմաստ զոհեր։ Ակամայից շուր էր լցվել ընդհանուր թշնամու ջրաղացին։

² «Իրոշակի», N 5 (183), մայիս, 1907, էջ 74-75։
³ Հետ տարածաշրջանների ընդհանուր ժողովի կողմից Հ.Յ.Գ. մարմիններին տված կոնկրետ հանձնարարականները չեն հրատարակվել։

¹ «Իրոշակի», N 8 (185), օգոստոս, 1906, էջ 106։
² Տվյալ դեպքում «Երկիր» ասելով բանաձևը, հավանաբար, նկատի ունենալով Կասպուրականը և Դուրան-Բարձրավանդակը։

նել Թիֆլիսում լույս տեսնող «Յառաջ» թերթի գրադարանի Հրատարակչությունը՝ Հատուկ ուշադրություն դարձնելով թուրքահայ դատի և Երկրի սոցիալ - տնտեսական ուսումնասիրության վերաբերյալ աշխատությունների ստեղծման և տպագրման խնդրին:

Կազմակերպական Հարցերին վերաբերող ընդհանուր ժողովի ընդունած բանաձևերի Հինգերորդ խմբում կարևորվում էր այն բանաձևը, որով հավանություն էր տրվում ու Հաստատվում Հ.Յ.Գ. Շամի (Վասպուրականի) կազմակերպությունից անջատված ընկերների և առաջին Հերթին Նիկոլ Պողոսյանի (Վանա Իշխան) առաջարկը՝ Հ.Յ.Գ. Լեոնապարի առանձին կենտրոնական կոմիտե ստեղծելու և նրան դրամական անհրաժեշտ միջոցներ հատկացնելու մասին:

Իր նշանակությամբ Հատկապես Հրատապ էր բռնի հանգանակությունն արմատախիչ անելու մասին բանաձևը: Այս հարցի մասին տված զեկուցումը լսելուց Հետո և ծավալված բուռն վիճարանությունների արդյունքում ժողովը վերահաստատեց բռնի հանգանակությունը՝ Հ.Յ.Գ. նախորդ ընդհանուր ժողովի տված գնահատականը՝ «բացարձակ չարիք»: Հ.Յ.Գ. երրորդ ընդհանուր ժողովից (1904թ.) Հետո դաշնակցության խորհուրդը նույնպես խստորեն դատապարտել էր բռնի հանգանակությունը և կարգադրել դադարեցնել այն, նկատի առնելով, որ նման գործողությունները Հասարակական լայն խավերում առաջ են բերում բարոյալքում և Հակահեղափոխական Հետևանքներ:

Ելնելով այդ ամենից՝ ժողովն ընդունեց Հետևյալ որոշումը. 1. Հանգանակության գործում իսպառ արգելել բռնի միջոցների գործածությունը, 2. Ամենախիստ պատասխանատվության ենթարկել դաշնակցության այն անդամներին և մարմիններին, որոնք կարունակեն դիմել բռնի միջոցների, 3. Ազդու միջոցներ ձեռք առնել վերջ տալու այն բռնի հանգանակությունները, որ կազմակերպության անուկից գաղտնի կամ խարդախ միջոցներով կատարում են այլևայլ բախտախնդիրներ:

Այնուհետև ժողովն ընդունեց միջազգային սոցիալիստական բյուրոյի Հետ Հարաբերությունների, Պարսկաստանի շրջանում տարվող քաղաքականության, Հ.Յ.Գ. առաջիկա ընդհանուր ժողով Հրավիրելու, գաղութներում տարվելիք աշխատանքների, Քր. Միքայելյանի ընտանիքին օգնություն ցույց տալու մասին՝ բանաձևերը, անդրադարձավ Թուրքահայաստանի ուսումնասիր-

ման ուղղությամբ տարվելիք աշխատանքներին:

Վերջինիս կապակցությամբ որոշում ընդունվեց՝ Երկրում տարվելիք ուսումնասիրությունը (գլխավորապես վիճակագրական և ռազմահեղափոխական տեսակետից) դնել ավելի լայն ու գիտական հիմքերի վրա, աշակցել, որպեսզի Հենց Երկրի Հ.Յ.Գ. մարմինները և դաշնակցական ձեռնհաս ընկերները կատարեն վիճակագրական, ազգագրական, տնտեսագիտական և քաղաքական ուսումնասիրություններ, բոլոր միջոցներով նպաստել, որպեսզի, որքան հնարավոր է, մեծ թվով մտավորական ընկերներ մտնեն Երկիր և, որքան կարելի է, շատ տեղեկություններ հայթայթեն ժողովրդի կյանքի ու կացության վերաբերյալ: Անհրաժեշտ համարվեց կատարվելիք ուսումնասիրությունների արդյունքում պատրաստել Հայկական գալուստների մանրամասն ու մեծադիր քարտեզ: Որոշվեց նաև ստեղծել մի Հատուկ մարմին՝ «Ուսումնասիրող մարմին» անունով, որը և պետք է ղեկավարեր Երկրի ուսումնասիրման ուղղությամբ տարվելիք բոլոր աշխատանքները:

Ընդհանուր ժողովի ընդունած մյուս բանաձևերի խումբը վերաբերում էր կարգապահական Հարցերին (վեցերորդ խումբ):

Այս խմբի բանաձևերից մեկը վերաբերում էր ստացված տեղեկագրերին և անհատական դիմումներին ընթացք տալուն: Այդ կապակցությամբ ժողովը կուսակցական տեղական մարմիններին Հանձնարարեց անհապաղ ընթացք տալ բնակչությունից ստացված բոլոր դիմումներին, գանգատներին ու բողոքներին, պատասխանատվության կանչել այն բոլոր դաշնակցականներին - զինվոր, պրոպագանդիստ, Հայդուկ, կազմակերպիչ - որոնք իրենց քայլերով առիթ են տալիս արդար բողոքների: «Ընդհանուր ժողովը լիահույս է, - ասված էր բանաձևում, - որ իր այս Հրահանգի ճիշտ կիրառությամբ կարելի պիտի լինի արմատախիչ անել կուսակցության անվան Հետ, Հաճախ անհիմն կերպով, կապվող գեղձումները, և ներշնչել Հայ ժողովրդի բոլոր խավերին այն գիտակից վստահությունը, որ միշտ վայելել է դաշնակցությունը ոչ միայն կողմնակիցների, այլև ազնիվ Հակառակորդների կողմից»:

Կարևոր էր ցուցական մարմնի գործունեության բանաձևը՝ կապված Քր. Միքայելյանի նահատակության և սուլթան Համիդի դեմ կազմակերպված տեռորի անհաջողության Հետ:

Ապացուցված Համարելով ցուցականի խիստ թերացումը ընկերական պար-

* Քր. Միքայելյանը չունեցավ ընտանեկան երջանկություն: Նա ամուսնացել էր գեղեցիկ արտաքինով մի ուսուցիչի՝ Եվգենյա Կոնստանտինովնայի Հետ: Սա եղել էր անձնվեր Հեղափոխական և ժամանակին գործել էր "Народная Воля" կազմակերպության շարքերում: Եվգենյան, սակայն, չկարողացավ համակերպվել իր ամուսնու կյանքի կերպին, բաժանել նրա Հոգսերը, սատար կանգնել Հեղափոխական առաջնորդի շանքերին: Արտասահմանում Քրիստափորի ընտանիքի նյութական ծանր վիճակը ավելի չար էր դարձրել կնոջը: Երկար տարիներ ապրելով Հայկական միջավայրում (Հատկապես Թիֆլիսյան շրջանում)՝ Եվգենյան չէր ձգտել քիչ թե շատ սովորել Հայերեն: Դա պատահական չէր, քանի որ նա ընդհանրապես անտարբեր էր այն ամենի Հանդեպ, ինչ Հայկական էր: Լինելով ուսու Հայրենասեր՝ նրան միանգամայն խորթ էր Հայոց դատը և երբեք չէր թաքցնում դա: Միքայելյանների

միակ գավակը՝ Ռուբենը, մոր դաստիարակության ազդեցությամբ, նույնպես Հեռու մնաց Հայությունից. նրան խորթ էին Հայ ազգային սովորույթներն ու կենցաղը. խուսափեց սովորել Հայերեն: Այդ ամենը դառնություն էր պատճառում Քրիստափորին, բայց նա մեծ համբերությամբ կրում էր իրեն բաժին ընկած բախտը: Ի վերջո, ամուսնու մահից Հետո, Եվգենյա Կոնստանտինովնան որդու Հետ մեկնեց Մոսկվա և մշտական բնակություն Հաստատեց այնտեղ, ուր և Ռուբենին ամուսնացրեց մի ուսուցիչի Հետ: Քրիստափորի ընտանիքն ընդմիջտ Հեռացավ Հայ Հորիզոնից (տե՛ս Միք. Վարանցյանի «Քրիստափոր Միքայելյան» Հուշագրությունը - «Նորք» (Երևան) Հանդես, N 8-9. 1991, էջ 99-100): «Իրոշակ», N 5 (183), մայիս. 1907, էջ 77-78:

տականությունների կատարման մեջ, նրա անդամների անձնավորության պակասը և անձամբ Սաֆոյի մեղքը ձեռնարկի անհանդուրժյան մեջ՝ ընդհանուր ժողովը վճռեց. 1. Մեղավորներին ենթարկել ընկերային-բարոյական դատապարտման, 2. Ցուցական մարմնի անդամ Սաֆոյին իսպառ արտաքսել Հ.Յ. դաշնակցությունից և այդ մասին հայտարարել պաշտոնական օրգանի մեջ՝:

Ընելով «Վարդոյի գործի» համար կազմված դատական հանձնաժողովի մանրամասն զեկուցումը՝ ժողովն ընդունեց համապատասխան բանաձև: Նկատելով, որ՝ 1. Պաշտոնական թե անպաշտոն բազմաթիվ փաստաթղթեր հաստատում են «Շարժում» թերթի խմբագիր Վարդ Պատրիկյանի (Վարդոյի) կողմից իր անձնական պետքերի համար կուսակցության բյուջեից մեծ չափերի հասնող գումարների յուրացումը, 2. Վարդոն իր «բոլոր անմաքուր գործերը... էքսմոնելու համար հանրային կարծիքին առջև» դիմել է ամեն կարգի միջոցների՝ ջանալով արատավորել դաշնակցությունը, ընդհանուր ժողովը որոշեց. ա) Արևմտյան բյուրոյի միջոցով պահանջել, որ Վարդոն յուրացրած 12 112 ֆրանկ գումարը վճարե՝ յայտարարելն 15 օրվայ ընթացքի մեջ, բ) «Կորուշակի» մեջ յայտարարել Վարդոյի վերջնական արտաքսումը դաշնակցութենեն՝ իբրև զեղծարար-յեղափոխությունը արատավորող և անբարոյական անձնավորություն»:

* Կուսակցությունից վտարվելուց հետո Սաֆոն զբաղվում էր գանձազան մանր-մուկ գործերով: Նրա հայրենակից Արտաշես Զիլինգարյանը (Ռուբեն Դարբինյան) իր «Կեանքիս գլուխը» (փշրանքներ իմ յուշերեն) հուշագրության մեջ պատմում է, թե ինչպես շատ տարիներ անց, 1919-ին, Օդեսայում ինքը պատահաբար հանդիպել է իր վաղեմի բարեկամ և ակնավոր դաշնակցական Սաֆոյին, որի հետ ջերմորեն կապված է եղել պատանեկության տարիներին: «Լինելով հիմնագիրներից մեկը նա իրականություն ամենահայտնի քաղաքական կազմակերպության, - վերհիշել է Զիլինգարյանը - ճակատագրի մի դրաման հարվածով նա դուրս էր նետված ոչ միայն այդ կուսակցությունից, այլև՝ հասարակական փոփոխական շատ սովորական ու քաղքենի կյանքով»: Զիլինգարյանի այն հարցումին, թե ինչ է անում այժմ, Սաֆոն դառնություն պատասխանել էր. «...Յուզ եմ ծախում, արևածաղկի յուղ»: Այս սկսում է պատմել առևտրական նպատակով Եվրոպայում կատարած իր ճամփորդությունների մասին: Այնտեղ եմ անցնում էի այն տեղերով, ասում էր նա, «ուր գնացել էի ուրիշ առաքելություններ, ուրիշ տեղեր անցնում էի... ու երբ մտածում էի իմ ներկա կյանքի մասին, այնքան ծիծաղելի էր թվում ինձ այն»: Սաֆոյի հետ իր հանդիպման հուշը այսպես է եզրափակել Ա. Զիլինգարյանը. «Ասում էր և կրկնում՝ «յուզ եմ ծախում», բայց իր հոգին, իր հայացքը ուղղված էր դեպի այլ կողմ, դեպի հեռուն, դեպի իր փոփոխված հեղափոխական անցյալը...» («Հայրենիք», N 12 (394), դեկտեմբեր, 1958, էջ 15-16): Իր հերթին Սիմոն Վրացյանը վկայում է, որ կուսակցությունից վտարվելուց հետո Սաֆոն, ընդմիջում հետևանքով հասարակական ասպարեզից, երբեք հանդես չենկալ դաշնակցության դեմ: 1919թ. Հ.Յ.Դ. 9-րդ ընդհանուր ժողովը (Երևան) նրան իրավունք տվեց վերադառնալու կուսակցության շարքերը, բայց նա այլևս չվերադարձավ (տե՛ս Ս. Վրացյանի, Կեանքի ուղիներով, Հատ. Բ, էջ 96-97):

** 1907թ. նոյեմբերի 22-ին Վարդոն սպանվեց Ռուչչուկում (Բուլղարիա), երբ պատրաստվում էր ընտանիքով տեղափոխվել Եվրոպա (տե՛ս «Աշակ», N 183, 15 դեկտեմբերի 1907թ.): Վարդոյի սպանությունից մասին տե՛ս նաև «Անկախ մամուլ» (Թիֆլիս), N 9, 11 դեկտեմբերի 1907թ.: Հարկ է նշել, որ Վարդ Պատրիկյանը վեճակնապես ծխում էր իր դեմ հարուցած մեղադրանքները, հատկապես դրամական զեղծումների վերաբերյալ: Հ.Յ.Դ.

Մի ուրիշ բանաձևով ընդհանուր ժողովը դատապարտեց և կուսակցությունից հեռացրեց Հ.Յ.Դ. Զրաբերդի (Կարս) չրջանի մի խումբ դաշնակցական մարտիկների՝ բնակչության նկատմամբ կատարած բռնությունների, ավարառությունների համար:

Ընդհանուր ժողովի այս կարգի բանաձևերի թվում իր նշանակությամբ հատկապես առանձնանում էր «Ժամանակավոր զինվորական խորհրդի մասին» (կամ «Միհրանական խմբի մասին») բանաձևը:

Քննիչ Հանձնաժողովը, հիմնվելով ընդհանուր ժողովում եղած պաշտոնական զեկուցումների և նույն ժողովի դիվանում եղած գրավոր փաստաթղթերի վրա, խնդիրը մանրամասն քննելուց հետո եկել էր հետևյալ եզրակացության.

1. «Ժամանակավոր զինուորական խորհուրդ» անուն կրող մարմինը Հ.Յ.դաշնակցութեան մեջ կազմակերպուած է ապօրինի ճանապարհով:

2. Այդ ապօրինի մարմինը չինել և գործ է անել կեղծ կնիք Հ.Յ.դաշնակցութեան անունով:

3. Հրատարակել է Հ.Յ.դաշնակցութեան անունից մի շարք թուղթիկներ և յատուկ ամբաստանագրեր՝ ջանալով ամենաստոր գրպարտություններով արատավորել Հ.Յ.դաշնակցութեան 1904-ի ընդհանուր ժողովի կողմից ընտրուած մարմինները:

4. Տաճկահայ դատի պաշտպանութեան պատրուակով երևան գալով և նրա անունը շահագործելով՝ բուրժուական և հակադաշնակցական այլ մութ տարրերի ձեռքը գործիք է եղել կազմակերպութեան դեմ և որոշ չափով վարկաբեկել է այդ դատը՝ Հայ Հասարակութեան առաջ:

5. Կազմակերպելով «Զինուորական խորհուրդ» խումբը՝ նպատակ է ունեցել յայտարարել զինուորական դիկտատուրա և բռնի միջոցներով իր ձեռք աննել կուսակցութեան վարչական գործը, դրամը, կայքը, Թիֆլիսի խմբագրությունը և այլն:

6. Ցուրացրած է կազմակերպութեան մի քանի զենքերը:

7. Գործիք է դարձել իշխանութեան ձեռքին և գտնվում է գաղտնի ոստիկանութեան յատուկ հովանավորութեան ներքոյ:

8. Ապօրինի այդ մարմնի գործունեությունը անպայման ու աներկդիմի կերպով պարսպի է արժանացել դաշնակցութեան բոլոր մարմինների և գոր-

Բակլանի կազմակերպության անդամների մի մասը նույնպես Վարդոյի նկատմամբ հարուցված մեղադրանքը համարում էր չհիմնավորված: Մատենադարանում պահպանվում է Վարդ Պատրիկյանի 121 էջից բաղկացած «Տասր տարի Հայ Յեղ. Դաշնակցութեան մեջ: Պատմական ակնարկ այդ կազմակերպութեան անցնալի և ներկալի ու եզրակացություններ ապագայի մասին» անտիպ բացատրությունը, որ նա գրել է 1906 թվականին (տե՛ս Մատենադարան, մատյան 85՝, Արշակ Ալպոյաճյանի արխիվ, թղթ. 39, փաթ. 3³⁴): Վավերագրում գտնելված է Վարդ Պատրիկյանի դատեր՝ նվարդի ձեռագիր առաջաբանը՝ գրված Հոր սպանության 30-ամյակի օրը՝ 1937թ. նոյեմբերի 22-ին, Կահիրեում: Առաջաբանում այդ սպանությունը նա որակում է, որպես «աներևակայելի ոճիր» (տե՛ս նշված վավերագիրը, թերթ 1):

ծիչ ընկերների կողմից (Երկրի, Ռուսաստանի և արտասահմանի):

9. «Ժամանակավոր զինուորական խորհուրդ» անուան տակ միացած ուժերու գործունեությունը ոչ միայն խուլիզանական շարժում է, ունենալով նեցուկ բուրժուական հակայնդափոխական մի խմբակ և ուսուստիկանությունը, այլ մի ստոր դավաճանություն մասնավորապես տաճկահայ դատին, որի անունն էր շահագործում»:

Խմբապետ Միհրանին և նրա ընկերներին պատժելու համար ժողովն իր 86-րդ նիստում (ապրիլի 16) ձեռնարկում է բանաձևի երկու նախագծերի քննարկումը, որոնցից մեկի հեղինակը Արամն էր, մյուսինը՝ Խաչատուր Մալումյանը: Արամի առաջարկած նախագիծը հետևյալն էր.

«Զինուորական խորհրդին և նրան կից եղած զեղծարար ոճրագործներին դատել ընդհանուր ժողովից ընտրուած մի յատուկ մարմնի միջոցով: Որոշումները իրագործել և յայտարարել ընդհանուր ժողովի անունից՝ յատուկ մարմնի ձեռքով»²:

Բանաձևի՝ Արամի նախագիծը քվեարկության դրվեց և մերժվեց: Քվեարկության արդյունքները ցույց տվեցին, որ ժողովը հակված չէ իր վրա վերցնելու դատական ֆունկցիաներ:

Այնուհետև քննարկման դրվեց Մալումյանի նախագիծը, որի հիմքում ընկած էր քննիչ Հանձնաժողովի եզրակացությունը: Քվեարկության արդյունքով (26 կողմ և մեկ ձեռնպահ) ընդունվեց Մալումյանի առաջարկած հետևյալ բանաձևը.

«Ներկայացրած փաստերի հիման վրայ ժողովը որոշեց.

1. Համարել Միհրանի և «Զինուորական խորհրդի» մյուս գործակից անդամների վարմունքը ծանր յանցանք կազմակերպութեան և նրա պաշտպանած տաճկահայ դատի դեմ, և այդ հիման վրայ ճանաչել նրանց խպառ արտաքրսուած դաշնակցութեան շարքերից:

2. Յանձնել պատշաճ մարմին՝ կազմակերպական կանոններով նախատեսուած պատժի ենթարկել Միհրանին և իր գործակիցներին: Հրատարակել այդ որոշումը պաշտոնական օրգանի մեջ:

3.:

4. Հրավիրել դաշնակցական իրավասու մարմինների ուշադրությունն այն հանգամանքի վրայ, որ ապագայում այդ տեսակ անձինք պետք է անյապաղ ենթակուեն «Կանոնագրով» նախորոշուած պատասխանատուութեան, առանց սպասելու և բերելու այդօրինակ խնդիրները ընդհանուր ժողովին»³:

Եվ այսպես, Հ.Յ.Դ. ընդհանուր ժողովը տվեց միհրանական շարժման գնա-

¹ «Նյութեր...», հատ. Գ, էջ 311-312:

² Նույն տեղում, էջ 312:

³ Երրորդ կետը չէր հրապարակվել. բայց դրա բովանդակության մասին իմանում ենք 85-րդ նիստի արձանագրությունից (տե՛ս «Նյութեր...», հատ. Գ, էջ 243):

⁴ «Նյութեր...», հատ. Գ, էջ 312:

հատականը և նրա ղեկավարների նկատմամբ կայացրեց խստագույն վճիռ՝

Վերջապես, ժողովի ընդունած բանաձևերի վերջին՝ յոթերորդ խումբը վերաբերում էր հաշվական խնդիրներին, որոնք հրապարակման ենթակա չէին: Շատ տարիներ հետո միայն հրապարակվեցին 1904թ. մայիսի 1-ից մինչև 1906թ. դեկտեմբերի 31-ն ընկած ժամանակաշրջանի ֆինանսական հաշվեկռի տվյալները, որից իմանում ենք, որ այդ ընթացքում Հ.Յ.Դ. արևմտյան բյուրոն և «Դրոշակի» խմբագրությունը ունեցել են 528 393 ֆրանկ մուտք և նույնքան ելք: Այդ գումարից ցուցական մարմնին տրամադրվել էր 119 614 ֆրանկ, Վասպուրականին՝ 23 087, Մուշ-Սասունին՝ 35 005, «Պոստովին» գրահանավի նավաստիներին՝ 1000 ֆրանկ:

Մի առանձին խումբ էին կազմում կուսակցության նոր ծրագիրը և առաջին կանոնագիրը (կանոնադրությունը):

«Կովկասյան նախագիծն» իր ծավալուն շարադրանքով և նշանակությամբ հնարավոր չէր մեխանիկորեն տեղադրել Հ.Յ.Դ. ծրագրի շրջանակների մեջ, հետևաբար գործնականորեն բացառված էր եղած ծրագրի բարեփոխումը և այն հասարակական նոր իրողություններին համապատասխանեցնելը: Ուստի ընդհանուր ժողովը նպատակահարմար գտավ մշակել նոր ծրագիր, որի մեջ արտացոլվեին «Կովկասյան նախագիծում» բանաձևված հիմնական գաղափարներն ու պահանջները:

Հ.Յ.Դ. նոր (երկրորդ) ծրագիրը մշակելու համար ընդհանուր ժողովի 93, 95, 97 և 98-րդ նիստերում քննարկվել էին դրա հիմնական ուղղություններն ու հարցադրումները: Գլխավոր հարցերը պատվում էին տնտեսական, ազգային, քաղաքական, ինչպես և ֆեդերացիայի ու դաշնակցության նպատակի նվազագույն պահանջների շուրջ: Այդ հարցերի քննարկումը վերջացնելուց հետո, ծրագրի տարբեր պահանջների վերաբերյալ բանաձևեր էին ներկայացրել Ե. Թոփչյանը («Հասարակական հողովույթը, կապիտալիզմի զարգացումը և անհատի դերը»), Ս. Զավարյանը («Ազգային և կուլտուրական իրավունքների խնդիրը»), Արշ. Իսահակյանը («Տնտեսական-հասարակական զարգացման փուլերը»), Ա. Շահխաթունյանը («Հավելյալ արժեքի սկզբունքը»), Խ. Մալումյանը («Դաշնակցության սոցիալիստական նպատակը և հեղափոխական տակտիկը. մեր նվազագույն պահանջները»), Հ. Օհանջանյանը («Դաշնակցության պատմափիլիսոփայության սկզբունքները»), Ա. Ահարոնյանը («Ազգային կուլի

⁵ Նշենք, որ Միհրանի և նրա գլխավորած շարժման մասին քննիչ Հանձնաժողովի ուսումնասիրության արդյունքները և այդ կապակցությամբ ընդհանուր ժողովի կողմից «Ժամանակավոր զինվորական խորհուրդը» «դավաճան» կամ «խուլիզան» որակելը, ինչպես նաև այն մեղադրանքները, որոնք ժողովի բանաձևերում առաջադրվել էին Միհրանի և նրա գլխակիցների նկատմամբ, կտրականապես մերժում էին հնչակյան, արմենական, վերակազմյալ հնչակյան կուսակցությունները և հատկապես մշակականները, իսկ Արփիսյանի նկատմամբ ժողովում արված ամբաստանությունները համարում էին հիմնագուրկ սաղարանք:

⁶ «Նյութեր...», հատ. Դ, էջ 78:

ագրեցութիւնը դասակարգային շարժումների վրա»¹: Հարություն Շահրիկ-
յանն ընդհանուր ժողովին էր ուղղել Հ.Յ.Դ. նոր ծրագրի իր նախագիծը, որի
մասին պատգամավորները լսել էին համապատասխան հաղորդում²:

Մենք այստեղ չենք կատարի Հ.Յ.Դ. նոր ծրագրի պատմաքննական հան-
գամանալի վերլուծություն, այլ կբավարարվենք նրա բովանդակությունը հա-
մառոտ շարադրելով:

Հ.Յ.Դ. նոր ծրագիրը բաղկացած էր երկու բաժնից. 1. «Ընդհանուր տեսու-
թյուն» (ներածություն), 2. «Նվազագույն պահանջներ», որն իր մեջ ներա-
ռում էր քաղաքական և տնտեսական պահանջներ առանձին-առանձին թուր-
քահայաստանի ու Անդրկովկասի համար և ընդհանուր պահանջներ երկու եր-
կրյունների համար:

Դաշնակցության անդրանիկ (1892թ.) ծրագրի ներածական բաժնում ըն-
կերային-քաղաքական ընդհանուր աշխարհայացքի կողքին կարևոր տեղ էր
հատկացված թուրքահայ իրականությանը և թուրք-հայ հարաբերություն-
ների՝ իբրև կուսակցության պայքարի մեկնակետ: Իր հերթին «Կովկասյան
նախագիծը» մեկնում էր կովկասահայ իրականությունից՝ ընկերավարական
պատմափոխության մի շարք էական կետեր հարմարեցնելով կովկասյան
պայմաններին, միաժամանակ փորձ անելով այդ պայմաններից բխող եզրա-
հանգումները շարկապել Հ.Յ.Դ. պրակտիկ գործունեության հետ:

Թեև նոր (երկրորդ) ծրագրի ներածական բաժինն իր մեջ ներառել էր նոր
գաղափարներ ու մտքեր, նվառենք, սակայն, որ այն բոլորովին ընդհանուր էր
և անմիջական աղերս չունեւր հայ դատի և հայության ազգային ազատագրա-
կան պայքարի հետ: Ազգային դատի հիմնական առաջադրանքները տրված
էին «Ընդհանուր տեսություն» (ներածություն) հետևող «Քաղաքական պա-
հանջներ» բաժնում՝ առանց պատմաքաղաքական առանձին հիմնավորման³:

Ծրագրի առաջին բաժինը՝ ներածական տեսությունը, սկսվում էր հաստա-
տումով, թե մարդկային հասարակությունը անհիշատակ ժամանակներից ի
վեր բաժանված է դասակարգերի՝ իշխողներ ու հպատակներ, կեղեքողներ ու
կեղեքվողներ: Երկրորդ փոքրամասնությունը հազարամյակներ շարու-
նակ աշխատավոր մեծամասնության ձեռքից խլում էր նրա ստեղծած բարիք-
ները: Ստրկատիրական ու ֆեոդալական հասարակարգերին փոխարինած կա-
պիտալիզմը չվերացրեց չահագործումն ու կեղեքումը, տարբերությունը միայն
այն եղավ, որ «կեղեքման մենաշնորհը վայրենի բիրտ ուժից անցավ ավելի
քաղաքակիրթ ուժին՝ կապիտալին»⁴: «Ազատություն, հավասարություն, եղ-
բայրություն» կարգախոսը, որի իրականացման համար աշխատավորը ժամա-
նակին չէր զլացել իր արյունը թափելու, մնաց իբրև պատրանք, իսկ բուրժու-

ագիայի ձեռքին՝ իբրև միջոց գրաված դիրքերն ամրապնդելու: «Արիչ կերպ
չէր էլ կարող լինել, քանի դեռ անձեռնմխելի է մնում մասնավոր սեփականու-
թյան սկզբունքը, որ հիմնաքարն է հասարակական անհավասարության»¹:

Տեխնիկական առաջադիմության և մեքենայական արդյունաբերության
զարգացման համեմատ՝ ծավալվում և ուժեղանում է բուրժուագիայի տիրապե-
տությունը: Երկրորդ փոքրամասնությունն իր ձեռքում կենտրոնացնում
է վիթխարի հարստություն: Տեխնիկայի կատարելագործումը չի թեթևացնում
աշխատավոր մարդու հոգսերը. դրան արգելք է հանդիսանում մասնավոր տըն-
տեսական սիստեմը: Երկրորդ մեծամասնության աշխատանքի մի խոշոր
մասը մնում է անվճար, արդյունքների բաշխման ընթացքում աշխատավորը
ստանում է արտագրածի չնչին մասը միայն: Մի կողմում մերկ ու կիսաքաղց
պրոլետարական զանգվածներ, մյուս կողմում առասպելական հարստությու-
ների վայելքներից հրազարտ արտոնյալ փոքրամասնություն – այս է բուրժու-
ական հասարակության պատկերը:

Այսպիսով, մարդկության մի մասին բաժին հանելով մաշող աշխատանքը,
իսկ մյուսին՝ պարապ ու զվարճանող կյանքը, մեկին նետելով թշվառության
գիրկը, իսկ մյուսին երջանկացնելով նրա կրած տառապանքի հաշվին, կապի-
տալիզմը գործող խոչընդոտ է հանդիսանում հասարակական առաջադիմու-
թյան ճանապարհին:

Այնուհետև ծրագիրն անդրադառնում էր գյուղի աշխատավորության
սոցիալ-տնտեսական դրությունը: Գյուղացիական զանգվածների տնտեսական
լայնամասշտաբ քայքայումը կապիտալիզմի զարգացման անխուսափելի հե-
տևանքն է: Դասակարգային հակասությունները ծվատում են գյուղը: Իր քրո-
տինքով ապրող աշխատավոր գյուղացիությունը դաժան շահագործման է
ենթարկվում ճրիակեր հողատերերի, վաշխառուների, բուրժուականների կողմից:
«Այսպիսով, – եզրահանգված է ծրագրում, – ոչ միայն արդյունագործական
պրոլետարիատը, այլև աշխատավոր գյուղացիությունը ավելի ու ավելի զրո-
վում են անհաշտելի հակասության մեջ՝ տիրող բուրժուակալվածատիրական
կարգերի հետ»²:

Կապիտալիզմը նաև շինարար դեր ունի այն իմաստով, որ, համաձայ-
նացնելով աշխատանքը, նպաստում է պրոլետարիատի դասակարգային ինք-
նաճանաչողության աճին ու կազմակերպվածությունը, «դրանով իսկ նախա-
պատրաստում է ապագա սոցիալիստական հասարակության նյութական և
հոգեբանական խարիսխները, հարթում է նրա իրականացման ճանապարհը»³:

Ծրագրում հաստատ համոզմունք է հայտնված, որ անարդարացի կապի-
տալիստական կարգերը անխուսափելիորեն վերջ են ունենալու, և դրանց փլա-

¹ «Նյութեր...», հատ. 9, էջ 285:

² Տե՛ս «Շարաթօրհակ - Դրոշակ», Զ. տարի, NN 13,14,15:

³ «Նյութեր...», հատ. 9, էջ 315- ներածականը:

⁴ Նույն տեղում:

¹ «Նյութեր...», հատ. 9, էջ 317:

² Նույն տեղում, էջ 319:

³ Նույն տեղում:

տակները վրա ուղի է հարթելու սոցիալիզմը: Մարդկության կուլտուրական առաջադիմության դրոշակը բուրժուազիան այլևս չի կարող տանել, ուստի այն իրենց ձեռքն են վերցրել աշխատավոր դասակարգերը՝ պրոլետարիատը, աշխատավոր գյուղացիությունը և հեղափոխական ինտելիգենցիան: Նրանք արդեն հավաքական կոիվ են սկսել և անպայման համեմելու են աշխատանքի ազատագրությանը: «Սոցիալիստական շարժումն իր էությունը միջազգային է, - նշված է ծրագրի ներածականում: - Բոլոր երկրների աշխատավոր տարրերը, իրրև միևնույն տնտեսական սիստեմի գոհեր, պիտի միանան և արդեն միանում են համաշխարհային մի հզոր եղբայրակցության մեջ, ու գիտակ իրենց բարձր առաքելության, վստահ իրենց հաղթանակի վրա, դիմում են կազմակերպված կոպի ճանապարհով դեպի նոր, սոցիալիստական կարգեր»¹:

Սոցիալիզմի համար կոիվը հատկապես ծանր է լինելու միայնակական, ավատապետական կարգեր ունեցող երկրներում, ուր գերիշխող ազգության ներկայացուցիչները, իրենց ձեռքն առնելով պետական և հասարակական բոլոր լծակները, ճնշում են հպատակ ազգերին: Գերիշխող ազգերի կողմից նրանց հարստահարումը, մի կողմից, նպաստում է վերջիններիս ներսում դասակարգային հակամարտությունների մեղմացմանը, մյուս կողմից, խոչընդոտում է ճնշող ու ճնշվող ազգերի աշխատավոր դասակարգերի միջև համերաշխության հաստատմանը: Ազգային ճնշումը ազգային կուլտուրայի չուրջն է համախմբում և՛ աշխատավոր, և՛ շահագործող դասակարգերին, իսկ դա ընդհանուր հող է ստեղծում ճնշված ազգերի ներսում «դասակարգային համերաշխության» համար:

Անդրադառնալով բազմազգ պետություններում փոքր ազգերի ձուլման խնդրին՝ ծրագիրը երևում էր այն բանից, որ մարդկության առաջադիմության շահերը պահանջում են ստեղծել այնպիսի պայմաններ, որոնք բացառեն ազգային հայածանքը, հետևապես՝ նաև ազգերի բռնի ձուլման փորձերը: Ազգերի պատմականորեն ժառանգած բեղմնավոր առանձնահատկությունները համամարդկային արժեքներ են, և դրանք միայն կհարստացնեն ապագա սոցիալիստական մարդկությանը:

Սոցիալիզմի համար կոիվը սոցիալիստական կուսակցությունների առջև դնում է քաղաքական և տնտեսական պայքարի զանազան ձևերի կիրառման պահանջը: Այդ կուսակցությունները պատրաստվում են իրենց ձեռքը ձգել պետության դեկր, որպեսզի ստեղծեն նպաստավոր պայմաններ իրենց սոցիալական իդեալների իրագործման համար: Ծնված ազգերի քաղաքական կազմակերպությունները շահագրգռված են, որպեսզի բազմազգ պետությունները ապակենտրոնացվեն և վերածվեն ֆեդերատիվ-դեմոկրատական (դաշնակցային-ժողովրդավարական) հանրապետությունների²:

¹ «Նյութեր...», հատ. Գ, էջ 321:

² Նույն տեղում, էջ 323:

Հ.Յ.Դ. ծրագրում շեշտված էր, որ սոցիալիստական կարգերի հաղթանակից հետո իրականացվելու է տիրող դասակարգերի էքսպրոպրիացիան (սեփականագրվում):

Ծրագրի ընդհանուր տեսություն (ներածություն) վերջում համոզմունք էր հայտնվում, որ սոցիալիզմի իդեալի հաղթանակը հետո չէ: «Յվ այդ իդեալը բոլոր տանջվածների ու հալածվածների՝ չի ներկայանում մեզ՝ իբրև մի անհող, անխարխիս ցնորք, այլ միանգամայն իրագործելի մի հնարավորություն, որով հետև այն ոչ միայն բխում է իրերի օբյեկտիվ, տարբերային ընթացքից, այլ թեթևադրվում է հրամայականորեն՝ պատմությունը առաջ շարժող մասսաների ու անհատների կամքից, խղճից ու բանականությունից»:

Հ.Յ.Դ. ծրագրի երկրորդ բաժինը կոնկրետ էր՝ վերաբերում էր հայկական կյանքին, նրա առանձնահատկություններին, հնարավորություններին ու միջոցներին:

Դաշնակցությունը, ասված էր ծրագրի այս բաժնում, իբրև հեղափոխական և սոցիալիստական կուսակցություն, ձգտում է պաշտպանել հայ աշխատավոր մասսաների թե՛ տնտեսական-դասակարգային, թե՛ մարդկային-քաղաքական և թե՛ ազգային-կուլտուրական բովանդակ շահերը, նպատակ ունենալով ժողովրդի ձեռքը տալ կառավարման դեկր և այժմյան միայնակական ու կապիտալիստական կարգերը փոխարինել լայն ժողովրդավարությանը և արդյունաբերության միջոցների համայնացումով:

Ղեկավարվելով սոցիալիստական սկզբունքներով և ելնելով հայ ժողովրդի իրական ու հասունացած կարիքներից՝ կուսակցությունը առաջադրում էր իր նվազագույն (minimum) պահանջները:

Թուրքաց Հայաստանում դաշնակցության նվազագույն պահանջներն էին՝ 1. Թուրքահայաստանը օսմանյան պետության կազմում պետք է ստանա քաղաքական և տնտեսական ազատություն՝ հիմնված տեղական լայն ինքնավարության և դաշնակցային կապերի վրա, 2. Թուրքահայաստանի ազատագրությունը պետք է խարսխված լինի օսմանյան ապագա ժողովրդավարական պետության ընձեռած հնարավորությունների վրա: Օսմանյան կենտրոնական կառավարությունն իր ձեռքում է պահելու պետության ընդհանուր գործերը՝ արտաքին քաղաքականությունը, զորքը, դրամը, մաքսը, փոստ-հեռագիրը: Պետական մյուս ֆունկցիաները կենտրոնական կառավարությունը թողնում է տեղական ինքնավար կազմավորումներին, 3. Հանդիսանալով ապագա օսմանյան ֆեդերատիվ պետության մի մասը՝ Թուրքահայաստանը պետք է վայելի ազատություն իր ներքին գործերում: Ներքին խնդիրներում ինքնավարություն պետք է վայելեն նաև Թուրքահայաստանի բոլոր չրջաններն ու համայնքները, 4. Թուրքահայաստանի թե՛ կենտրոնական և թե՛ առանձին չրջանների օրենսդրական-վարչական բոլոր մարմինները պետք է ընտրվեն ընդհանուր,

¹ «Նյութեր...», հատ. Գ, էջ 324:

Հավասար, ուղղակի, գաղտնի և Համեմատական ձայնատվության սկզբունքներով՝ առանց ցեղի, կրոնի և սեռի խտրության:

Անդրկովկասի վերաբերյալ դաշնակցությունն առաջադրում էր Հետևյալ պահանջները. 1. Անդրկովկասը պետք է դառնա դեմոկրատական Հանրապետություն, որը լինելու է Ռուսաստանի ապագա ֆեդերատիվ Հանրապետության (ՌՖՀ) անբաժան մասը: Անդրկովկասի Հանրապետությունը ՌՖՀ-ի Հետ կապված է լինելու ինքնապաշտպանության, դրամական սիստեմի, մաքսի և արտաքին քաղաքականության խնդիրներով, 2. Ներքին բոլոր գործերում Անդրկովկասյան Հանրապետությունն անկախ է: Այն ունի իր կենտրոնական պառլամենտը, որն ընտրվում է ընդհանուր, Հավասար, ուղղակի, գաղտնի և Համեմատական ձայնատվության սիստեմով, 3. Անդրկովկասը Ռուսաստանի Համապետական պառլամենտ է ուղարկում իր ներկայացուցիչներին, 4. Անդրկովկասյան Հանրապետությունը բաժանվում է կանտոնների և Համայնքների, որոնք վայելում են տեղական ամենալայն ինքնավարություն, 5. Կանտոնների սահմանները որոշելիս պետք է նկատի առնել ազգաբնակչության տեղադրական և կուլտուրական առանձնահատկությունները՝ ըստ կարելիության միաձուլյ Համախմբումներ կազմելու համար, 6. Օրենսդրական, դատաստանական, վարչական բոլոր մարմինները, ինչպես և պաշտոնյաները ընտրովի են, 7. Կանտոններն ունեն օրենսդրություն, ղեկավարում և նախաձեռնության իրավունք:

Մրագրի երրորդ բաժնում տեղ էին գտել նաև երկու երկրների (Թուրքիա, Ռուսաստան) Համար ընդհանուր պահանջներ, որոնք ներառում էին՝ խոսքի, մամուլի, խղճի, ժողովների, միությունների և գործադուլների ազատություն. եկեղեցու բաժանում պետությունից, կրոնը Հայտարարվում էր անհատական խղճի գործ և ոչ ավելի. ազգերի ինքնորոշման իրավունք, բոլոր ազգերի ու կրոնական Համայնքների կատարյալ Հավասարություն, դասակարգային բոլոր առանձնաչորհուրդների ոչնչացում. անձի, բնակարանի, նամակագրության անձեռնմխելիություն. տեղափոխության ազատություն, անցագրերի վերացում. ընդհանուր, պարտադիր և ձրի (պետության Հաշվին) տարրական ուսուցում, դպրոցների դուրս բերում եկեղեցու ազդեցությունից և դրանց կատարյալ աշխարհականացում, դասավանդումը մայրենի լեզվով. ձրի դատավարություն. ինչպես պետական, այնպես էլ կանտոնային և շրջանային կազմավորումների բյուջեներից առանձին ազգությունների կուլտուրական նպատակների համար Հատկացումները պետք է կատարվեին Համաձայն ազգաբնակչության թվի. մշտական գործը փոխարինվելու էր միլիցիայով, որը պաշտոնավարելու էր իր շրջանի սահմաններում: Երբ ընդհանուր պետությունը արտաքին վտանգ էր սպառնում, Հայտարարվում է ընդհանուր զորահավաք¹:

Այնուհետև ծրագիրն առաջադրում էր կուսակցության տնտեսական պա-

¹ «Նյութեր...», Հատ.Գ, էջ 326:

Հանջները: Նախատեսվում էր արքունական, կալվածատիրական, եկեղեցապատկան և բոլոր այլ տեսակի Հողերի Համայնացում, այսինքն՝ մասնավոր Հողատիրության վերացում և Հողի վաճառքի արգելում: Հողը տնօրինելու էր գյուղական Համայնքը, որը և որոշելու էր նրանից օգտվելու ձևերը: Պարբերաբար կատարվելիք Հողաբաժանումների միջոցով իրականացվելու էր Հողերի չափերի Հավասարեցում: Նախատեսվում էր Հանքերը, բնական այլ Հարստությունները դարձնել պետական սեփականություն, դրանցից ստացած եկամուտները գործադրել Համաժողովրդական նպատակների համար: Վերացվելու էին անուղղակի Հարկերը, մտցվելու էր եկամտի ու ժառանգության պրոգրեսիվ տուրք: Որոշակի չափից պակաս եկամուտ ունեցողները բոլորովին ազատվելու էին Հարկերից: Մրագրվում էր Ց-ժամյա աշխատանքային օր բանվորների համար թե՛ քաղաքում և թե՛ գյուղում, մտցվելու էր աշխատանքային օրենսդրություն, վերացվելու էր կանանց և երեխաների գիշերային աշխատանքը: Պետության և գործատերերի Հաշվին իրականացվելու էր բանվորների ապահովագրում դժբախտ պատահարներից ու Հիվանդություններից: Նախատեսվում էր մտցնել ձրի բժշկություն և այլն¹:

Այսպիսին էր Հ.Յ.Դ. երկրորդ ծրագրի բովանդակությունը՝ որն անփոփոխ մնաց երկար տարիներ²:

Ունենալով ծրագիր (1892թ. սկսած)՝ դաշնակցությունը, սակայն, մինչև 1904թ. չի ունեցել կանոնագիր (կանոնադրություն): Մրագիրը միաժամանակ կանոնագրի դեր էր կատարում, թեև այնտեղ Հստակորեն չէր ասված, թե ինչ պայմաններով կարելի է անդամակցել դաշնակցությանը: Բայց քանի որ այդ ծրագիր-կանոնագրի մեջ նշված էր, թե ընդհանուր ժողովի «վճիռները պարտավորիչ են ամենուն համար», ապա հասկանալի է, որ այն ժամանակ ևս, երբ մեկը ուզում էր անդամակցել դաշնակցությանը, պետք է ընդուներ նրա ծրագիրը, որ Հաստատված էր Հ.Յ.Դ. առաջին ընդհանուր ժողովի վճռով:

Հ.Յ.Դ. երրորդ ընդհանուր ժողովը (1904թ. փետրվար-մարտ, Սոֆիա) ընդունել էր Հետևյալ որոշումը. «Նկատելով, որ Գ-րը ընդհանուր ժողովի մեջ ընդունեուցան կարգ մը փոփոխություններ նախկին ժողովներու վճիռներու վերաբերմամբ, ընդհանուր ժողովը որոշեց Հանձնարարել արևմտյան բյուրոյին՝ ա) Ըստ կարելիոյն շուտով ցրել դաշնակցական մարմիններուն կազմակերպական փոխված կանոնները և բ) Մինչև ներկա տարվա վերջը կարգավորել նա-

¹ «Նյութեր...», Հատ.Գ, էջ 326-328:

² Հ.Յ. դաշնակցության յուրաքանչյուր գործելավայրի (Թուրքիա, Կովկաս, Պարսկաստան) ապրոնական ժողովները իրավասու էին մշակել պատճառով իրենց ընթացիկ և անմիջական պահանջների համար:

³ Հ.Յ.Դ. Վիեննայի (1907թ.) Համագումարում ընդունված կուսակցության երկրորդ ծրագիրը վերահաստատվեց Հ.Յ.Դ. Վառնայի Համագումարում ու մնաց անփոփոխ Պոսի (1910թ.) և Էրզրումի (1912թ. և 1914թ.) Համագումարներում: Երևանի նահանգի Գ-րը (1919թ.) Համագումարում որոշում ընդունվեց Հ.Յ.Դ. ծրագրի վերաքննությունը Հետաձգել Հաջորդ 10-րդ Համագումարին:

խորդ ու ներկա ընդհանուր ժողովների ատենագրությունները, ինչպես նաև Հարակից բոլոր նյութերն ու «Դաշնակցության խորհրդի» վերջնական խմբագրումից Հետո Հրատարակության տալ»¹:

Համաձայն այդ որոշման, ատենագրությունների և Հարակից խնդիրների Հրատարակումը Հետաձգելով մինչև 1904թ. վերջը՝ Հ.Յ.Դ. արևմտյան բյուրոն Հատուկ տեսրակով դաշնակցական բոլոր մարմիններին Հաղորդեց այն կազմակերպական փոփոխված կանոնները, որոնք վերաբերում էին այդ մարմինների իրավունքներին ու պարտականություններին՝ միաժամանակ խնդրելով նշված կանոնների ճիշտ և անշեղ գործադրությունը²:

Եվ ահա չորրորդ ընդհանուր ժողովն ընդունեց ոչ միայն կուսակցության նոր (երկրորդ) ծրագիրը, այլև կազմակերպության կանոնագիրը:

Կանոնագրի առաջին հոդվածում նշվում էր, որ յուրաքանչյուր ոք, ով ցանկանում է անդամակցել դաշնակցությանը, ամբողջովին պետք է ընդունի կուսակցության ծրագիրն ու տակտիկան, ենթարկվի նրա կանոնագրերին և ամեն ջանք գործ դնի դրանք կյանքում իրականացնելու:

Երկրորդ հոդվածով նշված էր, որ դաշնակցականները բաժանվում են երկու կարգի՝ ա) գործոն անդամներ և բ) օժանդակ անդամներ: Գործոն անդամներ էին նրանք, որոնք մասնակցում էին դաշնակցության որևէ կազմի և վճարում իրենց Հասույթի առնվազն 2%-ը: Օժանդակ անդամներ էին Համարվում նրանք, որոնք, ընդունելով կուսակցության ծրագիրը և նրան նյութապես օժանդակելով, կարող էին չդեկավարվել կազմակերպության տակտիկայով և կանոնագրով: Օժանդակ անդամներն ընտրվելու և ընտրելու իրավունքը չուներին:

Կազմակերպական խնդիրներին վերաբերող չորրորդ հոդվածով ամրագրվում էր Հ.Յ.Դ. կազմը. խումբ (առնվազն 7 անդամ), ենթակոմիտե (առնվազն 50 անդամ), կոմիտե (առնվազն 200 անդամ), կենտրոնական կոմիտե (առնվազն 1000 անդամ), պատասխանատու մարմին, բյուրո: Դաշնակցական կազմերը՝ սկսած խմբերից մինչև կենտրոնական կոմիտե, ունենում էին քաղաքական, մարտական, արհեստակցական, գյուղացիական, կարմիր խաչի և գործունեության այլ ուղղություններին վերաբերող կազմվածքներ, որոնցից յուրաքանչյուրն իր Համար մշակում էր Հատուկ ներքին կանոնագիր:

Հ.Յ.Դ. կանոնագիրը որոշում էր մարտական խմբերի կազմը և պարտականությունները (հոդվ. 147-151): Մարտական խմբերը կազմվում էին հեղափոխական ձեռնարկների Համար՝ դաշնակցական շարքերից: Ամեն խումբ բաղկացած պիտի լիներ 10 մարտիկից, որոնք ծանոթ էին կուսակցության ծրագրին և պատրաստ էին ծառայելու դրա իրականացմանը: Մարտիկ խումբը ենթարկվում էր տեղական մարմնին և բյուրոների կողմից Հրատարակված Հրահանգներին: Յուրաքանչյուր մարտիկ պարտավոր էր ունենալ սեփական

զենք, իբրև կռվող, մտնել հեղափոխական ձեռնարկների մեջ: Ակտիվ գործողությունների ժամանակ մարտիկի ապրուստը պարտավոր էր Հոգալ կազմակերպությունը:

Կուսակցության դրամական միջոցներին վերաբերող խնդիրները կարգավորվում էին կանոնագրի 125-128 հոդվածներով: Կազմակերպության դրամական միջոցների աղբյուրներն էին՝ ա) անդամավճարները (Հասույթի 2-10%-ը)³, բ) նվերները, գ) Հանգանակությունները, դ) պատահական գումարները: Յուրաքանչյուր դաշնակցական պարտավոր էր ամիսը մեկ անգամ իր ամսական Հասույթի 2%-ը մտցնել տեղական դաշնակցական մարմնի դրամարկը: Այն դաշնակցականը, որ երեք ամիս շարունակ չէր վճարում իր անդամավճարը, զրկվում էր ձայնատվության և ընտրվելու իրավունքից՝ մինչև Հատուցանելը: Հանգանակություն անելու իրավունքը վերապահված էր միայն դաշնակցական մարմիններին: Առանց սրանց գիտության և առանց պաշտոնական վկայագրի՝ Հանգանակություն կատարողները նկատվում էին իբրև զեղծարարներ: Հանգանակության գործի մեջ խստիվ արգելված էր բռնի միջոցների գործածությունը (հոդվ. 128):

Դաշնակցության արհեստակցական և գյուղացիական միությունների գործունեությունը կարգավորվում էր կանոնագրի 152-154 հոդվածներով:

Հեղափոխական մամուլը կանոնակարգվում էր 158-162 հոդվածներով: Դաշնակցական մամուլը պարտավոր էր չչեղվել կազմակերպության ծրագրից: Կենտրոնական պաշտոնական օրգանը՝ «Դրոշակը», ղեկավարվում էր ընդհանուր ժողովի տված Հրահանգներով: Ռայոնական ժողովներն իրավունք ունեին իրենց շրջանների Համար հիմնել ռայոնական պաշտոնական օրգաններ: Կենտրոնական կոմիտեները կարող էին Հրատարակել դաշնակցության տեղական թերթեր՝ առանց որևէ պաշտոնական կամ կիսապաշտոնական բնույթի: Դաշնակցական խորհուրդը և ռայոնական ժողովները կարող էին ոչ դաշնակցական Հայտարարել կուսակցական այն թերթերը, որոնք չեղվում էին կուսակցության ծրագրից և նրա Հիմնական տեսակետներից⁴:

¹ Միասնություն է ենթադրել, թե հեղափոխական կուսակցությունների քաղաքական պայքարների Համար անհրաժեշտ միջոցները գոյանում են կուսակցականների վճարումներից: Դաշնակցության քաղաքական կռիվի Համար կուսակցական խմբերի անդամավճարները երբեք նյութական կարևոր միջոց և աղբյուր չեն կազմել: Ոչ ոք ի վիճակի չէր խմբերին արգելելու, որպեսզի նրանց անդամավճարները չծախսվեին տեղական կուսակցական կարիքների վրա:

² Մեր կարծիքով, կանոնագրի տեքստը կազմվել էր Հապճեպ, քանի որ այնտեղ բացակայում էին մի շարք սանիթերներ: Այսպես՝ Հ.Յ.Դ. խորհրդի և ռայոնական ժողովի իրավասության սահմանները նշելուց Հետո, կանոնագիրը ոչ մի խոսք չէր ասում, թե խորհուրդը ռայոնականի որոշումների նկատմամբ ունի արդյոք վեթոյի իրավունք, թե ոչ: Դարձյալ ոչ մի խոսք չկար, թե ովքեր են ընտրում և ու՞մ առաջ են պատասխանատու ռայոնական թերթերի խմբագրությունները: Նշված էր, որ Հ.Յ.Դ. կովկասյան թերթը պատասխանատու է ընդհանուր ժողովի առջև միայն, իսկ դա նշանակում է բոլորովին պատասխանատու չլինել, Հաչվի չառնել ո՞չ կուսակցական մյուս մարմինների, ո՞չ թղթակիցների և ո՞չ էլ ընդ-

¹ «Նյութեր...», հատ.Գ, էջ 329:

² Նույն տեղում:

Ընդունված որոշումները վերջնական տեսքի բերելու համար ընդհանուր ժողովի 117-րդ և 118-րդ նիստերում կազմվել էր 9 հոգուց բաղկացած խմբագրական հանձնախումբ: Իննի հանձնախմբի անդամներ էին ընտրվել Խաչատուր Մալումյանը, Համո Օհանջանյանը, Եղիշ Թոփչյանը, Միսոն Զավարյանը, Արշակ Վառլամյանը, Սարգիս Մինասյանը, Ստեփան Տեր-Մկրտչյանը, Ավետիք Շահխաթունյանը: Հանձնախմբի անդամության թեկնածուներ ընտրվեցին Ավետիս Ահարոնյանը, Լևոն Թադևոսյանը, Բարսեղյանը:

Դեռ մինչև ժողովի փակումը հանձնախումբը ձեռնարկել էր ընդունած որոշումների խմբագրումը: Հատկապես լուրջ աշխատանք էր տարվում կուսակցության նոր ծրագրի վրա, որի համար հիմք էին հանդիսանում քաղաքական և տնտեսական տարբեր պահանջների վերաբերյալ Ե. Թոփչյանի, Ս. Զավարյանի, Արշ. Խահակյանի, Ա. Շահխաթունյանի, Խ. Մալումյանի, Հ. Օհանջանյանի, Ա. Ահարոնյանի, Հ. Շահրիկյանի կողմից ներկայացված բանաձևերի նախագծերը:

Ժողովի աշխատանքների ավարտից հետո իննի հանձնախումբը տակավին մինչև մայիսի 29-ը գրադվեց կուսակցության նոր ծրագրի, կանոնադրի, որոշումների գրքույկի և ընդունված բանաձևերի վերջնական խմբագրությամբ, ինչպես նաև առկա մնացած մի շարք երկրորդական հարցերի կարգադրությամբ:

Ժողովում ընդունված որոշումները նրա հանձնարարականի համաձայն, իննի հանձնախումբը բաժանեց երեք կարգի. 1. Մի մասը հանրության համար, որը պետք է հրատարակվեր «Դրոշակ» թերթում, 2. Մյուս մասը դաշնակցական մարմինների համար, որն առանձին գրքույկով տպագրվեց և շատ արագ ուղարկվեց կենտրոնական կոմիտեներին, 3. Երրորդ մասը նախատեսվեց հատուկ մարմինների համար և նրանց փոխանցվեց գաղտնի ճանապարհով: Այս մասը հիմնականում հատուկ մարմինների վերաբերյալ ընդունված գաղտնի վճիռներն էին:

ՀԱՎԱՏՈՎ ԵՎ ՎՃՌԱԿԱՆՈՒԹՅԱՄԲ

Հ.Յ. դաշնակցության չորրորդ ընդհանուր ժողովն իր աշխատանքներն ավարտեց մայիսի 4-ին: Ժողովը փակեց Ակնունին: Իր փակման խոսքի մեջ նա շեշտեց, թե ժողովի սկզբին որքան մեծ էին մտահոգությունները, որքան տագ

հանրապես մասանների տրամադրություններն ու ցանկությունները: Շատ խնդիրներում կային անորոշություններ: Օրինակ՝ մութ էր մտում, թե կուսակցության գումարները ինչպես պետք է գործարկվեին կազմակերպության մարմնի հինգ տարբեր աստիճաններում խումբ, ենթակոմիտե, կոմիտե, կենտրոնական կոմիտե, բյուրո (գուցե դա արվել էր՝ հաշվի առնելով քաղաքական պայմանները և կոնսպիրացիայի նկատառումները):

Հանրության համար նախատեսված որոշումները հրատարակվեցին «Դրոշակ» թերթի հատուկ համարում (N 5, 1907, էջ 70-79), որին անդրադարձ եղավ վերևում:

նապալից էին պատգամավորների մտքերը՝ պատակաման վտանգի առջև կանգնած կուսակցության ապագայի նկատմամբ: «Բայց մենք կարողացանք այդ անվստահությունից և պատակաման վտանգից դուրս գալ հաղթական, պարզ երեսով: Հետևաբար, ապարդյուն չէին այն բոլոր ջանքերը, որոնք գործ դրվեցին հանուն կազմակերպության ամբողջության: Հաճախ ծանր ու անախորժ էին լինում մեր թափած ջանքերը: Բայց հակառակ բոլոր անախորժությունների, կատարյալ մխիթարական եղավ մեր երկար աշխատանքի արդյունքը»¹:

Վիեննայի ժողովի ընթացքի վրա վճռական ազդեցություն ունեցան կուսակցության ականավոր գործիչ-պատգամավորները: Հատկապես առանձնահատուկ կառուցողական դեր խաղաց Ռոստոմը: Իր անառարկելի հեղինակությամբ ու հմայքով, նվիրումով ու կամքով նա կարողանում էր խաղաղեցնել ամեն կիբք ու հակում և համաձայնության բերել բոլոր հակամարտ տարրերին: Նրա խոսքին, նրա կարծիքներին ու խորհուրդներին ակնածություն մեջ հրահրել կուսակցության ապագայի պատվասնորդության ոգի, մեղմել հակամարտ կողմերի խռովահույզ բռնկումները, հարթեցնել հարցադրումների սուր անկյունները:

Մի առիթով Արշակ Զամալյանը շեշտել է, որ առանց Ռոստոմի անհնարին կլիներ ժողովում առաջն առնել այն մեծ վտանգի, որ կախված էր կազմակերպության գլխին²:

Դժվար է գերազանահատել այն մեծ դերը, որ ընդհանուր ժողովում ունեցան Միսոն Զավարյանը, Ավետիս Ահարոնյանը, Խաչատուր Մալումյանը (Ակնունի), Հակոբ Զավրիկը, Սեբաստացի Մուրատը, Եղիշ Թոփչյանը, Միքայել Հովհաննիսյանը (Վարանդյան), Համո Օհանջանյանը, Արշակ Ներսիսյանը և դաշնակցության ավագ ու միջին սերնդի այլ պատգամավորներ:

Դաշնակցության երիտասարդ սերնդի պատգամավորների թվում իրենց բովանդակալից ելույթներով, հարցադրումներով և առաջարկություններով կուսակցաթողովում աչքի ընկան Արշակ Զամալյանը, Նիկոլ Պողոսյանը (Վանա Իշխան) և հատկապես Արամ Մանուկյանը:

Ընդհանուր ժողովում Արամն իրեն զրուստրեց որպես խոշոր կուսակցական գործիչ: Արդեն նշվել է, որ տարբեր նիստերում նա բարձրացնում էր մեկը մյուսից կարևոր հարցեր, ուրիշ պատգամավորների հետ մի շարք ծանրակշիռ նախագծեր էր առաջարկում դիվանին, որոնք, ենթարկվելով համապատասխան հանձնախմբերի քննությանը, նույնությամբ կամ աննշան փոփոխություններով մտնում էին ժողովի ատենագրության մեջ:

¹ «Հայրենիք», N 7 (374), հուլիս, 1957, էջ 49:

² «Դրոշակ», N 1-2(284-285), 1929, էջ 17, 18:

Արամ Մանուկյանի կենսագրությունը գրելու օրերին Արշալույս Աստվածատրյանը դիմել էր Միսոն Վրացյանին՝ խնդրելով թղթին հանձնել ընդհանուր ժողովի ամիսներին ստա-

Հ.Յ.Դ. ընդհանուր ժողովի փակումից անմիջապես հետո կուսակցության պաշտոնաթերթ «Դրոշակը» հանդես եկավ ընդարձակ խմբագրականով (1907 թ. N 5)՝ տալով ժողովի գնահատականը և նրա պատմական նշանակությունը: Շատ չանցած՝ լույս տեսավ ժողովի արդյունքներին նվիրված մի գրքույկ՝ որին, իբրև նախաբան, կցվեց այդ խմբագրականը:

Այնտեղ նշվում էր, որ, հակառակ չարագուշակ բոլոր կանխատեսումների, ընդհանուր ժողովը կարողացավ հաղթահարել բոլոր ավերիչ կրքերը, թուժք կանգնեցնել կուսակցության պառակտման ճանապարհին և նրա առջև բացել գործելու նոր հորիզոններ:

Ներկայացնելով, որ ժողովի ընդունված որոշումները հենց դրա խրախուսիչ ապացույցներն են, «Դրոշակը» ի մի էր բերում հիմնական արդյունքները:

Առաջին, անջատման ծրագիրը, որ կազմակերպության շարքերում երկու տարի շարունակ դարձել էր խլրտումների և նույնիսկ ամենատխուր ընդհարումների պատճառ, ընդհանուր ժողովը հետ մղեց համարյա միաձայն և դաշնակցության անցյալին, նրա ուժին վայել վճռականությամբ կուսակցության դրոշի տակ միացրեց ու շաղկապեց թուրքահայ և կովկասահայ դատերը:

Երկրորդ, «Կովկասյան գործունեության նախագիծը», որը 1905-ից ի վեր անըմբռնելի թյուրիմացությունների պատրվակ էր եղել և մի պահ դարձել էր կազմակերպության շարքերի սասանման պատճառ, ի վերջո ընդունվեց ու վավերացվեց թե՛ ըստ իրավասության և թե՛ ըստ էության՝ դառնալով այն հիմնաքարերից մեկը, որի վրա պետք է հենվեր դաշնակցությունը՝ Անդրկովկասի հայության մեջ տարվելիք աշխատանքների ընթացքում:

Երրորդ, «Ժողովի մտածողության և աշխատանքների պատկեր» «Դրոշակը» համարում էր սոցիալիստական ծրագրի հիմնական սկզբունքների վավերացումը, իբրև տրամաբանական շարունակություն Հ.Յ.Դ. երրորդ ընդհանուր ժողովի (1904թ., Սոֆիա) նույն հարցի վերաբերյալ ընդունված որոշման: «Հիմնված իր ընդհանուր ծրագրի վրա, - նշված էր պաշտոնաթերթի խմբագրականի մեջ, - և ուշադիր քաղաքական-տնտեսական պահանջներին, որոնք հրապարակ են եկել վերջին 15 տարվա ընթացքում, կազմակերպության ղեկավար մարմինը վճռեց՝ Հայտարարել դաշնակցությունն իբրև Հայ աշխատա-

ցած իր տպավորությունները Արամից: 1962թ. նոյեմբերի 6-ին Վրացյանը նամակով պատասխան է ուղարկում, որում հետևյալ տողերը կան. «Վիեննայի ընդհանուր ժողովում Արամը կենտրոնական դեր կատարող ընկերների շրջանում էր. ավելի մտերիմ մեծերի հետ: Մեզ՝ «Ճախերիս» հետ թունդ սոցիալիստ էր, բայց մեզ կոչում էր «խոխք» և, իհարկե, եթե պետք լիներ, խաչ կը քաշեր սոցիալիզմի էլ, մեր էլ վրայ: Ռոստոմի, բժ. Ջավրի-կի տիպի դաշնակցական էր: Սոցիալիստ, այո՛, բայց ամենից առաջ՝ Հայ: Ժողովներում յաճախ էր խոսում. կենսից և իրականությունից էր խոսում: Բոլոր պատգամավորների հետ լավ էր, բայց, ինչպես ասացի, մտերիմ էր երևում «վերին խավերի» հետ՝ Վարանդանի, Ահարոնեան, Ակնունի և այլն: Առանձին հոգատարություն էր ցույց տալիս դեպի սուլթանի մահափորձի հերոս Ռուբինյան» («Արամը», էջ 41):

¹ «Որոշումներ Հ.Յ.Դաշնակցության Ջորջորդ Ընդհանուր ժողովին», Ժրնև, 1907թ.:

վոր դասակարգի կուսակցություն, որ ձգտում է քաղաքականապես և տնտեսապես կազմակերպել նրան, պաշտպանել նրա տնտեսական-դասակարգային և քաղաքական-ազգային իրավունքները՝ նպատակ ունենալով մյուս աշխատավորների հետ միասին ձեռք գցել կառավարության ղեկը և այժմյան միապետական ու կապիտալիստական կարգերը փոխարինել լայն ռամկավարությանը և համայնական կարգերով»¹:

«Դրոշակը» հիշեցնում էր, որ անսովոր եռանդ ու զոհաբերություն պահանջող խնդիրները հաջողությամբ լուծելու համար կուսակցությունը իր դրոշի տակ պիտի ունենա միայն համոզված զինվորներ, զոհաբերության պատրաստ մարտիկներ՝ ներշնչված նույն ծրագրով, սրտապնդված միևնույն տակտիկայով:

Միաժամանակ պաշտոնաթերթը շեշտում էր, որ ընդհանուր ժողովը որոշել է խստագույն պատասխանատվության ենթարկել բոլոր նրանց, լինեն շարքային թե կազմակերպող, անհատ թե մարմին, որոնք իրենց զեղծումներով, բռնություններով և անարգ քայլերով փորձել են վարկաբեկել կուսակցությունը: Ելնելով դրանից՝ ժողովը բոլոր կոմիտեներին և կազմակերպություններին հրահանգել է, ավելի քան երբևիցե, կարգապահական խիստ պահանջներ ներկայացնել կուսակցության բոլոր անդամներին, առանց որևէ վերապահության շարքերը շեշտակի գտել ու մաքրագործել բոլոր նրանցից, ովքեր իրենց «համոզմունքով ու հավատով», իրենց բարոյական նկարագրով և անձնական հակումներով չեն համապատասխանում կուսակցության առաջադրած դժվարին ու բարդ խնդիրների կատարմանը: «Դրոշակը» համոզված էր, որ «անգործ, պառակտող մարմինները պիտի կազմալուծվեն. վարկաբեկ ընկերները պիտի հեռանան. կազմակերպության անունը չահագործողները պետք է խստագույն պատժի ենթարկվեն - այդ է ընդհանուր ժողովի կամքն ու որոշումը, նրա բացարձակ հրամանը»²: Այդպիսիները որքան շուտ հեռացվեն կուսակցությունից, այնքան լավ, քանզի մնալով կազմակերպության մեջ, նրանք պիտի սպառնան դաշնակցության բարոյական դրամագլուխը:

Վերջում պաշտոնաթերթը կոչ էր հղում կուսակցության բոլոր հավատավոր անդամներին, ուր ասված էր, որ ընդհանուր ժողովի պատգամավորների միահամուռ կամքով հալթականորեն հետ է մղված անջատման ու կազմալուծման ուրվականը, որ ժողովը դաշնակցական բոլոր ընկերներին «ավետում է մտայլ, հուսաբեկող մտքերի վախճանը և սկզբնավորումը մի նոր շրջանի», որը «պահանջում է նոր եռանդ, նոր թափ, ինչպես և նոր տանջանք: Չը նահանջներ տանջանքի առջև, որ մեր կուլի հատկանիշն է, երկարամյա աղբյուրը մեր եռանդի և ջանքերի, ու, սրտապնդված գալիք օրերով, առաջ մղենք

¹ «Դրոշակ», N 5 (183), մայիս, 1907, էջ 66 (Պարբերության մեջ բոլոր ընդգծումները մերն են: - Հ.Ս.):

² Նույն տեղում, էջ 67:

Հեղափոխական կռիվը՝ հանուն սոցիալիստական մեծ Հաղթանակի:

Դեպի բարձր [նպատակ], դեպի աշխատանք, դեպի կռիվ¹:

Ընդհանուր ժողովի հաջող ավարտի առնչությամբ մամուլում հանդես եկան դաշնակցության նշանավոր գործիչներ, նաև՝ կուսակցության բարեկամներից շատերը, որոնք իրենց հոգվածներում շեշտում էին այն շրջադարձը, որ Լ.Յ.Դ-ն կատարել էր Վիեննայում:

«Դրոշակի» նույն համարում «Դաշնակցությունը և սոցիալիզմը» վերտառությամբ հոդվածով հանդես էր եկել Պիեռ Քիյառը: Ողջունելով Լ.Յ.Դ. ընդհանուր ժողովում ընդունած սոցիալիստական Հեղափոխության ծրագիրը՝ նա գրում էր.

«Կույր պետք է լինել չհասկանալու համար, որ թուրքահայերի ապագան անլուծելիորեն կապված է ռուսահայերի ապագային, և որ ընդհանրապես եվրոպայի ազատությունը լայն չափով կախում ունի ռուս ժողովրդի և ռուս կայսրության կից ժողովուրդների վերջնական հաղթությունից՝ ցարիզմի դեմ»²:

Հոդվածագիրը ճիշտ էր համարում, որ դաշնակցությունը դաշինքի մեջ է ոչ թե Ռուսաստանի սոցիալ-դեմոկրատական «ըրզմատիկ կուսակցության», այլ «գործոն կուսակցության»՝ սոցիալիստ-հեղափոխականների կազմակերպության հետ, որի շարքերում դաստիարակված Հերոսները նման են Սասունի քաջերին և օսմանյան բանակը գրոհած անվեհեր մարտիկներին, չխոսելով արդեն այն մասին, որ բազմաթիվ կետերում համընկնում են երկու կուսակցությունների պայքարի և՛ ստրատեգիան, և՛ հատկապես տակտիկան³:

Ժողովի արդյունքներին տված Միքայել Վարանդյանի բնորոշումներն առավելապես զգացական էին: «Պառակտման և կազմալուծման Հնարավորությունն այժմ, գուցե ավելի քան երբևիցե, հեռու է մեզանից: Ընդհանուր ժողովը հաստատեց դա իր նշանավոր պատմական որոշումներով, որդեգրեց կովկասյան գործունեության նախագիծը և դրանով շեշտեց, որ կարելի է գործել երկու նույնիսկ տարբեր պետությունների սահմաններում, ունենալով մեկ ծրագիր ու աշխարհայացք, մի տեղ կռիվ մղելով հանուն մարդկային տարրական իրավունքների, մի այլ տեղ կռիվ՝ հանուն ազգային ապահովության ու միաժամանակ դասակարգային իրավունքների, և ամեն տեղ կռիվ հանուն սոցիալիզմի, հավասարության ու արդարության: ... Ձևված են սահմանները տաճկահայ և ռուսահայ ժողովրդի միջև, - այդպես էր բացականչում մեր Քրիստափորը դեռ չորս տարի սրանից առաջ, եկեղեցական գույքերի կռիվը պայթելու միջոցին: Ձևված էին սահմանները մինչև օրս *de facto*, իրականապես, իսկ այնուհետև նրանք ջնջված են և *de jure*, իրավապես: Ասպարեզը բաց է - դժվարին, զոհառատ կռիվի ասպարեզը: Թող բոլոր նրանք, որոնք

տոգորված են դաշնակցության լավագույն ավանդույթներով, որոնց մեջ անկեղծ ու համեստ գործունեության տենչն ավելի ուժեղ է, քան գծում ու ճոռոտ հատվածամորության անբարիչ ողին - համախմբվեն նոր, ընդարձակ դրոշակի շուրջ և կրկնապատկված եռանդով շարունակեն ազատության կռիվը»¹:

Կուսակցաժողովի որոշումները և կարգադրությունները, բնականաբար, չէին կարող անուշադրության թողնել համիդյան կառավարությանը: Նրան հատկապես զայրույթ էր պատճառել ընդհանուր թշնամու՝ համիդյան բռնակալական ռեժիմը տապալելու նպատակով թուրք և քուրդ տարրերի հետ գործակցություն և համերաշխություն հաստատելու անհրաժեշտության մասին ժողովի որոշումը: Բոստոնի «Հայրենիք» թերթը գրում էր.

«Սուլթանը դաշնակցութեան Դ ընդհանուր ժողովին տված որոշումներն մտահոգիլի սկսած է»²: Թերթն ընդգծում էր, որ ստացված տեղեկությունների համաձայն, թուրքական կառավարությունը միջոցներ է ձեռնարկում սպասվող վտանգները չեզոքացնելու համար:

Ոչ պակաս մտահոգ էին ցարական իշխանությունները, որոնք գտնում էին, թե հայության երկու խոշոր հատվածների դատերի կենտրոնացումը դաշնակցության ձեռքում ստեղծում է իրական վտանգ Կովկասում:

«Երկու թագակիր - ոճրագործները, - գրում էր «Դրոշակն» իր խմբագրականում, - թող շարունակեն ավելի բարձրացնել ժողովուրդները բաժանող թումբերը: Մենք կշարունակենք քանդել ու վերացնել դրանք»³:

Հիրավի, Լ.Յ.Դ. դաշնակցության չորրորդ ընդհանուր ժողովն անկյունադարձային նշանակություն ունեցավ կուսակցության համար: Նրա գլխավոր պատմական դերն այն եղավ, որ կարողացավ պատակտման եզրին կանգնած կազմակերպությունը դուրս բերել քաղաքական ճգնաժամից, նոր ուժ ներարկել կուսակցությանը՝ դիմադրավելու համար այն մեծ փորձություններին, որոնք սպասվում էին նրան և ողջ Հայ ժողովրդին:

Լ.Յ. ԴԱՇՆԱԿՑՈՒԹՅԱՆ ԴԵՐՈՒ ՈՒ ՀԵՂԻՆԱԿՈՒԹՅԱՆ ԱՆՆԱԽԸՆԹԱՑ ԱձԸ

Լ.Յ.Դ. չորրորդ ընդհանուր ժողովը տեղի ունեցավ կուսակցության հեղինակության աննախընթաց անժ պայմաններում:

Նիկոլայ II-ի 1903թ. Հունիսի 12-ի օրենքով ցարական բռնակալության կողմից Հայ եկեղեցու կալվածքների հափշտակումը արագորեն հանգեցրել էր ռուսահայ ժողովրդի Հեղափոխական ուժերի հզոր բռնկման: Դաշնակցությունը կանգնեց ընդլզող ժողովրդի գլուխ և նրան անհաշտ կռիվ տարավ

¹ «Դրոշակ», N 5 (183), մայիս, 1907, էջ 67, 68:

² Նույն տեղում, էջ 68:

³ Նույն տեղում, էջ 69:

¹ «Դրոշակ», N 5, (183), մայիս, 1907, էջ 69:

² «Հայրենիք» (Բոստոն), N 8 (450), 22 փետրվարի 1908թ.:

³ «Դրոշակ», N 6-7(184), Հունիս-Հուլիս, 1907, էջ 82:

ցարական բռնապետության դեմ (1903-1904): Այնուհետև նա Հանձն առավ և փայլուն կատարեց կովկասահայության ինքնապաշտպանության գործի կազմակերպչի ու ղեկավարի գործը (1905-1906): 1906թ. երկրորդ կես - 1907թ. առաջին կես ժամանակահատվածում նույնպես կուսակցության ուժերը շարունակում էին անշեղորեն աճել:

Կատարված գործերին գումարվել էր Սասունի երկրորդ ապստամբությունը, որը դիտվում էր ոչ միայն որպես սասունցիների, այլև ողջ արևմտահայության ապստամբություն: Քանի որ նրա ղեկավարները (Անդրանիկ, Հրայր, Գևորգ և այլք) դաշնակցականներ էին, ուստի Հերոսամարտը դիտվեց որպես դաշնակցության ստեղծագործություն, իսկ այդ կուսակցությունը՝ որպես արևմտահայության Հիմնական ղեկավար քաղաքական ուժ:

ԿՈՒՍԱԿՑՈՒԹՅԱՆ ԿԱԶՄԸ

Դաշնակցության կազմակերպված և գրանցված անդամների թիվը 1907թ. սկզբներին մոտ 165 հազար էր, որոնք ընդգրկված էին Կովկասում, Թուրքիայում, Պարսկաստանում, Բալկանյան երկրներում և Ամերիկայում գործող քաղաքական, արհեստակցական և մարտական 3 039 խմբերի մեջ: Ըստ որում, Թուրքիային բաժին էր ընկնում 693 խումբ, Անդրկովկասին՝ 1951, Հյուսիսային Կովկասին և Ռուսաստանին՝ 260, մնացյալները՝ Պարսկաստանին, Բալկանյան թերակղզուն, Ամերիկային 51':

Կուսակցությունն ուներ 21 կենտրոնական կոմիտե, որոնց մեծ մասը Թուրքիայում և Կովկասում էր, երկու բյուրո՝ արևելյան և արևմտյան, որոնցից առաջինը ազգի կենսատարածքում էր, երկրորդը՝ Եվրոպայում:

Դաշնակցության ներկուսակցական կյանքի ամենաբնորոշ առանձնահատկությունը ներքևից վերև կուսակցության շարքերում եղած խստագույն կարգապահությունն էր: Պահնորդական բաժանմունքի փաստաթղթերից մեկում կան այսպիսի տողեր.

«[Կուսակցության] կանոնադրերի և հրահանգների բնորոշ հատկանիշը դրանց համառոտ լինելը և հստակությունն է: Ընդունված որոշումը կամ հրամանը չգործադրելը կամ դրա քմահաճ ու անփուլթ գործադրումը խստորեն և անխուսափելիորեն պատժվում է: Պատժական կամ քրեական օրենքները շատ կարճ ու պարզ են՝ Հանդիմանություն, վտարում կուսակցությունից, բանտարկություն (մառանում կամ գետնահարկում) և նույնիսկ մահապատիժ»²:

Նույն փաստաթղթում նշված է նաև, որ յուրաքանչյուր դաշնակցականի առաջին պարտականությունը լիակատար գաղտնապահությունն է, որի

խախտման պատասխանը տեղորն է՝:

Հ.Յ.Դ. արևմտյան բյուրոյի նստավայրում ժնևում, հրատարակվում էր կուսակցության օրգանը՝ «Դրոշակը»՝ ավելի քան 14 հազար օրինակով, և գանազան գաղտնի ուղիներով մտցվում էր Թուրքիա ու Կովկաս, լեզավ կերպով ուղարկվում Պարսկաստան, Բուլղարիա, Ամերիկա և ուրիշ երկրներ:

Կուսակցությունն ուներ նաև այլ պարբերականներ: Կովկասում լույս էր ընծայում մեկ օրաթերթ՝ 7000 օրինակով և այլ թերթեր, մեկ շաբաթաթերթ Ամերիկայում՝ այնտեղի իր կոմիտեների և հայ գաղութի համար, մեկ պարբերաթերթ Բալկաններում՝ տեղի հայ գաղութի համար, մեկ շաբաթաթերթ Հարավային Ռուսաստանում, ֆրանսերեն մի օրգան Եվրոպայում՝ լայն պրոպագանդայի միջոցով հայկական դատը Եվրոպայի հանրային կարծիքի առաջ պաշտպանելու համար:

Կուսակցությունը տիրապետում էր հրատարակչական միջոցների, որոնցով հայերեն տպագրվում էր հեղափոխական և սոցիալիստական գրականություն, այդ թվում՝ թարգմանություններ միջազգային սոցիալիստական գրականությունից: Լույս էին տեսնում գրքեր ու գրքույկներ՝ ռուսերեն, թուրքերեն և թաթարերեն՝ Կովկասի ու Ռուսաստանի, թուրքերեն՝ Արևմտահայաստանի, ֆրանսերեն ու գերմաներեն՝ Եվրոպայի համար: Նա Կովկասում ուներ գաղտնի տպարաններ, որոնցում տպագրվում էին բազմաթիվ թրուցիկներ ու կոչեր:

Իր կազմը և ռազմական ուժը պահելու, պրոպագանդա մղելու և ծրագրից բխող այլ նպատակների համար կուսակցությանն անհրաժեշտ էր բավականաչափ դրամ: Եվ նա ուներ իր ելմտական սիստեմը:

Եկամուտներն ամենից առաջ գոյանում էին դաշնակցության անդամների և օժանդակ անդամների (թեկնածուների) անդամավճարներից, որոնք կազմում էին նրանց աշխատավարձի կամ եկամտի ոչ պակաս 2 տոկոսը: Կուսակցության բյուջեն գոյանում էր նաև վճարովի դասախոսություններից ու ներկայացումներից, վիճակախաղերից, բարեգործական ձեռնարկներից:

Գնալով աճում էր կուսակցության բյուջեն: 1904թ. բյուջեն կազմել էր 80 0000 ֆրանկ, իսկ 1907-ին՝ 1 000 000: 1907թ. բյուջեի հասույթները բաշխվել էին հետևյալ կերպ. ա) Հեղափոխական և քաղաքական գործունեություն՝ 30 տոկոս, բ) Ժողովրդի գինում՝ 35, գ) Պրոպագանդա և գրականություն՝ 20, դ) Կազմակերպական ծախսեր՝ 10, ե) Պատահական ծախսեր՝ 5 տոկոս²:

ՄԻՆԴԻԱԿԱՆՍՏԱԿԱՆ ԳՈՐԾՈՒՆԵՈՒԹՅՈՒՆԸ

Զուգահեռաբար զարգանում էր նաև Հ.Յ. դաշնակցության սինդիկալիստական գործունեությունը: Անդրկովկասի քիչ թե շատ նշանակալի բոլոր

¹ Տե՛ս «Դրոշակ», N 9 (186), սեպտեմբեր, 1907, էջ 137:

² «Նյութեր...», հատ. Բ, էջ 333:

¹ Տե՛ս «Նյութեր...», հատ. Բ, էջ 333:

² Տե՛ս «Դրոշակ», N 9 (186), սեպտեմբեր, 1907, էջ 137:

քաղաքներում կուսակցությունն ստեղծել էր մեծ թվով բազմազան արհեստակցական միություններ, որոնք հիմնված էին դասակարգային պայքարի սկզբունքների վրա:

Արհմիութենական զանազան կազմակերպություններ էին ստեղծվել Թիֆլիսում, Բաքվում, Բաթումում, Գանձակում, Երևանում, Ալեքսանդրապոլում, Կարսում և Շուշում: 1907թ. սկզբներին կուսակցությունն ուներ 110 տարանուն բանվորական միություն՝ չուրջ 12 հազար անդամներով, այդ թվում Բաքվում 10 միություն (2000 անդամ), Թիֆլիսում 38(5100 անդամ), Բաթումում 4(750 անդամ), Երևանում, Կարսում և Ալեքսանդրապոլում 33 (1900 անդամ), Երզրամիստում 6(600 անդամ), Շուշում 19(640 անդամ):

Դաշնակցությունը բազմաթիվ միություններ ուներ նաև գյուղերում:

Ապահովված չլինելով հողով, աշխատելով գյուղատնտեսական տեխնիկայի հետամնաց միջոցներով, միաժամանակ ստիպված լինելով վճարել սնանկացնող հարկեր և ամբողջովին հանձնված լինելով շահագործող կալվածատիրոջ իշխանությանը՝ հայ գյուղացիական զանգվածները շատ հարմար միջավայր էին սոցիալիստական գաղափարների պրոպագանդան համար ընդհանրապես և հողի հանրայնացման գաղափարի արմատավորման համար՝ առանձնապես: Հենց հողի հանրայնացման պրոպագանդայով դաշնակցությունը արշավ ձեռնարկեց դեպի գյուղ, որն այնտեղ ընդունվեց գրկաբաց: Շրջելով հայկական գյուղերը՝ կուսակցական ազիտատորներն ստեղծել էին գյուղացիական միությունների լայն ցանց. կուսակցության կողմից ստեղծված գյուղացիական միություններում 1907թ. սկզբներին ընդգրկված էր 67 000 գրանցված անդամ¹:

Իր ամբողջ հեղինակության գործադրմամբ դաշնակցությունը գյուղացիության կյանքում առաջ բերեց կարևոր փոփոխություններ: Հարուստ և ազդեցիկ գյուղացիների դիմադրության պատճառով քսան տարուց ի վեր գյուղում չէր կատարվել հողաբաժանում: Հ.Յ.Դ. գավառային կազմակերպությունները գյուղացիական միությունների միջոցով իսկական պայքար սկսեցին գյուղական մակաբույծ տարրերի դեմ: Նրանց ստիպմամբ գյուղացիները կալվածատերերին տասանորդ չէին վճարում, մի շարք գավառներում, մանավանդ Գանձակի և Երևանի նահանգներում, կուսակցության հրահանգներով գյուղացիական միությունները բաշխում էին համայնական հողերը՝ հօգուտ հարստահարված, փոքր հողատերեր ունեցող գյուղացիների:

Կուսակցությունն ուներ նաև լրացուցիչ մարմիններ՝ կարմիր խաչի կազմակերպությունը, աշակերտական միությունները, միջկուսակցական, հետա-

¹ Տե՛ս նույն տեղում, էջ 136: Մի այլ աղբյուրում (տե՛ս «Rapport, presante' au Bureau Socialist International par le parti Soc. et revol armen. "Dachnakzutiun", Stuttgart, 1907, էջ 6) նշված է, որ այդ նույն ժամանակ դաշնակցության արհմիությունների մեջ ընդգրկված էր կուսակցական կազմակերպությանը ենթարկվող և կուսակցական հանձնարարություններ ստանձնած 23 300 բանվոր:

² Տե՛ս «Դրոշակ», N 9(186), սեպտեմբեր, 1907, էջ 136:

զոտական, մամուլի մարմինները, մշակութային-կրթական ընկերությունը, «Փոթորիկ» կազմակերպությունը, ինքնապաշտպանական կոմիտեները, ապահովության բաժանմունքը, տեղորոշողական գործուն կոմիտեն, ահաբեկիչ կազմակերպությունը, երկու ուսանողական կազմակերպությունները:

Որքան Ռուսաստանում և Անդրկովկասում ուժեղանում էին հեղափոխական շարժումները, այնքան ավելի էին անբարոյականանում ցարական պատժիչ մարմինները: Դրանք, որ կոչված էին պայքարելու հանցագործությունների դեմ, իրականում դարձել էին անհազ կաշառակերության օջախներ, որոնք ծածկում էին չարագործների հանցանքները և պատիժներ բարդում անմեղների վրա:

Դաշնակցությունն անտարբեր չմնաց ցարական ասյանների անարդարացի վճիռների նկատմամբ: Նա հնարավոր միջոցներով ձգտում էր չեզոքացնել իշխանությունների միջամտությունը հայերի փոխհարաբերությունների մեջ, և այդ նպատակով նրանց արգելում էր դիմել պետական ոստիկանությանը և դատարաններին:

Կուսակցությունը մոտավորապես նույն մարտավարությունն էր կիրառում նաև Թուրքահայաստանում փորձելով այստեղ հանդես գալ որպես «պետություն պետության մեջ»:

ՈՍՏԻԿԱՆՈՒԹՅՈՒՆԸ

Անդրկովկասի շատ հայ և թուրք գյուղերում հանդես էին եկել ավազակային տարրեր, որոնք օրը ցերեկով, նույնիսկ հրապարակավ գողություն ու թալան էին անում և մնում անպատիժ: Բայց անտանելին հատկապես այն էր, որ հայ ավազակ տարրերն իրենց գողացած անասուններն ու ապրանքները, փոխադարձ համաձայնությամբ, ուղարկում էին թուրք ավազակներին՝ ծախելու, և իրենք էլ նրանց գողացած անասուններն էին ստանում ու վաճառում: Հասարակ ժողովուրդը անտեղյակ էր ավազակների փոխադարձ համաձայնությանը. հայ գյուղացիները կարծում էին, թե իրենց անասունները թուրքերն են տանում, իսկ սրանք էլ համոզված էին, թե իրենց կողպատողները հայ ավազակներն են:

Տվյալ շրջանի Հ.Յ.Դ. կազմակերպության շրջիկ գործիչը, կատարելով ոստիկանի դեր, ժողովրդից ստացած տվյալների համաձայն, իր մոտ էր կանչում գող ու ավազակ անձանց, սպառնում և նրանցից ստորագրություն վերցնում, որ դադարեցնելու են անպատիվ «արհեստը»: Հանցանքը կրկնվելու դեպքում ավազակները և գողերը հանձնվում էին ժողովրդական դատարանի քննությանը:

¹ Տե՛ս «Հայրենիք», N 1(193), նոյեմբեր, 1938, էջ 146-147:

Դաշնակցութիւնը ոստիկանների ցանց ունեն Անդրկովկասի քաղաքներում: Նրա ոստիկանները, օրինակ, մշտապես հսկում էին Բաքվի Հայկական թաղերը, ձերբակալում հանցագործներին, տուժածներին վերադարձնում կողպետված ապրանքը և այլն: Քաղաքի դաշնակցական առաջին ոստիկանապետ, տաճկահայ Գևորգ (Ժորժ) Կարապետյանի գլխավորած ոստիկաններն աշխատում էին օր ու գիշեր և զարմանալի արիւթթյամբ: Ոստիկանապետի անունը քաղաքում հուշակ էր ստացել նրա համարձակութեան, անձնագոհութեան, անկողմնակալութեան համար: Այդպիսին էր նաև Բաքվի երկրորդ դաշնակցական ոստիկանապետը՝ Լևոնը¹:

Դաշնակցութեան ոստիկանութիւնը Բաքվում այնքան մեծ ժողովրդակառնութիւն ստացավ, որ ոչ միայն Հայերը, այլև օտարներն սկսեցին դիմել նրա աջակցութեանը:

Աբրահամ Գյուլխանդանյանը (Աբրո) «Դաշնակցութեան ոստիկանութիւնը և դաշնակցական ոստիկանապետերը» հոդվածում վերհիշել է Բաքվում տեղի ունեցած մի երկու բնորոշ դեպք:

Նա պատմում է, որ թուրք-հայկական ընդհարումները վերջանալու վրա էին, երբ հենց նոր քաղաք ժամանած մի պարսիկ խան կորցրել էր պայուսակը՝ մի քանի հարյուր հազար թումանի արժողութեամբ թանկագին քարերով: Նա դիմել էր պետական ոստիկանութեանը, որը, սակայն, կորցրել էր գլուխը և չէր կարողացել ընկնել կողպատիչների հետքի վրա անգամ:

Հուլիս կորցրած խանը տեղեկանում է դաշնակցութեան ոստիկանութեան գոյութեան մասին և մի հայ բարեկամի հետ դիմում է նրա ղեկավարին: Չանցած երկու թե երեք օր՝ ի զարմանս ռուս ոստիկանութեան, պայուսակն իր ողջ պարունակով թեև հայ ոստիկանութիւնը գտնում է և հանձնում տիրոջը:

Այդ պարտումների ժամանակ պարզվում է, որ գողերը Բաքվում կազմել են մի խմբակ՝ Հայերից, թուրքերից, ռուսներից և այլ ազգութիւնների պատկանող անձերից: Պարզվեց նույնպես, որ գողերից ոմանք վայելում են պետական ոստիկանների հովանավորութիւնը, և շատ գողութիւններ ու ավազակային թալաններ կատարվում են նույն ոստիկանների թելադրանքով և աջակցութեամբ: Դաշնակցութիւնը վճռական գործողութիւնների անցավ, Հայտնաբերվեցին ու զինաթափվեցին համարյա բոլոր Հայտնի գողերը: Ա. Գյուլխանդանյանը գրում էր, որ դաշնակցութեան ոստիկանութիւնը «ոչ միայն կարողացավ մաքրել քաղաքը այդպիսի մութ տարրերից, այլև բոլոր այն պետական ոստիկաններից, որոնք կապ էին ունեցել նրանց հետ»²:

Մի ուրիշ դեպք: Թատերական ներկայացման ժամանակ մի ռուս նավթարդյունաբերողից գրպանահատները տարել էին ոսկե ժամացույցը: Ներկայացմանը ներկա էր եղել նաև քաղաքի պետական ոստիկանապետը: Թատրոնի

դահլիճը տակնուվրա էին արել, բայց գողին բռնել չէր հաջողվել:

Մյուս օրը ռուս արդյունաբերողը դիմել էր դաշնակցութեան ոստիկանութեանը և, սարսափելի Հայհոյանքներ թափելով պետական ոստիկանութեան հասցեին, խնդրել էր գտնել ժամացույցը, քանի որ այն մի թանկագին նվեր-հիշատակ էր: Երկու օր անց Հայ ոստիկանութիւնը գտել էր գողին, վերցրել ժամացույցը և հանձնել տիրոջը³:

Դաշնակցութեան լոկ անունը սարսափ էր տարածում գողերի ու ավազակների վրա: Ա. Գյուլխանդանյանը վերհիշել է Հ.Յ.Դ. Բաքվի կազմակերպութեան նշանավոր ղեկավարներից Լևոն Թաղևոսյանի (Պապաշա) հետ պատահած դեպքը:

Թիֆլիսից վերադառնալիս, Բաքվի մոտ, Բալաշարի կայարանում, քնած ժամանակ գողերը տարել էին նրա դրամը, շատ կարևոր փաստաթղթեր, նաև՝ անձնագիրը: Նա մտահոգվել էր, որ թղթերը կընկնեն ցարական ոստիկանութեան ձեռքը՝ վտանգավոր հետևանքներով:

Բայց անհանգստութիւնն ավելորդ էր: Մի քանի օր հետո փոստով ստացվեցին գողացված թղթերը, դրամը և անձնագիրը՝ մի նամակի հետ: Նամակում հայտնելով, թե թղթերն ստուգելու ժամանակ տեսել են, որ դրանց մի մասը կնքված է դաշնակցութեան կնիքով, գրպանահատները ներողութիւն էին խնդրում, որ համարձակվել են կողպատել մի այդպիսի անձնավորութեան գրպանը²:

Դաշնակցութեան մարմինները ոստիկանավարչական ֆունկցիաներ էին իրականացնում նաև թուրքահայաստանում և Իրանում (Ատրպատականում):

Նկատի առնելով մի շարք վնասներ՝ դաշնակցական գործիչները սկզբում թուրքահայաստանում խուսափում էին վարչական գործերին խանգովելուց: Բայց ժողովուրդը ոչինչ չէր սպասում այն վարչութիւններից, որի գոյութիւնը զգացվում էր միայն թասիղթարների անողոք հարստահարման և խուզարկու գործերի բռնութիւնների ժամանակ: Մարդիկ ավելի ու ավելի հաճախ էին դիմում կուսակցական գործիչներին՝ խնդրելով «տեր կանգնել իրենց»³:

Թուրքահայաստանում Հ.Յ.Դ. կ.կոմիտեների ղեկավարութեան տակ էին գալառների (չրժանների) խմբապետական ժողովները և նրանց կողմից ընտրված կոմիտեները, խմբապետերը, իշխանները (բացառութիւն էր կազմում Բարձրավանդակը (Սասուն), որտեղ ընտրութիւններ չէին անցկացվում, քանի որ չրժանը կառավարվում էր իշխանների կողմից՝ ավանդական օրենքներով):

Դաշնակցութեան ոստիկանները գտնվում էին խմբապետական կոմիտեների անմիջական վերահսկողութեան տակ:

Դաշնակցութեան վարչական մարմինները, իրենց ոստիկաններով հանդերձ, մեծ արդյունավետութեամբ էին գործում հատկապես Վասպուրական

¹ Տե՛ս «Հայրենիք», N 7(163), մայիս, 1936, էջ 104:

² Նույն տեղում:

¹ «Հայրենիք», N 7(163), մայիս, 1936, էջ 105:

² Նույն տեղում:

³ Տե՛ս «Նյութեր...», հատ. Դ, էջ 56:

նում: Նահանգի հայությունը 1905-1907 թվականներին ըստ էության ճանաչում էր միայն Հ.Յ.Դ. Շամի կ.կոմիտեի իշխանությունը:

Հեղափոխականներն իրենց պաշտպանության տակ էին առել հայ գյուղացիությանը: Գյուղացիները հրաժարվում էին քուրդ բեկերին հարկ տալուց, եթե քրդերը փորձում էին հարկերը հավաքել ուժով, ապա հեղափոխական մարմինների ցուցումներով նրանք զինված դիմադրություն էին ցույց տալիս:

Քրդական ճնշման դեմ հայերի ձեռք բերած հաջողությունները բացում էին նաև նստակյաց քուրդ գյուղացիների աչքերը, որոնք նույնպես հրաժարվում էին իրենց աղաներին հարկերը վճարել և շատ հաճախ դիմում էին դաշնակցության ոստիկանության օգնությանը:

ԴԱՏԱՐԱՆՆԵՐԸ

Ռուսական պետական դատարանների քաջընկից ու կաշառումներից խուսափելու, ժողովրդի բոլոր դատական խնդիրները նրա իսկ ներսում կարգադրելու և արագ ու անաչառ ընթացք տալու համար դաշնակցությունը ստեղծել էր սեփական արդարադատություն:

Անդրկովկասում գործող Հ.Յ.Դ. դատական համակարգն ստացավ «ժողովրդական» անվանումը: Այն կոչված էր ի գորու լինել լուծելու գյուղացիների և ընդհանրապես հայ ազգաբնակչության մեջ ծագած վեճերն ու թյուրիմացությունները, ինչպես նաև պատժիչ վճիռներ կայացնելու անուղղելի հանցագործների նկատմամբ:

Ժողովրդական դատավորներն ընտրվում էին համայնքների կողմից և գործում կուսակցության հսկողության տակ: Համայնքը շահագրգռված էր դատավորներ ընտրել տարբեր խավերի պատկանող ազնիվ, անկաշառ, անկողմնակալ մարդկանց: Դատական գործերի համար ծախսերը հոգում էին դատարանների դիմած հայցվորները կամ նրանց հարազատները՝ իրենց եկամուտների 2 տոկոսի չափով: Դատարանները պարտադիր վճիռներ էին կայացնում, իսկ կազմակերպությունը միջամտում էր միայն այն դեպքում, եթե կողմերից մեկը չէր ենթարկվում կայացած արդար վճույթին:

1905-1907 թվականները եղան Անդրկովկասում դաշնակցության ժողովրդական դատարանների գործունեության բեղուն ու արդյունավետ տարիները: Ռուսական արդարադատության երևանյան բաժնի ներկայացրած պաշտոնական հաշվետվության մեջ գարմանք էր հայտնվում, որ նահանգում ամեն տեսակի վեճերը մեծապես նվազել են: Բայց հաշվետվության հեղինակը կամ չգիտեր դրա պատճառը, կամ «մոռացել» էր նշել, որ պատճառը ոչ թե ընդհանրապես հանցագործությունների թվի կտրուկ անկումն էր, այլ այն, որ հայերը այլևս չէին դիմում պետական դատարաններ: Իսկ դա մեծ հարված էր իշխանությունների հեղինակությանը:

Նշանավոր հրապարակագիր Էմիլ Դիլոնը դաշնակցության դատարանների մասին «The Contemporary Riviev» հեղինակավոր հանդեսում լույս ընծայած հոդվածում գրում էր, որ արագ կատարվող դատավարությունները և կայացած վճիռները, որոնք հիմնականում ներշնչված են արդարության նուրբ զգացումով, միանգամայն անսովոր բաներ են¹:

Իր տրամադրության տակ չունենալով բանտեր, այնուհետև նշում էր Դիլոնը, ժողովրդական դատարանը գողերի ու ավազակների համար սահմանում է զանազան պատիժներ, որոնց մի մասը խիստ զավեշտական է: Օրինակ՝ որոշ հանցանքների համար կայացված վճույթ հանցագործը ամբողջ օրը կանգնում է գյուղի հրապարակում և ամենքին բարձրաձայն հայտարարում, որ ինքը անագնիվ է և գող: Դրանից հետո տեղի դաշնակցական կազմակերպությունը նրան թույլատրում էր տուն վերադառնալ և աշխատել վերականգնել իր կորցրած վարկը²:

Կայացվում էին ավելի խիստ վճիռներ, որոնք, երբեմն, ճակատագրական էին լինում հանցագործների համար:

Դատարանները հատկապես խստագույն պատիժներ էին տալիս այն հայերին, որոնք զենք էին վաճառում թուրքերին ու քրդերին: Նման հանցագործներին դատարանները դատապարտում էին ամենաբարձր պատժով:

Օրինակ՝ Ալեքսանդրապոլի չրջանից մի հայ տարբեր ժամանակներում մոտ 100 բերդան հրացան էր վաճառել Շեյխ Հասան անունով ալաշկերտցի մի թուրքի, որը այդ զենքերը փոխադրել էր Ալեքսանդրապոլ - Մավրակ - Ճալա - Ալաճա - Տեկո - Կաղզվան - Ալաշկերտ գծով: Հրացանների հերթական խմբաքանակը տեղափոխելիս՝ Շեյխ Հասանը և նրա ուղեկիցը ձեռքակալվում ու գնդակահարվում են, իսկ հայ հանցագործը կարողանում է թաքնվել ու փրկվել³:

Հետաքրքիր է, որ Անդրկովկասում դաշնակցության ժողովրդական դատարաններին հաճախ դիմում էին նաև մահմեդական հարևանները՝ թուրքերը և քրդերը: Արդար դատավճիռներ ստացած շատ մահմեդականներ դառնում էին դաշնակցության համակիրներ և մուծումներ էին անում ժողովրդական դատարանների անդուլին:

Ոստիկանական ղեկարտամենտի դիրեկտորին ուղղված 1905թ. հունիսի 11-ի N 723 խիստ գաղտնի գրությամբ Երևանի նահանգի ժանդարմական վարչության պետ, գնդապետ Յակովլևը հաղորդում էր, որ Ղարսի մարզի Ղարս օկրուգի Շորագյալիի ոստիկանական մասի մուսուլման բնակչության ներկայացուցիչները բողոքով դիմել են նահանգապետին և խնդրել պարզաբանել, թե իրենք ում պետք է ենթարկվեն՝ գաղտնի հայկական կոմիտեին,

¹ Տե՛ս «Դրոշակ», N 8(161), օգոստոս, 1905, էջ 124:

² Նույն տեղում, էջ 125:

³ Տե՛ս «Հայրենիք», N 1(193), նոյեմբեր, 1938, էջ 147:

թե՞ մարզի կամ օկրուգի կառավարման ադմինիստրացիային, և ո՞վ պետք է իրենց պաշտպանի կոմիտեի բռնություններից, քանի որ տեղական ադմինիստրացիան, իրենց խոսքերով, լիովին կորցրել է իր նշանակությունն ու իշխանությունը Հայ բնակչության շրջանում՝:

Նույն գրությունը նաև հայտնվում էր, որ Երևանի նահանգի Ալեքսանդրապոլ քաղաքի մուսուլման բնակիչները դիմել են տեղի կոմիտեին՝ Ֆիդայապետների (խմբապետների), բռնություններից իրենց ազատելու խնդրանքով, և այդ նպատակով լիակատար պատրաստակամություն են հայտնել կատարել կոմիտեի բոլոր կարգադրությունները: Կոմիտեն մուսուլման բնակչությանը տվել էր վկայական՝ նրան իր ենթակայության և պաշտպանության տակ վերցնելու մասին¹:

Կովկասյան դատարանների օրինակով դաշնակցությունը ոչ պաշտոնական ժողովրդական դատարաններ է ստեղծել նաև Թուրքահայաստանում:

Այստեղ ձևավորված դատարանները, որոնք Հետաքրքիր ու յուրօրինակ երևույթ էին թուրքահայ իրականության պայմաններում, գործում էին բոլոր մակարդակներում՝ գյուղական, շրջանային (գավառային), նահանգային: Ինչպես Կովկասում, դրանց կազմի մեջ ընդգրկվում էին ազնիվ ու շիտակ, գյուղացիների շրջանում մեծ հարգանք վայելող անկողմնակալ մարդիկ:

Գյուղական դատարանները գյուղացիների միջև ծագած բոլոր վեճերն ու տարաձայնությունները քննում էին տեղում՝ արագ, արդյունավետ ու ձրի: Սահմանված պատիժներն էին՝ ծեծ, տուգանք, վնասի հատուցում, գավառից կամ նահանգից արտո՞ր²:

Վասպուրականի գյուղերից մեկի՝ Գանձակի ժողովրդական դատարանի գործունեությանն իր հուշերում անդրադարձել է դաշնակ գործիչներից Գալուստ Էյնաթյանը՝ բերելով դատավարություններից մեկի օրինակը:

Դաշնակցության տեղի կազմակերպությունը գյուղացիներին հրահանգել էր պետությունը չվճարել աչարը, իսկ եթե անուրդի դրվեր որևէ գյուղացու ունեցվածքը, ապա ոչ ոք չպետք է մասնակցեր դրան: Սակայն գյուղի ռեսը, անտեսելով այդ նախազգուշացումը, մասնակցել էր աճուրդին, այն դեպքում, երբ ոչ միայն գյուղացիներից, այլև հարևան գյուղի թուրքերից ու քրդերից որևէ մեկը չէր համարձակվել այդ բանն անել:

Քննելով ռեսի գործը՝ դատարանը որոշում է ընդունում երկու տարով նրան իր ընտանիքով Հեռացնել գյուղից, հակառակ դեպքում մեղադրյալին սպասում էր խստագույն պատիժ³:

Անդրադառնալով Վասպուրականում գործող դատարանների աշխատանքին՝ Արամ Մանուկյանը գրել է, որ ըստ էության փակվել էին օսմանյան դատա-

րանների դռները Հայերի համար: Այդ դատարանները պարապ էին, քանի որ «Բոլոր դատերը Հայերը իրենք իրենց մեջ էին տանում»¹: Դատական մարմինները, տեղական սովորությունների համաձայն, «հաշտարար ձևով փոխադարձ համաձայնություն էին գոյացնում երկու կողմերի միջև: Երբ այդ անկարելի էր լինում, վճիռ էին կայացնում և Հանձնում գյուղի կոմիտեին, իսկ երբ սա էլ չէր կարողանում իրագործել, դիմում էին շրջանային կոմիտեին, և այդպես դեպի վեր, մինչև կը հասներ կ. կոմիտեին»: Արամը վկայում է, որ «չատ քիչ դատական խնդիրներ էին հասնում մեզ, և եղածներն էլ շատ խոշոր էին»²:

Իրանի մի շարք վայրերում նույնպես, հատկապես Ատրպատականի նահանգում, դաշնակցությունը, թեև ոչ այնպես լայնատարած, ինչպես Կովկասում և Թուրքահայաստանում, իրականացնում էր արդարադատություն: Պարսկահայերը նույնպես խուսափում էի դիմել տեղի «դատական ատյաններին» և իրենց հարցերը լուծում էին դաշնակցության դատարաններում:

Ավելին, այդ դատարանները մահմեդական հարևանների համար նույնպես, վերջիններիս խնդրանքով, կայացնում էին արդար վճիռներ: Այսպես օրինակ՝ 1907թ. Ատրպատականի քուրդ աշիրթիներից մեկի մի խումբ քրդեր դիմելով դաշնակցության տեղական մարմնին, նրան հրավիրել էին միջնորդ ու հաշտարար լինելու իրենց միջև ծագած ներքին կոփներում: Դաշնակցության դատարանը, ընդառաջ գնալով, հաղորդությամբ կատարեց իր դերը³:

Իհարկե, սխալ է կարծել, թե դաշնակցության դատարանների գործունեությանը հավանություն էին տալիս բոլոր Հայերը: Այդ մարմնի գոյությունը Անդրերկովկասում վճռականապես դեմ էին արտահայտվում պահպանողականները, Հնչակյանները, ազատականները՝ «Մշակի» գլխավորությամբ, և, մանավանդ, բուլճիկները: «Մշակը», «Հնչակը», «Կայծը» տպագրում էին Հողվածներ, տեղերից ստացված թղթակցություններ, որոնց հեղինակները բազմաթիվ փաստեր էին բերում ժողովրդական դատարանների անօրինականությունների մասին:

Այսպես, բուլճիկյան «Նոր խոսքը» 1906 թվականի N 3-ում տպագրել էր Երևանի իր թղթակցից Խ. Նարինյանի (Մուշեղ Բագրատունի) Հողվածը, որտեղ նկարագրվում էին քաղաքում և գավառում դաշնակցական դատարանների կատարած կամայականությունները: Այդ դատարանների մասին նույն ոգով էր արտահայտվում նաև «Կայծը»՝ իր 1906-ի N31-ում:

Ժողովրդական դատարանների կողմնակալության և նրանց կողմից չարաչառումների դեպքեր կային նաև Թուրքահայաստանում, բայց այստեղ այդ դատարանների նկատմամբ բողոքներն ու քննադատություններն աննշան էին: Դա հասկանալի է. կողմնակալության, քաջջուրկների, կաշտակերության

¹ ՀՀ ՀՔԿՓԿՊԱ, ֆ. 1022, ց. 2, գ. 3, թ. 58:

² Նույն տեղում:

³ Տե՛ս «Արամը», էջ 35:

⁴ «Հայրենիք», N 5(304), մայիս, 1951, էջ 32:

¹ «Արամը», էջ 37:

² Նույն տեղում, էջ 35:

³ Տե՛ս «Դրոշակ», N 1(189), Հունվար, 1908, էջ 16:

սովոր, միշտ հայերին մեղադրող և նրանց նկատմամբ միշտ անարդար վճիռներ կայացնող թուրքական պաշտոնական «դատարանների» համեմատ՝ դաշնակցության ժողովրդական դատարանները հայ բնակչության համար իսկական պարգև էին:

ԳՅՈՒՂԻ ԿԱՌԱՎԱՐՈՒՄԸ

Թուրքահայաստանում փաստորեն դաշնակցության ձեռքն էր անցել հայ գյուղի կառավարումը:

Հ.Յ.Դ. Դուրան-Բարձրավանդակի կ. կոմիտեի 1906թ. նոյեմբերի 1-ի՝ կուսակցության չորրորդ ընդհանուր ժողովին գրած տեղեկագրի մեջ կարդում ենք.

«Ի նկատի առնելով, որ ժողովրդի մեծ մասը ճնշված է, և համարյա բոլորը տրամադիր են հարելու հեղափոխությանը, կազմակերպությունը չի սահմանափակվում որոշ անհատների [իր] մեջ [ներառելով], այլ ամբողջ հասարակությունը, գյուղական [ողջ] դասակարգը մտնում են կազմակերպության մեջ, և, [դրանով իսկ], ամբողջ համայնքը ճանաչվում է հեղափոխական, այսինքն՝ ենթարկվում է հեղափոխության ամեն պահանջի, կատարում նրա հրահանգները: Գյուղը, յուր տղամարդով, կնիկ ու ճոպվ հեղափոխական կազմակերպության մեջ է մտնում, և այդ հեղափոխական զանգվածը կառավարվում է գյուղի գործադիր մարմնի կողմից»¹:

Նույն կազմակերպության մի ուրիշ որոշման մեջ ասված էր, որ գործադիր մարմինը կազմված է գյուղի խմբապետից և նրա օգնականից: Իսկ եթե այդ բնակավայրում երկու խումբ կա, ապա գործադիր մարմնի մեջ մտնում են նաև երկրորդ խմբապետը (առանց օգնականի) և գյուղի ուսուցիչը: Վերջինս, ի տարբերություն մյուս երեք անձերի (որոնք նշանակվի են), պետք է ընտրվի Հ.Յ.Դ. կ.կոմիտեի կամ գյուղի խմբի կողմից և հաստատվի Հ.Յ.Դ. շրջանային կոմիտեում: Հակառակ պարագայում ուսուցիչը չի կարող լինել գործադիր մարմնի անդամ, իսկ դրանից հետո, առանց խորհրդակցելու խմբապետի և մյուս ընկերոջ հետ, չի կարող կատարել որևէ գործ՝ լինի դա կառավարական, գյուղին վերաբերվող, թե՛ հեղափոխական²:

Դաշնակցության կազմակերպությունների վրա է ընկած գյուղերում դրպրոցների բացումը և դրանց աշխատանքների հաղորդության ապահովումը: Դպրոցներին կարևոր նշանակություն էր տրվում նաև այն պատճառով, որ հեղափոխական գաղափարները պարարտ հող էին գտնում ամենից առաջ կրթություն ստացած պատանիների ու երիտասարդների միջավայրում: Բացի այդ, դպրոցներում հնարավորություն էր ստեղծվում ունենալու գաղտնի գրադարան՝ հեղափոխական գրականությանը, ստանալու լրագրեր և այլն: Արամ

Մանուկյանը գրել է, որ եթե չի կարելի ասել, թե Վասպուրականում և Մուշում եղել է «պարտադիր ուսում», բայց կարելի է պնդել, որ եղել է «պարտադիր դպրոց» ունենալու սովորություն և կարգադրություն³:

Գյուղական կազմակերպությունների պարտականությունների մեջ էին մտնում թայֆայական կռիվների և վաշխառության դեմ պայքարը, ազգային ավանդույթների և բարոյական նորմերի պահպանումը:

Այսպես, 1906 թվականին դաշնակցության Վանի կ. կոմիտեն «Հրաման» վերտառությամբ հրատարակել և ոչ միայն քաղաքում, այլև նահանգի համարյա բոլոր հայկական գյուղերում տարածել էր հայտարարություն-թուղթիկ, ուր ասված էր. «1. Արգելվում է գիշերով թուրքերի մոտ գնալը, 2. Խստիվ արգելվում է խմել և թաղերում օդի ծախել, 3. Արգելվում է թղթախաղը, 4. Խիստ պատասխանատվության պետք է ենթարկվեն նրանք, ովքեր թուրքերին հայ կանայք են տանում անբարոյականության նպատակով, 5. Պատասխանատվության կենթարկվեն կեղծ դրամ կտրողները, 6. Արգելված է վաշխառուական տոկոսներով դրամի շահագործումը»⁴:

Հետագայում անդրադառնալով այդ թուղթիկի բովանդակությանը՝ Արամը նշել է, որ դա շատերի մոտ զարմանք էր առաջացրել, որոնք առարկում էին, թե կ.կոմիտեն իր վրա վերցրել է կառավարական իրավունքներ: «Ձեխն կարող հասկանալ, - գրել է նա, - որ մեր անլեզու կազմակերպությունը կարող էր տրված առաջարկները գործադրել»⁵: Հիրավի, այդ առաջարկները (հրահանգները, հրամանները) գործադրվում և իրագործվում էին թե՛ համոզման և թե՛ ստիպողական միջոցներով: Չենթարկվողներն ստանում էին պատիժներ: «Մի երկու պատիժները օրինակ էին դառնում, որ ուրիշները միառժամանակ զսպվեին: Պետք է ասել, որ այդ օրինակներից շատերը, ինչպես և դատական գործառնությունները, մնացին նաև «Հուրիեթի» ժամանակ, մանավանդ գավառներում»⁶:

Դաշնակցության գործունեության մասին ինչպես ուսական պահանջարկային բաժանմունքում (OXPAHKA), այնպես էլ թուրքական ոստիկանական բաժանմունքներում կուտակվել էին բազմաթիվ փաստաթղթեր ու նյութեր:

Ռուսական օխրանկայի փաստաթղթերից մեկում, որը մանրամասն տեղեկություններ էր պարունակում դաշնակցության օրգանական կազմության մասին, նշված էր.

«...Դաշնակցությունն ինքնին ներկայացնում է ինչ-որ պետություն պետության մեջ ... ոչ մեկ հեղափոխական կուսակցություն (բացառությամբ դեռ ոչ լրիվ քողազերծված «Միջազգային հրեական միության») չունի այն բարդ կազմակերպությունը, ինչպես հայկական դաշնակցությունը: Նայելով [կազ-

¹ «Նյութեր...», հատ. Դ, էջ 56:

² Նույն տեղում, էջ 69:

³ Տե՛ս «Արամը», էջ 35:

⁴ Նույն տեղում, էջ 36:

⁵ Նույն տեղում:

⁶ Նույն տեղում:

մակերպություն] ուրվագծին, մենք տեսնում ենք Հանրապետական ձևի պետական մեխանիզմի կմախք: Պետական այդ կմախքը, ի դեմս իր աշխատողների, ներկայացնում է ոչ այլ ինչ, եթե ոչ Հայկական պետության պաշտոնյաների կազմը, որը ներգոր կերպով մշակված ծրագրի համաձայն՝ հետպնդում է իր պետական խնդիրներին»¹:

Այս տեղեկությունները Պետերբուրգ Հաղորդողները խուսափում էին իրենց վերադասին տեղյակ պահել նաև այն մասին, որ Կովկասի բոլոր նահանգներում ոչ միայն ոստիկանապետերը և գավառապետերը, այլև շատ հաճախ նահանգապետերը իրենց նախաձեռնությամբ հարաբերությունների մեջ էին մտնում Հ.Յ.Գ. մարմինների և ղեկավար գործիչների հետ, դիմում կազմակերպության աջակցությանը կամ խորհրդին:

Ցարական պահպանողական բաժանմունքի կողմից Հ.Յ. դաշնակցությանը տված բնութագրություններն ու գնահատականները գալիս են լրացնելու մեր պատկերացումները այդ համահայկական, խորապես ազգային կուսակցության մասին: Հայ ազատագրական շարժման պատմության անկողմնակալ հետազոտողը չի կարող չհպարտանալ, որ պետականությունից զուրկ, բռնադատված և հարստահարված ժողովուրդն ի վիճակի եղավ իր ընդերքից սերելու դաշնակցությանը, որն իր ստեղծումից ընդամենը մեկուկես տասնամյակ հետո դարձել էր մի այնպիսի հզոր ուժ, որի հետ ստիպված էին հաշվի նստել ինչպես ռուսական, այնպես էլ թուրքական իշխանությունները:

Այսպիսով, 1903թ. հունիսից-1907թ. կեսերը Կովկասում և Թուրքահայաստանում դաշնակցության դերի և հեղինակության աննախընթաց աճի ժամանակաշրջանն էր: Կուսակցությունը մինչև այդ էլ լինելով հայության ամենախոշոր և ամենազյլխավոր քաղաքական ուժը, նշված ժամանակահատվածում դարձել էր նաև ռուսական կայսրության մեջ գործող ամենախոշոր քաղաքական ուժերից մեկը, Անդրկովկասի ուժեղագույն կազմակերպությունը: 1907թ. կեսերին Հ.Յ. դաշնակցությունը իր վերընթացի գագաթնակետին էր:

Հ.Յ.ԴԱՇՆԱԿՑՈՒԹՅՈՒՆԸ ԵՎ ՍՈՑԻԱԼԻՍՏԱԿԱՆ ԻՆՏԵՐՆԱՑԻՈՆԱԼԸ

1905-1907թթ. ռուսական հեղափոխության ընթացքում Հ.Յ.դաշնակցությունը պարզեց իր դիրքորոշումը ինչպես ազատագրական շարժման, այնպես էլ առանձին հեղափոխական կուսակցությունների և հասարակական-քաղաքական հոսանքների նկատմամբ:

Հեղափոխության բռնկման պահից ի վեր դաշնակցությունն ամենագործուն մասնակցությունն ունեցավ քաղաքական ցույցերին, ազդիտացիա էր մղում կառավարության դեմ, կազմակերպում բողոքի հանրահավաքներ,

¹ «Նյութեր...», հատ. Բ, էջ 332:

առաջ քաշում ամենաձայրահեղ կարգակոչեր, պահանջում սահմանադիր ժողովի հրավիրում, իր պատգամավորներին երկրորդ պետական դուժա ուղարկում՝ բացահայտ հեղափոխական դիրեկտիվներով, հրատարակում անհաշտ ուղղության մարտական թերթեր, կազմակերպում բանվորական գործադուլներ՝ քաղաքական ու տնտեսական պահանջներով, մի քանի վայրերում իսկական ագրարային պատերազմ հայտարարում կալվածատերերի դեմ, բոլորում իշխանություններին, դիմում ահաբեկչության:

Ռուսական հեղափոխությունը, որ դաշնակցության առջև դրել էր որակապես նոր, ավելի ընդհանուր և ավելի լայն խնդիրներ, նրան ավելի էր մոտեցրել սոցիալիզմի գաղափարներին, առիթ էր տվել իր սոցիալիստական ծրագիրը զարգացնելու XX դարի սկզբին ծավալվող համաշխարհային սոցիալիստական շարժման իդեալների և պահանջների ոգով:

Արդեն դարասկզբին դաշնակցության համար պայմաններ էին ստեղծվել Սոցիալիստական երկրորդ ինտերնացիոնալի հետ հարաբերությունների մեջ մտնելու համար, իսկ հեղափոխությունը արագացրեց այդ գործընթացը:

1905թ. մայիսին ժնևուս, «Դրոշակի» խմբագրությունում, Բրյուսևից, Սոցիալիստական միջազգային բյուրոյից, ստացվել էր հետևյալ նամակը.

«Հայ հեղափոխական դաշնակցության

«Դրոշակի» խմբագրությանը

Այս տարվա մայիսի 10-ին «Տրիբուն ռուս»-ի մեջ կարդացի, որ Ձեր կազմակերպությունը հարել է Սոցիալիստական միջազգային կոնգրեսների մշակած որոշումներին:

Ես Ձեզ երախտապարտ կլինեմ, եթե բարեհաճեք այդ հարցի վերաբերյալ մի պաշտոնական ծանուցում ուղղել Սոցիալիստական միջազգային կոմիտեին՝ ուղարկելով միաժամանակ Ձեր կանոնադրի մի օրինակը:

Ընդունեցեք, սիրելի ընկերներ, մեր եղբայրական ողջույնները:

Քարտուղար (ստորագրություն)

12 մայիսի 1905թ.»¹:

Նամակն ստանալու պես «Դրոշակի» խմբագրությունն ուղարկեց հետևյալ պատասխանը.

«Միջազգային սոցիալիստական բյուրոյին

Սիրելի քաղաքացիներ

¹ 1905 թ. հոկտեմբերի 17-ի ցարական մանիֆեստը («սահմանադրությունը») ազդարարելուց հետո կառավարությունը դադարեցրել էր Հայաժամանակները քաղաքական կուսակցությունների, այդ թվում դաշնակցության դեմ, թույլատրել էր, որ նրանք Հանդես գան քաղաքականապես և ճանաչվեն երկրի մեջ: Պետական դուժայի ընտրությունների ընթացքում դաշնակցությունը Կովկասում Հանդես էր եկել իբրև ուրույն մարմին, և կառավարությունը ճանաչել էր նրա ընտրական պայքարը: Դաշնակցության ցուցակով ընտրված և դուժա մտած պատգամավորները ճանաչվեցին իբրև «դաշնակցական պատգամավորներ» և դուժայում կազմում էին առանձին ֆրակցիա՝ «Դաշնակցության ֆրակցիա» անունով:

² «Դրոշակ», N 6(159), հունիս, 1905, էջ 82:

Ի պատասխան մայիսի 12 թվակիր Ձեր նամակի՝ պատիվ ունենք Ձեզ տեղեկացնելու, որ, արդարև, մենք հարած ենք միջազգային սոցիալիստական սկրզբունքներին, որոնք արծարծվել են 15 տարուց ի վեր մեր հրատարակությունների մեջ, մասնավորապես, մեր կուսակցության օրգան «Դրոշակի» էջերում:

Բայց այդ կողմնակցությունը և այդ պրոպագանդը մինչև օրս գուտ տեսական բնույթ ունեին, քանի որ մեր գործունեությունը կենտրոնացած էր Թուրքաց Հայաստանում, ուր հող չկա սոցիալիստական գործոն պրոպագանդայի համար:

Ահա երկու տարի է, ինչ Հ.Յ. դաշնակցությունը սկսել է իր կռիվը նաև Ռուսական Հայաստանում: Եվ քանի որ մեր երկրի այդ հատվածում պայմաններն ավելի նպաստավոր են սոցիալիստական շարժում կազմակերպելու համար, ուստի մեր կուսակցության խորհրդի ս.թ. մարտ ամսին տեղի ունեցած վերջին ժողովը հատուկ սեպեց Կովկասի համար մշակել սոցիալիստական ծրագրի մի նախագիծ, որի մեջ նա ընդունում է միջազգային սոցիալիստական կոնգրեսների հիմնական որոշումները:

Այդ որոշումների հիման վրա մենք վերջերս համաձայնության եկանք ռուսական կայսրության հեղափոխական-սոցիալիստական կուսակցությունների հետ՝ կազմակերպելու համար միահամուռ գործակցություն ցարիզմի և կապիտալիզմի դեմ:

Վերոհիշյալ նախագիծը պաշտոնապես կհաղորդվի Ձեզ՝ կուսակցության առաջիկա ընդհանուր ժողովի կողմից վավերացվելուց հետո:

Ընդունեցեք, սիրելի քաղաքացիներ, մեր եղբայրական ողջույնները:

Խմբագրություն «Դրոշակի»

17 մայիսի 1905, ժրնև»¹:

Այս նամակագրությունից հետո դաշնակցության և սոցինտերնի միջև շփումները, թեկուզ հեռակա, ավելի շոշափելի դարձան:

Բյուրեքի սոցիալիստական բյուրոն շատ թե քիչ տեղեկանալով դաշնակցության գործունեությանը, ծանոթանալով նրա սոցիալիստական աշխարհայացքին, 1905թ. վերջերից ինտենսիվ հարաբերությունների մեջ մտավ կուսակցության ղեկավար մարմինների հետ՝ նրանց հաղորդելով տեղեկություններ համաշխարհային սոցիալիստական շարժման մեջ տեղի ունեցող խոշոր իրադարձությունների մասին:

Դաշնակցությունն ինտենսիվ շփումների մեջ էր ոչ միայն սոցինտերնի, այլև եվրոպական առանձին սոցիալիստական կուսակցությունների ղեկավար մարմինների հետ:

Ռուսական հեղափոխության սկզբում գերմանական սոցիալ-դեմոկրատիան, հանգանակություն ձեռնարկելով Տօգուտ Ռուսաստանի սոցիալիստական կուսակցությունների, գումարի մի մասը հատկացրել էր Հ.Յ. դաշնակցությանը՝

¹ «Դրոշակ», N 6(159), հունիս, 1905, էջ 82-83:

իբրև սոցիալիստական պայքարի հողի վրա կանգնած կազմակերպության:

1906թ. սեպտեմբերին «Դրոշակի» խմբագրությունը, Հ.Յ. դաշնակցության կողմից, որպես օգնություն, «Humanite»-ի խմբագրությանն էր ուղարկել 1 000 ֆրանկ: Վերջինս շնորհակալությամբ էր ընդունել այդ գումարը, և դա առաջին հերթին դիտել էր որպես համերաշխության արտահայտություն:

«Humanite»-ի խմբագիրը «Դրոշակի» խմբագրությանն ուղարկել էր հետևյալ նամակը.

Սիրելի քաղաքացիներ

Հաստատում եմ ստացումը 1 000 ֆրանկի, որ Հ.Յ. դաշնակցության անունից ուղարկել եք ինձ՝ «Humanite» -ի օգտին: Իմ աշխատակիցների և իմ կողմից հայտնում եմ ձեզ շնորհակալություն և խնդրում եմ Ձեզ՝ բարեհաճել դաշնակցությանն հաղորդելու մեր շնորհակալությունը՝ համերաշխության այս ակտի համար:

Ընդունեցեք, սիրելի քաղաքացիներ, իմ եղբայրական ողջույնը:

Փան Ժորես»¹:

Ընթերցողը տեղյակ է, որ դաշնակցության չորրորդ ընդհանուր ժողովը միաձայն որոշել էր՝ որպես Հայ աշխատավորության շահերի թարգման և իբրև համաշխարհային սոցիալիստական բանակի մի հատված, այսուհետև մասնակցել սոցիալիստական միջազգային կոնգրեսներին: Այդ որոշման ընդունման համար հիմք էր ծառայել այն եզրակացությունը, որ կուսակցությունն արդեն ունի բավարար երաշխիքներ՝ պաշտոնապես մտնելու Ինտերնացիոնալի մեջ: Մնում է անել վճռական քայլը:

Վերջապես այդ քայլն արվեց: Ղեկավարվելով Հ.Յ. դաշնակցության 4-րդ ընդհանուր ժողովի համապատասխան որոշումով՝ կուսակցությունը դիմում ներկայացրեց Բյուրեքի սոցիալիստական բյուրոյին՝ ընդունվելու Սոցիալիստական ինտերնացիոնալի շարքերը:

Սոցիալիստական բյուրոյում դաշնակցության դիմումի քննարկման ընթացքում առաջացան որոշ բարդություններ: Հայ սոցիալ-դեմոկրատներից մի շարք բողոքներ էին հղվել Բյուրեքի՝ առաջարկելով դրական ընթացք չտալ դաշնակցության դիմումին: Իրենց հերթին, ինտերնացիոնալի անդամ ռուսական սոցիալ-դեմոկրատիայի ներկայացուցիչները նույնպես, սոցիալիստական բյուրոյում հարցի քննարկման ժամանակ, հանդես եկան դաշնակցությանը սոցիալիստական կուսակցությունների շարքին դասելու առաջարկի դեմ:

Անտեսելով այդ բողոքներն ու դիմադրությունը՝ Բյուրեքի սոցիալիստական բյուրոյի ճշող մեծամասնությունը քվեարկեց դաշնակցությանը Սոցիալիստական ինտերնացիոնալի մեջ ընդունելու որոշում:

Այդ որոշումից անմիջապես հետո, առաջիկա Միջազգային 7-րդ սոցիալիստական կոնգրեսին մասնակցելու համար, ինտերնացիոնալի գործադիր կոմի-

¹ «Դրոշակ», 10(176), հոկտեմբեր, 1906, էջ 159:

տեն դաշնակցութեանը հատկացրեց երեք պատգամավորական տեղ՝ մեկը վրձնական ձայնի իրավունքով ամբողջ կուսակցութեան, երկուսը՝ խորհրդակցական ձայնի իրավունքով՝ նրա կովկասյան մարմինների համար:

Քանի որ կոնգրեսին մասնակցելու էին միայն դաշնակցութեան ուսական հատվածի ներկայացուցիչները, Բրյուսելի սոցիալիստական բյուրոն որոշեց, որ կուսակցութունն առայժմ Ինտերնացիոնալում չի ունենալու առանձին սեկցիա, այլ մեկ ձայնի իրավունքով մտնելու է Ինտերնացիոնալի համառուսական սեկցիայի՝ ուս սոցիալիստ-հեղափոխական (էս-էո) կուսակցութեան ենթասեկցիայի մեջ՝

1907թ. օգոստոսի 16-ին, կոնգրեսի բացման նախընթաց օրը, Սոցիալիստական բյուրոյի նիստում քննարկվեց Հայաստանի (Թուրքահայաստանի) առանձին ներկայացուցչութեան հարցը, որն առաջարկել էր Հ.Յ.Դ. արևելյան բյուրոն, և որի նպատակն էր Ինտերնացիոնալում ստեղծել առանձին Հայկական սեկցիա:

Հարցի քննարկումն անցավ համակրանքի միջոցով: Բայց քանի որ նոր սեկցիա ստեղծելու հարցը համարվում էր ծանրակշիռ ու պատասխանատու, և քանի որ առաջարկը կատարվել էր հանկարծակի, ուստի Միջազգային սոցիալիստական բյուրոյի նախագահ, Բելգիայի սոցիալիստների առաջնորդ Վանդերվելդի առաջարկով բյուրոն որոշեց հետաձգել Հայաստանի (Թուրքահայաստանի) առանձին ներկայացուցչութեան հարցը մինչև իր առաջիկա նիստը, ուր դաշնակցութեան պատշաճ մարմինը կներկայացնի մանրամասն զեկուցագիր Թուրքահայկական կազմակերպությունների մասին: Զեկուցագրին մանրամասն ծանոթանալուց և իրերի վիճակին տեղեկանալուց հետո, Սոցիալիստական բյուրոյի անդամները պետք է տային իրենց վճիռը:

Բյուրոյի այդ նիստից երկու օր հետո, 1907թ. օգոստոսի 18-ին, Շտուտգարտ քաղաքի (Գերմանիա) «Ziederhalle» դահլիճում տեղի ունեցավ Սոցիալիստական ինտերնացիոնալի կոնգրեսի բացումը: Պատգամավորները, թվով հազարի չափ, բաժանված էին ըստ ազգութունների և պետությունների: Ներկա էին 25 ազգութունների ներկայացուցիչներ: Ռուսական սեկցիայի գծով կոնգրես եկած պատգամավորների թիվը մոտ 50 էր, որից 3-ը, ինչպես ասվեց, դաշնակցականներ էին¹: Վճռական ձայնի իրավունքով մասնակցում էր Ռուստոմ Զորյանը²:

Կոնգրեսի օրակարգում դրված էին Միջազգային սոցիալիստական նախորդ Ամստերդամի կոնգրեսից հետո տարբեր երկրներում սոցիալիստական շարժման հաղորդությունների, միլիտարիզմի և միջազգային ընդհարումների,

¹ Սոցիալիստական ինտերնացիոնալում ամբողջ ուսական սեկցիային տրված էր 20 ձայն, որից 10-ը՝ սոցիալ-դեմոկրատիային, 7-ը՝ սոցիալիստ-հեղափոխականներին և 3-ը՝ չեզոք արժմութուններին:

² Տե՛ս «Դրոշակ», N 8(185), օգոստոս, 1907, էջ 110:

³ Տե՛ս «Ռուստոմ», 1979, էջ 15:

գաղութային քաղաքականութեան, սոցիալիստական կուսակցությունների և արհեստակցական միությունների փոխհարաբերությունների, արտագաղթի և ներգաղթի, կանանց իրավունքների կարևոր հարցերը:

Կոնգրեսում ելույթներ ունեցան եվրոպական սոցիալիստական շարժման նշանավոր առաջնորդներ Բեբելը, Ժորեսը, Վանդերվելդը, Վալիանը, բազմաթիվ այլ Հայտնի գործիչներ, ինչպես նաև մինչ այդ սոցիալիստական շարժման անձանոթ կամ քիչ ծանոթ պատգամավորներ:

Բրյուսելի Սոցիալիստական միջազգային բյուրոյի միջոցով կոնգրեսին ներկայացվեց պաշտոնական հակիրճ զեկուցագիր՝ Թուրքիայում և Անդրկովկասում Հ.Յ.դաշնակցութեան գործունեության մասին³, որ կազմել էր «Դրոշակի» խմբագրությունը: Զեկուցագիրը հարյուրավոր օրինակներով տարածվեց կոնգրեսում և առաջ բերեց սեւեռուն հետաքրքրություն:

Ձնայած դրան, չնայած կոնգրեսին վճռական ձայնի իրավունքով մասնակցում էր Ռուստոմը, բայց Հ.Յ.դաշնակցութունը այդ ժամանակ պաշտոնապես չանդամակցվեց Երկրորդ (սոցիալիստական) ինտերնացիոնալին: Հարցերի լուծումը հետաձգվեց գալիքին:

Օրակարգի հարցերի շուրջ ծավալված մտքերի փոխանակությունից և բանավեճերից հետո կոնգրեսն ընդունեց համապատասխան բանաձևեր: Միաձայն ընդունված հատուկ բանաձևով կոնգրեսն իր բուռն համակրությունը և հիացմունքը Հայտնեց ուսաստանցի սոցիալիստներին և հեղափոխականներին՝ նրանց հերոսական և արյունալի պայքարի համար: Քվեարկությունը կատարվեց ծափահարությունների որոտի ուղեկցությամբ:

Վեցօրյա աշխատանքից հետո Շտուտգարտի Միջազգային սոցիալիստական 7-րդ կոնգրեսը փակվեց, և պատգամավորները հեռացան աշխարհի գանազան ծայրեր:

Նախքան աշխատանքների ավարտը կոնգրեսն ընդունել էր նաև մի բանաձև, որով Բրյուսելի միջազգային սոցիալիստական բյուրոյին առաջարկել էր առանց ուչացնելու հրատարակել մի ընդհանուր ժողովածու և այնտեղ զետեղել կոնգրեսի բոլոր նյութերը: Շատ չանցած՝ լույս տեսավ այդ ժողովածուն, ուր զետեղված էր նաև դաշնակցութեան կողմից կոնգրեսին ներկայացրած նշված զեկուցագիրը:

Մի ուրիշ բանաձևով որոշում էր ընդունվել Սոցիալիստական ինտերնացիոնալի հաջորդ՝ 8-րդ կոնգրեսը հրավիրել 1910 թվականին, Կոպենհագենում:

³ Տե՛ս "Rapport, presente' au Bureau Socialiste International par le parti Soc. et revol. armen. "Dachnakutium", Stuttgart, 1907.

ՖԻԴԱԹԱԿԱՆ ՇԱՐԺՄԱՆ ՄԱԹՐԱՄՈՒՏԸ

Հ.Յ.Դ. չորրորդ ընդհանուր ժողովին հաջորդած ամիսներին, 1907թ. մայիս-օգոստոսին, տեղի ունեցան Հայ Ֆիդայական խմբերի վերջին երկու մարտերը թուրք-քրդական ուժերի դեմ: Դրանով փակվեց առասպելական Հերոսների շուրջ 30-ամյա դյուցազնական պայքարի ոսկե տարեգրության վերջին էջը:

ՆՈՐ ԴՅՈՒՑԱԶՆԱՊԱՏՈՒՄ ԵՎ ՆԱՀԱՏԱԿՈՒԹՅՈՒՆ ՍՈՒՂՈՒԽՈՒՄ

*Դուն չե՛ս գիտեր ի՞նչ է մեռնիլը ...
Մեռնիլը՝ ապրելու սկսիլ է ...*

1907 թվականի մայիսին Հայությունը կրեց ծանր կորուստ. նահատակվեց ժողովրդի վրեժխնդրությունից ժայթքած մրրկաթև Ասպետը՝ Գևորգ Չաուչը:

Հոգնել էր քուն ու հանգիստ չունեցող Հերոսը: Ընկերները Գևորգին թախանձագին խնդրում էին գոնե որոշ ժամանակով դուրս գալ երկրից և կարճատև հանգիստ առնել: Բոլոր հորդորները զուր էին անցնում: Տեղի չտալով սպառնացող վտանգներին, չ'անսալով մոտալուտ փորձանքներից խուսափելու անհրաժեշտության մասին իրեն արված ազդարարություններին, արհամարհելով կործանարար վտանգները՝ Գևորգը շարունակում էր իր խիզախ գործողությունները: Ժողովրդի ցավն ու տառապանքը փոքր-ինչ դարձանելը թանկ գնահատելով իր անձից՝ նա շարունակում էր կռվել Դուրան-Բարձրավանդակի Հայության կյանքի ու պատվի համար:

Իշխանությունները ակնապիչ հետևում էին Գևորգի ամեն քայլին: Նրա հետքը գտնելու համար ամենուր վիստում էին լրտեսները: Ե՛վ բարեկամը, և՛ թշնամին, սակայն, լավ գիտեին, որ Հերոսին միայն հանկարծակիի բերելով կարելի է հաջողության հասնել:

Եվ պատահեց այն, ինչը վաղուց սպասելի էր:

1907թ. մայիսի 5-ին Գևորգ Չաուչն իր խմբով իջել էր Հայկական Սուլուխ գյուղը: Սուլուխը, որ ուներ 120 տուն, գտնվում էր Եփրատի եզերքից ոչ հեռու, Մուշից դեպի Էրզրում տանող ճանապարհին¹:

¹ Տե՛ս Տեղակալ Մ. Ավետիսյան, Հայ ազատագրական ազգային յիսնամեայ (1870-1920) Յուշամատեան և զոր. Անդրանիկ, էջ 124-125:

Մայիսի 26-ին Ցրոնքից իր խմբով Սուլուխ է գալիս նաև Ռուբեն Տեր-Մինասյանը՝ հաջորդ օրը Գևորգի հետ Դերիկ անցնելու համար²:

Մայիսի 27-ի առավոտյան Սուլուխին տիրող Ահմեդը իր տանը Գևորգի և Ռուբենի պատվին կազմակերպում է հացկերույթ³, որին հրավիրվում են նաև Հենց նոր գյուղ մտած երկու հարկահավաք թուրք ժանդարմները: Հյուրասիրությունը դեռ չվերջացած՝ ժանդարմները պատրվակ են բռնում, թե շտապում են հարևան Ղաչղալթախ գյուղ՝ հարկեր հավաքելու: Սուլուխից բավական հեռանալով՝ նրանք փոխում են ճամփան և ուղղություն վերցնում դեպի Մուշ: Ներկայանալով քաղաքի կառավարչին՝ նրանք հայտնում են Գևորգի գտնվելու տեղը⁴: Քաղաքում գտնվող զորքն ու բոլոր ժանդարմներն անմիջապես ճամփա են ընկնում դեպի Սուլուխ⁵:

Շատ չանցած՝ սուլուխի Մեսրոպը լուր է տալիս Գևորգին, որ Մուշից մեծ զորք է առաջանում դեպի գյուղ: Շրջապատելով Սուլուխը՝ թշնամին, վերջապես, կարողանում է ծուղակի մեջ առնել Գևորգ Չաուչին:

Թուրքական հարձակումը ղեկավարում էր Քեոսե Բինբաշին՝ մի փորձված ու ճարպիկ զինվորական, ազգությամբ չերքեզ: Նա գտնվում էր երիտթուրքերի գաղափարական ազդեցության տակ, համակրում էր Հայկական Հեղափոխությանը և հաճախ գաղտնի հանդիպումներ էր ունեցել Գևորգի ու Ռուբենի հետ⁶: Բայց այժմ եկել էր կատարելու իր զինվորական պարտքը:

Թուրք հրամանատարն իր տրամադրության տակ ուներ մեծ ուժ՝ հազարավոր զինվորներ, անսպառ զինամթերք, հրացաններ, գնդացիներ, թնդանոթներ: Կանոնավոր զորքին հետևում էր կողոպուտի բնազդից մղված անկանոն խուժանը:

Այդ ուժի դեմ Չաուչն ուներ 17 հայդուկ և մոտ 70 կռվող գյուղացի՝ զինված զանազան տիպի հրացաններով: Կար մաուզեր տեսակի մոտ 20 տասնոց ատրճանակ, որոնք գնդացրի դեր պիտի կատարեին, հայդուկներն իրենց վրա ունեին մի օրվա փամփուռ⁷:

Սուլուխի տեղանքը հարթ էր, զուրկ բնական դիրքերից, բայց հայդուկապետն ընդունեց մարտը⁸:

Նախքան Մուշից մեկնելը Քեոսե Բինբաշին Ղաչղալթախ գյուղի պահակազինին հրահանգել էր գնալ դիրքավորվել կամրջի մոտ, Սուլուխի թիկունքին, որպեսզի փակվեն Ֆիդայիների նահանջի ճամփան:

Գևորգը գյուղացիներին պատվիրում է խուճապի չմատնվել, գյուղից դուրս

¹ Տե՛ս «Գաղմուքյուն Տարոնի աշխարհի», էջ 700:

² Տե՛ս Սարգիս և Մլաալ Բզէեան, Հարազատ պատմութիւն Տարօնոյ, էջ 235:

³ Նույն տեղում:

⁴ Տե՛ս Ալօ, Գևորգ Չաուչ, էջ 377-378:

⁵ Տե՛ս «Հայրենիք», N 10(404), 1959, էջ 51:

⁶ Տե՛ս Տեղակալ Մ. Ավետիսյան, Հայ ազատագրական ազգային յիսնամեայ (1870-1920) Յուշամատեան և զոր. Անդրանիկ, էջ 125:

գալու փորձ չանել, երեխաներին ու կանանց պահել փակված տներում: Գյուղում առանձնացվում է երեք դիրք, որոնց վրա բաշխվում են ուժերը: Հայդուկապետն իր խմբով դիրքավորվում է գյուղի կենտրոնի տներից մեկում: Մարտիկները հրաման են ստանում կրակ բացել, երբ թշնամին կգտնվի քսան քայլի վրա:

Քեոսե Բինբաշին զորքին հարձակման հրաման է տալիս, ու սկսվում է ճակատագրական թեժ կռիվը: Հայ մարտիկների առաջին իսկ համազարկերից գետին են տապալվում մի քանի տասնյակ թուրքեր, և թշնամին ստիպված նահանջում է: Թուրք հրամանատարը զորքը նորից գրոհ է տանում, և Հաջողվում է մտնել գյուղ: Այստեղ էլ Ալիզոնացի (Մուռ) Մքոյի գնդակից սպանվում է Քեոսե Բինբաշին: Թուրքերի շղթան հետ է քաշվում, բայց շատ չանցած՝ զորքը նորից հարձակում է կատարում Հայ մարտիկների դիրքերի վրա:

Գևորգ Չաուչը փորձում է անկարելի անել. անվախ ու հանդուգն նետվում է առաջ՝ իր դիրքի դիմացի ահագին բազմութունը ցրելու համար: Հաջորդ պահին իսկ թշնամու մի գնդակ մխրճվում է Գևորգի կոնակը, և նա ընկնում է մահացու վիրավոր:

Տեսնելով այդ վաղորջա գինվոր սպաղանցի Գալեն (Կար) ինքն էլ առաջ է նետվում վրեժխնդրության մոնչյունը շուրթերին: Նա նույնքան առուծափրտ մի կտրիճ էր և շատ տարիներ եղել էր Գևորգի երգվյալ ընկերը, նրանից անբաժան, նրա հետ մասնակցել էր բազում հերոսական կռիվների: Այս վերջին կռվում նրան էլ է հասնում թշնամու մահաբեր գնդակը՝ Նույն րոպեներին կամրջի գլխին գնդակահար ընկնում է Գևորգի մյուս հավատարիմ ընկերը՝ Խարսա Յակոն:

Կռիվն այդպես շարունակելը համարելով անկարելի՝ Ռուբենը մարտիկներին կարգադրում է ամբողջ ուժով դիմադրել թշնամուն, նրան չթողնել խուժելու գյուղ, մինչև որ գյուղացիները կարողանան գյուղից հեռանալ և ապաստան գտնել զանազան տեղերում:

Մուլթը վրա է հասնում, և, օգտվելով դրանից, գյուղացիները Սուլուխից դուրս են գալիս: Ֆիդայիների կռիվը շարունակվում է մինչև ուշ գիշեր: Հեռանալով գյուղից դեպի Լաշղալթախ՝ նրանք իրենց հետ տանում են ծանր վիրավոր Գևորգ Չաուչին, նաև՝ Գալեի ու Յակոյի դիակները: Հասնելով Եփրատին՝ մարտիկները համբուրում և գետի ալիքներին են հանձնում սպանված երկու թանկագին ընկերներին, իսկ մահամերձ Չաուչին թաքցնում են Խաչ-

խաղաղի եղեգնուտներում թշնամու անարգանքներից փրկելու համար, նաև նպատակ ունենալով հաջորդ օրը նրան վերցնել և քելակներով տեղափոխել գետի մյուս ափը:

Կռիվը դաժան էր եղել: Թշնամին տվել էր մեծ կորուստներ: Բացի զորքի ընդհանուր հրամանատար Քեոսե Բինբաշիից, սպանվել էին երկու հարյուրապետ, հինգ մյուզազրմ, մեկ բժիշկ, մեկ ոստիկանապետ: Սրանց բոլորի անունները պաշտոնապես հրապարակվեցին, բայց գաղտնի պահվեց զոհված գինվորների թիվը, որը 100-ից ավելի էր: Անհամեմատ մեծ թիվ էին կազմում վիրավորները:

Քեոսե Բինբաշիի մահը սգի էր մատնել թուրքերին, որոնց մեջ նա հերոսի համբավ ուներ: Նրա մահը ափսոսանքով ընդունեցին նույնիսկ շատ մշեցի հայեր, քանի որ հանգուցյալը այն բացառիկ թուրք բարձրաստիճան գինվորականներից էր, որը չէր թաքցնում իր համակրանքը Հայ հեղափոխականների և ընդհանրապես հայության նկատմամբ: Քեոսե Բինբաշին գինվորական մեծ պատիվներով թաղվեց Մուշում: Թաղման թափորի հետ էր 50 հոգանոց նվագախումբը:

Սուլուխի կռվում Հայ Ֆիդայիների կորուստն անհամեմատ քիչ էր: Նրանք տվել էին երեք սպանված և 11 վիրավոր: Կռիվը գյուղացիներից սպանվել էր 18, իսկ անգնե բնակիչներից՝ 23 հոգի: Թվապես անհամեմատ ոչ մեծ զոհերի դիմաց հայերը որակապես տվել էին անչափելի կորուստ:

Չորքը միայն առավոտյան կողմ համարձակվեց մտնել Սուլուխ: Ձինվորները ու ամբողջ անմիջապես վրա պրծան գյուղում մնացած գյուղացիների վրա, որոնք հաշմանդամ կամ հիվանդ լինելով՝ չէին կարողացել հեռանալ: Ջարդարարները, լի վրեժխնդրությամբ, սկսեցին անյուր գազանութուններ: Նրանք սպանեցին Չաթո Կարոյանին, Բարսեղ Հովասափյանին, Առաքել Գասպարյանին, Մկրտիչ Տոնոյանին, մշեցի Ավո Չուսոյանին, բռնաբարեցին Հովսեփի կին Կուլոյին, Օհանի կին Ջրմոյին, Նադոյի կին Վարդեին: Գյուղից սարսափահար փախուստի ժամանակ Արածանի գետում ջրամոյն խեղդվում էին 6 հոգի: Ամբողջովին կողոպտված գյուղի բնակիչները ցիրուցան են լինում:

Չորքն ու ոստիկանութունը անդադրում փնտրում էին ֆիդայական խումբին: Հրամայված էր ամեն գնով ձերբակալել Ռուբենին: Նրանք գիտեին, որ

* Քելակ - գետն անցնելու «փոխադրամիջոց», որը այժմ փչած տիկերի վրա դրած տախտակի մի քանի բարակ կտորներ էին ամրացված պարաններով:

** Տարբեր աղբյուրներում սպանված թուրքերի թիվը տարբեր է նշված: Կարո Սասունին կանգ է առնում 110 թվի վրա (տե՛ս «Պատմութուն Տարոնի աշխարհի», էջ 701): Ավելի թե՛ պակաս ստույգ տեղեկության հիման վրա նրանց թիվը Ռուբեն Տեր-Մինասյանը հաշվել է 120 (տե՛ս Ռուբեն, Հայ յեղափոխականի մը յիշատակները, հատ. Դ, էջ 180): Ոմանք այդ թիվը հասցնում են 400-500-ի (տե՛ս «Հայրենիք», N 10(404), 1959, էջ 51):

¹ Տե՛ս «Պատմութուն Տարոնի աշխարհի», էջ 701:

² Տե՛ս Ռուբեն, Հայ յեղափոխականի մը յիշատակները, հատ. Դ, էջ 179:

³ Տե՛ս «Դրոշակ», N 6-7(183-184), հունիս-հուլիս, 1907, էջ 85:

* Բնածին հերոս, արտակարգ նկարագրով օժտված Գալեի մասին Ռուբենը գրել է. «Եթե ան ըլլար քիչ մը անհամեստ, քիչ մը փառասեր, կը դառնար առաջինը Մշո աշխարհին մեջ»: Իսկ Գևորգ Չաուչը հաճախ այս կամ այն առիթով կրկնում էր. «Եթե ես ունենայի Գալեի քաջութունը և մտածողութունը, առանց կատակի սուլթան Համիդին թախտից վայր բերելը քանի մը շաբաթուան գործ պիտի դառնար»: «Հայրենիք», N 10 (404), 1959, էջ 51):

¹ Տե՛ս «Դրոշակ», N 10 (187), հոկտեմբեր, 1907, էջ 152:

² Տե՛ս նույն տեղում, N 6-7(183-184), հունիս-հուլիս, 1907, էջ 85:

Գևորգը մահացու վերք է ստացել, ուստի փնտրում էին նաև նրան: Բայց Հե-
րոսը մայիսի 28-ի արևածագին արդեն ավանդել էր Հոգին՝ Հենված եղեգի մի
խրճի, թևերը գետին փռած՝ կարծես քնած հսկայի քնով: Նա մեռել էր տան-
ջանքների մեջ:

«... Իմա՛լ ժողովուրդ ունինք. արժե մեռնիլ անոր համար ...»:

Ժամանակին այս խոսքերը արտաբերած «Աարերի Ասլանը» հիմա հոգնած
ու տառապալից գլուխը կախել էր լայնանիստ կրծքին՝ այլևս չբարձրանալու
համար¹: Նա ընդամենը 36 տարեկան էր²:

Ռազմիկ ընկերները արտասուքով լվացին հերոս մարտիկի դին և երգվեցին
երբեք մոռացուլթյան չտալ նրա հիշատակը:

Որպեսզի Գևորգի մարմինը չընկներ թշնամու ձեռքը, հայդուկները դիակը
չտապ թաղեցին մոտակա բլրի ստորոտում, բայց թուրք զինվորները կարողա-
ցել էին գտնել տեղը և, դիակը հանելով, դրել էին սայլի վրա ու տարել Մուշ:
Թուրքերը չէին անարգել հերոսի դին և երեք օր հարգանքով ցուցադրելուց
հետո հանձնել էին հայոց Առաջնորդարանին:

«Ճնշուածներուն ամբոխը ահաբեկ՝ անոր մահը կողբար, - գրում էր
«Ռազմիկ» թերթի թղթակիցը, - անոր մահերգը կը հեծծեր երդիքներուն ան-
կիւնը, ամայի դաշտերու գոգը, խորհրդապանծ սարին ստորոտը: Մեռեր էր
հերոսը, եւ իր արու մահուան դիւցազներգութիւնը կը հեզէին փոսացած
աչքերով պառաւներ, ցուպերու կոթնած ծերունիներ, կիսամերկ լաճեր եւ
սգաւոր այրիներ...»³:

Քեոսե Բինբաչիի թաղումից երկու օր հետո Գևորգ Չաուչին նույն նվագա-
խմբի հնչյունների տակ և մեծ թափորով տանում են քաղաքի Կողաթաղի գե-
րեզմանատուն և Հոդին հանձնում հայ ազատագրական շարժման մի ուրիշ
նշանավոր գործչի՝ Գուրգենի (ազուլիսցի Բաղդասար Մայլան - 1873-1899)
չիրմի կողքին:

Հերոսի դին թաղելու տանող ահաբեկ թափորում միայն հառաչանք էր ու
այրող կսկիծ: Վշտից քարացած մի տառապյալ մշակ այսպես էր փոխանցում
իր ողբը երիտասարդ զրուցակցին.

«Իր կտրիճ մարմինն է, որ թաղելու կը տանին, իր նշխարքը որ հիմա
արիւն կը հոտի: Չավու՛չը, տղայ, մեր դաշտերուն կորիւնը, մեր գազաններուն
սարսափը ինկա՛ւ, ու մեզ որք թողուց այս վերան աշխարհին մեջ: Չավուչը
ինկաւ, տղայ՝. գիտե՛ս ինչ ըսել է այս: Անտառեն վերցուր առիւծը, եւ ի՞նչ կը

¹ Տե՛ս Եավարչ Միսաքեան, Օրեր և ժամեր, Փարիզ, 1958, էջ 9:

² Սողուխի կովից հետո Ռուբեն Տեր-Մինասյանի հակառակորդների կողմից լուր տարածվեց,
թե Գևորգ Չաուչին սպանել է ինքը: Նրանց հիմնական փաստարկն այն էր, որ Գևորգը
մահացու վերք է ստացել կռնակից, հետևապես գնդակը նետվել է նրա դիրքի թիկունքում
գտնված Ռուբենի դիրքից (այդ կարծիքի մասին տե՛ս Մարգիս և Միսակ Բղէնան, Հարա-
զատ պատմութիւն Տարսուոյ, էջ 236-ի տողատակ, «Պատմութիւն Տարսուի աշխարհի»,
էջ 701-ի տողատակ և այլն): Վարկածը հնարովի է, անհեթեթ:

³ «Ռազմիկ», N 191, 6 հոկտեմբերի 1907թ.:

տեսնես, - բոլոր մանր ու խոշոր գազանները, գայլն ու բորենին, վարազն ու
արջը, կուզն ու աղուէւր պար կը դառնան, քո արտն ու ախոռը, քո տունն ու
օջախը կը քանդեն, քո տաւարն ու հաւքը կը լափեն, քո նամուսը կը պղծեն, քո
հանգիստը կը քրքրեն, եւ մեծ փառք, եթէ այդ բոլոր զուլումին մէջ մենավոր
հոգիդ ողջ մնաց... Գէորգը մեր առիւծն էր, որ իր կորիւններուն հետ ահ ու
սարսափ կ'ազդեր այդ ամեն մանր ու խոշոր գազաններուն, այդ ծուարած բո-
րենիներուն: Ան մեր Ասլանն էր: Անոր շուքէն կը դողային քուրդն ու պեկը,
միւլթեգիմն ու աքբերը, չէրքեզն ու մուհաճիրը: Գեո՛րգը, դուն տեսե՛ր էիր
անոր պես իզգիտ...»⁴:

Եվ մշակը աչքերին տարավ թևը՝ լճացած արցունքը սրբելու համար:

Կորուստն, իրոք, անչափելի էր: Մահվան բռթը սլացալ՝ խոր կսկիծ պատ-
ճառելով Տարոնի, Սասունի, Մշո աշխարհի հայուլթյանը, Արևմտահայաստանի
տարբեր վայրերի մարտիկներին, ողջ հայ ժողովրդին: Հայը չէր ուզում հավա-
տալ, որ այլևս չկա Չաուչը: Բայց իրականութիւնը դաժան էր: Չկար այլևս
մեծանուն քաջը: Հազար-հազար հոգիներ լայիս էին լուռ, առանց արցունքի:
«Ափսո՛ս» խոսքը, թուած հազարների բերանից, թևածուռ էր ամենուր:

Մ. Փորթուզալյանի «Արմենիա» (Մարսել) թերթը դրվատելով առասպելա-
կան Հերոսին՝ մեծ ափսոսանքով գրում էր. «Ցավով կիմանանք, թե Մուշ պա-
տահած ընդհարումներուն մեջ սպանվեր է խմբապետ Գևորգ Չաուչը (Սար-
հատ)»: Թերթն ընթերցողին հիշեցնում էր, որ նա շատ տարիներ անձնվիրա-
բար պայքարել է իր ժողովրդի ազատութիւնը համար և երբեք չի մտածել հա-
րազատ երկրից հեռանալու մասին⁵:

Ռամկավար գործիչ Արամ Անտոնյանին 1925 թվականին գրած նամակում
նրա այն հարցին, թե «որոնք են եղել քո կյանքի ամենատխուր պահերը», գո-
րավար Անդրանիկը պատասխանել է, որ դրանք երկուսն են եղել, որոնցից մե-
կը՝ «1907-ին, երբ Գևորգի մահուան լուրը հասավ ինձի»⁶:

Ժողովուրդը երգեր հյուսեց իր անվեհեր որդուն: Սողուխի կովի և Գևորգի
նահատակութիւն վրա տխուր երգեր հյուսեցին նաև քրդերն ու թուրքերը:
Հայի սրտից բխած վշտակոծ երգերից մեկում ասված էր.

Քո մահից յետոյ
Ա՛լ մեզի համար
Ի՞նչ կ'արժե կեանքը,
Ի՞նչ կ'արժե աշխարհը՝

Վշտառատ երգեր երգելով՝ ժողովուրդը միաժամանակ գիտակցում էր, որ
հերոսն իր կյանքը զոհել է պաշտելի Հայաստանի համար, ինչպես զոհվել են
իրենց կոչմանը գիտակ բոլոր անձնուրաց մարտիկները: Մեծ նահատակը

¹ Եավարչ Միսաքեան, Օրեր և ժամեր, էջ 201:

² «Արմենիա», 24 օգոստոսի, 1907թ.:

³ ՀՀ ԳԿԳԱ, ֆ. 370, ց. 1, գ. 83, թ. 1:

⁴ «Յեղափոխական երգարան», Գ, տպագրութիւն, Պնյուլթ, 1988, էջ 65:

կարծես ասում էր. «Թող ոչ ոք չողբա իմ բախտը: Ես կյանքս ամբողջապես, առանց մնացորդի նվիրել եմ իմ տառապյալ ժողովրդի ազատության կռիվին: Բռնապետության առաջ իմ կողմից երբեք զղջումի խոսք չի կարող լինել: Հանդերձյալ աշխարհում իմ հոգար լինելու է մեկը. իմ մահով իմ գործը շո՛ւտ է արդյոք պսակվելու գաղափարի մաքրությանը»:

Ժողովուրդն ուներ իր պատասխանը. «Գևորգ Չաուչ անունով անգուգահան Հերոսի գործն անմահ է: Նրա կերպարը դարեդար մնալու է իմ չխամրող Հիշողության մեջ»:

Իսկ Թուրքերի ուրախությանը չափ ու սահման չկար. նրանք ուրախ էին, որ ազատվել են Հերոս Հայ վրիժառուից:

Չաուչի մահից Հետո խորտակվեց Երկրի Հայության ամուր պատնեշներից մեկը: Հերոսի կենդանության ժամանակ իրենց գազված պահող ավազակախումբերը նրա մահից Հետո ազատ շունչ առան: Թուրքերի ու քրդերի ձեռքերը լիովին արձակվեցին Դուրան-Բարձրավանդակում և այլուր: Անոթի գայլերի ոհմակները այժմ անվախ ու անկաշկանդ խուժում էին անպաշտպան Հայ գյուղերը, կոտորում ու ավերում, թալանում ու կեղեքում:

«Հայրենիք» թերթը տպագրել էր Մուշից ստացած մի թղթակցություն, ուր ասված էր. «Գևորգ Չաուչի սպանությունն յետոյ կացությունը գնալով ծանրացավ. ընդհանուր կոտորածի մը սարսափը պատած է ամբողջ Մշո դաշտը»¹:

Մշեցի Հալի Սեֆու Ապար Սահիմեն մտնելով Ախճան գյուղը՝ ատրճանակի կրակոցներով սպանում է երիտասարդներ Յովո Սերոբյանին, Մեսրոպ Աղլոյանին և վիրավորում ուրիշ երկուսի: Խրճրխի Զորավուհ քրդերը Հարձակվում են Ցրոնքի վրա և սպանում գյուղի 20-30 տարեկան մի քանի երիտասարդի՝ Պաղո Խաչոյանին, Մուշո Սրոյանին, Ասիկ Գրիգորյանին, Յակո Ղազարյանին, Զրո Մարդոյանին, Խչո Մրիթարյանին և այլոց²:

Մուշի մերձակա Հայկական գյուղերը նույնպես սարսափի մեջ էին:

Հունիսի 14-ին Պելպաշի քրդերը, իրենց ցեղապետ Սրոյի և Պլթոյի առաջնորդությամբ, Հարձակվում են Պաղու Հայաքնակ գյուղի վրա, սպանում ու Հոշոտում մարդկանց, հրդեհում բոլոր տները: Տղամարդիկ Հալածական բարձրանում են լեռները, կանայք ու երեխաները ընկնում են ուրիշ գյուղերի փողոցները»³:

Հաջորդ օրը, Հունիսի 15-ին, նույն քրդերը Հարձակվում են Պաղուի Հարևան Սեղդի գյուղի վրա և նոր սպանություններ կատարում: Գյուղը թալանվում ու հրդեհվում է, իսկ ընկալիները ցրվում են տարբեր կողմերի վրա⁴:

Կացությունն անտանելի էր նաև Մուշ քաղաքում: Իշխանությունը քրդերին, Թուրքերին և նույնիսկ զորքին դրոշմ էր կոտորած առաջ բերել:

Երկուդալի շուկաներից դրոշմած՝ Հայերը տներն էին քաշվել: Ուժ օր Հետո, իշխանության ճնշումներով, Հայերը հարկադրված բացեցին խանութները, բայց սուկումով սպասում էին, թե ինչ է լինելու:

1907-ի Հունիսի 20-ին, ժամը 2-ին, մոտ 500 զինվոր, առանց հրացանների, զինված ատրճանակներով և դաշույններով, Հանկարծ լցվում են շուկա, որտեղից Հայերը փախուստ են տալիս: Թուրքերը Հասցնում են դաշունահարել մի քանիսին⁵:

Թուրքերը Հաջորդ օրերին լարված պատրաստություններ էին տեսնում Հայոց թաղերի վրա Հարձակվելու համար: Մզկիթներն ու Թուրքերի խանութները լցված էին զենքերով: Հայերի երկուդն աննկարագրելի էր: Այդ պայմաններում ինքնապաշտպանության մասին խոսք լինել չէր կարող⁶:

Բանտերը լցված էին Հարյուրավոր անմեղ մարդկանցով:

Զրկված լինելով իրենց աննկուն պաշտպանի Հովանավորությունից՝ Դուրան-Բարձրավանդակից և Մշո դաշտից 50 հազար մարդ դիմեց Կ. Պոլսի ուսական դեսպանին և ուսուցչականությանը՝ Ռուսաստան գաղթելու համար⁷:

Մայր առած կողոպուտների և սպանությունների առթիվ Կ. Պոլսի Հղվեցին բողոքի Հեռագրեր, որոնցում նկարագրվում էին գործած Հարագործությունները և կառավարությունից խնդրվում էր միջամտություն:

Այդ բողոքները ջրելու նպատակով Մուշի մյուսթեսարեֆի հրամանով տեղի առաջնորդական տեղապահ Հյլիսիրեմյան Կորյուն վարդապետը և Աևոնդ քահանան ներկայանում են նրան: Մյուսթեսարեֆը նրանց առաջարկում է Պոլիս ուղարկելու համար ստորագրել իր կողմից նախապես պատրաստած Հեռագրի Հետևյալ տեքստը.

«Քանի-քանի տարիներ ի վեր կայսերական գավառների խաղաղությունը վրդովող, Հայ երկրագործ ժողովուրդը կեղեքող ու սպանող, միամիտ ժողովրդին ուսաստանապետության հրավիրող և ստիպող, Հայ աղջիկներին առևանգող, ժողովրդին Ամերիկա գաղթելու միակ պատճառ հանդիսացող Գևորգ Չաուչ ասված ավազակին ու իր ընկերների կյանքը ջնջված լինելով, կայսերական գավառները, սուլթանի խաղաղասեր ու Հայրական խնամքի ներքո սկսել են բարվոք կացության վերադառնալ: Վաճառականությունը և երկրագործությունը նախանձելի վիճակում են: Հայ ժողովուրդը հոժարակամ աղոթում է օսմանյան քաջարի զորքերին արևաշատություն, որ շատ իմաստուն և խելացի կերպով, առանց որևէ մեկի կյանքին, ունեցվածքին և ստացվածքին վնաս Հասցնելու, միայն փութացին աշխարհից վերացնելու ավազակների կյանքը...»⁸:

Երբ մյուսթեսարեֆը կարդում է Հեռագրի տեքստը և առաջնորդական փոխանորդին մեկնելով առաջարկում ստորագրել, սա գրպանից անմիջապես

¹ «Հայրենիք» (Բոստոն), N 33(423), 17 օգոստոսի 1907թ.:

² Տե՛ս «Դրոշակ», N 6-7(183-184), Հունիս-Հուլիս, 1907, էջ 85:

³ Տե՛ս նույն տեղում, N 8 (185), օգոստոս, 1907, էջ 117:

⁴ Տե՛ս նույն տեղում:

⁵ «Դրոշակ», N 6-7(183-184), Հունիս-Հուլիս, 1907, էջ 116:

⁶ նույն տեղում:

⁷ «Հայրենիք» (Բոստոն), N 33 (423), 17 օգոստոսի 1907թ.:

⁸ «Դրոշակ», N 10 (187), Հոկտեմբեր, 1907, էջ 145:

Հանում է կնիքը և կնքում տեքստը:

Շուտով Մուշի Հայերին Հայտնի է դառնում Հոգևորականների ստոր արարքը: Սասնո և Դաշտի կանաչ Հավաքվելով՝ անեծքի տարափի տակ են առնում վարդապետին, ապա Հարձակվում են նրա վրա և վռնդում առաջնորդարանից: Սա ապաստանում է որբանոցում և այնտեղ մնում մի քանի օր, մինչև որ Բաղեշի կուսակալի Հավանությունը նրան Կարին փոխադրելու հրաման է տրվում:

Գևորգ Չաուչի նահատակությունից Հետո Դուրան-Բարձրավանդակում Փիղայական խմբերի ղեկավարներ էին մնացել երկու Հոգի՝ Սուրբի կուլից կենդանի մնացած ամենաՀին ու փորձված Հայդուկը՝ Սպաղանաց քաջ Տոնո Մակարը և Ռուբեն (Մինաս) Տեր-Մինասյանը: Իրադարձությունների բերումով Ռուբենը դարձել էր նաև Տարոնի Հեղափոխականների փաստացի ղեկավարը:

ՎԵՐՁԻՆ ԿՈՒՎԸ

Գևորգ Չաուչի մահից երեք ամիս անց տեղի է ունենում Փեթարի կոխվել: Դա ոչ միայն Դուրան-Բարձրավանդակի, այլև ամբողջ Արևմտահայաստանի վերջին Փիղայական կոխն էր:

Հուլիսի վերջին Ռուբենը լուր էր ստացել, որ Մշո նոր նահանգապետը, մի արյունարբու Հրեշ, հրաման է արձակել «գետնի տակից էլ լինի» գտնել և իրեն Հանձնել Գևորգի կնոջ՝ Եղսոյին, ու նրա մեկ տարեկան ծծկեր երեխային՝ Վարդգեսին: Նահանգապետը նաև կարգադրել էր բնաջնջել այն գյուղը, որի բնակիչները փորձ կանեին թաքցնել Գևորգի կնոջն ու երեխային: ԱՀաբեկված այդ կարգադրությունից՝ գյուղացիները հրաժարվում էին նրանց ապաստան տալ: Այնուամենայնիվ, Փեթար գյուղի բնակիչները մահվան սպառնալիքի տակ ընդունել ու թաքցրել էին Եղսոյին ու իր որդուն:

Իմանալով Գևորգ Չաուչի կնոջ ու մանչուկի տեղը՝ Ռուբեն Տեր-Մինասյանը որոշել էր Փիղայիների խմբով գնալ Փեթար և նրանց ապահով տեղ տանել: Տոնո Մակարը ընդդիմացել էր, ասելով. «Դուն մեր ազգապետն ես ներկայիս, պէտք է Հոս մնաս. ե՛ս պիտի երթամ փրկելու Եղսոն ու Վարդգեսը. եթէ սպանուիմ, արդեն ծեր եմ. դուն կը մնաս ղեկավար կազմակերպություն»¹:

Խմբի ղեկավարությունը ստանձնել էր Մակարը: Փիղայիները ճամփա էին ելել և ամբողջ գիշերը քայլելով ու ճեղքելով Մասնո լեռները, անցնելով Շենքքը, լուսադեմին կանգնել էին Փեթարի գլխին: Մերուևի Մակարը անչափ Հոգնել էր ու այլևս ի վիճակի չէր եղել քայլել: Փիղայիները նրա Հետ իջել էին գյուղ, որպեսզի ցերեկն այնտեղ Հանգատանան, իսկ գիշերը Հեռանան՝ իրենց Հետ տանելով Եղսոյին ու նրա որդուն:

Տեղեկացած լինելով Փիղայիների գյուղ մուտք գործելու մասին՝ օսմանյան

գործառնաբեր մի քանի Հարյուր քրդերի Հետ գիշերը պաշարել էին գյուղը: Մակարը Հայդուկներին հրամայել էր բարձրանալ լեռը: Մրանցից ոմանք մտածել էին իրենց ձեռքով սպանել Եղսոյին, որպեսզի թշնամու բաժին չդառնա և չարատավորվի Չաուչի պատիվը, իսկ որդուն Հանձնել գյուղացիներից մեկին: Մակարը Հայդուկ Առզանց Տիգրանին պատվիրել էր. «Վարդգեսը թող գիւղացիներուն մէջ. ճիժ է, գուցէ փրկուի: Եղսոն նամու է. պէտք է թշնամիին ձեռքը անցնի. զարկ և մեզի Հասիր»²:

Փիղայիները մագցել էին լեռը, որը չըջապատվել էր, և սկսվել էր կատաղի կոխվել: Երկու տասնյակ քաջերի դիմաց՝ հազարավոր թուրքեր ու քրդեր: Մտտենում էին հակառակորդի նորանոր գործառնաբեր: Վերջապես մահապարտների ուժերն ու փամփուռներն սպառվեցին: Պետք էր մի կերպ ճեղքել ու շտապ Հեռանալ: Մերուևի Մակարը, սակայն, ուժ չէր ունեցել ոտքերը շարժելու: Ուստի նա, Փիղայիներին դիմելով, խնդրել էր, որ իրեն սպանեն՝ թշնամու ձեռքը չընկնելու համար: Բայց Հայդուկները հրաժարվել էին կատարել նրա խնդրանքը:

Մակարը մեն-մենակ էր եղել, երբ նրա վրա էր Հարձակվել թուրքական մի շուկատ: Քաջ Փիղային կուլի մեջ էր մտել, գնդակներով գլորել մի քանիսին, բայց ինքն էլ գնդակից ծանր վերք էր ստացել: Երբ մուժն ընկել էր, շենքքի խիզախ մարտիկ Մանուկին թիկնած՝ վիրավոր Տոնո Մակարը Հասել էր խոշկանցի քրդերի մոտակա Հասան գյուղը: Խոշկանցիների աշիրեթապետը Մակարի Հին «բարեկամ» Ռեզզո աղան էր: Հույս ունենալով, թե «բարեկամ» քրդերն իրեն կպահեն ու կբուժեն, Մակարը մտել էր վրանը և Մանուկին խընդրել Հեռանալ ու ազատվել:

Եվ ահա վրանում ծավալվել էր Հային բաժին ընկած անթիվ դրամաներից մեկը: Մանուկը դեռ նոր էր Հեռացել, երբ քրդերից մեկը կացնի Հարված էր իջցրել Մակարի գլխին: Արյունաշաղախ Հայդուկը Հավաքել էր վերջին ուժերը և, քաշելով տասնոցը, սպանել էր երեք և վիրավորել երկու քուրդ: Երբ սպառվել էին փամփուռները, քրդերը նետվել էին ծերունու վրա և դաշույններով ու տապարներով սպանել նրան:

«Ռազմիկ» թերթը Քաջ Տոնո Մակարի նահատակության մասին գրում էր. «...Գերեզմանը Մակարին և գերեզմանները բոլոր անոնց, որ մուժին մեջ մեռան, որ արու մահուան մուլուցքը ըմպեցին, մեր երկունքին սկզբնական տագնապներն են, որոնք ա՛լ աւելի գորեղ ինքնավստահությամբ մը կը սպառազինեն մեզ, որոնք ա՛լ ավելի Հուր կը տեղան մեր ռազմիկ երակներուն մեջ, ու ա՛լ ավելի կը խտացնեն շարքը բոլոր դժգոհներուն եւ բոլոր բարձր Հոգիներուն»²:

Մակարի նահատակութեան պահին Փեթարում Առզանց Տիգրանը Գևորգ Չաուչի մանուկին Հանձնել էր մի պառավ կնոջ՝ նրան պատվիրելով երեխային

¹ Անդրանիկ Չելեպեան, Յեղափոխական դէմքեր, Միջիլըն (ԱՄՆ), 1991, էջ 302:
² «Ռազմիկ», N 191, 6 Հոկտեմբերի 1907թ.:

¹ Անդրանիկ Չելեպեան, Յեղափոխական դէմքեր, Միջիլըն (ԱՄՆ), 1991, էջ 301:

փախցնել ու ազատել թշնամուց: Ապա փորձել էր սպանել Եղսոյին, բայց ընկրկել էր նրա պաղատանքի առջև: Գիշերը նրանք կարողացել էին փախչել Դաշտ:

Այստեղ մորը միացել էր փրկված երեխան, ու Ֆիդայիները նրանց տարել էին Վան:

Սպաղանաց Մակարի դիակը զորքը հասցրել էր Մուշ, որտեղ ցուցադրել էին ժողովրդին, ապա հանձնել Մուշի հայոց առաջնորդին, որը եկեղեցական ծեսով կազմակերպել էր հերոսի հուղարկավորութունը Ջիզրաշենի գերեզմանոցում:

Անդրանիկը շատ ծանր տարավ նաև Մակարի մահը: Որքա՜ն վտանգներ էին նրանք տեսել միասին, քանի՜-քանի անգամ էին նայել մահվան աչքերին: Այս հաղթանդամ ու անսահման բարի հոգու տեր հայրուկն ասես առասպելական Տորք Անգեղն էր՝ կերտված Սասնո ժայռերից: Հիմա Անդրանիկը ցավով ու կսկիծով էր տանում նրա վախճանը:

Գևորգ Չաուչն ու Սպաղանաց Տոնո Մակարը երկրում գտնվող վերջին մեծ հայրուկներն էին: Նրանց մահով փաստորեն փակվել սկսեց հայ ժողովրդի ազատագրական պայքարի պանծալի էջը: Հայրուկային շարժումն արագորեն անկում գնաց: Մնալով առանց արժանի առաջնորդների՝ Ֆիդայական խմբերը սկսեցին ցրվել:

1908թ. գարնանը Կորյունը Կովկասից վերադառնում է Տարոն: Գևորգը չկար, նաև նահատակված էին նրա զինակիցներից շատերը, իսկ կենդանի մնացած Ֆիդայիները հետապնդումներից խուսափելով՝ ապրում էին թաքստոցներում, մինչև որ մի քանի ամիս հետո տեղի ունեցավ օսմանյան հեղափոխությունը: Երիտթուրքերի կողմից սահմանադրական կարգեր ազդարարելուց հետո հայրուկներից ոմանք վերադարձան շինականի իրենց կյանքին, ուրիշները՝ հեռանալով հարազատ եզերքներից, հաստատվեցին քաղաքներում, շատերըն էլ անցան արտասահման: Նրանցից քչերը միայն, որոնք չհավատացին օսմանյան հեղափոխության լոզունգներին և երիտթուրքերի կեղծավոր խոստումներին, զենքը ցած չդրին: Հաստատ մնալով իրենց տեսակետներին, նրանք շարունակում էին զինված սպասել դեպքերի հետագա զարգացմանը:

* Գևորգ Չաուչի կնոջն ու զավակին մի կարճ ժամանակ Վանում պահելուց հետո, Վանի չորջանի հայոց փաստացի ղեկավար Արամ Մանուկյանը նրանց Պարսկաստանով ուղարկեց Կովկաս: Ծանապարհին զավակը ցրտահար մեռնում է իսկ Եղսոն հասնում է Կովկաս և հանձնվում Հ.Յ.Գալանցյանի թուրքերի հոգատարությանը: Օսմանյան հեղափոխությունից հետո նա վերադառնում է Երկիր: Իր հայրական գյուղում Հեղինում էր, երբ սկսվեց 1915-ի եղեռնը: Սասնո ժողովրդի կոտորածի ու աքսորի օրերին Եղսոն առևանգվեց մի քրդի կողմից, և նրա մասին այլևս ոչինչ չիմացվեց (Մ. Վարանդան, Հ.Յ.Գալանցյանի թեան պատմություն, հատ. Ա, Փարիզ, 1932, էջ 237):

Գ Լ Ո Ւ Խ Ս Ա Ս Ն Հ Ի Ն Գ Ե Ր Ո Ր Դ

ՌՈՒՍԱԿԱՆ ՄԵԾ ՀԵՂԱՓՈԽՈՒԹԹԱՆ ԱՐՁԱԳԱՆՔՆԵՐԸ ԱՆԴՐԿՈՎԿԱՍԻՆ ՍԱՀՄԱՆԱԿԻՑ ԵՐԿՐՆԵՐՈՒՄ ԵՎ ՀԱՅԵՐԸ

Ինչպես Փրանսիական մեծ հեղափոխությունը ժամանակին ալեկոծեց Եվրոպան և մայրցամաքում սկիզբ դրեց արտադրողական ուժերի և արտադրահարաբերությունների արմատական հեղաբեկումների, այնպես էլ 1905-1907 թթ. ռուսական մեծ հեղափոխությունը հզոր ալիքներով դուրս եկավ կայսրության սահմաններից, տարածվեց ու արձագանք գտավ մերձավոր ու հեռու շատ երկրներում, ցնցեց դրանց պետական, հասարակական-քաղաքական կյանքը, դարձավ արմատական վերափոխումների հզոր ազդակ:

Պետք է նկատել, որ Ռուսաստանին վիճակված էր համարյա նույն դերը կատարել Մերձավոր արևելքի ճակատագրում, ինչ որ 1789-ի և 1848-ի Ֆրանսիան՝ եվրոպական մայրցամաքում:

Անշուշտ, տարբերությունը շատ մեծ էր մահմեդական արևելքի և եվրոպական մայրցամաքի միջև: Ամենամեծը թերևս այն էր, որ մահմեդական ալիսարհը հուսահատեցուցիչ դանդաղկոտություններ էր մարտում նորագույն գաղափարների:

Տարբեր երկրներում սոցիալիստները ռուսական հեղափոխության հետ էին կապում մասնավոր սեփականության ոչնչացումը և հանրային սեփականության հաստատումը: Անիշխանականները դրա մեջ գտնում էին պետության ոչնչացման և դաշնակցային ազատ համայնքների ու մանր, անկախ հասարակությունների սկզբնավորման հնարավորությունը: Լիբերալներն այդ հեղափոխության մեջ տեսնում էին պառլամենտական կարգերի հետագա կատարելագործման ու բարելավման հեռանկարը: Միապետական երկրների առաջադիմական ուժերը համոզված էին, որ այն նպաստելու է սահմանադրական կարգերի հաստատմանը: Գաղութային և կիսագաղութային երկրներում մտածում էին, որ այն հզոր ազդակ է լինելու օտարերկրյա տիրապետությունից ազատագրվելու համար:

Ռուսական հեղափոխության ազդեցության տակ բանվորական ցույցերի ու գործադուլների ալիքը տարածվեց ամբողջ Եվրոպայով:

1905թ. «Արյունոտ կիրակի»-ից հետո զանգվածային ցույցերի դուրս եկան Ռուրի, Բավարիայի, Վյուրտեմբերգի, Սաքսոնիայի, Համբուրգի, Բեռլինի բանվորները: Նույն թվականի ամռանը «Պոստյոմկին» զրահանավի նավաստիների

ապստամբութեանը արձագանքեցին գերմանացի ծովայինները: «Յրաուեն-լանդ» հաձանավի նավատիները հրաժարվեցին ենթարկվել հրամանատար-ներին և բարձրացրին կարմիր դրոշ:

Դասակարգային պայքարն աննախընթաց սրվեց Ավստրո-Հունգարիայում: Երկրի տարբեր քաղաքներում բազմամարդ միտինգներում բանաձևեր էին ընդունվում ի պաշտպանություն ռուսաստանյան մաքառող պրոլետարիատի:

Ազատության համար պայքարի ելած բանվորների ու գյուղացիների նկատմամբ ցարական դաժանություններին ի պատասխան Ֆրանսիական աշխատավորները կառավարությունից պահանջեցին խզել հարաբերությունները ռուսական կառավարության հետ: Ի նշան Ռուսաստանի հերոսական պրոլետարիատի հետ համերաշխության՝ գործադուլներ և ցույցեր տեղի ունեցան բազմաթիվ քաղաքներում: 1906թ. մայիսմեկյան Հոգր ցույցի ընթացքում Փարիզի բանվորները, ռուսաստանյան բանվոր դասակարգի օրինակով, կառավարու-թյանը ներկայացրին արմատական քաղաքական պահանջներ:

Ռուսական մեծ հեղափոխությունը ողջունեցին և ցարական բռնակալա-կան լուծը տապալելու ելած բանվորներին ու գյուղացիներին միտինգներով ու բողոքներով իրենց համերաշխությունը հայտնեցին Անգլիայի, Իսպանիայի, Բելգիայի, Իտալիայի, Հոլանդիայի, Բուլղարիայի, Ռուսիայի և եվրոպական այլ երկրների աշխատավորները:

Հեղափոխությունը հսկայական նշանակություն ունեցավ Ասիայի ժողո-վուրդների կյանքում: Դա հոգր ազդակ էր Ֆեոդալական կապանքներից և օտար հարստահարիչների ճնշումից ազատագրվելու համար: Ինժեներատական հեղափոխություն տեղի ունեցավ Եգիպտոսում, դեմոկրատական շարժումներ Չինաստանում, ազգային ազատագրական ապստամբություններ՝ օսմանյան կայսրության արաբական պրովինցիաներում, հակաազդութատիրական զանգ-վածային ընդվզումներ՝ Եգիպտոսում, Հնդկաստանում, Ինդոնեզիայում, Կորեա-յում և այլուր:

Ռուսական հեղափոխությունը անմիջական ազդեցություն ունեցավ Կով-կասյան փոխարքայությունը սահմանակից երկու երկրների՝ Պարսկաստանի և Թուրքիայի ներքին կյանքի վրա: Ժամանակագրական առումով Ասիայում առաջինն արձագանքեցին Պարսկաստանի դեմոկրատական ուժերը՝ ծնունդ տալով հակամիապետական, հակաիմպերիալիստական հեղափոխությանը:

ՊԱՐՄԿԱԿԱՆ ՀԵՂԱՓՈՒՄՈՒԹՅԱՆ ՄԿՋԲՆԱՎՈՐՈՒՄԸ

Դարեր ի վեր Պարսկաստանում կողք կողքի ապրել են տարբեր լեզու ու մշակույթ ունեցող, տարբեր կրոններ դավանող բազմաթիվ ժողովուրդներ: Պարսկաստանը հարազատ է եղել նաև հայերի համար: Նրանք այդ երկրի օրի-նապահ քաղաքացիներն են եղել, նպաստել են նրա տնտեսության, առևտրի ու

արհեստների զարգացմանը, եվրոպական լուսավորության տարածմանը: Իրա-նի շահնշահները բարձր էին գնահատում իրենց երկրում ապրող հայերի մա-տուցած ծառայությունները, իրենց բարձր հովանավորությամբ ապահովում էին նրանց անվտանգությունը, չէին արգելակում ազգային լեզվի գործածու-թյունը և կրթությունը, դավանաբանական խնդիրները լուծում էին լայնախո-հույությամբ և ըմբռնումով:

Պարսկահայերը կուլտուրապես գտնվում էին կովկասահայերի անմիջական ազդեցության տակ, իսկ Պարսկահայքը քաղաքակրթական տեսակետով, ըստ էության, կովկասահայկական գավառ էր: Ուսուցիչները շարունակ գալիս էին Կովկասից, գործիչները, առաջնորդները, փոխանորդները՝ նույնպես: Հիմնա-կանում Կովկասից էին ստացվում թերթերն ու գրքերը:

ԺՈՂՈՎՐԴԱԿԱՆ ԵԱՐԺՄԱՆ ԾԱԳՈՒՄԸ ԵՎ ԱՍՏԻՃԱՆԱԿԱՆ ՎԵՐՆԷՔԸ: ՔԱՂԱՔԱՑՈՒՄԱՆ ԻՐԱՎՈՒՆՔՆԵՐԻ ՀԵՏԱՊԵՆՄԱՆ ԱՇԽԱՍԱՆՔՆԵՐԸ

Դարավոր խավարի ու տգիտության մեջ խորատուգլած Պարսկաստանը ասիական բռնապետության տիրակի օրինակ էր՝ տիրակալների անվերահսկելի ու սանձարձակ իշխանությամբ: 20-րդ դար թևակոխած Պարսկաստանն իր 10 միլիոն բնակչությամբ շարունակում էր ապրել ֆեոդալական միջնադարի օրենքներով: Աշխատավոր ժողովուրդը, անմոռնչ ու անձայն, տվայտում էր մեծ ու փոքր ճրիակեր հարստահարիչների՝ տգետ ու մոլեռանդ իսլամ կղերի, խաների, միրզաների, կալվածատերերի, ամեն տեսակ ընչաքաղց պաշտոնյա-ների ձեռքին: Ժողովրդական անձայր աղքատության ու թշվառության կող-քին ցուփ ու շվայտ կյանք էին վարում հասարակության վերնախավը կազմող անհազ տղրուկները¹:

Արտադրողական ուժերի խոր անկումը զուգակցվել էր վարչական մեքե-նայի անզորությունը, և երկիրը մատնվել էր անիշխանության ու քաոսի: Եր-բեմնի հոգր Իրանն իր արիացի ժողովրդով չլիթայակապ ընկել ու հոգեվարք էր ապրում:

Շուրջ 25 տարի թագավորած Նասր էդ Դին շահն (1848-1896) իր հաստա-տակամությունը, այնուամենայնիվ, կարողացել էր ինչ-որ չափով դանդաղեց-նել երկրի տնտեսական անկումը, բայց պատմական ժամանակաշրջանը Պարս-կաստանի թե՛ ղեկավար շրջանների և թե՛ ժողովրդի առջև դրել էր սպառնա-կան դիրեմաներ, որոնք պատասխանների էին սպասում:

Կյանքն առաջադրել էր այնպիսի արմատական խնդիրներ, որոնք վերա-բերում էին և՛ պետական կազմին, և՛ քաղաքական ու ֆինանսական վիճակին,

¹ Տե՛ս «Հոսանք» (Թիֆլիս), N 51, 1 փետրվարի 1907թ., N 64, 17 փետրվարի 1907թ.:

և՛ երկրի անվտանգության հարցին: Երկրում ամբարված էին բազում կարիքների ու պահանջների զսպված սաղմեր, որոնք անխուսափելիորեն պետք է զարգանային և հանդես գային ուժգին արտահայտություն՝ հենց որ պայմանները դրա համար նպաստավոր դառնային:

Ազատագրական շարժման առաջին նշաններն ի հայտ եկան դեռևս 1899 թվականից: Գոյություն ունեցող օրենքներից դժգոհ ժողովուրդը շահ նսար էր Դինից սկսեց պահանջել օրենքների վերաքննում: Երկրում բարենորոգումներ անցկացնելու անհրաժեշտության մասին առաջին անգամ սկսեցին խոսել նաև մի քանի պետական անձինք:

Իրանի հետամնաց կացություն մեջ էական նշանակություն ունեցավ քաղաքական երկու գործիչների պաշտոնավարությունը՝ Նասր էր Դին շահի պալատում սաղարագամ (վարչապետ) Ամինը-Դովլեն և Հայազգի Մելքոն խանը: Վերջինս շահի անձնական քարտուղարն էր, թարգմանիչը, նաև՝ խորհրդականը: Չանազան առիթներով նրանք փորձում էին ազդել շահի քաղաքական հայացքների վրա և նրան դրդել որոշ բարեփոխումներ¹:

Նասր էր Դին շահն այլ կարծիքի էր, այն է՝ տնտեսական ու ֆինանսական ծանր ճգնաժամ ապրող Պարսկաստանը կարող է ուղղակի փլուզվել, եթե բարենորոգումները տանեն դեպի կենտրոնական իշխանության հետագա թուլացման:

Բայց սաղարագամն ու շահի խորհրդականը համառ էին: Սրանց ներշնչմամբ շահը մի շարք ուղղորդումներ կատարեց Եվրոպա (1873, 1878, 1889 թթ.), ուր ակնատես եղավ նախանձելի կարգ ու սարքի, լուսավորության ու քաղաքակրթության բարձր աստիճանի և, վերադառնալով երկիր, տրամադրվեց որոշ բարեփոխումներ կատարել²: Իրան նպաստում էր հաջորդ սաղարագամը՝ վարչակառավարման մեծ փորձ ունեցող, հմուտ դիվանագետ Աթաբեկ Ազամը (Ամին էս Սոլթանն):

Այդ ուղևորությունները իրենց շաղկապումներով անչափ ծանր էին նրստում երկրի առանց այն էլ աղքատ բյուջեի վրա: Առաջին անգամ Նասր էր Դինը Եվրոպա էր մեկնել մի հակա շքախմբով: Միայն Վիեննայում նա մնացել էր մի քանի ամիս: Այդ պահից սկսվել էին դաջարների թագավորական ընտանիքի անդամների անթիվ ճանապարհորդությունները Եվրոպա: Նրանց ֆինանսավորման համար երկրի ներքին ռեսուրսներն այլևս չէին բավականացնում³:

1896թ. մայիսի 1-ին ահաբեկչի զնդակից զոհվում է Նասր էր Դին շահը, և գահ է բարձրանում նրա որդին՝ Մուզաֆֆեր էր Դինը: Սրա գահակալության

տարիները եղան տնտեսական և պետական քայքայման ժամանակաշրջան⁴:

Չունենալով իր հոր կազմակերպչական ունակությունները, նոր շահը միաժամանակ բնավորությամբ չափից ավելի մեղմ էր, գիղոզ: Դրան ավելանում էր նրա առողջական ոչ բարվոք վիճակը: Քայքայված առողջությունը վերականգնելու համար գահակալության 12 տարիներին իր հոր օրինակով նա երեք անգամ բազմամարդ շքախմբով գնացել էր Եվրոպա և ամեն անգամ մնացել ամիսներ շարունակ: Միայն այդ ճանապարհորդությունները պետական գանձարանից կլանել էին 36 միլիոն ռուբլի⁵:

Իր գահակալության առաջին իսկ ամիսներից Մուզաֆֆեր էր Դինն ընկավ տգետ և ընչաքաղց կամարիլիայի ձեռքը, որը, գլխավորապես բաղկացած լինելով թավրիզի թուրքերից, ի չարն էր գործ դնում բարի ու գիղոզ շահի վրստահությունը:

Երկիրը մնացել էր կաշառակեր պաշտոնյաների ձեռքին⁶: Օրինակ՝ մայրաքաղաք Թեհրանում պրինց էյն ուղ Դովլեն միայն քաղաքի սպանդանոցներից օրական վերցնում էր 1000 թուման կաշառք⁷: Շահական պալատում անձնաօրական վերցնում էին բորբոքվում, նախարարները հին հաշիվներ էին մաքրում իրական կրքեր էին բորբոքվում, նախարարները էին հաշիվներ էին մաքրում իրարից: Նահանգապետները առիթը բաց չէին թողնում ընդգծելու իրենց ինքնուրույնությունը: Օրինակ՝ պրինց Ջիլի էս Սալթանեին, որը 40 տարի Սպահանի փոխարքան էր և ուներ 2000 գյուղ, իրեն լիովին անկախ էր զգում Թեհրանից⁸: Իրենց այդպես էին պահում նաև ուրիշ խոշոր պաշտոնյա -հողատերեր⁹:

Անդրադառնալով այդ վիճակին՝ «Շեփոր» թերթը գրում էր. «Պետության կառավարիչները՝ մինիստրները, նահանգապետները և մյուս բարձրաստիճան պաշտոնյաները, առանց բացառության, անկիրթ ու տգետ անհատներ են, որոնք միայն զբաղված են զանազան գործարքներով, պաշտոններ գնելով ու վաճառելով: Նրանք ավելի շատ մտահոգված են ոչ թե տերության բարեկարգման, այլ նրանով, թե ինչպես ավելի շատ լցնեն գրպանները»¹⁰:

Անտանելի վիճակ էր հատկապես Ատրպատականում, որի կառավարիչն էր փոխարքա Մուհամմեդ Ալի Միրզան (Մամեդալի)¹¹: Միաբանվելով անխիղճ

¹ Տե՛ս Н. М. Лавров, Турция и Иран в 1870-1918 годах, Москва, 1950, էջ 33:

² Մատենադարան, կաթողիկոսական դիվան, թղթ. N 237, վավ. 323, թ. 19:

³ Իրանի պետական ապարատի կաշառվածության, նահանգապետների և մյուս պաշտոնյաների անհագ փողամոլության մասին տե՛ս «Последнее политическое движение в Персии (по персидским газетам)», вып. 2, СПб, 1907, էջ 49-50:

⁴ Տե՛ս Л. М. Лавров, Турция и Иран в 1870-1918 годах, стр. 36:

⁵ Տե՛ս Атрпет, Мамед-Али шах. Современная Персия, Александрополь, 1909, էջ 90:

⁶ Տե՛ս Н. М. Лавров, Турция и Иран в 1870-1918 годах, էջ 31:

⁷ «Շեփոր», N 4, 31 օգոստոսի 1908թ.:

⁸ Սովորույթի համաձայն, պարսից գահաժառանգը, մինչև գահին նստելը, նշանակվում էր Իրանի ամենամեծ, 9 մարզից բաղկացած, և ամենհարուստ նահանգի՝ Ատրպատականի փոխարքա (տե՛ս Атрпет, Мамед-Али шах. Народное движение в крае Льва и Солнца, Александрополь, Типография скоропечатия «Шпак», 1909, էջ 3n 26): Մամեդ Ալի Միրզան Ատրպատականի փոխարքա էր նշանակվել 1896թ. և նույն թվականի աշնանը

¹ Տե՛ս Յ. Էլմար, Եփրեմ, Թեհրան, 1964, էջ 14-15:

² Տե՛ս «История Ирана», изд. Московского университета, Москва, 1977, էջ 263:

³ Տե՛ս Յ. Էլմար, Եփրեմ, էջ 15:

⁴ Տե՛ս Յ. А. Арабаджян, Иран. Власть, реформы, революции (XIX-XX в.в.), изд. «Наука», Москва, 1991, էջ 30:

վաղխառուների, տղրուկ ու կեղեքիչ կալվածատերերի հետ՝ նա գյուղացիներից բռնագրավում էր հացահատիկը, հավաքում անհամար շտեմարաններում, ապա աշնան վերջերից սկսած սարսափելի թանկ գներով վաճառքի էր հանում քաղցած ժողովրդին¹: Այդպիսով, մարդկանց դառը քրտինքով վաստակած կուպենները հավաքելով՝ թագաժառանգը միլիոններ էր դիզում: Խնավար ու խեղճ ժողովուրդը ստիպված էր մաքառել սովի դեմ, թեև այլևս անզոր էր դիմադրելու բռնակալի անողոք հարվածին²:

Սադրագամ Աթաբեկը մի քանի փորձ արեց սանձահարելու առավել գիշատիչ կաշառակերներից ոմանց, բայց մատնվեց կատարյալ անհաջողության, քանի որ ինքն էլ մեծ կաշառակեր էր. բոլորին հայտնի էր, որ նա օրական միլիոն վերցնում էր 8 հազար թուման՝ գլխավորապես Թեհրանի առևտրականներից³: Կաշառք էր վերցնում այն դեպքում, երբ նրան էին պատկանում 1200 գյուղի հողերը⁴: Բանը վերջացավ նրանով, որ, ենթարկվելով բյուրոկրատիայի ճնշմանը, Մուզաֆֆեր էդ Դին շահը պաշտոնից հեռացրեց Աթաբեկին, որը, թողնելով երկիրը, հեռացավ Եվրոպա:

Մեծ վեցեր նշանակվեց հիշատակված էյն էդ Դովլեն: Սա կրթություն էր ստացել եվրոպական համալսարաններում, միաժամանակ ուժեղ անհատականություն էր: Նա Աթաբեկից հետո երկրորդ ազդեցիկ պետական անձն էր և հայտնի էր որպես երկրի գործերին օտար միջամտությունների հետևողական հակառակորդ:

Նոր սադրագամի պաշտոնավարության առաջին ամիսներին իսկ բյուրոկրատիան տեսավ, որ նրա ազատական գաղափարները կարող են երկիրը հրել բարեփոխումների ճանապարհ և դրանով իսկ անբուժելի վնաս հասցնել իր շահերին: Սակայն էյն էդ Դովլեն այն մարդը չէր, որ անցներ ժողովրդի կողմը և դեմ գնար իր դասակարգի շահերին:

Այդ ամենը համընկավ ռուս-ճապոնական պատերազմին և Ռուսաստանի ազատագրական շարժմանը, որն իր գործող ազդեցության մեջ էր առել նաև Պարսկաստանը: Այս պայմաններում ոչ շահ Մուզաֆֆեր էդ Դինը, ոչ նրա պետական պաշտոնեությունը այլևս ի վիճակի չէին երկիրը կառավարել նախկինի պես:

Ճիշտ է, պետական պաշտոնյաների կազմում կային ազնիվ մարդիկ, նույնիսկ կրթված ու քաղաքագետ անձնավորություններ, որոնք զգալով երկրի մոտալուտ անկումը, աշխատում էին աղետի առաջն առնել, բայց նմանները քիչ ազդեցություն ունեին և չէին կարողանում դարձան անել քայքայվող

հայրենիքին⁵:

Կարելի է ասել, որ 1905թ. Պարսկաստանը թեև ուներ շահ, ուներ կարծես թե նաև կառավարություն, բայց մնացել էր առանց գործի, առանց գեներալ ու ռազմամթերքի, առանց կարգ ու կանոնի և կարգապահությունից:

Պարսկաստանի այդատիճան թուլացումը ձեռնտու էր գիշատիչ Հզոր պետություններին, որոնք, օգտվելով ստեղծված ծանր ու խառնակ վիճակից, ձգտում էին լիովին գաղութացնել երկիրը և իրենց ձեռքը գցել անբավ հարստությունը:

Պարսկաստանը գաղութացնելու գործում մեծ եռանդ էին դրսևորում հատկապես երկու պետություն՝ Ռուսաստանը և Անգլիան:

Մինչև 20-րդ դարի սկիզբը այդ տեսակետից հաջողակ էր հատկապես Ռուսաստանը:

Մինչև պարսկական հեղափոխական շարժման սկիզբը, Իրանում ռուսական ազդեցությունը մյուս տերությունների համար անմատչելի բարձրության վրա էր: Ռուսաստանի նկատմամբ խորին հարգանքով ու հավատով էին համակված շահը և պալատականները, սադրագամներն իրենց վեցիրներով: Ողջ վերնախավը Ռուսաստանի գործության մեջ էր տեսնում առավել գիշատիչ տերություն՝ Անգլիայի ազդեցիկ ոտնձգությունների դեմ հնարավոր պաշտպանությունը, միաժամանակ հուսալով, ներքին խռովություններ առաջանալու դեպքում, նրանից աջակցություն ստանալ գահի դեմ եղած հակառակությունները չեզոքացնելու համար:

Ռուսաստանի նկատմամբ հմայքը խորն էր հատկապես ժողովրդական լայն զանգվածների մեջ: Պարսկաստան, հատկապես նրա հյուսիսային տարածքներ, մտնելու համար ռուսները նույնիսկ կարիք չունեին անձնագիր ունենալ. բավական էր միայն, որ նրանցից ամեն մեկը սահմանային անցակետում տեղեկացներ, թե ինքը «ուսու է», և դա երկիր մտնելու արտոնյալ փաստարկ էր: Եթե Ռուսաստանի նկատմամբ շահի ու կառավարական շրջանների վերաբերմունքը, այնուամենայնիվ, թեղադրված էր զանազան հաշիվներով և նույնիսկ երկյուղի ակնածություններ, ապա Իրանի ժողովրդական լայն զանգվածները ռուսների հանդեպ տածում էին ոչ միայն պարզ համակրանք, այլև անկեղծորեն ուրախ էին նրանց տեսնելու իրենց կողքին:

Միանգամայն պարզ է դառնում, թե ինչու Թեհրանի ռուսաց միսիան բացառիկ ազդեցություն ուներ ոչ միայն պարսից տիրող վերնախավի, այլև ժողովրդական լայն զանգվածների վրա:

Գերազանց տեղեկացված լինելով Ռուսաստանի հանդեպ Իրանի ժողովրդի անվերապահ դրական վերաբերմունքի և դեպի Անգլիան խիստ բացասական տրամադրվածությունից մասին, Լոնդոնը, այնուամենայնիվ, հույսը չէր կորցնում փոխելու Անգլիայի նկատմամբ պարսից ընդհանուր անցանկալի վերաբեր-

մեկնել էր իր նստավայրը՝ Թավրիզ (նույն տեղում, էջ 25):

¹ Մատենադարան, կաթողիկոսական դիվան, թղթ. N 237^բ, վավ. 323, թ. 20:

² Տե՛ս Н. М. Лавров, Турция и Иран в 1870-1918 годах, стр. 38.

³ Տե՛ս «Последнее политическое движение в Персии», СПб, 1906, вып. 1, էջ 5:

⁴ Տե՛ս Н. М. Лавров, Турция и Иран в 1870-1918 годах, էջ 31:

⁵ Մատենադարան, կաթողիկոսական դիվան, թղթ. N 237^բ, վավ. 323, թ. 21-22:

մուճը և դիրքեր նվաճելու Իրանի Հողի վրա, թեև նախորդ տասնամյակներին այդ ուղղությամբ կատարած բոլոր փորձերն ավարտվել էին անհաջողությամբ:

Թե՛ իշխանությունները և թե՛ ժողովուրդը միշտ կասկածանքով էին վերաբերվում անգլիացիների ձգտումներին, երկուդում էին ընկնել նրանց ցանցը, ուստի և առիթը բաց չէին թողնում ոչ միայն մտերմության հակում, այլև նվիրվածություն ցույց տալու դեպի ուսաններ:

Այդպիսին էր իրերի դրուժյունը թե՛ Նասր էդ Դինի շահի և թե՛ նրա որդու՝ շահ Մուզաֆֆեր էդ Դինի գահակալության տարիներին:

Առավելապես այս երկու շահերի օրոք Պարսկաստանն ուներ փողի մեծ կարիք: Անգլիական կառավարությունն իր սեփական նախաձեռնությամբ քանիցս Թեհրանին առաջարկել էր փոխառություն տալ, բայց ամեն անգամ մերժվել էին: Դրա փոխարեն փոխառությունների խնդիրը Նասր ու Մուզաֆֆեր շահերը լուծում էին Ռուսաստանում:

Անգլիան նաև քանիցս փորձել էր Թեհրանից իրավունք ստանալ երկաթուղային երթևեկություն զարգացնելու Պարսկաստանում՝ տրամադրելով պահանջվող դրամական միջոցներ և ինժեներատեխնիկական անձնակազմ: Անգլիացիները հատկապես առաջարկում էին երկրի կենտրոնական շրջանները երկաթուղազածերով միացնել Հարավի նավահանգիստների հետ: Բայց Լոնդոնից եկած բոլոր այդ առաջարկները նույնպես կտրուկ մերժում էին ստանում: Երկաթուղային կոնցեսիան ի վերջո ստացավ Ռուսաստանը, որը և Պարսկաստանում հիմնեց իր փոխատու բանկը և սկսեց երկաթգծերի շինարարությունը:

Այնպես որ, 20-րդ դարի սկզբին ոչ միայն ցարիզմը ամբողջովին իր ձեռքն էր գցել Պարսկաստանի Հյուսիսային շրջանների երկաթուղաշինության կոնցեսիան, վերահսկողություն հաստատել բանկային համակարգի վրա, այլև՝ այդ շրջանների պետական եկամուտների գլխավոր աղբյուրները՝ մաքսային և փոստ-հեռագրական հաստատությունները: Պարսից կառավարությանը բաժին էին ընկնում այդ աղբյուրներից ստացված եկամուտների փչրանքները: Դրանցից ընդամենը 10%-ն էր մտնում պետական գանձարան, մնացած 90%-ը Հոսում էր անխիղճ պաշտոնյաների զրպանները¹:

Բայց ցարիզմը չէր բավարարվում այդ ամենով: Նրա գլխավոր նպատակը Պարսկաստանի գավթումն էր, որը Ռուսաստանին հնարավորություն կտար դուրս գալ Պարսից ծոց, հետևապես՝ Հնդկական օվկիանոս: Դա կնշանակեր նաև փտանգի տակ դնել Մեծ Բրիտանիայի շահերը ոչ միայն Պարսկաստանում, այլև Հնդկաստանում ու ամբողջ Ասիայում: Ահա թե ինչու Անգլիան կենաց և մահու խնդիր էր համարում Պարսկաստանում իր ազդեցության պահպանումը, հետևապես՝ դեպի Հնդկաստան և դեպի ասիական իր մյուս տիրույթները տանող ճանապարհների անվտանգության ապահովումը:

¹ Մատենադարան, կաթողիկոսական դիվան, թղթ. N 237^ա, վավ. 323, թ. 19:

Ի վերջո երկու գիշատիչները նախնական համաձայնության էին եկել Պարսկաստանը բաժանել ազդեցության գոտիներին՝ Հյուսիսը՝ Ռուսաստանին, հարավը՝ Անգլիային: Վերջինս բավարարված էր, քանի որ դեպի Ասիա տանող ճանապարհները մնում էին իր ձեռքում: Ռուսաստանը դժգոհ էր, բայց սովյալ պահին առայժմ ավելիին չէր հավակնում, քանի որ Հուլյս ուներ, որ նպաստավոր իրադրության դեպքում ապագայում ի վիճակի կլինի իրականացնելու իր երազանքը:

Պարսկաստանի բաժանումը երկու ազդեցության շրջանների, ի վերջո, պիտի հանգեցներ երկրի անդամահատմանը. Հարավային Պարսկաստանը կմտներ Անգլիայի գաղութային տիրույթների շարքը, իսկ Հյուսիսային Պարսկաստանը կմիացվեր ռուսական կայսրությանը – սա էր ռեալ հեռանկարը:

Այլ խոսքով, հեղափոխության նախօրյակին Իրանը Անգլիայի և Ռուսաստանի կիսագաղութն էր:

Թուլացած ու անտեր երկրի վրա աչք ուներ նաև «Հիվանդ մարդը»՝ Հարեվան օսմանյան Թուրքիան, որը թեև մի կողմից մտահոգ էր իր եվրոպական և արաբական տիրույթների կորստյան հեռանկարով, բայց միաժամանակ ծրագրեր էր որոճում մի կողմից Ռուսաստանի խլամ ժողովուրդներին «ազատագրելու» և նրանց հայրենիքները սուլթան-խալիֆի տիրապետությանը ենթարկելու, մյուս կողմից, Պարսկաստանից Ատրպատականը և Թուրքալեզու ուրիշ տարածքներ պոկելու համար:

Կեղեքումների աննախընթաց ծավալները, աղքատությունն ու ստորացումները, երկրի ներքին կյանքին օտար պետությունների անսքող միջամտությունը դժգոհություն առաջ բերեցին ամբողջ երկրով մեկ: Ամեն ինչից երեվում էր, որ ուր որ է սկիզբ է առնելու ժողովրդական շարժում՝ Պարսկաստանի քաղաքական կյանքի վրա ճակատագրական հետևանքներով:

Բնականաբար, շահը պետք է լքե փնտրեր ստեղծված վիճակից: Պայտականները և կառավարության անդամները հաճախ էին ունկնդիր լինում միապետի խոսքերին, թե վատ չէր լինի, եթե երկիրը ընդօրինակեր եվրոպական կառավարման ձևեր: Մուզաֆֆեր էդ Դինի այդ խորհրդածությունները շատերի մեջ հուլյս էր հարուցել, թե հնարավոր է, որ Իրանի միահեծան տերը հրաժարվի ինքնակալական իրավունքների մեծ մասից, քանի որ համոզվել է, որ Պարսկաստանի համար հասել է պառլամենտական կյանքի մեջ մտնելու ժամանակը: Ենթադրվում էր, որ նման գիղումը երկիրը հեռու կպահի հեղափոխության վտանգից, հետևապես՝ այն բուռն ցնցումներից, որոնց ենթակա է լինում ամեն մի երկիր՝ հեղափոխության ժամանակ: Դա հնարավորություն կտար խաղաղ կերպով երկրում մտցնել եվրոպական ռեֆորմներ²:

Սակայն ռուսական հեղափոխության այլքները լայն ծփանքով խուժեցին

¹ Այդ մասին տե՛ս «Հոսանք», N 64, 17 փետրվարի 1907թ.:

² Տե՛ս «Մշակ», N 16, 24 հունվարի 1906թ.:

դարերով քնած Պարսկաստանի սահմաններից ներս: Անողոք ժամանակը կատարեց իր դերը:

Առաջինն արթնացավ ի բնե բարի, ուղղախոս, հեզ և բազմադարյան աշխատասեր, համբերող և ուշիմ պարսիկը՝ Ֆարսաստանի, Արաղի, Սեխստանի, Խուզիստանի բնակիչը:

Պարսկաստանի վրա ուսական հեղափոխության թողած հզոր ազդեցություն մի շարք պատճառների թվում առանձնանում էր այն, որ այդ երկրից արտագնա աշխատանքի մեկնած հազարավոր աղքատներ հայրենիք էին վերադառնում արմատական մտքերով:

Մասնավոր սեփականատերերի անսանձ շահագործումը, հարկերը հնչուն դրամով վճարելու պարտադրանքը, կառավարության մեծ ու փոքր ներկայացուցիչների կամայական կեղծբուծները, դրանց գումարած՝ մեքենայական արդյունագործության մրցակցության հետևանքով մանր գյուղացիական տնտեսությունների քայքայումը – այդ ամենը արագացնում էին աշխատավոր զանգվածների պրոլետարացման պրոցեսը:

Սեփականագուրկ գյուղացիների մի բավական խոշոր և տարեցտարի աճող մասը, թողնելով տուն, տեղ, ընտանիք, շտապում էր, նախ, Կովկաս, ապա և՛ Ռուսաստան¹: Միայն Ատրպատականից տարեկան 100 000 մարդ ժամանակավոր արտագնա աշխատանքի էր մեկնում ուսական կայսրության արդյունաբերական քաղաքները²: Կովկասում նրանք հիմնականում աշխատում էին թիֆլիսի ու Բաթումի գործարաններում, Բաքվի նավթահանքերում: Միայն Բաքվում 1904թ. աշխատում էր 7 հազար իրանցի բանվոր, որը կազմում էր այստեղի ողջ բանվորության 22%-ը³: Մեծ թվով իրանցի բանվորներ աշխատում էին Ռուսահայաստանում, մասնավորապես՝ Ղափանի և Ալավերդու պղնձահանքերում: Աշխատանքի եկած իրանցիների թվում կային նաև առևտրականներ և մանր խանութպաններ, որոնք մի քանի տարուց ի վեր աշխատում էին Անդրկովկասում:

Ռուսաստանում և Անդրկովկասում, այդ թվում՝ հակամիապետական ու հակակապիտալիստական պայքարի հարուստ ավանդույթներ ունեցող Ալավերդու և Ղափանի հանքերում ու գործարաններում աշխատող իրանցի բանվորները հնարավորություն էին ունենում շփվելու կազմակերպված պրոլետարիատի հետ, ընկալելու սոցիալ-դեմոկրատիայի լոզունգները, ըմբռնելու դասակարգային կռիվի էությունը: Շատ ժամանակ չէր անցնում, որ նրանցից

չատերը ոչ միայն մոտիկից ծանոթանային կապիտալի ու աշխատանքի հակամարտություններին, այլև այլադավան բախտակիցների հետ մասնակցեին կապիտալիստական հարստահարման դեմ ուղղված պայքարին:

Պարսկահպատակ պրոլետարները հայրենի օջախի հետ հարաբերությունները ամուր էին պահում: Նրանք իրենց դառը վաստակի մեծ մասը ուղարկում էին հայրենիք, ուր թողել էին կանանց, զավակներին, ծնողներին: Երբեմն-երբեմն նրանք ժամանակավորապես վերադառնում էին իրենց անհյուրընկալ գյուղերը՝ տեսակցելու յուրայիններին և անձամբ նյութական օժանդակություն բերելու: Արդեն հաղորդակցված կովկասյան հեղափոխական կռիվին՝ նրանք իրենց հարազատներին և շրջապատի մարդկանց ծանոթացնում էին նոր մտքերին, տարածում ազատասիրական գաղափարներ, բացատրում, թե Ռուսաստանի աշխատավորները ինչու են կենաց ու մահու կռիվ դուրս եկել ցարիզմի ու բուրժուազիայի դեմ և ինչ նպատակներ են հետապնդում, միաժամանակ հանդես էին գալիս որպես շահական ուժիմի համոզված հակառակորդներ:

Պարսկաստանում սկսված հեղափոխական խմորումների վրա մեծապես ազդեց ուսական ցարի հոկտեմբերի 17-ի մանիֆեստը, որն ամենուր դիտվում էր իբրև սահմանադրություն: Առաջ եկան արմատական պահանջներ՝ ձեռք բերել ռեֆորմներ, երկրում մտցնել եվրոպական կարգ ու կանոն, սահմանափակել բյուրոկրատիայի, կառավարության և մանավանդ արքունի պալատի կամայականությունները, հասարակ ժողովրդին, հատկապես գյուղացիությանն ազատել դարավոր հարստահարումներից, խաների, հողատերերի և նահանգապետների ճշուճներից ու կեղծբուծներից:

Արդեն 1905թ. դեկտեմբերին Թեհրանի շուրջ 5 հազար բնակիչ բողոքի դուրս եկավ և շահին պահանջ ներկայացրեց երկրում անցկացնել բարենորոգումներ⁴: Ժողովրդական հուզումներն արձագանք գտան Պարսկաստանի ուրիշ խոշոր բնակավայրերում: Միաժամանակ Ատրպատականի քաղաքներում սկսեցին երևան գալ մուջահեդների (հեղափոխական արդար գործի մարտիկներ) մասսայական հեղափոխական կազմակերպություններ:

Տարօրինակ էր, բայց իրողություն, որ ռեֆորմների պահանջով հանդես եկավ նաև հոգևորականությունը: Որքան էլ որ նա ֆանատիկ էր, կեղծբիշ, բայց Իրանի պատմության տարբեր փուլերում հանդես էր եկել ժողովրդի պաշտպանությամբ՝ ընդդեմ բռնակալների և անիշխանականության:

Տվյալ ժամանակաշրջանում 1905-1906 թվականներին, Իրանի մուսուլմանական հոգևորականությունը շահական ուժիմի դեմ ուղղված շարժման գլուխ էր կանգնել հատկապես այն պատճառով, որ նրա տնտեսական և քաղաքական դրությունը խախտվել էր շահի կողմից դատական նոր սխտեմ մտցնելու ջանքերից հետո, որի հետևանքով իրական վտանգ էր առաջացել, որ կտրուկ սահ-

¹ Տե՛ս «Չայն», N 2, 8 հոկտեմբերի 1906թ.:

² Տե՛ս Н. М. Лавров, Турция и Иран в 1870-1918 годах, էջ 36: Մի այլ աղբյուրի համաձայն՝ Կովկասում և Ռուսաստանում աշխատելու համար Ատրպատականից մեկնում էր 60-70 հազար մշակ (տե՛ս «Կեանք» (Թիֆլիս), N 8, 6 մայիսի 1906թ.):

³ Տե՛ս М. С. Ивандов, Очерк истории Ирана, Госполитиздат, Москва, 1952, էջ 200:

⁴ Պարսկաստանից գաղթած պրոլետարները Կովկասում հայտնի էին համաշարի անունով: Նրանց բացարձակ մեծամասնությունը Ատրպատականի թուրքեր էին:

¹ Տե՛ս Г. С. Арутюнян, Иранская революция 1905-1911гг. и большевики Закавказья, Армгиз, Ереван, 1956, էջ 39:

մանափակվելու են շարիաթական դատարանների լիազորությունները: Նրան մտահոգում էր նաև իրանյան կյանքի և կենցաղի որոշ կողմերի եվրոպականացումը: Հոգևորականությունը հույս ուներ երկրում իր քաղաքական ազդեցությունը ուժեղացնելու միջոցով Հասնել դարերով սրբազորված իրավունքների և արտոնությունների վերականգնմանը¹:

Անդրադառնալով իրանի մուսուլմանական հոգևորականության «հեղափոխականացման» զարմանալի փաստին, Թիֆլիսում լույս տեսնող անկուսակցական անկախ թերթերից մեկը գրում էր. «Պատմությունը չի հիշում նման գոնե մի քանի դեպք, երբ հոգևորականությունը միացած լիներ ժողովրդին, և ոչ միայն միացած, այլև հանդիսացած լիներ պայքարի դեկավար: Հնդհակառակը, բոլոր այն տեղերում, ուր ժողովրդական հուզումներ են բռնկվել, հոգևորականությունը միշտ եղել է զորավորների և իշխողների կողքին, միշտ հանդիսացել է նրանց թև ու թիկունքը: Պարսից հոգևորականությունն այս դեպքում մի երջանիկ բացառություն կազմեց: Նա առաջինը գլուխ բարձրացրեց, ժողովրդին պայքարի առաջնորդեց հանուն Մարգարեի, հանուն Շարիաթի, հավասարություն և ազատություն հուշակեց այնտեղ, որտեղ անհիշելի ժամանակներից ի վեր իշխողը բռնուցք էր և տիրող կամքը»²:

Եվ ահա այժմ այդ հոգևորականության շարքերում ի հայտ էին եկել զգալի թվով ազատամիտ ու հայրենասեր երիտասարդներ, որոնք եվրոպական լեզուներ իմանալու և եվրոպական թերթեր կարդալու շնորհիվ հաստատապես ըմբռնել էին, թե տվյալ պահին որն է իրենց ազգային պարտքը և պարտականությունը: Նրանք միացան Եվրոպայում կրթություն ստացած և եվրոպական արժեքներին նախանձախնդիր մտավորականներին և համատեղ կանգնեցին երկիրը ստորացուցիչ վիճակից դուրս բերելու համար ծավալվող ժողովրդական շարժման գլուխ:

Երիտասարդ հոգևորականներին հետևեցին նույնիսկ միջին ու բարձր տարիքի պարսիկ հոգևորականներից շատերը, նրանք, ովքեր սովորաբար խեղդում էին ամեն ինքնուրույնություն և անհատական նախաձեռնություն, ճակատագրին էին վերագրում չարն ու բարին, ժողովրդին մրափի մեջ էին պահում դարեր շարունակ: Ահա սրանք նույնպես սկսեցին խոսել ռեֆորմների մասին և այն պահանջներն առաջադրեցին³:

Արդեն երկու-երեք ամիս ի վեր, մի կողմից շահական պալատը և քաղաքական-կրոնական շրջանները, մյուս կողմից մտավորականության զգալի մասը և մուսուլմանական հոգևորականության միջին ու ստորին խավերը բացահայտ կամ խուլ կուլի մեջ էին:

Այդ էտապում Թեհրանում մեծ հուշակ էին ձևավորվել մուսուլմանական

մի շարք տաղանդավոր քարոզիչներ, որոնց թվում առանձնանում էր Սեյդ Ջամալ էջ Դին Էսֆահանին: Նրա քարոզներն ուղղված էին և՛ երկիր թափանցող օտար հարստահարիչների, և՛ պարսից շահական ռեժիմի դեմ: Այդ քարոզներն ամեն օր ունենալով էին հազարավոր մարդիկ⁴:

Իհարկե, Էսֆահանիի և նրան համախոհ մի քանի ուրիշ բարձրագույն հոգևորականների քարոզները սիկներով էին ընդունվում պարսիկ և թուրք հոգևորական վերնախավի կողմից: Դա պատահական չէր, քանզի այդ վերնախավի շատ անդամներ ունեին առասպելական հարստություններ և սարսափում էին փողոց դուրս եկած «խուժանից»: Էսֆահանիի կատաղի հակառակորդներից էին, օրինակ, խոշոր հոգևորական գործիչներ, եղբայրներ Միրզա և Ջավիդ Բագիրիները, որոնցից առաջինը սեփականատեր էր 150, իսկ երկրորդը՝ 200 գյուղի⁵:

Այնուամենայնիվ, հոգևորականների քարոզները և մտավորականների տարած եռանդուն աշխատանքն իր արդյունքը տվեց: Պարսկաստանի մայրաքաղաքը սկսեց ծփալ ալեկոծություն մեջ: 1905թ. դեկտեմբերի 14-ին հազարավոր ցուցարարներ Թեհրանից ուղևորվեցին մայրաքաղաքից բավական հեռու գտնվող Աբդու-Ազիմ մեջեղ՝ ամբողջ ճանապարհին հակակառավարական կոչեր անելով⁶: Հասնելով մեջեղ՝ նրանք նստեցին բեստ՝ Արևելյան դարավոր անշարժության սովոր ժողովուրդը «արթնացել էր նիրհից և ձգտում էր ազատվել իրեն կաշկանդող կապանքներից»⁴:

1906թ. սկզբից ազատագրական շարժումը սպառնալից կերպարանք ընդունեց: Էյն էջ Դուվլեն փորձեց շարժումը ճնշել Թեհրանում տեղակայված զորքով, բայց դա չհաջողվեց, քանի որ դժգոհությունը համակել էր նաև զորամասերին: 1906թ. հունվարի 12-ին պարսից զորքի առանձին շտաբներ բացահայտորեն հայտարարեցին, որ եթե հոգևորականության դեմ հանդես գալու որևէ հրաման տրվի, իրենք չեն կատարի⁵:

Այդ պայմաններում շահի պալատը ստիպված գնաց առաջին զիջմանը: Շահը հանդես եկավ հայտարարությամբ՝ խոստանալով հիմնել «ադալաթխան»-արդարադատության պալատ, որի առջև բոլորը պետք է հավասար լինեն⁶:

1906թ. մարտ-ապրիլ ամիսներին հացի պակասության պատճառով մի քանի քաղաքներում առաջ եկան խլրտումներ և բողոքներ, որոնք, նախ, ուղղվե-

¹ Տե՛ս P. A. Сеидов, Иранская буржуазия в конце XIX-начале XX века (начальный этап формирования), изд. "Наука", Москва, 1974, էջ 197:

² Տե՛ս Н. М. Лавров, Турция и Иран, էջ 31:

³ Տե՛ս Н. М. Лавров, Турция и Иран, էջ 37:

⁴ Բեստ - իրանում ընդունված բողոքի ձև, որն արտահայտվում էր նվիրական տեղերում (մեջեղների, դամբարանների) կամ օտարերկրյա մեսիանների շենքերում նստելով (նստացույց):

⁵ Տե՛ս Յ. Էյմար, Եփրեմ, էջ 37:

⁶ Տե՛ս М. С. Иванов, Иранская революция 1905 - 1911 годов, изд. ИМО, Москва, 1957, էջ 71.

⁷ Մատենադարան, կաթողիկոսական դիվան, թղթ. N 237^Բ, վավ. 323, թ. 17:

¹ Տե՛ս М. С. Иванов, Очерк истории Ирана, էջ 203-204:

² «Սուրհանդակ» (Թիֆլիս), N 59, 24 հունվարի 1910թ.:

³ Մատենադարան, կաթողիկոսական դիվան, թղթ. N 237^Բ, վավ. 323, թ. 18:

ցին նահանգապետերի դեմ, ապա, հետզհետե ընդարձակ չափեր ընդունելով, տարածվեցին երկրով մեկ: Արեկոծվում էին Շիրազը, Իսպահանը, Մեշխեդը և բազմաթիվ այլ քաղաքներ:

Շարժումն առանձնապես զորեղ արտահայտություն գտավ 1906-ի մայիսին: Այդ ամսվա կեսերին Թեհրանում հայտարարվեց բայրվա (գործադուլ), որի ժամանակ փակվեցին բոլոր խանութները, ընդհատվեց աշխատանքային կյանքը քաղաքում: Սկսվեցին մասսայական ցույցերը: Վարչապետ էյն էդ Դովլեն կողմնակից էր հուզումները ճնշել զենքով և այդ նպատակով բազմիցս դիմել էր շահին, իսկ վերջինս որոշակի պատասխան չէր տալիս: Զորքը շարունակ կանգնած էր կառավարության կողմը՝ պատրաստ ճնշելու ընդվզումները: Զինվորականները սկսեցին զենք գործադրել միայն այն ժամանակ, երբ ժողովուրդը, փակվելով մեղիդում, սկսեց քարեր նետել զորքի վրա՝ վիրավորելով նաև զորապետին: Մեշիդի վրա համազարկեր արձակվեցին, որի հետևանքով սպանվեց 2 Հոգի: Գազազած ամբոխը, դրան ի պատասխան, դուրս գալով մեղիդից, ավերեց ու կողոպտեց շուկան:

Շարժումը հետզհետե հեղափոխական բնույթ ստացավ: Ցուցարարները պահանջում էին ռեֆորմներ և սադրազամ էյն էդ Դովլեի պաշտոնաթողությունը: Մուսուլման հոգևորականությունը և մտավորականներն իրենց ըմբոստությունը առաջ տարան մինչև այն աստիճան, որ հուլիսի 19-ին շուրջ 12 հազարանոց պարսիկների մի բազմություն գլուխն անցած՝ սկսեցին ապաստան որոնել՝ նստացույց անելու (բեստ մտնելու): Բազմությունն ուղղություն վերցրեց դեպի Թեհրանի ռուսական դեսպանատուն: Դա պատահական չէր, այդպես էլ պետք է լիներ, քանզի, ինչպես արդեն նշվել է, Իրանի ժողովուրդը Ռուսաստանին համարում էր իր բնական դաշնակիցը: Ռուսաստանից պահանջվում էր ընդամենը դիվանագիտական մի փոքր տակա՝ Պարսկաստանում հաստատած իր գերակա ղեկավարը պահպանելու և ամրապնդելու համար: Բայց ցարական կառավարությունը չկարողացավ այդ տակտը դրսևորել, երբ երկրում բարձրանում էր ժողովրդական շարժումը:

Դեպի ռուսական դեսպանություն զննցող գործադուլավոր բազմությունը մտածում էր այնտեղ գտնել պաշտպանություն ու ապահովություն և այնտեղից շարունակել շահից պահանջել արդարություն ու ազատություն: Ցուցարարները համոզված էին, որ ռուս դեսպանը ուրախությամբ է ընդունելու իրենց, բայց այն, ինչ առաջին պահին տեսան, անհավատալի էր: Դեսպանության ղեկավարը ամուր փակված էին: Դա նշանակում էր, որ դեսպանը կտրուկ մերժում է որևէ աջակցություն:

Խորապես զայրացած ու հիասթափված ցուցարարները դիմեցին դեպի իրենց չսիրած երկրի՝ Անգլիայի դեսպանատուն: Վերջինիս համար դա աստվածառաք նվեր էր: Անգլիական դեսպանը ցուցարարներին ընդունեց գրկաբաց, նրանց օթևան տվեց իր ճոխ ապարանքի այգում և հայտարարեց, թե «Հյուրերը» կարող են իրենց բոլորովին ապահով զգալ բրիտանական թագի

պաշտպանության ներքո¹:

Այդ օրն իսկ, ոչ միայն ցուցարարների, այլև Թեհրանի բնակչության լայն խավերում տպավորություն ստեղծվեց, թե անգլիացիները շերտ կարեկցություն են հանդես բերում իրենց ճակատագրի նկատմամբ²:

Շուտով անգլիական դեսպանությունում բեստ նստած բազմության թիվը հասավ 14 հազար մարդու³: Այգում խփվեցին բազմաթիվ վրաններ, կազմակերպվեց ընդհանուր խոհանոց և ընդհանուր մտունդ: Բեստ նստածների հետ կապված բոլոր ծախսերն իրենց վրա վերցրին վաճառականները և հարուստ արհեստավորները⁴:

Աջակցություն հայտնելով ցուցարարներին և հանդես գալով որպես բեստ նստածների և շահի միջև բանակցությունների միջնորդ, անգլիացիներն իղձ ունեին իրականացնել ավելի ընդարձակ ծրագիր՝ իրենց ազդեցությունն ամրապնդել Իրանում:

Ռուսական դեսպանության անհեռատես ու տհաս վերաբերմունքի հետևանքով պարսիկների գոհունակ հայացքներն առաջին անգամ ուղղվեցին Անգլիա: Միաժամանակ այդ օրը սկիզբ հանդիսացավ այն խորթությունը, որ ժամանակի ընթացքում աստիճանաբար վերածեց բացահայտ զինված առճակատման պարսից հեղափոխության և ռուսական հակահեղափոխության միջև: Բնական է, որ իր երկրում ծագած ժողովրդական հեղափոխությունը դաժանորեն ճնշող ռուսական միապետը չէր կարող ատելություն չստանալ հարեվան Պարսկաստանում թափ առնող ժողովրդական շարժման նկատմամբ և պաշտպան չկանգնել պարսից միապետությանը:

Շարժման ղեկավարները որոշեցին պայքարը շարունակել ժողովրդական ցույցերով և դրանք կազմակերպել նախ և առաջ երկրի մայրաքաղաք Թեհրանում: Ցույցերի նպատակը պիտի լիներ սահմանադրություն ունենալու պահանջը: Դրանց վայրը ընտրվեց Թեհրանը, որովհետև կազմակերպիչները համոզված էին, որ Իրանի միահեծան տերը՝ Մուզաֆֆեր էդ Դին շահը, օտար դեսպանությունների աջքի առաջ ցուցարարների հանդեպ չի համարձակվի դիմել բռնությունների և անմիջապես կշտրոհի պահանջվող ֆերմանը:

1906թ. հունիսի վերջերին ժողովրդի և իշխանությունների առճակատում ընդունեց արյունալի ձևեր: Կառավարությունը տրամադրված էր վճռականորեն, և զորքը հրաման ստացավ ցույցերը ճնշել դաժանորեն:

Հունիսի 29-ին սպանվում են ցուցարարների գլուխն անցած երկու սեյիդներ և մի քանի կանայք: Սպանվում և վիրավորվում է նաև մի քանի կազակ: Ցուցարարներից ոմանք վերցնում են սպանված սեյիդների արյունոտ շորերը,

¹ Տե՛ս «Հայրենիք», N 6 (42), հունիս, 1906, էջ 68:

² Տե՛ս Մ. Ս. Павлович, Очерк истории политической борьбы в Персии, Москва, 1925, էջ 40:

³ Տե՛ս Յ. Էլմար, Եփրեմ, էջ 37:

⁴ Տե՛ս Մ. С. Иванов, Иранская революция 1905 - 1911 годов, էջ 78-79:

ամրացնում ձողերի վրա և բարձրացնում իբրև դրոշներ, որոնց հետևից ձեռք-վում են փողոցային երթերը: Ձորքը հրաման է ստանում կրակ բացել շարքերի վրա, բայց գինիորների մեծ մասը հրաժարվում է կատարել հրամանը կամ կրակում է օդում: Մի քանի հազար մարդուց բաղկացած ամբոխը հավաքվում է գլխավոր մեջիդում: Սկսվում են քարոզներ: Ժողովուրդը կրկին ու կրկին պահանջում է պաշտոնից վտարել էյն էդ Դովլեին, Թեհրանի նահանգապետ Այա էդ Դովլեին և մի քանի ուրիշ պաշտոնյաների: Տեղի է ունենում նոր ընդհարում, սպանվում և վիրավորվում է մինչև 50 մարդ¹:

1906թ. Հուլիսին Թեհրանում տեղի ունեցան զանգվածային նոր ցույցեր: Ելույթ ունեցողներից ոմանք ժողովրդին ապստամբության կոչ էին անում: Ցուցարարները նորից պահանջում էին պաշտոններից հեռացնել առավել առե-լի բյուրոկրատներին: Հենց այստեղ էլ առաջին անգամ դրվեց սահմանադրու-թյան հարցը: Տեղի ունեցավ ընդհարում գորքի և ցուցարարների միջև, որի հետևանքով եղան զոհեր:

Ձանգվածային ցույցերը Թեհրանում շարունակվեցին օրեր շարունակ: «Աշխարհի ամենաբարանելիներից երանելի» միապետը, շվարած ու գլուխը կորցրած, խոստացավ պաշտոնանկ անել վեգիներին շատերին: Հեռացվեց նրանց մեծ մասը, իրենց աթոռներից զրկվեցին նաև ուրիշ բարձրաստիճան պաշտոնյաներ:

1906թ. Հուլիսի 29-ին իր պաշտոնից վերջապես ստիպված հրաժարվեց նաև սադրագամ էյն էդ Դովլեն²: Նրա փոխարեն նշանակվեց լիբերալ շրջաննե-րում ժողովրդականություն վայելող արտաքին գործերի մինիստր Նասրուլլա խան Մոշիր էդ Դովլեն³:

Բայց Թեհրանի բնակչությունը դրանով չբավարարվեց և, շարունակելով ցույցերը, կրկին դրեց սահմանադրության հարցը:

Բազմամարդ ժողովրդական նոր ցույցերը Թեհրանում նույնպես Հաջողու-թյուն ունեցան: Քանի որ դրանք ղեկավարում էր հավատացյալ ժողովրդի վրա հսկայական ազդեցություն ունեցող հոգևորականությունը, կառավարու-թյունը հասկացավ, որ զիջումներն անխուսափելի են:

Ըմբռնելով զանգվածների պահանջի արդարացի լինելը և գիտակցելով իր երկրի շահերը՝ Սուլթանֆեհր էդ Դին շահն ընդառաջ գնաց ժողովրդական պա-հանջին և խոստացավ սահմանադրություն շնորհել երկրին:

Երբ Պարսկաստանում սկսվեց ազատագրական շարժումը, տեղի Հայու-թյան առջև, բնականաբար, կանգնեց այն հարցը, թե սկսած շարժման նկատ-մամբ ինչ դիրք պետք է բռնի ինքը: Իսկ պարսկահայությունը երկրում մի փոքր թիվ էր, ընդամենը 70-80 հազար շունչ՝ ցրված պետության ահագին

տարածքի վրա:

Բնիկ պարսկահայ բնակչությունը, որի գլխով դարեր ի վեր անցել էին անհամար աղետներ ու փորձանքներ, սկզբնական շրջանում ազատագրական շարժման նկատմամբ խիստ վերապահ էր, չեզոք և իրադարձությունների գար-գացմանը դիտում էր կողքից: Իր դիտարկումներով ու փորձով նա եկել էր այն համոզման, որ խավարի ու կրոնական մոլեռանդության մեջ խարխափող մու-սուլման ժողովուրդն անկարող է ըմբռնել ազատության մասին քարոզները: Նա նաև գիտակցում էր, որ իշխանությունների կամ ընդդիմության կողմն անց-նելու պարագային, նրանցից մեկի հաղթանակի կամ պարտության դեպքում, ինքը կարող է դառնալ վրեժխնդրության զոհ, քաղաքի նոսրագ: Դա էր հիմ-նական պատճառը, որ բնիկ պարսկահայերը տրամադրվել էին բռնել խիստ զգուշավոր և խոհեմ ուղղություն:

Բայց այդպես չէին մտածում պարսկահայության ձախ տարրերը և, Հատ-կապես, դրսից եկած սոցիալ-դեմոկրատական գաղափարներով տոգորված Հե-ղափոխական գործիչները: Նրանք գտնում էին, որ մի բուն հայությունը ան-պայման պետք է մասնակցի շարժմանը, նրանում ներգործուն դեր կատարի, ավելին, հնարավորության դեպքում տեղ բռնի շարժման ղեկավարների շար-քերում:

Կովկասից Պարսկաստան եկած ուսուցիչական ձախ գործիչներից ոմանք խոս-քից գործի էին անցել Թեհրանի՝ Հուլիսյան առաջին ցույցի մասնակիցների թվում նրանցից արդեն կային մի քանի հոգի:

Պարսկաստանի հնչակյան կազմակերպության մեջ միասնությունը չկար շարժմանը Հայերի մասնակցության հարցում: Թավրիզի հնչակյանների մի մասը Կովկասի սոցիալ-դեմոկրատների օրինակով կողմ էր հեղափոխության մեջ ընդգրկվելուն, իսկ մեծամասնությունը ս.դ. հնչակյան կուսակցության «Պարսկաստանի մասնաճյուղերու գործադիր Յանձնախումբ»-ի գլխավորու-թյամբ և հնչակյան կենտրոնի լիազոր Վահան Մամիկոնյանի ջանքերով դեմ: Ինչ վերաբերում է դաշնակցության Վրեժի (Թավրիզի) կազմակերպությանը, ապա հեղափոխության զարգացման տվյալ փուլում նա կտրականապես մեր-ժում էր Հայերի մասնակցությունը:

Վրեժստանում (Ատրպատական) Հ.Յ.դաշնակցության 1904-1906թթ. գոր-ծունեության մասին տեղեկագրում կարդում ենք.

«Պարսկական Սահմանադրության առթիվ տեղի ունեցած շարժմանը մենք չէինք կարող մասնակցել շատ հասկանալի պատճառներով: Հաստատ աղ-բյուրներից լսում էինք, որ թագաժառանգը և նրա մերձավորներն ուզում էին

¹ Տե՛ս Բ. Ա. Сеидов, Иранская буржуазия в конце XIX-начале XX века (начальный этап формирования), էջ 203:

² Տե՛ս «История Ирана», изд. Московского университета, 1977, էջ 271:

³ Տե՛ս М. С. Иванов, Иранская революция 1905-1911 годов, էջ 80:

օրդուբադցիների միջոցով ստեղծել Հայ-թուրքական կոտորած, դրանով ստիպելու անգլիական կոնսուլին՝ հետացնելու շարժման պարագլուխներին և համոզելու նրան, որ այդ շարժումը քաղաքական բնույթ չունի, այլ լոկ կովկասյան Հայ-թաթարական ընդհարման արձագանք է: Մի թեթև առիթը բավական կը լիներ այդ արյունահեղության համար, և մենք զոհ կարող էինք գնալ պրովոկացիայի: Իբրև առանձին կուսակցություն, մենք չէինք կարող ասպարեզ գալ, որովհետև դաշնակցությունը, պարսիկ մասսայի հասկացողությամբ, հասկացվում էր իսլամի թշնամի: Այդ ուղղությամբ «Հաբլ յուլ Մաթինը»՝ և Աղաեի օրգանը՝ կատարել են իրենց դերը:

Որովհետև այդ շարժումն ուներ միայն ազգայնական-կրոնական բնույթ, մեր մասնակցությունն այդպիսի մի շարժման՝ հետադիմական քայլ կը լիներ»¹:

Իհարկե, Հայերը Պարսկաստանում կուլտուրապես ավելի զարգացած էին, հետևապես ուրիշ պատճառների թվում նաև այդ պատճառով, պետք է իրենց գործողություններով նպաստեին Իրանի ժողովրդական մասսաների ազատագրական պայքարին: Անշուշտ, նրանք անպայման համակիրներ էին ժողովրդական շարժմանը, բայց առայժմ, փոքր բացառություններով հանդերձ, խուսափում էին մասնակցել կոնկրետ գործողությունների:

Եվրոպա կատարած ճանապարհորդությունների ժամանակ շահը տեսել ու համոզվել էր, որ հզոր ու բարգավաճ են ոչ թե միապետական-ինքնակալական, այլ սահմանադրական-միապետական կարգեր ունեցող երկրները:

Եվրոպայում Մուզաֆֆեր էդ Դին շահը հաղորդակից էր եղել նաև քաղաքակրթության մի ուրիշ նվաճման՝ նույն երկրի տարբեր ազգերի միջև նոր հարաբերությունների հաստատման հրամայական պահանջին, որի հիմնական բովանդակությունն օրենքի առջև առանց ազգային և կրոնական խտրության՝ տերություն բոլոր հպատակների իրավահավասարությունն է:

Փարիզում գտնվելիս շահն ընդունել էր տեղի Հայերի պատվիրակությանը, որի կազմում եղել էր նաև նկարիչ Գևորգ Բաշինջաղյանը: Այդ հանդիպմանը վեհապետն ասել էր, որ Հայերը և նմանապես բոլոր քրիստոնյաները Պարսկաստանում հավասար իրավունքներ ունեն մուսուլմանների հետ և անձամբ վայելում են իր հովանավորությունը: Նա հավաստիացրել էր, որ ապագայում նույնպես նրանք վայելելու են պետության վստահությունն ու պաշտպանությունը²:

Պարսկահայության մտահոգությունների կենտրոնում Ատրպատականի վիճակն էր, քանզի այստեղ էր կենտրոնացված նրա բացարձակ մեծամասնությունը:

Թեհրանից հետո Թավրիզը՝ արդեն 1906թ. կեսերից գործնականում քաղվել էր սահմանադրական շարժման մեջ: Հուլիս-օգոստոսին Թեհրանի դեպքերի ազդեցության տակ Թավրիզում տեղի էին ունենում գաղտնի ժողովներ և խորհրդակցություններ, որոնց արդյունքում թավրիզցիները որոշում են հետևել թեհրանցիների օրինակին և, ի նշան նրանց հետ համերաշխության, բեստ են նստում:

Ատրպատականի փոխարքա Մամեդ Ալի Միրզան նստացույցը խափանելու համար դիմեց զանազան միջոցների, բայց նրա բոլոր փորձերը վերջացան անարդյունք: Շարժումը գնալով նոր թափ էր առնում:

ԱՌԱՋԻՆ ՍԱՀՄԱՆԱԴՐՈՒԹՅՈՒՆԸ ՊԱՐՍԿԱՍՏԱՆՈՒՄ

Եվրոպայում կազմված համոզմունքներն էին, որ շահին դրդեցին հազարավոր տարիներից ի վեր միահեծան կառավարվող Իրանին տալ ժողովրդապետական իրավունքներ: Արդյունքն այն եղավ, որ 1906թ. օգոստոսի 5-ին նա ստորագրեց մի շարք ֆերմաններ՝ «Սահմանադրության մանիֆեստներ» ընդհանուր խորագրի տակ և դրանցով խոստացավ սահմանադրություն շնորհել երկրին¹:

Իր որոշումով շահնաշահը հաստատում էր, որ ինքնակալական միահեծան ռեժիմի գոյությունը երկրում այլևս ժամանակավրեպ է, և անհետաձգելի է ժողովրդական ներկայացուցչության իրագործումը:

Անշուշտ Մուզաֆֆեր էդ Դինը նման համարձակ քայլի էր դիմել ամենից առաջ այն պատճառով, որ, ինչպես նշվեց, հոգևորականության մեծ մասը նույնպես պահանջում էր բարեփոխումներ կամ գոնե դեմ չէր բարեփոխումներին: Ժողովրդին սահմանադրություն տալու խոստումը հետևանք էր նաև շահի վարած համբերատար և համեմատաբար ազատական քաղաքականության:

Շահի ստորագրած հրամանները ցնծության ու բուռն ոգևորության ալիք առաջ բերեցին ամբողջ Պարսկաստանում: Ցույցերը տարածվեցին երկրով մեկ՝ այս անգամ որպես շահի նկատմամբ ժողովրդական երախտագիտության արտահայտություն: Ինավար, տգետ ու արհամարհված Իրանն իր լուսամիտ շահի մտքերն էր ողջունում և՛ իրավունք ունեւր²:

Թեհրանի բազմամարդ ցույցերն աներևակայելի արագությամբ նպաստեցին հետամնաց պարսից ժողովրդի մեջ ընդհանուր համերաշխության հաստատմանը:

¹ Խոսքը Կ. Պոլսի փողերով կալվածքային (Հնդկաստան) պարսկերենով հրատարակվող հայաստյաց թերթի մասին է:

² Նկատի է առնված Ահմեդ Աղաեի հիմնած հետադեմ «Իրչաղ» թերթը:

¹ «Նյուսթեր...», հատ. Դ, էջ 235:

² «Մշակ», N 26, 11 հունվարի 1907թ.:

¹ 1900թ. Թավրիզում բնակվում էր 240000 մարդ, իսկ 1905-ին՝ 260 հազար, այսինքն՝ արդեն նույնիսկ մի քիչ ավելի, քան Թեհրանում (տե՛ս Бартольд, С.-Петербург, 1903, էջ 148):

¹ Տե՛ս М. С. Иванов. Очерк истории Ирана, էջ 203:

² Մասնադրաման, կաթողիկոսական դիման, թղթ. N 237^а, վավ. 323, թ. 22:

Բայց բոլորը չէին, որ գոհ էին: Իրենց դժգոհությունը չէին թաքցնում խաները, Հարստահարիչ գյուղատերերը, բարձր պաշտոնյաները, քուրդ աշիրեթապետները:

Արթնացավ նաև Իրանի վայրագ, մոլեռանդ, ծուլ ու հեղգ թուրք տարրը՝ Ատրպատականի բնակիչը: Արթնանալով՝ նա նույնպես պահանջեց «մարդկային իրավունքներ», աղաղակելով, որ այսուհետև ինքը նույնպես պետք է դառնա իր բախտի տերը: Սահմանադրական շարժումը Հենց սկզբից Իրանի թըրքության մեջ զուգորդվեց, ճիշտ է՝ դեռևս չգիտակցված ու թույլ, կենտրոնախույս ձգտումների հետ:

Շահի խոստումները և տված «սահմանադրական ֆերմաններ» լուրերը արագորեն տարածվեցին ամենուր և մեծ զարմանք ու հրճվանք պատճառեցին տարբեր երկրներում գտնվող պարսկահպատակներին, որոնք շտապեցին իրենց շնորհավորանքները և գոհունակությունն արտահայտել «սահմանադրական» կարգեր թեևակոխող ժողովրդին և միապետին:

Իր հերթին եվրոպական մամուլը գրում էր, որ շահի գիշումը ապագա սահմանադրության համար կարող է հուսալի հիմք հանդիսանալ, եթե միայն պալատական-կղերական նոր ինտրիգները չխափանեն սկսված գործը:

Ճիշտ է, Մուղաֆֆեր էդ Դինի ֆերմանը դեմոկրատական դրոշմ չէր կրում, քանի որ չէր բխում ժողովրդական խավերից, բայց նկատելով, որ Արևելքի քահանար գանգվածների կյանքում հաճախ մեծ և կարևոր հեղաշրջումները բխել են վերելից, կարելի էր հուսալ, որ շահի որոշումը, իբրև սահմանադրության սկիզբ, Իրանի ժողովուրդների կյանքում կբացեր նոր դուռ ազատության, երկրում քաղաքացիական-սոցիալական տանելի կարգեր հաստատելու համար:

Պարսկական սահմանադրական շարժումը ջերմ արձագանք գտավ նաև հայկական մամուլի էջերում և հասարակական-քաղաքական շրջաններում:

Պարսկաստանի ժողովուրդը էժան և հեշտ գնով, համարյա անարյուն, ընդամենը մի քանի հոգու նահատակությամբ, ձեռք էր բերելու սահմանադրություն, այն դեպքում, երբ ավելի առաջավոր երկրներում դրա համար պահանջվել էին երկար տարիներ, դաժան պայքար ու անհամար զոհեր:

Օրինակը հեռու չէր՝ Հարևան Ռուսաստանն էր, ուր շուրջ մեկ և կես տարի բազմամիլիոն ցավատանջ ժողովուրդն արյուն էր թափում, բայց, ըստ էության, ոչնչի չէր հասել: Ռուսաստանում հեղափոխական ու ազատական մամուլը գրում էր, թե միջնադարյա հետամնացության մեջ խարխափող Պարսկաստանն արդեն սահմանադրության մասին հույսերով ունի, և սահմանադրությունը շուտով կձևակալվի, իսկ քաղաքակրթված Ռուսաստանը անցնում է տառապանքի ուղիներով, և այդպես էլ նրա համար սահմանադրությունը մտնում է երազանք:

Այդ օրերին Թեհրան գնացած և Թիֆլիս վերադարձած հայ առևտրականներից մեկն իր գործընկերոջն ուղարկած նամակում գրում էր.

«... Թող Հարազատ որդոց մուգ արյունով ոռոգվի մայր-երկիրը, թող դեռ

ծանր ու դառն երկունքներ կրի արյան ծարավի հողը, միայն թե ցարի բռնակալ ռեժիմը, ոճրագործ բուրժուարտիան իր պատվանդանի վրա ամուր լինի և նոր արյուններ, նոր վերքեր բացի երկրի սրտում... Դեռ տնքում է Պուշկինի, Տուրգենևի, Տոլստոյի, Գորկու հայրենիքը: Իսկ Պարսկաստանը ցնծում է... Որքան մխիթարական և միևնույն ժամանակ հիասթափեցնող հակապատկերներ»¹:

Սահմանադրության (Մեջիսը-Շուրայի Միլլի) մասին լուրը ցնծությամբ ընդունեցին նաև Երևանի պարսիկները, պարսկահպատակ թուրքերն ու հայերը: Տեղի պարսից հյուպատոսը 1906թ. օգոստոսի 3-ին մեծ ընդունելություն կազմակերպեց իր տանը, որի մի մասը այսպես է լուսաբանել «Մշակը».

«Ուրախությունը կատարյալ եղավ, երբ մի խումբ հայեր, շրջապատված հայ զինվորներով, զուռնայով մտան բակ ու սրտագին շնորհավորեցին պարսից ազատությունը, սահմանադրությունը: Ապա պատշգամբ դուրս եկան հյուպատոսը, Երևանի թուրք խաները ու մի քանի հայ և թուրք պատվավոր քաղաքացիք: Սկսվեց ճառերի մի ամբողջ շարք: Ճառերի միտքն ու ցանկությունը, բացի սահմանադրությունը ողջունելը, բոլորն էլ համարյա պատվում էին հայ-թուրքական ընդհարումների շուրջը, և ցանկություն էր հայտնվում մոռանալ բոլորը, ապրել նախկին եղբայրության սիրով ու Հարևանությամբ:

Ապա ելույթ ունեցավ հյուպատոսը, որն իր ճառը վերջացրեց հետևյալ խոսքերով. «Ապրեցեք սիրով ու եղբայրաբար այնպես, ինչպես մեզ մոտ Պարսկաստանում ապրում են հայերն ու թուրքերը՝ մեր ողորմած Շահի իշխանության տակ»²:

Նույնպիսի ցանկություն հայտնեցին ելույթ ունեցող հայերը: Թերթը նշում էր. «Սրտաճմլիկ էր տեսնել, թե ինչպես մի քանի ձեռունի թուրքեր աղիողորմ արտասվում էին ճառերի ազդեցության տակ ու ախ ու վախ ասում»³:

Ընդունելությանը մասնակից հայերից մեկը այսպես էր արտահայտում այդ օրը իր ունեցած հոգեկան ապրումները.

«Մենք, որ պարծենալ գիտենք մեր լուսավորությամբ ու կուլտուրայով և շատ անգամ արհամարհանքի խոր առեղծվածներ ենք վերաբերվել դեպի հարևան Պարսկաստանը, այո՛, այն երկիրը, որին մենք անեկոտնների աշխարհ ենք անվանել ու «բախշիչների» կառավարությունն, նա եկավ ցույց տալու մեզ, որ իրեն և իր լուսամիտ միապետին լավ չենք ճանաչել: Թանկ գնահատելով իր հպատակ զավակների արյունը, շահը պատռեց նրանց գերության քողը, արձակեց շղթայված ձեռքերն ու լեզուներն և հրավիրեց մասնակցելու երկրի կառավարման գործին, մշակելով սահմանադիր ժողովրդական օրենքներ»⁴:

Մուղաֆֆեր էդ Դին շահնշահի կողմից իր երկրին սահմանադրություն

¹ Մատենադարան, կաթողիկոսական դիվան, թղթ. N 237^թ, վավ. 323, թ. 12:
² «Մշակ», N 170, 8 օգոստոսի 1906թ.:
³ Նույն տեղում:
⁴ Նույն տեղում:

տալու խոստումը օգոստոսի 4-ին Հանդիսավորությանը նշեց Բաթումի պարսկահայաստակ Հայ և թուրք հասարակությունը:

Քաղաքի Ազդեցիկ մզկիթում մեծ բազմություն էր հավաքվել, այնտեղ էր նաև պարսիկ Հյուպատոսն իր շքախմբով: Մզկիթում կատարված տոնախմբությունից հետո, Հյուպատոսի, պարսիկ և թուրք երևելիների մասնակցությամբ, մաղթանք տեղի ունեցավ Հայկական եկեղեցում: Մաղթանքից հետո Հայր Մելյանն իր ելույթում նշեց, որ շահնշահի կատարած գործը բացառիկ է իր նշանակությամբ, քանզի նա չուզեց թափել Հպատակների արյունը, իմաստունությամբ ազատություն տվեց իր ժողովրդին, նրան իրավունք տվեց՝ իր հետ հավասար որոշելու երկրի բախտը: Ելույթ ունեցողը շեշտում էր. «Եվ մենք՝ հայերս, որ պատմության անցյալով և հող ու ջրով ձեզ հետ եղբայրացած ենք, պարսիկ եղբայրեն՝, մեր հոգու բոլոր գործությամբ գալիս ենք շնորհավորելու ձեր մեծ օրը»¹:

Պարսկական սահմանադրության առթիվ Թիֆլիսի պարսից ընդհանուր Հյուպատոս Մուֆֆախամ-Սոլթանի նախաձեռնությամբ 1906թ. օգոստոսի 4-ին մաղթանք և Հանդես տեղի ունեցավ քաղաքի շիա մուսուլմանների մզկիթում, ուր հավաքվել էին պարսիկներ, թուրքեր, հայեր:

Բացելով Հանդեսը, դազին ներկաներին հիշեցրեց, որ իսլամ կրոնը և նրա հիմնադիր Մուհամմեդ մարգարեն միշտ քարոզել են, որ աշխարհիկ գործերում ամեն բան պիտի կատարել խորհրդակցությամբ, ուստի Մուզաֆֆեր էդ Դին շահի կողմից շնորհված ազգային խորհրդարանն ամենևին չի հակասում շարիաթին և իսլամ վարդապետության սկզբունքներին:

Հոգևորականության կատարած գոհաբանական մաղթանքից հետո խոսք վերցրեց Մուֆֆախամ-Սոլթանը և մի համառոտ ճառով դրվատեց շահի կատարած գործը՝ այն համարելով մի բացառիկ երևույթ պարսից պատմության մեջ:

Հյուպատոսից հետո ելույթ ունեցավ «Մոլլա Նասրեդդին» երգիծական թերթի խմբագիրը և կովկասյան թուրքերի անունից գոհունակություն հայտնեց պարսկական սահմանադրության և նրա ստեղծողի նկատմամբ:

Ապա խոսք տրվեց «Մշակ» թերթի խմբագրության ներկայացուցիչ Համբարձում Առաքելյանին, որը ելույթ ունեցավ թուրքերեն: Թիֆլիսի Հայության անունից արտահայտելով ջերմագին զգացմունքներ պարսիկ ժողովրդի Հանդեպ, նա մասնավորապես ասաց.

«Այսօրվա ձեր ուրախությունը, պարոն Հյուպատոս և Հարգելի ժողովուրդ, միայն մուսուլմանների, պարսիկների ուրախությունը չէ. դա ընդհանուր ուրախություն է բոլոր այն ազգերի և ցեղերի համար, որոնք ապրում են իրանում՝ շահերի հովանավորության ներքո: Այդ ազգերի թվում է նաև պարսկահայությունը, որին նույնպես սահմանադրական իրավունքներ են տրված: Իմաստուն ու մարդասեր շահը խտրություն չի դնում իր հպատակների

միջև: Մեծ է այսօր պարսկահայերի ուրախությունը, և ես համոզված եմ, որ նրանք լիուլի կարգարացնեն շահնշահի ակնկալությունները, ցույց կտան, որ կկարողանան օգտվել սահմանադրական իրավունքներից Մեծն Իրանի բարօրության և բարգավաճման համար»¹:

Հյուպատոսը Հ. Առաքելյանի ելույթին պատասխանեց այսպիսի խոսքերով. «Ես անչափ զգացված եմ ձեր խոսքերից, պարոն Առաքելյան, և անկեղծ շնորհակալությունս եմ հայտնում «Մշակ» լրագրին և ձեզ: Ողորմած շահի զգացումները դեպի հայերը հանրածանոթ են. նա, իբրև հայր, խտրություն չի դնում իր զավակների միջև, ուստի սահմանադրական իրավունքները հավասարապես տարածել է ամենքի վրա՝ և՛ պարսիկի, և՛ հայի, և՛ հրեայի, և՛ այլոց: Եթե հայերը մինչև այսօր հավատարիմ հպատակներ են եղել, ես համոզված եմ, որ այսուհետև ևս նրանք իրենց օգտակար ծառայությամբ կնպաստեն ընդհանուր Հայրենիքի՝ Իրանի բարգավաճմանն ու բարօրությանը»²:

Երեկոյան Թիֆլիսի թուրքերի շուկայում ու խանութների առաջ Հրավառություն և լուսավորություն տեղի ունեցավ: Խանութներն ու շուկան զարդարված էին գորգերով, շալերով, կերպաներով:

Պարսկական սահմանադրությունը, որ դեռ մշակված չէր, այլ միայն նրա առանձին դրույթներն էին հռչակված, առայժմ հեռու էր սահմանադրության այն ըմբռնումից, որ կար քաղաքակիրթ երկրներում: Եվրոպայում սահմանադրական կարգերը XIX դարում ձեռք էին բերվել հեղափոխական երկարատև պայքարի և բազում զոհերի հետևանքով, և դա տևական պատմական պրոցես էր եղել: Ի տարբերություն դրա՝ սուլթան Աբդուլ Համիդի կողմից թուրքիային տված Միդհատ փաշայի սահմանադրությունը վիժեց գլխավորապես այն պատճառով, որ ձեռք էր բերվել առանց արյուն թափելու: Թուրքական սահմանադրության գաղափարը Հրացել էր մի քանի փաշա, որին անտեղյակ էր ժողովուրդը, ուստի այդ սահմանադրությունը տևական չեղավ, սուլթանն այն խլեց նույն Հեշտությունը, ինչպես տվել էր:

Ինչ վերաբերում էր պարսկական սահմանադրությանը, այն բնավ թուրքականի նման չէր: Սահմանադրություն ձեռք բերելու համար, ճիշտ է, համարյա արյուն չթափվեց, բայց գլխավոր գործող դերակատարը եղավ ժողովուրդը՝ իր տևական ցույցերով և համառ պահանջներով: Չնայած դրան, պարսկական սահմանադրությունը մշտական փտանգի տակ պիտի լիներ, քանի որ, ի վերջո, այն ժողովրդին «չնորհել» էր շահը՝ ըստ իր ըմբռնումների ու ցանկությունների: Սահմանադրությունը նրա իշխանապետական իրավունքները կրճատում էր այնքանով, որքանով ինքն էր ցանկանում:

Ռեֆորմների կողմնակից ավելի կուլտուրական ուժերը, որոնք ձգտում էին երկրում սահմանադրական կարգ ու կանոն մտցնել, հասկանում էին, որ պետք

¹ «Մշակ», N 170, 8 օգոստոսի 1906թ.:

¹ «Մշակ», N 168, 5 օգոստոսի 1906թ.:

² Նույն տեղում:

է կարողանալ մեծ հմտութեամբ ու տակտով օգտուել հոգևորականութեան «Հեղափոխական» տրամադրութիւններէ, որպէսզի նա խոչընդոտ չհանդիսանա նոր կյանքին, նոր կարգերին, վերանորոգչական սկսվող գործունեութեանը:

Իհարկե, նրանք կասկած չունենին, որ հոգևորականութիւնը Հակառակ է լինելու բուն սահմանադրական կարգերին՝ եվրոպական իմաստով, և պահանջելու է, որ սահմանադրութիւնը հիմնված լինի Ղուրանի օրենսդրութեան՝ շարիաթի վրա, իսկ շարիաթի օրենսդրութիւնը և եվրոպական սահմանադրական կյանքը տրամագծորեն միմյանց Հակառակ են:

Դա էր հիմնական պատճառներից մեկը, որ Հայ Հեղափոխական կուսակցութիւնները՝ և՛ Հնչակը, և՛ դաշնակցութիւնը, սկզբնական շրջանում խիստ վերապահ էին «Սահմանադրական մանիֆեստներին» Հախուռն գնահատականներ տալուց: «Դրոշակը» գրում էր, որ Մուզաֆֆեր էդ Դին շահի կողմից Պարսկաստանին սահմանադրութիւն շնորհելը Հետևանք է նրան, որ մի քանի ամսից ի վեր պալատական կյանքը, քաղաքական-կրօնական բարձր շրջանակները, զանազան պաշտոնյա անձինք ենթակա էին խուլ կովի՝ Հանուռն անձնական օգուտի կամ գաղափարի: Շահի «այդ գիշումը՝ իրոք կարող է հիմք ծառայել ապագա սահմանադրութեան, եթե միայն պալատական-կղերական նոր ինտրիգները չխափանեն սկսված գործը: Ծշմարիտ է, սա դեռ սկիզբն է: Նա չի կրում ռամկավարական դրոշմ և չի բխում ժողովրդական Հեղափոխութեան շահերից»: Բայց «Դարավոր ճահիճներն անգամ չարժվում-ալեկոծվում են: Գաղափարի Հարածուն շարժման հավիտենական նշանն է այդ: Եվ ոչ մի ցարիզմ, ինչքան և անբարտապան, ոչ մի սուլթանութիւն, որքան և մարդակեր, ոչ մի շահ, որքան և Հետագեմ, չպիտի կարողանան դիմադրել գաղափարի շարժմանը, որ նույնքան հուժկու է, որքան Հեղեղը, նույնքան անդիմադրելի, որքան գլորվող ժայռը ...»¹:

«Սահմանադրութեան մանիֆեստներին» գնահատման Հարցում «Դրոշակի» զգուշավորութիւնն անտեղի չէր: Հակաեվրոպական, Հակաքրիստոնեական տրամադրութիւնները ոչ միայն դեպի անկում չգնացին, այլև գնալով ավելի ուժեղացան, քանի որ շարունակում էին ուժի մեջ մնալ դրանց հիմնարար պատճառները. անգլիացի, ֆրանսիացի, ռուս, գերմանացի, ամերիկացի գործարարներն ու պաշտոնյաները Հարստահարում էին ժողովրդին, միաժամանակ որևէ ջանք չէին գործադրում նպաստելու այդ նույն ժողովրդի կուլտուրական, կրթական, քաղաքական մակարդակի զարգացմանը: Իրա Հետևանքով, բնականաբար, առաջ էր եկել բնակչութեան բուռն դժգոհութիւն:

Ինչպես տեսնում ենք, Մուզաֆֆեր էդ Դինի «Սահմանադրական մանիֆեստները» խիստ դասակարգային բնույթ ունենին և բնավ նպատակ չունեին վերացնելու երկրի ազնվականական դասը, որի վրա էին խարսխված միապետական կարգերը: «Մանիֆեստների» գլխավոր նպատակը բացարձակ միա-

պետութեան փոխարինումն էր սահմանադրական միապետութեամբ, այն էլ սահմանափակ ազատութիւնների պայմաններում: Այդ էր պատճառը, որ շահը, կառավարութիւնը, նաև «Հեղափոխական» հոգևորականութիւնը երկյուղում էին, որ շարժումը կարող է դուրս գալ փերից և ուղղվել Հնչակի պետի ու միապետութեան դեմ: Նրանք մեծ վտանգ էին տեսնում այն բանում, որ եվրոպայում և Ռուսաստանում լույս տեսնող պարբերականները, Հատկապես Հեղափոխական թերթերն ու գրականութիւնը, որոնք օրինական ճանապարհով ստացվում էին երկրում, իրենց Հետ բերում են Հակամիապետական գաղափարներ, քարոզում Պարսկաստանում եվրոպական պառլամենտական կարգեր հաստատելու անհրաժեշտութիւնը: Ահա թե ինչու Հատկապես հոգևորականութեան կողմից շահին առաջարկ ներկայացվեց խիստ գրաքննութեան ենթարկել դրսից ստացվող գրականութիւնն ու մամուլը, իսկ առավել ազատամիտ պարբերականների մուտքը երկիր ընդհանրապես արգելել:

Անվտանգութիւնը, բնականաբար, տարածվեց նաև Հայ ազգային Հեղափոխական կուսակցութիւնների Պարսկաստանում գործող կազմակերպութիւնների վրա: Հանձինս նրանց, չափավորները տեսնում էին արմատական սահմանադրականներին աջակցող ուժ:

Հայ ազգային Հեղափոխական կազմակերպութիւնների նկատմամբ վերաբերմունքի դրսևորումներից մեկը Հ.Յ.դաշնակցութեան պաշտոնական օրգան «Դրոշակի» մուտքի արգելումն էր ամբողջ Պարսկաստանում:

1905թ. բնթացքում Պարսկաստանում «Դրոշակ» թերթից ամսական ստացվել էր միջինը շուրջ 4840 օրինակ, որոնց մեծ մասը գանազան գծերով փոխադրվել էր Ռուսաստան և Թուրքիա: «Դրոշակից» բացի ստացվել էին ուրիշ Հեղափոխական թերթեր՝ «Հայրենիք», «Շարժում», «Մազմիկ», «Республиканская Россия» և այլն, ինչպես նաև բրոշյուրներ ու գրքեր¹:

Փոստի ու մաքսի մինիստրութեան ընդհանուր գանձարանի կառավարիչը մինիստրի անունից ստորագրել և ենթականերին էր իջեցրել Հետևյալ գրութիւնը.

«Պատիվ ունեմ ձեզ ծանուցանելու, որ կառավարութիւնն արգելեց մուտքը և տարածումը Պարսկաստանում Հայոց «Դրոշակ» լրագրի, որ Հայ Հեղափոխական կոմիտեի ջանքերով խմբագրվում է ժնևում»: Այնուհետև Հրահանգվում է՝ լրագրի Համարները գրավել ու ոչնչացնել՝ ընդունված ձևով կազմելով արձանագրութիւն: Վերջում շեշտվում էր. «Նույնը վերաբերվում է Հայրենի լեզվով այլևայլ Հեղափոխական բրոշյուրներին, որոնք տեղական ժամանակից ի վեր մտցվում են Պարսկաստան՝ մեծ քանակությամբ: Այդ բրոշյուրները պետք է ենթարկվեն նույն վիճակին, ինչ և «Դրոշակը»:

(Ստորագրութիւն)»²:

¹ «Դրոշակ», N 8 (174), օգոստոս, 1906, էջ 127:

¹ «Նյութեր...», Հատ. Դ, էջ 239:

² «Դրոշակ», N 7 (173), Հուլիս, 1906, էջ 98:

Այդ հրամանն անսպասելի էր դաշնակցության համար: «Դրոշակի» լույս ընծայման առաջին համարից արգելված էր նրա մուտքը Թուրքիա և Ռուսաստան, քանի որ թերթի էջերում պարբերաբար տպագրվում էին Հոդվածներ՝ ուղղված թուրքական և ցարական ռեժիմների դեմ: Բայց 16 տարուց ի վեր թերթը Պարսկաստանի դեմ ոչ մի անգամ հանդես չէր եկել: Հետևապես կասկած էր առաջացել, թե «Դրոշակի» արգելքի՝ վերևում նշած պատճառից զատ չկա՞ արդյոք մի ուրիշը ևս: Շատ չանցած՝ դաշնակցության մարմինները պարզեցին, որ արգելքը նաև արդյունք է պարսկական կողմի վրա ցարի կառավարության ճնշման: Թեհրանի ռուսաց դեսպանությունը պարսից կառավարությունից կտրուկ պահանջել էր թերթի արգելքն երկիր՝:

«Դրոշակը» բռնագրավելու և ոչնչացնելու մասին հրամանը պարսից տեղական իշխանությունները կատարեցին բացառիկ եռանդով: Թավրիզում և Ռուսաստանի հետ սահմանագլխային մյուս քաղաքներում, ուր թերթը ստացվում էր Անդրկովկասի ու Կասպից ծովի վրայով, 1906-ի հուլիսի 6-ին բռնագրավվեցին ու այրվեցին նրա նախորդ ամսվա (N 6) կապոցները և խմբագրության մյուս բոլոր հրատարակությունները:

Էնգելի քաղաքում թերթի օրինակների բռնագրավման ու ոչնչացման մասին կազմված արձանագրության մեջ ասված էր.

«Ներկա հուլիսի 13-ին, կեսօրից հետո ժամը 4-ին, ընդհանուր տեսչի արձանագրությամբ և համաձայն մինիստրական հեռագրի, մենք, ներկայությամբ մաքսատան մի քանի պաշտոնյաների, ձեռնարկեցինք Շվեյցարիայից 15-20 հատանոց կապոցներով ստացված և Թեհրանում, Ռեշտում, Էնգելիում, Ջուղայում, Սպահանում, Համադանում, Բալֆորուշում, Շահրուդում և Ղազվինում ապրող զանազան անձանց հասցեններով ուղարկված հայոց «Դրոշակ» թերթի 1170 օրինակի ոչնչացմանը կրակի միջոցով»¹:

«Դրոշակի» խմբագրությունը 1906թ. հուլիսի 27-ին հետևյալ բողոք-հեռագիրն է ուղարկում Թեհրան՝ արտաքին գործերի մինիստրին.

«Փոստի և մաքսի վարչության կարգադրությամբ հուլիսի 3-ից «Դրոշակի», ինչպես և ժնեի մեր այլ հրատարակությունների մուտքը Պարսկաստան արգելված է: Պարսկաստան հասած համարներն արդեն գրավված և այրված են: Մենք թույլ ենք տալիս մեզ՝ բողոքելու Ձեզ այդ կարգադրության դեմ, որը ոչ մի արդարացում չունի, քանի որ թերթը երբեք չի զբաղվել Պարսկաստանով և 16 տարուց ի վեր ազատ մուտք ուներ ձեր երկիրը: Մեր կոփին ուղղված է թուրք և ռուս կառավարությունների դեմ: Հաստատապես հավատում ենք, որ Ձեր միջամտության շնորհիվ Շահի Կառավարությունը կվերահաստատի մեր

իրավունքները, իբրև արդարության պահանջ՝ Պարսկաստանի հայերի վերաբերմամբ»²:

Ամեն ինչից երևում էր, որ եթե հեղափոխական շարժման հետագա խորացումը հապաղի, ապա փխրուն սահմանադրությունը չի դիմանա երկրի հետադիմական ուժերի գրոհին:

Ահա թե ինչու շահի ընձեռած սահմանադրության պաշտպանությունը դարձավ օրախնդիր: Այդ տեսակետից պահը հսկայական դեր էր հատկացրել սահմանադրության պաշտպանների ժողովներին: Նման առաջին ժողովը տեղի ունեցավ «Սահմանադրական մանիֆեստների» հուշակուսից ընդամենը մեկ ամիս անց, 1906թ. սեպտեմբերին, Թավրիզում: Այստեղ առաջին անգամ ժողովների մասնակիցներն ընտրվեցին բնակչության կողմից: Ընտրված մարմնի վրա դրվեց քաղաքում սկսված շարժման ղեկավարման պարտականությունը: Դա Իրանի պատմության մեջ բնակչության կողմից ընտրված առաջին մարմինն էր, որով սկիզբ դրվեց ամբողջ երկրում նման ժողովների ստեղծմանը, որոնք շատ կարևոր դեր խաղացին 1905-1911թթ. իրանական հեղափոխության մեջ³:

Սահմանադրական շարժումը սկսվելուց մի քանի ամիս անց Պարսկաստանի համարյա ամեն մի քաղաքում, ինչպես նաև շատ գյուղերում գործում էին այդ մշտական ժողովները, որոնք ստացան անջումեն՝ անունը: Սկզբնական շրջանում դրանք ունեին միջնադարյան ցեխային կազմակերպությունների բրնուլթ, բայց երբ սկսեցին ստանձնել օրենսդրական և վարչական ֆունկցիաներ, ըստ էության, վերածվեցին տեղական ինքնակառավարման մարմինների և ձեռք բերեցին հեղափոխական-դեմոկրատական բովանդակություն: Բնականաբար, անհրաժեշտություն առաջացավ անջումեն ուղարկել բնակչության կողմից ընտրված և լիազորություններ ստացած պատգամավորներ: Միաժամանակ սկսեցին ստեղծվել ազգային միլիցիայի՝ ջանֆիրմանների կամ ֆիդայիների Ղոկատներ, որոնք ենթակա էին անջումեններին:

Կարելի է նկատել, որ անջումենները ստեղծվում էին ռուսական մեծ հեղափոխության ընդերքում ծնունդ առած սովետների օրինակով, ունենալով, իհարկե, ոչ միայն ընդհանրություններ, այլև էական տարբերություններ:

Անջումենը նման չէր ո՛չ տեղական պառլամենտի, ո՛չ ինքնավարության մարմնի, ինչպես ասենք՝ զեմսովոն Ռուսաստանում: Այստեղ չկային տարբեր կուսակցությունների ներկայացուցիչներ. ժողովուրդն անջումենի բոլոր անդամներին համարում էր իր շահերի ներկայացուցիչ: Մինչդեռ անկարելի էր բոլորի շահերի պաշտպանը լինել և, այդպիսով, հասարակության մեջ ստեղծել հավասարակշռություն:

¹ «Դրոշակ», N 8 (174), օգոստոս, 1906, էջ 128:

² Տե՛ս Մ. С. Иванов, Иранская революция 1905-1911 годов, էջ 83:

³ Անջումեն - բառացի նշանակում է ժողով, ակումբ, իմաստային առումով՝ միություն, միավորում:

¹ «Դրոշակ», N 7 (173), հուլիս, 1906, էջ 98:

² Նույն տեղում, N 8 (174), օգոստոս, 1906, էջ 128:

ժողովրդի մեծամասնության անգրագետ լինելու պայմաններում չէր կարող խոսք լինել ընդհանուր, գաղտնի, հավասար ձայնատվության մասին: Անջուռնեում կարող էին ընտրվել այնպիսի անհատներ, որոնք ժողովրդի մեջ թե՛ փողով և թե՛ այլևայլ հնարքներով դիրք էին ստեղծել: Բնականաբար, այդպես էլ պետք է լինեի, որովհետև չկար ընտրության, գաղտնի քվեարկության սիստեմ: Պատահական չէր, որ այդ իսկ պատճառով անջուռնների մեջ ընտրվում էին նաև այնպիսի մարդիկ, որոնք շատ հեռու էին ժողովրդի շահերը պաշտպանելու գաղափարից, չխոսելով արդեն այն մասին, որ անջուռնների անդամների մեծ մասը զուրկ էր քաղաքակրթական ամենատարրական հայացքներից:

ՄԵՋԼԻՍԻ ՀՐԱՎԻՐՈՒՄԸ

Սահմանադրական կառավարչաձևի առաջին պայմանը պառլամենտ ունենալն է, ուստի երկրի «տնտեսական և քաղաքական դրությունը բարվոքելու համար» «Սահմանադրության մանիֆեստներ» ընդհանուր խորագրի տակ լույս տեսած Մուզաֆֆեբեր էջ Դին շահի ֆերմաններից մեկը՝ «Դաս դը խաթթը» վերաբերում էր «Ազգային խորհրդակցական ժողով» («Մեջլիսը-Շուրայը Միլլի») հրավիրելուն¹:

Սկզբնական շրջանում շահը նկատի էր առել, որ այդ ժողովը կազմված է լինելու նշանավոր 50 անձից²: Փաստաթուղթն ազդարարում էր.

«Նորին մեծությունը պատվիրեց կազմել մի ազգային ժողով, որի անդամները ընտրողական ճանապարհով կընկվեն արքայազնների, հոգևորականների, բարձր շրջանների, վաճառականների և այլ դասակարգերի միջից: Ազգային ժողովը կգումարվի Թեհրանում և կքննարկի պետական բոլոր կարևոր խնդիրները: Ժողովի յուրաքանչյուր անդամ երկրի վիճակը բարելավելու խնդիրների վերաբերյալ ամենայն ազատությամբ կարող է արտահայտել իր կարծիքը: Ժողովի որոշումները սահմանափակ չեն ընդհանրապես միջոցով կներկայացվեն շահին ի հաստատում և, կայսերական վավերացումն ստանալուց հետո, կստանան օրենքի ուժ»³:

Շահի ֆերմանը ցույց էր տալիս, որ՝ 1. Ազգային ժողովը լինելու է լոկ խորհրդակցական մարմին, 2. Ժողովի կազմի մեջ չեն լինելու աշխատավորների ներկայացուցիչներ, 3. Այն գումարվելու է որոշակի նպատակով՝ մշակել հիմնական օրենքներ և պետության վերակազմության ծրագիր, որոնք շահի կողմից կարող են ենթարկվել փոփոխության, կրճատվել և նույնիսկ չհաստատվել⁴:

Ինչպես տեսնում ենք, ֆերմանի համաձայն՝ Ազգային ժողովը լիովին կախման մեջ էր դրվում շահի կամքից և չէր կարող ինքնուրույն վճռել երկրի

կյանքին վերաբերող շատ թե քիչ կարևոր հարցեր:

Պետք է նկատի ունենալ, սակայն, որ մինչ այդ Պարսկաստանը կառավարվում էր առանց որևէ մայուն օրենքների: Տիրող միակ օրենքը եղել էր շարիաթը, որից և բխում էին կառավարիչների կամայականությունները: Ուստի այն հանգամանքը, որ սահմանադրության համաձայն հաստատվում էր «ազգային ժողով», որին իրավունք էր վերապահվում մշակել հիմնական օրենքներ՝ դա արդեն մեծ քայլ էր դեպի ժողովրդապետական իրավունքներ և պառլամենտարիզմ:

Պատահական չէ, որ «Ազգային խորհրդակցական ժողովը» կամ, ինչպես ընդունված էր նաև ասել, «Արդարության տունը» եվրոպական մամուլի կողմից ընկալվեց իբրև «պառլամենտ» կամ նրան համազոր օրենսդրական հաստատություն, որին իրավունք էր հատկացված «մասնակցելու» երկրի կառավարմանը, այսինքն՝ մշակելու օրենքներ և ռեֆորմների նախագծեր:

Նախապես մշակվեցին ժամանակավոր կանոններ ընտրություններ կատարելու մասին: 1906թ. սեպտեմբերի 9-ին շահը վավերացրեց ընտրական օրենսգիրքը, որի մեջ շարադրված էին ներկայացուցչական մարմնի ընտրությունների պայմանները:

Ընտրական օրենսգրքի համաձայն՝ Իրանի պառլամենտի մեջ ընտրվելու իրավունք էին ստանում շահադեները (ազնվականներ), աղալարները (կալվածատերեր), խմաստուններն ու գիտնականները (հոգևորականներ), մեծ վաճառականները, այն մանրավաճառ խանութպանները և արհեստավորները, որոնք խանութի եկամտից տալիս էին ամենամաքսիմալ հարկեր, այն գյուղացիները, որոնք ունեին տարեկան նվազագույնը 1000 թումանի եկամուտ:

Նշված այս կատեգորիաներից ընտրվել կարող էին բոլոր նրանք, որոնց տարիքը պակաս չէր 30-ից և անց չէր 70-ից, որոնք պարսկահայատակ էին, գիտեին պարսկերեն լեզուն ու գրականությունը, նշանավոր էին թե՛ քաղաքներում և թե՛ գյուղերում, ազնիվ էին վարք ու բարքով, ունեին անշարժ սեփականություն: Ընտրական իրավունքից զրկվում էին գինյորականները, սնանկացած վաճառականները, սեփականազուրկ գյուղացիները, բանվորները, համալիրները, մուրացիկները, վատ վարք ու բարք ունեցողները, քաղաքներից վտարվածները, խոտվարարները, օտարահպատակները բոլոր նրանք, ովքեր 30 տարեկանը չէին լրացրել:

Պառլամենտը պիտի բաղկացած լինեի 200 հոգուց: Ընտրական իրավունք ունեցող 11 նահանգներից ամենամեծը Ատրպատականն էր, որին պառլամենտում տրված էր 12 տեղ:

Քանի որ սահմանադրական սկզբունքները դրված էին կրոնական հողի վրա, ուստի ընտրելու և ընտրվելու իրավունքից զրկված էին հայերը, ինչպես նաև Պարսկաստանի ոչ մահմեդական տարրերը՝ հրեաները, ասորիները, գրադաշտական պարսիկները և մյուս ոչ մահմեդականները:

Այն բանից հետո, երբ հրատարակվեց ընտրական կանոնադրությունը,

¹ Մատենադարան, կաթողիկոսական դիվան, Թղթ. N 237^բ, վավ. 323, թ. 22:

² Տե՛ս «Մշակ», N 6, 12 հունվարի 1906թ.:

³ Մատենադարան, Արշակ Ալպոյաճյանի արխիվ, Թղթ. N 2, վավ. 3^ա, (Թերթի կտրոն):

⁴ Տե՛ս «Արշալոյս», N 27, 5 փետրվարի 1906թ.:

պարսիկների, հատկապես պարսիկ մտավորականության շրջանում առաջացավ մի հզոր հոսանք, որի ներկայացուցիչները գտնում էին, որ պետք է ընտրական օրենսգրքը բարելավել, որ պառլամենտը, որպես ներկայացուցչական ժողով, պետք է լինի ոչ թե իսլամական («իսլամիե»), այլ ժողովրդական («միլլիե»)։ Դա նշանակում էր, որ հայերը և մյուս ոչ մահմեդական տարրերը նույնպես պետք է ստանային ընտրելու և ընտրվելու իրավունք, ունենային իրենց ներկայացուցիչները պառլամենտում և ընդհանրապես ունենային այն իրավունքները, ինչ ունենր իսլամ ժողովուրդը։

Հակառակ այս պարսիկ առաջավոր մտավորականության, հոգևորականության հետադեմ մասը, առավել ևս իշխանական բյուրոկրատիան հանդես եկան ոչ միայն այլադավաններին իրավունք տալու, այլև ընդհանրապես երկրին սահմանադրություն տալու դեմ։

Չնայած դրան, պատգամավորական ընտրությունները կազմակերպվեցին մեծ եռանդով՝ Համաձայն ընտրությունների ժամանակավոր կանոնների¹։

Անհրաժեշտ նախապատրաստական աշխատանքներից հետո հրավիրվեց Պարսկաստանի առաջին մեջլիսը (Ազգային ժողով), որի բացումը հանդիսավորապես տեղի ունեցավ 1906թ. հոկտեմբերի 7-ին։

Մեջլիսի ընտրությունների, ապա նրա բացման ընթացքում ծնունդ առավ «Ազգային կուսակցությունը», որի նշանաբանն էր՝ «Պարսկաստանը պարսիկներին»։ Կուսակցության պարագլուխները եվրոպայում կրթություն ստացած երիտասարդ ինտելեկտուալներ էին, արիստոկրատական դասակարգի ներկայացուցիչներ, որոնք գլխավոր նպատակն էր՝ հետ մղել օտար ոսնձգությունները։

Պառլամենտ-մեջլիսի առաջին գործը եղավ երկրի հիմնական օրենքի՝ սահմանադրության մշակման համար հանձնաժողովի ստեղծումը։

Հ.Յ.Դ. Համաիրանյան համազումարից հետո դաշնակցության «Վրեժ» կենտրոնական կոմիտեն Ատրպատականից մեջլիսում ընտրված պատգամավորների հետ աշխատանք տարավ, որպեսզի սրանք սահմանադրության մշակման ժամանակ հաշվի առնեն երկրի ոչ մուսուլման համայնքների, այդ թվում հայության շահերը։

Մեջլիսի ստեղծած հանձնախումբը 1906թ. հոկտեմբեր, նոյեմբեր և դեկտեմբեր ամիսներին լարված աշխատանք տարավ սահմանադրության նախագծի վրա և այն պատրաստեց ներկայացնելու շահի հաստատմանը։

ՀԱԿԱՍԱՀՄԱՆԱԴՐԱԿԱՆ ՈՒԺԵՐԻ ՀԱՄԱԵՄՐԱՆ ԱՌԱՋԻՆ ՓՈՐՁԵՐԸ

Բյուրոկրատիան ցանկացած երկրում հանդես է գալիս որպես խոչընդոտ ամեն նորամուծության։ Նա սարսափում է, որ պետական կառուցվածքի մեջ որևէ փոփոխություն, ի վերջո, կարող է հասցնել այնպիսի դրուժյան, երբ անհրաժեշտություն կզգացվի վերջակետ դնել իր ընչաքաղց ու գիշատիչ հակումներին, կամայականություններին, բռնություններին ու շահատակություններին։ Պարսկական բյուրոկրատիան նույնպես չէր կարող անտարբեր մնալ իրեն սպառնացող վտանգի հանդես։

Կայվածատերերը և հարստահարիչ մյուս դասակարգերը, բյուրոկրատիայի հետ միացած, ամեն ջանք թափեցին սահմանադրական շարժումը խոչընդոտելու, երկրում նախկին ռեժիմը լիակատար ծավալով վերականգնելու համար։ Նրանց համար օրինակ էր հարևան երկրի՝ Ռուսաստանի բյուրոկրատիայի և ռեակցիոն դասակարգերի պահվածքը, որոնք հեղափոխական ուժերի դեմ անգիծում կոխվ էին մղում հինը անփոփոխ պահելու համար։

Պարսկական հետադեմ ուժերն ամենից առաջ փորձեցին շահին համոզել, թե սահմանադրության պահանջով հանդես են եկել մայրաքաղաքի բնակչության մի մասը միայն, իսկ Թեհրանից դուրս՝ Պարսկաստանի մյուս նահանգներում, բնակչության ամենալայն զանգվածները դրա մասին ընդհանրապես գաղափար չունեն։ Դիմելով ամեն տեսակ մեքենայությունների, նրանք լայն գործունեություն ծավալեցին երկրով մեկ։ Այդ մեքենայություններից մեկը ուղղակի առնչվում էր Պարսկաստանի Հայության հետ։

Օրինակ վերցնելով ուղա բյուրոկրատիայից, Պարսկաստանի բյուրոկրատիան փորձեց երկրում առաջ բերել հայ-պարսկական ընդհարումներ, կազմակերպել հայերի կոտորած, որպեսզի դրանով զբաղեցնի մարդկանց մտքերը և կասեցնի ժողովրդի սահմանադրական շարժումը։

Եվ քանի որ Հայության մեծամասնությունն ապրում էր Թավրիզ կենտրոնով Ատրպատականի նահանգում, ուստի հետադիմությունն իր ծրագիրն իրականացնելու համար առաջին հերթին գործունեություն ծավալեց Հենց այդտեղ։ Ինչպես ամբողջ երկրում, այնպես էլ հիմնականում թուրքալեզու բնակչություն ունեցող Ատրպատականի առաջադիմական ուժերը ջերմորեն էին ընդունել սահմանադրություն տալու մասին շահի խոստումը։

Սահմանադրական շարժման մեջ ընդգրկվել էր նաև նահանգի Հայությունը։ Հայերը նույնպես ժողովներ էին անում, ընդունում որոշումներ, ողջունում շահի կատարած քայլը, պատրաստակամություն հայտնում աջակից լինել նոր կառավարության ձեռնարկումներին։

Սկսված շարժմանը մասնակցում էին ոչ միայն տեղացի, այլև դրսից եկած հայերը, որոնցից շատերը երկիր էին թափանցում իրենց կուսակցությունների հանձնարարականներով։

¹ Այդ մասին տե՛ս Մատենադարան, կաթողիկոսական դիվան, թղթ. N 237^բ, փավ. 323, թ. 22։

Անդրկովկասից եկան բավական թվով Հայ սոցիալ-դեմոկրատներ՝ գլխավորապես ՌՄԻԲԿ Թիֆլիսի և Բաքվի կազմակերպությունների Հանձնարարությամբ: Նրանք, առաջին հերթին, մասնակցություն բերեցին Հեղափոխական մարմինների ստեղծմանը Ռեչտում և Գիլանում:

Սահմանադրական շարժմանն սկսեցին մասնակցել նաև «Հնչակ» կուսակցության կովկասյան և իրանյան կազմակերպությունները: Հնչակյանները Թուրքիային սահմանակից Ասորպատականի տարածքներն օգտագործում էին Արևմտյան Հայաստանի Հայ բնակչության վրա ազդեցություն գործելու համար:

Պարսկաստանում ծավալվող իրադարձությունները, բնականաբար, չէին կարող իրենց վրա չբեռել այդ երկրում լայն ցանց ունեցող Հ.Յ. դաշնակցության և նրա տեղական կազմակերպությունների ուշադրությունը: Վաղ թե ուշ դաշնակները պետք է ճշտեին իրենց դիրքը այդ իրադարձությունների նկատմամբ: Տեղական կազմակերպություններում հարցի առաջին իսկ քննարկումները առաջ բերեցին երկու հակառակ տեսակետ: Բջիջների մի մասը դեմ էր սահմանադրական շարժմանը մասնակցելուն, գտնելով, որ դրա հետևանքով կսպառվեն կուսակցության ուժերը, որոնք այնքան անհրաժեշտ են Արևմտյան Հայաստանում իրենց գործունեության համար: Մյուսները պարսկական վերափոխական շարժման մեջ մասնակցություն ունենալը դիտում էին որպես Թուրքիայում Հայ ազգային ազատագրական շարժման վրա ազդեցություն գործելու լծակներից մեկը: Վերջիններիս կարծիքով սահմանադրական կարգերի ստեղծումը պետք է մեծապես նպաստեր թուրքական ռեժիմի փոփոխությանը:

1906թ. աշնան սկզբից թավրիզյան սահմանադրականների շարժումը գնալով լայն ծավալ ստացավ: Մուհամմեդ Ալիի և գեներալ-նահանգապետի կողմից Հնարավոր սադրանքները կանխելու նպատակով թավրիզցիները ստեղծեցին մի Հանձնախումբ՝ առաջին մեջլիսի ընտրությունների վրա հսկողություն սահմանելու համար: Նոյեմբերի սկզբից դեկտեմբերի սկիզբը տեղի ունեցած ընտրություններից հետո այդ հանձնաժողովը ստանձնեց անջումների դեր և այդ տեսքով շարունակեց իր գործունեությունն այս անգամ որպես նահանգի իշխանությունների վրա վերահսկող մարմին՝ դառնալով Ասորպատականի նահանգային անջումեն («էնջումենն ալլաթի»):

Իշխանությունը Թավրիզում փաստորեն բաժանվեց երկու մասի. մի կողմում փոխարքան էր ու գեներալ-նահանգապետը, մյուս կողմում անջումները, որը կազմված էր բարձր հոգևորականության, առևտրականների, կալվածատերերի ներկայացուցիչներից:

Բայց Ասորպատականի առավել հետադեմ ուժերը տրամադիր չէին Հեչտուրությամբ տեղի տալու: Նրանք գաղտնի ժողովներ էին գումարում, մշակում գործողությունների ծրագրեր, ընտրում դրանց իրականացնողներին, իհարկե, քաջ գիտակցելով, որ Հեչտ չի լինելու թուրք ստեղծել սահմանադրական շարժման

առջև: Հենց դա էր պատճառը, որ նրանք նախապատրաստում էին մեծ աղետ՝ Հայերի կոտորած նահանգի թուրքերի ձեռքով:

Աշխատության նախորդ գլուխներից մեկում ցույց է տրված, թե ինչպես Բաքվի 1905թ. փետրվարյան դեպքերից հետո Պարսկաստանում հակահայկական շարժում առաջ բերելու առաջին փորձն էր արվել, բայց կառավարության ձեռնարկած կտրուկ միջոցների շնորհիվ այդ փորձը տապալվել էր: Այժմ, 1906թ. ամռանը, Հայաստացիները հույս ունեին այս անգամ գլուխ բերել այդ դիվային ծրագիրը:

Հունիս ամսին նախ Թավրիզում, ապա Ասորպատականի ուրիշ չրջաններում սադրիչ լուրեր տարածվեցին, թե Նախիջևանում Օրդուբադի մոտերքում, Հայերը հանկարծակի հարձակվել են անպաշտպան թուրք գյուղերի վրա, ավերել և բնակիչներին գազանաբար կոտորել: Եվ որպեսզի նահանգի մուսուլման բնակչությանը համոզեն, թե Նախիջևանում իրոք կատարվել է արյունալի հարձակահարձար, չարամիտները՝ Հաջի Միրզա Բերիմ Իմամճուն, Ասորպատականի ամենահարուստ կալվածատեր և վաշխառու Սադրմուլլեին և ուրիշներ, իրենց ենթակաների միջոցով հավաքագրեցին Երևանի նահանգից ամիսներ առաջ Ասորպատական գաղթած շուրջ 100 մուսուլման՝ նրանց ներկայացնելով իբրև Օրդուբադի չրջանից հրաշքով փրկվածների:

«Հրաշքով փրկված» այդ «դժբախտները» առջև խնդիր դրվեց՝ գնալ վալիաթի (նահանգապետի) մոտ և նրան համոզել, որ Օրդուբադի չրջանում, իրոք, կատարվել են նշված իրադարձությունները:

«Հայերի սրից մի կերպ ազատված» «փախստականները» ներկայանալով նահանգապետին՝ արտասովից աչքերով նրան նկարագրեցին իրենց «տեսած սարսափները» և թուլյտվություն խնդրեցին «Ալլահի անունով» կոտորել «մուսուլմանների ոխերիմ թշնամի Հայերին»:

Դիվային այդ ծրագիրը Հենց սկզբից ձախողվեց: Նահանգապետը լացակումած «փախստականներին» պատասխանեց, թե հավաստի աղբյուրներից իրեն հայտնի է դարձել, որ Հայերը Կովկասում երբեք նախահարձակ չեն եղել, և արյունահեղություն մեղավորները միշտ եղել են թուրքերը: Նա հիշեցրեց, որ Մուհամմեդն ամեն անձի իրավունք է տվել դիմադրել և պաշտպանվել՝ եթե վտանգ է սպառնում իր կյանքին: Հայերն էլ պաշտպանվում են և ունեն դրա լիակատար իրավունքը: Վերջում պարսիկ նահանգապետը թուրք «պատգամաբերներին» խստորեն նախազգուշացնելով, ասում է, «Եթե նպատակ ունեք Պարսկաստանում ապրել, խորհուրդ կտամ հանգիստ ու խաղաղ լինել, հակառակ դեպքում ստիպված կլինեմ գործադրել ամեն խստություն»¹:

Ձեռնունայն վերադառնալով նահանգապետի մոտից՝ թուրք «պատգամավորները» ներկայանում են նրանց, ովքեր իրենց ուղարկել էին նահանգապետի մոտ և պատմում իրենց հանդիպման անհաջողության մասին:

¹ Մատենադարան, կաթողիկոսական դիվան, թղթ. N 237^ա, փավ. 323, թ. 16:

Այս առաջին անհաջողությունը, սակայն, չի կանգնեցնում չար գործի կազմակերպիչներին: Նրանք ձեռք են բերում զգալի քանակության զենք, զինում նոր մարդկանցով Համարված նշված խմբի անդամներին և սպասում Հարմար պահի՝ իրականացնելու Համար իրենց մտադրությունը:

Այնուամենայնիվ, Հայերի կոտորած կազմակերպել չի հաջողվում: Իշխանությունները բացահայտում են պատրաստվող դավադրությունը և վճռական գործողություններով խափանում այն:

Սթափ մտածող մուսուլմանները՝ Հոգևորական թե աշխարհական, այդ օրերին, մի կողմ թողնելով ամեն ինչ, գիշեր-ցերեկ աշխատում էին չարիքի առաջըն առնել: Նահանգապետի կարգադրությամբ քարոզիչները մուսուլման ազգաբնակչությանը բացատրում են, թե ովքեր են ծրագրել չարիքը և ինչ նպատակով: Պարսիկները Երևանյան նահանգից գաղթած մուսուլմաններին սպառնում էին ասելով. «Եթե ձեզանից որևէ մեկը Հանդգնի մեր Հայ եղբայրների դեմ անընդունելի քայլ անել, ապա կպատժվի ամենայն խստությամբ»¹:

Մուսուլմանների ու Հայերի մի համատեղ հավաքում սեյիդներից մեկը մուսուլմաններին ասում էր. «Ես Համոզված եմ, որ շեյթանը չի կարող մեր մեջ չար որո՞ւմ սերմանել»: Նույն հավաքում Հայ ներկայացուցիչը Հանդես էր եկել այս պատվական խոսքերով. «Մենք՝ Հայերս, լավ գիտենք, թե Պարսկաստանի մեր մուսուլման եղբայրներն ինչպիսի համակրություն և անկեղծ սեր են տածում մեր նկատմամբ: Մենք վստահ ենք, որ այդ Հարաբերությունները շարունակվելու և ամրապնդվելու են»²:

Պարսիկների լայն շրջանում վաղուց Հաստատված էր այն մտայուն կարծիքը, թե Հայերն անկեղծորեն նվիրված են Պարսկաստանին, այն Համարում են իրենց երկրորդ Հայրենիքը, որին Հասցրած ամեն մի անհաջողություն ընկալում են որպես փսաս սեփական ազգային շահերին, ուստի և իրենց ուժերի չափով ամեն ինչ անում են կանխելու Համար երկրի Համար վերահաս ամեն վտանգ:

Պարսիկը վստահում էր Հայրենակից Հային և Հաճախ էր դիմում նրա խորհրդին:

1906թ. օգոստոսին Թավրիզի մուսուլմանների մի մեծ խումբ մտադրվում է սեյիդների գլխավորությամբ շարժվել դեպի տեղի անգլիական Հյուպատոսարան և այնտեղից Թեհրանում անգլիական դեսպանի առջև խնդիր բարձրացնել, որպեսզի նա միջամտի շահի առջև՝ խոստացած սահմանադրության գործադրությունը չձգձգելու, այն անհապաղ կյանքի մեջ մտցնելու Համար:

Բայց նախքան այդ քայլին դիմելը, սեյիդները դիմում են քաղաքի Հայ երեկիներին և խորհուրդ Հարցնում: Վերջիններս նրանց Հորդորում են չդիմել այդ քայլին: Հայերից մեկն ասում է. «Քանի որ դուք Հայերիս Համարում եք

ձեզ Հավատարիմ, առանց քաջվելու ձեր սիրտը բացելով ամեն ինչ Հայտնում եք մեզ, ապա բարոյական պարտականությունս եմ Համարում Հիշեցնելու, որ կեղտոտ շորը պետք է լվանալ տանը: Քանի որ Պարսկաստանի ազգաբնակչությունը գոհ է շահից, բնավ կարիք չկա պահանջով գնալու անգլիացոց մոտ. չէ՞ որ Հյուպատոսարան գնալով վիրավորանք ենք Հասցնելու մեր շահնահին: Մենք մեր փորձով գիտենք, որ ուրիշ երկրների միջամտությունը միշտ ծառայել է Հենց իրենց՝ այդ երկրների նպատակներին: Երբ նրանք Հասնում են իրենց նպատակին, դրանից Հետո այլևս ոչինչ չեն ձեռնարկում: Եթե անգլիացիները ձեզ խոստումներ անեն ու խրախուսեն, ապա պիտի մտածել, որ նրանք պետք ունեն Պարսկաստանից որևէ պատառ պոկել: Երբ նրանք իրենց բաժինը կտանեն, մյուս պետությունների ախորժակը նույնպես կբացվի, և նրանք էլ, տարբեր պատրվակներով, իրենց պատառները կտանեն: Այդ դեպքում ի՞նչ կմնա ձեզ: Ես կարծում եմ, որ եթե վճռված է Պարսկաստանին տալ սահմանադրություն, փոխանակ ուրիշ ուղք գնալու, ավելի լավ է ուղղակի գնալ նորին մեծության վալիաթի մոտ, դիմել նրան, բացատրել մեր ցավերը և աղերսել, որ նա վեհապետի մոտ միջնորդի՝ փութացնելու Համար շնորհված սահմանադրության գործադրությունը»¹:

Հանդիպման ժամանակ Հայերից մի ուրիշը բարեկամ պարսիկներին խորհուրդ էր տալիս օտարներին դիմելու դեպքում միայն դիմել Թավրիզի ուսանող կոնսուլին կամ Թեհրանի դեսպանին, քանի որ ուսանողներն իրենց անկողմնակալությամբ գերադասելի են անգլիացիներին:

Բայց այդ խորհուրդն արձագանք չգտավ սեյիդների մոտ: Նրանցից մեկն ասում էր, որ սկզբում ուսանողի նկատմամբ պարսիկներն անկեղծ էին, մեծ Համարում և վստահություն ունեին ուսանող պետության նկատմամբ՝ նրան Համարելով արդարադատ: Բայց վերջին շրջանում ուսանող պարսկալուծության կողմից իր երկրի այլազգիների վայրենի ճնշումները, Կովկասում թուրք-Հայկական կոտորածներ կազմակերպելու մեջ նրա կատարած ամոթալի գործերը փոխել են Պարսկաստանի ժողովրդի վերաբերմունքը Ռուսաստանի նկատմամբ: Սահմանադրության Համար պարսիկները չեն դիմի ցարական կառավարության ջանքերին, քանի որ այդ կառավարությունը վերջին երկու տարում անգթորեն թափել է 100 000-ից ավելի անմեղ մարդկանց արյուն: Նման պետության Հետ օրինականության և օրենքի մասին խոսելն ավելորդ է:

Ինչ վերաբերում է օսմանյան Թուրքիայի նկատմամբ պարսիկների վերաբերմունքին, ապա սեյիդներից մեկն ասում էր. «Գալով մեր Հարևան իսլամ օսմանցի կառավարությանը, սա ուսանողից էլ վատ է: Մեզանում մի ասացվածք կա՝ «Սյուննիի տան մեջ կեր և Հայի տանը քնիր»: Թեև թուրքերն իսլամ են, բայց մեր կրոնի թշնամին են: Նրանց ներկա պետության ռեժիմը մերինից վատն է: Վերջին քառորդ դարում սուլթանն իր Հպատակներին կոտո-

¹ Մատենադարան, կաթողիկոսական դիվան, Թղթ. N 237*, վավ. 323, Թ. 16:

² Նույն տեղում, Թ. 18*:

¹ «Մշակ», N 207, 24 սեպտեմբերի 1906թ.:

րել է տվել Հենց այն պատճառով, որ նրանք սահմանադրություն էին ուզում»¹:

Այսպիսով, քաղաքական թմբիրից արթնացած և իր ազգային շահերն արդեն գիտակցող պարսիկ ժողովուրդն արգելք եղավ բյուրոկրատիայի դավերի ու մեքենայությունների իրագործմանը: Նա միաժամանակ բացահայտորեն իր համակրանքն արտահայտեց Պարսկաստանի խաղաղ ու աշխատասեր հայ հայրենակիցների նկատմամբ:

1906թ. աշնանը Հ.Յ.Դ. Ատրպատականի «Վրեժ» կենտրոնական կոմիտեն թավրիզում հրավիրել էր դաշնակների համաիրանական համաժողով, որպեսզի, տեղերից բերված տեսակետները հաշվի առնելով, մշակվեր գործունեության ընդհանուր տակտիկա: Համաժողովում կազմակերպությունների ներկայացուցիչների մեծ մասն արտահայտվեց սահմանադրական շարժմանը մասնակցելու օգտին: «Գիլյան» կոմիտեի պատգամավոր Եփրեմ Դավթյանը համաժողովում կարդաց իրենց կազմակերպության որոշումը՝ սահմանադրական շարժմանը ակտիվ մասնակցելու առաջարկով²:

Այդ ամիսներին Պարսկաստանի հնչակյան և դաշնակցական կազմակերպությունները, հաշվի առնելով, որ առաջիկայում երկրում սպասվում են բուռն իրադարձություններ, ձեռնարկեցին հաշտութային և իրենց ուժերը համատեղելու որոշ փորձեր:

1906թ. դեկտեմբերի 15-ին Հ.Յ.Դ. «Վրեժ» կ.կոմիտեի և Հնչակյան կուսակցության Իրանի կազմակերպության գործադիր կոմիտեի ստեղծած հանձնաժողովի միջև տեղի ունեցան բանակցություններ, որից հետո նրանք հանդես եկան համատեղ հայտարարությամբ:

Հայտարարության մեջ նշվում էր, որ հայ ժողովուրդը գերմարդկային ճիգերով, Հեղափոխական արյունալի պայքարով փորձում է իր վրայից թոթափել թուրք բռնակալների դժոխային լուծը: «Դժբախտաբար, այդ Հերոսական ճիգերն իրենց ցանկալի հետևանքին չհասան մի շարք ծանր հանգամանքների պատճառով, որոնց մեջ աննշան դեր չխաղաց, ցավ է ասել, կուվող ուժերի անհամերաշխությունը: Մարդիկ, որոնք պետք է նույն նպատակի համար համախմբվեին, մարդիկ, որոնք կոչված էին դժբախտ ժողովրդի ցավոտ վերքերը դարմանելու, շատ անգամ, անհամերաշխության հետևանքով, ջլատում էին առանց այն էլ չափազանց փոքր ուժերը և անգիտակցաբար ուժեղացնում թշնամուն ու ասպարեզ տալիս հակահեղափոխական մուժ ու խավար ուժերին»:

Այդ անհամերաշխությունն ու պայքարը հայ բողոքող ուժերի միջև, ինչպես արդեն բազմիցս նշվել է, տևել էին ամբողջ տարիներ: Առողջ բանակալությունը, սակայն, հրամայաբար պահանջում էր համախմբել ջանքերը՝ ի շահ համազգային նպատակները³:

Ձույզ կուսակցությունների տեղական կազմակերպություններն անկեղծորեն ձգտում էին իրենց ուժերը միավորել պարսիկ ժողովրդի ազատագրական պայքարին:

1906թ. դեկտեմբերի 15 թվակիր փաստաթղթի երևան գալը բացառիկ դեպքերից մեկն էր Հնչակ-դաշնակ փոխհարաբերությունների մեջ: Ուժերի միավորման ուրիշ փորձեր նույնպես նախկինում եղել էին, որոնք բոլորն էլ վերջացել էին անարդյունք: Արդյո՞ք այս անգամ ձեռք բերված համաձայնությունն ու պայմանավորվածությունը նույնպես նախորդների բախտին էին արժանանալու: Ցույց կտար ժամանակը:

1906թ. դեկտեմբերի վերջերին սահմանադրության մշակված նախագիծը մեջլիսը ներկայացրեց անկողնին գամված Մուզաֆֆեր էյ Դին շահին, որն իր ստորագրությամբ դեկտեմբերի 30-ին հաստատեց այն:

Շատ չանցած, 1907թ. հունվարին, Մուզաֆֆեր էյ Դին շահը կնքեց իր մահկանացուն: Շահի մահվան առթիվ երկրում սուգ հայտարարվեց: Պարսկահայերը բոլոր հիմքերն ունեին միանալու համազգային սգին, քանի որ հանգուցյալ շահն իր հավասարակշռված քաղաքականությամբ և մեղմ բնավորությամբ նպաստել էր նրանց խաղաղ կյանքին ու բարօրությանը:

Պարսկահայերը վերհիշում էին, թե ինչպես 1896թ. թուրքական սուլթան Աբդուլ Համիդը իսլամի պաշտպանության քողի տակ դիմել էր Մուզաֆֆեր էյ Դինի հորը՝ Իրանի Նասր էյ Դին շահին՝ առաջարկելով Պարսկաստանի և թուրքիայի սահմանամերձ շրջաններում միացյալ ճակատ ստեղծել հայ ազգային ազատագրական շարժման դեմ: Մեծ փորձառություն ու աշայրյություն, անհողող ու հաստատ կամք, նաև փայլուն կրթություն ունեցող շահը կտրականապես մերժել էր սուլթանի առաջարկը, քանի որ երկրի արևմտյան և Հյուսիս-արևմտյան մասերում ապրող հայերին և նրանց գինված ջոկատներին կառավարությունը դիտում էր որպես պոտենցիալ ուժ թուրքական հնարավոր ագրեսիայի դեմ: Հետագայում թուրքական սուլթանն այդ առաջարկն արել էր նաև Մուզաֆֆեր էյ Դին շահին, որը նույնպես կտրականապես մերժել էր:

Մուզաֆֆեր էյ Դինի հոգեհանգիստը կատարեցին ոչ միայն պարսկահայերը: Այն կատարվեց հայկական բոլոր կենտրոններում Կովկասում, Ռուսաստանում, արտասահմանում:

ՀԵՂԱՓՈԽԱԿԱՆՆԵՐԻ ԵՎ ՀԱԿԱՍԱՀՄԱՆԱԴՐԱԿԱՆՆԵՐԻ ՀԱՐԱՐԵՐՈՒԹՅՈՒՆՆԵՐԻ ԲԱՐԿԱՑՈՒՄԸ

Մուզաֆֆեր էյ Դին շահին փոխարինեց նրա որդին՝ գահաժառանգ Մուհամեդ Ալին (Մամադալին), որը մինչ այդ, ինչպես արդեն նշվել է, փոխարքա էր Ատրպատականում:

Հայրը և որդին հակապատկերներ էին: Հայրը հայացքներով ազատամիտ

¹ «Մշակ», N 207, 24 սեպտեմբերի 1906թ.:

² «Իրողակ», N 4, ապրիլ, 1912, էջ 82-87:

³ Նույն տեղում, N 1(179), հունվար, 1907, էջ 8:

էր, բնավորութեամբ բարի և թույլ: Որդին հետամնաց քաղաքական հայացքներով մարդ էր, իսկական բռնակալ: Լինելով երիտասարդ և առողջ՝ նա առաջին օրերից իսկ սկսեց գործել մեծ եռանդով:

Անցնելով իշխանութեան գլուխ՝ Մամադալին տեսավ, որ դաջարների առասպելական հարստությունից լուր մի կմախք է մնացել: Գանձարանը կատարյալ դատարկ էր, ներկան՝ տազնապալից, ապագան՝ անորոշ:

Այդ ժամանակվանից սկսվեց սահմանադրությունը և սահմանադրական կարգերը կյանքում կենսագործելու համար մղվող պայքարի շրջանը: Պայքարը շարունակվեց պարսկական հեղափոխության հետագա բոլոր տարիներին, բայց չպսակվեց լիակատար հաղթանակով:

Գահ բարձրանալով՝ Մուհամմեդ Ալին հաստատեց հոր խոստումներն ու հրովարտակը և առաջին մի քանի ամիսներին շարունակեց նրա գործը: Նա իրեն շրջապատեց հավատարիմներով, ապա պալատից հեռացրեց ժողովրդին ատելի մի քանի բարձրաստիճան պաշտոնյաների: 1907թ. մարտին ստիպեց հրաժարական տալ մեծ վեզիրի (մինիստր-նախագահի) և արտաքին գործերի մինիստրի պաշտոնները վարող Ալա էդ Դուլլեին և աքսորեց մայրաքաղաքից՝

Կրկին մեծ վեզիր նշանակվեց վերը նշված ձեռուկի Մոշիր էդ Դուլլե Նասրուլլահ խանը: Պարսկաստանի ամենավաղեմի և ամենահայտնի ազնվատոհմերից սերված այս գործիչը ազատագրական գաղափարների զարթոնքի հետ հակվել էր դեպի ժողովրդական պահանջները և հարգանք էր վայելում լայն զանգվածների կողմից:

Պարսկաստանում սահմանադրական կարգեր հաստատելու գործում իր հորը՝ Մոշիր էդ Դուլլեին, ամեն կերպ աջակցում էր որդին՝ Մոշիր-Մուլքը, որը Մոսկվայի համալսարանն ավարտելուց հետո նշանակվել էր Պետերբուրգում պարսից դեսպան: Հայր և որդի Մոշիրները համարվում էին Պարսկաստանում ռուսական շահերի պաշտպաններ: Հայն կապեր հաստատելով Մոսկվայի և Պետերբուրգի պետական ու հասարակական շրջանների ու մամուլի օրգանների հետ՝ Մոշիր-Մուլքը մեծ ջանքեր էր գործադրում պարսկական սահմանադրական շարժման մասին ռուսական հասարակության մեջ դրական վերաբերմունք ձևավորելու համար:

Շատ չանցած՝ Մոշիր էդ Դուլլեն փոխեց իր վերաբերմունքը սահմանադրական շարժման նկատմամբ: Ժողովրդի ազատագրական ձգտումները շատ ավելի բուռն էին, քան սպասում էր նոր սաղարագամը: Ուստի շատ շուտով նա սկսեց հակադրվել Ազգային ժողովին: Ի վերջո, նրա և պառլամենտի միջև առաջ եկան լուրջ ընդհարումներ:

Վեճերը հատկապես բուռն բնույթ ստացան այն բանից հետո, երբ պառլամենտը պահանջեց, որ իր առջև պատասխանատու լինեն շահագողները՝ արքայազն իշխանները, և պարբերաբար հաշվետվություն տան, թե ինչով են իրենք

գրադվում: Այդ պահանջի հետ վճռականապես անհամաձայն էր Մոշիր էդ Դուլլեն, որը և հրաժարական տվեց: Նրա հետ միասին արձակվեցին մյուս մինիստրները:

Այդ փաստը ցույց տվեց, որ պարսկական հեղափոխությունը մտնում է նոր փուլերի մեջ, զնալով դառնում էր ավելի ժողովրդական՝ ընդլայնելով իր պահանջների շրջանակները: Ազգային ժողովն օրեցօր ուժեղանում և փորձում էր իր ձեռքը վերցնել երկրի կառավարման դեկը:

Այդ ամենը տեսնում էր ժողովուրդը: Ամբողջ Պարսկաստանը լարված ու շաղրությամբ հետևում է պառլամենտի գործունեությանը և գնալով համոզվում, որ այն աստիճանաբար դառնում է իր շահերի պաշտպանը: Ժողովուրդը կանգնեց իր ներկայացուցիչների կողքին և պատրաստվեց պաշտպան կանգնել նրանց՝ կառավարության հնարավոր ոտնձգությունների դեմ:

Թեպետև Ազգային ժողովի հետ ընդհարման արդյունքում մեծ վեզիր Մոշիր էդ Դուլլեն պարտվեց, բայց այդ դեպքը ցույց տվեց, որ պարսիկ ժողովուրդը դեռ պատրաստ չէ երկրի վերանորոգման գործն առաջ տանել մեծ մղումով: Պարզ էր դառնում նաև, որ սահմանադրության իրականացման ճանապարհին կանգնելու են երկրի բոլոր հետադեմ ուժերը և իրենց ջանքերը միավորելու են շարժումը խեղդելու համար:

Մոշիր էդ Դուլլեն պաշտոնաթող լինելուց հետո երիտասարդ Մուհամմեդ Ալի շահը հրաժարվեց կատարել նոր մեծ վեզիր նշանակելու մեթյիսի առաջարկը և հայտարարեց, որ այսուհետև ինքն է լինելու իր սաղարագամը: Դա վկայում էր, որ նա, չկարողանալով հաշտվել ազգաբարձրված սահմանադրական կարգերի հետ, նպատակ ունի հոր «տանուկ տվածը» հետ վերադարձնել:

Հետադիմական ուժերը ողջունեցին շահի այդ քայլը, որը, ըստ էության, նրա առաջին բացահայտ անհամաձայնությունն էր պառլամենտի հետ: Դա նշանակում էր, որ շահն աստիճանաբար անցնում է հետադիմության ճամբարը և բացառված չէ, որ անձամբ ինքն է գլխավորելու պայքարը սահմանադրական շարժման դեմ:

Շահը գուցե չդիմեր նման համարձակ քայլի, եթե իր թիկունքում չզգար ռուսական կառավարության աջակցությունը:

Ռուսական միապետն իր պաշտպանության տակ էր առել պարսից նոր միապետին և չէր թաքցնում իր ատելությունը պարսկական հեղափոխության նկատմամբ: Իր երկրի հեղափոխության ոխերիմ թշնամին չէր կարող թշնամանք չտածել դեպի հարևան երկրի հեղափոխությունը:

Իր իսկ կողմից ստեղծած ծանր վիճակից դուրս գալու ամբողջ հույսը երիտասարդ շահը կապեց անձնական կողակական գորագնդի հետ, որի հրամանատարը ռուս գորապետ Լյախովն էր: Առանց սրա, առավել ևս՝ առանց Թեհրանի ռուսական դեսպանի հավանության, շահը չէր կատարում որևէ լուրջ քայլ:

¹ Մատենադարան, կաթողիկոսական դիվան, թղթ. N 237^բ, վավ. 323, թ.25:

¹ Մատենադարան, կաթողիկոսական դիվան, թղթ. N 237^բ, վավ. 323, թ.22:

Այդ պահին Մամադային դեռ մտադիր չէր լիովին խզվել պառլամենտից: Մի կողմից կարծես Համակրություն էր ցույց տալիս մեջլիսի (պառլամենտի) նկատմամբ և ընդունում էր անջուլումների (տեղական սեյմերի)՝ գոյությունը, մյուս կողմից, մտմտում էր պետական հարվածի գաղափարի շուրջ:

Նա նշանակեց նոր մինիստրներ: Մեջլիսի պատգամավորները պահանջեցին, որ սրանք իրենց առջև երդում տան, որ հավատարիմ են լինելու սահմանադրությանը: Զգալով, որ ինքը դեռ պատրաստ չէ պառլամենտի հետ բացահայտ ընդհարման, վեհապետը նոր մինիստրներին հրամայեց ներկայանալ մեջլիս և երդում տալ:

Շահը պարզ տեսնում էր, որ մեջլիսին արվող զիջումները շուտով հանգեցվելու են իր իրական իշխանության կորստին, և ինքն, ըստ էության, ենթակա է դառնալու ժողովրդական ներկայացուցչական մարմին: Ուստի առանց ուշացնելու ձեռնարկեց հակամիջոցներ. 1. Օտար դեսպանությունների ու հյուպատոսարանների պաշտպանության պատրվակով մայրաքաղաք բերվեցին ուսուցիչներ և հնդկա-անգլիական սիփահներ, 2. Պալատն ու գահը պաշտպանելու համար Թեհրան բերվեց բախտիարցի հեծելազորք, որը նույն դերն էր կատարում, ինչ կազակները՝ Ռուսաստանում, 3. Մեջլիսից գաղտնի, փոխառություն կնքեց ուսուսական բանկի հետ, դրանով իսկ կատարելով սահմանադրական խախտում, քանի որ, առանց մեջլիսի հաստատման, ոչ մի նոր փոխառություն չաֆն իրավունք չունեի կնքելու, 4. Հեռագիր ուղարկեց Լոզանում գտնվող նախկին սադրազամ Աթաբեկին՝ նրան հրավիրելով շտապ վերադառնալ Պարսկաստան:

Մեջլիսի պատգամավորները լավ գիտեին, որ Աթաբեկը հենց սկզբից դեմ է եղել սահմանադրական շարժմանը, և համոզված էին, որ նրա գալով կամրապնդվի շահի և նրա կամարիլիայի իշխանությունը: Ահա թե ինչու պապամենտը, հոգևորականությունը, նույնիսկ պանիսլամական շարժման պարագլուխները երկրով մեկ լայն ագիտացիա սկսեցին Աթաբեկի վերադարձը թույլ չտալու համար: Նրանք Աթաբեկին համարում էին Պարսկաստանի բոլոր աղետների սկզբնապատճառ, մեղադրում էին, որ իր սադրազամության օրերին հակայական վարկեր ու փոխառություններ է վերցրել Ռուսաստանից և երկիրը տնտեսապես ու ֆինանսապես ենթարկել Հյուսիսային Հարևանին:

Բայց սահմանադրականների և հոգևորականների ագիտացիան նպատակին չհասավ: Նրանցից շատերը հրաժարվեցին Աթաբեկի դեմ սկսած պայքարից և գտնում էին, որ պետական գործերում ունենալով մեծ փորձառություն, լինելով խելոք ու մեծ ընդունակությունների տեր ձեռնհաս անհատ, նա, նորից սադրազամություն ստանձնելով, կարող է Պարսկաստանը դուրս բերել

* Անջումները, որոնք սկզբնապես հասարակության տարբեր խավերի ներկայացուցիչների ժողովներ էին, աստիճանաբար ձեռք բերելով օրենսդրական ֆունկցիաներ, կատարում էին տեղական սեյմերի դեր:

խառնակ վիճակից, նպաստել երկրում սահմանադրական-պառլամենտական կարգերի ամրապնդմանը, եթե, իհարկե, կարողանա համբարաշխորեն գործել մեջլիսի հետ:

Սահմանադրականները նաև հաշի առան այն, որ արտասահման անցնելուց հետո Աթաբեկն անդադրում ճանապարհորդել էր, եղել էր եվրոպական համարյա բոլոր երկրներում, Ճապոնիայում, Չինաստանում, Ամերիկայում, Աֆրիկայում, ուսումնասիրել դրանց կառավարման ձևերը, ֆինանսական, առևտրական, կրթական համակարգերը, քաղաքական ներքին կայունության կամ անկայունության պատճառները: Ուսումնասիրությունները Աթաբեկին բերել էին այն համոզման, որ վարչական ու պետական ամենալավ ձևն անգլիականն է, այսինքն՝ սահմանադրական միապետությունը, որը և միակ հարմարն է Պարսկաստանի համար: Այս տեսակետը մոտավորապես համընկնում էր երկրի սահմանադրական շարժման նպատակների հետ, որի ղեկավարությունը, ի վերջո, հրաժարվեց Աթաբեկին մերժելու պահանջից:

1907թ. ապրիլի 12-ին Աթաբեկը վերադարձավ Թեհրան, որին ժողովուրդը և կառավարությունը դիմավորեցին մեծ շուքով: Նա երկիրը տեսավ կատարյալ խառնակ վիճակի մեջ. կառավարությունը լիովին վարկաբեկված էր և մեծապես չեզոքացված ներքին գործերից:

Կրկին հաստատվելով մեծ վեզիրի պաշտոնում Աթաբեկը շահից ստացավ մեծ լիազորություններ երկիրը կառավարելու գործում:

Բայց այս անգամ նախկին մեծ վեզիրը չէր: Ամեն քայլափոխի խիստ զգուշավորություն հանդես բերելով՝ նա ընդառաջ էր գնում բյուրոկրատիայի պահանջներին, ամեն ինչ անում նրան հաճելի երևալու համար: Ավելին, նրա մի շարք անհաջող ձեռնարկումները մեծ վնաս հասցրին երկրի տնտեսությանը, ծանրացրին ֆինանսական վիճակը: Աթաբեկը ուսուսական բանակի հետ կսքեց երկու փոխառություն, բայց փոխառած միլիոնները ուղղվեցին ոչ թե երկրի վերաշինությանն ու բարգավաճմանը, այլ ծախսվեցին միանգամայն աննպատակ բաների վրա՝ շահի, պնակալեզ պալատականների, շահագողների, բյուրոկրատների դեպի եվրոպա կատարած ճանապարհորդությունների վրա, լրացրին պաշտոնյաների գրպանների պարունակությունը:

Երկրում հետևյալ վիճակն էր. եթե մի կողմից շահն ուժեղ էր հավաքում հնարավոր պետական հարվածի, մեջլիսը ցրելու և «սանձարձակ մոլլաներին» ուժով ճնշելու համար, ապա, իրենց հերթին, մեջլիսը և սահմանադրական շարժման ղեկավար գործիչները քնած չէին և դիմում էին հակաքայլերի:

Պառլամենտը իրեն արդեն ամուր էր զգում, քանի որ տեղերում կյանքի կոչված նահանգական սեյմերը՝ անջումները, անվերապահորեն զորավիզ էին ու աջակից նրան: Հենվելով անջումների գորակցության վրա, մեջլիսը շահից ու կառավարությունից պահանջեց իրեն ճանաչել ոչ միայն իբրև խորհրդակցական մարմին, ինչպես ծրագրված էր առաջ, այլև՝ օրենսդրական: Պառլամենտը ձգտում էր ոչ միայն սահմանափակել շահի ինքնակալական

իրավունքները և միահեծան ռեժիմը, այլև վերահսկել կառավարության գործունեությունը և մինիստրներին պատասխանատու դարձնել իր առաջ: Այլ խոսքով, մեջլիսը գտնուեալ էր, որ ինքը՝ որպէս պառլամենտ, լինելու է օրենսդիր և վերահսկող մարմին, այսինքն՝ սահմանելու է օրենքներ և հսկելու է դրանց գործադրությունը¹:

Այդ Հոդի վրա ուժգին պայքար սկսվեց պառլամենտի և կառավարության միջև: Վիճաբանությունները օրեր տևեցին, որի արդյունքում, ի վերջո, հաղթող Հանդիսացաւ մեջլիսը: Երիտասարդ շահը ստիպված էր հետզհետե գիշտանների գնալ և պետության կառավարման ընթացքում ընդունել մեջլիսի առաջարկությունները: Իր կամքին հակառակ, նա պաշտոնաթող արեց մի շարք կեղեքիչ նահանգապետների ու կուսակալների և նրանց պատժեց գործած հանցանքների համար:

Օրինակ՝ պաշտոնից հեռացվեց Սպահանի և ամբողջ Արաղի կուսակալը՝ ահարկու և ամենագոր Ջիլի-Սալթանը, որը Նասր և Մուզաֆֆեր շահերի օրով միահեծան կառավարում էր Պարսկաստանի գրեթե մեկ երրորդ մասը կազմող նշված տարածքները: Նրա շահատակությունների ու դաժանությունների մասին պատմություններ էին չրջում ողջ Իրանում:

Ջիլի-Սալթանի հեռացումն էլ ավելի թևավորեց սահմանադրականներին, քանզի դա ապացույց էր այն բանի, որ շահն այլևս անկարող է հաշվի չնստել մեջլիսի հետ:

Մի շարք աստելի բարձր պաշտոնյաներ փոխելուց հետո մեջլիսը ձեռնարկեց մի ուրիշ կարևոր քայլ:

Երկրում խորացող ժողովրդական շարժումն ուղղված էր ոչ միայն ներքին բարենորոգումների նպատակին, այլև այդ բարենորոգումներին արգելք հանդիսացող և Պարսկաստանի լիակատար գաղութացմանը ձգտող օտարերկրյա իմպերիալիստական երկրների ոտնձգությունների դեմ:

Եվրոպացիների նկատմամբ ատելությունը հատկապես թանձրացել էր Պարսկաստանում հիմնավորված կամ ժամանակավորապես աշխատանքի եկած բելգիացիների շուրջ:

Երկրին մեծ հարված էր Աթաբեկի կողմից Պարսկաստանի համարյա ամբողջ մաքսային, փոստային և ֆինանսական ոլորտները բելգիացիներին Հանձնելը: Նախընթաց տարիներին մեծ թվով բելգիացիներ հաստատվել էին Պարսկաստանի գանազան քաղաքներում և հատկապես՝ Թեհրանում: Սրանք ստանում էին բարձր աշխատավարձ և վայելում հատուկ առանձնաշնորհներ, ամեն քայլափոխում չարաշահում իրենց տրված մեծ արտոնությունները, մասնավորապես, Բելգիայից Պարսկաստան էին հրավիրում հայրենակիցների նորանոր խմբեր և նրանց աշխատանքի տեղավորում իրենց ենթակա ոլորտներում: Դրա հետևանքով մեծ թվով պարսիկ պաշտոնյաներ հեռացվում էին աշ-

խատանքից, հետևապես՝ զրկվում ապրուստի միջոցներից:

Ամեն տեղից մեջլիսին բողոքի դիմումներ էին գալիս բելգիացիների դեմ, որոնք երկրում իրենց պահում էին գաղութարարների պես, հաշվի չէին առնում տեղացիների դարերով սրբազորված օրենքները, իրենց ֆինանսական հարստահարման տակ էին գցում տնտեսության նորանոր ոլորտներ: Ավելին, նրանցից ոմանք նույնիսկ հավակնում էին մինիստրական պոստերի, և դա նրանց հաջողվում էր: Օրինակ՝ Նոս անունով մի խորամանկ և ճարպիկ բելգիացի հասարակ մաքսային պաշտոնյայից կարողացել էր դառնալ ողջ Իրանի մաքսերի, փոստի և ֆինանսների մինիստր, այսինքն՝ իր ձեռքն էր վերցրել երկրի տնտեսության գլխավոր լծակները:

Բելգիացիների նկատմամբ ժողովրդի ատելությունը մեղմելու համար Նոսը կարգադրեց մաքսային, փոստային և ֆինանսական ոլորտներում աշխատող հայերին ազատել զբաղեցրած տեղերից և նրանց փոխարեն նշանակել պարսիկներին: Մեկ-երկու ամսում հարյուրավոր հայեր զրկվեցին աշխատանքից: Բայց դա չթեթևացրեց Նոսի և բելգիացի մյուս պաշտոնյաների վիճակը:

Մեջլիսը շահի առջև կարուկ դրեց Նոսին պաշտոնանկ անելու և ընդհանրապես բելգիացի պաշտոնյաներին երկրից արտաքսելու հարցը: Ծահը տատանվում էր, համարձակություն էլ էր դրսևորում գնալու այդ քայլին, պատճառաբանելով, թե դրա հետևանքով կվատթարանան Պարսկաստանի հարաբերությունները ոչ միայն Բելգիայի, այլև նրան բարեկամ եվրոպական երկրների հետ:

Ծահի պատճառաբանությունները մեջլիսը համարեց ոչ լուրջ, չհիմնավորված և ամուր կանգնեց իր տեսակետի վրա: Ծահը, վերջապես, ստիպված էր ենթարկվել պառլամենտի ճնշմանը: Նոսը հեռացվեց երկրի համար կարևորագույն նշանակություն ունեցող պաշտոնից: Դրան հետևեցին բելգիացիների նոր հեռացումներ: Աշխատանքից արձակված հայերից շատերը վերականգնելուց իրենց նախկին պաշտոններում:

Պառլամենտի քայլերը ջերմորեն ողջունեցին պարսկահայերը, որոնց մեծ մասի համակրանքն արդեն սահմանադրականների կողմն էր: Նրանք չէին հաշտվում այն մտքի հետ, որ, ուժեր հավաքելով, հետադիմությունը կարող է խափանել շարժման հետագա զարգացումը:

Այդ շրջանում Հ.Յ.Դ. չորրորդ ընդհանուր ժողովը Պարսկաստանի իր մարմինների գործունեության վերաբերյալ ընդունել էր հետևյալ բանաձևը.

«Նկատելով, որ պարսկական ներկա շարժումը կարող է դառնալ ժողովրդական արթնացման բնույթ ունեցող հասարակական խոշոր երևույթ թե՛ Պարսկաստանի, թե՛ Արևելքի համար, և գտնելով, որ դրա տարածվելն ու լայնանալը ցանկալի է թե՛ համամարդկային, թե՛ հայկական տեսակետից, ընդհանուր ժողովը հանձնարարում է Պարսկաստանի դաշնակցական մարմիններին և անհատներին՝ բոլոր միջոցներով նպաստել այդ շարժման զարգացմանը՝ մտցնելով պարսկական արթնացման մեջ այն ազատագրական, ռամկավա-

¹ Մատենադարան, կաթողիկոսական դիվան, Թղթ. N 237^բ, վավ. 323, Թ. 22:

րական և աշխատավորական ոգին, որը բխում է դաշնակցության ծրագրից»¹:

Սակայն պառլամենտը որքան շատ էր խառնվում պետության վարչական գործերին, որքան հաճախ էր վերցնում գործադիր իշխանության ֆունկցիաներ, այնքան ավելի էր հեռանում իր բուն խնդիրներից:

Զբաղվելով պաշտոնյաների զեղծումները բացահայտելով, նրանց փոխելով և նման կարգի մանր-մունր ժամանակավոր պրակտիկ գործերով՝ պառլամենտը չըմբռնեց ազգային կամ ժողովրդական ներկայացուցչության իր միսիան և գնաց սխալ ճանապարհով: Երկիրը սպասում էր օրենքների ստեղծմանը, բայց այդ հիմնական գործը մեջլիսը մի կողմ էր թողել, չըմբռնելով, որ զեղծումների, կամայականությունների և բյուրոկրատական շահատակությունների դեմ կարելի է արդյունավետ պայքարել միայն մնայուն, հաստատուն օրենսդրությունով, որից զուրկ էր Իրանը:

Անշուշտ այդ ամենի պատճառը այն էր, որ մեջլիսում չկային օրենսդրական, ստեղծագործական հատկություններով օժտված ձեռնհաս գործիչներ: Պառլամենտը գործում էր բազմաթիվ սխալներ՝ չկարողանալով դառնալ ստեղծագործ և կառուցողական ուժ:

Վիճակը բարդանում էր նրանով, որ շահի կառավարությունը նույնպես չուներ հմուտ ղեկավարներ, պետական անձինք, որոնք օժտված լինեին վերանորոգչական ակնառու հատկություններով:

Այդքանից հետո պատահական չէր, որ Իրանն ընկել էր կատարյալ անիշխանության մեջ:

Այս պայմաններում սահմանադրականների և հակասահմանադրականների պայքարը զնալով ավելի ու ավելի կատաղի բնույթ էր ստանում: Թեհրանում հրատարակվում ու ցրվում էին հակադինաստիական թուռլեզներ: Շատ քաղաքներում բացվել էին ինքնակոչ մեջլիսներ, որոնք անիշխանություն էին սերմանում: Երկու կողմից շարունակ միտինգներ էին կազմակերպվում, մրդկիթներում մեկը մյուսին հակառակ հրապարակային դասախոսություններ էին տալիս, այլ խոսքով՝ երկու կողմն էլ աշխատում էր պրոպագանդայով ավելացնել իր շարքերը: Հուզումները մեծ ծավալ էին ստացել Թավրիզում, իսկ Քիրմանշահում և Շիրազում լիակատար անիշխանություն էր: Ռեշտում հեղափոխական քաղաքացիները գործավորներին ստիպել էին դադարեցնել մաքսատան և հեռագրատան աշխատանքը: Գյուղերում նույնպես անիշխանություն էր. գյուղացիները, քաջալերված սահմանադրությունից, ըմբոստացել էին իրենց տերերի դեմ: Բանը հասել էր նրան, որ գյուղատերերը չէին համարձակվում խոսք բացել գյուղացիներից հողավարձը գանձելու մասին:

Իրադարձությունների զարգացումը կարծես տանում էր դեպի սահմանադրականների և նրանց քաղաքական հակառակորդների բացահայտ ընդհար-

մանը: Ուստի, Հաչիի առնելով հնարավոր առճակատումը, կառավարությունը Թեհրանը, Թավրիզը, Սպահանը և այլ քաղաքներ պահում էր զինվորական հսկողության տակ: Մի շարք տեղերում հետադիմությունը ստեղծում էր ռազմականացված շրկատներ: Լարիստանի կառավարիչը, որը շահի եղբայրն էր, ուրբի էր կանգնեցնում ռազմատենչ թափառական ցեղերին և ժողովում լավ զինված զորք:

Սահմանադրականներն, իրենց հերթին, ձեռնարկել էին ժողովրդին զինելու գործը:

Ահա նման իրադրություն էր, երբ մեջլիսը ձեռնամուկ եղավ Սուլաֆեներ շահի կողմից ստորագրված սահմանադրական դրույթները խմբագրելու և դրանցում փոփոխություններ կատարելու գործին:

Արդեն քանիցս ասվել է, որ Պարսկաստանում շարժման ղեկավարությունը ժողովրդի ներկայացուցիչների ձեռքին չէր, ինչպես Ռուսաստանում: Շարժման մեջ գլխավոր դերերից մեկը կատարում էին համալսարանական կղերական և բուրժուական տարրերը, որոնց միակ պահանջը շահերի և շահագրեցների բռնապետական, միահեծան իշխանությունը սահմանափակելն էր: Բայց ժողովրդի երազանքը միայն դա չէր, այլ նաև՝ տնտեսական, սոցիալական և քաղաքական ազատությունների ձեռքբերումները: Մեջլիսի մշակած սահմանադրական սկզբունքները չէին կարող բավարարել երկրի բնակչության ճնշող մեծամասնությանը:

Մեջլիսում չկային աշխատավոր դասակարգերի ներկայացուցիչներ: Նույն երևույթը կրկնվում էր տեղական պառլամենտների՝ անջումների մեջ: Գլխավորապես հոգևորականների ղեկավարությամբ շարունակվում էր ուժգին պրոպագանդա եվրոպացիների, նրանց կուլտուրայի դեմ: Դա իր հետևից բերում էր հակաքրիստոնեական տրամադրություններ, որից տուժում էր նաև պարսկահայությունը: Վերջապես, հիմնական օրենսդրությունը («Կանունի-էսասի») շոշափում էր շահի ոչ մահմեդական այլացեղ հպատակների, այդ թվում՝ հայության շահերը, որոնց չէր տրվել սահմանադրական և պառլամենտական կյանքին ու գործունեությանը մասնակցելու իրավունք:

Եվ ահա պասկահայերը, նկատի առնելով, որ մայիսին մեջլիսը անդրադառնալու է սահմանադրական փոփոխությունների հարցին, դիմեցին Էլմիածին, կաթողիկոսին՝ խնդրելով միջամտել Իրանի վեհապետի և մեջլիսի առջև, որպեսզի սահմանադրական բարիքները, առանց ազգային և կրոնական խտրականության, հավասարապես տարածվեն երկրի բոլոր քաղաքացիների, այդ թվում՝ Իրանի բնիկ բնակչության մի մասը կազմող հայերի վրա:

1907թ. մայիսի 10-ին Էլմիածին կաթողիկոսը հետևյալ հեռագիրն է հղում Թեհրան.

«Նորին Մեծության Պարսկաստանի Շահնշահին, պատճենը՝ Պարսկական Մեջլիսին:

Տեղեկանալով, որ սահմանադրական օրենսդրության վերջնական խմբա-

¹ «Նյութեր...», հատ. Գ, էջ 309-310:

² Մատենադարան, կաթողիկոսական դիվան, թղթ. N 237*, վավ. 323, թ. 22:

գրութիւնը տեղի է ունենում, շտապում եմ Հույս Հայտնել, որ Իրանի բնիկ ազգաբնակչութեան մի մասը կազմող Հայ ժողովուրդը չի գրկվի Սահմանադրութեան բարիքները վայելելուց: Իբրև Հավատարիմ Հպատակներ Ձեր նախնիքների, Ձեր Մեծութեան և իբրև քաղաքացիների մեծն Իրանի, Հայերն Հիմք ունեն վայելելու նույն Հավասար իրավունքները, ինչպես մյուս պարսից հպատակները և քաղաքացիները:

Իբրև Հոգևոր Իրանի Հայ ժողովրդի, Հայցում եմ Ձեր Կայսերական Մեծութեան պաշտպանութիւնն ու բարձր արդարութիւնը և Հույս ունեմ, որ Ձեր Մեծութիւնը, ինչպես և Մեջիսը ոչ մի խտրութիւն չեք դնի պարսիկների և Հայերի միջև, նկատելով նրանց Հավասար իրավանց տեր, իբրև Հավատարիմ Հպատակներ և մեծն Իրանի Հավատարիմ զավակներ:

Մկրտիչ Կաթողիկոս Ամենայն Հայոց»:

Թեև մեջիսը անդրադարձավ սահմանադրական փոփոխութիւնների Հարցերին, բայց այդ փոփոխութիւններն աննշան էին: Պատգամավորները պատրաստ չէին արմատական քայլերի: Սահմանադրական շարժման ղեկավար դերն աստիճանաբար փոխվում էր: Բարձրաստիճան Հոգևորականութիւնը քայլ առ քայլ Հետ էր կանգնում շարժումից, և սահմանադրական կարգերի Հաստատման Համար պաշարի ղեկավարութիւնն աստիճանաբար անցնում էր լիբերալ բուրժուազիայի ձեռքը:

Երկրում ճգնաժամը օր առ օր խորանում էր՝ Հանգուցյալ Մուզաֆֆեր էդ Դին շահի բարի կամքին Հակառակ: Պարսկաստանում գործերն այնքան էին խճճվել, որ եվրոպական մամուլն արդեն գրում էր ռուսական և անգլիական միջամտութեան կամ շահի կողմից պետական Հարվածի անխուսափելիութեան մասին:

Բայց Իրանի Համար իրական վտանգն առաջին Հերթին եկավ Հարևան ազրեսիվ երկրից՝ Թուրքիայից:

Սուլթան Համիդը ավելի գործնական էր: Ի ծնե չարագործ, նա չէր կարող Հանդուրժել, որ ծայրահեղ թուլացած իսլամական Պարսկաստանը տարվի ազատական Հովերով և ձեռք բերի Եվրոպայի Համակրանքը, այն դեպքում, երբ իր երկրում խեղդվում է ամեն կենդանի խոսք, իսկ Հայկական նահանգները մի ծայրից մյուսը ողողվում են արյունով:

ՏԱՃԿԱԿԱՆ ԱԳՐԵՍԻԱՆ ԻՐԱՆԻ ԴԵՄ ԵՎ

ՊԱՐՍԿԱԶԱՅԵՐԻ ԴԻՐՔԸ

Օգտվելով ռուս-ճապոնական պատերազմում Ռուսաստանի կրած ծանր պարտութիւններից, երկրում ծայր առած Հեղափոխական շարժումներից, ցարական պետութեան թուլութիւններից և Իրանի ներքին խառնակ ու անպաշտպան վիճակից՝ Կ.Պոլսի կառավարութիւնը որոշեց վերջինիս Հասցնել ռազմական

ուժգին Հարված, ասիական Հարևանի Հաշվին ընդարձակել իր տիրապետութեան սահմանները՝ նրանից խլելով թուրքալեզու մարզերը, ինչպես նաև, եթե Հաջողվի, վերջնականապես փրկել երկիրը: Թուրքական զորքերը կենտրոնացան Իրանի սահմաններում Հատկապես Ատրպատականի ուղղութեամբ:

Դեռևս 1905թ. աշնանը թուրքերը, պատրվակ բռնելով այն, որ Ուրմիայի մաքսատան բելգիացի ընդհանուր կառավարիչը Ուրմիո լճի Հարավ-արևմուտքում գտնվող Լայիջան գավառամասում, թուրք-պարսկական սահմանագլխի վրա, մաքսատուն Հիմնելիս սխալմամբ շենքը կառուցել էր մի քանի մետր այն կողմ, թուրք իշխանութիւնները ուղարկում են 25 զինվոր՝ մի սպայի Հրամանատարութեամբ, որոնք քանդում են մաքսատան նորակառույց շենքը և պարսիկներին վռնդում այդ տարածքից:

Օգտվելով դրանից՝ թուրք խառնախմբերը սկսում են ասպատակել պարսկական սահմանագլխի վայրերը, ծայր են առնում արան-թալանը, կողոպուտը, սպանութիւնները:

Շատ չանցած՝ բոլորովին անսպասելի Լայիջան է գալիս 400 զինվորով և 2 թնդանոթով թուրքական մի զորամաս՝ Մերայալ Իզգեթ բեկի Հրամանատարութեամբ: Հաստատվելով Պարսկաստանին պատկանող Լայիջանի Փասալա և Շինաբադ գյուղերում զորամասի Հրամանատարը այդ գավառամասը Հայտարարում է թուրքական: Նույն թվականի վերջերին Լայիջանում զորամասը Համալրվում է և, այդպիսով, թուրք զինյալների թիվը Հասնում է 1200-ի²:

1905թ. վերջերին լուր տարածվեց, թե շուտով սկսվելու է թուրքակարսիկ պատերազմը: Պարսիկ իշխանութիւնները քաջ գիտակցում էին, որ դա կարող է կործանարար լինել պետութեան գոյութեան տեսակետից, քանզի վերջին Հարյուրամյակներում երկիրը այնպես թույլ չի եղել, ինչպես 20-րդ դարի սկզբին: Այդ պայմաններում կառավարութիւնը փորձեց պարզել, թե բազմազգ երկրի ազգային ու կրոնական Համայնքները պատերազմի դեպքում ինչպես իրենց կդրսևորեն և ինչպիսի աջակցութիւն կարող են ցույց տալ պարսիկ զորքին:

Կառավարութիւնը շոշափեց նաև պարսկահայերի տրամադրութիւնը: Քանի որ նրանց չընտանում առավել մեծ ազդեցութիւն ունեցող քաղաքական ուժը Հ.Յ. դաշնակցութիւնն էր, կառավարութիւնը նրա տեղի ղեկավարութիւնից փորձեց իմանալ, թե թուրք-պարսկական պատերազմի դեպքում ինչպիսի դիրք կարող է բռնել կուսակցութիւնը: Պատասխանը եղավ արագ և Հստակ. նման դեպքում Պարսկաստանի Հայերը և կովկասահայերը պարսիկ կառավարութեան տրամադրութեան տակ կդնեն 20-25 Հազար զինվոր³:

Սկզբում Հ.Յ.Դ. Վրեժի (Ատրպատականի) կ.կոմիտեն կարծես չահագրգռված էր թուրք-պարսկական պատերազմի ծագմամբ: Նրա անդամների կարծի-

¹ Մատենադարան, կաթողիկոսական դիվան, թղթ. N 237^բ, փավ. 323, թ. 25:

² «Ճնարկիս», N 35, 15 օգոստոսի 1907թ.:

³ Տե՛ս «Հայրենիք» (Բոստոն), N 7(449), 15 փետրվարի 1908թ.:

քով, դա թուրք կառավարության ուշադրությունը կրեկոներ ռազմական գործողությունների վրա, որի հետևանքով Հայ Հեղափոխականները Հնարավորություն կստանային Պարսկաստանից ավելի աշխույժ Հարաբերություններ ունենալ թուրքահայաստանի հետ:

1906թ. մայիսի 8-ին Վրեժի կ.կոմիտեն Հ.Յ.Դ. արևելյան բյուրոյին ուղարկած նամակում գրում էր. «Մեր շրջանի նորություններից մեկն էլ սահմանագծային խնդրով ծագած թրքո-պարսիկ կոնֆլիկտն է, որ մինչև այս բուպիս էլ դեռ լուծված չի կարելի համարել: Եթե օտար միջամտություններ չլինեն՝ գործը կարող է ընդհարման հասնել երկու հարևան տերությունների միջև: Այդ միջոցին, մենք կարծում ենք, մեր կողմից անտարբեր մնալը անուպակն քնած լինել կը նշանակեր, կնշանակեր նաև և այդպիսի մի հրաշալի պատեհություն ձեռքից բաց թողնել: Չէ՞ր կարելի, արդյոք, այդ պատեհ մոմենտին մի խոշոր արշավախումբ պատրաստել, որ առաջին ազդանշանին խուժեր դեպի Շամ (Վասպուրական: - Հ.Ա.), որ անմիջապես կը միանար նրան և մի հսկա խլրտում կը բարձրացներ շամած հակառակորդի սրտում, որին արձագանքել կարող էր Լեոնավայրը (Կիլիկիան: - Հ.Ա.)»:

Իրադարձությունների հետագա զարգացման համեմատ, գնալով փոխվեց պատերազմի նպատակահարմարության մասին Վրեժի կ.կոմիտեի տեսակետը:

Մինչ այս, մինչ այն՝ ներքին անցքերը զարգանում են մեծ արագությամբ: 1906թ. գարնան վերջերին թուրքերը նոր զորքեր են ուղարկում Ուրմիո լճի հարավ-արևմուտքում գտնվող Ուրմիա գավառի մասեր կազմող Մարգավառ, Թաթ, Դաշտ, Սոմա ու Բրադոստ գավառամասերը և բանակում Ուզնիի լեռներում:

Եվ այսպես, չահագործելով ներկայացած չնչին առիթը, թուրքերը գրավում և իրենց սեփականություն են հայտարարում Պարսկաստանին պատկանող ամբողջ 6 գավառամաս, որոնց տարածքներն անբերրի հողեր էին ամբողջ Ասորպատականում:

Երկրի համար ծանր վիճակ էր ստեղծվել, սաստկանում էր ներքին հուզմունքը բոլոր կողմերում, բայց կառավարությունը ուժ չունեի թշնամուն դիմագրավելու: Բանալը փոքրաթիվ էր՝ անվարժ, անկանոն, համարյա զուրկ գինվորական կարգապահությունից, հետևապես՝ լուրջ ու վճռական ռազմական գործողությունների դիմելու համար անընդունակ:

Պարսկահայ նշանավոր դաշնակցական գործիչ Հովսեփ Մովսիսյանը (1866-1936) պատանեկան շրջանին՝ 1930-ական թվերի կեսերին վերաբերող հուշերում այսպես է նկարագրել պարսից զորքի տեսքը իր ծննդավայր Թավրիզում.

«Չեմ հիշում, թե ինչ գործով այդ օրերին մայրս ինձ Ղալա թաղն էր

ուղարկել: Տուն վերադառնալիս ընկա պարսից զորքի մեջ, որ անցնում էր նեղ ու փոշոտ փողոցներով: Ի՞նչ զորք. մի խառնիճադա՞նջ: Հնամաշ ու խուճացած «գինվորական հագուստ», նույնքան հին ու ջարդված գլխարկ, ոմանց ոտներին տրեխ կամ պատառտուռ կոշիկներ և կամ հենց ուղղակի բոկոտն: Զինվորներից (սարբազ) ոմանք, առաջները մի էլ գցած, վրան գզգզված մի վերմակ, որի ծվենները կախկախված էին ավանակի այս ու այն կողքից, վերմակի վրա ամբարած իրենց չախմախուր և կամ լավագույն պարագային «այնալու» հրացանները՝ քայլում էին հարայհրոցով՝ իրենց ետևից փոշու թանձր ամպեր բարձրացնելով: Շարժուձևի մեջ ո՛չ կարգ, ո՛չ կանոն»:

Կարելի է ենթադրել, որ պարսից զորքը թուրքական ներխուժման օրերին համարյա նույնն էր, ինչպես նկարագրված է սույն հուշագրության մեջ:

Այս վիճակում կառավարությունը միակ ելքը համարեց մեծ տերություններից աջակցություն ստանալը. նա դիմեց Անգլիայի և Ռուսաստանի կառավարություններին և խնդրեց նրանց արագ միջամտությունը կոնֆլիկտը խաղաղ լուծելու համար: Բայց սպասվող միջամտությունը չկար, իսկ ժողովրդի հուզմունքը գնալով աճում էր, քանզի ականատեսն էր երկրի ապաշնորհ իշխանությունների անկարողությանը և Հայրենիքի ստորացմանը:

Կառավարությունը, դրանից հետո, ստիպված էր ինչ-որ քայլերի դիմել: Նա որոշեց, այնուամենայնիվ, զորք ուղարկել սահման, բայց դա ոչ այնքան թուրքիայի դեմ ցույց անելու համար, որքան իր հպատակների աչքում վարկը ինչ-որ չափով պահպանելու և պարսկական Բուրդոստանի աշիրեթների ասպատակությունները զսպելու նպատակով:

Պարսկական փոքրաթիվ ու անկազմակերպ զորքը հասավ Ուրմիայի արևմուտյան մասերը, բայց նրա ներկայությունը քրդերի վրա ոչ մի ազդեցություն չթողեց, և նրանք, մանր ասպատակիչ խմբեր կազմելով, 1906-ի գարնանից սկսեցին ավերի ու թալանի ենթարկել այս անգամ Ուրմիո լճի շրջակա գյուղերը:

Չհանդիպելով դիմադրության՝ քրդերը այնչափ հանդուգն դարձան, որ իրենց ասպատակությունների սահմանը հասցրին Ուրմիա քաղաքի մատույցները:

Պարսից կառավարությունը ապրիլ ամսին ստիպված նորից դիմեց Անգլիայի և Ռուսաստանի կառավարություններին՝ սահմանազգային խնդրին մի լուծում գտնելու համար: Այս անգամ վերջիններիս կողմից կոնկրետ քայլ արվեց. ստեղծվեց Իրանի, թուրքիայի, Անգլիայի և Ռուսաստանի ներկայացուցիչներից կազմված մի հանձնախումբ, բայց այն կանոնավոր ընթացք չունեցավ, շուտով ինքնալուծվեց՝ առանց որոշակի եզրակացություն գալու: Հանձնախմբի անհաջող ընթացքից հետո տիրեց տևական լուռություն:

Թուրքիան իր զորքին սահմանազլխից կանչեց՝ գրաված կետերում թողնել:

¹ «Նյութեր...», հատ. Դ, էջ 314-315:

² Տե՛ս Մ. Ս. Иванов, Иранская революция 1905-1911 годов, էջ 211-212:

³ 1906թ. տվյալներով երկիրն ուներ շուրջ 100.000 զինվոր (տե՛ս «Նոր կենսք», N 11, 10 սեպտեմբերի 1906թ.):

¹ Ա. Ամուրեան, Յեղափոխական Եփրեմի ոգիականը, տպ. «Ալիք», Թեհրան, 1972, էջ 22:

² Տե՛ս «Արշալոյս», N 33, 14 փետրվարի 1906թ.:

լով գինվորների մի փոքր թիվ: Դա երկար չտևեց. երբեմն նոր զորամասեր էին գալիս, բայց հիշյալ 6 գավառամասերի զանազան կետերում որոշ ժամանակ մնալուց հետո դարձյալ հետ էին քաշվում ու նորից վերադառնում:

Այլ խոսքով, Իրանի այդ հատվածն արդեն ուղի կոխան էր թուրքերի համար: Դրուժյան լիակատար տերը զգալով նրանք սկսեցին գրաված գավառամասերի գյուղերից հարկեր հավաքել: Դա հետուհ գնացող խաղ էր, որով Թուրքիան միջազգային դիվանագիտությանը և Պարսկաստանին ուզում էր վարժեցնել այն մտքին, որ այդ տարածքներն արդեն պատկանում են իրեն: Եվ, պետք է ասել, որ Թուրքիան համարյա հասնում էր իր նպատակին. եվրոպական մամուլը այլևս դադարեց կոնֆլիկտի մասին գրելուց, իսկ պարսից կառավարությունը այդ հարցի վրա սկսեց նայել անտարբեր աչքերով, քանի որ նրա ուշադրությունը ամբողջովին գրավել էր երկրի հեղափոխական շարժումը: Լայիջանի խնդիրը առժամանակ մոռացվեց:

Գրդերը, օգտվելով առիթից, ավելի ուժեղացրին իրենց ասպատակությունները: Այլևս համբերության բաժակը լցված էր: Ամեն գնով պետք էր թշնամական ասպատակությունների և անարխիայի առաջն առնել: Նախաձեռնությունը եկավ Ուրմիայի անջուճներից, որը որոշում ընդունեց և հանձնարարեց տեղական կառավարությանը՝ առանց կենտրոնական կառավարության թույլտվության զորք հավաքել և ուղարկել քրդերի դեմ:

Ուրմիայի անկազմակերպ զորքի ընդհանուր հրամանատար նշանակվեց գինվորական գործիչ Մեջիդ օլ Սայթանե Ամիր Թումանը, որի տրամադրության տակ դրվեցին պետական կանոնավոր զորքերից մի գումարտակ և մի անկանոն զորամաս՝ բաղկացած չարդովի, կարափափախ, ավազ, մավանացի ցեղերի անդամներից: Սրանց միացան կամավորներ և ֆիդայիներ: Ամբողջ զորքն ուներ 950 հետևակ զինվոր, 470 ձիավոր, 75 թնդանոթածիգ, 100 կամավոր (թվանգչի) և 45 ֆիդայի (պարսիկ հեղափոխական զինվորներ):¹

Չորքի առաջապահ զորամասը, բաղկացած 200 հետևակ զինվորից, 100 ձիավորից և 25 թնդանոթածիգներից, ունենալով հին սիստեմի մի թնդանոթ, Հեշմաթը Մյուլքի հրամանատարությունը ուղղություն է վերցնում դեպի Բարանդուզ գավառամասը և բանակում Շհար-չայ գետի աջ ափին, քաղաքից 18 վերստ հեռավորության վրա:

Հաջորդ օրն իսկ բանակատեղին ենթարկվում է քրդերի հարձակմանը: Մի քանի ժամ տևած կռիվ արդյունքում զորամասը տալիս է ավելի քան 40 զոհ, բայց կարողանում է նահանջել և միանալ հիմնական զորքին:

Կարճատև դադարից հետո զորքը լրիվ կազմով, երկու լեռնային թնդանոթով և, առաջապահներ ունենալով ասորի քաղ երիտասարդներից բաղկացած ղեկատներ, Մեջիդ օլ Սայթանեի հրամանատարությամբ առաջ է շարժվում և բանակում թուրքաց ու պարսից միջև վեճի առարկա դարձած Թարգավառ

գավառամասի բարձրավանդակներից մեկում:

1906թ. հուլիսի 19-ի առավոտյան պարսկական զորքի արևմտյան կողմում գտնված լեռների վրա բոլորովին անսպասելի երևում են քրդական աչիբեթներ: Հրամանատարը քրդերի դեմ է ուղարկում մավանացի ու կարափափախ ձիավորներ: Սրանց և քրդերի միջև նոր էր սկսվել հրացանածգուժյուն, երբ հանկարծ լեռների հետևից հայտնվում է 4 թաբուրից (1600 զինվոր) ու 6 լեռնային թնդանոթից բաղկացած տաճկական մի զորամաս և թնդանոթներով հարվածներ է տեղում պարսից զորքի վրա:

Սկսվում է կռիվը, որը տևում է երեք ժամ: Այդ ընթացքում պարսից հրամանատարը հնարավորություն է ունենում երկու պատգամավորություն ուղարկել թուրք զորքի հրամանատարի մոտ և բացատրություն պահանջել նրա այդորինակ գործողությունների համար, չմոռանալով տեղեկացնել, որ իր զորքը եկել է ոչ թե թուրքերի դեմ կռվելու, այլ քրդերի անկարգությունները զսպելու համար: Թուրք հրամանատարը մերժում է որևէ բացատրություն տալ, միաժամանակ Մեջիդ օլ Սայթանեից պահանջում է երկու ժամվա ընթացքում իր զորամասով հեռանալ կռիվ դաշտից:

Անակնկալ հարձակումից հանկարծակիի եկած հրամանատարը զորքին կարգադրում է նահանջել: Բայց հետևակ զինվորները, դեռ նախքան հրաման տալը, թուրքական թնդանոթների առաջին իսկ հարվածներից հետո, արդեն թողել էին բանակատեղին և փախել տարբեր ուղղություններով: Հետևակին հետևում են զորքի մյուս մասերը: Սարսափահար փախուստի հետևանքով թուրքերի ձեռքն է անցնում մեծ ավար՝ համարյա ամբողջ ռազմամթերքը, 300-ի չափ վրան իրենց կահավորանքով: Չհաջված վիրավորներին ու կորածներին, պարսից զորքը կռիվ դաշտում թողնում է ավելի քան 90 սպանված: Թուրքերի կողմից սպանվել էր ընդամենը երեք հոգի²:

Պարսկական զորքին ցրելուց հետո թուրքերն անցնում են Մավանա, Կուրանա և Բարուլան ասորաբնակ գյուղերը, որոնց զինյալ երիտասարդները պարսից զորքի առաջապահներն էին: Սկսվում են գյուղերի ուժեղացումները: Ասորի բնակիչները փախչում են, իսկ վրա հասած քուրդ հրոսակախմբերը կողոպտում են ամեն ինչ³:

Պարսկական ջարդված զորքի մնացորդները Ուրմիա քաղաք են հասնում երեկոյան դեմ: Նրանց միացել էին բանակատեղից մինչև քաղաք ձգված ճանապարհի վրա գտնված գյուղերի բնակիչներն իրենց ընտանիքներով, անասուններով և ամբողջ շարժական ստացվածքով: Գիշերը քաղաքը սուգի ու սարսափի մեջ էր. անակնկալ հարվածը և վաղվա անորոշությունը միախառնելիս՝ հոգեկան անտանելի վիճակ էր ստեղծել:

Այնուհետև, չըջանցելով Ուրմիա քաղաքը, տաճկական զորքը, առանց

¹ Տե՛ս «Մարխախ», N 35, 15 օգոստոսի 1907թ.:

² Տե՛ս «Մարխախ», N 35, 15 օգոստոսի 1907թ.:

³ Այդ մասին տե՛ս Մատենադարան, կաթողիկոսական դիվան, թղթ. 237, վավ. 323, թ.22:

դիմադրութեան, առաջ է շարժվում և հաստատվում Ուշնի շրջանի լեռնաբնակ գյուղերում, ինչպես նաև Լայիջանի այն գյուղերում, որոնք մինչ այդ դեռ գրավված չէին:

Այսպիսով, 1906թ. հուլիսի դրութեամբ թշնամու ձեռքն էր անցել Ուրմիո լճի հարավարևմտյան ամբողջ լեռնային մասը: Հաջորդ ամիսներին թուրք զորքերն աստիճանաբար գրավում են նաև Ուրմիա քաղաքի մերձակա պարսից գյուղերը, որոնք ընկած էին լճի արևմտյան կողմում՝ Կուլունչի, Քահրիզ, Ըշկայ-Սու, Ջամալավա: Վերջին գյուղում բնակվում էին նաև հայեր և ասորիներ, որոնք առաջին հերթին ենթարկվեցին բռնությունների ու թալանի: Գնալով թուրքերի ագրեսիան ավելի է ընդլայնվում. մտնելով Մոմայի շրջան՝ նրանք գրավում են Շարա, Գանգազին, Գունի, Խանիկ, Ջինդաշտ և Խատրի-Սու քրդական գյուղերը, ապա, ներխուժելով Սալմաստի գավառ, գրավում են Քորասնի շրջանի սյուննի գյուղերից Եզդիքանդը, Օրբան, Սուլավը և Շաքար-յագին¹:

Սալմաստն Ատրպատականի ամենից հայաշատ գավառն էր, որն ընկած էր Պարսկաստանի Հյուսիս-արևմտյան անկյունում, թուրքիայի սահմանագծի վրա: Գավառի ամբողջ բնակչության թիվը մոտ 40 000 էր՝ բաժանված 75 գյուղերի վրա: Այդ գյուղերում բնակչության թիվով առաջին տեղում էին թուրքերը, ապա գալիս էին հայերը, ասորիները, քրդերն ու հրեաները: Հայերի թիվը հասնում էր 10 000-ի՝ կազմելով Սալմաստի բնակչության մեկ քառորդ մասը: Գավառի 75 գյուղերից 23-ում հայեր էին բնակվում, որոնցից զուտ հայաբնակ գյուղեր էին միայն Հաֆթվանը, Ղալասարը, Մահլաժը, Սառնան և Փայաջուկը²: Հայերը գավառում ունեին 23 եկեղեցի, 12 դպրոց, 5 գրադարան³:

Մինչև 1906-ի աշնան կեսերը թուրքերը գրավեցին Սալմաստի բոլոր լեռնային մասերը և օղակեցին դաշտայինը:

1906թ. վերջերին քուրդ հրոսակները, կրկին թուրքիայից անցնելով պարսկական սահմանը և Ուրմիայի ու Սուլուջբուլաղի գավառներում միանալով տեղի քրդերին, սկսեցին նոր լայնածավալ ավազակություններ և ավարաուծություններ: Հարձակվելով գյուղերի վրա՝ նրանք կոտորում էին խաղաղ բնակիչներին, հափշտակում անասուններն ու գույքը:

Այս ասպատակություններից մեկի ժամանակ սպանվել էր մի ամերիկացի միսիոներ: Ամերիկյան կառավարությունը պարսից կառավարությունից խըստիով պահանջեց ձերբակալել և պատժել մարդասպաններին: Վերջինս ստիպված նշված սահմանային շրջան ուղարկեց մի աննշան զորամաս՝ կարգը վերականգնելու համար:

Ընդհարման ժամանակ սպանվեց մի քանի քուրդ, մնացածները փախան ու

վերադարձան թուրքական տարածք: Ավազակներին բռնելու նպատակով զորամասն անցավ սահմանը և, մի փոքր խորանալով թուրքական հողում, հալածեց նրանց, ապա վերադարձավ պարսկական տարածք:

Թուրքական կողմն այդ դեպքը պատրվակ բռնեց, միաժամանակ դիմեց սադրանքի, թե պարսից զորքի հետ սահմանն անցել են նաև թիվ 1500 հայ հեղափոխականներ: Հենվելով այդ կեղծիքի վրա՝ թուրք կառավարությունը իր սահմանազխային զորագնդին հրամայեց անցնել պարսկական սահմանը և Ուրմիայի գավառում տիրել հողի այն տարածությանը, որի վրա կային մի քանի դեռևս չգրավված գյուղեր:

Օկուպանտները գրաված տարածքների կառավարման կենտրոն ընտրեցին Շարա գյուղը: Այստեղ էին նստում թուրքական զորքերի ընդհանուր հրամանատար հազարապետ Սուլեյման բեյը և շրջանի գայմազամ նշանակված, ազգութեամբ քուրդ Ջիա բեյը:

Թուրքական զավթիչների գործողություններից տուժում էին ոչ միայն Ատրպատականի Ուրմիայի և Սալմաստի գավառների, այլև ամբողջ նահանգի հայ բնակիչները: Ուստի պատահական չէ, որ Պարսկաստանի ոչ մի ուրիշ անկյունում վերանորոգչական շարժումն այնպես սերտորեն չէր զուգորդվել թուրք զավթիչների դեմ ծովացած ատելությունը, ինչպես այստեղ՝ Ատրպատականում և նրան հարակից Մակուի խանությունում (նախկին հայկական Արտազ գավառ):

Այս խանությունը, որ գտնվում էր Ատրպատականի Հյուսիսարևելյան ծայրի անկյունում, մի փոքր կիսանկախ տիրապետություն էր, որը հյուսիսից սահման ուներ Երևանի նահանգի, իսկ արևմուտքից՝ Վանի վիլայեթի հետ:

Սահմանադրական շարժումն առանձին ուժգնություն մարտահայտվել էր նաև Մակուի խանությունում: Այդ հանգամանքը մեծ չափով բացատրվում էր Անդրկովկասի հետ նրա հարևանությունը, ուստի ազատագրական շարժման ազդեցությունը:

Հեղափոխական տրամադրությունը համակված Մակուի խանության ազգաբնակչությունը՝ 1907թ. գարնանը ապստամբություն բարձրացրեց խանի դեմ կամ ավելի ճիշտ՝ ժառանգական նահանգապետ Իզբալ Սոթյանի դեմ, որը հայտնի էր ազգաբնակչության կեղեքումներով և անսահման բռնակալությունը: Ապստամբությունն համակրություն գտավ Թավրիզի և Ուրմիայի

¹ Տե՛ս «Հայրենիք», N 6(412), հուլիս, 1960, էջ 69:

² Տե՛ս «Արշալոյս», N 18, 26 հունվարի 1906թ.:

³ Տե՛ս «Նյութեր...», հատ. Դ, էջ 267:

* Մակուի բնակիչները բաղկացած էին պարսիկներից, որոնք թիվով բռնում էին առաջին տեղը, ապա գալիս էին քրդական ցեղերը (Հայդարանցի, մլանցի, Ղալալցի, Ջնըլցի, մորգանցի, պրուկցի, իսլաբցի և այլք), որոնք թիվով երկրորդ տեղն էին, բնակվում էին իրարից անջատ, ապրում վրաններում, զբաղվում միայն անասնապահությամբ: Հայերը Մակու (Արտազ) գավառում աննշան թիվ էին կազմում. Մակու քաղաքում 60-70 տուն, Քիչմիշթեփի զուտ հայկական գյուղում 85 տուն, ս.Թադեի վանքի գյուղում՝ 25 տուն, Գրբզպուլաղ խառը բնակչությամբ գյուղում՝ 6 տուն: Հայերը նշված գյուղերում պարսպում էին երկրագործությունը, իսկ Մակու քաղաքում մանրավաճառությամբ և արհեստներով՝ պայտառ, սուկերիչ, դարբին, հյուան (տե՛ս «Նյութեր ...», հատ. Դ, էջ 275):

անջուժմանների կողմից, որոնք իրական ուժ էին դարձել իրենց տարածքներում ձեռքում պահելով իշխանության դեկը:

Ապստամբների ճնշման տակ խանը ստիպված եղավ հեռանալ պաշտոնից և իշխանությունը Հանձնել ազգականներից մեկին, որը սահմանադրական շարժման կողմնակիցներից էր:

Բայց նա չհաշտվեց իշխանության կորստի հետ: Փախչելով Երևանյան նահանգ, Իգբալ Սոլթանն իր շուրջը համախմբեց այստեղ հաստատված մակուեցի համակիրների ու կողմնակիցների և նրանց ուղարկեց Մակու՝ հեղաշրջում կատարելու համար: Բայց նրա ջանքերը զուր անցան, քանի որ հավաքագրված մարզիկ հրաժարվեցին վտանգել իրենց կյանքը:

Այդ անհաջողությունից հետո Իգբալ Սոլթանն նահանգից հեռացավ Թուրքիա և անցավ Թուրքական Բուրդիստան: 1907թ. ամռան սկզբին այստեղ նրան հաջողվեց ոտքի հանել մի քանի ավազակաբարո քրդական ցեղեր և նրանց գլուխն անցած՝ ասպատակեց Պարսկաստանի սահմանները: Սկզբում նա մտավ Թուրքական զորքերի կողմից գրաված Ուրմիայի գավառ, ապա այստեղից հարձակում գործեց Մակուի խանություն վրա: Թուրքական իշխանություններն ամեն ինչով օգնում, աջակցում էին Սոլթանին: Խանի քրդական ջոկատներին միացել և գործողությունների մեջ էին մտել նաև Թուրք կանոնավոր զորամասեր: Երկու շաբաթվա պաշարումից հետո, օգոստոսի վերջին, Թուրք-քրդական միացյալ ուժերին հաջողվեց գրավել խանության կենտրոն Մակուն: Փաստորեն Մակուի խանությունը նույնպես ընկավ Թուրքիայի ազդեցության տակ:

Այս բռնազավթումների, կողոպուտների և լլտի պահպանման հանդեպ պարսից կառավարությունը միանգամայն անզոր էր: Պարսկաստանը ի վիճակի չէր զենքով պաշտպանել իր ոտնակոխած իրավունքը: Թուրքերի կողմից Հայրենի տարածքների ռազմակալումը խոր ցավ էր պատճառել պարսիկ ժողովրդի ամենալայն խավերին, բայց միաժամանակ նպաստում էր նրա Հայրենասիրական ոգու բարձրացմանը: Վտանգը Պարսկաստանի համար այնքան մեծ էր, որ նույնիսկ պարսիկ հոգևորականությունը այն մասը, որ տարված էր Համիլայմական հովերով, պատրաստ էր սրբազան պատերազմ Հայտարարել սուլթան խալիֆի և նրա երկրի դեմ:

Թուրքերի ներխուժումը մեծ մտահոգություն էր պատճառել Ասորպատականի ողջ Հայությունը, հատկապես սալմաստահայերին:

Ինչ դիրք պետք է բռնեին, ինչ պետք է անեին նրանք, եթե Թուրքերը մտնեին Հայկական գյուղերը՝ իրենց անզուսպ պահանջներով:

Ավելի մտահոգիչ էր այն, որ Թուրքերի կողմից գրավված Սուլայ, Եզդիբենդ և Շաքարյազի գյուղերը գտնվում էին Սալմաստից դեպի Խոյ տանող ճանապարհից ոչ շատ հեռու, իսկ այդ ճանապարհով հաճախ էին երթևեկում Հայ գինիորներ ու կուսակցական ընկերներ, սուրհանդակներ և Թուրքահայաստան զենք փոխադրողներ:

Պետք է նշել, որ Ասորպատականի, հատկապես Սալմաստի և Ուրմիայի հայերը խեղճ ու կրակ վիճակում չէին. ինքնապաշտպանությունը, կարելի է ասել, բավարար էր, մարտական խմբերը կազմակերպված էին, թե՛ խմբերին և թե՛ Հայությունը խիստ հրահանգներ էին տրված, թե ինչ պետք էր անել Թուրքերի հետագա առաջխաղացման դեպքում:

Հ.Յ. դաշնակցության Սալմաստի կազմակերպիչ Ղազար Ղազարյանը (Մարզպետ) հետագայում վերհիշել է, որ այդ մտահոգիչ օրերին Դիլմանի դատավորը իրեն և տեղի աչքի ընկնող երկու ուրիշ դաշնակցական երիտասարդ գործիչների հրավիրել էր իր մոտ՝ «բարեկամաբար խոսելու մի կարևոր խնդրի շուրջ»: Զրույցի ժամանակ պարզվեց, որ պարսից կառավարությունը և ժողովուրդը վախենում են, որ դաշնակցությունը կարող է որոշում ընդունել Ասորպատականում գտնվող իր զինված ուժերով հարձակում գործել Թուրքական զորքի վրա և դրանով էլ ավելի բարդացնել խնդիրը: Դատավորը երիտասարդներին պատվիրում է «մի հստակ բան իմանալ» և դաշնակցության ղեկավարությունը փոխանցել վտանգավոր քայլերի չդիմելու իր հորդորը:

Դաշնակցության անունից Ղ. Ղազարյանը Հայտնում է, թե իր կուսակցությունն անտարբեր չի մտա միայն այն ժամանակ, եթե Թուրքական զորքերը մտնեն Հայկական գյուղերը և Հայերին ենթարկեն Հալածանքի: Իսկ եթե դա տեղի չունենա, դաշնակցությունը որևէ թշնամական քայլ չի անի, քանի դեռ պարսից կառավարությունը լուռ է:

Երիտասարդները տեղեկացնում են, որ ընդհանուրի կարծիքով, Թուրքերը չեն մտնելու Հայկական գյուղերը: Այդ դեպքում, կրկին հաստատում է Ղազարյանը, մենք Թուրքերի դեմ զենքով հանդես գալու պատճառ չենք ունենա:

Հետագայում է, որ այդ խնդիրը լրջորեն զբաղեցնում էր նաև Թուրքական զորքի հրամանատարությունը:

Բնիկ վանքի Կարապետ Տեր-Աբրահամյանը, որը Հ.Յ.Դ. Սալմաստի կազմակերպության վստահելի ընկերներից էր, դարձել էր գրավված վայրերի Թուրք գործադասներին մթերք մատակարարող կապալառու և, օգտագործելով իր դիրքը, կազմակերպությունը շարունակ հաղորդում էր գաղտնի լուրեր Թուրքերի շարժումների, մտադրությունների, խոսակցությունների մասին: Նա լուր էր բերել, թե Թուրք զորքի հրամանատար Սուլեյման բեյը և գայմագամ Ջիա բեյը իր հետ ունեցած զրույցի ժամանակ ասել են, թե իրենք Հայերի դեմ ոչ մի թշնամական քայլ չեն անելու, չեն գրավելու Հայկական ոչ մի գյուղ: «Մենք խուսափում ենք աղմուկներից, - ավելացրել էին նրանք, - մեզ ցանկալի է խաղաղ կերպով տեղավորվել այն վայրերում, որ մերն ենք համարում: Գիտենք, որ եթե մտնենք Հայկական գյուղերը, աղմուկ կը բարձրանա»²:

Ձիա բեյը Կ. Տեր - Աբրահամյանին խնդրել էր Հայերի նկատմամբ իրենց

¹ «Հայրենիք», N 6 (412), հունիս, 1960, էջ 70:

² Նույն տեղում, էջ 71:

վերաբերմունքի մասին հայտնի դարձնել դաշնակցության տեղի կոմիտեին: Թուրք հրամանատարությունը կատարեց իր խոստումը, և մինչև օսմանյան հեղափոխությունը որևէ խնդիր չեղավ Ատրպատականի հայության և թուրքերի միջև:

Այսպիսով, առաջացման օրերից իրանի ժողովրդական հեղափոխական շարժումը զարգանում էր երկրի մի մասի թուրքական օկուպացիայի պայմաններում: 1907թ. կեսերին հայերը հիմնականում կողմնորոշվել էին դեպի շարժումը: Նրանց գերակշիռ մասը շուտով դառնալու էր հեղափոխության ամենակտիվ ուժերից մեկը:

ՀԱԿԱՍՈՒԼԹԱՆԱԿԱՆ ՏՐԱՄԱԴՐՈՒԹՅՈՒՆՆԵՐԻ ՄԿՁԲԱՎՈՐՈՒՄԸ ՕՍՄԱՆԹԱՆ ԿԱԾՄՐՈՒԹՅԱՆ ԹՈՒՐԿ ԲԱՆԿՉՈՒԹՅԱՆ ՄԵՋ

Ռուսական մեծ հեղափոխությունը արձագանք ունեցավ նաև թուրքիստանում, թեև ոչ այնպես հզոր ու ոչ այնպես դրամատիկ, ինչպես Պարսկաստանում:

Ռուսաստանում ծայր առած հեղափոխությունը հենց սկզբից մեծ անհանգրստություն առաջացրեց Կ.Պոլսում: Ելլըզի տիրակալը՝ Աբդուլ Համիդը, քաջ գիտակցում էր, որ այդ հեղափոխությունը չի կարող արձագանք չունենալ հարևան երկրներում, այդ թվում իր տիրակալության մեջ: Նա բոլոր հիմքերն ուներ տազնապելու, քանզի կայսրության մեկ այս մեկ մյուս ծայրամասում հնչում էին հակասուլթանական սպառնալից կանչեր, օրավուր սաստկանում ու ծավալվում էին խռովությունները: Ուստի սուլթանական գրաքննությունը ամենայն ուշադրությամբ հետևում էր, որպեսզի թերթերի էջերում չերևան հաղորդագրություններ Ռուսաստանում ծավալված հեղափոխական մարտերի մասին:

Սակայն ձեռնարկած միջոցները սպասված արդյունքը չէին տալիս: Եվ դա ամենից առաջ այն պատճառով, որ ռուսական դեպքերի մասին ազատ գրում էին արտասահմանում հրատարակվող երիտթուրքական թերթերը, որոնք չնայած բոլոր արգելքներին, թափանցում էին թուրքիստան և գաղտնի տարածվում: Դրանցից հատկապես առանձնանում էր «Ֆերյադը» (կոչ), որը համարյա բոլոր համարներում մանրամասն հաղորդումներ էր տպագրում ռուսական հեղափոխական դեպքերի մասին և դրանք ուղեկցում հակասուլթանական բովանդակությամբ խմբագրականներով:

Թեև սուլթանն ամեն կերպ ձգտում էր պահպանել և ամրապնդել status quo-ն, բայց բոլոր փորձերը զուր էին անցնում, և օրեցօր կնճռոտ խնդիրներին ավելանում էին նորերը:

¹ Տե՛ս Մ. Ա. Гаспарян, С.Ф. Орешков, Ю.А. Петросян, Очерки истории Турции, изд. «Наука», Москва, 1983, էջ 144:

Դրությունն անհանգիստ էր հատկապես կայսրության ասիական մասում Մերձավոր կամ Արաբական արևելքում:

Արաբների մեջ սկսված հուզումները ոչ միայն չէին թուլանում ու դադարում, այլև տարեցտարի ավելի ընդարձակվում էին, ստանում սպառնալից կերպարանք:

Ռուսական հեղափոխության ազդեցության տակ ապստամբությունները 1906թ. ընդգրկել էր Արաբական ողջ թերակղզին, Մեսոպոտամիան, Սիրիան և մյուս երկրները¹:

Լիբանանցի արաբ գրող Խալեյ Սաադեն 1905թ. առանձին գրքույկով լույս էր ընծայել «Ռուսական հեղափոխության գաղտնիքները» վերնագրով մի պատմվածք, որին կցել էր ոչ մեծ առաջաբան, ուր այսպիսի տողեր կան. «Ռուսական հեղափոխությունը, որի բորբոքված կրակը հիմա էլ բոցկլտում է, առաջ է բերելու արմատական փոփոխություններ մարդկային հասարակության մեջ, պատճառ է դառնալու մարդկության մեջ մինչ այժմ չտեսնված առաջադիմության, այնպես, ինչպես 18-րդ դարի ֆրանսիական հեղափոխությունը, որը հարվածելով հանցագործ բռնապետությունները, փչրել էր դեպիտիզմի երկաթե կապանքները և, մարդկանց տգիտության խավարից դուրս բերելով, առաջնորդել էր դեպի ազատության ասպարեզ»²:

Մտավոր ու կուլտուրական այն շարժումը, որ դեռ 19-րդ դարի կեսերին սկսվել էր Եգիպտոսի արաբների մեջ, այն չփոխները, որ արաբները Միջերկրական ու Կարմիր ծովերի ափերին ունեին եվրոպացիների հետ, արթնացրել էին նրանց գիտակից ուժերին: Արաբն այլևս չէր ուզում մնալ ստրուկի դերում իրենց համար խորթ թուրքական էթնոսի բռնակալական պետության անտանելի լծի տակ: Նա սկսել էր վերհիշել հեռավոր անցած-գնացած դարերի արաբական հզոր պետականությունների վեհությունը, արաբական քաղաքակրթության ծաղկման ժամանակ իր նախնիների մեծագործությունները, ուզում էր աշխարհին ներկայանալ որպես ինքնուրույն կյանքով ապրող ու գործող մի ազգ՝ օսմանյան իշխանություններից անկախ:

Արաբներն արդեն ունեին ուժեղ քաղաքական գործիչներ, որոնք վճռել էին կանգ չառնել ոչ մի արգելքի առջև և շարունակել պայքարը՝ հանուն ազգային վերածնության:

Երբ XIX դարի 90-ականների սկզբներին բռնկվեցին արաբական առաջին հուզումները, թուրքիստանի իշխանությունները դրանք դիտեցին իբրև տեղական անկարգություններ, բայց ահա այժմ պարզվում էր, որ արաբական շարժումները օրեցօր ստանում էին անշրջելի բնույթ:

Ստամբուլի դեմ ապստամբություն էր պարզել և օսմանյան երկար դարերի

¹ Տե՛ս Ե. Կ. Саркисян, Экспансионистская политика османской империи в Закавказье накануне и в годы первой мировой войны, изд. АН Арм. ССР, Ереван, 1962, էջ 45:

² Մեջբերված է «Революция 1905-1907 годов в России и ее всемирно-историческое значение», изд. политической литературы, Москва, 1976, стр. 227.

լուծը դեմ նետելու մեծ վճռականություն էր հանդես բերում հատկապես Եմենը, որը 20-րդ դարի սկզբից դարձել էր արաբական ազատագրական շարժման կենտրոնը¹: Այդ երկրի գինված ցեղերը Մահմուդ և Եահյա ապստամբապետների գլխավորությամբ մի շարք փայլուն հաղթանակներ էին տարել թուրքական զորքերի դեմ, նույնիսկ գրավել հույժակավոր Սանա բերդը: Բոլոր տեղացիներին մահվան սպառնալիքով հրաման էր արձակված չհամարձակվել ուտեստ վաճառել թուրք զորքին կամ որևէ ձևով շփացել թուրքերին: Եմենում թուրքական զորքի հրամանատար Մուշիր Ահմեդ Ֆեյզի փաշան, հուսահատ դրուժյան մեջ ընկած, մեկը մյուսի հետևից դիմումներ էր հղում Կ. Պոլիս և բողոքում անելանելի վիճակից, բայց զուր էին դիմում-խնդրանքները, քանի որ անկարելի էր որևէ սննդամթերք հասցնել՝ ճանապարհները ապստամբների ձեռքին գտնվելու պատճառով:

Թուրք բանակը մատնված էր սովի:

1905-1906թթ. Եմենում թուրքական զորքերի կրած ջախջախիչ պարտությունները Աբդուլ Համիդը վերագրում էր ոչ թե արաբ ապստամբների համառությունն ու Հերոսությունը, այլ իր զորամասերի բարոյալքվածությունը: Նրա հրամանով 1907թ. Եմեն ուղարկվեցին բազմաքանակ ընտիր զորքեր, որոնք նույնպես անցան Ֆեյզի թուրք փաշայի հրամանի տակ: Այս բազմական ուժը նույնպես չկարողացավ կատարել իր առջև դրված խնդիրը, կրեց դառը պարտություններ՝ տալով մեծաթիվ զոհեր²: Այդ ամենը ծանրակշիռ կերպարանք էր ստացել և սարսափ ձգել Ելդըզի վրա:

Եմենի ապստամբությունը արձագանք էր գտնում կայսրության մյուս արաբական պրովինցիաներում³: Սովահար արաբ բնակչությունը դիմում էր պալքարի ամենատարբեր ձևերի, այդ թվում տնտեսական սաբոտաժի, ճանապարհների բլոկադայի, նաև՝ պետական ունեցվածքի ոչնչացման կամ կողպուտի:

Հալեպի բնակչությունը, հացի սղության պատճառով, ինչպես կայսրության ուրիշ քաղաքներում էր արվում, թալանի տվեց վաճառատները և ցորենի ամբարները: Դրանից հետո կողոպուտին մասնակցող արաբ և թուրք կանայք խուճը-խուճը դիմեցին քաղաքի Հեմիդիե թաղը և պաշարելով կուսակալի քոնաղը, փորձեցին խուժել ներս: Զինվորների բռնություններով հաջողվեց ցրել կանանց ամբողջը: Նույն ժամանակ տղամարդիկ հարձակում գործեցին երկաթուղու կայարանի վրա, ուր մեծաքանակ և այլ ապրանքների հակերով

բեռնված էին բազմաթիվ վազոններ: Բունտարարները դաշույններով պատռեցին հակերը և սկսեցին կրել դուրս թափված ցորենը:

Հակաթուրքական պալքարում գնալով ավելի ընդգծված նշանակություն էին ձեռք բերում կրոնափրիստիայական հարցերի շուրջ արաբների և թուրքերի միջև ծագած անլուծելի վեճերը: Դրանք զուտ տեսական երկխոսություններ չէին, այլ արաբ-թուրք հակասությունների խորացմանը նպաստող դավաճանական բուռն վեճեր:

Սկզբից ի վեր տիրած լինելով Մեքքա և Մեդինե քաղաքներին, Թուրքիայի գահակալները հետագայում նկատվեցին որպես աշխարհի հարյուր միլիոնավոր մահմեդականների ոչ պաշտոնական կրոնապետեր: Դրան մեծապես նըպաստեցին գրաված երկրներում թուրքերի ունեցած քաղաքական ազդեցությունը և զինվորական ուժը: Դրա հետ միասին օսմանյան նախորդ սուլթանները միշտ էլ մի տեսակ վարանումով էին հայտարարել, թե իրենք Մուհամմեդ մարգարեի հաջորդն են՝ նկատի ունենալով, որ իրենք սերված են բոլորովին տարբեր արյունից ու ցեղից:

Սակայն իր գահակալության օրոք Աբդուլ Համիդը, որի ապիկար ու բռնակալ ներքին քաղաքականության պատճառով կայսրությունը կորցրել էր օսմանյան երկրների գրեթե կեսը, կարծես հակակշռելու համար այդ կորուստները, ինչպես աշխատության նախորդ գլուխներից մեկում արդեն խոսք է գնացել, ձեռնարկել էր բարդ ու դժվարին, միաժամանակ վերին աստիճանի վտանգավոր գործ՝ համիսլամության (պանիսլամիզմի) հիմնում:

Իր այդ ծրագիրը իրագործելու համար Համիդը չվարանեց տարբեր մահմեդական երկրներ ուղարկել պրոպագանդիստներ և նրանց միջոցով պաշտոնապես կրկին ու կրկին իր անձը հույսակալ խալիֆե, առանց նկատի ունենալու, թե այդ քայլն ինչպես կընդունեն շիա-մահմեդական Պարսկաստանը կամ այլունի-մահմեդական Արաբիան:

Համիսլամության գաղափարախոսության տարածումը սկզբնական շրջանում Թուրքիային բերեց որոշ ֆինանսական օգուտ: Օրինակ՝ Հեջազի երկաթուղու շինարարության կառուցման օգտին կամ վերջին հույս-թուրքական պատերազմի ժամանակ օսմանյան բանակների համար տարբեր երկրների մահմեդականները կամավոր հանգանակություններ էին կատարել, և հավաքված շուգիֆի գումարը դրվել էր սուլթանի տրամադրության տակ:

Բայց դրանք չնչին բաներ էին համեմատած Արաբիայում ծագած ապստամբության հետ, որ, զարմանալի արագությամբ աճելով, դամոկլյան սրի պես կախվել էր կայսրության միասնականության պահպանմանն ուղղված սուլթանական ջանքերի վրա:

Այդ ապստամբության գլխավոր դրդիչ պատճառներից մեկն արաբների արդեն հասունացած գիտակցությունն ու համոզումն էր, թե սուլթանը իրավունք չունի իրեն ամբողջ մահմեդականության հոգևոր պետ համարելու, քանի որ նա մարգարեի սերնդից չէ: Միաժամանակ ապստամբության ծավալ-

¹ Տե՛ս В. И. Шинькова, Младотурецкая революция 1908-1909г.г, изд. "Наука", Москва, 1977, էջ 71-75:

² Տե՛ս Г. З. Алпеш, Турция в период правления младотурок (1908-1918г.г.), изд. "Наука", Москва, 1972, էջ 75:

³ Տե՛ս Е. К. Саркисян, Политика османского правительства в Западной Армении в державы в последней четверти XIX и начале XX в.в., изд. АН Арм. ССР, Ереван, 1972, էջ 222:

մանը նպաստում էին սուլթանի սանձազերծած պատժամիջոցները, հատկապես վարչական պաշտոններից թե՛ մահմեդական, թե՛ քրիստոնյա արաբների մասսայական փտարումները: Այդ արար պաշտոնյաներն, անշուշտ, նախանձախնդիր էին իրենց երկրի շահերին: Դրան գումարվում էր արաբների հին ատերուլթյունը թուրքերի հանդեպ, ինչպես և այն, որ Համիդի կառավարման ամբողջ ժամանակաշրջանում Արաբիան ևս գտնվում էր տնտեսական-վարչական կամայականութուններով լի ողբալի վիճակում, ինչպես օսմանյան կայսրության մյուս հարստահարվող երկրները:

Երկու հակառակ կողմերը՝ արաբներն ու թուրքերը, հավակնում էին նույն իրավունքին՝ ունենալ իրենց խալիֆը: Արաբները երազում էին իրականացած տեսնել այդ վաղեմի իղձը, մշտապես շեշտելով, որ Արաբիան անհիշելի ժամանակներից եղել է արաբներինը, դարեր շարունակ նրանց է պատկանել խալիֆաթը, հետևապես ներկա խալիֆ Համիդի լուծը թոթափելուց հետո եմենը պետք է հիմնի նոր խալիֆաթ և նրա հովանու տակ միավորի թուրքական տիրապետության տակ գտնվող լայնարձակ Արաբիայի բոլոր ըմբոստ ցեղերին:

1901թ. Եմենի հին թագավորական ցեղի ներկայացուցիչ Սադայի իմամ էսադ Համիդեդդինը իրեն հայտարարեց խալիֆ: Եմենը ցնծության մեջ էր:

Այն բանից հետո, երբ մահմեդականությունը փաստորեն երկու խալիֆ ունեցավ, Ելզըզում իսկական տագնապ սկսվեց: Ընտրություն չղնելով միջոցների միջև՝ թուրք կառավարությունը աննկուն համատությունը գործադրում էր բոլոր ջանքերը, մի կողմից, արաբական ապստամբությունը ճնշելու համար, մյուս կողմից, էլ ավելի լայն ծավալ հաղորդում համախառնական քարոզչությանը, որի ազդեցությունը ոլորտում էին նաև Հնդկաստանի տասնյակ միլիոնավոր բնակիչներ՝ հատկապես երկրի արևմտյան նահանգներում: Բավական է ասել, որ հույն-թուրքական հիյալ պատերազմի միջոցին հաղթանակի հասնելու նպատակով մուսուլմանական աշխարհում հայտարարված դրամահավաքին ամենաառատաձեռն մասնակցություն ունեցան մահմեդական հրեղիկները՝ դրանով իսկ արտահայտելով իրենց նվիրվածությունը սուլթան-խալիֆ Աբդուլ Համիդին:

Այդ ամենն անհանգստացնում էր անգլիացիներին: Բրիտանական կառավարությունը խիստ մտահոգված էր Հնդկաստանի ապագայով: Նա չէր կարող ձեռքերը ծալած հանգիստ դիտել, թե ինչ վտանգ է հասունանում գաղութային կայսրության թագի ամենաթանկագին ալմաստի շուրջ: Իսկ այդ վտանգը խիստ իրական էր:

Այս պայմաններում Լոնդոնը նախընտրեց կանգնել Արաբիայի թիկունքում, սկսեց ամեն կերպ քաջալերել ապստամբներին թե՛ խորհուրդներով և թե՛ զենք ու զինամթերք մատակարարելով: Անգլիան մտածում էր թուրքիայի ընկնելուց հետո Արաբիայից իր համար ստեղծել «մի երկրորդ Եգիպտոս», իր ազդեցության տակ առնել մահմեդականության սիրտը համարվող ուխտատեղիները՝ Մեքքա և Մեդինա սրբազան քաղաքները, դրանով իսկ սուլթան

Համիդին զրկել խալիֆի տիտղոսից: Դա կնպաստեր իր ձեռքում ամուր պահել այն մոգական թելը, որից պետք է կախված լինեին համախառնության ընթացքն ու շարժումը: Անգլիացիներն այդ դեպքում հնարավորություն կունենային իրենց ազդեցությունը տարածել ընդհանրապես մահմեդական ողջ աշխարհի վրա: Իսկ այդ կնշանակել ջուրը նետել համախառնության հետ կապված սուլթան Համիդի ծրագրերը, որոնց իրագործման համար նա երկար տարիներ այնքան մեծ ջանքեր էր գործադրել և գլուխ հոգնեցրել:

Տագնապած էր ոչ միայն Համիդը, այլև՝ Ելզըզը, բարձր դուռը, կայսրության ողջ բարձր պաշտոնեությունը: Վերջինիս ամենամեծ մտահոգություններից մեկը և երկյուղն էր դարձել 1906թ. ամառն սկզբին սուլթանի հիվանդության հանգամանքը՝ մահվան հնարավոր ելքով: Ստամբուլում իրարանցում էր ընկել, քանզի Համիդի չրջապատը գերազանց ըմբռնում էր, որ այդ դեպքում պետությունը կրնանք քաղաքական ալեկոծ հոսանքների մեջ, բարդություններ առաջ կգային կայսրության ողջ տարածքի վրա, թուրքերի ձեռքից կզնար ոչ միայն խալիֆաթը, այլև բազմաթիվ ուրիշ աղետներ կկախվեին կայսրության գլխին: Բացի այդ, պալատական չրջաններում կային միմյանց հակառակ բազմաթիվ հոսանքներ, որոնք մինչ այդ երևան չէին գալիս, բայց որոնք կարող էին հանկարծ հորդանալ և պետության առաջ դնել մի շարք անակնկալներ: Դա միանգամայն իրական հեռանկար էր, քանի որ Աբդուլ Համիդը երկրի կառավարումն ամբողջովին կենտրոնացրել էր իր ձեռքում, ոչընչացրել չրջապատի նախաձեռնությունը և բոլորին դարձրել իր պարզ կամակատարը: Ինչ խուճ, նման պայմաններում սուլթանի վախճանից հետո երկիրը կհայտնվեր անդեկ վիճակում:

Բայց 1906-ի օգոստոսին Համիդը կարողացավ հաղթել իր հիվանդությանը և նույնիսկ սկսեց զբաղվել պետական գործերով, թեև արդեն առողջությունը խախտված էր, և ամեն օր կարելի էր սպասել նրա մահվան լուրին:

Հակաթուրքական ըմբոստությունները չէին դադարում Մակեդոնիայում, որի ժողովուրդը սուլթանից տեսականորեն ու համառաբար պահանջում էր կատարել հանձնառությունները և երկրում, վերջապես, բարեփոխումներ կատարել: Բեուլինի վեհաժողովից հետո այնտեղ միշտ անհանգիստ վիճակ էր՝ լուռ բողոքներով և ավելի հաճախ ապստամբական ուժգին պոռթկումներով:

Պետությունները մի շարք փորձեր էին արել այնտեղ բարեփոխումներ մտցնել, բայց քանի որ նրանք աշխատում էին ամեն ինչ անել թուրք պաշտոնյաների միջոցով կամ նրանց անմիջական մասնակցությամբ, ուստի չէր հաջողվում ստեղծել մի այնպիսի դրություն, որի ընթացքում երկրի բնակչությունը խաղաղվեր, հանգիստ ու հանդարտ անձնատուր լիներ իր առօրյա կյանքին և կուլտուրական զարգացման գործին:

Սուլթանական կամարիլիան ոչ միայն մտածել անգամ չէր ուզում բարենորոգումների մասին, այլև պարբերաբար դիմում էր փորձված մեթոդին՝ իրար դեմ գրգռելով Մակեդոնիայում ապրող տարբեր ազգերին, հատկապես կոփ

բորբոքելով երկրի հույն և բուլղար բնակչության միջև: Այդ կամարիլիան բացարձակապես թե և էր տալիս հույն զինված խմբերին, որոնք Հարձակումներ էին գործում բուլղար գյուղերի վրա, ավերում և ջարդում խաղաղ բնակիչներին: Սուլթանն այդ շրջանում հույներին աջակցում էր, որովհետև բուլղարները Մակեդոնիայում մեծամասնություն էին կազմում և իրենց թիկունքում մշտապես զգում էին Հարևան բուլղարական պետության բարոյական և այլ կարգի աջակցությունը: Բացի այդ, Բուլղարիան չէր թաքցնում իր տերիտորիալ պահանջները Թուրքիայից:

Մակեդոնիայում հույն զինված խմբերի կատարած բռնություններն ու սարսափները ծայրեծայր ցնցել էին ամբողջ Բուլղարիան: Հույների և սուլթանի դեմ վրեժի ու աստիության կոչեր էին լսվում Սոֆիայի և երկրի այլ տեղերի բազմամարդ միտինգներում: Սուլթանը լավ էր հասկանում, որ մակեդոնական շարժումը կարող է մոտ ապագայում նոր թափ ստանալ, որի դեպքում Բուլղարիան չէր կարող չեզոք մնալ և անտարբեր դիտել, թե ցեղակիցները ինչպես են կոտորածների ենթարկվում:

Թուրքական կառավարությունը, սակայն, շարունակում էր անտեսել բուլղարների բորբոքված տրամադրությունները և դրա համար հիմքեր ուներ: Եվրոպական միջամտությունը Մակեդոնիայի գործերում դեռևս սահմանափակվում էր անուժ հիշատակագրերով և տաղտկալի առաջադրություններով: Թեև Ավստրիան և Ռուսաստանը իրենց ձեռքն էին առել մակեդոնական խնդրի լուծումը, բայց նրանց միջև կնքված համաձայնությունն անդամալուծված էր Ռուսաստանում ստեղծված քաղաքական ճգնաժամի և Հեռավոր արևելքում ռուսական զորքերի կրած ջախջախիչ պարտությունների պատճառով:

Կայսրության ոչ թուրք ազգերի հակասությունական պայքարում ավելի տևականը և համառը, այնուամենայնիվ, մնում էր հայկական ապստամբական շարժումը:

Հայության նկատմամբ՝ որքան էլ տմարդի եղան թուրքական ոճիրները՝ անգուժ հալածանքներ ու թալաններ, գազանային կոտորածներ ու հոշոտումներ, որոնցով գերեզման իջան տասնյակ հազարավոր հայեր, որքան էլ սարսափելի էին ավերումներն ու հրդեհները, որոնցով քարուքանդ արվեցին գյուղեր ու ամբողջ գավառներ, դատարկվեցին տարածքներ, այնուամենայնիվ, Հայաստանում չդադարեցին հեղափոխական կազմակերպությունների աշխատանքը, ֆիդայական կռիվները, ժողովրդական ընդվզումները: Չլուծված հայկական հարցը առաջվա պես մնաց սպառնական վիճակում: Հայությունը սպասում էր իր դատի լուծմանը՝ ազատագրվելու համար այն դժոխքից, որի մեջ ընկած էր:

Ռուսաստանում ծավալված ազատագրական կռիվ մասին լուրերը ծայրահեղորեն բորբոքել էին թուրքահայոց հետաքրքրությունը Հարևան երկրում տեղի ունեցող իրադարձությունների նկատմամբ: Հատկապես թուրքահայ մտավորականության որոշ մասը հույսեր էր փայփայում, թե Ռուսաստանում ցարական միապետության տապալումը և երկրում դեմոկրատական կարգերի

հաստատումը խթան կհանդիսանան Թուրքիայում բարենորոգումներ անցկացնելուն և կայսրությունն աստիճանաբար քաղաքակիրթ կյանքի հուն մտցնելուն:

Արևմտահայ ազատագրական պայքարի գաղափարախոսներից գրող Արփիար Արփիարյանը բարձր գնահատելով ռուսական հեղափոխության ազատագրական նշանակությունը և հայության փրկությունը կապելով այդ հեղափոխության հաղթանակի հետ՝ գրում էր. «Ինչ որ Ռուսիոյ մեջ կը պատահի, ա՛ն մեզի՛ Հայերիս, գերազանց աստիճանով կը շահագրգռե, ոչ թե իբր ժամանցի հետաքրքրութեամբ, այլ մեր վրայ ամենահզոր ազդեցությամբ ներգործելու ապահովութեամբ»: Գրողը համոզված էր, որ հեղափոխության հաղթանակը բարձր կյանք կբերի կովկասահայերին, միաժամանակ հավատում էր, թե դա կարող է նպաստել նաև թուրքահայերի ազգային ազատագրությանը: «Կովկասի Հայոց առաքինությունը պիտի փրկե Թուրքիոյ Հայությունն ալ»: Ա. Արփիարյանը ռուսական հեղափոխության ազդեցության տակ գրեց բանվորների կյանքին նվիրված «Ոսկի ապրիլ» վիպակը¹ և մի շարք պատմվածքներ ու ակնարկներ²:

Հարկ է նշել, որ օսմանյան կայսրության մեջ հակասուլթանական բոլոր երևույթները մինչև 1906 թվականը տեղի էին ունենում միայն այլազգի հարստահարված ժողովուրդների մոտ: Բայց հիշյալ թվականի սկզբներին նկատելի դարձավ, որ վիճակն աստիճանաբար փոխվում է: «Հիմա գրեթե ստոյգ է որ թուրքերն ալ կսկսին շարժիլ ռուսիոյ յեղափոխութեան ազդեցութեամբ»³, - գրում էր Ա. Արփիարյանը:

Թուրք ժողովրդի այն մասը, որ սնուցում էր հակակառավարական զգացումներ, բաժանվում էր երեք գլխավոր շերտի:

Առաջին շերտի մեջ այն թուրքերն էին, որոնք բողոքում էին իշխանավորների շահատակությունների դեմ, դրանցից ոմանք էլ դժգոհ էին Կ.Պոլսի կառավարությունից այն բանի համար, որ սա ձեռք չի առնում անհրաժեշտ միջոցներ անձահարելու շահատակությունների հեղինակներին: Այս շերտի գլուխն էին կանգնած կալվածատերերը, ընդհանրապես հարուստները, որոնք փորձում էին ժողովրդին համոզել, թե աշխատավորների դժբախտության ու թշվառության միակ պատճառն անօրեն պաշտոնյաներն են:

Երկրորդ շերտի մեջ հիմնականում հոգևորականներ էին, թունդ պահպանողականներ և հետադիմական այլ անձինք, որոնք իրենց մեջ քեռությունը սնուցանում էին համիլյանական գաղափարներ ու ցնորքներ: Սրանք խիստ դժգոհ էին այն բանի համար, որ, ըստ իրենց, իշխանություններն անհրաժեշտ խստությունը ու վճռականությունը չէին պայքարում եվրոպական նորամու-

¹ «Շիրակ» (Կահիրե), N 1, 1906, էջ 58:

² Տե՛ս «Շիրակ», N 2, 1906, էջ 108-122, N 3, 1906, էջ 130-146:

³ Տե՛ս օրինակ՝ «Լուսաբեր» (Կահիրե), 26 հունվարի, 12 փետրվարի, 2 մարտի 1907թ.:

⁴ «Լուսաբեր», N 169, 11 հունվարի 1906թ.:

ծուխյունների դեմ, դրանց քայքայող ազդեցություններից չէին պաշտպանում թուրքական-մուսուլմանական ավանդույթներն ու սովորությունները:

Երրորդ շերտը բաղկացած էր այն անձանցից, որոնք դժգոհ էին երկրում տիրող բռնապետական հակամարդկային կարգերից: Ըմբոստների այս ոչ մեծաթիվ մասն էր, որ քիչ թե շատ հետևողականությամբ մատը դրել էր բուն վերջին և հանդես էր գալիս սուլթանական ռեժիմի վերափոխման կամ գոնե թուլացման պահանջով:

Բանն այն է, որ այս շերտի գույնը որոշելն անկարելի էր, քանզի նրա ներսի անձինք չունեին որոշակի քաղաքական հայեցակետ ու աշխարհայացք: «Հեղափոխական» կոչված այս շրջանակի մեջ վիստում էին մութ նկարագրի տեր անհատներ, նաև անբարո մարդիկ, որոնք հեղափոխականի դիմակի տակ մըտադիր էին վրեժ լուծել իրենց անձնական հակառակորդներից:

Այս երրորդ շերտի մեջ, անշուշտ, կար նաև խիստ սահմանափակ թիվով մի մաքուր տարր, որը բաղկացած էր գաղափարական նվիրյալներից և նրանցից, ովքեր վերադարձել էին աքսորավայրերից, ուր երկար տարիներ տառապել էին իբրև քաղաքական հանցագործներ:

Դեռևս 1905-ի կեսերից ավանդական «Հիվանդ մարդը» սկսել էր ցույց տալ ներքին անհանգստության նշաններ թուրք տարրի մաքում կատարվող խմորումից, որը անխուսափելիորեն տանելու էր դեպի հասարակական ցընցումներ:

Իշխանությունների դեմ դժգոհությունը հատկապես նկատելի էր թուրք գյուղացիության առավել հարստահարված խավերի մոտ: Դժգոհության պատճառներից մեկը տուրքերի ծանրությունն էր, պաշտոնյաների կատարած զեղծումները: Գավառներում հավաքված տուրքերը ուղարկվում էին Կ.Պոլիս, իսկ տեղական պետքերին հատկացվում էր ամենաչնչին մասը միայն:

Նշելով, որ թեև թուրք գյուղացիները Հայաստանի հայերի նման չեն ենթարկվում քրդերի գազանություններին, Մ. Փորթուզայանի «Արմենիան» անդրադառնում էր նրանց տնտեսական ծանր դրությունը, գրելով. «Մենք չենք ուրանում, որ թուրքական ստոր ռեժիմից կենդուհին նոյնպես և հպատակ թուրքերը: ... Ստորին պաշտոնեաները տղրուկի պես կը ծծեն անոնց արյունը, տուրքերու անուևոֆն անոնց տակի փայսան անգամ կը տանին»:

Թուրք ժողովուրդը կամ գոնե զգալի թիվ կազմող նրա մի մասը սկսում էր հասկանալ, որ իր արյուն-քրտինքով վաստակած փողերը ամենևին չեն գործադրվում տնտեսական բարգավաճման և կրթական զարգացման վրա: Նա տեսնում էր, որ ամիսներ շարունակ ռոճիկ չի վճարվում տեղական, հատկապես կրտսեր պաշտոնյաներին, որի հետևանքով սրանք իրենց ապրուստը հոգալու համար անխնա կաշառք են վերցնում, կեղեքում ժողովրդին:

Նվազ դժգոհ չէր սակավաթիվ թուրք մտավորականությունը: Ամենա-

խիստ, անողորմ գրաքննությունը իշխում էր բոլոր հրատարակությունների վրա: Բոլոր լրագրերը՝ թուրք, հայ, հույն, ֆրանսալեզու և այլն, խղճալի վիճակում էին: Օտար երկրներում տեղի ունեցող կարևոր քաղաքական դեպքերի մասին թերթերն իրավունք չունեին գրելու՝ առանց գրաքննության: Եթե մարդու ստացած տեղեկությունների աղբյուրը միայն Կ.Պոլիս լրագրությունն էր, ապա նա չէր կարող իմանալ, որ, օրինակ, հարևան Ռուսաստանում եղել է հեղափոխություն, գումարվել է երկու դուևա, որ հարևան Պարսկաստանում հրատարակված է սահմանադրություն, գոյություն ունի պարսկական պառլամենտ: Նա չգիտեր, որ Մարոկոյում ֆրանսիացիք ուժեղացել են Կասաբլանկան և ջարդ տվել արաբներին, չգիտեր նույնիսկ, որ Եմենում թուրք զորքը կռվում է ապստամբ արաբների դեմ:

Թուրք գրականության լավագույն նմուշների վրա, ամենազանազան առիթներով, դրվում էր արգելք, որի հետևանքով հրատարակը մնում էր միայն գեղարվեստական ցածր մակարդակ ունեցող, բայց սուլթանին և նրա կամարիլային գովերգող «գրականությունը»:

Առաջինը 1906թ. մարտ ամսին հակահատավարական ցույցեր արեցին Գասթեմուևի թուրքերը: Դրանց պատճառը օր օրի մեծացող հարկերն էին, պաշտոնյաների ահավոր չափերի հասնող կաշառակերությունը և մսխումները: Հուզված թուրք ամբոխը Լինչի դատաստանին ենթարկեց իր իսկ ցեղակից աղաներին, որոնք ամբարել էին հացահատիկը, բարձրացրել գինը և ժողովրդին մատնել սովի ճիրաններին¹:

Ցույցերը և մասսայական բողոքներն այստեղ շարունակվեցին մինչև մայիս ամիսը: Գասթեմուևիի դեպքերը մեծ տհաճություն էին պատճառել սուլթանին, որը մինչ այդ իր ժողովրդին դիտում էր որպես համբերության ու խոնարհության օրինակ: Նա մտածում էր, որ եթե իր դեմ սկսեն ընդվզել նաև թուրքության օրինակ: Ահա թե ինչու Աբդուլ Համիդը որոշեց գիղել և հանգստացնել կրքերը: Հետևանքը այն եղավ, որ Գասթեմուևիի բնակչությունը հասավ իր նպատակին: Թուրք բնակչության տուրքերը կրճատվեցին, փոխվեցին վիլայեթի պաշտոնյաներից շատերը, այդ թիվում կուսակալը:

Իշխանությունների դեմ Գասթեմուևիի թուրք բնակչության ընդվզումն անսպասելի նորություն էր ինչպես համիդյան վարչակարգի, այնպես էլ հայության և կայսրության մյուս ոչ թուրք ժողովուրդների համար: «Փառք Ալլահին, որ այս անգամ թուրքն էլ կրցավ զգալ տիրող անտանելի դրությունը և արտահայտել իր դժգոհությունը», - գրում էր «Դրոշակը»², - գրում էր «Դրոշակը»:

Գասթեմուևիի թուրքերի խլրտումները որոշ իմաստով տնտեսական - դասակարգային հակասությունների թույլ արտահայտություններ էին, սոցիալա-

¹ «Արմենիա», 15 նոյեմբերի 1905թ.:

¹ Տե՛ս Ю. А. Петросян, Младотурецкое движение (вторая половина XIX- начало XX в.), изд. "Наука", М., 1971, էջ 223:

² «Դրոշակ», N 5 (171), մայիս, 1906, էջ 69:

կան ըմբոստացման համարյա առաջին օրինակը, թեև տակավին ծայրահեղորեն անգիտակից ու անկազմակերպ:

Ավելի համառ ու երկարատև եղավ էրգրում քաղաքի թուրքերի հակակառավարական պայքարը, որն սկսվեց 1906թ. ապրիլին և տևեց շուրջ մեկ տարի¹: Ինչպես Գասթեմուճի, էրգրումի թուրքերի հակակառավարական ելույթների հիմքում նույնպես ընկած էին տնտեսական պատճառներ, և շարժումն ունեւր սոցիալական բնույթ²:

Դեռ 1905 թվականի կեսերին Պոլսից հրաման էր եկել, որ անհատական տուրք (չախսի վերկիսի) պիտի վճարեն ոչ միայն քրիստոնյաները, այլև մահմեդականները, այդ թվում թուրքերը: Բայց թուրք բնակչությունը չէր վճարում պատճառաբանելով, որ մյուս բազմաթիվ տուրքերի հետ այդ տուրքը նույնպես միշտ վճարել են քրիստոնյաները, և նրանք էլ պիտի շարունակեն վճարել: Չնայած էրգրումի կուսակալ Նազըմ փաշան մեծ ջանքեր գործադրեց, բայց թուրքերը հրաժարվեցին անհատական տուրք վճարել նաև 1906 թվականի սկզբից³:

Ամեն ինչից երևում էր, որ դժգոհություններն ու բողոքները գնալով ընդգրկելու են քաղաքի թուրք բնակչության նորանոր խավեր: Բանն այն էր, սակայն, որ այդ դժգոհություններն ու բողոքները կարիք ունեին ուղղորդվելու թուրք որևէ քաղաքական ուժի կողմից, որ դեռևս չէր երևում:

Տվյալ պահին հնարավոր ղեկավարող ուժ կարող էր լինել քիչ թե շատ կազմակերպված «Միություն և Առաջադիմություն» կազմակերպությունը: Դաշնակցության «Երկիր» (Թիֆլիս) թերթը գտնում էր, որ «Երիտասարդ թուրքերին մնում է թողնել Եվրոպայում իրենց անպտուղ ճամփորդությունները, երկրից հեռու իրենց անօգուտ Հրատարակությունները և շտապել գլուխ անցնելու տանջվող ու բողոքող ժողովրդին...»⁴:

Այդ էին պահանջում սուլթանական կարգերին ընդդիմադիր թուրքերը Կ. Պոլսում, Իզմիրում, Տրապիզոնում, Սեբաստիայում, էրզրումում, կայսրության ուրիշ քաղաքներում, տարբեր վայրերում տեղակայված բանակային մասերում ու գինված կայազորներում, այսինքն՝ այնտեղ, ուր երևացել էին հակակառավարական ըմբոստության նշաններ:

1906թ. «Միություն և Առաջադիմություն» կոմիտեն իր նստավայրը, վերջապես, արտասահմանից տեղափոխեց Սալոնիկ և ձեռնարկեց ընդհատակյա հեղափոխական բլիշների կազմակերպումը⁵:

Մարտ ամսի կեսերին քաղաքի թուրքերն ըմբոստության առաջին նշանները ցույց տվեցին: Հուզումը ղեկավարում էին տեղի մուֆթին և ուրիշ անվանի թուրքեր:

Այն բանից հետո, երբ կուսակալը սպառնաց ուժ գործադրել, թուրք բնակչությունը դուրս եկավ բազմամարդ ցույցերի¹:

Ելույթներից մեկի ժամանակ ցուցարարները սաստիկ գրգռված խուժում են կառավարական պաշտոնատները և ավերում:

Պոլսի բռնապետը, ժողովրդին հանգստացնելու համար, պաշտոնանկ է առնում կուսակալին: Բայց երեք-չորս շաբաթ անց սուլթանը, երբ վտանգը համարել էր անցած, նորից կուսակալին վերահաստատում է իր պաշտոնում:

Ժողովուրդը, դրանից զայրացած, ուխտեց մինչև վերջ համախուժված լինել իր ղեկավարների շուրջը և շարունակել պայքարը: Բայց Նազըմ փաշան որոշեց հեշտույթյամբ տեղի չտալ և այդ նպատակով թուրքերի շարժմանը տալ Հայկական խնդրի կերպարանք, առաջ բերել կոտորած կամ գոնե կողոպուտ՝ Հույս ունենալով, որ այս գործում իրեն կաջակցեն «բարեկամ» մեծանուն Հայերը²:

Բայց դիվային այդ մտադրությունը ձախողվեց: Թուրք բնակչությունը շարունակում էր բողոքները և սպառնում նորից խուժել պետական պաշտոնատները: Տեսնելով, որ բնակչության կրքերը չեն հանդարտվում, սուլթանը Պոլսից էրգրումի կուսակալին փոխանակում է Դիարբեքրի կուսակալ Աթա բեյի հետ:

Նոր կուսակալին ժողովուրդն ընդունեց սպասողական դրույթյան մեջ: Առաջին իսկ օրից նա ցույց տվեց իր Հայաստացույթյունը. նախորդ կուսակալի «բարեկամ» պնակալեզ հայ երևելիներին նա արգելեց մասնակցել իր սելամիֆին, նաև Հայտարարեց, որ եթե նրանք երբևիցե իր հետ գործ կունենան, պետք է գան սարայ (կառավարական տուն), իսկ իր տուն գալու փորձ անգամ չպիտի անեն:

Զբավարարվելով դրանով՝ նոր կուսակալը գործ դրեց իր ողջ կրոնամուլությունը՝ Հայերի դեմ գրգռելով թուրքերին: Սրանք, բարեբախտաբար, այս անգամ արթուն գտնվեցին և չընկան սաղրիչի թակարդը:

Թուրքերը սպասում էին, թե Աթա բեյը ինչ վերաբերմունք է ցույց տալու նոր Հարկերի հանդեպ: Կուսակալը անզգուշույթյուն հանդես բերելով՝ նրանց ներկայացուցիչներին հասկացնել էր տվել, որ Հարկերը պիտի վճարեն նաև թուրքերը, գոնե Հայերից գանձվելիք Հարկերի մեկ քառորդի չափով:

Կուսակալի կարծիքն իմանալուն պես՝ թուրքերն իրար անցան: Փակելով քաղաքի բոլոր վաճառատները՝ նրանք Հայերին առաջարկեցին հետևել իրենց:

1906թ. ապրիլի կեսերին տեղի է ունենում մեծ ցույց, որին մասնակցում են նաև Հայերը: Ցուցարարները, չբավարարվելով կուսակալին հեռացնելով, պահանջում են քաղաքից վտարել նաև առավել անտանելի պաշտոնյաներին:

¹ էրգրումի 1906-1907թթ. դեպքերի մասին տե՛ս «Турецкий сборник», изд. Восточной литературы, Москва, 1958, էջ 51- 65:

² Այդ մասին տես «Անկախ մամուլ», N 1, 1 դեկտեմբերի 1907թ.:

³ Տե՛ս «Կովկասի առավոտ», N 1, 21 սեպտեմբերի 1907թ.:

⁴ «Երկիր», N 16, 18 հոկտեմբերի 1906թ.:

⁵ Տե՛ս А. Ф. Миллер, Краткая история Турции, ОГИЗ, Госполитиздат, Москва, 1948, էջ 120:

¹ Տե՛ս «Արշալոյս», N 71, 2 ապրիլի 1906թ.:

² Տե՛ս «Վտակ», N 11, 2 դեկտեմբերի 1907թ.:

Ցույցի ընթացքում գինվորական Հազարապետ Կրպաճ Մուստաֆա էֆենդին գինվորներին հրաման է արձակում կրակել ամբոխի վրա. տեղուտեղը երկու թուրք սպանվում են, մի քանիսը՝ վիրավորվում:

Գործի քննության համար սուլթանը Երզնկայից էրզրում է ուղարկում իր սիրելի զորապետներից մեկին՝ 4-րդ բանակի գլխավոր հրամանատար Զեքի փաշային: Քննության արդյունքում Հազարապետ Մուստաֆա էֆենդին պաշտոնազրկվում է, այնուհետև սկսվում են ցույցին մասնակցած թուրքերի և Հայերի ձերբակալությունները:

Եվ այսպես, թուրքական բանտում Հայերի հետ առաջին անգամ Հայտնըվում են թուրք քաղաքական բանտարկյալներ:

Բռնապետության հաստատուն պատվանդան նկատված մահճակալի ամբողջ Հայերի կոտորածների սև օրերին ոչ միայն խուլ էր մնում, այլև կույր գործիք՝ սուլթանի ձեռքում: Այժմ էրզրումի թուրքերը հրապարակ էին իջել Հայերի հետ ձեռք ձեռքի:

Թուրք քաղաքացիներից շատերը գուրգուրանք էին ցուցաբերում դրացի Հայերի հանդեպ, նրանց համարում գազան կառավարության անմեղ գոհեր: «Կովկասի առավուրդ» (Թիֆլիս) գրում էր, որ թուրքական կառավարությունն ամեն կերպ աշխատում է խոչընդոտներ հարուցել թուրք-Հայ նոր ծնվող Համերաշխության դեմ, բայց, բարեբախտաբար, ապարդյուն են մնում այդ ջանքերը: «Մահճակալի մասսան, - գրում էր թերթը, - աստիճանաբար գիտակցության է գալիս, և այլևս հեշտ չէ նրան մոլորեցնելը: Կարինի մեր թղթակցի նամակից երևում է, որ թեև կառավարական գործակալները ամեն ճիշտությամբ են Հայերին ու թուրքերին թշնամացնելու, բայց չի հաջողվում: Թուրքերն, ընդհակառակը, հոգատար եռանդով դիմում են իրենց հարևաններին և նրանց զգուշացնում պատրաստվող դավերից»¹: «Թուրքագ զարտաշի» (Երկրակից եղբայր) բառերը շատերի շուրթերին էին:

Հայկական մամուլը բերկրանքով էր արձանագրում էրզրումում թուրք ժողովրդի մեջ սկսված հակահատվարական ելույթը՝ այն համարելով թուրք ժողովրդի ապագա լայնածավալ շարժման նախանշաններից մեկը, դեռ թույլ ու դժգույն, բայց արժանի ջերմ քաջալերանքի²:

Հ.Յ.դաշնակցության օրգան «Երկիր» (Թիֆլիս) թերթը «Հուզումները թուրքիայում» վերնագրով հոդվածում գրում էր. «Վիճակված է արդյոք այդ հինավուրց քաղաքին օրրանը և առաջապահը լինել վերածնվող թուրքիայի: Այդ ցույց կտա ապագան: Ուրախալին, ուշագրավն այն է, որ այսօր թուրք ժողովուրդը դարավոր քնից արթնանալու նշաններ է ցույց տալիս, և, փոխանակ առաջվա պես կառավարական պաշտոնյաների դավերով մոլորության մեջ ընկած՝ Հայրենակից ու բախտակից Հայ ժողովրդի վրա ձեռք բարձրաց-

նելու, խիզախում է սուլթանական բռնակալության և նրա մեծ ու փոքր արբանյակներին, տղրուկ և վատթար արարածներին կոկորդը բռնելու»¹:

Հայ մամուլը մշտապես հարց էր տալիս, թե արդյո՞ք երկար է տևելու թուրքերի մեջ սկսված ըմբոստացումը, քանի որ մտավախություն ունեն, որ եթե կայսրության ուրիշ նահանգներ չհետևեն էրզրումի և Գասթեմուռեի օրինակին, ապա Համիդյան ռեժիմը, իր անսահման ճկունության շնորհիվ, շատ շուտով դուրս է գալու կնճատ իրավիճակից:

Իրենց հերթին փորձառու գլուխները-թուրք թե Հայ - սպիտակ մորուքները շփելով, վատ վախճան էին կանխատեսում ըմբոստ բնակչության և նրա ղեկավարների համար, գտնելով, որ վաղ թե ուշ կառավարությունն իր դաժան գայրույթը թափելու է նրանց գլխին:

Կառավարական բռնություններն ի վիճակի չեղան ահաբեկելու էրզրումի գրգռված թուրք բնակչությանը: Իշխանությունները կրկին պահանջում էին անհատական տուրքը, թուրքերը կրկին հրաժարվում էին վճարել: Ավելին, վերջիններս շարունակում էին սպառնալիքներ հղել կառավարությանը, դիմում էին նաև գործադուլների, ըմբոստության այլազան ցույցերի²:

Էրզրումի նոր դեպքերի կապակցությամբ 1906 թվականի հունիսին Պուսից այնտեղ ուղարկվեց երկու քննիչ՝ Պետական խորհրդի (Շուրայի դեվլեթի) անդամ Մուստաֆա բեյը և Մուշի նախկին կառավարիչ Հյուսիսի բեյը: Երբ սրանք էրզրում հասնելով ձեռնարկեցին քննության, իրենց կայան ընտրեցին քաղաքի գինվորական վարչության պաշտոնատունը և հարցաքննության համար այնտեղ էին կանչում մարդկանց: Ժողովուրդը զանգվածաբար կրկին ցույցի դուրս եկավ, բողոքեց այդ ընթացքի դեմ և պահանջեց քննությունը կատարել քաղաքապետարանում: Ցուցարարները միաժամանակ սպառնացին, որ ցույցերի առիթով որևէ մեկին ձերբակալելու դեպքում անմիջապես պարզելու են անգլիական դրոշ և ընդունելու բրիտանական հպատակություն, վստահ լինելով, որ «ինկիլդը» իսլամներին ավելի լավ է պաշտպանելու, քան Համիդը:

Քննիչները ստիպված էին տեղի տալ այդ պահանջների առջև: Վերջացնելով իրենց քննությունները՝ նրանք հուլիսի սկզբներին մեկնեցին Կ.Պոլս և արդյունքները ներկայացրին արդարադատության վարչությանը:

Ստուգումների արդյունքում կառավարությունը սկսեց ավելի կասկածաբով նայել էրզրումի տարրերին և որոշեց քաղաքի ժանդարմներին փոխարինել ոչ էրզրումացիներով: Այդ նպատակով Պուսից Տրապիզոնի կուսակալին հրաման իջեցվեց՝ իր ենթակա վիլայեթում մոբիլիզացնել 450 ձիավոր ու հետևակ ժանդարմներ և նրանց ուղարկել էրզրում: Կուսակալը կատարեց հրամանը, և օգոստոսին պահանջված թվով ժանդարմները մեկնեցին նշանակված տեղը:

¹ Տե՛ս «Կովկասի առավուրդ», N 1, 21 սեպտեմբերի 1907թ.:

² Նույն տեղում:

¹ «Երկիր», N 16, 18 հոկտեմբերի 1906թ.:

² Այդ մասին տե՛ս «Երկիր» (Թիֆլիս), N 17, 20 հոկտեմբերի, N 19, 22 հոկտեմբերի 1906թ.:

1906թ. օգոստոսին Պոլսում, Իզմիրում և Թուրքիայի ուրիշ քաղաքներում տարածվեց թուրքերեն մի կոչ, որի տակ կար «ազատախոհ թուրքերի գորումն կոմիտե» ստորագրութիւնը: Այդ կոմիտեն կազմակերպվել էր Էրզրումում:

Կոչում ասված էր, որ օսմանցիութիւնը նվիրական անուն է բոլոր Հայրենակիցների Համար՝ անկախ նրանց ազգային պատկանելիութիւնից: «Օսմանցիութեան դրոշակի տակ 600 տարի ապրեցինք և դեռ պիտի ապրենք»: Թե ինչպե՞ս են ապրել, այդ Հարցին կոչը պատասխան էլ տալիս, բայց Համիդի իշխանութեան երեսուն տարիները Համարում էր դժբախտութեան տարիներ: «Այս անգութ կառավարութիւնը նույն Հայրենիքի եղբայր ցեղերը կոտորել է տալիս նույն ցեղերի միջոցով», իսկ «մենք՝ թուրքերս, ոչ մի վրդովմունք ու ցավ չենք արտահայտում»¹:

Ի՞նչ անել նման վիճակից ազատվելու Համար: «Միակ միջոցն է՝ տապալել բռնակալ կառավարութիւնը, վերականգնել սահմանադրութիւնն ու արդարութիւնը»: Բայց ինչպե՞ս իրականացնել այդ նպատակը, եթե թուրքերն ընդարձակ կայսրութեան մեջ ցրված լինելով, չեն կարող ընդհանուր շարժում առաջ բերել թշնամի կառավարութեան դեմ: Կոչի Հեղինակները միայն մի ելք էին տեսնում՝ կայսրութեան բոլոր ազգերի լավագույն որդիների միասնական, Համառ պայքարով Հասնել երազած կարգերի Հաստատմանը: Նրանք գտնում էին, որ թշնամի կառավարութեան դեմ պայքարող թուրքերի Համար օրինակ պետք է ծառայեն Գասթեմուռնիի և Էրզրումի դեպքերը: Անգութ սուլթանն Համիդի գանգի մեջ «Գասթեմուռնի» և «Էրզրում» բառերը ընկճում են նրան, և նա վախից անհանգստացած է մեծապես: «Իրենց իրավունքների պաշտպանութեան Համար երկու վայրերի բռնած ընթացքը, - նշված էր կոչում, - որևէ քաղաքական նպատակից զուրկ, բայց իրենց շահերի վրա հիմնված հաղթանակ է բռնակալ կառավարութեան դեմ: Ինչ էլ որ լինի, դեպի նպատակը տանող ամեն մի միջոց մենք օրինավոր և հարգելի ենք Համարում: Այս միջոցները, որքան էլ անձնական շահից ծագած լինեն, սակայն, նկատելով, որ շահի գիտակցութիւնն էլ առաջադիմութիւն և մարդկային պարտականութիւն է, մենք սրտանց կցանկանայինք այս առաջադիմութիւնը, այս գիտակցութիւնը տեսնել բոլոր նահանգների, գյուղերի և Համայնքների մեջ»²:

Վերջում ազատախոհ թուրքերը գրում էին. «Այսօր գոչում ենք. կեցցեն՝ գասթեմուռնցիները, կեցցեն՝ Էրզրումցիները: Մենք կուզենայինք այսօր կամ վաղը նույնպես ցնծութեամբ աղաղակել՝ կեցցեն՝ գոնիացիները, բաղդադցիները, կեցցեն՝ իզմիրցիները, սելանիկցիները, պուրսացիները, կեցցեն՝ խարբուրդցիները՝, դիարբեքիցիները, կեցցեն՝ պոլսեցիները և, վերջապես, կեցցեն՝ բոլոր օսմանցիները»³:

¹ «Գրողակ», N 8 (174), օգոստոս, 1906, էջ 119:

² Նույն տեղում:

³ Խարբուրդցիները:

³ «Գրողակ», N 8 (174), օգոստոս, 1906, էջ 122:

Էրզրումի թուրքերը չէին հանդարտվում: 1906թ. աշնանը բողոքների ալիքը նոր ուժով տարածվեց քաղաքով մեկ՝:

Սեպտեմբերին Պոլսից ցուցում եկավ ձերբակալել Էրզրումի ցույցերի 120 կազմակերպիչներին ու ակտիվ գործիչներին և առանց դատավարութեան աքսորել զանազան տեղեր:

Ոստիկանները ձեռնարկեցին առաջին խմբի ձերբակալումը: Հոկտեմբերի 23-ի գիշերը նրանք մտնում են 10 թուրք երևելիների տները, և փնտրվածներից միայն 5 Հոգու գտնելով, նույն գիշերը նրանց ճամփա են հանում Պոլիս:

Ձերբակալվածների մեջ էր նաև ամբողջ Էրզրումի վիլայեթի իսլամ կրոնապետը՝ մուֆթին, որը գիշերն անարգվել էր ոստիկանների կողմից, իսկ ընտանիքի անդամները ենթարկվել էին ծեծի:

Մինչ քաղաքայիններին Էրզրումից տանում էին Տրապիզոն՝ Պոլիս ուղարկելու Համար, մուֆթուն և նրա ընտանիքին անարգելու լուրը առավոտյան տարածվում է քաղաքով մեկ և կրկնապատկում թուրքերի Հուզմունքը: Իմանալով եղելութեան մասին՝ քաղաքի ընդհատակում գտնվող երիտթուրքական կազմակերպութիւնը Հայտարարում է գործադուլ, միաժամանակ գումարում է գաղտնի ժողով, որտեղ որոշում է ընդունվում բանտարկել նահանգապետին և Պոլիս տարվողներին ամեն գնով ճանապարհից Հետ բերել: Նույն օրը քաղաքով մեկ տարածվում է ցույցերի ու գործադուլների ալիքը, ցուցարարները նույնիսկ գրավում են հեռագրատունը:

Քաղաքի առավել ատելի պաշտոնյաները՝ ոստիկանական կոմիսար Ալլայ բեյը, ուրիշ ոստիկաններ և պետական ծառայողներ, զինվորների Հսկողութեամբ ապաստանում են պահականոցում: Ամբոխը, մի խումբ դադաշների զբխավորութեամբ շարժվում է այնտեղ: Մի փոքր դիմադրութիւնից Հետո զորքը ճամփա է բացում: Ամբոխը խուժում է պահականոց և այնտեղից դուրս բերում ատելի պաշտոնյաներին: Առաջին Հերթին մահակի ու կացնի Հարվածներով սպանվում է ավագ ոստիկանապետը՝ Ալլայ բեյը: Ամբոխը ուրախութեամբ աղաղակներ է բարձրացնում: Երիտթուրք կոմիտեի անդամներից մեկը խուզարկում է սպանվածի գրպանները և հանում մի ցուցակ՝ քաղաքի ենթակա 60 թուրքերի անուններով: Գանակոծվում ու արյունլվա են լինում մյուս պաշտոնյաները: Քիչ Հետո խմբավում է, որ պահականոցում թաքնված է Ալլայ բեյի որդին՝ ոստիկանական երկրորդ կոմիսարը: Բռնելով, դադաշները նրան շենքի պատշգամբից նետում են ցած, և վայրի ամբոխը Հռչատում է մարմինը: Սպանվածների բախտին է արժանանում նաև ոստիկաններից մեկը²:

Պահականոցում իր գործը վերջացրած Համարելով՝ ամբոխը Հարձակվում է նահանգապետի տան վրա: Զինվորները Հրացանային Համազարկերով փակում են ամբոխի ճանապարհը: Հարձակվողները Հետ են քաշվում: Տեսնելով

¹ Տե՛ս «Արշալոյս», N 71, 2 ապրիլի 1906թ.:

² Տե՛ս «Վտակ», N 12, 4 դեկտեմբերի 1907թ.:

այդ՝ զինվորները նրանց հետևից գոչում են. «Ինչու» եք փախչում. մենք օդում ենք կրակում»: Դա նշանակում էր, որ նահանգի իշխանությունը գրկվում է նաև զորքի աջակցությունից:

Ասելով զինվորների խուճբերը՝ ամբոխը վերադառնում է ու, չհանդիպելով որևէ դիմադրության, նորից հարձակվում է նահանգապետի տան վրա: Բուպենների ընթացքում նահանգապետին քարչ են տալիս փողոց և, արյունլի անելուց հետո, ձգում մզկիթի մի անկյուն: Դադաչները նրան ստիպում են անմիջապես հեռագրել պետք եղած տեղը և ճանապարհից հետ դարձնել աքսորվողներին, ասելով. «Վալի փաշա, եթե աքսորյալները մինչև երեկո չգան, քեզ էլ կոմիսարի պես պիտի սատկացնենք»: Նահանգապետը ստիպված ստորագրում է նոր հրաման, հետ վերցնում ցույցերի կազմակերպիչներին աքսորելու իր նախորդ հրամանը և հեռագրով կարգադրում է աքսորյալներին ճանապարհից վերադարձնել էրզրում:

Նախքան նահանգապետի կողմից նոր հրաման տալը, էրզրումի երիտթուրքական կոմիտեն արդեն զինված ձիավորներ էր ուղարկել աքսորյալների հետևից, որոնք կես ճանապարհին միացել էին լազերին և Աշ-Գալեի մոտերքում համատեղ հարձակվելով զապթիներին վրա՝ նրանց ազատել էին ու բերել քաղաք:

Այդ դեպքից հետո սուլթանը պաշտոնանկ արեց ընդամենը մի քանի ամիս աշխատած նահանգապետին, ինչպես նաև վիլայեթի զինվորական հրամանատարին և նրանց փոխարեն նշանակեց նորերի:

Ի տարբերություն կայսրության մյուս վայրերի՝ էրզրումի թուրքերի շրջանում նախկինում էլ դժգոհություններ էին ծագում տեղի կառավարիչներից ազատվելու համար, բողոքի հեռագրեր ու խնդրագրեր էին հղվում Կ.Պոլիս, բայց երբեք չէր պատահել, որ որևէ քաղաքում կամ այլ վայրում թուրքերը գրավեին հեռագրատունը, ծեծ ու ջարդի ենթարկեին կուսակալին, սպանեին կամ գանակոծեին ոստիկաններին:

Նման պայմաններում ոչ ոք չգիտեր, թե ուր է հանգելու էրզրումում ստեղծված լարվածությունը: Այս անգամ դժգոհը հայր, մակեդոնացին կամ արաբը չէին, այլ՝ թուրքը: Դժգոհությունը վաղանցուկ չէր, այլ՝ տևական: Դա կուսակալի կամ որևէ ուրիշ պաշտոնյայի դեմ հակառակություն չէր լուր, այլ ուժեղ մի դեմ ըմբոստացում՝ համառ, բուռն ու կազմակերպված: Իսկ կազմակերպողը հիմնականում քաղաքի երիտթուրքական կոմիտեն էր, որի գեղերային գաղտնի հավաքներն անպակաս էին, ուր խոսում էին, վիճաբանում, որոշումներ ընդունում, ծրագրեր մշակում սկսած պայքարը հաջող վախճանի հասցնելու համար:

Այդ բոլոր իրադարձությունների ժամանակ նույնպես էրզրումի թուրքերը լավ էին տրամադրված հայերի նկատմամբ, և նրանց միջև անախորժ ոչինչ չեղավ: Քաղաքի իշխանությունները չէին զաղարում ճիգեր գործադրել՝ փոխելու շարժման բնույթը և այն ներկայացնելու որպես հայկական: Այդ նպատա-

կով նրանք զանազան դավերով փորձում էին ցանել տարածայնությունների և պառակտումի սերմեր, թուլանավորել հետզհետե մտերմական դարձող համերաշխությունը:

Երբ թուրքերը նահանգապետին ծեծելով տարել էին մզկիթ, զինվորական վարչությունը փորձել էր սադրանքի դիմել: Հրացանաձգության փող հնչեցնելով՝ զինվորական հրամանատարը հայտարարել էր, թե նահանգապետին ծեծողները և մզկիթ խուժածները հայեր են, որոնք պղծել են մուսուլմանների հավատքի տունը: Թուրք երևելիներն անմիջապես շտապել էին զինվորական պաշտոնատուն և հայտնել, որ մզկիթ մտածները թուրքեր են, որոնց թվում չկա ոչ մի հայ: Հաջողվում է, այդպիսով, թալանի ու ընդհարման առաջն առնել:

Էրզրումի թուրքական շարժումը, քաղաքում տեղի ունեցած դեպքերը ամենուր մահճեղականների շրջանում խոսակցության նյութ էին: Նրանք երկրի ծանր դրությունը միաբերան վերագրում էին անպետք կառավարությանը: Թուրքերից շատերն իրենց ամենօրյա խոսակցության ընթացքում արդարացնում էին հայերին, խոստովանում, որ նրանք կայսրության ոչ թուրք բնակիչներից առաջինն են, որոնք պայքարելով գոյություն ունեցող կարգերի դեմ, փորձում էին բարելավել օսմանյան բոլոր ազգերի, այդ թվում նաև թուրքերի անտանելի կյանքը և այդ տեսակետից ուսուցիչներ են բոլորի համար: Միաժամանակ այդպես մտածող թուրքերը այպանում էին իրենց ապիկարությունը, որ անցած երկու տասնամյակում ցույց էին տվել հայկական շարժման նկատմամբ: Ի դեպ, նրանք դա ասում էին ազատ ու համարձակ, առանց քաղվելու լրտեսներից և ոստիկանությունից¹:

Կառավարական պաշտոնյաները սարսափահար էին, ոստիկանները չէին համարձակվում փողոց դուրս գալ: Ութ օր քաղաքը կառավարվում էր ժողովրդի ներկայացուցիչների կարգադրություններով, ժողովրդական հսկիչներն ամեն տեղ էին, ոչ մի աղմուկ, ոչ մի անկարգություն: «Մեր քաղաքի պատմությունն մեջ առասպելական ոսկեդարեան ութօրեակ մըն էր աս...»², - էրզրումից գրում էր Թիֆլիսում հրատարակվող «Վտակ» թերթի թղթակիցը:

Այս բոլոր իրադարձությունների ընթացքում էրզրումի օտար հյուպատոսները լարված ուշադրությամբ և առանց որևէ միջամտության հետևում էին անցուղարձներին՝ դրանք համարելով գուտ թուրքական ներքին խնդիր: Դա հասկանալի է. այս անգամ կառավարության հակառակորդը ոչ հույն էր, ոչ բուլղարը, ոչ արաբը և ոչ էլ հայը, որպեսզի սուլթանը տար արյան գետեր հոսեցնելու հրաման: Բողոքող թուրքն էր: Ուստի կառավարությունը լռելը համարեց խոհեմություն և այդ մարտավարությամբ էլ ձեռնարկեց հուզումներն անաղմուկ մարելու գործը: Այդ ճանապարհին առաջին և ըստ էության միակ քայլը էրզրումի արդեն վարկաբեկված կուսակալին պաշտոնանկ անելն

¹ Տե՛ս «Կովկասի առավոտ», N 1, 21 սեպտեմբերի 1907թ.:

² «Վտակ», N 12, 4 դեկտեմբերի 1907թ.:

էր¹: Սուլթանը նոր կուսակալ նշանակեց Նուրի բեյին: Ժողովուրդը այս նոր կուսակալին նույնպես ընդունեց սպասողական վիճակում: Բնակչության մեծ մասը Համոզված էր, որ իշխանությունները վաղ թե ուշ դիմելու են վրեժխնդրական գործողությունների, ուստի խտացնում էր իր շարքերը և պատրաստվում դիմագրավելու գալիք դեպքերին: «Կամ բոլորս կկոտորվենք, կամ պահանջված տուրքերը չենք տա», - ասում էին թուրքերը:

Նուրի բեյն իր գործունեությունն սկսեց խաղաղության հորդորներով: Պոլսից հրահանգված էր կարգը վերահաստատել առանց նոր բարդություններ ստեղծելու և եթե հարկ լինի, գնալ պահանջվող գիշումների: Էրզրումը դեռ այդպիսի բան չէր տեսել. ամենալայն լիազորություններով օժտված կուսակալը քիչ թե շատ կարևոր որոշում չէր ընդունում՝ առանց նախապես խորհրդակցելու երիտթուրքերի տեղի կոմիտեի անդամների հետ:

Էրզրումի թուրքերի հուզումները շարունակվեցին 1907 թվականին²: Դրան նպաստեցին մի շարք արտաքին և ներքին հանգամանքներ: Ռուսաստանի և Պարսկաստանի հեղափոխական շարժումներից բացի, թուրքերի մտքի վրա սկսել էր մեծ ազդեցություն գործել երիտթուրքերի հակասուլթանական պրոպագանդան: Չուտ տնտեսական շարժառիթներով սկսված էրզրումի թուրքերի հուզումները զարնանը ստացան զուտ քաղաքական կերպարանք: Մարտի 5-22-ը քաղաքում մասսայական ցույցեր ու միտինգներ էին, որ ղեկավարում էր «Ջան վերիը» կազմակերպությունը³: Ժողովուրդն առաջին անգամ սկսել էր խոսել «Կանունը էսասիի» (սահմանադրության), «Միլլիեթ մեջլիսի» (ազգային ժողով) մասին:

Սահմանադրության և հիմնական ռեֆորմների մասին լուրերը գալիս էին Բոսֆորի ափերից: Ռուսաստանի և Պարսկաստանի սահմանադրությունները, որքան էլ անբավարար էին, այնուամենայնիվ, սկսել էին ազդել մտավորական թուրքերի մտքի վրա, որոնք, թեև թաքուն, բայց շատ եռանդուն կերպով խոսում էին մեծ փոփոխությունների անհրաժեշտության մասին: Նրանցից ոմանք Համոզված էին, որ գաղտնի ու ցածր ձայնով շնչյունը վաղը կարող է դառնալ լուրջ հուզումների սկիզբ՝ անդառնալի դարձնելով պետական վերա-

¹ Տե՛ս «Կովկասի առավոտ», N 14, 5 հոկտեմբերի 1907թ.:

² Տե՛ս А. Ф. Миллер, Краткая история Турция, էջ 120:

³ Բառացի՝ «ինքն իրեն զուգո»։ «Ջան վերիը» ընկերությունը փաստորեն դարձել էր Փոքր Ասիայի թուրքերի հակակառավարական ելույթների ղեկավար։ Դա թուրք, գլխավորապես առևտրական բուրժուազիայի կազմակերպություն էր, որի կազմում էին նաև հոգևորականներ, ինչպես և զգալի թվով աշխատավորներ։ Ընկերությանը հարում էին կրտսեր սպաներ և զինվորներ։ «Ջան վերիը» ամենից առաջ իր առջև խնդիր էր դրել կազմակերպել պայքարը իշխանությունների չարաշահումների դեմ։ Ավելին, ընկերությունը Արևելյան Անատոլիայի մի շարք քաղաքներում փաստորեն իր ձեռքն էր վերցրել իշխանությունը և թուրք բնակչությանը արգելում էր կառավարությանը տալ երկու- երեք տեսակի հարկից ավելի։

³ Տե՛ս Ю. А. Петросян, Младотурецкое движение (вторая половина XIX-начало XXв.), էջ 221:

նորոգության հարցը:

Բայց այդ հեռանկարը չատերին հույս և ուրախություն չէր ներշնչում: Նրանք հարց էին տալիս՝ իսկ ո՞վ պետք է ղեկավար դեր կատարի նոր կարգերի հաստատման ժամանակ, արդյո՞ք մահմեդական կրոնի սկզբունքներով առաջնորդվող օսմանյան պետերը ի վիճակի կլինեն ընտելանալ եվրոպական քաղաքական կյանքի սկզբունքներին այնքան, որ ժողովրդին թույլ տան ապրել իր ցանկության համաձայն: Իսկ օսմանյան կայսրությունից դուրս ոչ ոք չգիտեր, թե վերջին երեսուն տարում քանի աստիճան է զարգացել ու հասունացել թուրք մուսուլման մտավորականությունը, և որքան մեծ է նրա կուլտուրական պահանջների ծավալը:

Վերադառնալով Էրզրում, նշենք, որ խորամանկ կուսակալը ուշադրությանը հետևում էր բոլոր անցուղարձեղին, լրտեսների միջոցով ստույգ տեղեկություններ էր հավաքում և համարձակվում էր դրանք, առանց գունազարդելու, հաղորդել Բ. Դոանը՝ միաժամանակ պահանջելով չեղյալ հայտարարել տուրքերի գանձման հրամանը:

Ելզրը, որ մինչ այդ բնավ չգիտեր կամ ճշգրիտ քիչ բան գիտեր Էրզրումի թուրքերի շարժման մասին, այժմ լրիվ պատկերացում էր կազմել դրա քաղաքական վտանգավորության վերաբերյալ: Այս անգամ էլ կառավարությունը հանդես բերեց գերազույն զուլապորություն և հրաժարվեց ընդունել ուղղակի ճակատային հարձակման անցնելու մասին հնչող առաջարկները: Պետք էր համբերող, խաղաղասեր ու ժողովրդասեր ձևանալ: Սուլթանը վախ ուներ, որ հեղափոխական տրամադրությունները Էրզրումից կարող են անցնել կայսրության մյուս նահանգները: Տագնապ էր առաջացնում նաև այն, որ զինվորականությունը հաճախ կանգնում էր պայքարող ժողովրդի կողքին: Համիդին հատկապես սարսափի էր մատնել թուրքական բանակի և ռազմական նավատորմի 28 սպաների նամակը մահվան ենթարկված ռուս հեղափոխական, լեյտենանտ Շմիդտի քրոջը, ուր նրանք երգվում էին մինչև վերջ, «մինչև արյան վերջին կաթիլը պայքարել հանուն սրբազան ազատության: ... Մենք երգվում ենք նաև, որ բոլոր ուժերով ու միջոցներով ձգտելու ենք թուրք ժողովրդին ծանոթացնել Ռուսաստանում տեղի ունեցող իրադարձություններին, որպեսզի ընդհանուր ջանքերով նվաճենք մարդավայել ապրելու իրավունքը»¹:

Ելզրը կարող էր հեռու չգնալ, կային ավելի թարմ օրինակներ. գործը թուրք բնակչության հարձակումներից չպաշտպանեց ոչ Էրզրումի կուսակալ Աթա բեյին, ոչ էլ պահականոցում ապաստանած ոստիկանապետին:

Վերջապես կուսակալ Նուրի բեյին Հաջողվեց Կ.Պոլսից հրաման ստանալ բանտարկված ըմբոստ թուրքերին ազատ արձակելու, անձնական նոր տուրքերը չեղյալ հայտարարելու մասին: Թուրքերի համար նախատեսված տուրքերը չեղյալ հայտարարվեցին 1907-ի մարտին, այն էլ ոչ միայն Էրզրումի

¹ Տե՛ս А. Д. Новичев, Турция. Краткая история, изд. "Наука", Москва, 1965, էջ 116:

նահանգում, այլև կայսրության մյուս բոլոր նահանգներում: Ջարմանալի է, բայց փաստ, որ մի քաղաքի թուրքերի ըմբոստացումով շահել էին ամբողջ կայսրության թուրք բնակիչները:

Նուրի բեյը հույս ուներ, որ իր նահանգի թուրքերն այլևս նոր պահանջներ չեն դնելու և հրաժարվելու են հեղափոխական-քաղաքական շարժումից: Բայց նա սխալվում էր: Երիտթուրքերի հակասուլթանական պրոպագանդան տեղականորեն ըմբոստ վիճակում էր պահում Էրզրումի թուրքերին, որոնք ամեն րուպե կարող էին նոր անակնկալներ մատուցել:

Կ. Պոլսի կառավարությունը որոշեց Էրզրումի թուրքերի շարժումը քայքայել ներսից, հասնել այն բանին, որ ժողովրդի աչքում վարկաբեկվեն նրա դեկավարները: Եվ դա լիովին հաջողվեց նրան:

Շարժման շարժերը, ինչպես ասվեց, միատարր չէին: Պայքարի մեջ էին ընդգրկվել ոչ միայն աշխատավոր թուրքեր, այլև վաճառականներ, վաճառուներ, նույնիսկ կալվածատերեր: Խորամանկ պաշտոնյաներն իրենց որոգայթը լարեցին հենց շարժման այս թույլ կողմի վրա:

1907թ. հունիս և հուլիս ամիսներին՝ քաղաքի մագործների և մացու կենդանի ծախողների (ճամբազ) միջև ծանր վեճեր ծագեցին. կառավարությունը սկսեց հրահրել, և քիչ մնաց, որ մեծ ընդհարում տեղի ունենար ու արյուն թափվիր, մանավանդ որ մագործների զգալի մասը հայեր էին: Սակայն բանը դրան չհասավ, որովհետև հրապարակ եկավ մի ուրիշ բարդ կնճիռ: Դա հացի խնդիրն էր, որը մոռացության տվեց մի խնդիրը:

1907թ. հացահատիկի բերքը խիստ պակաս էր: Արդեն օգոստոսի կեսերից ցորենի գինը օրավուր սկսեց բարձրանալ: Խուժանի միտքը հուզվել էր, և սովամահահույսի երկուդից հասարակության տակնքը ընկել էր սարսափի մեջ: Ցորենի շահադեմներից (սպեկուլյանտներից) և գյուղերի վարձակալներից (մյուլթեգիմ) ոմանք ըմբոստների ղեկավարների թվում էին: Բուպեն միանգամայն հարմար էր ամբոխին գրգռելու իրենց մրցակիցների դեմ, միաժամանակ՝ ժողովրդասերի համբավ վաստակելու: Պաշտոնյաների թելադրանքով սրանք թուրք ժողովրդի մեջ տարածեցին 16 շահադեմների անունները, որոնցից երեքը հայեր էին, իսկ երկու հոգու հայտարարեցին երիտթուրքական կոմիտեի անդամներ: Ամբոխը դիմում էր նուրի բեյին՝ պահանջելով իջեցնել հացի գինը, իսկ սա ամեն անգամ իր վրայից նետում էր խնդիրը, միաժամանակ խորհուրդ տալիս սեփական ձեռքով հաշվեհարդար տեսնել շահադեմների հետ, չմոռանալով նաև ասել, որ նրանց մեջ ամենաանխիղճ հարստահարողները հայերն են: Ջրերը պղտորվում էին և, օգուտ քաղելով ստեղծված վիճակից, կարելի էր առատ որս անել:

Հիմնականում բեռանակիրներից և աղքատ դասի անչափահասներից բաղկացած թուրք ամբոխը օգոստոսի 26-ին հարձակում է գործում ցորենի պահեստների ու խանութների վրա, թալանում ամեն ինչ: Դրանից հետո, բեռնակիրներից երկու-երեք հոգի, վաճառողներից մեկի տիրոջ՝ Գ. Օհանյանի վզին

պարան կապելով՝ քարչ են տալիս փողոց: Այդտեղ էր հայտնվել այդ ամենը դիտող ոստիկանապետը, նրա օգնականը, թուրք երեկիներ: Ոստիկանապետի «խորհրդով» բեռնակիրները սպանում են Օհանյանին, ապա անարգի ենթարկելուց հետո դիակը պատեցնում փողոցներով և, ի վերջո, հարայ-հրոցով անցնելով պարեկատան մոտով, նետում աղբանոց: Ամբողջ 10 ժամ տեղած խռովության ընթացքում իշխանությունների կողմից չի լինում որևէ միջամտություն:

«Հեղափոխությունն» ընկել էր լարված որոգայթի մեջ. «հեղափոխական» ամբոխի ձեռքին ոճրագործի արյուն էր:

Քանի որ ոճրագործության պատճառը եղել էր հացի թանկացումը, ուստի խորամանկ կուսակալը, իբր, խնդիր պարզելու համար ստեղծում է հանձնախումբ, որի մեջ մտնում են ոխերիմ հավատացյալներ: Հանձնաժողովի կարգադրությամբ հայ կալվածատերերի ու վաճառողների ամբարները լիովին դատարկվում են, բռնագրավվում են ցորենն ու ալյուրը և լցվում թուրք մեծամեծների պահեստները:

Պարզ էր, թե ուր էր հանգելու որոգայթի պարանը. «հեղափոխությունը», որի լողունքներից մեկը հայերի հետ համերաշխությունն էր, արդեն պառակտված էր:

1907թ. սեպտեմբերին կուսակալ Նուրի բեյին փոխարինեց մի այլ բան ծերուկ՝ Աբդուլ Վեհիբ փաշան:

Խորամանկ նոր կուսակալը տարածեց այն կեղծ լուրը, թե մեծ տերությունների Պոլսո ղեկավարները թուրք կառավարությունից պահանջել են խըստորեն պատժել հայ վաճառական Գ. Օհանյանի սպանողներին, հակառակ դեպքում, իբր, տերությունները պատրաստ են հավաքել իրենց զորքերը, գրավել օսմանյան ողջ կայսրությունը և այն բաժանել իրենց միջև:

Նախ ձեռքակալեցին «շարժման մասնակից» այն բեռնակիրներին, որոնք սպանել էին Օհանյանին, ապա՝ շարժման ղեկավարներին: Չերբակալվածների թիվը հասավ 200-ի¹:

Այսպես անփառունակ վիժեց Էրզրումի «հեղափոխական» շարժումը:

Գասթեմուլեի և Էրզրումի թուրքերի շարժանը արձագանքեցին Տրապիզոնի վիրայիթի թուրքերը:

1906թ. օգոստոսի սկզբներին Տրապիզոնի նահանգում կառավարությունը մոբիլիզացրեց 1400 թուրք երիտասարդի, նրանց առավ զենքի տակ և ուղարկեց Պոլիս: Հասնելով այնտեղ՝ գինվորները տեղեկանում են, որ իրենց ուղարկում են Եմեն՝ միանալու այնտեղի թուրքական ուժերին²:

Ապստամբ եմենում շարունակվում են արյունահեղ կռիվները, թուրքական զորքը նորանոր ծանր պարտություններ էր կրում, և այդ մասին գիտեին բոլոր

¹ Տե՛ս «Վտակ», N 15, 7 դեկտեմբերի 1907թ.:

² Տե՛ս «Կոմկասի առավոտ», N 10, 2 հոկտեմբերի 1907թ.:

թուրքերը: Տրապիզոնցի զինվորները Պոլսում խռովություն են բարձրացնում և պահանջում իրենց Հետ վերադարձնել: Երբ մերժում են ստանում, շարժվում են դեպի նավահանգիստ, որտեղ դեռ կանգնած էր այն նավը, որ իրենց բերել էր մայրաքաղաք: Մտնելով նավ նրանք նավապետին ստիպում են ուղղություն վերցնել դեպի Տրապիզոն: Իմանալով այդ մասին՝ գայրացած սուլթանը Հրամայում է թնդանոթահար անել նավը, բայց այն արդեն դուրս էր եկել բաց ծով:

Նավը Հասնում է Տրապիզոն, որտեղ ափ իջած խռովարար զինվորներին չըջապատում է գործը և նրանց առաջնորդում էրզրում, որտեղից, այս անգամ արդեն ցամաքով, ուղարկում են Եմեն:

Չնայած ոստիկանական Հետապնդումներին, Տրապիզոնի ընդհատակում գործող երիտթուրքական կազմակերպությունը բազմաթիվ Հակակառավարական ազդագրեր էր տպագրում, որոնք տարածվում էին ոչ միայն քաղաքում, այլև վիլայեթի գավառներում: Այդ թուլացիկներից մեկը, որը 1906թ. հոկտեմբերի 15-ին ցրվել էր թուրքերի և Հայերի թաղերում, Հայերին Հրավեր էր անում ուժ տալ իսլամ Հայրենակիցների ջանքերին և ակտիվ մասնակից լինել նրանց շարժմանը: Կոչը կարդալու Համար ձեռքակալվեց մի քանի մարդ: Ոստիկանությունն իր լրտեսներով ջանք էր թափում թեյի ծայրը գտնելու Համար և փորձում էր տրապիզոնցի թուրքերի շարժման մեջ նույնպես որոնել Հայկական ազդեցություն¹:

Տրապիզոն քաղաքի Հակակառավարական ելույթներն իրենց բարձրակետին Հասան 1907թ. գարնանը:

Զինվորական մյուլազիմ (Հիսնապետ), չերքեզ Հաջի էֆենդին, որը գտնվում էր երիտթուրքական պրոպագանդայի ազդեցության տակ, 1907թ. մարտի 2-ին ատրճանակի կրակոցներով սպանել էր Տրապիզոնի զինվորական ընդհանուր Հրամանատար Ֆերիդ Համդի փաշային և դրա Համար կախաղան էր բարձրացվել: Այդ դեպքից Հետո վիլայեթի կուսակալ Ռեշատ բեյը վախից մի քանի շաբաթ տնից դուրս էր գալիս: Իմանալով այդ մասին՝ սուլթանը ավելի բարձր աշխատավարձով նրան նշանակում է Ազրիանուպոլսի նահանգի վալի, իսկ նրան փոխարինում է Ջելվեր բեյը:

Այդ օրերին զգալի իրարանցում էր սկսվել Կիրասունի թուրքերի շրջանում, լուրջ խլրտումներ եղան Սինոպում, Սամսունում, Ավազում, Գոնիայում և Ամասիայում: Թուրքերի տրամադրությունը բոլորովին խաղաղ չէր նաև Իզմիրում²:

Կառավարությունն արդեն երկյուղ էր կրում նաև Պոլսի թուրքերից, ուստի պատահական չէ, որ «Հակակառավարական տրամադրություններ դրսևորելու» մեղադրանքով 1906թ. հուլիսի կեսերին սուլթանի Հրամանով պետական կարևոր պոստեր զբաղեցնող 6 փաշա մայրաքաղաքից Սամսունի վրայով

աքսորվեցին Բաղդադ:

Այդ պառճառով երկրի ամեն կողմում, ամեն Հեռավոր անկյունում կարելի էր Հանդիպել իսլամ աքսորյալի: Նավերը միշտ Պոլսից արևելյան նահանգներ էին փոխադրում պաշտոնյաների, սպաների, առանձին անհատների, որոնք քշվում էին դեպի երկրի ներսի գավառները:

Համիդյան իշխանությունը, Հակառակ իր զգուշավորության, խոշոր սխալ էր գործում կասկածելի մուսուլմաններին աքսորելով գավառները, ուր նրանք մի տեսակ պրոպագանդիստներ էին դառնում ի վնաս կառավարության:

Թուրքերի խռովությունները էրզրումից ու Տրապիզոնից անցան Վանի և Բիթլիսի վիլայեթները, բայց ավելի կատաղի գրգռումով:

1906թ. ապրիլին Մուշից «Դրոշակին» գրում էին.

«Կարնո մեջ տեղի ունեցած ժողովրդային ցույցերը Հոս ալ ազդու տպավորություն թողին: Տարաբախտաբար մանրամասնություններ կը պակսին. կառավարությունը միջոցներ ձեռք առած է, որ լուրը չտարածուկ»¹:

Այդ ձեռնարկած միջոցներն իրենց արդյունքը տվեցին, և դա արտահայտվեց նրանում, որ ամբողջ 1906թ. թուրքերի շրջանում խմորված դժգոհությունները չփոխարկվեցին խռովությունների, և միայն 1907թ. գարնանից սկսած՝ դրանք վերածեցին որոշ Հակակառավարական գործողությունների:

Վանի և Բիթլիսի Հայկական վիլայեթներում ավերներ գործող սովը 1907թ. ապրիլից իր մեջ առավ նաև թուրքերին, որոնք սկսեցին բացահայտորեն ընդվզել իշխանությունների դեմ: Սոված թուրքերը այլևս չէին դիմանում տուրքերի շարունակ մեծացող բեռան ծանրությունը և ստիպված դիմում էին գայրալից ցույցերի, պաշտոնյաների ձեռքի ու սպանությունների:

Շուտով թուրք-հեղափոխականների պրոկլամացիաներ երևացին Վասպուրականի կենտրոն Վանում: Պատերին փակցված կոչերը ազդարարում էին, որ բոլոր չարիքների սկզբնապատճառը սուլթանական կառավարումն է, ուստի անհրաժեշտ է ձեռք ձեռքի տված կռվել ռեժիմի դեմ²:

Վանում թուրքերի Հուզումներին միացան Հայերը: Քաղաքում և վիլայեթներում կարծես բացվում էր Հայ-թուրք գործակցության Հուսադրող Հեռանկար: Արամը, Իշխանը, Սարգիսը, Կոմսը այստեղ ծրագրված, Հետևողական աշխատանք էին տանում թուրք ընդդիմադիրների Հետ մերձենալու և Համատեղ գործելու Համար: Հանդիպումների և բանակցությունների արդյունքում ստեղծվել էր Հայ-թուրք մի գաղտնի մարմին, որն անցել էր կոնկրետ գործողությունների: Այդ մարմնի խնդիրներից մեկն առավել ատելի պաշտոնյաների ահաբեկումն էր:

Թուրքերի մեջ ծագած սոցիալական շարժումն իր ազդեցությունն ունեցավ նաև քրդերի վրա՝ ոչ միայն Հասարակ խաշնարածների, այլև՝ աղաների: Աղա-

¹ Տե՛ս «Կովկասի առափոս», N 1, 21 սեպտեմբերի 1907թ.:

² Տե՛ս Н. М. Лавров, Турция и Иран в 1870-1918 годах, էջ 13:

¹ «Դրոշակ», N 7(173), հուլիս, 1906, էջ 103:

² «Ալիք» (Թիֆլիս), N 60, 9 հուլիսի 1906թ.:

ներից ոմանք սկսեցին քայլեր անել Հարաբերություններ Հաստատելու Հայ Հեղափոխականների Հետ: Նրանք նույնպես գանգատվում էին կառավարության դեմ և վստահություն հայտնում Հայերին, ասելով. «Ձեր երկարամյա պայքարը վերջ ի վերջո մեզ համոզեց, որ դուք մեր դեմ ոչինչ չունեք և կուզում եք ընդհանուր բարեկեցության համար»: Նրանց ասելով իրենց մտքերի հեղաշրջման գործում մեծ դեր է կատարում նաև արաբական ապստամբություններ: Հասարակ քրդերի դժգոհությունն ավելի էր խորանում, և նրանց Հետ համատեղ գործելու հետանկարը Հայերի համար թվում էր իրագործելի¹:

Բայց այդպես մտածող քրդերի թիվը չնչին էր: Առաջվա պես նրանց ճշող մեծամասնությունը հեռու էր Հայերի Հետ համագործակցելու մտքից, ինչպես և թշնամաբար էր տրամադրված արաբական ապստամբությունների նկատմամբ:

Արաբների ապստամբական ելույթները ճշելու համար թուրքական կառավարությունն առաջվա պես մեծապես օգտագործում էր ոչ միայն Համիդիե գնդերը, այլև բուրդ ցեղապետների ռազմական ուժը: Այսպես, 1906թ. գարնանը Վանի վիլայեթի Ալլավազի Քյոռ Հյուսեին փաշան մեկնեց զսպելու արաբներին: Բազմաթիվ վայրագություններ կատարելուց հետո նա վերադարձավ մեծ պատիֆներով և վերսկսեց Հայերի դեմ իր ճշուճներն ու ավազակությունները²:

Վանի վիլայեթի թուրքերի հուզումներին հետևեցին Դիարբեքի վիլայեթի թուրքերը:

1907թ. օգոստոսին վիլայեթի կենտրոնում Դիարբեքի քաղաքում մոտ 80 թուրք բանվոր, որոնք աշխատում էին թուրք մեծահարուստի պատկանող մանածագործական ֆաբրիկայում, միմյանց Հետ պայամանավորվելով, չգնացին աշխատանքի: Դա առաջին գործադուլն էր, որ ընդհանրապես տեսել էր Դիարբեքը: Շուտով աշխատանքը դադարեցրին և ինքնաբերաբար գործադուլին միացան քաղաքի կտորեղենի ներկման մի քանի արհեստանոցների (բոլախչիխանա) բանվորները և տերերից պահանջեցին բարվոքել իրենց ծանր տնտեսական վիճակը:

Ասկայն բանվորների մոտ չկար կազմակերպվածություն: Քաղաքում չկար մի ուժ, որը ստանձներ գործադուլային պայքարի ղեկավարումը: Պատահական չէ, որ երբ մի արհեստանոցում գործադուլ էր սկսվում, մյուսում վերսկսվում էր աշխատանքը: Բացակայում էր համատեղ գործելու կամքը և վրձնականությունը:

Այդ հանգամանքը նկատի ունենալով «Վտակ» թերթը գրում էր, որ չնայած քաղաքի աշխատավորների «մաքուր մասը հակակառավարական զգացումներ կը ցուցանե իր մեջ և ըմբոստություն նշաններ ցույց տուլավ», բայց հազիվ թե որևէ արդյունքի հասնի, քանզի նրան «փորձառությունը կը

պակասի»³:

Նույն իրողությունը Հաստատելով դաշնակցության «Արօր» թերթը գրում էր, թե որքան էլ թույլ է Փոքր Ասիայի ամենից հետամնաց մի վայրում Դիարբեքում, ծագած գործադուլը, որքան էլ հեղհեղուկ է բանվորների միասնությունը, բայց և այնպես երևույթը փայլուն ապացույց է, որ շահագործողների ու աշխատավորների հակամարտությունը բռնության կլասիկ երկրում Թուրքիայում, արդեն բողբոջներ են արձակել և հետագա աճի նշաններ են ցույց տալիս⁴:

Կայսրության մի քանի վայրերում թուրքերի ծավալած շարժման ընդերքում 1907թ. ամռանը ծնունդ էր առել (Հավանաբար՝ Կ.Պոլսում) «Թուրք Հեղափոխականների դաշնություն» անունով կուսակցությունը, որը սկսել էր քարոզել համերայնություն ու բարեկամություն Հայերի և թուրքերի միջև:

Իր ընդունած փաստաթղթերից մեկում կուսակցությունն արդարացնելով թուրքահայության շուրջ 20-ամյա ազատագրական շարժումը՝ միաժամանակ մերժում էր այդ շարժման մեջ Հայ ազգային կուսակցությունների դրական դերը՝ նրանց պայքարը դիտելով որպես բացառապես օսմանյան կայսրության քայքայմանը հետամուտ գործունեություն:

Փաստաթղթի ոգով «Թուրք Հեղափոխականների դաշնություն» կուսակցությունը հրատարակեց կայսրության ոչ մուսուլմաններին ուղղված մի կոչ, ուր ասված էր. «Ով ոչ մուսուլմաններ, մենք ձեզ հետ ենք, մենք ձեզ Հայրենակից ենք ճանաչում: Անկարելի է ուրանալ սուլթան Համիդի՝ ոչ միայն ձեզ, այլև մեզ Հասցրած անթիվ դառնությունները: Ահա թե ինչու մեր պարտքն է գործել համատեղ: ... Եթե դուք ազատություն, հավասարություն, արդարություն եք ուզում, աշխատեցեք մեզ հետ, որովհետև եթե մենք բոլորի համար հավասար իրավունք, առաջադիմություն ու խաղաղություն ենք կամենում, դրանք միայն իսլամների համար չեն, այլ բոլոր օսմանցիների, բոլոր քաղաքացիների համար:

... Ով Հայրենակիցներ, ինչի՞նք եք սպասում, ումի՞ց եք երկյուղում. ազգի դավաճան և կրոնի թշնամի Համիդի՞ց: Ով է նա – վախկոտ ու երկչուտ մի էակ: Մեր Հայրենիքի վերքն է նա, մեր պատվի մրուրը, մեր թշնամին:

Մեծ մարգարի բերանով Աստծո Հաղորդած Հրամանի համաձայն, կրոնի թշնամի, իսլամներին թշվառության մատնող, նրանց տգիտության մատնող մի նենգ իշխանավորի զլուվը շախմատները մեր խնդիրն է: Այդպես է պահանջում մեր շարիաթի օրենքը, և դա ամեն մի հավատացյալի պարտավորությունն է»⁵:

Այս բացառիկ երևույթի առթիվ դաշնակցության «Խարիսխ» թերթը գրում էր. «Ուրախալի է: Բռնության արյունոտ մթնոլորտում լավող այդ կոչը

¹ «Դրոշակ» N 12 (178), դեկտեմբեր, 1906, էջ 181:
² Նույն տեղում, N 11 (177), նոյեմբեր, 1906, էջ 166:

³ «Վտակ», N 50, 5 մարտի 1908թ.:
⁴ Տե՛ս «Արօր», N 2, 4 սեպտեմբերի 1907թ.:
⁵ «Խարիսխ», N 21, 27 հուլիսի 1907թ.:

և՛ ուրախայի է, և՛ մխիթարական, իբրև մի նոր ապացույց թուրք երիտասարդութիւնի արթնացման, իբրև մի նոր նշան, որ Հեղափոխական սերմերը արդեն մահմեդական խավերում էլ գցել են իրենց սաղմերը և կամաց-կամաց արձակում են ծիլերը»:

Ռուսական ցարը և նրա կառավարությունը շեղ աչքով ու անհանգստութեամբ էին նայում թուրքիայի թուրք բնակչության հուզումներին:

Կ. Պոլսում լույս տեսնող Հնչակյան «Կոհակ» թերթը տարիներ անց գրում էր.

«Ռուսիան սկսավ կասկածոտ աչքով նայիլ և ամեն կարելի միջոցներով Հետապնդել այդ շարժումները: Ռուսական Հյուսիսային թուրքիոյ մեջ իրենց մասնավոր գեկուցումներով շարունակ տեղյակ կը պահէին Կ. Պոլսոյ ռուսական դեսպանատունը զանազան վայրերու մեջ տեղի ունեցած քաղաքական բնույթ կրող բոլոր խլրտումներուն և շարժումներուն մասին, թարգմանելով նոյն իսկ ժեն-թուրք կազմակերպութեան զանազան կոմիտեներուն հրատարակած թուղցիկ շրջաբերականները»¹:

Տառապող Հայ ժողովուրդը մեծ հույսերով էր դիտում թուրքերի ըմբոստացումը՝ դրանում որոնելով ահավոր վիճակից դուրս գալու ելքը:

Բայց այստեղ էլ նրան վիճակված էր հուսախաբություն: Նույնիսկ Հայերի Հետ երկխոսության պահերին թուրքերի մեջ շարունակվում էր դատապարտելի անտարբերությունը Հայի ողբերգական դրության հանդեպ:

Գնալով պարզ էր դառնում, որ թուրքական շարժման ծանրությունն ընկնում է ոչ թե թուրքերի վրա, այլ Հայերի գլխին:

Օրինակ, երբ էրզրումի թուրքերը մերժեցին տալ անհատական Հարկը (չախսի վերկիսին), իշխանությունները նրանց ըմբոստացման դեմ չձեռնարկեցին միջոցներ, բայց դրա փոխարեն շրջակա Հայ գյուղերից Հավաքվող տուրքերը ավելացրին 60 տոկոսով: Հայերից Հարկը Հավաքվում էր թուրք զինվորների ստոր ու անբարոյական բնագրների ուժով, զենքը ուղղելով Հայ տղամարդկանց ու կանանց դեմ, մի բան, որ բացառված էր թուրք տղամարդկանց ու կանանց դեպքում:

Համիդը, մեղծ վերաբերմունք ցույց տալով թուրքական շարժման հանդեպ, միաժամանակ ամենափոքր առիթով քանդում էր Հայ գյուղերը, արյան մեջ խեղդում դիմադրության ամեն փորձ այնտեղ, որտեղ Հայը չուներ ինքնապաշտպանության որևէ միջոց: Հետևապես՝ թուրքերի և քրդերի հուզումները ոչ մի նմանություն չունենին իրավ Հեղափոխության հետ:

Այն ժամանակ, երբ Հայերը, մակեդոնացիները, արաբները, հույները, դրուզները բարձրաձայն պահանջում էին իրենց կյանքի բարելավում, բուն թուրք տարրը միայն աննշան պահանջներ էր առաջադրում կառավարությանը:

Թուրք տարրի խլրտումները բացառապես տնտեսական բնույթ ունենին:

Թեև թուրքը նույնպես ճնշված էր ու թշվառ, ինչպես և սուլթանի մյուս հպատակները, բայց նրա այն գիտակցությունը, որ ինքը կայսրության մեջ ամենաբնորոշն է և ամենաարտոնյալը, փոխում էր ամեն ինչ: Նա գնահատում էր իր արտոնությունների արժեքը, ուստի շատ շուտ սիրաշահվում էր ազգակից մեծավորներից և Հեղափոխման գործի դառնում օսմանյան ազգասիրության խարդավանքներին ու դավերին:

Կայսրության այլացեղ և այլակրոն հպատակների նկատմամբ անգամ ամենահետին թուրքի գերակայության գիտակցությունը և այլազան առանձնաշնորհներով օժտված լինելը ողբերգություն էր ոչ միայն այլազգիների, այլև Հենց իր՝ թուրքի համար: Նա քաջ գիտեր, որ ինքը բարոյական ոչ մի իրավունք չունի որևէ հանձնառություն ունենալ՝ պետական գործեր առաջ տանելու համար: Նա քաջ գիտակցում էր նաև, որ իր արտոնյալ վիճակը կարող է պահպանվել միայն զենքի գործադրմամբ:

Անսահման ներողամտություն թուրքերի և անպատմելի Հալածանք Հայերի նկատմամբ - սա էր Ելզըզի վերաբերմունքը:

Նույնիսկ թուրքական «Հեղափոխական» շարժման օրերին երկու ժողովուրդների միջև եղած վիճը շարունակվում էր լայնանալ: Ամենալուսավոր թուրքի համար անգամ Հայի տանջանքն առաջվա պես ոչինչ էր:

Թուրքերի հոգեբանությունը քաջածանոթ Արիադնա Տիրկովան այսպես էր գրել. «Ասում են, թե թուրքերը մեղմ ու բարեսիրտ ժողովուրդ են: Բայց [այլազգիների նկատմամբ] երկարատև, դաժան ու անամոթ տիրակալությունը այդ ժողովրդի հոգում կուտակել է դաժանություն և բթություն»¹:

Էրզրումից «Դրոշակին» գրում էին. «Այսպես է թուրք հասարակությունը: Իրենց համար եղած ամենափոքր դեպքը մեծ դժգոհության պատճառ կրնայ ըլլայ, բայց իրենց աչքին առաջ ամեն օր հարստահարված Հային համար ոչ մեկ ցույց, ոչ մեկ բողոք:

Մինչև ե՞րբ այսպես գեավուր Հայը ատելութեան առարկայ պիտի ըլլայ: Յեղափոխությունն այսպես չըլլար»²:

Կյանքը ցույց տվեց, որ թուրք ժողովուրդը դեռ երկար ճանապարհ պիտի անցներ, որպեսզի արթնանար նրա գիտակցությունը, և նա ըմբռներ իր ցավերի իսկական պատճառները:

¹ «Կոհակ», N 41, 30 (12) հոկտեմբերի 1911թ.:

¹ Армяна Тыркова, Старая Турция и младотурки. Год в Константинополе, Петербург, 1916, стр. 12.

² «Դրոշակ», N 3 (181), մարտ, 1907, էջ 39:

Հ Ա Վ Ե Լ Վ Ա Ծ

Ն Ա Խ Ա Գ Ի Ծ
ԿՈՎԿԱՍԵԱՆ ԳՈՐԾՈՒՆԷՆՈՒԹԵԱՆ

ԿՈՎԿԱՍԱՀԱՅ ԽՆԴԻՐ

Հ.Յ.Դաշնակցութեան Գ-րդ Ընդհանուր ժողովը՝ կայացած 1904թ. սկզբին, ընդունելով մեր կազմակերպութեան մասնակցութեան անհրաժեշտութիւնը կովկասեան յեղափոխական կուռի մէջ, որոշեց այդ վարել առայժմ ինքնապաշտպանութեան հողի վրայ: Ներկայ 1905 թ. գումարած Հ.Յ.Դ. Խորհուրդը, նկատելով՝

- 1) Որ վերջին Ընդհանուր ժողովից յետոյ Ռուսաստանի եւ մասնաւորապէս Կովկասի յեղափոխական շարժումները ստացել են անսպասելի լայն ծաւալ,
- 2) Որ բռնապետութիւնը արտաքին թշնամու եւ յեղափոխական ու ընդդիմադիր տարրերի հարւածները տակ զգայապէս թուլացել է,
- 3) Որ համայն Ռուսաստանի քաղաքական փոփոխութիւնների սկզբում Կովկասը պէտք է բարձրացնէ իր ձայնը,
- 4) Որ ներկայ պատմական ռուսի ստիպողականութիւնը թոյլ չէ տալիս սպասել նոր ընդհանուր ժողովին՝ Կովկասեան գործունէութեան ծրագիրը մշակելու եւ հաստատելու համար,
- 5) Որ, բացի այդ, կովկասեան գործունէութեան որոշակի ծրագիրը անհրաժեշտ է կուռի ներկայ պայմաններում համաձայնութեան գալու համար միւս գործող կուսակցութիւնների հետ.

Որոշեց՝

Կովկասեան շարժման հարցում ինքնապաշտպանութեան շրջանից անցնել բուն յեղափոխական գործունէութեան, մշակել ծրագիր՝ համաձայն Կովկասեան Ռայոնական ժողովում արտայայտուած տրամադրութեան, ուղարկել կովկասեան դաշնակցական մարմիններին, ժամանակաւորապէս ղեկավարելու այդ ծրագիրով, թողնելով նրա վերջնական մշակումը եւ հաստատումը առաջիկայ Ընդհանուր ժողովին: Հրատարակելով ներկայ նախագիծը, առաջարկում ենք դաշնակցական մարմիններին և ընկերներին ուղարկել մեզ իրենց դիտողութիւնները, որպէս զի Ընդհանուր ժողովը՝ վերջնական վաւերացում տալու համար, ունենայ իր ձեռքի տակ բոլոր տեսակէտների արտայայտութիւնը:

Յունիս, 1905

Հ.Յ.Դ. ԱՐԵՒՄՏԵԱՆ ԲԻՒՐՈ

Կովկասեան հայութեան և միապետական կառավարութեան միջև սկսած կռիւը մի բնական, անխուսափելի հետևանք է Հայ տարրի առաջադիմութեան և այն վայրենի հալածանքների, որ ցարիզմը երկար տարիներից ի վեր մղում է Հայ ժողովրդի, իբրև ուրոյն, կուլտուրական մի համայնքի դէմ:

Հալածողական այդ քաղաքականութիւնը ամենացայտուն յատկանիշն է այժմեան ռուսական բռնապետութեան. - «ռուսացման» անւան տակ նա ճարակում է կայսրութեան բոլոր Մայրերը, նաև Կովկասը:

Կովկասեան բազմաթիւ ցեղերի շարքում Հայ տարրին յատկացած է մի բացառիկ վիճակ, - նա ամենից աւելի է ենթակայ գիշատիչ ուժի մի յարձակումներին. և այդ այն պատճառով. որ հայութիւնը՝ տնտեսական և ընդհանուր կուլտուրական ասպարէզում ցոյց տւած իր թոխչքներով ու մրցման ուժով՝ վաղուց ի վեր դիտուում է իբրև առանձնապէս վտանգաւոր տարր ցարիզմի տիրապետութեան համար Կովկասում:

Քսան տարուց ի վեր ռէակցիայի աւերիչ հողմը անզուսպ կատաղութեամբ փչում է մեր դժբախտ երկրի վրայ, հարւածելով ժողովրդի ամենանւիրական ստացւածքներին, ոչնչացնելով ազգային-հասարակական հիմնարկութիւնները, թունաւորելով մտաւոր ու հոգեկան միջոցները, ցամաքացնելով ժողովրդական աշխատանքի բոլոր աղբւրները:

Եւ հարւածները մնում էին անպատիժ: Կովկասահայ երիտասարդութիւնը, զբաղւած թիրբահայոց դատով՝ հնարաւորութիւն չունէր որևէ ձևով հակադրելու այդ բացառիկ օրէնքներին:

Հայ եկեղեցական գոյքերի յափշտակումը, իբրև ուժեղ, ցնցող շարժառիթ, եկաւ խախտելու այդ ձեռնպահութիւնը: Ըմբոստութեան ոգին, տասնեակ տարիների ընթացքում խտացած, կենտրոնացած յեղափոխական գիտակից շրջաններում արտայայտւեց ժողովրդական գինւած ու անգէն շարժումների ձևով, 1903 թ-ի աշնան:

Կեանքը միանգամից փոթորկեց: Յեղափոխական կազմակերպութիւնը այնուհետև ձեռնարկեց լուրջ, սիստեմատիկ աշխատանքի: Հայկական շարժումը Կովկասի մէջ կարճ ժամանակամիջոցում դարձաւ մի շօշափելի ֆակտոր ամբողջ կայսրութեան ազատագրութեան գործում: Նա այսօր ունի իր գոհերն ու հերոսները, ունի իր յուզիչ մարտիրոսագրութիւնը: Նա առաջ է գնում անդիմադրելի կերպով, ստանում է յարատև, քրօնիկական կերպարանք և դառնում է միշտ աւելի ու աւելի յարձակողական: Բռնկելով մի այնպիսի ժամանակ, երբ չկար պատերազմ, երբ Պէլձէյի երկաթէ ձեռքով՝ բռնակալութեան մեքենան հասել էր իր վերջին ծայր կատարելագործման, երբ լայնատարած կայսրութեան մէջ գերեզմանական անդորրութիւն էր, մերթ ընդ մերթ ընդհատուած ուսանողական ու բանւորական խաղաղ ցոյցերով կամ տէնորական մասնակի փորձերով՝ նա այժմ խրախուսուած է ազատագրական այն վիթխարի հոսանքից, որ այսօր բլուրն է ամբողջ Ռուսաստանը, ամբողջ Լեհաստանը, Ֆինլանդիան, Կովկասը և որ մօտալուտ յաղթանակի խորխտ գիտակցութեամբ՝ նախագծում է արդէն վաղւան հոյակապ ռամկավարական շէնքը:

Հայ Զեղափոխական Դաշնակցութիւնը, որ ստանձնել է Հայկական շարժման գլխաւոր պատասխանատուութիւնը, մտնում է սերտ յարաբերութեան մէջ Ռուսաստանում ու Կովկասում գործող յեղափոխական սօցիալիստական կազմակերպութիւնների հետ՝ համերաշխ ուժերով մղելու ընդհանուր ազատագրական գործը և իր քաղաքական ու սօցիալական դաւանանքի հետ՝ առաջադրում է իր գործունէութեան նախագիծը :

Զեղափոխական կուռի միջոցով՝ նա ձգտում է դաշնակցական (Ֆեդերատիւ) ռամկավարական մի կազմակերպութեան - ամբողջ Անդրկովկասի համար - ամենալայն տեղական ինքնավարութեամբ: Լինելով բացարձակ հակառակորդ ամէն տեսակ առանձնաշորհումների, ազգայնական ամէն տեսակ գերիշխանութեան ու ճնշումների, «Դաշնակցութիւնը» համոզւած է, որ միմիայն այդպիսի ռամկավարական կազմակերպութեան մէջ՝ կովկասեան այլատարր, այլակրոն և այլաբարբառ ժողովուրդները կարող են ապահովւած տեսնել իրենց ուրոյն, ազատ ու անարգել առաջադիմութիւնն ու բարգաւաճումը:

Սակայն այդ քաղաքական պահանջի իրագործումը մեր նպատակի մի մասն է միայն: Մեծ, անգնահատելի վաստակ լինելով Հասարակական ընդհանուր առաջադիմութեան տեսակէտից՝ նա չէր կարող, այնուամենայնիւ, սպառել «Դաշնակցութեան» բովանդակ ծրագիրը: Կայ տնտեսական անհավասարութեան ուժը, որ քաղաքական ազատ ուժի մի տակ ևս չպիտի թոյլ տայ աշխատաւոր մարդուն՝ վայելելու իր աշխատանքի բովանդակ արդիւնքը:

Պատմական էվոլյուցիայի եզրակացութիւնն է այդ:

Կար ժամանակ, երբ մարդկութեան առաջադէմ տարրերը հաւատում էին, որ քաղաքական բռնապետութեան լուծը խորտակելով՝ կը տիրէր մարդկանց մէջ կատարեալ ազատութիւն, հաւասարութիւն և եղբայրութիւն: Իրերի ընթացքը դառն հիասթափութիւն բերեց այդպէս մտածողներին:

Քաղաքականապէս ազատւած երկրներում ևս ստրկութեան ուժիւր յարատեւեց, - և տնտեսական անհաւասարութեան ուժն էր դրա պատճառը: Միապետական ֆեոդալիզմն ընկաւ, բայց նրա տեղ բարձրացաւ մի այլ դասակարգ, փողատէր դասակարգը - բուրժուազիան: Կեղեքման մենաշնորհը վայրենի, բիրտ ուժից անցաւ աւելի քաղաքակիրթ ուժին - կապիտալին:

Եւ առաջ եկան արեւմտեան Հասարակութիւնների մէջ երկու բանակներ - բուրժուազիա և պրոլետարիատ (գործաւոր դասակարգ) - որոնք, թէև միացած ազգի, Հայրենիքի ընդհանուր շահերով, բայց միեւնոյն ժամանակ տողորած էին տնտեսական շահերի հակառակութեամբ: Մինը նրանցից՝ տէր արդիւնագործութեան միջոցների - Հողի, դրամի, մեքենաների, միւսը՝ զուրկ սեփականութիւնից: Հակամարտութիւնը երկու դասակարգերի միջև աւելի և աւելի բորբոքեց, շնորհիւ օր աւուր առաջադիմող արդիւնագործութեան:

Դա մի նոր շրջան էր քաղաքակրթութեան պատմութեան մէջ, որ կոչւում է կապիտալիստական: Կապիտալը, դրամագլուխը միշտ աւելի և աւելի աճում է - մասնաւոր քաղաքային, արդիւնագործական աշխարհում - համեմատաբար փոքրա-

թիւ արտօնեալների ձեռքում, որոնք յենելով իրենց ծագման, նիւթական ուժի և պետութեան գործօն հովանաւորութեան վրայ՝ ձգտում են յաւերժացնել իրենց դիրքը, իբրև իշխող ու կեղեքող դասակարգի:

Կապիտալիստական արդիւնագործութիւնը, մեծ զարկ տալով քաղաքակրթութեան ընդհանուր առաջադիմութեան, միեւնոյն ժամանակ իր ստեղծարար կողմերով - արդիւնագործութեան անկանոնութեամբ, պարբերական ճգնաժամներով, անաշխատութեան մշտական երևոյթով, բանտարական ուժերի հրէշային շահագործումով և այլն և այլն - այդ բոլոր բացասական յատկութիւններով անդրադառնում է աշխատաւոր դասի նիւթական և ֆիզիքական, մտաւոր ու բարոյական կացութեան վրայ: Արդիւնագործական կեանքի առաջնադացութեան հետ շեշտում է ամեն տեղ, քաղաքների ու գիւղերի մէջ, աշխատաւոր դասի քայքայումն ու թշուառութիւնը: Եւ այդպիսով ստեղծւում է վիճակների մի ցայտուն հակապատկեր, մի կողմից մասսային քաղց ու մերկութիւն, միւս կողմից՝ առասպելական Հարստութիւններ, պերճանք ու վայելքներ: Այդպէս է ներկայումս քաղաքակրթ աշխարհի ընդհանուր պատկերը:

Այդ վիճակի չէր կարող Հարստահարւած բանտարական մասսաների մէջ չարտադրել դժգոհութեան փրկարար հոսանքը: Նա ծնունդ առաւ և արդէն իսկ վերջին դարու երեսնական թվականներից արտայայտեց խոշոր յուզումներով ու կռիւներով:

Այլուց մի նոր տեսակի քաղաքացիական շարժում, - սօցիալական շարժում: Նա անդրադարձաւ ժամանակի մտածող գիւղիների մէջ: Ասպարեզ եկան ազնիւ, մարդասէր դէմքեր, որոնք փորձեցին դարմանել հասարակական վտանգաւոր կացութիւնը, կոչ անելով - ապարդիւն, իհարկէ, - հարուստ, ազդեցիկ անհատների մարդասիրական զգացումներին: Սօցիալական խնդրի խաղաղ, անպայքար լուծումն էր առաջարկւում, - անհնարին բան: Սօցիալիզմը իր ուսուցիական շրջանի մէջ էր:

Այնուհետև մին միւսի ետևից երևան եկան տնտեսագէտներ ու սօցիոլոգներ, որոնք լցւած ատելութեամբ դէպի տնտեսական անարդար կարգերը՝ յետ մղեցին խաղաղ ճանապարհը և ջատագովեցին կուռի սկզբունքը, որով միմիայն կարելի էր լուծել կապիտալի ու աշխատանքի դարաւոր հակառակութեան վիթխարի Հարցը: Նրանք յարձակեցին Հասարակութեան Հիմքերի վրայ, դատապարտեցին մասնաւոր սեփականութեան հաստատութիւնը, մահացու հարւած տուին կապիտալիստական տնտեսութեան սիւստեմին: Նրանք ցոյց տուին, թէ ինչպէս կապիտալիզմը իր պատմական առաքելութիւնը աճողութեամբ կատարելով՝ այժմ իր կատարեալ անակութիւնն է յայտարարում: Նա արգելք է լինում քաղաքակրթւած Հասարակութիւնների նօրմալ, բնականոն առաջադիմութեանը, նա ստրկացնում է ամբողջ դասակարգեր, այլասերում է ամբողջ սերունդներ՝ նետելով նրանց թշուառութեան անդունդը:

Եւ ահա մի շարք տնտեսագէտների, սօցիոլոգների ու փիլիսոփաների երկարամեայ ուղղակի և անուղղակի աշխատանքը, միացած տնտեսական էվոլյուցիայի օրէնքների հետ՝ առաջ բերին ու կազմակերպեցին այն մեծ շարժումը, որ յայտնի է աշխարհին Սօցիալիզմ անունով: Նա հռչակեց որպէս հակադրութիւն կապիտալիզմի և նրա հետ կապւած բոլոր չարքների: Նա զարգացաւ անսովոր արագութեամբ, նւաճեց թշուառութեան մէջ իւրւած բանտարական ու գիւղացիական մասսաները, թափանցեց երկրագնդի

բոլոր անկիւնները, ուր մտել է կապիտալը իր կեղեքումներով ու աւերումներով:

Սօցիալիստական շարժումը իր էութեամբ միջազգային է: Բոլոր երկրների աշխատաւոր տարրերը, իբրև միևնոյն կապիտալիզմի զոհեր, իբրև դառն ճակատագրի եղբայրակիցներ, միանում են, ձեռք ձեռքի տալիս և՛ գիտակ իրենց բարձր առաքելութեան, վստահ յաղթանակի վրայ՝ դիմում են կազմակերպւած պայքարի ճանապարհով դէպի մի սօցիալական կազմակերպութիւն, ուր չպիտի լինին կեղեքողներ ու կեղեքողներ, իշխողներ ու հպատակներ, ուր արդիւնաբերութեան միջոցները, դրամագլուխը պիտի լինի համայնական, ուր աշխատանքը, քաղաքակրթութիւնը և նիւթական վայելքները հաւասարապէս բաժին պիտի լինին իւրաքանչիւրին:

Այդ ուղղութեամբ է գնում հասարակական էվօլյուցիան արևմտեան աշխարհում: Տեսնենք, թե ի՞նչ է ներկայացնում մեր իրականութիւնը:

*
* *

Ինդուստրիալիզմի, խոշոր-արդիւնաբերական հոսանքի այլքները հասան նաև Անդրկովկասին: Նրանք կամաց-կամաց փոխեցին Հինաւուրց տնտեսութեան ձեւերը, ուր դասակարգային բաժանումներն ու անհասարկութիւնը հազիւ նշմարելի էին, ուր պարսից տիրապետութեան արհաւիրալի յիշողութիւնները գրեթէ իսպառ մոռացնել էին տալիս մանր-մունր սղորակների - աղաների ու վաշխատուների - կեղեքումները:

Հայ առևտրական տարրը, որ նախնի վիճակում ևս քաղաքակրթութեան տարածողն էր թէ՛ մեր և թէ՛ հարևան երկրների մէջ՝ զգալի զարկ տեց ամբողջ կովկասեան արդիւնաբերութեան: Եւրոպական ու ռուսական կապիտալիստներն ևս շահագորգութեան հետ կովկասի բնական հարստութիւններով, և համեմատաբար կարճ միջոցում երկիրը դարձաւ ընդարձակ ու արգասաւոր շահագործման վայր:

Մեքենայական խոշոր ինդուստրիայի ներմուծումը, ինչպէս եւրոպայում ու Ռուսաստանում, այնպէս և մեզ մօտ ունենում է իր անխուսափելի հետևանքները՝ արհեստների անկում և գաղթը դէպի արդիւնաբերական վայրերը:

Որքան անելի է ծաւալում արդիւնաբերութիւնը, այնքան անելի է ընդարձակում պանդխտութեան հոսանքը, որը առանձնապէս ուժեղանում է ներկայումս շնորհիւ գիւղերի սակաւահողութեան: Այդ վերջինը միշտ անելի և անելի չեղտում է մասնատրապէս պետական հողերի վրայ ապրող գիւղացիների չրջանում՝ շնորհիւ «ռուսացման» հովերով տարւած կառավարութեան ուժիմին, որը պահում է ազատ հողերը ռուս գաղթականների համար և նոյնիսկ յաճախ խլում է տեղացու աննշան հողաբաժնից:

Հայ չինականը իր մի թիզ հողով և նահապետական մշակման ձեւերով՝ քարշ է տալիս մի կիսաքաղց, յուսահատ գոյութիւն: Աւելացրէք դրան՝ հարկերի ծանրութիւնը, կալւածատէր-աղաների ու վաշխատուների յարածուն կեղեքումները և այն ժամանակ դիւրին կը լինի ըմբռնել Հայ միջին գիւղացու աննախանձելի տնտեսական վիճակը, նրա մշտնջենական մղումը դէպի արդիւնաբերական կենտրոնները, ուր վաստակը

համեմատաբար առատ է, թէև աշխատանքը՝ տաժանելի: Այդ նոյն երևոյթը, ընդհանուր առմամբ, տեղի ունի նաև կովկասեան ուրիշ ազգութիւնների մէջ:

Արդիւնաբերութեան առաջնադասութեան հետ ծնունդ է առնում Անդրկովկասում եւրոպական մտքով փողատէր դասակարգ՝ բուրժուազիա, որը իւրացնում է կապիտալիստական շահագործման բոլոր ձեւերը և որը պիտի անելի ևս ուժեղանայ վաղան կարգերի մէջ, երբ կը վերանան միապետութեան կողմից առևտրի ու արդիւնաբերութեան դէմ հանած բազմաթիւ խոչընդոտները:

Մնունդ է առնում մեծ քաղաքներում և այդ բուրժուազիայի անբաժան ստերը - պրօլետարիատը, որը - թէև, մեծ մասամբ կազմւած լինելով մանր սեփականատէր գիւղացիներից, կատարելապէս չէ համապատասխանում բառի եւրոպական իմաստին - այնուամենայնիւ իր նիւթական, մտաւոր, կուլտուրական վիճակով շատ անելի թշւառ է, քան արևմտեան որևէ երկրի պրօլետարիատը: Դրա հետ միասին աշխատաւոր ժողովրդի մեծ զանգւածը մնում է տակաւին գաւառների մէջ, կապւած իր հողին ու խղճուկ տնտեսութեան, ենթակայ այլևայլ հարստահարիչների կամայականութիւններին, նոյնպէս տգէտ, նոյնպէս տանջւած և իրաւագուրկ: Նրա մի զգալի տոկոսը, զրկւած արդէն աշխատանքի անհրաժեշտ սեփական միջոցներից, հարկադրւած է ունևոր դրացիների տրամադրութեան տակ դնել իր ու իր ընտանիքի աշխատող ձեռները և իր բաժին կտոր հողը, եթէ նա դեռ մնացել է:

Մեր Հայկական կեանքում՝ անտագոնիզմը հարստահարող և հարստահարւող տարրերի միջև մինչև օրս հրապարակ չէր գալիս զգալի չափերով և չէր էլ կարող գալ: Ցարիզմը՝ ընդհանուր հայութեան դէմ ուղղած իր արշաւանքով միմիայն համերայխութեան ոգին է արծարծում Հայ ազգաբնակչութեան բոլոր խաւերի մէջ, և զարգացնելով ընդհանուր ազգայնական կապը՝ առժամապէս նսեմացնում է դասակարգայինը:

Սակայն կոխը սկսւած է արդէն նաև դասակարգային հողի վրայ, - և բնական հակառակութիւնը Հայ աշխատաւոր ընդհանրութեան ու շահագործող փոքրամասնութեան միջև՝ հետզհետէ պիտի սաստկանայ, թէ՛ քաղաքներում և թէ՛ գաւառներում, և նա կը հասնի իր լիակատար զարգացման չրջանին, երբ միապետական ուժիմը տապալելով՝ բուրժուազիան, խոշոր սեփականատէր տարրը, իր ձեռքը կ'առնէ կառավարութեան դեկը, և ազատ, անկախանդ թոխջ կը հաղորդէ արդիւնաբերութեան ու կապիտալիստական շահագործման:

Տնտեսական անհասարկութեան այդ ուժի դէմ ևս շ.Յ.Դաշնակցութիւնը, հաւատարիմ իր աւանդական ոգուն, իբրև էապէս ժողովրդական կուսակցութիւն, պիտի մաքառէ բոլոր պատշաճ միջոցներով, քաղաքական և տնտեսական խնդիրներում նա աշխատաւոր ընդհանրութեան տեսակէտի ու շահերի պաշտպան կը կանգնէ և միաժամանակ կը դաստիարակէ նրան սօցիալիստական իդէալների ոգով, կը պատրաստէ նրան քաղաքական և սօցիալական մեծ պայքարի համար:

Գիւղական աշխարհում «Դաշնակցութիւնը» դիմում է իր պրօպագանդով ազգաբնակչութեան այն խաւերին, որոնք իրենց տնտեսական դրութեամբ մատչելի են կազմակերպութեան դասանած գաղափարներին: Կոխ մղելով կալւածատէրերի և վաշխատուների դէմ՝ նա պիտի կազմակերպէ իր դրօշակի տակ հողազուրկ և սակաւահող

գիւղացիներին, պիտի ձգտէ ըստ կարելոյն բարձրացնել նրանց նիւթական ու հոգեկան վիճակը և մերկացնելով մասնաւոր տնտեսութեան բոլոր աննպաստ, բացասական կողմերը, պիտի աշխատէ ժողովրդականացնել համայնական տնտեսութեան ձևերը, պատաստել գիւղական կեանքին արդիւնաբերող ու սպառող ընկերակցութիւններին արգասաւոր սկզբունքը, որը ճանապարհ է հարթում դէպի ապագայ մեծ համայնական, սօցիալիստական կազմակերպութիւնը:

Մեկնելով նախընթաց հիմնական հայեացքներից և աչքի առջև ունենալով այն կարևոր հանգամանքը, որ հայ տարրերի Հետ միասին Անդրկովկասի միւս ժողովուրդներն էլ գտնուում են քաղաքական և տնտեսական համամասն պայմաններում և որ, Հետևաբար, անդրկովկասեան բոլոր աշխատատեղերի հիմնական ձգտումները պէտք է մէկ լինեն, Հ.Յ.Դաշնակցութիւնը առաջադրում է հետևեալ պահանջները.

ՔԱՂԱՔԱԿԱՆ

1) Դաշնակցական ռամկաւար հանրապետութիւն Անդրկովկասի համար, հիմնաւած ընդհանուր, հաւասար, ուղղակի և գաղտնի ձայնատուութեան վրայ:

2) Կատարեալ հաւասարութիւն բոլոր ազգերի և կրօնական համայնքների, որոնք մտնում են դաշնակցութեան մէջ: Ոչնչացումն դասակարգային բոլոր առանձնաշնորհումների:

3) Անդրկովկասը կազմում է ազատ Ռուսաստանի անբաժան, դաշնակից մասը, կապւած Ռուսաստանի Հետ ընդհանուր պետական ինքնապաշտպանութեան, դրամական սիստէմի ու ընդհանուր քաղաքականութեան խնդիրներում: Նա ուղարկում է վերոյիշեալ սկզբունքներով ընտրուած իր ներկայացուցիչները Ռուսաստանի ընդհանուր պառլամենտին:

4) Անդրկովկասը անկախ է իր բոլոր ներքին խնդիրներում՝ վարչական, տնտեսական և:

5) Անդրկովկասեան Դաշնակցութիւնը ունի իր կենտրոնական պառլամենտը Թիֆլիսում: Բնակչութեան իւրաքանչիւր 25 000-ը ընտրում է մէկ պատգամաւոր: Իւրաքանչիւր անդրկովկասցի, որ անցել է 20 տարին, առանց սեռի խտրութեան, իրաւունք ունի ընտրելու:

6) Պատասխանատու մինիստրական մարմինը վարում է, համաձայն պառլամենտի որոշումների, երկրի վարչական, տնտեսական և կուլտուրական բովանդակ քաղաքականութիւնը:

7) Անհատը և բնակարանը անձեռնմխելի են:

8) Մամուլի, խօսքի, խղճի, գումարումների, բանտրական սինդիկատների և գործադուլների կատարեալ ազատութիւն:

9) Ընդհանուր, պարտադիր և ճրի սկզբնական կրթութիւն մայրենի լեզուով, կատարեալապէս՝ համապատասխան իւրաքանչիւր ազգի կարիքներին և զարգացման: Միջնակարգ դպրոցները - մայրենի լեզուով, մնացած գլխաւոր տեղական լեզուները՝ իբրև անհրաժեշտ առարկաներ: Ռուսերէնը, իբրև ընդհանուր պետական լեզու՝ պարտադիր է:

10) Անդրկովկասեան ռամկաւար Դաշնակցութիւնը չէ ճանաչում պետական եկեղեցի: Կրօնը անհատական խղճի գործ է:

11) Անդրկովկասը բաժանուած է գաւառների, որոնք վայելում են ամենալայն տեղական ինքնավարութիւն: Գաւառների սահմանները զծագրելիս՝ ի նկատի պիտի առնել ազգաբնակչութեան ցեղաբազմական և կուլտուրական կազմը (ըստ կարելոյն միաձույլ համախմբումներ կազմելու համար):

12) Գաւառների մէջ առանձին համայնքները նոյնպէս վայելում են ինքնավարութիւն՝ զուտ համայնական խնդիրներում: Ազգաբնակչութեան կողմից վերը յիշած սկզբունքով ընտրուած գաւառական խորհուրդը իր օրգաններով վարում է գաւառի ներքին գործերը: Նոյնը՝ համայնքի մէջ:

13) Համայնական և գաւառական բոլոր պաշտօնեաների համար պարտադիր է տեղական երկու գլխաւոր լեզուներն իմանալը, իսկ Անդրկովկասեան ընդհանուր պաշտօնեաների համար՝ երեք գլխաւոր լեզուները:

14) Բոլոր պաշտօնեաները ընտրուած են ժողովրդի կողմից, վերը յիշած ընտրողական սկզբունքով:

15) Գաւառի և Անդր. Դաշնակցութեան բարձրագոյն դատաւորները անկախ են և անփոփոխելի: Նրանց ընտրութեան սկզբունքները որոշում է Անդրկովկասի Սահմանադիր ժողովը: Դաշնակցական ընդհանուր դատարանի մէջ երեք գլխաւոր լեզուները պարտաւորական են:

16) Անդրկովկասի ինքնապաշտպանութեան սիստէմը ժողովրդական միլիցիան է, ընդհանուր զինաւորումը: Ամեն մի առողջ քաղաքացի պարտաւոր է որոշ ժամանակով ծառայել իբրև միլիցիական: Անդրկովկասի միլիցիան ծառայում է Անդրկովկասի սահմաններում: Նա ենթարկուած է Ռուսաստանի ընդհանուր հրամանատարութեանը և գործադրում է միմիայն այն դէպքում, երբ ընդհանուր պետութեան կամ Անդրկովկասեան Դաշնակցութեան ազատութեանն ու ամբողջութեանը վտանգ է սպառնում:

17) Անդրկովկասեան սահմանադրութիւնը մասամբ կամ ամբողջութեամբ փոփոխելու որոշումը կարող է կայացնել Անդրկովկասի ինքնավար ժողովուրդը, ընդհանուր քւէարկութեամբ և ձայների 2/3-ի առաւելութեամբ: Սահմանադրութիւնը փոփոխելու առաջարկը կարող են անել և որոշ թիւ քաղաքացիներ:

ՏՆՏԵՍԱԿԱՆ

1) Հողերի աստիճանական համայնացում:

2) Վերացում անուղղակի հարկերի: Մտցնել պրօգրէսիւ տուրք եկամտի ու ժառանգութեան վրայ և բոլորովին ազատել դրանից՝ որոշ չափից պակաս մանր եկամուտները:

3) Սահմանել օրէնքով ութթամեայ աշխատանքի օր բանւորների համար:

4) Սահմանել նազագոյն օրավարձ՝ այլևայլ զբաղմունքների համար՝ քաղաքում և գիւղում:

5) Պետական ապահովագրութիւն դժբախտ պատահարներից, հիւանդութիւնից, ծերութիւնից և անաշխատութիւնից՝ պետութեան և գործատէրերի հաշուով:

6) Ազատութիւն տեղափոխութեան և արհեստների:

7) Աշխատանքի բօրսաններ, որոնք պիտի մասնակցեն բանւորական օրէնսդրութեան մշակմանը:

8) Աշխատանքի օրհնադրական Հովանաւորութիւն, Համաձայն գիտական առողջապահութեան պահանջներին:

9) Վերացում գիշերային աշխատանքի, բացի այն գործառնութիւններից, որոնց տեխնիկական բնոյթը թոյլ չի տալիս ընդհատումներ: Անպայման վերացնել գիշերային աշխատանքը կանանց և անչափահասների համար:

10) Արգելել երեխաների աշխատանքը մինչև 15 տարեկան հասակը, իսկ 15-ից մինչև 18 տարեկան հասակում սահմանափակել վեց ժամով:

11) Բանւորական վերատեսչութեան ընտրութիւն:

12) Կիրակնօրեայ լիակատար Հանգստութիւն:

Ա-ԳՕ տես Տեր-Մարտիրոսյան Հովհաննես	
Աբաշ օղի Իսմայիլ	53
Աբաշյան Տիգրան (Կայծակ Առաքել)	28, 33, 35, 36, 46, 47, 464
Աբբաս	53
Աբրուլա բեկ օղի Աղաբեկ	51
Աբրուլ Համիդ II	103, 174, 331, 364, 366, 385, 406, 428, 429, 432, 437, 445, 490, 584, 585, 671, 685, 694, 704, 706-709, 713, 729
Աբրուլ Վեհիբ փաշա	725
Աբրուլ օղի Հասան	29
Աբրուլ օղի Արտաշես	181, 187
Աբրուլյան Խաչատուր	367
Աբրահամյան Թադևոս	31
Արամյան Մեխակ	299, 322
Արեւիկանյան Գ.	117
Արեւիկանով	549
Ազատյան Հայկ	323
Աթաբեկ Ազամ	652, 654, 688, 689
Աթաբեկյան Անուշկա	32
Աթաբեկյան Լևոն (Դիտարդ)	173, 213, 214, 216-218, 220-224, 226-228, 235, 277, 376, 517
Աթաբեկյան Հովսեփ	347
Աթաբեկյան Միքայել	98
Աթաբեկյան Միքայել	715, 723
Աթաբեկյան Աշ.	356
Ալաբաբյան 498	
Ալաբաբյան Կ.	288, 289, 308
Ալեքսան վասպուրականցի	35
Ալեքսան ռուսահայ	396
Ալեքսան վանեցի զինագործ	469
Ալեքսանդր II	103, 373, 534
Ալեքսանդր III	246, 373
Ալի	35, 106
Ալի բեյ	386
Ալիև Կ.	14
Ալիզոնացի Մբր	640
Ալի խան	39
Ալիխանով	106
Ալիս Շտոն-Բլեկվիկ Տիաա	438
Ալլահկուլի Զավար բեկ	30, 31
Ալլայ բեյ	719
Ալոյան Գալուստ (Թորոս)	463, 468
Ակնունի Է. տես Մալումյան Խաչատուր	
Ահարոնյան Ավետիս	94, 187, 401, 452, 455, 460, 515, 517, 518, 532, 543, 581, 583, 605, 614, 615, 616
Ահմեդ	639
Աղան Հասան բեկ	14
Աղան Ահմեդ	85, 666
Աղալար բեկ	29
Աղախանյան Հովհաննես	32
Աղամալյան Արտեմ	159, 311
Աղամալյան Մկրտիչ (Սարգստ)	463

Աղամալյան Կարապետ	292
Աղամալ	292
Աղայան Մ. Գ.	292
Աղասարյան Բ.	98
Աղա Վասակ	324
Աղբոյան Մարտիկ	644
Աճեմ-Խաչոյան աղա Սարգիս	121
Ամիրխանյան Հովհ.	97
Ամիրյան Արսեն (Մրայան Ա.)	204-212, 214, 228, 277, 359, 376, 380
Ամիրյան Թադևոս (Գիթ Թաթոս) - 204,	419
Ամիրյան Գրիգոր	204
Ամիրյան Ա.	63, 697
Ամֆրոսիատուրով Ա. Վ.	89, 90
Ալվազյան Կարո	499
Անանուհ Դավիթ	182, 217, 246, 250, 251, 269, 270, 380
Անտոնյան Արամ	643
Աշոտ եպիսկոպոս	57
Աչքիկոյան	399
Աչքիկոյան Արամ (Գրիգոր)	143, 145, 146, 151
Առաքելյան Արմենակ	499
Առաքելյան Լ.	195
Առաքելյան Խաչատուր	31
Առաքելյան Համբարձում	96, 98, 140, 236, 416, 670, 671
Առյուծ Ավագ	48
Ասլան Հայրուկ	48
Ասկուրի	440
Աստվածատուրյան Արշ.	125, 615
Ավագ Խորանցի	30
Ավագյան Մարտիրոս	53
Ավելյան Հովսեփ	413
Ավետիս արևմտահայ մարտիկ	46
Ավետիսյան Հովհաննես	499
Ավետիսյան Մարգար	227
Ավետիսյան Մկրտիչ	121, 130
Ավետիսյան Վ. Ա.	159, 243, 244, 365
Ավետիսյան Տիգրան	187
Ավետիսյան Մ.	132, 638, 639
Ավո ճեցի	21, 28, 35, 47, 464
Արամայիս	52, 53
Արամյան Մ.	117, 292, 324
Արասխանյան Ավ.	96
Արարատյան Սարգիս	187
Արարբեցյան Միհրան	125
Արեւյան Թուրքինա	585
Արզումանյան Մ. Վ.	288, 306, 307
Արզույան Ալեքսան (Վահե)	161
Արզունյան Գրգոր	389
Արծրունի Գրիգոր	205
Արկունի Ս. Տ.	360
Արզուլյան Սոֆյա	416
Արշակ վանեցի	125
Արսեն արևմտահայ տանապետ	28

Արսն տրապիզոնի դաշնակցական --- 514
 Արփիարյան Արփիար -- 160, 583, 605, 711
 Արֆենի --- 140, 146, 147
 Աբսերդոդ --- 276

Բարերդի Սեպուհ տես Ներսիսյան Արշակ
 Բազիրի Սրբա --- 661
 Բազիրի Ջավիդ --- 661
 Բաղասարյան Միք. --- 246
 Բաղասարյան Վարդան --- 159, 308
 Բաղասարյան Թորերտ --- 250
 Բաղդադյան Գարեգին --- 128
 Բաղդադյան Համազասպ (Սայման) --- 128, 507, 509, 511-513, 565

Բանկորյան Սեդրակ --- 145, 155
 Բաշինջալյան Գևորգ --- 666
 Բարաթով --- 292, 324
 Բարժանսկի Վ. --- 289
 Բարսեղ --- 210
 Բարսեղյան --- 514
 Բարսեղյան Խ. Հ. --- 312
 Բարսեղյան Կարապետ --- 128
 Բոյբյան Մրակ --- 393, 395, 396, 409-411, 426, 639, 642
 Բոյբյան Սարգիս --- 393, 395, 396, 409-411, 426, 639, 642

Բեբև Ավգուստ --- 82, 356, 357, 362, 378, 552, 637

Բեգլար Սրբա-օղի --- 29
 Բեկզադյան Ալեքսանդր --- 280, 313
 Բեկտուու --- 440
 Բենտերյան Յակոբ --- 451
 Բենչուսյան Էդուարդ --- 362, 456, 458
 Բերար Վիկտոր --- 77, 452, 453
 Բերբերյան Թուրան --- 180, 376
 Բերթրոլ Սարալյան - 433, 434, 440-444, 446
 Բըբուտոն --- 447
 Բիթ --- 446, 447

Բիկրեն ֆիլդ --- 430
 Բյուլեներ Կարլ --- 255
 Բոզարյան Ն. --- 117
 Բոլետ Անատոլ Լըրուա --- 433, 434, 440
 Բոյաջյան Միշհան --- 499
 Բոսսի --- 440
 Բորկա Օպուուտ --- 433
 Բորյան Բագրատ --- 280
 Բորոյան Սմբատ --- 48
 Բրայա Ջեյմս --- 171, 435, 447

Բրեալ --- 440
 Բրին Արիստիդ --- 440
 Բրուտյան Աբրահամ --- 128
 Բուլղարացի Գրիգոր --- 470
 Բուլղարացի Պետր --- 17
 Բուրժուա Լեոն --- 440, 451

Գալանյան Նշան --- 128
 Գայն սպաղանցի --- 640
 Գայլ Վահան (Դոլբայան Մինաս) --- 230
 Գասպար Ա. դաշնակ. բաղաբանական տեսաբան --- 224

Գասպարյան Առաքել --- 641
 Գաստոն Լըրուա --- 76
 Գաֆայան Արշակ (Քեռի) --- 28, 46, 187, 464, 546, 547

Գեղ ժյուլ --- 362
 Գեղամովներ --- 292
 Գեորգեզյան --- 98
 Գևորգ արևմտահայ Հայրուկ --- 37, 464
 Գլադստոն Վ. --- 438
 Գյուլիանդրանյան Աբրահամ (Աբր.) - 58, 59, 173, 242, 245, 471, 473, 624, 625, 472, 473, 514

Գյուլիան Գ. Ս. --- 99, 104, 106, 113, 116, 118, 119, 143

Գոլոշայով --- 20, 21, 23-25, 27
 Գորն Պետր --- 414
 Գորկի Մաքսիմ --- 669
 Գրգորյան Ճեռճիս --- 451
 Գրիգոր --- 27
 Գրիգորյան Ասիկ --- 644
 Գրինգոմուտ --- 792
 Գրո --- 322
 Գույումջյան Նազարեթ --- 499
 Գուրգեն --- 232, 473, 642
 Գուրոփի Մ. Ն. --- 101

Դալի-Ալի --- 50, 51
 Դանիելյան Լ. --- 98

Դանիակցական Խնչո --- 471, 472, 546
 Դաշոյան Թուրան --- 280, 311, 313
 Դավթյան Արշակ --- 151, 157
 Դավթյան Եփրեմ --- 684
 Դավո --- 128, 132
 Դարբինյան Արտակ --- 122, 123, 129, 131, 132, 231

Դարբինյան Թուրան տես Ջիլինգարյան Արտաշես

Դերձակյան Օնիկ տես Վրամյան Արշակ
 Դիլոն Էմիլ --- 627
 Դիլո Արմանդ --- 433
 Դյուկոմոն Էլի --- 437, 439
 Դյուկոմանյան --- 381
 Դոնդուկով-Կորասակով Ա. Մ. --- 78
 Դովե Այա Էդ --- 664, 686
 Դովե Ամինդ --- 652
 Դովե Էյն Էդ --- 654, 661, 662, 664

Դրո տես Կանայան Դրաստամատ
 Դուբինսկի Բ. - Մուխամե --- 310
 Դումանյան Ալեքսանդր --- 499

Եգանյան Բալասան --- 469
 Եղիգարով Հուսեփ բեկ --- 15, 16
 Երուրդյան Կարապետ --- 499
 Եկարյան Արմենակ --- 121, 123, 127, 129
 Եղիգարյան Ստեփան --- 157
 Եղիգարով --- 324
 Եղիշ --- 36
 Եղոն (Հեղինե) --- 646-648
 Ենոք --- 46
 Եվգենյա Կոնստանտինովնա --- 600

Երևանցի Պետրոս (Բագրատ Տեր-Հովհաննիսյան) --- 468
 Երզնկյան Արամայիս --- 312
 Երիցյան Պողոս --- 499
 Երկաթ խմբապետ --- 464
 Երվանդ զինազոր --- 468
 Երվանդ --- 495
 Եփրեմ զինազոր --- 468

Զավարյան Սիմոն --- 43, 187, 190, 235, 292, 327, 513, 515, 517, 519, 521, 532, 578, 583, 584, 605, 614, 615

Զավեն Տիգրան --- 416
 Զավրիե Յակով (Հակոբ Զավրիյան) --- 418, 419, 513, 532, 544, 565, 581, 582, 590, 615, 616

Զարարյան Թուրան --- 187, 188, 444, 445, 513, 515, 522, 526, 528-530, 539, 547, 553

Զարմայր --- 214
 Զաքարյան Վահան --- 514

Զեյվեր բեյ --- 726
 Զեքի փաշա --- 716

Զընո --- 641
 Զիս բեյ --- 701, 703

Զիլիբ Էս Սալթան --- 653, 690
 Զիտով Իվան Ալեքսեևիչ --- 417, 418

Զոյուտարյով --- 323, 324
 Զոհրաբյան Խնչո --- 499
 Զոհրապ փառապուրականցի զինյալ --- 470

Զոհրապ Գր. --- 382
 Զուլուամթ խմբապետ --- 464
 Զուրաբյան Արշակ --- 280, 282

Էլլիտիրբյան Կորյուն --- 645
 Էլիավ Շ. --- 304
 Էլմար Յ. --- 652, 661, 663

Էմիլ Ջոյա Ա. --- 433
 Էմիլ Հովսեփ --- 549
 Էյնաթյան Գալուստ --- 628

Էնգելս Ժ. --- 256, 332, 333, 335, 341, 342, 346-349, 356, 364, 381

Էնֆիսյան Ա. --- 117
 Էսֆանկանի Սեիդ Ջամալ Էդ Դին --- 661

Էվոյան Սիմոն --- 288
 Էտուրնեյ --- 433
 Էրեբա Պոլ --- 438
 Էրֆուտ --- 333, 342

Էրզախ --- 386

Թազգիորյան Պետրոս --- 499
 Թարևոսյան Արշակ --- 235
 Թարևոսյան Լեոն --- 228, 514, 614, 625

Թարևոսյան Սո. (Սամսոն) --- 468, 469
 Թարևոսյան Տիգրան --- 235
 Թաթուլ --- 473
 Թաչի փաշա --- 405
 Թանտին քուրդ ցեղապետ --- 386
 Թարևոս Հաֆի Ջեյնալ Աբդին --- 84, 85

Թամանյան Ավետիք --- 383
 Թափանջյան Հովհաննես --- 161
 Թերթեմեզյան Միշհան --- 128, 187
 Թերթեմեզյան Տիգրան --- 128
 Թիմախ խմբապետ --- 464
 Թոնյան Սլուսիչ --- 499
 Թորգոմ --- 232, 463, 464, 468, 473, 475
 Թորոսյան Գուրգեն --- 499
 Թորոսյան Սահակ --- 187
 Թոփչյան Եղիշ (Վահե) --- 94, 180, 187, 196, 203, 212, 216, 235, 378, 514-517, 521, 522, 526, 530, 531, 534, 543, 549, 552, 558, 559, 571, 572, 573, 577, 581, 582, 605, 614, 615

Թուման --- 232
 Թումանյան Ա. --- 288
 Թումանյան Անդրի --- 37
 Թումանյան Խաչատուր --- 37
 Թումանյան Հովհաննես բանաստեղծ - 8, 322
 Թումանյանց նորաշենքի --- 38

Ժազար --- 171
 Ժամկոչյան Թազգիոր --- 499
 Ժամհարյան Իսահակ --- 204
 Ժամհարյան Մարգար --- 419
 Ժղենտի --- 282
 Ժորանիս Խոյ --- 346
 Ժորես Ժան --- 67, 77, 171, 362, 458, 552, 556, 637

Իբրահիմ բեկ --- 33
 Իբրալ Սոլթան --- 701, 702
 Ինճիկյան Հովհ. --- 366
 Իխան (Վանա կամ Լեոնապարի Իխան) - 127, 187, 232, 506-509, 512, 513, 518, 532, 542, 551, 564, 600, 727
 Իխանյան Բախի --- 182, 246, 252, 254-256, 265, 270, 273, 277
 Իխանյան Եղիշ --- 18
 Իսախանյան Տ. --- 182, 245, 246
 Իսահակյան Ավ. (Հայ Գուսան) --- 188, 321, 322, 513, 515, 517, 530, 591

Իսահակյան Արշակ (Ջամայան Արշակ) - 163, 164, 168, 169, 181, 187, 283, 514, 517, 518, 521, 535, 536, 543, 544, 551, 572, 589-592, 605, 614, 615
 Իսահակյան Հ. Ա. --- 297
 Իսկանդար բեկ --- 30
 Իսկանդար բեկ --- 292
 Իսմայիլ աղա --- 9
 Իսմայիլով Ալաբաբեր --- 14
 Իսրայելյան Խանգամոս --- 37
 Իվանյուկով Ի. --- 91

Լազյան Գաբրիել --- 427
 Լազո տես Ղազարյան Հակոբ
 Լազարե --- 137
 Լալայան Իսահակ --- 280
 Լակոտալ Թոփոն --- 51
 Լանգուուս Ժ. Գ. --- 433

Հայրով	217
Հարուս	559
Լենին Վ. Ի.	139, 140, 142, 143, 149, 181, 204, 264, 265, 330, 332-339, 343, 345, 353, 361, 381
Լեռ	160
Լեհիկ	8
Լևոն	468
Լևոն	624
Լևոն	624
Լիբնինիտ Կարլ	362
Լիբնինիտ Վիլհելմ	356, 362, 378
Լիզա	18
Լյախով	687
Լյուբեմբուրգ Ռ.	335, 362, 363
Լոմբարդ Չեզարե	437
Լոնգե ժան	446
Լորիս-Մելիքով	324
Լորան ժորժ	448, 449
Լորթոն Հայրուկ	48, 125, 126
Խաթանայան Եր.	407
Խաթակ Գարեգին	93, 94, 173, 180, 187, 196, 197, 212, 224, 290, 378
Խայեյան Ե. Մ.	312
Խան	464
Խան Աղաջան Արմենակ	499
Խանազատ (Խան-Ազատ) Ռուբեն	60, 127, 132, 135, 143-146, 149-154, 156, 157, 180, 376
Խանազով	324
Խանյար բեկ	29
Խանոյան Սիրզո (Մարգիս)	280, 310
Խանյան Աղասի	121
Խանյան Լևոն	121
Խաչատրյան Ալ.	97
Խաչատրյան Սամսոն	53
Խաչոյան Գուրո	644
Խաչիկ Ալ.	322
Խատիայան Ալ.	95, 117
Խատիայան Գոնատանտին	468
Խարա Յակո	640
Խեչո արևմտահայ մարտիկ	46
Խինկալյան Թադևոս	496, 500
Խինկալյան Ստեփան	496, 500
Խոպերիս	282
Խոջամիրյան Հայկ	463
Խոջամիրյանց Մինաս	31
Խորհյան Մկրտիչ Կաթողիկոս	117, 223, 393, 416, 453
Խրաղայան	388
Խուսիայան Աշոտ	280, 311-313
Խուչալուլյան Հմայակ	155
Շաղիկյան Մկրտիչ	499
Շատուրյան Ալեքսանդր (Ռուբենի)	245, 246, 252, 253, 270, 322
Շատուրով	292, 381
Շերենց	140
Միլվանյան Հայկ	499
Մովսեսյան Ս. տես Ալեքսանդր Սաբո	

Մուռ Դավո	48
Կազոյան Արամ	128
Կար արևմտահայ զինյալ	36, 37
Կախանովսկի	418
Կախոյան Աս.	285, 286, 288, 330
Կախրիձե	282
Կաճարյան Եփրեմ	145, 151
Կանայան Դրաստամատ (Դրո)	28, 35, 187
Կանգուարցի Գեորգ	125, 126
Կասյան Սարգիս	135-137, 255, 256, 261, 262, 280, 310-313, 371, 376
Կասպարով Վաղդիսլավ	280
Կաստրեբեկով Ռ.	14
Կարապետյան Գևորգ	624
Կարապետյան Լևոն	499
Կարապետյան Հ. Ն.	135, 246, 256, 310, 312, 313
Կարապետյան Ռուբեն	151
Կարիեր Էֆեն	433
Կարինյան Արտաշես	311
Կարճիկյան Խաչատուր	187
Կարո (Ջորջյան Արխատակես)	468
Կարո խարբերդի	17
Կարոյան Ջաթո	641
Կարոցի Կարլ	216, 362, 378
Կաֆար Միրզա	299
Կաֆյան Գաբրիել	143, 149, 416
Կիրակոսյան Գևորգ	499
Կլարետի	440
Կլեման Էդուարդ	438
Կլեմանտ Ա.	433
Կլեմանտ ժորժ	171, 433
Կնյազ	28
Կոնյանց Բոգդան	249, 280, 290, 313, 365-367
Կոնյանց Լյուդվիգ	310, 311
Կոզիկյան Գարեգին (Շալեմ)	244, 246, 252, 276
Կոկոցկ	118
Կոհնի	171
Կոմյ Էմիլ	403
Կոմ տես Փափաղյան Վահան	
Կոնդակյան Եղիշ	121
Կոնդուրով	327
Կոնստա Էտուրենել	440, 446-448
Կոնստանտին Լյուդվիգ	77, 78
Կոչեն Դենիս	440
Կոստյան Հայկակ	128
Կոստա խոտալացի Հայասեր	171
Կոստանյան Նիկոլայ	311
Կովալև	14
Կովալևսկի Մաքսիմ	91, 92
Կոտոյի Հալի	48
Կորյուն խմբապետ	32, 46, 648
Կորյուն վրդ.	645
Կոտիկյան Հայկ	499
Կրամեր	249
Կրասինիկով Ն.	117
Կրիմ-Գիրբեյ Սուլթան	101, 106

Կրպան Մուստաֆա Էֆենդի	716
Կրուպե	440
Կրուպկայա Ն.	308
Կուզմինսկի	117
Կուլիկ	34, 37
Կուլո տափիկցի գեղջուհի	389
Կուլուենյան Ս.	164, 514
Կուրդիյան Ե.	321
Հաթմանեկյան Սաթենիկ	32
Հախուսյան Ս.	313
Հակոբյան Գասպար	187
Հակոբյան Հակոբ	311, 318-321
Հակոբյան Մկրտիչ	389
Համազասպ (Սրվանձոյան)	187
Համբարձումյան Կոստյա (Կոստի)	17, 18
Համբարձումյան Սաբո	376
Համբարյան Ա. Ս.	160, 327
Համբիկ զինագործ	468
Համփոյան Հովհաննես	469
Հայրապետյան Աբրահամ	32
Հայրիկ խմբապետ	38, 46, 470
Հալի Գևո	46, 47
Հալի Էֆենդի	726
Հալի Լևոն	468, 469
Հալի Միրզա Գեորգ Իսմայիլ	681
Հալի Սեֆու Ապուր Սահիմ	644
Հալի Վալիկ	20
Հարաթ արևմտահայ մարտիկ	46, 47
Հալի Լուի	433
Հարիս	440
Հարիսոն Լոյդ	438
Հարութ միջի Հայրուկ	21
Հարությունյան Մկրտիչ	187
Հարությունյան Լակոբ	516
Հարությունյան Մարտիրոս	499
Հարությունյան Մարտիչ	96-98, 236, 416
Հարությունյան Տիգրան	149
Հարությունով Էյո	14
Հացագործյան Արսեն	128
Հեյմաթլը Մյուլը	698
Հերց Ծրդիդի	216
Հյուսիս արևմտահայ մարտիկ	414
Հմայակ վանքի զինագործ	469
Հուսյան Իգնատիոս	128
Հյուսյան Հարություն	127
Հյուսիս բեյ	396, 717
Հովհաննիսյան Բարսեղ	641
Հովհաննիսյան Աշոտ	280, 358, 367
Հովհաննիսյան Արխատակես	499
Հովհաննիսյան Եսայի	499
Հովհաննիսյան Երվանդ	499
Հովհաննիսյան Հակոբ	499
Հովհաննիսյան Միք. տես Վարանդյան Միք.	
Հովհաննիսյան Սարգիս (Մանուկյան Արամ)	124, 125, 128, 129, 187, 232, 507-509, 512, 513, 515, 532, 548, 559, 565, 566, 581, 587, 593, 604, 615, 628, 629, 631, 727
Հովսեփ սուլթան	641

Հովսեփյան Արտաշես (Մալխաս)	63-65, 214, 231, 354, 396, 400, 401, 469
Հրայր	36, 233, 473, 490, 506, 620
Հազանչի Սեյր	125
Հազարյան Արմենակ տես Հրայր	
Հազարյան Գևորգ (Գևորգ Չառչ)	187, 192, 193, 198, 233, 387, 511-513, 536, 620, 638-640, 642-648
Հազարյան Հակոբ	150, 151
Հազարյան Հովհաննես	389
Հազարյան Հազար	703
Հազարյան Թադևոս	644
Հազարյան Շահեն	499
Հազարյան Օնիկ	499
Հայրուսյաններ	292
Համբարյան Գ.	97
Հասակ Արամ	46, 47
Հասյան Գ. (Արկոմեդ)	359
Հանդր քահանա	645
Հուսյան Լ.	97
Հուկաս զինագործ	468
Հուկաս բեկ	27
Հուկասյան Հ.	98
Ճիտենյան Գևորգ	128
Ճիտենյան Մկրտիչ	128
Մ.	8
Մադեր Անդրե	433
Մազանյան	494
Մաթեոս Հին Հեղափոխական	421
Մայամա	101
Մալխասյան Ալեքսանդր	288, 289, 306, 308
Մայան Բաղդասար տես Գուրգեն	
Մալուսյան Խաչատուր (Ակնունի)	100, 427, 496, 512, 513, 516-522, 525, 526, 532, 534, 545, 573, 574, 581, 589, 591, 592, 604, 605, 614, 615
Մակ-Քոլ	446, 447
Մաչալով	295
Մահմուտ պին Հասեն	389
Մամադ Հասան բեկ	29
Մամիկոնյան Վահան (Մ. Թախթաճյան)	155, 665
Մամեդ Ալի Միրզա	667
Մամեդբեկով Ռուստամ խան	14
Մանուկյան Հակոբ	442
Մանուկյան Զարեհ	499
Մանթալյան Ա.	117, 381
Մանթալյան Հ.	322
Մանուկ տափիկցի	389
Մանուկ չեղջի	647
Մանուկ (Արսեն)	553
Մանուկյան Հմայակ	128, 187
Մանուկյան Մ.	316
Մաչադի Հասան Լուի բեկ	29
Մաչուրյան Ալեքսանդր	514, 517, 525, 530, 532, 581, 591, 592
Մառ Նիկողայոս	69

Մաշավարիանի	20, 21
Մատթեոս	470
Մատթեոս	499, 502
Մարգար (Երևանցի Թաղեոս)	468
Մարգարյան Սնիթ	151
Մարգարյան Մարտիրոս (Մաֆո)	460, 514, 584
Մարդոյան Զբո	644
Մարդպետ	516
Մարտոկեհայան Ղևոնդ վարդապետ	161
Մարիամ	105
Մարտիկյան Սերգո	159, 311
Մարտիրոսյան Լևոն	422
Մարտիրոսյան Հականուշ	416
Մարտով	142, 156, 181
Մարուկյան Ար.	291, 292
Մարքս Կարլ	216, 256, 292, 332, 333, 335, 341, 342, 346-348, 361, 381
Մեղեմ	249
Մեղինակայա	105
Մեյլիք Աբասով Բահրամ բեկ	29
Մեյլիք Ազարյան Ալեքսանդր	31, 97, 140, 272, 327, 416
Մեյլիք-Թանդայան Ներսես	10, 28, 33, 35, 39, 47
Մեյլիք Նշան	125
Մեյլիք-Շահնազարյան Ասյան	53
Մեյլիք-Շահնազարյան Գևորգ (Շահնե)	213
Մեյլիք-Շահնազարյան Իլիկո	18
Մեյլիք-Շահնազարյաններ	53
Մեյլիք-Շաֆիկ Հաջիբեկ	29
Մեյլիք-Քալանթարյան Ժենյա	514
Մեյլիք-Քարամյան Բայա	32
Մեյլիք-Քարամյան Բեգլար	32
Մեյլիք-Քարամյան Թաղևոս	32
Մեյլիք-Քարամյան Հարություն ղափանցի	32
Մեյլիք-Քարամյան Միրայիլ	32
Մեյլիք-Քարամյան Զհանգիր	32
Մեյլիքյան Արշավիր	280
Մեյլիքյան Հ.	300
Մեյլիքյան Մեյլիք (Դեղուշկա)	280, 300, 311
Մեյլիքով Զարդոբի Հասան բեկ	85
Մեյան Հոգևորական	670
Մեյոյան Ղևոնդ	128
Մեջրոն խան	652
Մեջրոնյան է.	420
Մեջրոնյան Տաճատ վրդ.	514, 523, 526
Մեջրում	32
Մեջրոսյան Թարխան	499
Մեծամեղարով	23
Մեծամեղ Ալի	382
Մեծարացյան Սարգիս (Վարդան)	17, 19, 52, 187, 232, 514, 546
Մենար-Դորեան (տիկ.)	433
Մենար-Դորեան Գուլ	433
Մենիկ (Մեղնեցի դուստր)	
գրականագետ	140
Մեորիս Գուլ	433
Մեջիլդ օլ Սալթանե Ամիր Թուման	698, 699

Մեսիա	105
Մեսրոպ սուրբուհի	639
Մերայալ Իզգեթ բեկ	695
Մերնիզ Յ.	378
Մրահիլով Վանչո	502
ՄրդՀատ փայա	671
Միլլեր Ջրանք	438
Միլչոն Էրզար	437
Միլոկով	338
Միրայիլ Նիկոլայևիչ (Մեծ իշխան)	103
Միրայիլով Կոնստանտին	328, 329
Միկոյան Անաստաս	280
Մինախորյան Վահան	213, 214, 219, 222, 376
Մինաս Նազուրի Խաչիկ	125
Մինասյան Գ. գորիսեցի առևտրական	27
Մինասյան Գրիգոր	499
Մինասյան Սարգիս (Արամ Աշոտ)	188, 513, 515, 522, 528, 529, 548, 553, 555, 557, 581, 592, 614
Մինչիվանսկի Թեոֆոլ Զիվանչիր	
Աբրուլուսմատ Փարաջ	32, 33
Միսաք Հայրուկ	21
Միսաքյան Շավարշ	642, 644
Միտիկի	39
Միրաբեյան Մարտիրոս (Բանվոր Շանթ)	308, 311
Միր-Քարան Միր Աբաս	14
Միրոն Գուստավ	433
Միրզայան Սահակ	19, 20, 23
Միրզաբեկյան Գրիգոր	52
Միրումյան Ս.	27
Միքայել գինագործ	468
Միքայելյան Արսեն	187
Միքայելյան Կ.	252
Միքայելյան Բրիտտափոր	190, 242, 370-374, 576, 586, 600, 601, 618
Միսիթարյան Արշալույս	93, 96
Միսիթարյան Խոյ	644
Մծրնա Հակոբ Հայրապետ	117
Մկրտիչ խմբագրատ	28, 35
Մկրտիչ ալիճեցի	411
Մկրտչյան Մարգար	38
Մյասնիկյան Ալեքսանդր	280, 365
Մնացականյան Գևորգոս	159, 310
Մյեցի Հարո	499
Մոնետա Թեոդոր	449
Մոնկվեր	446
Մոչիր էր Դովին Նարուկյան խան	664, 686, 687
Մոչիր Մուլք	686
Մովսիսյան Հովսեփ	696
Մովսիսյան Մ.	98
Մորիսան	440
Մոլբուշ	214
Մուսլյան Աբանուշ	159, 211, 280, 306, 308, 311, 313
Մուզգաֆիր էր Դին	652, 654, 656, 657, 663, 664, 666-670, 672, 676
Մուհամմեդ	106

Մուհամմեդ Ալի (Մամադալի)	685-688
Մուհամմեդ Ալի Միրզա	653, 654
Մուրաբի Մուրաա	48
Մուսաաֆա	465
Մուսաաֆա բեյ	717
Մուրադյան Դ. Ա.	322, 323, 327
Մուֆֆախամ Սոլթանե	670
Յակովլի	627
Յաղուբյան Լևոն	308, 311
Յապոն ղարաբաղցի	30
Յոթնեղբայրյան Մկրտիչ	187
Յուզբայան	245
Նարբի	50
Նարոկով	339
Նարո	641
Նազարբեկյան Ավետիս	133, 134, 137, 138, 140-143, 145-154, 156, 159, 180, 273, 275, 280, 376
Նազարբեկյան Մարո	133, 140, 147, 376
Նազար փաշա	715
Նաթանյան Միք.	121
Նալբանդյան Միքայել	358
Նակաչիճե	105
Նահապետյան Գրիգոր	499
Նաղդի	27
Նասր էր Դին շահ	651, 652, 656, 685, 690
Նավասարդյան Վահան	199, 592
Նավո	387
Նատո	386
Նարինյան Խ.	629
Նեխրով	452, 454, 455
Ներսես	389
Ներսես Աշտարակեցի	472, 485
Ներսես պատրիարք	557
Ներսես քահ.	389
Ներսիսյան Արշակ	464, 514, 522, 533, 546, 547, 561, 577, 592, 615
Նեղեհ Գարեգին	485, 494, 498
Նիզամյան Մարգար	499
Նիկոլ	470
Նիկոլայ II	77, 92, 103, 109, 112, 114, 117, 323, 331, 356, 492
Նիկոլայիդի	432
Նինուկաչոյի Վ.	289
Նշան Նալբանդ	125, 127
Նշե պին Մատո	389
Նոնի Բաբստ Մ.	446
Նոս	691
Նոյրյան Ա.	404, 407, 427
Նուրի բեյ	722-725
Նևրուզ	464, 494
Նալյան Արամ	128
Նահապ	468
Նահաթունյան Ավ.	187, 514, 517, 518, 525, 535, 536, 542, 543, 551, 571, 572, 581, 589, 590-592, 605, 614
Նահապար Հովհաննես	452, 455

Շահվերդյան Դանուշ	280
Շահրիկյան Հարություն	173, 226, 227, 283, 537-539, 546, 606, 614
Շահումյան Ստ.	142, 148, 149, 204, 211, 257, 262, 280, 287-290, 293-295, 298, 299, 302-305, 307-318, 320, 322, 323, 326, 329, 330, 332, 335, 340, 343-346, 356, 360, 361, 365, 366, 373, 375, 379, 380
Շաղաղայան Տիգրան	499
Շամամ տափիկցի	389
Շամիկյան Հարություն	417
Շաշո խմբագրատ	464
Շեյն Հասան	627
Շիրինկին	99-103, 105-109, 116
Շիրինյան Հայրապետ	54
Շիրվանզադե Ալեքսանդր	367
Շրալի	583
Շմիդտ (կետ.)	723
Շվան (եվրոպացի Հայասեր)	446
Շուպի գաղե	85
Շուշանյան Արամ	151, 152, 159
Շուստով	289
Շերեյոն Անդրե	433
Ոսկանյան Սամսոն	31
Ռսրորդ (Գևորգ)	464, 475
Ջարիտյան Ասատուր	387
Ջերեյան Անդրանիկ	646, 647
Ջեյիճե Վարդիսիր	299, 322
Ջերազ Մինաս	452
Ջերեյակովի	20, 22, 24
Ջիրինգարյան Արտաշես	181, 187, 190, 193, 194, 197, 198, 201, 514
Ջիպրիանո Ամիրկար	490
Ջիլինաճե Ն. (Քարթվելով)	345, 346
Ջուպանյան Արշակ	382, 430, 431
Ջուստոս Ավո	641
Ջուստուզյան Աղաբեկ	85
Ջաղոդյան Վարդան	128
Ջայան Երվանդ	155, 241-243, 245
Ջայան Մուսա	396
Ջանիրյան Հայրապետ	187
Ջապին շիկաչոյի Վ.	30, 36, 37
Ջասսի Ճեղբորիկ	437, 440
Ջատուր վանեցի	125
Ջարաբերտ գերմանացի սոց.-դեմ.	337
Ջենյեկ Գուլ	433
Ջեղիկյան Գրիգոր	121, 132
Ջետո	122, 473
Ջետրոս գինագործ	468, 469
Ջետրոս Առաջին	78
Ջետրոսյան Առաքել	53
Ջետրոսյան Գևորգ	37
Ջետրով ուսու. փոխհյուպատոս	500
Ջիհիկյան Գ.	252
Ջիհիկով Գ. Վ.	137, 266, 273, 276, 359, 362
Ջլե Վ.	176, 373, 733

Պէրո	644
Պի Վահան	126
Պոբոճոնացե	118, 119, 181
Պոգոսե Վ.	88
Պոլմար Թ.	286
Պոլոս	468
Պողոսյան (Միքայելյան) Նիկոլ տես Իշխան	
Պողոսյան Պողոս	498, 501, 502
Պողոս Նուբար փաշա	420
Պոյաճյան Մուրատ (Մեծն Մուրատ)	143, 155
Պոտյան Պոռչ	280
Պսիշարի Ժան	433
Պսիշարի (տիկ.)	433
Պրեսաննս դը Ճրանսիս	77, 82, 171, 433, 448, 451-453
Պուշկին Ա. Ս.	322, 669
Պուրիշկին	181, 338
Պլեքն Հ.	440
Ջանյան Գ.	91
Ջափարիճե Պ. (Ալլոշա)	139, 329
Ջեյսյան Թովմաս (Հայկ Արմեն)	498, 513, 518, 522, 523, 526, 539, 553, 580
Ջեմալ բեկ	30
Ջիվանչիք Աբրուլ Սամատ բեկ	29, 32, 36
Ջիվանչիք Թեմուր բեկ	29, 32, 36
Ջնդի	386
Ջուժուզ դարբառացի ավազակապետ	51
Ջուժուզ դաշնակցական զինագործ	469
Թահիմ Խան	39
Թախչիվլի Ի.	346
Թայնուզ Ջեյմս	440, 441
Թաչիք	495, 498, 502
Թեյնակ	440
Թեյնուզ եմիր. Հայանկապետ գործիչ	446, 447
Թեյնուզց մխտոներ Վանուժ	437
Թեչատ բեյ	726
Թեզգա աղա	647
Թրկյու Էլիզե	433, 434
Թոդոյավով	494
Թոմանովներ	118
Թոմանով Նիկոլայ տես Նիկոլայ II	
Թոտո	440
Թոտոմ (Ջորյան Ստեփան) - 17, 18, 20, 187, 191, 460, 495, 498, 502, 513, 517, 518, 521, 524, 532, 533, 536, 537, 546, 550-552, 557-559, 574, 575, 581-583, 590, 591, 615, 636, 637	
Թուբինյան Հայկ	499
Թուզվեկ	439-443, 446, 452
Թուտատ բեկ	33
Սաադե Խալիլ	705
Սարաչեղդին Մեհմեդ	442-445
Սադաթյան Գարո	159
Սադրուլլախ	681
Սազանդարյան Տիգրան	45
Սաթինիկ	54
Սակկի Խալապի	440

Սահակ կաթողիկոս	406
Սահակյան Ավետիք (Հայր Աբրահամ) -	235
Սահակյան Բենիամին	313
Սահակյան Գևորգ	311
Սադիրյան Ալեքսան	52
Սանդանակի	500
Սաչ Ե.	433
Սապազ-Գյուլյան Բերուզ	155
Սապազ-Գյուլյան Ստ. -	144, 150, 152, 153, 155, 156, 159, 180, 490, 491
Սարաջև գործարանատեր	288, 289
Սարաֆով Բորիս	495, 501, 573
Սարգիս զինագործ	468
Սարգսյան Ալեքսան	44
Սարգսյան Աստվածատուր	499
Սարգսյան Լ.	96, 97, 236, 376
Սարգսյան տեր-Բարսեղ	451
Սարգսյան Կիրակոս	499
Սարգսյան Մինաս	159, 311
Սարգսյանյան Առաքել	416
Սառուֆուրի եպիս.	446
Սափրիար բեկ	30, 31
Սաքո	151, 187
Սաֆրաստյան Արամ	127
Սեբաստացի Մուրադ -	28, 29, 33-37, 39, 46, 47, 188, 233, 464, 511, 513, 515, 522, 523, 526, 528, 532, 539, 541, 545-547, 551, 553, 561, 580, 584, 592, 615
Սեփե Ալի	405
Սեյդո Պողոս	47, 48
Սենիորա Շ. Փրանսիացի Հայասեր	433
Սեպուզ (Բաբերոզի Արշակ) -	464, 514, 522, 525, 533, 546, 547, 561, 577, 592, 615
Սերենկուլյան Հովհաննես	122, 123, 126, 403
Սերոբյան Յովո	644
Սթեղ Ա.	436, 440
Սիմանթո (Ճարճանյան Ատոմ) -	54, 187, 390, 401-403, 456-458
Սիմոնյան Ա.	327
Սիրունյան Պետրոս	499
Սյո թուրք ցեղապետ	644
Սյոյան Մուշո	644
Սմբատ Խմբակյան	28, 34
Սմբատ զինագործ	468
Սյունի Բ.	233
Սյունիք Հնչակյան գործիչ	150
Սուրբերի	430
Սոկոլովսկի Գ. Ն.	288, 289, 326, 330
Սորիցիի Գուրգեն	46, 47
Սպաղանաց Տոնո Մակար	646-648
Սպանդարյան Ս.	280, 293, 294, 310-313, 320, 321, 325, 329
Սպինդրայան Հ.	96, 98
Ստալին Ի.	362
Ստեփան ֆրանսիացի Հայասեր	433
Ստեփան արևմտահայ զինյալ	35
Ստեփանյան դաշնակցական գործիչ	187
Ստեփանյան Խորեն եպիս.	549

Ստեփանյան Կարապետ	96, 98, 416
Ստեփանյան Ս. բոլշևիկ	327
Ստեփանյան Ստեփան	514, 532, 551, 574, 581
Ստիվենտոն Ս.	446
Ստոլիպին	373
Ստարոն	104
Սրապիտյան Սարգիս (Լուկաչին)	280
Սուպիան բեյ	701, 703
Սուլթան Համիտ Բ տես Աբրուլ Համիդ II	
Սուլթանյան Սիմոն	159
Սուլթանով	272, 292
Սուլթանով Արասկուլի բեկ	32
Սուլթանով Աբրուլայի	29
Սուլթանով Ադիլ Բեհրուզ	32
Սուլթանով Իլդիրիմ բեկ	10, 29
Սուլթանով Համիդ	29
Սուլթանով Շամիր բեկ	29
Սուլթանով Շիրալ	29
Սուլթանով Նազար բեկ	29
Սուլթանովներ	28, 33
Սուլթան Արտաշես	499
Սուլթանիներ	209
Սևեթին ֆրանսուզի Հայասեր	433
Սևեթիցի Սաքո	513, 514, 518, 546
Վազգեն (Տերոյան Տիգրան)	126, 473
Վալայան Վալայ	510, 516, 518, 536, 545, 546
Վալիան	637
Վալի Բելլայալ	51
Վաղարշակ (Բաղդասարյան Կայծակ) -	473
Վանդրովիչ	636, 637
Վանի Արամ նույն Մանուկյան Արամ տես Հովհաննիսյան Սարգիս	
Վահան արևմտահայ զինյալ	37
Վահան զինագործ	469
Վահան նալբանդ	125
Վահան Մանուկյան	233, 473
Վարազդատ Թուրքահայ Հնչակյան	145
Վարանյան Միքայել	10, 19, 28, 33, 35, 39, 40, 47, 50, 76, 79, 116, 180, 210, 231, 235, 263, 362, 460, 492, 515, 517-519, 534, 615, 618
Վարդան վրդ.	511
Վարդանյան Ա.	327
Վարդանյան Գրիգոր	145, 150, 151, 157, 376
Վարդանյան Սերոբ (Փաշա)	164, 473
Վարդգես տես Սերենկուլյան Հովհաննես	
Վարդգես (Գևորգ Չառուչի գավախը) -	646, 647
Վարդի սուլթանի գեղջկուհի	641
Վարդ-Պատրիկյան Հակոբ (Վարդ)	586-588, 602
Վարթանց Սիբ.	324
Վարժապետ արևմտահայ զինյալ	46, 47
Վարժապետ Մարտիրոս	499
Վարժապետյան Ներսես	554, 557
Վարուժան Դանիել (Չարուքչյարյան) -	187, 457, 458

Վեզիրով Ջաֆար բեկ	23
Վեզիրով Իսաուլ բեկ	23
Վեյլիկոներ	209
Վեսելովսկի Յուրի	90, 91
Վերմիյան Ս.	322
Վերմիյան Կր.	96-98, 117, 416
Վեքելով	292
Վիլյարի Լուիսի	49, 76, 78, 116, 446
Վիվերն	8
Վիվիանի	556
Վիտտե	77
Վորոնցով-Դաշկով Իլյարիոն	
Իվանովիչ	99-101, 106, 109-111, 113-119, 305, 323, 416
Վոստյան Ա. -	514, 515, 522, 524, 539, 541, 551, 560, 574, 581, 589, 591, 614
Վրացյան Սիմոն	181, 187, 510, 514, 515, 517, 519, 527, 530, 566, 578, 585, 586, 591, 592
Վրթոյան Աբրո	389
Վուլիչ	286
Տաթևյան Վահագն	513, 523
Տամատ Մաճուռ (փաշա)	372
Տաշիրյան Սիմոն (Տաշիր)	145, 151
Տանսապետյան Հրաչ	510
Տեր-Աբրահամյան Կարապետ	703
Տեր-Գաբրիելյան Սահակ	280
Տեր-Գրիգորյան Միսաք	311
Տեր-Դանիելյան Դավիթ տես Անանուն Դավիթ	
Տեր-Դանիելյան Միսաք տես Արամայիս	
Տեր-Դավթյան	235
Տեր-Դավթյան Հովսեփ	514
Տեր-Թովմասյան Հարություն	127
Տեր-Խաչատրյան Գրիգոր	14
Տեր-Կարապետյան Գեղամ (Մշո Գեղամ) -	464, 505, 511, 566
Տեր-Հակոբյան Հակոբ	128
Տեր-Հովհաննիսյան Հովհաննես (Նիկոլ Դուման)	187, 204, 230, 232, 234, 464, 472, 478-485, 513, 514, 546
Տեր-Հովհաննիսյան Լևոն	308
Տեր-Հազարյան Հազար (Լեո) -	72, 182, 242, 245, 246
Տեր-Հազարյան Նարինա	242, 245, 246
Տեր-Մաթևոսյան Նիկոլայ	37
Տեր-Մարտիրոսյան Արտեմ	26
Տեր-Մարտիրոսյան Հովհաննես	13, 15, 25, 43
Տեր-Մեսրոպ (բաշ.)	451
Տեր-Մինասյան Ռուբեն	127, 132, 394, 419, 464, 469, 505-508, 511, 514, 566, 639, 641, 646
Տեր-Սիրոսյան Ստեփան	235, 514, 515, 559, 614
Տեր-Պետրոսյան Սիմոն (Կամո) -	280, 304
Տեր-Պողոսյան Վահրամ	128
Տեր-Պոյաճյան Վ.	374, 375
Տեր-Սիմոնյան Ավետիս	157

Տեր-Սիմոնյան Սիսակ ----- 151
Տեղեկության Պետրոս ----- 388
Տեղյան Վահան ----- 290, 368
Տիգրան ագարակցի ----- 30
Տիգրան գործիչ Վանուժ ----- 507
Տիգրան խմբապետ ----- 583
Տիրկովս Արիսդես ----- 731
Տոլստոյ Լև ----- 669
Տոնոյան Սյրսիշ ----- 641
Տուրբախ ----- 464
Տուրբենև Իվան ----- 669

Դիխարդ տես Աթաբեկյան Լ.

Ցխակայա Մ. ----- 304, 329

Ութուճյան Գևորգ եպիս. ----- 452, 455
Ունճյան Արթիկ ----- 161
Ուշար ----- 433
Ուսուկ Գրիգոր ----- 48

Փանահ խան ----- 11
Փանոսյան Խեչո ----- 499
Փաշայան Մաքսուդ ----- 499
Փափաջյան Արտաշես ----- 499
Փափաջյան Վահան (Կոմս) ----- 10, 11, 48, 122-128, 130, 133, 188, 231, 463, 465, 469, 470, 507-509, 727

Փիլյան Բախշի ----- 38
Փիրուզյան Լ. ----- 96
Փիրուզյան Սեբեդ ----- 299, 322
Փիրուզյան Բաչիր բեկ ----- 53
Փիրուզյան Հաթում բեկ ----- 51, 52
Փիրուզյան Շամիր բեկ ----- 51, 52
Փիրուզյան Ջալալ բեկ ----- 51, 52
Փոխարյան Արմենակ ----- 127
Փոխիկ խմբապետ ----- 464, 465
Փորթուզայան Սյրսիշ ----- 121, 132, 224, 643, 712
Փոքր Սարգիս ----- 470

Քաղում Շիրաստան ----- 51
Քաղում Քեյրալայ ----- 51
Քաթանյան Ռուբեն ----- 280
Քաթանյանց գլործարանատեր
Թիֆլիսում ----- 468
Քալանթար Ալ. - 44, 55, 94, 96, 98, 236, 416
Քալանթարյան Վաղարշակ ----- 499
Քալանթարով ----- 324
Քալաչյան Սարգիս (ԱՀրիման) ----- 149, 151, 152, 157-159

Քաջ Հովհաննես ----- 125
Քեչիչյան Մրհրան
բարերոջի խմբապետ ----- 230, 235, 464, 578, 579, 580, 583
Քնոս Բիրայի ----- 639-642
Քնոսյան Երվանդ (Սեպուհ) ----- 46, 130-132, 188, 231, 232
Քիյառ Պիեռ ----- 77, 171, 433, 446, 447, 450-453, 573, 618
Քյոռ Հյուսիսի փաշա ----- 728
Քոնստանդինյան Եղիշե ----- 121
Քոչեն Տրեխ ----- 171
Քուրդ Խեչո ----- 36

Օդաբայան (Բարսեղյան) Գրիգոր, Նիկոլ,
Սարգիս (Վանա Սարգիս) ----- 124, 129, 187, 460, 507, 508, 532, 614, 727
Օզանյան Անդրանիկ ----- 36, 49, 164, 188, 233, 427, 460, 461, 470, 473-479, 485, 493-498, 502-505, 511, 513, 515, 519, 522, 546, 547, 587, 588, 592, 620, 643, 648

Օրսիկյան Արմենակ ----- 187
Օհան սողուցի ----- 641
Օհանյան Գ. ----- 724, 725
Օհանջանյան Համո ----- 235, 460, 514, 519, 524, 525, 528, 532, 534, 551, 574, 577, 579, 581, 582, 584, 585, 605, 614, 615
Օսկան ----- 37
Օրբ Իսրայել ----- 549
Օրմանյան Մաղաբիս ----- 428-430
Օրջոնիկիձե Գ. ----- 318

Փագի ----- 411
Փաթեհ ----- 386
Փավր Լեոպոլդ ----- 437
Փեյզի Մուշիր ԱՀմեդ ----- 706
Փերբերն ----- 446
Փերդինանդ Թագ. ----- 494
Փերիդ բեյ ----- 386, 387, 451
Փերիդ Համդի ----- 726
Փերրի Էնրիկո ----- 82, 171, 552
Փիլիպով ----- 79, 80
Փյանարոն Կ. ----- 433
Փրանցյան Երվանդ ----- 516
Փրանկուպոլի Իյյա ----- 328, 329
Փրանկուպոլ Սպիրիդոն ----- 328, 329
Փրանս Անատոլ ----- 171, 403, 433, 452, 453
Փրապան Իլիզ ----- 76, 77, 438
Փրեյլիխին ----- 8

Աբասթուման ----- 320
Աբբուհար ----- 425
Ագարակ ----- 32, 38, 45
Ագուլեցոց եկեղեցի ----- 23
Ադանա ----- 388, 389, 406
Ադրբեջան ----- 60
Ադրիանուպոլիս նահանգ ----- 726
Ադրիս ----- 53
Աթլըզ ----- 38
Ալադի ----- 31, 424
Ալանա ----- 627
Ալաշկերտ ----- 422, 425, 466, 627
Ալավերդի ----- 281, 282
Ալեքսանդրապոլ (Գյումրի) ----- 44, 94, 129, 143, 214, 225, 251, 282, 285, 288, 290, 291, 295-297, 300, 302, 305-307, 311, 325, 417, 463, 513, 522, 523, 530, 546, 571, 578, 580, 622, 627, 628

Ալեքսանդրիս ----- 440
Ալիդարա ----- 29
Ալիլա ----- 26
Ալիլամար ----- 15
Ալիսեն ----- 411
Ալիշան ----- 15
Ալիշակ ----- 728
Ալվառիշ ----- 413
Ախալցխա ----- 297, 311
Ախալքալաք ----- 251, 297
Ախթալա ----- 282
Ախթալա ----- 413, 422, 463
Ախթալայան ----- 26
Ախման ----- 644
Աին ----- 405
Ակնեի ----- 301
Աղբարա ----- 48
Աղդամ ----- 26, 42, 52
Աղթամար ----- 470
Աղվանիք ----- 28, 33
Աղստրիս ----- 469
Աղքենդ ----- 31, 34
Ամասիա ----- 726
ԱՄՆ (Ամերիկա) ----- 17, 129, 151, 154, 161, 172, 188, 224, 340, 419, 424, 432, 436, 438, 439-443, 447, 449, 450, 452, 453, 462, 497, 498, 513, 523, 540, 541, 550, 559, 620, 621, 645, 689

Ամպ-Կորվու ----- 414
Ամաստերրամ ----- 134, 137, 273, 636
Այգեհճատ ----- 324
Այգեստան ----- 193, 513, 530
Այսրկովկաս տես Անդրկովկաս ----- 225
Այտրն ----- 295
Այրում ----- 426, 433
Անգեղակոթ ----- 27

Անգլիս (Մեծ Բրիտանիա) ----- 79, 156, 331, 342, 349, 350, 354, 405, 430, 432, 435, 440, 441, 448, 449, 450, 453, 490, 650, 655-657, 662, 663, 666, 668, 697, 708
Անգորս ----- 225
Անդրկովկաս - 12, 13, 39, 41, 46, 54, 56-58, 60-62, 67, 69, 71-75, 80, 81, 83, 88, 92, 97, 101, 102, 104-107, 115, 141, 172, 178, 180, 183-186, 197, 198, 207, 215, 229, 246, 247, 251, 270, 271, 274, 275, 280-282, 284-296, 298, 304, 306, 307, 313, 329, 332, 343, 345, 346, 385, 417, 466, 471, 474, 502, 510, 517, 597, 599, 606, 616, 620, 621, 623, 624, 626, 627, 629, 632, 637, 649, 658, 674, 680, 701, 734, 736-739

Անդրկովկասի Ճեղքատուղի
Հանրապետություն ----- 185
Անձալ ----- 463
Աշ-Գալ ----- 720
Աշխաբադ ----- 56
Աշղու ----- 51
Աշոցք ----- 295
Աշտարակ ----- 311
Ապահունիք ----- 466
Ապարայի դաշտ ----- 463
Ապարան ----- 311
Ապենինյան թերակղզի ----- 437
Ապշերոնյան թերակղզի ----- 69, 71
Աշրու ----- 38
Առնիստ ----- 424, 425
Առջազուր ----- 38
Ասիս ----- 361, 434, 440, 650, 656, 657
Ասկերան ----- 25, 26
Ավազաղբյուր ----- 424
Ավարայրի դաշտ ----- 467
Ավետարանաց ----- 53
Ավստրալիս ----- 79
Ավստրիս ----- 339, 440, 511, 554, 572, 710
Ավստրո-Հունգարիս ----- 67, 241, 331, 432, 441, 453, 650

Ատոկոն ----- 425
Ատրպատական ----- 129, 188, 466, 469, 513, 514, 625, 629, 653, 657-659, 665, 667, 677-681, 684, 685, 695, 696, 700-704
Արաբական արևելք ----- 705
Արաբական թերակղզի ----- 705
Արարիս ----- 706
Արածանի գետ ----- 641
Արաղ ----- 658, 690
Արարատյան դաշտ ----- 164
Արաքս ----- 27, 32, 463, 465
Արղահան ----- 296, 325, 425
Արևելյան Հայաստան ----- 57, 78, 103, 129, 175, 215, 216, 219, 658

Արևելք	668, 672, 691
Արևմտյան եվրոպա	66, 114, 207, 359, 452
Արևմտյան Հայաստան	103-121, 134, 135, 145, 151-154, 163, 165, 170, 192, 197-200, 206-209, 214, 215, 219, 223-226, 232, 233, 235, 274, 354, 361, 368-371, 378, 380, 381, 383, 385, 417-420, 426, 432, 461, 463, 464, 467, 471, 476, 485, 490, 494, 499, 502, 507, 515, 528, 539, 540-542, 545, 553-558, 560, 568, 569, 570, 571, 579, 590, 592, 593, 599, 600, 606, 609, 621, 622, 625, 628-630, 632, 636, 643, 646, 680, 696, 702
Արևմտյան Արաստան	331
Արևմուտք	442, 456
Արթիւնք	424
Արիքու	27
Արճակ	386, 463
Արճել	386, 463
Արճավիր	579
Արտազ	701
Արտամես	387
Արտոնք	425
Արտրիթ	424
Արցախ	39, 51
Աբխա	394, 399
Աֆրիկա	689
Ազգաբնիկ	389
Ազգրեանդ	230
Ասթու	63, 71, 143, 151, 188, 195, 214, 225, 230, 246, 257, 273, 290, 304, 311, 383, 413, 513-515, 534, 578, 583, 622, 658, 670
Այլահանի	143
Այլալարի	625
Այլահանյան երկրներ	498, 620
Այլահանյան թերակղզի	172, 620
Այլահաններ	154, 500, 509, 513, 540, 621
Այֆրու	674
Այդարուր	31
Այդղաղ	225, 727
Այդել	386, 405, 413, 646
Այդու	425
Այազետ	325, 389
Այդալ	31
Այլալար	463
Այլալար	328
Այլալար	225, 396, 421, 425, 463, 466, 467, 571
Աստ	593
Աստիլիա	59
Աստու գետ	38
Ավարիա	649
Արարաթում	30, 31
Արարատու	698
Արարատու	29, 38, 39
Արարթա	32

Արթուղիմես առաքյալի վանք	121, 126
Արիանդ	414
Արիս	515
Արուսյան	699
Ապու	5, 7, 34, 39, 41, 42, 56, 60, 63, 65-67, 69-71, 74, 75, 77, 80, 82, 83, 85, 86, 90, 92, 101, 105, 113, 138, 139, 141, 143, 151, 157-159, 173, 182, 190, 208, 212-214, 225-227, 229, 233, 235, 242, 244-246, 253, 258, 259, 265-267, 272-275, 282, 283, 304, 307, 310, 313, 327, 366, 417, 471, 472, 495, 513, 514, 517, 537, 622, 624, 625, 658, 680, 681
Բելգիա	331, 438, 440, 441, 448, 449, 636, 650, 690, 691
Բեռլին	135, 137, 168, 275, 287, 310, 351, 356, 371, 436, 438, 439, 448, 453-455, 517, 554, 557, 563, 571, 649, 709
Բեռն	437
Բերկիր	386
Բիբլիոթեկա	143
Բիբլիոթեկա	386, 387, 394, 412-414, 421-423, 425, 426, 451, 727
Բյուր	15
Բյուրակն	465, 466
Բողալը	38
Բուսոն	64, 404, 407, 419, 438, 490, 619
Բուֆոր	722
Բորչալու	15, 282, 284, 286-288, 295, 301, 323, 324, 330, 425
Բրաբրուս	696
Բրեստ	60
Բրյուսել	348, 432, 545, 633-637
Բուլղարիա	129, 132, 134, 140, 148, 172, 354, 452, 493-498, 501, 511, 550, 559, 587, 621, 650, 710
Բունարլիկ	494
Գայի Դրոնք	472
Գանգազի	700
Գանձակ (Ելիզավետպոլ)	5, 9, 12, 18, 23, 43, 50, 56, 68, 80, 113, 187, 193, 213, 272, 311, 417, 513, 530, 532, 622, 628
Գառգառ	423
Գաթնեմուկ	713, 714, 717, 718, 725
Գննվալ	18
Գեյլ-Շարադին	32
Գևորգյան ճամբար	127
Գեոսթիկ	42
Գերմանիա	79, 221, 339, 347, 349, 350, 354, 356, 432, 440, 441, 449, 453, 456, 541, 572, 636
Գիլան	680
Գյալալ	386, 413
Գյոթակու	31, 33
Գյուլուրա	15
Գյուտուկ	328
Գոմաձոր	421
Գոմեր	425
Գոմա	414, 424

Գոնիա	726
Գորիս	27, 28, 45, 54, 292
Գուգարք	289
Գունի	700
Գուրխա	59, 69, 99, 210, 294, 298
Դադասան	107
Դամբրուլալ (Թալ.)	13
Դանիա	79, 440, 441, 449
Դաչուրուն	15
Դաչուլ	32
Դաչու	387, 404, 424, 506, 646, 696
Դավալու	463
Դարալապալ	48
Դերիկ	425, 639
Դերջան	389, 421
Դերիս	405
Դիրբեբիր	422, 423, 715, 728, 729
Դիրուբ	304
Դիլիջան	285, 311
Դիման	703
Դոնի Ռուսով	104
Դսեղ	8
Դրեզդեն	136, 362
Դրմես	425
Դուբնիցա	498, 500, 501
Դուբան	48, 413, 422, 463, 511, 567
Դուբան-Բարձրավանդակ	192, 193, 226, 422, 464, 465, 505, 508, 511, 513, 566, 567, 630, 638, 644-646
Եգիպտոս	132, 145, 154, 172, 419, 420, 452, 499, 540, 650, 705, 708
Եգիպտոս	700, 702
Ելիզ	385, 407, 412, 438, 451
Ելիզավետպոլ նահանգ	105
Եղան	421
Եմես	705, 707, 713, 725, 726
Եվախ	17, 39, 42
Եվրոպա	54, 65, 66, 75, 77, 88, 114, 130, 135, 156, 168, 169, 171, 172, 198, 209, 224, 241, 242, 275, 285, 335, 336, 350-352, 361, 362, 368, 371, 378, 404, 419, 430, 431, 433, 436-440, 442-444, 446, 450, 454, 455, 457, 458, 461-463, 470, 491, 492, 495, 513, 514, 529, 554, 555, 567, 570, 571, 599, 618, 620, 621, 649, 652-654, 660, 666, 667, 671, 673, 678, 689, 694, 701, 714, 736
Երանա	413
Երևան	5-7, 11-15, 56, 63, 77, 80, 105, 113, 129, 143, 151, 159, 188, 213, 225, 230, 261, 272, 282, 288-290, 293, 295, 297, 301, 305-308, 311, 324, 326, 329, 417, 463, 513, 544, 546, 565, 583, 622, 627-629, 669, 681
Երզնկա	387, 716
Երկիր	65, 132, 172, 188, 189, 225, 229, 231-233, 235, 381,

427, 431, 459-476, 485, 486, 505, 507, 508, 520-522, 541, 559, 565	
Եփրատ	638, 640
Ջանգեզուր	10, 11, 26, 27, 39, 40, 42-47, 53, 54, 56, 68, 272, 285, 291, 292, 311, 327, 328, 546
Ջանգիլան	29, 32, 33
Ջարալու	27
Ջաբաթալա	63
Ջաբրու	15
Ջեյթուն	133, 164, 388, 398, 428
Ջեյվա	29, 328
Ջոնդերանդ	341
Ջոր	230
Էլաո	324
Էլիար	285
Էմազու	32
Էնզելի	144, 674
Էջմիածին (Վաղարշապատ)	14, 68, 117, 127, 251, 301, 324, 325, 452, 454, 560, 583, 693
Էվիլար	15
Էրզրում (Վարին)	164, 225, 387, 389, 391, 393, 394, 411, 421, 425, 426, 428, 638, 646, 714-727, 730, 731
Ընդամենը	700
Ըստուր	422
Թագավառ	698
Թաղի (Թաղեռև Առաքյալի) վանք	463, 467, 509
Թագա մահլու (Թալ)	23
Թագաբենդ	26
Թաթ	696
Թաղավարդ	53
Թալիք	17, 143, 144, 193, 466-469, 513, 653, 665, 667, 674, 675, 679-684, 692, 693, 696, 701
Թեհրան	144, 492, 653-656, 659, 665, 667, 668, 674, 676, 679, 682, 683, 687-691, 693
Թեղուտ	425
Թեղուտլու	500
Թեղուտի	31
Թեղեք	514
Թիմար	463
Թիֆլիս	5, 8, 11, 15, 17, 18, 39, 43, 50, 54-56, 71, 77, 86, 93, 96, 102, 105, 113, 115, 117, 141-143, 151, 157, 159, 160, 172, 173, 184, 188, 190, 197, 198, 207, 212, 213, 225, 233-235, 244, 246, 252, 253, 259, 260, 263, 265, 270, 272, 275, 286, 288, 291, 294, 299, 300, 302, 306, 308-312, 314, 315-317, 327, 329, 332, 360, 407, 413, 416, 417, 419, 442, 452, 469, 496,

513, 514, 535, 560, 577-580, 583, 600, 603, 622, 625, 658, 660, 668, 670, 671, 680, 714, 715, 721, 738	
Թյան	406
Թոփիսան (Մեծ մեղան շուկա)	11
Թուրքահայաստան, Թուրքաց Հայաստան, Թուրքական Հայաստան տես Արևմտյան Հայաստան	
Թուրքիա -- 14, 74, 75, 103, 104, 106, 112, 114, 135, 138, 143, 144, 146, 149-152, 154, 156, 166, 174, 183, 186-192, 198, 207, 208, 210, 220-224, 226, 227, 235, 335, 351, 353-359, 360-371, 373, 375, 376, 378, 380-384, 390, 391, 396, 397, 412, 417, 418, 420, 421, 425, 431, 436, 438, 441, 444, 445, 448, 449, 451, 453, 455, 459-461, 474, 475, 479, 480, 483, 484, 490, 491, 493, 494, 496, 497, 501, 503, 505, 516, 517, 548, 554, 555, 558, 560-562, 567, 570-575, 590, 593-595, 610, 620, 621, 637, 650, 657, 671, 673, 674, 680, 683, 685, 694, 697, 698, 700, 702, 704-706, 708, 711, 716, 717, 729, 730	
Ժնև	73, 144, 148, 172, 174, 180, 183, 241-245, 249, 265, 437, 440, 460, 470, 472, 478, 485, 494, 496, 512, 513, 522, 599, 621, 633, 634, 673, 674
ժլատ	187, 513, 514
Իգդիր	15
Իգմիր	513, 587, 714, 718
Իմերեթիա	294
Ինդոնեզիա	650
Ինջավար	31
Իստեբլյակեն	144, 145
Իչուս	421
Իդանդիա	79, 342
Իսկանդարբեզու	32
Իսպահան	662
Իսպանիա	79, 340, 650
Իտալիա	79, 82, 432, 440, 441, 446, 449, 450, 453, 552, 650
Իրան տես Պարսկաստան	
Իրազակ	425
Լայիջան	695, 698, 700
Լայպիզ	135, 255, 356, 456, 516
Լատինական թաղամաս	146
Լարիստան	693
Լեհաստան	141, 176, 181, 269, 335, 336, 345, 346, 733
Լեոնավար	127, 462, 506-508, 513, 542, 564
Լեոնավար	460, 513
Լիբանան	154
Լիս	425
Լիտվա	346

Լյուցերն	439
Լոզան	54, 440, 688
Լոնդոն	49, 76, 78, 144-146, 297, 329, 347, 374, 435, 436, 446, 448, 449, 545, 655, 656, 708
Լոփ	8, 287, 300, 311, 324, 330
Լորուս	8
Լուիզիանա	340
Խալալ	31, 32
Խալլը	32
Խալֆալու	15, 19, 24
Խանաբադ	25
Խանասար	164, 370, 465, 468
Խանրուլաղ լեռ	9
Խանիկ	700
Խանլուխյար	47
Խաչտափ	32
Խաչն	463
Խաչեն	56
Խաչիպարաղ	641
Խարբերդ	172, 405
Խարս	425
Խրմալզուր	414
Խիզան	387, 405, 413
Խյաթ	405, 413
Խնածախ	27
Խնձորեակ	45
Խնուս	422, 425, 463, 466
Խոզնավար	27
Խոյ	463, 465, 702
Խոշաբար	15
Խոջահան	29, 32
Խորհրդային Հայաստան	121, 159, 420
Խորենք	425
Խոփեր	425
Խրամորդ	25
Խուզիտան	658
Խուլդուկ	387
Խուլթիկ	414
Խուվար	421
Մաթեր	301
Մաղկաթ	421
Մաղկոսն	463
Մանձաղ	421
Մավ	38
«Կազինո դը Սենպիեր» դահլիճ	437
Կալիֆոռնիա	340
Կահիրե	420
Կաղզվան	627
Կասաբլանկա	713
Կասպին ծով	674
Կավարտ	34, 45
Կարակ	425
Կարակալա	295
Կարկառ	386, 387, 413, 460
Կարճկան	386, 413, 422
Կարմիր ծով	705

Կարևո դաշտ	421	
Կարս (Ղարս) - 94, 225, 282, 293, 295-297, 300-302, 305, 311, 463, 465, 467, 513-515, 546, 580, 603, 622		
Կեմ	387	
Կենք	394	
Կենտրոնական Ռուսաստան	115, 259	
Կիրիկիա	161, 388, 406, 460, 513, 696	
Կիմանց	38	
Կիպրոս	436	
Կիրասոն	172, 726	
Կլարան	146	
Կյաշխուլի	424	
Կնյաժևո արվարձան	494, 495, 498	
Կոթ	422	
Կոթեր	421	
Կողաթաղ	642	
Կորդ	15, 48	
Կոնդ	13	
Կոնիա	225	
Կոպենհագեն	637	
Կոստանդնուպոլիս (Կ.Պոլիս, Ստամբուլ) - 79, 103, 129, 144, 161, 228, 370, 394, 399, 403, 406, 407, 415, 417, 418, 424, 428, 442, 451, 511, 554, 558, 560, 645, 694, 704, 705, 708, 711-715, 717-720, 722-727, 729, 730		
Կովկաս	5, 6, 8, 9, 17, 25, 48, 54, 58, 59, 63-66, 68, 76-79, 81-88, 93, 94, 97, 99-103, 105-119, 122, 129, 130, 134-136, 141-143, 145, 146, 148-159, 162, 165-167, 170, 172, 173, 175, 176, 178-183, 187, 189, 192, 194, 197-200, 203, 204, 207, 209, 210, 215-220, 224-226, 228, 231-235, 238, 242-244, 247, 257-261, 264, 265, 268, 282, 283, 286, 287, 295, 297, 298, 303-306, 309, 310, 312, 323, 325, 346, 360, 362, 365, 367-369, 374, 379-381, 406, 416, 418, 424-226, 428, 460, 461, 463, 468, 479, 494, 495, 498, 503, 508, 509, 516, 520, 521, 525, 527-536, 538-545, 547-550, 552, 559, 561, 566, 569-572, 574, 575, 578, 579, 587, 590, 592-597, 599, 619-621, 628, 629, 632, 634, 648, 651, 658, 665, 681, 683, 685, 732-734, 736	
Կորեա	650	
Կրանսովդակ	56	
Կրտավազ	421	
Կուբան	514	
Կուլոնշի	700	
Կուրմանա	699	
Կուրթան	301, 324	
Հաագա (Հաճե) - 439, 446, 448-452, 454-456		
Հալեպ	388, 422, 706	
Հախմաճճաղ	15	
Հաղպատ	287, 324	

Հաճե	388	
Համադան	674	
Համբուրգ	649	
Համբալի	425	
Հայ զինվորական դպրոց	493, 498, 499	
Հայաստան	65, 77, 104, 112, 120, 126, 146, 162, 166, 186, 198-200, 219, 222, 223, 269, 281, 282, 284, 285, 290, 291, 292-296, 299, 301, 305, 306, 323-326, 329-331, 346-350, 352, 364, 377, 383, 385, 401, 404, 408, 412, 419, 421-423, 425, 427, 428, 430-432, 434-439, 447, 448, 450, 453-455, 457-459, 463, 471, 484, 490, 492, 496, 497, 529, 548, 553-555, 564, 568, 573, 574, 593, 636, 643, 712	
Հայաստանի Հանրապետություն	485	
Հայկազյան կենտրոնական վարժարան	128	
Հայոց ձոր	388, 463	
Հայֆա	396	
Հանդ	32, 38, 39	
Հանքեր	29-31, 33, 38	
Հալիամուլու	26, 27	
Հասան	647	
Հասանզալե	394, 395	
Հարավային Պարսկաստան	657	
Հարսինքար	421	
Հաքարու	38, 39	
Հաֆթլան	700	
Հեմիդիե (Թաղ.)	707	
Հեթաղ	707	
Հեռավոր Արևելք	262	
Հերգետ	425	
Հին Հանգստարանի թաղ	20	
Հյուսիսային Կովկաս	56, 93, 151, 187, 424, 514, 620	
Հյուսիսային Հայաստան	324	
Հյուսիսային Պարսկաստան	657	
Հնդկաստան	350, 650, 656, 708	
Հոլանդիա	440, 441, 650	
Հրանի	421	
Հունաստան	361	
Հուլդամ	424	
Հազախ	8, 9, 56	
Հազվին	674	
Հաթար	31, 33, 35, 37, 38, 285, 328	
Հայաթաղ	696	
Հայաթուլ	26, 27	
Հայասար	467, 469, 700	
Հայմախուլու	9	
Համարլու	48, 289	
Հաղաթախ	639, 640	
Հալար	26	
Հարաբարա	32	
Հարաբաղ (Արցախ) - 11, 16, 25, 26, 38-40, 42-45, 51-53, 56, 57, 129, 311, 513, 514		
Հարապոզ	29	
Հարապուլ	31	

Հարազատ	19
Հարաչինան	30
Հարաբերիս	290
Հարս (պուշ)	6, 56, 627
Հափան	29, 30, 32, 33, 38, 39, 41, 42, 53, 56, 285, 326-328, 330, 658
Հոթուր	467
Հոթուրբուլաղ	295
Հոտարա	32
Հրիմ	56, 93, 106, 348, 354
Հումուրի թաղ.	20
Ճայա	627
Ճապոնիա	331, 484
Ճարա	700
Մագրա	39
Մալաթիա	394, 397
Մալիբուր	27
Մակեդոնիա -	354, 435, 439, 573, 709, 710
Մակու	463, 466, 701, 702
Մաչուս	700
Մամանյու (թաղ.)	23
Մանագիկոս	413
Մանիսա	225
Մամանա	699
Մամրակ	627
Մարաղա	144
Մարաշ	388, 389
Մարզավառ	696
Մարիաշիֆե (թաղ.)	511
Մարմարա ծով	225
Մարոկկո	713
Մարսի	132, 224
Մարիապոլս	32
Մեգրեիլիա	294
Մեդինա	706, 708
Մեծ քաղաք տես թիֆլիս	
Մեհրապուր	34
Մերձավոր Արևելք	108, 283, 649, 705
Մերձբայթիկա	301
Մեղրի	644
Մեղրի	29, 38, 40
Մեյրան	13
Մենավոր տես թաղիքի վանք նույն նախավկա վանք	
Մեշիսեղ	662
Մեսոպոտամիա	705
Մերվ	56
Մետեխի բանտ	328, 329
Մեքսիկա	340
Մեքքա	706, 708
Միթանդոր	32
Միլան	449
Մինարեթ	129
Մինչիվան	32
Միջագետք	461
Միջերկրական ծով	161, 296, 350, 705
Միջին Ասիա	53
Միրզաշան	463

Մոկաց զավառ	423
Մոկա	386, 413, 422, 460, 513
Մոկուսք	413
Մոլեռ	45
Մոսկվա	41, 93, 102, 190, 259, 304-306, 309, 417, 517, 570, 686
Մոսուն	230, 389
Մոսկան	413
Մրգաստան	188, 463, 513, 535
Մուշ, Մյո աշխարհ, Մյո քաջտ	225, 370, 386, 387, 393-395, 404, 410, 412, 413, 418, 419, 422, 424, 428, 513, 521, 567, 568, 631, 638, 638-646, 648, 717, 727
Մուրատիպուր	31
Յայլի	15
Նագարավա	463
Նայրանդ	187, 513, 514, 470, 592
Նախիվան (Հին Նախիվան)	10, 15, 40, 44, 48, 56, 57, 68, 75, 113, 289, 463, 681
Նախիվանի	26, 51, 53
Նաճաղե	304
Նաճարյր	406
Նեբրեին Գյալալու	31
Նեբրեին Իմազլու	32
Նեբրեին Հանդ	32
Նեբրեին Հարաչինան	31
Նյու Յորք	161
Նյուվադի	30
Նորադուզ	386
Նոր Բայազետ	251, 289, 301
Նոր Մեքսիկա	340
Նոր Նախիվան	187, 417, 513, 514, 570
Նորվեգիա	440
Նուբիա	261
Շաբադին	38
Շահայի	285, 306
Շահարթիկ	36
Շահրուզ	674
Շամ	127, 128, 187, 192, 466, 507, 508, 513, 564
Շամախի	68
Շամք	45
Շամուղ	282, 284, 285, 322
Շամչադին	311
Շապին-Գարահիսար	143, 146
Շատախ	386, 460, 513
Շարուր	47
Շաքարյու	54
Շաքարյազի	700, 702
Շեյլի	26
Շեյթան-քաղաք թաղ.	22, 23
Շենլեք	646
Շիկանոզ	32, 38
Շինաբաղ	695
Շինուհայր	54
Շիշմախ	295

Շիշկերտ	38
Շիվանիձոր	30
Շիրազ	662, 692
Շիրակ	151
Շիսեբ	26
Շհար	13
Շհար-չայ գետ	698
Շոթանանու	32
Շոտլանդիա	79, 342
Շորապալ	295, 627
Շվեդիա	440, 441
Շվեյցարիա	54, 79, 128, 144, 146, 244, 246, 359, 437, 440, 492, 674
Շտուտգարտ	347, 636, 637
Շուվալիբ	323, 324
Շուշի	6, 7, 11, 16-20, 22, 25-27, 39, 40, 43, 51, 53, 113, 159, 187, 213, 225, 245, 246, 261, 272, 276, 513, 622
Շուշիքենդ	19
Շուքիար	27
Ըտնջուր	425
Չաթինդաղ	8
Չափնի	31
Չինաստան	650, 689
Չլդիր	425
Չխուրի	425
Չուլլա	32
Պաթմանի կամուրջ	423
Պաղեստին	575
Պալլու	644
Պատիժուան	421
Պարսից ծոց	656
Պարսկաստան	32, 39, 69, 74, 75, 106, 122, 129, 144, 172, 207, 420, 452, 453, 461, 466-468, 479, 494, 509, 566, 579, 600, 620, 625, 629, 650-652, 654-659, 660-669, 671-675, 676-698, 700-702, 704, 706, 713, 722, 726
Պեխ (Քեխ)	30, 33
Պետերբուրգ (Սանկտ-Պետերբուրգ)	16, 41, 46, 66, 92, 93, 95, 99-103, 108, 110, 118, 164, 190, 207, 259, 289, 302, 325, 327, 418, 419, 560, 570, 632, 686
Պիշերի	422
Պովոդով	494, 498, 503
Պյատիգորսկ	41
Պովոլոն	94, 301
Պոտրուս	394
Պորոնինո	336
Պոդոլ	463
Պուլյանբի	405, 413, 425
Ջալալովի	301, 323, 324
Ջամալավա	700
Ջավաղ	51
Ջեբրաիլ	32
Ջիրբու	32

Ջիբրալտ	648
Ջիբրալտ	700
Ջիվանչի	43, 261
Ջրաբերդ	465, 466, 513, 514
Ջուլֆա	463
Ջուլա	674
Ջուճան	32
Թեյա լեռ	498
Թեյա վանք	498, 500, 502
Թեյա	144, 674, 680, 692
Թիգա	365
Թիլիսիք	423, 513
Թորոմետ	501
Թոստով	190, 578, 579
Թումինիա	172, 331, 650
Թուշուկ	134, 148, 440
Թուսական կայսրություն տես Թուսաստան	
Թուսաստան, Թուսական Հայաստան, Թուսաց Հայաստան, Կովկասյան Հայաստան տես Արևելյան Հայաստան	
Թուսաստան	5, 6, 8, 46, 56, 61, 65-67, 69, 72, 75, 77, 78, 83, 84, 87-89, 91-97, 99, 102-104, 106, 108, 109, 112, 121, 131, 132, 134-139, 141, 143, 145-148, 150, 152, 154, 157, 159, 167, 168, 171, 174-176, 180-182, 184-186, 189-192, 198, 200, 206, 207, 209, 216, 219, 222, 223, 230, 235, 238, 247, 249, 258, 259, 264-267, 269, 279, 281, 283-285, 287, 288, 293, 294, 296, 298, 299, 301, 303, 304, 317, 331-336, 338-340, 343-345, 348-350, 352, 354, 356, 358-360, 362-365, 367, 371, 372, 375-379, 381, 405, 416-418, 420, 424, 426, 432, 442, 443, 453, 461, 463, 467, 468, 479, 484, 490, 493, 499, 513, 514, 516, 560-563, 570, 571, 572, 575, 592, 599, 604, 610, 618, 621, 623, 634, 645, 649, 650, 654-659, 662, 668, 673-675, 679, 683, 685, 688, 693, 694, 697, 704, 710, 713, 722, 732-734, 736, 738, 739
Ռուր	649
Սալաշու	9
Սալաշ	34
Սալմաստ	463, 465, 467, 700-703
Սալոնիկ	714
Սախալին	514
Սամաուս	726
Սայաթ-դաշ լեռ	33
Սանա բերդ	705
Սանալու	32
Սանահին	282
Սանիստ	424
Սառնա	700
Սասուն	162, 164, 187, 207, 210, 218, 370, 385, 394, 408,

412, 413, 418, 422, 424, 428, 434,	
463, 464, 470, 472, 479, 490, 493,	
503, 506, 516, 521, 546, 547, 567,	
568, 618, 620, 625, 643, 646, 648	
Սարալու	32
Սարգսյան	18
Սարիբուկյան	9
Սարիբյան	296, 297, 302, 571
Սարուստան (Կովկաս, Ռուսաստան)	192
Սաքսոնիա	649
Սեբաստիա	428, 467, 567, 714
Սեխստան	658
Սեյիդալար	31
Սիբիր	94
Սիզնալ	31
Սիմ	593
Սիմֆերոպոլ	151, 159
Սինոպ	726
Սիրիան	26-28, 39, 56, 546
Սիսիանյան	285
Սիրիա	705
Սյուզուբլու	44
Սյունիք	36, 39, 40, 285
Մննչություն	424
Սուլուխ	638-641, 643, 646
Սոմա	696, 700
Սոս	26
Սովուշուկյան	700
Սորբ	422
Սոֆիա - 165, 235, 238, 494, 495, 498, 500,	
502, 513, 520, 586, 587, 611, 616, 710	
Սպահան	653, 674, 690, 693
Սպաղանք	506
Սպայից վարժարան	496
Սպարկեսո	387, 413, 422
Սվազ	225, 394, 396, 726
Ստավրոպոլ	514
Ստոկհոլմ	307, 308
Սրաչեն	32, 38
Սուլավ	700, 702
Սուրաբու	34
Սուրմայու	6, 13-15, 68, 301
Սևանա լիճ	94
Սևաբար	45
Սև ծով	56, 143, 144, 159, 225
Սև քաղաք տես Բաբու	
Վաղարշապատ տես Էջմիածին	
Վան	121-125, 127, 130, 225,
370, 386-388, 394, 396, 412, 413,	
421-423, 426, 437, 469, 470, 507,	
509, 513, 631, 648, 701, 727, 728	
Վան-Վասպուրական	121, 123, 125,
129, 130, 508	
Վառնա	587
Վասպուրական	123, 129, 187,
192, 225, 386, 402, 422, 428, 460, 462,	
463, 466, 470, 507, 511-513, 516, 564,	
566-568, 593, 600, 626, 628, 631, 727	
Վարանդա	8, 18, 52, 56

Վարդաբլուր	301
Վարդենիս	425
Վարդո	463
Վեզուվ	62
Վերին Գյալալու	31
Վերին Իմազլու	32
Վերին Ղարաչիման	31
Վերին Ղափան	29
Վերնաչեն	593
Վերտոն	448
Վիեննա	128, 208, 507, 509,
511-513, 515, 519, 530, 535-537,	
564, 565, 585, 587, 615, 618, 652	
Վիտոլ լեռ	494
Վլադիկավկազ	25, 513
Վյուրտեմբերգ	649
Վոլոգդա	143
Վրաստան - 58, 95, 141, 188, 271, 283, 301	
Վրեժ	188, 466, 467, 513
Վրեժստան տես Ատրպատական	
Տաթև	10, 28, 39, 47
Տանկաստան տես Թուրքիա	
Տանկահայաստան, Տանկական Հայաստան	
տես Արևմտյան Հայաստան	
Տանձաթափա	32
Տանձավեր	28, 33
Տանձատափ	28
Տաշքենդ	56
Տատրազում	424
Տարազու	31
Տարոն	187, 370, 394,
408, 415, 470, 568, 643, 646, 648	
Տափիկ	389
Տեխաս	340
Տեկոս	627
Տիգրանակերտ	172, 387, 388, 412
Տիրոլ	509, 512
Տոլբաթլի լեռ	9
Տոլբու	26
Տոլ	53
Տոմ	424
Տոմսկ	288, 306
Տորի	421
Տրապիզոն	129, 387, 388, 398, 467,
514, 553, 714, 717, 719, 725-727	
Տրիպոլիս	143, 155
Տուլա	467
Տուրուբերան	415
Յրոնք	639, 644
Ուելս	342
Ուզնի	696
Ուկրաինա	301
Ուչնի	700
Ուշանիս	38, 39
Ուրմիս	130, 144, 466, 695-703
Ուրմիս լիճ	695, 697, 700

Փանիկ	15
Փայալուկ	700
Փայագերան	695
Փասափա	77, 144-146,
Փարիզ	148, 149, 151, 156, 157, 159, 160,
171, 180, 183, 353, 364, 428, 431,	
434, 442, 446, 516, 598, 650, 666	
Փարիջան	34
Փեթար	425, 646, 647
Փելովա վանք	501, 502
Փիրրավուրան	38
Փիրլիվան	32
Փոզորկով	424
Փոքր Ասիա	172, 366, 444, 455, 729
Փոքր Հայք	144
Փոլ	27
Փուրխուտ	39
Փուրուզլու	34
Քաշրիզ	700
Քաջարան	38, 39, 327
Քարապուխ	25
Քարահունջ	292
Քարիանա	31, 32
Քարձոր	424
Քերիմբեկլու	32

Քիրմանյահ	692
Քյաթուկ	52
Քուլագերան	282
Քուլու Նշալ	32
Քուրանի	700
Քրիկենց	39
Քուսթայիս	5, 112, 311
Քուրդստան (Քուրդիստան)	697, 702
Օդեսա	500
Օխիզ	38
Օխիզ ձոր	38
Օխիզ գետ	38
Օսմանյան կայսրություն տես Թուրքիա	
Օրբա	700
Օրդաբլու	32
Օրդու	144
Օրդուբադ	681
Օրյուլ	467
Փարաստան	658
Փիլիպե	498, 501
Փինյանդիս	141, 176, 181, 733
Փլորիդա	340
Փրանսիա	171, 331, 340, 349, 350,
354, 432, 434, 440, 441, 446,	
448-451, 453, 490, 541, 649	

ԲՈՎԱՆԴԱԿՈՒԹՅՈՒՆ

ԳԼՈՒԽ ՈՒԹԵՐՈՐԴ
Թուրք-հայկական ընդհարումների ավարտը և հետևանքները ----- 5-98

ԳԼՈՒԽ ԻՆՆԵՐՈՐԴ
Գոլիցինյան հայահալած քաղաքականությունից հրաժարվելու
ակնհայտ միտումներ ----- 99-119

ԳԼՈՒԽ ՏԱՄՆԵՐՈՐԴ
Գաղափարական այերախումներ և կազմակերպական խառնաշփոթություններ
հայ ազգային կուսակցություններից ներս ----- 120-278

ԳԼՈՒԽ ՏԱՄՆՄԵԿԵՐՈՐԴ
Հայ սոցիալ-դեմոկրատների գործերը ----- 279-384

ԳԼՈՒԽ ՏԱՄՆԵՐԿՈՒԵՐՈՐԴ
Թուրք-քրդական հարստահարումների սաստկացումը Հայաստանում:
Ինքնապաշտպանության ամրապնդման հրամայականը ----- 385-509

ԳԼՈՒԽ ՏԱՄՆԵՐԲԵՐՈՐԴ
Հ.Յ. դաշնակցության չորրորդ ընդհանուր ժողովը և ներկուսակցական
ճգնաժամի հաղթահարումը: Անդրկովկասի ամենաուժեղ քաղաքական
կազմակերպությունը ----- 510-637

ԳԼՈՒԽ ՏԱՄՆՁՈՐՍԵՐՈՐԴ
Ֆիդայական շարժման մայրամուտը ----- 638-648

ԳԼՈՒԽ ՏԱՄՆՀԻՆԳԵՐՈՐԴ
Ռուսական մեծ հեղափոխության արձագանքները Անդրկովկասին սահմանակից
երկրներում և հայերը ----- 649-731

ՀԱՎԵԼՎԱԾ ----- 732-740

ԱՆՁՆԱՆՈՒՆՆԵՐ ----- 741-750

ՏԵՂԱՆՈՒՆՆԵՐ ----- 751-759

Գրքի երկրորդ հատորի տպագրությունը
հովանավորել են լուսանջելեսարնակ

ՀԱՍՄԻԿ ՍԻՄՈՆՅԱՆԸ
և
ԱՐՄԵՆ ԲԱԿԱԼՅԱՆԸ:



Գիրքը տպագրվել է ԳԱԱ տպարանում: